



MARTINI  
**BONACINÆ.**

S. THEOLOGIAE, ET I. V. D.

**Comitis Palatini, & vtriusq; signaturæ  
Referendarij Apostolici,**

*Operum omnium de Morali Theologia,  
qua tribus Tomis continentur,*

**Compendium præ ceteris, quæ hæcenus in lucem  
edita fuere absolutissimum,**

OMNIBVS CVRAM ANIMARVM  
gerentibus apprimè vrile.

NVNC PRIMVM IN ITALIA PRODIT IN LVCEM  
Auctore

**IOANNE DE LA VAL BELGA**

Sacrae Theologiae Doctore.

*Eremitari  
Camaldulensis  
Iulæ Vigrensis*



VENETIIS, Apud Iuntas. M.DC.XXXV

CVM PRIVILEGI

SA

P.

Con

**T**

cero

actio

huius

vbis

istud

TIN

In ob

lia ali

me fa

sare co

Qu

est: a

quis s

obscu

decus

elucub

Bien. J. IV. 15



SAPIENTISS. VIRO ADMOD. REVER. P.

Et Patrono Colendiss.

P. LEONARDO PRIOLO

CARMELIT. S. THEOL. MAGIST.

Commis. Generali, & Terræ Sanctæ Prouinciali  
Vigilantiss. F. P. P.

**I**n multumq; mecum ipse animo, & sollicita  
quadam externi conatus vigilantia per-  
pendi, Ampliss. & Admod. Reuer. P. qua  
ratione eam, quam Tibi venerationem sen-  
cero intrinseca mentis cultu voueram, aliqua exterioris  
actionis demonstratione patefacerem. Sed mihi hætenus  
huius mea in Te seruitutis aperienda defuere Vires, creuit  
vbique id assequendi animus. Sic eo motu allectus, cum  
istud optimi & eruditi Authoris in Moralem MAR-  
TINI BONACINÆ Theologiam Compendium mi-  
hi oblatum fuisset, & Typis nouiter nusquam in Ita-  
lia alibi visum committeretur, rem non omnino ingratam  
me facturum esse iudicaui, si Ampliss. Virropera Tibi di-  
care contenderē, eoq; indicio quod dudum auide cupiebam,  
& cupide auebam ostenderem. Rei agenda occasio data  
est; actionem augendi mei in Tuam Paterinitatem obse-  
quijs suscepi, susceptam humiliter consecraui, consecratam  
obtuli. Nec dedecet, vt spero, Tuam, quam ob modestiæ  
decus prætereo Nobilitatem Sacrarum Virtutum sacrata  
elucubratio. Tu enim optimus Tibi, alijsq; Testis, quam



*dulces esca sint vera Nobilitati Virtutes, & quam con-  
venientia praeclarissima stirpi religionis ornamenta. Te-  
stes etiam oculari de Te sunt alij, quantum PRIOLO-  
RV M Illustriss. germen meritis Carmelitarum Ordo ce-  
lebre, & quantum illud sollicita sua Virtutis vigilantia  
& probata morum integritate istum exornet. Vti igitur  
Nobilitatem Religioni consecrasti, & Religio Tibi pra-  
conia vouit, vota soluit, soluta dignissimis onerum &  
honorum gradibus extollit; sic eandem Laudum con-  
iunctionem omnes in Te suspiciunt, praedicant, veneran-  
tur. Nec de vero virtutum cum Religione vinculo dubi-  
tare puto quempiam, qui Te Carmelitam, Magistrum,  
Commissarium Generalem & Terrae Sanctae Prouin-  
cialem nouerit. Est in oculis, est in manibus, est in ore om-  
nium praeclara tuorum meritorum laudatio, quam si, non  
dicam ornandam, sed dicendam, suscipere impossibile me  
tentare satis nimia mearum virium Imbecillitas compro-  
baret. Quod igitur calamus scribere nequit, mens tacita  
recolit veneratione, Teq; vnum orat, vt infirmum meae  
in te obseruantiae conatum eo, quo tibi offertur, respiciens  
animo, aequi boniq; consulas. Interim Deum precor Opt.  
Max. vt tuae Nobilitatis splendorem conseruet, Religio-  
nis celebritatem augeat, Virtutum famam immortalita-  
ti consecret, & quae tandem summis debentur meritis  
Tibi vni meritorum Phoenici elargiatur. Vale*

*Dat. Venet. Kal. Augusti M. DC. XXXV.*

*Tuae Paternitatis Ampliss.*

*Seruus humillimus  
Ioannes Maria Turritius.*



A V C T O R  
CANDIDO LECTORI

S. P. D.

**L**ORIFERIS vt apes in saltibus  
omnia libant, omnia nos itidem ex  
vniuersa BONACINÆ mo-  
rali Theologia excerptimus planè  
aurea pronuntiata, & in vnum veluti alueolum  
congeffimus, vnde tibi (Candide Lector) pura,  
putaque mella, è suis fauis exempta propinamus.  
In duos quidem priores eiusdem auctoris To-  
mos, geminum vidi Compendium, alterum Ric-  
cij, Goffardi alterum, non eo sanè consilio vt eo-  
rum vestigiis insisterem, sed vt quæ utrique de-  
essent, supplerem. Nam dum breuitati student,  
vtriusque accuratam alioquin diligentiam mul-  
ta fugerunt scitu dignissima, omnibusque fori  
interni iudicibus apprimè necessaria, quæ hìc  
pertractata inuenies ea perspicuitate quam



Compendij angustia patiuntur, additis vbique,  
præcipuarum rationum momentis, ne quid te-  
merè dici, aut gratis affirmari videatur. Deni-  
que ne quid ad perfectionem Operis desiderari  
posset, meram tertij Tomi (qui est *De Censuris*  
*singillatim*) medullam delibauì, & in vnum cor-  
pus compegi. Hoc igitur quidquid est opellæ,  
mi Lector, boni consule, & fruire. Vale.



# SERIES TITVLORVM

SEV

## INDEX SVMMARIVS

huius Operis.

A.



**BORTVS.** pagina 1.

*Abortum procurantes.*

*ibid.*

*Absolutio à cēsuris.* p.2.

*Absolutus in censuram*

*reincidens.*

*ibid.*

*Absolutio à cēsuris Bulla Cēna.* p.3.

*Acedia.*

p.5.

*Adiuratio.*

p.5.

*Adoratio quid & quoruplex.*

p.7.

*Adulterium.*

p.8.

*Advocatus.*

p.9. & 10.

*Agnus Dei.*

p.10.

*Appellatio, Appellans.*

p.11.

*Appellantes ab ordinationibus Pa-*

*pa quas pœnas incurrant.*

*ibid.*

*Assassini.*

*ibid.*

*Asscuratio.*

p.12.

B.

**B**aptismus.

*Baptismus quid & quoruplex.*

pag.13.

*Baptismi necessitas.*

*ibid.*

*Baptismi materia.*

p.14.

*Baptismi forma.*

p.18.

*Baptismi minister.*

p.16.

*Baptismo quis imitandus.*

*ibid.*

*Beguini, seu Bilechi.*

p.21.

*Beguina.*

p.22.

*Bellum.*

*ibid.*

*Beneficium, Beneficiarius.*

*Fructuum beneficij dominium &*

*dispositio.* pag.25. *Vide Simonia.*

*Beneficiariosum residentia.* p.27.

*Bestialitas.*

p.30.

*Blasphemia.*

*ibid.*

*Bulla Cēna.*

p.32.

*Bulla Cēna publicatio.*

p.33.

*Bulla transumptum.*

*ibid.*

*Bulla observatio.*

p.34.

C.

**C**ambium, Campsor.

34.

*Cardinalis.*

*Cardinales in conclavi.*

p.37.

*Cardinalium violatores.*

*ibid.*

*Cardinaliū bona occupantes.* p.38.

*Cardinales consistorij secreta reue-*

*lantes.*

*ibid.*

*Censura.*

*Censura quid & quoruplex.* p.39.

*Censura a quo ferenda.*

*ibid.*

*Censura propter quid ferenda.* p.40.

*Censura in quē ferenda.* p.42. & seq.

*Cēsurā quomodo ferēda.* p.44. et seq.

*Censura finis & effectus.*

p.47.

*à Censurā incurrenda quā causa*

*excusent.*

p.48.

*à Censuris absolvere q̄s possit.* p.50.

*forma absolutionis à Censurā.* p.52.

*Census.*

*contractus Census sit ne licitus &*

*quomodo.*

p.55. & seq.

*Cessatio à divinis. Quid & quoru-*

*plex sit.*

p.59.

*Cessatio à quo, quomodo & cur fe-*

*renda.*

*ibid.*

*Cessationis à divinis effectus.* p.60.

# INDEX TITVL.

Charitas.  
Charitas in Deū & in proximū. p.61  
Oaium in Deum, & proximum. p.63  
Chorus.  
Assistentia in Choro. p.64  
Clericus. p.65  
Clericorum percussores. p.66  
Clericorum percussor à quo absol-  
uendus. p.68  
Clericorum excommunicationes nō  
reseruatae. p.69  
Clericorum excommunicationes  
Papae reseruatae. p.71  
Clericorum suspensiones. p.72. et seq.  
Commodatum. p.75  
Concubinatus. p.76  
Confessio Sacramentalis.  
Confessionis necessitas. p.77  
Confessio per nuntium. ibid.  
Confirmatio quid. p.78  
Confirmationis necessitas & mini-  
ster. ibid.  
Confirmationis materia & forma.  
ibid.  
Confirmationis effectus, & subie-  
ctum. p.79  
Conseruator. ibid.  
Contractus quid & quoruplex. p.80  
Contractus quis validus, quis inua-  
lidus. p.82. & seq.  
Contractum quis inire possit. p.87  
Restitutio in integrum. p.89  
Conrumelia. p.90  
Correctio fraterna. p.91

## D

**D**ecima.  
Decima qd & quoruplex. p. 93  
Decima quāto & ubi soluēda. p.95  
Decimarum soluendarum obliga-  
tio. ibid.  
Degradatio. p.96  
Denunciatio.  
Ad Denunciationem quānam obli-  
gentur. p.98

Quānam sint denuncianda. p.99  
Denunciatio quādo faciēda. p.100  
Denunciatio hereticorum. p.101  
Denunciatio Confessarij penitēte  
ad turpia sollicitantis. ibid.  
Deposum. p.102  
Derisio. p.103  
Detractio quid & quoruplex. p.104  
Detractio quando sit peccatum  
mortale. pag.105. & seq.  
Detractio quando obligat ad resti-  
tutionem. p.108  
Discordia. Contentio. p.110  
Dispensatio.  
Cuius sit dispensare. ibid.  
Ad Dispensationem quae conditio-  
nes requirantur. p.111  
Dispensatio quae valida, quae inua-  
lida. p.102. & seq.  
Dispensationis expensae ad quem  
pertineant. p.116  
Distributiones.  
Distributiones faciēda assistenti-  
bus in choro. p.117  
Conditiones requisitae in eo qui ad  
Distributiones admittendus est.  
pag. 118  
Ad quos pertineat ius percipiēda-  
rum Distributionum. ib. & seq.  
Distributiones absentium quibus  
debeantur. p.128  
Diuinatio. Diuinator. p.129. & seq.  
Donatio.  
Donatio quid sit. p.131  
Quis quid donare possit. p.132. & s.  
Donationis insinuatio. p.136  
Dos.  
Quid & quoruplex sit dos. p.138  
Cuius sit dos em constituere. p.139  
An vir teneatur uxorem alere  
sine dote. 140  
Ad quem pertineant fructus dotis.  
pag. 141  
Cum dos pereat vel acquiratur. ib.  
Do-



*Dotalia, & paraphernalia bona*  
qui differant. p.143

*Quas ob causas vxor priuetur do-*  
*te.* ibid.

*De hypotheca vxoris in bonis ma-*  
*riu cū privilegio p̄lationis.* p.144

*Dubium.* p.145

*Duellum.* p.146

*Duellantium poena.* p.147

E

**E***cclēsia.*

*Ecclesiā libertas.* p.149. et seq.

*Decreta contra Ecclesiasticam li-*  
*bertatem.* p.153. & seq.

*Ecclesiastica iurisdicctio.* p.156. & 57

*Ecclesiasticorum bonorum aliena-*  
*tio.* p.159. & seq.

*Ecclesiasticorum bonorum usurpa-*  
*tio.* p.162

*Ecclesiasticorum bonorum submis-*  
*sio.* p.164

*Ecclesiastica immunitas ab oneri-*  
*bus.* p.165. & seq.

*Ecclesiastica exemptio a foro secu-*  
*lari in causis criminalibus.* p.169

*Ecclesiarum effractio, & spoliatio*  
*pag.* 171

*Ecclesiarum lapides.* p.172

*Ecclesiarum immunitas.* ibid.

*Quānam Ecclesiarum immunita-*  
*te non gaudeant.* p.175

*Ecclesiarum immunitatem viola-*  
*tes qbus poenis afficiātur.* p. 177

*Ecclesia Tolosana.* p.178

*Electio. Elector.* ibid.

*Electio officialiū urbis Roma.* p.179

*Electio Episcopi seu curatoris ani-*  
*marum.* ibid.

*Eleemosyna.* p.181

*Emphyreusis.*

*Quid & quorūplex sit Emphyreu-*  
*sis.* p.181

*Conditiones ad emphyreusim requi-*  
*sitæ.* p.183. & seq.

*Emprio, & venditio.*

*Quid sit emptio & venditio.* p.183

*Quānam vendi possint.* p.185

*Emprio cū pacto retrouēdēdi.* p.187

*Quā res vēat vel emi possit.* p.189

*Monopolia sine licita.* p.191

*An vitia rei vendenda sint aperie-*  
*da.* p.197

*Cuius sint fructus rei vēditæ.* p.198

*In venditione cui res pereat.* p.200

*In Empiricne quis teneatur de cui-*  
*ctione.* p.201

*Episcopus.*

*Contra Episcopos excomm.* p.203

*Contra Episcopos suspēiones.* p.204  
& seq.

*Eucharistia quid.* p.208

*Euchar. necessitas, & unitas.* ibid.

*Eucharistia materia.* p.209.210

*Eucharistia forma.* p.211

*Eucharistia effectus.* p.213

*Eucharistia minister.* p.214

*Eucharistia susceptio.* p.215. et seq.

*Excommunicatio*

*Quid & quorūplex sit excomm.* p.219

*Effectus excommunicati maioris.* p.220

*An excommunicatus valide mini-*  
*stret Sacramenta.* p.222

*An excommunicatus priuetur re-*  
*bus sacris, & sepultura.* p.223

*An excommunicatus sit inhabilis*  
*ad beneficia.* p.225

*An excommunicatus priuetur iu-*  
*risdicctione.* p.227

*An excommunicatus priuetur cō-*  
*uersatione humana.* p.228

*An excommunicatus priuetur cō-*  
*municatione in foro civili.* p.229

*Excommunicatio minor.* p.230

*Excommunicatio ab homine pro-*  
*prie quā ferenda.* p.231

*Excommunicatio contra vexantes*  
*excommunicationum latores.* p.



# INDEX TITVL.

- Cum excommunicato non partici-  
 pandum. *ibid.*  
 Excommunicatus per seuerā. *ibid.*  
 Excommunicatio sine admonitione  
 prauia. *ibid.*  
 Excommunicatio sine solemnitate.  
 pag. 234  
 Extrema vnctio. p. 235.  
 Extrema vnctionis materia, &  
 forma. *ibid.*  
 Extrema vnctionis minister. p. 236  
 Extrema vnctio cui conferenda. *ib.*  
 Extrema vnctionis effectus. p. 237.  
 F  
 Fabrica S. Petri. p. 238.  
 Falsificatio litterarum Aposto-  
 licarum. *ibid.*  
 Falsificantium poena. *ibid.*  
 Falsae litterae Apostolicae non reti-  
 nenda. p. 239  
 Falsificatio monetae. p. 240  
 Festum. *ibid.*  
 Cuius sit dies festos instituire. *ibid.*  
 In die festo à quibus operibus absti-  
 nendum. p. 241  
 Causae excusantes opus seruile in  
 die festo. p. 243  
 Feudum.  
 Quid & quoduplex sit Feudū. p. 244  
 Quis Feudum dare aut accipere  
 possit. p. 245  
 Conditiones Feudi. p. 246  
 Quid in Feudum dari possit. p. 247  
 Ad quid Feudatarius obligetur. *ib.*  
 Cur Feudatarius Feudum amit-  
 tat. p. 248  
 Quis sit index causae feudalis. *ibid.*  
 Fideiussio. p. 249  
 Fides.  
 Quid sit fides. 250  
 De fidei necessitate. p. 251. & seq.  
 Communicatio cum infidelibus. 253  
 Species infidelitatis. *ibid.*  
 Libertas Religionis an permitten-  
 da. p. 254  
 Fiscus. p. 155  
 Quenam pertineat ad fiscum. p. 155  
 Alienatio bonorum in fraudem fi-  
 sci. p. 257  
 Femina.  
 Femina ad religionem non cogen-  
 da. p. 258  
 Femina à religione non retrahen-  
 da. p. 259  
 Femina ad testimonium ferendū  
 non cogenda adiudicium. *ibid.*  
 Fornicatio. 260  
 Frumentum. *ibid.*  
 Furtum. p. 261  
 Furtum filii familiās, uxoris, reli-  
 giosi, & famuli. p. 263  
 G  
 Gabella. Pedagogium. Portorium.  
 pag. 264  
 Gabella ius cui competat. *ibid.*  
 Restitutio ob defraudata vestiga-  
 lia. p. 265  
 H  
 Haeresis. Haereticus. p. 266  
 Haereticorum poena. 267  
 Haereticorum fautores. *ibid.*  
 Haereticorum libri. *ibid.*  
 Homicidium.  
 Quinam licitè occidi possunt. p. 268  
 An licita sit mutilatio. p. 270  
 Innocens an occidi possit. *ibid.*  
 An liceat alium occidere ad sui de-  
 fensionem. p. 271. & seq.  
 Restitutio propter homicidium fa-  
 cienda. p. 273  
 Hora Canonica.  
 Horarum canonicarum definitio,  
 institutio, numerus. p. 275  
 Quinam teneantur horas canoni-  
 cas recitare. *ibid.* & seq.  
 In horis canonicis recitandis quid  
 obseruandum. p. 278. & seq.  
 Hora canon. quando recitanda. p. 282  
 Hora



# ET SUMMAR.

|   |               |   |               |
|---|---------------|---|---------------|
| <i>Hora canonica ubi recitanda.</i>                     | p.283         | <i>Causa irregularitatis.</i>                     | ibid.         |
| <i>Hora canonica quo habitu &amp; situ recitanda.</i>   | ibid.         | <i>Irregularitas ex defectu.</i>                  | p.315. & seq. |
| <i>Hora canonica quo fructu recitentur.</i>             | p.284         | <i>Irregularitas ex bigamia.</i>                  | p.317         |
| <i>Restitutio propter horas canonicas pretermittas.</i> | ibid.         | <i>Irregularitas ex delicto.</i>                  | p.318         |
| <i>Causa excusantes ab horis canonicis recitandis.</i>  | p.285         | <i>Irregularitas ex homicidio.</i>                | p.319.        |
|   |               |   | & seq.        |
|   |               | <i>Irregularitatis dispensatio.</i>               | p.322         |
|   |               | <i>Index. Iudicium.</i>                           |               |
| <b>I</b>  |               | <i>Iudicis iurisdicctio.</i>                      | p.323         |
| <i>Dololarria.</i>                                      | p.287         | <i>Iudicis veritas.</i>                           | 324           |
| <i>Ieiunium.</i>  |               | <i>Forma iuris à Iudice seruanda.</i>             |               |
| <i>Quid sit ieiunium.</i>                               | p.288         |   | pag. 325      |
| <i>A quibus cibis abstinendum.</i>                      | ibid.         | <i>Iudicium Ecclesiasticorum suspensio.</i>       | pag. 327      |
| <i>An unica refectio sumenda.</i>                       | p.289         | <i>Iudicium temerarium.</i>                       | p.328         |
| <i>De hora refectiois.</i>                              | p.291         |   |               |
| <i>Quo iure ieiunandum sit.</i>                         | ibid.         | <i>Iuramentum.</i>                                |               |
| <i>Quinam teneantur ieiunare.</i>                       | ibid.         | <i>Quid &amp; quotuplex sit iuramentum.</i>       |               |
| <i>Causa à ieiunio excusantes.</i>                      | p.292         |   | pag. 329      |
| <i>Imago.</i>   | p.293         | <i>Conditiones iuramenti.</i>                     | p.330         |
| <i>Incendiarius.</i>                                    | ib.           | <i>Materia iuramenti.</i>                         | p.331         |
| <i>Incestus.</i>  | p.294         | <i>Iuramentum fictum.</i>                         | p.332         |
| <i>Indulgentia.</i>                                     |               | <i>Iuramentum dolo aut metu extortum.</i>         | ibid.         |
| <i>Indulgentia. quid &amp; quotuplex.</i>               | p.295         | <i>Quis possit iurare.</i>                        | ibid.         |
| <i>Indulgentias quis concedere possit.</i>              | ibid.         | <i>Iuramentum amphibologicum.</i>                 |               |
|   |               |   | pag. 333      |
| <i>Indulgentiarum suscepror.</i>                        | p.296         | <i>Iurandi consuetudo.</i>                        | p.334         |
| <i>Indulgentia pro defunctis.</i>                       | p.298         | <i>Obligatio iuramenti.</i>                       | ibid.         |
| <i>Indulgentiarum valor.</i>                            | p.299         | <i>Excommunicatio contra exigentes iuramenta.</i> | p.336         |
| <i>Infidelis.</i>                                       |               |   |               |
| <i>Infidelium fautores.</i>                             | p.300         |   |               |
| <i>Inquisitio. Inquisitores.</i>                        | p.302         |   |               |
| <i>Interdictum.</i>                                     |               |   |               |
| <i>Quid, &amp; quotuplex sit interdictum.</i>           |               |   |               |
|   | pag. 304      |   |               |
| <i>Interdicti effectus.</i>                             | p.305. & seq. |   |               |
| <i>Interdictum violantiu poena.</i>                     | p.308         |   |               |
| <i>Interdicta personalia.</i>                           | p.309         |   |               |
| <i>Interdicta localia.</i>                              | p.311         |   |               |
| <i>Relaxatio ab interdicto.</i>                         | ibid.         |   |               |
| <i>Inuidia.</i>   | p.312         |   |               |
| <i>Irregularitas.</i>                                   |               |   |               |
| <i>Quid, &amp; quotuplex sit irregularitas.</i>         | p.313         |   |               |

## L

|          |  |   |               |
|----------|--|---|---------------|
| <b>L</b> |  | <i>Aicus.</i>   |               |
|          |  | <i>Ad laicam potestatem recurrentes.</i>                          | p.336. & seq. |
|          |  | <i>Laicus Index ad se causas auocans ab Ecclesiastico Iudice.</i> | p.339. & seq. |
|          |  |   | Lex.          |
|          |  | <i>Quid &amp; quotuplex sit lex.</i>                              | p.343         |
|          |  | <i>Quis possit legem ferre.</i>                                   | 344           |
|          |  | <i>Conditiones legis ferenda.</i>                                 | p.345         |
|          |  | <i>Circa quam materiam lex versetur.</i>                          | p.347         |

Quid-

# INDEX TITVL

|  |              |  |                  |
|--|--------------|--|------------------|
| <i>Quisnam legibus obligetur.</i>  | <i>ibid.</i> | <i>Martyrium.</i>                              | <i>ibid.</i>     |
| <i>Obligatio legis humane.</i>   | p.349        | <i>Matrimonium.</i>                            |                  |
| <i>Lex irritans.</i>   | p.352        | <i>Matrimonium quid sit.</i>                   | p.377            |
| <i>Quomodo satisfaciatur precepto, seu legi.</i>                                     | p.353        | <i>Matéria, &amp; forma huius Sacramenti.</i>  | p.378            |
| <i>Legis abrogatio.</i>  | p.354        | <i>Matrimonium inter absentes.</i>             | <i>ibid.</i>     |
| <i>Libellus famosus.</i>   | p.356        | <i>Matrimonium clandestinum.</i>               | pag. 379. & seq. |
| <i>Librorum editio.</i>  | p.357        | <i>Matrimonium inualidum quomodo valideur.</i> | p.382            |
| <i>Libri Thalmud.</i>  | <i>ibid.</i> | <i>Matrimonium sub conditione celebratum.</i>  | p.383            |
| <i>Littera Pontificia.</i>   |              | <i>Matrimoniij indissolubilitas.</i>           | <i>ibid.</i>     |
| <i>Litteras Pontificias impugnantes.</i>   | pag. 359     | <i>Matrimoniij impedimenta.</i>                | p.384            |
| <i>In litteris Apostolicis nomen mentientes.</i>                                     | <i>ibid.</i> | <i>Error.</i>                                  | <i>ibid.</i>     |
| <i>Littera poenitentiarie.</i>   | p.360        | <i>Conditio.</i>                               | p.385            |
| <i>Locatio &amp; conductio.</i>  |              | <i>Votum.</i>                                  | <i>ibid.</i>     |
| <i>Quid sit locatio &amp; quæ eius materia.</i>                                      | <i>ibid.</i> | <i>Cognatio.</i>                               | p.386            |
| <i>Locator &amp; conductor ad quid obligentur.</i>                                   | p.361        | <i>Crimen.</i>                                 | p.388            |
| <i>Conductio famulorum.</i>  | p.362        | <i>Cultus disparitas.</i>                      | <i>ibid.</i>     |
| <i>Locatio quomodo finiat.</i>   | p.363        | <i>Vis seu metus.</i>                          | p.389            |
| <i>Ludus.</i>  |              | <i>Ordo.</i>                                   | <i>ibid.</i>     |
| <i>Ludus quid sit, &amp; an licitus.</i>   | <i>ibid.</i> | <i>Ligamen.</i>                                | p.390            |
| <i>Conditiones ludi.</i>   | p.365        | <i>Publica honestas.</i>                       | <i>ibid.</i>     |
| <i>Luxuria.</i>  | 366. & seq.  | <i>Affinitas.</i>                              | p.391            |
| <i>Luxuria sacrilega.</i>  | 368          | <i>Impotentia.</i>                             | p.392            |
| <b>M</b>   |              | <i>Impedimenta non dirimentia.</i>             | p.393            |
| <i>Magister. Doctor.</i>   | p.370        | <i>Cuius sit in impedimentis dispensare.</i>   | p.395            |
| <i>Magistri Bononienses.</i>   | p.371        | <i>Matrimoniij usus.</i>                       | p.396            |
| <i>Magistri ad gradum promouentes.</i>   | <i>ibid.</i> | <i>Causa diuorij.</i>                          | p.398            |
| <i>Magistratus.</i>  |              | <i>Peccata in usu matrimoniij continentia.</i> | p.399            |
| <i>Contrarietores Status Ecclesiastici excommunicatio.</i>                           | <i>ibid.</i> | <i>Ad matrimonium cogentes.</i>                | p.400            |
| <i>Contra Magistratus, &amp; Dominos temporales excommunicationes non reservate.</i> | p.372        | <i>Matrimonium illegitime contractentes.</i>   | p.401            |
| <i>Maleficium.</i>   | p.373        | <i>Mendacium.</i>                              | p.402            |
| <i>Marchia Anconitana.</i>   | p.374        | <i>Missæ sacrificium.</i>                      |                  |
| <b>MARIA VIRGO.</b>  |              | <i>Missæ nomen, &amp; essentia.</i>            | p.403            |
| <i>B. Maria conceptio immaculata.</i>  | pag. 375     | <i>Missæ effectus.</i>                         | p.404            |
|  |              | <i>Missæ sacrificij minister.</i>              | p.405. & seq.    |
|  |              | <i>Missæ defectus.</i>                         | p.411            |
|  |              | <i>Missæ auditio.</i>                          | p.413            |
|  |              | <i>Mortalis.</i>                               |                  |



ET SVMMAR.

*Monialium visitatio.* p.415  
*Monialium electio.* p.416  
*Monialium clausura.* *ibid.* & seq.  
*Mutuum.* p.422

N  
*Naufragus.* p.423  
*Notarius.* p.425  
*Nuncius Apostolicus.* *ibid.*

O  
*Oblaro.* p.426  
*Observatio vana.* p.427  
*Ordo.*  
*Ordo quid & quoruplex.* p.428  
*Sacramenti Ordinis materia, & forma.* p.429  
*Ordinis minister.* p.430  
*Sacramenti Ordinis subiectum capax.* p.431  
*Sacramenti Ordinis effectus.* p.432  
*Ordinum susceptio illegitima.* *ibid.* & seq.

P  
*Papa. Papatus.*  
*Papatum ambientes.* p.441  
*De Papa electione sponsonem facientes.* p.442  
*Summo Pont. feudum suadentes.* *ib.*  
*Papa electio Simoniaca.* p.443  
*Papa electio contra formam.* *ibid.*  
*In electione Papa obseruanda.* p.444  
*Parentes.*  
*Honor parentibus exhibendus.* *ibid.*  
*Parentes quid filijs debeant.* p.445  
 & seq.  
*Peccatum.*  
*Peccatum originale.* p.448  
*Peccatū actuale & habituale.* p.449  
*Peccatum mort. & veniale.* p.450  
*Quomodo peccata inter se distinguantur.* p.451  
*Peccatum contra conscientiam.* p.453  
*Peccati effectus.* p.455

*Causae excusantes à peccato.* *ibid.*  
*Pignus. Hypotheca.* p.456  
*Pirata.* p.458  
*Piratarum fautores.* p.459  
*Piratis quid prohibeatur.* *ibid.*  
*Pœnitentia virtus.* p.460  
*Pœnitentia Sacramentum quid & quàm necessarium.* *ibid.*  
*Sacramenti Pœnit. materia.* p.461  
*Sacramenti Pœnit. forma.* p.462  
*Sacramenti Pœnitentia partes.* p.463. & seq.  
*Confessionis integritas.* p.467. & seq.  
*Confessionis iteratio.* p.472  
*Obligatio ad confessionem.* p.473. & seq.  
*Satisfactio quid & quàm necessaria.* p.476  
*Pœnitentia commutatio.* p.478  
*Obligatio ad Pœnitentiam.* *ibid.*  
*Sacramenti Pœnitentia effectus.* p.479. & seq.  
*Reuiviscencia meritorum.* p.482  
*Sigillum confessionis.* *ibid.* & seq.  
*Sacramenti Pœnitentia minister.* p.485. & seq.  
*Absolutio à casibus reservatis.* p.489. & seq.  
*Pœnitentiaria, pœnitentiarius.* p.492  
*Pollurio seu mollities.* p.493  
*Prædicatorum & Franciscanorum Ordo.* p.494  
*Prælarus.*  
*Cardinalium, Episcoporum, Legatorum violatores.* p.495  
*Præscriptio.* p.497  
*Præcarium.* 99  
*Primitiæ Oblationes.* *ibid.*  
*Privilegium.*  
*Quid & quoruplex sit privilegium.* p.500  
*A quo & cui privilegium concedendum.* *ibid.*  
*Privilegij usus.* p.501  
*Privi-*



# INDEX TITVL

|   |               |   |                  |
|---|---------------|---|------------------|
| Privilegij explicatio.                              | ibid.         | Restitutio.                                   |                  |
| Privilegij j amissio.                               | p.502         | Quid sit restitutio.                          | ibid.            |
| Promissio.  |               | Obligatio ad restitutionem.                   | p.536            |
| Quid sit promissio.                                 | p.505         | Restitutio ob iussionem.                      | p.538            |
| Promissio interna & externa.                        | p.506         | Restitutio ob consilium.                      | p.539            |
| Promissio absentifacta.                             | ibid.         | Restitutio ob consensum.                      | ibid.            |
| Promissio inualida.                                 | p.507         | Restitutio ob fauorem.                        | p.540            |
| Promissio quando & ubi implenda.                    | ibid.         | Restitutio ob participationem.                | ibid.            |
| Quando promissio desinat obligare.                  | ibid.         | Restitutio ob taciturnitatem, vel omissionem. | p.541            |
| <b>Q</b> uarta Parochialis, & Episcopalis.          | p.508         | Quid sit restituendum.                        | p.542            |
| <b>R</b>  |               | Restitutio fructuum.                          | p.545            |
| <b>R</b> aptus.                                     | p.509         | Cui restituendum.                             | p.546            |
| Regalia.  | p.510         | Vbi restitutio facienda.                      | p.547            |
| Religiosus.   |               | Quando restitutio facienda.                   | ibid.            |
| Contra Religiosos excommunicationes non referuata.  | ibid.         | Quo ordine restitutio facienda.               | pag. 548. & seq. |
| Contra Religiosos habitum dimittentes.              | p.511         | Cur restitutio differri vel omitti possit.    | p.551            |
| Contra Religiosos studentes.                        | p.513         | Reus.   | p.553            |
| Contra Religiosos ad Curias Principium accedentes.  | p.514         | Romana Curia.                                 |                  |
| Contra Religiosos excommunicationes Papæ reservata. | p.516         | Ad Romanam Curiam accedentes.                 | pag. 554         |
| Religiosorum mendicantium exēptio ab oneribus.      | pag. 519      | Virtualia impediētes.                         | p.556            |
| Religiosorum suspensiones.                          | ibid. & seq.  | Recurrentes ad Romanam Curia.                 | pag. 558         |
| Religiosorum clausura.                              | p.522         | Romana Ecclesiæ iura, & bona.                 | pag. 560         |
| An liceat ab una Religione ad aliā transire.        | ibid. & seq.  | Rompere. Peregrinus.                          |                  |
| De inualida professione.                            | p.524         | Rompere. Per violatores.                      | p.561            |
| Causa reclamandi contra professionem.               | pag. 525      | <b>S</b>                                      |                  |
| Quando sit reclamandum.                             | p.526         | Sacramentum.                                  |                  |
| Exēptio virorum monasteria ingredi nefas.           | p.527. & seq. | Sacramentum quid sit.                         | p.563            |
| Religiosus Apostata.                                | p.531         | Sacramenta quot sint.                         | p.564            |
| Religiosorum eictio.                                | 532           | Sacramenta veteris legis.                     | ibid.            |
| Reliquia Sanctorum.                                 | p.534         | Sacramentorum necessitas.                     | p.565            |
| Repressalia.  | p.535         | Sacram. materia & forma.                      | ibid.            |
|   |               | Sacramentorum causa efficiens.                | pag. 566         |
|   |               | Sacramentorum minister qualis esse debeat.    | ibid.            |
|   |               | Sacramentorum effectus.                       | p.568            |
|   |               | Sacramentorum subiectum capax.                | 570              |



# ET SVMMAR.

|  |               |   |         |
|--|---------------|---|---------|
| <i>Sacrilegium.</i>                        | p.572         | <i>beneficio.</i>                           | p.599   |
| <i>Scandalum.</i>                          | 573           | <i>Societas IESV.</i>                       | p.600   |
| <i>Scrupulus.</i>                          | 574           | <i>Societatis contractus.</i>               |         |
| <i>Schisma. Schismaticus.</i>              | 575           | <i>Quid sit Societas.</i>                   | p.601   |
| <i>Schismaticorum pœna.</i>                | ibid.         | <i>Quis inire possit Societatem.</i>        | ibid.   |
| <i>Secretum.</i>                           | p.576         | <i>Divisio in Societate.</i>                | p.602   |
| <i>Sepultura.</i>                          | p.577         | <i>Societas animalium.</i>                  | p.603   |
| <i>Sumptus funeris.</i>                    | p.578         | <i>Societas officiorum.</i>                 | p.604   |
| <i>Contra sepelientes hereticos exco-</i>  |               | <i>Societas inter fratres.</i>              | p.605   |
| <i>municatio.</i>                          | ibid.         | <i>Societas quomodo finiatur.</i>           | p.607   |
| <i>Contra sepelientes tempore inter-</i>   |               | <i>Sodomia.</i>                             | ibid.   |
| <i>dicti.</i>                              | p.579         | <i>Spes.</i>                                | p.608   |
| <i>Sepultura exenterati.</i>               | ibid.         | <i>Spolium.</i>                             | p.609   |
| <i>S. Sepulchrum Domini. pagina</i>        |               | <i>Sponsalia.</i>                           |         |
| <i>580.</i>                                |               | <i>Quid sint sponsalia, &amp; quas con-</i> |         |
| <i>Sequestratio.</i>                       | ibid.         | <i>ditiones requirant.</i>                  | pag.610 |
| <i>Simoniam.</i>                           |               | <i>Sponsalia ad quid obligent.</i>          | p.611   |
| <i>Quid &amp; quodplex sit Simonia.</i>    |               | <i>Causa sponsalia dirimentes.</i>          | p.612   |
| <i>pag. 581. &amp; seq.</i>                |               | <i>Stuprum.</i>                             | p.617   |
| <i>Simoniamateria.</i>                     | p.583. & seq. | <i>Substitutio.</i>                         | p.618   |
| <i>Permutatio beneficiorum.</i>            | p.588         | <i>Sucessio ab intestato.</i>               | p.619   |
| <i>Simoniam in pensionibus.</i>            | p.589         | <i>Suffragium.</i>                          | ibid.   |
| <i>Simoniam in resignatione beneficio-</i> |               | <i>Superstitio.</i>                         | p.621   |
| <i>rum.</i>                                | ibid.         | <i>Suspensio.</i>                           |         |
| <i>Simoniam in transactione.</i>           | p.590         | <i>Quid, &amp; quodplex sit sus-</i>        |         |
| <i>Simoniam in actibus iurisdictionis.</i> |               | <i>ibid.</i>                                |         |
| <i>ibid.</i>                               |               | <i>Suspensionis effectus.</i>               | p.622   |
| <i>Causa à Simoniam excusantes.</i>        | p.591         | <i>Violatio suspensionis.</i>               | p.623   |
| <i>An acta Simoniacè sint valida.</i>      |               | <i>Absolutio à suspensione.</i>             | ibid.   |
| <i>pag. 592</i>                            |               | <i>Susurratio.</i>                          | p.624   |
| <i>Restitutio ob Simoniam.</i>             | p.594         |   |         |
| <i>Contra Simoniam confidentialem</i>      |               |   |         |
| <i>excommunicatio.</i>                     | pag.595       |   |         |
| <i>Contra Simoniam in provisione</i>       |               |   |         |
| <i>beneficiorum.</i>                       | p.596         |   |         |
| <i>Côtra Simoniacam procuratorem</i>       |               |   |         |
| <i>beneficiorum.</i>                       | ibid.         |   |         |
| <i>Contra Simoniacum religionis in-</i>    |               |   |         |

## T

|   |       |
|---|-------|
| <i>Temperantia.</i>                       | p.624 |
| <i>Tentatio Dei.</i>                      | p.625 |
| <i>Testamentum. Legatum.</i>              |       |
| <i>Quid &amp; quodplex sit Testamen-</i>  |       |
| <i>tum.</i>                               | p.626 |
| <i>Quis testari possit.</i>               | p.627 |
| <i>Quis possit heres, aut legatarius.</i> | 8     |

# INDEX TITVL.

|   |              |  |                 |
|---|--------------|--|-----------------|
| <i>Testis.</i>                          | p.634        | <i>pag.</i>                              | 643             |
| <i>Tutor. Curator.</i>                  | <i>ibid.</i> | <i>Quomodo tollatur obligatio voti.</i>  |                 |
|   |              | <i>ibid.</i>                             |                 |
| V.                                      |              | <i>Voti commutatio.</i>                  | p.645           |
|   |              | <i>Voti dispensatio.</i>                 | p.646           |
| <i>Visitatio.</i>                       | p.635        | <i>Vjura.</i>                            |                 |
| <i>Votum.</i>                           |              | <i>Quid, &amp; quotuplex sit usura.</i>  |                 |
| <i>Quid, &amp; quotuplex sit votum.</i> |              | <i>pag.</i>                              | 647. & seq.     |
| <i>pag.</i>                             | 636          | <i>Quado possit aliquid accipi supra</i> |                 |
| <i>Votum quando sit irritum.</i>        | p.637        | <i>sortem.</i>                           | pag.649. & seq. |
| <i>Voti materia.</i>                    | p.638        | <i>Mons pietatis usura vacat.</i>        | p.652           |
| <i>Voti obligatio.</i>                  | p.640        | <i>Vsurarius.</i>                        | p.653           |
| <i>Votum quomodo explicandum.</i>       |              | <i>Vsurariorum poena.</i>                | p.654           |





COMPENDIVM  
OPERVM OMNIVM

D. MARTINI BONACINÆ

Mediol. S. Theolog. I. V. D. &c.

QVÆ TRIBVS TOMIS  
de Morali Theologia continentur.

A.

ABORTVS.

*Abortum procurantes.*



IXTVS V. in constitut. 87. quæ incipit, *Effrenatam*,  
pœnam excommunicationis infert iis, qui abortum fœ-  
tus animati, vel etiam inanimati scienter procurant, aut  
consilio, favore, auxilio, potione, &c. ad illum coope-  
rantur. Sed Gregorius XIV. sustulit reservationem, &  
excommunicationem quoad fœtum non animatum.  
*asp. p. 2. q. 2. punct. 10. tom. 3.* Quapropter abortus fœtus inanimati hoc tem-  
pore sub excommunicationem non cadit. *pag. 164. num. 2.* nisi Mediolani,  
& in quibusdam aliis diœcesibus. *num. 3. tom. 3.*

2. Hæc excommunicationis non incurritur, nisi abortus fœtus animati re-  
ipia sequutus fuerit: quia Sixtus V. in sua Bulla effectum requirit. *num. 6.*

3. Ignorantia etiam vincibilis, crassa, & supina iuris vel facti, modo non  
sit cum ingenti temeritate coniuncta, ab hac censure excusat. *num. 10. f. 3.*

A

4. Qui

*Absolutio à censuris.*

4. Qui poculum sterilitatis viro, vel femina ante conceptionem factus propinat, hanc excommunicationem non incurrit. Idem dicendum de viro, qui in actu coniugali se retrahit à seminis emissionem intra vas, vt generationem impediatur: aliud enim est procurare abortum, aliud impedire conceptionem. *ibid. num. 14. tom. 3.*

5. Præter excommunicationem, Sixtus V. clericos huius delicti reos mulctat amissione privilegiorum clericalium, dignitatum, beneficiorum, & inhabilitate ad ea suscipienda, præterea illos brachio seculari tradendos decernit, quæ poena non est à Gregorio XIV. reuocata. *ibid.*

6. Ab hac censura potest absoluerè quilibet, qui facultatem habeat absolviendi ab omnibus censuris, & excommunicationibus Episcopis referuatis. *ibid. num. 15. tom. 3.*

*Absolutio à censuris.*

1. **I**N cap. *absolutionis*, de his, quæ vi, metu, & causa fiunt, in 6. fertur excommunicatio contra eos, qui absolutionem, vel reuocationem alicuius censuræ per vim, aut metum extorquent; modò tamen metus sit gravis, & cadens in constantem virum: ius enim loquitur de illo metu qui facit inuoluntariam, & absolutionem irritam reddit. *disp. 2. quest. 2. punct. 15. pag. 166. tom. 3.*

2. Hinc sequitur, eum, qui absolutionem excommunicationis per vim, aut metum extorsit, duplici censura obstrictum numerè; priore scilicet, quæ iam erat obstrictus, & posteriore, quam contraxit extorquendo absolutionem prioris. *ibid. pag. 167. n. 8.*

3. Hæc excommunicatio non est referuata.

*Absolutio in Censuram reincidentens.*

4. In cap. *eos, qui de sentent. excommun.* habetur, absolutum à censura in articulo mortis, aut propter impedimentum, ab eo, à quo alioquin absolui non poterat, in eadem censuram reincidere ipso iure, si sublato mortis periculo, vel impedimento contemnat præsentare se illi, à quo extra mortis periculum, aut legitimum impedimentum erat absolendus. *disp. 2. quest. 3. punct. 23. pag. 229. num. 1. tom. 3.*

5. Item absolutus à Papa, vel eius Legato, cum hoc onere, vt præsentet se Ordinario, vel alteri ad penitentiam ab ipso suscipiendam, & vt satisfaciatur parti læsæ, si hoc non impleat, eum primum commodè poterit, in eadem censuram reincidit. *ibid.* Potest autem hic per procuratorem se præsentare Episcopo, vel alteri, nisi ei mandatum sit, vt personaliter compareat. *ibid. num. 7. tom. 3.*

6. Qui ab Episcopo, vel eius Vicario absolutionem excommunicationis ipsi referuata obtinuit sub conditione, & onere satisfaciendi parti læsæ, non



non reindidit in eandem excommunicationem, etiam si data opportunitate nolit satisfacere; quia cum versumur in materia penali, non est faciendâ extensio ultra sensum verborum. Summus autem Pontifex in prædicto cap. onus reindidendi imponit istantùm, qui à Sede Apostolica fuerint absoluti. *ibid. n. 9. tom. 3.*

*Absolutio à censuris Bullæ Cænæ.*

1. Solus Summus Pontifex auctoritate ordinaria potest ab excommunicationibus in hac Bulla contentis vel per se, vel per alium absolute: sunt enim Summo Pontif. reservatæ. Neque potest Episcopus in sua diœcesi à casibus Bullæ etiam occultis hoc tempore absolute: quia decretum Conc. Trid. quoad hoc est per Bullam reuocatum. Ne ipsi quidem Legato à latere conceditur ius ab his censuris absoluendi: quia eius facultas non se porrigit ad ea, quæ excipiuntur, & soli Summo Pontifici reservantur. Probabile tamen est, inquisitores posse in delictis occultis absolute in foro conscientie ab excommunicatione ob hæresim; prævia tamen hæresis abiuratione, seu promissione non relabendi: sic enim constitutio-  
ne Clem. VIII. concessum est. Et possunt hanc facultatem alteri delegare; quia est ordinaria, ut pote quæ illis ex officio competit, nisi extet aliqua peculiaris prohibitio Summi Pontificis, aut nisi aliud sit vsu receptum. *disp. 1. quest. 22. punct. 2. pag. 143. tom. 3.*

2. Ille potest à censuris Bullæ absolute, qui priuilegium, & facultatem ab illis absoluendi à Summo Pontif. obtinuit: legislator enim potest legem suam solvere, & facultatem in ea dispensandi alteri delegare. Debet autem hoc priuilegium ea forma concedi, ut contineat clausulam derogatoriam Bullæ, seu expressam, & indiuidualem casuum huius Bullæ mentionem: priuilegium enim, seu facultas absoluendi ab omnibus censuris in genere non sufficit, cum eiusmodi priuilegia in Bulla reuocentur. Porro hoc priuilegium absoluendi ab omnibus casibus etiam in Bulla Cænæ contentis non videtur extendendum ad excommunicationem ob hæresim, quæ Summo Pontif. specialiter reservatur. *ibid. pag. 144. tom. 3.*

3. Quilibet Sacerdos etiam censuris irretitus, aut degradatus potest in articulo mortis absolutionem ab excommunicationibus Bullæ impendere: tum quia hic casus in Bulla excipitur, tum quia in articulo mortis cessat omnis reservatio. Idem dicendum de proximo mortis periculo, quod imminet vel ob futurum conflictum, vel ob incendium, vel ob Iudicis sententiam, vel ob partum proximum, quando mulier vel nunquam peperit vel cum vite discrimine peperit, vel ob periculosam nauigationem, &c. Tamen damnati ad triremes in his non numerantur, quia non dicuntur in proximo mortis periculo versari, nisi grauis tempestas ingruat. Hanc autem facultatem absoluendi in articulo mortis posset quidem Summus Pontif. si vellet, simplicibus sacerdotibus adimere, cum sit delegata, sed grauius peccaret. *ibid. tom. 3.*



4. Sacerdotes, qui non sunt Episcopi, immò ipsi Episcopi (vt probabilior fert sententia) etiam si alioquin priuilegium haberent absoluendi ab excommunicationibus Bullæ, non possunt hoc tempore ab illis absolvere eos, qui detinentur impedimēto, quo minus Romam ad Summum Pontif. adire possint: quia in Bulla reuocantur omnes facultates, & indulta concessa, vel concedenda in genere, vel in specie, & conceditur tantummodo facultas absoluendi in articulo mortis: ergo nemini licet absolvere à casibus Bullæ eum, qui laborat tantum legitimo impedimento. Probabilis tamen est sententia asserens Episcopum, aut eius Vicarium posse absolvere habentem legitimum impedimentum, urgente graui necessitate celebrandi seu communicandi; seruata tamen magna circumspectione, & iniuncto onere penitenti presentandi se Summo Pontifici cum primum poterit. *ibid. pag. 145. 146. tom. 3.*

5. Qui in articulo mortis, aut tempore necessitatis, aut legitimi impedimenti absoluitur ab excommunicatione Bullæ ab alio quam à Rom. Pontifice, tenetur iurare se accessurum ad Summum Pontif. seu ad eum, ad quem extra talem casum pertinet absolutio, seque eius mandatis pariturum. Si autem sublato mortis periculo, & cessante impedimento, Papam, seu, alium superiorem à quo possit absolui nō adeat, in excommunicationem reincidit: si verò obligatur ad restitutionem pecuniariam, tenetur dare cautionem pignoratitiam, vel fideiusforiam confessario illam exigenti. *ibid. pag. 146. tom. 3.*

6. Absoluendus ab excommunicatione contracta ob delictum in Bulla prohibitum, verum propositum habere debet similia in posterum non committendi. Qui autem statuta, ordinationes, vel decreta contra libertatem Ecclesiasticam fecit, non solum propositum habere debet similia, non committendi, verum etiam predictas ordinationes, seu decreta debet reuocare, & de archiuijs, seu capitularibus locis, aut libris, in quibus annotata reperiuntur, delere, & summum Pontif. de hac reuocatione certiores facere, alioqui absolutio non valet. *ibid. punct. 4. pag. 148. 149. tom. 3.*

7. Quilibet absolvere præsumens ab excommunicationibus Bullæ sine debita facultate, excommunicationem 21. incurrit, nec ab ea eximuntur Episcopi, alijue Prælati; ille autem dicitur præsumere, qui absoluit sciens se non posse absolvere: quare ab hac censura excusantur, qui ex inadvertentia, obliuione, ignorantia etiam crassa, & supina (quæ tantum à peccato non excusat) denique ex metu graui absolutionem impendunt; hi quippe non censentur præsumere. Qui tamen absolvere præsumeret à peccatis, non autem ab excommunicationibus Bullæ, peccaret ille quidem grauissimè; non tamen incurreret excommunicationem, quia videtur solum lata contra præsumentes absolvere à censuris. Porro hæc excommunicatio, quam contrahit præsumens absolvere à censuris Bullæ, non est Summo Pontifici reseruata; quia ponitur in Bulla post reservationem factam in præcedenti §. ergo illa reservatio non extenditur ad hunc casum subsequen-



Quentem de cuius reservatione in Bulla nulla fit mentio. *ibid. punct. 3. pag. 146. 147. tom. 3.*

## Acedia.

1. **A**cedia est tristitia, seu tædium rerum spiritualium, vt, si quem tædeat pœnitentiam agere, ex quadam penitentia nauſea, aut si conſiderationes, orationem, &c. fastidiat, ob difficultatem adiunctam; ex illo autem tædio nascitur incuria actionum piarum, & salutarium. *tom. 2. pag. 174. n. 1.*

2. Acedia est peccatum, ex suo genere, mortale, oppositum charitati, & vitium capitale nuncupatur. Tamen ob leuitatem materiae, & indeliberationem, fieri potest veniale. Dicitur autem capitale quia ex illo tanquam capite oritur odium rerum spiritualium, rancor, pusillanimitas, desperatio, torpor, & euagatio mentis. *ibid. num. 2. 3. & 5.*

3. Non omnis acedia directe opponitur charitati: nam si quis tristetur de ieiunio ex affectu gulae, videtur directe peccare contra temperantiam, &c. peccata enim dicuntur illi virtuti opponi cuius perfectione priuantur. *ibid. n. 4.*

## Adiuratio.

1. **A**diuratio est contestatio rei sacrae, cuius reuerentia intendimus aliterum promouere ad aliquid præstandum. Estque duplex, *deprecatoria*, quæ fit deprecando, & *imperativa*, quæ fit præcipiendo, & timorem incutiendo pro contestationem rerum sacrarum, & ea vitmur erga subditos. *tom. 2. pag. 230. num. 1.*

2. Dæmones non adiurantur adiuratione deprecatoria, quia hæc fieri nequit sine subiectione, & societate, quæ cum dæmone insensibilissimo humani generis hoste prorsus est illicita; sed adiurantur adiuratione imperativa: deprecatoria autem vitmur erga Deum, vel Sanctos, vel homines. *ibid. n. 2.*

3. Sola rationalis creatura cōgruenter adiurari potest: quia sola potest reuerentiā rerum sacrarum, & amore vel timore Dei compelli ad aliquid agendum. Irrationales autem creaturas adiurare, directo sermone ad ipsas, ex suo genere est peccatum mort. propter irreuerentiam, quæ committitur contra exorcismos Ecclesiae, qui vanè adhibentur: Tamen vt plurimum est tantum peccatum veniale, ratione bonæ fidei, & lenitatis materiae. *ibid. n. 3. & 4.*

4. Non licet adiurare dæmones, vt opem ferant ad fugandas grandines, & alia id genus: quia nō licet beneficium à dæmone expectare, & cum eo societatem habere. *ibid. num. 5.*

5. Qui adiuratur, non obligatur præstare id, quod ab eo petitur nisi sit inferior, & imperatiuè adiuretur à superiore. *ibid. num. 6.*

6. Facultas adiurandi dæmones, eosque expellendi solis competit clericis habentibus ordinem exorcistarum, quoniam adiuratio fit iuxta publi-



eam formam ab Ecclesia præscriptam, & iuxta ritum exorcismorum. Alia tamen ratione aliquando licet unicuique dæmonem adiurare, vt dum quis tentatione vexatur; potest enim ei præcipere per Deum, & Sanctos vt recedat. *ibid. n. 7.*

7. A dæmone humanum corpus obsidente, ea solùm peti possunt, quæ spectant ad aliorum vtilitatem, vel ad ipsum expellendum; hæc enim non dicitur societas cum dæmone, sed potius recessus ab ipso: vt fugetur, & hostiliter tractetur. Tamen qui ex leuitate, aut curiositate aliquid imperat; & non deprecatur, petiit à dæmone humanum corpus obsidente, non peccat mortaliter, modo non adhibeantur longi sermones, & nugatori j, neque id fiat causa addiscendi aliquid à dæmone, neque sit periculum de regendi occultum alicuius peccatum, neque certa fides illi præstetur. *ibid. n. 8. & 9.*

8. Adiuratio differt à iuramento: quòd in iuramento adducitur Deus in testem; in adiuratione verò adducitur Deus, seu res sacra, vt eius amore, vel timore res perita obtineatur. *rom. 2. pag. 231. n. 11.*

9. In adiuratione, defectu iudici j, committitur culpa venialis, quoties sine debita reuerentia, & necessitate adiuratur Deus, aut Sancti: defectu iustitiæ committitur peccatum, quando Deus adiuratur ad rem illicitam: & hoc peccatum est graue, aut leue pro qualitate rei obtinendæ: defectu veritatis committi potest peccatum idololatriæ, quando falsus Deus adiuratur, vt Iupiter, Mars, &c. nam falso Deo tribuitur honor veri Dei. *ibid. n. 12.*

10. Si adiurans dæmonem adhibeat rutam, stercurus caprinum, vel similia, aut flagellis, vel sputis, & alapis afficiat obsessum à dæmone, in ipsius dæmonis contemptum, non peccat per se loquendo. Sin hæc adhibeat quasi vim naturalem habeant ad fugandos dæmones, superstitionis peccatum committit. *ibid. num. 13.*

11. Adiurans peccat conuiuendo demoni rem malam petenti in damnum alterius: quia cooperatur actioni iniquæ. At si petitio dæmonis non est iniqua, potest ei conuiueri; quia hæc non est societas cum dæmone, sed est medium, quo facilius expellatur. *ibid. n. 14.*

12. Adiuratori licet petere signum, quo dæmon indicet se egredi è corpore, & non rediturum: quia in sacerdotali Romano docetur adiurator hoc signum petere. *ibid. num. 15.*

13. Vno dæmone expulso, vt plurimum omnes exeunt; tum quia exorcismi sunt omnibus dæmonibus æque infesti; tum quia solent habere superiorem, quo expulso, ceteri exeunt. Per quamlibet autem corporis partem dæmon potest ingredi, & egredi, quia est spiritus, atque adeo quantitate caret; vt plurimum tamen per os ingreditur, & egreditur. Ceterum dæmon non ita obsidet corpus, vt semper vexet, vel semper in corpore resideat. Ex cruciatu autem, & afflictione corporis, interdum anima patitur detrimento; nunquam tamen cogitur. *ibid. num. 16. & seq.*



## A D O R A T I O .

*Adoratio quid, & quoruplex.*

1. **A** Doratio est exhibitio reuerentiæ propter excellentiam illius, cui exhibetur. Seu, Adoratio est actus, quo vnus alteri se submittit, seu alterum honorat in recognitionem ipsius excellentiæ. Multiplex est adoratio; alia enim est *interna*, quæ fit per submissionem animi; alia est *externa*, quæ fit per actum externum. Rursus alia est *latrice*, quæ est supremus cultus proprius Dei; alia *dulcia*, quæ exhibetur creaturis propter ipsarum excellentiam; & alia *hyperdulcia*, quæ debetur B. Virgini ob maiorem eius excellentiam. Denique alia est *absoluta*, quæ conuenit ei intellectuali per se honorabili, & adorabili; alia *respectiva*, quæ conuenit rebus ratione carentibus, quæ non propter se, sed propter alium honorantur, cuiusmodi sunt imagines. *tom. 2. pag. 142. n. 1. & seq.*

2. Sancti in cælis degentes, qui nondum in Sanctorum numerum cooptati sunt, non possunt publice adorari; cultu tamen priuato possunt, quare illorum imagines pingere, & domi habere licet, non tamen in templo, aut altari reponere. Item licet in natali illorum die abstinere ab operibus seculis, & spiritualibus operam dare; non tamen potest Episcopus diem festum in illorum honorem instituere, nisi antiqua traditione, & vniuersali Ecclesiæ consensu, sancti habeantur. *rom. 2. pag. 143. num. 2.*

3. Christus homo, id est, subsistens in natura diuina, & humana, adorandus est adoratione latrice, qua Sanctissima Trinitas, & singule eius personæ adorantur: est enim verus Deus, & æqualis Patri, neque per assumptionem carnis desinit esse Deus, cum natura humana vnita sit Verbo. Quapropter anima Christi, & ipsius corpus in sepulchro adorandum erat cultu latrice, quia anima, & corpus adhuc vnita erant Verbo. Non tamen colimus adoratione latrice naturam humanam per se, sed concomitanter quatenus est vnita personæ diuinæ; in se autem spectata, præcisâ diuini Verbi personæ adoranda est Christi humanitas cultu hyperdulcia; at in praxi Christum adoramus adoratione latrice, quæ est perfectissima adoratio, & debetur Christo ratione excellentiæ increata, qua præditus est. *rom. 2. pag. 144. n. 3. & seq.*

4. Illæ quæ Christum tetigerant, per ordinem ad Christum, quem representant, adorantur cultu latrice at præcisæ, & in se spectata nullam adorationem admittunt. Eucharistiæ Sacramentum, vt pote Christum verè, & realiter continens, ad granda est adoratione latrice. Item caro, & sanguis, quæ miraculosè aliquando in SS. Eucharistiæ Sacramento apparent, cultu latrice adorari possunt, velenim sunt caro, & sanguis Christi, vel illa, saltem representant. *ibid. num. 7. & 8.*

5. Cray, in qua Christus pependit, duplici titulo latrice adorari potest; primo, ratione contemplatiua; secundo, ratione representationis; alia verò e



ces adorandæ sunt quatenus Christum crucifixum representant. Quamvis autem Christi contactus sit causa sufficiens adorationis; aliquando tamen non expedit: neque decet, omnia, quæ Christum tetigerunt, adorari: quare neque aîna quæ Christum vexit, est adoranda; neque manus illa, impia, quæ Christum aîapa percussit, cum sit potius execranda: cetera vero instrumenta quæ Christum tetigerunt adoranda sunt adoratione latriæ respectiua, propter Christum, quem representant, & ad quem diriguntur: quia licet res inanimatæ non sint adorandæ secundum se, cum non habeant excellentiam dignam adoratione, tamen si spectentur vt subrogatæ in locum, rerum adorandarum, possunt adorari, sicut adoratur exemplar cum prototypo. *ibid. num. 9.* Eodem modo imagines adoramus. *pag. 144. num. 3.* Reliquiæ autem Sanctorum eodem cultu adorari possunt, qui tribuitur personis, quarum sunt reliquiæ. *pag. 146. n. 4.* Vide tit. *Imago Reliquiæ.*

6. SACRA IESV, & MARIÆ nomina adoranda sunt adoratione respectiua, propter eum, quem representant, & ad quem diriguntur: quia licet res inanimatæ non sint adorandæ secundum se, cum non habeant excellentiam dignam adoratione, tamen si spectentur vt subrogatæ in locum, rerum adorandarum, possunt adorari, sicut adoratur exemplar cum prototypo. *ibid. num. 9.* Eodem modo imagines adoramus. *pag. 144. num. 3.* Reliquiæ autem Sanctorum eodem cultu adorari possunt, qui tribuitur personis, quarum sunt reliquiæ. *pag. 146. n. 4.* Vide tit. *Imago Reliquiæ.*

## Adulterium.

1. **A**dulterium nihil est aliud, quàm accessus ad alienum torum, seu violatio alieni tori. Est autem grauißimum peccatum; quia violat charitatem, & iustitiam. Neque desinit esse adulterium, etiamsi coniux consentiat, & iuri suo cedat; adhuc enim violatur obligatio vinculi matrimonii, quod est indissolubile. *tom. 1. pag. 325. n. 1. 2. & 3.*

2. Adulterium multò grauius peccatum est, quando vterque, qui copulam habet, est matrimonio iunctus; tunc enim duplex torus violatur, & duobus fit iniuria, consequenter hæc circumstantia est in confessione exprimenda. *ibid. num. 5.*

3. Pœnæ adulteri duæ potissimum recensentur. 1. vt vxor adultera amittat dotem, ab Ecclesiastico iudice marito adiudicandam. 2. vt fieri possit diuortium ab adultero. *ibid. num. 6.*

4. Copula Christiani cum femina infideli coniugata, est adulterium; cum soluta verò est simplex fornicatio, si alter est etiam solutus. *ibid. n. 7.*

5. Adulter, qui filium ex adulterio susceptum, certò credit esse suum, tenetur in solidum cum matre ad restitutionem damnorum, quæ patitur verus maritus, & filij legitimi, vel heredes; propterea tenetur ad restitutionem alimentorum, & sumptuum, quos fecit maritus adultera: in educanda prole spuria, saltem post tertium natiuitatis annum; quia pater tenetur alere suam prolem, donec sibi alimenta procurare possit: si tamen dubitet an sua sit proles ex adulterio suscepta, non tenetur ad restitutionem; quia melior est conditio possidentis suam libertatem. *ibid. n. 8.*

6. Quando duo carnaliter cognouerunt mulierem solutam, ex qua suscepta est proles, sed dubitatur cuiusiam sit, vterque tenetur ad restitutionem. Idem dicendum, quando duo cognouerunt coniugatam, quæ absente viro



viro concepit, altero autem nolente, tenetur alter in solidum satisfacere.  
*ibid. num. 10.*

7. Adulter tenetur ad restitutionem alimentorum, quæ suppeditata fuerunt ab hospitali domo in alenda prole spuria, modò non labore egeat; quia domus hospitalis instituta est ad alendo; pauperes tantum. Si autem filius ex adulterio susceptus relictus est inter filios legitimos mariti adulteræ, præter alimenta, tenetur etiam occurrere damno hæreditatis, quæ filiis legitimis adimitur, vel damno dotis, quam pater putatiuus tradit puellæ spuria, ratus eam esse suam. *ibid. n. 11. & 13.* Idem dicendum de illo, aut de illa, quæ partum supposuit cum præiudicio legitimorum hæredum. *n. 14.*

8. Ob adulterium præcisè nulla debetur restitutio; quia ex se non est iniuria pecuniæ æstimabilis: tenetur tamen adulter marito adulteræ petenti aliquam satisfactionem exhibere, puta per veniæ petitionem, &c. *ibid. n. 15.*

9. Adultera, quæ est honestæ conditionis, & passim pro tali habetur, non tenetur manifestare adulterium cum periculo vitæ, vel famæ, ut impediatur quominus filij legitimi damnum in hæreditate patiantur, quamvis ampla hæreditas sit inter ipsos, & spurium diuidenda, etiam si credat fore, ut manifestatione adulterij obuiam iretur damno: quia vita, & fama sunt superioris ordinis bona, quæ non sunt exponenda pro conseruanda filiis hæreditate, quæ est ordinis inferioris. Debet tamen conari pro viribus, damnum illud hæredibus compensare, vel filium adulterinum inducere ad capefendâ religionem, quæ non sit capax hæreditatis. *r. 1. pag. 326. n. 17.*

10. Filius debet credere matri asserenti ipsum esse spurium, nec potest se immiscere hæreditati filiorum legitimorum, quando mater ita probat, ut filius conuincatur; quando verò filius non conuincitur, non tenetur credere matri etiam iuranti; quia melior est conditio possidentis bona fide. Non tenetur item filius abdicare se hæreditare, quam bona fide possedit tanto tempore, quanto opus est ad præscriptionem; etiam si postea conuincatur, & certo credat se esse spurium. Quare Confessarius debet uti magna cautione, ne ultra modum urgeat adulteram in articulo mortis ad suum adulterium detegendum, neque tutum est post mortem adulteræ, detegi adulterium, ne ipse Confessarius detegens, aut proles adulterina occidatur. *ibid. n. 21. & seq.*

11. Causa adulterij quando agitur de separatione quoad torum, est fori Ecclesiastici, quia est causa spiritualis; quando verò agitur de penis adulterio irrogandis, videtur esse mixti fori. *ibid. n. 24.*

#### Aduocatus.

**P**otesť quilibet Aduocati officium exercere, modò sit idoneus, & à iure non repellatur; quia actus patrocinandi liber est. *rom. 2. pag. 33. n. 1.*

2. Aduo-



2. Aduocatus tenetur gratis patrocinio suo defendere inopem extrēmum, aut etiā graui necessitate oppressum, si nullus alius preesto sit. *ibid. n. 2.*

3. Si ob culpabilem Aduocati negligentiam, vel infortium cliens causa cadat, Aduocatus peccat cōtra iustitiam, & tenetur ad restitutionem damni. Idem dicendum de Aduocato, qui parti contraria secreta causæ manifestat, vnde fit, vt cliens litem perdat, quam alioquin vincere iure potuisset. *ibid. pag. 334. n. 3. & seq.*

4. Aduocatus, qui causam iniustam suscipit defendendam, tenetur ad restitutionem omnium damnorum, quæ iniusto patrocinio parti contraria intulit. *ibid. n. 4.*

5. Quando vtraque pars est probabilis, integrum est Aduocato tueri causam actoris, aut reiectam si altera pars, quam impugnatur, probabilior videatur. *ibid. n. 8.*

6. Aduocatus, vel procurator accipere potest stipendium à lege, seu consuetudine, seu iudicio prudentis viri taxatum; immò etiam maius, si liberaliter dicatur: non licet tamen pacisci de quota litis, vt de medietate, &c. Sed nihil vetat, quominus paciscatur de pretio, sine causa obtineatur, siue nonnulla quippe fraus subest. Immo potest Aduocatus integrum stipendium sibi promissum, iura conscientia accipere, etiam si cliens inchoatam litem prosequi nolit. *ibid. n. 9. & seq.*

7. Potest Aduocatus (modo sine damno eorum, quorum suscepit patrocinium fieri possit) alium Aduocatum idoneum sibi substituere, assignata illi dimidia, vel tertia stipendij parte, reliqua sibi retenta. *ibid. pag. 335. n. 12.*

8. Aduocatus, seu procurator, qui notarius acta gratis conficit non ingratiam ipsius aduocati, aut procuratoris, sed quia ita visum est in honorem Dei, vel ob aliam causam, non potest petere à cliente salariū notario debitum, nec sibi retinere. *ibid. n. 13.*

### Agnus Dei.

1. **G**regorius XIII. in constitutione quæ incipit, *Omni cerre studio*, excommunicationem infert illis, qui piungunt, vel inficiunt Agnos Dei à Summo Pontifice benedictos, vel qui retinent sic infectos, & venales proponunt. *disp. 2. quæst. 2. punct. 29. pag. 176. tom. 3.*

2. Probabile est huiusmodi agnos Dei etiam pictos, & deauratos absque licentia Summi Pontificis retineri posse, modo non retineantur ad vendendum. Pictos autem, vel deauratos cum licentia, etiam vendi posse, modo solius ceræ, deaurationis, & materię, non verò benedicti omnis ratio habeatur. *ibid. n. 4. pag. 177. tom. 3.*

3. Ita constitutio Romæ vsu recepta est, & quibusdam aliis in locis vt Mediolan; in alijs autem locis spectanda est consuetudo. *ibid. n. 6.*

4. Agni Dei effigies in cerâ exprimi solita, coli, & adorari potest: est enim



enim benedicta, & consecrata, simulque cum Deo, cuius est imago, apprehendi potest. *tom. 2. pag. 147. num. 11. Vide tit. Adoratio.*

*Appellatio, Appellans.*

1. **A**ppellatio est à minori iudice ad maiorem prouocatio. Prohibetur autem appellatio ab ordinationibus Summi Pontif. ob iniuriam, quæ per huiusmodi appellationem Sedi Apostolicæ irrogatur: cum enim appellatio fiat à minori iudice ad maiorem, qui appellat ab ordinationibus Papæ ad futurum Concilium, videtur inducere schisma, & rebellionem in Ecclesiam. *disp. 1. quæst. 3. punct. 1. pag. 15. tom. 3.*

*Appellationes ab ordinationibus Papæ quas pœnas incurrunt.*

2. Omnes & singuli cuiuscumque gradus & conditionis sint, appellantes ab ordinationibus seu mandatis Papæ etiam iniustis ad futurum Concilium generale, aut fauorem, vel auxilium illis præstantes ligantur vinculo excommunicationis 2. Bullæ Cœnæ. Vniuersitates autem, Capitula, vel Collegia ligantur interdicto, cum excommunicari non possunt. Si tamen Episcopus sit vnus ex Canonicis, & concurrat cum Capitulo ad appellandum, non est interdictus: quia licet interdicto Capitulo Canonici censeantur interdicti; tamen Episcopus & alij maiores Prælati non ligantur interdicto, nisi specialiter exprimantur. Sin Episcopus concurrat ad appellationem non tanquam vnus de Capitulo, sed vt singularis persona, ligatur excommunicatione *ibid. punct. 2. n. 1. 1. 1. 2. pag. 17. tom. 3.*

3. Consulentes, aut approbantes appellationem, non incurrunt excommunicationem Bullæ Cœnæ; quia non exprimuntur: ligantur tamen excommunicatione Papæ reseruata à Iulio II. & Pio II. quanquam illius absolutio censeri potest virtute priuilegiorum, virtute quorum non licet absoluerè à casibus Bullæ. *ibid. num. 9. pag. 16. tom. 3.*

*Assassini.*

1. **A**ssassini iure antiquo dicebantur quidam homines Syri infideles qui suorum dominorum iussu, seu aliorum à quibus pretio conducebantur, Christianos occidebant. Nunc autem assassini dicuntur *publici latrones viarum*, qui ad prædandum, homines occidunt; vel qui pretio conducti aliquem occidunt, vel occidendum curant. *disp. 2. quæst. 2. punct. 23. pag. 180. tom. 3.*

2. In cap. *pro humanis de homicidio in 6.* habetur excommunicatio contra mandantes aliquem occidi per Assassinos, aut receptantes, defendentes aut occultantes huiusmodi Assassinos. *Ibid.* Hic autem sermo est de Assassinis primi generis; quare hæc excommunicatio hoc tempore non est in vsu. *ibid.*

3. Christianus per assassinos occidens infidelem, aut hæreticum, huius canonis excommunicationem non incurrit: quia hæc excommunicatio lata est in gratiam Christianorum, & fidelium; æquum autem non est, ut qui Ecclesiam impugnant, Ecclesiæ armis protegantur. *ibid. num. 6. & 7. pag. 181. tom. 3.*

## Assecuratio.

1. **A**ssecuratio est contractus, quo quis ob pretium, vel aliud interesse, vel gratis suscipit in se periculum rei alienæ, obligando se ad illius compensationem si perierit, ita ut teneatur ad compensationem totius, si tota res perierit, vel partis, si pars tantummodo perierit. Hic autem contractus reducitur ad contractum innominatum *do ut facias*, vel *facio ut des*, vel ad contractum emptionis, & venditionis. *tom. 2. pag. 590. n. 1.*

2. Assecurationis contractus non est usurarius, sed licitus, modo iustum intercedat pretium pro ratione periculi, & ad sint hæc quinque conditiones. 1. ut sit æqualitas inter pretium datum asscuranti, & obligationem, quam in se suscipit. 2. ut qui petit asssecuratorem, non cogat alterum ad contractum asssecurationis secum ineundum, alioquin imposeret obligationem, pretio æstimabilem, ad quam asssecurator non tenetur.

3. Ut asssecurator ab eo, qui petit asssecurationem, admoneatur de veris periculis, quibus subiacet res asssecuranda. 4. ut res, de qua contractus asssecurationis initur, existat, quare si asssecuretur plus mercium quam re ipsa, naui sit impositum: asssecuratio non est valida. 5. ut res asssecuanda sit periculo exposita, alioquin si asssecurator sciat ante contractum, rem, exempli gratia, peruenisse ad portum, vel ad terminum quod erat deferenda, nihil potest accipere: *ibid. n. 2. & 3.* Item qui sciens nauim periisse, petit asssecurationem, inualide contrahit. *num. 3.*

4. Non est validus contractus asssecurationis, quo quis aliquid asssecurat fingens se bona habere, quibus satisfaciat re pereunte, cum reuera non habeat, nec breui speret se habiturum; quia dolus dat causam huic contractui: propterea asssecurator tenetur ad restitutionem damnorum inde prouenientium: & totius mercedis acceptæ pro asssecuratione. At si habet aliqua bona, quibus possit, re pereunte, in partem satisfacere; potest eam mercedis partem retinere, quæ respondet bonis quibus satisfecisset re pereunte. *tom. 2. pag.*

591. num. 4.



## B.

## BAPTISMVS.

*Baptismus quid, & quod duplex.*

1. **B**APTISMI nomen, si vertatur è Græco, *ablutionem* sonat, seu *immersionem in aquâ*, Baptismus enim alicubi fit, & fieri potest, per immersionem, ad representandam Christi sepulturam. Dicitur autem *ablutio*, quia Baptismus sordes peccatorum abluit. *rom. 1. pag. 27.*

2. Quanquam, si propriè loquamur, vnus sit tantùm Baptismus, qui est Sacramentum; metaphoricè tamen loquendò triplex est Baptismus, *Flaminis, Fluminis, & Sanguinis*. Baptismus *Flaminis* est dolor perfectus de peccatis ob Dei timorem; hic autem dolor vocatur Baptismus, eo quòd Baptismi defectum aliquândo supplet. Baptismus *sanguinis* est martyrium, quo peccata omnia delentur etiam ante Baptismi susceptionem. Baptismus *fluminis* est verum ac propriè dictum Sacramentum quod in aqua confertur *ibid.*

3. Baptismus est Sacramentum, quod in externa corporis ablutione consistit, sub præscripta verborum forma à Christo instituta ad regenerationem spiritualem. seu breuius. Baptismus est Sacramentum regenerationis in verbo. Fuit institutus quando Christus in Iordane baptizatus fuit à Ioanne; tunc enim indicata fuit materia Baptismi, aqua scilicet, & forma, nempe inuocatio SS. Trinitatis. *ibid. pag. 30. n. 1. & 2.*

4. Ille dicitur habere Baptismum in voto, qui facit aliquid in quo continetur votum: seu propositum Baptismi suscipiendi; vt contingit, quando is, qui non potest actû baptizari, elicit actum contritionis, seu amoris Dei super omnia. Idem dicendum de martyrio, in quo Baptismi votum continetur. *ibid. pag. 31. n. 2.*

*Baptismi Necessitas.*

5. Baptismus est necessarius necessitate mediij, in re, vel saltem in voto. Quia illud est necessarium necessitate mediij ad salutem, sine quo salus non potest obtineri; atqui sine Baptismo in re, vel in voto, salus obtineri nequit, ergo. Est etiam necessarius necessitate præcepti: quia, qui non assumit medium sibi necessarium ad salutem, peccat contra Dei præceptum. *ibid. num. 3. & 4.*

6. Præceptum Baptismi obligat adultos, vt, cùm primum commodè, & dignè possunt, baptismum suscipiant, nec diu differant. Quare tenentur parentes curare, vt filij, & domestici quamprimum baptizentur; nam pueri in-

ri infantes sine actuali susceptione Baptismi, aut sine martyrio non saluantur, si eos morte præoccupati contingat. *ibid. n. 5. & 8.*

7. Catechumenus, quamuis sit in gratia constitutus per actum contritionis, tenetur tamen sub peccato mort. suscipere Baptismum, oblata opportunitate. Quia quando datur opportunitas suscipiendi Baptismi, non tantum est necessarius in voto, sed etiam in re, iuxta illud Ioann. 3. *Nisi quis renatus fuerit, &c. ibid. n. 7.*

8. Si detur casus, ut aliquis ex speciali privilegio, in vtero matris iustificetur; nihilominus tenetur sic iustificatus suscipere Baptismum, si possit. Quapropter Apostoli, & B. Virgo, quamuis ante Baptismi institutionem, acceperint gratiam; tamen post Euangelij promulgationem, tenebantur suscipere Baptismum, ut fierent capaces reliquorum Sacramentorum, quorum ianua est Baptismus. *ibid. n. 9.*

9. Baptismi suscipiendi obligatio non statim incepit post prædicationem Baptismi; sed tantum post Christi passionem, respectu eorum, quibus Baptismus fuerat promulgatus: quia in Christi morte cessauit lex vetus, & incepit noua. Generaliter autem, & quoad omnes, incepit post sufficientem Euangelij promulgationem factam per vniuersum orbem. *tom. 1. pag. 32. n. 10. 11. & seq.*

10. Post Christi passionem, ante vniuersalem Euangelij promulgationem iis qui Baptismi legem ignorabant, potuit, & debuit adhiberi circumcisio, seu remedium legis naturæ; nullum enim aliud remedium potest assignari: quippe Baptismus, cum non esset illis sufficienter promulgatus, pendum illos obligabat. *ibid. n. 14.*

11. Qui nunc existunt in partibus remotis, quò nunquam Euangelium penetrauit, cum inuincibili ignorantia Baptismi saluari possunt, si naturæ legem seruauerint; nam credere par est Deum naturæ legem seruantibus datum lumen, & speciale auxilium, quo ad ipsum conuertantur. *ibid. n. 15.*

### Baptismi Materia.

12. Baptismi materia est duplex, *proxima, & remota.* Proxima est aqua naturalis, & qui aliam adhibet, grauiter peccat, nec validè baptizat: Quocirca aqua rosacea, salua, sudor, aqua manans è vite, & alij liquores artificiales à materia Baptismi excluduntur. Aqua autem maris, pluuia, balnei, etiam si ex sulfure, aut cinere defluat, item aqua, quæ fluxit à niue, aut sale, videtur naturalis, ac proinde idonea ad Baptismum. Glacies verò, nisi prius liquefiat, & dissoluatur, non est materia apta, quia non potest abluere. *ibid. num. 1. & seq.*

13. Qui vitur aqua naturali ita alterata, & mixta cum alio corpore, seu liquore, ut iam non sit apta ad abluendum, non validè baptizat. Quia autem vitur aqua naturali ita alterata, & fœda, ut adhuc simpliciter sit aqua, absque



absque necessitate, grauius quidem peccat contra reuerentiam Sacramenti, validè tamen baptizat. Porro, seclusa necessitate, non licet quamlibet aquam puram, & naturalem adhibere, sed illa est adhibenda, quam Ecclesia prescribit, nempe aqua sacrorum fontium. *rom. 1. pag. 33. n. 6. & seq.*

14. In necessitate uti licet materia dubia, an sit aqua naturalis; præstat enim aliquem sic baptizari, quam omnino non baptizari; at extra necessitatem non licet, quia periculum est, ne fiat Sacramentum irritum, & inualidum. Præter aquam autem, non est ignis ad Baptismum adhibendus. *ibid. n. 9. & seq.*

15. Baptismi materia proxima est ablutio, quæ sit contactus successiuus, quæ aqua successiuè contingat corpus: quia homo non potest diei ablutus nisi per contactum aquæ successiuum. Sufficit autem ea aquæ quantitas, quæ pars aliqua corporis ablui possit: quare validus est Baptismus, siue fiat per immersionem, siue per infusionem aquæ; vtraque enim est ablutio: Sacerdos tamen, qui ex officio ministrat Sacramentum Baptismi, Ecclesiæ suæ consuetudinem seruare debet. *ibid. n. 13. & seq.*

16. Ad Baptismum non sufficit vna, aut altera aquæ gutta, præsertim si per corpus non fluat; quia requiritur contactus successiuus, & ea aquæ quantitas, quæ sufficiat ad partem corporis abluendam, ita ut homo verè dici possit ablutus. Neque sufficit, ut aqua contingat vestes, aut aliquid extra carnem, ut si quis corio, vel vtre contactus immergatur; quia non potest dici propriè ablutus. Secus autem, si baptizetur infans natus cum membrana, seu pelle porosa, eaque inuolutus, potest enim aqua penetrare, & peruenire ad carnem infantis. Neque sufficit, ut aqua solos capillos attingat, neque enim capilli sunt pars hominis; solius autem capitis sufficit ablutio, quippe præcipua est hominis pars, qua abluta, dicitur homo ablutus. *rom. 1. pag. 34. n. 19. & seq.*

17. Si solus pes, aut digitus abluatur, non videtur validus Baptismus; quia per illius partis abluionem non denominatur homo sufficienter ablutus; quanquam in necessitate Baptismus in qualibet corporis parte est administrandus, etiam in solo digito; si tamen infans superuixerit, erit sub conditione baptizandus, si dubitetur, an pars aliqua fuerit sufficienter abluta. *ibid. n. 24.*

18. Infans in utero matris existens baptizari nequit; consequenter si baptizatus non potest in cœmeterio sepeliri; quia non fuit ablutus, nisi fortè aqua si inimiti possit, ut perueniat ad infantem, eiusque carnem contingat. *ibid. n. 25.*

19. Validus est Baptismus, quando infans incipit mori, & deficiente aqua, quæ possit ablui, proicitur in flumen, aut puteum pro lata formâ Baptismi. Quamuis enim hoc non sit faciendum, tamen si fiat, tenet Baptismus; nihil quippe desideratur necessarium ad Baptismum. Denique per quamlibet abluionem, quæ verè dici possit corpus ablutum, modò verba sint sufficienter prolata, perficitur Baptismi Sacramentum. Quamuis enim adhiberi



hiberi soleat trina immersio, aut ablutio; post primam tamen Baptismus finiri fortitur effectum, modo forma sit sufficienter prolata. Nisi minister habeat directam intentionem non conficiendi Sacramentum ante trinam abluitionem; tunc enim non est validus Baptismus nisi post tertiam abluitionem: defectu solius intentionis. *ibid. num. 27. & seq.*

## Baptismi Forma.

20. Hæc verba, *Ego te baptizo in nomine Patris, & Filij, & Spiritus sancti*, conficiunt formam Baptismi, ut constat ex *Matth. cap. 28.* Exprimenda est autem persona baptizanda; non tamen est necessarium directe exprimere personam ministri; quippe Baptismus Græcorum (ubi persona ministri baptizantis directe non exprimitur) est validus. *tom. 1. pag. 25. m. 1. 2. & 3.*

21. Exprimenda est actio, quæ exercetur circa baptizandum; quia in Sacramentis consistentibus in usu, exprimitur actio. Item exprimenda est vnitas diuinæ essentiae: quamobrè qui diceret, *Ego te baptizo in nominibus Patris, & c.* inualidè baptizaret; immò, ex nonnullorum sententia, qui diceret, *Ego te baptizo in nomine Patris, in nomine Filij, & c.* nihil conficeret, quia sic non exprimeretur diuinæ essentiae vnitas. Denique tres personæ SS. Trinitatis sunt exprimenda; neque sufficit ad validitatem Baptismi hæc forma: *Ego te baptizo in nomine sanctissime Trinitatis*, quia requiritur explicita expressio trium personarum. *ibid. n. 4. & seq.*

22. Obiic. cum quæsitum esset à Nicolao I. quid agendum esset de iis, qui baptizati essent à pagano, seu infideli: respondit Pontifex non esse rebaptizandos, si baptizati essent in nomine SS. Trinitatis, vel tantum in nomine Christi. *Resp.* Pontificem rectè respondisse non esse rebaptizandos, qui baptizati sunt in nomine Trinitatis, expressis scilicet personis; aut tantum in nomine Christi loco Filij sic dicendo. *Ego te baptizo in nomine Patris, & Christi, & Spiritus sancti.* *tom. 1. pag. 36. n. 9.*

23. Baptismus est inualidus quando contingit substantialis mutatio in verbis; secus si mutatio sit tantum accidentalis. Grauius tamen peccat qui utitur aliis verbis quam consuetis, quia in re graui, Ecclesiæ ritum non feruat. *ibid. n. 9.*

24. Probabilius est eum inualidè baptizare qui dicit, *Ego te baptizo in nomine Genitoris, & Geniti, & Spirari.* Quia Christus videtur instituisse ut Baptismus sub his nominibus relatiuis *Patris, Filij, & Spiritus sancti* conferatur. Hæc, inquam, sententia est probabilior, & tutior in praxi, ne baptizandus periculo damnationis exponatur per mutationem formæ. *ibid. n. 12.*

25. Validus est Baptismus administratus vulgari lingua; neque mortaliter peccat, qui sic administrat. Immo expedit, ut quando minister non bene nouit exprimere verba Latino sermone, exprimat vulgari, quia iustam habet



bet eausam sic faciendi, neque facit contrarium, aut consuetudinem Ecclesie, cum sic vsus obtinuerit. *tom. 1. pag. 36. & 37. n. 17.*

26. Si puer moriatur nondum finita forma Baptismi, inualidus est Baptismus, neque videtur puer in loco sacro sepeliendus; quia non est integer substantialis sensus formæ. *ibid. num. 18.*

27. Baptismus collatus in nomine B. Virginis, aut Sanctorum, est inualidus, si baptizans intendat conferre Baptismum in virtute B. Virginis, aut Sanctorum. Secus si intendat tantum baptizare per intercessionem B. Virginis, aut Sanctorum; tunc enim sensus formæ substantialiter non mutatur. *ibid. num. 19.*

28. Nullus seipsum potest validè baptizare; quia sicut nemo potest seipsum naturaliter generare, ita neq; potest seipsum spiritualiter regenerare per Baptismum; neque ipse Christus à seipso voluit baptizari: ad hæc solum Eucharistie Sacramentum potest quis sibi ministrare. Duo tamen possunt, urgente necessitate, se inuicem baptizare. *ibid. num. 20.*

29. Plures vnica asperzione validè baptizari possunt dicendo, *Ego vos baptizo*, &c. modo singulos aqua contingat; & tunc dicuntur esse plura Baptismata, quia distinctio numerica baptismatum petitur à subiecto, in quo recipitur Baptismus, & quamuis vnica proferatur forma, virtualiter tamen est multiplex. *ibid. n. 21 & 22.*

30. Quando duo concurrunt ad baptizandum vnum, & eundem, & alter abluat, alter verò formam profert, vt si quis baptizandus sit, nec alius adsit præter duos homines, quorum alter sit mancus, alter mutus, si mutus aspergat infantem, & mancus proferat formam, non est validus baptismus: quia forma efficitur falsa: nam proferens verba dicit *Ego te baptizo*, cum reuerà ipse non baptizet: nec abluat infantem. *ibid. num. 23.*

31. Quando plures simul baptizant infantem, si quilibet intendat baptizare independentè ab intentione alterius, validè baptizat modò simul perficiat verba, alioquin ille tantum baptizat, qui prior perficit formam, & absoluit verba. Si verò quilibet intendat baptizare dependentè ab intentione alterius, non baptizat validè. *ibid. n. 25.*

32. Baptismus collatus alicui, quem minister credebat esse masculum, cum sit femina, aut esse filium huius, cum sit illius, nihilo secus est validus: quia licet minister speculatiuè erraret, non tamen errat practicè, cum dirigat intentionem suam in personam præsentem. At si habeat intentionem baptizandi tantum hunc v. g. qui est filius Titij, si autem sit alius, nolit baptizare, inualidus erit baptismus defectu intentionis; alioquin per errorem persona baptismus non fit irritus. Porro is, qui pro femina baptizatus est, accepitque nomen quod feminis imponi consuevit, non est rebaptizandus, sed solum nomen commutandum in nomen viri, si postea in virili ætate promineant membra virili, quæ in infantia ita latebant, vt femina crederetur. *tom. 1. pag. 38. n. 26. & seq.*



33. Minister Baptismi ex officio est Sacerdos, cui soli competit solemniter baptizare; unde sequitur, eum, qui solemniter baptizat, cum non sit Sacerdos, illicitè baptizare, cum sibi alienum officium usurpet. In necessitate autem cuiuslibet habens usum rationis, etiam infidelis, & ethnicus: modò intentionem habeat faciendi quod facit Ecclesia, debitamque formam proferat, & materiam applicet, potest Baptismum ministrare. *ibid. pag. 38. n. 2. & seq.*

34. Qui extra necessitatem baptizat, cum non sit Sacerdos, graviter peccat, quia facit contra prohibitionem Ecclesiæ in re gravi. Parochus item, aut alius Sacerdos baptizans solemniter infantem alterius parochiæ sine necessitate, absque licentia Episcopi, vel proprii Parochi, peccat; non tamen incurrit excommunicationem, vel irregularitatem; quia hæc pœna nuppiam inuenitur expressa. *tom. 1. pag. 39. num. 9. & 10.*

35. In Baptismo, tempore necessitatis administrando, hic ordo servandus est, ut præsentem viro sœmina non baptizet, nec laicus præsentem clerico, nec diaconus præsentem Sacerdote, etiam si sacerdos urbanitatis causa cedat; huius tamen ordinis peruersio non est peccatum mortale, nisi ad sit sacerdos, quo præsentem, nemo potest sine peccato mortali baptizare; nisi ignorantia aut necessitas (sacerdote nolente baptizare) excuset. *ibid. n. 11.*

36. In ministro Baptismi requiritur 1. intentio baptizandi, sine qua nullus est Baptismus. 2. ut minister adhibeat debitam materiam, & formam, illamque ritè applicet. 3. ut solemniter baptizans sit in gratia, alioquin graviter peccat; qui verò urgente necessitate baptizat sine solemnitate, non peccat graviter, tamen si peccati mortali sibi sit conscius, aut excommunicatus. *ibid. n. 12.*

37. Cum Baptismus imprimat characterem, indelebiter in anima inhaerentem, non potest iterari, si moraliter constet semel ritè collatum fuisse; in dubio verò an validè collatus fuerit, iterum conferendus est sub conditione, quam non necesse est exprimi, sed sufficit mente retineri. *ibid. n. 20.*

38. Patrini officium est infantem de sacro fonte levare, & pro eo solemniter spondere, contrahitque obligationem illum instruendi de rebus fidei, quando parentes, aut parochus desunt, qui id præsentent. *ibid. n. 18.*

### Baptismo quis initiandus.

39. Quilibet homo natus, existens in hoc mortali corpore, siue infans, siue adultus, siue vir, siue sœmina, est Baptismi capax. Unde sequitur monstrum ex viro & sœmina genitum, baptizandum esse, quia est homo. Immo si constet habere duplicem animam, ut si habeat duo capita, & duo corpora, bis baptizandum esse, semel in vnoquoque capite, aut vnicò actu,

pro-



prolata forma in numero multitudinis *Ego vos baptizo*. Sin dubitetur, an constet duplici anima rationali, vt si habeat duo capita cum vno pectore, vel duo pectora sub vno capite, duplex Baptismus conferendus est, vnus absolute in ea parte in qua est perfectius caput, aut pectus, alter sub conditione in alia parte. *tom. 1. pag. 40. n. 2. & seq.*

40. In dubio an monstrum genitum sit ex viro, & femina, vel ex femina, & bruto, baptizari potest sub conditione, nisi constet esse animal irrationale. Quare si nascatur monstrum habens caput fetinum, & reliqua membra humana, & adhibita debita diligentia, sciri non potuit, an esset homo, an bellua, non potest absolute baptizari, sed ad summum, sub conditione; alioquin esset periculum conferendi baptismum subiecto illius incapaci. *ibid. n. 5.*

41. Existens in vtero matris baptizari non potest; quia non est homo natus; neque renasci potest per Baptismum qui nondum est corporaliter natus, cum ablui non possit. At si mater moriatur, & filius in vtero credatur viuere, aperienda est mater, vt infans extrahatur, & baptizetur. Quandiu vero mater viuuit, non est scienda, etiam si ob partum moritura sit. *ibid. n. 9.*

42. Si mulier grauida per sententiam iudicis damnetur ad mortem, differenda est executio sententiae, donec pepererit: nisi ex illa dilatione, damnum immineat reipublicae; tunc enim potest viuientis vterus aperiri, & infans extrahatur, & baptizetur. *ibid. n. 10.*

43. Baptismus collatus infanti absque parentum consensu, validus est; quia ad valorem baptismi requiritur tantum materia, forma, & intentio ministri. *ibid. num. 11.*

44. Si filius habeat vsum rationis, & petat Baptismum, etiam inuitis parentibus baptizandus est; quia in iis, quae ad salutem animae spectant, est sui iuris; quare potest etiam parentibus infidelibus subtrahi ad vitandum, periculum peruersionis. Sin dubitetur, an vsu rationis polleat, est etiam baptizandus, quia in dubio iudicandum est in fauorem fidei, praesertim si iam compleuit septennium; illa enim aetas praesumitur capax rationis. At septennio nondum completo, non est inuitis parentibus baptizandus. Filij autem infidelium non baptizatorum, carentes vsu rationis non possunt inuitis parentibus baptizari. *tom. 1. pag. 41. n. 12.*

45. Filij infidelium baptizatorum, vt haereticorum, aut aliorum apostatarum a fide, possunt inuitis parentibus baptizari; quia ipsi parentes sunt Ecclesiae subditi. *ibid.*

46. Filij infidelium etiam non baptizatorum quando versantur in euidenti mortis periculo, possunt inuitis parentibus baptizari; quia tunc cessat periculum subuersionis. Infans autem ex vno saltem parente Christiano natus, baptizandus est etiam inuitis parentibus; quia hic ex vi suae originis subditus est Ecclesiae, & inuitari, ac sequi debet parentem Christianum. *ibid.*

47. Filij infidelium qui non sunt serui, sed tantum tributarij, & vasalli



Principum Christianorum; cuiusmodi sunt Iudæi commorantes, ex concessione Principum, in aliquibus ciuitatibus, non possunt inuitis parentibus baptizari; quia huiusmodi parentes, cum non sint serui, ius in filios non amittunt. Filij verò seruorum possunt de consensu dominorum, inuitis parentibus, baptizari: quia Domini ius habent in parentes, & filios, ita ut iis uti possint, in quem voluerint rationabilem usum non repugnantem legi naturali; neque imminet periculum peruersionis, facta separatione de dominorum consensu. Porro nomine seruorum intelliguntur illi, qui emuntur à veris dominis, aut iusto bello capiuntur, suntque serui iure belli. *ib.*

48. Possunt domini parentibus, aut aliis vendere seruos nondum baptizatos, accepta pecunia, aut facta permutatione cum Christianis captiuis; quia tenetur tantum ex charitate illos baptizare; sed charitas non obligat cum tanto incommodo, nisi enim redderent filios parentibus, magnum subirent incommodum in iis alendis, & educandis; & nisi parentes infideles spem habent redimendi filios captiuos, magis facerent in Christianos. *ibid. n. 14.*

49. In adulto baptizando requiritur saltem triplex dispositio. 1. est intentio actualis, aut virtualis suscipiendi Baptismum 2. est fides supernaturalis, 3. est attritio; non tamen est necessaria confessio Sacramentalis ante Baptismum, cum ipse sit ianua omnium sacramentorum; neque ipsi post Baptismum imponenda est aliqua satisfactio; quia per Baptismum remittitur culpa, & pœna. Notandum autem eum, qui suscipit Baptismum absque attritione, & fide, suscipere quidem Baptismum quoad characterem; sed non quoad gratiam, & remissionem pœnæ; qui autem suscipit absque intentione, ne quoad characterem quidem suscipere Baptismum. *tom. 1. pag. 41. 42. n. 15. 24. 25. & seq.*

50. Validus est Baptismus collatus dormienti, si Baptismum petiit ante somnum; habet enim intentionem habitualement. Idem dicendum de furioso, qui dum haberet lucida rationis interualla, petiit Baptismum. Tamen quando quis incidit in amentiam, si spes sit resipiscentiæ, expectandum est, ut ad se redeat; sublata verò spe resipiscentiæ baptizandus est. Item validus est Baptismus collatus ei, qui per metum grauem illum suscepit cum intentione suscipiendi; quia metus non tollit voluntarium simpliciter. *ibid. pag. 42. n. 19. & seq.*

51. Fieri potest, ut quis suscipiat verum Baptismum, & characterem, etiam si non habeat fidem infusam, ac prout non recipiat gratiam; ut si quis ab hæretico instructus, habeat intentionem suscipiendi id, quod fuit institutum à Christo, quidquid illud sit; hic enim valide suscipit Baptismum, sed non recipit gratiam, quia non habet fidem. *ibid. n. 24.*

52. Tres sunt præcipui effectus Baptismi. 1. est gratia habitualis, 2. remissio totius pœnæ, 3. character. Igitur Baptismus confert gratiam cum reliquis virtutibus, & donis, quæ gratiam consequuntur, modo suscipiens non ponat obicem: Gratiam autem confert pueris quidem æqualem, adul-



is verò inæqualem, iuxta cuiusque dispositionem. Porro hæc gratia remittit peccatum originale, & actualia omnia ante Baptismum commissa. Peccata verò commissa in susceptione Baptismi, aut post Baptismum, non delentur per Baptismum, sed Sacramento Pœnitentiæ sunt subiicienda. *tom. 1. pag. 43. num. 1. & seq.*

53. Per Sacramentum Baptismi remittitur etiam omnis pœna peccatis debita; unde baptizatis nulla iniungitur pœnitentia. Non auferuntur tamen pœnalitates in hac vita, cuiusmodi sunt concupiscentia inordinata, ægritudines, mors, &c. quoniam Baptismus habet etiam virtutem eas auferendi, & re ipsa auferet à iustis in resurrectione. *ibid. num. 5. & seq.*

54. Baptismus imprimit characterem in anima indelebilem, propter quem non potest iterari; quia sicut homo non potest bis nasci, ita nec bis renasci per Baptismum. In dubio tamen potest iterari sub conditione. Infans inter Christianos expositus, regulariter loquendo, præsumendus est baptizatus. *ibid. n. 9. & seq.*

55. Præter effectus commemoratos Baptismi, sunt alij nonnulli secundarij, ut sanitas, quam Baptismus aliquando confert, ut dicitur de lepra Constantini Imperatoris; ablatio irregularitatis ex delicto, & obligatio seruandi Ecclesiæ præcepta. *tom. 1. pag. 44. n. 12.*

56. Baptismus cum fictione susceptus, recedente fictione, suum effectum producit: cum enim proprium Baptismi sit regenerare per remissionem peccati orig. & nullo alio Sacramento id fieri possit, necesse est sublata fictione, hunc effectum per Baptismum conferri. Hæc autem fictio, si fuit sine peccato, ut si suscipiens Baptismum, nesciuit se debita dispositione carere, tollitur per actum fidei, & attritionis; si verò fuit cum peccato, quia scilicet suscipiens sciebat se non habere debitum dolorem, requiritur contritio, vel Sacramentum Pœnitentiæ ad eam fictionem tollendam, & effectum Baptismi recipiendum. *ibid. n. 13. & 14.*

57. Peccata ante Baptismum commissa non sunt in confessione apenienda; quia per Baptismum sufficienter delentur. Suscipiens autem Baptismum cum peccati venialis complacentia, recipit quidem gratiam, & remissionem aliorum peccatorum; non tamen illius venialis. *ibid. num. 15. & 16.*

58. Ritus Baptismi, quamuis accidentales, omitti non possunt absque peccato, ex suo genere mortali, nisi paruitas matæ excuset. Quare grauius peccat in aqua non benedicta, vel cum crismate alterius anni, absque necessitate baptizans. Porro quando quis fuit domi baptizatus sine ceremoniis, supplendæ sunt a Parôcho in Ecclesia. *ibid. num. 18. & seq.*

Beguini, seu Bizochi.

1. IN Extrauag. Sancta Romana. Ioannis XXII. de religiosi domibus. Iseratur excommunicatio contra eos qui fictam Fratricellorum, Bizo-

B 3 chorum



chorum, seu Beguinorum religionem profitentur, & contra Prælatos, qui eos sine Summi Pontif. facultate admittunt. *disp. 2. quest. 2. punct. 27. pag. 176. tom. 3.*

2. Nouum habitum & nouam religionem hoc tempore assumens, seu nouum vitæ genus sine Summi Pontif. auctoritate instituens, huic excommunicationi non subiicitur: quia lex pœnalis ultra suos terminos non est extendenda; grauius tamen peccaret, & grauibus pœnis afficiendus esset. *ibid. n. 2. tom. 3.*

### Begunæ.

1. IN Clementina 1. *de religiosiis domibus*, excommunicantur quædam fœminæ statum Beguinarum assumentes, aut in eo perseverantes. Begunæ autem fuerunt quædam mulieres, quæ nullam regulam approbatam profitebantur, habitum tamen deferébant peculiarem, & quibusdam religiosiis adhærebant; de Trinitate, & diuina essentia disputabant, prædicabant, & multas opiniones fidei contrarias inducebant. *disp. 2. quest. 2. punct. 26. pag. 176. tom. 3.*

2. Eadem excommunicatio extenditur ad religiosos qui præfatas Begunas admittunt, ipsis consilium, auxilium, vel fauorem præbent. *ibid.*

3. Non sunt damnandæ Tertiariæ S. Francisci, S. Dominici, aut Vrsulinæ, vel similes alix, quæ sub regula tolerata viuunt, & continentix votum emittunt; Immo gaudent priuilegijs ordinis, cuius habitum susceperunt, & ab ordinarij iurisdictione sunt exemptæ, etiamsi in proprijs domibus, vel seorsim habitent: sic enim declarauit sacra Cardinalium Congregatio. *ibid. n. 3.*

4. Fœminæ, quæ sine vlla regula in suis domibus, aut parentum, obsequio Dei se mancipiant, nullam pœnam incurrunt; hoc enim ipsis permittitur in præfata Clementina. *ibid. n. 4. tom. 3.*

### Bellum.

1. **B**ellum est conflictus armorum, seu professio nocendi parti contrariæ, vi, & armis. Duplex est, vnum *offensiuum*, quod etiam *vincidicarium* appellatur; alterum *defensiuum*, quo quis se tuetur contra aggressiorem. *tom. 2. pag. 466. num. 1.*

2. Licitum est bellum apud Christianos; quia iure naturæ licet iniurias propulsare, quod sine bello interdum fieri nequit. Ut autem sit licitum bellum offensiuum, tres conditiones requiruntur. 1. est auctoritas indidentis, quæ est penes Principem, aut Magistratum, aut Senatum, qui in sua iurisdictione non agnoscat superiorem. 2. est recta intentio, quæ tunc est recta, cum bellum suscipitur ob bonum commune: tamen deficiente hac conditione, bellum potest esse iustum. 3. est iusta causa; dicitur autem ius-

sta,



ita, quando bellum suscipitur ad iustè impediendam, aut vindicandam, aut compensandam iniuriam. *ibid. n. 2. & seq.*

3. Ante diligentem inquisitionem an causa sit iusta, non potest bellum indici, immò neque post inquisitionem, manente adhuc dubio: nam in dubio melior est conditio possidentis. At quando res à neutra parte possidetur, vt quando oritur controuersia, quisiuam, mortuo Rege, debeat succedere, & dubitatur cuinam de iure contingat regnum, neutra pars potest arma capere ad occupandum totum regnum, sed tantum ad partem æqualem, vel inæqualem, pro ratione dubij ex vtraque parte. *no. 2. pag. 467. n. 8.*

4. Posita iusta causa non licet Bellum indicare, nisi prius petita ab aduersario condigna satisfactio, qua oblata, non licet indicare. Debet etiam bellum ex charitate intermitteri, si ex eo sequutura sunt scandala, & damna Reip. grauissima; minus enim damnum posthabendum est maiori. *ibidem. num. 9.*

5. Milites non tenentur examinare, an bellum sit iustum, si sint subditi, aut stipendiarij Principis bellum indicentis; sufficit eos scire causam belli non esse iniustam: nam in dubio præsumendum est in fauorem Principis. Qui verò non sunt subditi, nec stipendiarij, non possunt ad bellum accedere cum dubio de iustitia belli. At si adhibita debita diligentia, dubium illud deponant, & sibi persuadeant bellum esse iustum, possunt sua nomina huic militia dare. *ibid. n. 10.*

6. Quamuis à parte rei ius competat vni soli, fieri tamen potest, vt bellum ex vtraque parte sit iustum, si vtraque habeat opinionem probabilem, aut altera pars laboret ignorantia inuincibili, aut vtraque stet in iudicio prudentium iudicantium causam belli indicendi esse iustam. *ibid. n. 11.*

7. Iusta causa interveniente licet bellum inferre infidelibus, qui sunt subditi Principibus Christianis de iure, & de facto; consequenter possunt à Principibus priuari bonis, aut vita, propter delicta, vel ob commune bonum. Item potest bellum indici infidelibus occupantibus terras Christianorum; neque tenentur ad restitutionem, qui illorum, v. g. Turcarum, bona capiunt, obtenta à Principibus generali facultate. Infidelibus verò, qui neque de iure, neque de facto sunt subiecti vlli Principi Christiano, non licet bellum inferre, nec eos priuare bonis, nisi Euangelij prædicationem impediunt, aut Christianis iniuriam inferant, aut, ferarum more, humanis carnibus vescantur. *rom. 2. pag. 468. n. 12.*

8. Licet sit in bello quicquid fit vel ad rem ablatam recuperandam, vel ad compensationem faciendam, vel ad vindictam sumendam pro ratione iniuriæ, vel ad pacem componendam, & stabiliendam. Sic vt licet stragematis, dolis, & insidiis, inferre damnum hostibus, adhibitis conditionibus requisitis. At milites tenentur ad restitutionem damni illati contra expressam, vel tacitam superioris prohibitionem; censetur enim iniuste illatum, nisi superior id prohibuerit tantum ad seruandam disciplinam militarem; in hoc enim casu damnum illatum, non est per se contra vo-



luntatem superioris, sed tantum per accidens. *ibid. n. 14. & seq.*

9. In pugna, aut post pugnam non licet occidere eos, quos constat esse innocentes, iuxta illud Exod. 23. *Infontem, & iustum non occides*, cuiusmodi sunt infantes, mulieres, clerici, religiosi, legati, oratores, mercatores transeuntes, &c. nisi occidantur præter intentionem. Licet tamen spoliare innocentes bonis, ut naubus, frumento, equis, &c. ne hostes adiuvant. *ibid. num. 17.*

10. Clerici, & Ecclesiæ, propter immunitatem, quæ gaudent, non possunt tempore belli spoliari, aut diripi, nisi forte per accidens, si victoria non possit aliter obtineri, in quo casu possent hostes ab Ecclesia extrahi, vel in ea occidi, aut ipsa etiam Ecclesia incendi. Non tamen potest Ecclesia more castrumuniri ad oppugnandos hostes; ad defensionem verò Ecclesiasticorum, & laicorum innocentum, muniri nulla religio vetat. *ibid. num. 18.*

11. In gravissimis causis possunt aliquando dari vrbes militibus in prædam. Non tamen licet pro exiguo damno, inferre damnum longè excedens. Hostes iniuste pugnantes possunt aliquando partem victoriæ affici pecuniis. Obsides innocentes, etiam si ij, à quibus missi sunt, fidem datam non servauerint, occidi non possunt: Christiani, & eorum filij non possunt in servitutem redigi; Apostata à fide possunt; eorum tamen filij, si sint baptizati, non possunt. *ibid. n. 20. & 21.*

12. Res mobiles, iusto bello capte, acquiruntur militibus, iure belli; si sint hostium. At si sint erepte à minibus Turcarum, aut piratarum, qui eas abstulerant Christianis, restituendæ sunt prioribus dominis; neque enim piratæ acquisierant illarum dominium, detracta estimatione laboris, & industrie posite in ijs recuperandis. *rom. 2. pag. 469. num. 22. & 23.*

13. Hostes, qui se dediderunt, si sunt innocentes, occidi non possunt. Secus si nocentes; nisi se dediderint cum hac conditione, *ne laderentur*. Iusto bello capti, possunt fugere ad suos; modò non iurauerint se non arrepturos fugam; nec postea recidunt in servitutem, si tempore pacis redeant ad hostes ob negotiationem, vel aliam causam. At servi emptitij peccant fugiendo, quia priuant dominos re sua. *ibid. num. 25. & 26.*

14. Peccant mortaliter duces, qui bello representant plures personas, ut plura stipendia accipiant. Item qui concedunt officia famulis, aut suis familiaribus, illisque minuunt stipendia, ut sibi reliquum retineant. Item graviter peccant milites grauando rusticos, eosque compellendo ad ea, ad quæ non tenentur, neque per hoc excusantur, quòd duces non soluant stipendia; milites enim alendi sunt de publico. Extrema tamen necessitas excusat, & tunc Princeps tenetur rusticis damnum compensare. *ibid. nu. 27.*

15. Clericis minorum Ordinum licet pugnare in bello propria manu: clericis verò, qui sacris Ordinibus sunt insigniti, prohibitum est iure Ecclesiastico; possunt tamen horum tati ad pugnam. Possunt etiam pugnare ad defensionem sui, vel sociorum, quando mors aliter vitari nequit. *ibi. n. 29.*

16. Tem-



16. Tempore induciarum, & die festo abstinendum est à prelio; nisi necessitas urgeat. Tamen quia bellum non videtur opus servile, cum ab ipsis etiam Principibus exerceatur, multi censent pugnare in die festo etiam absque necessitate, vel Reip. utilitate, non esse peccatum saltem mortale, modò Missa audiat. *ibid. n. 30.*

## BENEFICIUM, BENEFICIARIUS.

### *Fructuum Beneficij dominium, & dispositio.*

1. Beneficiorum bona sunt aut patrimonialia; aut quasi patrimonialia, aut mere Ecclesiastica. Beneficiarius dominium habet absolutum bonorum patrimonialium, & quasi patrimonialium; necnon fructus, & proventus beneficij; licet enim non habeat dominium beneficij, est tamen usufructuarius. *rom. 1. pag. 751. n. 1. & seq.*

2. Fructus, & proventus beneficij alij sunt necessarij ad congruam sustentationem, alij superflui. Necessarios potest beneficiarius dispensare ad libitum, sicut potest bona patrimonialia; neque tenetur illos in pia opera erogare magis quam bona patrimonialia, aut quasi patrimonialia: hi enim fructus dantur tanquam merces, & stipendium laboris exhibitum. *to. 1. p. 75 n. 1.*

3. Fructus beneficij, qui ad congruam sustentationem necessarij non sunt, sed superflui, in pios usus erogandi sunt; sic enim decernit Conc. Trid. sess. 25. c. 1. quia sunt patrimonium Christi, pauperibus distribuendum. Pauperum autem nomine intelligendi sunt non tantum illi qui officium stipendiarii mendicant, verum etiam qui vitam ex suo patrimonio contumeliose, & honeste iuxta sui status conditionem sustentare non possunt, intelliguntur etiam anime in Purgatorio existentes, ipsæ enim ope nostra indigent. *ibid. n. 3.*

4. Pro congrua beneficij sustentatione ea pars fructuum constituenta est, quæ ad beneficij, ipsiusque familie sustentationem necessaria iudicatur habita ratione scientie, & literature, nobilitatis, aut dignitatis, quam obtinet, aut loci, in quo beneficium habet: cum enim non sit par omnium conditio, æquum non est, ut eadem portio omnibus assignetur. *ibid. n. 7.*

5. Qui fructus beneficij suæ sustentationi superfluos in profana opera expendit, v. g. ad dandos amicos, vel consanguineos, equos & canes alendos, grauter peccat: est enim graue peccatum Christi patrimonium in profanos usus profundere. Potest tamen parentibus, & consanguineis indigentibus largiri titulo paupertatis, sororem, vel nepotem dotare, fratrem, nepotem, aut cognatum in studiis alere, &c. hæc enim inter pia opera numerantur. Licet etiam aliquos beneficij fructus in ludos, & honestas, ac modestas animi recreationes insumere, spectata clericali conditione. Item potest beneficiarius ex fructibus beneficij alere filios non tantum legitimos, sed etiam spurios, moderatam, & rationabilem dotem filiis spuris tradere, &c. si non possit aliunde illis prospicere. *to. 1. p. 752. n. 9. & seq.*

6. Beneficiarius potest distributiones pro suo arbitratu impendere;

quia



quia est illarum dominus, & distributiones dantur ob ministerium persone, tanquam stipendium laboris, consequenter sunt bona quasi patrimonialia, quorum beneficiarius est absolutus dominus, unde pater quid sit discriminis inter fructus beneficii, & distributiones. Item cappellanus potest ad libitum expendere acquisita pro celebratione Missarum, confessionibus audiendis, concionibus habendis & id genus aliis functionibus; hæc enim non sunt bona beneficii, sed quasi patrimonialia, & fructus propriæ industriæ. *rom. 1. pag. 753. num. 18. 19.*

7. Beneficiarius non potest ad libitum insumere bona, quæ ipse emit ex pecuniis Ecclesiæ, aut nomine Ecclesiæ; sunt enim bona Ecclesiæ, quorum dominium non habet, & eiusmodi bona ex pecuniis, & fructibus beneficii empta addiuntur Camera, & sicut Apostolico; ergo non fiunt bona quasi patrimonialia ipsius beneficiarii. *ibid. n. 20. 21.*

8. Clericus qui beneficium in perpetuam commendam accepit, potest de fructibus illius disponere ea solum ratione, qua beneficiarius. Qui autem beneficium accepit in commendam temporalem, licet fructus sibi assignatos possit suo arbitratu expendere; reliquos tamen non potest distrahere, quia est illorum duntaxat procurator. *ibid. n. 22.*

9. Religiosi habentes beneficia Ecclesiastica, v. g. Abbatiam, Prioratum, Commendam, &c. non possunt ad libitum de fructibus disponere, excepta ea parte, quam parcius viuendo sibi subtraxerunt: religiosi enim non sunt domini fructuum, sed administratores. At milites Commendatarii, ut sunt Equites S. Jacobi, Calatræ, Alcántare, &c. peccant quidem fructus suarum commendarum profanè insumendo; hoc tamen peccatum non videtur excedere gravitatem culpe venialis, nisi forte ratione pravi finis: quia hi proventus non sunt bona simpliciter Ecclesiastica, dantur enim titulo seculari, nempe militari. Secus sentiendum de Equitibus Meliten-sibus, seu commendatariis S. Ioannis Bapt. sunt enim verè religiosi: non possunt igitur de redditibus commendarum quod congruè suæ sustentationi superest, in usus inutiles expendere; cum enim dentur cum onere officii recitandi, dantur titulo spirituali, suntque redditus Ecclesiastici. De aliis verò pecuniis, & lucris aliunde perceptis, possunt libere inter viuos disponere; habent enim illorum dominium; de illis tamen, ob votum paupertatis, testari non possunt. *rom. 1. pag. 753. 754. n. 24. & 25.*

10. Licet beneficiarius, de iure communi antiquo non possit de fructibus beneficii testari, & disponere ad causas profanas; ex privilegio tamen, vel consuetudine multis in locis recepta, id potest. Igitur beneficiarius, attendita loci consuetudine, in quo non est usus spoliatorum, potest beneficii fructus consanguineis testamento relinquere; imò ipsi consanguinei beneficiario decedenti ab intestato, possunt in huiusmodi bonis succedere; quia illorum dominium beneficiarius habebat. *rom. 1. pag. 754. n. 2. & 3.*

11. De bonis autem patrimonialibus, vel quasi patrimonialibus, & de fructibus beneficii ad congruam sustentationem necessarius beneficiarius potest



potest licite, & valide testari, vbi consuetudo obtrinit, vt beneficiarij testentur: at de fructibus superfluis non item. *ibid. n. 4.*

12. Heres, qui beneficiario testato, vel intestato decedenti succedit, in eam fructuum partem succedit, quæ beneficiario vsque ad mortem compete-  
bat: beneficiarius autem ius habebat ad eos fructus, qui vsque ad tempus mortis à solo separati erant, licet fortè nondum reconditi, nec in horreum translati essent, iuxta decisionem Rotæ; fructus autem pendentes, nec dum à solo separatos, non dubium est ad successores in beneficio pertinere. At si sermo sit de bonis locatis pro certa pensione singulis annis soluenda, vel pensio exigitur pro vsu rei, vel pro fructibus. Si exigitur pro vsu rei v. g. pro locatione domus, heres habet ius ad ratam temporis, quò prædecessor vixit, durante locationis contractu. Sin exigitur pro fructibus, titulo simplicis locationis, heredi competit ius in fructus, qui à solo separati erant eo tempore quo beneficiarius deceffit; ideoque illi debetur pensio, quæ hinc fructibus respondet. *rom. 1. pag. 75 §. n. 6. & 8.*

13. Beneficiarius qui fructus beneficij sibi superfluos, in profanos vsus expendit, non tenetur ad restitutionem; quia est illorum dominus: neque is, qui huiusmodi fructus à beneficiario accepit. Adde excusari heredem à culpa, qui capit fructus, seu bona beneficiarij cui ex testamento, seu ab intestato succedit: nam obligatio expendendi illos fructus in pios vsus, est personalis, pertinens ad solum testatorem; ergo heres non peccat illos capiendos, licet fortè peccauerit beneficium inducendo ad testandum de fructibus superfluis ad profanas causas. *rom. 1. pag. 75 §. n. 1.*

#### *Beneficiorum Residentia.*

14. Residentia est persistencia in loco, in quo quis habet beneficium. Vnde patet discrimen inter absentiam à choro, & non residentiam: nam ille dicitur non residere, qui non habitat in loco, vbi est Ecclesia, in qua possidet beneficium; ille vero dicitur abesse à choro, qui licet in eodem oppido versetur, diuinis tamen officiis non interest, nec inseruit. *t. 1. pag. 75 §. n. 1.*

15. Parochus, qui à parœcie terminis adeo distat, vt facilis ad ipsum aditus non pateat, non dicitur residere. Secus si ad eum locum diuertat, quò facilis sit accessus parochianis, vt in spiritali necessitate ad illum recurrant. Satiustamen est, Parochum prope Ecclesiam habitare, iuxta declarationem Sacre Congregationis. Potest tamen Parochus recreationis, vel negotiorum causa, extra parœcie ambitum se conferre, statim reuersurus. *ibid. n. 2. & seq.*

16. Omnes, & singuli beneficiarij, qui onus per se ipsos in loco beneficij exercere debent, ad residentiam obligantur, vt Parochi, & Canonici. Habentes autem præstimoniam, aliaque simplicia beneficia, residere non tenentur. *ibid. n. 1.*

17. Parochus qui intra parœcie ambitum commoratur quidem, sed Parochi munus non exercet, non satisfacit præcepto residendi; quia permittit deest



de est ac si non resideret; consequenter ad restitutionem fructuum eo tempore perceptorum obligatur. Qui verò per alium exercet, regulariter loquendo, non satisfacit suę obligationi; quia minus administrandi sacramenta Parocho, quoad fieri potest, personaliter incumbit: potest tamen aliquando vti opera alterius sacerdotis in confessionibus excipendis, Eucharistia ad infirmos deferenda, &c. modò subditio non repugnet, nec quidquam detrimenti inde patiantur. *tom. 1. pag. 757. 758. n. 2. & 3.*

18. Habens Ecclesiam parochialem, in qua Vicarium perpetuum legitime institui obtinuit, non tenetur eo viuente residere, modò tota cura animarum translata sit in coadiutorem, abdita a à Parocho administratione; alioquin non est adhuc liber à residentia. Ita declarauit Sacra Cardinalium Congregatio. *pag. 758. n. 5.*

19. Ille Parochus potest beneficii fructus, percipere & retinere, qui ita per Capellanum deseruit, vt oues nullum graue detrimentum inde patiantur, modò habitet intra terminos parocę; sic enim dicitur residere, & suas oues cibo spirituali nò fraudat, dum parochię munus per alium exercet. *ibid. n. 6.*

20. Beneficiarij curam animarum gerentes, vt Episcopi, & Parochi, residere tenentur iure diuino, naturali, & canonico: vnde grauiter peccant non residendo. Parochus tamen, seu alius curam animarum gerens, qui per bimestre in anno, sine licentia, à sua parochia recedit, non peccat mort. si ex legitima causa, & sine cuiusdam damno recedat: bimestris enim absentia modica reputatur, & permittitur à Concilio Trident. Nihilominus valida est constitutio Episcopi prohibentis Parocho, ne absque licentia, vltra biduum à parochia recedat; quanquam Parochus ob bidui, aut tridui absentiam, excommunicari non potest; est enim res leuior, quam vt esse possit materia censure. *tom. 1. pag. 758. 759. n. 1. & seq.*

21. Beneficiarij non habentes curam animarum, radicaliter, & quasi principaliter tenentur ex iure Ecclesiastico, in loco beneficij residere, & onus per se ipsos persolvere: secundario verò ex iure naturali; posita enim institutione recitandi in choro, & persoluendi diuina officia in tali Ecclesia, surgit naturalis obligatio residendi in loco beneficij, vt suo oneri satisfaciant. Habentes igitur beneficia, quibus annexum est onus persoluendi diuina officia per se ipsos in Ecclesia, tenentur residere: habentes verò beneficia simplicia, quę nullam habent obligationem preter onus recitandi priuatim diuinum officium, non tenentur. *to. 1. pag. 760. n. 9. & seq.*

22. Capellanus, cui ex fundatione capellanę simpliciter impositum est onus celebrandi, non peccat grauiter non residendo; satisfacit enim celebrando per alium; nisi in fundatione caueatur, vt per seipsum celebret; tunc enim non potest per alium celebrare, consequenter tenetur in loco beneficij residere, vt oneri satisfaciat. *ibid. n. 13.*

23. Beneficiarius, qui non residet, dum residere tenetur, preter culpam, fieri potest, vt incurrat aliquam censuram, vel beneficij priuationem, aut aliam



aliam poenam, quam Ordinarius loci, pro qualitate contumaciæ, à non residentibus incurrendam iniunxerit: hanc enim facultatem Episcopis concedit Concilium Trident. *sess. 23. c. 1.* & præter illas poenas incurrit priuationem fructuum pro rara absentie, ita decernente eodem Concil. *ibid.* etiam ante villam iudicis sententiam. Tridentinum enim dicit non residentem non facere fructus suos, nec tuta conscientia illos sibi retinere posse, sed teneri fabrifice Ecclesie, aut pauperibus loci illos erogare, alia etiam declaratione non sequuta. Non tenentur tamen ad illam restitutionem nisi ultra bimestre absit. *tom. 1. pag. 761. num. 2. & seq.*

24. Parochus, qui de Episcopi licentia ultra bimestre absit à sua parochia, facit fructus suos, nec tenetur ad restitutionem, modo idoneum substituat ministrum, qui vices suas gerat: quia carens culpa, carere debet poenâ; nulla autem est obligatio restitutionis; hæc enim obligatio confurgit ex violatione iustitie, cum dâno alterius; at hic nullus patitur danum, quia hic Parochus per alium præstat, quod per se præstitisset. *ro. 1. pag. 762. n. 10.*

25. Abbates, vel Priores, aliæ habentes beneficium curatum regulare, sine cura seclarium, non tenentur ad restitutionem fructuum, si suum munus per alium sufficienter suppleant; quia Concilij Trid. decretum ad ipsos non extenditur. Non negandum tamen illos ex præscripto suarum regularum teneri residere. *ibid. n. 14.*

26. Canonicus, qui non residet, amittit quidem distributiones, quæ respondent oneri assistendi choro; præcisè tamen ob non residentiam priuationem fructuum non incurrit. Decretum autem Concilij Trid. *sess. 24. cap. 12.* quo Canonici non residentes priuantur fructibus, est decretum poenale, quod non obligat ante iudicis sententiam: quamobrem Canonicus, qui diuinis officiis nunquam assistit, neque in loco beneficii residet, non tenetur beneficii fructus restituere, nisi legitimi superioris auctoritate per sententiam priuetur; quia decretum Concilij est comminatorium tantum. *tom. 1. pag. 763. num. 16.*

27. Legitima causa obtinende licentiæ ad non residendum, ad aliquod tempus est quadruplex, Christiana charitas, virgens necessitas, debita obedientia, & euident Ecclesie, vel Reipub. utilitas. *Obiic.* residentiam, cum sit de iure diuino, nullam admittere dispensationem. *Resp.* dispensari posse in iis, quæ formaliter sunt de iure diuino; radicaliter verò, & fundamentaliter de iure Ecclesiastico, cuiusmodi est residentia. *ibid. n. 1.*

28. Parochus tutus est in conscientia, qui non residet ob inimicitias cum periculo vite, Episcopo consentiente, & substituto alio idoneo; sic enim declarauit Sacra Cardinal. Congregatio. Item qui ob pestem, vel morbum non perpetuum, non potest sine vite periculo residere; ob morbum verò perpetuum, aut senectutem, non videtur excusandus à residentia; si autem per se ipsam non potest munus suum obire, coadiutorem assumat. *ibid. n. 2. & seq.*

29. Canonici Ecclesiarum Cathedralium, uel etiam Collegiarum, saltem



saltem insignium, non excusantur à residentia, non obstante quauis consuetudine etiam immemorabili, vt sacra Cardin. Congregatio censuit. Tamen absentes ad dirimendas controuersias: uel ad alia opera charitatis; item inseruientes Pape in utilitatem Ecclesie; item qui absunt causalis prosequende super iuribus, & bonis sui beneficii; item qui ad quinque annos Theologiam, aut ius canonicum docent cum Episcopi facultate, à residentia legitimè excusantur. Porro licentia obtinenda est in scriptis quoad Prelatos, Parochos, aliosque animarum curam gerentes; sic enim præscribitur à Trident. sess. 23. cap. 1. tom. 1. pag. 764. 765. num. 6. & seq.

40. Episcopus non potest uti opera Parochi in uisitando Ecclesia, aut pro seruitio Ecclesie Cathedralis, vel pro secretario, aut in exercendo vicarij foranei exercitio, itavt Parochus excusetur pro eo tempore à residentia (excipe grauem causam, & absentiam duorum mensium à Tridentino concessam) sic enim Sacra Cardin. Congregatio declarauit. pag. 765. num. 14.

## Bestialitas.

1. **B**estialitas est coniunctio carnalis cum re alterius speciei, v. g. cum bruto, vel cum demone comparente in forma bruti, vel hominis, vel foemine, ob id dici solet fieri congressus vel cum demone incubo, vel cum demone succubo. Quod quidem peccatum cum demone commissum, præter malitiam bestialitatis, habet etiam malitiam superstitionis, quatenus includit societatem cum demone: committitur etiam species aliqua fornicationis, si recipiatur à foemina semen humanum translatum à demone, vnde foetus generari potest. tom. 1. pag. 322. n. 1. & seq.

2. Peccatum bestialitatis non habet species diuersas pro diuersis speciebus brutorum, cum quibus habetur congressus; est enim turpitudine eiusdem rationis, cum sit concubitus cum re alterius generis, vel speciei. Quare nihil est necesse in confessione exprimere speciem bruti, sed sufficit dicere, se congressum habuisse cum bruto. *ibid. n. 4.*

3. Hoc peccatum non est ex eo reservatum, quòd est affine Sodomie, quæ est reservata: quia bestialitas licet sit peccatum grauius Sodomia; non tamen est Sodomia, cum non fiat cum persona eiusdem sexus; reservatio autem cum sit odiosa, strictè accipienda est iuxta proprietatem verborum. *ibid. num. 5.*

## Blasphemia.

1. **B**lasphemia est verbum contumeliosum, seu contumum quod iacitur in Deum, vel Sanctos. Alia est cordis, alia oris. Alia est simplex, alia hereticalis, quia aliquid asseritur fidei contrarium, estque non tantum blasphemia, sed etiam hæresis, si ad sit assensus intellectus, cum pertinacia. Sim-



*Simplex* autem blasphemia non continet directè falsitatem contra veritatem fidei, ac proinde ad fidei Inquisitores non pertinet: at blasphemia *hæreticalis* Inquisitoribus, vel Episcopis est deferenda, si blasphemus non resipuerit per correctionem, nam ordo Evangelicus postulat, ut ante denunciationem præmittatur correctio. *tom. 2. pag. 209. 210. num. 1. & seq.*

2. Duobus præcipuè modis blasphemie peccatum committitur. 1. tribuendo aliquid Deo per contumeliam, quod eius bonitati repugnat, ut vocando Deum iniustum, crudelem, &c. 2. auferendo aliquid Deo, quod ei conuenit, ut dicendo nullam esse providentiam. *p. 210. n. 1.*

3. Blasphemia committitur à detestante diuina, vel maledicente Deum, vel illi malum imprecante; tribuit enim Deo quod non habet. Item blasphemus est, qui iurat per vitam, vel caput Dei, vel Sanctorum. Item qui exprobrat Deo, aut tribuit irreuerenter, quæ habet, ut qui iurat per corpus, aut sanguinem Dei, ex indignatione, vel ira contra Deum, vel contemptu; grauis enim contumelia irrogatur Deo. Seclusa autem ira, aut contemptu in Deum, non committitur blasphemia iurando per corpus aut sanguinem Dei, sed potius iuramentum, quia id non dicitur per modum conuiuii in Deum. *ibid. num. 2. & seq.*

4. Blasphemiam committit, qui maledicit creaturis, ut creature Dei sunt, aut qui blasphemat res sacras, ut qui spernit Sanctos; aut qui tribuit creaturis, quæ sunt Dei propria, quasi non sit ipse solus Deus. Hoc scelere se obstringunt qui fœminas, quas efflictim amant, Dei nominibus propriis audient appellare. Item qui iurant per falsos Deos, cum illis tribuant infallibilem veritatem, si illud iuramentum serio fiat. *ibid. n. 5. & seq. & 211. n. 7.*

5. Blasphemus est, qui dicit se velle aliquid facere, etiamsi Deus nolit, vel in despectum Dei; nam diuinam omnipotentiam minuit, quasi Deus impedire non possit. Qui verò dicit, *volo hoc facere, quamuis sit peccatum*, non videtur blasphemiam proficere, non enim censetur Deum conuiuiis afficere. *ibid. num. 9.*

6. Non committit blasphemiam qui dicit, *hoc ita verum est, sicut est verum Deum esse*, vel, *sicut est verum Evangelium*, &c. quia nihil Deo tribuit per contumeliam, nec illi aliquid aufert; modò tamen proferens non intendat veritatem humanam coequare diuinæ, sed tantum indicare similitudinem quandam. *ibid. n. 13.*

7. Blasphemia opponitur virtuti religionis, ad quam spectat tueri honorem, & laudem Dei; estque peccatum ex suo genere mortale; potest tamen fieri veniale ex indeliberatione, & inaduertentia, non autem ratione paruitatis materie, quia blasphemia nulla est levis, neque vilia est, quæ grauem Deo iniuriam non inferat. *ibid. n. 1. & 2.*

8. Qui blasphemat ex habitu, peccat mortaliter, quando aduertit ad prauam illam consuetudinem, illamque non conatur euellere; quia voluntariè persistit in occasione proxima blasphemandi. Qui verò blasphemat absque sufficienti aduertentia, non committit nouum peccatum, sed solum pecca-



peccauit in causa, quatenus non abstulit prauam consuetudinem; quia blasphemia prolata absque aduertentia, non est in se voluntaria, vt patet in peccatis, quę per ebrietatem committuntur. Hinc patet non esse necessē periuria inaduertenter prolata ex habitu, exprimere in confessione, sed sufficere, vt exprimatur causa *ibid. n. 3.*

9. Qui proximum blasphemat, id est, qui proximo maledicit, non peccat peccato blasphemiae proprię acceptę, nisi ei maledicit in ordine ad Deum, quatenus est res Dei; tunc enim committit blasphemiam, quia videtur imprecari malum Deo, in rebus ab eo factis. Qui amen maledicit proximo sine respectu ad Deum, licet proprię non blasphemet, peccat mortaliter, si ei maledicat cum desiderio notabilis damni: quia facit contra charitatem proximi; qui verò solum ex passionis impetu imprecatur alicui graue malum, quod tamen nollet euenire, non peccat mort. quia non lędit grauit̃ charitatem. Hinc excusari possunt parentes, qui ex subito iracundia mortui, malum filiis imprecantur. *tom. 2. pag. 212. n. 4.*

10. Qui maledicit creaturis irrationabilibus, non peccat mort. si maledicat illis secundum se, & propter ipsas; quia possumus illas occidere absque peccato: neque tenemur ex pręcepto charitatis illas diligere. At qui illis maledicit in ordine ad creaturam rationalem, seu, vt sunt bona hominis, mortaliter peccat: modò maledictio non coniiciatur ex motu licito. Sic excusari potest à mortali, qui filiis mortem imprecatur, ne in futurum peccent. *ibid. n. 5. & 6.*

11. Blasphemia in Deum, vt sic, non differt specie à blasphemia in Sanctos; illi tamen addi potest diuersa specie malitia, pro ratione diuersarum circumstantiarum, vt patet in blasphemia prolata ex odio Dei, cui circumstantia odij Dei peculiarem addit malitiam; aut in blasphemia hereticali prolata cum assensu, & pertinacia, quę habet hæresim, & excommunicationem adiunctam. *ibid. num. 1.*

12. Qualitas blasphemiae explicanda est in confessione, sicut explicanda est quantitas damni, & furri: quia hæc non solum est circumstantia peccati, sed aliquid spectans ad obiectum, & ad constitutionem actus in suo esse individuali. vnde patet à fortiori explicandum esse, an blasphemia fuerit in Deum, vel in Sanctos, in B. Virginem, an in alios: non tamen necesse est exprimere Sanctum in quem prolata est; quia omnes blasphemiae in Sanctos sunt eiusdem speciei. *ibid. num. 2.*

#### Bulla Cœne.

1. **D** Ictur Bulla à plumbea bulla illi appensa in qua SS. Petri, & Pauli capita visuntur impressa, ad differentiam Breuium Apostolicorum quibus plumbum non apponitur, sed cera, signata annulo Piscatoris. Vocatur autem *Bulla Cœne*, quia feria quinta hebdomadę sanctioris in qua Christus Dominus cœnam Discipulis fecit, editur, & promulgatur coram



coram summo Pontif. frequenti populo, vno ex Cardinalibus publicationem faciente. *disp. 1. q. 1. punct. 1. pag. 1. & punct. 3. pag. 4. tom. 4.*

2. Reges seu Principes etiam si nullum in temporalibus superiorem agnoscant, impedire non possunt, quin hæc Bulla in sua ditione publicetur, acceptetur, & obseruetur; quia ipsi sub sunt potestati spirituali Summi Pontif. atque adeo fulminationi censurarum, proindeque illarum promulgationem impedire non possunt. *ibid. pag. 4.*

3. Finis huius Bullæ est triplex. 1. vt fides Catholica pura, atque integra feruetur ab omni labe hæreseos. 2. ne violetur vnio fidelium cum Christo. 3. vt inter ipsos fideles societas, & concordia foueatur. *ibid. punct. 4. pag. 5.*

4. Hæc Bulla vim habet, donec alia de nouo edatur, & promulgetur: vnde sequitur censuras in ea cõrentas dici potius debere latas à iure quàm ab homine; quia habent propriam legis, & constitutionis à iure latæ naturam, vt scilicet non extinguantur morte conditoris, sed eo extincto adhuc perferantur donec alia Bulla promulgetur. *ibid. punct. 5. pag. 5.*

#### Bulla Cœne Publicatio.

5. Huius Bullæ publicatio Romæ fieri debet, vbi est Curia Summi Pontif. facta autem Romæ publicatione, Bulla obligat etiam extra urbem degentes Christi fideles, ita vt omnes contrauenientes in pœnas incurant in Bulla contentas, nisi inculpabilis ignorantia excuset, quanquam ignorantia in foro externo non præsumitur, nisi probetur. *disp. 1. quæst. 2. 2. punct. 6. pag. 150. 151. tom. 3.*

6. Extra Urbem autem publicanda est à Patriarchis, Primatibus, Archiepiscopis, Episcopis, locorum Ordinariis, & Prælati vbi libet constitutis, quoties expedire iudicauerint, non solum in Ecclesiis Cathedralibus, sed in aliis etiam suæ iurisdictioni subditis, vel per se, vel per alios. Qui autem hanc publicationem omittunt, grauiter peccant; faciunt enim contra præceptum in re graui obligans sub peccato mortali, nisi grauis metus excuset, aut nullus inde speretur fructus. *ibid.*

#### Bulla Transumptum.

7. Patriarchæ, Archiepiscopi, Episcopi, alique locorum Ordinarij, & Ecclesiarum Prælati, præterea Parochi, alique curam animarum habentes, necnon confessorij tam regulares, quàm seculares, tenentur sub mortali ex vi Bullæ, transumptum illius apud se habere, id est, domi suæ, vel in Ecclesia; vnum autem exemplar in singulis monasteriis sufficit, modò proponatur in loco publico, ad quem pateat omnibus accessus. *ibi. punct. 7. pag. 152. tom. 3.*

8. Transumptis Bullæ Notarij manu subscriptis, & sigillo Iudicis ordinarij

narij Rom. Curia, vel alterius personæ in dignitate Ecclesiastica constituta munitis eadem fides abhibenda est, quæ ipsimet originali Summi Pontifici adhiberetur. Qui verò ipsum Bullæ exemplar materiale perfingit, lacerat, inquinat, aut delet per contemptum, aut prauum alium affectum; vel qui ab Ecclesiæ valuis refigit, autè manibus Sacerdotis Bullam publicare volentis abstrahit, ne publicetur, peccat mortaliter: Quia id vetitum est in Bulla sub indignatione omnipotentis Dei, & SS. Apostolorum Petri, & Pauli; indignatio autem Dei non incurritur, nisi ob grauem culpam. *ibid.* pag. 152. 153. tom. 3.

## Bulle Observatio.

9. Nullus excusari potest ab obseruatione eorum, quæ in Bulla præcipiuntur, prætextu consuetudinis etiam immemorabilis, vel præscriptionis quamuis longissimæ, aut prætextu priuilegij sub quacunque forma, vel cuiuscunque personæ concessi: quia omnia priuilegia cuiuscunque concessa, & sub quacunque forma in Bulla reuocantur; quoad ea, solum quæ in Bulla prohibentur; vtile enim per inutile non vitiatur. *ibid.* pun. 5. pag. 150.

## C.

## C A M B I V M, C A M P S O R.

1. **N**OMINE cambij intelligitur contractus, quo pecunia pro pecunia permutatur, ad differentiam permutationis propriè dictæ, & aliorum contractuum: nam in permutatione traditur vna res pro alia diuersæ rationis, vt vestis pro equo; in venditione traditur res pro pecunia; in mutuo traditur pecunia præsens cum dilatione ad soluendum, quod non accidit in cambio, in quo de præsentis traditur vnum genus pecuniæ pro alio. *rom. 2. pag. 543. n. 1.*

2. Cambium est duplex, alterum *verum*, & *reale*, quo vna pecunia re vera cum alia commutatur; alterum *fictum*, quod non est verum, sed fictum; est enim mutuum sub imagine cambij realis; vt accidit quando campfor pecuniam tradit campfario soluendam in eodem loco, in quo eam tradit, confectis litteris ad locum distantem, ad quem reuera literæ non mittuntur, aut si mittuntur, nihil operantur, eò quod campfor sciat campfarium non habere pecuniam actu, aut potestate in eo loco, ad quem literæ mittuntur. Vocatur autem cambium *fictum*, quia caret iusto titulo accipiendi lucrum. *ibid.*

3. Cambium *reale* est duplex; *minutum*, quo minora numismata permutantur



mutantur cum maioribus, aut contra; & locale seu per litteras, quo hic v. g. Lugduni accipitur pecunia, Romæ soluenda; uocatur autem per cambium per litteras, quia mitti solent litteræ ad locum ubi pecunia accipienda, vel soluenda est. *ibid.*

4. Cambium *ficcum*, est illicitum, & usurarium; quia in eo accipitur lucrum ob mutuum, nempe ob solam dilationem solutionis, & non ob alium verum titulum. Cambium *reale minutum* non est illicitum, nec usurarium; nam multas ob causas potest aliquid exigi supra sortem. 1. ratione officij cambiendi, quia campfor permutat pecuniam in fauorem alterius cum suo labore, & onere. 2. ratione lucri cessantis. 3. propter laborem numerandi. 4. propter facilitatem, seu commoditatem vnius monetæ in numerando, & transferendo. 5. ob antiquitatem monetæ; pluris enim estimatur antiqua moneta, quàm noua ob antiquitatem, & materię puritatem. *ibid. n. 2. & 3. pag. 544.*

5. Qui scienter, vel ex inaduertentia exigit pecuniam adulterinam, non potest illam expendere, quia vitiosa est: neque ex eo, quod quis fuit deceptus, potest alios decipere, sed rei notabiliter vitiosa tenetur vitium, aperire. *tom. 2. pag. 544. n. 4.*

6. Procurator, vel famulus, qui à suo domino accepit pecunias aureas, vel argenteas ad soluendum creditoribus, vel ad necessaria emenda, si eas permutet cum vilioribus, aut det ad cambium, potest lucrum inde acceptum sibi retinere, tanquam fructum industriæ suæ. Vnde patet eum, qui aliena pecunia vtitur ad negotia, vel ad cambia, non teneri domino pecuniæ restituere lucrum inde perceptum, quia est fructus industriæ, concurrente pecunia tanquam instrumento, quod ex se infrecundum est: modo tamen pecuniæ dominus nullum inde damnum patiatur; alioquin tenetur famulus ad restitutionem. *ibid. num. 5.*

7. Licitum est cambium *reale locale*, seu per litteras, quo campfor dat mihi v. g. centum hic, recepturus Romæ centum, & aliquid supra, sine excessu tamen. Quia quando campfor tradit hic mihi pecuniam prior ut eam Romæ recipiat, virtualiter meam pecuniam Romæ huc transfert, sine periculis, & expensis, quod sanè pretio est æstimabile: sic enim campforarius subleuatur onere eam transferendi; & quò maior est distantia, eò maius stipendium exigi potest. *tom. 2. pag. 544. 545. n. 6.*

8. Licitum est item cambium *locale reale*, seu per litteras, quo campfor accipit hic pecuniam cum certo lucro, alibi soluendam, v. g. accipit hic Lugduni centum, & quinque, ut mihi Romæ soluat centum. Quia campfor virtualiter transfert pecuniam meam ad locum, ubi volo eam mihi persolui, & me subleuat onere, & periculo in transferenda pecunia mihi subeundo, quod est pretio æstimabile. Vnde colligitur campforem accipientem hic 100. aureos nummos, ubi pluris æstimantur, ut totidem mihi soluat Romæ, ubi minoris valent, posse hoc lucrum quò pluris hic æstimantur sibi retinere. *pag. 545. n. 7.*



9. Non videtur vsurarium, nec illicitum cābium reale per litteras cum recambio, quo litteræ mittuntur ad locum præfixum v. g. Mediolanum; ibique suum sortiuntur effectum, deinde Mediolani alia litteræ conscribuntur, quibus pecunia Romam recambitur. Quia non est mutuum, nec cambium fictum, sed reale, in quo pecunia præsens permutatur cum absente. *ibid. num. 8.*

10. Ad cambium reale, ex constitutione Pij V. hæ conditiones requiruntur. 1. vt campfarius litteras scribat, quæ mittantur, nec referantur inanes. 2. ne pactum fiat de certo, & determinato interesse lucri cessantis, vel damni emergentis, soluendo à campfario, si non soluat tempore præstituto; potest tamen exigi, si campfarius fuerit in mora, licet non deducatur in pactum. 3. ne campsor protrahat terminum solutionis, ob pactum recipiendi lucrum. 4. ne detur ad cambia, nisi pro nundinis proximis, iuxta consuetudinem, & usum locorum. 5. ne termini ad soluendum longiores statuatur, quam exigat distantia locorum. Cum his conditionibus cambium reale est licitum. *ibid. n. 9.*

11. Pretium cambij augeri potest, vel minui, ob maiorem, vel minorem pecuniæ æstimationem, quæ oritur ex copia, vel inopia pecuniæ, aut ex multitudine, vel paucitate cambientium. Quia pecuniæ in cambio non considerantur, vt pecuniæ, sed potius vt quædam merces; pretium autem mercium crescit, aut decrescit ob multitudinem emptorum, & pecuniæ, & ob raritatem venditorum, aut contrà; ergo æstimatio pecuniæ in cambiis eodem modo augeri potest, aut minui; atque hæc est praxis; & consuetudo recepta inter campsores, etiam timoratos, neque facillè damnanda. *tom. 1. pag. 546. n. 15.*

12. Qui tradit pecuniam ad cambium alicui, cui non fidet, potest exigere pignus, vel fideiussorem pro crediti securitate, modò fructus pignoris computentur in sortem, si pignus sit frugiferum. *tom. pag. 547. n. 21.*

13. Campsor non potest pactum inire cum campfario, vt si non soluat termino constituto, vel in loco præfixo, accipiat eandem pecuniam ad cambia, & recambia, donec persoluerit sortem: nam hoc onus est nimis graue, nisi certò moraliter constaret campsores tantum lucri percepturum ab aliis, si solutio sibi fieret statuto loco, & tempore; tunc enim ratione lucri cessantis, huiusmodi pactum esset licitum. *ibid. n. 22.*

14. Campsor, qui bona fide dedit pecuniam Titio ad cambium soluendum, v. g. Romæ, sed postea comperit Titium non habere pecuniam, actu, vel potestate, neque vllum correspondentem Romæ, non potest exigere tantum lucri, quantum percepisset si Titius Romæ soluisset, secluso tamen lucro cessante, vel damno emergente; quia non potest illud exigere vi contractus, cum non sit verus contractus, sed potius deceptio. *ibid. num. 24.*

15. Quando vterque cambientium reportat ex cambio æquale commodum, ille, qui præuenitur ab altero, potest ab illo lucrum cambij recipere;



pere; v. g. ego egeo pecuniâ hîc Lugduni, quam habeo Mediolani, tu vero Mediolani indiges pecunia, quam hîc habes Lugduni; si ego à te preueniat, possum à te aliquid lucrî pro cambio recipere. Quia ego subeo onus in tui gratiam, pretio æstimabile, & libero te onere, periculis, & expensis transmittendi pecuniam, quod non est minus pretio æstimabile, quam si ego pecunia non indigerem. *ibid. num. 25.*

## C A R D I N A L I S.

*Cardinales in Conclau.*

1. **I**N cap. *Vbi periculum, de elect.* in 6. fertur excommunicatio contra eos, qui Cardinalibus in conclau existientium litteras, vel nuncium mittunt, vel secretò loquuntur. *disp. 2. q. 2. punct. 34. pag. 181. tom. 3.*

2. Hanc excommunicationem non incurrit, qui litteras alicui Cardinali in conclau existenti scripsit, sed illæ ad Cardinalem non peruenerunt; etiam si fortè is, qui eas intercept, eidem Cardinali significauerit quid in ipsis contineretur, quia effectus ex parte mittentis non est consummatus. *ibid. num. 3.*

3. Possunt tamen Cardinales in conclau existentes de consensu omnium, admittere aliquem circa ea, quæ pertinent ad electionem tunc instantem; in quo casu is, qui accedit cum illis colloquuturus, hanc censuram non incurrit. *ibid. num. 9.*

4. Ipsi Cardinales accipientes litteras, vel nuncium, vel colloquentes cum secretò loquentibus, non subiiciuntur huic excommunicationi; quia non est lata in ipsos Cardinales accipientes, vel colloquentes; sed in mittentes, aut secretò loquentes. *ibid. pag. 182. num. 7. tom. 3.*

5. Secretò loquens cum famulis Cardinalium in conclau existentibus non incidit in hanc censuram, nisi illis iniungat, vt illud referant Cardinalibus; tunc enim excommunicatur vt mittens nuncium. *ibid. num. 8.*

6. Præter hanc excommunicationem, alia inuenitur in Bulla 63. quæ incipit, *Intelligendis Ecclesiarum Prelatis* §. *litteras.* in qua Pius IV. sub excommunicatione ipso facto incurrenda, & Sedi Apostolicæ reseruata, prohibet litteras, aut scripta cuiusvis generis, seu nuncium, vel notam, aut signum, ad eos, qui in conclau sunt, mittere, seu recipere, aut contrà è conclau ad eos, qui foris erunt. *ibid. vnde patet discrimen inter hanc, & superiorem excommunicationem. tom. 3.*

*Cardinalium violatores.*

7. In cap. *felicitis, de prenis* in 6. lata fuit excommunicatio contra offendentes Cardinales, illos hostiliter insequentes, percutientes, capientes, nec non contra mandantes, aut ratum habentes huiusmodi delictum, consu-



lentes, fauentes, receptantes, & scienter defendentes huius criminis reos. *disp. 2. quæst. 3. punct. 7. pag. 199. tom. 3.*

8. Huic excommunicationi subiicitur is, qui præfatas actiones facit in Summum Pontificem; quia is, non est deterioris conditionis quam Cardinales. *ibid. num. 5.*

9. Hæc excommunicatio est Papæ reservata.

10. In eodem cap. & in Bulla 93. Pij V. quæ incipit, *Infelicitis sæculi*, fertur excommunicatio in eos, qui quouis pacto conspirationem in Cardinalem sciuerint, nisi reuelauerint Summo Pontifici, vel Ordinario loci. *ibid. punct. 8. pag. 200. Vide titul. Prælati.*

### *Cardinalium bona occupantes.*

11. In Concilio Constantiensi *sess. 41.* in decreto, *Omnis ætas*, lata fuit excommunicatio contra violenter occupantes bona electi in Papam, aut Cardinalium electorum, aliorumque in conclauis existentium. Deinde Leo X. extendit hæc excommunicationem ad eos, qui domum alicuius Cardinalis armata manu inuadunt, hostiliter diripiunt, aut aliquem ibi existentem vulnerant, aut ad huiusmodi delictum mandato, vel consilio cooperantur, aut ratum habent. *disp. 2. quæst. 3. punct. 9. pag. 200. tom. 4.*

12. Ad hæc excommunicationem incurrendam non satis est vt quis armata manu domum Cardinalis inuadat, nisi etiam aliquid violenter tanquam hostis rapiat. Quia Summus Pontif. vtrumque coniungit. Neque excommunicationem incurrit, qui titulo latitiæ Cardinalis in Papam electi diripit; quia id non facit animo hostili. *ibid. n. 3.*

13. Præter excommunicationem Papæ reservatam, sunt aliæ pænæ contra delinquentes statutæ, vt exilium, infamia, publicatio bonorum, priuatio beneficiorum, &c. *ibid. num. 8.*

### *Cardinales Consistorij secreta reuelantes.*

14. Leo X. Bulla 7. quæ incipit, *Superna dispositionis arbitrio*, edita in Concilio Lateran. statuit sub pœna excommunicationis latæ sententiæ ne quis Cardinalium vota seu suffragia in consistorio data, & quæcumque ibi gesta, aut dicta, quæ in odium, aut scandalum alicuius reducere possint, scripto, aut verbo, aut quouis alio modo reuelet, & quoties indictum fuerit à Rom. Pontifice super aliqua re silentium. *disp. 2. quæst. 7. punct. 2. pag. 273. tom. 3.*

15. Non tantum Cardinales, sed alij etiam qui audita à Cardinalibus, vel ab alio qui ea à Summo Pontifice acceperit, reuelant iniuncta expressæ obligatione secreti, in eandem censuram videntur incidere; nonnulli verò censent solis Cardinalibus eam silentij obligationem sub excommunicatione impositam fuisse. *ibid. num. 7.*

16. Hæc excommunicatio est Papæ reservata.



## C E N S U R A.

*Censura quid, & quotuplex.*

1. **C**ensura est pœna spiritualis inflicta ab Ecclesiastica potestate priuans hominem baptizatum vsq̃ aliquorum spiritualium, in ordine ad salutem. Triplex est: *Excommunicatio, Suspendio, & Interdictum*. Nam irregularitas non est censura, cum incurri possit absque delicto. *tom. 1. pag. 337. 338. num. 1. & seq.*

2. Censura excommunicationis, suspensionis, & interdicti alia est *à iure*, alia *ab homine*. Censura *à iure* dicitur ea quæ fertur à legislatore cum intentione condendi legem, seu statutum generale, perpetuum, iniuncta transgressoribus pœna censura. Censura *ab homine* est ea, quæ fertur à superiore aliquid præcipiente, intentione ferendi præceptum temporale, & transitorium, sub pœna censura. Rursus censura alia est *late sententia*, quæ ipso facto incurritur, absque iudicis sententia; alia est *sententia ferenda*, quæ tantum est comminatoria, neque ipso facto incurritur. Cognosci autem potest censura esse late sententiæ, quando in lege apponuntur istæ particulæ, *ipso facto, ipso iure*, aut quando adduntur hæc aduerbia, *confestim, statim, illico, &c.* aut quando censura fertur per verbum præsentis temporis, aut imperantis modi. Quando verò fertur per verbum futuri temporis, argumentum est, esse tantum ferendæ sententiæ. In dubio autem, an censura sit late, an ferendæ sententiæ, iudicandum est esse ferendæ tantum; nam odia sunt restringenda, & in miorem partem interpretanda. *tom. 1. pag. 338. n. 5. & 6.*

*Censura à quo ferenda.*

3. Potestas ferendi censuras est de iure diuino, vtpote ab ipso Christo Ecclesiæ collata Matth. 18. *Quodcumque ligaueris super terram, &c.* Nulla tamen censura imposita est à iure diuino: nulla enim legitur pœna, vel priuatio à iure diuino prescripta: quippe Matth. 18. vbi dicitur, *si Ecclesiam non audierit, sit tibi tanquam Ethnicus, & Publicanus*, non fertur excommunicatio; sed tantum ostēditur, quàm grauius peccent ij, qui Ecclesiæ non obediunt, quos Christus monet esse vitandos, non tanquam excommunicatos, sed tanquam peccatores. *ibid. n. 1. & 2.*

4. In ferente censuras hæ conditiones requiruntur. 1. vt sit homo viator. 2. vtens ratione. 3. baptizatus. 4. vt non sit laicus, quia laicus non habet iurisdictionem Ecclesiasticam. 5. vt non habeat iurisdictionis vsum impeditum, vt accidit, quando iudex est excommunicatus vitandus, aut quando interposita fuit legitima appellatio. 6. vt censuram non ferat in causa propria: nullus enim potest esse actor, & iudex. Excipitur casus defensionis; potest enim per censuram vis, & iniuria propulsari; iuxta illud, *Vim vi repellere licet*. *tom. 1. pag. 338. 339. n. 3. & 4.*



5. Præter Summum Pontificem, qui ius habet in omnes Christianos; potestas ferendi censuras competit Episcopis, Archiepiscopis, & Patriarchis respectu sibi subditorum. Eandem habet potestatem Capitulum. Sede vacante, necnon Vicarius Capituli, alique, quibus ex officio, & statuto Ecclesiæ hæc potestas competit, ut sunt Abbates, Priores Ecclesiarum habentes iurisdictionem in foro externo, Prælati religionum, ut Prouinciales, & Guardiani, item Cardinales in Ecclesiis, in quibus quoad forum externum habent iurisdictionem. Parochus verò hanc potestatem non habet, cum careat iurisdictione in foro externo. Potest tamen per consuetudinem, aut præscriptionem acquirere potestatem ferendi unam aliquam censuram in suos subditos. Item Clericus potest ex commissione sibi data à legitimo superiore, vel ex consuetudine legitime introducta ferre censuras: qui verò non est clericus, licet sit religiosus, non potest, nisi de absoluta Summi Pontificis potestate, valide ferre censuras, defectu iurisdictionis, cuius, de iure ordinario, est incapax. tom. 1. pag. 339. num. 5. & 6.

6. Collegium Ecclesiasticum est capax iurisdictionis ad ferendas censuras; laicum verò, & sæculare est incapax. Illud autem Collegium censetur Ecclesiasticum, in quo sunt plures Ecclesiastici, quàm laici; at si numerus sit equalis, probabile est Collegium censendum esse Ecclesiasticum, quia nobilius trahit ad se minus dignum. tom. 1. pag. 340. n. 7.

### Censura propter quid ferenda.

7. Censura non incurritur nisi ob peccatum aliquod exterius: nam de internis solius Dei est indicare. Censura autem excommunicationis non incurritur nisi ob peccatum proprium; ob id cautum est ne excommunicatio feratur in communitatem; at censura suspensionis, & interdicti ferri potest ob peccatum alterius; fertur enim in totam communitatem ob delictum alicuius ex illa communitate. *ibid. n. 2. & seq.*

8. Quæres utrum faciens actum externum sine interno incurrat censuram, v. g. utrum recitans officium, vel audiens Missam sine vlla attentione incurrat censuram, si quæ lata esset contra non recitantes officium, vel non audientes Missam. *Resp.* affirmatiuè, quando actus internus est de substantia actus externi præcepti, qualis est attentio respectu diuini officij, aut Missæ audiendæ. Secus si substantia actus externi possit subsistere absque actu interno; tunc enim non incurritur censura, si omittatur internus; vnde communicans indignè in Paschate, satisfacit præcepto Ecclesiæ: at audiens Missam sine attentione non satisfacit, quia Missam non audit. *ibid. num. 5.*

9. Non potest ferri grauis censura nisi ob peccatum mortale: quippe pena debet esse proportionata delicto. Quæcirca maior excommunicatio lata ad peccatum veniale est nulla. Non tamen pro quolibet mortali ferenda



ferenda est grauis censura; sed pro eo tantum quod alia ratione emendari, aut impediri non potest. *tom. I. pag. 341. n. 6. & seq.*

10. Potest Superior sub censura prohibere aliquid, quod licet secundum se sit leue, & indifferens, nihilominus sit graue ob circumstantiam, vel ob finem à superiore intentum; vt quando superior precipit clerico, ne arma ferat, aut ne comam alati: hæc enim licet in se spectata sint leuia, tamen ratione status, & scandali fiunt graua. At si superior prohibeat sub excommunicatione proferri verbum otiosum, non incurritur excommunicatione à delinquente; quia hoc peccatum, seu spectetur in se, seu in ordine ad finem, est leue. *ibid. n. 8. & 9.*

11. Potest ferri excommunicatio ob rem leuem furto ablatam, si ex eo furto graue damnum alicui sequatur, v. g. ob acum sartori ablatam; non ratione furti, quia non est materia sufficiens ad peccatum mortale furti, sed ratione damni, quod inde passus est sartor; atque ex hoc capite est peccatum mortale. *ibid. n. 10. & 11.*

12. Non incurritur censura, nisi effectus, quem legislator prohibet sub censura, sit completus, nisi sub censura principaliter prohibeatur ipsa actio, vel conatus. Aut nisi actus exterior habeat malitiam quæ sub censura prohibetur; quare qui exterius profert hæresim, sed interius bene sentit, non subiacet excommunicationi lata contra hæreticos; hæc enim censura fertur ob actum externum habentem malitiam hæreseos. *tom. I. pag. 342. num. 12. & seq.*

13. Mandantes, & consulentes non incurrunt censuram nondum sequuto effectu, quando effectus fuit principaliter prohibitus, mandatum verò, vel consilium tantum accessorie; quare qui mandauit, v. g. percuti clericum, nisi sequatur percussio, non contrahit excommunicationem. At quando mandatum, vel consilium principaliter prohibetur, vt in excommunicatione lata contra mandantes homicidium per assassines, incurritur excommunicatio ante sequutum effectum. *ibid. n. 15.*

14. Qui actionem aliquam exercet de se insufficientem ad effectum prohibitum sub censura, non incurrit censuram. Vt si lata est excommunicatio contra homicidas, Titius qui vulnerauit Caium vulnere non lethali, censuram non incurrit, licet ob aliam causam contingat vulneratum mori: quia sub censura prohibetur actio lethalis, seu de illatiua mortis; non autem quelibet vulneratio. *ibid. num. 16.*

15. Censura lata sub conditione non incurritur ante conditionis euentum; neque incurritur semper ob quodlibet voluntarium, sed expendenda sunt verba legis. Nam quando lex prohibet absolute aliquod delictum, sub censura v. g. homicidium, ad incurrendam censuram requiritur illud voluntarium, quod sufficit ad mortale peccatum, & ad contumaciam contra censuram. Quando verò verba legis non prohibent absolute aliquod delictum sub censura, sed postulant perfectum, & directum voluntarium, certum est censuram non incurri per quodlibet voluntarium sufficiens ad peccatum



peccatum mort. Vt quando lex dicit: *Qui temere hoc fecerit, qui ausus fuerit, aut præsumpserit, anathemate feratur;* ad censuram incurrendam, non sufficit voluntarium, quod sufficit ad peccatum mort. (nam negligentia, aut ignorantia crassa sufficit ad mort.) sed requiritur temeritas, audacia, & contemptus *ibid. num. 17. 18.*

16. Pro peccato præterito commissio non potest ferri censura, sed requiritur contumacia: tum quia ad incurrendam censuram requiritur admonitio prævia, tum quia censura fertur in rebelles, & contumaces: at qui iam commisit peccatum non prohibitum sub censura, vt suppono, non est contumax, nec rebellis, ergo, &c. Non negandum tamen posse pro peccato præterito imponi aliquam pœnam v. g. priuationem officij, dignitatis, vel accedendi ad sacram synaxim ad aliquod tempus. *ibid. num. 19.*

*Censura in quem ferenda.*

17. Quinque conditiones requiruntur, in eo qui ligandus est censura; 1. vt sit viator, id est, viuens in hoc mortali corpore; nam in defunctum, nulla est Ecclesiæ iurisdictio, nisi indirecta. 2. vt sit baptizatus; nam, vt ait Paulus 1. Cor. 5. *De iis, qui foris sunt, nihil ad nos.* 3. vt sit adultus, & doli capax, quia censura supponit peccatum: quare impubis doli capax ligari potest censura validè, non tamen licitè ante annum 14. si sit masculus, & 12. si foemina. 4. vt sit homo determinatus; nam tota vniuersitas, aut collegium excommunicari nequit: alia tamen censuræ suspensionis, & interdicti, ferri possunt in communitatem, capitulum, aut collegium. 5. vt sit inferior, & subditus ferenti censuram; quia iurisdictio coercitiua non potest nisi in inferiores, & subditos exerceri. *tom. 2. pag. 343. n. 1. & seq. pag. 344.*

18. Censura generaliter lata à Summo Pontifice, si est excommunicationis, Episcopos ligat, nisi excipiantur: si est suspensio, vel interdictum, Episcopos non ligat, nisi expressa illorum mentio fiat. *pag. 344. n. 15.*

19. Nemo potest propria potestate censuram in se ipsum ferre; quia nemo est seipso inferior. Vnde fit, vt accipiens à Summo Pontifice potestatem ferendi excommunicationem contra omnes surripientes rem alienam in notabili quantitate, non incurrat ipse excommunicationem surripiendo. Secus dicendum si ipse non ferat, sed illam denunciet latam à superiore; tunc enim denunciatus incurrit censuram, si delinquat contra præceptum superioris. *ibid. num. 17.*

20. Superior interdicens aliquem locum, tenetur ipse seruare interdictum, & subiaceret pœnis à iure communi latis contra violantes interdictum; non tamen incurrit has pœnas quasi à se latus, sed vt latus à iure communi præcipiente interdictum inuiolabiliter seruari. *tom. 1. pag. 345. n. 17.*

21. Aequalis non potest in æqualem censuram ferre auctoritate propria; quia par in parem non habet imperium: ex commissione verò, & potestate delegata potest, quia per delegationem factus est superior; sic Episcopus



scopus accepta à Summo Pontifice potestate, potest alium Episcopum excommunicare. *ibid. n. 18.*

22. Habentes priuilegium à Summo Pontif. per quod eximuntur ab Episcopi iurisdictione, vt Reges, & Imperatores, non ligantur censuris ab Episcopo latis. Idem dicendum de religiosis exemptis quoad eos casus, in quibus sunt exempti. *ibid. n. 19. & 20.*

23. Ligatus vna censura, potest adhuc ligari alia non modò diuersa, verum etiam eiusdem rationis; quare qui semel contraxit excommunicationem ob clericum percussum, potest nouam contrahere, si alium, vel eundem iterum percutiat. Tot enim incurruntur censuræ, quot sunt moraliter, & formaliter actus contra præceptum, seu quot sunt transgressionibus legis. Hinc sequitur furantem in Ecclesia incurrere duplicem excommunicationem, si lata esset contra fures, & contra sacrilegos: hæc enim, actio licet sit vna numero, & physice, nihilominus est multiplex formaliter, & moraliter. *ibid. n. 1. & seq.*

24. Probabiliter defendi potest eum, qui percutit, vel occidit vno actu plures Clericos, vnam tantum incurrere excommunicationem; quia est vnum tantum numero peccatum, & vna transgressio; ergo vna tantum censura, vt qui proferit blasphemiam in 12. Apostolos, vno tantum blasphemie peccato se obstringit; contraria tamen sententia est tutior. *tom. I. pag. 346. n. 7.*

25. Ille contrahit plures censuras, qui committit vnum actum habentem plures circumstantias mutantes speciem actus moralis, singulas sub censuris prohibitas. Secus quando circumstantiæ non mutant speciem, sed sunt eiusdem speciei; tunc enim est vnica moraliter actio, vnica transgressio, consequenter vna censura. Vnde sequitur eum non incurrere plures excommunicationes, qui percutit Sacerdotem, qui simul est diaconus, & subdiaconus; quia hæ circumstantiæ speciem non mutant. At qui percutit Monachum sacerdotem, duplicem irreuerentiam committit, alteram in statum religiosum, alteram in clericalem, ac proinde hæ percussio est duplex transgressio. *ibid. n. 8.* Vnde fit, vt sepiens in loco sacro vsurarium excommunicatum, & nominatim interdictum, tres excommunicationes incurrat; qui triplicem inobedientiam committit contra tres prohibitiones diuersas factas sub excommunicatione. *tom. I. pag. 347. n. 10.*

26. Qui facit aliquem actum prohibitum à multis habentibus eandem potestatem, vnam tantummodò censuram incurrit; quia illi plures quoad potestatem formaliter sunt vnus, ac proinde est vna tantum contumacia. Quando verò actus prohibitus est ab habentibus diuersam potestatem, tot incurruntur censuræ, quot sunt superiores, modò quisque tulerit censuram tanquam suam, & intenderit condere nouum ius; sunt enim contumaciæ formaliter plures. Hinc fit, vt is duplicem excommunicationem incurrat, qui facit aliquid sub excommunicatione prohibitum à Papa, & ab Episcopo, modò Episcopus intenderit noui ius ferre. *ibid. n. 11. & seq.*

27. Cen-



27. Censura lata contra facientes aliquid, non ligat mandantes, vel consulentes, nisi in sententia exprimantur. Quare si lata esset excommunicatio contra furantes, mandans, vel consulens furtum non incurreret excommunicationem: quia mandans, & consulens non dicuntur propriè furari. Quando autem mandantes, vel consulentes exprimuntur in sententia censura, non ligantur censura, nisi verè influant in effectum prohibitum, aut si reuocauerint mandatum, eiusque reuocatio innouit iis, qui illud mandatum acceperant; sic enim non censentur influere in effectum prohibitum sub censura. At consulentes etiam si reuocauerint consilium, & illius reuocatio innouerit iis, quibus fuerat datum, nihilo fecius secuto effectus censuram incurrunt; quia non censentur reuocasse influxum. *tom. 1. pag. 347. 348. n. 1. & seq.*

*Censura quomodo ferenda.*

28. Censura non incurritur, antequam lata fuerit à iudice per signa externa, & non per solam volutatem internam; cum nullus censuram incurrat, nisi ob contumaciam, nullus autem dici possit contumax contra superiorem, nisi eius præceptum innouerit; ignorantia quippe excusat à contumacia. Sufficiunt autem ad ferendam censuram quacumque verba, modò sint determinata ad aliquam particularem censuram, aut etiam quolibet scriptura, quæ intentionem iudicis sufficienter exprimat: quia nullo iure præscribitur certa excommunicationis formula *pag. 348. num. 1. & seq.*

29. Valida est censura lata sub forma disiunctiua, cuiusmodi est hæc: *Clericus, qui tulerit arma, sit suspensus ab officio, vel beneficio*: quia confusè saltem est definita, & determinata ad vnā partem: nam iudicis intentio est, vt delinquēs alteram eorum incurrat, & liberum ei relinquit, vt sese applicet ad vtram ipse maluerit. At si delinquens nolit alteram partem eligere, videtur vtrique pœnæ subiacere. *ibid. n. 4. & 5.*

30. Verba, quibus fertur censura, debent esse determinata ad aliquam personam, eam nominando, vel designando in ordine ad delictum, vt si dicatur: *Clericus, qui gestauerit arma, incidat in excommunicationem*. Quia verba censuræ faciunt id, quod significant, igitur quando nullam personam significant, aut designant, nullam afficiunt. Quare inualida est excommunicatio, quæ fertur in hæc verba: *Excommunico vnum ex furibus*, quando sunt plures; quia non constat, in quem feratur iudicis intentio. *tom. 1. pag. 349. n. 6.*

31. Qui verbo tenus sine scriptura fert censuram, peccat mortaliter, & incurrit suspensionem ab ingressu Ecclesiæ per mensem, & à diuinis: eandemque suspensionem incurrit ferens censuram sine expressione causæ, aut qui parti petenti non concedit exemplar scripturæ intra mensem, si pe-

tatur



tatur. Vt hac ratione iudex sit cautior in ferenda censura. Ab hac tamen poena suspensionis eximuntur Episcopi ferentes censuram solo verbo, vel qui hoc faciunt ob videntem, & grauem aliquam causam, vel ex quadam inaduertentia bona fide. Eximuntur item Praelati religiosorum ferentes sine scripto censuram contra suos: durius enim illis esset seruare hunc ordinem iuris. Caterum censura lata sine scriptura, & sine expressione causae, non est irrita nec inualida: quia hoc non pertinet ad substantiam censuræ, sed est tantum quid accidentale. *ibid. n. 1. 2. & 3.*

32. Non incurritur censura nisi praecesserit admonitio facta auctoritate illius, qui laturus est censuram: quia non potest esse contumacia, nisi praesupponatur admonitio. Censura tamen lata pro futuris delictis non requirit admonitionem distinctam ab ipsa lege prohibente; lex enim ipsa non ignorata admonet. Quando autem declarandum est aliquem incidisse in censuram, necessaria est citatio, vt audiatur reus, alioquin sententia declaratoria est irrita: nemo quippe condemnandus est inauditus. *rom. 1. pag. 349. 350. num. 1. & seq.*

33. Triplex admonitio praemittenda est formaliter, aut virtualiter, idque colligitur ex Matth. 18. vbi Christus praecipit peccantem prius corrigi secreto, deinde adhiberi testes, vltimò dici Ecclesiae. Vrgente tamen necessitate vna sufficit: absque necessitate autem censuram ferens sine triplici admonitione grauiter peccat. Inter singulas admonitiones requiritur saltem duorum dierum intervalium. At quando censura ferenda est contra personam aliquam particularem, admonitio facienda est coram illa, quando autem generaliter fertur, sufficit admonitionem fieri in loco publico. Si suspensio, vel interdictum ferendum est contra communitatem, admonitio facienda est delinquenti, ob cuius delictum fertur suspensio, seu interdictum. *rom. 1. pag. 350. 351. num. 1. & seq.*

34. Quando ferenda est censura in aliquem particularem, in quatuor casibus sufficit admonitionem fieri ad domum illius. 1. quando reus per dolum se abscondit, vel per vim impedit, ne moneatur. 2. quando semel facta est personalis admonitio. 3. quando citatio facta ad domum innotuit delinquenti. 4. quando quis male absolutus est ab excommunicatione, & agitur de ipso ad priorem excommunicationem reuocando. *pag. 351. n. 9.*

35. Censura ex odio, vel inuidia lata, valida est, si seruatus fuit ordo iuris (alioquin est nulla) etsi iustam ob causam lata est: nam si causa, propter quam fertur, non subsistit, censura est inualida, vt potè iniusta: quia nemo ligari potest censura, nisi propter grauem culpam. Vnde sequitur innocentem iniuste excommunicatum non priuari suffragiis Ecclesiae, neque teneri, secluso scandalo, gerere se tanquam excommunicatum. *ibid. n. 1. & seq. pag. 352.*

36. Sententia continens errorem intolerabilem est inualida; quando scilicet iudex eam laturus non habet, neque iudicat se habere rationem, aut causam iustam ad censuram ferendam. Vnde patet sententiam sen le-



gem præcipientem aliquid turpe, aut communi bono contrarium, aut inutile, non obligare in conscientia nec inducere censuram. *tom. 1. pag. 352. num. 8. & 9.*

37. In dubio an censura lata sit ob causam legitimam, reus tenetur se gerere tanquam obstrictum censura: quia in dubio standum est iudicio superioris, illique obtemperandum. At quando probabilius, & vero propius est, causam, propter quam lata est censura, esse iniustam, valde probabile est, reum non ligari censura. *ibid. num. 11.*

38. Censura ferri non potest extra proprium territorium, quando ad illam ferendam opus est iurisdictione contentiosa, absque licentia Ordinarii. Quare Episcopus extra suam diocesim, non potest validè ferre censuram sedens pro tribunali, & cum cognitione causæ. *ibid. n. 3. & 4.*

39. Contra delinquentes in alieno territorio superior non potest censuram ferre per modum statuti; quia extra proprium territorium non habet iurisdictionem. Quod ut intelligatur, observa hoc esse discrimen inter censuram latam *per modum sententiæ*, & latam *per modum statuti*, quod lata *per modum statuti*, obligat tantum delinquentes in territorio legislatoris; nam statutum dicitur lex territorij: Censura verò lata *per modum sententiæ*, afficit personam subditam ubicumque sit. *tom. 1. pag. 353. num. 6.*

40. Clericus non residens, existens extra diocesim potest à proprio Episcopo excommunicari, etiam per statutum: quamvis enim sit extra diocesim, tamen consummat actum non residendi in diocesi, & censetur peccare in diocesi, quia in ea non residet. Item Clerici vocati ab Episcopo ad synodum sub censura, possunt etiam absentes à diocesi ligari censura; quia delictum omissionis censetur ibi committi, ubi actus præceptus exercendus erat. *ibid. n. 7.*

41. Censurà latà in aliquo territorio contra stupratores, qui virginem inde abduxit, & in alio territorio eam constuprauit, hanc censuram non incurrit: quia licet delictum sit inchoatum in eo territorio, in quo lata est censura, tamen est alibi consummatum. Idem esto iudicium de eo, qui existens in Ecclesia, ictu sagittæ occidit hominem existentem extra Ecclesiam: at lethaliter alium vulnerans in Ecclesia, censuram incurrit latam, contra occidentes in Ecclesia, licet vulneratus, extra Ecclesiam moriatur; nam delictum censetur in Ecclesia perpetratum. *ibid. n. 10.*

42. Censura lata propter actum præteritum patratum eo tempore, quo delinquens erat in territorio ferentis censuram, ligat etiam extra illud territorium existentem, v. g. Archiepiscopus Lugdunensis fert excommunicationem contra Titium sibi subditum, qui furtum commisit, nisi restituat intra mensem, Titius ligatur excommunicatione non restituendo intra mensem, quamvis nondum elapso mense domicilium mutet; remanet enim subditus ratione delicti in illius territorio commissi. *ibid. n. 13.*

43. Censura ab Episcopo lata *per modum sententiæ* ligat subditos in alieno



alieno territorio existentes: quia statutum (vtdictum est supra) respicit territorium; sententia verò respicit personam delinquentis vbiicumque sit, vt illius contumacia coerceatur. *rom. 1. pag. 354. n. 14.*

44. Censura ab Archiepiscopo lata non extenditur ad Suffraganeos, eorumque subditos, nisi lata sit in Concilio prouinciali, aut nisi in territorio ipsius Archiepiscopi delinquant: quia Archiepiscopus non habet iurisdictionem ordinariam in Suffraganeos extra suum territorium versantes, exceptis quibusdam casibus infra recensendis. *ibid. n. 19.*

45. Extraneus non ligatur censura lata à superiore loci, in quo ad breue tempus versatur: quia extraneus, qui non decreuit maiori anni parte in aliquo loco manere, non censetur subditus illius loci. *ibid. n. 20.*

46. Censura per metum incussum iudici extorta valida est, quia metus non tollit voluntarium simpliciter, quod sufficit ad ferendam censuram. *ibid. num. 1.*

47. In ferenda censura, habenda est ratio temporis, ne scilicet feratur, die ferato, qui dicatus est cultui diuino: quia eo die cognitio causæ fieri nequit: si tamen eo die feratur, valida erit; quia censura non postulat necessariò causæ cognitionem. *ibid. num. 3.*

48. Qui censuram contraxit, denunciandus est de auctoritate legitimi superioris, sic enim facilius resipiscet, ne à cæteris fidelibus vitetur. Hac autem denunciatio facienda est publicè in Ecclesia, & postea in scriptis ad valuas affigenda cum expressione causæ. Qui autem censuram ipso iure contraxit, non est denunciandus statim post delictum, ante sententiam criminis declaratoriam, etiamsi delictum notorium sit, & publicum, sed præmittenda est citatio, & sententia declaratoria: fieri enim potest, vt reus probeat suam innocentiam, & probabilem sui facti excusationem afferat. *rom. 1. pag. 355.*

### Censura finis, & effectus.

49. Is est finis censuræ, quem superior in ferenda censura intendit, si-bique proponit, nempe salus, velemendatio, seu resipiscencia delinquentis; contra quem censura fertur, iuxta illud 1. Cor. 1. *Vt resurgat a peccato, & saluus fiat in die Domini.* Quare si Prælatus moraliter est certus delinquentem non obtemperaturum, non debet excommunicationem, ferre, cum enim excommunicatio sit quædam medicina, non est sine spe fructus adhibenda, nisi feratur ad terrorem aliorum. *ibid. nu. 1. & 2.*

50. Censuræ effectus est priuatio aliquorum bonorum spiritualium. Potest tamen Summus Pontif. illum effectum suspendere: Quia censura instituta est iure humano; Summus autem Pontif. habet potestatem supra ius humanum. Vnde sequitur posse Summum Pontificem validè conferre beneficium excommunicato. Episcopi verò, alique Prælati non possunt, nisi ex speciali priuilegio, aut consuetudine. *ibid. n. 3. & seq.*

*A cen-*



*A censura incurrenda quæ causa excusent.*

51. Præmittendum ignorantiam aliam esse *iuris*, quæ contingit, quando nescitur lex, seu prohibitio; aliam *facti*, quando ignoratur factum lege prohibitum; aliam *pœne*, quando ignoratur pœna lata contra delinquentes. Rursus ignorantia alia est *probabilis*, seu *inuincibilis*, quæ nulla adhibita diligentia vinci potuit, ac proinde est inculpabilis; alia *improbabilis*, seu *vincibilis*, quæ vinci potuit, sed non est adhibita sufficiens diligentia, ideoque est culpabilis. Hæc autem alia est *affectedata*, cum qui vult ignorare præceptum, ut liberiùs peccet; alia *crassa*, & *supina*, quæ summam negligentiam habet adiunctam. Denique ignorantia alia est *antecedens*, sine qua non fieret actus malus; alia *concomitans*, quæ si non adesset, actus nihilominus fieret; alia *subsequens*, quæ quouis modo est voluntaria, & culpabilis. *tom. 1. pag. 356. n. 1. & seq.*

52. Ignorantia *probabilis*, tam iuris quàm facti, aut qualitatis facti excusat à censura. Ignorantia autem *vincibilis*, & *culpabilis* seu iuris, seu facti, quæ crassa est, & supina, non excusat à censura, vel irregularitate proveniente ex delicto, modò sufficiat ad peccatum mortale; quando verò ignorantia ita levis est, ut excuset à mortali, excusat etiam à censuris. At si ad incurrendam censuram requiritur scientia, præsumptio, vel temeritas insignis, neque ignorantia *affectedata*, neque *crassa* sufficit ad incurrendam censuram. *tom. 1. pag. 356. 357. n. 6. & seq.*

53. Ignorantia *pœne*, idest, *censuræ*, excusat à censura incurrenda. Quare qui committit aliquod delictum, quod nescit prohibitum fuisse ab Ecclesia sub censura, non incurrit censuram, neque irregularitatem provenientem ex delicto: nam pœna debet proportionari delicto; minus autem delinquit, qui ignorat pœnam, quàm qui illam novit; ergo, &c. *pag. 357. num. 13.*

54. Ignorantia *comitans* excusat à censura, & irregularitate proveniente ex delicto; quia censura incurruntur ob peccatum externum, opus autem externum factum cum ignorantia comitante non est peccatum; neque enim potest esse peccatum, nisi sit voluntarium, voluntarium autem cum ignorantia esse nequit. *ibid. num. 14.* Propterea occidens hominem, quem credebatur esse feram, non tenetur ad restitutionem ratione homicidij, etiamsi commisisset homicidium, si cognovisset illum esse hominem: quia obligatio restituendi oritur ex actu externo iniusto, non verò ex affectu, & desiderio. *tom. 1. pag. 358. n. 19.*

55. Percutiens laicum, credens ex percussione laici incurri censuram, non afficitur censura; quia conscientia erronea, licet inducat peccatum, non tamen inducit censuram; neque incurritur censura ob sacrilegium internum, sed tantum ob externum consummatum. *ibid. nu. 22.*

56. Legitima appellatio excusat ab incurrenda censura lata sub conditione



tionem, modò appellatio fiat antequam ponatur conditio: quia per appellationem causa deuoluitur ad alium iudicem, & prioris iurisdictio suspenditur. Censura autem purè, & absolutè lata, suum sortitur effectum, & statim mandatur executioni; quare ab huiusmodi sententia non datur appellatio. Item absolutio ab excommunicatione collata absolutè; & sine conditione de futuro, non suspenditur per appellationem: par tamen in cuius damnum lata est absolutio, habet ius exigendi reparationem damni illati. *ibid. n. 2. & seq.*

57. Appellatio à sententia lata sub conditione excusat ab incurrenda pœna, etiamsi postea appellatio fuerit derelicta, v.g. si Titius citetur à iudice, ad comparandum, vel restituendum intra mensem sub pœna excommunicationis latæ sententiæ, & ipse interponat appellationem, excusatur à censura, etiamsi postea appellationem non prosequatur. *rom. 1. pag. 359. num. 4. & seq.*

58. A sententia iudicis declaratoria datur appellatio: fieri enim potest, vt iudex iniuste declarauerit, consequenter competit reo ius se defendendi per appellationem. Interposita autem appellatione excommunicatus declaratus, & denunciatus non est vitandus; quia appellatio suspendit declarationem, ac proinde impedit denunciationem. *ibid. n. 7. & 8.*

59. Ad legitimam appellationem duo requiruntur. 1. est vt appellatio fiat cum probabili, & sufficiente causa, vel saltem vt appellans, bona fide appellet, ratus se habere sufficientem causam. 2. vt appellatio fiat debito tempore; debitum autem tempus, in iure, est spatium decem dierum, seu potius est quodlibet tempus intercedens ante conditionis euentum. *ibid. num. 9.*

60. Impotentia faciendi quod præcipitur sub censura, excusat ab incurrenda censura, quemadmodum excusat à peccato, & contumacia: quare qui per impotentiam non restituit, non afficitur excommunicatione lata contra detentores rei alienæ, aut contra non restituentes. At debitor cui mensis, v.g. constitutus fuerat ad soluendum sub pœna excommunicationis, incurrit excommunicationem, si initio mensis soluere poterat, præuidens fore, vt reliquo tempore fieret impotens ad soluendum: quia est sufficiens contumacia contra præceptum. *ibid. n. 1.*

61. Metus grauis cadens in constantem virum excusat à censura, cum excuset à transgressione, & contumacia contra legem. Sic Christiani capti à Turcis non incurrunt censuram, cum remis nauim impellunt contra Christianos; nam ad id metu mortis adiguntur. *rom. 1. pag. 360. n. 2. & seq.*

62. Voluntas, seu consensus illius, in cuius fauorem concessa fuit censura, sufficit ad eam suspendendam ne incuratur. Quare si Titius v.g. ob tenta à Summo Pontif. excommunicatione contra suos debitores non restituentes intra sex menses; proroget in scio Pontifice tempus vsque ad annum, debitores elapsis primis sex mensibus non incurrunt excommunicationem. Quia si Titius condonaret absolutè debitum, censura cessaret,



deficiente materia; ergo si suspēdatur obligatio debiti, suspenditur etiā ipsa censura, *ibid. n. 1.*

63. Debitor elapso termino sibi à creditore prorogato, ligatur censura: quia terminus præfixus à iudice non fuit, ad finiendam obligationem, solutionis, sed potius ad eam virgendam, & sollicitandam; quare elapso termino non cessat obligatio; sed debitor adhuc tenetur soluere, & nisi soluat, censuram incurrit. *tom. 1. pag. 361. n. 2.*

*A censuris absolvere quis possit.*

64. Censura reservata lata ab homine, iure communi, tolli potest ab eo, qui eam tulit, vel ab eius superiore, vel à successore, vel ab eo, cui specialis facultas fuerit delegata: quia eiusdem potestatis est ferre censuram, & auferre. Quare mortuo, vel excommunicato, vel capto Episcopo, potest Capitulum absolvere, cum succedat in iurisdictionem Episcopi, Sede vacante. *ibid. n. 1. & 2.*

65. Censura non reservata, per sententiam generalem lata, iure communi tolli potest à quocunque qui potest absolvere à mortalibus: nam eo ipso, quod superior censuram reservavit, censetur aliis concessisse facultatem absolventi. At censura lata per sententiam particularem contra particularem aliquam personam, auferenda est ab eo, qui eam tulit, vel ab eius superiore, vel à successore, vel ab habente potestatem delegatam. *tom. 1. pag. 362. num. 6.*

66. A censuris iuris reservatis potest absolvere qui eas tulit, vel eius successor in dignitate. A censuris verò iuris nemini reservatis absolvere possunt omnes Prælati iurisdictionem habentes in foro exteriori: immò etiam Parochus, & quilibet alius approbatus. Quando enim superior non reservat absolutionem, censetur cuicunque confessorio concedere facultatem absolventi. *ibidem. num. 10.*

67. Summus Pontif. concedens privilegium absolventi à censuris, & casibus reservatis, non censetur concedere facultatem absolventi à censuris, & casibus, quos sibi Episcopi reservarunt: quippe Clemens VIII. in Bulla quæ incipit, *Sacra Congregatio*, decrevit, ne vilius prætextu cuiuscunque privilegij absolvat à casibus Episcopo reservatis. *ibid. n. 11.*

68. Qui obtinuit facultatem absolventi à casibus reservatis, etiam in Bulla Cœnæ contentis, non potest absolvere ab excommunicatione ob hæresim contracta. Alij tamen secus sentiunt, eo quod beneficium Principis sit latè explicandum. *ibid. n. 14.*

69. Obtinens facultatem absolventi à casibus Summo Pontifici reservatis, potest etiam absolvere à censuris illi reservatis: quia nulli casus Pontifici reservantur, nisi ratione censurae, quare sublata censura, quilibet approbatus potest ab illis absolvere. At obtinens ab Episcopo facultatem absolventi à casibus reservatis, non propterea potest absolvere à censuris;



ris; nam casus, & censura apud Episcopum distinguuntur; à diuersis autem non fit illatio. *ibid. n. 15.*

70. Episcopus non solum potest absolvere à censuris latis à se, vel à suis prædecessoribus; verum etiam ab omnibus censuris, & casibus Summo Pontifici reservatis; occultis tamen, neque ad forum contentiosum deductis, idque in propria diœcesi, & in foro conscientie tantum, ut patet ex Concilio Tridentino *sess. 24. cap. 6.* Si tamen delictum fuit deductum ad forum contentiosum, sed reus non fuit conuictus, sed potius se purgauit; potest Episcopus absolvere à censura ob illud delictum contracta. *tom. 1. pag. 363. n. 1. & 2.*

71. Non potest Episcopus illum absolvere, qui hic, v. g. ubi morabatur, commisit delictum notorium, & Papæ reservatum, & postea aliò se transtulit, ubi delictum est occultum; quia sic confunderentur iurisdictiones. *tom. 1. pag. 364. n. 3.*

72. Potest Episcopus ab excommunicatione publica, & alia quacunque Papæ reservata absolvere excommunicatum habentem legitimum impedimentum, quominus possit Pontificem adire; ut accidit quando excommunicatus laborat longa infirmitate, aut senectute, aut paupertate, vel si sit femina, vel impubis, &c. tamen postea, cessante impedimento, tenetur Pontificem adire. *ibid. n. 4.*

73. Archiepiscopus non potest à censuris latis à suffraganeis, vel à Sede Apostolica, absolvere subditos suffraganeorum; quia non habet in ipsos iurisdictionem, his casibus exceptis. 1. quando appellatum est ad Archiepiscopum, & cognitum fuit de appellatione. 2. quando Episcopus suffraganeus per malitiam, aut negligentiam differt absolutionem. 3. quando Archiepiscopus visitat diœcesim. *ibid. num. 7.*

74. In articulo mortis quilibet Sacerdos licet degradatus, vel excommunicatus, vel etiam hæreticus potest à censuris, & casibus reservatis absolvere, quando non est alius, qui absoluit. Præter sacerdotem nemo, etiam clericus. At si pœnitens potest recurrere ad superiorem per confessarium, vel per litteras, quilibet Sacerdos non potest tunc absolvere; quia in hoc casu non censetur deesse copia superioris, cum ad illum pateat aditus per litteras; modò id fieri possit absque infamie nota, aut alio graui periculo. *tom. 1. pag. 365. n. 1. & seq.*

75. Existenti in articulo mortis potest quilibet Sacerdos absolutionem impendere ab iis censuris, quæ obstant susceptioni sacramentorum, & Ecclesiastica sepultura; cuiusmodi sunt excommunicatio, interdictum personale, suspensio ab usu sacramentorum, & ab Ecclesiastica sepultura; hæc enim est mens Concilij Tridentini. Ab irregularitate verò, aut suspensione ab ordine, officio, vel beneficio, non potest simplex Sacerdos absolvere in articulo mortis; quia hæc non retardant à consecutione gloriæ. *tom. 1. pag. 366. n. 3.*

76. Sacerdos qui in articulo mortis absoluit pœnitentem ad ultimum ab



excommunicatione, à qua aliàs absolueri non potest, debet ab eo extorquere iuramentum, si fieri potest, præsentandi se, cum primum poterit, superiori; alioquin pœnitens in eandem censuram reincidit. In grauioribus autem delictis, vt in casibus Bullæ Cœnæ, extorquenda est etiam cautio pignoratitia, vel fideiussoria, quando pœnitens tenetur ad pecuniariam satisfactionem, quam tunc præstare non potest; at si non tenetur ad satisfactionem pecuniariam, sed ad aliam, sufficit ab eo exigere iuramentum. *ibid. n. 11. & pag. 367.*

77. Pœnitenti in articulo mortis constituto imponitur onus præsentandi se, si possit, superiori, non vt ab eo absolua- tur iterum; iam enim est absolutus, sed vt se præbeat obedienter ab hac tamen obligatione eximi potest, si, postquam conualuerit, adeat confessarium habentem facultatem absol- uendi à referuatis extra mortis articulum, ab eoque obtineat absolu- tionem nouam, absque vilo onere. *tom. 1. pag. 367. num. 13.*

78. Illa dicitur absolutio ad reincidentiam, qua posita iterum inciditur in censuram, nisi præstentur ea, quæ præscribuntur. Talis est absolutio data à Legato, vel Nuncio Summi Pontif. vel à supremo Pœnitentiarario cum onere præsentandi se suo Ordinario, vel alteri; quare si pœnitens, data opportunitate, id non præstet, reincidit in excommunicationem. Porro excommunicatus vitandus, in articulo mortis sic absolutus ad reincidentiam, si data opportunitate superiori se presentare neglexerit, remanet excommunicatus, vt antea, ac proinde vitandus. *ibid. n. 17. & 18.*

79. In absolutione à casibus referuatis in articulo mortis non est exigenda cautio præsentandi se superiori, nisi casibus referuatis adnexa sit ex- communicatio: quia nullo iure constat imponendum esse huiusmodi onus, præterquam in absolutione à referuatis habentibus excommunicationem adnexam. *ibid. n. 19.*

80. Absolutio à censura potest conferri incio, immò & inuito, modò contumaciam depofuerit: quia sicut potest censura ferri in inuitum, ita po- test ab inuito auferri. Potest etiam conferri absenti; hæc autem absolutio statim suum sortitur effectum, si absolute, & sine conditione de futuro collata fuit. *tom. 2. pag. 368. num. 3. & seq.*

#### Forma absolutionis à Censura.

81. Nulla est certis verbis concepta formula absolutionis à censuris; li- cet quibuslibet vti, seu scriptis, seu ore prolatis, quibus absolutio sufficien- ter exprimitur. Potest igitur absolutio à censuris concipi his verbis, *Te absoluo*, vel iisdem quibus datur absolutio à peccatis. Certior tamen for- mula hæc est, *Ego te absoluo ab omnibus censuris, & peccatis tuis. ibid. n. 1. & seq.*

82. Potest vna censura auferri, alia remanente; quia inter censuras non est necessaria connexio. Tamen qui confitetur sacerdoti habenti faculta-

tem



tem absoluedi à censuris, remanet absolutus ab omnibus etiam referuatis quas tacuit ex obliuione, modò generalem obtineat absolutionem ab omnibus iuxta hanc solemnem formam, *Absoluo te ab omni vinculo excommunicationis, suspensionis, & interdicti, si quod incurristi, quantum possum, & indiges*. Consequenter si poenitens post confessionem recordetur alicuius peccati obliti habentis adnexam censuram, tenetur tantum confiteri peccatum oblutum; iam enim sublata est referuatio; & censura, ac proinde poterit ab eo absolui, per quemlibet approbatum, quamuis non habeat facultatem absoluedi à referuatis. *tom. 1. pag. 369. n. 1. & seq.*

83. Absolutio à censuris potest extra confessionem conferri ab eo, qui habet ordinariam iurisdictionem. Habens verò iurisdictionem delegatam potest absolvere iuxta facultatem sibi concessam: quare si concessa est facultas absoluedi absolute, potest absolvere extra confessionem, qui verò limitatam habet potestatem absoluedi à censuris in Sacramentali confessione tantum, ut ferè vsu venit in Iubilæis, non potest absolvere extra confessionem. *ibid. n. 7.*

84. Qui habet facultatem absoluedi à censuris in foro conscientiarum, potest ab illis absolvere etiam extra confessionem, tamen si non absoluat à peccatis: aliud enim est forum conscientiarum, aliud forum Sacramenti Poenitentiarum, ut patet in Parocho nondum Sacerdote, cui concedi potest facultas absoluedi suos subditos à censuris in foro conscientiarum. *tom. 1. pag. 370. num. 8.*

85. Absolutio à censuris potest validè conferri, non solum sub conditione de presenti, & praterito, sed etiam de futuro. Potest etiam dari ad cautelam, quando nescitur, aut dubitatur an censura fuerit contracta: Immodò huiusmodi absolutio communiter pramitti solet, antequam poenitens absoluat à peccatis, ut tollatur impedimentum, si quod fortè subest, ad recipiendum Sacramentum. *ibid. n. 1. pag. 371. n. 2.*

86. Exorquens absolutionem à censura per dolum versantem circa causam finalem, non remanet absolutus. Quia superior non intendit absolvere, nisi iuxta causam sibi propositam; propterea qui mentiendo dicit iudici se satisfacisse parti læsæ, vel qui confessario dicit se non posse satisfacere, cum reuera possit, inualide absoluitur. Absoluitur verò extorta per dolum versantem circa causam tantum impulsivam, valida est. *tom. 1. pag. 371. n. 2.*

87. Absolutio data per vim, vel metum iniuriosum cadentem in constantem virum, inualida est: huiusmodi enim absolutio irritatur à iure. Immodò tantum abest, ut extorquens absolutionem per vim, vel metum remaneat absolutus, ut potius nouam contrahat excommunicationem, ut habetur in cap. unico in 6. *ibid. n. 4.*

88. Qui habet potestatem ordinariam absoluedi, potest validè absolvere poenitentem, qui nondum satisfacit parti læsæ, quamuis antea potuerit satisfacere, aut cautionem satisfaciendi exhibere: quia ordinarius non habet



iurisdictionem limitatam; grauitur tamen peccat absoluens penitentem ante realem satisfactionem, quam præstare poterat. Valide item absoluit à censura penitentem, qui nondum satisfecit, ille, qui habet priuilegium absoluendi absque limitatione. Qui verò habet priuilegium limitatum sub conditione satisfactionis, non potest valide absolvere ante exhibitam satisfactionem: quia priuilegium non extenditur vltra limites præscriptos. Notandum tamen, nisi in priuilegio addatur particula expressè irritans absolutionem à censura nondum satisfacta parte, validam esse absolutionem, collatam ante satisfactionem, etiam si priuilegium concessum sit sub hac forma, *satisfacta parte*, vel, *de consensu partis*: nam superior apponens huiusmodi clausulas, non intendit limitare iurisdictionem, sed tantum admodum confessarium, vt seruet formam iuris communis, vt videlicet non absoluat penitentem, antequam exhibeat satisfactionem, aut condignam cautionem. *tom. 1. pag. 372. num. 1. 2. & 3.*

89. Quando penitens non potest satisfacere, nec absolutio differri potest tamdiu sine graui damno penitentis, potest confessarius absolvere, exhibita à penitente ea satisfactione, quam potest aut cautione pignoratitia, vel fideiussoria, vel saltem iuratoria, promittendo se satisfacturum, primà datà opportunitate. *ibid. n. 5.*

90. In dubio an penitens teneatur ad satisfactionem, in foro externo absolui potest à censura, ante præstitam satisfactionem. In foro verò interno, non ita absolutè loquendum, quia forum internum non nititur præsumptione, sed verbis ipsius penitentis: igitur debet confessarius ferre iudicium ex verbis penitentis, & si ex ipsius verbis iudicet ipsum teneri ad satisfactionem, non debet absolutionem impendere ante præstitam satisfactionem. Secus si iudicet non teneri. *rom. 1. pag. 363. n. 9.*

91. Satisfactione, vel restitutione facta, non statim aufertur excommunicatio, quando quis excommunicatus fuit ob delictum: sed adhuc requiritur absolutio. Quare sensus excommunicationis in hunc modum latè. *Sis excommunicatus donec satisfacias*, hic videtur esse, vt excommunicatus non possit absolui ante satisfactionem; eà verò posita possit. *ibid. n. 10.*

92. Ille dicitur absolui in foro interno, seu in foro conscientia, qui absoluitur ab eo, cui superior concessit facultatem absoluendi, saluo tamen iure cognoscendi de delicto in foro exteriori. Quando verò facultas absoluendi conceditur, nullà additâ limitatione, videtur concessa in vtroque foro; modo prius satisfiat parti. *ibid. n. 1. & 2.*

93. Qui fuit absolutus à censura in foro conscientia, non indiget noua absolutione, vt possit eum ceteris communicare, aut actus per censuram prohibitos exercere, modo aliis constet ipsum fuisse absolutum, ne sub sit periculum scandalis; hoc autem constare potest etiam in iudicio per attestationem confessarii; caueat tamen confessarius, ne faciat prædictam attestationem, antequam obtinuerit à penitente facultatem. At si famâ publicâ constabat penitentem fuisse excommunicatum, debet etiam publicè con-

stare



stare de eius absolutione; antequam cum ceteris communicet, ad vitandum scandalum. *ibid. n. 3. & 4.*

94. Ante absolutionem à censura, regulariter loquendo, debet reus petere, vt absoluantur, non quidem ex necessitate, sed ex congruitate: sic enim indicat se contumaciam deposuisse. Quando delictum est enorme, cuiusmodi est percussio clerici, extorquendum est iuramentum à delinquente, se non amplius tale delictum perpetraturum, nisi delinquens in foro penitentiae absoluitur, tunc enim nihil est necesse exigere hoc iuramentum. *ibid. n. 6. & pag. 374.*

95. In absolutione ab excommunicatione, quæ in foro externo impenditur, seruandæ sunt cæremoniæ præscriptæ in cap. à nobis, de sentent. excommunicat. nisi in desuetudinem abierint. Igitur absolendus, super nudatos humeros (nisi sit femina) leuiter cadendus est virga, aut fune, aut flagello, dum recitatur Psalm. *Miserere*, deinde præmissa oratione, *Deus cui proprium, &c.* subiunguntur verba absolutionis, *Auctoritate qua fungor, absoluo te à vinculo excommunicationis, quod incurristi ab hac, vel illam causam, restituo te Sacramentis Ecclesiæ, & communioni fidelium. In nomine Patris, &c.* Istæ tamen cæremoniæ non sunt de essentia absolutionis, neque necesse est eas adhibere, dum penitens in foro conscientie absoluitur. *tom. 1. pag. 374. n. 5.*

## C E N S U S.

*Contractus Censûs siue licitus, & quomodo.*

1. Censûs nomine intelligitur ius percipiendi certam pensionem ex re alterius frugifera, siue ea pensio sit fructuaria, siue pecuniaria. Ideo si Caius obliget se ad dandam Titio certam tritici quantitatem ex proprio agro, singulis annis, dicitur constituere censum in suo agro, & Titius acquirit ius percipiendi eam pensionem, quod ius appellatur *censûs*; Caius verò, qui se obligat ad soluendam pensionem, dicitur, *censuarius*, & Titius, qui acquirit ius percipiendæ pensionis, dicitur *censualista*, seu *censitor*. *tom. 2. pag. 36. num. 1.*

2. Censûs est duplex, *resignatiuus*, & *consignatiuus*. *Resignatiuus* est contractus, quo quis transfert rem suam in alterum quoad dominium directum, vel vtile: seruata sibi annua pensione, & potest in eo apponi pactum legis commissoriae, ita vt, si censuarius non soluat biennio, vel triennio pensionem, res, super qua constitutus est censûs, reuertatur ad censualistam, id est, ad eum, qui sibi pensionem seruauerat. Censûs *consignatiuus* est contractus, quo quis alteri vendit ius percipiendi annuam pensionem super rebus suis, aut super persona. Et rursus hic cêsus est triplex; *realis*, qui fundatur in re ipsa, *personalis*, qui fundatur in persona, quæ se obligat ad soluendam pensionem, quatenus potest aliquid acquirere pro-



prio labore, & industria; & *mixtus*, qui fundatur super re, & persona, ita ut si res pereat, persona maneat obstricta ad soluendam pensionem. Rursus census alius est *fructuarius*, quo quis se obligat ad soluendos certos fructus; alius *pecuniarius*, quo se obligat ad soluendam certam pecuniam. Præterea census alius est *perpetuus*, qui constituitur ad soluendos redditus in perpetuum; & appellatur *irredimibilis*, quia redimi non potest, si emptor nolit; alius *temporalis*, qui non constituitur ad perpetuos redditus, & redimi potest à censuario, etiam invito censualista. Denique census temporalis, si constituitur ad exigendam pensionem, quandiu alter, vel uterque vixerit, dicitur *vitalitius*; non *vitalitius* vero si ad certum aliquod tempus constituitur. *ibid. n. 3.*

3. Censualis contractus celebrandus est iuxta conditiones præscriptas à Pio V. ubi eius Bulla recepta est. Vbi verò non est recepta, sufficit, ut celebratur iuxta legem, & consuetudinem locorum, modò ea consuetudo iuri naturali, aut diuino non repugnet. *ibid. n. 4.*

4. Ad contractum census hæc conditiones requiruntur. 1. ut adsit intentio vendendi, & emendi. 2. ut adsit iustum pretium habita ratione oneris impositi: pretium tamen census non debet æquare pensiones soluendas; sed debet esse æquale iuri exigendi certam pensionem. 3. ut constituens censum super re aliena, liberam habeat illius rei disponendæ facultatem. 4. ut census fundetur in re frugifera. 5. ut si res censita pereat, vel fiat sterilis absque culpa censuarij, cesset census ad ratam; res enim domino perire debet. 6. ut si aliquod onus imponatur venditori, ad quod natura contractus non obligetur, debita mercede compensentur. *tom. I. pag. 536. 537. num. 5. & seq.*

5. Qui soluit censum ex suo fundo, potest in eodem fundo alium censum constituere, si fundus utrumque censum ferre possit; nulli enim fit iniuria. *pag. 537. n. 9.*

6. Maritus non potest constituere censum in fundo dotali, absque vxoris consensu; nullus enim transferre potest ius in alterum, quod ipse non habet; fundus autem dotalis non est mariti quoad dominium, sed solum quo ad usum fructum, qui morte ipsius mariti cessat. *ibid. n. 11.*

7. Clericus non potest constituere censum super beneficio, quia non habet dominium bonorum beneficij, & sicut non potest bona Ecclesiastica vendere, ita neque censum in ipsis constituere. *ibid. n. 12.*

8. Feudatarius, & emphyteuta non possunt constituere censum super re accepta in feudum, aut in emphyteusim: fieri enim potest, ut res trãseat in commissum, & consequenter emptor census patiatur damnum; cum enim res debeat ad dominum directum redire, dominus rei, seu fundi, non tenebitur soluere censum, consequenter emptor census damnum patietur. *ibid. num. 13.*

9. Census realis licitus est cum hisce conditionibus in Bulla Pij V. præscriptis: in iis locis in quibus Bulla recepta est. 1. ut census non instituitur,

nisi



nisi super re immobili, sua natura frugifera, & certis finibus designata. 2. vt contractus non celebretur, nisi numeratâ pecuniâ in actu celebrationis instrumenti coram notario, & testibus. 3. ne pensiones anticipatæ deducantur in pactum, id est, ne is qui emit censum, cogat censuarium, vt sibi censum anticipatè soluat. 4. ne venditor census obligetur ad casus fortuitos, vel ad alia onera præter naturam contractus. 5. vt non fiat pactum restringens libertatem censuarij, ne alienet rem censui subiectam; ne fiat itè pactum soluendi censitori *landemium*, id est, quinquagesimam, vel aliam partem rei alienate, pro facultate alienandi ab ipso obtenta. 6. vt dominus rei censitæ volens eam vendere, admoneat censualistam, num ipse velit eam emere eodem pretio, eumque alijs præferat. 7. ne fiat pactum, quo censuarius existens in mora, teneatur ad interesse lucri cessantis, aut ad expensas, aut ad aliquam pœnam. 8. ne census antea constitutus augeatur ex pensionibus debitis, & non solutis. 9. vt semper liberum sit censuatio redimere censum, quoties voluerit, reddito eodem pretio, quo vendiderat, non obstante quavis præscriptione, aut pacto; quare damnantur census perpetui, qui hoc pacto emuntur, vt nunquam redimantur. 10. vt censuarius non cogatur ad redimendum censum. 11. vt pretium census semel constitutum, non possit augeri, vel minui ex aliqua circumstantia superueniente, sed æquale pretium reddendum sit, quo census ab initio fuit emptus, id est, vt venditor extinguere possit censum reddito eodem pretio, quod accepit. *tom. 1. pag. 537. & seq. usque ad 543. à num. 14.*

10. Census fundari potest super alio censu etiam redimibili; quamvis enim huiusmodi census non sit res immobilis; nihilominus habetur pro immobili. Secus dicendum de iure ad exigenda debita, quæ non sunt census, v. g. ad exigendam pecuniam: nam huiusmodi ius non censetur inter immobilia. *tom. 1. pag. 5; 8. num. 17.*

11. Census vitalitius, ad ementis, aut vendentis vitam, vel ad alium annorum numerum incertum, licitus est, iusto pretio interueniente. Quare potest quis emere ius certæ pensionis sibi soluendæ donec vixerit, ita vt eo mortuo, census extinguatur, & capitale non restituatur. Quia, concurrente iusto pretio, tam censuarius, quàm censualista, æquale periculum subit lucris, aut damni. Census autem vitalitij pretium taxandum est, attendendo ad vltimum terminum, ad quem moraliter peruenire potest vita eius, in quo fundatur census, & sumendo medietatem illorum annorum, ita vt pretium census ad æquet pensiones totius medietatis illorum annorum; sic enim seruatur equalitas, & vterque contrahens æqualem aleam subit, cum fieri possit, vt censualista non perueniat ad illam medietatem, aut illam excedat. *ibid. n. 18. & 19.*

12. Qui emit censum modico, & diminuto pretio, potest percipere integram pensionem, modo lex, qua pretium taxauit, non irritet contractum diminuto pretio celebratum. Quia sicut emens fundum diminuto pretio; acquirit dominium fundi, & potest ex eo fructus percipere.



re, quamvis teheatu contractum reducere ad æqualitatem, & damna venditori refarcire: ita emens censum iniusto, & diminuto pretio, acquirit ius, & dominium; consequenter potest integram pensionem exigere, reducendo contractum ad æqualitatem, & refarciendo damna, quæ passus est censuarius ex pretij diminutione. *tom. 1. pag. 539. n. 23.*

13. Censuarius tenetur soluere pensionem iis annis, quibus nulli fructus percipiuntur ex re censui subiecta, etiamsi census sic fructuarius, non pecuniarius: quia census non imponitur super ipsis fructibus rei, sed super ipsa re; nec venditur ius ad ipsos numero fructus percipiendos ex eadem re; sed venditur ius ad certam pensionem percipiendam ex re censita, quod ius perseverat, etiamsi res aliquibus annis fructus non ferat. *tom. 1. pag. 540. n. 28.*

14. Quando constitutus est census super aliqua domo, aut molendino; si sensu destruitur, & reedificatur per partes, remanet obligatio soluendi censum: quia censetur manere idem molendinum, seu domus. Si vero domus, aut molendinum fuit planè dirutum, aut combustum, & postea reedificatur in totum, non est obligatio soluendi censum; quia iam non censetur idem ædificium; census autem extinguitur pereunte, & destructa re, in qua fundabatur. *ibid. num. 29.*

15. Onus soluendi tributum, quod ex fundo solui consuevit Principi, vel fisco, pertinet ad censuarium: quia cum tributum sit onus impositum fundo, seu prædio, & dominium prædij apud censuarium perseveret, sequitur ad ipsum pertinere onus soluendi tributum. *ibid. n. 31.*

16. Expense faciendæ pro scriptura census, & eius expeditione, pertinent ad emptorem: ad illum enim pertinet onus expensarum, ad quem pertinet commodum: at commodum scripturæ pertinet ad emptorem ad ostendendum, & probandum ius suum: ergo &c. *ibid. num. 32.*

17. Emptor census potest pactum apponere, ut quando censuarius voluerit redimere censum, non redimat, nisi eadem monetâ; modò probabiliter credat valorem monetæ non esse augendum; alioquin peccat obligando censuarium, ut eandem specie monetam restituat. *ibid. nu. 36.*

18. Census perpetuus, & irredimibilis, pluris valet, quàm redimibilis: nam redimibilis venditur absque onere retrouendendi, & redimibilis cum onere; res autem sine onere, plus valet, quàm cum onere. *to. 1. p. 541. n. 41.*

19. Censuarius, qui vult redimere censum, debet duobus mensibus, antequam redimat, denunciare censitori se velle redimere: qua denunciatio facta, censitor potest intra annum repetere pretium census a censuario, licet iniusto; elapso verò anno, non potest pretium exigere. Verùm si censuarius post admonitionem non redimat intra bimestre, nec censitor exigit pecuniam intra annum, censuarius adhuc potest redimere, præmissa noua denunciatione, etiamsi pluries denunciauerit, nec secuta fuerit redemptionis census: *ibid.*

20. Ad redemptionem census non requiritur, ut censuarius illud redimat



mat numerata pecunia, sed sufficit, vt redimat per compensationem debiti: quare si censuario tantū debeatur à censitore, quantum valet census, potest censuarius compensationem facere admonēdo censitorem, vt census habeat pro extincto, ratione aequalis summae, quae sibi debetur, *rom. 1. pag. 542. n. 40.*

21. In contractu census potest apponi pactum, vt censuarius, si velit redimere census, redimat in totum, non in partem: quia alioquin censitor damnum pateretur, recuperando pretium per partes, tum quia solutio debiti non potest diuidi inuito creditore. Secus dicendum de pensionibus iam decursis; tunc enim si debitor offerat integram solutionem alicuius termini, creditor non potest illam repudiare; nam huiusmodi solutio diuidua est, & separata à principali. *ibid.*

## CESSATIO A DIVINIS.

*Quid, & quorūplex sit.*

1. Cessatio à diuinis ita vocatur, quia ministri Ecclesiae pro tempore, quo cessatio durat, cessant à publica celebratione diuinorum officiorum, & administratione sacramentorum. *rom. 1. pag. 455. n. 1.*

2. Cessatio est omissio, seu desistentia à diuinis officiis, ab administratione Sacramentorum, & sepultura laicorum: potest etiam hoc modo definiri. Cessatio est simplex prohibitio, qua ministri Ecclesiae prohibentur persolvere diuina officia, ministrare Sacramenta, & sepelire laicos in loco sacro. Est autem duplex; alia *generalis* qua prohibetur celebratio diuinorum in loco vniuersali, vt in regno, in ciuitate, &c. alia *particularis*, qua prohibetur in loco particulari, vt in hac, aut illa Ecclesia. *ibid. n. 2. & 3.*

3. Cessatio à diuinis non est censura; quia fertur per modum simplicis prohibitionis, eamque violanti non est imposita poena irregularitatis. Præterea cessatio à diuinis nunquam incurritur ipso facto; sed tantum comminatoriè fertur, in quo differt ab interdicto, quod ipso facto incurritur. Vnde licet inferre, quando conceditur priuilegium audiendi Missam tempore interdicti, non censeri concessum ad audiendam tempore cessationis à diuinis, & contra, *ibid. n. 4.*

*Cessatio à quo, quomodo, & cur ferenda.*

4. Præter Summum Pontif. Episcopus, & Capitulum Sede vacante, item Concilium dioecesanum possunt imponere cessationem à diuinis. Alij etiam possunt iuxta facultatem sibi delegatam, vel obtentam per consuetudinem. *rom. 1. pag. 456. num. 1.*

5. Cessatio à diuinis in hac maximè verba ferri potest. *Nos ob talem causam, ciuitatem, vel Ecclesiam abstinere præcipimus à diuinis officiis.* In ferenda autem cessatione quatuor hæ conditiones seruandæ. 1. vt Capitulo



pitulo indicente cessationem, conuocentur omnes canonici etiam absentes. 2. vt delictum, propter quod imponitur, sit manifestum, & notorium. 3. vt adimoneatur, is ob cuius culpam ferenda est cessatio, vt pareat. 4. vt ferens cessationem, & ille, contra quem fertur, nisi intra mensem se componant, adeant Summum Pontif. per se, vel per alium, ne Ecclesia tantum grauamen diu patiatur. *ibid. n. 2.*

6. Grauior esse debet culpa, ob quam imponitur cessatio, quàm sit ea, ob quam fertur interdictum: neque sufficit, vt culpa probabilibus tantum coniecturis cognita sit; sed debet esse manifesta, & expressa in ipsis litteris, quæ sententiam continent: est enim cessatio valde publica, & onerosa, Ecclesie. Præterea litteræ sunt sigillo publico muniendæ, & tradendæ illi, contra quem fertur cessatio, monendo illum, nun. velit ante cessationem emendari; nam finis cessationis est resipiscentia illius, cuius causa lata est. *ibid. n. 5. & 6.*

### Cessationis à diuinis effectus.

7. Tres sunt præcipui cessationis effectus. 1. est omissio diuinorum officiorum publicè recitandorum, & à Missa celebranda. 2. est priuatio sacramentorum; nam tempore cessationis sacramentum Ordinis, aut Extreme Vnctionis non confertur clericis, aut laicis. 3. est priuatio Ecclesiasticæ sepulturæ pro laicis. *ibid. n. 1. pag. 457. n. 5. & 8.*

8. Tempore cessationis non licet pulsare campanas ad diuina officia, cum sint prohibita; ad concionem autem, orationem Angelicam, & alia, quæ non sunt diuina officia, videntur posse pulsari campanæ, nisi consuetudo id non ferat. *rom. 1. pag. 456. num. 2.*

9. In dicta cessatione à diuinis licet 1. semel in hebdomada celebrare cum vno ministro ad renouandam Eucharistiani ob necessitatem infirmorum, ne species corrumpantur. 2. licet recitare priuatas orationes, etiã in Ecclesia; non eximantur autem beneficiarij ab horis canonicis priuatum persoluendis. *ibid. num. 3.*

10. Sacramenta Baptismi, & Pœnitentiæ, vt pote maxime necessaria, tempore cessationis licitè administrantur cum solita solemnitate; item, Sacramentum Confirmationis, quod censetur Baptismi complementum, Sacramentum verò Eucharistiæ solis ægris confertur per modum viatici, cum pompa necessaria; quare licet tunc celebrare pro ægro communicando, quando deest hostia consecrata: nam Eucharistia in articulo mortis est de iure diuino. Matrimonium autem contrahere tunc non licet. *rom. 1. pag. 457. n. 5. & 6.*

11. Quamuis Episcopus possit tollere cessationem, quoad omnes effectus, non tamen potest tollere quoad aliquem tantum, vel vnum auferre; aliis remittentibus: quia sunt inter se necessariò connexi. *ibid. num. 8.*

12. Violans cessationem grauius peccat, non tamen incurrit irregularitatem.



ritatem. Religiosi ex decreto Concilij Trid. tenentur in suis Ecclesijs publicare, & seruare cessationem. Licet autem non seruetur ab eo, propter quem lata est, tamen à cæteris seruanda est. Porro, qui causam dedit iustæ cessationi, tenetur ad omnia damna sarcienda clericis, qui distributiones amiserunt, vel alia incommoda passi sunt. *ibid. n. 9. & seq.*

## C H A R I T A S.

*Charitas in Deum, & in proximum.*

1. **C**haritas est virtus supernaturalis, omnium virtutum præstantissima, qua Deus super omnia diligitur, proximus autem propter Deum. Potest autem Deus amari super omnia dupliciter. 1. *intensiue*, quando actus amoris Dei est vehementior omni alio amore. 2. *appretiatiue*, quando Deus pluris æstimatur, quàm cætera omnia, vt contingit quando homo est ita affectus erga Deum, vt paratus sit pati potius omnia mala, vel omnia perdere, quàm Deum offendere. Tenemur Deum amare super omnia *appretiatiue*, non autem *intensiue*; Deus enim est summum bonum, super omnia diligendum; quia verò nobis constare nō potest de intensiōe amoris nostri, maximis augeremur scrupulis, si teneremur Deum amare super omnia intensiue. Ex dictis patet, Deum amandum esse tanquam vltimum rerum omnium finem; alioquin, si dilectio Dei aliò referretur, Deus super omnia haudquaquam diligeretur. *tom. 1. pag. 361. num. 1. 2. & 3.*

2. Charitatis præceptum *negatiuum*, semper obligat. Dicitur autem, præceptum charitatis *negatiuum*, quo tenemur Deum non odisse. *Affirmatiuum* verò per se obligat. 1. cum insurgunt tentationes incitantes ad odium Dei, & est periculum illis consentiendi. 2. quando eliciendus est actus contritionis; contritio quippe est actus charitatis. *ibid. num. 1. & pag. 162. num. 2.*

3. Certum est de fide proximum diligendum esse, seu pium, seu impium, nec amicos solum, verum etiam inimicos: sunt enim noster proximus. Non tenemur tamen, per se loquendo, inimicum obuium salutare: quia illud est speciale beneuolentiæ signum, quod non tenemur aliis, qui non sunt inimici, exhibere. Verum fieri potest, vt aliquando teneamur inimicum salutare, aut familiariter cum ipso versari, vel vt scandalum vitetur, vel cum speratur fore, vt reconcilietur, & odium deponat. Hinc patet quomodo se gerere debeant confessarij erga penitentes, qui inimicum alloqui, vel salutare nolunt: possunt enim ipsis beneficium absolutionis impendere, modo non adfit odium, aut scandalum. Consulendum tamen penitenti, vt salutet inimicum. *tom. 1. pag. 162. num. 1. & seq.*

4. Quæres an resalutare teneamur inimicum, nos salutantem. *Resp.* cum distinctione: nam si is, qui salutatur ab inimico, est longè superioris conditionis, non videtur peccare mort. non resalutando, quia ante inimicitias ad id



ad id non tenebatur. At si non est longè superioris conditionis, videtur, per se loquendo, grauiter peccare: hinc enim sequi solet scandalum, & grauis offensio illius, qui se videt contemni. *ibid. num. 4.*

5. Quando inimicus veniam petit, debemus i. odium deponere. 2. signa reconciliationis, & beneuolentiæ ex animo exhibere spectata conditione personæ: non tamen tenemur iniuriam ita condonare, quin possumus exigere satisfactionem; immò possumus contra inimicum in Iudicio agere, vt secundùm leges puniatur: cauendum tamen ne ex odio, aut studio vindictæ id fiat. *ibid. num. 5.*

6. Volens aliquibus conferre beneficia, potest ab illis excludere inimicum, modò illa conferat ex mera liberalitate: fieri tamen potest vt ad vitandum scandalum, inimicum excludere non debeat. *tom. 2. pag. 163. n. 6.*

7. Tenemur ex charitate, extremæ necessitati spirituali proximi, cum facultatum, ac vitæ periculo subuenire; hinc 1. Ioan. 3. dicitur *Et nos debemus pro Fratribus animas ponere*: propterea, si infans morti proximus indigeat baptismo, illique baptismum absque vitæ periculo conferre non possumus, tenemur illud periculum adire. Si hæreticus populum prauis dogmatibus peruerat, tenemur, cum vitæ periculo, huic incommodo occurrere. Vt autem aliquis dicatur in extrema necessitate versari, duo moraliter constare debent. 1. proximum in aeternum damnandum, nisi ei subueniatur. 2. neminem esse, à quo subleuetur. *ibid. n. 2.*

8. Extrà extremam necessitatem spirituales proximi non tenemur ex charitate proximo subuenire cum periculo vitæ, aut cum graui damno famæ, aut facultatum. At si sermo sit de necessitate spirituali communitatis, licet non sit extrema, subueniendum ei est cum periculo vitæ: quia bonum spirituale communitatis præponderat bono temporali priuato. Hac de causa concionator tenetur inuehi grauiter in peccata publica, etiam cum vitæ periculo, quando communitas ruinæ periculum subit. *ibid. nu. 4. & 5.*

9. Quibus ex officio incumbit onus procurandæ salutis proximi, tenentur cum vitæ periculo, non tantum extremæ, sed etiam graui illius necessitati spirituali subuenire. Vnde colligitur pastores non posse à suo grege recedere, grassante peste, sed teneri illis Sacramenta, cum vitæ periculo ministrare, nisi alios ministros idoneos substituant. *tom. 2. pag. 163. 164. n. 5.*

10. Non tenemur, sed possumus vitam exponere periculo, pro salute temporali amicorum, modò damnum aliis inde non proueniat, sic licet peste infectis inferuire; possum tabulam in naufragio mihi necessariam alteri cedere, nisi habeam familiam, quæ sine me sustentari non possit, aut nisi sim Reip. vtilior, quàm ille alius. &c. *tom. 2. pag. 164. n. 6.*

11. In dilectione proximi hic ordo seruandus est, vt diligatur primo loco Pater, secundo mater, tertio vxor, quarto filij, quinto ceteri consanguinei, sexto ceteri non consanguinei; & ceteris paribus, præferendus est vir iustus peccatori, item persona publica priuatæ est anteponenda. *ibid. n. 2. & seq.*

Odiū



## Odium in Deum, &amp; proximum.

12. Odium Dei est peccatum grauissimum charitati contrarium, quo Deo malum cupimus. Neque videtur ob paruitatem materiae fieri posse peccatum veniale: quodlibet enim odium Dei, vel minimum, summæ Dei bonitati maxime repugnat. *Quæres*, an possit Deus odio haberi? *Resp.* Denim quatenus est Summum bonum, odio haberi non posse; quia in Deo sic spectato nulla esse potest ratio, seu species mali. Quatenus verò est peccatis infensus, & peccantibus penas infligit, posse odio haberi; quia odium est actus, quo aliquem tanquam infestum, & odiosum detestamur. Et sic daemones Deum odio prosequuntur. Caterum in omni peccato reperitur odium Dei generale, quod consistit in auersione à Deo, quatenus peccator auertit se à Deo, & conuertit se ad creaturam. *tom. 2. pag. 172. num. 1. & seq.*

13. Odium proximi est peccatum mortale oppositum charitati. Fieri tamen potest veniale, vel ob consensum imperfectum, vel ob materiae leuitatem. Sic excusantur à mortali, qui leuem quandam displicentiam, aut auersionem erga proximum concipiunt; item qui concionatores, & spiritualia consulentes, aliquo modo fastidiunt. *ibid. n. 6.*

14. Peccat grauter contra charitatem, qui alicui malum optat, ex displicentia personæ, aut cui displicet persona alterius tanquam infesta & odiosa, & eam non esse cuperet. Qui ex bono mortuo gaudent de malo, aut tristantur de bono alterius à mortali excusantur; vt qui dolent dignitates indignis conferri, aut qui hæreticis, nisi velint conuerti, mortem optant, ne alios inficiant. Idem dicendum de matre, quæ mortem filiarum optat eò, quod ob deformitatem, aut inopiam nequeat eas, iuxta suum statum, nuptui tradere; quia hoc non est odium personæ, sed deformitatis, aut inopie, aut proprii incommodi. *ibid. n. 7.*

15. Grauter peccat contra charitatem qui actionem iniuriarum in iudicio prosequitur contra inimicum, ex prauo affectu, & non ex honesto fine; quamuis enim liceat petere à iudice, vt pœnam infligat delinquenti, nihilominus eam petere non licet, aut de ea gaudere ex displicentia personæ, seu vt malum ipsius est. *tom. 2. pag. 173. n. 7.*

16. Odium, ira, & indignatio hoc differunt, quòd Odium contingit, cum quis alteri malum cupit ex displicentia personæ, etiamsi nullam ab eo iniuriam acceperit. Ira verò contingit, cum quis vult alteri malum ob iniuriam aut lationem ab eo sibi illatam, quam cupit vindicare. Indignatio denique committitur, cum quis dolet bonà indignis conferri, videturque tantum peccatum, ex suo genere, veniale. *ibid. n. 8.*

17. Qui rebus alienis malum optat ex indignatione, seti prauo affectu in ipsis, non peccat peccato odij, quia animalia, & res alienas per se spectatas non tenemur diligere. At, qui rebus alienis malum cupit ex displicenti-



tiæ personæ, ad quam pertinent, verè peccat peccato odij; quia non tam res alienas, quàm personam cuius sunt, auerfatur. *ibid. n. 9.*

18. Non opus est in confessione explicare mala ipsa, quæ quis proximo optauit, sed sufficit dicere se toties graui odio prosequutum fuisse proximum, illique graue malum optasse: diuersitas enim malorum in actu odij materialiter se habet; quippe omnia eandem induunt rationem formalem, nempe vt sunt malum proximi. *ibid. n. 10.*

19. Potest quis ex bono motiuo sibi malum optare, aut ob honestum, aliquem finem: hoc enim non est velle sibi malum, sed potius nolle aliquid ex affectu alicuius boni honesti. Non tamen licet sibi malum contra vitam inferre, aut mortem procurare ex desiderio maioris boni, puta cœlestis gloriæ potiundæ: hic enim est actus efficax, qui non sumit specificationem a motiuo, sed ab actu, & obiecto externo. *ibid. n. 11.*

## CHORVS.

### *Assistentia in Choro.*

1. **I**N Ecclesia extat obligatio recitandi preces canonicas in choro: quia diuinum officium institutum est non solum in vtilitatem recitatum, verum etiam populi, id est, fidelium; populus autem non potest diuino officio frui, nisi in loco publico ad id deputato recitetur; ergo. Clerici autem Ecclesiarum cathedralium, & collegiatarum obligantur ad officium in choro singulis diebus persoluendum, nisi aliud ferat consuetudo; ob id enim accipiunt stipendia, & distributiones. *rom. 1. pag. 546. n. 1. & 2.*

2. Munus canendi diuinum officium in choro non ita est proprium Clericorum, & Ecclesiasticorum, quin etiam laici possint ad id adhiberi ab iis, qui ad chorum deputati sunt: quia nullum ius, vel consuetudo in contrarium extat. *rom. 1. pag. 547. n. 8.*

3. Religiosi choro deputati, tenentur in choro diuinum officium recitare, tantum ex regulis, & constitutionibus religionis: ipsi enim nullum acceperunt beneficium propter officium, nec ipsis dantur elemosynæ cum hac conditione, vt officium publicè recitent, sed vt vitam religiosam ducant iuxta cuiusque religionis institutum. Quare beneficiarij arctiori obligatione tenentur choro interesse, quàm religiosi; illi enim tenentur ex officio, atque adeo ex iustitia; hi verò vi solius regulæ, quæ regulariter non obligat sub mortali, modo priuatum officium recitent. *ibid. n. 9.*

4. Qui vltra tempus à Concil. Trid. sess. 24. cap. 12. permisum, à choro notabiliter absunt, per se loquendo, mortaliter peccant. Neque possunt alium in suum locum substituere, saltem præcisa consuetudine, vel priuilegio: quia hæc obligatio diuini officij in choro persoluendi est personalis. Legitima tamen consuetudine, præsertim inmemorabili, induci potest, vt quis per alium choro assistat: consuetudo enim legem abrogare potest;



potest; quando à iure non reprobatur; sicque vsu receptum est in nonnullis Ecclesiis vrbis Romæ. *tom. 1. pag. 547. 549. num. 50.*

## Clericus.

1. **C**lericus fit per susceptionem primæ tonsuræ, quæ conferenda est à proprio Episcopo per tonsionem capillorum, vel ab alio, de licentia proprii Episcopi; si tamen conferatur ab alio, absque licentia proprii Episcopi, valida est, nec iteranda. Dicitur autem *prima tonsura*, eo quod per tonsionem capillorum conferatur, dum Episcopus illa verba pronunciat, *Dominus pars hereditatis mee*; quibus tamen omisiss, valide conferretur tonsura, quia non est propriè Qrdo, neque Sacramentum. *tom. 1. pag. 231. n. 1.*

2. Clerici obligationes sunt hæc. 1. vt gestet habitum, & tonsuram; unde sequitur Clericum initiatum maioribus Ordinibus, aut habentem beneficium, peccare mort. non gestando habitum, vel tonsuram ad longum tempus sine iusta causa. Existentes verò in minoribus Ordinibus, excusari possunt facilius à peccato, cum illis liceat ad statum laicalem transire. *tom. 1. pag. 232. n. 2. & 3.*

3. Non licet Clericis arma ferre absque iusta, & rationabili causa, vel absque legitima consuetudine, vel absque Sedis Apostolicæ dispensatione; nam Episcopus id concedere non potest, cum sit vetitum iure communi; neque enim arma decent statum clericalem. *ibid. n. 5. & 7.*

4. Altera Clericorum obligatio est, vt sacris Ordinibus initiati recipient horas canonicas. Tertia, vt castitatem seruent: nam Ecclesia voluit sacris Ordinibus annexum esse castitatis votū, quod tacitè censetur emitte, per susceptionem sacrorum Ordinum: qui enim vult aliquem statum, vult etiam onera illi statui annexa. *ibid. n. 8.*

5. Clerici sunt exempti à laica potestate, necnon à tributis, & vectigalibus soluendis. Qui verò suscipit primam tonsuram eo tantum fine, vt fruatur priuilegio clericali; vel vt gaudeat exemptione fori, non verò intentione seruiendi Ecclesiæ, non peccat mortaliter. *ibid. num. 9. & 10.*

6. Clericis sacris Ordinibus initiatis, vel habentibus beneficium, non licet, per se loquendo, negotiationem per seipso exercere: est enim illis negotiatio interdicta, vt pote quæ ipsorum statum dedecet; idem sentiendum de religiosis. Clericus tamen, qui per alium negotiatur, nullam culpam incurrit, modò non ad sit turpis aliqua circumstantia, aut scandalum: quia clericis, & religiosis interdicta solum videtur negotiatio personalis, ob indecentiam, & distractionem ad terrena; vtraque autem cessat si per alios negotietur. Clerici verò minoribus Ordinibus initiati videntur à mortali excusandi, si per seipso negotiationem lucratiuam exercent. *tom. 2. pag. 489. nu. 18. & 19.*



## CLERICVS.

## Clericorum percussores.

7. **I**N cap. *Si quis suadente diabolo* 17. *quest.* 4. fertur excommunicatio contra percutientem clericum, vel monachum, quæ reservata est Summo Pontifici nisi in articulo mortis. *disp.* 2. *quest.* 3. *punct.* 6. *pag.* 190. *tom.* 3.

8. Qui clericum percutit ita leuiter, vt illa percussio non censeatur sufficiens ad mortalem culpam omnibus consideratis, non afficitur excommunicatione, quamuis mortaliter peccauerit in intentione, intendens grauius percutere. At qui leuiter percutit quidem, ita tamen, vt illa percussio censeatur valde iniuriosa clerico, incurrit excommunicationem, vt accidit, quando quis percutit clericum virga, aut in illum conspuat, &c. *ibid. sect.* 1. *§.* 1. *num.* 4.

9. Qui aliquid violenter eripit è manibus clerici, aut violentiam facit rebus illi adherentibus, v. g. violenter iniiciens manus in frænum equi, cui clericus infidet, aut lacerans vestem illius, aut percutiens equum, aut ita persequens clericum, vt cogatur se præcipitem dare in fluiuium, censeatur excommunicatus. Item qui clericum occidit veneno; hæc enim actio est violenta. *ibid. num.* 5. *pag.* 191. *tom.* 3.

10. Index secularis incidit in excommunicationem detinendo clericum in custodia, vel in domo, aut ponendo custodes ad domum, qui clericum exeuntem capiant, ita vt non possit libere exire; sic enim clerico vis infertur. *ibid. n.* 9.

11. Ille subiaceret excommunicationi, qui sclopetum dispoñit in clericum, qui ob terrorem moritur; quamuis pila ne leuiter quidem tactus fuerit; hæc enim est actio violenta, & iniuriosa in clericum. *ibid. n.* 13.

12. Clerici impuberes inter se rixantes, seque percutientes, non incurunt excommunicationem; quando illa actio attempta qualitate personarum, & quantitate nocimenti, non pertingit ad peccatum mortale; excommunicatio enim supponit peccatum mort. *ibid. n.* 14.

13. Consulens, vel mandans clericum percuti subiaceret huic excommunicationi, modò sequatur percussio, & consiliū, vel mandatum influat in percussorem. Ratio petitur ex cap. *Quantæ, de sentent. excommun.* vbi habetur non solum eos subiaci excommunicationi, qui percutiunt, veram etiam qui consentiunt. *ibid. §.* 2. *n.* 1. *seq. om.* 3.

14. Qui postquam mandauit clericum percuti, reuocauit mandatum; qua reuocatione non manifestata ei, qui mandatum accepit, sequuta est percussio; non excusatur ab excommunicatione; quia suo mandato fuit causa efficax percussoris. *ibid. num.* 4.

15. Quæres vtrum mandans percuti clericum incurrat excommunicationem



tionem si sit in gratia, dum mandatarius exequitur mandatum. *Resp. affirmatiue*: quia licet ad incurrendam excommunicationem prærequiratur peccatum mortale: non tamen necesse est, vt peccatum mort. tunc committatur, quando censura incurritur. *ibid. pag. 192. num. 5. tom. 3.*

16. Quando executor mandati inuincibiliter ignorat illum, quem percutit esse clericum, aut latam esse excommunicationem contra percutientem clericum, non incurrit excommunicationem percutiens; at mandans incurrit. *ibid. n. 6.*

17. Qui non impedit percussione clericum, quam ex sola charitate tenetur impedire cum possit, mortaliter quidem peccat, non tamen incurrit excommunicationem: quia illi non imputantur cætera damna, nec iniunguntur aliæ pœnæ; ergo neque debet imponi pœna excommunicationis. Ad hæc excommunicatio non fertur ob omissionem, sed ob actionem. *ibid. n. 7.* Qui verò ex officio tenetur impedire, rei sunt excommunicationis, si non impeditur; illis enim imputatur percussio. *n. 8. & 9.*

18. Qui approbat, & ratam habet percussione Clerici suo nomine factam, quamuis non dederit mandatum, incidit in excommunicationem; quia ratihabitio fictione iuris retrotrahitur, & æquiparatur mandato: cum his tamen conditionibus. 1. vt qui ratam habet percussione clericum, potuerit eam mandare tunc temporis cum facta est; quare approbans percussione clericum factam cum esset infans vel amens, excommunicationem non incurrit. 2. vt ratam habeat percussione per aliquod signum externum; quia actus merè internus non subiacet excommunicationi. 3. vt percussio facta sit nomine ipsius, idque ipse sciat. *ibid. n. 10. & 11.*

19. Qui percutit clericum volentem, & consentientem, non propterea excusatur ab excommunicatione: quia illud priuilegium de non percutiēdo clericum sub pœna excommunicationis concessum est toti ordini clericali, cui persona priuata non potest renuntiare. Ipse autem clericus consentiens in sui percussione non est ipso facto excommunicatus, sed excommunicandus, vt habetur in cap. Contingit cit. *ibid. sect. 2. pag. 193. nu. 5. & 6. tom. 3.*

20. Clericus præ desperatione, aut vitæ tedio, aut alia de causa seipsum grauius percutiens, maiorem incurrit excommunicationem: quia hæc percussio est toti clericali ordini iniuriōsa. *ibid. n. 7.*

21. Qui percutit clericum coniugatum, qui non est bigamus, aut clericum degradatum verbaliter tantum, aut irregularem, aut excommunicatum toleratum, aut vitandum, aut alia censura affectum, aut eum, qui post suspensionem factorum ordinum contraxit matrimonium, huic subicitur excommunicationi; hi enim omnes priuilegium canonis non amiserunt. Secus dicendum de eo, qui suscepit ordines ante baptismum, aut qui per vim promouetur ad ordines absque intentione illos suscipiendi. *ibid. sect. 3. num. 1. & seq.*

22. Denique percutiens aliquem gaudentem priuilegio canonis, huic



excommunicationis est obnoxius. Quinam autem gaudeant privilegio canonis, vide titul. *Ecclesiastica libertas*. Ibid. num. 7. & seq. tom. 3.

23. In his casibus percussus clericum excusatur ab excommunicatione. 1. qui percutit vim vi repellendo cum moderamine inculpatae tutelae ad se defendendum, vel rem suam, vel honorem, immò ad defensionem innocentiae parentum, filiorum, amicorum, & aliorum. 2. qui percutit ignorans esse clericum. 3. qui percutit per iocum, etiam si forte aliqua ira interueniat, modò non pertingat ad culpam lethalem. 4. Qui percutit per inaduertentiam ex subitò motu; nam inaduertentia, & indeliberatio excusatur à peccato mort. atque adeo ab excommunicatione. 5. qui percutit causa correctionis, & disciplinae, habens ad id legitimam potestatem; modò non percutiat ex graui odio, aut ira. 6. qui percutit clericum inuentum cum vxore, aut filia, aut forore, modò statim percutiat; quamuis enim sic percussus grauitèr peccet; nihilominus eximitur ab excommunicatione, quia Ecclesia non præsūmit percussione factam esse suadente diabolo, sed passione vehementi; est enim perdifficile in hoc casu sibi temperare. 7. qui percutit clericum factum militem, vel se immiscentem enormitatibus. 8. qui percutit clericum coniugatum, publicè per se exercentem officium cauponis. vel lanij. 9. qui percutit clericum mimicam, exercentem publicè, post trinam admonitionem. 10. qui percutit bigamum. 11. quando ostiarius Principis turbam summouendo, simul impellit clericum, nisi hoc faciat animo offendendi. *ibid. sect. 4. pag. 194. n. 1. & seq. pag. 195. 196. tom. 3.*

#### *Clerici percussor à quo absolueudus.*

24. Quando percussio est leuis, potest Episcopus per se, vel per alium absolvere. Item Vicarius generalis; nec non supremi monasteriorum. Praepositi, vt Abbas, Prior, Guardianus, &c. ex privilegio possunt absolvere sibi subditos ab excommunicatione ob leuem percussione, per se, vel per alios. Quanam autem sit percussio leuis, standum est iudicio prudentum, attentis circumstantiis personae, loci, &c. *ibid. sect. 5. num. 3. & seq. tom. 3.*

25. Religiosus percussus clericum saecularem, si est exemptus à iurisdictione Episcopi, absolueudus est à proprio Praelato iuxta limites potestatis, quam habet. Praelati autem religionis, vt Generalis, vel Prouincialis, possunt hanc facultatem alteri delegare, etiam quando percussio est grauis, & enormis; quia huiusmodi potestas est ordinaria, à Summo Pontif. perpetuo concessa iis, qui tale officium habent. *Ibid. pag. 197. num. 9. tom. 3.*

26. Quando percussio est enormis, potest Episcopus in his casibus absolvere. 1. si percussor habeat legitimum impedimentum, propter quod non possit Summo Pontif. adire sine graui periculo vel damno; neque enim



enim est credibile Summum Pontif. velle sibi absolutionem excommunicationis referuare cum tanto fidelium incommodo; sublato tamen impedimento tenetur percussor Papam adire, alioquin nouam contrahit excommunicationem. 2. quando imminet proximum periculum mortis. 3. si percussor sit impubis; etiam si petat absolutionē post adeptam pubertatem ob enormem percussione[m] factam tempore impubertatis. 4. si mulier clericum percussit, etiam enormi percussione cuiuscumque sit ætatis, aut conditionis potest per Episcopum absolui. 5. si percussor sit in potestate alterius, vt filius familiæ, seruus, &c. 6. Idem dicendum de quibuscumque aliis impotentibus ad iter conficiendum. *ibid. num. 9. & seq. pag. 198. tom. 3.*

27. Potest Episcopus quoscumque sibi subditos absoluer[e] ab excommunicatione ob enormem percussione[m] clerici, modò sit occulta, nec deducta ad forum contentiosum iuxta priuilegium à Conc. Trid. concessum *sess. 24. cap. 6.* neque tenentur sic absoluti postea adire Papam, vel Legatum. Hanc autem facultatem potest Episcopus alteri delegare. *ibid. n. 19.*

28. Qui habet priuilegium absoluendi percussorem clerici satisfacta parte, non debet illum absoluer[e], nisi primùm satisfecerit clerico percussor, & præterea Ecclesiæ, seu statui Ecclesiastico; hanc autem satisfactionem exhibebit, si se humiliter subiiciat absoluenti, & se paratum ostendat ad acceptandam penitentiam, quæ sibi fuerit imposita, cum iuramento obediendi Ecclesiæ, nec ampliùs in posterum percutiendi clericum. *ibid. pag. 198. 199. num. 22. tom. 3.*

29. In absolutione ab hac excommunicatione Sacra Penitentiaria Romæ hæc obseruat. 1. vt absoluendus sit præsens. 2. vt satisfactionem præmittat. 3. si delictum sit publicum, non gerat se in publico tanquam absolutum; nam absolutio Penitentiariæ dari solet pro foro conscientie tantum. 4. si clericum interfecit, admonendus est ipsum, & filios inhabiles esse ad beneficia. 5. si percussio sit occulta, exigendum est iuramentum, vt si delegatur, conferat senudus, & discalceatus exceptis femoralibus ad quinque Ecclesias, virgam præ manibus, & corrigiam ad collum habens publice suum fateatur crimen, & ante fores dictarum Ecclesiarum verbera sibi per Psalm. *Miserere*, infligi curet, alioquin in excommunicationem relabatur. *ibid. pag. 199. n. 25. tom. 3.*

#### *Clericorum excommunicationes non reseruata.*

30. In Clement. vnica, *de consang.* extat excommunicatio contra clericos sacris ordinibus initiatos, qui matrimonium contrahere præsumunt. *disp. 2. quest. 4. pag. 256. punct. 1. tom. 3.*

31. Leo X. in Bulla 9. quæ incipit, *Inter multiplices*. excommunicat eos, qui montem pietatis in concionibus, verbo, vel scripto impugnare audent. Neque solum Ecclesiastici, aut religiosi, verum etiam laici, & seculares contra montem pietatis disputantes huic excommunicationi sunt obnoxii.



xij, nisi ignorantia excuset; nam imposita est excommunicatio habentibus: audacia autem scientiam supponit. *ibid. punct. 2. pag. 266. 267. tom. 3.*

32. Confessarius absolvens à casibus in Bulla Cœnæ contentis prætextu privilegij, incurrit excommunicationem Papæ reservatam; absolvens autem absque prætextu privilegij incurrit non reservatam. *ibid. punct. 3. pag. 267. tom. 3.*

33. Cum in quibusdam ciuitatibus permixti sint populi lingua & ritibus discrepantes sub vna tamen fide, ad Episcopos pertinet cura deputandi singulis ministros idoneos. Quapropter in cap. *quoniam, de offic. iud. ordin.* excommunicatio fertur contra eos, qui se huiusmodi ministris ingerunt sine licentia Episcopi. *ibid. punct. 4. tom. 3.*

34. In cap. *clericis, ne monachi, vel clerici*, Sacerdotes Viceregis, aut Præpositi secularis officium suscipientes excommunicationi subiiciuntur, si post admonitionem illud officium non dimiserint; hoc enim dedecet statum Sacerdotalem. Non videtur tamen in hoc canone interdictum Sacerdoti manus consiliarij apud Principem secularem suscipere, modò illud non exerceat in causa sanguinis in particulari; qui verò concurrit solùm ad legem condendam, in qua pœna sanguinis statuitur delinquentibus, non incurrit irregularitatem, quia non concurrit ad causam sanguinis proximè, seu in particulari. Diaconi vel Subdiaconi sub hac censura non comprehenduntur, quia non sunt Sacerdotes. *ibid. punct. 5. pag. 268. tom. 3.*

35. Honorius III. in cap. *super specula, ne clerici, vel monachi*, decreuit, vt excommunicatio, quam tulerat contra religiosos exeuntes ad audientias leges, vel medicinam, & intra duorum mensium spatium non redeuntes, extendatur ad Sacerdotes, Archidiaconos, & alios personatum habentes, nisi huiusmodi studium intra duos menses dimiserint. Non videtur tamen sub excommunicatione interdictum præfatas scientias domi audire. Porro non prohibentur Sacerdotes sub excommunicatione, leges, & medicinam docere, quia textus loquitur tantùm de audientibus. *ibid. punct. 6. pag. 269. tom. 3.*

36. Pius V. in Extrauag. 48. quæ incipit, *De salute gregis*, tulit interdictum cum priuatione Ecclesiasticæ sepulturæ contra milites, & alios congregari audentes in spectaculis, vbi tauri, aut fere agitantur, & contra Principes, aut Magistratus id permittentes. Eandem excommunicationem extendere videtur ad clericos beneficiarios, aliosque in sacris constitutos, qui eiusmodi agitationibus interfunt. Probabilius tamen videtur hanc excommunicationem non esse ipso iure latâ, sed ferendam. *ib. punct. 7. p. 270. t. 3.*

37. In Bulla Innocentij VIII. quæ incipit *Sicut bonus*, excommunicantur fictè resignantes beneficium, & resignationem acceptantes, & concurrentes ad hanc fictionem, vt notarij, & testes, modò sint fraudis conscij. Hæc autem fictio in eo est, vt resignatio fiat extra Curiam, & ultra duas diuitas, prætextu facultatis à Sede Apostolica obtentæ. *ibid. punct. 8. pag. 271. tom. 3.*



38. In cap. *Usurarium*, de *usuris* in 6. decernitur, ne usurarii publice quasi ex officio usuram exercentes, permittantur domos conducere, vel conductas habitare; sed intra tres menses expellantur, nec ullus eis domum locet, aut concedat ad fanus exercendum, vel alio titulo; qui secus faxint, si fuerint Episcopi, aut Episcopo superiores, suspendantur; si fuerint Episcopo inferiores, excommunicationem incurrant; si fuerit collegium, seu alia vniuersitas interdicto subiciatur. Hic autem sermo est de usurariis alienigenis, & aliis, qui non sunt ex eo loco, vbi usuram exercere volunt, oriundi. *ibid. punct. 9. pag. 271. 272. tom. 3.*

39. In cap. *generali constitutione*, de *elect.* in 6. excommunicantur Clerici, & religiosi Ecclesiarum curam habentes, qui procurant vt regalia iura, & loca Ecclesiarum vacantium ab aliis occupentur. *ibid. punct. 10. vide tit. Regalia.*

40. In Extrauag. *ambitiosa*, de *rebus Ecclesie non alienandis*, interdictur alienatio bonorum Ecclesie, & locorum piorum, tam immobilium, quam mobilium pretioforum, que seruari possunt. Immo alienatio dictorum bonorum sine solemnitate facta, irritatur; & alienans ligatur excommunicatione, priuaturque beneficiis, officiis, & administratione bonorum, qua alienare presumpsit. Eadem excommunicatio extenditur ad recipientem. At si alienans sit Episcopus, vel Abbas, incurrit interdictum ab ingressu Ecclesie, & si per sex menses in interdicto permanferit, suspenditur a regimine, & administratione Ecclesie vel monasterij, cui preest in temporalibus. Ab hac tamen censura excipitur alienatio, & conductio bonorum Ecclesiasticorum ad triennium, necnon contractus emphyteuticus, modo fiat in casibus à iure permissis, & in bonis in emphyteusim ab antiquo dari solitis. *ibid. punct. 11. pag. 272. 273. tom. 3.*

*Clericorum excommunicationes Papæ reservata.*

41. In Bulla 87. Pij V. quæ tamen in Bullario nouo non inuenitur, & incipit, *Inrer multiplices curas*, fertur excommunicatio contra obtinentes à Papæ Ecclesiis parochiales, cum iuramento illis inferuendi personaliter intra certum tempus, & postea iuramentum non adimplentes. Id autem valet in omnibus beneficiis curam animarum adnexam habentibus, vacantibus per obitum, & ad Papæ prouisionem, & dispositionem spectantibus; sic enim habetur in Bulla. *ibid. quæst. 5. punct. 1. pag. 273. 274. tom. 3.*

42. Leo X. in Bulla 21. quæ incipit, *Superne maiestatis*, edita in Concilio generali Lateran. sess. 11. excommunicationem tulit contra prædicatores sacram scripturam interpretantes contra proprium ipsius sensum, & interpretationem Doctorum, ab Ecclesia, vel vsu approbatorum, & contra prædicantes tempus præfixum alicuius mali, vel aduentus Antichristi, vel iudicij, aut alia futura, tanquam sibi diuinitus reuelata, aut asseuerantes inanes diuinationes. Possint tamen concionatores interpretari Scriptu-



ram per quandam accommodationem modò non deflectant à proprio, vel mystico sensu, quem tenet Sancta mater Ecclesia. *ibid. punct. 2. pag. 274. 275. tom. 3.*

43. Clemens III. in cap. *significauit, de sent. excom.* tulit excommunicationem contra clericos, scienter, & sponte participantes cum excommunicatis à Papa, illosque ad diuina officia admittentes; si sunt vitandi, id est, si nominatim declarati, & denunciati sunt excommunicati. Participantes autem cum notorio Clerici percussore, nisi sit denunciatus, probabile est non incurrere excommunicationem *ibid. punct. 3. pag. 275. tom. 3.*

44. In cap. *animarum periculis, de sepult. in 6.* interdicto subiiciuntur Ecclesiæ, & cœmeteria religionum, & clericorum secularium, qui in suis Ecclesiis, vel cœmeteriis sepeliunt aliquem, quem induxerunt ad vouendum, iurandum, vel promittendum, vt in eorum Ecclesiis sepulturam eligat, vel semel electam non mutet: Interdicuntur autem cum hac conditione, nisi infra decem dies integrè restituant omnia, quæ occasione sepulture ad ipsos peruenerunt, vel etiam ipsum cadauer si petatur. Parochi tamen inducentes aliquem suæ parociæ ad eligendam sepulturam in sua Ecclesia, vel ad mutandam electionem iam factam, sub hac censura non comprehenduntur; quia in gratiam Parochorum hæc constitutio, & aliæ huiusmodi edite sunt. *ibid. punct. 4. pag. 276. tom. 3.*

45. In Bulla 2. quæ incipit, *Cum omnibus*, Paulus II. præcipit iudicibus seu commissariis deputatis ad examinandas causas à supplicatibus expressas, vt examinent causas, propter quas Summus Pontifex adductus est ad concedendam in suis literis facultatem alienandi; quod si consensum, vel auctoritatem præstiterint ad alienanda Ecclesiæ bona, in detrimentum Ecclesiæ, subiiciuntur excommunicationi, modò sint inferiores Episcopis; Episcopi verò, aut Episcopis superiores incurrunt suspensionem per annum ab executione officij; tamen hæc censuræ non sunt Summo Pontifici reseruata. At contra procurantes scienter huiusmodi alienationem, seu decretum alienationis, lata est excommunicatio Summo Pontifici reseruata; necnon contra extorquentes à commissariis decretum alienationis per sordes, id est, per iniquas largitiones. *ibid. punct. 5. pag. 276. 277. tom. 3.*

46. Martinus V. in Bulla 10. quæ incipit, *Ad reprimendos*, excommunicat Ecclesiasticos, qui alios Ecclesiasticos conueniunt coram iudice laico in causis ad forum Ecclesiasticum pertinentibus; siue id fiat actione reali, siue mixta, siue personali, siue ciuili, siue criminali. *ibid. punct. 6. pag. 277. tom. 3.*

### Clericorum suspensiones.

47. Celebrans, aut celebrari faciens in loco interdicto, incurrit interdictum ab ingressu Ecclesiæ; modò tamen locus sit nominatim denunciatus, inter-



interdictus, aut publicè confet esse pollutum. Absolutio ab hac censura referuata est Pape, nisi satisfactio à delinquente præstetur ad arbitrium illius cuius sententia violata est; præstata autem satisfactione, absque ulla absolutione cessat suspensio. *disp. 3. quæst. 3. punct. 1. pag. 347. 348. tom. 3.*

48. Sacerdos qui Missam inchoatam sine graui causa dimittere præsumit, incurrit suspensionem à corpore, & sanguine Christi: non prohibetur tamen Eucharistiam sumere more laicorum, modò sit ritè dispositus; quia excluditur à sumptione corporis, & sanguinis Christi, quæ propria est Sacerdotum; quare hæc vocari potest *suspensio partialis*, quia impedit executionem ordinis Sacerdotalis circa sumptionem corporis, & sanguinis Domini. Absolutio ab hac suspensione concedi potest ab Episcopo; quia non est referuata. *ibid. punct. 2. pag. 348. tom. 3.*

49. Sacerdos Missam celebrans, & in ea non communicans, suspensionem incurrit, quia per annum arcetur à participatione corporis, & sanguinis Christi; non tamen à cõmunionemore laicorum. Qui verò vnã tantum speciem consecrauit, seu ex inaduertentia, seu ex malitia, hanc suspensionem non incurrit, vnã tantum speciem sumens; quia sumpsit quod obtulit, & sacrauit. Huius suspensionis absolutio, ex cõmunioni sententia, pertinet ad Summum Pontificem. *ibid. punct. 3. pag. 349. tom. 3.*

50. Confessarij non seruantes formam à Congregatione Apostolica præscriptam in confessionibus audiendis, ipso facto penam incurrunt suspensionis à confessionibus audiendis; verum hæc suspensio non extenditur ad confessarios extra Episcopatum Rom. existentes. *ibidem. punct. 4.*

51. Parochus, vel quiuis alius Sacerdos assistens matrimonio, vel benedicens sponfos alterius Parochiæ absque licentia Parochi sponforum, ipso facto suspensionem incurrit ab officio, & beneficio; quia Cõcil. Trid. absolute loquitur; probabile tamen est istam suspensionem esse tantum ab officio Sacerdotali, vt in quo peccauit Sacerdos, in eo puniatur. Si tamen alter sponfus sit ex illa Parochia, cuius Parochus assistit vel benedicit, excusatur à suspensione, vtitur enim iure suo erga sibi subditum, quo iure, vt nequit, nisi ad sit etiam alter sponfus, qui est alterius parochiæ. Huius suspensionis absolutio pertinet ad Episcopum seu ordinarium eius loci, cuius Parochus matrimonio assistere debebat. *ibid. punct. 5. pag. 350. tom. 3.*

52. Clericus secularis, vel regularis assistens matrimonio clandestino, non incurrit suspensionem lætæ sententiæ, sed ferendæ. Neque item benedicens secundis nuptiis etiamli vetitum sit sponfos alias benedictos benedicere. *ibid. pag. 341. num. 9. tom. 3.*

53. Accipiens oblationes ab vsurariis manifestis, aut eos sepeliens, incurrit suspensionem ab officio. Nomine autem *oblationum*, intelligitur id quod offertur Deo in recognitionem diuinæ excellentiæ; quod verò traditur Ecclesiasticis ministris ad ipsorum sustentationem, vel in stipendium, non



non vocatur oblatio; quocirca accipiens ab usurario decimas, vel pecuniam, ut pro ipso oret, non videtur huius suspensionis reus. Hæc suspensio reservata est Papæ, donec delinquens satisfecerit ad arbitrium Episcopi. *ibid. punct. 6.*

54. Jure antiquo lata est suspensio ab ordinis executione contra clericum assistentem sepulturæ raptoris, seu violatoris publici Ecclesiarum, aut elemosynam ab eo accipientem, quando hic raptor poenitentiam agere noluît ante obitum. Eadem suspensio extenditur ad clericos, qui huius rapinæ participes fuerunt. Verum hoc tempore hæc suspensio vix est in. *vs. ibid. n. 7.*

55. Clerici gravantes Ecclesiam sibi commissam pro alienis debitis, vel concedentes alicui litteras, seu sigilla, quibus Ecclesia sibi commissam obligari possit, *vel si* quis tradat alteri chartam non scriptam suo sigillo, impressam data facultate scribendi quidquid libuerit, vel si det ei sigillum, ut eo utatur ad firmandum debitum solvendum nomine Ecclesiæ. Hi, inquam, priuantur administratione temporalium, & spiritualium. Vnde sequitur eum beneficiarium affici hac suspensione, qui pecuniam mutuo accipit, eamque alteri tradit relicta Ecclesiæ obligatione solvendi mutuum. Secus autem si aliquam Ecclesiæ pecuniam mutuo tradat pauperibus; hic enim Ecclesiam non gravat alienis debitis. Probabile est huius suspensionis absolutionem conferri posse ab Episcopo, postquam fuerit Ecclesiæ factum satis. *disp. 3. quest. 4. punct. 14. pag. 360. 361. tom. 3.*

56. Clerici occupantes bona Ecclesiæ Cathedralis, vel Collegiatae, Sede vacante, pertinentia ad ipsam Ecclesiam, vel ad Prelatum defunctum, vel ad successorem, aut ea dilapidantes, vel malè administrantes, incurrunt suspensionem ab officio, & beneficio, Summo Pontifici reservatam, ante factam restitutionem, nisi ea condonetur ab eo, cui erat satisfaciendum, facta autem, aut condonata restitutione, suspensio cessat. *ibid. punct. 15. pag. 361. 362. tom. 3.*

57. Clericus habens beneficium, incurrit per sex menses suspensionem à perceptione fructuum, si publicè utatur veste virgata, vel partita, id est, versicolore. Clericus verò non habens beneficium, sed subdiaconus, aut diaconus, fit per sex menses inhabilis ad beneficium. Sacerdos verò, aut religiosus, aut alius obtinens dignitatem, vel beneficium, cui adnexa est animarum cura, suspensionem incurrat per annu à perceptione fructuum, si publicè gestet vestem versicolorem; si verò beneficium non habeat, efficitur inhabilis per annum ad beneficium Ecclesiasticum. Alia huiusmodi circa vestes Clericorum habentur in Clement. 2. *quoniam de vita, & honestate clericor.* edita in Concilio Viennensi à Clemente V. Additur tamen in hac Clementina, *nisi causæ rationabilis subsit*; excusantur enim clerici, qui præfatis vestibus utuntur, dum transitori sunt per loca infidelium, vel hæreticorum, leges quippe Ecclesiasticæ non obligant cum gravi incommodo, aut periculo; eam ob causam clericus à Papâ reprehensus



lus quod Romam venisset siue habitu clericali, in hunc modum se excusauit:

*Tutus ut peterem laici sub imagine Romam,*

*Fas fuit ut sinerem luxuriare comam.*

Concil. Trideut. *sess. 14. cap. 6.* mandat clericos contra decentiam & honestatem habitus delinquentes arbitrio Ordinarij puniri *disput. 3. quest. 6. punct. 6. pag. 375. tom. 3.*

58. Clericus notorius concubinarius, vel fornicator iure quidem antiquo fuit suspensus; iure tamen nouo non est ipso facto suspensus, sed suspendendus, exceptis Episcopis, qui non se emendarunt, postquam à Synodo prouinciali semel admoniti fuerunt; quia sacri canones hæc in parte abrogati sunt per consuetudinem contrariam, & suspensio, quæ olim ipso facto incurreretur, hoc tempore commutata videtur à Concil. Trid. *sess. 25. cap. 14.* in suspensionem comminatoriam, & alias pœnas; videtur quippe Concil. verbis futuri temporis. *disp. 3. quest. 7. punct. 4. pag. 377. tom. 3.*

### Commodatum.

1. **C**ommodatum ita dicitur quasi *datum commodum alterius*, nihilque aliud est quàm contractus, quo res alteri conceditur gratis; ad certum usum. Differt à *mutuo*, quia in mutuo non tantum usus, sed etiam dominium rei transfertur; in commodato verò solus usus. Differt à *locato*, quia locatum non fit gratis. Differt à *deposito*, quia usus depositi regulariter non transfertur. Differt à *precario*, quia licet precarium concedatur ad aliquem usum, non tamen ad certum usum, cum repeti possit ad arbitrium concedentis; at commodatum non potest repeti ante tempus, contra voluntatem commodatarij, & cum eius damno, tenetur ad restitutionem; nisi commodans passurus sit æquale damnum. *tom. 1. pag. 367. num. 1.*

2. Qui habet ius vtendi re aliqua sibi commodata, potest eam alteri commodare, nisi aliter conuentum sit cum domino: tum quia potest ius suum alteri cedere, tum quia sic decernitur in iure. *ibid. num. 2.*

3. Ad commodatum hæc requiruntur. 1. mutui consensus. 2. vt tradatur gratis commodatario ad certum aliquem usum, & ad certum tempus expresse, vel tacite. 3. vt dominium commodati perseueret apud commodantem, consequenter si pereat absque culpa commodatarij, petat commodanti. Tenetur autem commodatarius ad restitutionem ex leuissima culpa: at de casu fortuito non tenetur, secluso pacto, culpa, aut mora. *ibid. num. 3.*

4. Commodatarius tenetur ad expensas ordinarias faciendas durante tempore contractus commodationis cuius est commodum, eius etiam est onus, & incommodum; sic qui equum accepit commodato, tenetur illum alere. Ad extraordinarias verò non tenetur, vt si equus ægrotauit, si paries



paries domus cecidit, &c. nam expensæ extraordinariæ cedunt in utilitatem commodantis. *ibid. num. 4.*

5. In foro conscientiae commodatum retineri potest titulo compensationis, quando commodatarius alia ratione non potest satisfactionem obtinere: at in foro externo id non licet, quia commodatum est privilegium sicut depositum. *ibid. num. 5.*

### Concubinatus.

1. **C**oncubinatus est frequens, & consueta fornicatio cum eadem persona. Concubinæ olim dicebantur, quæ sine publica solemnitate, & ritu consueto ducebantur, & non ad mittebantur ad domesticam familiaræ gubernationem. Hebræis enim licebat duas uxores simul ducere, vnam solemnî ritu, alteram absque ritu solemnî, quod hoc tempore non licet. *tom. 1. pag. 323. n. 8.*

2. Pœnitens, qui domi alit concubinam, regulariter non est absolvendus, antequam eam dimittat, seu quamdiu persistit in proxima occasione peccandi, quam potest relinquere: quamdiu enim eam retinet, non censetur habere sufficientem dolorem, ac firmum propositum vitandi peccata, in futurum. Fieri tamen potest, ut concubinarîus absolvi aliquando possit non dimissa concubinâ, ut quando non potest eam dimittere sine scandalo, vel graui infamia, vel alio incommodo: tunc enim non censetur illa peccandi occasio voluntaria: aut quando in articulo mortis existens, non potest tunc concubinam eiicere, sed habet firmum propositum illam eiicendi, cum primum poterit. Secluso verò mortis periculo vix debet absolvi, antequam concubinam domo eiiciat, etiam si fortè non sit concubinarîus, sed vulgò habeatur. *tom. 1. pag. 324. num. 11. & 12.*

3. Filius familiæ, qui de domo patris non eiicit concubinam, vel aliam, cum quâ peccare solet, potest absolvi, modò habeat firmum propositum non peccandi in futurum, & cum illa colloquendi, aut conuersandi; hæc enim non dicitur voluntaria occasio peccandi respectu filii familiæ, qui non est sui iuris. *ibid. num. 13.*

4. Deneganda est absolutio pœnitenti sæpius in mollitionem, & pollutionem voluntariam incidenti, quando potest occasionem peccati præscindere, & non præscindit; ut quando ex colloquio, & aspectu sceminae alicuius, cum qua familiariter versatur, solet in turpes cogitationes consentire, aut in voluntariam pollutionem incidere: est enim in proxima, & voluntaria occasione peccandi, consequenter dimittendus est sine absolute, nisi ab illius sceminae consuetudine recedat, & proponat se nunquam illam aspecturum. *ibid. num. 14.*

5. Concubinarîj laici possunt ab Ordinariis locorum puniri, & excommunicari post triam admonitionem, ut patet ex Concil. Trident. sess. 24. *cap.*



cap. 8. Presbyteri verò notorij concubinarij sunt ab Episcopis suspendendi ex Trident. sess. 25. cap. 14. *ibid.* n. 18. & 19.

CONFESSIO SACRAMENTALIS.

*Confessionis necessitas.*

1. Concil. Trident. sess. 13. can. 11. excommunicat præsumentes docere, vel pertinaciter asserere habenti conscientiam peccati mortalis, necessariam non esse confessionem ante sumptionem Eucharistiæ. *disp. 2. quæst. 2. punct. 14. pag. 166. tom. 3.*

2. Qui cum conscientia peccati mortalis accedit ad Eucharistiam non præmissa confessione, non incidit in hanc censuram; etiamsi hoc faciat interius sentiens solam contritionem sufficere, nec necessariam esse confessionem, immò etiamsi alij suspicentur ipsum in ea esse sententia, modò eam verbis, aut signis externis non prodiderit: quia hic nihil facit quod à Concil. Trident. sub excommunicatione prohibeatur. *Ibid. num. 3.*

3. Qui sententiæ Caietani adhærens asserit confessionem, de iure diuino, non esse necessariò præmittendam ante sacram communionem, huic censuræ non subiacet; quia hic non asserit confessionem non esse absolute necessariam. *ibid. num. 14.*

4. Qui asserit necessariò præmittendam non esse confessionem sacramentalem in loco, vbi Concilium non est vsu receptum, non ligatur hac censura Concilij; grauius tamen peccat; quia falsum docet in re maximi momenti. *ibid. num. 5.*

5. Hac excommunicatio non est referuata.

*Confessio per nuncium.*

6. Clemens VIII. in quodam decreto edito in generali Congregatione sanctæ Inquisitionis, hanc propositionem damnat tanquam falsam, temerariam, & scandalosam: *Licere per litteras seu internuncium confessario absenti peccata sacramentaliter confiteri, & ab eodem absente posse absolutionem obtineri.* Præterea excommunicationis pœnam addit contra docentes, defendentes, imprimi facientes, vel ad praxim deducentes huiusmodi propositionem, vel de ea disputantes nisi ad impugnandum. *disp. 2. quæst. 3. punct. 33. pag. 247. tom. 3.*

7. Ad hanc excommunicationem incurrendam non est opus vtrumque defendere, videlicet fieri posse confessionem absenti, & absolutionem impendi posse à confessario absente; sed alterutrum sufficit; quia vtraque proposito est falsa, temeraria, & scandalosa, ergo vtraque pari pœna digna. *ibid. num. 3.*

8. Licet impressor, qui huiusmodi propositionem imprimit, grauius peccat



peccat; non tamen hanc excommunicationem incurrit; quia excommunicantur imprimi facientes, non imprimentes. *ibid. num. 5.*

9. Hæc excommunicatio est Summo Pontifici reservata. *num. 7.*

### Confirmatio quid.

1. **C**onfirmatio est Sacramentum, quo homo viator, baptizatus, inungitur in fronte ab Episcopo, cum chrismate, & præscripta verborum forma, ad fidei robur consequendum. Fuit autem institutum in die ultimæ Cœnæ, quoad materiam, & formam; tunc enim Christus consecravit chrisma; ut habetur ex traditione Ecclesiæ. Igitur huius sacramenti institutio inchoata fuit in die ultimæ Cœnæ; completa autem, quando Christus contulit Apostolis plenam potestatem Ordinis sacerdotalis, & Episcopalis. Ioan. 20. rom. 1. pag. 45. num. 1. & seq.

### Confirmationis necessitas, & minister.

2. Confirmationis sacramentum non est necessarium necessitate prædicti; ex nullis enim Christi verbis id colligitur; neque necessitate præcepti. Quare qui Confirmationem sponte omittit, modo absit contemptus, non peccat mortaliter; quia robur ad profitendam fidem potest per alia media obtineri. *ibid. n. 1. & 2.*

3. Huius sacramenti minister, regulariter loquendo, est Episcopus ordinatus; ex commissione tamen Summi Pontificis, potest etiam simplex Sacerdos confirmare; adhibito chrismate ab Episcopo consecrato; nullus enim præter Episcopum, potest chrisma consecrare. Hinc colligitur Episcopum etiam excommunicatum, hæreticum, vel degradatum posse Confirmationis Sacramentum valide ministrare; quia non amisit characterem, etiamsi ipse fortè non sit confirmatus. *Ibidem. num. 3. & pag. 46. num. 6. & 9.*

4. Episcopus in sua diœcesi non potest subditos alterius Episcopi confirmare; neque suos in aliena diœcesi, aut illos Pontificales actus absque licentia Episcopi loci exercere. *pag. 46. n. 10. & 11.*

5. In ministro Confirmationis requiritur intentio formalis, aut virtualis; deinde ut sit in gratia; non tamen necesse est, ut sit ieiunius, aut in die festo administret; neque item necesse est, ut suscipiens Confirmationem ieiunus. Quod attinet ad locum, seruanda est consuetudo; tamen consuetudo confirmandi in Ecclesia non videtur uspiam recepta cum tanto onere, ut Episcopus alio in loco confirmans, mortaliter peccet. *ibid. num. 13. & seq.*

### Confirmationis materia, & forma.

6. Huius sacramenti materia remota est chrisma ex oleo oliuarum, & balsamo,



balsamo, ab Episcopo consecratum, illo ipso anno in die Ccenæ, validum tamen esset sacramentum collatum cum chrismate alterius anni. Ad chrismatis autem consecrationem Christus non præscripsit certam verberum formam, sed illam potestatem reliquit Ecclesiæ, quæ instituit, vt consecratio chrismatis fiat per inuocationem sancti Spiritus. pag. 46. n. 1. & seq.

7. Confirmationis materia proxima est vinctio facta in fronte in formam crucis; cum enim frons sit sedes verecundiæ, par est confirmandum in fronte inungi, vt sine rubore Christi nomen confiteatur. Forma autem Confirmationis est hæc: *Cōsigno te signo crucis, & confirmo te chrismate salutis. In nomine Patris, &c.* quæ verba, vt sacramentum valide conferatur, non sunt substantialiter varianda. *ibid. num. 4. & pag. 47. num. 5. 6. & seq.*

*Confirmationis effectum, & subiectum.*

8. Confirmationis primarius effectus est gratia habitualis, cum iure adiutiva auxiliis, quibus confirmatus; intrepide, & constanter fidem profiteatur. Secundarius effectus est character, qui characterem Baptismi supponit. Tertius est cognitio spiritualis. pag. 47. n. 1. 2. & 3.

9. Subiectum capax Confirmationis est quisvis homo baptizatus, seu infans, seu adultus; melius tamen est hoc Sacramentum conferre pueris iam ratione videntibus, vt recordentur, nec bis suscipiant. Neque amentes huius Sacramenti fructu priuandi sunt. *ibid. num. 4. & seq.*

10. In suscipiente Sacramentum Confirmationis, si est adultus, requiritur. 1. intentio; in infante verò sufficit voluntas Christi, & Ecclesiæ. 2. fides vt cum fructu suscipiatur. 3. vt suscipiens sit in gratia, vel saltem vt putet se esse in gratia; est enim institutum hoc sacramentum ad augendam gratiam; non tamen peccat mort. qui Confirmationem suscipit post actum contritionis. *ibid. nu. 7.*

11. Qui primam tonsuram, vel Ordines suscipitante Confirmatione cin peccat, quia facit contra consuetudinem, & præceptum, non tamen mortaliter, modò absit contemptus; quia omisio Confirmationis, præciso contemptu, non videtur; ex se, peccatum mort. *tom. 1. pag. 48. n. 8.*

12. In collatione Confirmationis impingitur alapa; vt confirmatus recorderetur se hoc Sacramentum semel suscepisse, ne iterum suscipiat, cum iterari non possit propter characterem. In dubio autem in quis sit confirmatus, est iterum confirmandus sub conditione. Porro susceptor in Confirmatione non tenetur instruere eum, quem suscipit; potestque in necessitate esse idem in Baptismo, & Confirmatione patrinus. *ibid. nu. 9. & seq.*

*Conseruator.*

1. **O** Lim vsu receptum fuit, vt religiosi, aut clericis à Sede Apostolica concederentur Conseruatores Episcopi, aut alij in dignitate constituti,



stituti, qui eos tuerentur, & de manifestis iniuriis cognoscerent. Sed quia nonnulli Conseruatores limites suæ potestatis excedebant, cognoscendo causas occultas, ideo Summus Pontif. ipsis Conseruatoribus facultatem suam excedentibus pœnam suspensionis ab officio per annum iniunxit; parti verò procuranti excommunicationem imposuit. *disp. 2. quæst. 2. punct. 35. pag. 183. tom. 3.*

2. In cap. *Hac constitutione, de offic. legat.* extat excommunication contra partem procurantem, vt Conseruator de alijs, quam de manifestis iniurijs se intromittat; Hanc constitutionem confirmauit Gregorius XV. in Bulla de Conseruator. *ibid. n. 1.*

3. Hæc censura non est vniuersalis; nec cadit in quoscunque procurantes, sed solum in partem, idest, in eum, qui est pars in iudicio. Quamobrè alijs, qui non sunt partes, non contrahunt excommunicationem procurando, vt Conseruator se intromittat in iis, quæ sub ipsius iurisdictionem non cadunt. *ibid. n. 5.*

4. Pars, quæ hanc excommunicationem contraxit, non potest absolui, antequam expensas parti, quam indebitè vexauit, in tegre compenset; post integram verò satisfactionem potest iure communi à quolibet confessario approbato absolui. *ibid.*

5. Conseruator debet esse Episcopus, aut Episcopo superior, aut Abbas, aut alius habens dignitatem in cathedralibus, vel collegiatis: vnde, inferitur Canonicos non posse esse Conseruatores, quia non dicuntur habere dignitatem. *ibid. num. 6.*

6. Conseruatoris officium durat vsque ad terminum in priuilegio prescriptum; quare si priuilegium concessum est in quinquennium, elapso quinquennio cessat officium, etiam quoad negotia iam cœpta. *ibid. n. 7.*

7. Episcopus conseruator à Summo Pontif. constitutus, hanc suspensionis pœnam non incurrit, si potestatem Conseruatoris excedat; quia, Episcopi non afficiuntur pœna suspensionis, nisi specialiter sint expressi; hic autem non exprimuntur. *ibid. n. 9.*

8. Absolutio à suspensione, quam Conseruator contraxit limites suæ potestatis excedens, reservata est Summo Pontifici, quia lata est ad certum tempus, nempe ad annum: anno verò elapso cessat suspensio. Si tamen delictum sit occultum, Episcopus, vel ab eo deputatus, potest absolvere. *dispunt. 3. quæst. 5. punct. 2. pag. 367. tom. 3.*

## C O N T R A C T V S.

*Contractus quid, & quatuorplex.*

1. **C**ontractus latè sumptus, vt donationem, & promissionem comprehendit, est conuentio duorum, vel plurium in alterutro saltem obligat ionem pariens, stricte verò acceptus definiri potest actus externus



ternus inter duos, vel plures, ex cōsensu ipsorum utrinque obligationem pariens, saltem quoad forum internum, modò sit validus: ius enim naturæ dictat seruandam esse promissionem alteri factam. *tom. 2. pag. 473. & 474. num. 1. & 2.*

2. Qui promissit aliquid cum iuramento, non tenetur stare promissioni, sed potest illam reuocare, antequam acceptetur: quia iuramentum sequitur naturam promissionis, quæ non obligat, nisi acceptetur. *pag. 474. num. 4.*

3. Contractus irritus propter bonum commune, non firmatur iuramento: huiusmodi enim iuramentum fit in præiudicium boni communis; quare hoc iuramentum non indiget relaxatione. Contractus autem irritus præcipue propter commodum priuatum, firmatur iuramento, modò non contineat vllam turpitudinem. Sic contractus, quo vxor consentit in alienationem fundi dotalis, iure positiuo est irritus; at si addatur illi iuramentum fit validus, modò iuramentum sit de futuro, itavt contrahens iuret se non reuocaturum contractum. Porro illud iuramentum ante, vel post contractum fieri potest, modò fiat à pubere; nam iuramentum factum ante pubertatem non obligat. *tom. 1. pag. 474. & 475. num. 7. & 8.*

4. Contractus non firmatur iuramento, quod est contrarium alteri iuramento prius facto, vt si vxor vendat fundum dotalem cum iuramento non contrahendi, sed prius iurauerat se non vendituram: cum enim venditio fundi dotalis sit actus illicitus, utpote cōtrarius priori iuramento, iuramentum additum non dat illi robur, & valorem. Secus dicendum, si contractus factus contra prius iuramentum, non indigeat iuramento, vt sit validus: tunc enim contractus est validus, quamuis illicitus. *pag. 475. num. 10.*

5. Obligatio iuramenti appositi in contractu, vel promissione, non transit ad hæredes, quando iuramentum homini factum non cadit supra contractum validum, nec illum facit validum: quia iuramentum est vinculum personale. Quando verò iuramentum cadit supra cōtractum validum, aut etiam supra inualidum, sed illum efficit validum, hæredes tenentur adimplere contractum; quia obligatio ex contractu, cum sit realis, transmittitur ad hæredes. Si tamen contractum non adimpleant, non censentur periuri; quia ipsi non obstringuntur iuramento, cum sit vinculum personale. *ibid. n. 14.*

6. Quando iuramentum non firmat contractum, potest qui iurauit obtinere relaxationem iuramenti, & sic excusari absolutione; aut potest facta solutione repetere rem solutam, iurauerat enim se soluturum, sed non iurauerat se non repetiturum. Quando verò iuramentum firmat contractum, non videtur posse relaxari: relaxatio enim fieret in damnum tertij, qui ius acquisiuit per validitatem contractus. Quamuis autem prætextu lationis relaxari soleat huiusmodi iuramentum à Papa, vel Episcopo ad effectum agendi; tamen hæc relaxatio non irritat contractum, sed facit

F vt sine



vt sine periurio agi possit in iudicio ad rescindendum contractum. *tom. 2. pag. 476. n. 15.*

7. Relaxatio iuramenti peti, atque obtineri potest, quando iuramentum extortum est per iniuriam, seu quando turpitudine intercessit ex parte illius, cui præstitum est iuramentum: hic enim nullum ius acquisiuit per huiusmodi iuramentum: Quare iuramentum per vim seu metum, aut dolum extortum relaxari potest. *ibid.*

8. Non est cuiusvis obligationem iuramenti condonare, sed vel illius cui factum est iuramentum (potest enim cedere iuri suo) vel legitimi superioris, id est, iudicis ordinarij, quando iuramentum extortum est per iniuriam: iudex enim ordinarius, est iudex illius contractus, ac proinde potest remittere, & condonare obligationem illius. At si vinculum iuramenti relaxandum sit tantum ob bonum commune, condonatio illius pertinet ad supremum Principem in temporalibus, vel spiritualibus. Non tamen potest laicus iudex condonare obligationem acquisitam clerico. Porro vinculum spirituale iuramenti non ab alio quam à superiore Ecclesiastico relaxari potest. *ibid. n. 16. & pag. 477.*

9. Contractus alius est *onerofus*, seu *non gratuitus*, per quem onus imponitur, vt venditio, emptio, &c. Alius *gratuitus*, seu *lucratiuus*, quo aliquid promittitur, vel traditur absque pretio, vel mercede, vt commodatum, mutuum, precarium, &c. Rursus alius fit in *gratiam recipientis tantum*, vt mutuum; alius in *gratiam tradentis tantum*, vt depositum; alius in *gratiam vtriusque*, vt emptio, permutatio, &c. Alius est *absolutus*, alius *conditionalis*. Alius *licitus*, alius *illicitus*, Alius *perpetuus*, alius *temporalis*. Alius *nominatus*, qui proprium habet nomen; alius *innominatus*, qui proprio caret nomine, huius quatuor sunt species. 1. *do vt des.* 2. *do vt facias.* 3. *facio vt des.* 4. *facio vt facias.* Alius est *bonæ fidei*, in quo iudex ex æquo, & bono iudicat, non ex rigore legis; alius *stricti iuris*, in quo iudex iudicat ex rigore legis. Alij perficiuntur reipsa; alij scriptura, alijs verbis. Denique alius contractus dicitur *pactum nudum*, quod in sola conuentione consistit: alius dicitur *pactum vestitum*, quod maiorem habet firmitatem, & robur, quàm habeat pactum nudum. Contractus, & quasi contractus in hoc differunt, quod contractus est actus externus inter duos, vel plures, vltro citroque obligationem pariens: nomine verò quasi contractus intelligitur tutela, cura, negotia gesta, & alia quæ fiunt ex aliquo officio, sed non confurgunt ex vero contractu. *tom. 2. pag. 477. 478. num. 21. & 22.*

*Contractus quis validus, quis inualidus.*

10. Error in contractu vel contingit circa substantiam rei, vel circa qualitatem, & accidentia. Quando contingit circa substantiam, irritat contractum; tunc enim non adest consensus: vt si emptori volenti emere gemmam,



gemmam, detur vitrum, inualidus est contractus defectu cōsensu. Quod verum est etiam si error sit tantum comitans, nec vllō modo inducat ad contrahendum: quia cum eo errore non adest cognitio, ac proinde neque consensus; licet enim error comitans non faciat inuoluntarium; nihilominus neque facit voluntarium. At quando error contingit circa qualitatem, non irritat contractum, modò non adsit dolus dans causam contractui: quia cum hoc errore adest consensus sufficiens ad contractum, vt patet in matrimonio: si quis enim contrahat cum Berta credens illam esse diuitem, aut virginem validè contrahit, etiam si postea neutrum inueniat. *ibidem, num. 1. & seq.*

11. Dolus aliquando dat causam contractui, aliquando incidit in contractum. Dat causam contractui, quando quis inducitur ad contrahendum, non contracturus, si dolus non adestet. Dolus autem incidit in contractum, quando contrahentes adhuc contraxissent, secluso dolo, sed non ita libenter. Quis contractus præter matrimonium, celebratus per dolum, qui dedit causam contractui, iure positio est inualidus in foro conscientie, si dolus proveniat ab altero contrahentium: quia non adest consensus sufficiens. *tom. 2. pag. 479. num. 2. & 3.*

12. Quando contractus fuit inualidè celebratus ob dolum, qui dedit illi causam, si deceptus velit persistere in contractu, decipiens non tenetur ante iudicis sententiam stare contractui: quia contractus onerosus non claudicat, id est, non obligat ex vna parte, nisi etiam obliget ex alia; cum ergo non obliget ex parte decepti, neque obligabit ex parte decipientis: tenetur tamen decipiens resarcire damna, quæ passus est deceptus; peccauit enim contra iustitiam. *ibidem. num. 5.*

13. Contractus celebratus per dolum incidentem in contractum, validus est in vtroque foro: adest enim consensus sufficiens ad contrahendum, quippe contrahens consentit, & adhuc consensisset, si abfuisset dolus; neque vllum ius irritat huiusmodi contractum. Decipiens tamen tenetur ad restitutionem damnorum, quæ ob id passus est deceptus, qui si velit, potest pactum rescindere, decipiens verò non potest, nisi deceptus consentiat. *tom. 2. pag. 480. num. 6.*

14. Adhibens dolum in contractibus, per se loquendo, peccat mort. violat enim iustitiam: fieri tamen potest, vt peccet tantum venialiter, vt si quis mentiendo dicat v. g. vinum esse talis loci, quo mendacio cognito, emptor non emisset, vel non tanti, non videtur mort. peccare, modò vinum sit æqualis valoris, aut excessus non sit tantus, vt sufficiat ad peccatum mort. *ibid. num. 7.*

15. Accepta per simulationem, vel dolum versantem circa causam finalem, & motiuam sunt restituenda: quia promissio, vel donatio hoc modo facta est inualida. Accepta verò per dolum versantem circa causam impulsivam, non sunt restituenda: valida enim est promissio, seu donatio hoc modo facta, cum adit sufficiens consensus promittentis, seu donan-



tis. Hinc patet validam esse collationem beneficij quod Episcopus contulit clerico, alioquin idoneo, sed affecto aliquibus defectibus, quos si Episcopus cognouisset, vix ei beneficium contulisset: quia dolus non versatur circa causam finalem collationis beneficij, cum clericus sit idoneus. *ibid. num. 8. & 13.*

16. Metus alius est *cadens in constantem virum*, qui *gravis* appellatur, alius *non cadens*, & *levis* nuncupatur. Ad metum cadentem in constantem virum reuocatur metus reuerentialis, si sit coniunctus cum minis, aut verberibus. Ad eundem reuocatur etiam preces importunæ superiorum. Contractus celebratus per metum grauem, aut leuem, validus est iure naturæ: quia metus facit tantum inuoluntarium mixtum, cum quo stare potest consensus sufficiens ad contrahendum. *tom. 2. pag. 481. nu. 1. & 2.* Est etiam validus iure positiuo, quibusdam casibus exceptis: cum enim ius præcipiat infirmari contractum per metum celebratum, argumento est antea fuisse validum. *ibid. n. 3.*

17. Contractus autem per metum grauem iniuste incussum celebrati hi sunt inuálidi. 1. contractus matrimonij, & sponsalium. 2. contractus dotis promissæ, vel solutæ. 3. absolutio censura. 4. renuntiatio beneficij. 5. testimoniū in testamentis. 6. donatio, & quæ vim habent donationis. *ib.*

18. Contractus celebratus per metum grauem, aut leuem iniuste incussum, irritandus est ad arbitrium eius, qui passus est metum. Excipitur matrimonium metu leui celebratum, quod semel validè celebratum, non potest irritari. Excipitur item votum solemne, cum metu leui emissum. Neque datur actio in foro externo ad rescindendum contractum metu leui celebratum. *ibid. num. 4.*

19. Contractus celebratus per metum iuste incussum ad eliciendum consensum, non est rescindendus: nulla enim iniuria interuenit, propter quam rescindi debeat. Vnde sequitur acquisita in contractu per metum iuste incussum celebrato, non esse restituenda. Secus dicendum de extortis per metum iniustum. *tom. 2. pag. 482. nu. 6.*

20. Extorta per preces importunas, aut per metum reuerentialem, sunt restituenda, quando extorta fuerunt ab eo, qui dedit inuitus ad redimendam molestiam: & vitadā importunitatem precum, vel alia incommoda; modò is qui dedit inuitus adhuc maneat inuitus, & credatur optare sibi fieri restitutionem. *ibid. num. 10.*

21. Valida est promissio, quam Titius fecit Caio ob metum iuste accusationis, quæ fieri poterat apud iudicem: vt si Titius ludo vetito aliquid acquisiuit à Caio, quod Caius potest in iudicio repetere, tanquam perditum ludo vetito: Titius verò Caio minanti repetitionem apud iudicem, aliquid promittit, vel soluit, vt desistat à receptione, certum est Caium posse solum retinere, & promissum recipere, quia iuste minatus est, nisi minatus sit animo ficto, ad incutiendum terrorem, & aliquid extorquendum; tunc enim promissio non esset valida. *ibid. n. 12.*



22. Contractus celebratus sine solemnitate substantiali à iure requisita, est inualidus in vtroque foro, excepto testamento causa pietatis facto; quia forma prescripta à iure dat valorem contractui. Vnde sequitur heredem ab intestato non teneri quidquam tradere heredi instituto per testamentum minus solemnne, nisi forte ex honestate; quia ex testamento non solemnni nulla oritur obligatio; excepto testamento, vel legato ad pias causas. Neque tenetur haeres in conscientia, adimplere voluntatem testatoris in schedula, ipsius manu expressam, quia deest solemnitas à iure requisita. Tamen inter liberos hæc schedula vim habet testamenti. *tom. 2. pag. 482. 483. n. 2. 6. & 13.*

23. Ad valorem testamenti facti ad pias causas non requiritur solemnitas iuris civilis, sed sufficit solemnitas iuris gentium, neque necessarij sunt testes in foro conscientiae, sed sufficit vt testator possit disponere, & liberè disponat, & ille, in cuius fauorem disponit, sit capax. Vnde sequitur per testamentum non solemnne ad pias causas, reuocari prius testamentum quamuis solemnne, & heredem in conscientia teneri adimplere voluntatem testatoris in schedula expressam; quia in iis, quæ pertinent ad pias causas, non est necessaria solemnitas iuris. *tom. 1. pag. 483. n. 14. & seq.*

24. Testamentum causa pietatis sine solemnitate factum non videtur validum quoad legata profana in eo contenta, & laicis relicta ex nulla causa pietatis; quia huiusmodi legata sub sunt dispositioni iuris civilis; ius autem civile irritat contractus celebratos sine solemnitate. Legata autem pia, facta in testamento inualido defectu solemnitatis, sunt valida: quia non irritantur per ius civile, quod nullam habet potestatem circa causas pias. *tom. 2. pag. 484. n. 18.*

25. Si testator cepit condere testamentum ad pias causas, sed antequam perficeretur testamentum, è vita migravit, in foro conscientiae tradenda est hæreditas, seu legatum relictum piæ causæ: voluntas enim defuncti seruanda est præsertim in iis, quæ pertinent ad pias causas. An autem tradenda sit tota hæreditas, cum testator non perfecerit testamentum, standum est iudicio prudentis viri, qui spectatis circumstantiis, ex æquo, & bono iudicabit. *ibid. n. 21.*

26. Haeres, cui post ipsius institutionem, testator absque testibus declarat velle se hæreditatem restitui alicui per fideicommissum, tenetur eam restituere, non vt testamento, sed ratione promissionis, & pacti, quod censetur fecisse cum testatore, nisi expressè neget coram testatore, se restitutum: tunc enim non obligatur vi promissionis, aut pacti, cum non consenserit. *ibid. n. 22.*

27. Contractus factus cum solemnitate iuris est validus, etiam si prohibeatur, non tantum quoad circumstantias loci, aut temporis; sed etiam quoad substantiam, & apponatur poena transgressoribus, modò non addatur particula irritans, nec aliter constet de mente prohibentis: multa enim fieri prohibentur, quæ tamen facta teneat, nisi irritentur. At si lex præscribat



certam solemnitatem ad contractum, & irritet aliter factum, contractus est inualidus defectu solemnitaris substantialis. *ibid. n. 23.*

28. Dispositio facta ob causam finalem, ea subsistente, valida est, non subsistente autem, est inualida, nisi aliter constet, vel rationabiliter præsumatur de voluntate disponentis: dispositioni enim vim tribuit intentio disponentis. Vnde sequitur inualidum esse testamentum factum ex causa finalis falsa; valida verò esse legata in eo contenta, si causa finalis ipsorum subsistat, quia utile per inutile non vitiatur. *tom. 2. pag. 485. num. 2.*

29. Valida est dispositio, & donatio, qua quis donat aliquid alteri ob aliquem finem, sed non intendit ad illum obligare, sed tantum allicere. Sic potest mulier accipere, & retinere munera, quæ sibi dantur ad ipsius animum flectendum ad opus turpe, etiamsi ipsa non intendat obsequi libidini donantis. Quia donatio non est conditionata, sed absoluta, facto non animo obligandi, sed tantum alliciendi ad turpe opus. Quod verum est, etiamsi donator sit ita dispositus, ut non tradidisset, si credidisset feminam non flectendam; adhuc enim subsistit causa finalis, cum tradat, ut possit flectere, quamvis re ipsa non flectat. *ibid. n. 3.*

30. Contractus, seu dispositio *modalis*, id est facta sub modo, seu clausula onus adiciente, valida est, etiamsi modus non adimpleatur: quia modus non suspendit valorem contractus, seu dispositionis. Hoc tamen intelligendum est, dummodò non sit modus contrarius substantiæ contractus seu donationis, cui apponitur: huiusmodi enim modus, seu cōditio adhibita in contractu, destruit contractum. Ut si quis mutuo det alteri pecuniam cum pacto, ut aliquid accipiat supra sortem, is non dicitur verum contractum mutui inire, sed potius usurarium, quia apponit conditionem contrariam substantiæ mutui, de cuius essentia est, ut gratis detur. *ibid. n. 4.*

31. Donatio facta sub modo, seu sub conditione, non potest reuocari, si donatarius non adimpleuerit conditionem, modò illa conditio non fuerit causa finalis, sed solum impulsiva: valida enim est dispositio, subsistente causa finali, etiamsi impulsiva non subsistat. Hinc sequitur puellam, cui legata sunt centum, si nubat, posse illa centum retinere, etiamsi religionem ingrediatur, aut in saculo maneat innupta: quia illa conditio videtur tantum fuisse causa impulsiva. At si puellæ relicta sint centum, ut nubat consanguineo, aut filio disponentis, modus videtur fuisse causa finalis, consequenter puellæ nolenti nubere non sunt soluenda centum. *ibid. num. 5.*

32. In dubio an modus fuerit appositus tanquam causa finalis, an tanquam causa impulsiva, iudicandum est appositum fuisse tanquam causam impulsivam, quando modus respicit commodum illius, in quem dispositio confertur: in dubio enim, præsertim in fauorabilibus, præsumendum est pro validitate actus. *tom. 2. pag. 486. n. 6.*

33. Contractus, seu dispositio facta sub conditione aliqua honesta, & possibili de futuro euentu incerto adiecto in ipso contractu, non est valida, nisi posita conditione: quia talis est intentio disponentis. At disponentis sub condi-



conditione, quam putabat possibilem, cognita impossibilitate, non tenetur stare dispositioni, cum sit inualida. Hoc tamen est speciale in matrimonio, institutione hæredis, fideicommisso, legato, & donatione causa mortis, ut conditio impossibilis, & turpis, modo non sit contra substantiam matrimonij, &c. habeatur pro non apposita; consequenter matrimonium sit validum, si adsit consensus absolutus de præsentī. Item in ultimis voluntatibus, ius voluit conditionem turpem, & impossibilem haberi pro non adiecta, saltem in foro externo, ut lites, quæ inde possent suboriri, tollantur. *ibidem, num. 10.*

34. Hæc conditio, si uxorem non duxeris, si non nupseris, reicitur à iure, & habetur pro non adiecta, in primis nuptiis: in secundis verò nuptiis, iure nouo, vim habet. Vnde sequitur viduam transeuntem ad secundas nuptias amittere hæreditatem, aut legatum sub ea conditione relictum, ne transeat ad secundas nuptias; ob id mortuo testatore non est tradenda hæreditas, vel legatum viduæ, nisi præstita cautione, ut si secundò nupserit, restituat legatum, vel hæreditatem cum fructibus inde perceptis. *tom. 2. pag. 487. num. 10.*

35. Qui donauit, vel disposuit de realiqua sub conditione, non potest ante conditionis euentum rescire à donatione, seu dispositione (seclusa donatione causa mortis) sed tenetur expectare conditionis euentum. Verum quidem est liberaliter promittentem posse rescire ante acceptationem, sed posita acceptatione non potest. *tom. 2. pag. 488. n. 13.*

*Contractum quis inire possit.*

36. Quisquis est vsu rationis præditus, potest contrahere, modo habeat administrationem bonorum, de quibus contracturus est, nec à iure, impediatur. Serui obligantur quidem naturaliter, & in conscientia, ad seruandum contractum, seu promissionem: ciuilitè tamen non obligantur, iure ita disponente: excipitur tamen promissio, seu pactum certæ pecuniæ pro libertate. Pupillus, aut minor 25. annis non potest absque licentia tutoris, aut curatoris validè contrahere, nisi in suum commodum; claudicat enim contractus in fauorem illius ætatis, modo minor contrahat cum maiori. Alienatio autem rei immobilis, vel etiam mobilis, quæ seruando seruari potest, facta a pupillo; vel minore de licentia tutoris, aut curatoris, est inualida in utroque foro, nisi facta sit de sententia iudicis, & ex iusta causa; decretum verò iudicis, per tabellionem, actis inferendum est. *ibid. num. 1. & seq.*

37. Filius familiæ, qui pubertatem attingit, vel est pubertati proximus, potest liberè contrahere de bonis castrensibus, vel quasi castrensibus, cum illorum liberam habeat dispositionem. Secus dicendum de aduentitiis, & profectitiis. Potest tamen, acquisita pubertate, contrahere, seque aliis obligare etiam ciuilitè, modo sine præiudicio patris, vel alterius. Vnde,



fit, vt possit suas operas artificiales alicui locare, & aliò proficisci, nec posse à patre, sine rationabili causa, impediri, quin aliquam artem addiscat. *rom. 2. pag. 489. n. 14. & seq.*

38. Quando contractus est in vtilitatem, & commodum solius accipientis, tenetur accipiens ad refarciendum damnum sequutum, non solum ex dolo, vel lata, & leui, sed etiam ex leuissima culpa, excepto precario. Quare si quis ab alio librum accepit sibi commodatum, tenetur ad restitutionem, si furto sublati est etiam ex leuissima ipsius culpa. Ratio autem, cur excipiat precarium, est, quia tradens precarium, potest pro suo arbitratu precarium reuocare; commodatum verò non potest: quare precarium maiorem habet dependentiam à voluntate concedentis, quàm commodatum. *rom. 2. pag. 491. n. 5.*

39. Quando contractus est in commodum solius dantis, accipiens tenetur solum de dolo, & lata culpa: aequitas enim postulat, vt quis teneatur maiorem diligentiam adhibere in rebus alienis custodiendis, quàm in propriis. *ibid. n. 6.*

40. Quando contractus est in vtilitatem vtriusque contrahentis, accipiens tenetur tantum de dolo, lata, & leui, non verò de leuissima culpa: nam aequitas postulat, vt non teneatur tantam adhibere diligentiam, quando rem accipit in commodum vtriusque, ac quando in suum ipsius priuatum commodum accipit. *ibid. n. 7.*

41. Caupones, stabularij, & nautæ, qui res alienas deposito accipiunt accepto consueto stipendio, in foro externo tenentur de leuissima culpa, iure ita disponente ad coercendam huiusmodi hominum malitiam, ne conuenirent cum furibus. In foro verò conscientiae videntur teneri solum de dolo, lata & leui culpa, ratione contractus, vel quasi contractus in vtriusque partis vtilitatem celebrati. *ibid. n. 19.*

42. Re pereunte casu fortuito, accipiens non tenetur ad restitutionem, excepto pacto, culpa, & mora. Vnde sequitur Titium, qui equum accepit commodato Venetias versum, sed ipse contra pactum sese contulit in Germaniam, vbi equus in flumine, vel alio casu perit, teneri ad restitutionem, ratione culpæ commissæ, quia ex vi contractus poterat vti equo solum Venetias versus, non verò Germaniam versus. Item qui pateram argenteam sibi commodatam distulit reddere ultra terminum constitutum, tenetur ad restitutionem, etiamsi patera furto ablata fuerit, transacto termino constituto ad eam restituendam. *rom. 2. pag. 492. n. 21.*

43. In commodato non potest contrahens negligere rem alienam, vt conferuet propriam; quia tenetur ex leuissima. At in contractu pignoris, contrahens non tenetur res proprias æqualis, vel maioris pretij negligere, vt conferuet alienas, sed potest his neglectis conferuare res proprias; vir enim prudens idem faceret. Qui in tempestate proicit alienas merces ad seruandam vitam, nec ipse habebat merces in navi, ad nullam tenetur restitutionem: at si habebat merces, tenetur pro sua parte ad restitutionem, quia



quia tam suæ, quàm alienæ merces deprimunt nauim. *ibidem numero 22. & seq.*

*Restitutio in integrum.*

44. Restitutio in integrum est beneficium, seu remedium, quo aliquæ personæ læsæ restituuntur à iudicē in pristinum ius, & statum, itavt contractus validi cum ipsis celebrati rescindantur, si ipsis propter læsionem expediat, vt rescindatur contractus, vel vt æquetur prærium, si in pretio læsæ sunt tam infra, quàm supra dimidium, modo læsio notabilis sit. *ro. 2. pag. 493. num. 1.*

45. Conceditur beneficium restitutionis in integrum minoribus, id est, iis, qui nondum expleuerunt 25. ætatis annum, quando se aliquo contractu læsos deprehendunt, vt si vendiderunt rem minori pretio, quàm alioquin vendere oporteret. Ad hoc autem beneficium, sex requiruntur. 1. vt contractus sit validus. 2. vt læsus sit minor ex vi contractus, vt videlicet non prudenter celebraverit contractum. 3. vt læsio sit notabilis. 4. vt minor probet se fuisse læsum, & se minorem fuisse eo tempore, quo fuit læsus. 5. vt non adhibuerit iuramentum in ipso contractu, vel ante, vel post contractum, se non vsurum remedio restitutionis. 6. vt non impetraverit veniam ætatis à Principe, vel vt non ratificauerit contractum completis 25. annis. *ibid. n. 2. & 3.*

46. Minor, qui mutuum pecuniam accepit, & eam perdidit ludo, potest vt privilegio restitutionis in integrum ad negandam solutionem, itavt solum restituat in quo factus fuerit ditior: quia cui conceditur repetitio ob damnum, eidem conceditur ius, ne solvat. Item minor, cui à debitore facta fuit solutio, in scio tutore, vel curatore, potest per iudicium compellere debitorem ad novam solutionem, nisi pecunia adhuc extet, vel conuersa sit in vsum minoris. *tom. 2. pag. 494. nu. 7. & 9.*

47. Minor gaudere potest hoc privilegio spatio quatuor annorum post elapsum 25. annum, seu postquam factus fuerit maior: hoc enim privilegium durat per quatuor annos, modò minor non ratificaverit contractum expleto vigesimo quinto anno. At ille, cui ex iure municipali, seu ex statuto abbreviatur ætas (vt si minor ætas, quæ de iure communi est 25. annorum, redigatur ad 20. annos) non potest petere restitutionem in integrum, pro contractu celebrato à 20. vsque ad 25. annum: quia huiusmodi abbreviatio idem operatur, quod impetratio veniæ ætatis: hæc autem excludit privilegium restitutionis in integrum. *ibid. n. 11. & 12.*

48. Minor frui potest privilegio restitutionis in integrum, quando celebraverit contractum de consensu tutoris, vel curatoris, & auctoritate iudicis, non impetratâ veniâ ætatis: hic enim consensus requiritur tantum, vt consensus sit validus, non verò vt minor priuetur privilegio restitutionis in integrum. Secus dicendum si minor impetravit à Principe veniam



veniam atatis, tunc enim censetur maior. Potest autem minor non solum rem ipsam, sed etiam fructus repetere. quando repetit rem alienatam, contractu donationis: quia latus est etiam in fructibus. At si minor repetat rem contractu oneroso, & iusto pretio alienatam, non potest in conscientia repetere fructus: tunc enim non videtur latus in fructibus. *ibid. num. 14. & 18.*

49. Minor, qui non potest frui privilegio restitutionis in integrum coram iudice, non potest vii occulta compensatione, nisi acceperit lationem adeo manifestam, ut constet illam, ante iudicis sententiam, refarciendam esse; quia minor, non potest sibi ius dicere propria auctoritate. *ibidem, num. 19.*

50. Privilegium restitutionis in integrum extenditur per quadriennium ad Ecclesiam, seu loca pia, & ad rem publicam, seu communiter. Hoc autem privilegio non solum gaudent minores, res publica, & loca pia, verum etiam homines rudes, & mulieres, quæ ignorant iura; præterea, filii familiæ quoad contractus onerosos, vel lucrosos de licentia patris celebratos, ad sororum dotes, vel ad alias causas. Gaudent etiam milites quindiu militiam profitentur. Item qui absunt ad negotia reipubl. gerenda, ne contra eos currat præscriptio. Denique Princeps quoad bona fisci, quæ reputantur bona reipubl. *tom. 2. pag. 495. n. 2. l. 1. & 25.*

### Contumelia.

1. **H**onor est actus reverentiæ, qui tribuitur alteri in testimonium virtutis, & excellentiæ: hic autem honor præcipue læditur per contumeliam, quæ est iniuria; quia obiicitur alteri crimen, vel alius defectus in ipsius præsentia; estque peccatum mortale ex suo genere, quia ex natura sua graviter lædit honorem proximi; tamen ob parvitatem materiæ fieri potest veniale. *tom. 2. pag. 442. n. 1. 2. & 3.*

2. Omnes contumeliæ sunt eiusdem speciei, quia omnes conveniunt in eadem ratione formali auferendi honorem. Unde fit, ut non sit necesse referre in confessione singulas contumelias dicendo, *appellavi adulterum, stultum, ebrium, &c.* sed sufficit dicere, *torres inuili gravem contumeliam proximo.* Contumelia tamen illata parentibus habet specialem malignitatem contrariam pietati parentibus debitæ, & consequenter hæc circumstantia omnino exprimenda est in confessione. Idem dicendum de derisione, subfannatione, & illusione contra parentes. *ibid. n. 5.*

3. Contumelia videtur peccatum gravius detractio, ratione maioris involuntarij; nam contumelia fit in præsentia, & latus iniquiore animo fert iniuriam, quæ sibi in præsentia infertur. Detractio vero leuior est ratione minoris involuntarij, cum in absentia fiat. *ibid. num. 8.*

4. Qui per contumeliam, alterius honorem læsit graviter, tenetur ad restitutionem, vel etiam ad satisfactionem: peccavit enim contra iusticiam, cum



cum damno proximi. Vnde sequitur honorem ablatum non solum restituendum esse apud ipsum dehonoratam; verum etiam apud alios, apud quos honor illius est imminutus. Restitui autem potest dando locum honorificum, adhibendo ad mensam, humaniter salutando, vel si grauior fuit honoris latio, quam ut hoc modo reputari possit, petendo veniam, quae vulgo habetur magna satisfactio: ad hanc tamen non obligatur superior respectu inferioris, aut vir nobilis respectu hominis plebei, ne despectui habeatur. *tom. 2. pag. 443. num. 1. & seq.*

## Correctio fraterna.

1. **E**X praecepto naturali, & diuino tenemur corrigere proximum correctione indigentem. Nec Christiani modo, verum etiam infideles, & peccatores ad id obligantur, peccantque mortaliter correctionem omittendo. Vnde sequitur peccatorem, qui alium delinquentem, sua correptione grauissime indigentem, aliter corrigere non potest, nisi seipsum emendet, teneri ex charitate seipsum emendare per poenitentiam: nam qui tenetur ad finem, tenetur ad media. *tom. 2. pag. 169. n. 1. & 2.*

2. Peccatum mortale est materia necessaria correctionis: quia per quodlibet mortale, salus proximi exponitur periculo. Peccatum vero veniale non tenemur corrigere, nisi disponat ad mortale, aut magnum aliis afferat detrimentum. *ibid. n. 3.*

3. Non tantum corrigendi sunt subditi, vel aequales, sed etiam superiores, modo subest spes emendationis. Non tamen publice reprehendenda sunt peccata Praelatorum occulta: publica autem publice castiganda sunt, quoties ita postulat bonum commune, modo inde speretur fructus. *tom. 2. pag. 170. n. 5.*

4. Praeceptum correctionis tunc obligat quando haec conditiones concurrunt. 1. si adsit certa cognitio peccati. 2. si nullus adsit magis idoneus ad corrigendum, aut cui ex officio id incumbat. 3. si adsit spes emendationis, propterea non est corrigendus proximus, dum ira aetuat, sed expectandum, donec deferbuerit, ut correctio sit salubris. In dubio vero an correctio sit profutura, & timetur ne sit obfutura, non tenemur correctionem adhibere; quia correctio dirigitur ad emendationem, non autem ad destructionem. Ideo si hominem mihi ignorum videam, vel audiam peccantem, non teneor corripere; cum enim eius ingenium ignorem, fieri potest, ut ira percitus verba proferat contumeliosa, aut aliud peccatum committat; modo tamen peccatum delinquentis non vergat in damnum commune. Quamobrem concionator debet in peccata inuehi, quamuis nonnullorum ruina inde timeatur: haec enim correptio dirigitur ad bonum publicum. *ibid. n. 7. & 8.*

5. Peccantem ex ignorantia vincibili tenemur corrigere, si sit spes emendationis. Quare poenitens, qui cum vincibili ignorantia impedimen-

ti di-



ti dirimentis contraxit matrimonium, est à confessario admonendus de inualiditate matrimonij. Peccantem verò ex ignorantia inuincibili debemus corrigere, si ad id ex officio tenemur; modò sit spes fructus, & emendationis: alioquin illi laqueum iniiceremus. Si verò non incumbit nobis cura admonendi ex officio, non tenemur ex ignorantia inuincibili peccantem corrigere: quia faciens aliquid ex ignorantia inculpabili iuris, vel facti non peccat, consequenter ipsius salus non periclitatur. Hoc tamen limitandum videtur, modò ex illa ignorantia non oriatur damnum tertij, aut ipsius ignorantis, aut scandalum, vel irreuerentia Dei; aut religionis; tunc enim admonitio est adhibenda: sic admonendus est, qui ea, quæ sunt ad salutem necessaria, inuincibiliter ignorat; item qui ex ignorantia inculpabili detinet rem alienam, ne tertius dampnum patiatur, &c. *tom. 2. pag. 170. 171. n. 11.*

6. Ex ignorantia inuincibili peccantem non tenemur corrigere cum periculo vitæ, vel grauis damni; quia eius salus non periclitatur. Peccantem ex malitia non tenemur, nisi adsit spes fructus, & alioquin delinquens moriturus sit in peccato mortali; tunc enim censetur esse in extrema necessitate. Peccantem verò ex ignorantia culpabili tenemur ex charitate corrigere, etiam cum periculo vitæ, modò adsit spes valde probabilis emendationis, & delinquens extrema necessitate laboret. *pag. 171. num. 12.*

7. Non modò non tenemur, verùm etiam non possumus saluti spiritali proximi consulere, cum damno proprio spiritali, etiamsi totius Reip. salus ageretur. Vnde sequitur non licere peccatum veniale vel leuissimum committere, vt graue proximi peccatum euitetur. *ibid.*

8. In correctione fraterna hic ordo seruandus quem Christus in Euangelio Matth. 18. præscripsit. 1. delinquens, secretò monendus, modò delictum sit occultum. 2. Si priuata correctio nihil profuit, testes adhibendi. 3. si ne hoc quidem profuit, superiori denunciandus. 4. vt peccator incorrigibilis vitandus. *ibid. n. 13.*

9. Si frater post priuatam admonitionem, vel etiam sine admonitione, sponte resipuit, non est Prælato denunciandus, etiamsi ordinariū imminet periculum relabendi: quia non licet proximi famam prodigere sine necessitate. Hoc tamen limitandum, nisi frater sit admodum negligens in eiusdem peccati occasionibus præcauendis. *ibid. n. 17.*

10. Contra delinquentem per correctionem non emendatum potest Prælatus iudicialiter procedere, modò prius seruatus fuerit ordo correctionis, & delinquentem emendari neglexerit: sic enim vtiliter geritur negotium delinquentis, omni conatu adhibito vt à peccato reuocetur. *tom. 2. pag. 172. num. 18.*



## D.

## DECIMÆ.

*Decima quid, & quoruplex.*

1. **D**ECIMA est quota bonorum, debita Ecclesiæ ministris in ipsum forum subsidium, & sustentationem, iuxta illud 1. Corint. 9. *Qui spiritualia seminant, temporalia metunt.* Decimæ duobus modis considerari possunt. 1. ut dicunt partem aliquam indefinitam, necessariam ad ministrorum Ecclesiæ sustentationem, & hæc pars illis debetur iure diuino, & naturali. 2. ut dicunt partem determinatam, id est decimam partem fructuum, & hæc pars debetur iure Ecclesiastico; hanc enim partem Ecclesia taxauit. *tom. 2. pag. 346. n. 1. & seq.*

2. Decima triplex est; *Personalis*, quæ est decima pars fructuum prouenientium ex industria, & opera personæ, ut ex mercatura, venatione &c. *Prædialis*, seu *realis*, quæ est decima, seu quota pars fructuum, qui ex prædiis percipiuntur; ut est vinum, oleum &c. *Mixta*, quæ partim ex hominis industria, partim ex prædiis prouenit, ut fœtus animalium, lana, lac, caseus &c. Non debetur autem decima ex pinguedine, quia pinguedo non est fructus. *tom. 2. pag. 347. num. 1. & seq.*

3. Decimæ personales soluendæ sunt ab iis omnibus, qui Sacramenta suscipiunt, illi Ecclesiæ parochiali, in qua sunt suscipienda. Qui autem domum habet in confinio duarum parochiarum, debet decimam inter illas diuidere. Ad dignoscendum verò, ad quam parochiam domus pertineat, inspiciendus est ianua principalis situs; nam domus ad eam parochiam spectat, in qua ianua principalis sita est. *ibid.*

4. De illicitè acquisitis, præciso scandalo, aut speciali prohibitione, decima tradi, & accipi potest: nam qui turpiter lucratur, non debet esse melioris conditionis eo, qui licitè lucratur, & accipiens oblationes, vel decimas rerum illicitè acquisitarum, non coöperatur actioni turpi, & illicitæ. *tom. 2. pag. 348. num. 3.*

5. Non solventibus decimas, nec legitimam excusationem habentibus, possunt denegari Sacramenta, modò id publica autoritate fiat (parochus enim non habet iurisdictionem in foro externo) aut modò delictum sit publicum, & certum. Praelati autem, & iudices Ecclesiastici cogere possunt, etiam per censuras, ad soluendas decimas: ad id tamen non tenentur quando scandalum timetur. *ibid.*

6. Decimæ prædiales soluendæ sunt ab illis omnibus, qui prædia titulo non spirituali possident: soluendæ autem sunt illi Ecclesiæ, cui subiecta sunt prædia. Vnde sequitur pia loca, ut monasteria &c. obligari ad soluendas decimas.



decimas, nisi ob necessitatem excusentur, vel nisi privilegio, aut consuetudine eximantur: bona enim transeunt cum onere. Secus dicendum de decimis personalibus; ab iis enim religiosi, & clerici privilegio eximuntur. De iis autem, quæ percipiuntur ex patrimonio, ad cuius titulum clericus promotus fuit, debentur decimæ, si habet prædia, quibus adnexum sit onus decimarum: alij enim clerici non habentes huiusmodi prædia, non tenentur ad decimas, inodò ipsi non recipiant ab aliis Sacramenta. *ibid. n. 5.*

7. Decimæ prædiales soluendæ sunt ex fructibus prædiorum, agrorum, vinearum, pratorum, hortorum, &c. ex pensionibus domorum, quæ locantur, & proventibus molendinorum, ex lignis nemorum, quæ venduntur, ex lapidibus, qui ex lapidicinis eruantur, ex fructibus rerum se mouentium, ut ouium, bouum, equorum, &c. ex piscariis, &c. *tom. 2. pag. 349. nu. 9.*

8. Quando plures ex iisdem prædiis fructus colligunt, onus soluendi decimas incumbit illi, qui ius primario, & principaliter habet in fructus pro rata iuris. Quæ circa quando dominus agri locauit agrum colono cum onere diuidendi fructus æqualiter, vterque debet dimidiam decimam soluere. Quando verò dominus locauit prædia colono pro pecunia sibi soluenda, translatò iure fructuum in conductorem, integra decima soluenda est ab ipso conductore. A colono autem mercenario, qui conductus fuit ad colendum agrum pro certa fructuum parte, non est soluenda decima prædialis: quia onus incumbit illi primario, & principaliter ius habet in fructus. *ibid. n. 10.*

9. Dominus agri non tenetur soluere decimas ex fructibus, quos sua culpa non collegit, ut si noluit agrum colere, aut ab eluione defendere, si segetes combussit, aut conculcauit, si arbores succidit, &c. quia decimæ soluendæ sunt ex frugibus collectis, non autem ex colligendis. *tom. 2. pag. 350. num. 11.*

10. Parochus, cuius prædia sita sunt intra terminos alterius parochiæ, tenetur soluere decimas illi Ecclesiæ, in cuius parochia sita sunt, prædicta consuetudine in contrarium. *ibid. n. 13.*

11. Clerici, & Episcopi tenentur soluere decimas Papæ, si exigantur: Papa enim habet ius eas exigendi non tantum à clericis, sed etiam à laicis: de facto tamen non solet eas exigere prædicta Ecclesiæ necessitate, sed ex beneficiis, quæ in Curia Rom. obtinentur, solet accipere annatas. *ibid. n. 14.*

12. Ecclesiæ, quæ ius habet exigendi decimas prædiales, potest exigere decimas præterito tempore non solutas, tam ab emptore prædij, ad quem res transiit cum onere, quam à venditore, qui Ecclesiam defraudauit: poterit tamen emptor, qui cogitur soluere decimas, tantum exigere à venditore, quantum valent decimæ, quia venditor percepit fructus obnoxios decimis, non verò emptor. *ibid. num. 15.*

13. Decimæ mixtæ soluendæ sunt iuxta receptam locorum consuetudinem: prædicta verò consuetudine, si magis accedunt ad personales, soluendæ sunt ut personales: si magis accedunt ad prædiales, soluendæ sunt ut prædiales



diales. Quando animalia in vna parochia pascuntur, & in alia commorantur, decimæ sunt inter parochias diuidendæ. Item quando Ecclesiæ sunt diuersæ, diuidenda videtur decima animalium inter Ecclesiā, in qua sciuntur Sacramenta, & Ecclesiā, cui subiecta sunt prædia, in quibus animalia pasci consueuerunt. *ibid. num. 16.*

14. Qui decimas non soluunt, duo peccata committunt, primò enim peccant contra iustitiam, quia faciunt contra ius, quod alter habet ad exigendas decimas, consequenter tenentur ad restitutionem non solum quando nullam decimam omnino soluunt, verum etiam quando soluunt tantum partem, aut quando mala fide assignant partem deteriorem. Secundò, peccare videntur peccato sacrilegi, quia non soluunt rem Ecclesie debitam, & sacris vñibus deputatam: tamen propriè & strictè loquendo non est sacrilegium, quia decima, secundum se, est quid temporale. *tom. 2. pag. 351. num. 18.*

15. In soluendis decimis prædialibus non sunt detrahendæ expensæ factæ in colendo agro, aut in meliorandis prædiis, vel domibus, neque detrahenda est seminis estimatio, aut tributum, vel census, qui alteri soluitur, sed ante omnia soluendæ sunt decimæ ex omnibus fructibus, antequam deducantur expensæ, vel tributa, aut alia debita. Quare verum est illud axioma, decimam integrè soluendam esse, nulla prius deducta pensione; contractus enim de soluenda pensione celebrari non potuit cum iniuria, & damno Ecclesiæ. At in decimis personalibus detrahendæ sunt impensæ, quia soluuntur ex lucro acquisito per hominis industriam lucrum autem dicitur, quod superest deductis expensis. *ibid. num. 19.*

*Decima quando, & ubi soluenda.*

16. Decima personalis soluenda est post lucrum acquisitum; quia soluitur ex lucro: seruanda tamen est consuetudo, quæ alicubi obtinuit, vt in fine anni soluatur. Decima Prædialis soluenda est statim ac fructus collecti sunt: quia debetur ex fructibus collectis. Peccat qui statuto tempore decimas non soluit, etiam si non petantur: in foro tamen externo non censetur esse in mora, nisi post præuiam petitionem, aut monitionem. *ibidem. 1.*

17. Decima soluenda est in loco, in quo ex recepta consuetudine solui consuevit: potuit enim hac in re legitima consuetudo. introduci. Fideles, per se loquendo, non tenentur propriis expensis deferre decimam in horrea clericorum: ius enim hoc non præcipit: si tamen legitima consuetudine, contrarium receptum est, seruanda erit consuetudo, quæ vim habet legis: erat autem legitima consuetudo, si spatio decem annorum, tanquam ex obligatione, seruata fuit: consuetudo enim, quæ iuri non aduersatur, spatio decem annorum introducit, & vim habet legis. *ibid. n. 3.*

*Decimarum soluendarum obligatio.*

18. Si spectetur decima, quatenus dicit quorū fructuum partem, potest



test à Papa condonari: quatenus verò diciteam partem, quæ necessaria est ad ministrorum Ecclesie sustentationem, non potest, nisi aliunde prospiciatur de necessariis ad illorum sustentationem: nam huiusmodi decima debetur iure diuino, & naturali, quod dispensationem non admittit. *tom. 2. pag. 352. n. 1.*

19. Priuilegium non soluendi decimas potest quidem à Summo Pontifice, sine causa validè concedi; non tamen licitè. Habens tamen priuilegium non soluendi decimas, liber est ab obligatione, seu debito reali soluendi decimas antea impositas. *ibid. n. 2. & 3.*

20. Obligatio soluendi decimas in futurum videtur auferri posse per compositionem, interueniente Summi Pontif. autoritate; per solam verò Episcopi autoritatem non potest: quia decima iure communi debetur Ecclesie; non potest autem Episcopus in iure communi dispensare. Tamen Prelatus Ecclesie, aut beneficiarius potest decimas sibi debitas condonare: potest enim cedere iure suo. Immo de præteritis decimis, absque assensu Apostolico, fieri potest remissio; quia nulla interuenit prohibitio, aut simoniae labe. *ibid. n. 4.*

21. Vt quis per consuetudinem fiat immunis à decimis, requiritur, vt communitas consueuerit non soluere decimas spatio quadraginta annorum: tot enim requiruntur ad legitimam consuetudinem contra ius Ecclesie inducendam. Particulares persone possunt fieri immunes per legitimam prescriptionem, ab obligatione decimarum. Legitima autem prescriptio in hac materia contingit, quando quis non consuevit soluere decimas per tempus immemorabile, nullo interueniente titulo, aut per 40. annos interueniente titulo, saltem probabiliter presumpto. *tom. 2. pag. 353. num. 7.*

22. Decima petenda est coram iudice Ecclesiastico: causa enim decimarum est Ecclesiastica. Quare iudex civilis non potest simul cum Ecclesiastico causam decimarum cognoscere etiam titulo compromissi. Quamquam Summus Pontif. potest Principi seculari dare facultatem cognoscendi causas decimarum. *ibid. n. 1. & 2.*

23. Beneficiarius, cui sublati sunt à laico fructus decimarum, qui iam soluti erant, potest coram seculari iudice hanc causam agere: nam in causa temporali sequendum est forum rei; fructus autem sunt res temporalis, non spiritualis, nec amplius connexionem habent cum titulo spirituali. *ibid. num. 2.*

### Degradatio.

1. **D**egradatio duplex est, *verbalis*, & *actualis*, seu *realis*. *Verbalis*, quæ etiam appellatur *deposicio*, est sententia Ecclesiastica, qua pers. na Ecclesiastica priuatur omni officio, & beneficio in perpetuum, sine spe illius consequendi, non amisso priuilegio clericali. *Actualis*, seu *realis*, est

pœna



pœna Ecclesiastica priuans personam Ecclesiasticam omni beneficio, officio, & priuilegio clericali in perpetuum, absque vlla spe illius consequendi, cum quadam solemnitate. *tom. 1. pag. 437. n. 1. & 2.*

2. Actus, quo quis traditur curiæ seculari, est effectus degradationis actualis; non tamen omnis degradatus traditur brachio seculari, præterquam in delictis enormibus, vt in homicidio sui Episcopi, crimine hæresis, &c. neque realiter degradatus, semper plectendus est pœna capitis. *ibid. num. 2.*

3. Verbaliter depositus gandet nihilominus priuilegio canonis, & fori: consequenter percuti non potest absque excommunicatione, nisi forte damnatus ad tiremes, ex officio percutiatur à magistro: neque potest cogi, aut puniri à iudice seculari, nisi post depositionem verbalem, factus sit incorrigibilis. At realiter degradatus excidit priuilegio canonis, & fori, validè tamen consecrat quia per degradationem non amittit characterem Ordinis. *ibid. num. 3. & 5.*

4. Hæc subit crimina, quæ merentur degradationem verbalem, adulterium, concubinitus perseuerans post monitionem, simonia notoria, stuprum, incestus, furtum, periurium, homicidium, delictum, quo quis permittit sua culpa suum parochianum decedere sine Baptismo, &c. Crimina, quæ merentur realem degradationem, sunt homicidium qualificatum, hæresis, Sodomia sæpius exercita, &c. Degradatus, fructibus beneficii non videtur alendus: sibi enim hoc imputet. *ibid. num. 6. & seqq.*

5. Depositio verbalis Sacerdotis, ad proprium Episcopum, vel eius Vicarium generalem spectat; actualis verò ad solum Episcopum. Prælati verò religionum, non habent facultatem deponendi. vel degradandi suos subditos, nisi illis per priuilegium, aut consuetudinem concedatur. Episcopus non consecratus, non potest aliquem degradare, & actualiter deponere, verbaliter potest. *ibid. num. 9.*

6. In degradatione Sacerdotis, sex alij Episcopi præter degradantem, requiruntur; in degradatione diaconi, & subdiaconi tres; si Episcopi non ad sint, adhibendi sunt totidem Abbates, vel alia personæ in dignitate Ecclesiastica constitutæ, iuxta Conc. Trid. *sess. 13. cap. 4.* Tamen in casu hæresis, præfatus numerus non requiritur, sed sufficit conuocari Abbates, aliosque Prælatos, & religiosos. Debent autem præfati Episcopi, seu Prælati adesse tanquam iudices, & suffragium ferre, omnibus consentientibus. *tom. 1. pag. 438. n. 12. & seq.*

7. Personæ, quæ degradari possunt, sunt personæ Ecclesiasticæ in ordine Ecclesiastico constitutæ, vt Episcopus, Sacerdos, Diaconus, &c. etiam clericus minoribus ordinibus initiatus, Nullus autem degradari potest absque accusatione, per viam solius inquisitionis, nisi delictum sit notorium, aut nisi reus sponte crimen fateatur. *ibid. num. 18. & 19.*

8. Is, in quem sententia degradationis, seu depositionis realis lata fuit, non potest auctoritate Episcopi in pristinum statum restitui; quia realiter

G depo-



depositus caret omni spe restitutionis, modò depositio sit valida. At verbaliter solum depositus potest per Episcopum restitui, modò depositus fuerit ob adulterium, vel ob alia crimina adulterio minora; in his enim criminibus datur facultas Episcopo dispensandi post peractam à reo poenitentiam. Idem præstare potest Capitulum, Sede Vacante, quia succedit iurisdictionem Episcopi. Vnde patet à fortiori, Episcopum, qui clericum deposuerat solum à beneficio, posse illum in beneficium restituere, modò beneficium non sitiuris patronatus; tunc enim requiritur consensus patroni. *tom. 1. pag. 438. 439. num. 19. & 21.*

9. Episcopus potest, attenta consuetudine, & praxi, verbaliter depositum restituere sine consensu Capituli: si tamen dispositio iuris attendatur, multi censent Episcopum non posse sine Capitulo restituere: nam in causis maioribus potestas ad Capitulum deuoluitur: sed standum est praxi, & legitimæ locorum consuetudini. *pag. 439. num. 22.*

### D E N U N C I A T I O.

*Ad denunciationem quinam obligentur.*

1. **M**onitorium eos solum obligat ad denunciandum, quos iudex, seu superior intendit obligare; immò non obligat, nisi quos pars intendit in monitorio includi: cum enim iudex ferat monitorium in gratiam petentis, ligare non intendit ultra petitionem illius. Quapropter quando fertur excommunicatio in eos, qui aliquid iniuste subtraxerunt ex bonis Titij, aut in confcios non manifestantes, filij, & vxor Titij in ea excommunicatione non comprehenduntur; quia non præsumitur hæc esse intentio petentis. *tom. 1. pag. 766. num. 1. & 2.*

2. Qui non est subditus superiori concedenti monitorium, non ligatur excommunicatione lata contra non reuelantes: quia actus iurisdictionis in solos subditos exercetur. *ibid. num. 1.*

3. Nemo tenetur in delictis ab alio commissis in suum damnum, seu in causa propria denunciare delinquentem, nisi aliud postulet bonum commune: est enim consiliū Euangelicum acceptas iniurias condonare. *tom. 1. pag. 176. num. 1.*

4. Non est obligatio denunciandi, quando ex denunciatione magnum imminet periculum, & damnum denuncianti: edictum enim non obligat cum tanto incommodo, modò crimen non vergat in damnum publicum. Sic vxor non tenetur maritum denunciare, filius patrem, pater filium: hi enim censentur vnum, & idem. Hi tamen casus excipiuntur. 1. crimen hæresis. 2. crimen læsæ maiestatis dum adhuc est in fieri. 3. blasphemia. 4. crimen confessorij sollicitantis in confessione. Filius enim spiritualis ex vi monitorij tenetur patrem spiritualem denunciare. *Ibid. num. 2 & seq.*

*Quæ-*



Quenam sint denuncianda.

5. Non tenemur denunciare ea, quæ certò nescimus; alioquin exponeremur nos periculo leuitatis, & reum damno, quod fortè iniuste pateretur. Quare non tenetur quis ea denunciare, quæ accepit ab alio non ita fide digno, seu etiam ab homine graui, & fide digno, sed non meminit à quo, vel quæ audiuit ab ignotis, vel ab eo, qui iam denunciavit, vel quando creditur denunciatio nihil profutura. Item non tenetur denunciare qui, quod nouit, per testes, vel scripturas, vel indicia sufficientia, probare non potest. Nam crimen, quod probari nequit, perinde se habet ac si nesciretur. Quare qui furtum vidit committi, nullo alio præsentè, non tenetur denunciare, quia probare non potest. *rom. 1. pag. 767. 768. n. 1. & seq.*

6. In his tamen casibus est obligatio denunciandi crimen, quod probari non potest. 1. quando non præcipitur denunciatio, sed testificatio. 2. quando denunciandum est crimen respiciens fidem, & religionem Christianam. 3. quando crimen vergit in graue damnum communitalis. 4. in casu matrimonij cum scitur aliquod impedimentum, quamuis probari non possit: vnus enim testis sufficit ad impediendum matrimonium. *pag. 768. num. 5.*

7. Nullus vi edicti cogi potest ad reuelandum id, quod nouit sub secreto naturali, vt si quis petat remedium à medico, vel consilium ab aduocato, &c. nam obligatio secreti est de iure naturæ; & qui secretum naturale reuelat, peccat mortaliter, teneturque ad restitutionem. Ius enim naturale dicat seruandum esse secretum, nisi iusta causa aliud postulet, qualis causa est damnum Reip. vel tertij, pendens in futurum, vel occultum impedimentum matrimonij: in his enim casibus nullum secretum obligat, nisi secretum confessionis. *ibid. n. 1. & 2.*

8. Quando quis tenetur denunciare, non eximitur ab hac obligatione, tametsi promiserit cum iuramento se non denunciaturum: quia iuramentum de re illicita non obligat. *ibid. num. 3.*

9. Quando edictum præcipit denunciari fures, vel iniustos detentores, non est denunciandus is, qui iustam fecit compensationem, aut qui iuste detinet rem alienam: hi enim non peccant retinendo, modò debitum sit liquidum, nec plus retineant, quàm sibi debeatur. Immodò iuste compensans non incurrit excommunicationem, etiam si in sententia excommunicationis exprimaturs compensatio: quia excommunicatio ferri, aut incurri non potest absque peccato mort. *rom. 1. pag. 769. n. 1.*

10. Qui non denunciatur debitorem, quem nouit non posse restituere, propter impotentiam, non incurrit excommunicationem latam contra non denunciantes: quia sicut ipse fur, seu debitor excusatur, ita etiam excusantur ij, quibus nota est impotentia: modò debitor sit simpliciter impotens ad restituendum. Secus si possit in partem restituere, vel pro futuro tempore. In dubio autem an debitor sit impotens, seu an iuste vnus sit com-



penfatione, facienda est denunciatio: quia in dubio iudicandum est in fauorem edicti, seu superioris præcipientis denunciationem *ibid.n.4. & seq.*

11. Si Titius vendidit Caio possessionem in confidentia, ne creditores illam occupent, & creditores impetrant excommunicationem contra retinentes bona Titij, & contra non manifestantes, tenetur Caius denunciare, si facta correctione, Titius non vult creditoribus satisfacere: alioquin censeretur particeps delicti Titij, sicut ille censetur particeps furti, qui celat bona sibi à fure tradita ad custodiendum. Tenetur igitur Caius denunciare; modò possit absque iactura suæ famæ. *ibid.n.7.*

12. Quando conceduntur litteræ monitoriales contra non exhibentes scripturas, qui habet huiusmodi scripturas, tenetur sub censura illas exhibere, modò inde non patiatur graue damnum. Non tenetur tamen, qui habet transumptum, illud proderere: quia simplex transumptum, eum non sit authenticum, non facit fidem. *ibid.n.8.*

#### Denunciatio quando facienda.

15. Obligatio denunciandi incipit à die, & hora, qua publicatur monitorium. Quare qui intra terminum assignatum sub excommunicatione lata sententiæ, non denunciauit, statim transacto termino, incurrit excommunicationem, nisi ob iustam causam, vel ignorantiam monitorij excusetur. Quoties autem excusatur quis à culpa mortali non reuelando, excusatur etiam ab incurrenda excommunicatione. *tom.1. pag. 770. n.1. & 2.*

14. Quando Prælati precipit manifestari delinquentem ad ipsius emendationem, vel satisfactionem partis, vel ad impediendum aliquod peccatum, prætermittenda est fraterna correctio ante denunciationem, modò spes sub sit emendationis. Quare si facta correctione, delinquens iam sit emendatus, vel satisfecerit parti læsæ, non est denunciandus: quia non possumus, sine necessitate, proximum infamare. At si superior intendat etiam punitionem in sua inquisitione, incurritur excommunicationio non denunciando delinquentem, etiam iam emendatum, modò delictum sit publicum. *ibid.num.1. & 2.*

15. Hereticus ex malitia, denunciandus est non præmissa correctione; quia denunciatio præcipitur non solum vt hæreticus emendetur, sed etiam vt puniatur. Sin habeat errorem ex ignorantia tantum, præmittenda est correctio; quia non censetur pertinax, nec hæreticus formaliter. Potiori iure excusandi sunt, qui lapsu linguae, aliquem errorem protulerunt. *ib.n.5.*

16. Quando virtute monitorij fit denunciatio, seu reuelatio, hæc forma seruanda est, vt reuelatio excipiat scripto per notarium approbatum: nam reuelatio ita facienda est vt pars possit illa vti, & Ecclesia per eam possit delinquentem à peccato reuocare. Ad hæc fieri debet expresso nomine, & cognomine denunciantis. *tom.1. pag. 771. n.8.*

17. Qui non denunciat intra tempus præscriptum, tenetur, elapso eo tem-



tempore denunciare cūm primum commodè poterit: quia terminus non apponitur ad finiendam obligationem denunciandi, sed ad denunciacionem maturandam. Nisi autem denunciaret, toties excommunicationem contrahit, quoties commodè potest denunciare, & non denunciat. *ibid. num. 1. & 2.*

### Denunciatio Hæreticorum.

18. Quilibet sub peccato mort. tenetur iure communi; hæreticum, denunciare, etiam si delictum sit ita occultum, ut probari non possit; aut etiam si hæreticus denunciandus, arctissimo consanguinitatis vinculo sit nobis coniunctus: tenetur quippe filius patrem hæreticum denunciare, quemadmodum licet filio patrem hostem reip. & patriæ perniciem molientem, impune occidere. Neque propterea filius denuncians patrem hæreticum, aut rem læsæ maiestatis, vllam infamiae notam contrahit, sed laude potius, & honore dignus est: neque hac in parte obligat secretum naturale. *ibid. num. 1. & seq.*

19. Non tenemur tamen hæreticum denunciare, nisi certò sciamus illum esse hæreticum, aut si fuimus socij eiusdem criminis, aut si versamur in iis locis, in quibus passim permixti sunt hæretici cum catholicis, id scientibus Inquisitoribus, & Episcopis. *tom. 1. pag. 772. num. 6. & seq.*

20. Probabilius videtur non denunciante hæreticum, iure communi, non affici excommunicatione, ipso facto: nusquam enim huiusmodi excommunicatio expressa inuenitur. *ibid. n. 12.*

### Denunciatio confessarij, pœnitentem ad turpia sollicitantis.

21. Pius IV. in Bulla 4. quæ incipit, *Cum nuper*, & Paulus V. in Bulla *Dilecte fili*. præcipiunt ut contra huiusmodi delinquentes, tam de hæresi suspectos inquiratur; Gregorius autem X V. ipsorum constitutiones confirmavit, & extendit ad omnes ubique locorum existentes. *tom. 1. pag. 773. num. 1.*

22. Pœnitentes, seu mares, seu fœminæ, tenentur denunciare confessarium, qui eos ad turpia sollicitavit, vel prouocavit, occasione, seu prætextu confessionis; tenenturque confessarij admonere pœnitentes de hac obligatione, sub peccato mortali. Tamen fœmina, quæ volens, aut imprudens, crimen cum confessario commissum aperuit, non est ob id puniendæ; quia denunciatio non præcipitur, ut pœnitens puniatur, sed confessarius, qui pœnitentem sollicitavit. *ibid. n. 4. & seq. & pag. 775. num. 16.*

23. Confessarius à fœmina in confessione sollicitatus non tenetur illam denunciare: quia constitutiones Pontificiæ loquuntur de confessarijs sollicitantibus fœminas, non autem de fœminis sollicitantibus confessarios. *pag. 775. num. 20.*



24. Filia spiritualis, ratione Baptismi, Confirmationis, vel Pœnitentiæ, non tenetur deferre patrem spiritualement a quo sollicitata fuit, transacta confessione, aut domi, vel per litteras, vel internuncium: quia constitutiones Pontificum loquuntur de personis, quæ sollicitantur in confessione, vel prætextu confessionis. *ibid. n. 21.*

25. Sollicitans pœnitentem in confessione, seu prætextu confessionis, afficiendus est grauibz pœnis pro qualitate criminis: sic enim decernitur in Bulla Gregorij X V. quæ incipit, *Vniuersi Dominici gregis*. Ad inquisitores autem, & Episcopos, seu Ordinarios locorum pertinet has pœnas infligere. Caterum hoc delictum testimonio duarum sceminarum plenè probati non potest: quia scemina sunt fraudulentæ, & ad accusandum procliuës. Quot autem requirantur, relinquitur iudicio Inquisitorum, qui possunt huiusmodi confessarium sollicitantem in confessione, tanquam de hæresi suspectum, cogere ad abiurandum. *ibid. num. 22. & pag. 776. & num. 23. & 35.*

### Depositum.

1. **D**epositum est contractus, quo sola rei custodia alteri committitur: neque enim transfertur dominium, neque vsusfructus in depositarium, & semper depositum repeti potest. Quare depositarius vti non potest deposito, quin furtum committat, teneturque ad restitutionem, quando vsus rei est pretio æstimabilis. *tom. 2. pag. 634. n. 2. & 3.*

2. In his tamen casibus depositarius potest vti re deposita. 1. quando credit hoc domino non displicere. 2. quando dominus concedit vsum depositi expresse, vel tacite. 3. quando res est vsu consumptibilis, nec illi interdictus est vsus; vt si deposita sit pecunia non interdicto vsu, & depositarius credat se tempore solutionis habiturum similem pecuniam, quam possit satisfacere, potest depositarius ea pecunia vti, sibi que eius incrementum querere. Secus autem si depositario interdictus fuit vsus pecuniæ, tacite, vt expresse; tunc enim pecunia retinet naturam depositi, cuius dominium perseuerat apud deponentem; ac proinde eius incrementum est deponentis. Vnde sequitur depositum perire deponenti, si pereat antequam depositarius eo vti cœperit. *ibid. n. 3. 4. & 5.*

3. Depositum est duplex, *iudiciale*, & *priuatum*. *Iudiciale* fieri solet. 1. quando debitor pecuniam deponit, quam creditor renuit acceptare. 2. lite pendente, donec finiatur. *Priuatum* contingit, quando res aliqua deponitur ad confidentem hominem, vt custodiatur. *ibid. n. 6.*

4. Quis etiam fur, aut iniustus rei alienæ vsurpator, potest rem deponere apud alterum consentientem, eique competit actio, ratione contractus contra depositarium, ad rem illam repetendam. Si tamen depositarius sciat rem apud se depositam esse alienam, illam seruare debet vero domino, nec tenetur illam reddere deponenti, nisi putetur illam repetere, vt domino restituat. *tom. 2. pag. 635. n. 1.*

5. Quis



5. Quisvis utens ratione, seu pupillus, seu scemina, seu clericus, seu religiosus, potest esse depositarius. Non debet tamen religiosus suscipere depositum absque consensu saltem praesumpto sui Praelati. Si autem de consensu superioris religiosus suscepit depositum, quod postea ipsius religiosi culpa pereat, monasterium non tenetur ad restitutionem, nisi quatenus res deposita conuersa est in vsum ipsius monasterij. Religiosus vero si fuerit soluendo, tenebitur soluere. *ibid. num. 2.*

6. Ad depositum haec conditiones requiruntur. 1. consensus tradentis, & acceptantis. 2. vt res tradatur. 3. vt quando depositum repetitur, restituatur eadem res. 4. vt restituatur in loco, in quo reperitur; neque enim par est vt depositarius, qui curam depositi in gratiam deponentis suscepit, faciat impensas in restitutione depositi. 5. vt si depositum pereat, pereat deponenti; est enim dominus depositi, modo vsus rei non fuerit concessus depositario. *ibid. n. 1.*

7. Depositarius tenetur ad restitutionem in solidum, etiam quando sunt plures depositarij. Ob id si res deposita, mortuo depositario, transeat ad eius haeredes, haeredes tenentur in solidum, modo res non fuerit inter haeredes diuisa; tunc enim quisque tenetur pro rata. *ibid. n. 3.*

8. Qui pecuniam apud aliquem deponunt, v. g. apud mercatorem, hoc pacto vt mercator sibi soluat quatuor, vel quinque in centum, excusari non possunt: quia non possunt percipere lucrum ex deposito praecise, cum sit contractus gratuitus, fiatque in gratiam deponentis. Si vero aliquid exigatur propter vsum depositi, erit tunc contractus mutui, vel locationis. *ibid. num. 5.*

9. Deponens rem suam apud alterum, habet ius praelationis, ita vt preferendus sit ceteris creditoribus chirographariis, siue personalibus, etiam si pecuniam deposuerit, & illius vsum depositario concesserit; modo ceteri non essent etiam deponentes; tunc enim aequaliter sunt admittendi, etiam si aliqui sint anteriores tempore. *tom. 2. pag. 636. n. 6.*

10. Duplex actio oritur ex deposito. Prima est directa, quae competit deponenti, & ipsius haeredibus contra depositarium, & ipsius haeredes. Secunda dicitur contraria, quae competit depositario contra deponentem ad repetendas expensas factas circa rem depositam, vel compensationem damni, si quod passus est ex re deposita, vt si deponens scienter deposuit equum calcitrosum. *ibid. num. 8.*

Derisio.

1. **D**erisio est actus, quo honor alterius, verbis, vel factis violatur cum intentione confundendi proximum, & inducendi erubescenciam. Differt autem a contumelia, quod fiat ioco, contumelia vero serio; estque grauior contumelia ratione contemptus, qui maior reperitur in derisione, quam in contumelia. Quare est peccatum mort. ex suo genere, nisi paruitas materiae excuset. *tom. 2. pag. 442. num. 9. & seq.*

G 4 2. Derisio



2. Derisio est peccatum mort. in his tribus casibus. 1. quando adest intentio grauius confundendi proximum. 2. quando obicitur graue vitium. 3. quando derisus grauius tristatur. Fieri autem potest, vt derisio ab omni peccato excusetur, vt quando fit causa corrigendi proximum, vel etiam honeste recreationis gratia, modò non intendatur confusio, & erubescencia proximi. *tom. 2. pag. 443. num. 13. & 14.*

3. Derisio à *subsannatione* specie non differt: quia vtrique inducit confusionem, & erubescenciam. Per hoc tamen differt, quòd derisio fiat verbis, subsannatio verò signis, vt naso corrugato, labiis productis, &c. quæ æquivalent verbis irrisoris. *ibid. num. 15.*

4. Qui per derisionem, alterius honorem læsit grauius, tenetur ad restitutionem, vel etiam ad satisfactionem: peccauit enim contra iustitiam cum damno alterius. Vnde sequitur honorem ablatum non solum restituendum esse apud ipsum dehonoratam, verum etiam apud alios, apud quos honor illius imminutus est. Restitui autem potest dando locum honorificum, adhibendo ad mensam, propinando, vel si grauius fuit honoris læsio quàm vt hoc modo refarciri possit, petenda est venia; hæc enim vulgò habetur magna satisfactio. Superior tamen qui inferiorem, aut vir nobilis, qui hominem plebium inhonorauit, non tenetur veniam petere ne despectui habeatur; propterea satisfacere videtur honorifice salutando, seu compellando, seu ostendendo extraordinariam beneuolentiam, &c. *ibid. num. 1. & seq.*

## DETRACTIO.

*Detractio quid, & quoruplex.*

1. **D**etractio est occulta, & iniusta denigratio, seu læsio famæ propriæ, vel alienæ. Vnde colligitur detractioem specie differre à *contumelia*; nam per detractioem clam læditur fama proximi; per contumeliam verò apertè. & coram; hinc fit vt minus peccatum sit detractio, quàm contumelia. *tom. 2. pag. 430. n. 1. & 2.*

2. Detractio est duplex; *formalis*, quæ fit animo auferendi famam proximi; & *materialis*, quæ fit absque animo lædendi famam. Vtraque tamen, supposita grauitate materiæ, & plena deliberatione, est peccatum mort. quamuis detractio materialis excusari possit à mort. si fiat ex iusta causa. *ibid. num. 5.*

3. Detractio fieri potest octo modis, quatuor directis, quos tibi exhibet hic versus.

*Imponens, augens, manifestans. in mala vertens.*

& totidem indirectis, nempe:

*Qui negat, aut minuit, reticet, laudatque remisit.*

4. Detractio est peccatum mort. ex suo genere, quia infert notabile damnum



damnum proximo: tamen propter indeliberationem, vel paruitatem materiae, fieri potest veniale. Peccato detractionis addi potest alia circumstantia, quæ mutet speciem, sitque necessariò in confessione exprimenda, vt patet in detractione contra sacerdotem, contra superiorem, contra patrem, &c. *rom. 2. pag. 43 l. n. 7. & seq.*

*Detraçtio quando sit peccatum mortale.*

5. Manifestatio peccati mortalis, est materia sufficiens ad peccatum mortale detractionis, quando famam proximi grauiter lædit; alioquin non sufficit ad mortale: nam qui dicit militem commisisse duellum, vel habere concubinam, &c. non peccat mort. sicut neque mort. peccat, qui refert ea peccata, de quibus aliqui solent gloriari; quia non inferitur notabile damnum famæ. *ibid. num. 1.*

6. Qui detrahit de fama alicuius defuncti in materia graui, peccat mortaliter, teneturque ad restitutionem, faciendam familie, vel consanguineis defuncti, ad quos infamia redundat, vel etiam ipsi defuncto per suffragia. *ibid. n. 2. & seq.*

7. Manifestatio peccati venialis, per se loquendo, non sufficit ad peccatum mortale detractionis. Immo non est peccatum mort. ordinariè loquendo, referre de aliquo generalia vitia, quæ esse possunt mortalia, & venialia, vt referre de Titio, quòd sit superbus, auarus, iracundus, &c. Fieri tamen potest vt manifestatio peccati venialis sit peccatum mortale, vt quando quis obiicit alteri in faciem, per contumeliam, ipsum esse mendacem, prauidens fore, vt hoc ægrè ferat, aut habere consuetudinem mentiendi: habentes enim huiusmodi consuetudinem, vulgo parui sunt; aut quando quis Episcopum, vel religiosum asserit deditum esse quibusdam peccatis venialibus, quæ bonam de ipso opinionem valde minuunt apud homines. *ibid. num. 6. & 7.*

8. Manifestatio defectuum naturalium animi, vel corporis, regulariter loquendo, non est materia sufficiens ad peccatum mort. detractionis, vt si quis dicat Titium esse ignarum, imprudentem, claudum, gibbosum, &c. Tamen si hæc manifestatio illum impediat à consequitione magni boni, aut aliud notabile damnum afferat, erit peccatum mortale contra iustitiam. *rom. 2. pag. 432. n. 8.*

9. Qui dicit in tali oppido, vel collegio esse multos improbos, vel vnum ex canonicis talis Ecclesiæ commisisse simoniam, aut fornicationem non designat personam, non peccat mortaliter. Qui tamen diceret omnes esse improbos, aut qui referret aliqua delicta, quæ redundare possent in alios, non videretur à mortali excusandus, vt si diceret religiosum talis religionis, aut cœnobij, de quo habetur optima existimatio, inuentum esse cum meretrice, aut quid simile. *ibid. num. 10.*

10. Dicere de aliquo absente ipsum ortum esse ex Iudæis, vel Saracenis,



nis, vel hæreticis, vel ex adulterio, vel incestu, vel sacrilegio, est peccatum mort. detractio, modò ille defectus sit occultus: hæc enim manifestatio iniuste lædit famam proximi, & infamatus forte magis dolet hoc de se dici, quàm si graue aliquod crimen referretur. *ibid. n. 11.*

11. Non est peccatum mortale reuelare crimen alterius, vni vel duobus, ob honestum finem v. g. ob emendationem delinquentis, vel propter bonum commune: quia ille, cuius peccatum reuelatur, non censetur rationabiliter inuitus. At secluso honesto fine, probabilius est esse peccatum mort. reuelare alienum crimen occultum vni, vel duobus viris prudentibus licet, & taciturnis: fieri enim potest, vt ille, cuius peccatum manifestatur, malit suum delictum multis externis, & plebeis, quàm vni viro graui, cum quo assidue versatur, manifestari?

12. Qui iniuriam sibi factam, alteri narrat animo detrahendi, ad vindictam, mortaliter peccat. Si verò referat, vt consolationem, vel consilium capiat ab amico, vel vt dolorem leniat, excusatur à peccato mort. modò non referat pluribus, quàm opus sit ad capiendum consilium, vel solamen. *ibid. num. 3.*

13. Coniuges de filiorum, aut famulorum criminibus occultis, inter se loquentes, excusantur à mortali; at si de aliorum grauib. delictis colloquantur, non ad honestum finem, neque causa remedij adhibendi, rei sunt peccati mortalis, nisi sint personæ taciturnæ. *tom. 2. pag. 433. num. 5. & seq.*

14. Detractionis peccato, non peccat poenitens manifestando complicem in confessione, saltem quando aliter non potest peccati speciem explicare, nec potest alium confessarium adire, cui non sit notus complex. Per accidens tamen fieri potest vt non possit, vel non teneatur manifestare complicem, quando scilicet sibi, vel alteri probabiliter timer graue damnum in vita, vel fama; tunc enim debet confessionem omittere, modò non sit illi necessaria. Si verò est necessaria, nec potest eam facere confessario complicem ignoranti, debet istam circumstantiam reticere, peccatis alijs explicatis. *ibid. num. 2.*

15. Qui refert audita absque asseueratione, non peccat mort. peccato detractio, neque tenetur ad restitutionem; modò ne narret crimina enormia, vt hæresim, prodicionem, præposteram libidinem, &c. nam, si probabile sit ex huiusmodi narratione aliquam criminis narrati suspicionem orituram apud audientes, narrans peccat mort. Cauendum etiam, ne illa narrentur coram iis, qui postea sint eadem alijs manifestaturi cum exaggeratione. *ibid. num. 1.*

16. Non est peccatum mort. saltem contra iustitiam, crimen alterius alicubi publicum, manifestare alibi, vbi nescitur: qui delinquens per criminis publicitatem amisit ius ad famam. Secus dicendum, quando crimen occultum, per iniuriam factum est publicum: nam iniuste infamatus non videtur amisisse ius ad suam famam. *tom. 2. pag. 434. n. 2.*



17. Hiſtorici non peccant mortaliter, dum ſcribunt vitia, & peccata Principum, & aliorum infamatoria, in aliquo loco publica, aut non omnino ſecreta: quia ex officio vitas Principum conſcribunt, ac proinde aliquid ipsis conceditur, quod aliis non licet. Caueant tamen, ne quem offendant, aut rixarum materiam præbeant. *ibid. n. 3.*

18. Non peccat mort. contra iuſtitiam, qui reſert alicui delicta alterius, propter quæ aliàs fuit infamatus; quamvis nunc famam acquiſerit honeſtis actionibus, modò referens non oſtendat etiam nunc ipſum eſſe infamem, & nequam. Quare peccant mortaliter hiſtorici, qui monumentis conſignant peccata mortuorum publica, nec referunt eorum emendationem, & reſipiſcentiam, ſi verè reſipuerunt. *ibid. num. 4.*

19. Non tenetur ad reſtitutionem, qui narrat delictum alicuius occultum hic Lugduni, ſed publicum Pariſiis, & ſua narratione cauſa eſt, ne hic Lugduni conſequatur aliquam dignitatem, aut magiſtratum: quia illius narratio licet ſit contra charitatem, non tamen eſt contra iuſtitiam; ex actione autem contra charitatem non oritur obligatio reſtituendi. *ibid. num. 8.*

20. Qui bona fide narrauit crimen alterius, credens illud eſſe verum, & publicum, cum re vera non eſſet, tenetur ad reſtitutionem ſtatim atque agnoſcit ſe erraſſe; non quidem ratione iniuriæ, ſed ratione rei ablata, famæ ſcilicet, ſicut qui bona fide accepit equum alienum, tenetur illum reſtituere ſtatim ac cognoviſcit eſſe alienum; non tenetur tamen ad reſtitutionem damnorum, quæ ex illa infamia conſequuta ſunt. *tom. 2. pag. 435. num. 10.*

21. Non peccat mort. contra iuſtitiam, qui infamatum in vno genere peccati, infamat in alio habente connexionem neceſſariam, vel moralem cum priori peccato, de quo fuit diffamatus; modò non detegat crimen atrox, vel enorme, vt ſi de fure, quem conſtat ſurripuiſſe minimum aureum, dicat ſurripuiſſe alios mille; ſic enim grauiter læderet eius famam. At qui infamatum in vno genere, infamat in alio non habente connexionem cum priori, peccat mort. contra iuſtitiam: fama enim eſt quid diuiſibile, & poteſt amitti in vna materia, in alia autem conſeruari. *ib. n. 1. 2. & 3.*

22. Poteſt detegi crimen alicuius, vt illi conſulatur vel alteri, vel vt impediatur damnum ſpirituale, vel temporale alicuius momenti, ſi alia ratione impediſſe nequit. At qui poteſt ſola correptione damnum impedire non reuelando crimen, debet correptione vti, & parcere famæ proximi. *ibid. num. 1. & 2.*

23. Qui ſeipſum infamat, non committit peccatum mortale ex ſuo genere; quilibet enim tam eſt dominus ſuæ famæ, quàm eſt dominus ſuarum facultatum. Tamen ratione alterius circumſtantiæ fieri poteſt vt ſeipſum infamans, grauiter peccet: vt quando infamia ipſius redundat in filios, in religionem, &c. aut quando eſt cauſa ſcandali, & ruinæ, aut quâdo fama eſt illi neceſſaria, vt ſi ſit Prælatus. *tom. 2. pag. 437. num. 1.*

24. Licet



24. Licet ex rationabili causa manifestare sua peccata, & famam suam prodigere: sicut enim à viris sanctis, vt à S. Augustino, S. Anselmo, &c. legimus factitatum. At sine causa non licet seipsum infamare presertim quando infamia in alios redundat. Auctor libelli famosi seipsum prodendo non peccat, immò cogi potest per censuram ad se prodendum, si ita expediat. *ibid. num. 2.*

25. Non peccat mortaliter, qui iudici etiam iniuste interroganti manifestat crimen suum occultum ad euitanda tormenta etiam leuia, tamen si mors inde sequutura sit. Immo qui sibi falsum crimen imponit ad euitanda graua tormenta, non peccat mort. etiam si mors inde sequatur; secluso tamen periurio: quia nemo tenetur cum tanto cruciati vitam tueri. *ib. n. 7.*

26. Iudice iuridice procedente, filius peccat imponens sibi falsum crimen, vt patrem tormentis, aut morti eripiat, quia per mendacium deludit publicam potestatem. Iudice verò non iuridice procedente, non peccat, modò non addat periurium; quia licet pro parente vitam exponere. *rom. 2. pag. 438. num. 9.*

27. Non peccat mort. qui ad vitanda graua tormenta manifestat verum alterius crimen, sed occultum, de quo promiserat secretum: quia secretum non obligat cum tanto incommodo, nisi sit secretum confessionis, aut nisi manifestatio secreti vergat in damnum publicum. *ibid. n. 10.*

28. Qui audit detrahentem, & aliquo modo mouet ad detrahendum, peccat mort. contra iustitiam; immò grauius peccat, quàm ipse detractor; peccat enim peccato scandali contra charitatem, dum alium inducit ad detrahendum; & præterea peccat contra iustitiam, consequenter tenetur ad restitutionem in defectum detrahentis. *ibid. n. 1.*

29. Qui non deducit alium ad detrahendum, sed solum delectatur de detractioe in materia graui, peccat mort. contra charitatem, quia delectatur de graui malo proximi; non tamen peccat contra iustitiam, quia non est causa damni. Item qui audit detrahentem in re graui, & eum non corrigit, per se loquendo, peccat mort. contra charitatem, immò contra iustitiam, si ad id teneatur ex officio. Excusatur tamen à mortali, qui non potest commodè corrigerere detrahentem, aut quando non sperat correctionem profuturam, aut quando detractio est de re vulgo nota, aut quando audiens est persona priuata. *ibid. num. 4. & seq.*

*Detraçtio quando obliget ad restitutionem.*

30. Quando infamatus ab alio, suis bonis actibus famam recuperauit; infamator non tenetur ad restitutionem præcisè ratione infamiae: quia infamatus iam nullum patitur damnum. At si quæ alia damna inde sequuta sunt, vt si infamatus, ob detractioem, impeditus fuit à consequitione beneficii aut alterius emolumenti, infamator debet illud damnum refarcire. *rom. 2. pag. 439. num. 1.*

31. Detractor non tenetur ad restitutionem, quando ij, quibus crimen

nati-



narratum est, iam sunt obliiti, siue narratio vera fuerit, siue falsa: quia per illam famæ restitutionem fortè refricaretur vulnus, quod iam conueniat. *ibid.*

32. Qui alterius famam grauitè læsit manifestatione veri criminis, non tenetur, neque potest dicere se mentitum esse: quia mentiretur hoc dicendo; sed debet infamatum honorare, & sæpius laudare coram iis, apud quos detraxit. At qui falsum crimen de alio narrauit, tenetur se tractare etiam sub iuramento, si necessarium iudicetur: non tamen tenetur vti his verbis: *mentitus sum, ibid. num. 2. & pag. 440. num. 4.*

33. Qui publicè famam abstulit, tenetur eam publicè restituere; quia fama resarcienda est ad æqualitatem. *ibid. n. 5.*

34. Qui per detractiōem iniuste fuit causa, ne infamatus aliquod officium, beneficium vel commodum consequeretur, tenetur ad restitutionem boni illius, quod impediuit: non tamen ad æqualitatem; quia bonum, in spe minus valet, quàm in re. At si fuit causa, cur alter priuatus fuerit officio, vel beneficio, tenetur damnum resarcire ad æqualitatem. *ibid. num. 2.*

35. Nouem causæ excusant à restitutione famæ. 1. est compensatio, seruata æqualitate: si enim tu mihi famam abstulisti, possum, titulo compensationis, famam tibi ablatam non restituere. 2. est condonatio obligationis restituendi famam, modò non vergat in damnum tertij: quisque enim est dominus suæ famæ. 3. quando infamia iam deleta est obliuione. 4. quando fama recuperata est bonis actibus. 5. quando crimen factum est publicum, post manifestationem, absque culpa manifestantis. 6. quando restitutio famæ facta est impossibilis. 7. quando detractio fuit inefficax, vt quando audientes non crediderunt, vel iam antea nouerant, &c. 8. quando restitutio sine vitæ periculo fieri nequit: vita enim est bonum altioris ordinis, quàm fama. 9. quando restitutio famæ alienæ fieri non potest absque iactura propriæ famæ. Porro qui non potest famam restituere, non tenetur ex iustitia illam pecuniâ compensare, modò nullum aliud damnum sequutum, fuerit pretio æstimabile *tom. 2. pag. 440. 441.*

36. Infamatus non peccat detegendo crimina infamantis occulta, ad propulsandam à se infamiam, & labefactandam fidem infamantis, si hoc faciat quatenus necesse est ad sui defensionem: non tamen potest falsum illi crimen imponere, aut obiiicere delicta, quæ minimè faciant ad honoris reparationem. Neque obstat Christi præceptum de ferendis iniuriis: id enim intelligendum est, quatenus recta ratio dicat, & lex obligat: quare non tenemur iniurias tolerare, quas possumus medijs licitis amoliri. *pag. 441. num. 4.*

37. Heres infamatoris non tenetur loco defuncti ad restitutionem famæ, nisi alia damna sint consequuta: hæc enim obligatio restituendæ famæ est personalis, neque transit ad hæredes. Neque tenetur detractor, aut eius hæres, facere restitutionem famæ hæredibus infamati: quia hæres non habet ius hæreditarium ad famam alienam. *tom. 2. pag. 442. num. 15. & 16.*

Discor-



## Discordia. Contentio.

1. **D**iscordia est inordinata dissensio voluntatis à voluntate alterius, cui consentire deberet, vt si superior tibi aliquid præcipiat, tu verò renuas obedire; aut si proximus cupiat aliquid bonum obtinere, tu verò sine rationabili causa nolis ipsum adipisci, quod optat. *tom. 2. pag. 174. n. 1.*

2. Discordia est peccatum mort. ex suo genere, quoties quis discordat à voluntate illius, cum quo tenetur ex vinculo charitatis concordare: quia hoc peccatum opponitur charitati. Potest tamen esse veniale ratione indereliberationis, & inaduertentia; aut ratione paruitatis materiae. *ibid. n. 2.*

3. Contentio differt à discordia, vt effectus à causa: nam contentio oritur ex discordia, seu dissensione voluntatis. Est autem contentio altercatio verborum cum aliquo contra veritatem, ad ipsam veritatem oppugnandam, vt si quis cum aliquo verbis contendat, animo contradicendi iis, quæ de fide credenda sunt. Quare is non peccat peccato contentionis, qui verbis cum alio contendit, intentione defendendæ veritatis contra falsam alterius assertionem, modo ne adsit alia circumstantia. *tom. 2. pag. 175. n. 4.*

4. Videtur contentio esse ex suo genere peccatum mort. opponitur enim charitati, vt quando quis cum altero contendit, studio contradicendi; quamquam potest etiam aliis virtutibus opponi; nam qui cum alio contendit animo contradicendi rebus fidei, peccat contra fidem, & sic de ceteris. Non negandum tamen, quin contentio possit ob inaduertentiam, & defectum, pleni consensus esse peccatum veniale, aut etiam ob materiæ paruitatem, modo de rebus fidei non suscipiatur contentio, in quibus paruitas materiæ vix datur. *ibid. num. 5.*

## DISPENSATIO.

## Cuius sit dispensare.

1. **D**ispensatio est actus iurisdictionis, quo quis eximitur ab obligatione legis, aut quo legis obligatio suspenditur ad aliquod tempus. Est autem dispensatio alia *tacita*, quæ fit signo, vel facto indicante voluntatem dispensantis; alia *expressa*, quæ fit verbis. *tom. 2. pag. 53. n. 1.*

2. Legitimus superior potest cum inferiore dispensare, illumque ab obligatione legis eximere: quia eiusdem est auferre obligationem legis, cuius est inducere. Legitimus autem superior censetur legislator, vel eius superior, vel successor in iurisdictione. *ibid. num. 3.*

3. Legislator potest secum in suis legibus dispensare: neque enim est deterioris conditionis, quam alij. Vnde licet inferre Papam posse secum in voto dispensare, præsertim si alteri facultatem committat secum dispensandi; Item Episcopos, & alios Prelatos posse secum dispensare in voto.

iura-



matrimonio, &c. in quibus cum aliis dispensare possunt. *tom. 2. pag. 54. n. 9.*

4. Inferior in lege superioris non potest dispensare, quoties superior dispensationem sibi reservauit. Vnde sequitur Magistratum in lege communi, & Episcopum in legibus Pontificiis dispensare non posse, neque statutum Concilij prouincialis abrogare; quia Episcopus est inferior Concilio Prouinciali. Idem dicendum de Archiepiscopo, qui potest à Synodo Prouinciali excommunicari. Quando vero dispensatio non est reservata, sicut ordinariè non solet reservari, præsumitur data facultas Episcopo dispensandi pro sua diocesi. *ibid. num. 12. & seq.*

5. Probabilius est, inferiorem non posse in lege superioris dispensare, quando superior, qui legem tulit, expressè non dedit, neq; ademit dispensandi facultatem: quia inferior non habet potestatem supra superiorem, neque potest ipsius voluntatem, vel dispositionem impedire, ipso non consentiente. In quibusdam tamen casibus censetur facultas Episcopo concessa dispensandi in legibus Pontificiis, vt quando iudicio viri prudentis præsumitur hæc esse Pontificis intentio, vel quando vrget grauis necessitas, nec Sedes Apost. commodè adiri potest: tunc enim adest tacita Principis concessio. *tom. 2. pag. 55. n. 17.*

6. Potest Episcopus in impedimentis matrimonij, tam ante, quam post contractum, urgente necessitate, dispensare, dum ad Summum Pontif. non patet aditus. Tenetur tamen Summum Pontif. admonere, si possit, & pauperiem eorum, quibuscum est dispensandum, supplere de suo, vt Roman mittat: tunc enim non censetur adeste necessitas dispensandi. *ibid. n. 19.*

*Ad dispensationem qua conditiones requirantur.*

7. Confessarius concessurus dispensationem virtute rescripti, seu mandati Apostolici, has conditiones seruet. 1. vt is approbatus sit ab Ordinario. 2. vt ad doctoratus lauream in Theologia, vel iure canonico promotus fuerit: tamen Patres Societatis IESV, & religiosi mendicantes, possunt ex speciali priuilegio dispensationes expedire, licet doctoratus gradum non sint adepti. 3. vt non dispense sine causa, propter quam Summus Pontif. dispensandi facultatem concessit. 4. vt rei veritatem ab ipso penitente diligenter inquirat, nisi aliunde constet. 5. vt in matrimonio non dispense, nisi crimen sit occultum. 6. vt præcedat confessio: non tamen semper præscribitur confessio sacramentalis tanquam conditio necessaria. 7. vt imponat pia opera, prout prudenter expedire iudicauerit, exceptis iis, que in Bulla exprimuntur: hæc enim imponenda sunt vti præscribuntur. 8. vt confessarius, cui datur facultas dispensandi circa matrimonium (vt videlicet iterum celebretur, quando cum impedimento affinitatis occulto fuerat inualidè celebratum) curet antequam dispensationem exequatur, coniuges separari, si commodè, & sine scandalo separari possunt; sin minus, saltem experiatur, an tanquam frater, & soror simul habitare possint.



possint. 9. vt certiores fieri curet contrahentes de nullitate consensus. 10. vt litteras laceret, quoties id præscribitur. 11. vt pro dispensatione expedienda nihil omnino exigatur. *tom. 2. pag. 56. 57.*

8. Valida est, sed non licita dispensatio in lege humana, concessa sine iusta causa à legislatore, vel ab alio habente auctoritatem: quia obligatio legis pendet à voluntate legislatoris, qui potest aliquem, etiam sine iusta causa, per dispensationem eximere ab obligatione legis, itavt maneat exemptus. Tamen dispensans sine causa, abutitur sua potestate, & peccato mort. si adsit scandalum, aut graue aliorum detrimentum. *tom. 2. pag. 59. 60. num. 1.*

9. Non videtur valida dispensatio concessa ab eo, qui bona fide credebatur iustam, & sufficientem causam ad dispensandum subesse, cum reuera non esset. Quinquam is, cum quo dispensatum est, tutus est in conscientia, donec sibi de insufficientia causæ certò constet: cognita autem insufficientia, non potest illa dispensatione uti. In dubio autem an esset causa sufficiens, necne, ille, cum quo dispensatum est, potest uti dispensatione: quia in facto Principis non præsumitur delictum, saltem in foro conscientiæ. *tom. 2. pag. 59. 60. num. 8. & 9.*

10. Dispensatio in lege superioris, concessa ab inferiore sine iusta causa, est illicita, & inualida: quia non est verosimile superiorem concedere inferiori facultatem dispensandi sine iusta causa. Vnde sequitur dispensationem absque iusta causa concessam, etiam à Summo Pontifice in iis, quæ sunt de iure diuino, vel naturali, vt in voto, iuramento, &c. inualidam esse: quia non est credibile hanc potestatem à Deo fuisse Ecclesiæ concessam. *pag. 60. num. 12. & seq.*

11. Tres sunt potissimum iustæ dispensandi causæ, & eximendi aliquem ab obligatione legis. 1. est utilitas communis, vel etiam priuata. 2. necessitas communis, vel priuata. 3. pietas. Concedi etiam potest dispensatio ob aliquos superuenientes casus, vel rationes, quæ sufficientes, & legitime, arbitrio prudentis viri, fuerint iudicatæ, habita ratione personæ, temporis, & loci. *tom. 2. pag. 61. n. 20.*

12. Facilius dispensationes Principibus conceduntur, quàm aliis, præsertim in impedimentis matrimonij: quia bonum pacis inter Principes sequi consuevit ex matrimonio inter Principes, & ex hac Pontificis in ipsos indulgentia, ad Ecclesiæ defensionem suscipiendam Principes facilius pertrahuntur. *ibid.*

13. Præter supremum Principem nemo potest in lege dispensare impositâ pecuniariâ mulctâ in fabricam Ecclesiæ, vel pia opera, nisi fortè imponatur in pœna delicti: quia Tridentinum *sess. 25. c. 18.* præcipit dispensationem gratis fieri. *ibid. num. 23.*

*Dispensatio que valida, quæ inualida.*

14. Quando aliquid subtrahitur, aut falsò narratur, quo cognito supe-



rior non dispensasset, inualida est dispensatio: quia superior non intendit dispensare, nisi sub conditione, *si res ira est*. Quare dispensatio contrahendi cum consanguinea ob copulam, quæ re ipsa non intercessit, est inualida. At si plures cause copulatiuè narrentur, & eorum aliqua sint falsa, videndum est, propter quam causam tanquam finem dispensatio concedatur. Si conceditur ob causam veram, valida est dispensatio, quamuis alia sint falsa. *tom. 2. pag. 62. 63. num. 3. & 8.*

15. Si subreptio contingat in vna rescripti parte, tacendo verum, vel exponendo falsum, vitatur, & irritatur rescriptum quo ad eam partem, in qua est subreptio; non verò quoad reliquas; quia utile per inutile non vitatur: modo tamen partes in quibus non contingit subreptio, separabiles sint, quo ad valorem, ab ea parte, in qua fuit subreptio; & modo subreptio in vna rescripti parte non contingerit, perit per dolum, vel malitiam impetrantis: tunc enim rescriptum declarandum est irritum in totum per iudicis sententiam: non tamen est irritum ipso iure quo ad eam rescripti partem, in qua non contingit deceptio. *tom. 2. pag. 64. num. 14. & seq.*

16. Quando conceditur dispensatio ad instantiam, & preces petentis, censetur inualida, quando tacetur verum, aut exprimitur falsum, quo cognito dispensatio non fuisset concessa, neque vitium subreptionis suppletur per clausulam, *motu proprio*; si verò dispensatio ex mera liberalitate, absque præuia petitione, vel informatione concedatur, valida erit. At si in rescripto, seu narratione, quæ ex parte Principis fieri solet, non solum taceatur veritas, sed etiam veritas exprimitur, dispensatio est nulla, etiam si apponatur clausula, *motu proprio*. Ratio est, quia licet priuilegium, seu dispensatio sit concessa, non sit subreptitia; non tamen est valida defectu consensus, & intentionis proueniente ex proprio errore, nec motus proprius firmat gratiam contra intentionem concedentis. *tom. 2. pag. 63. num. 21. & 22.*

17. Hic clausula, *motu proprio*, apposita in rescriptis, hæc tria operatur. 1. quòd dispensatio, motu proprio concessa, censetur magis voluntaria, quam concessa ad instantiam petentis. 2. quòd non censetur subreptitia, dum veritas siletur in petitione dispensationis, aut falsitas exprimitur, quia cognita superior adhuc eam concessisset. 3. quòd nunquam retorquetur contra eum, cui conceditur. *ibid. n. 23.*

18. Dispensatio redditur inualida tacita qualitate, quam iura specialiter exprimi volunt: quamuis ea qualitate expressa superior cõcessisset dispensationem: quia nisi seruetur forma à iure introducta, corrumpitur actus. Vnde patet inualidam esse beneficii collationem, quam quis obtinuit non facta mentione primi beneficii, quod antea obtinuerat; quia iura hæc specialiter exprimi volunt. Item inualidam esse dispensationem circa matrimonium obtentam, non expresso gradu affinitatis, vel consanguinitatis, vel publicæ honestatis, nam eò difficilius est dispensatio, quòd gradus est



coniunctior; vel tacito incestu commisso, antequam litteræ Romam mitterentur: hic enim est stylus Rom. Curia. Notandum tamen quando incestus est occultus non necessario faciendam esse ipsius mentionem in dispensatione à Summo Pontif. obtinenda pro foro externo; sed satis esse, ut illius dispensatio obtineatur a sacra Pœnitentiaria. *tom. 2. pag. 65. 66. num. 1. & seq.*

19. Probabilius videtur inualidam esse dispensationem concessam à Sede Apost. pro foro externo, sub hac conditione, (*si copula non interces- serit*), copula occulta interueniente, de qua non sit facta mentio: Immo contrahentes interrogati de copula licet occulta, tenentur eam aperiri iudici interroganti: sic enim declarauit Sacra Cardinal. Congregatio. *tom. 2. pag. 67. num. 14.*

20. Dispensatio obtenta per metum, licet incussum ad eam obtinendam, valida est: est enim regula generalis, Gesta per metum valida esse, exceptis casibus in iure expressis, de quibus vide *tit. Contractus. tom. 2. pag. 68. num. 1.*

21. Dispensatio extorta per dolum, & mendacia, non est valida, si ea contingant circa causam finalem: secus dicendum, si contingant solum, circa causam impulsuam. Ad cognoscendum autem an causa sit impulsiva, an finalis, standum est iudicio viri prudentis. At si dubitetur, præsumendum est in fauorem dispensationis, consequenter iudicandum est causam fuisse tantum impulsuam, proindeque dispensationem esse validam: *ibid. num. 2. & seq.*

22. Valida est dispensatio, quam quis obtinet, etiam si non exprimat se illam petiisse, & non obtinuisse, neque nouam causam afferat: quia superior vult, & potest eam concedere, & adeit iusta causa dispensationis. Vnde sequitur validam esse dispensationem obtentam ab Episcopo successore, quam antecessor denegauerat; quamuis in petitione non exprimitur denegatam fuisse antea dispensationem. Immo validam esse dispensationem obtentam ab inferiore, quam superior ante denegauerat; etiam si denegationis nulla mentio fiat. *ibid. n. 1. & pag. 69. num. 2. & 3.*

23. Quando de vna, eademque re duplex petitur dispensatio, & prima fuit limitata, in secunda, quæ amplior est, per se loquendo, faciendam est mentio prioris limitatæ; alioquin secunda videtur inualida. Quia taceatur aliquid, quo cognito, superior non dispensasset: non enim præsumitur concessurus ampliorem dispensationem, si prioris antea cum limitatione concessa recordaretur. At si prior dispensatio fuit inualida, non est necesse illius mentionem facere in petitione secundæ dispensationis: quia iuxta regulam iuris. Non præstat impedimentum, quod de iure non fortitur effectum. *tom. 2. pag. 69. num. 1. & pag. 70. n. 7.*

24. Qui pluribus impedimentis est obstrictus, potest dispensationem, vnius obtinere, non expressis aliis; exceptis impedimentis matrimonij. Quare irregularis ob homicidium, & ob defectum natalium v. g. potest cōtinere



obtinere dispensationem irregularitatis homicidij, non expressa altera irregularitate: quanquam non potest ad Ordines promoueri, antequam ab omnibus absoluitur: potest enim vnum impedimentum tolli, aliis remanentibus, quemadmodum pluribus excommunicationibus innodatus potest ab vna absolui, aliis non ablatis. At in matrimonio secus se res habet: vsus enim Curie Rom. sic obtinuit, vt qui obstrictus est v.g. voto castitatis, si dispensationem petat contrahendi cum consanguinea, vtrumque impedimentum exprimere teneatur. *pag. 70. num. 1. & 2.*

25. Ad validitatem dispensationis non est necesse, vt causa sit vera, quando littere mittuntur Romam: nam verba dispensationis, *si preces veritate nitantur*, sufficienter verificantur, si causa, quae allegatur subsistat, dum Pontifex concedit dispensationem. *rom. 2. pag. 71. num. 2.*

26. Delegatus ad dispensandum non potest valide dispensare, si post indultum à Summo Pontifice concessum, cessauit causa iusta dispensandi: at postea reuiuiscente causa, dispensatio valide concedetur. Si verò ob- tenta dispensatione cesset causa finalis illius, antequam executioni mandetur, seu antequam suum sortiatur effectum, probabilius est etiam ipsam dispensationem cessare, quumdiu causa finalis cessat: quia non censetur superior velle dispensationi locum esse, si causa dispensationis cesset. At dispensatio semel obtenta, & executioni mandata, non cessat, nec reuo- cari potest cessante causa, propter quam fuerat concessa. Quia effectus licite; & valide consummatus fuit virtute dispensationis obtente, ergo per cessationem causae iam reuocari non potest. *ibid. num. 3. & pag. 72. num. 11.*

27. Dispensatio vim suam non amittit per mortem concedentis: quia gratia semel concessa non interit cum eo, qui illam concessit. Vnde patet eum, qui per dispensationem exemptus est a ieiunio quadagesimali, si nondum elapsa Quadagesima superior, qui dispensauit, moriatur, adhuc liberum manere ad obligationem ieiunij. *ibid. n. 1.*

28. Dispensatio vim suam amittit, si reuocetur, antequam adimplea- tur effectus, ad quem fuerat concessa. *rom. 2. pag. 73. num. 2.* Etiam si su- perior iustam non habeat causam reuocandi. At inferior, cui à superiore data est facultas reuocandi legem, seu dispensationem, non potest illam valide sine iusta causa reuocare. Dispensatio voti semel concessa, nun- quam potest reuocari; quia vinculum voti non pendet a voluntate supe- rioris, ideoque non potest ab eo induci. *ibid.*

29. Renunciatio dispensationis efficit, vt dispensatio, quae nondum exe- cutioni demandata fuerat, vim suam amittat, si renunciatio acceptetur à dis- pensante. Exempli gratia, Titius obtinuit dispensationem ducendi con- sanguineam in matrimonium; sed ante contractum matrimonium cedit dis- pensationi, dispensatio cessat, si cessio, seu renunciatio dispensationis acce- ptetur à dispensante: quia per illam renunciationem acceptatā subditus ite- rum subiicitur legi, à qua fuerat per dispensationem exemptus. *ibid. n. 3.*



30. Inter dispensationem voti, seu iuramenti, & dispensationem legum hoc interest, quod dispensatio voti, & iuramenti semel concessa amittit vim per suam internam renunciationem, seu propositum ea non vtendi, consequenter indiget noua dispensatione. Dispensatio verò aliarum legum non amittit vim suam, donec renunciatio dispensationis fuerit acceptata à legitimo superiore, quia obligatio aliarum legum non pendet à voluntate renunciantis dispensationi, sicut pendet obligatio voti, aut iuramenti *ibid. n. 6.*

31. Dispensatio absolutè, & sine limitatione concessa non finitur primo actu: quia cum superior intendit ad vnum solum actum dispensationem concedere, solet hoc exprimere. Secus si non fuit absolutè concessa. Quare dispensatio contrahendi cum consanguinea, cā mortuā cessat; quia non est simpliciter concessa ad contrahendum cum qualibet consanguinea. Dispensatio verò in voto castitatis ad contrahendum matrimonium, non finitur primo matrimonio, modo causa dispensationis perseueret, nec superior aliter exprefferit, quia est absolutè concessa. *ibid. n. 1.*

*Dispensationis expensæ ad quem pertineant.*

32. Quando præcessit consensus tacitus, vel expressus impetrandæ dispensationis, & alter onus illius impetrandæ suis sumptibus liberaliter in se non suscepit; dispensatio communibus expensis impetranda est: cum enim vterque sentiat commodum dispensationis, par est, vt vterq; sentiat etiam onus expensarum. *tom. 2. pag. 74. n. 5.*

33. Sumptus dispensationis obtinendæ faciendi sunt ab eo, qui dispensationem obtinuit altero inscio matrimonij futuri, sed nondum facta conuentione matrimonij. Quare si Titius cupidus matrimonij contrahendi cum Berta sibi consanguinea, obtinuit dispensationem contrahendi cum ea matrimonium, ipsa de hac re non prius monita, expensæ dispensationis pertinent ad Titium; censetur quippe liberaliter eas fecisse. *ibid. num. 5.*

34. Qui obtenta de communi consensu dispensatione, iniuste renuit matrimonium contrahere, tenetur ad integras expensas dispensationis. Qui verò iuste renuit absque alterius culpa, tenetur solum ad partem. At qui renuit ob alterius culpam, ad nullas tenetur; sed alteri, qui causam resiliendi dedit, totum onus expensarum incumbit. *ibid. n. 6.*

35. Vir, qui fornicatus fuerat ante promissionem matrimonij, non tenetur ad integras expensas dispensationis, si sponsa, cognita fornicatione, nolit cum eo contrahere: quia fornicatio sponsi antecedens promissionem matrimonij, non est iniuriōsa sponsæ. Ille verò, cuius culpa post matrimonij promissionem contrahitur impedimentum dirimens, tenetur, si potest, suis impensis dispensationem obtinere, vt sponsalia perficiantur; neque enim par est, vt innocens, ob alterius culpam, damnum patiatur. *tom. 2. pag. 75. n. 10. & 12.*



## DISTRIBUTIONES.

*Distributiones faciendæ assistentibus in Choro.*

1. **D**istributiones sunt ea portio prouentuum beneficij, quæ conferuntur iis, qui diuinis officiis inter sunt, & iuxta sui beneficij conditionem, & qualitatem, inseruiunt, vulgò autem nuncupantur *quotidianæ distributiones*, quia acquiruntur ab iis, qui quotidie diuinis officiis inter sunt, seu quia distribuuntur in singulos iuxta cuiusque merita, habita ratione assistentiæ singulis diebus exhibitæ circa diuinum officium publicè persolutum in Choro. *tom. 1. pag. 550. n. 1.*

2. Distributiones à fructibus distinguuntur, vt constat ex Trident. *sess. 24. cap. 12.* vnde sequitur eum, qui ob perpetratum crimen priuatur distributionibus, non ob id censi priuatum fructibus. Item pensionem beneficio impositam, non censi super distributionibus, sed super fructibus constitutam, nisi beneficium in solis distributionibus cõsistat, aut nisi Pontifex aliud exprimat. *tom. 1. pag. 551. num. 4.*

3. In impetratione beneficij non sunt necessariò exprimendæ distributiones: quia sub fructuum nomine non comprehenduntur, nec in valore beneficij computandæ sunt. Item in sequestratione fructuum, & prouentuum beneficij, regulariter loquendo, non comprehenduntur distributiones propriè acceptæ. Sunt enim quædam distributiones in propriè dictæ, cuiusmodi sunt illæ, quæ ex communi massa conferuntur clericis alius Ecclesiæ, etiam si diuinis officiis non intersint, modò resideant. *ibid. n. 9. & pag. 552. num. 2.*

4. Portiones, quæ ex prouentibus beneficij non conferuntur, non appellantur propriè distributiones. Quæ obrem portiones funerales, quæ vocantur annuaria, & quæ conferuntur iis, qui ex equis, aliisque officiis pro defunctis celebrari solitis assistunt, non sunt propriè distributiones: quanquam distributionum priuilegio gaudent, & interessentibus solum conferuntur. *pag. 552. num. 3.*

5. Distributiones igitur aliæ dicuntur *ordinariæ*, aliæ *extraordinariæ*, aliæ *proprie*, aliæ *improprie*; aliæ *à fructibus*, seu *massa separata*; aliæ *fructibus immixta*; aliæ consistunt *in pecunia*, aliæ *in fructibus*, pane, vino, &c. quæ canonicis diuino officio præsentibus conferuntur. *ibid. n. 5.*

6. Distributionum vsus neque naturali, neque diuino, sed humano Ecclesiastico iure inductus est ad fouendum, augendumque honorem, & cultum diuinum, vt beneficiarij distributionum acquirendarum affectu inuicentur, & alliciantur ad interessendum diuinis officiis. *tom. 1. pag. 553. num. 1. & 3.*



*Conditiones requisita in eo, qui ad distributiones admittendus est.*

7. Admittendus ad distributiones, titulum, & possessionem beneficij habere debet: quia ius ad distributiones acquiritur ratione beneficij. Præterea debet esse ea ætate, ut intra annum promoueri queat ad ordinem, quem ipse beneficium postulat. Vnde sequitur habentem canonicatum, cui annexus est Ordo Sacerdotalis, non posse ad distributiones admitti, nisi 24. annum attigerit, præcisò priuilegio seu dispensatione. Potest tamen percipere distributiones, etiam si actu non habeat illum ordinem, quem tale beneficium exigit: quia ad distributiones sufficit assentientia in choro, & debita horarum canonicarum recitatio. *ibid. num. 1. & 2. pag. 554. n. 1.*

8. Admittendus ad distributiones, seu promouendus ad canonicatum, ea scientia debet esse instructus, quæ ad vniuscuiusque beneficij ordinem requiritur, vel saltem debet iudicari idoneus, qui intra annum eam acquirat. In canonicatibus verò nullum Ordinem adnexum habentibus requiritur saltem, ut promouendus fidei radimenta edoctus fuerit, sciaturque legere, & scribere, & præterea latinæ lingue non sit plane rudis, sed constituere sciat, ut rubricas intelligat, ut in diuino officio persoluendo non erret. Ad hæc requiritur aliqua peritia cantus, quo diuina officia recitantur. *ibid. n. 1. & seq.*

9. Fieri potest ut canonicus ob imperitiam cantus non admittatur ad distributiones, admittatur verò ad vocem in capitulo, vel contra admittatur ad distributiones, non verò ad vocem in capitulo ferendam: nam ad distributiones non prærequiritur Ordo sacer, requiritur verò ad ferendam vocem, in iis saltem Ecclesiis, in quibus Ordo sacer canonicatibus est annexus. Tamen Decanus, & Archidiaconus capitulum conuocare possunt, etiam si in sacris nondum sint constituti; sic enim censuit Sacra Cardinalium Congregatio. *tom. 1. pag. 555. num. 4. & seq.*

*Ad quos pertineat ius percipiendarum Distributionum.*

10. Ius percipiendarum distributionum competit Clericis Ecclesiæ Collegiæ, vel Cathedralis, qui diuinis officiis in suis Ecclesiis interfunt, & intersunt; non solum antiquis, verum etiam iunioribus supra numerum constitutis; modò canonici creati non fuerint supra numerum cum hac clausula, *sine præiudicio antiquorum canonicorum*: tunc enim iuniores percipere nequeunt distributiones, donec aliquam prebendam in futuro in vacaturam re ipsa obtinuerint: sub hac enim conditione canonicatum sunt adepti. *ibid. n. 1.*

11. Qui Matutino inchoato ad chorum accessit, maiori tamen parti interfuert, per se loquendo, & ex natura rei, non est priuandus omnibus distributionibus, quæ toti Matutino respondent: quia quæ est proportio totius ad to-



ad totum, eadem est partis ad partem: sed qui totum Mañutium omittit, priuatur omnibus distributionibus; ergo qui partem solam prætermittit, priuandus est solùm parte distributionum; alioquin non seruaretur proportio: quippe obligatio diuini officij, diuidua est. Tamen, ne diuinus cultus notabiliter lædatur, statuto caueri potest, ne is, qui notabiliter à choro abest, distributiones vllas percipiat. *tom. 1. pag. 556. n. 10.*

12. Licet canonici, qui tribus mensibus à Concilio Trid. concessis absunt, non priuentur fructibus, distributiones tamen admittunt. Item quamuis beneficiarius, qui primis sex mensibus à die adepti beneficij officium, non recitat, nihilominus faciat fructus suos; priuatur tamen distributionibus, quæ solis interessentibus, & recitantibus debentur. *tom. 1. pag. 557. num. 11.*

13. Canonicus, qui notabilem diuini officij partem attentè non recitat, aut non attendit, non lucratur distributiones, vt si confabuletur, aut voluntariè obdormiat, vel quid simile faciat, quod attentionem impediat: hic enim diuinis non interest modo ab Ecclesia præscripto. Quapropter tenetur ad restitutionem. Qui verò, dum recitat diuinum officium in choro, in suo loco non sedet, aut proprias canonicorum vestes non gestat, nihilominus lucratur distributiones, vt si canonicus sit Protonotarius, & Protonotariorum more sit indutus: facit enim quod à iure præscribitur ad lucrandas distributiones. *ibid. num. 13. & 14.*

14. Qui beneficium purè, & simpliciter resignauit post acceptatam à Summo Pontifice resignationem, non potest distributiones sublequentis temporis lucrari, etiam si adhuc diuinis officiis intersit: cum enim careat titulo beneficij, nullum habet ius ad distributiones. Qui verò resignat sub conditione in fauorem resignatarij, potest distributiones lucrari, si velit interesse, donec resignatarius possessionem adiecit: quia resignans non censetur titulum amisisse, donec resignatio fuerit completa. *ibid. num. 3. & pag. 558. num. 4.*

15. Habens dignitatem, & canonicatum, vel duplicem canonicatum in eadem Ecclesia, non potest, præcisa dispensatione, vel consuetudine, duplices distributiones vtrique canonicatui respondentes lucrari: quia qui duos sub eodem tecto canonicatus habet, non magis residet, aut Ecclesiæ inseruit, quàm si vnicum tantummodo haberet. *ibid. num. 3. Habens verò duplicem canonicatum in diuersis Ecclesiis, percipit tantùm distributiones illius Ecclesiæ, in qua interest diuinis. ibid. n. 2.*

16. Qui ex priuilegio, vel dispensatione inseruit Ecclesiæ per coadiutorem, lucratur distributiones, nisi ipse consenserit, vt dentur coadiutori, vel nisi Summus Pontif. aliter disposuerit: quia quod in alicuius fauorem inductum est, non debet in eius damnum retorqueri. Quare si coadiutor sua culpa absit à choro ex aliqua causa, propter quam non conceduntur distributiones, tenetur coadiutor damnum rescire: quia fuit causa iniusta illius damni. *tom. 1. pag. 560. num. 3. & 5.*



17. Potest induci consuetudo, vt canonici intersint choro, & tamen canant per alios, lucenturque distributiones: si tamen hæc consuetudo nondum est præscripta, improbanda est, & tollenda, neque canonici per alios canentes tui sunt in conscientia: quia licet intersint, non tamen inserviunt choro. At si consuetudo est præscripta saltem post Concil. Tridentinum, tolerari potest: ius enim positium hanc præscriptionem non reprobatur. *tom. 1. pag. 561. num. 3.*

18. Quamuis distributiones solis interessentibus debeantur, regulariter loquendo, nihilominus tribus de causis, etiam absentibus conferuntur: 1. propter infirmitatem. 2. ob iustam, & rationabilem corporis necessitatem. 3. propter absentiam in utilitatem Ecclesiæ. *ibid.*

19. Non quivis morbus excusat ab interessentia; sed grauis. Grauem autem appello, qui licet in se sit levis; tamen accessu ad chorum grauis fieri possit, etiam si beneficiarius hunc morbum sua culpa contraxerit, vel quia intemperanter vixit, vel quia in rixa vulnus accepit; &c. quia iura habent rationem solius infirmitatis. At si infirmus alias interesse non consueuerat choro, non lucratur distributiones: quia non abest propter infirmitatem, cum morbus per accidens se habeat ad absentiam. *ibidem, num. 1. & seq.*

20. Qui de consilio medici domo non egreditur ob valetudinis periculum, potest percipere distributiones: abest enim ob rationabilem corporis necessitatem: Idem dic de eo, qui ob sumptum phar macum, domi se continet, &c. Item se ex, qui senio confectus diuinis officiis commode interesse non potest, quibus alias interesse consueuerat, quotidianis distributionibus priuandus non est. Item qui ob grauem metum iniuste incussum, vel qui ob graues inimicitias abesse cogitur, modò per ipsum non stet, quo minus tollantur, quamdiu durat metus, seu periculum, potest percipere distributiones, &c. *tom. 1. pag. 563. n. 4. & seq.*

21. Qui iuste in carcere detinetur ob crimen probatum, non gaudet distributionibus: quia dicitur abesse sua culpa. Qui verò in carcere detinetur ob criminis suspicionem, postquam per sententiam iudicis innocens iudicatus fuerit, poterit distributiones percipere: sic enim Sacra Cordin. Congregatio declarauit. Modò tamen ob propriam culpam non fuerit in carcerem coniectus. *tom. 1. pag. 564. n. 1. & seq.*

22. Iuste excommunicatus excommunicatione maiori, & vitandus priuatur distributionibus, nisi absolutio ei iniuste denegetur. Excommunicatus autem excommunicatione minori, aut excommunicatus toleratus, cum possit diuinis interesse, capax est distributionum. Qui autem in excommunicationem incidit ob publicam clerici percussione, propter quam ab Ordinario loci coactus fuit per aliquot dies domi se continere, si post obtentam excommunicationis absolutionem, per decem annos meritis choro intersit, & muneri suo integrè satisficiat, poterit inter alias distributiones percipere: quia nullo iure carere debet distributionibus re-



spondentibus tempore excommunicationis, cum ei liberum esset, etiam si non fuisset excommunicatus, per duos menses, impunè abesse à choro sine iactura distributionum. *tom. 1. pag. 565. num. 1. 2. & 3.*

23. Iniuste, seu invalidè excommunicatus, qui antea à divinis officiis interesse consueverat, distributiones non amittit, sed subtractas recuperat, postquam de nullitate excommunicationis constitit: per ipsum enim, non stat, quominus intersit, nec meretur poenam, qui non deliquit. In foro tamen conscientiae, si iudex bona fide, & servato iuris ordine sententiam tulit, non tenetur ad restitutionem, neque alij canonici, quibus distributiones applicatae fuerunt, easque bona fide consumperunt. *ibidem. num. 4.*

24. Iniuste suspensus seu ab officio, seu à beneficio, siue etiam à fructibus si ob eam suspensionem à choro abesse cogatur, potest percipere distributiones: iniuste enim prohibetur interesse. Iuste suspensus ab officio non priuatur distributionibus; suspensus autem à beneficio, vel à divinis, priuatur. Ratio est, quia suspensus ab officio potest divinis interesse, & consequenter distributiones percipere, iis exceptis, quae ratione officij conferuntur: At suspensio à beneficio importat priuationem omnium emolumentorum, quae intuitu beneficij percipiuntur. Item suspensus à divinis non potest tanquam Ecclesiae minister, sed solum tanquam laicus, divina officia persolvere, consequenter incapax est distributionum, quae divina officia persolventibus conferuntur. *tom. 1. pag. 566. num. 1. & seq.*

25. Iniuste à divinis officiis interdictus non priuatur distributionibus; iuste interdictus priuatur, modò sit denunciatus; nam toleratus divinis assistens capax est distributionum. Tempore interdicti localis specialis, canonici non sunt distributionibus priuandi: nam per ipsos non stat, quominus divinis intersint, eam in ea Ecclesia celebrare nequeant. Tempore autem interdicti generalis, canonici nisi divinis intersint, priuantur distributionibus: tunc enim persolventur divina officia in Ecclesiis summissa voce, ianuis clausis, exclusis excommunicatis, & interdictis, & campanis non pulsatis, exceptis festiuitatibus Natalis Domini, Paschatis, Pentecostes, Corporis Christi, & Assumptionis B. Virginis, in quibus divina officia alta voce, ianuis apertis, pulsatis campanis, admissis interdictis, (modo ipsi causam interdicto non dederint) celebrantur. *ibid. num. 1. & seq.*

26. Canonici, qui tempore cessationis à divinis nequeunt divina officia persolvere, non percipiunt distributiones: quia divinis non intersunt: habent tamen actionem contra eum, qui motus causam cessationis dedit, ad repetendas ab eo distributiones, cuius culpa cessatum est à divinis. *tom. 1. pag. 567. num. 1. & seq.*

27. Canonici percipiunt distributiones, dum Ecclesia, in qua celebrare consueverunt, polluta est, & violata; quia per ipsos non stat ne divina officia



officia in choro persoluantur. Polluitur autem Ecclesia 1. per voluntariam humani seminis effusionem. 2. per iniuriosam, & publicam humani sanguinis effusionem. 3. per benedictionem, vel consecrationem factam ab Episcopo excommunicato vitando. 4. per sepulturam excommunicati vitandi. 5. per sepulturam infidelis. 6. quando parietes Ecclesiæ tantum benedictæ deiiciuntur, & maiori ex parte simul destruiuntur. *ib. n. 1. & seq.*

28. Canonicus irregularis ob irregularitatem precisè contractam post beneficii consecutionem, non priuatur distributionibus, si officiis diuinis intersit; nam irregularitas impedit tantum susceptionem Ordinum, & illorum exercitium. At si irregularitas contracta sit ante obtentum beneficium, beneficiarius non lucratur distributiones, ex sententiâ illorum, qui collationem beneficii, irregulari factam, irritam esse putant. *ibid. num. 1. & seq.*

29. Actualiter, seu realiter degradatus, est incapax distributionum. Nec realiter solum, sed etiam verbaliter degradatus, nisi legitimam appellationem interposuerit, distributionibus caret: quia priuatur omni officio, & beneficio in perpetuum, sine spe illius consequendi. *rom. 1. pag. 568. num. 1. & seq.*

30. Qui beneficio priuatus est, non habet ius ad distributiones: sublato enim principali corrui accessorium. Si verò sententiâ priuationis reuocata, reus fuerit absolutus, non solum poterit retinere beneficium, fructus, & distributiones, quas officiis diuinis interessendo iam accepit; verum etiam illas, quas absens amisit causa litis prosequenda. *ibid. num. 1. & seq.*

31. Clericus Ecclesiæ Cathedralis, vel collegiata potest percipere distributiones, quamdiu abest in euidentem suæ Ecclesiæ vilitatem. Unde sequitur absentem causa adimplendi votum peregrinationis non lucrari distributiones, immo neque fructus, si ultra trimestre à Concilio concessum absit. Item eum, qui simul est canonicus, & vicarius Episcopi non percipere distributiones, dum tempore diuinorum officiorum, Vicarii manus obit: quia non abest in vilitatem Capituli, seu Ecclesiæ, cui est adscriptus, sed in obsequium Episcopi. *ibid. num. 1. & pag. 569. num. 9. & pag. 570. num. 13.*

32. Canonicus, qui à Capitulo constitutus, vel ex officio deputatus est ad negotia Ecclesiæ peragenda, non priuatur distributionibus, etiamsi ea tempore diuinorum officiorum expediat, cum alio tempore expedire potuisset: videtur enim uti iure suo, dum illorum negotiorum expeditionem in tempus diuini officij differt, nisi ex Capituli mandato anteuertere teperetur. At qui ad Ecclesiæ negotium peragendum, citi's discessit, vel tardius rediit, quam par esset, si de industria hoc fecit, distributiones non lucratur: quia nec Ecclesiæ negotium, nec bona fides illum exequiatur. Secus dicendum si bona fide id fecit, aut si graue impedimentum superuenit. *rom. 1. pag. 570. num. 15. & seq.*



33. Qui à Capitulo mandatum accepit ad peragendum matutinis horis negotium in commodum Ecclesiæ, si matutinum tempus proprijs negotijs tribuat, dilato in vespas Ecclesiæ negotio, lucrari potest distributiones tempori assignato respondentes, non autem eas, quæ respondent tempori, quo horis canonicis interesse potuisset, si negotium statuto tempore peregisset: nam respectu illius temporis dicitur abesse sua culpa. *tom. 1. pag. 571. num. 21.*

34. Qui in euidentem Ecclesiæ vtilitatem, absque licentia Episcopi abest à choro, nihilominus lucratur distributiones: quia ad legitimam absentiam non requiritur Episcopi consensus, sed tantum euidentis Ecclesiæ vtilitas. Neque obstat Decretum Concilij Trident. *sess. 23. cap. 1.* quia non loquitur de Canonicis, sed de Episcopis, & alijs animarum curam gerentibus, quibus absque licentia superioris abesse non licet. *ibid.*

35. Absenti ob seruitium Papæ non sunt quidem fructus beneficij denegandi; distributiones tamen, nisi ex speciali priuilegio, non debentur: hic enim non dicitur abesse in Ecclesiæ propriæ vtilitatem. Absentes autem ob seruitium Principis etiam Cardinalis, vel Legati, possunt priuari fructibus beneficij; quia non dicuntur residere, nisi priuilegium non residendi à legitimo superiore obtinuerint. *ibid. num. 1. & seq.*

36. Qui Episcopum comitantur, dum visitat diocesim, aut cum Missam extra propriam Ecclesiam auditurus est, non acquirunt distributiones; quia non absunt ob euidentem suæ Ecclesiæ vtilitatem. Quinquam si beneficium nullos habeat redditus præter quotidianas distributiones, probabile est canonicum in seruitio Episcopi existentem eas lucrari, excepta tertia parte, quæ deseruientibus accedit. *tom. 1. pag. 572. n. 2. & 3.*

37. Episcopus potest in sui seruitium duos canonicos Ecclesiæ cathedralis, vel collegiatæ assumere absque iactura fructuum, & distributionum: hi enim fictione iuris censentur præsentés, consequenter ex vi statuti, fructibus priuari non debent. *ibid. num. 4.*

38. Absentibus ad tuenda Capituli iura, distributiones debentur: censentur enim abesse in suæ Ecclesiæ vtilitatem. Idque vetum est, etiam si congruum illis à Capitulo constitutum sit salarium, quod datur ad sustinendos labores, & incommoda, occasione prosequendæ causæ subeunda. Idem dicendum videtur de eo, qui abest, vt sui beneficij iura tueatur: hoc enim pertinet ad communem Ecclesiæ vtilitatem, quæ destructione vnius præbendæ, non mediocriter damnum pateretur. Secus sentiendum de eo, qui abest, vt ius quod habet ad beneficium; contra alterum tueatur: nam Ecclesiæ non multum interest, vt hic potius, quàm ille beneficium obtineat. *ibid. n. 1. & pag. 573. num. 2. & 3.*

39. Canonicus, qui tempore diuini officiorum, Missam in suâ Ecclesiâ celebrat, non lucratur distributiones, præciso Summi Pontificis priuilegio, aut seclusa legitima consuetudine, aut etiam mandato superioris: nam qui de mandato superioris, tempore diuini officij Missam celebrat,



brat, habetur pro præsente. *tom. 1. pag. 573. num. 1. & seq.*

40. Pœnitentiarius Ecclesiæ cathedralis non potest, spectato iure antiquo, distributiones percipere, dum tempore diuinorum officiorum, confessionibus excipiendis detinetur. At iure nouo sanctum est in Trident. *sess. 24. cap. 8.* vt Pœnitentiarius, dum confessiones in Ecclesia audit præsens in choro censeatur, & consequenter distributiones percipere possit. Idem dicendum videtur, quando audit confessiones eo tempore, quo reliqui canonici processionibus, seu supplicationibus assistunt; sic enim declarauit Sacra Cardin. Congregatio. Alij verò canonici, qui dum celebrantur diuina, confessiones audiunt, non lucrantur distributiones, nisi absente, aut mortuo Pœnitentiaro eius vices suppleant. *ibid. num. 1. & pag. 574. num. 3. & 4.*

41. Obtinens præbendam theologalem, tempore absentiae, non percipit distributiones, tamen si à choro absit occasione parandæ concionis, vel lectionis, nisi fortè ipsius præbenda non habeat fructus distinctos à distributionibus: Excipe illos dies, quibus Theologi in suis Ecclesiis legunt. Illis enim diebus habendos esse tanquam præsentes Gregorius XIII. declarauit. *ibid. num. 1. & 2.*

42. Habens dignitatem, vel canonicatum in Ecclesia cathedrali, vel collegiata, cui adnexa sit animarum cura, non potest præciso priuilegio, vel consuetudine in contrarium, lucrari distributiones, dum tempore diuinorum officiorum abest ad exercendam animarum curam: quia non abest in utilitatem propriæ Ecclesiæ, sed in obsequium, & commodum cuius sibi subditarum. *tom. 1. pag. 575. num. 1.* Item canonici, quibus locorum piorum cura, vel administratio demandata est, non possunt eo tempore, quo in commodum, & utilitatem horum locorum absint, distributionibus frui. Vnde infertur Vicarios foraneos, visitatores diocesis, & examinatores diuinis officijs non assistentes, iure communi, carere distributionibus, nisi legitima consuetudo, vel priuilegium aliud postulet. *ibid. num. 1. & seq.*

43. Absens causa studendi, vel docendi, non lucratur distributiones, modo beneficium habeat alios redditus, seu fructus à distributionibus separatos; nisi legitima consuetudo aliud ferat: percipit tamen fructus beneficij, & præbendæ. Porro absens studiorum causa si habeat beneficium, cui annexa sit animarum cura, vel aliud onus, quod per alium obiri possit, debet alium in suum locum substituere: quia æquum non est, vt beneficij fructibus cum aliorum damno fruatur. *to. 1. pag. 576. n. 1. & 11.*

44. Ex Summi Pontif. priuilegio potest absens lucrari distributiones: Summus enim Pontif. in iure humano dispensare potest. At Prælati Summo Pontif. inferiores non possunt facultatem concedere, vt absens distributionibus fruatur. Hoc autem priuilegium à Summo Pontif. concessum, cum faciat ad diminutionem diuini cultus, & repugnet iuri aliorum canonicorum, strictè interpretandum est, vt pote odiosum. Quare qui habet priuile-



privilegium vt absens percipiat omnes fructus sui beneficii, ac si resideret, non potest virtute illius privilegij percipere distributiones, quia sub nomine fructuum non comprehenduntur. *tom. 1. pag. 577. n. 1. & 4.*

45. Habens privilegium non residendi certo anni tempore absque iactura distributionum, non potest illo privilegio uti, si vsu illius diuinus cultus notabiliter minuat, vt quando ob nonnullorum absentiam ita canonicorum numerus minuitur, vt diuina officia celebrari nequeant: hic enim casus censetur per episcopiam exceptus; nam si superior illam praeuidisset, privilegium non concessisset. *ibid. n. 7.*

46. Canonicus habens privilegium duorum mensium, si ultra bimestre in anno absit, potest duorum mensium privilegio frui, & priuandus est solum distributionibus debitis pro eo tempore, quod duos menses excedit, nisi fortè in poenam notabilis negligentiae aliter decernatur. *tom. 1. pag. 578. num. 11.*

47. Qui à Summo Pontif. privilegium obtinuit percipiendi fructus, vel distributiones tempore absentiae, non potest auctoritate iudicis cogere Capitulum ad restitutionem fructuum, seu distributionum, postquam bona fide facta fuit illarum diuisio inter canonicos: quia Capitulum non accepit illas distributiones, sed collatae fuerunt singulis canonicis. *ibid. n. 16.*

48. Nullo Capitulorum, vel Episcoporum statuto, aut constitutione, regulariter loquendo, induci potest vt distributiones absentibus conferantur, quia inferiores non possunt derogare iuri canonico prohibente distributiones absentibus conferri. Illudque statutum, quo decernitur, vt senibus, qui per 40. annos Ecclesiae seruerint, distributiones tanquam praesentibus tribuantur, tolerari non debet, nisi approbatio Summi Pontif. accedat. si tamen in fundatione alicuius collegiatae ecclesiae statuatur, vt canonici, duos vel tres menses sine distributionum iactura abesse possint, & iuxta huius fundationis institutum constitutio feratur illud confirmans, valida erit: quia ius canonicum fundationibus non derogauit. *tom. 1. pag. 579. num. 1. & 3.*

49. Consuetudine sola induci non potest, vt distributiones absentibus licite conferantur, nisi consuetudo ex rationabili causa inducatur, aut nisi Summus Pontif. consentiat: quia induci non potest consuetudo, contra naturam distributionum, quae est, vt non conferantur absentibus. Videtur tamen tolerari posse consuetudo, qua beneficiarij cathedralis Ecclesiae, vel collegiatae, absentes per duos, aut tres menses, habentur pro praesentibus, quo ad distributiones: quia haec absentia permittitur à Trident. *sess. 24. c. 12.* & fieri potest, vt haec consuetudo, iusta de causa inducatur. *tom. 1. pag. 580. num. 2. & 7.*

50. Consuetudine induci non potest, vt distributiones primi anni, quo quis canonicatum adeptus est, haeredibus canonici praedefuncti, cum hic succedere proprio referuntur. Non negandum tamen haeredibus canonici defuncti deberi distributiones pro rata temporis praeteriti, quo defunctus



ctus inseruiuit, qui antequam distributiones perciperet, è vita migrauit quia hæres in defuncti iura realia succedit. *rom. 1. pag. 581. n. 11.*

51. Potest admitti consuetudo, vt fructus primi anni dentur hæredibus canonici mortui: hæc enim consuetudo à iure non reprobatur, & iusta de causa videtur inducta, vt ex his fructibus, defuncti debita persolui, & anniuersaria officia pro ipso facilius celebrari queant. *ibid. num. 12.*

52. Approbari non potest consuetudo, qua nonnulli canonici alternis hebdomadis interfunt choro, & distributiones accipiunt etiam iis hebdomadis, quibus ab Ecclesia absunt, putantes se posse ob consuetudinem abesse, & distributiones singulis hebdomadis lucrari, nisi vel consensus Pontificis, vel iusta causa hanc consuetudinem excuset. *ibid. n. 13.*

53. Toleranda non est diocesana constitutio, seu consuetudo concedens *Iubilationem*, vt beneficiarij, qui longo tempore diuinis officiis interfuerunt personaliter, immunes fiant à residentia, & distributiones, tanquam emeriti milites, quotidie percipiant: quia non apparet sufficiens ratio, cur à residentia excusentur, dum adhuc sunt vegeti, & diuinis officiis commodè, bono exemplo, interesse possunt. *ibid. num. 15.* Permitti tamen potest vt septuagenarij, & senio confecti, distributiones capiant, etiam si choro non interfint. *ibid. num. 16.*

54. Admitti potest immemorabilis consuetudo, vt quis per alium eiusdem Ecclesiæ canonicum assistens, & seruiens Ecclesiæ, distributionibus fruatur: sic enim nullum diuino cultui damnum inferitur, eaque consuetudo in præcipua Italiæ vrbe obtinuit, vt vnus canonicus assistat per alium canonicum, qui alias non teneret ea die, vel hebdomada, ex onere sui canoniciatus, interesse. *rom. 1. pag. 582. num. 17.*

55. Consuetudine induci non potest, vt habens duos canonicatus in duabus Ecclesiis, acquirat ius percipiendi distributiones illius Ecclesiæ, in qua non residet. Si tamen beneficium nihil aliud reddat præter distributiones quotidianas, consuetudine induci potest, vt beneficiario, qui diuinis officiis non interest, aliquid tradatur, non ob absentiam, sed ob onera beneficio annexa: quia huiusmodi distributiones sunt veluti fructus; debentur autem fructus clerico residenti, quamuis diuinis officiis non interfuit. *ibid. num. 18.*

56. Improbanda non est consuetudo, qua canonicus, qui iustam ob causam absuit, & iam rediit, domibiduum, aut triduum se continet vt quiescat, & sarcinulas suas componat, antequam Ecclesiam adeat: hæc enim consuetudo iusta de causa inducitur. *ibid. n. 20.*

57. Consuetudine induci potest, vt qui diuinis officiis interfunt, certo quodam tempore nullas distributiones accipiant: quia non reprobatur à iure consuetudo non conferendi distributiones assistentibus, sed conferendi non assistentibus. Neque improbanda videtur consuetudo, vel constitutio, qua cauetur vt absens etiam causa infirmitatis, vel alia de causa ob quam distributiones permittuntur, non percipiat distributiones: hæc enim

consti-



constitutio diuino cultui fauet. Non negandum tamen quin aduersetur iuri canonicorum. *ibid. n. 21.*

58. Neque licita, neque valida est distributionum remissio facta absentibus ab aliis canonicis, quibus ob assistentiam in choro, distributiones debentur: absentes enim sine legitima causa, à distributionibus iure excluduntur, & Concilium Trid. *sess. 24. c. 12.* absolute asserit absentes distributionibus carere, quauis collusionem, vel remissione exclusa. Addendum hanc remissionem esse inualem, etiam si fiat absentibus ex causa à iure permessa, & ab Episcopo approbata, ut studiorum causa &c. (modo non abfuerit ob infirmitatem, vel ob rationabilem corporis necessitatem, vel in euidentem Ecclesie utilitatem: nam absens in his casibus non est distributionibus priuandus, ex iuris communis concessionem) quia Trident. quamlibet remissionem, & collusionem excludit. *tom. 1. pag. 583. n. 1. & seq.*

59. Non videtur iure communi prohibita distributionum donatio facta ab eo, qui iam acceperat distributiones, quas alter ob absentiam amiserat. Concilium enim Trid. non excludit donationem, sed remissionem, & collusionem. Ille tamen non est tutus in conscientia, qui distributiones amissas propter absentiam tradit interuentibus, cum hac præuia conuentione, ut sibi restituantur, & postea re ipsa restituantur: hoc enim fit in fraudem legis prohibentis remissionem. *ibid. n. 1. & seq.*

60. Licita videtur transactio circa præteritas distributiones, in dubio an quis amittere debeat distributiones, vel an illas male perceperit: hic enim nullum est periculum simoniæ, cum distributiones sint merè temporales, & vendi, alienari que possint. Secus dicendum de amicabili compositione, qua aliqua distributionum pars certò debita condonatur: hæc enim est remissio iure prohibita. Circa distributiones autem futuras, ut sic, licite, & absque simoniæ labe transigi potest: sunt enim quid temporale, sicut fructus beneficij, qui vendi possunt, modo transactio fiat sine præiudicio aliorum canonicorum, quibus distributiones absentis accedunt, & modo non fiat cum aliis canonicis de distributionibus, quæ sibi accedunt ob absentiam: hæc enim esset veluti remissio, & collusio, quam iura prohibent. *tom. 1. pag. 584. n. 2. & seq.*

61. Decimo quinto quoque anno soluenda est *annata*, seu *quindennium* ex fructibus beneficiorum, quæ mensæ capitulari, seu collegiali vnita fuerunt, ut ipsorum fructus diuidantur in quotidiinas distributiones, iis applicandas, qui diuinis officiis interfunt. Est autem *annata* media illa pars fructuum, quæ ab impetrantibus beneficia à Sede Apostolica, soluitur Camera Apost. in ipso beneficij ingressu, modo beneficij redditus 24. ducatos camerales excedant. *Quindennium* verò, quod loco annate soluitur, est pensio integrorum vnius anni fructuum, aut saltem dimidiæ partis, quæ decimo quinto quoque anno Summo Pontifici soluitur ex beneficio alieni communitati, vel Collegio adnexo, ne Rom. Curie ministri ob perpetuam beneficiorum vniorem dampnum patiantur. *tom. 1. pag. 584. 585. n. 1. & seq.*



62. Ex distributionibus quotidianis in ingressu beneficii, regulariter loquendo, non soluitur annata: quia soluitur annata ex fructibus beneficii, distributiones autem in fructibus non numerantur. Neque soluendum est Episcopo ex distributionibus subsidium charitativum; soluitur enim de fructibus, & redditibus beneficii. Dicitur autem subsidium charitativum in quod Episcopus ex iusta, & rationabili causa exigere potest à clericis sibi subiectis, ex fructibus beneficii, pag. 585. num. 9.

63. Decima spiritualis, quæ Parochis solui consuevit, soluenda etiam est de distributionibus: quia de omnibus terræ fructibus soluitur. Si tamen Pontifex simpliciter iubeat decimas ex fructibus, & proventus beneficii non solui, non videtur decima ex distributionibus soluenda. Secus, si eas præcipiat solui ex omnibus proventus Ecclesiasticis. *ibid. n. 1. & 2.*

64. Pensio, regulariter loquendo, non soluitur ex distributionibus: quia, regulariter loquendo, super distributionibus non imponitur, nisi beneficium in solis distributionibus consistat, aut nisi Pontifex aliud exprimat: neque enim par est, ut quis personaliter resideat, & inseruiat, alter vero aliene, & commodum percipiat. Si autem pensio imponatur à Pontifice super distributionibus, onus illud transit ad Capitulum, dum illæ accedunt Capitulo, seu Collegio canonicorum interessentium, aut quia canonicatus aliquandiu vacavit, aut quia canonicus non fuit admissus ad distributiones ob imperitiam cantus, vel quia ob censuram absuit à choro. *tom. 2. pag. 586. num. 1. & pag. 587. num. 9.*

65. Canonicus, qui canonicatum mutat, seu aliud obtinet per collationem, non tenetur ad pensionem, quam prius occasione primi beneficii persolvebat; quia non censetur amplius idem canonicus: Propterea in optionibus, quis hic in futurum assequi contendet, non erit habenda ratio primi canonicatus, quem cum pensione obtinuerat, sed huius secundi: Canonicus enim, qui ratione prioris beneficii censebatur antiquior in optionibus, facta beneficii mutatione censetur iunior, & perinde habebitur ac si extraneus idem beneficium consequutus fuisset. *tom. 1. pag. 588. n. 14.*

66. Successor in beneficio tenetur ad pensionem, siue imposita esset super fructibus, siue super distributionibus; succedit enim in onera realia; etiam si intrusus sit, nec titulum beneficii legitime possideat; nam qui beneficii fructus percipit, tenetur ad pensionem, ratione fructuum, impositam. *ibid. num. 15.*

### *Distributiones absentium quibus debeantur.*

67. Distributiones quotidianæ propriè sumptæ, absentibus conferendæ, si interessent, præcisâ consuetudine in contrarium, debeantur aliis canonicis, qui diuinis interfunt, modò re ipsa aliqui interfint. *ibid. num. 1.*

68. Beneficiarius diuinis officiis in choro mancipatus, si diuinis non interesset, propter priuationem distributionum subire debet, non expectatâ su-

dictis



dicis sententiâ: quia hæc pœna ad sui executionem, nullam hominis actionem requirit, cum massa distributionum apud eum, qui diuinis non interfuit, non reperitur. *tom. 1. par. 589. num. 2.*

69. Distributiones absentium canonicis interessentibus accedere incipiunt ab eo tempore, quo canonicus abest ex aliqua causa, propter quam absentes a distributionibus excluduntur. Idem dicendum si beneficium per mortem vacet, aut per resignationem completam: perfecta enim resignatione, vel permutatione, nullum ius competit resignanti, aut permittanti, consequenter distributiones accedunt interessentibus, nisi successor resideat, & choro assistat. *tom. 2. pag. 590. n. 5.*

Diuinatio, Diuinator.

1. **D**iuinatio est prædictio rerum occultarum, quæ humano modo cognosci non possunt, fitque ope dæmonis: quamuis enim dæmon futura contingentia certo non cognoscat, quæ ab hominis arbitrio pendunt, longè tamen plura de rebus futuris, aliisque occultis cognoscere potest, quàm homines. Digni sunt reprehensione; qui pactum inter se in eunt, ut qui prior morietur, posteriorem de suo statu admoneat; fieri enim potest, ut dæmon inde occasionem arripiat decipiendi. *tom. 2. pag. 178. n. 1. & pag. 179. num. 2.*

2. Diuinatio duobus modis fieri solet. 1. per expressam dæmonis inuocationem, petendo, ut aliquid doceat. 2. per tacitam solum inuocationem, quæ contingit, quando quis mediis vanis, quibus se immiscet dæmon, procurat cognitionem rerum latentium, quæ captum humanum superant, etiam si ille, qui vanis signis utitur, non intendat expressè dæmonem inuocare, immò dicat se nolle inuocare: dicitur enim tacitè inuocare, dum seriò media inutilia, & vana usurpat, quibus non potest alio pacto res latentes cognoscere, quàm ope dæmonis. Hinc patet modum diuinandi thesaurum, vel inueniendi fartum occultum, &c. per astrologiam, esse superstitiosum, cum hæc nisi ope dæmonis cognosci non possint. *pag. 179. n. 4.*

3. Diuinatio cum expressa Dæmonis inuocatione multis modis contingit. Per apparitionem in figuris, aut corporibus assumptis; per signa apparentia in corporibus terrestribus; per negromantiam, excitando aliquem mortuum; per exta animalium; per aera; per ignem; per aquam; per somnia, quæ cognoscuntur à Dæmone immissa, quando ad malum impellunt; in dubio autem, an sint à Deo, an à Dæmone, præsumi possunt esse à Dæmone. Porro reprehensione digni sunt, qui dedita opera ita se componunt ad somnum, ut sibi per somnum occulta reuelentur: nam volunt à Dæmone doceri. *ibid. num. 5. & seq.*

4. Diuinatio cum tacita Dæmonis inuocatione contingit, quoties ad diuinandum adhibentur ea, quæ talem virtutem non habent; cuiusmodi est diuinatio per taxillos, cribrum, autium garrivum, sternutationem, &c. Da-



tur tamen diuinitio naturalis, & licita, adhibitis iis rebus, ex quibus talis cognitio haberi potest. Sic excusatur astrologia naturalis, quæ ex contemplatione siderum conicit effectus naturales, in quos cælum influit excusari etiam potest astrologia, quæ ex intuitu cælorum diuinamus hominum inclinationes, quamuis hæc astrologia sit valde incerta; difficile enim est illud cæli punctum obseruare, in quo alicuius natiuitas contingit. *ibidem* num. 9. & 10.

5. Superstitiosa est planè astrologia iudiciaria, per quam ex aspectu cælorum conicimus euentus fortuitos penderes à libero hominis arbitrio; nam si eiusmodi effectus ex cælorum aspectu cognosci possent, liberum hominis arbitrium tolleretur. Excusari tamen potest coniectura, quæ petitur ex physiognomia naturali, v. g. ex lineis manuum, &c. vnde licet aliquo modo conicere ingenium, indolem, &c. non tamen inde prædicere possumus hominem fore diuitem, aut pauperem, &c. vnde patet petentem ab Ægyptiis bonam, vel sinistram fortunam, peccare, quia hoc naturaliter sciri nequit. Hoc tamen peccatum videtur solum veniale, si fiat causa curiositatis, vel iusus, vt vulgo fieri solet. *tom. 2. pag. 180. num. 11.*

6. Sors *diuinatoria*, quæ cognoscitur quid cuique tribuendum sit in electionibus controuersis, licita est, quando fit ad dirimendas lites, quæ alia ratione dirimi nequeunt, modò non fiat cum irreuerentia rerum sacrarum, neque in electis inibus Ecclesiasticis, quæ Spiritus Sancti instinctu fieri debent. Sors *consultoria*, per se loquendo, est illicita; quia Deus non vult per sortes voluntatem suam indagari: potest tamen esse licita in necessitate; non tamen in electionibus Ecclesiasticis. Sors *diuinatoria* est omnino prohibita, quia neque à Deo, neque à casu, neque à Dæmone res occultas licet inquirere. *pag. 181. 182. num. 13. & seq.*

7. Diuinitio, ex suo genere, est peccatum mortis, siue fiat cum tacita, siue cum expressa Dæmonis inuocatione: quia sic inicit societas cum Dæmone. Excusari tamen potest aliquando à mortali ob simplicitatem, & ignorantiam, vt contingit in somniis. Porro ob diuinationem non incurritur excommunicatio ipso facto. *tom. 2. pag. 182. n. 17. & 23.*

8. Nulla excommunicatio ipso facto incurrenda extat in iure contra diuinatores, incantatores, sortilegos, &c. Aut si aliquod ius afferatur continens censuram ipso facto latam, ea non est vsu recepta, cuius modi est Bulla Ioannis XXII. & Leonis X. vnde constat diuinatores, incantatores, maleficos, & his similes non subiaci excommunicationi, modò tamen non sentiant aliquid contra fidem; tunc enim excommunicationem contra hæreticos latam incurrunt. *disp. 2. quæst. 2. punct. 38. pag. 185. n. 1. & seq. tom. 3.*

9. Astrologi, & genethliaci possunt ex astris aliquid iudicium ferre circa naturales hominum propensiones; sunt enim effectus naturales ex astris provenientes, cum astris influant in corpora. Neque villo iure verita est huiusmodi prædictio; nam Bulla Sixti V. quæ incipit *Cæli & terre creator*, loquitur solum de prædictionibus circa futuros effectus contingentes,



gentes, pendentes ab hominis voluntate. *ibid. pag. 186. num. 3. tom. 3.*

10. Facientes iudicia, vel natiuitates circa futuros effectus contingentes, ab humana voluntate pendentes, rei sunt Astrologiæ iudiciariæ, & superstitiosæ, vetitæ iure Ecclesiastico, naturali, & diuino, si de his effectibus absolutum iudicium ferant; quia hæc cognitio viribus naturæ haberi nequit, ergo ex pacto tacito, vel expresso cum dæmone comparanda est. *ibidem num. 4.*

11. Qui ex astris præcisè futuros effectus contingentes, ab hominum voluntate pendentes prædicunt, grauiter peccant contra constitutionem Sixti V. non solum dum certò pronunciant euenturos, sed etiam dum probabiliter solum ex leuibus iudiciis coniectant: nam Summus Pontif. mandat huiusmodi diuinatores grauib. pœnis canonicis affici. Neque diuinatores tantum peccant; verum etiam ij, qui diuinatoribus cooperantur. *ibid. num. 5.*

12. Hactamen Sixti V. Bulla, aut alio iure non prohibentur probabiles coniecturæ, quæ non à solis astris, sed ab alijs etiam causis, & circumstantiis desumuntur, vt ab ipsa corporis complexione, dispositione, seu temperamento, ab actionibus hominis, alijsque similibus circumstantiis, hæc enim non dicitur diuinitio, sed astrologia naturalis. Modò tamen hi effectus non prædicantur certò, & absolutè, v. g. hunc fore diuitem, furem, &c. hæc enim viribus naturæ sciri nequeunt. *ibid. num. 6.*

## D O N A T I O.

### Quid sit Donatio.

1. **D**onatio est liberalis datio rei alicuius, id est, quæ non fit ex obligatione, & debito iustitiæ, sed ex mera liberalitate, aut ex gratitudine, cuiusmodi est remissio debiti facta liberaliter à creditore. Donatio autem remuneratoria, quæ dicitur antidotalis, fitque ad collata beneficia remuneranda, non est donatio propriè dicta; quia non fit intuitu mere liberalitatis. *tom. 2. pag. 662. n. 1. & 2.*

2. Donatio remuneratoria duplex est. Vna, qua beneficium acceptum, compensatur ad equalitatem ex gratitudine, non ex debito, & hanc donationem facere potest quilibet habens liberam bonorum administrationem: immò etiam prelati monasterij, ex bonis monasterij, & tutor de bonis pupilli, si beneficium prestitum fuit pupillo. Altera est, qua obsequium, seu debitum, compensatur vltra equalitatem, ita tamen vt non sit nimius excessus, & in hac donatione maior circumscriptio est adhibenda ab ijs, qui ex alienis bonis, quorum habent administrationem, largitiones faciunt, nam qua parte remuneratio modum excedit, non dicitur remuneratio, sed donatio. *ibid. num. 6.*

3. Religiosus, qui absque licentia superioris rogat volentem sibi aliquid



quid donare, vt donet consanguineo, non peccat contra votum: quia per votum prohibetur alienatio absque debita facultate; hic autem nulla est alienatio; quippe alienatio est distractio rei acquisite; religiosus autem non acquirit, cum non acceptauerit. At si donum offerre nū gratias egit, iam non potest donatorem rogare, vt alteri donet; nam per gratiarum actionem accepit, & consequenter acquirit. *tom. 2. pag. 623. n. 6.*

*Quis quid donare possit.*

4. Is potest donare, qui liberam habet administrationem, & dominium bonorum, & à iure non impeditur. Hinc sequitur prodigum, impubere, minorem donare non posse sine tacito, vel expresso tutoris, aut curatoris consensu. Non negandum tamen minorem donare posse ea, quæ alijs suæ conditionis donant; immò quæ accepta sunt à minore, non videntur restituenda antequam repetantur à curatore, vel à minore vtente priuilegio restitutionis in integrum. Item filiusfamilias non potest absque consensu patris donare, nisi habeat bona castrensia, vel quasi castrensia. *ibid. n. 1. & seq.*

5. Religiosus superiori subditus non potest quidquam donare absque superioris consensu, tacito, vel expresso. Immo ipsi superiores religionum non possunt donare, nisi quatenus ex constitutionibus religionis, vel ex consuetudine illis permittitur. *ibid. n. 6.*

6. Vxor, quæ non habet alia bona præter dotem, non potest donare. Item amens, aut sui minime compos, donare non potest, quamdiu est impotens mentis. Item debitor, qui non est soluendo. Item is, cuius bona sunt sisco addicta, post sententiam criminis condemnatoriam donare non potest: Item miles non potest concubinae, ex mera liberalitate, quidquam donare, sed ei licet donationem reuocare. *ibid. n. 9. & seq.*

7. Omnia, quorum dominium transferri potest, donari possunt, ipsæ etiam res incorporales vt actiones, iura, nomina debitorum, &c. Immo ipsa spes habendi, & ius litigandi donari potest, modò non transferatur in potentiores. *tom. 2. pag. 624. num. 17.*

8. Donatio filiorum in parentes de bonis castrensibus valida est: habent enim filij familiæ liberam huiusmodi bonorum administrationem. Reliquorum verò bonorum donatio est inualida, quia filius non potest donare patri bona profectitia, nisi ea, quæ filio relicta sunt eo pacto, vt ususfructus non acquiratur patri: cum enim sit illorum dominus quoad vsumfructum, & quoad proprietatem, valide poterit ea donare. *ibid. n. 1.*

9. Donatio patris in filium legitimum, non emancipatum, regulariter loquendo, non est firma, iure communi, sed renouari potest ad arbitrium patris, nisi facta sit cum iuramento. Donatio autem matris, vel auiæ, vel aui materni in filium valida est: iura enim loquuntur tantum de donatione patris. Non tenetur tamen filius ad restitutionem eorum, quæ dono



dono accepit à patre, qui mortuus est: hæc enim donatio, morte donatoris confirmatur; & retrotrahitur ad diem, in quo facta fuit traditio, consequenter donatarius acquirit fructus ex ea re perceptos, modò donatio non pertingat ad eam partem, ad quam requiritur insinuatio: nam quoad excessum, ad quem requiritur insinuatio, non firmatur morte patris, nisi pater in articulo mortis, donationem confirmauerit; tunc enim ratione induit legati, ad quod non requiritur insinuatio. *ibid. n. 2. & 3.*

10. Donatio, quæ fit inter sponsores antequam celebretur matrimonium de præsentì, & vocatur *sponsalitia largitas*, valida est, & donata acquiruntur donatario, si postea matrimonium fiat, & consumetur. Quia ius non irritat hanc donationem. At si matrimonium non fiat, donata restituenda sunt donatori, vel eius heredibus: quia hæc sponsalitia largitas censetur facta intuitu matrimonij; nisi omisio matrimonij contingat ob culpam donantis; tunc enim donata acquiruntur donatario. Si verò facta donatione interuenit osculum, aut copula inter sponsores, post sponsalia iam celebrata, dimidium acquiritur sponsæ, & dimidium heredibus sponsi. At si osculum, vel copula præcessit sponsalia, tunc sponsa adueniente matrimonio non lucratur medietatem sponsalitæ largitatis. *tom. 2. pag. 625. num. 1. & seq.*

11. Si sponsalia dissoluantur absque culpa vllius sponsi, nihil lucratur sponsa ex sponsalitia largitate, etiamsi osculum intercesserit: quia hæc largitas facta est sub spe matrimonij; si verò osculum, vel copula præcessit, antequam sponsalia dissoluerentur, sponsa lucratur dimidium sponsalitæ largitatis partem: nam per osculum ius acquisiuit ad dimidiam partem, dum sponso causam non præbuit non contrahendi matrimonium. *ibid. num. 8.*

12. Filius familiæ, qui annos pubertatis attingit, potest, in consulto patre, largitatem sponsalitiæ promittere. Ratio petitur à regula generali, qua probatur, filium familiæ posse in consulto patre, & ex omni contractu naturaliter, & civiliter obligari. Potest etiam filius familiæ, in consulto patre, largitatem sponsalitiæ facere de iis, quorum liberam habet administrationem, ut de bonis castrensibus. *tom. 2. pag. 626. num. 12.*

13. Ea, quæ sponso mittit sponsæ ante celebrationem matrimonij de præsentì, non censentur donata per sponsalitiæ largitatem, nisi aliud constet de mente ipsius sponsi: quia sponso præsumitur illa misisse non animo donandi, sed honorandi sponsam, ut ornatio ad se accedat. Unde sequitur sponsam non acquirere ea, quæ missa sunt à sponso ante celebrationem matrimonij, consequenter dissoluto matrimonio ea esse restituenda, neque per osculum lucrari dimidium illorum, quia illa donata non fuerunt. *ibid. num. 13.*

14. Annulus datus sponsæ in Ecclesia, qui tunc benedicitur, non acquiritur sponsæ, nisi antea ei donatus esset. Quia dum annulus datur, iam celebratus fuit matrimonij contractus per verba de præsentì, ut supponitur;



tur; consequenter annulus si tunc datur, censetur donatio inter coniuges: donatio autem inter coniuges, post contractum matrimonium, etiam non consummatum, irrita est. *ibid.*

15. Vestes pretiosæ, quas sponsus dedit sponsæ, in dubio non censentur donatæ; quotidianæ verò censentur donatæ: vestes enim pretiosæ non censentur sponsalitia largitas, neque sponsa illas lucratur per osculum, vel copulam; at quotidianæ ad largitatem sponsalitiæ spectant. *ibid.*

16. Donata sponsæ à consanguineis sponsi, & vicissim donata sponso à consanguineis sponsæ, acquiruntur ei, cui donator vult acquiri, dum constat de ipsius voluntate; quando verò non constat, recurrendum est ad coniecturas: nam si donator donauit causa consanguinitatis, res donata sponsæ acquiritur sponso, cuius intuitu donata fuit; consequenter soluto matrimonio, reddenda est sponso, vel eius hæredibus: tota enim donandi causa est consanguinitatis. *ibid. num. 14.*

17. Donatio vxori facta à consanguineis viri, intuitu viri non censentur sponsalitia largitas; quia quæ donantur vxori intuitu viri acquiruntur viro, & in dubio non præsumitur sponsus ea velle donare vxori; quare sponsa ea non lucratur per osculum, vel copulam, more sponsalitiæ largitatis. *tom. 2. pag. 627. num. 15.*

18. Licita est, & valida arrharum traditio inter sponso, easque amittit, qui à sponsalibus iniuste resiliit: quia traditio arrharum in fauorabilis est matrimonio, cum tradantur, ut matrimonium celebretur; hæc autem est natura arrharum, ut qui eas tradi dicit, illas amittat, quoties per ipsum stat, ne contractus perficiatur. *Ibid. num. 16.*

19. Qui accepit arrhas, sed nullas ipse tradidit; si per ipsum stet, quominus matrimonium celebretur, non solum tenetur ad restitutionem arrharum, verum etiam ad duplum: sic enim ius disponit; vel etiam ad triplum, vel quadruplum, si ita conuentum est inter ipsos (modò qui accepit non sit minor) alioquin non seruaretur æqualitas: alter enim tantum subiret aleam perdendi, ipse verò lucrandi. *tom. 2. pag. 628. n. 22.*

20. Donatio inter coniuges facta inter viuos, iure communi inualida est, regulariter loquendo, etiam si matrimonium nondum esset consummatum; sed tantummodò ratum tempore donationis. Ideo nisi morte, aut iuramento confirmetur, potest à donatore ad libitum reuocari. Immo inualida est donatio facta ante matrimonium, dilato ipsius effectu in tempus celebrati matrimonij. Hinc sequitur remissionem debiti inter coniuges, inualidam esse, quia hæc est donatio: validum tamen esse legatum inter virum, & vxorem; quia hæc non est vera donatio inter viuos; validos item esse ceteros contractus distinctos à donatione ut sunt venditio, permutatio, &c. *ibid. num. 26.*

21. Donatio causa mortis facta inter coniuges, valida est, etiam si facta fuerit sine traditione rei donatæ; quia nullo iure probatur ad validitatem donationis necessariam esse traditionem rei donatæ. *ibid.*



22. Donatio rei antea tradita coniugi superstiti confirmatur morte donatoris, si antea non fuerat reuocata. Immo retro trahitur ad tempus, quo facta fuerat, at si tunc valida fuisset, consequenter omnes fructus post traditionem percepti pertinebunt ad eum, cui donatio facta fuerat. Nec tantum morte naturali confirmatur huiusmodi donatio, verum etiam civili, & professione facta in religione incapaci possidendi bona. Per iuramentum etiam ita confirmatur donatio, ut reuocari non possit, modo iuramentum sit de futuro, & donator dicat, *Iuro me non contrahenturum donationi*; sic enim tenetur stare donationi. ne sit periurus. *ibidem*, & pag. 629. num. 27.

23. Donatio inter coniuges, causâ remunerationis, ob merita, & obsequia alias non debita, valida est, ut si senex duxit puellam, vel ignobilis nobilem, eique aliquid donet in remunerationem: quia hæc non est propria donatio, modo non sit notabilis excessus in re donata. pag. 629. n. 27.

24. Donatio, qua alter coniugum constituit alteri dotem ante celebrationem matrimonij, valida est; post contractum verò matrimonium, vxor, quæ dotem non attulit, potest, constante matrimonio, dotem viro constituere; hæc enim videtur donatio remuneratoria in gratiam viri, qui vxorem sine dote acceperat. Vir autem, constante matrimonio, non potest dotem vxori constituere: quia hæc constitutio dotis esset vera donatio: nisi fiat in renunciationem, ut si ignobilis duxit mobilem, senex iuueniculum. Ceterum hæc dos, quam vir ignobilis constituit feminae nobili, aut senex iuencule, si constituta fuit ante contractum matrimonij, deducenda est ex toto hæreditatis cumulo: hæc enim non est donatio, sed contractus onerosus, *do ut facias*; vir enim assignat illam dotem, ut disparitatem compenset. At si ea dos constituta fuit post contractum matrimonium, non est deducenda ex toto cumulo, sed solum ex parte, de qua vir disponere potest; consequenter legitimam aliorum non minuit: quia hæc est dotatio remuneratoria, quæ ex iustitia non debetur. *ibidem*, num. 28.

25. Si constante matrimonio, contrados fuerit à viro constituta, poterit eam vxor, mortuo viro, exigere; quando scilicet vxor auxit dotem, & vir in remunerationem facit contradotem: hæc enim censetur remuneratio. Secus si gratis, & liberaliter fiat: hæc enim esset donatio, inter coniuges vetita. *ibid.*

26. Annulli, vestes, & similia, quæ vxoribus tradi à maritis consueverunt, si sunt vilia, & ad quotidianum usum, censentur donata, sicque fiunt propria vxoris. Si verò sunt pretiosa, non censentur tradita in gratiam, & beneficium vxoris, sed potius in honorem mariti, ut vxor veniat ornatio; nisi aliter constet de intentione; ac voluntate mariti. At si constet ea donata fuisse, pertinent ad vxorem; quia donatio morte confirmatur.

27. Mulier conuolans ad secundas nuptias, superstitibus filiis ex prioris matrimonio susceptis, potest ad libitum disponere de bonis, quæ à priore



marito, titulo oneroso accepit, sicut potest de propriis: nam æquum est, ut onus commodo compensetur. De iis autem, quæ à priore marito accepit donatione inter viuos, aut vltima voluntate, non potest ad libitum disponere; sed tenetur ea integra, & intacta referuare filiis prioris matrimonij; sic enim expresse decernitur in iure. Immo omnia vxoris bona, quæ ipsa habebat eo tempore, quo aliquid ei donatum fuit à marito, vel intuitu mariti, & quæ postea habebit, hypothece subiiciuntur pro restitutione acceptorum, filiis prioris matrimonij facienda. *tom. 2. pag. 630. numero 32.*

28. Donatio omnium bonorum presentium, & futurorum inter viuos, inualida est, nisi fiat Ecclesie, vel cause pie, aut confirmetur iuramento: quia per hanc donationem adimitur potestas testandi, quam iura voluntariam testandi que conferuntur. At causa mortis fieri potest: quia non adimit potestatem testandi, cum donator possit adhuc alium hæredem instituire, qui accipiat Falcidiam, id est quartam partem. *ibid. num. 1.*

#### Donationis insinuatio.

29. Nomine insinuationis intelligitur denunciatio, seu manifestatio, qua donans declarari iudici in scriptis, se liberè tantum summam alteri donare, & iudex suo consensu illam approbat; sufficit autem presentia iudicis, absque cognitione causæ. *ibid. num. 1.*

30. Ad donationem excedentem quingentos solidos id est aureos nummos. requiritur insinuatio; alioquin donatio inualida est quoad excessum, nisi firmetur iuramento. vel fiat cause pie, vel nisi fiat à Principe absoluto. Donatio tamen, quæ fit ob causam, valida est sine insinuatione; quia hæc non est propriè donatio. Quæ verò fit causam mortis sine insinuatione, etiam si nonnullis videatur inualida, probabilius tamen videtur validam esse. *ibid. num. 2. pag. 631.*

31. Inualida est donatio absque insinuatione, quo donator donat alteri annuam pensionem non excedentem summam, quæ requirit insinuationem, cum onere ut hoc ius transeat ad hæredes. Secus si donatio ita fiat ut mortuo donatore, vel donatario, cesset donatio, & pensio extinguatur. *pag. 631. num. 2.*

32. Translatio bonorum in monasterium, facta à religioso ibi professio, non indiget insinuatione: qui non est mera donatio, sed est quid consequens personam. Item cum mulier omnia bona sua in dotem tradit, non opus est insinuatione; quia hæc non est donatio. *ibid.*

33. Donatio facta pluribus simul, absque insinuatione, valida non est quo ad excessum quingentorum solidorum; consequenter aliquid singulis detrahendum est ad ratam, donec perueniatur ad eam quantitatem, ad quam non requiritur insinuatio. Sin donatio fiat diuerso tempore, valida est, siue vni, & eidem, siue pluribus fiat, modo non excedat præ-

fatum



fatam suam respectu singulorum: sunt enim plures donationes. *ibid. num. 4.*

34. Non est integrum donanti rescindere, quoties voluerit, donationem factam inter viuos, his tribus casibus exceptis. 1. ob ingratitudinem donatarij, modo donatio non sit facta ob causam, vel cum expresso iuramento non reuocandi: hæc autem ingratitudo contingit vel cum donatarius, vitæ donatoris infidatus est, vel ei graue iniuriam intulit, vel si ei denegauit alimenta constituto in necessitate, &c. donatio autem facta Ecclesiæ, aut monasterio, non potest ob ingratitudinem Prælati, seu Capituli reuocari, quia censetur facta Deo, qui est liber illius remunerator. 2. causa reuocanda donationis est susceptio proles legitimæ, non præcogitata; hæc enim est dispositio iuris. Hæc obserua hæc esse discrimen inter donationem factam extraneo, & factam filiis legitimis, seu aui, aut patri; quod donatio facta extraneo, reuocatur in totum, at facta filio emancipato, vel patri, vel aui, reuocatur tantum in partem, quatenus opus est ad supplendam legitimam filiorum, qui postea nati sunt: donatio autem facta Ecclesiæ, seu monasterio, non rescinditur in totum, sed in partem tantum, quia Ecclesia habetur loco filij. 3. causa est inofficiosa donatio, quando scilicet pater non retinet quantum postulat legitima portio filiorum; est enim contra officium pietatis. *tom. 2. pag. 632. 633. num. 2. & seq.*

35. Si filij nascantur post donationem; sed adhuc viuente patre moriantur, & donator iam repetierit rem donatam ante mortem filiorum, donatio non reuiuiscit: quia prole superueniente fuit extincta. At si filij moriantur antequam res donata repetatur, donatarius non tenetur postea illam donatori repetenti restituere; quia donatio non censetur extincta: *tom. 2. pag. 633. num. 10. & 17.*

36. Si facta donatione filius spurius nascatur, qui priuilegio Principis legitimetur, non reuocatur donatio. Secus si spurius per subsequens matrimonium legitimetur: quia hic est verè legitimus ex legitima vxore susceptus. *ibid. num. 8.*

37. Donatio facta causâ mortis, potest à donatore vsque ad mortem reuocari, sicut reuocari potest legatum, & testamentum: hæc enim donatio, ex dispositione iuris, fit cum hac tacita conditione, nisi reuocetur. Quare si quis addat hanc conditionem, *ut reuocari non possit*, hæc iam non erit donatio causâ mortis, sed potius inter viuos: nam illa conditio repugnat donationi causâ mortis. Porro donatio causâ mortis, ipso facto reuocatur, si donatarius ante donatorem moriatur. Item si donatio facta est intuitu alicuius periculi; sublato periculo censetur tacite reuocata. *ibid. num. 20.*



## D O S.

*Quid, & quoruplex sit dos.*

1. **C**ontractus dotalis est conuentio, seu promissio, vel datio alicuius rei ad matrimonij onera sustinenda. Dos verò, quæ est materia huius contractus, est id, quod datur viro ad illa onera sustinenda, siue detur ab ipsa vxore, siue ab alio, nomine vxoris. Porro non est de ratione dotis, vt dominium transferatur in virum; sed sufficit, vt vsus, seu fructus dotis concedatur viro ad alendam vxorem, communia pignora, & familiam. *tom. 2. pag. 595. num. 1. & 2.*

2. Dos alia est *profectitia*, quæ a patre, vel ab alio ascendente per lineam masculinam, vel ab auo paterno, vel proauo, de ipsorum bonis proficiscitur; alia *aduentitia* quæ prouenit non à patre, vt pater est, vel ab alio ascendente per lineam masculinam; sed aliunde, vt à matre, fratre, auunculo, &c. vel ab ipsa vxore. Dos profectitia, mortuo marito, non reuertitur ad ipsam vxorem, si non sit emancipata; sed ad ipsius parentem, à quo data fuit, cum hoc tamen onere, vt eam restituat filia, si ad secundas nuptias aduolauerit, modò patris facultates non sint adeo imminutæ, vt integram dotem restituere non possit. Dos aduentitia, mortuo viro, reuertitur ad vxorem, nisi is, qui eam tradidit expressè conuenerit, vt ad se redeat. *ibid. n. 3. & pag. 596.*

3. Rursus dos alia est *æstimata*, alia *inæstimata*. *Æstimata* duplex est, 1. *æstimata æstimatione venditionem faciente*, cum videlicet res dotalis ita æstimantur, vt marito tradantur, tanquam venditæ eo pretio, quo sunt æstimate; in quo casu dominium illarum, subsecuto matrimonio, acquiritur marito. 2. *æstimata æstimatione, quæ non facit venditionem*, sed solum æstimatur, vt sciatur eius valor, vt si pereat, aut deterior fiat culpa viri, facile constet ad quid teneatur, si dos fuerit restituenda: huius autem dotis dominium est penes vxorem, perinde ac si esset inæstimata. *tom. 2. pag. 596. num. 3.*

4. Quando tradita fuit viro res inæstimata; aut æstimata æstimatione, quæ non facit venditionem, restituenda est res ipsa, nec pretium substitui potest inuita vxore; quia dominium illius rei est penes vxorem; res autem domino restituenda est. Si verò tradita fuit res æstimata æstimatione venditionem faciente, vir non tenetur illam tradere, tenetur tamen ad integram illius æstimationem, & pretium. *ibid. num. 4.*

5. Omnes fœtus gregis, qui viro traditus fuit æstimatus æstimatione venditionem faciente, spectant ad virum, sed pretium, dissoluti matrimonio, reddendum est vxori. At si grex traditus fuit inæstimatus, fœtus gregis pertinent quidem ad maritum, quia fructus dotis ad ipsam pertinent; ex iuris tamen dispositione maritus tenebitur ex fœtibus, si pereant aliquot



aliquot capita illius gregis, tantundem reponere, & supplere, vt integrum capitale vxori remaneat. *ibid.*

6. Res dotales, quæ traditæ fuerunt marito inæstimatæ, aut etiam æstimatæ æstimatione venditionem non faciente, ipsæmet in indiuiduo restituendæ sunt, si matrimonium subsequutum non fuit: quia res vendita sub conditione, stat periculo tradentis, donec conditio adimpleatur, quia penes tradentem manet dominium. *ibid. num. 5.*

*Cuius sit dotem constituere.*

7. Omnes, qui liberam habent bonorum administrationem, possunt dotem puellis constituere, nisi aliqua lege prohibeantur: quilibet enim, est rei suæ moderator, & arbiter. Vir tamen non potest, constante matrimonio, constituere dotem vxori, nisi id faciat cum iuramento de futuro, aut remunerationis causa: quia donatio inter coniuges irrita est. Si verò ante matrimonium, vir mulieri dotem constituat, transferendo ex tunc dominium dotis in sponfam, valet illa dotis constitutio: quia hæc non est propriè dos, cum non fiat sub conditione matrimonij, nec referatur in tempus matrimonij contracti. *tom. 2. pag. 597. num. 1. & seq.*

8. Confessio dotis, qua quis fatetur se dotem simpliciter non accepisse, quam verè non accepit, si facta fuit ante contractum matrimonium, vim habet donationis, sed est omnino irrita, & inualida, neque firmatur morte donantis, sicut ceteræ donationes inter coniuges, nisi post contractum matrimonij ratificetur. At si confessio dotis facta fuit celebrato iam matrimonio, irrita quidem est, cum sit donatio inter coniuges; firmatur tamen morte donantis. Verùm si hæc confessio facta fuit fictè. v. g. ad vitandas parentum molestias, vel ad consulendum proprio honori, hæredes mariti non tenentur dotem fictè assertam restituere: quia donatio ficta nulla inducit obligationem. *ibid. num. 4.*

9. Vxor, ratione huius confessionis, non gaudet privilegio prælationis, & in huiusmodi causa idem seruandum est, quod seruatur in reliquis donationibus inter virum, & vxorem. Quia subest suspicio id factum, fuisse in fraudem creditorum; consequenter mulier gaudere non debet privilegijs dotis in damnum creditorum. *tom. 2. pag. 598. num. 7.*

10. Pater, dum est sui iuris, tenetur quasi ex iustitia, & pietate pater-na constituere dotem filie, etiamsi filia sit diues, vel post primam dotis constitutionem, sine dote manferit, vel etiamsi emancipata sit, vel ingressura sit religionem, vel etiamsi sit spuria, aut nubat inuito patre; modò tamen matrimonium non contrahat cum indigno, inuito patre, aut non elegerit viuere luxuriosè, volente patre illam in matrimonium collocare intra viginti quinque annos. Si verò pater nondum sit sui iuris, sed ipse sub patria potestate adhuc existat, onus dotandi spectat ad aum paternum: quia penes illum residet patria potestas. *ibid. num. 8.*



11. Filia nubens indigno, inuito patre, priuari potest dote congrua, & competente, non vero dote commensurata alimentis debitis. Coniux autem indignus, dicitur is, cum quo femina contrahere nequit sine dedecore familiae; at æquum non videtur, ut pater cogatur dotare filiam, quæ dedecus familiae attulit: quia tamen adhuc alenda est à patre, non potest priuari dote commensurata debitis alimentis. *rom. 2. pag. 599. n. 16.*

12. Mater non tenetur filiam dotare, nisi ob defectum dotis nubere non possit, & eius pudor periclitetur: quia onus alendi filios non incumbit matri, nisi pater illos alere non possit. *ibid. num. 19.*

13. Frater non tenetur dotare sororem, quando habet ascendentes diuites: quia sicut ascendentes in successione, præferuntur fratribus, ita etiam præferendi sunt in onere dotis, & alimentorum. Si verò frater non habeat ascendentes, tenetur ipse alere, & dotare sororem ex beneficii fructibus, si aliter non possit: sic enim postulat ordo charitatis, & dispositio iuris, in quo habetur non posse pupillum repetere alimenta à tutore, quæ tutor eius sorori tribuit, quod argumento est fratrem teneri alere sororem. *rom. 2. pag. 600. n. 22.*

14. Fiscus tenetur dotare filias delinquentium, quando ipsorum bona addicuntur fisco: quia fiscus succedit in bona delinquentis quasi eius hæres. Excipitur casus confiscationis bonorum ob crimen hæresis: tunc enim filiis delinquentis nihil resequatur ob criminis atrocitatem. *ib. n. 26.*

*An vir teneatur uxorem alere sine dote.*

15. Vir tenetur præbere alimenta vxori quam duxit absque promissione dotis: quia iuri suo cessisse videtur, contentus ipsa vxoris persona pro dote. Vir autem, cui dos promissa, sed nondum soluta fuit, non tenetur alere vxorem: quia obligauit se ad alendam vxorem in compensationem dotis. Hoc tamen intellige, in modò is, qui dotem soluere tenetur, sit in mora soluendi: nam si non sit in mora, eo quòd nondum elapsus sit terminus, non potest vir ob defectum solutionis dotis, alimenta vxori denegare; quia iuri suo cessit cōcedendo dilationem. *rom. 2. pag. 601. n. 1. & seq.*

16. Vxor, regulariter loquendo, non potest, constante matrimonio, repetere dotem: sic enim habetur in iure. Nisi in casu diuorij, quando coniuges separantur quoad torum, & habitationem, matrimonij vinculo non dissoluto: tunc enim vir non sustinet onera matrimonij. Aut nisi vir dotem male administraret: quando enim probabiliter timetur, ne vir dotem dilapidet, potest vxor illam repetere. *ibid. n. 1. & seq.*

17. Extraneus, qui dotem vxori dedit hoc pacto, ut si ipsa sine liberis decedat, dos ad ipsum reuertatur, constante matrimonio, non habet ius repetendi dotem; quia hoc privilegium solis mulieribus conceditur. Potest tamen sibi consulere, ne dotem amittat: potest enim petere fideiussores ad securitatem dotis sibi restituendæ, si femina decedat sine liberis. *tom. 1. pag. 602. num. 8.*

*Ad*



*Ad quem pertineant fructus dotis.*

18. Fructus rei dotalis traditæ viro, pertinent ad virum: quia dos traditur ad onera matrimonij sustinenda. At si dos promissa fuit, sed non soluta debito tempore, potest vir agere contra vxorem morosam, quatenus scilicet ipsius interest: debitor enim, qui est in mora soluendi, tenetur ad restitutionem damni, & interesse creditori. *ibid. num. 1. & 7.*

*Cuinam dos pereat, vel acquiratur.*

19. Si dos promissa, obtenta non fuit à viro absque vlla ipsius culpa, non tenetur vir ad restitutionem dotis. Si verò ob ipsius culpam obtenta non fuit, perit ipsi viro, ita vt ipse, dissoluto matrimonio, teneatur vxori, aut eius hæredibus dotem restituere, ac si re ipsa dotem accepisset. Nisi dos soluenda esset ab ipsa vxore, vel ipsius patre, alioue ascendente per lineam masculinam; tunc enim negligentia viri in petendo, non nocet ipsi viro, sed vxori: quia hæc negligentia imputatur reuerentiæ mariti in vxorem, vel in eius parentes. *rom. 2. pag. 603. n. 1. & 2.*

20. Si dos tradita pereat culpa vxoris, vt quia ob ipsius culpam publicatur, perit vxori, consequenter vir soluto matrimonio, non tenetur illam restituere; perinde enim est ac si vir dotem non accepisset. Vxor tamen alenda est à viro, nisi ipsa parentes habeat, qui eam alere possint: hoc enim exigit arctissimum coniugij vinculum. *ibid. num. 3. & 4.*

21. Res, quæ traditæ sunt in dotem æstimatæ, æstimatione venditionem faciente, siue sint mobiles, siue immobiles, alienari possunt à marito absque consensu. Idem dicendum de rebus functionem recipientibus: quia maritus harum rerum dominium pleno iure acquisiuit. Huiusmodi tamen bona manent hypothecata vxori. Immo vxor potest huiusmodi res, etiam postquam à marito alienatæ sunt, si adhuc existant, & maritus non sit soluendo, repetere, & vendicare: sic enim ius decreuit in subsidium vxoris. *ibid. n. 1.*

22. Res mobiles, quæ traditæ sunt in æstimatæ, aut æstimatæ æstimatione non faciente venditionem, alienari non possunt absque consensu vxoris: vxor enim est harum rerum domina. Res autem immobiles traditæ in dotem in æstimatæ, aut æstimatæ æstimatione non faciente venditionem, alienari non possunt etiam de vxoris consensu, his casibus exceptis. 1. quando vxor absque dolo, aut metu confirmauit alienationem. 2. quando fundus dotalis ad plures pertinet, nec commodè diuidi potest: huius enim fundi alienatio valida est, si fiat iudice consentiente: sit quippe ex causa necessaria, & independentè à voluntate mariti, aut vxoris. Vt si in dotem data sit pars molendini: aut vineæ communis pluribus, quæ commodè diuidi nequeat in partes, & socij petant vineam vendi plus offerenti. 3. casus est,



est, quando alienatio fundi dotalis utilis est vxori: tunc enim valida est, facta de consensu vxoris, si fundus melior subrogetur. 4. casus est, quando fundus dotalis alienatur ad satisfaciendum ari alieno, quod vxor contraxerat ante initum matrimonium. *ibid. num. 2. & pag. 604. num. 5. & seq.*

23. Quando matrimonium quoad torum, & habitationem soluitur culpa vxoris, dos ei restituenda non est, sed apud virum remanere debet: quia vxor per adulterium amittit dotem. Sin matrimonium soluitur morte vxoris, dos aduentitia iure communi, pertinet ad hæreses vxoris, succedentes ex testamento, vel ab intestato. Porro ab intestato succedunt primo descendentes. 2. in defectum descendantium, ascendentes. 3. collaterales, & in horum defectum, maritus. *tom. 2. pag. 605. num. 1. & 2.*

24. Dos profectitia, si maritus prius moriatur, quam vxor, non acquiritur filijs, sed patri: nam consuetudo solum obtinuit, vt dos acquiratur filijs, quando vxor, filios relinquens, præmoriatur viro; non autem quando vir præmoriatur vxori. *ibid.*

25. Dos, quam pater tradidit filiae spurie, ipsa mortua reuertitur ad patrem, quando aliquid dotis superest excedens alimenta debita in totam vitam: quia nati ex damnato complexu, iure Casareo, incapaces sunt bonorum paternorum, & iure canonico redduntur habiles solum ad accipienda alimenta. At si quod datum est spuria, dotis nomine, non excedat alimenta totius vitæ, censetur datum pro alimentis, consequenter eius dominium pertinet ad spuriam, & transit ad ipsius hæreses. *ibid. n. 3.*

26. Propter dilatam dotis restitutionem ultra annum, non potest aliquid exigi, vel in pactum deduci, præciso lucro cessante, vel damno emergente: quia dilatio restitutionis dotis est intuitum virtuale, vi cuius nihil accipi potest absque labe vsuræ. *tom. 2. pag. 606. n. 9.*

27. Mulier, quæ prægnans à viro defuncto relicta fuit, alenda est ex bonis viri, siue dotem iam receperit, siue non: hoc enim ei debetur ratione prolis, quæ cum sit pars defuncti, alenda est ex ipsius bonis. Sin mulier non remansit prægnans, non est alenda ex bonis mariti, nisi ipsa sit inops, & aliunde non suppetant alimenta. *ibid. n. 10.*

28. Non solum impensæ necessariae, sed etiam viles factæ circa rem dotalem, deduci possunt ab hæredibus mariti, quando dotem inestimam restituere debent, nisi expensæ sint modicæ, & levis momenti. Expensæ autem voluntariæ, etiamsi factæ sint de mandato vxoris, repeti non possunt, nec deduci in restituenda dote. *tom. 2. pag. 607. num. 1. & 3.*

29. Vxor, soluto matrimonio, non tenetur stare locationi rei dotalis factæ à marito, quando illi locationi ipsa contradixit ab initio, aut iustam habuit contradicendi causam. Sin ab initio non contradixit, nec iustam habuit contradicendi causam, vxor tenetur persistere in contractu, facto à marito, quia par non est, vt maritus damnum patiatur ob inculpabilem administrationem rerum vxoris: at si vxor non staret locationi, maritus damnum pateretur, quia obligaretur ad compensandum conductori interesse reliqui



reliquit temporis. Hinc etiam parer vxorem teneri, soluto matrimonio, stare locationi rerum paraphernalium, quam vir fecit nomine vxoris: tenetur enim approbare id, quod ipsius administrator fecit *ibid. n. 1. & seq.*

30. Diuisio fructuum rei dotalis inæstimata, inter virum, & vxorem, seu inter vtriusque heredes, facienda est ad ratam temporis, quo matrimonium durauit. Vnde sequitur maritum, qui quatuor mensibus, matrimonio opera sustinuit, habere ius ad tertiam fructuum partem. Item maritum, qui tempore vindemiæ Kalendis Octob. contraxit matrimonium, & in dotem inæstimatam accepit agrum plenum vuis, quibus collectis, eundem agrum ita coluit vt ante sequentes Kalend. Octob. vindemiam fecerit, qua facta statim solutum est matrimonium, lucrari duas vindemias. *ibid. num. 1. & 2.*

*Dotalia, & paraphernalia bona quæ differant.*

31. Paraphernalia dicuntur bona extra dotem, quia scilicet vxor illa non tradit viro in dotem, sed sibi referuat non solum quo ad l. dominium, sed etiam quo ad vsum fructum, & administrationem: huc etiam reuocantur bona, quæ post contractum matrimonium vxor acquisiuit siue donatione, siue legato, siue alia ratione, aut etiam illa, quæ vxor suo labore, & industria acquisiuit. Ea verò bona, quæ mulier nubens sibi non referuauit, censentur dotalia: mulier enim dum nubit, censetur omnia sua bona viro in dotem assignare. *tom. 2. pag. 608. num. 1. & 2.*

32. Paraphernalia igitur bona pertinent ad vxorem, quo ad dominium, vsum fructum, & administrationem, ita vt maritus ea nequeat, inquit vxori administrare. Decet tamen vxorem se, suaque omnia marito committere administranda. *ibid. num. 3.*

33. Dos à paraphernalibus bonis hoc maximè differt, quòd dos habet priuilegium, vt propter ipsam hypothecata maneant omnia mariti bona, & gaudeat iure prælationis contra alios antiquiores creditores, paraphernalia verò non habent ius prælationis, licet pro ipsis hypothecata maneant bona mariti, quando ei permissa fuit paraphernalium administratio. *ibid.*

34. Vir, cui concessa fuit administratio bonorum paraphernalium suæ vxoris, sibi retinere potest fructus industriales, quos ex paraphernalibus percepit, & de consensu vxoris consumpsit. Item fructus naturales consumptos, ex quibus non est factus diuor. At fructus extantes, ipsaque paraphernalia, post solutum matrimonium, restituenda sunt vxori, vel eius hæredibus. Porro in iis seruandis, & cur indies tenetur maritus de lata, & leui culpa; quia commodum percipit ex ipsorum administratione, sicque habetur in iure. *ibid. num. 4.*

*Quas ob causas vxor priuetur dote.*

35. Dos vxoris, constante matrimonio, in quinque casibus publicatur.



1. casus est crimen lesa maiestatis, cui addendum crimen haresis, vt pote crimen lesa maiestatis diuine. 2. violentie. 3. parricidij. 4. veneficij. 5. homicidij. Aliis etiam de causis, alia vxoris bona, pro ratione criminis, publicari possunt. Post publicationem tamen bonorum vxoris, eadem marito competunt iura contra fiscum, quę ipsi contra vxorem competeant. *rom. 2. pag. 609. num. 1. & 4.*

36. Dos vxoris, tradita, vel promissa, vxori perit; & marito saltem post sententiam iudicis acquiritur propter adulterium vxoris verum, & consummatum contra mariti voluntatem, modo maritus coquinatus non sit eodem delicto, aut gratiam reconciliationis non concesserit vxori adultere, aut illam ob adulterium non occiderit, & modo is, qui eam dotauit, stipulatus non sit, vt dos soluto matrimonio ad se redeat, & modo vxor non susceperit filios ex marito, aut ex alio priore matrimonio. *ibid. n. 5.*

37. Vxor non amittit dotem propter adulterium, quando vir adulterium, seu aliud delictum sufficiens ad faciendum diuortium commisit ante, vel post adulterium vxoris: quia paria delicta, mutua compensatione absolentur. Hinc sequitur virum adulterum licet occultum, non posse dotem suę vxoris adultere publice lucrari, aut retinere; quia dos acquiritur viro innocenti, non autem adultero. *rom. 2. pag. 610. num. 12.*

38. Vir, qui vxorem criminaliter accusauit de adulterio, non potest in foro externo illam ciuilitate accusare, petens diuortium, & dotis amissionem: quia ad vitandam litium multitudinem interdictum est intentare actionem criminalem, & ciuilem principaliter, consergentem ex eadem causa, dum prius iudicium nondum est finitum. *rom. 2. pag. 611. n. 3.*

39. In causa adulterij ad faciendum diuortium perpetuum, vel temporale, solus iudex Ecclesiasticus est competens: quia agitur de vinculo matrimonij, quod est Sacramentum: & quia accessorium sequitur principale, ad eundem iudicem pertinet causa alimentorum, & dotis amittendę. Itavt si vxor adultera a viro separata, petat alimenta coram iudice seculari, & vir opponat illi adulterium, secularis iudex nequeat in causa vterius progredi, donec causa diuortij ab Ecclesiastico iudice decisa fuerit. At si criminaliter agatur de adulterio ad poenam sanguinis de eo sumendam, cognitio pertinet ad iudicem secularem; quia Ecclesiasticis non licet se immiscere in causa sanguinis. *rom. 2. pag. 613. num. 2.*

*De hypotheca vxoris in bonis mariti cum privilegio prelacionis.*

40. Hypotheca alia est tacita, quę inducitur a lege; alia expressa, quam contrahentes in pactum deducunt. Vxor, quę marito dotem dedit, habet tacitam hypothecam in bonis mariti, virtute cuius hypotheca ipsi, seu ipsius filij, ac descendentes, in recuperatione dotis preferenda est ceteris creditoribus realibus, habentibus anteriorem tacitam, seu expressam hypothecam, modo non sunt privilegiati, aut vxor non renouauerit beneficio

hypo-



hypotheca. Quo fit, vt si bona mariti non sufficiant ad satisfaciendum omnibus creditoribus, nihilominus integre satisfaciendum sit vxori ex bonis mariti. Neque tantum ratione dotis, sed etiam paraphernalium, vxor habet tacitam hypothecam in bonis mariti; non tamen habet priuilegium praelationis, ratione paraphernalium. *tom. 2. pag. 611. n. 1. & seq.*

41. Si maritus, qui duas habuit vxores, conueniatur de duplici dote, restituenda, priore loco soluenda est dos prioris, consequenter, si eadem bona sint pro eadem dote hypothecata, & pro vna sola dote sufficiat, prius erit ex bonis extrahenda dos prior, quam posterior. Quia qui prior est tempore, potior est iure, nisi ius aliud decernat. *tom. 2. pag. 612. num. 6.*

42. Si facta promissione dotis, vir confessus est se illam accepisse, sed non constat de actuali solutione, vxor habet ius praelationis in bonis viri, modo illa confessio facta fuerit sine fraude. *ibid. num. 15.*

43. Quando principaliter agitur de causa dotis, iudex competens est iudex secularis: quia tam res, quam persona est secularis, & laica. *ibid. n. 1.*

## Dubium.

1. **N**On solum in materia iustitiæ, verum etiam aliarum virtutum, posita sufficienti diligentia ad explorandam veritatem, valet illud axioma iurisperitorum. *In dubio melior est conditio possidentis.* Quia possessio est titulus communis omnibus virtutibus. Vnde sequitur iudicandum esse in fauorem subditi, quando dubitatur an tale ius extet: tum quia possessio stat pro subdito, qui suam possidet libertatem: tum quia si iudex in tali dubio vellet contra aliquem ferre sententiam, exponeret se periculo committendi iniustitiam. Quare dubitans post adhibitam debitam diligentiam, non tenetur id facere, quod dubitat, an sit præceptum. *tom. 2. pag. 364. num. 1. & 2.*

2. Qui æqualiter dubitat, an votum emiseric, necne, non obstringitur obligatione voti; melior enim est conditio possidentis, etiam si magis propendeat in eam partem, se votum emiseric, modo hæc propensio non generet assensum. *ibid. num. 3.*

3. Qui adhibitâ sufficienti diligentia dubitat vtrum promiserit alteri matrimonium, non tenetur promissionem adimplere: nam possessio stat pro libertate. At si constet promissionem factam fuisse; dubitetur autem, an facta fuerit animo se obligandi, promissio est adimplenda; idem dicendum de voto: quia tunc possessio stat pro voto, seu promissione. Idem sentiendum de eo, qui certo scit latam fuisse legem, sed dubitat vtrum sit liber à lege, ratione alicuius circumstantiæ; nam possessio stat pro lege, quam constat latam fuisse. *ibid. num. 4.*

4. Vouens in dubio tenetur tantum ad id, quod est minus; vt si dubitet vtrum vouerit religionem in communi, an verò hanc in particulari, tenetur solum eligere hanc in particulari, ita vt si ad istam non admittatur, so-



lurus sit obligatione voti. Item qui dubitat vtrum voterit castitatem, an celibatum, potest eligere celibatum, &c. *tom. 2. pag. 365. num. 5.*

5. Qui dubitat an iurauerit, non tenetur adimplere iuramentum. Secus dicendum de eo, qui dubitat an adimpleuerit iuramentum, quod certo scit se fecisse; tunc enim possessio stat pro iuramento. Item Sacerdos, qui dubitat an horas canonicas recitauerit, tenetur eas iterum recitare; quia possessio stat pro precepto; &c. *ibid. n. 6.*

6. Qui commisit adulterium, & dubitat an proles suscepta, sua sit, an mariti adultera, potest credere esse mariti; neque tenetur ad restitutionem. *ibid. num. 7.*

7. Qui vltima nocte bacchanalium, dubitat an media nox sit elapsa, potest vescicibus vetitis tempore ieiunij; quia possessio stat pro libertate, non vero pro lege ieiunij. Verum tamen est eum, qui cum hoc dubio comedit, non posse die sequenti Eucharistiam sumere, quia possessio stat pro precepto Ecclesiae praescribentis Eucharistiam non esse sumendam nisi cum ieiunio naturali. *ibid. num. 8.*

8. Qui post adhibitam sufficientem diligentiam dubitat an expleuerit 21. annum, non tenetur ieiunare ex precepto Ecclesiae; nam possidet suam libertatem, & preceptum ieiunij, respectu illius, nondum est in possessione. At in dubio, an qui atigerit aetatem requisitam ad Ordines suscipiendos, non est admittendus; quia possessio suffragatur precepto Ecclesiae requirantis legitimam aetatem. *ibid. n. 11.*

9. Qui dubitat an sit legitimus, potest cum aliis fratribus hereditatem diuidere, facta prius debita diligentia ad veritatem explorandam; tum quia possessio illi fauet, & melior est conditio possidentis, se esse legitimum; tum quia in foro externo non priuabitur hereditate; idem autem est iudicium fori interni, & externi, quando forum externum non nititur falsa presumptione. *ibid. num. 12.*

### Duellum.

1. **D**uellum est pugna singularis deliberata ab vtraque parte, sponte, & ex condicto suscepta, statuto loco, & tempore cum periculo occisionis, mutilationis, aut vulneris. *disp. 2. quaest. 3. punct. 48. pag. 260. num. 2. tom. 3.*

2. Hinc sequitur quotidianos conflictus, qui subito ira feruore, vel ex rixa nascuntur, non esse duella, quia non fiunt ex condicto. Neque duellum committi ab iis, qui orta in Ecclesia rixa egrediuntur, ibique gladios stringunt, & pugnant; haec enim pugna non fit ex condicto, statuto loco, & tempore. Item duellum non committi, quando quis offert alteri duellum, illumque eodem tempore aggreditur stricto ferro, ita ut alter cogatur se defendere; quia non est assignatio loci, vel temporis. *ibid. n. 5. 8. & 9.*

3. Probabile est eum, qui alterum prouocat, non animo pugnandi, sed tantum



tantum honoris proprii defendendi causa, in foro conscientiae non affici excommunicatione, licet fieri possit, ut aliunde peccet, dum alterum ad peccatum inuitat. Immo nonnullis probabile videtur in foro conscientiae illos non incurrere excommunicationem, qui ad conditum locum accedunt absque animo verè pugnandi, sed tantummodò inferendi aliquos ictus cum morali securitate, quod nullum inde damnum secuturum sit, sed potius pax inde concilianda; hæc enim non est pugna cum periculo occisionis; quamquam in foro externo præsumitur duellum. *ibid. pag. 261. num. 14. tom. 3.*

4. Qui se pronocant ad singulare certamen nullo assignato loco, aut tempore, non committunt propriè duellum à Summis Pontif. sub excommunicatione prohibitum. *ibid. num. 15.*

5. Duellum per se loquendo est illicitum: quia per duellum vita innocentis periculo temerè exponitur; tum quia non licet quemquam occidere priuata auctoritate, multo minus in duello. In duobus tamen casibus fieri potest licitum. 1. ad duos contrarios exercitus sedandos; tunc enim licet pugnam periculo duorum dirimere per duellum, quia pars periculo exponitur, ut totum seruetur. 2. quando quis vitæ periculo cogitur acceptare duellum, seu ad vitam, seu ad honorem, seu ad res suas defendendas, nec alia ratione potest eas defendere; tunc enim non dicitur propriè duellum, sed iusta defensio. *ibid. num. 8.*

6. Hinc sequitur innocenti damnato ab iniquo iudice, ut vel mortem subeat, vel duello pugnet, ut se probe innocentem, licet acceptare duellum, non animo probandi se innocentem per duellum (hoc enim est vetitum, cum aliquando innocens succumbat) sed ut vitam tueatur, ad quam tuendam habet ius etiam cum alterius damno; potest enim magis diligere vitam suam, quam proximi. *ibid.*

### Duellantium poena.

7. Sub excommunicatione aliisque grauissimis poenis prohibitum est duellum ut colligitur ex Conc. Trid. *sess. 25. cap. 19.* & variis Summorum Pontif. constitutionibus Iulij II. Leonis X. Clement. VII. Iulij III. Pij IV. Greg. XIII. & Clem. VIII. Cuiusque verò, oppida, & loca, in quibus duellum commissum fuit, scientibus, & permittentibus dictorum locorum dominis, Ecclesiastico interdicto subiiciuntur. Item decertantes, si in ipso conflictu obierint, priuandi sunt Ecclesiastica sepultura. *ibid. num. 20.*

8. Illi priuandi sunt Ecclesiastica sepultura, etiam ante iudicis sententiam, quos constat in duello mortuos esse; etiam si ob vulnus acceptum, postmodum mortui fuerint, & contritionis signa dederint; quia priuatio Ecclesiastica sepulture inducta est in detestationem criminis, ut ceteri à duello deterreantur; quamobrem dici potest priuationem sepulture non infli-



gi per modum censuræ, sed per modum iustitiæ vindictiue. In dubio autem an quis in duello mortuus fuerit, iudicium est penes Episcopum, vel eius Vicarium. *ibid. pag. 262. num. 22. tom. 3.*

9. Clericus duello pugnans præter excommunicationem, incurrit suspensionem, irregularitatem, priuationem beneficiorum, dignitatum, & officiorum Ecclesiasticorum, & inhabilitatem ad illa, seu alia in posterum obtinenda; non tamen est ipso facto suspensus, sed suspendendus. *ibid. pag. 261. num. 21. tom. 3.*

10. Qui locum duello concedunt, vel non impediunt, si sunt domini, qui valeant impedire, ne duellum in sua ditione committatur, necnon qui mandato, consilio, auxilio, fauore, chartellis, intimatione, aut alio quouis modo cooperantur ad duellum, item qui duellantes ex industria spectant, easdem pœnas incurrunt quas ipsi, qui duello configunt. *ibid. pag. 262. num. 23. & seq. tom. 3.*

11. Acceptans duellum, statim atque acceptauit ipso facto excommunicationem incurrit. Idem sentiendum de comitantibus, nisi fortè comitentur, vt impedian. Si quis verò illac transiens, aut alia de causa ibi existens aspiciat duellum, non subiicitur his pœnis; nam Bulla loquitur de spectantibus ex proposito & de industria. *ibid. pag. 263. num. 29. & 30. tom. 3.*

12. Qui arma pugnaturum in duello accommodat, aut vendit, sciens, vel probabiliter credens ipsum illis vsurum ad duellum, in has pœnas incurrit, cooperatur enim duello; nisi iustam habeat accommodandi causam, vt si frater fratri volenti duellum inchoatum intermittere, tradat gladium quo se tueatur altero nolente intermittere; quia tunc ex parte volentis duellum intermittere, iam non vocatur duellum, sed iusta defensio. *ibid. num. 31.*

13. Qui scripta, & schedas prouocantes ad duellum facit, in excommunicationem incidit. Qui verò tantum narrat aliquod factum, ex quo videt sequiturum duellum, nisi hoc faciat, vt incitet ad duellum, non videtur excommunicationis reus; grauitur tamen peccat, quia est causa actionis iniustæ. *ibid. num. 32.*

14. Qui faciunt actionem aliquam, qua cooperantur ad duellum, consilio, auxilio, fauore, &c. si postea impedian, ne sequatur duellum, vel prouocatio; hanc censuram non incurrunt, nisi verò conetur impedire, etiam si postea prouocatio, aut duellum sequutum non fuerit, non excusantur ab excommunicatione; quia per ipsos non stetit quominus sequeretur. *Ibid. num. 33.* Hinc patet eum, qui schedam prouocatoriam scripsit, sed nondum affixit, nec intimauit, non affici excommunicatione, quia per ipsum, stat, ne denunciatio sequatur. *ibid. pag. 264. num. 34. tom. 3.*

15. Ab hac excommunicatione absoluerè potest Episcopus, quando delictum est occultum vel nondum deductum ad forum contentiosum, vel quando pœnitens iuste detinetur impedimento. quominus Papam adire possit. Possunt etiã religiosi absoluerè iuxta sua priuilegia, nisi fuerint reuocata,



cata, vti sunt re ipsa respectu existentium in Italia extra urbem Romam, in decreto Sacrae Congregationis quo ad prouocantes, aut pugnantes in duello iuxta decretum, & formam Tridentini & Gregorij XIII. vnde sequitur eum absolui posse a religiosis, qui post prouocationem sese contulit ad locum designatum, ibique frustra expectato aduersario, tandem discessit; quia iuxta decretum Gregorij XIII. requiri videtur effectus pugnae ad incurrendam excommunicationem soli Papae reseruata*ibid.* pag. 264. num. 38. & pag. 265. num. 41. tom. 3.

## E.

## E C C L E S I A.

*Ecclesiastica Libertas.*

1. **E**CCLESIASTICA libertas est immunitas, & exemptio ab oneribus, vel à subiectione, vel coactione temporalis, seu laicae potestatis: Seu, est libera facultas faciendi quidquid fieri licet. Vnde sequitur Ecclesiasticam libertatem laici, quoties laici aliquid clericis praecipunt, vel prohibent, quod iure diuino, vel canonico illis nec praecipitur nec prohibetur. Hæc autem libertas est triplex. 1. *Localis*, quæ competit Ecclesiis, ita vt qui ad ipsas confugiant, inde extrahi, & à laicis comprehendi non possint. 2. *Realis*, quæ gaudent bona Ecclesiastica, ita vt à censu, tributo, seu collectis potestatum sæcularium libera sint, & immunia. 3. *Personalis*, quæ personis ipsis Ecclesiasticis concessa est, ne oneribus afficiantur; cum enim personæ Ecclesiasticæ cultui diuino sint mancipatæ, par est, eas esse ab oneribus, & iudiciis laicorum Principum immunes. *disp. 1. quæst. 16. punct. 1. pag. 84. tom. 3.*

2. Clerici, alique Ecclesiastici iure ciuili, canonico, & diuino exempti sunt à laica potestate non solum quoad causas spirituales, verum etiam, quoad temporales, & quoad personas: Dicitur enim Psal. 104. *Nolite tangere Christos meos.* Hanc exemptionem Constantinus Magnus Imper. agnouit: cum enim multi famosi libelli contra clericos ad eum delati essent, respondisse fertur ad se iudicium de huiusmodi causis non pertinere; *vos enim*, inquit, *à nemine iudicari potestis, sed ad solius Dei iudicium reseruamini.* Neque obstat quod Paulus *Actor 25.* ad Cæsarem appellauit; non enim appellauit tanquam ad superiorem suum; sed tanquam ad superiorem illius iudicis inferioris, sub quo eius causa tunc agebatur, vt se ab iniusta vexatione redimeret, quam non poterat alia ratione à se amoliri. *ibid. punct. 2. pag. 85. tom. 3.*

3. Personæ Ecclesiasticæ sunt illæ, quæ sub laicorum genere non com-



prehenduntur, & priuilegio fori gaudent; in quibus censentur etiam minoribus ordinibus initiati modò seruent ea, quæ in Conc. Triden. *sess. 23. cap. 6.* præscribuntur: Extenditur etiam hoc priuilegium ad clericos conjugatos, modò non sint bigami, & habitum ac tonsuram gerant, & alicuius Ecclesiæ ministerio sint ab Episcopo deputati. Clerici etiam dicuntur, qui primam tonsuram susceperunt. Item religiosi cuiuscumque ordinis etiam nouitij dicuntur personæ Ecclesiasticæ. *ibid. punct. 3. pag. 87. tom. 3.*

4. Nouitius postquam religionem deseruit, etiam si non habeat beneficium, nec sacros ordines, à laica potestate iudicari, aut puniri non potest ob delictum tempore nouitatus perpetratum: quia hic tempore delicti erat nouitius, atque adeo immunis à laica potestate, ergo illud delictum non pertinet ad forum sæculare: quemadmodum qui tempore clericatus delictum commisit, non potest abdicato clericatu, ob illud delictum à iudice laico puniri. *ibid. pag. 88. num. 14.* At qui patrato delicto religionis habitum assumpsit, non gaudet priuilegio fori, si ad religionem fuit admissus non adhibita inquisitione, an aliquod delictum commiserit, an ære alieno teneatur, &c. sic enim decreuit Sixtus V. *ibid. num. 15.*

5. Equites, qui sunt verè religiosi, vt sunt Equites S. Ioannis, qui in communi viuunt, & tria solemnia vota emittunt, gaudent priuilegio canonis, & fori. Reliqui verò, qui vota non emittunt, minimè. *ibid. num. 16.*

6. Tertianj S. Francisci, vel S. Dominici, qui domi viuunt, extra Congregationem hoc priuilegio non gaudent, etiam si S. Francisci, vel S. Dominici regulam seruent, quia non sunt religiosi. Qui verò assumpto habitu monachali se se manciparunt obsequiis alicuius approbate religionis sub obedientia superioris, gaudent hoc priuilegio, quamdiu ita viuunt; nam pro illo tempore censentur personæ Ecclesiasticæ. Vnde sequitur illos, qui assumpto habitu religioso adhibentur ad obsequia monachorum, & religiosorum, & pro ipsis elemosynam petunt, gaudere hoc priuilegio. *ibid. num. 17.* Extenditur hoc priuilegium ad Eremitas viuentes in communitate, & ad eos, qui sub aliquo Prælato in communi viuunt ex tacita vel expressa Summi Pontif. facultate quamuis professionem non emittant; nam isti censentur religiosi. *ibid. num. 18. pag. 69. tom. 3.*

7. Omnes, cuiuscumque conditionis homines, qui auctoritate laica iniuste trahunt, vel trahi faciunt directe vel indirecte personas Ecclesiasticas ad se, suumque Tribunal, Audientiam, Concilium, Parlamentum, violant libertatem Ecclesiasticam; consequenter Bullæ Cœnæ excommunicationem 15. incurrunt. Quod verum est etiam in iudiciis Ecclesiasticis, qui auctoritate laica personas Ecclesiasticas trahunt ad suum sæculare tribunal. quia clerici iure diuino, & naturali exempti sunt à laica potestate. At quando collegium, quod constat ex Ecclesiasticis, & laicis æquali numero, iudicat clericos, laici, qui tunc cum Ecclesiasticis iudicant, pœnam excommunicationis non incurrunt; præsumitur enim collegium Ecclesiasticum; quippe dignius trahit ad se minus dignum. *ib. punct. 5. p. 90. t. 3.*



8. Iudices laici in hanc censuram incurrunt trahentes clericos ad suum tribunal etiam ob delictum commissum ante assumptionem status clericali aut religioso; quia iura simpliciter eximunt personas Ecclesiasticas, neque restrictionem addunt ad crimina post, vel ante clericatum commissas; tum quia qui patrato delicto confugit ad Ecclesiam materiale, gaudet privilegio immunitatis, neque potest à Curia seculari capi; ergo eodem privilegio immunitatis gaudet, qui commissio delicto statum clericalem assumit. *ibid. pag. 91. num. 8.* Dummodo tamen illum statum non assumpserit statim patrato delicto, animo vitandi forum saculare; in hoc enim casu subiiceretur potestati laicæ, quoad penam solum pecuniariam, non autem quoad penam corporalem: nam per susceptionem status Ecclesiastici effectus est de sorte, & hereditate Christi. *ibid. num. 9. & 10.* Sin absque fraude assumpsit statum Ecclesiasticum, non subiicitur potestati laicæ, ne quoad penam pecuniariam quidem: quamquam in foro externo præsumitur statum clericalem in fraudem fori suscipere, si statim post admissum delictum, vel accusationem, illum suscipiat. *ibid. num. 10. pag. 92. tom. 3.*

9. Iudices laici contrahunt censuram huius canonis trahentes Ecclesiasticos ad suum tribunal, etiam si trahant intentione absolvendi: Quia absolutio supponit iurisdictionem absolventis in eum, qui absoluitur, quæ hic nulla est. *ibid. num. 13.* Si tamen clericus volens se purgare se sponte sistit iudici seculari, iudex non incurrit excommunicationem, si illum iudicet; quia illum non trahit: tamen huiusmodi iudicium erit irritum, & invalidum. *ibid. punct. 4. pag. 89. num. 4. tom. 3.*

10. Reges aut Principes non possunt sine periculo excommunicationis coram se, vel suo tribunali auctoritative convocare Episcopos; aut alios Prælatos: etiam si id faciant pretextu libertatis Ecclesiasticæ tuendæ: quia nusquam legitur hæc facultas Principibus concessa. *ibid. punct. 5. pag. 92. num. 14. tom. 3.*

11. Iudex laicus vinculo excommunicationis obstringitur, si clericum, qui falsum coram se deposuit, trahat ad suum tribunal, ut illum pena corporali, vel pecuniaria puniat: Quia licet laicus falsum deponens coram iudice Ecclesiastico, possit ab illo puniri, ut detur locus præventioni; nihilominus iudex laicus non potest clericum coram se falsum deponentem punire defectu iurisdictionis. *ibid. num. 15.*

12. Clericus, qui officium tutoris, vel curatoris, vel administratoris bonorum exercuit, & in eo deliquit, non potest in iudicium à laico vocari ad reddendam rationem; quia ob delictum non amisit privilegium fori. *ibid. num. 17.* Item Clericus, qui tanquam heres in bona laici successit, non potest à iudice laico ratione illorum bonorum ad seculare forum trahi. Quia in Bulla excommunicantur trahentes quovis quæsito colore: Quod verum est etiam si lis inchoata fuisset contra laicum coram iudice laico, & lite pendente mortuus sit laicus, in cuius bona clericus successit;



nam inutilis esset sententia contra clericum à iudice laico prolata, quippe que non posset executioni mandari per iudicem laicum, neque Ecclesiasticus iudex cogi posset ad curandum, vt executioni mandetur. *ibidem*, num. 17. & 18.

13. Clericus, qui in iudicio seculari depositum recepit, non potest pro restitutione depositi coram laico iudice conueniri, vel cogi ad restituendum; quia exemptus est à laica potestate. Idem dicendum de clerico, qui coram iudice laico fideiussit pro laico, aut clerico. *ibid.* num. 19.

14. Clericus, qui cum laicis delictum commisit, iudicandus est ab Ecclesiastico iudice, non autem à laico. Immo non pauci DD. afferunt focios criminis ad Ecclesiasticum iudicem esse remittendos, tum ne de eadem re diuersæ, & pugnantes sententiæ ferantur; tum quia dignius trahit ad se minus dignum. Sed contraria sententia est probabilior. *ibid.* n. 20.

15. Laicus, qui iniuriam intulit Clerico, ab vtroque iudice & Ecclesiastico, & laico iudicari, ac puniri potest, non obstante absolutione, vel condemnatione facta in altero foro; Quia vtrique foro illata est iniuria, nam peccatum est contra ius canonicum, & ciuile. Cauendum tamen ne grauior imponatur pœna, quàm pro delicto. *ibid.* pag. 93. num. 22. tom. 3.

16. Clericus à laica potestate capi, & in carcerem detrudi, vel ad laicum iudicem adduci non potest, nisi capiatur in flagranti crimine graui, & periculum sit ne aufugiat; vel nisi incedat ad patrandum delictum, tunc enim capi potest, & detineri vt Ecclesiastico iudici tradatur, vel vt delictum impediatur, modò statim iudici Ecclesiastico consignetur. *ibid.* n. 23.

17. Qui auctoritate laica ad se trahit clericum illegitimum, aut alio canonico impedimento detentum, modò sit minoribus saltem ordinibus initiatus, & ea seruet quæ Concil. Trid. præscribit, incurrit in excommunicationem: quia huiusmodi impedimentum non tollit characterem, consequenter neque priuilegium ratione ordinis concessum. Secùs autem si hic clericus habeat tantum primam tonsuram; hæc enim characterem non imprimit. *ibid.* num. 28.

18. In his casibus potest iudex laicus absque excommunicationis pœna personas Ecclesiasticas ad suum tribunal trahere. 1. Si clericus fuerit degradatus, seu depositus realiter. 2. Si clericus sit bigamus. 3. Si suscepit clericalem habitum in fraudem fori secularis. 4. In causa feudi, nam vassallus, quamuis clericus, in iis, quæ pertinent ad feudum subicitur domino feudi quamuis seculari. 5. In causa reconuentionis; nam si clericus in ciuilibus conueniat laicum coram laico iudice, poterit laicus reconuenire clericum in materia ciuili coram eodem iudice; non tamen in causa criminali. 6. Si clericus sit incorrigibilis; tamen in casu incorrigibilitatis non amittit priuilegium fori ante sententiam iudicis Ecclesiastici; per quem tradendus est brachio seculari. 7. Si clericus per annum histrionicam exercuerit, aut si tertio monitus non resipuerit. 8. In causa assassini; tamen clericus assassini reus non subicitur potestati seculari, nisi post sententiam criminis declaratam.



claratoriam, à iudice Ecclesiastico ferendam. 9. Si Clericus prima tonsura, aut minoribus ordinibus initiatus non habeat beneficium Ecclesiasticum, aut clericalem habitum, & tonsuram gerens; alicui Ecclesiæ de mandato Episcopi non inferuiat, vel nisi in seminario, aut vniuersitate de Episcopi licentia versetur. *ibid. punct. 6. pag. 94. n. 3. & seq. tom. 3.*

19. Clericus qui habitum vel tonsuram aliquoties dimittit, non amittit priuilegium fori, nisi consuetudinem habeat non vtendi, ita vt vulgo laicus existimetur; quod intelligendum est de clerico primæ tonsuræ, vel minorum ordinum; nam si sermo sit de clerico sacris ordinibus initiato, vel habente beneficium Ecclesiasticum, probabile est illum non amittere priuilegium fori etiam si habitum, & tonsuram dimiserit, nisi fortè sit incorrigibilis, aut enormitatis se immiscuerit, aut nisi præcesserit trina admonitio, aut saltem vna publicè facta in synodo cum expressa comminatione, amissionis priuilegij, nisi habitum clericalem resumat. *ibid. pag. 96. num. 26. & 27. tom. 3.* Tamen clericus, qui iusta de causa non incedit in habitum, & tonsuram, non amittit priuilegium fori. *ibid. num. 28.*

20. In dubio an habitus, in quo inuentus est clericus, sit clericalis, hæc habitus cognitio ad Ecclesiasticum iudicem pertinet; quia ad eundem pertinet cognoscere, an habitus sit clericalis, ad quem pertinet præscribere habitum à clericis deferendum. *ibid. pag. 97. num. 31. tom. 3.*

21. Clericus, qui dimisso habitu vel tonsura, vel seruitio Ecclesiæ, amittit priuilegium fori, non propterea amittit etiam priuilegium canonis; quare qui huiusmodi clericum percutit, incurrit excommunicationem, nisi clericus sit coniugatus, aut nisi ita habitum dimiserit, vt vulgò laicus habeatur; cum enim ad statum laicalem transierit, æquum non est vt clericorum priuilegijs fruatur. *ibid. num. 35. & 36. tom. 3.*

### Decreta contra Ecclesiasticam Libertatem.

22. Qui statuta, vel decreta ex quauis causa faciunt, ordinant, vel publicant, aut iis vtuntur, quibus libertas Ecclesiastica læditur, vel iuribus Ecclesiæ derogatur, censuram Bullæ Cœnæ incurrunt. *ibid. sect. 2. punct. 3. pag. 104. num. 3. & 4. tom. 3.*

23. Statuta seu decreta contra libertatem Ecclesiasticam dicuntur ea, quæ iuri, exemptioni, seu priuilegijs Ecclesiasticorum, vel Ecclesiarum præiudicant, vt iuri decimarum, exemptioni à foro vel legibus laicorum, libertatè rerum Ecclesiasticarum gubernationi, immunitati locorum sacrarum, &c. *ibid. punct. 2. pag. 99. num. 1. tom. 3.*

24. Statuta, seu leges, per quas Ecclesiastici timidiore sunt, & nõ sinuntur frui rebus, quibus reliqui ciues fruuntur, & Ecclesiastico statui non repugnant, suntque omnibus communes; hæc, inquam, statuta Ecclesiasticæ libertati aduersantur. *ibid. num. 4.* Hinc patet laicos magistratus statuentes, ne clerici quid emant, aut vendant, ne panem coquant, nè in ciuitate morantur.



rentur. Item statuentes, ne laici vendant clericis, ne molant illis, vel coquant panem, aut ne alia obsequia clericis præstent, incurrere in excommunicationem huius Bullæ; hæc enim aduersantur Ecclesiasticæ immunitati. *ibid. par. 100. n. 4.* Idem dicendum de statuto, quo laici prohibentur cum clericis contractus inire; est enim irritum & Eccles. libertati repugnans; quippe sunt clerici deterioris conditionis quàm laici. *ibid. num. 5.*

25. Statutum arctans expensas in exequiis faciendas est contra libertatem Ecclesiasticam, quoties respicit eas expensas, quæ ad Dei cultum immediate, & ad salutem animæ defuncti spectant; hæc enim sunt annexa spiritualibus, in quibus laici nullam habent iurisdictionem. Si verò statutum ea tantum restringat, quæ pertinent ad pompam funeris, non videtur repugnare Ecclesiasticæ libertati. *ibid. n. 8.*

26. Statutum, quo cauetur ne quis beneficii possessionem capiat, sine licentia Principis, aut magistratus, est contra Eccles. libertatem. *num. 9.* Item quo prohibentur Ecclesiæ sine licentia Principum sæcularium ædificari; illud enim priuilegium fuit à Constantino Imper. Ecclesiæ concessum. *num. 10.*

27. Statutum, quo decernitur, ut non solum laici, sed etiam Clerici teneantur aliquam formam, seu pretium, vel aliud onus seruare in contractibus venditionis, emptionis, locationis, depositi, commodati, aut in donationibus, testamentis, legatis, & aliis huiusmodi, est contra libertatem Eccles. quatenus clericos obligare intendit. Quamvis enim clerici ex vi directiua teneantur seruare leges Principum sæcularium, quando ius, & equum id postulat; nihilominus Principes iurisdictionem in Ecclesiasticos exercere non possunt, nec eos exprimere in suis legibus onerosi, aliquid ipsis præcipiendo, aut prohibendo, neque pœnam ab ipsis, dum suas leges non seruant, repetere. *ibid. num. 11.*

18. Contractus à clericis celebrati sine solemnitate à iure ciuili præscripta sunt irriti, non quatenus irritantur à potestate laica; sed quatenus ius canonicum in huiusmodi leges acceptat, quoad vim directiuam; modò ius canonicum alia via non sustineat actum, vel in fauorem clerici, vel in fauorem actus. Quamobrem testamentum clerici factum sine solemnitate iuris ciuilis est validum, quia ius canonicum minori solemnitate contentum est. *ibid. par. 101. n. 14. tom. 3.*

29. Statutum, quo cauetur ne bona immobilia ad Ecclesiasticos, vel ad pia loca transferantur, vendantur, aut donentur, etiam si feudalia sint, aut ex ipsis tributum fisco soluatur, libertati Ecclesiasticæ repugnat; nam edentes huiusmodi statuta subiiciuntur excommunicationi tanquam violatores Ecclesiasticæ libertatis. *num. 17.* Idem dicendum de statuto, quo decernitur, ut de re ad pias causas relicta soluatur aliquid fisco, vel etiam alteri Ecclesiæ; quia laici circa huiusmodi spiritualia, aut spiritualibus annexa potestatem non habent. *num. 19.*

30. Statutum excludens eum, qui vult ingredi, vel est ingressus religionem,



nem, aut alios Ecclesiasticos à successione parentum, agnatorum, vel aliorum, est contra libertatem Eccles. quia impedit, ne bona locis piis, vel Ecclesiis acquirantur. *ibid. num. 21.*

31. Princeps, qui nullum in temporalibus superiorem agnoscit, non est reus violatæ libertatis Ecclesiasticæ, dum ad evitanda perinria, quæ passim in contractibus committuntur edicto cauet, ne iuramentum in celebratione contractuum adhibeatur, sed eius loco addatur hæc formula, *sub sincera, & immaculata fide*. Quia ad Principem spectat formam in contractibus seruandam præscribere, & immutare; iuramentum autem pertinet ad formam contractus; & sicut Princeps præcipere potest, vt iuramentum contractui addatur, ita potest prohibere, ne addatur. Porro licet iuramentum sit actus religionis, & vt sic sub laicam potestatem non cadat; nihilominus vtest actus humanus, & quid accessorium contractui, præcipi à Principe, & prohiberi posse videtur, non, vt est aliquid sacrum, sed vt est aliquid civile. *ibid. pag. 102. n. 26. tom. 3.*

32. Statutum, quo superior laicus præscribit, vt illius beneficio non fruantur, qui subditi non sunt, officit libertati Ecclesiasticæ, si ex circumstantiis appareat superiorem velle ab hoc priuilegio clericos excludi. Secus autem si in statuto nulla fiat mentio clericorum, neque directè, neque indirectè. *ibid. num. 29.* Ex iis, quæ hæctenus dicta sunt de statutis colligere est quandònam laici statuentes, censuram huius canonis incurrant. *ibid.*

33. In dubio an aliquod statutum libertati Ecclesiasticæ aduersetur, Episcopus cogere potest conditorem ad declarandum expressè tali statuto clericos, & Ecclesias non comprehendi. Si verò perspicuè constet illud statutum lædere libertatem Ecclesiasticam, præcipere debet conditori, & iis, ad quos pertinet, vt illud omninò tollant; sin nolint, debet ipse auctoritate sua tollere, & declarare, huiusmodi statutum irritum esse. *ibid. pag. 104. n. 41. tom. 3.*

34. Scriptores statutorum contra libertatem, & iura Ecclesiæ, censuram huius canonis non videntur incurrere, nisi fortè sint Cancellarij vel similes, quos Princeps vel Resp. constituit ad faciendam statuta pro bono communi. Quia ista excommunicatio videtur lata contra eos, qui statuta, vel decreta auctoritatiuè faciunt, vel ordinant; qui autem scribit, non auctoritatiuè facit, nisi sit Cancellarius. *ibid. punct. 3. pag. 105. nu. 7.* Item præcones, alique ministri inferiores quidè mandato superioris huiusmodi statuta contra libertatem Ecclesiasticam promulgant, huius canonis censuræ non subiiciuntur: quia non promulgant auctoritatiuè. *ibidem pag. 98. num. 8. tom. 3.*

35. Hæc excommunicatio contra libertatis Ecclesiasticæ violatores alibi passim in iure canonico lata inuenitur. 1. in cap. eos. excommunicantur domini temporales qui præcipiunt suis subditis, ne clericis vendant, aut ab eis emant, ne coquant, &c. 2. in cap. grauem, excommunicantur consiliarij, & officiales, qui non delent statuta contra libertatem. Eccles. 3. in cap.



cap. *nonerit*, excommunicantur statuarij, scriptores statutorum, ij, qui faciunt seruari statuta contra Eccles. libertatem, vel consuetudines introductas contra eandem libert. *ibid. tom. 3.*

*Ecclesiastica Iurisdictio.*

36. Qui directè vel indirectè impediunt iudices Ecclesiasticos ordinarios, seu Episcopos, seu alios Prælatos, quominus sua iurisdictione Ecclesiastica contra quoscunque vtantur iuxta canones, constitutiones Ecclesiasticas, & decreta Conciliorum generalium, & præsertim Tridentini, excommunicationi 16. Bullæ Cœnæ subiiciuntur. *disp. 3. quæst. 17. punct. 1. pag. 107. tom. 3.*

37. Hæc censura lata est in eos qui iniuste impediunt iurisdictionem Ecclesiasticam: Nam qui iuste impedit, non peccat, atque adeo excommunicationem non incurrit, quæ supponit peccatum mortale. Quare, qui Prælatus impedit, ne iurisdictione vtantur in eum, qui non est illi subditus, vel qui prohibet ne iudex Ecclesiasticus progrediatur in causâ, in qua reus ad illum legitimè appellauit; vel qui impedit Prælatum excommunicatum vitandum, ne iurisdictionem exerceat: hi, inquam, excommunicationem non incurrunt, quia iuste impediunt: Summus autem Pontif. excommunicat eos, qui impediunt iniuste, idest qui impediunt, ne Prælati iurisdictione vtantur iuxta præscriptum canonum, constitutionum Ecclesiast. & Conciliorum. *ibid. num. 4.*

38. Qui precibus, litteris hortatoriis, præmio, amore, &c. absque vlla vi, aut metu, efficit, ne iudex Ecclesiasticus sua iurisdictione vtatur, non subiacet huic excommunicationi; cum enim nullam vim adhibeat, non dicitur propriè impedire. *ibid. num. 3.*

39. In dubio an Prælatus sua iurisdictione legitimè, & iuxta constitutiones Ecclesiasticas vtatur, censendus est licitè vi; quia in factò superioris non præsumitur delictum; quare illum impediens censetur excommunicatus. *ibid. pag. 108. num. 6. tom. 3.*

40. Ad incurrendam huius canonis censuram requiritur, vt publica auctoritate prohibeatur iudex Ecclesiasticus ab exercitio suæ iurisdictionis; nam qui priuata auctoritate impedit, non videtur incurrere censuram: Vnde sequitur eum, qui noctu lacerat edictum Episcopi in loco publico affixum, non affici excommunicatione huius canonis; peccat tamen grauiter, & graues meretur pœnas. *ibid. num. 7. & 8.*

41. Non incurritur excommunicatio huius canonis impediendo vsum iurisdictionis delegatæ, sed ordinariæ. Dicitur autem delegata iurisdictione, quæ conceditur personæ, nec ei debetur ratione officij, seu dignitatis; ordinaria verò, quæ alicui competit ex officio. At Summus Pontif. loquitur de impediendis Prælatos ordinarios ne iurisdictione sua Ecclesiastica vtantur, ergo loquitur de iurisdictione ordinaria. *ibid. num. 10.*

Hinc



Hinc fit, vt impediens Episcopum in iis, quæ ad visitationem, ac morum correctionem subditorum suorum spectant, incurrat excommunicationem; etiam si forte iurisdictionem exerceat tanquam Delegatus Sedis Apost. iuxta Conc. Trid. Episcopus enim non ob id desinit esse ordinarius, nec dicitur iurisdictionem propriè delegatam exercere, cum hæc iurisdictionis dignitati Episcopali concedatur, sitque perpetua. *ibid. pag. 108. 109. num. 12. tom. 3.*

42. Impediens Episcopum etiam nondum consecratum, ne sua iurisdictione vtatur, censuram huius canonis incurrit; quia est iudex ordinarius: nam post confirmationem, habet iurisdictionem. Sin nondum Episcopatus possessionem adierit, non potest licet, & validè iurisdictionem exercere, antequam litteras Apostolicas obtineat. *ibid. num. 13.*

43. Qui iudicem Ecclesiasticum ordinarium in causa mixti fori præuenit cognoscendo causam, seu illam suscipiendo antequam ad iudicem, Ecclesiasticum deducta sit, non incurrit excommunicationem; quia non impedit iniuste cum locus sit præuentioni in causis, quæ pertinent ad vtrumque forum, & eius sit sententiam ferre, qui prior ad se causam auocauit. *ibid. num. 14.*

44. Qui incarcerant, aut vexant procuratores, familiares, consanguineos, vel affines Prelatorum, seu iudicum Ecclesiasticorum ordinario- rum, vt impedian vsum Ecclesiasticæ iurisdictionis, hanc censuram incurrunt; quia indirectè impediunt, sic enim Prelati à suo munere obeundo deterrentur. *ibid. num. 15.*

45. Qui impedit Episcopum, aut Parochum, ne alicui beneficium absolutionis sacramentalis impendat, huic censuræ non est obnoxius: absolutio enim sacramentalis est actus fori interni, non autem externi; at in Bulla sermo est de iurisdictione fori externi. *ibid. num. 16.* Idem dicendum de impediente Episcopum ne potestatem ordinis exerceat. *n. 17.*

46. Qui impedit iudicem Ecclesiasticum ordinarium, ne iurisdictione sua vtatur in causis ad ipsum pertinentibus, ex consuetudine per sacros canones, vel constitutiones Ecclesiasticas approbata, incurrit excommunicationem. Secus in causis ad iudicem Eccles. spectantibus ex consuetudine per canones non approbata. *ibid. num. 18.*

47. Non est vetitum sub excommunicatione impedire Prelatum, ne sua iurisdictione vtatur iuxta statuta Conciliorum Prouincialium: Quia nomine Constitutionum Ecclesiasticarum intelliguntur decreta Summorum Pontif. vel Conciliorum generalium. *ibid. num. 19.*

48. Ad hanc excommunicationem incurrendam non est satis impedire iudices Eccles. ne sua iurisdictione vtantur, nisi effectus impedimenti sequatur; si enim non obstante impedimento à sua iurisdictionis vfu non cessat, impediens non incurrit censuram: quia pœna ob delictum imposita non incurritur nisi delictum sit consummatum. *ibid. n. 20.*

49. Qui iudicium fori Ecclesiastici eludunt, recurriendo ad Cancellarias,



rias, & alias Curias sæculares animo impediendi sententias, & decreta iudicum Ecclesiasticorum ordinariorum, vel delegatorum, in Bullæ censuram incurrunt. *pag. 100. num. 22.* Quod verum est, etiamsi sententia, contra recurrentem lata esset violenta, & iniqua; quia in hoc casu non est confugiendum ad laicos, sed ad alios superiores Ecclesiasticos. *ibidem, num. 27.*

50. Ad hanc censuram incurrendam sufficit, vel à iudicibus Ecclesiasticis ad sæculares recurratur animo petendi ab eis auxilium, seu mandata, vel inhibitiones contra Ecclesiasticos iudices, etiamsi postea re ipsa non obtineantur, vel obtenta executioni non mandentur; quia in hoc canone recursus ad iudices sæculares per se prohibitus est. *ibid. n. 28.*

51. Qui curat deleri, & tolli decreta in Curia seculari edita in confirmationem decretorum Ecclesiasticorum non incidit in excommunicationem; quia non curat tolli decreta Ecclesiastica; sed tantum vult impedire ne in Curia seculari hæc decreta confirmentur. *ibid. num. 30.*

52. Qui procurat, vt à Curijs secularibus decernantur mandata, seu prohibitiones contra iudices Ecclesiasticos ordinarios, vel vt hæc prohibitiones executioni mandentur, vel qui huiusmodi prohibitiones facit, vel exequitur, in penâ huius canonis incurrat; quare satellites, alique iustitiamini, qui iudicum secularium mandata exequuntur contra Ecclesiasticos iudices, huic censuræ subiiciuntur. nisi grauis metus, aut ignorantia probabilis excuset. *ibid. num. 31. & seq.*

53. Qui auxilio, consilio, patrocinio vel fauore iuuat recurrentem à iudicibus Ecclesiasticis ad sæculares, in eandem censuram incurrat, si recurrens obtineat mandatum, vel inhibitionem contra iudices Ecclesiasticos, quia si non sequatur actio principaliter prohibita, actio accessoria non sufficit ad censuram incurrendam. *ibid. pag. 111. num. 37. & seq. tom. 3.*

54. Excommunicatio contra perturbantes iurisdictionem Ecclesiasticam, alibi etiam expressa inuenitur. Nam in cap. *Quoniam* excommunicantur, qui in causis ad forum Ecclesiasticum pertinentibus impediunt, ne quis litteras Apostolicas impetret, aut ne litiget coram iudice Ecclesiastico. Excommunicantur etiam dantes consilium, auxilium, vel fauorem; & ista excommunicatio perseverat, donec delinquens satisfecerit iudici Eccles. & parti, quam impediuit; non est tamen Pontifici reservata. Item in quadam Constitutione Greg. XIII. extat excommunicatio Summo Pontifici reservata contra Religiosos, vel Religiosas Ordinis S. Francisci de Observantia, qui ad Curias sæculares recurrunt contemnentes ordinationes Commissariorum Ministri Generalis. Item in capit. *Quicumque* fertur excommunicatio contra eos, qui dant licentiam vexandi iudices, qui censuram excommunicationis, suspensionis, vel interdicti tulerunt. Hæc autem excommunicatio est Summo Pontifici reservata si delinquens in ea manserit per duos menses. *ibid. tom. 3.*



## Ecclesiasticorum bonorum alienatio.

55. Ecclesiasticorum bonorum alienatio prohibita est iure naturali diuino, addito iuramento quoad Summum Pontif. & Cardinales respectu bonorum Sedis Apostolicæ: quoad Episcopos autem & Prælatos, respectu bonorum suæ Ecclesiæ. Est etiam vetitum iure Cæsareo in l. iubemus, & iure Canonico passim, maxime in Concil. Trident. sess. 25. cap. 11. tom. 1. pag. 726. num. 1.

56. Fieri tamen potest huiusmodi bonorum alienatio ex iusta causa, debita solemnitate adhibita, vel ad breue tempus, titulo locationis, aut in emphyteusim, in casibus à iure permissis. Fieri etiam potest alienatio rerum, quæ seruando seruari non possunt. *ibid. num. 1. & seq.*

57. Nomine alienationis hic intelligitur actus, quo dominium rei directum, vel utile, aut vsusfructus, aut ius in alterum transfertur, vel abdicatur. *ibid. pag. 727. n. 1.*

58. Ecclesiastica bona immobilia, & mobilia pretiosa, quæ seruando seruari possunt, alienari nequeunt: Mobilia verò, & pretiosa, quæ seruando seruari non possunt, Episcopus, vel administrator vendere potest sine alia solemnitate: quapropter vinum, frumentum, oleum, oues, capræ, &c. etiam sine solemnitate, validè alienari possunt. Idem dicendum de oblationibus, quæ sacræ Imagini fiunt, modo Episcopi consensus accedat. *ibid. num. 2. & seq.*

59. Pecunia ad Ecclesiam pertinens nec dari potest titulo mutui, nec in alios vsus consumi, quàm in eos, quibus destinata est, & addicta. Arbore, quæ radicibus solo adherent, suntque ligni durioris, incidendæ non sunt, nisi cum debita solemnitate. Item contractus, quo bona Confraternitatis, Collegij, aut Hospitalis, Episcopi auctoritate fundati, sine debita solemnitate alienantur, est irritus, & nullus. *ibid. num. 5. & seq.*

60. Bona monasterij, & Commendæ S. Ioannis Hierosolymitani, aut aliæ huiusmodi, sine Apostolicæ Sedis consensu alienari non possunt. Item ius patronatus Ecclesiasticum transferri in laicum nequit, nec res ab Ecclesia empta retrouendi absque debita solemnitate. *ibid. pag. 729. n. 13. & seq.*

61. Capellæ vsus cum sepultura, sine solemnitate concedi potest alicui, hoc enim non est alienare. *ibid. num. 12.*

62. Ad validam bonorum incorporaliū, iurium, actionum, & feruitutum Ecclesiæ alienationem, & bonorum immobilium, vel mobilium, pretiosorum oppignerationem requiritur solemnitas. Nec non vt res in feudum, aut emphyteusim dentur, quæ sic dari non solent. *ibid. num. 19. & seq.*

63. Bona patrimonialia, ad quorum titulum fuit aliquis ordinatus, absque Episcopi facultate alienari non possunt, donec clericus, qui ad illorum titulum fuit promotus, adeptus fuerit beneficiū Ecclesiasticum, vel aliunde habeat



habeat vnde sustentetur: hæc tamen bona, ipso mortuo, ad pristinam redeunt libertatem. *ibid. pag. 730. num. 28.*

64. Res Ecclesiæ pretiosæ, quæ seruando seruari possunt, vltra triennium locari nequeunt. Idem tempus præscribitur locationi beneficiorum; quare vltra triennium locatio etiam iuramento firmata non valet. *ibid. pag. 729. num. 24. & seq.*

65. Ecclesiæ lampades argenteæ, & id genus alia ad sacram suppellectilem pertinentia, alienari nequeunt ad fabricam Ecclesiæ promouendam, aut in alios vsus, nisi consuetudo in contrarium, quibusdam in locis obtinuerit. *ibid. pag. 730. num. 30.*

66. Legatum Ecclesiæ relictum potest ab Episcopo validè repudiari, nulla solemnitate seruata; cum enim nondum sit acceptatum, per repudiationem dici non potest alienari. *ibid. pag. 731. num. 33.*

67. Cessio hereditatis, quam Ecclesia nondum adiit, facta à Prælato sine debita solemnitate, in fauorem extranei, qui ad illam nullum ius habebat, est inuulda. *ibid. num. 34.*

68. Ecclesiasticorum bonorum alienatio quatuor ob causas licita fit, & valida, nempe ob vrgentem necessitatem, ob pietatem, ob euidentem Ecclesiæ vtilitatem, & ob causam, quæ Prælato videtur legitima, etiamsi posterè legitimè non iudicetur. *ibid. num. 1.*

69. Vt bona mensæ Episcopalis, aut Ecclesiæ Cathedralis, vel Collegiata legitimè alienentur, hæc solemnitates sunt seruandæ. 1. vt fiat tractatus, seu discussio, an expediat huiusmodi bona alienari, rationibus in vtrâque partem allatis, & expensis. 2. vt facta hac discussione, accedat consensus maioris partis Capituli, eorum scilicet, qui ad sunt. 3. requiritur in primis ipsius superioris consensus. *ibid. pag. 731. num. 1. & seq.*

70. Vt valida sit alienatio bonorum Ecclesiæ non habentis Collegium, requiritur consensus rectoris Ecclesiæ cum facultate Episcopi, nec non ipsius etiam Summi Pontificis. Nomine autem Collegij intelligitur non tantum communitas Canonicorum, verum etiam beneficiariorum. *rom. 1. pag. 733. num. 9. & 10.*

71. Res legata Ecclesiæ cum hac conditione, vt alienari possit, nihilominus alienari nequit sine debita solemnitate; hæc enim conditio habetur pro non apposita; & vice versa, res legata Ecclesiæ cum hac conditione, vt in nullo casu alienari possit, nihilo secius iusta ex causa, adhibita debita solemnitate, validè alienari potest. *ibid. num. 11. & 12.*

72. Quando res aliqua donata fuit Ecclesiæ cum hac conditione, vt non alienetur, alioquin ad hæres donatoris deuoluatur; si absque iusta causa, & debita solemnitate prætermissa, non expectato Sedis Apostolicæ consensu, alienetur, poena cadu citatis incurritur. *ibid. num. 13.*

73. Contractus alienationis bonorum Ecclesiæ sine debita solemnitate, in foro externo, & interno est inualidus, etiamsi in fauorem Ecclesiæ fuerit celebratus; resque accepta sine præfata solemnitate, restituenda est Ecclesiæ,



Ecclesie, seu loco pio, ad quē ante alienationem pertinebat. *ibid. n. 14. & 15.*

74. Alienantes bona Ecclesie sine debita solemnitate excommunicationem incurrunt; at si Episcopi fuerint, aut Abbates interdicto subiiciuntur, & si per sex menses in interdicto permanserint, suspenduntur à regimine, & administratione Ecclesiarum, seu monasteriorum, quibus præsunt; neque Cardinales ab hac censura eximuntur; cum enim subiiciantur legibus, quæ sunt in fauorem, ipsos etiam subiici par est odiosis; obstrigunturque iuramento de non consentiendo alienationi bonorum Sedis Apostolicæ. *ibid. pag. 734. num. 1. & seq.*

75. Summus Pontifex bona Ecclesiæ alienans, his censuris, ac pœnis non subiicitur; quia legislator suis legibus, quoad vim coactivam, non obligatur; peccat tamen contra iuramentum alienando, seu infeudando castra, ciuitates, & dominia Sedis Apostolicæ, nisi cum iusta, ac legitima causa secum dispenset in vinculo iuramenti. *ibid. pag. 735. num. 1. & seq.*

76. Summus Pontif. alienans bona Ecclesiastica cum damno Ecclesiarum, sine iusta causa (cuiusmodi est communis necessitas, vel publica utilitas) peccat contra iustitiam; huiusmodi tamen alienatio valida est; sed tenetur Pontifex ad restitutionem damnorum, quæ inde sequuta sunt. At in foro conscientiae semper præsumenda est iusta causa, nisi oppositum constet. *ibid. pag. 735. 736. num. 1. & seq.*

77. Donatio gratuita facta à Summo Pontif. in laicos de bonis Ecclesie absque iusta causa, iniusta quidem est; valida tamen; accipiens autem hæc bona, propter bonam fidem, excusari potest à restitutione. *ibid. n. 10. & 11.*

78. Summus Pontif. priuans innocentem suo beneficio, illudque alteri conferens, contra iustitiam peccat, licet illum alia ratione compenset. Idem dicendum si bona vnius Ecclesiæ ad aliam transferat sine iusta causa, & compensatione. *ibid. num. 12.*

79. Reuocationes bonorum iam alienatorum factæ à Pontifice, qui alienauit, vel ab eius successore, sunt validæ. Immo si aduertat eas alienationes factas esse in detrimentum Ecclesie, tenetur eas irritare, si alia ratione damnum Ecclesiæ reparari nequit. *ibid. pag. 737. n. 15.*

80. Qui aliquid accepit à Summo Pontifice in detrimentum Ecclesiæ, tenetur ad restitutionem, saltem illius, in quo factus est locupletior, si illa donatio reuocetur, vel si à Pontifice interpelletur. *ibid. num. 16.*

81. Commissarii, vel delegati Sedis Apostolicæ concedentes facultatem alienandi bona Ecclesiastica in damnum Ecclesiæ, si sint Episcopis inferiores, excommunicationem incurrunt: Episcopi verò, aut Episcopis superiores suspenduntur per annum ab executione officij; quæ tamen excommunicatio, & suspensio non est Papa reservata. *ibid. n. 1. & seq.*

82. Qui scienter, vel per fraudem procurant fieri alienationem bonorum Ecclesiæ, in damnum Ecclesiæ, aut decretum huiusmodi alienationis, incurrunt excommunicationem Summo Pontifici reservatam, etiam si nondum facta fuerit alienatio. *ibid.*



*Ecclesiasticorum bonorum vsurpatio.*

83. Qui vsurpant iurisdictiones, fructus, redditus, vel prouentus ad Ecclesiasticas personas pertinentes ratione monasterij, Ecclesiæ vel beneficij, incurrunt in excommunicationem 17. Bullæ Cœnæ, nisi ob ignorantiam, vel aliam causam legitimam excusentur. *disp. 1. quæst. 18. pag. 112.* Vnde sequitur fures, latrones, & milites, qui bona Ecclesiasticorum rapiunt, non incidere in censuram huius canonis; quia non dicuntur hæc bona vsurpare, cum ea sibi vendicent tanquam propria, sed rapiant tanquam aliena. *ibid. punct. 1. pag. 113. num. 4. tom. 3.*

84. Qui bona à suis prædecessoribus Ecclesiæ tradita ad diuina officia persoluenda, sibi vendicat tanquam ad se pertinentia, putans diuina officia male administrari, aut qui ob expensas in bello factas accipit bona Ecclesiasticorum titulo compensationis tanquam sibi debita, huic excommunicationi subiicitur, nisi bona fides, aut ignorantia excuset. *ibid. n. 6.*

85. Qui vsurpat iurisdictionem Episcopi spirituales, vel temporales adnexam Episcopatu, censura huius canonis obstringitur. Secus si iurdictio temporalis illi non competat ratione beneficij, sed ratione patrimonij, aut alio titulo; nam Summus Pontif. vult consulere personis Ecclesiasticis, in bonis Ecclesiasticis, non verò in profanis. *ibid. punct. 2. pag. 115. num. 12. tom. 3.*

86. Qui vsurpat, vel sequestrat fructus, vel prouentus pertinentes ad religiosam rationem monasterij; immò qui vsurpat annuum redditum religioso relictum de consensu Prælati, aut bona patrimonialia monacho à parentibus tradita, quorum administrationem superior eidem concessit, incurrit in hanc censuram; quia sunt bona monasterij, quidquid enim monachus acquirit, monasterio acquirit. *ibid. num. 13.* Qui verò bona Ecclesiæ, vel monasterio relictæ non consignat, non subiacet excommunicationi: Currit enim hæc bona ante consignationem non possideantur à monasterio, vel Ecclesiâ, hic non dicitur vsurpare bona Ecclesiastica. *ibid. n. 13.*

87. Vsurgans fructus alicuius Oratorii priuati, idest quod non sit ab Episcopo approbatum, nec deputatum ad Missæ sacrificium in eo celebrandum, non ligatur hac censura; quia huiusmodi Oratorium non venit nomine Ecclesiæ, nequè strictè loquendo, pius locus appellatur. Idem dicendum de fructibus cœmeterij, licet vsurgans fructus cœmeterij incurrat in censuram Concilij Trident. sess. 22. cap. 11. *ibid. num. 17. & 18.*

88. Vsurgans fructus, vel redditus alicuius hospitalis, etiam fundati auctoritate Episcopi, subiicitur quidem excommunicationi Concilij Trident. cit. non tamen excommunicationi huius Bullæ; quia hospitale non est propriè beneficium, & ipsius fructus non sunt constituti ad Ecclesiasticas personas alendas. *ibid. num. 19.*

89. Vsurgans distributiones, aut ea, quæ sacerdos acquisiuit pro Missis cele-



celebrandis extra fructus beneficij, vel pro confessionibus audiendis, vel concionibus habendis, aliisque eiusmodi functionibus, non ligatur hac censura; quia hæc bona non competunt illi sacerdoti ratione beneficij, vel Ecclesiæ, sed ratione interessentiæ, seu assistentiæ in choro, vel propriæ industriæ, & laboris, idcirco dantur nomine stipendij. *ibid. pag. 116. num. 22. tom. 3.*

90. Vsurpans fructus, quos sacerdos percipit ex bonis patrimonialibus, ad quorum titulum promotus est ad sacros ordines, non obstringitur hac excommunicatione; quia hi fructus non competunt illi ratione beneficij; huiusmodi enim bona non sunt Ecclesiastica, licet aliquibus privilegijs gaudeant; Idem dicendum à fortiori de aliis bonis emptis à sacerdote nomine proprio, licet empta sint ex fructibus beneficij. Item de fructibus Capellaniæ amovibilis; hæc enim Capellania non est beneficium cum amoveri possit. *ibid. n. 23. & seq.*

91. Vsurpans, vel sequestrans fructus beneficij Ecclesiastici quod alter beneficiarius conduxit, non incurrit excommunicationem; quia non vsurpat fructus pertinentes ad personam Eccles. ratione beneficij, sed ratione contractus conductionis. *ibid. num. 26.*

92. Quæres an vsurpans ipsos fundos, prædia Ecclesiastica, seu beneficium censuram huius canonis incurrat. *Resp. affirmativè;* quia vsurpans huiusmodi prædia, fructus etiam sibi consuevit applicare; sibi enim vsurpatius fruendi huiusmodi bonis; cumque vsurpatione fructuum sit causa excommunicationis, multò magis occupatio beneficij, ratione cuius clericus habet ius ad fructus. *ibid. num. 28.*

93. Clerici cædentes arbores frugiferas suorum beneficiorum in hanc excommunicationem non incidunt; cum enim beneficia legitime possideant, non possunt dici vsurpatores. *ibid. num. 30.*

94. Vsurpans fructus, redditus, vel proventus beneficij vacantis incidit in hanc censuram: Quia licet illi fructus non videantur pertinere ad ullam personam Ecclesiasticam; tamen Summus Pontif. consulere intendit bonis Ecclesiasticis, ne impune vsurpentur; intentio autem Summi Pontif. valdè frustraretur si fructus beneficij vacantis impune distrahi, & vsurpari possent, cum tunc temporis maximum illis periculum impenderet defectu possessoris. Idem sentiendum de vsurpante fructus monasterij, in quo aut omnes religiosi mortui sunt, aut nulli tunc repèriuntur, quia sunt alio translati. *ibid. num. 31.*

95. Vsurpantes fructus & proventus pertinentes ad Summum Pontif. non ut Summus Pontif. est, sed quatenus est Princeps temporalis, potestatem temporalem exercens, ligatur censura huius canonis, nisi ignorantia, vel alio iusto titulo excusetur: Quia in canone dicitur, *ad Nos*, absque ulla distinctione, aut imitatione; ergo cum absolute loquatur de bonis ad ipsum Pontificem pertinentibus; absolute intelligendus est. Secus dicendum de vsurpante fructus Summi Pontif. patrimoniales: ut persona particularis



est illa enim verba, *ad Nos, & ad Sedem Apostolicam*, auctoritativè proferuntur. *ibid. pag. 117. num. 3. rom. 3.*

96. Qui fructus pertinentes ad personas Eccles. non vsurpavit ipse, sed retinet sciens ab alio ereptos esse, vt si filius retineat sciens illos à patre iniq̃ue sublatos, incidit in excommunicationem statim atque illos tanquam proprios retinere incipit; quia ex tunc dicitur fructus Ecclesiasticos vsurpare. Idem sentiendum de furripiente fructus Ecclesiasticorum legitimè sequestratos, sibi tanquam proprios adscribente. Secùs dicendum de illo, qui fructus Ecclesiasticos ab alio ereptos non intendit sibi tanquam proprios retinere; sed solum negligens est in restitutione faciendâ; hic tamen peccat contra iustitiam iniuste detinendo. *ibid. punct. 3. pag. 118. num. 3. & 4. rom. 3.*

97. Qui fructus, vel pronentus ad Ecclesiasticos pertinentes ratione Ecclesiæ, monasterij, vel beneficij, quavis occasione sequestrant sine Summi Pontificis, vel aliorum ad id legitimam potestatem habentium expressa licentia, excommunicatione huius canonis innodantur. Hanc autem sequestrandi facultatem concedere possunt præter Summum Pontif. Episcopi, eorumque Vicarij, Legati seu Nuncij Sedis Apost. partes etiam litigantes de communi consensu permittere possunt vt bona, seu fructus, de quibus controuertitur, tradantur alicui certæ personæ custodiendi, donec lis dirimatur, & constet cui iurè debeantur. Non sufficit autem rati habitio illius, qui facultatem sequestrandi concedere potest; quia Summus Pontif. expressam licentiam requirit; licentia autem, quæ per tacitum consensum obtineatur, non est expressa. *ibid. num. 7. 14. & 15.*

98. Sequestrans inualidè fructus Ecclesiasticorum, vel ob nullitatem licentiæ, vel ob defectum iurisdictionis, in hanc censuram incidit, nisi titulo bonæ fidei excusetur. Quia Summus Pontif. sub pœna excommunicationis vult sequestrationem fieri ab habente auctoritatem, siue ordinariam, siue delegatam. In nonnullis tamen casibus sequestratio à Iudice, Ecclesiastico fieri permittitur. 1. ad puniendam contumaciam. 2. ne fructus dilapidentur. 3. cum beneficium vacat. 4. cum possessio capta est lite pendente. 5. in causâ, quæ iudici iusta videatur. *ibid. pag. 119. num. 17. tom. 3.*

99. Bonorum Ecclesiast. vsurpatio non solum in Bu lla Cœnæ vetita est; verum etiam iure communi pluribus in locis in Concil. Triburien. c. 7. Concil. Aurelian. 3. c. 22. Conc. Aurel. 5. c. 15. Concil. Parisien. 1. c. 1. Mogunt. c. 6. & 11. Vormatien. c. 75. Aquisgranen. c. 88. Lateran. sub Leone X. sess. 9. & 10. Concil. Trident. sess. 22. cap. 11. & vltimo.

*Ecclesiasticorum bonorum submissio.*

100. In cap. *hoc consultiſſimo*, de rebus Eccles. non alienand. in 6. fertur duplex excommunication. 1. contra laicos, qui compellunt Ecclesiasticos ad



cos ad submittenda bona immobilia, ac iura laicis absque consensu capituli, & speciali Sedis Apostol. licentia. 2. contra eos, qui occasione horum contractuum aliquid sibi vsurpant ultra pactum in contractibus expressum. *disp. 2. quest. 2. punct. 20. pag. 171. tom. 3.*

101. Submitti possunt bona Ecclesiastica laicis. 1. constituendo laicos patronos 2. constituendo illos aduocatos Ecclesiarum. 3. profitendo bona Ecclesiarum à laicis tanquam à superioribus dependere. *ibid. pag. 172. num. 3. tom. 3.*

102. Qui ex contractibus submissionis aliquid vsurpat ultra conventionem, hanc censuram non incurrit, nisi post trinam monitionem ab vsurpatione non desisterit. *ibid. num. 6.*

103. Hac excommunicatio non est reservata.

*Ecclesiastica immunitas ab oneribus.*

104. Imponentes collectas, decimas, taleas, præstantias, & alia onera personis Ecclesiasticis, & eorum bonis, fructibus, & proventibus absque Summi Pontificis licentia, & eadem tributa, seu onera exigentes, vel recipientes, aut ad illorum exactionem concurrentes, suo consilio, auxilio, vel favore, in Bullæ Cœnæ excommunicationem 18. incidunt. *disp. 1. quest. 19. pag. 120. tom. 3.*

105. Onera triplicia sunt. *Personalia*, quæ in sola hominis industria, & labore consistunt absque dispendio, & sumptu rei familiaris, vt est munus tutela, curationis, &c. *Realia*, quæ consistunt in sumptibus, seu in dando absque corporali labore. *Mixta*, quæ laborem corporis, & sumptus rei familiaris complectuntur. *ibid. punct. 1. pag. 121. num. 3. tom. 3.*

106. Probabiliter sustineri potest in hoc canone vetitum esse sub excommunicatione, imponere Ecclesiasticis onera merè realia, & mixta, quæ parte realia sunt, non verò personalia. Quia personæ Ecclesiasticæ oneribus realibus potissimum vexari solent; ergo ipsorum immunitati in hac parte, consulendum fuit. Probabile autem est imponentem Ecclesiasticis onera simpliciter personalia non affici censura huius canonis, qui loquitur tantum videtur de oneribus realibus. *ibid.*

107. Ad incurrendam huius canonis censuram, non est satis imponere tributa, & onera Ecclesiasticis nisi etiam exigantur; nam vtrumque copulatim exprimitur in Bulla. Illa tamen exigens, etiam si non imposuerit, hanc censuram incurrit. Idem dicendum de eo, qui illa recipit, etiam si sponte tradantur, & concedantur. *ibid. num. 4. & 5.*

108. Quæres vtrum extorquens aliquam pecuniam ab Ecclesiasticis in hanc excommunicationem incurrat, si hoc onus non fuit Ecclesiasticis impositum? *Resp. negativè*; quia Summus Pontifex excommunicat exigentes, seu recipientes tributa Ecclesiasticis imposita, ergo à contrario extorquens tributum non impositum, excommunicationi non subiacet. Vnde sequitur



tur custodes portatum, ciuitatis, fluminis, pontis, vel portus extorquentes ab Ecclesiasticis tributum, cum tamen Princeps in impositione tributi, nullam Ecclesiasticorum fecerit mentionem, non incidere in censuram, huius canonis; aliam tamen excommunicationem incurrunt, latam in cap. *quauquam de censibus*; sed non est Pontifici reservata. *ibid. num. 6.*

109. Qui aliquid exigit ab Ecclesiasticis non tanquam tributum, & onus, sed vt pretium sui laboris, non incidit in censuram huius canonis. Quia Summus Pontif. excommunicat exigentes taleas, & alia onera, quatenus scilicet onera sunt, non verò quatenus sunt pretium iusti laboris. Hinc sequitur eum, qui clericum nauigio transuehit, posse ab eo exigere pretium transitus tanquam stipendium sui laboris. *ibid. pag. 122. num. 8. & 9. tom. 3.*

110. Recipiens aliquid à clericis propria sponte, & voluntate omnino libera tradentibus, non subicitur censuræ huius canonis; tum quia quilibet est rei suæ moderator & arbiter; tum quia Summus Pontif. loquitur de recipientibus tributa, & onera imposita; qui autem recipit aliquid ab iis, qui sponte, & voluntate planè libera tradunt, non dicitur recipere tributa imposita. Secus si accipiat tanquam onus impositum, etiamsi accipiat absque præuia petitione aut vlla coactione. *ibid. num. 10.*

111. Qui exigit aut exigendum mandat tributum à clericis animo restituendi in fine anni ad vitandas fraudes ministrorum exigentium, non excusatur ab excommunicatione, quia facit actionem clericis onerosam. Qui tamen exigit minimam gabellam ab Ecclesiasticis; quæ non sufficiat ad peccatum mortale furti, non incurrit censuram, nisi postquam peruenit ad notabilem quantitatem: paruitas enim materia sicut excusat à peccato mort. ita etiam ab excommunicatione, *ibid. num. 12.*

112. Imponentes onera grauiora consanguineis, aut affinibus clericorum, qui cum illis habent bona indiuisa, vnde in ipsos etiam Ecclesiasticos damnum redundet; vel qui colonos Ecclesiasticorum ita grauant collectis, vt Ecclesiastici cogantur illis locare sua prædia viliiori pretio, incidunt in excommunicationem. Quia in Bulla excommunicantur imponentes, vel exigentes onera ab Ecclesiasticis directè, vel indirectè. *ibid. num. 15.*

113. Satellites, alique officiales inferiores, qui Ecclesiasticos citant ad soluenda onera, aut pignus accipiunt, vel quid simile faciunt, vt Ecclesiastici onera soluere cogantur, in hanc censuram incidunt, nisi probabiliter ignorantia, vel alio iusto titulo excusentur. *ibid. num. 16.* Idem dicendum de notariis, qui edicta conscribunt, componunt, aut dictant; isti enim auxilium præstant. *ibid. tom. 3.*

114. Quæres vtràm qui non prohibet hanc impositionem, aut executionem onerum ab Ecclesiasticis, cum prohibere possit, & debeat, censetur fauere huiusmodi actionibus, ac proinde in hanc censuram incurrat. *Resp. negative*, quia excommunicatio imposita propter actionem positam,



positum, non incurritur ab eo, qui se habet negatiuè. *ibidem, pag. 123. num. 19. tom. 3.*

115. Prælati Ecclesiastici imponentes per se, vel per alios onera Ecclesiasticis, aut ipsorum bonis, & imposita exigentes absque Summi Pontificis licentia, quacumque tandem auctoritate id faciant, seu Ecclesiastica, seu laica, in censuram huius canonis incurrunt; quia Bulla expressè, & absolute loquitur de Prælati Ecclesiasticis, & quavis etiam Pontificali dignitate insignitis. *ibid. punct. 2. pag. 123. num. 8. tom. 3.*

116. Ecclesiastici sunt immunes ab oneribus, quæ à subditis solvuntur Principibus pro capite; item ab onere hospitandi Principes, vel ipsorum Legatos, vel milites, nec vlla consuetudo derogat huic immunitati; quia Ecclesiastici exempti sunt à laica potestate quoad bona, & personas. Famili autem clericorum huius canonis priuilegio non gaudent, quia non sunt Ecclesiastici. *ibid. punct. 3. pag. 124. num. 4. & seq. tom. 3.*

117. Vtrum coloni Ecclesiæ, seu Ecclesiasticorum gaudeant immunitate à collectis, tributis, aliisque oneribus, variæ sunt DD. sententiæ; sed expectanda est Summi Pontificis decisio, hæc enim controuersia coram illo acerrimè agitur. *ibid. num. 7.*

118. Emphyteutæ, qui bona Ecclesiasticorum in Emphyteusim acceperunt, teneantur ad collectas, & onera, quæ imposita fuerunt solum pro dominio vtili, vel pro fructibus; quia bona emphyteutica non sunt Ecclesiasticorum, quoad dominium vtile, sed tantum quoad dominium directum; cum igitur emphyteutæ sint personæ laicæ, vt suppono, & Principibus subiectæ, & ad ipsos pertineant fructus, imponens ipsis collectas pro his fructibus, excommunicationem huius canonis non incurrit; modo id fiat sine damno domini directi, qui bona in emphyteusim concessit. *ibid. pag. 125. num. 9. tom. 3.*

119. Bona Ecclesiasticorum patrimonialia, seu acquisita de rigore iuris sunt immunia ab oneribus, & tributis; tum quia ius antiquum ita disposuit; tum quia onus tributorum immediate, & proxime imponitur personæ pro rebus consequenter persona principaliter grauatur, & secundario bona; sed personæ Ecclesiasticæ gaudent immunitate, ergo non possunt ipsis onera imponi non solum pro bonis Ecclesiasticis, sed neque pro patrimonialibus. *ibid. num. 12. Idem sentiendum de bonis Ecclesiasticorum empris, donatis, vel alio titulo acquisitis; nisi huiusmodi onera ex præuio partium pacto illis bonis imposita essent, antequam ad Ecclesiasticos peruenirent. ibid. pag. 126. n. 16. & 17. tom. 3.*

120. Bona ad Ecclesiasticos translata censeantur oneri tributorum subiecti, quando illorum dominus antequam ad Ecclesiasticos transirent promisit pro se, & suis hæredibus se soluturum tributa, collectas, & onera, quacumque imponerentur, quia posita huiusmodi promissione contracta est obligatio realis, non solum afficiens personas, verum etiam bona; onus autem reale bonorum transit ad possessorem, etiamsi persona sit immunis.



munis. Secus dicendum si statuto caueatur, vt omnia bona in territorio alicuius ciuitatis existentia obnoxia sint tributis, & oneribus in posterum imponendis; tunc enim probabilissimum est Ecclesiasticos non teneri ad onera post translationem bonorum ad ipsos imposita: Quia hæc bona, quando ad Ecclesiasticos transierunt, nondum erant obnoxia tributo, dum autem tributum imponitur, iam sunt immunia, & exempta. *ibidem, num. 18.*

121. Bona, quæ communi, & in indiuiso possidentur à clericis cum laicis, vt à clerico, & eius fratre laico, pro rata bonorum ad clericos pertinentium gaudent immunitate Ecclesiastica; pro rata verò bonorum ad laicos spectantium non gaudent, nisi legitima consuetudo aliud ferat; quia vile per inutile non vitatur. *ibid. num. 19.*

122. Fructus & redditus Ecclesiasticorum, postquam ad laicos transierunt, ius immunitatis amittunt; mutata quippe persona, quæ est causa priuilegij, extinguitur priuilegium. Hinc sequitur exigentes collectas ab iis, qui fructus Ecclesiasticorum emunt, non incurrere censuram huius canonis; modò dominium fructuum acquisitum sit laicis emptoribus. *ibid. num. 20. & 21.*

123. Probabilissimum est Ecclesiasticos iure humano, & diuino exemptos esse à laica potestate, non solum in causis Ecclesiasticis, & spiritualibus, verum etiam in temporalibus, tam quoad personas, quam quoad bona. Hinc Christus Matth. 17. sic loquitur cum Petro: *Reges terra à quibus accipiunt tributum, vel censum; a filius suis, an ab alienis?* deinde subiungit: *ergo liberi sunt filij;* nomine autem filiorum hoc loco non intelligitur tantummodo Christus; quia in plurali loquitur; neque intelligendi sunt omnes Christiani; quia, vt experientia constat, Christiani laici, tributum Principibus soluunt; ergo intelligendi sunt Ecclesiastici, vt notat Hieronymus. Vnde licet inferre, consuetudine induci non posse, vt Ecclesiastici tributa, & onera à laicis imponantur. *ibid. punct. 3. §. 2.*

124. Obiicies: Christus loc. cit. solui iubet tributum pro se, & Petro; ergo signum est Ecclesiasticos, qui longè sunt inferiores Christo, & Petro teneri soluere tributum. *Resp.* Christus iussit tributum solui, ne scandali ansam præberet; postquam enim dixit: *Ergo liberi sunt filij;* subiunxit: *ut autem non scandalizemus eos, vade ad mare, & inuenies staterem;* &c. sicut ergo Petrus non debebat tributum soluere, nisi ratione vitandi scandali; ita neque alij Apostoli, & Ecclesiastici, quorum vices gerebat Petrus. *ibid. pag. 127. tom. 3.*

125. Qui habitum clericalem assumit in fraudem vectigalium, ne scilicet soluat vectigalia, sed re ipsa clericus non est, ab oneribus secularium non est immunis; quia fraus parrocinari non debet suo auctori; Secus si re ipsa, & ex animo statum clericalem assumat, licet diuini non inferuat, & alia à Concilio Trid. sess. 23. cap. 6. præscripta non seruet. *ibid. §. 3. n. 1. & 6. pag. 128. tom. 3.*



126. Clericus Latinus coniugatus non est immunis ab onere tributum: Item feudatarius tenetur ad onera ratione feudi impofita; quia in iis, quæ ad feudum pertinent, Clericus fubiicitur domino feudi, licet faculari. Item Clericus lucratiuam negotiationem exercens tenetur pedagia, & gabellas foluere pro mercibus, non tamen ante trinam admonitionem, vt mercaturam non exerceat; dicitur autem mercaturam exercere, qui aliquid emit, vt ex illius venditione lucrum faciat; vnde clericus, qui oleum; vinum, frumentum, & alia, quæ ex fuo agro percipit, vendit, non dicitur negotiari. *ibid. num. 3. & seq.*

127. Cum exprefsa Summi Pontif. licentia poffunt onera Ecclefiasticis imponi; ceffante autem caufa, ob quam conceffa eft laicis facultas imponendi onera Ecclefiasticis, ceffat etiam facultas. Porro nulla confuetudo ius tribuit laicis imponendi onera Ecclefiasticis; quia iure diuino funt immunes. *ibid. pag. 129. num. 12.* Clerici tamen foluentes onera fibi à laicis impofita hanc cenfuram non incurrunt. *ibid. pag. 130. n. 18. tom. 3.*

128. Principes non poffunt propria auctoritate onera clericis impondere pro reparatione pontium, viarum publicarum, mœnium ciuitatis, pro arcendis hoftibus, &c. quando facultates laicorum non fufficiunt; neque fufficit confenfus Epifcopi, fed requiritur Summi Pontif. facultas; nifi magna fit neceffitas, quæ moram non ferat; nam in hoc cafu poterit Epifcopus cum Clero in impofitionem eiufmodi onerum confenfum præftare. *ibid. n. 15. & seq.*

129. Tamen Clerici ex æquitate, & vi indirectiua tenentur ad onera, quæ non folum in laicorum vtilitatem, verum directè, principaliter, & immediatè in vtilitatem, & commodum ipforum clericorum diriguntur, vt fi onus imponatur ad reparandum flumen quod laicorum, & clericorum agris perniciem minatur. *ibid. pag. 130. num. 17. tom. 3.*

130. Hæc excommunicatio contra imponentes onera Ecclefiasticis non folum in Bulla Cœnæ, verum etiam alibi exprefsa reperitur. 1. in Conc. Lateran. fub Alexandro III. excommunicantur imponentes onera Ecclefiasticis, fi moniti non defiftant. 2. In Concil. item Lateran. fub Innocentio III. eadem excommunicatio eft renouata. 3. in cap. *clericis de immunitate*, à Bonifacio VIII. lata fuit excommunicatio Papæ referuata non tantum contra imponentes, fed etiam contra ipfos Ecclefiasticos foluentes, aut consentientes fub quouis prætextu. 4. in Conc. Lateran. fub Leone X. *feff. 9.* renouatæ funt omnes cenfuræ contra imponentes onera Ecclefiasticis. 5. in cap. *quanquam de cenfibus*, Bonifacius VIII. excommunicat exigentes onera pro rebus, quæ non deferuntur caufa negotiationis. *ibid. punct. 4. pag. 131. tom. 3.*

*Ecclesiastica exemptio à foro feculari in caufis criminalibus.*

131. Causa criminalis illa eft, in qua agitur de pœna inferenda, vt iuftitia



re vindictiue satisfiat, cum enim ad iustitiam vindictiuam pertineat punire delicta, causa censetur criminalis, in qua agitur de illis puniendis. Quando verò agitur de pœna applicanda parti iuxta regulas iustitiæ commutatiue præscribentis ius suum cuique tribui, causa civilis appellatur. *disp. 1. quæst. 20. punct. 1. pag. 132. num. 5. tom. 3.*

132. Omnes, & quicumque magistratus, & iudices, notarii, scribæ, & iustitiæ ministri quomodolibet interponentes se in causis criminalibus contra personas Ecclesiasticas, illas processando, banniendo, capiendo, seu sententias contra illas proferendo, vel exequendo sine speciali, & expressa sedis Apostolicæ licentia, in excommunicationem 19. Bullæ Cœne incurrunt. *ibid. pag. 132. tom. 3.*

133. Iudex laicus, qui informationem verbaliter non verò iudicialiter accipit contra personam Ecclesiasticam, non subiacer huius censuræ; hic enim non dicitur processare, quia processum est actus iudicialis. Item qui non ex proposito contra Ecclesiasticos processum instituit in causa criminali, sed in prosecutione processum competit delicti auctorem esse Ecclesiasticum, non subiicitur huius excommunicationi: quia hic non dicitur propriè Ecclesiasticam personam processare, quam ignorabat esse criminis auctorem. At si nihilominus processum prosequantur, excommunicationem incurrunt. *ibid. pag. 133. num. 8. & 9. tom. 3.*

134. Iudices Ecclesiastici interponentes se in causis criminalibus contra Ecclesiasticos, excommunicationi huius canonis non subiiciuntur, modo id non faciant auctoritate laica, v. g. quatenus sunt consiliarii, vel præfides Principis laici; quia hæc excommunicatio fertur contra magistratus laicos. Item Principes exilio afficientes personas Ecclesiasticas hanc censuram non subeunt, quia in Bulla exprimuntur solum magistratus & iudices, qui sunt Principe inferiores; suntque illius ministri. *ibid. punct. 2. pag. 134. num. 7. & 8. tom. 3.*

135. Iudex laicus interponens se in causis criminalibus contra clericum consentientem contra se inquisitionem, sed processum fieri, non propterea excusatur ab excommunicatione: in iis enim, quæ concessa sunt in honorem, & commodum totius ordinis Ecclesiastici, nemo potest cedere iuri suo. *ibid. num. 9.*

136. Laicus iudex, qui non facit processum contra clericum, sed illum tantum modò examinat, ut testem ad rei veritatem indagandam, in hanc censuram non incurrat: quia huiusmodi examen non est processum. Secus si illum examinet tanquam reum, aut si illum in cubiculo tanquam in carcere detineat, donec verum confessus fuerit. *ibid. num. 10.*

137. Accusatores, testes contra Ecclesiasticum deponentes, item aduocati, procuratores, alique apud iudicem laicum instantes, ut clericus capiantur, in exilium eiciatur, &c. in censuram huius canonis non incidunt, quia nullam actionem faciunt in hoc canone prohibitam, tum quia Bulla tantum loquitur de magistratibus, iudicibus, notariis, ministris. *ibid. n. 11.*



138. Si iudex laicus, notarius, aut executor. Curiae secularis ab Episcopo rogentur, ut se interponant in causa criminali contra clericum, non incurrunt excommunicationem: quia id faciunt tanquam ministri, & instrumenta Episcopi, tenentur enim Episcopis ipforum opem implorantibus, adesse ad continendos in officio clericos. *ibid. num. 12.*

139. Ecclesiasticus degradatus, & traditus Curiae seculari, item perpetuo exilio multatus ab Ecclesiastico iudice, item bigamus, item prima tonsura, aut minoribus ordinibus initiatus, clericalem habitum, & tonsuram non deferens, item clericus, qui minores ordines intra annum à morte sui Episcopi accepit cum litteris dimissoriis capituli, hi inquam omnes privilegio clericali in criminalibus non gaudent. Item clericus in flagranti crimine deprehensus à laicis capi potest, ut superiori Ecclesiastico consignetur. Item qui capit, vel capi mandat clericum debitorem fugientem, vel fugam adnoctantem, aut sua vel aliena bona asportantem, non afficitur censura huius canonis, modo clericum detineat animo illum tradendi iudici Ecclesiastico. *ibid. punct. 3. pag. 135. num. 1. & seq. tom. 3.*

140. Episcopo licet familiam armatam habere ad suae iurisdictionis munera exercenda: Quia concessa alicui iurisdictione, censentur etiam concessa ea omnia, sine quibus iurdictio exerceri nequit. Sic enim declaravit sacra Cardinalium Congregatio de mandato Pij V. *ibid. pag. 136. §. 1. tom. 3.*

141. Iudices Ecclesiastici dum auxilio brachij secularis indigent, cogere possunt iudices seculares ad praestandum auxilium: quia Concilium Trid. *sess. 25. cap. 3.* dat facultatem iudicibus Ecclesiasticis capiendi per suos proprios, vel alienos executores, igitur censentur etiam concessa illa omnia, quae ad illam facultatem exercendam necessaria sunt, alioquin ea facultas esset inutilis. *ibid. §. 12.*

142. Sæculares iudices tenentur auxilium Ecclesiastico iudici petenti concedere, etiam non examinata æquitate causæ, nisi constet de sententia iniusta iudicis Ecclesiastici; quia ius cognoscendi de æquitate causæ competit iudici superiori, magistratus autem secularis non est superior in causis Ecclesiasticis. Ad hæc seculares non aseciscuntur tanquam iudices, sed tanquam executores ordinationis factæ ab Ecclesiastico iudice. Igitur laicus iudex absque cognitione processus fori Ecclesiastici, tenetur familiam accommodare, delinquentem in carcere, vel trireribus detinere, quoties Ecclesiasticus iudex petierit: pendente tamen legitima appellatione ad superiorem, non tenetur laicus iudex opem præstare iudici Ecclesiastico: nam per legitimam appellationem causa ad superiorem iudicem devoluta est. *ibid. pag. 137. §. 3. tom. 3.*

#### *Ecclesiarum effractio, & spoliatio.*

143. In cap. conquesti, de sententia excommunicationis. Summus Pontif.



Pontif. mandat denunciari excommunicatos eos, qui Ecclesias cuiusdam Episcopatus effregerant & spoliauerant; unde infertur, effringētes, & spoliantes Ecclesias esse ipso iure excommunicatos. *disp. 2. quæst. 3. punct. 2. pag. 201. num. 1. tom. 3.*

144. Qui effringit Ecclesiam, sed non furatur, aut qui furatur, & spoliatur Ecclesiam, sed non effringit, licet ab alio fortè fracta fuerit, hanc excommunicationem non incurrit; quia Summus Pontifex utitur particula coniunctiuæ. *ibid. pag. 202. num. 9. tom. 3.*

145. Qui postquam Ecclesiam effregit, comburit aut frangit calices, vestes, &c. etiamsi nihil inde auferat, in hanc censuram incidit: quia nomine spoliationis intelligitur quælibet actio, qua bonis Ecclesiæ damnum infertur. *ibid. num. 10.*

146. Hæc excommunicatio est Summo Pontifici reservata, non tamen ante denunciationem ab Episcopo factam; ante, denunciationem autem, auferrî potest à quolibet confessorio approbato. *ibid. num. 12. & 13.*

#### *Ecclesiarum lapides.*

147. Sixtus IV. in Bulla 3. quæ incipit, *Cum provida*, excommunicat auferentes, aut retinentes lapides vel alia ornamenta Ecclesiarum vrbis Romæ, nec non præstantes auxilium vel fauorem auferentibus, vel retinentibus, aut non reuelantes. *ibid. punct. 13. pag. 202. tom. 3.*

148. Ecclesiæ verò seu loca, quorum vñibus, & ornatu illa fuerint deputata, Ecclesiastico subiiciuntur interdicto, donec actualis, & omnimoda restitutio fiat Ecclesiis, à quibus fuerant ablata. *ibid. pag. 203. n. 5. tom. 3.*

#### *Ecclesiarum immunitas.*

149. Ecclesiarum immunitas est exemptio, seu priuilegium Ecclesiis materialibus concessum, ut ad eas confugientes tuti sint à laica potestate; hæc autem immunitas iure humano concessa fuit Ecclesiis Christianorum, aliisque locis religiosis, de quibus infra, estque valde conformis iuri diuino, & naturali. *disp. 2. quæst. 3. punct. 16. §. 1. & 2. pag. 205. tom. 3.*

150. Existens in Ecclesia capi non potest à laica potestate; obsideri tamen potest extra Ecclesiam, ut capiatur, postquam fuerit egressus; sic enim non violatur immunitas loci sacri, dum locus profanus obseruatur, ut si in eum se transfulerit delinquens capi possit. *ibid. §. pag. 206. num. 2. tom. 3.*

151. Ecclesiastici resistere possunt magistratui, aut iudici sæculari volenti reum à loco sacro extrahere, deterrendo censuris, vel claudendo ianuas, vel laicorum auxilium implorando, vel etiam utendo opera Clericorum nondum sacris ordinibus initiatorum; ipsis tamen Ecclesiasticis non licet arma capere, ad magistratum sæcularem arcendum, ne detur occasio scandalii. *ibid. num. 3.*



152. Non potest magistratus secularis impedire, quominus reo in Ecclesia existenti deferantur vestes, alimenta, & cetera ad vitam necessaria; alioquin priuilegium immunitatis redderetur inutile. *ibid. num. 4.*

153. Existenti in loco sacro nulla vis, aut damnum à laica potestate inferri potest, nisi iudex id faciat ad instantiam Episcopi, non autem proprio nomine. *ibid. num. 5.*

154. Quandiu res in Ecclesia existit, damnari non potest ad mortem, vel ad pœnam corporalem; ad pœnam verò pecuniariam, & bonorum confiscationem à iudice laico damnari potest, nisi compareat; immò iudex solet citare reum, illumque condemnare ad mortem, vel ad aliam pœnam pro qualitate delicti, quando licetè poterit inferri. *ibid. num. 8. & 9.*

155. Delinquens ab Ecclesia per vim extractus, est Ecclesiæ restituendus; tenetur enim iudex iniuriam Ecclesiæ illatam rescire; neque satisfacit dando cautionem de impunitate; sed tenetur re ipsa reum Ecclesiæ restituere; etiamsi extractus iuri suo cedere, & in potestate iudicis secularis permanere velit: Quia hoc priuilegium concessum est loco sacro immediate, nullus autem cedere potest iuri alteri concessio. *ibid. num. 20. & seq. pag. 207.* Restituendus est autem reus vel eidem Ecclesiæ, vnde extractus est, vel alteri, vel Episcopo, vel etiam eius Vicario, modò sit æquè tutus, ac si Ecclesiæ fuisset restitutus. *ibid. num. 14.*

156. In dubio an reus captus sit in loco sacro, an verò in profano; spectat ad iudicem Ecclesiasticum definire; cum enim agatur de immunitate Eccles. eius causæ cognitio pertinet ad iudicem Ecclesiasticum. *ibid. n. 16.*

157. Actus iudicis laici, iuridicè facti in delinquentem ab Ecclesia extractum sunt irriti, & nulli, vt potè facti sine iurisdictione; quia isti actus fundantur in captura, & detentione rei, quæ iuridicè nulla sunt, cum non sint actus iurisdictionis, sed violentiæ. Immo neque potest illum iudex iuridicè interrogare, consequenter reus non tenetur respondere; quia non habet ius in reum eo modo captum. *ibid. num. 17. & 18.*

158. Hæc immunitas competit cuius Ecclesiæ auctoritate Episcopi fundata, etiamsi nondum benedicta sit, aut nondum in ea celebrata fuerint diuina officia, aut ibi non ad sit SS. Eucharistiæ Sacramentum. Aut etiamsi polluta sit, vel interdicta; aut licet sit diruta, modò non sit diruta auctoritate Episcopi sine spe reedificandi; sic enim amittit priuilegium immunitatis. *ibid. §. 4. pag. 208. num. 1. & seq. tom. 3.*

159. Non solum interius Ecclesiæ corpus, verum etiam totius Ecclesiæ fabrica, vt tectum, partes parietum exteriores, campanile, sacristia Ecclesiæ coniuncta, & similia Ecclesiæ adiacentia priuilegio immunitatis fruuntur: quia quæ adhærent loco sacro, censentur sacra; consequenter eadem gaudent immunitate. Immo hæc immunitas extenditur ad fines, seu confinia Ecclesiæ vsque ad 40. passus si Ecclesia fuerit metropolitana; si verò fuerit minor, ad 30. passus; vnde fit vt domus Parochorum, Canonico-  
rum, aliorumque Ecclesiasticorum intra fines, seu septa Ecclesiæ, gaudeant  
eadem



eadem immunitate: quamvis eas inhabitent laici; nam priuilegium hoc directe concessum est locis; non autem personis. *ibid. num. 5. & seq.*

160. Monasteria, domus religiosorum, aliæque loca sacra gaudet priuilegio immunitatis, quod extenditur ad totum claustrum, seu habitationem, etiam ad hortum, & viridarium; totum enim illud septum est sacrum. Eodem priuilegio gaudet hospitale auctoritate Episcopi fundatum, & seminarium, sunt enim loca pia. *ibid. pag. 209. num. 10. tom. 3.*

161. Palatium, seu domus Episcopi, gaudet immunitate Ecclesiastica, licet intra quadraginta passus ab Ecclesia non existat, modò in eo palatio sit oratorium, ubi diuina celebrentur. Idem dicendum de domibus Cardinalium, quanquam hoc priuilegium hodie non seruatur Romæ, ut bono publico consulatur. *ibid. num. 11.*

162. Ex his sequitur committi sacrilegium contra loci sacri reuerentiam & immunitatem, dum à satellitibus fori secularis capitur reus, qui effracto carcere confugit ad Ecclesiam, vel oratorium, vel hospitale auctoritate Episcopi constructum, vel ad monasterium, vel ad Episcopi palatium, &c. Idem dicendum, si reus se à satellitum manibus proripuit etiam, cum duceretur ad mortem, seque ad locum sacrum recepit, modò delictum sit eiusmodi, pro quo Ecclesia immunitatem concedit, alioquin capi potest pro delicto, cui loca sacra nullam præbent impunitatem. *ibid. n. 16.*

163. Non violatur Ecclesiæ immunitas, dum reus extra locum sacrum comprehensus, ducitur ad carcerem per cæmeterium, aut Ecclesiam, etiam si per vim trahatur, & inde recuset exire; quia hic non confugit ad Ecclesiam liber. *ibid. n. 21. pag. 210. tom. 3.*

164. Si reus, qui in Ecclesia captus fuit, & in carcere fori secularis detinebatur nomine Episcopi, donec cognosceret an reus immunitatis priuilegio gaudere deberet, si, inquit, ille reus è carcere aufugit, & postea ab iudice laico captus, & morti adiudicatus fuit, non censetur Ecclesiæ immunitas violari; quia fuga illi ademit priuilegium primæ detentionis. *ib. n. 23.*

165. Neque loci sacri immunitas violatur, si reus blanditiis, & promissionibus sine coactione è loco sacro eliciatur, & extra eum capiatur; si tamen ei promissa est impunitas, aut restitutio in eundem locum, illi data fides seruanda est. *ibid. num. 24.*

166. Si reus amplexetur Sacerdotem deferentem SS. Eucharistiæ Sacramentum, ob reuerentiam sacro Christi Corpori debitam licite capi non potest; tamen si capiatur non videtur Ecclesiastica immunitas violari, neque reus de rigore juris, Ecclesiæ est restituendus; quia hoc priuilegium concessum est Ecclesiæ, non autem Eucharistiæ extra Ecclesiam. Potest tamen per consuetudinem introduci illa immunitas, quæ suffragetur reis amplexantibus Sacerdotem Eucharistiam deferentem. *ibid. num. 27.*

167. Clericus in iis casibus, in quibus extra Ecclesiam capi posset à laica potestate, gaudet immunitate dum in loco sacro existit; quia tunc habetur tanquam laicus, neque debet esse deterioris conditionis; modò tamen

non



non commiserit delicta in Bulla Gregorij XIV. expressa; tunc enim extrahi potest. *ibid.* §. 3. pag. 211. num. 4. tom. 3.

168. Clericus à Præfato suo extrahi potest ab Ecclesia etiam in illis casibus, in quibus laici extrahi non possunt à iudice seculari: tum quia immunitas Ecclesiæ non præiudicat Ecclesiasticæ potestati: tum quia religiosi alioquin raro capi possent; cum ferè semper in monasteriis degant: tum quia in Bulla Gregorij fit tantum mentio laicorum; ergo clerici quous in loco existant, subsunt Ecclesiasticæ potestati. *ibid.* num. 5.

169. Debitores in loco sacro existentes gaudent privilegio immunitatis, licet decoxerint cum magno Reip. detrimento, sintque publico debito obstricti: quia si Ecclesia tuetur ad se confugientes in causis criminalibus, potiori iure in civilibus; neque hic casus est in iure exceptus. *ib.* n. 6.

170. Fures etiam sacrilegi, qui in Ecclesia furati sunt ad Ecclesiam confugientes gaudent immunitate. Idem dicendum de homicidijs, perjuris, blasphemis, adulteris, sodomitis, &c. modò non commiserint crimen in Bulla exceptum; hi enim casus non exprimuntur, neque excipiuntur à Greg. XIV. in sua Bulla. *ibid.* pag. 212. num. 7. & seq. tom. 3.

*Quinam Ecclesiarum immunitate non gaudeant.*

171. Publici latrones, grassatores viarum, & depopulatores agrorum ad Ecclesiam confugientes, immunitatem amittunt; sic enim expressè habetur in Bulla Gregorij XIV. *ibid.* §. 6. pag. 213. n. 1. 2. & seq. tom. 3.

172. Occidentes, vel mutilantes in Ecclesijs, aut earum cœmeterijs, carent Ecclesiæ immunitate; quia æquum non videtur, ut immunitate Ecclesiæ fruatur, qui in Ecclesia deliquit; tamen qui in Ecclesia existens aliū occidit sagitta, vel plumbea glante, extra Ecclesiam existentem, privilegium immunitatis non amittit: quia licet homicidium fuerit in Ecclesia, inchoatum; fuit tamen extra Ecclesiam perfectum, & consummatum; hic tamen ab Ecclesiasticis ministris capi potest. Neque amittitur immunitas ob quamlibet vulnerationem in Ecclesia factam, nisi ex illa sequatur mors etiam extra Ecclesiam, aut nisi sit mutilatio; est autem mutilatio abscissio alicuius membri, seu partis corporis, quæ habet officium distinctum à reliquis. Neque item privilegium huius immunitatis amittit, qui mandat homicidium, vel mutilationem in Ecclesia fieri; quia pœna lata contra facientes, non afficit mandantes, nisi hoc in iure exprimatur. *ibid.* §. 7. pag. 213. 214. tom. 3.

173. Proditoriè aliquem occidens, caret privilegio Ecclesiasticæ immunitatis; quocumque tandem modo occiderit, seu ferro, seu veneno; dicitur autem proditoricè occidere, qui aliquem occidit nihil minus suspicatum, aut cum quo amicitiam simulabat: Quare qui occidit inimicum, non dicitur proditor in rigore loquendo, quamvis illum occidat à tergo, aut per insidias; quia occisus cavere sibi poterat ab inimico. Neque priuatur



in immunitate, qui abortum procurat fetus animati; quia hic non dicitur propriè proditorie occidere: cum enim infans in utero non sit rationis capax, dici non potest per insidias aut dolum occisus. *ibid.* §. 8. pag. 215. tom. 3.

174. Assassini reus, Ecclesiæ immunitate non gaudet, ex constitutione Gregorij XIV. Assassini autem nomine hic intelligitur qui pecunia, aut pretio conducitur ad hominem incautum occidendum ex insidiis: quare qui sine pretio aliquem interficit ut amico rem gratam faciat, non dicitur assassinus; Porro ut assassinus immunitate priuetur, debet constare, seu per testes, seu per confessionem partis, pecuniam hac de causa datam, aut promissam fuisse, ut quis occideretur; nam qui pretio conducitur tantum ad vulnerandum, non dicitur propriè assassinus, neque immunitatem amittit. Assassini etiam cooperatores, fautores, auxiliatores, & receptatores priuantur privilegio immunitatis: sunt enim omnes assassini rei. *ibid.* §. 9. pag. 215. 216. tom. 3.

175. Hæreseos reus Ecclesiæ immunitatem amittit; nam crimen hæresis expressè excipitur in Bulla Gregorij XIV. Dicitur autem reus hæresis, non solum qui cum pertinacia sentit contra fidem; verum etiam qui auxilium, aut fauorem hæreticis præbet. Notandum tamen ob solam hæresim immunitatem amitti, non autem ob alia crimina ab hæresi distincta; quia in Bulla excipitur crimen hæresis; quare hæreticus ob furtum commissum ad Ecclesiam confugiens, Ecclesiæ immunitate gaudet. Infidelem verò nondum baptizatum valdè probabile est gaudere immunitate, præsertim si ex animo baptismum petiit, antequam ad Ecclesiam confugeret. *ibid.* §. 10. pag. 216. 217. tom. 3.

176. Reus criminis læsæ maiestatis in personam Principis, privilegio immunitatis non gaudet, ut expressè habetur in Bulla. Dicitur autem Princeps qui superiorem in sua iurisdictione non agnoscit. Hinc sequitur illum non priuari immunitate, qui offendit uxorem, aut filium Principis; quamuis enim hic committat crimen læsæ maiestatis; non tamen immediate peccat in personam Principis. Idem sentiendum de coniurantibus, seu conspirantibus contra Statum, vel Remp. quia non coniurant in personam Principis; nec non de offendente statum Principis, aut eudente monetam falsam. *ibid.* §. 11. pag. 217.

177. Communis est Doctorum sententia violantes personam Cardinalis privilegio immunitatis destitui, quia Cardinales aequiparantur Regibus, & Principes Ecclesiæ vocantur. *ibid.* num. 9.

178. Crimen læsæ maiestatis tunc dicitur committi in personam Principis, quando fit actio in damnum, & offensam personæ Principis, ut occidendo, vulnerando, percutiendo, coniurando, hostiliter insequendo personam Principis, reuelando hostibus ipsius secretum ut ab illis capiatur. Idem dic de consulentibus, auxiliantibus, aut fauorem præstantibus; hi enim omnes criminis læsæ maiestatis in personam Principis sunt rei. Secus dicendum de ratum habentibus, aut approbantibus crimen commissum,



sum, aut de scientibus committendum, nec reuelantibus: licet enim isti, vt plurimum censeantur rei criminis læsæ maiestatis; non tamen commiserunt ullam actionem positiuam in personam Principis. *ibid. num. 10.*

179. Vt crimen læsæ maiestatis committi censeatur, præstanda est actio à subdito illius Principis, in quem dicitur crimen committi; dicitur autem subditus ratione domicilij, vel originis. Vnde infertur crimen læsæ maiestatis in Papam à quocunque seu laico, seu clerico committi posse: quia Papa in toto orbe suam iurisdictionem exercet. *ibid. pag. 218. n. 12. tom. 3.*

180. Prælati locorum gaudentium immunitate tenentur delinquentes ad locum immunem confugientes consignare Curie sæculari id requirenti, si cognouerint delictum ab eis commissum indignum esse priuilegio immunitatis; sic enim præcipit Gregorius XIV. in sua Bulla. At extra casus in illa Bulla exceptos non potest Episcopus, vel eius Vicarius, Iudici laico dare facultatem extrahendi reum ab Ecclesia: quia reus ad Ecclesiam fugiens gaudere debet immunitate. *ibid. §. 12. pag. 218. num. 1. & seq. tom. 3.*

181. Antequam reus, qui ad locum sacrum confugerat, curiæ sæculari tradatur, hæc sunt obseruanda. 1. vt obtineatur ab Episcopo loci, vel eius Vicario facultas expressa capiendi, & extrahendi reum, sede autem vacante adeundus est Vicarius Capituli, quia hic succedit in iurisdictionem Episcopi. 2. vt dum reus è loco sacro extrahitur, intersit persona Ecclesiastica, facultatem habens ab Episcopo, vel eius vicario. 3. vt non statim ac captus est, tradatur laicæ potestati, sed in carcerem nomine Episcopi coniciatur, donec ab ipso, vel eius Vicario cognoscatur an reus sit delicti, cui imposita est priuatio immunitatis; illud autem debet certò, & euidenter constare. Cæterum si ab Episcopo lata est sententia in fauorem fori sæcularis, iudicando reum immunitate non gaudere, ab hac sententia non datur appellatio; illam enim Gregorius XIV. expressè excludit. Si verò sententia lata fuit in fauorem rei, admittenda est appellatio: quia iure communi appellare licet ab inferiore ad superiorem. *ibid. pag. 219. num. 4. & seq. tom. 3.*

*Ecclesiarum immunitatem violantes quibus pœnis afficiantur.*

182. Violator huius immunitatis per extractionem delinquentis à loco sacro sacrilegium, & iniustitiam committit; sacrilegium quidem ob iniuriam loco sacro irrogatam; iniustitiam verò, quia ratione priuilegij non habet iurisdictionem in reum, & potest reus Iudici extrahenti resistere; quare tenetur ad restitutionem omnium damnorum, quæ inde passus est reus. *ibid. §. 13. pag. 220. num. 1. tom. 3.*

183. Violator Ecclesiæ immunitatis varias pœnas incurrit. 1. de iure civilis incidit in crimen læsæ maiestatis. 2. de iure canonico iniungitur illi pœna 90. solidorum præter pœnitentiam publicam ab Episcopo iniungendam. 3. incurrit excommunicationem ipso facto, Papæ referuatam, vt patet ex Bulla Greg. XIV. & ex decreto Sacræ Congregationis. *ibid. num. 3.*

184. Sub pœna excommunicationis prohibet Pontifex quemquam exi-

M ftemem



stentem in Ecclesia capi, nisi in casibus exceptis, seruata forma præscripta, quam supra retulimus; prohibet etiam extrahi per vim è loco sacro, & incarcerari. Quare qui hæc faciunt, aut fieri mandant, aut qui reum extractum detinent, nec Ecclesiæ restitunt; in pœnam excommunicationis incurrunt; qui verò consulunt, non videntur hac censura comprehendi; quia lex pœnalis restringenda est potius quam amplianda. *ibid.* §. 14. pag. 221. num. 1. & seq. tom. 3.

185. Episcopi, aliive Prælati extrahentes, vel extrahi mandantes aliquem è loco sacro contra formam in Bulla præscriptam, si id faciunt, quatenus funguntur potestate laica, afficiuntur excommunicatione; tunc enim procedunt tanquam laici; sin id faciunt quatenus vtuntur auctoritate Ecclesiastica, probabile est excommunicationis vinculo non teneri; quia hæc constitutio edita fuit ad frænandam laicorum temeritatem, qui confingentes ad Ecclesiam propria auctoritate extrahebant. *ibid.* pag. 222. num. 11. tom. 3.

186. Probabile videtur Episcopum posse ab hac excommunicatione absoluerè, facta restitutione, & satisfactione ab eo, qui in excommunicationem inciderat ob violatam Ecclesiæ immunitatem. Quia nusquam inuenitur hic casus Pontifici reseruatus. At nullus confessarius virtute alicuius priuilegij potest ab hac censura absolutionem conferre; ita enim cautum est decreto Clementis VIII. quod incipit, *Sacra Congregatio*. *ibid.* §. 16. pag. 223. n. 1. & 2. Probabile tamen est, & tutius in praxi hanc censuram esse summo Pontifici reseruatum; sic enim in prætorio sacre Pœnitentiariæ decisum fuit. *ibid.* pag. 224. tom. 3.

### Ecclesia Tolosana.

187. In Extrauaganti, *Saluator, de præbend. & dignit.* præsumentes turbare, vel impedire ea, quæ statuta sunt pro Ecclesia Tolosana, afficiuntur excommunicatione, si fuerint personæ singulares, interdicto si fuerit vniuersitas, & suspensione si fuerit capitulum, conuentus, siue collegium. *ibid.* punct. 18. tom. 3.

### Electio, Elector.

1. IN cap. *Sciant cuncti. de elect.* in 6. extat excommunicatio contra eos, qui per se, vel per alios grauant, aut iniuste persequuntur Electores Ecclesiasticos, seu Electrices, vel ipsorum consanguineos, vel Ecclesias, vel monasteria, vel ipsorum bona, eo quòd noluerint eligere illum pro quo rogabantur, vel inducebantur. *disp.* 2. *quest.* 2. *punct.* 19. pag. 170. tom. 3.

2. Ad hanc excommunicationem incurrendam requiritur 1. præsumptio, ob id ignorantia etiam crassa, & affectata excusat, modò non habeat

adiun-



adiunctam vim temeritatem. 2. requiritur vt præfatæ actiones prohibita iniuste fiant; quamobrem qui electorem spoliât titulo compensationis, non ligatur hac censura, quia non facit rem iniustam. 3. requiritur, vt præfatæ actiones fiant hoc prætextu, eo quod electores noluerint eum eligere, pro quo rogabantur; quare qui ob priuatas similtates aliundè ortas, quàm occasione electionis vexat electorem, huius poenæ reus non est. *ibid. pag. 171. num. 4. tom. 3.*

3. Qui vexat, aut persequitur personam Ecclesiasticam habentem ius præsentandi, instituendi, confirmandi, vel postulandi, eandem censuram incurrit; quia præsentatio, postulatio, confirmatio sunt modus quidam electionis, & iuxta vulgarem loquendi modum vocantur electio. *ibid. num. 7.*

4. Hæc excommunicatio non est reseruata.

*Electio officialium vrbs Romæ.*

5. In cap. *fundamenta, de elect. & electis potest. in 6.* fertur excommunicatio contra nominantes, vel eligentes aliquem in senatorem, rectorem, vel officialem Vrbs Romæ, absque speciali Summi Pontificis facultate; necnon contra consentientes, auxilium, consilium, vel fauorem præstantes huiusmodi electioni. *disp. 2. quæst. 3. punct. 49. pag. 265. tom. 3.*

6. Si electio fiat ad tempus, & non in perpetuum, & non eligatur vir magnæ præminentia, seu dignitatis, aut eius frater, filius vel nepos, non incurritur excommunicatio etiam si nõ accedat Summi Pontificis expressus consensus: Secus autem si is, qui eligitur, sit vir magnæ præminentia, &c. sic enim colligitur ex ipso textu. *ibid. num. 3.*

7. Excipiuntur ciues Romani ex ipsa vrbe oriundi, & præterea habitatores continui in vrbe, vel eius territorio; isti enim ad annuos magistratus, & officia nominari possunt, & eligi in consulto Rom. Pontifice, etiam si fratres sint, filij, aut nepotes Principum, Baronum, &c. nisi fortè extra urbem, & eius territorium habeant insignem dignitatem, & iurisdictionem. *ib. n. 4.*

*Electio Episcopi, seu Curatoris animarum.*

8. In electione Episcopi hæc forma præscribitur. 1. vt eligendus 30. annum impleuerit. 2. vt ex legitimo matrimonio natus sit. 3. vt vitæ honestate, & scientia polleat. In electione verò ad beneficium, cui adnexa est animarum cura, requiritur vt is, qui eligitur, inchoauerit 25. ætatis annum, & præterea sit spectatis moribus, & scientia fulgeat. *disp. 3. quæst. 4. punct. 1. pag. 352. tom. 3.*

9. Clerici eligentes Episcopos, aut curatores animarum non seruata forma superius tradita, incurrunt suspensionem per triennium à beneficiis Ecclesiasticis, & pro ea vice priuantur potestate eligendi. Hæc suspensio non incurritur ob præsentationem, aut nominationem indigni. *ibid.*



10. In extrauag. *vnica de postul. pral.* decernitur vt nullus secularis postuletur ad Episcopatum ante 27. annum, & præterea vt nullus religiosus cuiusvis ordinis mendicantium ad vllam Ecclesiam inferiorem cathedralli postuletur extra suum ordinem ante 27. annum, alioquin scienter postulantes suspenduntur ipso facto à beneficiis, quæ possident in illa Ecclesia, ad quam huiusmodi postulationem fecerunt, & priuantur ea vice postulandi, & eligendi facultate. *ibid. num. 4.*

11. Absolutio ab hac suspensione intra triennium reservata est Summo Pontifici. Multi tamen censent Episcopum posse absolueri, si delictum sit occultum, idemque sentiunt de confessariis habentibus facultatem absoluedi à censuris. *ibid. pag. 353. num. 9. tom. 3.*

12. Compromissarij eligentes indignum in Episcopum vel ad superiorem dignitatem, incurrunt suspensionem per triennium à beneficiis, quæ possident in ea Ecclesia, quam offendunt. Compromittentes autem, ratam habentes electionem indigni, non afficiuntur hac pœna; quia hoc nusquam habetur. Absolutio ab hac censura ante triennium elapsum reservata est Summo Pontifici; elapso verò triennio cessat. *ibid. punct. 3. pag. 353. 354. tom. 3.*

13. Præsumens eligere aliquem ad beneficium per abusum potestatis secularis, suspensio est ab officiis, & beneficiis multatur, & potestate eligendi tunc priuatur; hæc autem suspensio non est latæ sententiæ.

14. Electio facta per metum est irrita, quando metus incutitur ad eligendum certum aliquem; quia caret debita libertate; si verò metus incutitur ad eligendum aliquem ex certo numero vel corpore, electio valida est; quia vnus ex multis voluntarie eligitur. *ibid. punct. 5.*

15. Confirmans electionem indigni ad curam animarum, priuatur potestate confirmandi successorem illius, & priuatur fructibus beneficii; hæc tamen suspensio non videtur ipso iure lata. *ibid. punct. 4.*

16. Consentiens electioni de se factæ ab electoribus Ecclesiasticis cum abusu potestatis secularis, non gaudet illa electione; immò ineligibilis efficitur, neque eligi potest ad aliquam dignitatem sine dispensatione; eligi tamen potest ad beneficium simplex, vel ad canonicatum, vel ad beneficium parochiale; quia huiusmodi beneficia non sunt dignitates. *ibid. punct. 5. pag. 355. num. 7. & 8. tom. 3.*

17. Electores Episcoporum, qui electionem electo non præsentant intra octo dies, postquam eam commode illi præsentare potuerunt, incurrunt suspensionem per triennium ab omnibus beneficiis, quæ obtinentur ab electoribus in ea Ecclesia, de cuius electione agitur, non tamen suspenduntur ab officio eligendi, si suspensione durante Sedes Episcopalis vacet. Absolutio ab hac censura, ex communi sententia, reservata est Summo Pontifici, quia lata est ad tempus. *ibid. punct. 8. pag. 356. tom. 3.*

18. Impugnantes electionem, opponendo aliquid in personam electi, sed postea deficientes in probatione, incurrunt suspensionem à beneficiis per



Per triennium in illa Ecclesia, ad quam alter fuerat electus: si autem durante illa suspensione, temere se in illis beneficiis immisceant, ipso facto priuantur beneficiis absque spe illa iterum obtinendi, nisi probauerint se rationabilem causam habuisse inapugnandi præfatam electionem, seque calumniatores non fuisse; illa tamen beneficia alteri conferri non possunt ante sententiam priuationis declaratoriam. Hæc suspensio reservata est Summo Pontifici, quippe lata ad triennium, quo elapso cessat. *ibid. punct. 9. pag. 357. 358. tom. 3.*

Eleemosyna.

**E**leemosynæ nomine intelligitur actus, quo aliquid alteri ex compassionem damus, ad ipsius necessitatem subleuandam, propter amorem, seu bonitatem Dei; & hic dicitur actus misericordiæ imperatus à charitate: Sunt autem misericordiæ opera quatuordecim, septem corporalia, quæ hoc versu continentur:

*Visito, poto, cibo, redimo, tego, colligo, condo.*

totidem spiritualia, quæ hic versus complectitur:

*Consule, castiga, solare, remitte, fer, ora.*

2. Non solum ex præcepto diuino, verum etiam naturali, tenemur per eleemosynam succurrere proximo extrema necessitate laboranti. Tenemur item de superfluis vitæ, & statui, facere eleemosynam proximo, etiam extra necessitatem ipsius extremam, seu in comuni, & graui pauperum necessitate. Vnde colligitur aduocatum peccare mort. non suscipiendo patrocinium pauperis, & medicum, vel chirurgum, non præstando operam suam indigenti: hæc enim opera inter superflua numeranda est. Neque excusari posse diuites, qui de superfluis non faciunt eleemosynam, quamuis habeant intentionem construendi templa, aut omnia pauperibus relinquendi post mortem: hæc enim intentio non tollit obligationem eleemosynæ faciendæ in graui, aut etiam comuni pauperum necessitate. *tom. 2. pag. 165. num. 5. & pag. 166. num. 9.*

3. Habentes superflua vitæ, & statui, non tenentur pauperes inquirere, sed sufficit, vt animo parati sint ad eorum necessitates subleuandas, cum se dabit occasio. Secus dicendum de Episcopis; tenentur enim ex officio, pauperum necessitatibus occurrere; nam patres pauperum nuncupantur. Habentes autem superflua vitæ, sed non suo statui, non tenentur in comuni, aut graui priuatorum necessitate eleemosynam facere; tenentur tamen in extrema, aut quasi extrema, modò non sit periculum, ne ipsi in similem necessitatem incidunt. At si sermo sit de necessitate publica, seu personæ publicæ, tenemur etiam ex necessarijs ad vitam subuenire Principi; seu alteri personæ publicæ, graui necessitate laboranti: quia bonum publicum præferendum est priuato. *tom. 2. pag. 166. num. 10. & 11. t. 3.*

4. Debitor extremam patiens necessitatem, per se loquendo, non tene-



tur restituere rem acceptam, seu soluere debitum creditori, pari necessitate laboranti: hic enim non dicitur rem alienam detinere, cum necessitas faciat omnia communia: modò debitor non acceperit iniuste ab eo, qui eadem necessitate laborabat; tunc enim teneretur eam rem domino restituere; quia, vt non potuit eam eripere domino extrema necessitate laboranti, sic nec potest eam retinere. Item qui rem alienam commodatam, vel locatam, vel pignori datam, retinet eo tempore, quo vterque extrema premitur necessitate, non tenetur domino restituere. Extra extremam autem, etiam in graui necessitate tenetur rem alienam restituere domino pari necessitate laboranti. *ibid. num. 14.*

5. Excusandi sunt, qui perigrinos suis à ciuitatibus excludunt ex iusta, & rationabili causa, v. g. ne otio torpeant, ne morbos, vel corruptelas, vel proditiones afferant, vel vt pauperes domesticos præferant exteris; nam ordo charitatis seruari potest. *tom. 2. pag. 167. num. 19. tom. 3.*

6. Inimicis priuatis in necessitate constitutis tenemur subuenire; sunt enim noster proximus, & Christus hoc præcipit: Inimico autem Reip. etià in extrema necessitate, non tenemur subuenire, quando periculum est, ne Reip. noceat, immò teneor non subuenire. Si verò nihil sit periculi, teneor subuenire. *ibid. num. 20.*

7. De iniuste acquisitis fieri potest eleemosyna; non tamen propterea cessat obligatio restituendi. Tutores, & curatores possunt moderatas eleemosynas facere de bonis pupillorum, cum sint illorum administratores. Qui eleemosynam accepit distribuendam, potest eam sibi applicare, si vere indigeat, modò de Domini voluntate aliter non constet. *tom. 1. pag. 168. n. 22. 26. 27. tom. 3.*

8. Qui denegauit eleemosynam pauperi, non tenetur transacta necessitate aliquid illi restituere, ratio est damni, quod inde passus est: quia obligatio restituendi oritur ex violata iustitia; hic autem non iustitia, sed charitas violatur. *pag. 169. num. 29. tom. 3.*

## EMPHYTEVSIS.

*Quid, & quomplex sit Emphyteusis.*

1. **E**mphyteusis est contractus, quo quis tradit rem suam immobilem alteri quoad dominium vtile, sub certa pensione reali soluenda in recognitionem domini directi, vt si Titius tradat Caio prædium ad 15. annos cum onere soluendi sibi centum aureos nummos in recognitionem domini directi. Differt à feudo, quia feudum habet onus obsequij, & seruitij personalis: differt à locatione, quia locatio fit ad breue tempus, & in re etiam mobili; *tom. 2. pag. 569. num. 1. & seq.*

2. Emphyteusis alia est perpetua; alia temporalis, quæ est tantum ad tempus. Rursus alia est Ecclesiastica, alia communis, siue profana. Item alia



alia est *noua*, nunc primum instituta, alia *vetus*. Denique alia est *hereditaria simpliciter*, quæ concedi solet pro omnibus hæredibus, quamvis extraneis; alia *hereditaria mixte*, quæ conceditur pro aliquibus hæredibus, sed non pro omnibus; & alia *familiaris*, quæ conceditur solum pro iis, qui sunt de familia; quamvis non sint hæredes. *ibid. num. 7.*

3. Dantur in emphyteusim res immobiles pertinentes ad dominum directum, quæ meliores reddi possint. Vnde sequitur pecuniam, vel etiam annuos redditus non posse in emphyteusim dari. Idem dicendum de arboribus à solo separatis. Secus de arboribus solo hærentibus, vt de oliueto, vineto, &c. nam hæc inter immobilia numerantur. *ibid.*

*Conditiones ad emphyteusim requisitæ.*

4. Prima conditio, est vt contractus emphyteuticus, per scripturam celebretur, nisi consuetudo aliud ferat. 2. vt contractus fiat de rebus immobilibus, & frugiferis, soloque hærentibus: nam emphyteusis à principio fuit instituta, vt sterilia colerentur, fierent fertilia, & fecunda. 3. vt bona, quæ subiiciuntur emphyteusi, non sint Ecclesiastica; nam bona Ecclesiæ, quæ tradi non consueverunt in emphyteusim, non possunt in emphyteusim concedi, sine legitima causa, & debitis solemnitatibus à iure requisitis. 4. vt dominium directum perseueret apud priorem dominum. 5. vt quotannis ab emphyteuta solvatur certa pensio, quæ solet esse minor quam valeat fructus rei emphyteuticæ; nam hæc pensio, perse, non soluitur ad lucrum, sed in recognitionem domini directi. 6. vt emphyteuta priuari possit re, accepta in emphyteusim, quoties efficitur notabiliter deterior, ipsius culpa. 7. vt emphyteuta non possit rem emphyteuticam, & eius melioramenta, per venditionem alteri tradere secundum ius vile, quod ipse habet, aut locare ad decennium, seu tradere alteri in emphyteusim, absque consensu domini directi, saltem implicito. 8. vt in re emphyteutica illi tantum succedant, qui in inuestitura, seu contractu emphyteutico exprimuntur; hinc fit, vt res emphyteutica reuoluatur ad dominum proprietarium, quando extincta est generatio, ad quam data fuerat. *tom. 2. pag. 570. n. 1. & seq. pag. 571. & 572.*

5. Emphyteuta, qui per duos annos cessauit à solutione canonis seu pensionis, in emphyteusi Ecclesiæ, seu loci pii, cadit ab emphyteusi, & amittit rem emphyteuticam cum omnibus melioramentis in ea factis, nisi purgauerit moram celeritate solutionis. At in emphyteusi sæculari, qui triennio cessauit soluere pensionem, incidit in caducitatem, nec potest purgare moram celeritate solutionis, in rigore iuris; statim enim rem amittit, modo dominus directus declaret velle sibi rem emphyteuticam applicari: non tenetur tamen emphyteuta rem à se abdicare ante sententiam iudicis. *tom. 2. pag. 570. num. 7. & 9.*

6. Emphyteuta qui non se obligauit ad casus fortuitos, non tenetur sol-



uere pensionem, si tota res pereat absque sua culpa, vel veniat in hostium potestatem: res enim domino perit. Si verò pars aliqua notabilis remaneat apud emphyteutam, etiam si fortè sit minor pensione, tenetur emphyteuta de rigore iuris, soluere pensionem, sicut etiam tenetur integram pensionem soluere, superueniente sterilitate: modò pensio non sit constituta, quasi super pluribus rebus, itavt unicuique rei respondeat sua peculiaris pensio; tunc enim vna re pereunte debet tantum soluere pro rata. *tom. 2. pag. 571. num. 18.*

7. Emphyteuta, postquam cecidit ab emphyteusi, non potest repetere expensas modicas, circa rem emphyteuticam factas: istæ enim expensæ censentur factæ in utilitatem ipsius emphyteutæ. Si verò expensæ sint ingentes, & notabilis valoris, soluendæ sunt finito tempore emphyteusis; modò emphyteuta non cadat suâ culpâ, aut aliter conventum non sit. Huiusmodi autem expensæ, seu melioramenta soluenda sunt iuxta valorem, quem habent tunc temporis, quo res emphyteutica redit ad dominum directum: at melioramenta superflua potius quàm vilia soluenda non sunt. *ibidem, num. 22. & pag. 572.*

8. Quando res emphyteutica transit ad alium emphyteutam, per venditionem, vel donationem, vel permutationem, vel locationem decennale, soluendum est à secundo emphyteuta laudemium domino directo propter inuestituram, seu laborem, quem dominus directus subit inuestiendo, seu mittendo novum emphyteutam in possessionem. Est autem laudemium quinquagesima pars pretij rei emphyteuticæ; ex consuetudine tamen videtur tantum trigesima pars. In his tamen casibus non debetur laudemium domino directo. 1. quando hæres necessarius (qui suus in iure nuncupatur) succedit in rem emphyteuticam: hic enim propria auctoritate adit hereditatem. Idem dicendum quando coheres, ante diuisionem, vendit alteri coheredi partem sibi respondentem. 2. quando res redit ad priorem emphyteutam, dissoluto contractu celebrato cum pacto retrovendendi: quia hæc non censetur noua venditio, sed rescissio prioris. 3. quando pater tradit filiæ rem emphyteuticam, non habens aliud, quod ei tradat: quia laudemium soluitur pro alienatione voluntaria; hæc autem videtur necessaria. 4. quando plures habentes rem emphyteuticam communem, eam inter se diuidunt. *tom. 2. pag. 572. n. 25. & seq.*

9. Emphyteusis secularis, si sit hereditaria, potest ad fiscum transire: cogi tamen potest fiscus ad nominandum aliquem, cuius obitu redeat ad dominum, quia fiscus est perpetuus. Si verò emphyteusis non sit hereditaria, non transit ad fiscum, sed defertur ad vocatos, & ipsis non extantibus, redit ad dominum directum. At emphyteusis Ecclesiastica non acquiritur fisco seculari. *tom. 2. pag. 573. num. 33.*

10. Emphyteusis hereditaria, quæ scilicet in extraneos transferri potest, transit ad monasterium, in quo religiosus professionem facit, (modò monasterium sit capax successionis;) monasterium tamen debet aliquem nominare,



minare, cuius obitu emphyteusis finiatur, & redeat ad dominum directū. Si tamen alicui concessa esset emphyteusis pro se, & suis heredibus, emphyteusis transiret irrevocabiliter ad monasterium: quia monasterium potest esse heres. At si emphyteusis non sit hereditaria, non transit ad monasterium, sed vivente religioso emphyteuta, commoditas illius emphyteusis pertinet ad monasterium, mortuo autem religioso succedunt vocati, alioquin ad dominum directum reuertitur. *ibid.*

II. In emphyteusi concessa alicui pro se, & suis filiis, seu posteris, non succedere filias, communis est sententia, nisi aliud exprimatur: quia femine in feudo, & emphyteusi non comprehenduntur nomine filiorum. In emphyteusi Ecclesiastica filius naturalis, seu illegitimus non succedit, nec comprehenditur nomine filiorum: quia Ecclesia valde abhorret ab illegitimis, utpote ex peccato genitis. In Emphyteusi verò seculari, filij naturales comprehenduntur nomine filiorum. Si tamen emphyteusis tradita sit alicui pro se, & filiis legitimis, filius naturalis legitimatus privilegio Principis, non succedit: quia Princeps non presumitur velle prejudicium afferre filiis legitimis, aut domino directo, nisi Princeps aliud exprimat: potest enim, ex gravi causa, habilem facere filium illegitimum ad succedendum. *ibid. num. 35.*

## EMPTIO, ET VENDITIO.

### *Quid sit emptio, & venditio.*

I. **E**MPTIO est contra actus, qui mutuo consensu perficitur, & utroque, citroque emptorem, & venditorem obligat; emptorem quidem ad tradendum pretium pro mercede, venditorem verò ad tradendas merces pro pretio. Hinc intelligitur definitio venditionis; est enim correlativa, emptionis, vnumque cum ea contractum constituit; qui perficitur solo consensu per externum aliquod signum expresso; unde fit, ut traditio non sit de essentia huius contractus. Modò tamen consensus sit absolutus, & non conditionalis; nam conditio suspendit consensum, & contractum, usque ad conditionis euentum. Impleta verò conditione contractus remanet perfectus, & fictione iuris retrotrahitur ad tempus, in quo fuit celebratus, at si tunc temporis consensus fuisset absolutus. Unde sequiur gabellas, quæ soluendæ sunt ex emptione, & venditione antea celebrata, priori gabellario esse persolvendas, non verò successoribus, si mutati sunt gabellarii ante conditionis euentum. *tom. 2. pag. 495. num. 1. & seq.*

2. Contractus venditionis, & emptionis non censetur perfectus, donec pretium definiatur; ut si quis dicat, *Vendo tibi equum quanti indicaverit Titius*, validè quidem vendit; si verò Titius moriatur, aut indicare nolit, rescinditur contractus; quia perfici non potest, quin pretium definiatur. Unde fit, ut si in huiusmodi contractu soluenda sit gabella, & mutati sint

interim



interim gabellarum exactores, soluenda sit gabella posteriori gabellario, qui gabellas tunc exigit cum pretium definitur: quia gabella non debetur nisi pro contractu perfecto, & completo. *rom. 2. pag. 496. n. 7.*

3. Contractus venditionis, & emptionis hoc discernitur à contractu locationis, & conductionis, quod in contractu locationis, &c. artifex ponit solam operam, non autem materiam, vt si ego tibi tradam aurum, & tu mihi inde conficias annulum: quando verò artifex ponit operam, & materiam, censetur emptio, & venditio, vt quando artifex mihi tradit annulum ex auro, quod ipse apposuit. Excipitur casus, in quo artifex construit domum in solo alieno; licet enim ipse materiam subministret, dicitur operam suam locare: quia domus in alieno solo aedificata cedit domino fundi, seu soli. *ibid. num. 10.*

*Quenam vendi possint.*

4. Omnia pretio aestimabilia vendi possunt, nisi obftet specialis aliqua prohibitio, seu circumstantia, quae venditionem reddat inualidam, aut illicitam. Quò fit vt spiritualia vendi nequeant; quia pretio non aestimantur, nisi ratione materiae, vel laboris adhibiti in eis fabricandis: sic absque labe simoniae venditur calix, aut fundus, cui est adnexum ius patronatus; videndum tamen ne ratione iuris patronatus pretium augeatur, nam simonia committeretur. *ibid. num. 1. & pag. 497. num. 2.*

5. Venditio templi facta absque Principis auctoritate, inualida est; etiamsi templum spectetur secundum materiam, & secundum expensas factas in eo construendo: hæc enim venditio à iure irritatur. Hoc tamen tempore ad alienationem templi requiritur Summi Pontif. consensus. *rom. 2. pag. 497. num. 3.*

6. Res pupilli, vel minoris, emi non possunt à tutore, vel à curatore; hoc enim prohibetur à iure ob præsumptionem fraudis: nisi fortè vendatur sub hasta, nec sic alius; qui emat. *ibid. num. 7.*

7. Res publica, vt forum publicum, vi, &c. à priuata persona vendi non possunt, etiamsi venditio referatur in tempus, quo hæc bona erunt priuatae personae: vendi tamen possunt à persona publica illarum rerum, dominium habente, sicut vendi possunt vrbes & oppida quod Reip. commodo fiat. *ibid. num. 8.*

8. Liberi hominis venditio est irrita, licet referatur in tempus; quo feruus erit; nisi vendatur filius à patre, vel ob nimiam egestatem, vel pro soluendis debitis; potest etiam qui seipsum vendere ad alium redimendum, sic S. Paulinus Episcopus Nolensis seipsum vendidit pro filio vidua redimendo. *ibid. num. 9.*

9. Officia, per se loquendo, vendi possunt: sunt enim pretio aestimabilia, modò nullum adsit ius in contrarium: in praxi tamen non expedit beneficia vendi, alioquin saepe venderentur minùs idoneis, cum Reip. detrimento. *ibid. num. 10.*



10. Ea, quæ tantummodò inferuiunt ad malum vsum, vt sunt venena, vendi non possunt: nisi aliis rebus admixta, humanis vñbus inferuire possint, cuiusmodi sunt venena, ex quibus medicamenta conficiuntur. Licet tamen conficere ex se indifferentes, easque vendere iis, quos credimus nõ abusuñs; quamuis deinde contingat, vt emptores iis abutantur; vt sunt chartæ lusoria, tali, fuci, arma, &c. quia venditorum non est examinare intentionem ementium. Vendens tamen idolum gentili, qui eo crediñt abufurus, grauius peccat, si vendat absque necessitate, vel alia rationabili causa: quilibet enim tenetur ex charitate, peccatum proximi impedire, quantum potest absque notabili suo detrimento. At rationabili causâ interueniente, excusari potest hæc idoli venditio, cum ex se sit res indifferens, & ad ornatum domus adhiberi etiam possit: sic etiam excusatur à peccato, vendens agnum Iudæo, qui eum sit sacrificaturus. *ibid. num. 11. 12. & 13.*

11. Venditio rei alienæ est inualida quoad transferendum dominium, rei venditæ in emptorem, cum enim venditor non habeat dominium rei alienæ, non potest illud in alterum transferre: quare dominus rei potest illam vendicare, vbicumque sit, nisi legitimo temporis cursu præscripta fuerit ab emptore bonæ fidei. Valida tamen est venditio rei alienæ ad transferendum dominium pretij in venditorem. Verum tenetur venditor emptorem seruare indemnem; quia censetur iniusta causa damni per fraudem; nisi fortè emptori sciret rem esse alienam: tunc enim venditor non tenetur de euictione, nec datur actio emptori ad repetendum. *ibid. num. 20. & seq.*

12. Non potest quis inuitus, regulariter loquendo, cogi ad rem suam vendendam: quilibet enim est rei suæ dominus, atque arbiter: aliquando tamen, iusta interueniente causa, cogi potest: sic tempore inopiæ potest quis cogi ad suum frumentum vendendum, vel ad vendendum agrum, aut domum iusto pretio, ob bonum commune. *tom. 2. pag. 498. num. 28.*

13. Ea, quæ emuntur pecuniis alienis, regulariter loquendo, sunt emptoris, si ea suo nomine emat. Aliquando tamen sunt illius, cuius sunt pecuniæ: sic empta pecuniis Ecclesiæ, sunt Ecclesiæ; empta pecuniâ militis, sunt militis; empta pecuniâ coniugis donatâ alteri coniugi, sunt illius, cuius est pecunia; empta pecuniâ pupilli, vel minoris, à tutore vel curatore, sunt pupilli, vel minoris. *ibid. num. 29.*

*Emptio cum pacto retrouendendi.*

14. Quando pactum de retrouendendo apponitur in fauorem solius venditoris, res minus valet, quàm si venderetur sine tali pacto: quia imponitur emptori grauamen, & onus pretio astimabile. Quando verò apponitur pactum in fauorem solius ementis, res plus valet, quàm alioquin valeret: quia venditor subit onus pretio astimabile. Ex quo inferitur iniustum



iustum esse pactum, quo venditor obligatur ad reemendam eodem pretio rem venditam, si emptori placuerit. Quando denique apponitur pactum retrouendendi in fauorem vtriusque contrahentis, res minus valet, quam si apponeretur in fauorem solius ementis; & plus valet, quam si apponeretur in fauorem solius venditoris, itavt si in fauorem vendentis valuisse 20. & in fauorem ementis 30. in fauorem vtriusque valeat 24. aut 25. *tom. 2. pag. 498. 499. num. 2.*

15. Venditio cum pacto retrouendendi, in fauorem solius venditoris licita est, interueniente iusto pretio, aliisque conditionibus requisitis; nam huiusmodi pactum nulli est iniuriosum; sic contractus census, qui cum pacto saltem implicito retrouendendi celebratur, communi vsu recipitur: debet tamen venditor tantum descendere de pretio, quanti aestimatur onus impositum emptori. Porro emptor potest apponere pactum, vt si venditor non redemerit v.g. intra decennium, non possit amplius redimere: hic enim nulla apparet iniustitia. *tom. 2. pag. 499. num. 3. 4. & 5.*

16. Venditio cum pacto redimendi in fauorem solius emptoris, licita est, interueniente iusto pretio, aliisque conditionibus requisitis; modo grauamen impositum venditori compensetur, aucto pretio rei venditæ; hoc enim pactum nulli est iniuriosum. *ibid. num. 6.*

17. Venditio cum pacto retrouendendi in fauorem vtriusque contrahentis; licita est. Vnde excusari potest ille frequens, & vsitatus contractus, quo Titius v.g. vendit Caio domum, & ab illo accipit mille nummos, hac conditione, vt Titio liberum sit domum redimere soluto pretio, & Caio integrum sit pretium repetere, restituta domo. *ibid. n. 7.*

18. Vt autem contractus venditionis, cum pacto retrouendendi, sit licitus, & vsuræ vacet, quatuor conditiones requiruntur. 1. est intentio vendendi, & emendi, cuius defectu, pactum retrouendendi est vsurarium; iam enim non est contractus venditionis, sed mutui. 2. est iustum pretium; iustum autem pretium censetur illud, quo res aestimatur arbitrio prudentis viri, habita ratione grauaminis, quod imponitur alteri contrahentium. 3. vt fructus rei emptæ pertineat ad emptorem: quia emptor per contractum emptionis acquisiuit dominium rei emptæ; modo fructus, propter contractum locationis, non pertineant ad venditorem. 4. vt in contractu emptionis, & locationis non adsit aliqua læsio. *ibid. n. 8.*

19. Contractus venditionis cum pacto retrouendendi, seu redimendi eodem pretio, celebrari potest: hic enim contractus quotidiano vsu comprobatur; arque hæc retrouenditio, non tam est nouus contractus, quam rescissio prioris. Cum autem pactum retrouenditionis est in fauorem venditoris, aut emptoris, potest apponi pactum de retrouendenda re, maiori, vel minori pretio, provt res valuerit tempore retrouenditionis. *tom. 2. pag. 500. num. 14. & 15.*

20. Non committitur vsura ab emptore, qui rem emptam cum pacto retrouendendi in fauorem venditoris, locat eidem venditori, donec ab eo redima-



redimatur: sunt enim duo contractus liciti, vnus venditionis, alter locatio-  
nis, neque sunt illiciti eò quòd coniungantur. *ibid. num. 16.*

21. Qui rem emit cum pacto retrouendendi, in fauorem solius vendi-  
toris, nullo præfixo termino ad reuendendũ, non potest rem emptam, le-  
gitimo temporis cursu præscribere: quia se obligauit ad rem venditori re-  
trouendendam, quandocumque venditor voluerit. *ibid. num. 18.*

22. Qui rem vendidit Caio cum pacto retrouendendi, sed Caius ean-  
dem vendidit Titio, antequam redimeretur à venditore, non potest eam  
vindicare à Titio, sed habet tantummodo actionem personalem in Ca-  
ium, vt damnum sibi refarciat: quia illa actio, cum sit personalis, non tran-  
sit ad alium. *ibid. num. 19.*

23. Contractus, quo venditur res, credità pecunià pretio rigorofo, &  
postea eadem statim redimitur numeratà pecunià medio, vel infimo, per  
se loquendo, non est vsurarius: quia in vtraque venditione res venditur  
iusto pretio. Fieri tamen potest aliquando, vt huiusmodi contractus vsu-  
riam contineat, si primus venditor pactum ineat cum emptore, vt res em-  
pta sibi retrouendatur infimo, vel medio pretio: hic enim contractus me-  
ritò præsumi potest vsurarius, eò quòd videatur resolui in mutuum: &  
hic contractus, qui Italis *Stocco* appellatur, celebratur, quando emptor  
non inuenit alia ratione pecuniam, nisi creditò emat merces pretio rigo-  
roso, cum pacto statim retrouendendi infimo. *ibid. n. 20.*

*Quanti res vendi, vel emi possint.*

24. Pretium duplex est, alterum *legitimum*, à lege taxatum; alterum  
*naturale*, seu *vulgare*, quod hominum æstimatione constituitur. Atque  
hoc pretium habet latitudinem, quia non omnes idem iudicant, in quo dif-  
fert a pretio legitimo quod in diuisibili consistit. Pretium igitur vulgare  
est triplex, *infimum, medium, & supremum*, quod etiam *rigorosum* appel-  
latur. In taxando autem rerum pretio, non solum habenda est ratio rei,  
secundum suam substantiam; sed etiam vsus: nam quò vnaqueque res est  
vtilior, eò plurius estimada est; habenda est etiam ratio lucri cessantis, dam-  
ni emergentis, &c. *tom. 2. pag. 501. n. 1. & 2.*

25. Res tanti vendi potest, quanti valet iuxta taxam Principis, vel com-  
munem hominum æstimationem. Sic excusari possunt, qui res pretiosas.  
in his locis, in quibus copia facit vilitatem, vili emunt; excusatur item, qui  
fasces herbarum, in quo scit latere herbas pretiosas paruo emit: nam fa-  
scis herbarum ad pabulum animalium vulgò vili estimatur. Item emens  
gemma, quam nouit habere virtutem ignotam venditori, non facit illi in-  
turiam tradendo pretium lege, vel consuetudine taxatum. Non tamen est  
tutus in scientia, qui gemmam à rustico ignaro valoris gemmæ, vili emit:  
censetur enim rusticus inuoluntariè vendere propter ignorantiam. At si  
vterque ignoret valorem, contractus est licitus: quia vterque eandem subit  
aleam lucri, aut damni. *ibid. num. 3. & seq.*



26. Quando sunt duo pretia, alterum taxatum à Principe, alterum à com. nuni. hominum estimatione, seruandum est pretium taxatum à Principe, cuius est pretium rebus ponere ad vitandam pauperum oppressiōnem, & damnorum occasionem. Si tamen constet pretium à Principe taxatum esse iniquum, venditor potest tantum de pondere, vel mensura, detrachere, quantum satis est, vt se indemnem seruet. Hinc excusantur pistores, qui panes minores taxâ conficiunt, aut vendunt supra taxam, vt se indemnēs seruent; modò communiter pistores illius prouinciæ, aut vrbs idem damnum patiantur. *tom. 2. pag. 502. num. 7.*

27. Quando res notabiliter varianrur quoad valorem, licet à pretio lege taxato discedere. Quò fit vt si Princeps constituit pretium tritici, tempore abundantie, nec illud mutauit adueniente inopia, venditor non teneatur seruare pretium taxatum: quia non est verosimile Principem, superueniente notabili mutatione, velle suam legem eundem vigorem retinere. At standum est pretio tempore sterilitatis taxato, quæcumque tandem inopia superueniat. Princeps enim magis fauere debet emptoribus, quàm venditoribus, qui pauciores sunt, & minori inopia laborant. *ibid. n. 8.*

28. Qui vendit rem bonitate excedentem alias res, quæ venduntur vulgò, potest aliquid vltra taxam exigere, modò sit notabilis excessus in bonitate. Econtrà qui rem vendit bonitate longè aliis inferiorem, debet aliquid de pretio taxato remittere. Secus dicendum si excessus non sit notabilis. Peccant tamen, & tenentur ad restitutionem, qui fruges deteriores à melioribus separant, & deteriores taxato pretio, meliores verò maiori pretio clam vendunt: quia fraudant emptores, & violât legem taxantem pretia rerum permixtim vendendarum. Idem dicendum de iis, qui in locum præstantiorum mercium, quibus dictum est pretium, alias deteriores substituant. *ibid. num. 12.*

29. Licet aliquando, quibusdam circumstantiis concurrentibus, res pluris vendere, quàm alioquin venderentur, & minoris emere, quàm emerentur: idem enim, spectatis aliquibus circumstantiis, modò pluris, modò minoris estimatur. Sunt autem hæ circumstantiæ. 1. multitudo emptorum, & copia pecuniæ. 2. affectus ad rem, quæ venditur, vt si venditor egrè careat ea re, propter commodum, vel oblectationem. 3. lucrum cessans venditori, qui in gratiam emptoris vendit rem, quam constituerat seruare vsque ad tempus, quo plus valuisset; debet tamen venditor aliquid detrachere de pretio, ratione periculi, quod subisset, seruando rem ad illud vsque tempus. 4. damnum emergens, quod patitur venditor, vendendo creditâ pecuniâ: quia venditor non tenetur vendere cum suo detrimento: quare potest pluris rem vendere creditâ pecuniâ, quàm alioqui venderet numeratâ. 5. periculum amittendi totum pretium, vel eius partem, vel recuperandi cum expensis, & molestiis: quare ratione illius periculi, res pluris vendi potest illud enim periculum est pretio estimabile; licet fortè non contingat. 6. modus vendendi: minutatim enim res carius venduntur, quàm

si in



si in magna quantitate venderentur; sub hasta res aliquando carius, aliquando vilius prostant. Iustum autem pretium vendendi sub hasta est illud, quod citra fraudem extorqueri potest. *tom. 2. pag. 503. num. 14. & seq. pag. 504.*

30. Qui rem minoris emunt à venditor, quam valeat, propter necessitatem, qua venditor premittitur, excusantur, si venditor ultro rem offerat vendendam: merces enim ultro nea pro tertia parte vilescunt. *tom. 2. pag. 524. num. 23.*

31. Quæ non habent pretium à Principe taxatum, vel à communi æstimatione, cuiusmodi sunt gemmæ, falcones, statuarum antiquarum, picturæ, canes, non possunt vendi ad arbitrium venditoris, sed iuxta prudentis viri iudicium: quælibet enim res iusto pretio vendi debet. *tom. 2. pag. 505. n. 25.*

32. Extraordinariæ impensæ, labores, pericula, &c. quæ mercatores subeunt, non sunt causa sufficiens augendi pretium taxatum: pretium enim censetur taxatum habita ratione omnium, quæ contingere possunt, ad augendum, vel minuendum mercium pretium: & quemadmodum mercatura exposita est lucro, ita etiam damno. Vnde fit, ut si onusta navis mercibus submergatur, aut domus, in qua servabantur merces, conflagret, aut si quod aliud infortunium accidat, non possit mercator vendere ultra taxam. Potest tamen mercator ratione officij mercaturæ, aliquid plus exigere, quam exigatur ab alio, qui mercaturam non exercet: nam officium mercatoris est pretio æstimabile, cum mercator Reip. seruiat. *ibid. num. 29. & 30.*

33. Mercatores, qui vulgò mentiuntur rem sibi tanti stetitisse, vel tanti aliis vendidisse, ut pertrahant emptorem ad rigorosum pretium, ut plurimum peccant venialiter, peccato mendacij, & regulariter loquendo, non tenentur ad restitutionem: nam emptores vix illis credunt: si tamen huiusmodi mendaciis homines pertrahantur ad emendum pretio notabiliter maiori, venditores graviter peccant, tenenturque ad restitutionem: datum enim emptoribus creant per fraudem. *ibid. num. 31.*

*Monoplia sive licita.*

34. Monopolium quatuor modis contingit. 1. quando mercatores inter se conveniunt de merce vendenda tanto pretio ab ipsis constituto, aut quando emptores conveniunt de re non emenda, nisi tanto pretio, quod ipsi constituunt. 2. quando unus, vel duo, vel plures, emunt omnes merces, ipsique soli eas vendunt, eo pretio, quo volunt, sicque inducunt notabilem charitatem. 3. quando aliqui impediunt, ne aliæ merces advehantur, ut ipsi carius res suas vendant, cum Reip. detrimento. 4. quando Princeps alicui concedit privilegium, quo solum certum genus mercium vendere possit. *tom. 2. pag. 506. num. 1.*

35. Quando mercatores inter se conveniunt de re vendenda supra pretium



tium rigorosum, peccant mort. contra iustitiam, quia iustum pretium excedunt. Eodemque modo peccant emptores inter se conspirantes de merce emenda pretio infra infimum. Possunt tamen emptores conspirare ad depellendum monopolium venditorum: vtuntur enim iure suo, vt se indemes seruent, & monopolium monopolio, vt clauus clauo traditur, vt ad aequalitatem veniatur. *ibid. num. 2. & 3.*

36. Quando vnus, vel pauci inter se coueniunt ad emendas omnes merces alicuius generis, eo consilio, vt carius vendant, grauius contra charitatem peccant; probabile tamen est, illos non teneri ad restitutionem: quia non peccant contra iustitiam, cum emant iusto, & currenti pretio; neque peccant supprimendo vsque ad tempus inopiæ, cum ex iustitia non teneantur vendere. Hinc excusari possunt transferentes triticum extra territorium, etiam si ob id, pretium notabiliter augeatur: sicut enim absque iniustitia possunt triticum domi occultare, ita & exportare; quamuis peccent contra charitatem, & Principis prohibitionem. *ibid. num. 4. & seq.*

37. Qui vi, vel fraude impediunt, ne merces aliunde aduehantur, vt ipsi carius res suas vendant, peccant contra iustitiam; & tenentur ad restitutionem: sunt enim causa iniusta damni, aliis mercatoribus, & Reip. Qui verò solis precibus, vel persuasionibus id impediunt, non videntur teneri ad restitutionem; quia preces, & persuasiones non tollunt voluntarium. *tom. 2. pag. 507. num. 8.*

38. Qui iusta de causa impetrat à Principe priuilegium, quo solus possit certum quoddam genus mercium aduehere, & vendere, non videtur grauius peccare, modò iustum pretium à Principe taxetur, vel à prudentibus viris: fieri enim potest, vt hoc Reip. expediat, nec vlli iniuria fiat. *ibid. num. 9.*

39. Ad hæc monopolia recensita, quædam alia reuocari possunt, vt quando aliqui timorem spargunt, vel litteras confingunt, quibus exprimitur naues submersas esse, quibus merces certi generis aduehebantur, vt sic pretium augeant; quando vendens sub hasta, seu auctionem faciens apponit fictos licitatores, qui plus offerant, vt ceteri emptores in pretio ascendant. Qui verò in publica licitatione amicos rogat ne plus certa quantitate offerant, vt ipse iusto pretio, licet infimo, rem obtinere possit, non peccat contra iustitiam. Secus dicendum si alios, vi, aut fraude auocet ab augendo pretio; tunc enim peccat contra iustitiam. *ibid. num. 10.*

40. Mercator, qui monopolium non exercuit, non potest merces suas vendere pretio communi, quod per monopolium creuit; quia illud pretium, utpote per fraudem inductum, non est iustum, consequenter sicut monopolæ non possunt eo vti, ita nec alij: quare qui eo pretio vendidit, cognita monopoliarum fraude, tenetur ad restitutionem. Opposita tamen sententia probabilitate non caret. *ibid. num. 11.*

41. Mercator, qui scit breui superuenturam magnam vim mercium, vel fructuum, propter quam pretium minuendum sit, potest suas mescres vendere



vendere pretio currenti, neque peccat contra iustitiam, atque adeo non tenetur ad restitutionem, secluse dolo, mendacio, & fraude: vitur enim iure suo, neque scientia futurae abundantiae, seu copiae, illum facit deterioris conditionis. Hinc collige eum non peccare contra iustitiam, qui ad suum lucrum vitur scientia priuata, qua scit, v. g. condendam esse legem, qua mercium, vel monetarum pretium augendum sit, vel minuendum: quia decretum Principis nondum promulgatum non obligat. Peccat tamen Princeps, vel Magistratus manifestando legem conditam ante promulgationem, immo tenetur ad restitutionem, quod ceteri inde patiuntur: qui vero vitur ea scientia, vitur iure suo, nisi forte Principem, vel Magistratum induxerit ad eam legem sibi manifestandam: tunc enim teneretur ad restitutionem. *ibidem num. 12.*

*An vitia rei vendende sint aperienda.*

42. Vitium contingere potest. 1. in substantia, ut cum vino miscetur aqua, vel aurichalcum auro. 2. in quantitate, quando non seruatur pondus, numerus, aut mensura. 3. in qualitate, quando venditur res aliqua prae-textu alicuius qualitatis, quam non habet, ut si argentum viuum in aures equi se-gnis infundatur, ut acer, & generosus appareat. Porro vitium rei venden-dae vel est occultum, vel manifestum, vel notabile, vel leue. *tom. 2. pag. 508. num. 1.*

43. Quando tacetur vitium notabile rei, quo cognito emptor eam non emisset, contractus est nullus; obligaturque venditor ad restitutionem: quia dolus dans causam contractui irritat contractum. Immo venditor, qui notabile vitium subtrahit, tenetur ad omnia damna inde sequuta emptori; fuit enim causa illorum efficax. Si vero plura emanant, quorum vnum sit vitiosum, contractus non est inualidus, quoad omnia, si nullam habeant inter se connexionem: vitile enim per inuile non vitatur. Si vero habeant connexionem, contractus, quoad omnia dissoluitur. Vnde fit, ut si multi equi simul necessarij ad aliquod opus empti sint, & vnus eorum habeat vitium notabile, contractus quoad omnes dissoluatur. *ibidem. 2. & 3.*

44. Quando vitium, quod tacetur, non est notabile absolute, neque reddit rem notabiliter minus vitilem, contractus non est inualidus, nec iniustus: quia emptor non censetur rationabiliter inuitus: essetque mercatoribus grauissimum, si quodlibet vitium esset aperiendum; multum enim decederet de pretio mercium, paucique emptores inuenirentur. *ibidem. 4.*

45. Peccat contra iustitiam, teneturque ad restitutionem, qui vendit vinum, vel frumentum, quod diu seruari non potest, cum tamen aduertat ab emptore quari vinum, vel frumentum diu seruandum; vendit enim rem parum vitilem ad vsum, ad quem emitur. Idem dicendum, quando venditur res habens occultum vitium, quod allaturum est damnum emptori, ut quando pharmacopola vendit infirmo medicamentum pernicio-



sum, vel inutile. Idem dicendum de eo, qui vendit aliquid litigiosum, &c. *tom. 2. pag. 509. num. 12.*

46. Venditor de occultis rei vitis interrogatus, tenetur illa manifestare, quamvis non sint notabilia in se; alioquin aperiretur via innumeris fraudibus. Immo contractus in illo casu est invalidus, si emptor, cognito vitio, non emisset: censetur enim celebratus per dolum, qui causam ipsi dedit. *ibid. num. 14.*

47. Contractus celebratus à venditore ignorante vitium rei, validus est: quia non subest dolus: cognito tamen vitio non potest tantum accipere, quantum accepisset, si res vitio caruisset, sed tenetur vel rescindere contractum, vel refarcire inæqualitatem. Verum non tenetur ad restitutionem damnorum, cum propter ignorantiam non sit eorum causa iniusta. At si in celebratione contractus dixit, se nolle teneri de vitio occulto, quod verè ignorabat, ad nihil tenetur. *ibid. num. 15.*

48. Qui vino generoso aquam miscet, ita tamen ut non fiat deterius eo, quod passim ab aliis venditur, non peccat, neque tenetur ad restitutionem, si eo pretio vendat, quo ab aliis venditur, etiamsi mixtionem aquæ non aperiat emptori: nullum quippe damnum emptor inde patitur, nisi forte velit illud servare. Monendi tamen sunt venditores, ut ab huiusmodi fallacijs abstineant. *ibid. n. 17.*

#### Cuius sint fructus rei venditæ.

49. Fructus pendentes tempore venditionis, siue maturi sint, siue immaturi, pertinent ad emptorem, quoad valorem, quem habent tempore venditionis, nisi aliter conventum sit inter contrahentes: quia hi fructus censentur pars rei emptæ. *tom. 2. pag. 510. n. 1.*

50. Quando venditur equus, intelliguntur etiam vendita ornamenta, equo circumposita tempore venditionis; quia coherent rei venditæ; modo equus, tempore venditionis, ostensus fuerit emptori cum phaleris, & ornamentis. *ibid. n. 3.*

51. Quando res vendita tradita est emptori, sed pretium nondum fuit persolutum, fructus rei venditæ, quoad valorem, quem acquirunt post venditionem, pertinent ad venditorem: propterea si emptor ex re sibi tradita, fructus percepit, tenetur eos restituere venditori: quia res domino fructificat; venditor autem est dominus rei traditæ emptori, nondum soluto pretio, nec habita fide de illo. *ibid. num. 4.*

52. Quando venditor tradidit rem emptori, soluto pretio, vel habita fide de pretio, & concessa dilatione ad soluendum, fructus omnes pertinent ad emptorem, nec emptor tenetur ad interesse pro pretio non soluto, nisi aliter conventum sit inter contrahentes: venditor enim cedit iuri suo, & res cum sit emptoris, domino fructificat. *ibid. num. 5.* At si inter contrahentes facta sit conventio soluendi fructus, vel interesse ratione fructuum,



fructum, donec pretium solvatur, probabile videtur emptorem teneri ad huiusmodi interesse; quia venditor non tenetur alteri vendere cum suo damno, concessa dilatione ad solvendum. *ibid. & pag. 511.*

53. Contractus, quo quis tradit pecuniam alteri sibi aliam rem tradenti, v. g. domum, hoc pacto ut ipse utatur re, alter vero pecuniâ, relicta vtrique contrahenti facultate repetendi rem suam, vel pecuniam; hic, inquam, contractus, per se, loquendo, est illicitus quia, per se loquendo, illicitum, est lucrum ex mutuo; potest tamen fieri licitum. 1. ratione lucri cessantis, ut fit in mutuo. 2. ratione pacti retrouendendi in fauorem vtriusque contrahentis, ita ut tradens pecuniam obliget se ad rem acceptam restituendam pecuniâ sibi restitutâ. *tom. 2. pag. 511. n. 7.*

54. In diuisione fructuum inter emptorem, & venditorem habenda, est ratio temporis, quo res fuit vnius, & deinde alterius; nam fructus collecti eo tempore, quo res fuit venditoris, pertinent ad venditorem; fructus verò respondentes tempori, quo res fuit emptoris, pertinent ad emptorem. Porro ius exigendi pensionem à conductore pro re vendita, spectat ad venditorem; nam ipse contractum iniit cum conductore; potest tamen, illud ius cedere emptori. *ibid. num. 8.*

55. Quando dissolvitur contractus venditionis, celebratus cum pacto adiectionis in diem, vel legis commissoriae directis verbis, fructus medij temporis pertinent ad venditorem: hæc enim est vis venditionis cum huiusmodi pacto celebratæ, ut ex vi pacti ita dissoluatur, ac si non fuisset celebrata; ut si quis vendat domum hoc pacto; *vendo tibi hanc domum ea lege, ut si quis intra annum, meliorem obtulerit conditionem, domus sit inempta, seu contractus pro infecto habeatur.* At si contractus celebratus sit verbis obliquis, hoc modo: *si alter meliorem obtulerit conditionem, contractus ex tunc sit dissolutus*, tunc fructus medij temporis pertinent ad emptorem; quia venditio hoc modo celebrata dissolvitur tantum à die, melioris conditionis oblata; cum ergo medio illo tempore emptor fuerit dominus rei, sequitur fructus ad ipsum pertinere. *tom. 2. pag. 512. num. 3.*

56. Quando dissolvitur præfatus contractus directis verbis celebratus, gabella ex ea venditione non debetur, immò quod iam solutum est, repeti potest quia ex vi pacti, contractus habetur pro infecto. Si verò contractus celebratus fuit verbis obliquis, gabella soluenda est; quia contractus non ita dissolvitur quasi antea non fuerit validus, sed solum dissolvitur, ne vterius valeat: cum igitur fuerit validus, soluenda est gabella, quæ ex venditione solui consuevit. *ibid. num. 4.*

57. Titius vendit, & tradit equum Caio 50. nummis aureis, cum hoc pacto: *Vendo tibi hunc equum 50. nummis, hac lege ut si tibi 50. nummos restituere intra duos menses, equus sit inemptus*: Titius verò intra duos menses restituit Caio 50. nummos, sed equus antequam Titio à Caio restitueretur, moritur apud Caium. Queritur viri equus pereat. *Resp.* perire Caio emptori: nam res domino perit; Caius autem manet dominus equi,



donec illum Titio tradat. Neque enim hic contractus censetur celebratus cum pacto legis commissoriae, vel adiectionis in diem, ut patet consideranti, quid sit utrumque pactum: nam *pactum legis commissoriae* est, quando quis vendit aliquid alicui hoc pacto, ut si intra praefixum tempus, pretium non soluerit, res non sit vendita. *Pactum verò adiectionis in diem* est, quando venditur res hoc pacto, ut si intra assignatum tempus, alius offerat maius pretium, res non sit vendita: in nostro autem casu constat venditionem non fuisse celebratam hoc pacto. Quare seruanda est regula generalis, *Absque traditione dominium non transfertur, & res domino perit.* *ibid. n. 5.*

58. Quando venditio dissoluitur per pactum retrouendendi eodem pretio, fructus medij temporis, videlicet à tempore venditionis, vsque ad tempus redemptionis, pertinent ad emptorem secundum valorem, quem habent vsque ad diem retrouenditionis: illo enim tempore intermedio, res fuit emptoris. Ad primum verò venditorem, fructus spectant secundum valorem, quem à die retrouenditionis acquirunt; ab eo enim die fit dominus rei. At quando venditio dissoluitur per pactum retrouendendi variato pretio, fructus pendentes spectant secundum totum suum valorem, ad secundum emptorem, qui redimit: quia censetur nouus contractus venditionis celebrari. *ibid. num. 6.*

59. Quando venditio dissoluitur eò, quòd poeniteat prioris contractus, & alius de nouo, mutuo consensu celebratur, fructus medij temporis pertinent ad emptorem: quia res domino fructificat, illo autem medio tempore, emptor fuit dominus. Gabella autem soluenda est pro vtroque contractu venditionis; quando contrahentes ex intervallo poenitet prioris contractus, & alter de nouo celebratur. Secus dicendum si venditio ante traditionem rei dissoluatur. *tom. 2. pag. 513. num. 8. & 11.*

60. Quando venditio celebrata fuit sub conditione de futuro, & conditio non adimpletur, fructus medij temporis pertinent ad venditorem, siue res tradita sit emptori, siue non: quia venditor est dominus rei ante conditionis euentum: adimpleta verò conditione fructus sunt emptoris: quia contractus celebratus sub conditione, ea adueniente retrotrahitur ad diem, in quo fuit celebratus, ac si tunc fuisset purus, & absolutus. *ibid. num. 12.*

*In venditione, cui res pereat.*

61. Si res vendita pereat post traditionem, perit emptori: emptor enim fit dominus rei per traditionem. Ante traditionem item, si res vendita sit certa, & determinata, perit, & deterior fit emptori, modò venditio sit certa, & absoluta, nec adsit culpa, vel mora venditoris in re tradenda: hæc enim est dispositio iuris. Si tamen venditor in se suscepit rei periculum, res perit venditori. *ibid. num. 2. & 3.*



62. Periculum rei indeterminatæ in indiuiduo, pertinet ad venditorem quoad substantiam; periculum verò pretij, & valoris rei spectat ad emptorem. Quare si tempore traditionis, aut mensurationis, res in pretio decreuit, censetur decreuisse in damnum emptoris; sicut etiam si deterior, aut melior fiat, damnum, & commodum videtur ad eundem emptorem pertinere, nam venditor videtur se solum obligasse ad tradendam rem talis speciei, & emptor rem emit, prout erit tempore traditionis, subiciens se alex patiendi incommodum, aut percipiendi commodum. tom. 2. pag. 514. num. 5.

63. Res, quæ vendita fuit ad corpus, aut quæ erat determinata in indiuiduo, si pereat ante traditionem, perit emptori; res verò indeterminata, in indiuiduo, aut determinata ad mensuram, vel degustationem, si pereat ante traditionem, vel mensurationem, vel degustationem, perit venditori: si verò fiat deterior, vel melior, commodum, vel incommodum cedit emptori. Quia quando venditur triticum v.g. aut vinum, aut quid aliud indeterminatum in indiuiduo, aut determinatum ad mensuram, venditio censetur facta sub tacita conditione, si venditor mensus fuerit tot modios tritici, vel tot metretas vini; venditio autem facta sub conditione, non censetur perfecta ante conditionis euentum. Hinc tritum illud axioma Iuris peritorum, *Cenus perire non potest. ibid.*

64. Quando ex certo numero rerum vna venditur sub disiunctione, vt si dicatur, *vendo tibi hanc, vel illam ouem*, si altera pereat, perit venditori: nam omnibus saluis, liberum illi erat tradere, quam vellet; ergo par est, vt si aliqua pereat ante traditionem, illi pereat. Si verò omnes pereant, nullâ exceptâ, vna perit emptori: quia emptor omnibus pereuntibus vnâ exceptâ, habet ius, vt illa superstes sibi tradatur. *ibid. n. 9.*

*In emptione quis teneatur ad euictionem.*

65. Euictio est rei emptæ, vel iustâ causâ receptæ, per sententiam iudicis abductio, vel rei taliter acceptæ iuridica amissio. Hinc fit, vt ille dicatur euincere, qui rem suam eripit è manibus emptoris, probans in iudicio, suam esse iure dominij. Propterea si ego domum emi à Seio, quam Caius probat in iudicio suam esse, illamque à me repetit, Caius dicitur euincere domum, quamuis Seius teneatur mihi de euictione, id est teneatur me indemnem seruare. *ibid. num. 1.*

66. Venditor, qui rem alienam, quam sciebat alienam esse, vendidit emptori ignoranti alienam esse, tenetur de euictione, id est tenetur emptori pretium restituere, & resarcire damnum, quod inde patitur. At si bona fide vendidit credens esse suam, quamuis cognito errore, tenetur restituere pretium emptori, antequam res euincatur à domino; non tenetur tamen ad restitutionem damnorum, vel interesse; quia non peccauit contra iustitiam, excusante ipsius bonâ fide. *ibid. n. 2.*



67. In his casibus venditor non tenetur de euictione. 1. quando emptor non denunciauit venditori, litem motam esse, vt eam defenderent. 2. quando emptor sciens emit rem alienam. 3. quando emptor citatus, contumaciter absuit. 4. quando venditore absente, emptor non appellauit à sententia. 5. quando sententia fuit iniusta, & lata per iniuriam contra emptorem, vel quando res violenter eripitur emptori ante iudicium. 6. quando emptor voluntarie compromisit, id est consensit litem per arbitrum definiri, & sententiam contrariam reportauit. 7. quando emptor potuit vsucapere, & non vsucepit. 8. quando aliquid casuale contingit. *tom. 2. pag. § 14. § 15. num. 3.*

68. Quando venditor pactum iniit cum emptore, vt non teneatur de euictione, si pactum iniit sciens rem esse alienam, aut obligatam, tenetur de euictione, non tantum ad pretium, sed etiam ad damna, & expensas factas in lite ab emptore, nisi ad expensas condemnatus fuerit qui litem mouit. Quia dolus dedit causam contractui. At si venditor pactum iniit ignorans rem esse alienam, aut obligatam, videndum vtrum pactum fuerit speciae, an generale: si fuit speciale, id est, ne teneatur de euictione, si res euincatur à certa persona; vel in certa causa, non tenetur ad pretium, vel ad interesse, cum illius periculum reiecerit in emptorem: si verò fuit pactum generale, id est, ne venditor teneatur de euictione, à quocumque euincatur; tenetur nihilominus ad pretium, re euicta. Excipitur diuisio hereditatis, in qua si conuentum fit inter haeredes, vt non teneantur de euictione, non tenentur: haec enim est dispositio iuris. *tom. 2. pag. § 15. num. 4.*

69. Non solum in venditione, sed etiam in aliis contractibus onerosis, contrahentes tenentur de euictione: quia aequum nō est, vt quis damnari patiatur ex re, quam iusto pretio accepit. Excipe transactionem in re dubia. Nam si Titius, & Caius contententes rem aliquam ad se pertinere, transactionem inter se faciant vt Titius rem accipiat, Caio verò certum pretium tradatur, si postea verus dominus rem suam euineat à Titio, cui per transactionem tradita fuerat, non tenebitur Caius de euictione, nec tenebitur Titio pretium restituere. Quia Caius non accepit pretium pro re ipsa, seu in compensationem rei, sed pro iure dubio, cui cessit in gratiam Titij. Si verò Titius tradidit Caio, pretium, vel quid aliud, vt desisteret à lite, & hoc euineatur, tenetur Caio de euictione. *ibid. num. 5.*

70. In contractibus gratuitis, secluso pacto, & culpa contrahentis, non est locus euictioni. Propterea donator non tenetur de euictione: quia par non est, vt damnari patiatur ex eo, quod liberaliter dedit absque pretia promissione, vel obligatione. At si promisit rem aliquam in genere, puta vestem, vel equum tanti pretij, non videtur obligationi promissionis satisfacere si rem alienam tradat. *ibid. num. 6.*

71. Quando res fuit pluribus successiue vendita, ille, à quo fuit euicta, debet agere contra immediatum venditorem; neque enim contra antecedentes



cedentes venditores habet actionem; quia nullum cum eis contractum  
init. *ibid. num. 7.*

## E P I S C O P V S.

## Contra Episcopos Excommunicationes.

1. IN Extrauag. 2. *vt Prælatorum*, & in Extrauag. 3. *Et si deceat, de maiorit, & obed.* fertur excommunicatio cōtra Episcopos ad Rom. Curiam latenter venientes, & ab ea recedentes, non petita, & non obtenta licentia, & contra eos, qui hoc pacto latenter venientes recipiunt, nisi ante receptionem Summo Pontifici significauerint. *disp. 2. quæst. 6. punct. 4. pag. 280. tom. 3.*

2. Qui recta intentione Romanam proficiscitur, si postea non obtenta licentia discedat, non incurrit excommunicationem; quia excommunicatio lata est contra venientes latenter, & praua intentione. *ibid. n. 3.*

3. Qui Episcopum latenter Romanam venientem recipit etiam tanquam consanguineum, vel amicum, si sciat illum latenter, & cum praua intentione venire, incidit in excommunicationem quia quauis intentione recipiat, dicitur recipere latenter venientem. *ibid. num. 5.*

4. Hæc excommunicatio non est reservata.

5. Eugenius IV. in Extrauag. *Divina, de privilegiis*. in fauorem officii Papæ, vel Sedis Apostolicæ, & in fauorem aliorum venientium ad Sedem Apostol. pro suis causis prosequendis, non solum prohibet, ne Episcopi, alique superiores eos vexent excommunicando, suspendendo, &c. verum etiam acta contra ipsos facta irritat, immò excommunicat, suspendit, & interdicat tam ipsos superiores, qui prædictorum beneficia aliis conferunt, quàm eos, qui huiusmodi beneficia recipiunt. *ibid. quæst. 7. punct. 3. pag. 284. tom. 3.*

6. Episcopi, seu ipsorum delegati hanc censuram incurrunt, quoties agunt contra curiales in causis non spectantibus ad beneficia, eosque beneficiis priuant, & ea aliis conferunt, tunc enim dantes, & accipientes, huic censuræ subiiciuntur; modò tamen curiales priuilegium curialium non amiserint, aut priuilegio Eugenianæ constitutionis non cesserint. *ibid. pag. 285. num. 5. tom. 3.*

7. Probabile est his omnibus censuris, nempe excommunicatione, suspensione, & interdicto non affici singulos delinquentes contra hanc constitutionem; sed Episcopos, aliosque superiores ligari sola excommunicatione; reliquos vero inferiores affici censura interdicti, & suspensionis. *ibidem. num. 7.*

8. Hoc tamen est discrimen inter censuras suspensionis, interdicti, & excommunicationis in præfato canone expressas, quòd excommunicationis absolutio reservatur Papæ, suspensio verò, & interdictum minime. *ib.*



9. Pius V. in Bulla, quæ incipit, *Quanta*, Episcopis, aliisque facultatem admittendi resignationem habentibus, modum admittendæ resignationis præscribit, & prohibet ne Episcopi, aut alij collatores aliter admittant resignationes, & ne beneficia resignata conferant suis, aut admittentium consanguineis, affinibus, vel familiaribus; eos qui secus faxint, punit pœna suspensionis à collatione beneficiorum, & officiorum, electione, præsentatione, &c. & presumentes violare huiusmodi suspensionem afficit excommunicatione si sint personæ particulares; Capitula verò, & conuentus vinculo suspensionis à diuinis obstringit. *ibid. punct. 4. pag. 285. tom. 3.*

10. Huic censuræ probabile est non subiaci Cardinales etiam si Episcopali dignitate præditi sint; quia Summus Pontif. videtur tantum loqui de Episcopis & alijs collatoribus, Cardinales autem non veniunt nomine Episcoporum, nisi aliud addatur, quia excellentiorem obtinent gradum. *ib. n. 6.*

*Contra Episcopos Suspensiones.*

11. Episcopus conferens primam tonsuram infanti, suspensionem incurrit, nisi infans religionem ingrediatur; nomine autem *infantis* intelligitur is, qui septennium nondum attingit. Per hanc suspensionem Episcopus per annum suspenditur à collatione primæ tonsuræ: neque potest Episcopus in ea dispensare, nisi delictum sit occultum; elapso verò anno cessat absque alia absolutione. *disp. 3. quæst. 2. punct. 1. pag. 343. tom. 3.*

12. Episcopus iniuste ordinans inuitum, Missas per annum celebrare prohibetur; potest tamen extra Missam Pontificalia exercere; Si verò est suspensus ab officio Sacerdotali, non potest vti Pontificalibus, quæ includunt & supponunt officium sacerdotale. *ibid. punct. 2.*

13. Episcopus, qui Sacerdotem indignum, vel minus dignum ordinat, suspenditur à collatione ordinis Sacerdotalis tantum; sic enim pœna commensuratur delicto. *ibid. punct. 3. pag. 344. tom. 3.*

14. Episcopus conferens primam tonsuram illiterato, id est ei, qui fidei rudimenta ignorat, quique scribere, & legere nescit, incurrit suspensionem per annum à collatione tonsuræ. *ibid. punct. 4.*

15. Conferens tonsuram coniugato incurrit suspensionem à collatione tonsuræ, nisi coniugatus velit religionem ingredi, aut sacros ordines suscipere iuxta canonum dispositionem. *ibid. punct. 5.*

16. Conferens ordines bigamo, aut pœnitenti publico, prohibetur per annum integrum Missas celebrare. Cum autem hæc pœnitentia publica, desiderit esse in vtu, videtur etiam cessare hæc suspensio. *ibid. punct. 6.*

17. Conferens tonsuram sibi non subdito, suspenditur per annum ab eius collatione: Conferens autem maiores ordines vel minores, quouis quæsito colore, subdito alienæ diœcesis absque licentia proprii ordinarij, suspenditur ab ordinum collatione per annum. *ibid. punct. 7. pag. 344-345. tom. 3.*



18. Conferens duos ordines sacros eodem die, aut duobus diebus continuato ieiunio, incurrit suspensionem à collatione vtriusque ordinis donec absolutionem, & dispensationem à sede Apostolica obtinuerit. *ibid. punct. 8. pag. 345. tom. 3.*

19. Conferens ordines alicui sine sufficienti titulo cum pacto, ut ordinatus nihil ab eo petat in defectum beneficii, vel patrimonij, suspenditur per triennium ab ordinum collatione. *ibid. punct. 9.*

20. Episcopus conferens ordines religioso ante professionem; aut votum solenne, afficitur suspensione per annum à collatione illorum ordinum, quos illi religioso contulit. Tamen Patres Societatis I E S V peculiari priuilegio gaudent, ut ante solemnem professionem ordinibus initiari possint post elapsum biennium nouitatus, & votorum remissionem. *ibid. punct. 10. tom. 3.*

21. Iure nouo, & iuxta probabilem sententiam, etiam antiquo lata est suspensio contra Episcopos conferentes simoniacis ordines, vel primam tonsuram. Hæc autem suspensio prohibet à collatione ordinum, & primæ tonsuræ, & à Pontificalibus; necnon interdicit ab ingressu Ecclesiæ; non tamen suspendit ab exercitio actuum iurisdictionis; hi enim non continentur sub nomine Pontificalium. Qui verò hanc suspensionem, & interdictum violat, incurrit suspensionem à regimine, & administratione Ecclesiæ, & perceptione fructuum, & præterea irregularitatem. *ibid. punct. 11. pag. 346.* Ab his autem penis non potest Episcopus absolueri; Summus Pontifex omnia priuilegia, & facultates hac in parte reuocauit. *ibid. num. 6. tom. 3.*

22. Episcopus exercens Pontificalia in aliena diœcesi absque licentia ordinarij loci, suspenditur ipso iure ab exercitio Pontificalium; non tamen prohibetur baptizare, confessiones audire, Missæ sacrum facere, ut alij Sacerdotes inferiores; hæc enim non sunt Pontificalia; neque prohibetur censuras ferre, beneficia conferre, & alios iurisdictionis actus exercere, cum hæc ad Pontificalia non pertineant. *ibid. punct. 12.* Potest Episcopus ab hac suspensione absolueri, quia lata est absque temporis determinatione. *ibid. pag. 347. num. 6. tom. 3.*

23. Episcopus, qui electum ad Episcopatum, vel ad dignitatem Episcopatu maiorem confirmat, vel consecrat, non præmissa inquisitione, an is, qui appellationem in electione interposuerat apud Sedem Apostolicam, & postea renunciauit appellationi, renunciauerit absque prauitate, id est, pacto simoniaco incurrit suspensionem à confirmatione, & consecratione Episcoporum per annum continuum. Episcopus tamen, ad quem non pertinet inquirere, an renunciatum sit appellationi absque simoniaca prauitate, non ligatur hac suspensione consecrando Episcopum electum. Absolutio ab hac suspensione reservata est Papæ, quia lata est ad tempus. *disp. 3. quæst. 4. punct. 6. pag. 355. 356. tom. 3.*

24. Episcopus, qui religiosum absque licentia sui superioris promouet ad cle-



ad clericatum, vel maiorem monasterii constituit, repellitur à communione aliorum, id est, à participatione cum aliis fidelibus; exceptis subditis propriæ diœcesis. *ibid. punct. 7. pag. 356. tom. 3.*

25. Episcopi, aliique Prælati, promoti à Sede Apostolica si ad suas Ecclesias accedant, administrationemque bonorum Ecclesiasticorum suscipiant absque literis Sedis Apostolicæ, nihil validè agunt, & præterea prohibentur à perceptione fructuum illarum Ecclesiarum; Capitula verò, conuentus, & alij, qui præfatos Episcopos, vel Prælatos absque litteris Apostolicis suscipiunt, aut eis obediunt, suspenduntur à beneficiis, donec absolutionem à Sede Apostolica obtineant. *ibid. punct. 10. pag. 358. tom. 3.*

26. Episcopi, aliique Prælati Episcopis superiores, suspenduntur à Pontificalibus, & ab ingressu Ecclesiæ, si non seruauerint ea, quæ statuta sunt in Extrauag. Ioannis XXII. quæ incipit, *Suscepti regiminis*, circa perceptionem fructuum beneficiorum vacantium; Capitulum verò, collegium vel vniuersitas interdicitur; alia porro singulares personæ Ecclesiasticæ vel laicæ excommunicationis sententiam incurrunt ipso facto, à qua nisi restitutione præmissa (præterquam in articulo mortis) non absoluantur. In ea, verò Extrauagant. præcipitur, vt fructus beneficiorum vacantium male percepti, intra mensem restituantur, qua restitutione facta tollitur suspensio. *ibid. punct. 11.*

27. Episcopi, aliique Prælati priuantes beneficiis eos, qui in Romana Curia commorantur, incurrunt suspensionem ab officio, & beneficio. Eadem suspensio extenditur ad accipientes huiusmodi beneficia. In tribus tamen casibus non incurritur suspensio. 1. quando quis à curia recessit animo non redeundi, aut quando longo tempore extra curiam commoratur. 2. quando quis cessit priuilegio Eugenianæ, de qua supra. 3. respectu eorum, quæ pertinent ad beneficia, vt est onus residendi, reparandi Ecclesiam, celebrandi, &c. ad quæ beneficiarius tenetur ratione beneficii. *ibid. punct. 12. pag. 359.* Episcopus & quilibet alius approbatus ad absoluendum à censuris, potest ab hac suspensione absoluerè; quia fertur, absolute absque vlla mentione reservationis. *ibid. num. 5.*

28. Episcopi, aliique Prælati, seu regulares, seu sæculares procurantes Clericos capi à dominis temporalibus, vt beneficia resignent, vel vt citati ad Sedem Apostolicam non accedant; ipsique citati procurantes se capi à potestate seculari, vt hoc prætextu excusentur, quod statò tempore coram Summo Pontifice comparere non potuerint, incurrunt suspensionem per triennium à beneficiis. Hæc tamen suspensio non incurritur, donec beneficium resignatum fuerit, uel donec elapsum sit tempus assignatum, ad comparandum coram Sede Apostolica. *ibid. punct. 13. pag. 359. 360. tom. 3.*

29. Episcopi, aliique Prælati, qui bona Ecclesiarum laicis submittunt, & Clerici, qui non denunciant Prælato submittentes huiusmodi bona, seu iura laicis, incurrunt suspensionem; Prælati quidem ab officio ordinis, & iurisd-



iurisdictionis, & ab administratione temporalium; Clerici verò à perceptione beneficiorum, quæ in Ecclesia sic grauata obtinent, per triennium. Hæc suspensio utpotè ad triennium lata referuata est Pontifici; elapso uerò triennio cessat. *ibid. punct. 16. pag. 362. 363. tom. 3.*

30. Episcopus vel Abbas alienans bona Ecclesiastica absque licentia Papæ, aut non seruata forma præscripta in Extrauagant. *Ambitiosa de rebus Eccles. non alienand.* suspenditur ab ingressu Ecclesiæ, & si intra sex menses non resipuerit, suspenditur ipso facto in temporalibus & spiritualibus, ab administratione suæ Ecclesiæ, uel monasterij, cui præest; Prælatus uerò inferior ultra excommunicationem priuatur ipso facto officij, & beneficiis Ecclesiasticis. Hæc suspensio non est Papæ referuata. *ibid. punct. 17. pag. 363. tom. 3.*

31. Episcopi, alique Episcopis superiores, delegati à Sede Apostolica, in causa alienationis bonorum Ecclesiasticorum, si in damnum Ecclesiæ consentiunt alienationi, per gratiam, timorem, uel fordes, suspenduntur ab executione officij. Hæc suspensio non est Papæ referuata: at si Episcopus durante suspensione ingerat se diuinis, incurrit irregularitatem Papæ referuatam. *ibid. punct. 18.*

32. Episcopus, qui post celebrationem Concilij provincialis non conuocat Abbates, Presbyteros, & Clericos, & uniuersam suæ diocesis plebem, ut illis referat in Concilio gesta, excommunicationem duorum mensium incurrit. Verùm hæc censura non est hodie usu recepta, ne in Hispania quidem ubi lata fuit in Concilio Toletano. *disp. 3. quest. 5. punct. 6. pag. 371. tom. 3.*

33. Episcopus, qui præscripto tempore ad Apostolorum limina non accedit, incurrit suspensionem, seu interdictum ab ingressu Ecclesiæ, ab administratione temporalium, & spiritualium, & à fructibus suarum Ecclesiarum. *ibid. punct. 7. pag. 372.* Absolutio ab hac censura Summo Pontifici referuata est, etiam si Episcopus, aut Prælatus delinquens resipuerit, & ad limina se contulerit. *ibid. num. 6.*

34. Episcopi, alique Episcopis superiores, ob quæstum publicantes, uel concedentes indulgentiam, aut facultatem absoluendi à censuris, aut casibus referuatis, incurrit suspensionem Papæ referuatam, seu potius interdictum ab ingressu Ecclesiæ, & à perceptione fructuum. *ibid. punct. 8.*

35. Episcopus, uel Archiepiscopus poenas incendiariis debitas relaxans, debet ipse damnum rescire, & per annum ab officio ordinis, & iurisdictionis suspenditur. Incendiarius autem non solum excommunicationem incurrit, à qua nisi facta restitutione absolui nequit, uerùm etiam ei iniungitur poenitentia permanendi per annum in seruitiò Dei Hierosolymis, aut in Hispania. *ibid. punct. 9.*

36. Episcopus concubiniarius, qui post admonitionem à Synodo provinciali factam non resipiscit, ipso facto suspensionem incurrit. *disp. 3. quest. 6. punct. 1. pag. 373. Vide tit. Clericus. tom. 3.*



37. Episcopus, aut Prælati extra necessitatem ingrediens monasteria monialium sibi subiecta prima uice incurrit suspensionem ab ingressu Ecclesiæ, secunda uice suspenditur à diuinis, tertia uice ligatur excommunicatione. Vide tit. *Monialis. ibid. punct. 2. tom. 3.*

*Eucharistia quid.*

1. **E**ucharistiæ nomen significat. 1. *gratiarum actionem*, quia in Eucharistia, quatenus est sacrificium. Deum recognoscimus. illique summum honorem, & gratiarum actionem pro beneficiis acceptis impendimus. 2. significat *bonam gratiam*, quia Christum continet gratiarum omnium fontem uberrimum. Alias etiam fortitur appellationes: dicitur enim *viaticum*, quatenus per Eucharistiam præparamur ad gloriâ; Græcis appellatur *synaxis*, id est, *communio*, seu *societas*, qua fideles per hoc Sacramentum, tanquam vnius corporis membra inter se, & cum Christo capite vniuntur. *tom. 1. pag. 48. num. 1.*

2. Eucharistia est Sacramentum consistens sub speciebus panis, & vini consecratis, significans Christum, & refectionem spiritualem. Corpus Christi spectat ad sacramentum Eucharistiæ; species autem consecrata non habent perfectum nomen Sacramenti, nisi quatenus continent Christum. Porro hoc Sacramentum non consistit in vsu, aut susceptione, sed in re permanente, videlicet in speciebus consecratis. *ibid. num. 3. & seq. & pag. 49 n. 6.*

3. Sacramentum Eucharistiæ institutum fuit à Christo prima die Azy-morum, in vltima Cœna, ea nocte, qua Christus tradendus erat, inenite 15. luna primi mensis lunaris qui nobis est mensis Martius, & aliquando partem Aprilis complectitur; ea autem die comedebatur Agnus Paschalis. *pag. 49. num. 2. & 3.*

*Eucharistia necessitas, & unitas.*

4. Eucharistia non est adultis ad salutem necessaria necessitate mediæ, in re, vel in voto: potest enim adultus saluari absque susceptione Eucharistiæ, & absque alia re loco Eucharistiæ, vt patet in adulto statim post Baptismum decedente. Est tamen adultis, saltem baptizatis, necessaria ex præcepto non solum Ecclesiastico, verum etiam diuino affirmatio. *tom. 1. pag. 50. § 1. num. 1. & 3.* Non baptizatis autem necessaria non videtur. *num. 4.*

5. Sacramentum Eucharistiæ est vnum formaliter, seu specificè; quia vnâ tantum habet formalem significationem refectionis spiritualis, Neque plures hostiæ consecratae sunt plura formaliter sacramenta, cum habeant rationem vnius refectionis spiritualis; si tamen materialiter spectentur, sunt plura indiuidua Sacramenti; at quatenus sumuntur simul,

vnum



vinum efficiunt coniuiuium spirituale, neque maiorem gratiam recipit, qui plures sumit, quàm qui vnam tantum, nisi eas sumat per modum pluri-  
um refectionum, vt accidit in die Natali Domini. pag. 51. 52. n. 2. & seq.

6. Quamuis probabile sit Sacerdotem sub vtraque specie communi-  
cantem, plus gratiæ recipere, quàm recipiat laicus sub vna tantum, nihilo-  
minus communior Doctorum sententia est, laicum tantundem gratiæ  
recipere communicandò sub vna tantum specie, ac si sub vtraque com-  
municaret; ratione rei contentæ. pag. 52. n. 5.

### Eucharistia materia.

7. Materia remota Sacramenti Corporis Christi est panis triticeus,  
in quo ipse Christus consecrauit; modo sit verus panis pistus cum aqua,  
naturali, & coctus igni per modum assitionis, sit moraliter præsens, vnde  
sequitur panem dulciatum ex melle, vel lacte, vel aqua rosacea confectum  
in tanta quantitate, vt iam non dicatur panis vsualis, non esse materiam,  
idoneam huius sacramenti. Sub nomine autem tritici non comprehendi-  
tur panicum, milium, auena, lolium, far, & hordeum; secala verò, cum  
specie non differat à tritico, potest esse materia huius Sacramenti; quan-  
quam grauius peccaret conficiens Sacramentum in secala; quia est mate-  
ria dubia. tom. 1. pag. 52. 53. n. 1. & seq.

8. Tàm panis fermentatus, quàm azymus, est materia apta huius Sa-  
cramenti; quia specie non differunt; grauius tamen peccaret sacerdos La-  
tinus consecrans in fermentato, & Græcus in azymo; debet enim quisque  
sue Ecclesiæ consuetudinem, & ritum sequi, nisi Latinus in Ecclesia Græ-  
ca, & Græcus celebret in Latina. At Sacerdos Latinus in Ecclesia Latina  
ob nullam necessitatem debet in fermentato consecrare, etiamsi infirmus  
absque viatico sit decessurus. pag. 53. n. 8. & seq.

9. Materia remota sacramenti sanguinis est vinum ex vite, necnon mu-  
stum; cauendum tamen ne sit faculentum, alioquin committeretur pec-  
catum ex suo genere mortale contra reuerentiam sacramenti. At vinum  
satis decoctum non videtur apta materia, quia mutauit speciem; neque  
acetum, quia est vinum corruptum; neque agresta, quia nondum est vi-  
num. Porro vinum congelatum potest valide consecrari, quia adhuc est  
vinum. Secus dicendum de vuis nondum expressis, quia sunt potius aptæ  
ad esum, quàm ad potum. tom. 1. pag. 54. n. 1. & seq.

10. Non est necessarium necessitate sacramenti sub vtraque specie  
consecrare; alioquin consecratio sub vna tantum specie non esset valida;  
sed est necessarium necessitate præcepti, & sub vna tantum specie conse-  
crans graui sacrilegij peccatum committit. Illud autem præceptum est  
diuinum, quia est de iure diuino, vt quoties fit consecratio, simul etiam  
fiat sacrificium, quod non potest esse integrum absque vtriusque speciei  
consecratione, & oblatione. tom. 1. pag. 55. n. 2. & seq.



11. Præceptum diuinum consecrandi sub vtraque specie est affirmatiuum, neque obligat semper; dantur enim aliqui casus, in quibus non est obligatio conficiendi sub vtraque specie, vt si sacerdos consecrata hostia comperiat vinum esse veneno infectum, nec aliud vinum superat; aut si Sacerdoti post consecrationem hostiæ imminet periculum vite; potest enim statim consumpta hostia fugere, quia præceptum sub vtraque specie consecrandi non obligat cum tanto detrimento. *ibid. n. 8.*

12. Summus Pontifex dispensare non potest, vt Sacramentum Eucharistiæ sub vna tantum specie conficiatur; quia vtraque species pertinet ad substantiam sacramenti. Vnde sequitur sacerdotem non posse in articulo mortis sub vna tantum specie consecrare, ut se ipsum, uel alium infirmum communicet; quia tunc non obligat præceptum communicandi, cum non possit seruari, quin aliud præceptum consecrandi sub vtraque specie uioletur. *tom. 1. pag. 56. num. 13. & 14.*

13. Vinum, quod est materia remota sacramenti Sanguinis, ex necessitate præcepti Ecclesiastici admiscenda est aqua naturalis. Vnde patet eum grauitè peccare, qui uino aquam non miscet, aut qui miscet aquam artificiosam: immò qui scièter omittit aquæ admiscionem, in pœnâ delicti precipitur priuari officio, & beneficio, si ex aperta malitia omittat. *ib. n. 1. 2.*

14. Per hanc mitionem repræsentatur unio fidelium cum Christo; quippe aqua significat populum, & uinum significat Christum, qui se uitem appellauit. *pag. 57. num. 3.* Modica aquæ quantitas adhibenda est in consecratione calicis, ne sacerdos exponat se periculo conficiendi in materia dubia. *ibid. num. 4.* Si sacerdos ante consecrationem aduertat se aquam non infudisse, debet illam statim infundere, at peracta consecratione, iam non potest eam infundere; quia non est miscenda aqua sanguini Christi, sed uino. *ibid. num. 5.*

15. Aqua, quæ uino miscetur, non conuertitur immediate in sanguinem Christi, quia aqua non est materia consecrationis; sed conuertitur mediate uino, in quod ipsa prius conuertitur: at si ante consecrationem non fuit conuersa in uinum, non conuertitur in Christi sanguinem post consecrationem, sed remanet in calice secundum suam substantiam, aut conuertitur in uinum, si tandiu remaneat mista speciebus uini, quamdiu sufficit ad conuersionem, quia in illis speciebus consecratis remanet uirtus ad generandum uinum, ac si ipsa substantia uini adesset. *ibid. n. 7. 8. & 11.*

16. Quælibet quantitas panis, & uini quamuis exigua, modò sit sensibilis, potest esse materia Eucharistiæ. Neque obiciās Baptismum non posse administrari sub qualibet parua quantitate aquæ. Est enim longè dispar ratio, quia Baptismus consistit in usu, & actione abluendi; quare a lubenda est eaq. quantitas, quæ sufficiat ad abluendum: Eucharistia uerò non consistit primariò in usu, sed in esse permanenti; sub qualibet autem exigua quantitate potest Christi Corpus, uel Sanguis contineri. *tom. 1. pag. 58. num. 1.*



17. Quelibet panis, & uini quantitas quamuis ingens, modò constituitur præfens, potest ualidè consecrari; sed non licite: si quis enim consecret in tanta quantitate, ut non possint opportuno tempore consumi, grauiter peccat contra secundarium finem huius Sacramenti, qui est usus. Materia autem consecranda debet esse aliquo modo determinata in mente consecrantis. *ibidem numero 2. & 3.* Vnde sequitur nullam hostiam consecrari, si sacerdos ex 20. hostiis præsentibus intendat 1. 2. tantum consecrare, nec eos determinet; nulla enim est ratio, cui hæc potius quam illa cōsecratur. At si plures hostias detulit ad altare consecrandas, etiam si in ipso actu consecrationis, illius tantum recordetur, quam habet præ manibus, nihilominus omnes consecrat; quia intentionem habet uirtualiter determinatam ad omnes consecrandas; at si quis, inscio Sacerdote, hostias apposuit in corporali consecrandas, non remanent consecrata; quia intentio non fertur in incognitum. *pag. 59. num. 5. 6. & 8.* Vini etiam guttæ, quæ sunt extra calicem, non censentur consecrata; quia circa illas non uertatur intentio consecrantis. Secus dicendum de guttis, quæ sunt in calice à uino separate; quippe intentio Sacerdotis ferri uidetur in totum id, quod calice continetur. *num. 7.*

18. Materia consecranda debet esse Sacerdoti moraliter præfens, ita ut secundum communem loquendi modum, possit designari per particulam *hoc*, uel *hic*. Vnde sequitur posse ualidè cōsecrari uinum in calice cooperato, aut dolio inclusum, aut hostias in pyxide contentas; uel sub mappa latentes; possunt enim per particulam, *hoc*, demonstrari. At materia 30. passibus distans, aut post parietem, uel intra tabernaculum existens, non potest ualidè consecrari; humano enim modo uidetur absens, neque per particulam, *hoc*, designari potest. *pag. 59. 60. num. 1. & seq.*

#### Eucharistiæ forma.

19. Forma Sacramenti Corporis Christi sunt hæc uerba, *Hoc est corpus meum*; hanc enim usus est ipse Christus. Atque hæc sola uerba sufficiunt ad Corporis consecrationem; neque totus canon est necessarius necessitate sacramenti, sed tantum necessitate præcepti, ut patet ex usu Ecclesiæ. Verbis autem consecrationis substantialiter uariatis non conficitur sacramentum; quia non est eadem forma: at si mutatio est tantum accidentalis, ualidè conficitur Sacramentum; grauiter tamen peccat qui sic mutat, nisi paruitas materiæ excuset. *pag. 60. 61. n. 1. & seq.*

20. Forma sacramenti sanguinis Christi sunt hæc uerba, *Hic est calix sanguinis mei*, quæ sola sufficiunt ad consecrationem calicis: grauiter tamen peccat qui sequentia omittit; tum quia facit contra præceptum, & ritum Ecclesiæ in re graui; tum quia exponit se periculo non consecrandi, nam in materia Sacramentorum eligendum est quod tutissimum uidetur. *pag. 61. n. 1. & 2.*

21. Verba consecrationis proferuntur à Sacerdote in persona Christi, de qua



de qua verificantur, non solum recitatiue, narrando ea, quæ Christus fecit; verum etiam formaliter, significando id, quod ipsa verba important; significant autem conuersionem panis in Corpus Christi, & vini in sanguinem; cum enim illa verba sint vera, necesse est vt realiter eam conuersionem efficiant, & consequenter ipso facto significetur transitus panis, & vini, in corpus, & sanguinem Christi. *tom. 1. pag. 22. num. 2. & 3.*

22. In forma consecrationis particula, *hoc*, vel *hic*, significat confusum contentum sub speciebus, itavt sit sensus; *hoc, quod continetur sub speciebus, est corpus meum*; quamobrem Doctores dicunt particulam, *hoc*, directè, & primario significare contentum sub speciebus, secundario verò respicere accidentia panis, & vini, quæ sensibus subiiciuntur. *ibid. num. 1.*

23. Christus verus Deus, & homo, per verba consecrationis, sub speciebus panis, & vini constituitur, itavt totus, quoad substantiam & accidentia sub qualibet specie existat; nectatùm sub qualibet specie, verum etiam sub qualibet parte specierum, sacramentaliter, modo quodam admirabili, & ineffabili, per modum substantiæ spiritualis, secundum totam suam substantiam, quantitatem, & membra, eo modo, quo in cœlis existit ad dexteram Dei Patris; non autem existit sub speciebus modo quantitativo, seu per extensionem partium in ordine ad locum. *tom. 1. pag. 63. 64. num. 1. & seq.*

24. Ex vi verborum sub speciebus panis ponitur Christi corpus vivum, informatum anima cum sanguine, & humoribus, cæterisque partibus non tantum ad integritatem, sed etiam ad ornatum Corporis Christi spectantibus, vt sunt vngues, capilli, &c. Sub speciebus autem vini, ex vi verborum ponitur tantum Christi sanguis; cætera verò, quæ sunt Christo coniuncta, ponuntur sub speciebus per concomitantiam; eo quod habent connexionem, & unionem cum Christi sanguine. Vnde sequitur divinitatem, quæ per hypostasim est unita corpori, & animæ Christi, esse in hoc sacramento concomitanter, immò tres personas divinas, præcipue tamen, & immediate filium, cui natura humana hypostaticè est unita: propterea, filius dicitur incarnatus, & passus, quod de aliis personis dicere non licet. Denique sub speciebus panis, est Christi sanguis concomitanter. *pag. 64. 65. num. 1. & seq.*

25. Transubstantiatio est conuersio seu transitus totius alicuius substantiæ in aliam. Christus autem constituitur sub speciebus per transubstantiationem panis in corpus, & vini sanguinem, itavt desinat substantia panis, & vini adueniente corpore, & sanguine Christi, & sola accidentia remaneant sine subiecto substantiali. *pag. 65. 66. num. 1. & seq.*

26. Illa transubstantiatio, seu conuersio est actio non modo adductiva, verum etiam productiva; neque enim constituit tantum Christum præsentem sub speciebus, sed etiam producit aliquem modum, quo Christus habens iam suum esse substantiale unitur per modum contenti cum speciebus; sicut prius substantia panis sub illis continebatur; cum hoc ta-

men



men discrimine, quod substantia panis sustentabat accidentia subiectiue, & ab illis informabatur: Christus autem ea sustentat efficienter, nec ab illis informatur. pag. 66. n. 4.

27. Eo instanti, quo completur significatio verborum consecrationis, Christi corpus incipit esse sub speciebus, tamdiuque ibi conseruatur, quādiu conseruaretur panis si adesset. Quamobrem Christus non desinit esse sub speciebus per quamlibet specierum alterationem, neque statim atque in stomachum traicitur. Caueant igitur fideles ne statim post Eucharistiæ sumptionem, cibum corporalem capiant, donec species alterentur, & corrumpantur; neque enim decet cibum corporalem cum Christi corpore miscere. *ibid. num. 1. & seq. pag. 67.*

28. Christi corpus desinit esse sub speciebus panis, quando ex iis vermes generantur, & sanguis sub speciebus vini, quando per admistionem alterius liquoris specie distincti corrumpuntur. Si vero species vini misceantur cum alio vino, sub illis conseruatur Christi sanguis; neque tamen dicitur misceri cum vino; quia ibi non est Christi sanguis modo quantitativo. pag. 67. n. 6. & seq.

## Eucharistiæ effectus.

29. Primus Eucharistiæ effectus est *augmentum gratiæ*: quippe Eucharistia per se primò instituta fuit ad gratiam augendam; nonnunquam tamen contingit, vt primam gratiam conferat. Hoc autem gratiæ augmentum per peccata venialia, aut effectum ad illa non impeditur; quia peccatum veniale non est incompatible cum gratia, & charitate. *tom. 1. pag. 68. num. 2. & 3.*

30. Secundus Eucharistiæ effectus est *preservatio à peccatis mortalibus, & venialibus*, modò non adsit ipsorum complacentia, aut in ipsa Eucharistiæ sumptione non admittantur. Per Eucharistiam autem remittuntur venialia ex opere operato. *ibid. n. 4. 5. & 6.*

31. Tertius Eucharistiæ effectus est *auxilium ad rectè operandum, & temporandum fomitem peccati, necnon ad tentationes depellendas*: cum enim sit anima cibus, illi robur & vires confert ad agendum, & pugnandum. Multi tamen Doctores putant huiusmodi auxilium non statim dari, sed tempore opportuno, modo suscipiens non se reddat indignum. *ibid. num. 7.*

32. Quartus Eucharistiæ effectus est *unio spiritualis cum Christo, & fidelibus, & præterea unio moralis inter Christum, & suscipientem*, ratione effectuum, quos Eucharistia parit. *ibid. n. 8.*

33. Eucharistia vt est *sacrificium*, remittit poenam temporalem; vt autem est *Sacramentum*, non aufert primariò poenam ex opere operato, sed iuxta valorem actus, & dispositionem suscipientis: secundariò tamen remittit aliquando poenam; cum enim per Eucharistiam aliquando infun-

O datur



datur prima gratia, sequitur per eius sumptionem, aliquando remitti poenam; alioquin sequeretur eum, qui suscipit Eucharistiam cum attritione, putans se esse in gratia, non recipere gratiam, & remissionem illius poenae, quod falsum est. *ibid. num. 9.*

34. Species consecratae profunt ad nutriendum corpus sumentis, non solum quatenus in stomachum traiecta ita alterantur, & corrumpuntur ut noua substantia succedat sufficiens ad nutriendum; sed etiam quatenus in ipsis speciebus remanent qualitates panis, & vini. *ibid. num. 10.*

35. Tunc Eucharistia suos producit effectus, quando pars aliqua hostiae, aut sanguinis traiecta est in stomachum. Vnde sequitur eos, qui diu retinent hostiam in ore, ita ut species corrumpantur antequam deglutiantur, Eucharistiae fructum non percipere, quia non dicuntur Christum manducare. Ratio autem, cur Eucharistia producat suum effectum, quando pars aliqua est deglutita, est, quia in ea est totus Christus, & qualibet pars significat refectionem spiritualem, & significando efficit. *tom. 1. pag. 69. num. 1. & seq.*

36. Si contingat, ut communicans sit in peccato mort. tunc temporis, quo partem aliquam hostiae deglutit, sed statim eliciat actum contritionis, antequam reliquas partes deglutiat, quaeritur an eas manducando recipiat gratiam. *Resp. negatiue*: quamuis enim illae sumptiones, physice sint plures, nihilominus est una tantum moraliter; per quam vnus datur effectus in primae partis sumptione; at communicans cum primam partem deglutit, non erat sufficienter dispositus ad percipiendum effectum sacramenti: ergo, &c. *ibid. n. 6.*

### Eucharistia minister.

37. Solus sacerdos est minister consecrationis, etiam excommunicatus, vel degradatus, haereticus, schismaticus, &c. modò debitam habeat intentionem; retinet enim characterem, in quo fundatur potestas consecrandi. Ad hoc autem Sacramentum administrandum, solius sacerdos est ordinarius minister, extraordinarius verò potest aliquando esse diaconus, ut in articulo mortis. Porro non videtur esse tanta Eucharistiae sumendae necessitas, ut laicus, aut alius non sacerdos, vel saltem diaconus, possit in articulo mortis, propria auctoritate sibi Eucharistiam ministrare. *tom. 1. pag. 70. num. 1. & seq.*

38. Sacerdos, qui sine licentia Eucharistiam administrat, per se loquendo mortaliter peccat, nisi hoc faciat ex praesumpta voluntate pastoris, sibi enim alienam iurisdictionem usurpat. Religiosis autem Eucharistiam ministrantibus sine licentia Episcopi, vel Parochi, aut absque speciali privilegio irrogata est poena excommunicationis ipso facto, Papae reservata. Excipitur tamen articulus mortis, in quo religiosi possunt, etiam inuito Parocho, infirmos communicare, si ipse nolit. *ibid. num. 6. 8. & 10.*



39. Religiosi habentes priuilegium ministrandi Eucharistiam, excepto die Paschatis, possunt nihilominus Eucharistiam eo die porrigere illis, qui iam in propria parochia, præcepto satisfecerunt. *ibid. n. 12.*

40. Sacerdos extra Missæ sacrificium potest seipsum ex deuotione communicare, modo non adsit alius sacerdos, qui ei porrigat, absitque scandali periculum: Sacerdos enim est ordinarius huius sacramenti minister, nec alienam iurisdictionem vsurpat, Eucharistiam sibi ministrando. Item sacerdos, qui non habet aliam hostiam consecratam præter suâ, potest, rationabili ex causa, illius partem infirmo porrigere; hoc enim nihil obest perfectioni sacrificij. *tom. I. pag. 71. n. 13. & 14.*

41. Parochus ouibus suis tenetur Eucharistiam administrare, non solum quando tenentur communicare, sed etiam quoties eam rationabiliter petunt: neque enim par est, ut paruuli petât panem, & non sit, qui eis frangat. Excusatur tamen Parochus ab administratione sacramentorum, quando rationabilem habet causam ea denegandi, qualis est infirmitas, lassitudo grauis, si feminae velint de nocte confiteri etiam in Ecclesia, &c. *ibidem, num. 15.*

42. Sacerdos administrans, vel conficiens Eucharistiæ Sacramentum, debet esse in gratia; quia est ad hoc munus ex officio deputatus. Quare sacerdos peccati mort. sibi conscius, antequam Eucharistiam administret, debet conteri; neque enim necessaria est confessio nisi Eucharistiam suscepturo. Qui verò pluribus successiue administrat Eucharistiæ Sacramentum in statu peccati mort. plura peccata committit. *ibid. n. 1. & seq.*

43. Parochus non potest Eucharistiam ad infirmum deferre, quoties eam ferre nequit cum habitu decenti, id est, cum stola, & superpelliceo, lumine præeunte, aut si timeat fore, ut eam non possit administrare infirmo, nisi valde festinanter currat; nimia enim festinatio repugnare videtur reuerentiæ tanti Sacramenti, & decentiæ clericali. Secus dicendum de Baptismo, aut Pœnitentiæ sacramento: quilibet enim tenetur non tantum honorem, & famam, sed ipsam etiam vitam prodigere ad saluandum proximum in extrema necessitate spiritali existentem. Neque potest Sacerdos Eucharistiam alius digitis porrigere, si ob infirmitatem, vel chiram non possit pollice, & indice administrare. *pag. 71. 72. n. 8. & seq.*

### Eucharistiæ susceptio.

44. Ad Eucharistiæ Sacramentum cum fructus suscipiendum tres requiruntur dispositiones. 1. ut suscipiens sit baptizatus, & habeat fidem. 2. est intentio actualis, aut virtualis, & implicita, vel etiam habitualis, qualis videtur esse in eo, qui incidit in amentiam, aut phrenesim, cum antea christianè vixerit. 3. est ut suscipiens sit in gratia, nec sibi sit conscius peccati mort. *tom. I. pag. 72. n. 1. & seq.*

45. Amenti, vel phrenetico non est statim administrandum Eucharistiam



stia sacramentum, sed expectandum, donec habeat lucida intervalla, si amentia non sit continua. At perpetua amentia laboranti potest Eucharistia ministrari in articulo mortis, si antequam incideret in amentiam, vitam duxit homine Christiano dignam, modò non sit periculum vomitus, aut alterius irreuerentiæ. Item obsessi à dæmone, si adhuc vtantur ratione, & semifatui, tempore Paschatis, & in articulo mortis, præciso irreuerentiæ periculo, videntur ad communionem admittendi. *pag. 73. n. 4. 5. & seq.*

46. Qui habet probabilem conscientiam peccati mort. tenetur præmittere confessionem sacramentalem, nisi vrgente necessitate communicandi non habeat copiam confessarij. Qui autem dubitat, an mortaliter, peccarit, vel an omiserit aliquod peccatum mort. in confessione si magis propendeat in partem affirmantem, immò si æqualiter dubitet, obligatur ad confessionem ante sumptionem Eucharistiæ. Quare dampnanda est illorum temeritas, qui asserunt ante sumptionem Eucharistiæ non esse confessionem præmittendam. *ibid. num. 10. & seq.*

47. Qui habet necessitatem communicandi, vel celebrandi; sed non potest confessionem præmittere absque scandalo, non tenetur illam præmittere, etiam si habeat copiam confessarij; tenetur tamen elicere actum contritionis. Item Sacerdos, qui inchoata Missa meminit peccati mort. non tenetur confessarium ad se vocare ad altare, si sit periculum scandali. Item qui inchoatà Missa recordatur se esse excommunicatum, aut nò ieiunum, non debet Missam dimittere cum scandalo; secus si fieri possit sine scandalo, modò nondum facta sit consecratio; tunc enim debet Missam inchoatam prosequi sine confessione. *tom. I. pag. 74. num. 14. 15. & 16.*

48. Laicus, qui præmissa confessione ad linteum accessit communicaturus, ibique recordatur peccati mort. per obliuionem omissi, non tenetur recedere, & adire confessarium; exponeret enim se periculo infamiæ; indicando aliis habere se conscientiam peccati mort. *ibid. num. 17.*

49. Sacerdos mortis proximus, non habens copiam confessarij, potest celebrare, vel etiam accedere ad sacramentum, seque communicare præmissa contritione. Item Parochus deficiente confessario, potest præmissa contritione, celebrare in die festo, ne parochiani careant Missa. Item is, qui ob vitandum scandalum, vel alia iusta de causa, cogitur communicare, vel celebrare, non tenetur confessionem præmittere, si nullus adsit confessarius approbatus. *ibid. num. 21. & seq.*

50. Qui tenetur in Paschate communicare, non potest, per se loquendo, communicare non præmissa peccatorum mort. confessione; nam præceptum diuinum de præmittenda confessione ante Eucharistiam, praualeat præcepto positiuo Ecclesiastico in Paschate communicandi. Idem dicendum de eo, qui tenetur in die festo Missam audire, vel celebrare. *ibid. n. 25.*

51. Qui habet conscientiam peccati mort. quod rationabiliter timet à confessario manifestandum, potest illud in confessione reticere, si sit necessitas communicandi, donec habeat copiam alterius confessarij. *pag. 75. n. 28.*



52. Sacerdos ex necessitate celebraturus, si habeat aliqua peccata reservata, & alia mortalia non reservata, tenetur confiteri, etiam si confessarius non possit absolvere à reservatis; nam potest absolui directè à non reservatis, & indirectè à reservatis, modò propositum habeat comparèdi coram superiore habente facultatem absolvendi à reservatis. *ibid. num. 31.*

53. Qui præmissio conscientie examinare credit se esse in statu gratie, cum re ipsa peccatum mort. habeat, quod inuincibiliter ignorat, recipit fructum huius sacramenti si actum contritionis, vel saltem attritionis eliciat ante communionem: nam sacramentum Eucharistie potest aliquando conferre primam gratiam, modò non ponatur obex. *ibid. num. 32.*

54. Excommunicatus Eucharistiam sumens non præmissa confessione, sciens se obstringi vinculo peccati, & censura, duplex peccatum committit; facit enim contra religionem, indignè communicando, & contra obligationem censuræ, qua excommunicatus à sacramentorum participatione arceatur. *ibid. num. 34.*

55. Sacerdos, qui urgente necessitate celebrauit non præmissa confessione peccati mort. tenetur quamprimum confiteri; ita præcipiente Concilio Trid. *sess. 13. cap. 7.* Laicus verò, qui sine confessione suscepit Eucharistiam, non tenetur statim confiteri; quia Concil. Trid. nõ facit mentionem laicorum, sed sacerdotum tantum, in necessitate celebrantium sine confessione. Vnde sequitur Sacerdotem urgente necessitate communicantem, more laicorum absque præuia confessione mortalium, non teneri ex decreto Tridentini statim post communionem confiteri. *tom. 1. pag. 76. n. 37.*

56. Qui peccatum carnale commisit, debet per aliquod temporis spatium abstinere, sub veniali, à communione, etiam si peccatum confessus fuerit, nisi adsit iusta causa communicandi, qualis causa videtur esse festum magnæ solemnitatis, aut dies Iubilæi, &c. Qui autem ad communionem accedit eo die, quo pollutionem inuoluntariam passus est, ab omni peccato excusatur. *ibid. num. 3. & 4.*

57. Eucharistiam suscepturus, per se loquendo, debet à media nocte, esse ieiunus, ieiunio naturali, ita ut nihil prorsus cibi, aut potus sumpserit; non tamen necesse est ut post cœnam dormierit, aut cibum digesserit, quia id nullo iure cautum est. *tom. 1. pag. 77. num. 5. & 11.*

58. Qui post sumptam ablutionem, aut post dictas orationes, aliquam hostiam particulam, etiam grandiusculam reperit in patena, potest eam statim sumere; quia tota illa actio reputatur vnum coniuiuium, & vna perfecta sacrificij consumptio: At si Sacerdos iam discessit ab altari, tunc non potest reliquias sumere; quia iam non reputatur vna actio. *ibid. num. 13.*

59. Sacerdos non ieiunus potest sumere Eucharistiam, si aduertat, fore ut alioquin Eucharistia perveniat ad manibus infidelium, qui eam iniuriose tractabunt, aut si alia similis causa superueniat. Item Sacerdos, qui pro vino aquam consecrauit, neque aduertit errorem, nisi post aquæ summptionem, debet denovo vinum consecrare, & bibere, quamvis ieiunium frege-



rit per sumptionem aquæ; quia consecratio vini pertinet ad sacrificij integritatem. Item si Sacerdos post consecrationem moriatur, nec adfit alius præter Sacerdotem non ieiunum, tenetur ille non ieiunus perficere sacrificium: Secus si ante consecrationem moriatur. *tom. 1. pag. 78. num. 18. & seq.*

60. Eucharistia, ratione necessitatis, administrari potest per modum, viatici infirmo existenti in articulo mortis, immò etiam in casu mortis violentæ, dari potest homini non ieiuno, si commodè nequeat anticipari, vel differri; quia hic dicitur esse in articulo mortis, & sicut potest absolui à re-servatis, ita etiam non ieiunus ad Eucharistiam admitti. *ibid. n. 21. & 22.*

61. Infirmus, qui sex, vel octo dies antea per modum viatici communicavit, potest iterum nō ieiunus ad communionem admitti, si aliter commodè nequeat. Non tamen licet quotidie infirmum non ieiunum communicare propter reuerentiam Sacramenti. Ad communicandum autem infirmum non potest Sacerdos non ieiunus consecrare; quia hoc non est vsu receptum. *ibid. num. 23. & 24.*

62. In articulo mortis naturalis, aut violentæ, præceptum diuinum sumendæ Eucharistiæ, per se loquendo, obligat sub peccato mortali; quia in illo articulo maxima est Eucharistiæ sumendæ necessitas, ad restaurandas animi vires, & perseverandum in gratia, qui est finis huius Sacramenti. Qui tamen paulò antè communicauit quàm in periculum mortis incidere, non tenetur iterum communicare. *tom. 1. pag. 79. num. 1. & 2.*

63. Iudex præciso periculo notabilis damni communis, aut alia iusta, causa, tenetur, per se loquendo, concedere reo tempus communicandi, quandoquidem tenetur reus in articulo mortis communicare; etiam si timeatur, fore vt concessio debito tempore reus eripiat. Immò si nolit reus intra concessum sibi tempus se preparare, tenetur iudex aliquam dilationem duorum, vel trium dierum concedere, si speret fore, vt reus intra illud tempus, poenitentiam agat, nec sit periculum alicuius damni ex ea dilatione. At si reus nolit Poenitentiam, & Eucharistiæ Sacramentum sumere, potest illum iudex morti adiudicare, quamvis credat fore, vt in mortali peccato moriatur. *tom. 1. pag. 80. n. 5. 6. & 7.*

64. Qui semel in anno Eucharistiam sumit, satisfacit præcepto diuino, & Ecclesiastico. Non potest quis sæpius in die communicare, excepta, Natiuitatis Domini solemnitate, qua licet Sacerdotibus ter celebrare; hoc tamen priuilegium non extenditur ad laicos communicantes. Qualiter autem diei hora potest ieiunus ad communionem admitti, per se loquendo; tamen ad vitandum scandalum nullus, extra necessitatem, sub vesperam, aut intempesta nocte est ad Eucharistiam admittendus. *ibid. num. 10. & seq.*

65. Præceptum Ecclesiasticum sumendæ Eucharistiæ obligat omnes fideles vtriusque sexus, postquam ad annos discretionis peruenerunt: maius autem iudicium requiritur ad communionem, quàm ad confessionem. At in articulo mortis adolefcens præditus vsu rationis, confessionis, & Ex-

trema



treinæ vnctionis capax, debet non solum ex consilio, verum etiam ex præcepto communicare. *tom. 1. pag. 81. n. 1. & seq.*

66. Omnes fideles, postquam annos discretionis attigerunt, tenentur Eucharistiam sumere à proprio Parocho, semel in anno, nimirum in Paschate, id est à Dominica Palmarum, vsque ad octauam Pasche, nisi quorundam locorum consuetudo aliud ferat. At qui in hebdomada Sanctiori, in sua parochia præceptum communionis impleuit, potest in die Pasche à quocumque Sacerdote, in alia Ecclesia Eucharistiam sumere. Potest item quilibet fidelis in Ecclesia Cathedrali suæ diocesis, Eucharistiam, aliaque Sacramenta suscipere. *pag. 81. & 2. n. 5. 6. & seq.*

67. Qui tempore Paschatis communicat in peccato mort. Ecclesie præcepto satisfacit, quia qui substantiam præcepti adimplet, satisfacit, quamvis non obseruet modum. Qui autem non communicauit in Paschate, probabiliter non tenetur elapso tempore Paschatis, quamprimum commodè poterit, eodem anno communicare; quia præceptum affirmatiuum non obligat semper, sed pro tempore à legislatore determinato. Qui tamen de confessarij consilio distulit communionem, obligatur ad communicandum iuxta ipsius consilium. *tom. 1. pag. 82. n. 12. 13.*

68. Qui præuidet se ita impediendum tempore Paschatis, vt intra illos 15. dies non possit communicare, non tenetur communionem anticipatè sumere; quia ante illud tempus præceptum non obligat. Secus dicendum de eo, qui in hebdomada sanctiori animaduertit se non posse sequentibus diebus communicare ob impedimenta; cum enim tunc temporis iam coeperit obligatio præcepti, tenetur omnino ea hebdomada communicare. Porro excommunicatus tenetur excommunicationis absolutionem expectare, vt satisfaciat præcepto communionis. *tom. 1. pag. 83. n. 15.*

69. Qui omittit, sua culpa, communionem tempore Paschatis, nullam, quidem censuram ipso facto incurrit; sed interdicens est ingressu Ecclesie, & priuandus Ecclesiastica sepultura. *ibid. n. 19.*

70. Possunt sacerdotes, per se loquendo, singulis diebus celebrare. Excipiendi tamen sunt aliqui dies, qualis est feria quinta, sexta, & sabbatum, hebdomadæ sanctioris, & alij quidam dies iuxta locorum consuetudinem. An autem feria 5. & sabbato hebdomadæ sancte liceat priuatim celebrare, præsertim, si in eum diem incidat festum Annunciationis, consuetudini locorum standum est. *ibid. num. 17.*

## EXCOMMVNICATIO.

### Quid & quotuplex sit excommunicatio.

1. **E**Xcommunicatio significat *extra communionem*, quia homo per excommunicationem separatur à communione fidelium, & à participatione sacramentorum. Est enim excommunicatio censura Ecclesia-



atica, qua homo baptizatus priuatur aliquibus spiritualibus bonis, videlicet confortio fidelium, participatione sacramentorum, & communibus Ecclesiae suffragiis. *tom. 2. pag. 374. num. 1. & 2.*

2. Excommunicatio diuiditur 1. in *comminatoriam*, seu *ferenda sententia*, & in excommunicationem *ipso facto*, seu *late sententia*, vt patet ex dictis de censuris. 2. diuiditur in *maior*em, & *minorem*; maior non incurritur nisi ob mortale peccatum: minor aliquando ob veniale. Quando autem fertur excommunicatio absque restrictione maioris, vel minoris, sermo est de maiori, quae simpliciter, & absolute dicitur excommunicatio. 3. diuiditur in excommunicationem *latam à iure*, & *latam ab homine*. Rursus excommunicatio *ab homine*, alia est per sententiam generalem, alia per sententiam particularem. *ibid. num. 1. & 2.*

3. Censurae contentae in Bulla Cœnæ, censentur late per modum statuti, seu potius à iure: nam Summus Pontif. illas tulit intentione condendi perpetuam legem: hoc enim est peculiare huic Bullæ, vt non finiatur morte Pontificis, qui eam tulit, quamuis singulis annis in die Cœnæ domini publicetur. *tom. 1. pag. 375. n. 4.*

*Effectus excommunicationis maioris.*

4. Suffragia communia, & generalia sunt quadam auxilia spiritualia, quæ à Clericis, tanquam Ecclesiae ministris, pro fidelibus offeruntur, vt sacrificium Missæ, Orationes canonicæ, publicæ supplicationes, &c. in quibus clerici orant nomine Ecclesiae. Suffragia verò priuata sunt orationes, quæ sunt à Christianis tanquam particularibus personis. Est autem hoc discrimen inter publica, & priuata suffragia, quod priuata perdunt valorem ex indignitate offerentis; publica verò minimè, quia valorem mutuuntur ab Ecclesia, cuius nomine offeruntur. *ibid. num. 1.*

5. Maiori excommunicatione obstrictus priuatur communibus Ecclesiae suffragiis. Quare peccat mort. qui excommunicato applicat huiusmodi suffragia: facit enim in re graui contra Ecclesiae prohibitionem. Excipitur vnus casus, in quo licet pro hæreticis excommunicatis, publice orare, videlicet in feria 6: Parasceues: tum ad imitationem Christi, qui pendens in cruce orauit pro inimicis; tum ad ostendendum valorem mortis Christi, qui pro omnibus mortuus est. *ibid. num. 3. & seq.*

6. Quilibet excommunicatus etiam toleratus, & non vitandus, priuatur communibus Ecclesiae suffragiis, neque licet fidelibus ea offerre etiam pro toleratis; alioquin propria excommunicationis ratio destrueretur. *ibid. n. 1.*

7. Excommunicatus vitandus, & non toleratus dicitur is, qui est nominatim denunciatus excommunicatus: ante denunciationem autem, non dicitur vitandus, etiam si publice constet de excommunicatione ab ipso contracta. Hinc sequitur, si Pontifex excommunicet, & denunciaret excommunicatum Trium, cum fautoribus suis, Trium vitandum esse, non verò fa-

tores,



tores, quia non sunt nominatim denunciati. Item si quis citetur sub excommunicatione *ipso facto*, nisi compareat, non esse vitandum, quamuis non compareat, quia nondum est denunciatus. Sequitur etiam Catholicos posse cum hæreticis nondum denunciatis loqui, & conuersari. Immo non desunt, qui existiment licere Missæ sacrum cum hæretico audire, & illius funus comitari. *tom. 1. pag. 376. num. 2.*

8. Probabile est illum censeri nominatim denunciatum, qui à iudice competente denunciatur commisisse delictum, quod constar habere adnexam excommunicationem: propterea qui publicè declaratur incidisse in hæresim, statim vitandus est: nam eo ipso quòd publicè declaratur hæreticus, satis expressè declaratur excommunicatus. *ibid.*

9. Notorius clericus percussor censetur vitandus, & non toleratus, hoc ipso quod est notorius, vt definit Concilium Constantiense. Potest autem quis dici *notorius clericus percussor* duobus modis. 1. *notorietate iuris*, quando in iudicio confessus est se clericum percussisse. 2. *notorietate facti*, quando percussit clericum multis præsentibus, itavt percussione nequeat vlla tergiuersatione celare. Porro qui notoriè percussit clericum notorietate iuris, non dicitur vitandus; sed is, cuius percussio notoria est notorietate facti; si verò potest eam aliqua tergiuersatione celare, non dicitur excommunicatus vitandus; modò excusatio sit probabilis. *ibid. n. 3.*

10. Ad notorietatem facti, in magna ciuitate, plures requiruntur testes, quàm in exiguo oppido, vel collegio. Vnde sequitur delictum commissum coram decem non esse notorium respectu magnæ ciuitatis; secus respectu collegij, aut vicinæ: neque me teneri vitare eum, qui coram me percussit clericum eo tempore, quo non aderat sufficiens testium numerus ad faciendum crimen notorium. *ibid. num. 5.*

11. Excommunicatus, qui nondum obtinuit absolutionem excommunicationis, priuatur communibus Ecclesiæ suffragiis, quamuis sit contritus, & iam resipuerit à delicto: quia excommunicatus etiam contritus, adhuc manet excommunicatus, donec absoluitur, & excommunicatio suam habet effectum donec auferatur. *tom. 1. pag. 377. num. 1.*

12. Missæ sacrificium oblatum à Sacerdote in persona Christi, prodest excommunicato, si ei applicetur: quia malitia ministri non impedit effectum Sacramenti, neque Ecclesia per suam prohibitionem, aufert potestatem applicandi effectum sacrificij ei, qui est in gratia, vt hic supponitur esse. *ibid. num. 3.*

13. Missæ sacrificium applicatum excommunicato, non ei prodest quoad fructum, & valorem prouenientem ex parte Ecclesiæ: quia Ecclesia priuat excommunicatum suffragiis communibus, quale est sacrificium Missæ. Potest tamen Sacerdos in Missa, tanquam persona priuata, orare pro quolibet excommunicato: quia hoc non est prohibitum ab Ecclesia. *tom. 1. pag. 378. num. 5. & 6.*

14. Excommunicatus validè recipit Sacramenta quoad substantiam: multa



multa enim fieri prohibentur, quæ tamen facta tenent. Quoad effectum autem, id est, quoad gratiam, non semper validè suscipit Sacramenta; quia facit contra prohibitionem Ecclesiæ in re graui, nisi inculpabiliter ignoret se esse excommunicatum, aut esse peccatum mortale accedere ad Sacramenta cum excommunicatione. Quod verum est etiam de Sacramento Pœnitentiæ: potest enim validè quoad substantiam, & quoad effectum conferri excommunicato inculpabili ignorantia laborati: tunc enim non ponit obicem gratiæ. Si verò culpabiliter ignoret se esse excommunicatum, committit peccatum mortale in susceptione Sacramenti Pœnitentiæ, ac proinde non suscipit sacramentum. Hinc colligi potest dari posse casum, vt quis absoluitur à peccatis, quamuis nondum absolutus fuerit ab excommunicatione; quando scilicet confitetur peccata sua bona fide, nesciens se esse excommunicatum. *rom. 1. pag. 378. 379. num. 1 & 2.*

15. Excommunicatus etiam toleratus, regulariter loquendo peccat mort. suscipiendo aliquod sacramentum: quia facit contra prohibitionem Ecclesiæ in re graui; nisi excusetur ob ignorantiam, vel necessitatem. Non tamen incurrit aliquam pœnam, excepta susceptione Ordinis sacri, propter quam incurrit irregularitatem. *rom. 1. pag. 379. n. 4. & 5.*

16. Sacerdos administrans sacramenta excommunicato tolerato, non peccat ex vi censuræ: nulla enim extat Ecclesiæ prohibitio: grauius tamen peccat contra ius naturale, & diuinum, quo Sacerdos prohibetur administrare sacramenta indignè petenti, nisi forte petens sit peccator occultus, & publicè petat. Porro Concilium Constantiense cum facit potestatem, fidelibus communicandi cum excommunicatis toleratis in diuinis, & sacramentis, tollit prohibitionem Ecclesiasticam, non verò naturalem. *ibid. num. 1.*

17. Sacerdos credere potest excommunicato occulto fide digno, petenti Eucharistiam, & dicenti se absolutum esse, immò quamuis hoc non asserat, potest Sacerdos præsumere eum esse absolutum, hoc ipso quod petit Eucharistiam, nisi oppositum manifestè constet, aut nisi periculum sit scandali, vel alterius incommodi: nullus enim præsumitur velle delinquere. *rom. 1. pag. 380. n. 3.*

18. Sacerdos ex vi censuræ, mortaliter peccat administrando sacramenta excommunicato vitando: quia Ecclesiæ prohibet communicationem cum excommunicatis vitandis. Præterea incurrit minorem excommunicationem, & interdictum ab ingressu Ecclesiæ, vt habetur in cap. *Episcoporum, de privilegiis in 6.* Addendum latam esse excommunicationem Papæ referuatam in cap. *significasti, de sent. excom.* contra clericos in diuinis officiis participantes cum excommunicatis à Papa. *ib. n. 5. & 7.*

*An excommunicatus validè ministret Sacramenta.*

19. Sacramenta ab excommunicato tolerato validè ministrari possunt: eque



neque enim priuatur iurisdictione, & pœnitens ab eo petens Sacramenta non peccat mort. etiam si sciat illum esse excommunicatum, neque vlla vrgeat necessitas petendi; propter facultatem à Concil. Constantiensi concessam communicandi cum excommunicatis, suspensis, interdictis, vel irregularibus toleratis, ad vitanda scandala, scrupulos, & animarum pericula. Neque petens cooperatur peccato Sacerdotis administrantis, cum ipse Sacerdos rogatus, non peccet ministrando, non enim se sua sponte ingerit. *ibid. num. 1. & seq.*

20. Quælibet Sacramenta ab excommunicato vitando ministrata, valida sunt, excepto Pœnitentiæ Sacramento; nisi ministretur in necessitate; quia excommunicatus vitandus caret iurisdictione, quæ requiritur ad Sacramentum Pœnitentiæ valide ministrandum. Vnde fit vt confessio facta excommunicato vitando sit inualida, extra articulum mortis, etiam si pœnitens ignoret ipsum esse excommunicatum: quia ignorantia pœnitentis non dat iurisdictionem Sacerdoti, modo confessio non fuerit facta in eo loco, in quo Sacerdos ignorabatur esse excommunicatus, & ex communi errore, ac titulo colorato habebatur pro legitimo Sacerdote: tunc enim ius supplet iurisdictionem. *tom. 1. pag. 381. num. 1. & seq.*

21. Excommunicatus administrans Sacramenta, vel celebrans, vel exercens actum proprium Ordinis, incurrit irregularitatem, nisi ob ignorantiam, vel inaduertentiam excusetur. Petens autem sacramenta ab excommunicato vitando, extra necessitatem grauius peccat, quia facit contra prohibitionem Ecclesiæ in materia graui. *ibid. num. 6. & 7.*

*An excommunicatus priuetur rebus sacris, & sepultura.*

22. Quilibet excommunicatus, ex vi excommunicationis, priuatur auditione Missæ; quare excommunicatus audiens Missam, grauius peccat, nisi necessitas, vel iusta causa excuset. Neque tenetur vi præcepti de Missa in die festo audienda, quamprimum procurare absolutionem vt Missam audiat. Secus dicendum videtur de eo, qui ex negligentia non procurat absolutionem excommunicationis, vt possit in Paschate communicare: hoc enim præceptum est grauius, & strictius obligat ad remouenda impedimenta, quæ obstant, quò minus adimpleatur. *tom. 1. pag. 382. num. 1. & seq.*

23. Excommunicatus, Missam audiens, præter peccatum mort. nullam pœnam incurrit: nulla enim exprimitur in iure. Tamen Sacerdos excommunicatus, qui sua auctoritate est causa, cur Missa, vel alia diuina officia, coram se celebrentur, incurrit irregularitatem; nam qui per alium facit, per se ipsum facere videtur. Secus dicendum, si is, qui præcipit coram se celebrari, non sit Sacerdos; tunc enim non valet illa ratio, cum ipse celebrare non possit. *ibid. num. 6.*

24. Excommunicatus admonitus à celebrante, vt exeat, incurrit nouam excom-



excommunicationem Papæ reservatam, si nolit exire, cap. *eos, de sentent. excomm.* Idem dicendum de interdicto. Eandemque excommunicationem incurrit, qui prohibet, quò minus publicè excommunicati, vel interdicti, de Ecclesia exeant eo tempore, quo Missa celebratur. *tom. 1. pag. 383. num. 8.*

25. Audientes Missam cum excommunicato denunciato, peccant mort. quia participant cum illo in diuinis. Qui verò scienter celebrat coram excommunicato vitando, incurrit interdictum ab Ecclesiâ ingressu, vt patet ex cap. *Episcopum, de privileg. in 6.* vbi interdicitur, qui excommunicatos vitandos admittunt ad diuina officia, seu Ecclesiastica sacramenta. *ibid. num. 9. & 10.*

26. Qui interest Missæ, aut celebrat, dum ibidem adest excommunicatus toleratus, non peccat prosequendo Missam. Si verò adest excommunicatus vitandus, admonendus est vt exeat; si verò post admonitionem nolit exire, potest etiam per vim expelli, quamuis sit clericus, neque propterea incurritur excommunicatio: quia vis non dicitur iniuriôsa, quando infertur ex iusta causa. *ibid. n. 11. & 12.* At si neque vult exire, neque potest expelli sine periculo, omittenda sunt diuina officia, ipsa etiam Missa, modò consecratio nondum sit inchoata: si verò iam inchoata, vel perfectâ consecratione superuenit, neque potest expelli, Sacerdos prosequi debet sacrificium vsque ad summptionem inclusiue: nam integritas sacrificij, quæ est de iure diuino, præponderat participationi cum excommunicato. Debent tamen in eo casu adstantes ab Ecclesiâ exire, excepto inferuiente; ipse etiam Sacerdos, sumpto sacramento, se recipiet in sacrificiam, ibique reliquis orationes post communionem dicendas persoluet. *ibid. n. 13.*

27. Excommunicatus, etiam si non sit denunciatus, peccat mortaliter assistendo diuinis officiis: neque enim per Concilium Constantiense illi conceditur facultas communicandi cum fidelibus, quamuis aliis fidelibus liceat communicare cum excommunicato tolerato, in sacramentis, aliisque rebus diuinis. *ibid. num. 1.*

28. Excommunicatus, siue sit religiosus professus, siue clericus habens beneficium, vel ordines sacros, tenetur priuatim horas canonicas persolvere: æquum enim nõ est, vt delinquens reportet commodum ex suo delicto: non tamen potest socium adhibere, quicum recitet: quanquam non peccat mort. ad priuatam recitationem socium adhibendo: hæc enim communicatio videtur levis. *tom. 1. pag. 383. 384. n. 3. & seq.*

29. Excommunicatus non priuatur omni rerum sacrarum vsu, cum possit diuina officia recitare, templum ingredi, dum diuina non celebrantur, munire se signo crucis, mensæ benedicere, adorare Eucharistiam, aut etiam illam comitari, dum ad infirmos deferitur, modò recitentur psalmi, vti imaginibus, & id genus aliis, quæ inferuiunt priuatæ deuotioni: non tamen potest sumere aquam lustralem, seu benedictam, eò quod sit quoddam sacramentale, habens valorem ex meritis Ecclesiæ, à quibus excom-

muni-



communicatus excluditur. *tom. 1. pag. 384. numero 8. & 9.*

30. Excommunicatus etiam vitandus potest audire concionem: quia non excluditur ab ea communicatione, qua tendit ad ipsius emendationem. Immo potest excommunicatus toleratus concionari, si rogetur: peccaret tamen si se sponte ingereret ad concionandum, quamvis non incurreret irregularitatem; quia hic non est actus Ordinis, cum etiam à laico, in casu necessitatis, exerceri possit. *ibid. num. 10. & 11.*

31. Magister legens lectionem coram multis discipulis, quorum vnus est excommunicatus vitandus, debet, seclusa alia necessitate, lectionem abrumperet, vt vitetur excommunicatus denunciatus. Toleratus tamen potest lectionem facere, ad quam tenetur ex officio, si per alium supplere non potest, ne communitas damnum patiatur. *ibid. num. 12.*

32. Excommunicatus neque in vita, neque post mortem absolutus, priuatur Ecclesiastica sepultura; & sepeliens excommunicatum vitandum in loco sacro, grauiter peccat, etiam si dederit signa contritionis. Secus si sepeliat excommunicatum toleratum; id enim per Concilium Constantiense licet. Ecclesia autem, in qua sepelitur excommunicatus vitandus, manet polluta, neque diuina officia possunt in ea celebrari, donec reconcilietur. *tom. 1. pag. 384. 385. num. 1. & seq.*

33. Qui in articulo mortis fuit absolutus ab excommunicatione in foro poenitentiae, potest sepeliri in loco sacro. At qui in articulo mortis dedit signa contritionis, sed nondum obtinuit absolutionem ab excommunicatione, non est sepeliendus in loco sacro, donec absoluat. Si verò iam fuit sepultus, non videtur exhumandus, sed petenda est quamprimum absolutio à legitimo superiore, vt fiat dignus Ecclesiastica sepultura, & vt illius ossa non proiciantur. *pag. 385. num. 7.*

34. Sepeliens excommunicatum vitandum in loco sacro, incurrit maiorem excommunicationem, à qua nequit absolui, quoad satisfecerit ad Episcopum arbitrium. *ibid. n. 8. Vide tit. Sepultura.*

*An excommunicatus sit inhabilis ad beneficia.*

35. Inualida est collatio, & praesentatio beneficii, facta excommunicato, quamvis tolerato: frustra enim ei confertur beneficium, qui ab exercitio sui officij, & muneris suspenditur. Idem verum est, etiam si excommunicatus, inuincibiliter ignoret se esse excommunicatum: quamuis enim, ignorantia exuset à noua culpa, & à noua censura; non tamen facit actum validum, qui aliàs erat inualidus. *tom. 1. pag. 385. 386. num. 1. & 2.*

36. Collatio officij Ecclesiastici, vel secularis habentis adnexam iurisdictionem, facta excommunicato, est inualida. Quia prohibito vno, prohibitum etiam censetur id, per quod ad illud peruenitur; cum ergo prohibitum sit excommunicato actus dignitatis etiam secularis exercere, videtur etiam prohibitum dignitatem adipisci. Excipe duos casus. 1. quando

Sum-



Summus Pontif. confert dignitatem alicui, quem scit excommunicatione innodatum: tunc enim præsumitur Pontifex cum eo dispensare. 2. quando quis ex testamento, vel ab intestato, dominium aliquod temporale acquirat, cui est annexa iurisdicção, & dignitas: acquisito enim principali, acquiritur accessorium. *tom. 1. pag. 386. n. 3.*

37. Collatio pensionis facta excommunicato, titulo clericali, est inualida: quia obtinenti pensionem à Summo Pontif. concedi solet absolutio censurarum, ad hunc effectum, ut sit capax pensionis; quod argumentum est excommunicatum esse incapacem pensionis. *ibid. num. 4.*

38. Ex dictis collige excommunicatum, qui obtinuit beneficium, vel pensionem titulo clericali, non posse fructus percipere; nullum quippe ius ad illos habet, cum beneficij sed pensionis collatio sit inualida. Sequitur item non posse excommunicatum, illud beneficium permutare cum altero: nullum enim ius habet ad beneficium. Hæc autem intelligenda sunt de beneficiis obtentis ab inferioribus Summo Pontifice; non autem de obtentis ab ipso Pontifice, qui cum litteris, & privilegijs solet simul concedere absolutionem ab omnibus censuris, ut privilegium suum effectum sortiatur, sitque valida beneficij collatio. Excipiendi tamen sunt quidam casus, ad quos non videtur extendi hæc absolutio, in privilegio contenta. 1. est casus excommunicationis ob hæresim contractæ, à qua non præsumitur Pontifex velle absolutionem impendere. 2. casus est excommunicationis, in qua quis inforauit per annum. *ibid. num. 5. & 6.*

39. Acta per eum, qui obtinuit beneficium in excommunicatione, sunt inualida, si sermo sit de actibus iurisdictionis, & officij: quia excommunicatus caret potestate, & iurisdictione; nisi fortè adsit error communis, cum titulo colorato; tunc enim ius supplet defectum iurisdictionis. Acta verò per eum, qui post obtentum beneficium, contraxit excommunicationem, sunt valida, modò sit toleratus: cum enim validè retineat beneficium, retinet etiam iurisdictionem, quæ est quid consequens. *ibid. n. 7.*

40. Validè acceptatur beneficium ab eo, qui tempore collationis, & electionis non erat excommunicatus, licet sit excommunicatus, dum beneficium acceptat: quia iura solum irritant collationem, & electionem, non verò acceptionem beneficij. At si electio, & collatio facta est tempore excommunicationis, sed ante acceptionem beneficij, obtenta est absolutio excommunicationis, non videtur valida collatio; quia facta est ante absolutionem, neque per subsequentem absolutionem potest validari. Opposita tamen sententia non caret probabilitate, modò tempore acceptionis, electores, & præsentatores, permanferint in prima sua voluntate: prior enim electio, & præsentatio videtur sic ratificari, & approbari. *tom. 1. pag. 387. num. 9. & 10.*

41. Excommunicatus, qui beneficium, vel pensionem obtinuit tempore excommunicationis, petere debet absolutionem, eaque obtentà dare operam, ut sibi de nouo beneficium conferatur: prior enim fuit inualida. Excom-



Excommunicatus autem occultus, quando ei collatum est beneficium, non statim debet illud acceptare; non tamen tenetur se prodere; sed debet alio honesto titulo se excusare, si potest. Sin minus, acceptato beneficio, debet quam primum occulte petere dispensationem. *ibid. num. 11.*

42. Qui post obtentum beneficium lapsus est in excommunicationem, non priuatur fructibus, vel distributionibus beneficij, consequenter non tenetur eos à se sponte abdicare, modò onera, atque officia beneficij exequatur. Excommunicatus tamen vitandus non videtur posse lucrari omnes fructus, & distributiones, quia diuina officia ab eo persoluta, nihil profunt; cum Ecclesia ipsum arceat à diuinis, neque velit per ipsum orare. *tom. 1. pag. 388. num. 2. & 4.*

43. Qui ob iniustam excommunicationem à choro exclusus, non potest suum officium exequi, videtur posse percipere fructus, & distributiones: quia priuatio distributionum est pœna, quæ non videtur subeunda ab eo, qui non deliquit. Iuste autem excommunicatus, qui diuinis non assistit, non potest percipere distributiones, etiamsi per ipsum non stet, quò minus absoluaatur, & choro intersit: quia quamdiu est excommunicatus, iuste arceatur à choro. *tom. 1. pag. 388. 389. num. 5. & 7.*

*An excommunicatus priuetur iurisdictione.*

44. Quæ geruntur ab excommunicato vitando, sunt inuálida, si gerantur ex officio tanquam propriæ iurisdictionis: quia Ecclesia illum priuat vñ propriæ iurisdictionis: excipienda est electio Summi Pontificis à Cardinalibus excommunicatis. Quæ verò geruntur ab excommunicato vitando absque vñ propriæ iurisdictionis, sunt válida: sic válidum est matrimonium ab excommunicato vitando celebratum; quia hic non est actus iurisdictionis, sed est actus factus à contrahente, tanquam à persona priuata. At testamentum factum ab eo, qui excommunicatus fuit propter heresim, vel percussionem Cardinalium, ipso iure est inuálidum. *tom. 1. pag. 389. num. 1.*

45. Quæ geruntur ab excommunicato tolerato, válida sunt, etiamsi pertineant ad propriam iurisdictionem: quia Ecclesia illum tolerat, & permittit nos cum ipso communicare in rebus sacris, & in aliis spectantibus ad iurisdictionem: quanquam ipse excommunicatus grauiter peccat, si sponte se ingerat in actibus iurisdictionis, & potest contra ipsum admitti exceptio ad elidendum actum iurisdictionis. *ibid. num. 3.*

46. Resignatio beneficij facta ab excommunicato etiam vitando in fauorem tertij, válida est: quia illa resignatio non est actus iurisdictionis. Item válidæ sunt scripturæ; & instrumenta facta à tabellione excommunicato vitando: quia tabellio non habet propriæ iurisdictionem. Válidum item est testamentum ab excommunicato, excepto testamento, quod fit ab excommunicato propter heresim, vel percussionem Cardinalium. *tom. 1. pag. 390. num. 7. & seq.*



47. Non incurrit excommunicationem, qui delictum sub excommunicatione prohibitum commisit eo tempore; quo superior, qui tulerat excommunicationem, incidit ipse in excommunicationem, & fuit denunciatus. Quia censura lata ab homine per sententiam generalem, non est perpetua, sed in fieri, & in esse pendet ab ipso iudice; ergo si iudex moriatur, aut priuetur iurisdictione, antequam sententia suum sortiatur effectum, censura per sententiam lata, carebit effectu. *ibid. num. 10.*

48. Quando suspenditur Episcopi iurisdictione per excommunicationem, Vicarius generalis non potest exercere iurisdictionem ab Episcopo acceptam ante excommunicationem, vel suspensionem ipsius Episcopi: quia est vnum, & idem tribunal Vicarij generalis, & Episcopi, vnde suspecta iurisdictione Episcopi per excommunicationem, aut eam sublata per eius mortem, manet etiam suspensa, vel sublata Vicarij auctoritas. Hinc sequitur vicarium generalem non posse validè conferre beneficia, & id genus alia præstare eo tempore, quo Episcopus est excommunicatus vitandus. *ibid. num. 12.*

*An excommunicatus priuetur conversatione  
humana.*

49. Cuilibet excommunicato, etiam tolerato, vetitum est, per se loquendo, communicare cum aliis fidelibus: per accidens tamen, ratione necessitatis, &c. fieri potest vt excommunicatus non peccet communicando cum fidelibus, presertim cum inuitatur. *tom. 1. pag. 391. n. 1.*

50. Vetitum est fidelibus communicare in rebus ciuilibus cum excommunicato vitando, non verò cum tolerato. Communicans autem cum vitando, in actionibus humanis, & ciuilibus, vt plurimum venialiter tantum peccat: quia hæc communicatio videtur materia levis; communicans verò in diuinis, vt in Sacramentis, & sepultura, grauiter peccat. *ibid. num. 4.*

51. Casus, in quibus non licet communicare cum excommunicato vitando, sunt hi:

*Os, orare, vale, communico, mensa negatur.*

*Os*, significat allocutionem, seu per litteras, seu per nuntios, seu per nuncios, &c. significat etiam acceptionem numerum. *Orare* designat orationem, in qua non licet communicare cum excommunicato vitando. Per *Vale* prohibetur honorifica salutatio; nam excommunicatus priuatur obsequiis, & officiis humanitatis in poenam delicti. *Communicatio* significat societatem in habitatione, vel exercitio, vel contractu, nam cum excommunicato vitando neque licet dormire in eodem lecto, neque contractum inire, neque aliquod opus exercere, quod mutuum postulet operam. *Mensa* innuit communicationem cibi, & potus, quæ dicitur communicatio mensæ. *tom. 1. pag. 392. num. 1. & seq.*



52. Casus, in quibus licet communicare cum excommunicato vitando sunt hi.

*Vtile, lex, humile, res ignorata, necesse.*

*Vtile* significat utilitatem, seu spiritualement, seu temporalem, cuiusmodi est resipiscentia, & emendatio excommunicati: quare licet adhibere signa benevolentiae, & urbanitatis ad illum inducendum ad sanioerem mentem, &c. Per *legem* intellige iura matrimonij: quare licet coniugatis etiā excommunicatis vitandis, petere, vel reddere debitum coniugale: item, licet coniugatis communicare inter se in colloquiis, in mensa, & in iis omnibus, quae pertinent ad domus gubernationem, in diuinis autem non possunt. *Humile* significat officium seniorum, & subditorum: licet enim, subditis communicare cum suis superioribus, & illis obedire. Vassalli tamen non possunt communicare cum suis Principibus temporalibus excommunicatis vitandis: ius enim saltem post sententiam criminis declaratoriam, eximit subditos ab onere, quo se adstrinxerunt ad seruendum domino ex fidelitate, illosque eximit à iurisdictione subiectionis, cum dominus tunc temporis sit suspensus ab usu iurisdictionis. Excipitur solutio tributorum, quae Principi debetur, quamdiu non priuatur dominio temporali. *Res ignorata* significat ignorantiam inculpabilem, vel inaduertentiam, quae excusat à peccato, & a censura. Denique per *necesse* intelligitur necessitas, quae excusat participantes cum excommunicato, & excommunicatum cum aliis participantem. In his casibus Ecclesia permittit communicationem cum excommunicatis denunciatis. *tom. 1. pag. 393. num. 7. & seq.*

*An excommunicatus priuetur communicatione in foro ciuili.*

53. Quis iudex seu Ecclesiasticus, seu secularis priuatur usu iurisdictionis quamdiu manet excommunicatus vitandus, & peccat mortaliter, ferendo sententiam: quia sibi usurpat iurisdictionem, quam non habet. Iudex verò excommunicatus toleratus, facile videtur excusari posse à mortali, si sententiam ferat; probabilius tamen est non excusari, eo quod actio iudicandae, quae prohibetur excommunicato, per se videatur valde grauis, & sufficiens ad peccatum mort. *tom. 1. pag. 397. num. 1. & 2.*

54. Excommunicatus quamuis toleratus non potest esse actor in iudicio, in causis ciuilibus, aut Ecclesiasticis, siue per se, siue per alium. Quare excommunicatus non potest in iudicio accusare, nisi forte ex necessitate; potest tamen se ipsum defendere, & appellare à sententia iudicis inferioris, & appellationem proseguere. Verum si actor excommunicatus non repellatur à iudice, nec ei ab aduersario obiciatur excommunicatio, valida erunt ab eo gesta in iudicio: quamuis enim ius prohibeat excommunicatum in iudicio agere; non tamen irritat ipsius gesta. *tom. 1. pag. 398. num. 5. & seq.*



55. Excommunicatus toleratus potest admitti ad ferendum testimonium, modò non se ingerat sua sponte. Excommunicatus verò vitandus non potest licite testimonium ferre, eo quòd prohibita sit cum ipso communicatio. Excipitur causa fidei, & matri nonij. Validum tamen est testimonium excommunicati vitandi, non tantum in iudici; sed etiam in testamentis, contractibus, & instrumentis, præsertim accedente iudicis consensu, & illius, contra quem testis adducitur ad testandum; potest enim ab utroque repudiari: si admittatur ad testimonium ferendum, testimonium validum erit: nullo enim iure irritatur. *tom. I. pag. 399. n. 12. 13.*

56. Excommunicatus vitandus non potest licite aduocari, vel procuratoris officium exercere: illius tamen acta sunt valida, nisi repudietur, aut illi opponatur exceptio excommunicationis. Hinc colligi potest matrimonium celebratum à procuratore excommunicato, nomine alterius, validum esse. *ibid. num. 14.*

57. Excommunicatio irritat, & annullat litteras, & rescripta Apostolica, & processus virtute illorum habitos, excepto casu excommunicationis, & appellationis. Hic tamen effectus hoc tempore non magni penditur, quia in litteris Apost. quæ modò obtinentur, includi solet absolutio ab omnibus censuris, ad hunc effectum, ut privilegia, gratiæ, & litteræ Apost. valeant; excepto casu excommunicationis ob hæresim, & eo casu, quo quis per annum in excommunicatione inforduit: hic enim suspicionem hæresis ineurrit. Persistens verò in excommunicatione per annum ob aliquam causam, quæ mereatur excusationem, videtur frui absolutione; ubi enim cessat ratio culpæ, ibi etiam cessare videtur rigor pænæ. *ibid. num. 1.*

58. Etiam si perseverans in excommunicatione per annum, suspectus sit de hæresi; quia potestatem Ecclesiæ contemnit, & eius Sacramenta, cum ab illis abstineat per annum; non tamen statim condemnandus, est tantumquam hæreticus: quia contumacia in excommunicatione per annum, non inducit certam hæresis probationem, sed præsumptionem tantum, ob quam citandus est ad se purgandum: si nolit comparere, ob contumaciam declarari potest excommunicatus; & si in hac excommunicatione, adhuc per annum persistit, condemnandus est, ut hæreticus, modò non fuerit legitimo impedimento detentus. *ibid. n. 2.* Priuandusque est beneficio si commisit crimen, beneficii priuationem inducens. *ibid. pag. 400.*

#### Excommunicatio minor.

59. Excommunicatio minor est censura Ecclesiastica separans fidelem excommunicatum à passiva sacramentorum participatione. Dicitur autem *minor*, respectu ad maiorem, & ad effectus illius. Huius enim duo sunt tantummodo effectus. 1. est priuare directe passiva sacramentorum participatione; quare peccat mort. suscipiendo Sacramenta. 2. est priuare electione,



electione, præsentatione, & collatione beneficij, & Ecclesiastica dignitatibus. Hæc tamen excommunicatio non priuat electione aut præsentatione actiua, sicut neque actiua administratione sacramentorum. Potest etiam minori excommunicatione affectus, diuinis officiis interesse, suffragiis frui, &c. item potest alios absolvere à censuris, & à peccatis, & actus iurisdictionis exercere. *tom. 1. pag. 400. n. 1. & 3. & pag. 401. n. 6. & seq.*

60. Excommunicatio minor incurritur participando in rebus prohibitis cum excommunicato vitando non tantum uiuo, sed etiam mortuo, ut si quis lauet cadauer excommunicati vitandi, vel eius funus prosequatur, &c. quia cui non communicamus uiuo, nec communicare licet defuncto. *pag. 400. num. 2.*

61. Ab excommunicatione minori, lata à iure, potest tantummodò proprius Sacerdos absolvere, id est, qui habet iurisdictionem ordinariam supra excommunicatum, ut Episcopus in sua diocesi, & Parochus in sua parocchia. Potest etiam Sacerdos approbatus absolvere à minori excommunicatione: hic enim dici potest proprius Sacerdos per iurisdictionem delegatam. *tom. 1. pag. 401. n. 11. & 15.*

62. Probabilis est sententia nonnullorum asserentium quemlibet simplicem Sacerdotem posse à minori excommunicatione absolvere pœnitentem, nullo peccati mortali obstrictum. Quia habens tantum peccata venialia, potest se subiicere simplici Sacerdoti, & ab eo absolui; ergo potest etiam ab eo obtinere absolutionem minoris excommunicationis, quæ præmittenda est absolutioni venialium, cum minor excommunicatio priuet passiuam sacramentorum administrationem. Opposita tamen sententia est probabilior: quia aliud est absolvere à venialibus, & aliud à censuris. *ibid. num. 15.*

63. Parochus potest etiam extra confessionem absolvere à minori excommunicatione: quia facultas illi concessa non est restricta ad absolutionem sacramentalem. Immo potest ab ea absolvere, etiam si nondum sit Sacerdos: nam absolutio excommunicationis non est actus ordinis, sed iurisdictionis. *ibid. num. 13. & 14.*

64. Ad absolutionem minoris excommunicationis sufficiunt verba, sufficienter exprimentia absolutionem: non sunt autem necessaria cæremonia, quæ adhibentur in absolutione aliarum censurarum; propterea non est necesse pœnitentem præmittere cautionem iuratoriam, &c. Porro in dubio an pœnitens inciderit in minorem excommunicationem, potest absolui sub conditione, ea forma, quæ vulgò adhiberi solet, *Absolute ab omni vinculo excommunicationis, quantum possum, & tu indiges.* *ibid. num. 16.*

*Excommunicatio ab homine propter quid ferenda.*

65. Excommunicatio ferri potest pro causa temporalimodò intentio-

P 2 ferentis



ferentis sit recta, & non spectet rem temporalem tanquam finem; nam finis censuræ debet esse spiritualis, cum ipsa censura sit poena spiritualis, præcipuus autem finis est salus delinquentis. *disp. 2. quest. 1. punct. vnicō pag. 154. num. 1. tom. 3.*

66. Excommunicatio ad restitutiones faciendas ferri debet à Summo Pontif. vel ab Episcopo, non autem à Prælati Episcopo inferioribus; sic enim præscribit Concil. Trident. sess. 25. cap. 3. *Nisi sede vacante*; tunc enim ferri potest à Vicario generali Episcopi, aut à Vicario constituto à Capitulo. *ibid. num. 2. & seq.*

67. Excommunicatio, quæ ad restitutiones faciendas imponitur, ferri potest contra personam determinatam præsertim Ecclesiasticam; cum enim indicio Ecclesiæ subiciatur, potest ab Ecclesia cogi, & puniri. Si vero persona sit laica, non licet Episcopo contra illam determinatè censuram ferre, nisi rationabilis causa aliud suadeat, sed debet coram suo iudice laico prius conueniri; si tamen ferat, erit valida. *ibid. num. 5. & 6.*

68. Causæ, ob quas huiusmodi excommunicatio fertur, sunt tres præcipuæ. 1. ut delictum commissum emendetur restituendo. 2. ut malum, quod timetur, vitetur. 3. ut damnum temporale alterius præcaueatur. *ibid. num. 7.*

69. Causæ excusantes ab hac excommunicatione incurrenda sunt. 1. ignorantia iuris, & facti, vel etiam pænæ. 2. legitima appellatio. 3. consensus illius, in cuius fauorem lata est excommunicatio. 4. metus grauis. 5. iusta compensatio. 6. impotentia physica, aut moralis, quia censura non incurritur nisi ob contumaciam; qui autem ob impotentiam non restituit, non dicitur contumax. *ibid. pag. 155. num. 8.* Impotentia moralis est illa, in qua debitor non potest sine diminutione status, vel sine graui infamia, aut alio graui incommodo restituere. *ibid.*

70. Prælati potest sub censura obligare ad restitutionem cum graui debitoris incommodo, quoties iusta subest causa sic obligandi; regulariter tamen loquendo non obligat; quia præceptum humanum non magis obligat quàm naturale, aut diuinum; præceptum autem naturale, & diuinum restitutionis faciendæ, regulariter non obligat cum graui incommodo. *ibid. pag. 155. num. 13. tom. 3.*

71. Debitor, qui præuidet se non posse termino præfixo restituere, excommunicationem incurrit, si restitutionem non fecit, dum impotentiam futuram præuidit; unde patet à fortiori eum, qui malitiosè factus est impotens, non excusari à censura. *ibid. num. 14.*

72. Qui termino præfixo ob impotentiam non restituit, tenetur adhuc sub censura restituere, sublata impotentia; modò adhuc vigeat obligatio censuræ contrahendæ; nam si iudex, qui censuram ab homine tulerat, mortuus est, aut denunciatus est excommunicatus, censuram vim suam amittit. *ibid. num. 15.*



*Excommunicatio contra vexantes excommunicationum latores.*

73. Gregorius X. excommunicationem tulit in Concilio Lugdunensi quæ refertur in cap. *Quicumque, de sententia excommunicat.* contra vexantes eos, qui excommunicationem, aut censuram in aliquem tulerunt, seu quorum occasione censura lata fuit necnon contra eos, qui dant licentiam vexandi, seu in personis, seu in bonis, aut qui data licentia vtuntur. *disp. 2. quest. 3. punct. 15. pag. 204. tom. 3.*

74. Hac excommunicatio incurritur ab eo, qui dedit licentiam vexandi, nisi re adhuc integra, id est ante sequutum effectum licentiam reuocauerit; aut nisi damnum bonis illatum intra octo dies refarciuerit. *ibid. n. 2.*

75. Hac excommunicatio reseruatur Summo Pontifici si delinquens in excommunicatione duorum mensium spatio perseueret. *ibid. num. 8.*

*Cum excommunicato non participandum.*

76. Innocentius III. in cap. *Nuper, de sentent. excommunic.* subiicit excommunicationi omnes scienter participantes in crimine criminoso. Participare autem in crimine criminoso, nihil est aliud, quam cooperari crimini, vel contumacia, ob quam alter nominatim excommunicatus est; vt si quis concubinario nominatim excommunicato ob retentionem concubinæ, præbeat consilium, auxilium, aut fauorem, ne concubinam dimittat. *disp. 2. quest. 3. punct. 21. pag. 228. tom. 3.*

77. Ipse etiam Episcopus scienter participans in crimine criminoso cum eo, quem nominatim ipse excommunicauit, laqueo huius censuræ innodatur, quia ista excommunicatio vniuersalis est, & omnes Summo Pontifice inferiores attingit. Summus autem Pontif. cum sit supremus Legislator, suis legibus non subiicitur ex vi coactiua. *ibid. num. 6.*

78. Absolutio ab hac excommunicatione ab eo impendenda est, à quo absoluti potest principalis excommunicatus, cum quo habita est communicatio. *ibid. num. 7.*

*Excommunicatus perseuerans.*

79. In cap. *querenti, de offic. & potest. ind. deleg.* Excommunicati omnes à delegato Papæ perseuerantes in excommunicatione per annum, contrahunt reservationem; nam delegatus Papæ non potest anno elapso iurisdictionem ad exequendam sententiam exercere, ergo elapso anno excommunicatio auferri debet à Summo Pontif. *ibid. punct. 2.2. pag. 228.*

*Excommunicatio sine admonitione præuia.*

80. Qui excommunicationis sententiam profert temerè absque præ-



uia competentiadmonitione, & presentibus idoneis testibus, suspenditur per mensem ab ingressu Ecclesiæ; si tamen in diuina celebret in tentorio, vel in domo priuata, non incurrit irregularitatem. Ab hac suspensione excipitur Episcopus, licet enim peccet sententiam excommunicationis ferens sine prauia admonitione; tamen non censetur comprehendi sub censura, nisi exprimatur. *disp. 3. quæst. 5. punct. 1. §. 1. pag. 364. 365. tom. 3.*

*Excommunicatio sine solemnitate.*

81. Ecclesiasticus iudex sententiam excommunicationis ferens sine scripto, vel sine expressione causæ, aut non tradens, si requisitus fuerit, intra mensem exemplar sententiæ, interdicatur ingressu Ecclesiæ, & diuinis officiis per mensem. Hoc intelligendum est de excommunicatione lata ab homine, non autem à iure; nam sermo est de illis censuris, quarum exemplar cum expressione causæ tradendum est reo, ut se coram alio iudice tueatur, quod fieri solet in censuris latis ab homine. *ibid. §. 2. pag. 365. n. 1. & seq. tom. 3.*

82. Non est necesse iudicem Ecclesiasticum per se ipsum sententiam excommunicationis proferre, alioquin deberet etiam ipse sententiam scribere, quod nullus dixerit; neque opus est, ut scriptum, ex quo profertur excommunicatio, sit authenticum, & publicum, seu manu notarij scriptum, aut manu ipsius iudicis subscriptum; debet tamen esse huiusmodi, ut ipsius exemplar in iudicium adduci possit, si petatur: finis enim Summi Pontificis præscribens scripturam in promulgatione censuræ, est, ut censura maturiori iudicio feratur, & in iudicium proferatur si reus voluerit. *ibid. num. 5.*

83. In ferenda sententia excommunicationis requiritur expressio causæ, tum ob ipsum reum, ut sciens causam, propter quam censura ligatus fuit, eam tollere possit; tum propter ipsum iudicem censuræ latorem, ut sciens causam censuræ ad superiorem deducendam, cautè se gerat; tum, propter iudicem superiorem, ad quem reus recurrit, ut cognita causa, de æquitate censuræ melius iudicare possit; tum denique propter alios, ut scientes causam, ob quam delinquens excommunicatus fuit, illum vitent. *ibid. pag. 366. num. 10. tom. 3.*

84. Valida tamen est excommunicatio lata sine scripto, vel sine expressione causæ; hæc enim non pertinent ad formam censuræ substantialem, sed accidentalem. *ibid. num. 11.*

85. Ab hac suspensione seu interdicto excipiuntur Episcopi, & Episcopis superiores: quia licet peccent non seruando iuris communis dispositionem; non tamen obstringuntur suspensione, aut interdicto, nisi exprimantur. *ibid. num. 14.*

86. Iudex qui infra mensem noluit tradere exemplar sententiæ requisitus, si post illum mensem moriatur, debet carere Ecclesiastica sepultura; quia



quia priuatus est diuinis officiis actiue, & passiue: Si verò contracta illa suspensione celebret, vel alia diuina officia obeat cum actu alicuius sacri ordinis, incurrit irregularitatem, quia violat censuram. *ibid. pag. 367. num. 17. tom. 3.*

86. Absolutio ab hac suspensione referuata est Summo Pontifici, quia lata est ad certum tempus; elapso autem mense cessat. *num. 18. tom. 3.*

### Extrema Vnctio.

1. **E**xtrema Vnctio sic vocatur, quia est vltima inter Vnctiones, quæ homini viatori conferuntur. 1. enim confertur sin Baptismo. 2. in Confirmatione. 3. in Sacerdotio. 4. & postrema in hoc Sacramento, quod confertur homini versanti in extremis. *tom. 1. pag. 214.*

2. Hoc Sacramentum fuit à Christo institutum, quo tempore, non constat. Est autem signum rei sacræ, quo aliquæ partes corporis infirmi vnguntur oleo benedicto sub præscripta verborum forma, ad salutem animæ, & corporis. *ibid. num. 2. 3. & 4.*

### Extrema Vnctionis materia, & forma.

3. Extremæ Vnctionis materia remota est oleum ex oliuiis expressum, vt patet ex Iacobi. 5. & ab Episcopo benedictum ad vsum infirmorum, & quidem, ex consuetudine, & præcepto Ecclesiæ, eo anno benedictum. Potest autem Parochus oleum non consecratum miscere consecrato, quando timet ne deficiat, modò id quod additur, sit minus eo, quod est consecratum; sic enim minus censetur consecratum admixtione maioris. *ibid. n. 2. & pag. 215. num. 4. & seq.*

4. Materia proxima huius Sacramenti est vnctio: non est tamen necesse, necessitate Sacramenti, vnctiones fieri in formam crucis, sed tantum de necessitate præcepti, quod non videtur obligationem inducere sub peccato mortali, ob leuitatem materiæ. *tom. 1. pag. 215. n. 9.*

5. Forma huius Sacramenti continetur his verbis à Sacerdote prolatis. *Per istam sanctam Vnctionem, & suam piissimam misericordiam indulgeat tibi Deus quidquid per visum deliquisti. Amen.* Quæ forma, adhibetur etiam in vnctionibus aliorum sensuum, expresso nomine singulorum. Fit autem modo deprecatiuo, quia Christus ita instituit Iacobi 5. *Orent super eum.* Vnde inferitur inualidam esse formam iudicatiuam. *ibid. num. 1. & seq.*

6. Vrgente necessitate, quando periculum est in mora, potest Parochus inuncta singulorum sensuum vnica parte vnica formam proferre, quæ pluribus partialibus æquiualeat. In praxi tamen, à communi vfu, & consuetudine non est facile recedendum, nisi euidentis necessitas aliud postulet. *ibid. num. 5.*



*Extrema Vñctionis minister :*

7. Proprius huius Sacramenti minister est solus sacerdos, Iacobi. 5. *Inducat presbyteros*, id est aliquem ex sacerdotibus. Si qui autem leguntur præter Sacerdotes inunxisse, illa vñctio non fuit sacramentalis. Quilibet Sacerdos potest quidem hoc Sacramentum validè ministrare; non tamen licitè, nisi habeat iurisdictionem, & non impediatur ab Ecclesia. Quare excommunicatus, & degradatus grauius peccat hoc sacramentum ministrando; Item qui sine Parochi licentia illud administrat. Religiosi autem, licet exempti, qui sine priuilegio, vel Parochi facultate administrant Sacramentum Extremæ Vñctionis, incidunt in excommunicationem *Clementina 1. de priuilegiis*. Hæc tamen excommunicatio non incurritur à religiosis administrantibus cum ratihabitione Parochi, vel in articulo mortis. *tom. 1. pag. 216. num. 1. & seq.*

8. Potest hoc Sacramentum, urgente necessitate, à pluribus Sacerdotibus vni, & eidem conferri, ita vt vnus vngat vnā partem, & alius aliam, modo idem, qui vngit, simul proferat formam tali vñctioni debitam; non enim potest vnus vngere, & alter formam proferre. Extra necessitatem, autem non potest hoc Sacramentum à pluribus administrari absque peccato mort. *ibid. num. 7.*

*Extrema Vñctio cui conferenda.*

9. Sacramentum Extremæ Vñctionis conferri potest solis fidelibus de vita periclitantibus, qui habent, vel habuerunt vsū rationis, hocque Sacramentum desiderauerunt. Vnde sequitur amentia vel phrenesi laborantes posse suscipere hoc Sacramentum cum fructu, si, cum vterentur ratione, illud optauerunt; Item eos, qui habuerunt intentionem saltem interpretatiua illud suscipiendi, qualem habent qui christianè vixerunt, vel qui dederunt signa contritionis. *ibid. n. 1. & seq. pag. 217.*

10. Hoc Sacramentum conferri non potest gerentibus bellum, aut nauigantibus cum periculo, aut damnatis ad mortem, aut mulieribus parturientibus, aut infirmis nondum existentibus in periculo mortis. At potest conferri senibus, qui senectute conficiuntur absque alia infirmitate; nam, senectus ipsa est morbus: nec non morti proximis ob morbum, pestem, vulnus, &c. non tamen expectandum est extremum vitæ periculum, aut tempus, quo infirmus prorsus sensu careat, aut omnino eius sit desperata salus; sed administrandum est hoc Sacramentum, si fieri potest, quando infirmus adhuc vsu rationis gaudet, vt se magis ad fructum sacramenti percipiendum disponat. Sin infirmus inter vngendum, è vita decedat, Parochus debet ab vñctionibus desistere, cum non sit amplius viator. At in dubio an adhuc viuat, administrandum est hoc Sacramentum sub conditione. *tom. 1. pag. 217. num. 4. & seq.*



11. Infirmus non suscipiens Sacramentum Extremæ vñctionis, per se loquendo, non peccat mort. modò absit scandalum, vel contemptus: nulum enim extat præceptum obligans sub mortali ad hoc suscipiendum. At Parochus tenetur ex officio illud ministrare. *ibid. num. 10. & 12.*

12. Infirmus, quem constat nunquam actualiter peccasse, potest hoc sacramentum conferri; est enim adhuc capax effectus sacramenti, & Iacobi. 5. dicitur, *si in peccatis sit, dimittentur ei*; ergo Apostolus supponit hoc sacramentum conferri posse cuicumque infirmo, neque opus esse vt actualiter peccauerit. *ibid. num. 13.*

13. Non peccat mortaliter qui sacramentum Extremæ Vñctionis confert infirmo, antequam susceperit sacramentum Pœnitentiæ, & Eucharistiæ; quia per contritionem potest se disponere ad hoc sacramentum suscipiendum; seruanda tamen est praxis, quoad fieri potest, vt non nisi post sacramentum Pœnitentiæ, & Eucharistiæ conferatur. *ibid. num. 15.*

14. Ad essentiam huius sacramenti pertinet, vt vñctiones fiant in singulis corporis sensibus, alioquin inualidum est sacramentum. At si quis careat vno corporis membro, in quo viget aliquis sensus, v.g. aure, vngenda est pars vicinior. Fit autem vñctio in his tantum partibus, ex quibus spiritualis morbus suam trahit originem. Porro vñctio in renibus, vel pedibus adhiberi potest, vel omitti iuxta loci consuetudinem. In feminis autem vñctio in renibus, vel vmbilico, propter decentiam, honestatem, semper est omittenda. Sacerdotes, quia iam semel in palma fuerunt inuncti, in susceptione ordinis sacerdotalis, in exteriori parte manus sunt inungendi. *tom. 1. pag. 218. num. 16. & seq.*

#### Extrema Vñctionis effectus.

15. Effectus huius Sacramenti est gratia habitualis, quæ specialia auxilia habet adiuncta ad expellendas habitudines, & propensiones ad malum, ad peccata venialia delenda, ad conferendam sanitatem, quatenus expedierit, & ad Dæmonis insultus propulsandos, qui eo præsertim tempore acres esse solent. In vltima autem vñctione, virtute præcedentium, confertur effectus huius sacramenti, quia tunc completur significatio remissionis peccatorum. *tom. 1. pag. 218. 219. num. 12. & 13.*

16. Hoc sacramentum, cum non imprimat characterem, iterari potest, non tamen in eadem infirmitate. At si existens in articulo mortis, percepit Extremam Vñctionem; deinde per aliquot dies periculum euasit, & per mensem v.g. conualuit, potest iterum suscipere hoc sacramentum, si reincadat in periculum mortis. *pag. 219 n. 4.*

17. Circa ritus, & caremonias in hoc sacramento seruandas, standum est rituali, consuetudini, & legibus Episcoporum: Peccat tamen Sacerdos omittens orationes, quæ in huius sacramenti administratione præscribuntur, modò infirmitas ægredi, mora n patiatur. At sine vestibus ab Ecclesia præ-



si præscriptis nunquam licet hoc sacramentum administrare. *ibid. num. 5. & seq.*

## F.

## Fabrica S. Petri.

1. **I**N Extrauag. Pij V. quæ incipit, *Exigit*, lata est excommunicatio, & suspensio à diuinis contra molestantes Collegium, seu deputatos fabricæ S. Petri. *disp. 2. quæst. 2. punct. 25. pag. 175. tom. 3.*
2. Li. èt probabile sit hanc Bullam quoad aliqua editam fuisse ad tempus, vt consuleretur iuribus, & commodis fabricæ S. Petri; tamen quoad excommunicationem, & suspensionem credere par est perpetuam esse; quia est in fauorem Collegij fabricæ S. Petri. *ibid. num. 2.*

## Falsificatio litterarum Apostolicarum.

1. **F**alsificatio fit vel aliquid addendo, seu scribendo, seu subscribendo. Vel detrahendo, radendo, secando, aut delendo. Vel sigillum verum falsis litteris apponendo. Vel fabricando falsas litteras, aut signando falso sigillo, seu etiam vero, sed sine consensu illius, ad quem spectat. *disp. 1. quæst. 7. punct. 1. num. 3. & 4. pag. 26. tom. 3.*

## Falsificantium poena.

2. Sub poena 6. excommunicationis prohibetur in Bulla Cœnæ falsificatio litterarum, seu supplicationum Summi Pontif. aut Vicecancellarij, aut alterius vices ipsorum gerentis. *ibid. punct. 2. num. 1. pag. 27. tom. 3.*
3. Vt cognoscatur grauitas falsificationis sufficiens ad incurrendam censuram, non est attendenda quantitas verborum, quæ adduntur, vel detrahuntur, sed spectanda est significatio; fieri enim potest vt additione vnius verbi, vel apicis mutetur sensus à Pontifice intentus. Quare qui addit aliqua verba, vel detrahit, quibus additis, vel detractis adhuc remanet sensus, quem Papa intendit, non ligatur censura Bullæ contra falsarios lata; quia hæc non est formalis falsificatio. Secus autem, si verborum sensus mutetur, etiam si fortè parti, vel fisco graue damnum inde non sequatur: grauis enim iniuria irrogatur Pontifici sufficiens ad excommunicationem incurrendam, quippe cuius autoritas falsificatione formali litterarum contemni videtur. *ibid. n. 2. 3. 4. 5. tom. 3.*
4. Qui tempus prorogat in litteris expressum, incurrat censuram Bullæ,

vt si



vt si Summus Pontif. litteras concessit ad triennium, & impetrans appo-  
fuit quinquennium. Ille tamen, qui litteras corrigit iuxta mentem Pontifi-  
cis, non incurrit excommunicationem: Vt si in supplicatione Romam mis-  
sa exprimebatur quartus consanguinitatis gradus, & Notarius in litteris  
Apostolicis apposuit affinitatis, tunc enim corrigens iuxta supplicationem,  
non falsificat litteras, sed potius falsitatem tollit: cauendum tamen ne hæc  
correctio propria auctoritate fiat. *ibid. n. 6. 7.*

5. Qui litteras falsas apud se retinet, vel qui illis utitur, non incurrit ex-  
communicationem Bullæ; quia in ea sermo est de falsificantibus, non au-  
tem de retinentibus, aut utentibus. Quanquam his scienter, vel cum igno-  
rantia culpabili utentes contrahunt excommunicationem cap. *ad falsario-  
rum, de crimine falsi*, si sunt laici; si verò clerici, priuandi sunt officiis, &  
beneficiis Ecclesiasticis. Immo Clerici, qui per se falsitatem exercuerint,  
degradandi sunt, & brachio sæculari tradendi, vt iuxta constitutiones pu-  
niantur. *ibid. punct. 3. n. 6. 7. pag. 28. tom. 3.*

6. Qui litteras falsas fabricare cepit, sed pœnitentia ductus ab opere de-  
stitit, antequam falsificationem perficeret, non incurrit censuram Bullæ;  
quia cum ille litteræ nondum sint perfectæ, non censetur Apostolicas litte-  
ras falsas fabricasse. *ibid. num. 12.*

7. Qui obtinet à Summo Pontif. litteras, quæ inualidæ sunt ob tacitur-  
nitatem veri, vel expressionem falsi, non incurrit excommunicationem,  
quamuis illis utatur; quia hic non dicitur falsificare litteras; sunt enim verè  
Pontificiæ, inualidæ tamen ob defectum expressionis. *ibid. n. 3.*

8. Qui litteras Pontificias impetrat sub nomine alieno, quod ipse falsò  
assumit, non ligatur censura Bullæ; quia non est falsarius litterarum, sed  
propriij nominis. *ibid. n. 4.*

9. Qui comburit, aut lacerat litteras Apostolicas, ita vt nihil earum re-  
maneant, quod vsui esse possit, non est obnoxius huic censuræ; quia nullam  
falsificationem committit. *ibid. num. 5.*

20. Qui falsificat litteras Apostolicas nondum signatas, & munitas sigil-  
lo, seu plumbo, non afficitur pœna excommunicationis; quia ille litteræ non  
sunt appellandæ Apostolicæ, quibus deest conditio essentialis, vt litteræ A-  
postolicæ dicantur. *ibid. num. 11.*

*Falsæ Litteræ Apostolicæ non retinendæ.*

11. In cap. *Dura, de crimine falsi*. Summus Pontif. præcipit Episco-  
pis, vt excommunicationem ferant contra eos, qui falsas litteras Apostoli-  
cas habent, nisi intra viginti dies destruant, vel resignent. Vnde inferitur  
hanc excommunicationem non esse à iure communi, sed ab Episcopo ex  
præscriptio iuris communis, reservationem verò esse à iure communi; ita-  
vt hæc excommunicatio ab Episcopo lata, Summo Pontifici reservata re-  
maneant. *disp. 2. quest. 3. punct. 4. pag. 189. tom. 3.*



## 240 *Falsificatio litterarum Apostolicarum.*

12. Hi viginti dies computandi sunt à die, qua quis cognoscit se falsas litteras habere; supposita excommunicationis promulgatione ab Episcopo facta. *ibid. pag. 189. num. 5. tomo 3.*

13. Qui apud se habet litteras Apostolicas falsas, quæ iam emanuerunt, nec ad vsum in ipsis expressum inseruire possunt, non tenetur sub pœna excommunicationis eas resignare, aut destruere; perinde enim est, ac si non haberet. *ibid. n. 7.*

14. Ad hanc excommunicationem incurrendam sufficit generalis sententia excommunicationis ab Episcopo lata contra habentes falsas litteras Apost. &c. etiam si nullus nominatim exprimat. *ibid. num. 8.*

### *Falsificatio monetæ.*

15. Ioannes XXII. in Extrauag. *Prodiens, de crimine falsi*, excommunicationem tulit contra falsificantes monetas in regno Franciæ, aut falsas scienter introducentes. *disp. 2. quæst. 3. punct. 50. pag. 266. num. 1. tom. 3.*

16. Expendens falsam monetam, quam ipse non cudit, neque introduxit, neque adulteravit, non subiicitur huic censuræ; quia de eo non fit mentio in textu. *ibid. num. 4.*

### *Festum.*

1. **P**receptum celebrationis festorum est partim *naturale*, partim *cærimoniale*, & partim *humanum* ex S. Thoma. Quatenus est *naturale*, obligat omnes: nam lumine naturæ notum est aliquos dies cultui diuino dicandos esse. Quatenus est *cærimoniale*, non obligat in ipsamet die Sabbati, quia cærimonialia veteris legis per Christi mortem sublata sunt. Quatenus est *humanum*, habet certos dies ab Ecclesia præscriptos, vt diè Dominicum loco Sabbati, &c. *tom. 2. pag. 272. num. 1.*

2. Sabbatum significat *requiem*, seu *cessationem*, eò quòd Deus die septimo requieuerit. Ecclesia autem in locum Sabbati diem Dominicam subrogauit, ne videremur consentire cum Iudæis, & eorum cærimonias obseruare, & propter multas illius diei prerogatiuas. Hinc collige obseruationem Dominicæ diei non esse de iure diuino, sed canonico. Idem sentiendum de festis Sanctorum, quæ iure optimo instituta sunt ab Ecclesia, tum vtiliorum exemplis ad bene agendum accendamus, tum vt illos apud Deum intercessores, ac patronos adhibeamus. *ibid. num. 2. & seq.*

### *Cuius sit dies festos instituire.*

3. Summus Pontifex, & Concilium Generale ius habent instituendi dies festos, & receptos abrogandi in tota Ecclesia. Episcopi autem, iure communi possunt in sua tantum diœcesi festos dies instituire cum Cleri, & po-



& populi consensu: consuetudine tamen receptum est, ut festi dies instituantur ab Episcopo, adhibito solum aliquot Clericorum consilio. Verum non potest Episcopus instituere diem festum in honorem alicuius Beati, quem Summus Pontif. nondum retulit in numerum Sanctorum. *tom. 2. pag. 273. num. 1. & 3.*

4. Princeps secularis, Ciuitas, vel Resp. non potest dies festos tanquam sacros instituere: quia potestas secularis nihil habet iuris in actus religionis. Potest quidem Princeps secularis, vel Resp. prae-textu honoris ciuilis, vel alio titulo, praecipere subditis, ut tali die à seruilibus operibus, forensi strepitu, &c. abstineant; non tamen potest absolute praecipere prae-textu religionis, ut dies festi instituantur, sacrum audiatur, &c. nam obseruatio diei festi inter opera spiritualia numeratur. *ibid. num. 5.*

5. Potest Episcopus diem festum instituere colendum usque ad meridiem, ita ut Missa sacrum eo die sit audiendum. *ibid. num. 8.*

*In die festo à quibus operibus abstinendum.*

6. Obseruantia diei festi duobus praeceptis continetur; vno affirmatiuo, quo praecipitur auditio Missae; altero negatiuo, quo opus seruale prohibetur. Praeceptum igitur affirmatiuum continet obligationem audiendae Missae, non verò contritionis eliciendae, vel specialiter abstinendi à peccatis. *tom. 2. pag. 274. num. 1. & seq.*

7. Opera animae, id est, quae ab anima procedunt, ut legere, scribere, docere, disputare, &c. non sunt seruilia, ideoque in die festo licite exercentur, exceptis quibusdam casibus in iure expressis. Sunt autem hi quatuor. 1. *Mercatus*, id est, contractus emptionum, venditionum, locationum, permutationum, item mercatus qui singulis habentur hebdomadis, nisi consuetudo eos permittat, & superior non contradicat. 2. *Placitum*, id est, quaelibet lis, & causa fori, quae agitur in iudicio; nam die festo prohibentur omnia, quae spectant ad strepitum forensem; immò eo die acta irritantur; praefixo casu necessitatis. 3. *Iudicium criminale*, id est, sententia mortis, aut alia quauis poena corporalis; praefixa necessitate. 4. *Sacramentum publicum*, id est, iuramentum iudiciale; nam prohibetur ferri iuramentum in iudicio, die festo; seclusa necessitate, vel causa pia. *ibid. num. 6. & seq. & pag. 275.*

8. Contractus die festo celebratus validus est: nullo enim iure irritatur, cum in iudicio non fiat: quae verò fiunt in iudicio, non tantum prohibentur, sed etiam irritantur. *tom. 2. pag. 275. num. 11.*

9. Quaelibet sententia requirens strepitum iudiciale, vetita est in die festo. Aliae verò sententiae, quae non sunt cum strepitu forensi coniunctae, non videntur prohibita, ut sunt actus voluntariae iurisdictionis, Appellatio licita videtur in die festo; fit enim sine magno strepitu, & iure naturali cuique licet seipsam tueri quolibet die. Citatio autem cum sit pars non modica



modica strepitus forensis, si fiat in die festo sine necessitate, est irrita, ipsumque decretum citationis factum, aut intimatum die festo, seu etiam intimatum die profesto, in diem festum, est inualidum, vt si quis die profesto citetur pro die Dominica, aut alio festo huiusmodi enim decretum est iniquum. *ibid. num. 2. & seq.*

10. Non solum testes, in die festo, examinari non possunt (propter iuramentum iuridicum, quod eo die exigi non potest) verum etiam si die profesto pramissum sit iuramentum, examen testium, in die festo continuari non potest; praecisa legitima consuetudine in contrarium: quia examinatio testium, est pars praecipua processus; irritatur autem processus factus in die festo. *tom. 2. pag. 276. n. 20. 21.*

11. Executio sententiae facta in die festo, non solum est illicita, sed etiam inualida, quatenus actus ex dispositione iuris, fieri potest inualidus: quia executio sententiae pertinet ad iudiciale forum, sitque cum magno strepitu, virtute sententiae in iudicali foro obtentae. *ibid. num. 2. 2.*

12. Opera corporalia, quae proprie seruilia sunt, cuiusmodi sunt fodere terram, arare, putare vites, &c. in die festo prohibentur. Hinc patet fas esse die festo iter facere, modò non addantur circumstantiae, operibus seruilibus adnexae, vt si imponenda sint iumentis, aut curribus onera, vel si iumenta, aut currus onusti aliò transferantur. Item fas esse venari, ludere, scribere, saltare, etiam si haec fiant ob lucrum: haec enim ex se non sunt seruilia, cum dominis iuxta ac seruis sint communia. Non tamen licet pingere in die festo: quia hoc opus vulgò fieri solet ab iis, qui aliis inferiunt, & per se loquendo, est seruile; quare ne addiscendae quidem artis causà in die festo exerceri potest. *tom. 2. pag. 277. n. 25. & seq.*

13. Ea, quae licitè fieri possunt sine lucro, die festo, fieri etiam possunt eodem die cum lucro: quia spes, & intentio lucri facit quidem opus mercenarium; non tamen facit, vt opus, quod ex suo genere seruile non est, sit seruile; sicut neque seruile desinit esse seruile, ex eo, quod spe lucri non fiat. *ibid. num. 26.*

14. Fideles ex vi praecepti, quo festum diem colere tenentur, non obligantur ad concionem audiendam. Quamuis enim, quilibet ex vi charitatis, qui debet animae suae consulere, teneatur ediscere praecepta, & alia, quae ad animae salutem spectant: non tamen tenetur sub mortali diebus festis concionem audire, cum aliis diebus audire liceat, & aliundè possit addiscere necessaria ad salutem. Per accidens tamen fieri potest aliquando, vt in die festo praefenda sit concio auditioni Missae, vt si urgeat necessitas addiscendi necessaria ad salutem, quae alio tempore commodè addisci non possint. *ibid. num. 27.*

15. Pastores, verbi Dei praedicationem omittentes, toties peccant contra praeceptum diuinum, quoties populus grauiter indiget pabulo illo spirituali: nam ex Dei mandato tenentur oues suas verbo Dei pascere vt patet ex Trident. *sess. 23. cap. 1.* Si verò vno integro mense, aut etiam duobus,



bus, vel tribus mensibus totius anni, discontinuis, non concionentur, mortaliter peccant: hæc enim est materia grauis, & Concil. Trid. *sess. 5. cap. 2.* decernit parochos, aliosque curam animarum habentes, si ab Episcopo moniti, trium mensium spatio, muneri suo defuerint, cogendos esse per censuras, & alias pœnas, ad hoc concionandi munus obeundum. *tom. 2. pag. 278. num. 30. & 31.*

*Causæ excusantes opus seruale in die festo.*

16. Prima causa excusans à peccato mort. die festo seruiliter laborantes, est paruitas operis, seu leuitas materiæ. Quam autem pars temporis censenda sit nonabilis, quæ seruilibus vacans, à peccato mort. non excusetur, arbitrio prudentis viri est iudicandum. Probabilius videtur seruiliter laborantes spatio vnius circiter horæ non excusari à peccato mort. hoc enim spatium temporis videtur notabile. *ibid. num. 1. & 2.*

17. Secunda causa excusans est cultus Dei, quando scilicet opera seruilia in honorem, & cultum Dei fiunt. Quæ tamen ad Dei cultum remotè tantum spectant, ea non possunt licitè fieri in die festo, cum præcedentibus diebus fieri possint, vt ornare templa, altaria, &c. non tamen est peccatum mort. hæc facere in die festo, præsertim si ex causa rationabili fiant *tom. 2. pag. 279. num. 6.*

18. Tertia causa excusans est pietas: opera enim pietatis, vt sepelire mortuum, seruire infirmis, &c. semper sunt licita. Quæ verò sunt opera pietatis solum per accidens, vt domos religiosas extruere, &c. non excusantur à culpa si fiant in die festo, nisi ad sit necessitas, vel alia iusta causa. Sic conficiens vestes lugubres, aut pingens insignia in funere, die festo, excusatur. *ibid. num. 7.*

19. Quarta causa excusans est necessitas, vel alia iusta causa. Sic excusantur parantes necessaria ad victum, vt qui carnes coquant, aut vendunt, &c. non tamen excusantur molitores; quia exercent opus seruale, & magni laboris, nisi id faciant ex necessitate; neque excusantur pistores, qui panem pridie conficere potuerunt. Excusantur item qui segetes merunt fruges colligunt, &c. in die festo, ne corrumpantur. Item qui diuino labore victum querunt. *tom. 2. pag. 279. & 280. num. 8. & seq.*

20. Quinta causa excusans est obedientia, vel coactio: hinc excusantur famuli, & serui iussu dominorum laborantes. Sexta est absentia à loco vbi festum colitur. Septima est dispensatio ab Episcopo petenda, aut à Parocho, si Episcopus commodè adiri non potest. Octaua denique est consuetudo; hæc enim legi derogare potest. *tom. 2. pag. 280. num. 16. & seq.*



## F E V D V M.

*Quid, & quodplex sit Feudum.*

1. **F**eudum, quod dictum est à *fide*, seu *fidelitate*, est contractus, quo infeudator, id est, dominus feudi, tradit feudatario, siue vassallo re suam in nobilem, quoad dominium vtile, cum onere obsequij, & seruitij personalis. Vnde patet discrimen inter *feudum*, & *emphyteusim*, ratione pensionis: nam quatenus pensio est personalis, id est, consistens in obsequio personali, dicitur feudum; quatenus verò pensio est realis, id est, consistens in pecunia, vel frumento, vel alia re simili, dicitur emphyteusis. Differt etiam à *venditione*, eò quòd in venditione transfertur dominium vtile, & directum, in emphyteusi verò tantum vtile. tom. 2. pag. 569. num. 2. & seq.

2. Feudum aliud est *proprium*, aliud *improprium*. *Proprium* est, quod feudi naturam seruat: *Improprium* quod ex pacto naturam feudi mutat. Rursus feudum aliud est *regale*, quod à Principe, qui superiorem non agnoscit, obtinetur, & præter iurisdictionem, confert etiam titulum honorificum, vt Ducatus, Marchionatus, &c. Aliud *non regale*, quod nihil dignitatis, vel eminentiæ tribuit, siue conferatur à Principe, siue ab alio inferiore. Item aliud est *antiquum*, quod maiores communis agnationis habuerunt, supra quartum gradum; aliud *parernum*, quod possederunt parentes, seu progenitores vsque ad quartum gradum; aliud *nouum*, quod non obtinetur ex successione; sed in ipsa iungendi persona cepit. Item aliud *nobile*, quod nobilem facit, vel iam factum nobilem demonstrat; aliud *ignobile* quod nobilitatem non confert. Item aliud est *Ecclesiasticum*, quod vel ab Ecclesia, vel ipsi Ecclesiæ confertur; aliud *seculare*, quod à laico obtinetur. Item aliud est *masculinum*, aliud *fœmininum*. Item aliud est *hereditarium*, quod ad heredes licet extraneos transmitti potest; aliud *non hereditarium*, quod ad hæredis extraneos transire nequit, sed ad filios, seu agnatos, etiamsi fortè non sint hæredes. Item aliud est *reale*, quod ad hæredes transit; aliud *personale*, quod hæret in persona accipientis, nec ad alios transit. Item aliud est *diuiduum*, quod diuidi potest; aliud *indiuiduum*, quod diuidi non potest, vt sunt Regnum, Ducatus, Marchionatus, &c. Item aliud est *ligium*, quo quis iurat alicui se ei fidelem futurum, nullo excepto; aliud *non ligium*, quo quis iurat alicui fidelitatem, excepto supremo dominio, vt si quis iuret Duci, se ei fidelem futurum, exceptis iis, quæ pertinent ad Imperatorem, vel Regem. Denique aliud est *francum*, quod est liberum à pœnalibus feudorum legibus, seu ab omnibus seruitiis, exceptis contentis in forma iuramenti fidelitatis; aliud *non francum*, quod à seruitiis non est immune. tom. 2. pag. 574. num. 1. & 2.

*Quis*



*Quis Feudum dare, aut accipere possit.*

3. Omnes, qui liberam bonorum suorum administrationem habent, dare possunt in feudum, nisi aliquo iure prohibeantur. Iure tamen feudorum, ius dandi in feudum iis tantum competere videtur, qui dignitatem, & iurisdictionem habent: nam feudum supponit vassallos. Hinc sequitur Episcopum, aut alios Prælatos non posse bona Ecclesiæ in feudum dare, nisi ab antiquo in feudum dari consueverint. *ibid. num. 1.*

4. Omnes, regulariter loquendo, feudum accipere possunt. Vassallus tamen non potest in præiudicium domini principalis, feudum dare. At si sermo sit de successione in feudum, illi succedunt, quos inuestitura comprehendit, & quos ius, vel consuetudo non excludit. Hinc sequitur illegitimos, nisi per subsequens matrimonium legitimantur, aut nisi exprimantur, non succedere in feudum, quia excluduntur à iure; necnon adoptiuos, quia ius illos excludit. *ibid. num. 1. & pag. 575. num. 2.*

5. Propinqui laterales, deficientibus liberis, succedunt in feudum paternum, vel antiquum; dummodò in inuestitura aliud non habeatur, & descendentes sint agnati: nam si cognati tantum sint, non succedunt in feudum; sicut enim feminae excluduntur à feudo, ita etiam descendentes ex eis. Ob id masculi descendentes ex feminis, non sunt agnati, sed alterius familiæ distinctæ à familia illius, cui inuestitura concessa fuerat. Eandem etiam ob causam fratres vterini non succedunt sibi inuicem in feudo, quia non sunt eiusdem agnationis. *rom. 2. pag. 575. num. 2.*

6. Filij, seu descendentes succedunt in feudum, etiam si sint clerici, & beneficium Ecclesiasticum, vel Ordinem sacrum habeant; possunt enim domino seruitium, & obsequium per alium præstare, & iustam habent causam, propter quam personaliter inservire nequeant; modò in institutione feudi adiecta non fuerit clausula, *Ne in feudum clerici succedant. ibid.*

7. Religiosus, seu potius monasterium, in feudum succedit, modò religiosus professionem emisit in religione capaci successionis, nec feudum habeat adnexam dignitatem, & modò obsequium præstandum à feudatario, non dedecet statum religiosum, aut saltem tale sit, quod per substitutum præstari possit. At si seruitium personale sit eiusmodi, ut à religione decenter præstari non possit per se, vel per substitutum, tunc feudum ad monasterium non transit: quia feudum non transit nisi cum onere, igitur si monasterium sit incapax oneris, erit etiam feudi. *ibid.*

8. Quando feudum concessum fuit cum clausula excludente religiosos; nihilominus equites commendatarij, non solum ij, qui matrimonium iniire possunt; verum etiam equites S. Ioannis succedere possunt: quia licet sint verè, & propriè religiosi, nihilominus cessant rationes, ob quas religiosi in monasteriis degentes excluduntur: isti enim equites latum habent

Q pauper-



paupertatis votum, splendide viuunt, familia decus, honorem, & agnationem conseruant, quod non faciunt alij religiosi. *tom. 2. pag. 576. num. 4.*

9. Hæredes extranei non succedunt in feudum, nisi sufficienter exprimantur: quia successio extraneorum est odiosa in feudis. Hinc patet, feudum alicui concessum, non facta mentione hæredum, non transire ad hæredes extraneos. Immo, si simpliciter exprimantur hæredes, communior est Doctorum sententia, feudum non extendi ad hæredes extraneos; quia nomine hæredum in feudis intelliguntur tantum legitimi descendentes ab eo, qui est caput agnationis communis. *ibid.*

10. Quando feudum concessum est alicui pro se, & successoribus, seu agnatis, possunt agnati succedere usque ad septimum gradum. *ibidem, num. 5.*

11. Fœminæ non succedunt in feudum, nisi earum mentio fiat in prima inuestitura, aut nisi feudum sit fœmineum, vel francum, aut nisi consuetudo loci aliud ferat: quia fœminæ iure communi non admittuntur ad feudum, cum seruitia personalia præstare non possint. Quare deficientibus masculis, feudum ad dominum redit, etiam si in inuestitura dicatur, *pro se, & heredibus*; nam fœminæ in feudis non comprehenduntur, nisi exprimantur. Tamen in feudum francum fœminæ succedunt deficientibus masculis, ab eo descendentes, qui inuestituram accepit: quia ratio præcipua, ob quam fœminæ à feudis excluduntur, est, quia non sunt idoneæ ad bellum, & obsequia quibus feudatarij obstringi solent: si ergo alicui feudum concedatur sine onere, vel cum eo solum obsequio, quod à fœminis æquè ac masculis obiri possit, dicendum est fœminas ab huiusmodi feudo non excludi, nisi specialibus verbis in inuestitura excludantur. *tom. 2. pag. 576. 577. num. 5. & 6.*

### Conditiones feudi.

12. Ad feudum quatuor saltem conditiones requiruntur. 1. ut dominium directum perseueret apud priorem dominum, dominium verò utile transferatur in vassallum. 2. ut feudum constituatur super re immobili. 3. ut vassallus non alienet feudum sine consensu domini directi, cuius est inuestire, & in possessionem mittere, alioquin vassallus excidit a feudo. 4. ut vassallus præter obsequium personale, si exigatur, alioquin incidit in caducitatem. 5. ut vassallus à domino inuestiatur, & in possessionem feudi mittatur, præmisso fidelitatis iuramento. Solent autem adhiberi testes, ut inuestitura sit valida. *tom. 2. pag. 578. num. 1.*

13. Quando plures factæ sunt inuestiturse inter se diuersæ, standum est primæ, quando in ea maius questum est ius vassallo, quam exprimitur in secunda, ut si prima inuestitura facta fuerat non solum pro masculis, sed etiam pro fœminis; secunda verò pro solis masculis: quia ius per primam inuestituram acquisitum, non adimitur per secundam, absque iusta causa. *ibid. num. 2.*

*Quid*



*Quid in feudum dari possit.*

14. Quod datur in feudum, debet esse immobile, vel haberi pro immobili: sicut enim vsu receptum est. Præterea debet esse liberum, neque alteri obligatum: quia nullus potest ius in alterum transferre, quod ipse non habet: Qui verò rem alteri obligatam tradit in feudum, tenetur damnum illatum rescire, & qui rem illam accepit in feudum nesciens alteri esse obligatam, agere potest contra dominum, ut rem æqualis bonitatis, & valoris sibi restituat. *ibid. num. 1. & 2.*

*Ad quid feudatarius obligetur.*

15. Prima feudatarii obligatio est, ut præstet iuramentum fidelitatis, vel etiam obsequij; iuramentum tamen non est de substantia feudi, sed promissio fidelitatis. Quando autem plures sunt hæredes feudatarii, omnes tenentur iuramentum fidelitatis præstare: par enim est omnium ratio, & obligatio. Excipe communitatem, cui si feudum concedatur, sufficit ut vnus nomine totius communitatis iuret. Secunda obligatio feudatarii est, ut præstet obsequium domino promissum. Tertia, ut feudatarius non alienet feudum absque consensu domini directi. *tom. 1. pag. 579. numero 1. 2. & 3.*

16. Vassallus, seu feudatarius potest feudum alteri dare in feudum, modo det pari, nec mutet conditiones, & pacta, quibus ipse feudum accepit, nec pretium inuestituræ accipiat: sic enim non affert damnum domino, sed meliorem efficit ipsius conditionem, cum nouum ei vassallum acquirit, nec ipse per infeudationem desinat esse vassallus prioris domini: quod fit, ut dominus exigere possit obsequium ab utroque, & primum compellere, ut cogat secundum ad obsequium sibi præstandum. *ibid. n. 3.*

17. Vassallus potest feudo, inuito domino, renunciare, sicque fieri liber ab obsequio: quia hæc non est alienatio, sed repositio in priori statu, & obligatio feudatarii magis oritur ex re, quàm ex persona, ergo re dimissa, cessat obligatio. *ibid. num. 4.*

18. In alienatione feudi paterni, vel antiqui, vel etiam noui, accepti pro se, filiis, & descendantibus, præter consensum domini, requiritur etiam consensus filiorum, seu agnatorum; quia per huiusmodi feudum ius ipsis acquisitum est. Si verò feudum est hæreditarium, ita ut liberum sit vassallo illud relinquere cui voluerit, sufficit consensus domini ad eius alienationem. *ibid. num. 5.*

19. Sicut feudatarius obligationes contrahit, ita etiam iura, & actiones acquirit. 1. enim acquirit dominium vile. 2. agere potest ut post inuestituram, tradatur ei possessio; in feudo tamen antiquo sufficit renouatio inuestituræ. 3. si feudale prædium euictum fuit, vassallus, qui putabat prædium



esse domini concedentis, potest contra dominum agere, ut illud prædium, aut aliud æquale sibi restituatur. 4. si dominus grauem iniuriam inferat vassallo: datur illi actio, qua petat se eximi ab omni obsequio, ad quod iure feudi tenebatur. *ibid. num. 7.*

20. Tribus modis potest quis acquirere feudum. 1. inuestitura. 2. successione. 3. præscriptione. Feudum autem seculare præscribitur spatio 30. annorum. Ecclesiasticum spatio 40. Verum contra Ecclesiam Romanam requiritur spatium centum annorum. *ibid. num. 8.*

*Cur feudatarius feudum amittat.*

21. Tribus de causis vassallus feudum amittit. 1. est crimen ingratitudinis, aut contumaciæ contra dominum. 2. est duplex crimen commissum in personam diuersam à domino directo. Primum est fratricidium, secundum homicidium proditorium. 3. causa quinque modis contingit 1. lapsu termini præscripti. 2. morte vassalli, non relictis filiis legitimis, vel agnatis. 3. professione in religione incapaci successionis. 4. præscriptione triginta annorum. 5. renunciatione. *tom. 2. pagin. 580. numero. 1. & sequentis.*

22. Melioramenta, quæ vassallus fecit in re feudali, quando feudum reuertitur ad dominum, pertinent ad vassallum, quando ipsius industria facta sunt: quia vassallus non tenetur suis sumptibus dominum locupletem facere. Fructus item rei feudalis pertinent ad vassallum, nisi aliter conuentum sit: quia vassallus acquirit dominium vtile, ac proinde fructus percepti usque ad mortem vassalli, pertinent ad vassallum; percipiendi verò post ipsius obitum, debentur illi, ad quem feudum transfertur; nisi locorum consuetudo aliud ferat. *tom. 2. pag. 581. num. 3. & 4.*

*Quis sit iudex causæ feudalis.*

23. Quando inter vassallos laicos non inuestitos à Rege, vel Principe, lis est de feudo, iudex competens, est dominus feudi: ab ipso enim iure constituitur iudex. At si controuersia sit inter vassallum, & extraneum, iudicium pertinet ad iudicem loci ordinarium. Quando est controuersia inter vassallum & dominum feudi, de re non feudali, iudicium pertinet ad ordinarium loci; quia nemo potest esse iudex in sua causa. Si verò inter vassallum, & dominum feudi lis sit de re feudali, controuersia dirimenda est per pares curiæ, id est per vassallos eiusdem domini conuocatos. *ibid. num. 1.*

24. Quando inter vassallos clericos dissensio est de feudo, communior Doctorum sententia est, causam feudalem cognosci posse à domino laico: quia clericus tunc temporis non subijcitur laico, tanquam persona Ecclesiastica, sed tanquam vassallus. Ad hæc, lex feudorum approbatnr à Summo



mo Pontifice; lex autem feudorum est, ut lis de re feudali inter vassallos, à domino dirimatur. *ibid.*

## Fideiussio.

1. Fideiussio est contractus, quo quis in se suscipit obligationem alterius, promittens sub fide sua, illius adimpletionem, seque obligans, in defectum illius. Quare fideiussor, regulariter loquendo, non debet conveniri antequam solutio petatur a principali debitore: nam iure nouo sancitum est, ut debitor principalis prius conveniatur, quando ipse præsens est, & est soluendo: si verò absens sit, vel non sit soluendo in totum, vel in partem, tunc in subsidium, fideiussor conveniri potest. *tom. 2. pag. 588. num. 1. & 4.*

2. Quando plures sunt fideiussores, si fideiubent in partem, tenentur tantum ad partem: si verò fideiubent in solidum, creditor potest à singulis integram solutionem exigere; liberum enim est creditori convenire quem voluerit ex multis in solidum obligatis. In hoc tamen casu, fideiussori convento competit exceptio diuisionis, id est ius cogendi creditorem ad diuidendam actionem, ita ut à quolibet fideiussore, partem contingentem petat. *ibid. num. 6.*

3. Fideiussor, qui vnus è multis in solidum soluit, potest uti privilegio cedendarum actionum, cogendo videlicet creditorem, ut sibi cedat actiones, quas contra alios fideiussores habet, sicque potest à alijs exigere proutatas, seque indemnem seruare; neque tenerur ipse in solidum soluere, donec creditor huiusmodi actiones cedat. Debet autem fideiussor petere hanc cessionem, antequam soluat creditori; nam si facta solutione illam petat, iam non potest creditor cedere illam actionem: quia nullum ei relictum est ius in alios fideiussores, cum ei fuerit integrè satisfactum. *ibid. num. 7.*

4. Fideiussor liber manet ab obligatione fideiussionis, si creditor proroget terminum debitori, pro quo fideiussor erat. Quia obligatio non se extendit ultra conventionem partium, ergo qui fideiussit pro aliquo tempore, ultra illud tempus non obligatur. At si fideiussor se obligauit simpliciter, absque vlla limitatione temporis, non liberatur ab obligatione per termini prorogationem. *ibid. num. 8.*

5. Qui fideiussit pro reo adducto in periculum capitis, non est plectendus capite, reo fugiente: quia fideiussor non præsuntur se ad hanc premam obligasse; immò nec potuit se obligare, cum non sit vitæ suæ dominus. *ibid. num. 10.*

6. In tribus casibus fideiussor potest contra debitorem agere ut liberetur à fideiussione. 1. quando fideiussor condemnatus fuit ad soluendum. 2. quando debitor ad inopiam vergit. 3. quando debitor diu fuit in mora soluendi post elapsum tempus constitutum. *tom. 2. pag. 589. num. 11.*

Q 3 Potest



7. Potest fideiussor pecuniam accipere pro fideiussione: quia suscepit obligationem pretio aestimabilem, neque tenetur eam gratis suscipere, etiamsi nihil patiarur incommodi, aut laboris fideiubendo. Potest etiam creditor aliquid accipere à fideiussore volente se eximere ab obligatione fideiussionis; ratione periculi, cui se exponit amittendi creditum. *ibid. num. 12. & 13.*

8. Debitor tenetur non solum restituere fideiussori id, quod pro ipso soluit, verum etiam expensas, & damna, quæ passus est culpâ debitoris. Quia debitor peccauit contra iustitiam, non restituendo cum posset; igitur tenetur resarcire damnum, quod ex illa mora passus est fideiussor, cum ex peccato contra iustitiam oriatur obligatio restituendi. At si nulla intercessit culpa debitoris, sed tantum impotentia, videtur solum obligandus ad restitutionem debiti principalis. *ibid. num. 14.*

9. Obligatio fideiussionis transit ad hæredes: quia obligatio ex contractu, transmittitur ad hæredes. *ibid. num. 16.*

10. Qui habet bona ad satisfaciendum in defectum principalis debitoris, modo liberam habeat illorum administrationem, nec repellatur à iure, potest pro altero fideiubere. Hinc pupilli, filii familiæ, & minores excluduntur à fideiussione, nisi fideiubendum sit pro patre in carcerem, coniecto. Extra hunc casum fideiussio à minore facta sine consensu curatoris, non obligat, nisi forte naturaliter, & minori competit priuilegium restitutionis in integrum ad obligationem elidendam. Item clerici non possunt nisi raro fideiubere, quod sine Ecclesiæ damno fiat. Item mulier non potest pro viro valide fideiubere, neque pro alio, nisi cum instrumento publico, tribus testibus adhibitis, cum subscripti one; tunc enim valida est fideiussio: quamuis mulier possit eam rescindere priuilegio Senatus consulti Velleiani; his casibus exceptis, 1. si fideiubet accepto pretio, vel addito iuramento. 2. si cessit priuilegio sibi concessò per renunciationem factam coram magistratu, vel cum iuramento. 3. si fideiubeat pro dote alterius. 4. si fideiubeat pro suo creditore. 5. si pro libertate serui. 6. si fideiussit in fraudem, ut deciperet. 7. si fideiussit, & postea elapso anno, pignus dedit, aut obligationem iterum suscepit. *ibidem num. 1. & sequent. & pag. 590.*

## F I D E S.

### *Quid sit Fides.*

1. **F**ides est virtus supernaturalis inclinans intellectum ad credendas res à Deo reuelatas, propter ipsius auctoritatem. Hinc intelligitur fidei nostra certitudo, quippe quæ infallibili Dei testimonio nitatur, qui nec fallere potest, nec falli. *tom. 2. pag. 148. num. 1. & 5.*

2. In Beatis neque est actus fidei, quia quæ cognoscuntur à Beatis, clare co-



rè cognoscuntur; neque habitus, quia frustra est habitus, ubi possibilis non est actus. In demonibus item, & damnatis non est fides supernaturalis: illud enim Iacobi 2. *Damones credunt, & contremiscunt*, intelligendum est de fide naturali. Item in hæreticis non est habitus fidei; quia amittitur per infidelitatem; neque actus, quia hæreticus non credit propter diuinam auctoritatem, tanquam propter rationem formalem credendi. *ibid. num. 7. 9. & 10.*

### De Fidei necessitate.

3. Fides actualis omnibus præditis vsu rationis necessaria est necessitate mediæ ad gratiam, & ad gloriam, non solum implicite, verum etiam explicite quoad aliquos articulos, nempe quoad mysterium Trinitatis, Incarnationis, mortis, & resurrectionis Christi: nam ut ait Paulus Hebr. 11. *Accedentem ad Deum oportet credere, quia est. tom. 2. pag. 149. n. 5. & 6.*

4. Non tantum necessaria est fides actualis necessitate mediæ, verum etiam necessitate præcepti; quia Marci ultimo dicitur, *Qui crediderit, & baptizatus fuerit, saluus erit: qui vero non crediderit condemnabitur*, ibidem numero 7.

5. In his casibus tenetur homo, vi præcepti, elicere actus fidei. 1. quando baptizatus est in infantia, & postea adeptus vsu rationis cognoscit fidei necessitatem: quilibet enim tenetur assumere medium necessarium ad salutem, alioquin grauius peccat exponendo se periculo damnationis. 2. tenetur homo fidei actum elicere, quando tenetur se ad Deum conuертere, & gratiam amissam recuperare: hoc enim fieri nequit sine spe; spes autem sine actu fidei haberi non potest. 3. quando fidem tenetur exterius confiteri, quod fieri non potest absque actu fidei interno. 4. quando est periculum incidendi in aliquod peccatum, nisi actus fidei eliciatur. 5. in articulo mortis, tunc enim tenetur homo se ad Deum conuертere per actum contritionis, qui habet adiunctum fidei, & spei actum saltem implicitum. *ibid. num. 8. & pag. 150. num. 10. & seq.*

6. Illi, quibus alios docendi cura incumbit, tenentur explicite nosse, & credere articulos fidei in Symbolo contentos, & alios iuxta suum statum, & officium. Idcirco Episcopus tenetur plurinose, quam simplex Sacerdos, & concionator, quam alij fideles. Singuli autem homines postquam rationis vsu sunt adepti, tenentur explicite credere Symboli articulos, præcepta decalogi, & Ecclesia, necnon pertinentia ad substantiam Sacramentorum, quæ tenentur, aut quæ volunt suscipere: ignorantia tamen inuincibilis excusat. *ibid. num. 13.*

7. Confessarius tenetur interrogare pœnitentem circa articulos fidei, quando præsumit illos ignorari à pœnitente, quæ ex præcepto tenetur nosse. Quando vero inuenit pœnitentem ea ignorantem, quæ scire tenetur, debet illum instruere ante absolutionem, vel dimittere, donec ea di-



dicerit, vel saltem ea docere, quæ explicitè credēda sunt necessitate medijs tum poterit illum absolvere, modò prius eliciat dolorem de præterita culpabili ignorantia cum proposito discendi quamprimùm, quæ discere tenetur. *ibid. num. 15. & 16.*

8. Homo tenetur aliquando ex præcepto affirmatio fidei exterius confiteri. 1. quando Dei honor agitur. 2. vt consulatur saluti proximi, & scandalum vitetur. Hinc sequitur Pastores graviter peccare, qui tempore persecutionis fugiunt, & suas Ecclesias deserunt, nisi alium idoneum in suum locum substituantur, aut nisi christiana prudentia dicet ipsorum fugam maiori Ecclesiæ bono necessariam esse. *tom. 2. pag. 151. num. 3. & pag. 152. num. 9.*

9. Qui munus suscipiunt docendi artem aliquam litterariam, vt Medicinam, Theologiam, Grammaticam, &c. etiam i priuatum doceant, tenentur ex decreto Pij V. quod incipit, *In sacrosancta*, facere fidei professionem, sub peccato mort. nisi aliter vsu receptum sit. Item qui ad beneficia parochialia promouentur, vel canonicatum, aut dignitatem obtinent in Ecclesia cathedrali, tenentur sub mortali, per se, aut per procuratorem, fidei professionem facere coram Episcopo, vel ipsius Vicario intra bimestre, à die innite possessionis. *ibid. num. 4.*

10. Præceptum de non neganda fide obligat semper, & ad semper. Quare graviter peccat contra fidem, qui interrogatus negat se esse christianum, aut dicit se esse Turcam, vel hæreticum, vel qui vitur signis, vel factis protestatiuis falsæ sectæ, etiamsi id non faciat animo negandæ fidei, sed celandæ religionis: hoc enim est intrinsecè malum. At si actiones, & signa sint ex sua natura indifferentia, non est peccatum mort. cōtra fidem, illis vti citra scandalum, & absque animo protestandæ falsæ religionis. Hinc excusantur milites assumentes insignia infidelium, vt infideles in bello occidant, vel ne ab ipsis capiantur, modò illa signa non sint ex se falsæ sectæ protestatiua, cuiusmodi sunt vexilla, quæ Mahumeti, vel falsi alicuius Dei effigiem præferunt. *tom. 2. pag. 152. num. 16. & seq.*

11. Non licet metu mortis, aut proscriptionis bonorum, ingredi templa hæreticorum, aut ipsorum conciones audire, quando Princeps hoc fieri præcipit in contemptum, vel odium nostræ religionis, vel ad profitendam hæreticorum sectam: illo enim actu externo contemnitur religio, cuius conseruatio, vitæ propriæ est anteponenda. *tom. 2. pag. 153. n. 22.*

12. Qui metu mortis, vel amissionis bonorum, vel carceris, inter hæreticos vescitur carnibus feria. 6. vel die Sabbati, non peccat contra præceptum negatiuum fidei: quia esus carniū non est signum ex sua natura, protestatiuum hereseos. *ibid. n. 23.*

13. Licet homini Catholico in terris Gentilium, vel Turcarum, iustā de causā, vti signis, aut vestibus, quæ iuxta regionis consuetudinem adhiberi consueuerunt, licet item carnibus vesci diebus ab Ecclesia vetitis: quia hæc non sunt signa ex se protestatiua falsæ religionis. Non tamen licet

He-



Hebræorum synagogas, & Moscheas adire, quo tempore infideles ad eas confluunt orandi causa; hoc enim signum, ex se significatiuum est falsæ religionis. *ibid. num. 27.*

14. Possunt viri docti, iustam ob causam; de rebus fidei disputare, exceptis laicis, quibus, sub pœna excommunicationis ferendæ sententiæ, interdicitur publica, vel occulta de rebus fidei disputatio, licet alioquin sint harum rerum periti; nisi illud decretum sit alicubi per contrariam consuetudinem abrogatum, aut instet necessitas disputandi, si sit periculum, ne quis ab heretico peruertatur, nec ullus ad sit clericus, aut religiosus, qui hereticis errores confutare possit. Porro illud decretum intelligendum est de disputatione formali, quæ suscipitur ad persuadendam veritatem, siue inter catholicos, siue inter catholicum, & hereticum: non autem de disputatione, quæ suscipitur exercitationis causa, ut in circulis, & scholis fieri solet. *tom. 2. pag. 156. num. 1. & seq.*

### *Communicatio cum infidelibus.*

15. Non possunt fideles cum infidelibus communicare, quando ex eorum communicatione periculum imminet peruersionis. Specialiter autem prohibita est communicatio cum Iudæis in his casibus 1. in cohabitatione. 2. in esu azymorum, seclusa necessitate. 3. ne aduocetur medicus Iudæus ad medendum, nisi sit longè aliis peritior, aut nullus, aut abus haberi possit. 4. ne sumatur medicamenta à Iudæis parata. 5. ne infidelis in idem balenum ingrediatur, ita ut cum Iudæo cōmunicet in lotionē. In his quinque casibus interdicitur communicatio cum Iudæis, sub pœna excommunicationis ferendæ, si fuerint laici; clericis verò sub pœna depositionis. 6. interdicitur conuiuium cum Iudæis. 7. ne Christianæ mulieres nutriant filios Iudæorum, in ipsorum domibus. 8. ne Christiani accedant ad nuptias, vel solemnitates Iudæorum, nec choreas cum ipsis ducant. 9. ne Iudæis ad publica officia inter Christianos admittantur. *tom. 2. pag. 157. n. 1. & 2.*

16. Infideles ad Mislæ sacrificium admitti non possunt; ad orationem priuatam cum fidelibus, possunt. Porro licet cum infidelibus inire contractum venditionis, aut emptionis (excepta delatione armorum ad ipsos, quæ in Bulla Cœnæ, sub excommunicatione prohibetur) aut eis locare res nostras; hæc enim nullo iure prohibentur. Matrimonium verò fidelis cum infideli, propter impedimentum disparitatis cultus, est inualidum, *ibid. num. 2.*

### *Species infidelitatis.*

17. Species infidelitatis sunt tres, Paganismus, Iudaismus, & Hæresis. *Pagani* dicuntur, qui quomodocumque peccant contra fidem, quam tamen nunquam promiserunt. *Iudæi*, qui promissione simplici promiserunt fidem,



fidem, ante Christi aduentum, quem ipsi existimant falsò nondum aduenisse. *Hæretici* qui solemniter in Baptismo fidem promiserunt. Hæreticorum species infidelitatis, inter se specie differunt, consequenter constituantur peccata specie diuersa in confessione explicanda. *ibid. num. 1. & 2.*

18. Hæretici cogi possunt, proposità penâ capitis, vel excommunicationis, ad fidem suscipiendam: quia sunt subditi Ecclesiæ. At infideles non baptizati, nulla lege cogi possunt; muneribus tamen, & blanditiis ad fidem allici possunt. Princeps autem ius habet prohibendi subditos infideles ab idolatria; immò cogendi ad audiendum Euangelium, sicque vsu receptum est Romæ cum Iudæis; neque propterea coguntur ad fidem suscipiendam. Infideles verò non subditi, cogi non possunt ad audiendum Euangelium, aut ad idolatriam abiiciendam; quia coactio, seu prohibitio supponit iurisdictionem; nullus autem habet iurisdictionem in non subditos. *tom. 2. pag. 158, num. 1. 2. & 3.*

*Libertas Religionis an permittenda.*

19. Libertas religionis neque est introducenda, neque permittenda, nisi aliud postulet commune religionis bonum; quia ex duobus malis, minus est eligendum. Ob commodum verò temporale permitti nullo modo potest; nam bona inferioris ordinis exponenda sunt periculo, ad euendâ bona ordinis superioris. *ibid. §. 1.*

20. Princeps non tenetur stare promissioni, & pacto de permittenda libertate religionis, dum eam sine graui religionis damno potest impedire: quia promissio de re illicita, & turpi, non obligat, etiamsi confirmata fuerit iuramento. Secus dicendum si Princeps libertatem religionis, absque graui religionis periculo impedire non possit: quia, in hoc casu, permissio libertatis est licita; fides autem alteri data de re licita, seruanda est, *pag. 159 §. 1.*

21. Facilius tolerari possunt Iudæi, quàm hæretici: tum quia ritus Iudæorum non ita noxi sunt religioni, ac libertas hæreticæ prauitatis; tum quia Iudæi seruiunt communi Reip. utilitati, hæretici verò Reip. pacem, & tranquillitatem frequenter turbant; tum quia permissio Iudæorum cōducit augmento fidei, quatenus speratur fore, ut nonnulli in dies conuertantur; permissione verò hæreticorum plures in errorem inducuntur, quia non ad Christi fidem conuertantur; quippe hæresis, ut cancer, serpit, *ibidem.*

22. Fœdus, promissio, seu contractus cum hæreticis validè celebratus, per se loquendo, seruandus est: quia fidelitas, pars est veritatis, & qui fidem datam non seruat, non est verax: neque propterea licet fidem hæreticis datam fallere, quia ipsi fidem Deo datam non seruant; sicut mihi non licet mentiri, quia alius mihi mentitus est. Hinc sequitur fidem hæreticis seruandam esse in saluo conductu: illam enim concessit Concilium Trident.



dent. *sess.* 13. & 15. itaque fieri expedit bono communi: sic Carolus V. fidem Luthero datam seruauit. *ibid.* §. 2.

33. Obijcies Concilium Constantiense decreuisse fidem hæreticis seruandam non esse, immò fidem datam non seruasse, cum Ioannem Hus, & Hieronymum Pragensem, qui ad Concil. sub fide publica accesserant, capite damnauit. *Resp.* Concilium Constantiense nunquam decreuisse fidem hæreticis datam non esse seruandam; sed sanxisse potestatem Ecclesiasticam impediri non posse ob concessionem Principis secularis: consequenter iudicem Ecclesiasticum posse iurisdictionem suam exercere in personam Ecclesiasticam, etiam si Princeps secularis saluum conductum ei cōcesserit: Princeps enim secularis non potest Ecclesiastico iudici facultatem adimere: Ideo Ioannes Hus combustus fuit, quia saluum conductum non acceperat à Concilio, sed à Sigismundo Imperatore, qui fidem ei dederat, modò non fugeret, & conditiones seruaret; & tamen fugit, & conditiones violauit. Hieronymus verò Pragensis, flammis addictus fuit, tum quia saluum conductum non acceperat à Concilio; tum quia post eiurata hæresim relapsus est. *ibid.*

## FISCVS.

*Quenam pertineant ad fiscum.*

1. **E**A bona pertinent ad fiscum, quæ sunt delinquentis eo tempore, quo bona ipsius publicantur, modò non sint bona affixa personæ: quia post publicationem fiscus succedit in iura delinquentis. Non tamen censentur publica bona, quæ post condemnationem obueniunt reo, ex vltima voluntate, vt ex testamento, legato, vel fideicommissò: fiscus enim succedit solum in bona, quæ pertinent ad delinquentem tempore publicationis. Secus dicendum, si reus adijt possessionem illorum bonorum ante condemnationem. Item hæreditas relicta reo ante patratum crimen, non deuoluitur ad fiscum, si reus non adierat hæreditatem ante bonorum publicationem: quia fiscus non succedit in bona futura. Immo reus potest in fraudem fisci, hæreditatem nondum aditam repudiare: quia non tenetur acquirere in commodum fisci. *tom. 2. pag. 582. n. 1. & seq.*

2. Publicatis alicuius bonis censetur etiam publicatus vsufructus, quem delinquens habebat: quia vsufructus computatur inter bona delinquentis; Item res censui subiecta, cum possit ad extraneum transire, & à censuario alienari; censetur etiam publicari, si censuarius cōmittat delictum publicatione dignum. Item ius patronatus, quando ad extraneos peruenire potest, in generali publicatione bonorum delinquentis censetur comprehendere. *ibid. num. 11. 12. & 13.*

3. Publicatis patris bonis, censentur etiam publica bona profectitia: hæc enim pertinent ad patrem, quoad dominium, & vsufructum. At  
non



non censentur publicata filij bona castrensia, vel quasi castrensia: quia pertinent ad filium quoad proprietatem, administrationem, & usufructum. Bona autem aduentitia non publicantur quoad proprietatem; sed quoad usufructum; nisi pater illum remiserit filio ante crimen commissum, aut nisi filius fiat sui iuris, & eximatur à patria potestate. Porro publicatis patris bonis, reservandum est aliquid pro alimentis, & legitima filiorum; excepto crimine hæresis, & læsæ maiestatis; tunc enim ob criminis atrocitatem, filijs delinquentis nihil reservatur. *rom. 2. pag. 583. n. 14. & 15.*

4. Publicatis mariti bonis, non censentur bona vxoris publicata: neque enim par est, ut innocens, ob delictum alterius, damnum patiatur. Nisi ipsa nupserit scienter viro hæretico: tunc enim in pœnam delicti publicatur dos vxoris, ob crimen mariti. Non tamen vice versà maritus ducens scienter vxorem hæreticam, eandem pœnam subit: quia iura loquuntur de bonis dotalibus; maritus autem non affert dotem, sed vxor. Donata autem vxori à marito, ob mariti delictum publicantur: cum enim hæc donatio nō sit valida, nisi confirmetur morte, huiusmodi bona pertinent ad virum, quamdiu est superstes. *ibid. num. 16.*

5. Publicatis vxoris criminosa bonis, mortuo viro, censentur publicata omnia bona dotalia, paraphernalia, nec non accepta causa nuptiarum, & alia, quæ ad ipsam vxorem spectant. At viuentem viro, dos vxoris non addicitur fisco, his quinque casibus exceptis. 1. crimine læsæ maiestatis. 2. violentiæ. 3. parricidij. 4. veneficij. 5. homicidij; his adde crimen hæresis. *rom. 2. pag. 583, 584. num. 17.*

6. Publicatis bonis filijs familias, censentur publicata non solum bona castrensia, sed etiam aduentitia, saltem quoad proprietatem: non tamen bona profectitia, quia pertinent ad patrem; neque legitima filio debita ex bonis parentum adhuc superstitum: quia legitima non debetur filio, adhuc viuenti patri, modò eam pater non assignauerit, & tradiderit filio. Item alimenta debita filijs à parentibus, non censentur publicata; quia ius alimentorum est personale. *rom. 2. pag. 584. num. 18.*

7. Publicatis bonis alicuius clerici habentis beneficium, censentur publicata patrimonialia ipsius bona; non autem acquisita ratione beneficij, nisi fortè in ijs locis, ubi legitima consuetudine receptum est, ut beneficiarij de prouentibus beneficij legitime testentur in quoscumque etiam extraneos: fiscus enim succedit in bona delinquentis, quæ possunt ad extraneum transferri. *ibid. num. 19.*

8. Bona defuncti criminosi, qui commiserat crimen, ratione cuius, bona ipsius erant ipso facto addicta fisco, possunt publicari, & à fisco capi, etiam post mortem criminosi, quia fiscus post mortem illius non amisit ius suum; modò hæres illa non præscripserit legitimo tempore, & cum bona fide. Legitimum autem tempus præscribendi bona hæretici, est spatium 40. annorum, si hæres illa possedit tanto tempore nesciens defunctum, fuisse hæreticum. *rom. 585. num. 22.*



*Alienatio bonorum in fraudem fisci.*

9. Valida est bonorum alienatio facta à delinquirente, cui ob delictum non est interdicta bonorum administratio, & cuius bona non publicantur ipso iure, modo non sit facta in fraudem fisci, aut post sententiam: quia nullum ius competit fisco in delinquentis bona. At si facta fuit alienatio in fraudem fisci (quod ex circumstantiis, & coniecturis iudicandum est,) reuocatur à fisco post sententiam, non solum quoad rem ipsam, sed etiam quoad fructus pendentes; quia censentur pars feudi, qui confiscatur: non tamen reuocatur alienatio fructuum ante sententiam perceptorum; quia dominium illorum erat penes possessorem, in quem translatum est per legitimam alienationem. *ibid. num. 1. & seq.*

10. Qui commisit aliquod delictum, propter quod ipso facto bona censentur publica, non statim amittit bonorum dominium à die commissi criminis, absolute; sed sub conditione, si iudex sententiam ferat criminis declaratoriam: quia poena ipso iure lata, posita sententia criminis declaratoria, retrahitur ad diem patrati delicti, ac si tunc temporis lata fuisset declaratio; consequenter delinquens, posita declaratione criminis, amittit omnia bona, quae habuit à die criminis commissi, nec non bonorum fructus, omnesque contractus, & alienationes factae à delinquirente reuocantur. Huiusmodi tamen alienationes, secundum se, videntur validae, quia fiunt ab eo, qui nondum amisit dominium: verum sequuta sententia criminis declaratoria, confiscatio retrahitur ad diem commissi delicti, consequenter ab eo die rescinduntur omnes alienationes post delictum factae, & omnia delinquentis bona deuoluuntur ad fiscum, secus à praescriptione. *tom. 2. pag. 585. § 86. num. 1. & 2.*

11. Qui commisit crimen, propter quod bona ipso facto publicantur, grauiter peccat, si alienet bona etiam ante sententiam criminis declaratoriam, contractu oneroso, non admonito accipiente de periculo: quia exponit accipientem periculo damni, facitque ipsi iniuriam non admonendo de periculo. Secus si delictum sit ita occultum, vt in iudicio probari non possit emptori integrè satisfacere. Adde delinquentem non peccare, si alienat ob necessitatem, vel ad satisfaciendum creditoribus: haec enim alienatio non tantum est licita, sed etiam valida, itavt à fisco reuocari non possit. *pag. 586. num. 4.*

12. Quando delinquens, legitime interrogatus a iudice, negat veritatem, & ob id non fertur sententia criminis declaratoria, non tenetur ad restituenda bona fisco: negans enim veritatem, non peccat contra iustitiam commutatiuam, in ordine ad eum, cui poena erat applicanda. *tom. 2. pag. 587. num. 6.*

13. Publicatis criminosis bonis, fiscus debet satisfacere debitis ab eo commissis: quia publicantur tantum bona criminosis; bona autem alicuius dicuntur



cuntur ea, quæ remanent deducto ære alieno. Hoc autem intelligendum est de debitis ante delictum contractis: nam fiscus non tenetur satisfacere creditoribus ob debita post delictum contracta; non tenetur item refundere pretium iis, qui bona emerunt à criminoso post crimen, cui est adnexa bonorum publicatio, ipso facto: quia hæc bona pertinent ad fiscum, ac si die à patrati criminis, fisco fuissent addicta: & quamvis fiscus non statim acquisierit dominium, acquisiuit tamen ius in illa bona; consequenter delinquens non potuit ea alienare in damnum fisci, neque fiscus tenetur pretium restituere, nisi quatenus delinquens factus fuit ditior; quia par non est, ut fiscus habeat rem simul & pretium. *ibid. n. 1. & 2.*

14. Is, cuius omnia bona fisco sunt addicta, non tenetur restituere creditoribus, si fiscus non satisfaciatur, etiam si criminosus aliunde acquirat bona, & ad pinguiorem redeat fortunam, modò bona publicata sint sufficientia ad debita persoluenda, & modò delinquens ex privilegio Principis, rursus non obtinet eadem bona: quia tota obligatio, iure ita disponente, transit ad fiscum vnà cum bonis. Secus se res habet in cessione bonorum; in ea enim non transmittitur ad creditores obligatio soluendi. *ibidem, num. 4.*

## F O E M I N A.

### Fœmina ad Religionem non cogenda.

1. **S**ancitum est à Synodo Trident. *sess. 25. c. 18.* sub pena excommunicationis, ne quis vllam fœminam audeat ad ingressum in monasterium, vel ad suscipiendum habitum religionis, vel ad emittendam professionem cogere. *disp. 2. quæst. 2. punct. 2. pag. 156. tom. 3.*

2. Qui inducit fœminam ad religionem per metum leuem, hanc censuram non incurrit: quia metus levis non sufficit ad coactionem. Item, qui precibus etiam importunis sed sine minis inducit. Item qui suadet fœminæ ingressum religionis infecto metu priuationis alicuius boni, ad quod ipsa ius non habet: Cum enim ab his nulla vis inferatur, nulla excommunicationis incurritur. *ibid. pag. 156. n. 3. & seq. tom. 3.*

3. Non incurritur hæc censura ab eo, qui cogit fœminam ad emittendum votum ingrediendi religionem, etiam si illud votum iuramento confirmetur; quia hic propriè non cogit ad vnum ex tribus sub excommunicatione prohibitis, id est ad ingressum in monasterium, vel ad habitum, vel ad professionem; presertim cum istius voti dispensatio ab Episcopo facile obtineri queat. *ibid. pag. 157. num. 7. tom. 3.*

4. Qui dat auxilium, consilium vel fauorem ad ingressum in monasterium, vel ad susceptionem habitus, vel ad emissionem professionis, vel qui interponit quoquo modo presentiam, vel consensum, vel auctoritatem suam sciens fœminam non sponte ingredi, &c. in eandem censuram incurrit.



incurrit. Hinc patet fieri posse, vt quamplurimi vinculo huius censuræ ligentur, vt Episcopus, Vicarius, Superiores, consanguinei puella, qui sciētes illam inuitam ingredi monasterium, auctoritatem vel præsentiam illi actui prebent. Non tamen statim dato auxilio, consilio, vel fauore, vel præstita auctoritate incurritur excommunicatio, donec securus sit effectus, id est, donec fœmina ingressa fuerit, vel susceperit habitum, &c. Quia ob actionem accessoriam non incurritur excommunicatio, antequam sequatur effectus, seu actio principalis. *ibid. num. 9. & seq.*

5. Excipiendi sunt ab hac censura casus in iure expressi. Quamobrem qui cogeret fœminam ad ingrediendum monasterium in pœnam alicuius peccati, vel ad cautionem pudicitiae, vel alia iusta de causa à iure permessa, huius Concilii censuram non incurreret. *ibid. num. 14.*

6. Cogentes viros ad religionem, huius decreti censura non ligantur, quia Trident. loquitur solum de cogentibus fœminas; lex autem pœnalis non est extendenda. *ibidem, numero 15.*

7. Hæc excommunicatio nulli est reservata.

*Fœmina à Religione non retrahende.*

8. In eod. Concilio Trid. cap. 18. sess. 25. additur alia excommunicatio contra eos, qui sine iusta causa fœminam impediunt, ne velum accipiat, aut professionis votum emittat. *ibid. punct. 3. pag. 157. tom. 3.*

9. Impediens fœminam, ne faciat votum ingrediendi religionem, aut assumendi habitum religiosum, in hanc excommunicationem non incurrit; quia hic solum remotè, & indirectè impedit ingressum, aut professionem; & Concilium loquitur de voto professionis. *ibid. pag. 158. num. 4.*

10. Qui solis precibus fœminam à religione retrahit, hanc excommunicationem non incurrit: quia preces non impediunt, nec tollunt libertatem. *ibid. num. 5.*

11. Qui dolo fœminam retrahit à religione, censuram incurrit; quia dolo aufert voluntarium. *ibid. num. 6.*

12. Qui virum retrahit à religione, aut impedit, ne professionem emittat, in hanc censuram non incidit; quia Conc. non loquitur de impediētib; viros. *ibid. num. 7.*

13. Hæc excommunicatio nulli est reservata.

*Fœmina ad testimonium ferendum non cogende ad iudicium.*

14. In cap. mulieres, de iudicijs in 6. ob honestatem, & decentiam statuitur, ne fœminæ personaliter in iudicium ad ferendum testimonium accedere cogantur, exceptis casibus in iure expressis; sed cum necessarium fuerit earum testimonium, decernitur vt iudex expensis partis producentis fœminas in testimonium, ad eas transmittat tabellionem, vel vt ipse met

acce-



accedat, quoties testimonium mulieris per alium excipere non potest: At si casus fingatur, aut fraus committatur, ut iudex ad mulierem personaliter se conferat, qui confinxit, vel fraudem commisit; ipso facto penam excommunicationis incurrit. *disp. 2. quest. 2. punct. 36. pag. 184. num. 1. tom. 3.*

15. Ipsa femina si aliquid confingat, vel utatur fraude, ut iudex ad se personaliter accedat, huic censura subicitur; quia textus vniuersaliter loquitur. *ibid. num. 6.* immo si ipse iudex causam accedendi ad feminam cōtingat ut ipse testimonium excipiat, huius excommunicationis reus erit. *num. 7.* Secus autem si tantum sit conscius fraudis ab alio excogitata; quia positus non cooperatur ad fraudem. *ibidem numero 9.*

16. Hæc excommunicatio non est reservata.

### Fornicatio.

1. Simplex fornicatio est concubitus soluti cum soluta. *Solutus* autem dicitur, qui est liber à coniugio, à voto, ab Ordine sacro, à religione, & à cognatione. Fornicatio est peccatum mortale, utpote rectæ rationi, & iuri naturali admodum repugnans. Vnde sequitur fornicationem nunquam esse licitam, quia est intrinsecè mala. *tom. 1. pag. 323. numero 2. & 3.*

2. Possunt Principes permittere meretrices in aliquo loco ciuitatis, ut vivetur maius malum. Neque mortaliter peccant, qui meretricibus domos locant ad habitandum; non autem ad meretricandum; neque enim censentur cooperari peccato illarum, cum locus se habeat extrinsecè, & remotè ad peccatum: modò domus, quæ locatur non habeat specialem aliquam opportunitatem ad peccandum, ratione situs, aut alterius causæ, & modò non immineat graue damnum personis honestis, quæ in vicinia habitant. *ibid. num. 4. & 5.*

3. Famuli comitantes herum euntem ad meretrices, aut ducentes concubinam in domum heri, aut deferentes munera, vel epistolam, &c. excusari possunt, si hæc absque graui damno omittere nequeant. Famulus tamen non potest deferre literas, quibus scit expressè peti concubinam ad copulam: hæc quippe est intrinsecè malum, cum sit cooperatio ad actum turpem. *ibid. num. 6.*

### Frumentum.

1. Gregorius XIII. Paulus V. & Urbanus VIII. tulerunt excommunicationem contra exportantes frumentum, blada, legumina, & alia id genus extra statum Ecclesiasticum, vel è locis immediatè subiectis Ecclesiæ Romæ ad loca mediare subiecta. *disp. 2. quest. 3. punct. 42. pag. 254. tom. 3.*

2. Extrahentes farinam eadem censurâ afficiuntur; farina quippe nihil aliud est, quam triticeum, neque molitura naturam mutat. Secus dicendum  
de



de extrahentibus panem; tùm quia specie differt à tritico, tùm quia extractio panis non solet annonæ caritatem inducere, cùm difficile sit panem in magna quantitate extrahere; tùm quia in materia pœnali non est faciendâ extensio. *ibidem numero 4. & pag. 255. num. 5. tom. 3.*

3. Transfereutes oleum extra statum Ecclesiasticum, ad ditionem alterius Principis, in hanc censuram incurrunt; id enim exprimitur in Bullâ Pauli V. nomine autem olei intelliguntur etiam oleæ, seu bacca matura, & iam aptæ ad faciendum oleum alia verò acerba, quæ condiuntur, & asseruantur in cibum, non item. *ibid. num. 6.*

4. Hac excommunicatio afficit etiam exportantes frumenta in proprios vsus siue familiæ sine magna necessitate. Qui verò eam tantùm quantitatem extrahunt, quæ ad necessariam sui, & familiæ sustentationem sufficiat ad vnum annum vsque ad nouum messem, ab hac censura excusantur. *ibid. num. 11.*

5. Excusantur item rustici, & pauperes operarij, qui mercedem diurnam non nisi in grano, aut alijs annonæ generibus consequi possunt, aut qui ad mercatus pullos, oua, fructus, & similia in parua quantitate ferunt, & ex pretio harum rerum, panem, farinam, & similia pro suo, & familiæ vsu emunt; & extra statum Ecclesiasticum exportant, modò id fiat sine dolo, & non causa mercaturæ. *ibidem.*

6. Excusat etiam paruitas materiæ quæ prudentis viri iudicio pensanda est: si quis tamen sæpius frumenta in parua quantitate exportaret, hanc censuram incurreret cùm ad eam quantitatem peruenisset, quæ ad peccatum mortale sufficeret; illæ enim modicæ extractiones sæpius repetitæ statui Ecclesiastico notabile damnum inferunt. *ibid. pag. 256. nu. 13. & 14. tom. 3.*

7. Probabile est hanc excommunicationem esse Papæ reseruatam. *num. 16.*

## Furtum.

1. **F**urtum est occulta ablatio rei alienæ, domino rationabiliter inuito. Hinc patet illum non committere furtum, qui probabiliter credens dominum id permittiturum si adesset, accipit rem alienam; aut qui extrema necessitate compulsus aliquid aufert. *tom. 2. pag. 447. num. 1.*

2. Rapina propriè sumpta, est ablatio rei alienæ per violentiam, in quo differt à furto: nam ratione violentiæ dominus est magis inuitus, quàm in furto. Furtum autem, & rapina sunt peccata mortalia ex suo genere, vtrūq; enim est contra iustitiam. Ex triplici tamen capite furtum fieri potest peccatum veniale. 1. ex indeliberatione. 2. ex paruitate materiæ. 3. quando dominus nō est inuitus quoad substantiam rei acceptæ, sed solum quoad modum. Hinc fit, vt vxor clam aliquid auferens marito, filius patri, vel auo, nepos patrio, &c. sæpè excusetur à peccato mortali, neque teneatur ad resti-

R tutio-



tutionem: quia nihil inuito domino retinetur. *tom. 2. pag. 447. numero 3. & pag. 448. numero 5. & 6.*

3. Illa quantitas sufficit ad peccatum mortale furti, quæ omnibus spectatis infert domino graue damnum. Notandum verò ex furto non semper oriri æquale damnum respectu omnium: nunc respectu personarum illustrium, nunc minus aureus ut nunc, est materia notabilis, & sufficiens ad peccatum mort. Respectu eorum, qui viuunt ex suis redditibus, quatuor regales circiter, sunt materia notabilis. Respectu eorum, qui suo sibi labore victum quærunt, duo regales sufficiunt ad peccatum mort. Denique respectu eorum, qui mendicando stipem corrogant, dimidijs regalis furto ablati constituit peccatum mortale. *tom. 2. pag. 448. num. 7.*

4. Furtum, quod est veniale secundum se, ratione paruitatis materiæ, potest fieri mortale ratione notabilis damni, vel alterius causæ concurrentis. Vt quando quis icu aufert sartori, & propterea sartor, multos dies destitit ab opere. Hoc tamen peccatum non est mortale in genere furti, propter leuitatem materiæ; sed est mortale ratione iniustæ damnificationis, eo quod per ablationem acus, sartori notabile damnum inferatur. Quod est diligenter obseruandum: nam excommunicatio, quæ fertur contra fures, nisi restituant, non comprehendit illos, qui furati sunt rem leuem, licet inde sequatur sit graue damnum: quia hoc furtum non habet mortalem malitiam in genere furti. *ibid. num. 8.*

5. Qui furatur minima animo furandi successiue maiora, peccat mort. eiusdem enim malitiæ est velle surripere, cuius est surripere. Item mortaliter peccat, qui sapius minima furatur, quando peruenit ad eam quantitatem, quæ continuata cum præcedente est notabilis, id quæ verum est siue illa minima paulatim ab uno, eodemque auferantur, siue à diuersis: alioquin iniusti venditores, qui dolosis ponderibus, & mensuris vendunt, subtrahentes aliquid singulis emptoribus, possent ditari absque peccato mortali, neque tenerentur ad restitutionem, quod quæ sit falsum, & Reiperniciosum nemo non videt. Verum quidem est non esse obligationem sub mortali restituendi totam quantitatem ablata, sed illam solum, quæ restituta iam non detinetur notabilis quantitas. *tom. 2. pag. 449. n. 1. & 2.*

6. Quando plures de communi consensu, aut scienter auferunt ab eodem rem leuem, habita ratione singulorum, quæ tamen notabilis est, si collectiue fuerint respectu omnium, committunt singuli peccatum mortale, quia singuli cooperantur ad damnum notabile, tenenturque ad restitutionem. Secus dicendum, quando damnum fuit illatum absque communi consensu: quia tunc singuli leue damnum intulerunt, neque formaliter cooperati sunt ad damnum notabile, alioquin sequeretur quemlibet furantem vnum racemum, peccare mortaliter. *ibid. num. 6.* Quando tamen quantitas respectu omnium collectiue est notabilis, tenentur singuli, sub mortali, suam partem restituere, postquam cognouerunt quantitatem ablatam esse notabilem; quia non est maior ratio, cur vnus potius, quam alius



alius teneatur. *tom. 2. pagina 450. numero 6.*

7. Extrema necessitas excusat furtum à peccato mort. facit enim omnia communia; modò tamen dominus rei non patiatur æqualem necessitatem. At in graui necessitate non licet quidquam surripere: quia sola necessitas extrema facit res communes. *ibid. n. 3. & seq.*

8. Potest quis ab aliis aliquid surripere ad subueniendum extremæ pauperum necessitati, si surripens nihil habeat proprii, quo possit illorum inopiam subleuare: quia sicut ipsi pauperes possunt surripere, ita etiam nos possumus illos adiuuare surripiendo: hoc enim nihil aliud est, quàm ad actionem licitam cooperari. *tom. 2. pag. 451. n. 8.*

*Furtum filij familias, uxoris, religiosi, & famuli.*

9. Filius, qui notabilem summam accepit ex bonis, quorum possessionem vel vsum fructum habet pater, peccat mortaliter peccato furti, & tenetur ad restitutionem. At si non habet vnde restituat, tenebitur in partitione hæreditatis cum fratribus, computare in suam partem id, quod surripuit: nisi constet alios fratres tantundem expendisse, aut nisi pater probabiliter credatur condonasse. Peccant item filij, qui pecuniam à patre datam ad emendos libros, aut vestes, profundunt in ludos, computationes, meretrices, &c. nam pater est rationabiliter iniustus, nec absolute dedit pecuniam, sed cum restrictione ad talem vsum, consequenter filij tenentur ad restitutionem. *tom. 2. pag. 454. n. 3. 4. & 7.*

10. Vxor accipiens notabilem quantitatem ex bonis mariti, vel quorùm maritus habet administrationem, & vsum fructum, peccat mort. peccato furti, teneturque ad restitutionem, si hoc faciat absque expresso, vel præsumpto viri consensu: quia accipit rem alienam inuito domino: maior tamen quantitas requiritur ad peccatum mort. furti vxoris, quàm ad furtum seruorum, vel extraneorum. At si, nesciente viro, capiat, donet, vel expendat aliquid ex bonis, quorum ipsa habet dominium, vel vsum fructum, non peccat peccato furti. Ex bonis verò communibus, si inscio, aut inuito marito notabile quidpiam accipiat, mortaliter peccat: quia sibi vsurpat administrationem rei, quæ ad ipsam non pertinet. Potest tamen expendere ea, quæ mulieres sui status & conditionis solent; in elemosinam, honestam recreationem, &c. quia maritus non est rationabiliter iniustus. Item potest, etiam inuito marito, accipere sibi, & familiæ necessaria, necnon vt subueniat parentibus, vel filiis suis ex priore matrimonio susceptis, si laborent inopia, & aliunde non possit illis prospicere. *tom. 2. pag. 455. n. 2. & pag. 456. n. 4. & seq.*

11. Religiosus sibi vsurpans res non necessarias in notabili quantitate, post votum paupertatis emissum in approbata religione, peccat mort. peccato furti: sibi enim vsurpat dominium, & vsum rei non suæ. Hinc collige, furtum mortale committi ab eo religioso, qui absque superioris facultate,



tate, largitur alicui externo notabilem quantitatem rerum siue vfu cōsum-  
ptibilem, siue non, consequenter vtrumque nempe religiosum, & acci-  
pientem teneri ad restitutionem; nisi bona fide acceperit. *pag. 456. num. 2.*  
¶ *seq.*

12. Seruus, qui ex contractu seruire debet vsque ad certum tempus, peccat mort. contra iustitiam, fugiendo absque rationabili causa: quia vio-  
lat pacta, & conuenta. Interueniente vero rationabili causa fugere potest  
ante præfinitum tempus, vt si dominus dare nolit sufficientia ad victum,  
si sit nimium austerus, & iracundus, si non stet pactis, &c. *tom. 2. pag. 457.*  
*numero 1.*

13. Seruus, qui aliquid domino furripit in notabili quantitate, peccat  
mort. quia accipit alienum inuito domino. Excusari tamen potest à mor-  
tali, quando successiue victualia furatur in modica quantitate, quæ fit no-  
tabilis progressu temporis, modò illa victualia conuertat in proprios vsus.  
Secus dicendum, si ea vendat, aut in lusum, vel computationes cum exter-  
nis consumat: tunc enim dominus non modò quoad modum, sed etiam  
quoad substantiam censetur inuitus. *ibid. num. 2.*

## G.

## Gabella. Pedagium. Portorium.

1. **G**ABELLA est tributum, seu vectigal, quod pro mercibus  
invectis penditur. *Pedagium* est tributum, quod soluitur pro  
transitu personæ. *Portorium* est species vectigalis, quod sol-  
uitur pro rebus, quæ naui deferuntur. Vnde infertur taxas, taleas, colle-  
ctas, &c. non contineri sub nomine pedagij, seu gabellæ, ac vectigalis stri-  
ctè accepti. *disp. 1. quæst. 6. punct. 1. num. 1. 2. 3. pag. 23. tom. 3.*

## Gabellæ ius cui competat.

2. Illi possunt gabellas imponere, qui in suis terris supremam obtinent  
potestatem, nullumque in temporalibus superiorem agnoscunt: quia im-  
positio vectigalium est effectus supremæ iurisdictionis. Item ij, quibus  
data est à supremis ipsorum Principibus facultas imponendi vectigalia.  
*ibid. punct. 3. num. 2. & 3. pag. 24. 25. tom. 3.*

3. Potest Summus Pontifex alteri in temporalibus sibi non subdito cō-  
cedere facultatem imponendi gabellas, quoties id bono spirituali expedi-  
re iudicauerit: Quia Christus suo in terris Vicario concessit generalem  
in spi-



in spiritualibus facultatem. *ibid. num. 4. pag. 25. tom. 3.*

4. Rex seu Princeps in suis terris iniuste gabellas imponens vel augens, incidit in 5. excommunicationem Bullæ Cœnæ; quia in ea excommunicatur qui gabellas imponunt in casibus sibi à iure non concessis. *ibid. n. 6.*

5. Princeps etiam si iustam habeat causam, imponendi gabellam in sua ditione, si eam præcipiat solui non solum à laicis, sed etiam clericis, & religiosis, incurrit censuram huius Bullæ: quia imponit gabellam in casibus sibi prohibitis. *ibid. num. 7.*

6. Communitas imponens vestigalia in casibus sibi à iure non concessis non incurrit excommunicationem; quia communitas non excommunicatur; probabile tamen est singulos de communitate culpam admittentes excommunicari. *ibid. num. 9.*

7. Mandantes, vel consulentes noua tributa imponi, non subeunt excommunicationem Bullæ; quia in ea non exprimuntur, & censura lata, contra facientes non extenditur ad iubentes, mandantes, aut consulentes; peccant tamen grauiter, & grauissimis poenis sunt digni. *ibid. num. 10.*

8. Qui gabellas antiquitus impositas, sed aliqua de causa intermissas de nouo exigunt, non incidunt in censuram Bullæ. *ibid. num. 12. pag. 26. tom. 3.*

9. Qui aggrediuntur viatores, & ab ipsis pecuniam extorquent, fingentes se gabellarum exactores esse, non incurrunt excommunicationem Bullæ; quia isti dicuntur potius furtum, & rapinam committere, quam vectigal exigere. *ibid. num. 14.*

10. Denique omnes, qui in terris suis imponunt, augent, vel exigunt gabellas in casibus sibi à iure, vel ex speciali Pontificis facultate non concessis, incidunt in excommunicationem Bullæ Cœnæ. *ibid. punct. 3. numer. 1. pag. 24. tom. 3.*

11. Iniusta vectigalium auctio, & exactio sub eadem excommunicationis pena prohibetur, qua impositio. Cum enim voluerit Summus Pontifex consulere indemnitati subditorum, ne plus iusto grauentur, operæ pretium fuit non solum iniustam impositionem gabellarum, sed earundem etiam auctionem, & exactorem iniustam sub pena excommunicationis prohibere. *ibid. punct. 2. num. 6. pag. 24. tom. 3.*

Restitutio ob defraudata vectigalia.

12. Fraudantes vectigalia iusta pro mercibus imposita, peccant contra iustitiam, tenenturque ad restitutionem: quia quod iuste exigitur, non potest absque iniustitia denegari. Nec indigenæ solum, & subditi, sed ipsi etiam exteri peccant fraudando vectigalia: quia sub hac tacita conditione admittuntur exteri in regnum, ad negotiandum, vt vectigal pendant. *tom. 2. pag. 451. num. 3. & 4. tom. 3.*

13. Fraudantes vectigalia imposita pro visualibus, probabiliter excusari possunt à peccato mortali, & obligatione restitutionis: sic enim videtur

R 3 vlu,



usu, & consuetudine receptum: quia per exactionem horum vectigalium subditi plus iusto gravantur. *ibid. num. 5.*

14. Quando dubitatur de iustitia vectigalis, quod de nouo imponitur, vel quando vetus augetur, de cuius iustitia non constat, præsumendum est in fauorem Principis, atque adeo soluendum est vectigal; quia Princeps possidet ius præcipiendi; melior est autem conditio possidentis. Si verò subditi habeant rationem probabilem, cur credant vectigal esse iniustum, possent non soluere: cum quisque opinionem probabilem sequi possit. Porro cessante causa, propter quam vectigal impositum fuit, cessat obligatio soluendi. *tom. 2. pag. 452. num. 7. & 8. tom. 3.*

15. Creditor Principis, fraudatione vectigalium potest sibi compensationem facere, quando non potest solutionem sibi à Principe debitam, obtinere. Idem sentiendum de decimis, censibus, & aliis iuribus alteri elocatis: quia conductor non habet maius ius, quàm habeat principalis dominus; nisi transfulerit totum ius, seu dominium vectigalis, seu census in alium: tunc enim non videtur fieri posse compensatio. *ibid. num. 12.*

## H.

### HÆRESIS, HÆRETICVS.

1. **H**ÆRESIS est voluntarius error intellectus cum pertinacia contra aliquam fidei veritatem. *Pertinacia* autem non est attendenda penes durationem temporis; sed ex cognitione definitionis Ecclesiæ, vnde ille dicitur *hæreticus*, qui aliquid sentit, quod ipse nouit esse contra definitionem Ecclesiæ, quamuis in eo errore non perseueret. Item qui dubitat in rebus fidei; cum iudicet illa esse incerta, & dubia, quæ certa sunt, & vera. Item qui negat propositionem euidenter deductam ex altera propositione de fide, & altera naturali; nam propositio ita deducta est de fide, cuiusmodi est hæc: *Christus est resibilis. disp. 1. quest. 2. punct. 1. num. 1. pag. 6. tom. 3.*

2. Non est hæreticus, qui ex ignorantia crassa errat circa res fidei, sed ita est affectus, vt sit paratus corrigi, seu obedire Ecclesiæ, agnita veritate, seu Ecclesiæ definitione: hic enim non censetur habere voluntarium errorem cum pertinacia, quia ignorat definitionem Ecclesiæ, quam si nosset respiceret; ille tamen error cum sit ex ignorantia culpabili, est voluntarius in causa, nec culpa vacat. *ibid. num. 6. pag. 7. tom. 3.*

3. Potest probabiliter sustineri illum esse hæreticum, & consequenter excommunicatum in Bulla Cœnæ; qui negat hunc Summum Pontificem Vrbanum



Vrbatum VIII. esse verum Papam, & caput Ecclesiæ, postquam constat ipsum esse ritè, & canonicè electum. Quia ex multorum DD. sententia de fide est hunc esse verum Papam: ergo qui negat, hæresim cõmittit; discedit enim à fide totius Ecclesiæ, quæ credit hunc esse verum Pontificem. Petri successorē, & Christi in terris Vicarium. *ibid. num. 9.*

4. Summus Pontifex non potest esse hæreticus, neque vt Pontifex, neque vt priuatus doctor; & consequenter non potest in controuersijs fidei, & morum errare. Quia cum sit successor D. Petri, debet habere infallibilitatem in rebus fidei Petro collatam. Potest tamen tanquam priuatus doctor in rebus fidei falli, & errare ex ignorantia; sed non cum pertinacia, aut contumacia, quæ semper est coniuncta cum hæresi. *ibid. n. 12. pag. 8. tom. 3.*

#### Hæreticorum pœna.

5. Hæreticus, qui suam mentem exterius sufficienter manifestat verbis, aut signis, incurrit in primam excommunicationem Bullæ Cœnæ Papæ reseruatam; non tamen est vitandus, nisi sit nominatim denunciatus, licet sit notorius; sed possunt Catholici cum ipso consuetudinem habere, orare, sacramenta suscipere secluso scandalo: non potest tamen adhiberi ad suscipiendum filium de sacro fonte; quia ad patrimonium pertinet docere filium susceptum de rebus fidei, quod non præstabit hæreticus. *ibid. punct. 2. n. 2. C. 9. pag. 8. C. 9. tom. 3.*

6. Hæreticus purè mentalis, id est, qui errorem mente conceptum nullo externo signo prodit, non incurrit excommunicationem, atque adeo potest à quolibet Confessario approbato absolui. Quia Ecclesia sibi non vendicat iurisdictionem in actus merè internos, neque vllum vnquam ob hæresim purè mentalem excommunicatione perculit. *ibidem, numero 3. pag. 8. tom. 3.*

#### Hæreticorum fautores.

7. Pœna excommunicationis lata contra hæreticos extenditur ad credentes, receptatores, fautores, & defensores hæreticorum, si sequutus sit effectus. Dicuntur autem *fautores hæreticorum*, qui fauent illis, quatenus sunt hæretici, seu ex motiuo hæresis: quare qui fauet hæretico ratione amicitia, vel consanguinitatis, v.g. qui illum occultat ob amicitiam, ne à iudice capiatur, non incurrit excommunicationem. *ibidem punct. 3. pag. 10. tom. 3.*

#### Hæreticorum libri.

8. Qui legit, aut retinet libros hæreticorum, vel alterius cuius auctoris damnatos, atque prohibitos ob hæresim, aut ob falsi dogmatis suspicio-

R. 4. nem,



nem, incurrit excommunicationem latam in indice librorum prohibitorum. Hæc autem excommunicatio nulli reservata est; sed iure communi potest à quouis Confessario approbato tolli; quia in præfato indice, nulla apponitur reservatio. Modò tamen eiusmodi libri non contineant hæresim, aut tractent de religione, ut paulò post dicitur. *ibid. punct. 4. num. 2. pag. 10. tom. 3.*

9. Eadem censura afficiuntur legentes libros, & scripta continentia, diuinationes, fortilegia, veneficia, anguria, auspicia, & incantationes artis magicæ, & similia à vera fide aliena: quia huiusmodi libri sunt vetiti in indice ob falsi dogmatis suspensionem. Item legentes scholia, seu additiones hæreticorum, quæ continentur in libris Catholicorum: quia hæc scripta sunt damnata ob hæresim, vel ob falsi dogmatis suspensionem. *ibid. num. 4. pag. 11. tom. 3.*

10. Qui scienter, & absque Summi Pontificis licentia publicè, vel occultè legit, retinet, aut imprimit, aut alio quouis modo defendit libros hæreticorum tractantes de religione, aut hæresim continentes, incurrit excommunicationem Bullæ Cœnæ, Papæ reservatam, quamvis legat, vel retineat curiositatis gratia, & absque prauo animo, imò quamvis nò intelligat, quæ legit; quia is iuxta communem loquendi modum dicitur legere; qui verò audit legentem, non subiacer excommunicationi. Qui tamen vnâ, aut alteram lineam tantum legit, ratione paruitatis materiæ excusatur. *ibidem num. 7. 11. & 14. pag. 11. tom. 3.*

## HOMICIDIUM.

### Quinam licitè occidi possint.

1. **P**ublica auctoritate licet occidere malefactores: hoc enim postulat bonum commune, ut homines à flagitiis deterreantur. *Proscripti*, in quos lata est sententia capitis, à quolibet priuato interfici possunt: quia hoc fit publica auctoritate iustitiæ, cuius quilibet est minister respectu proscriptorum. Secùs dicendum, quando non est lata sententia capitis, aut quando proscriptus est extra territorium eius, qui sententiam tulit; tunc enim non potest occidi, cum sit extra didionem eius, à quo fuit condemnatus. Ipsi etiam proscripti possunt se mutuo, etiam per insidias, occidere, ob propositum præmiu à Principe, vel ob promissam sibi libertatem. Hic tamen vsus non satis probatur, propter periculum damnationis, cui exponitur proscriptus, si proditoriè occidatur. *tom. 2. pag. 458. n. 1. & seq.*

2. Non licet marito, ante iudicis sententiam, occidere vxorem, aut adulterum in flagranti crimine deprehenso; quamvis hoc illi permittatur impune à legibus, ob iustum dolorem. Quare peccat in conscientia illos occidens priuata auctoritate; cum sit contra ius naturæ quemquam inauditum, ante sententiam iudicis occidere. *ibid. num. 5.*

3. Prin-



3. Principi, seu magistratui non licet sententiam ferre, seu condemnare reum antequàm audiatur: quia defensio ei competit iure natura. Præter quàm in crimine notorio, & prohibito sub pœna mortis; sic excusatur David, qui Amalecitam Saulis interfectorem, absque alia sententia, occidi iussit; sic excusantur aliquando belli duces, dùm iubent aliquem occidi ob crimen admissum, vt ceteri eius exemplo, in officio contineantur. *ibidem numero 7.*

4. Neque publica, neque priuata auctoritate licet clerico quemquam occidere: quia iure humano prohibentur clerici se immiscere in causa sanguinis, seu mortis, seu mutilationis; hoc enim dedecet statum clericalem. Potest tamen Summus Pontifex dispensare cum clericis, vt absque peccato, & irregularitate, in causa sanguinis sententiam ferant. Prælati autem Ecclesiastici habentes iurisdictionem temporalem, dignitati, vel patrimonio adhexam, possunt absque vlla dispensatione, iudices sæculares constituere in causa sanguinis: immò possunt bellum indicere, si nullum in temporalibus superiorem agnoscant. *tom. 2. pag. 459. n. 1. & seq.*

5. Nemo potest seipsum directè occidere, quia nullus est vitæ, & membrorum suorum dominus, & in Concilio Bracharensi decernitur, vt pro illis, qui sibi violentas manus afferunt, nulla fiat oblatio, vel oratio, & vt careant Ecclesiastica sepultura. Tribus tamen modis potest quis ad suam mortem cooperari. 1. indirectè, & per accidens, periculo caput obijciens ob rationabilem causam, aut omittens actiones ad tuendam vitam necessarias. 2. immediatè, & directè, ex præcepto Dei, vt in veteri, & nouo instrumento legimus à nonnullis factitatum. 3. publica auctoritate licet ad suam mortem cooperari iis actibus, qui non habent crudelem modum, pœnæ, vt est sumptio veneni: hæc enim cooperatio non videtur iuri nature contraria, si coactè fiat. *ibid. num. 1.*

6. Licet militibus de communi consensu iniicere pulueri tormentario ignem, quo naus incendatur, vel dare se precipites in mare, etiam cum aperto vite discrimine, ne naus veniat cum ipsis in manus infidelium. Item licet in bello iusto turrin, & mœnia suffodere cum certo periculo oppressionis non solum inimicorum, sed etiam sui; in hoc enim casu non intenditur mors propria, sed euitatio, & fuga crudelis mortis ab hostibus inferendæ. *tom. 2. pag. 460. num. 8.*

7. Nullus potest habere intentionem abbreviandi sibi vitam per abstinentiam etiam moderatam, aut alias afflictiones. At si quis per moderatam abstinentiam, per materationes, vel studia præuideat fore, vt vitam contrahatur, non intendens mortem, sed virtutem, non peccat: hæc enim est leuis, & indirecta tantum cooperatio ad mortem, quæ licita est ob iustam causam, & vt corpus in seruitutem redigatur. *ibid. num. 9.*

8. Obstrictus voto abstinendi à carnibus, tenetur comedere carnes eo tempore, quo nullum alium habet cibum: tunc enim votum non obligat contra ius naturale, & vrget obligatio conseruandi vitam remedij ordinarijs.



natijs. Tenetur igitur carnes edere, nisi ad sit aliqua alia ratio, ob quam possit ab eo cibo abstinere. *ibid. num. 10.*

*An licita sit mutilatio.*

9. Licet amputare sibi membrum, ob salutem totius corporis. Immo si alia ratione periculum vite non possit vitari, tenetur quis illam incisionem pati ita iudicante medico, si dolor sit exiguus: At cum magno cruciatu nemo tenetur vite sue consulere, nisi sit Reip. admodum necessarius; aut nisi sit religiosus, sive que totum permiserit voluntati superioris: quamquam in hoc secundo casu, probabilius videtur non teneri: quia hic actus est nimis hereticus, nec cadit sub imperium Prælati ob difficultatem. *ibidem numero 2.*

10. Non licet sibi membrum, vel membri partem præscindere ad vitandas carnis tentationes, & ad peccatum fugiendum: quia hoc non est medium necessarium ad animæ salutem. Laudandus tamen ille adolescens qui, teste D. Hieronymo in vita Pauli, linguam mordicè præcisam expuit in faciem meretricis ad libidinem sollicitantis, cum alia ratio non suppetet se defendendi. *tom. 2. pag. 461. num. 6.*

*Innocens an occidi possit.*

11. Non licet directè occidere innocentem: aliquando tamen indirectè licet ad mortem innocentis cooperari: ut si hostis nolit ab obsidione desistere, nisi ei tradatur aliquis innocens: tunc enim tenetur innocens mori pro patria, sive que ultro offerre tyranno, ergo resp. potest sine peccato ei traditioni cooperari: non tamen potest illum propriis manibus interficere; quia cædes innocentis est res intrinsecè mala. Item potest quis occidere innocentem, qui suorum laterum oppositu defendit inuasorem vitam, iniuste oppugnantem, si iniustus aggressor aliter occidi non possit. Pari ratione excusatur is, qui non potest aliter suæ salutis consulere, quam fugiendo per angustum iter, ubi conculcat infantem, aut claudum: vitur enim iure suo, illac transeundo. *ibid. num. 1.*

12. Non licet occidere pueros Saracenorum, aut Turcarum, iusto bello captos, neque obsides innocentes, licet qui eos dederunt, fidem datam violant: quia intrinsecè malum est occidere directè innocentem. *ibid. n. 2.*

13. Nunquam licet ante vel post animationem fœtus præbere matri gravidæ pharmacum mortiferum fœtui, seu ordinatum ad procurandum abortum, vel mortem fœtus: quia illud est contra naturam generationis. Quando tamen mater periculose laborat, neque superest aliud remedium præter pharmacum ex sua natura curativum illius morbi, potest illud adhiberi ad pellendum morbum, licet indirectè, & per accidens sequatur mors fœtus nondum animati: quando autem fœtus est animatus, vel dubi-

tatur



tatur an sit animatus, hoc non licet: quia fœtus censetur esse in extrema necessitate spirituali, si spes subsit fore, vt viuus edatur in lucem, & baptizetur. At quando id non speratur, & ex alia parte spes aliqua ostenditur salutis matris, potest remedium adhiberi, etiam si fortè æquè sit ordinatum ad salutem matris, & ad mortem fœtus: mater enim vtitur iure suo, neque tenetur vitam exponere, quando conclamata est salus spiritualis fœtus. *ibid. num. 3. & pag. 462.*

14. Fœmina, quæ peccauit cum aliquo, etiam si sit nobilis, aut monialis, aut etiam scandalum timeatur, non potest adhibere remedium impediens conceptionem fœtus, ad vitandam infamiam, aut mortem: hoc enim est intrinsecè malum, cum aduersetur naturæ generationis. Abortum autem, procurantibus constituta est pœna mortis, & excommunicationis, de qua vide tit. *Abortus*. Mulier tamen, quæ ad impediendam conceptionem fœtus, potionē sumit, hanc excommunicationē nō incurrit, aliud enim est procurare abortum, aliud impedire generationem. *tom. 2. pag. 462. n. 5. & 6.*

*An liceat alium occidere ad sui defensionem.*

15. Vt quis alium licitè occidere possit ad sui defensionem hæ conditiones requiruntur. 1. vt vis ab alio inferatur, & inuasio sit iniusta 2. vt occidatur inuasor in ipso actu aggressionis; ita tamen vt non præueniatur, 3. vt non occidatur post aggressionem: nam si aggressor iam percussit, & fugit, iamque destitit à percussione, non potest à percusso repercuti; hæc quippe esset ultio, & non defensio; nisi fortè id fieret ad defensionem honoris. 4. vt defensio fiat cum moderamine inculpatæ tutelæ, id est, quatenus expedit ad vitam defendendam. 5. vt inuasus probabiliter credat se grauius lædendum, vel occidendum, si vim non repellat. Hisce conditionibus adhibitis, inuasus occidens iniustum inuasorem, non peccat, etiā si inuasus causam dederit inuasionis, v. g. per furtum, adulterium, contumeliā, &c. quia non amisit propterea ius vitæ propriæ defendendæ. *ibid. num. 2. & pag. 463. num. 3.*

16. Non tenemur tamen, regulariter loquendo, occidere inuasorem, ad vitæ nostræ defensionem, his casibus exceptis. 1. quando inuasus est reip. valde utilis. 2. quando ex inuasi morte sequeretur maximum damnū familiæ, quam alere tenetur 3. quando inuasus sibi conscius est peccati mort. & timet damnationem si in eo statu occidatur. *tom. 2. pag. 463. n. 9.*

17. Possumus intendere mortem aduersarij tanquam medium ad propriam vitam defendendam: quia id quinto Decalogi præcepto non repugnat, nec habet malitiam homicidij, cum fiat ad propriæ vitæ defensionem. *ibid. num. 10.*

18. Non licet anteuertere aggressorem, antequam aggressus fuerit: quia non licet alium occidere, nisi ad vim repellendam. Quare adultera sciens maritum conscium esse sui adulterij, non potest illum occidere, quamuis



quamvis timeat, ne ab illo occidatur; nisi maritus iam abdiderit pugione sub cervicali, aut venenum miscuerit, vel quid simile: tunc enim potest illum præuenire occidendo, si nulla alia spes subfit euadendi. *ibid. num. 1. & pag. 464. n. 2. & 3.*

19. Quando me aduersarius prouocat ad duellum, nec aliter possum euadere, nisi illud acceptem, possum acceptare, immò si sum inermis, rogare possum, vt arma mihi permittat; hæc enim est vera vitæ defensio. *tom. 2. pag. 464. num. 5.*

20. Non mihi licet præuenire occidendo illum, qui falsis testibus subornatis, famam, aut fortunas, aut caput meum oppugnat in iudicio; sic enim aperiretur via infinitis cædibus; quia homines sibi faciliè persuaderent se per calumniam accusari, nulla que alia ratione obuiam iri posse calumniæ, quam occidendo accusatorem. *ibid. num. 7.*

21. Licet insequi, & occidere furem, ad recuperandam rem magni pretii furto sublatam: v.g. si quis mihi equum surripuit, & fugit, possum illum insequi, telo confodere, & occidere, quando post minas, & mortem intentatam negat se redditurum: quia aggressio censetur adhuc durare, & possum cum moderamine, res meas tueri. Postquam autem fur se in tutum recepit, & rem cæpit quietè possidere, non licet illum occidere; quia iam non censetur vim inferre; sed tantummodò iniustitiam committere, propter quam non licet quemquam priuata auctoritate occidere. *ibid. num. 2. 3. & 4.*

22. Possum ingredi domum furis, & rem meam per vim recuperare, si aliter non possum; modò eadem res, quæ fuit furto sublata, extat apud furem: hæc enim non videtur aggressio, sed rei propriæ defensio. Secus dicendo, quando eadem res non extat apud furem: tunc enim non licet per vim domum furis ingredi ad faciendam compensationem; quia fur est dominus rerum suarum, habetque ius resistendi. *ibid. n. 4.*

23. Licet viro honorato occidere inuasorem, inferentem ignominiam, quam alia ratione declinare non potest. Neque tenetur inuasus fugere, si fuga est illi ignominiosa. Item vir nobilis, qui vulnus, vel alapam accepit, potest, speculatiuè loquendo, insequi fugientem, & repercutere, quantum sufficit ad reparationem honoris: in praxi tamen, vt vitetur occasio cædium, contrarium est consulendum, præsertim si inuasor veniam petat. *ibid. num. 5. & pag. 465. num. 6. & seq.*

24. Ad impediendam infamiam non licet duellum acceptare: quia hoc non est medium ordinatum ad impediendam infamiam: immò Concilium Tridentinum *sess. 14. cap. 14.* perpetuam inurit infamiam duello decertantibus; neque recusans duellum, apud probos, & pios ullam sui honoris iacturam facit. *tom. 2. pag. 465. num. 9.*

25. Clerici, religiosi, & infimæ sortis homines, qui alapa, vel fustibus percussi, aut alio quocumque modo inuasi repercutiunt, & occidunt inuasorem, cum absque vitæ periculo fugere possint, grauiter peccat contra iustitiam



iustitiam: quia huiusmodi homines nullam subeunt ignominiam fugiēdo, & patienter sustinendo id, quod viro seculari nobili esset ignominiosum. *ibid. num. 11.*

26. Cuius licet ad suam pudicitiam propugnandam, occidere inuasorem, quando fuga, aut vociferatione, vel alio modo defendi non potest: quia pudicitia bonum est longè præstantissimum. Potest tamen inuasus violationem pati potius, quàm occidere, quando non est periculum consensus. *ibid. num. 12.*

27. In iisdem casibus, in quibus licet occidere inuasorem vitam nostram, famam, aut fortunas oppugnantem, fas est etiam vitam, famam, & fortunas proximi defendere etiam cum morte inuasoris. Sic pater tueri potest pudorem filiae, & maritus vxoris, &c. Nec solum possumus, sed etiam tenemur sub peccato mortali vitam, vel bona proximi defendere, quantum fieri potest absque nostro graui incommodo: illud enim charitas a nobis exigit. Non tamen tenemur vitam proximi defendere cum vitæ nostræ periculo; at honorem, & famam nostram exponere tenemur pro vita proximi, nisi honor noster tanti sit momenti, vt præpondere vitæ hominis infimæ sortis. *ibid. num. 1. & seq. & pag. 466. n. 6.*

28. Teneor defendere vitam inuasi, etiam si nolit defendi, quando possum absque meo graui incommodo: quia inuasus non est dominus vitæ suæ; nisi fortè inuasor sit persona publica, quam occidere sit nefas; aut nisi inuasus, licitè vitam suam obiciat morti, vt si causâ fidei ambiat martyrium. *tom. 2. pag. 466. num. 22.*

*Restitutio propter homicidium faciendâ.*

29. Prouocantes se ad pugnam, vel ad duellum, ad nullam tenentur ad restitutionem, si se occidant: quia censentur cedere iuri suo. Qui verò alium iniuste aggreditur, & vulnerat, aut occidit, tenetur ad omnia damna, quæ inde consequuntur, quia fuit illorum causa efficax; cùmque sit difficile exactè definire quid restituendum sit, transigendum est cum parte, cui faciendâ est restitutio, quæ vt plurimum solet aliquid remittere. *tom. 2. pag. 470. num. 1. & 6.*

30. Pro vita, vel membro, vel cicatrice hominis liberi, nihil est formaliter, & ex iustitia restituendum in conscientia: quia liberum corpus nullam recipit æstimationem. Ex quadam tamen æquitate, & charitate videtur aliquid restituendum arbitrio prudentis viri. *tom. 2. pag. 471. n. 10.*

31. Qui interfecit paulò post mortiturum, aut iuste occidendum, ad nullam tenetur restitutionem: quia nullum censetur damnum intulisse; quippe occisus, tam breui tempore nihil lucratus fuisset; licet homicidâ peccauerit mortaliter contra iustitiam. *ibid. n. 13.*

32. Homicidâ, qui pœnam talionis soluit, tenetur adhuc omnia damna resarcire, quæ sequuta sunt ex homicidio: quia per pœnam talionis, id est, per



per mortem homicidæ non restituitur, quod est ablatum; sed satisfit tantum iniuriæ illatæ reipublicæ, non autem damno, quod passi sunt heredes. Porro hæres percussoris tenetur in illius defectum refarcire omnia damna ab eo illata, modò supersint bona, vnde possint satisfacere: quia obligatio restituendi est realis, proindeque ad hæredes transit. *ibid. num. 1014. & 15.*

33. Etiam si percussus, antequam ex hac vita decederet, dixerit se condonare percussori, tenetur nihilominus percussor ad restitutionem; quia censetur percussus remisisse iniuriam, non verò condonasse restitutionem, nisi hanc esse suam mentem aperte ostenderit. *ibid. num. 17.*

34. Qui occidit alium casu, & præter intentionem, non est propriè homicida, nec tenetur ad restitutionem: quia obligatio restituendi oritur ex iniusta actione voluntaria. Quare si leuiter vulneratus interiit ex negligentia, aut imperitia medicorum, percussor non tenetur ad restitutionem damnorum prouenientium ex morte, sed tantum ex vulnere. *tom. 2. pag. 472. num. 3. & 4.*

35. Qui per ebrietatem alium occidit, si ebrietas non fuit voluntaria, nec culpabilis, non obligatur ad restitutionem: quia illud homicidium neque est culpabile in se, neque in causa. At si homicida aliquo modo præuidit homicidium, neque adhibuit diligentiam ad illud præcauendum, homicidium imputatur ad culpam, cum obligatione restituendi. *ibidem, num. 7.*

36. Occidens Caium, quem putabat esse Titium, peccat mort. & tenetur ad restitutionem: quia hæc actio est iniusta contra Caium, licet falsò putetur Titius. Neque est eadem ratio de eo, qui percutit clericum, quem ignorantia probabili putabat esse laicum: hic enim ratione ignorantia, non incurrit excommunicationem. *ibid. num. 8.*

37. Restitutio propter homicidium facienda est hæredibus necessariis occisi, cuiusmodi sunt filij, vxor, parentes, &c. non verò aliis: quia soli hæredes necessarij censentur lassi in re sua. Vnde sequitur nihil esse restituendum fratri occisi, nisi fortè expensas factas in curatione vulneris, quia succedit in iura occisi. *ibid. num. 2. & 3.*

38. Homicida, vel eius hæredes, non tenentur restituere damnum iis, quibus imputatur homicidium: quia illa actio homicidij non est causa, sed tantum occasio, illius damni, neque est actio iniusta respectu eorum, quibus homicidium imputatur, v. g. tu occidisti occultè Titium, sed homicidium imputatur Caio, propter inimicitias, quas cum illo exercebat, interim Caius capitur à satellitibus, & patitur multa damna, immò per falsos testes conuictus, capite plectitur; illa damna Caij non sequuntur ex tuo homicidio nisi indirectè, & per accidens, directè verò ex falsa testimonio depositione: quare non tenentur ad illorum damnorum restitutionem. *tom. 2. pag. 473. num. 4.*



## HORÆ CANONICÆ.

*Horarum Canonicarum definitio, institutio, numerus.*

1. **H**oræ Canonice per se sumptæ nihil aliud sunt, quàm quædam laudes, & preces ab Ecclesia institutæ, singulis diebus, statis horis, Deo persolvendæ, vnde dicuntur; *Horæ Canonice* verò, quia per sacros canones præscriptæ sunt. *tom. 1. pag. 503. n. 1. & seq.*

2. Horæ Canonice, si formaliter spectentur, vt sunt actus orationis, nihil aliud sunt, quàm actus quidam religionis, vel obedientiæ, aut etiam iustitiæ, quo non solum Deus laudatur, sed etiam explicatur desiderium Ecclesiæ, & à Deo, vel à Sanctis petuntur res decentes, iuxta eiusdem Ecclesiæ præscriptum. *tom. 1. pag. 504. n. 6.*

3. Horæ Canonice non sunt de iure diuino, sed Ecclesiastico: communiter enim appellantur *Horæ Canonice*, quia per sacros canones præscriptæ, & ab Ecclesia institutæ sunt ad laudandum Deum, exemplo Davidis, qui septies in die laudes dicebat Deo. Si spectentur quoad substantiam, ab ipsis Apostolorum temporibus originem duxerunt: nam Actuum 3. *Petrus, & Ioannes ascendebant in templum ad horam orationis nonam*: si verò considerentur quoad formam, & numerum *Horarum*, non constat quandonam fuerint institutæ. Certum tamen est illas ab initio formam aliquam habuisse. *tom. 1. pag. 505. num. 3.*

4. Summus Pontifex potest cum beneficiario, vel clerico sacris initia- to dispensare circa obligationem diuini officij recitandi: quia Summus Pontifex potest in iure Ecclesiastico dispensare. At Cardinales cum suis familiaribus; Episcopi cum suis subditis; Superiores religionum cum suis religiosiis circa horarum recitationem dispensare nullo modo possunt: quia est de iure communi Ecclesiastico, supra quod solus Summus Pontifex habet potestatem. *ibid. num. 5.*

5. Horæ Canonice sunt septem, *Matutinum, Prima, Tertia, Sexta, Nona, Vesperæ, & Completorium*: hac enim est communior Doctorum sententia, qui diuinum officium septem Horas Canonicas appellant: sunt enim institutæ ad Christi passionem recolendam, quæ septem præcipuis mysteriis continetur. *ibid. num. 1. & seq.*

*Quinam teneantur Horas Canonicas recitare.*

6. Omnes religiosi choro deputati ex consuetudine, vel ex peculiari- bus decretis, tenentur post professionem; horas canonicas persolvere, etiam si non sint sacris ordinibus initiati: consuetudo enim vim habet legis, & obligat sub mortali in materia graui. *tom. 1. pag. 508. num. 1.*

7. Religiosus damnatus ad tritremes, vel electus à monasterio, non te-  
neatur



netur horas canonicas recitare: mouetur enim ab eo statu, in quo consuetudo obtinuit diuini officij recitandi, & transfertur ad statum, in quo huiusmodi consuetudo non reperitur. Hoc tamen intellige, modò religiosus nondum fuerit sacris initiatus. *ibid. n. 3.* Idem dicendum de religioso fugi-  
tuo. *num. 6.*

8. Religiosi Societatis IESV, aliique, qui non choro, sed alijs pijs operibus exercendis deputati sunt, non tenentur ex vi professionis, horas canonicas recitare. *tom. 1. pag. 509. num. 7.*

9. Religiosi, regulariter loquendo, non tenentur sub peccato mort. horas canonicas in choro persolvere: quia regula obligare non solet sub mortali. At Canonici strictius obligantur ad chorum, cum ob id beneficium accipiant; si tamen omnes religiosi ita negligant chorum, vt horæ canonicæ in Ecclesia omittantur, superior tenetur singulis strictum præceptum imponere, sicque singuli, sub graui peccato, tenentur interesse, tum, ne chorus destituatur, tum, ne præceptum superioris violetur. *ibid. numero 8.*

10. Superior religionis potest cum suis religiosiis ad sacros Ordines nondum promotis dispensare circa obligationem recitandi horas canonicas, ex iusta causa, vt propter studia, aut negotia: potest enim superior, vt in legibus religionis, sic in hac consuetudine dispensare. Non tamen quilibet superior, sed supremus totius Ordinis religiosi, secluso priuilegio, videtur posse dispensare. *ibid. num. 9.*

11. Clerici sacris Ordinibus initiati, iure Ecclesiastico, tenentur horarum canonicarum pensum persolvere, etiam post degradationem, vel postquam censuram excommunicationis, vel suspensionis contraxerunt. Obseruandum tamen clericum degradatum, vel excommunicatum non posse inter officium recitandum dicere, *Dominus vobiscum*, quia hæc est quedam communicatio, & functio ordinis. *ibid. num. 1. & seq.*

12. Clericus, qui de Summi Pontificis consensu duxit vxorem, tenetur ad pensum canonicarum precum, nisi fortè in hoc etiam fuerit dispensatus; quia cum sit sacris initiatus, vt suppono, adhuc retinet characterem, ratione cuius viget obligatio diuini officij recitandi. *tom. 1. pag. 510. num. 5.*

13. Habens beneficium Ecclesiasticum, etiam si non sit in sacris constitutus, tenetur regulariter loquendo, ex institutione Ecclesiæ, horas canonicas recitare: quia beneficium datur propter officium. Hinc sequitur Equites Hierosolymitanos, aut etiam alios gaudentes commendis Ecclesiasticis, teneri ad canonicas preces, quia Ecclesiastica beneficia habere dicuntur. Sunt tamen quedam commendæ, quæ titulo seculari conferuntur, nec diuini officij obligationem inducunt. *ibidem numero 1. & pag. 511. num. 3.*

14. Capellania collatiua, seu Ecclesiastica, auctoritate Episcopi erecta, obligat ad canonicas preces recitandas. Ea verò, quæ nondum instituta; & erecta est auctoritate Episcopi, etiam si ab Episcopo conferatur, non



non censetur beneficium Ecclesiasticum, consequenter non obligat ad diuinum officium recitandum. *ibid. num. 6.*

15. Pensionarius non tenetur diuinum officium, quod vulgo magnum dicitur, recitare: quia pensio non est beneficium propriè acceptum. Pensionarius tamen, qui vt clericus percipit pensionem, tenetur recitare paruum officium B. Mariæ Virginis, sub eadem pœna, sub qua beneficiarij tenentur diuinum officium recitare. Tunc autem aliquis dicitur pensionem, vt clericus percipere, quando prima tonsura seu status clericalis requiritur in eo, cui pensio confertur. *ibid. num. 7.*

16. Beneficiarij coadiutor non tenetur ratione coadiutoria præcisè canonicas preces persolvere: quia hæc obligatio residet penes proprietarium, neque afficit coadiutorem, alioquin duo ex eodem beneficio obligarentur ad diuinum officium recitandum, quod non est admittendum. Secus dicendum si coadiutoria habeat rationem beneficij Ecclesiastici, vt si coadiutori assignati sint prouentus ad quorum titulum promoueri possit; vel si coadiutor assumatur in totum ad onera beneficij, aut saltem ad horas recitandas; tunc enim tenetur recitare, quia ad id tenetur, ad quod assumitur. *tom. 1. pag. 512. num. 13.*

17. Cuius beneficium est adeo tenue, vt non sufficiat ad vitæ sustentationem, iuxta veriorum, & communiorum sententiam, tenetur integrum officium recitare: quia sponte acceptans beneficium, acceptat etiam onus illi adnexum. *ibid. num. 17.*

18. Beneficiarius, seu capellanus, qui maiorem fructuum partem tradit substituto ad beneficij onera sustinenda, aut qui suâ culpâ beneficij fructus non percipit, non eximitur ab onere diuini officij recitandi; quia adhuc retinet beneficium cum iure ad fructus. *tom. 1. pag. 513. num. 19.* Immo qui omnes beneficij fructus loco pensionis tradit illi, qui sibi resignauit, adhuc tenetur diuini officij pensum persolvere: quia habet titulum, & possessionem beneficij. *tom. 1. pag. 513. num. 19. & 21.*

19. Qui ob bellum, vel alia iniusta de causa priuatur omnibus fructibus beneficij, non videtur teneri ad pensum diuini officij, quamdiu priuatio iniusta durat, & beneficiarius credit se nunquam fructus illos recuperaturum, neque enim par est, vt ob iniustam alterius actionem teneatur onus officij recitandi subire, sine spe fructuum percipiendorum. Secus dicendum, si iam fructus percepit, & postea iniuste subtrahuntur, iam enim fructus collegit, propter quos diuinum officium tenetur recitare. *ibid. num. 25.*

20. Beneficiarius illis diebus, quibus commemorationes fiunt, tenetur commemorationem illius Sâcti facere in cuius honorem beneficium est erectum: sic enim vsus obtinuit, iuxta ritum breuiarij Rom. Tot autem commemorationes faciendæ sunt, quot sunt beneficia, modò id commodè fieri possit seruato Ecclesiæ more. *tom. 1. pag. 514. num. 8.*

21. Beneficiarius non obligatur ad diuinum officium recitandum ante

S initam



initam beneficij pacificam possessionem: quia habet ius incertum ad fructus, & impediri potest ne illos percipiat. Quare Clericus, qui per litteram impeditur, quo minus beneficij sibi collati possessionem adeat, non tenetur horas canonicas persolvere. *tom. 1. pag. 515. n. 1. & seq.*

22. Clericus sacris Ordinibus initiatus, statim suscepto diaconatu tenetur horas recitare. Idem dicendum de religioso statim post professionem. *ibid. num. 9.*

23. Beneficiarius, qui horas canonicas pratermittit, non tenetur ad restitutionem fructuum, nisi post elapsos sex menses ab inita pacifica possessione: quia Summus Pontif. obligat ad restitutionem solum elapsis sex mensibus quibus beneficiarius tenebatur ad officij recitationem, ad quam paulo antè dictum est non teneri ante pacificam beneficij possessionem. *ibid. num. 8.*

*In Horis Canonicis recitandis quid observandum.*

24. Omnes, qui sunt adstricti ad Horas canonicas recitandas, tenentur illas sub mortali iuxta breuiarium Rom. recitare; hoc enim Ecclesia precipit, immò alia breuiaria irritat. Excipe Ecclesias, quarum officia sunt à Summo Pontifice approbata, aut quæ à ducentis, & eo amplius annis ante editionem breuiarij Pij V. consuetudinem habebant horas canonicas recitandi alià formâ. Papa tamen illis Ecclesijs concedit facultatem recipiendi breuiarium Rom. cum Episcopi, & Capituli consensu; eo autem acceptato iam non erit illis integrum ad prius breuiarium sine licentia Pontificis redire. *tom. 1. pag. 516. n. 1. & 2.*

25. Probabile est habentes priuilegium vtendi breuiario non Romano, non posse priuatim vti Romano, relicto proprio suæ religionis, vel Ecclesiæ: quia quisque debet se Ecclesiæ suæ accommodare. Contraria tamen sententia est etiam probabilis: nam recitans officium iuxta breuiarium Rom. conformatur se Ecclesiæ Rom. quæ est omnium Ecclesiarum mater. *ibid. n. 3. & pag. 517. n. 5.*

26. Clericus, v.g. Mediolanensis, qui diuinum officium iuxta ritum Ambrosianum tenetur recitare, potest, dum Romæ, deuotionis, vel negotiorum causâ commoratur, officium iuxta ritum Rom. recitare: quia decretum D. Caroli Boromæi non afficit existentes extra territorium. *tom. 1. pag. 517. num. 7.*

27. Qui duo beneficia possidet in duabus Ecclesijs, quæ diuersis vtuntur breuiarijs, debet eo vti, quod adhibetur in Ecclesia, in qua beneficiarius residet. Probabilis tamen est opinio asserentium extra chorum, adhibendum esse breuiarium, quod in ea Ecclesia adhibetur, in qua quis habet dignius beneficium, etiamsi alibi habeat pinguius: quia obligatio diuini officij est personalis, & sequitur personam, vbicumque sit, & maior dignitas præualeat minori. *tom. 1. pag. 518. n. 9.*



28. Qui studiorum causâ, in aliqua ciuitate commorantur, possunt diuinum officium recitare iuxta ritum illius loci, etiam si alibi habeant beneficium, vbi officium diuerso ritu persoluitur. *ibid. num. 11.*

29. Qui vtuntur breuiario Rom. Pij V. non tenentur extra chorum, defunctorum officium recitare, excepto ipso defunctorum die: sic enim, expressè decernitur in Bullis Pij V. & Clement. VIII. Qui verò Pij V. breuiario non vtuntur, sui loci, & Ecclesiæ consuetudinem seruent. *ibidem, num. 12.*

30. Qui tempore Litaniarum, & Rogationum, publicis processionibus non interfunt, tenentur priuatim Litanias sub peccato mortali recitare: hæc enim est pars diuini officij eo die recitandi. Qui verò Rogationum tempore, processionibus interfunt, sed Litanias, & preces non recitant, vel ad eas non attendunt, satisfaciunt recitando etiam breuiores quæ præscribuntur iis, qui non interfuerunt: quia assistens non debet esse deterioris conditionis, quàm qui non assistit, neque æquum est, vt ex sua diligentia, damnum reportet. *ibid. num. 14.*

31. Recitans officium lingua Hebraica vulgari, aut Græca, seu alia, præcis aliis circumstantiis non peccat grauiter: satisfacit enim præcepto quoad ritum substantialem; venialiter tamen peccat, nisi hoc ex iusta, & rationabili causa faciat: quia ab vñtato Ecclesiæ more discedit. *tom. 1. pag. 519. num. 15.*

32. Qui sponte mutat officium vnus diei in officium alterius, peccat mortaliter, neque præcepto satisfacit: quia Ecclesia non solum præcepit recitationem diuini officij in genere, verum etiam in particulari, videlicet vt tali, & tali die, tale, & tale officium recitetur; igitur qui officium mutat, præceptum Ecclesiæ quoad substantiam non implet. *ibid. num. 17.*

33. Episcopus non potest cum aliquo dispensare vt proprio breuiario relicto, recitet officium iuxta formam alterius breuiarij, vel vt mutet officium vnus diei in officium alterius. Quia Episcopus non potest dispensare in lege superioris, nempe Pontificis; quamuis possit suis subditiis præscribere formam officij recitandi, vbi breuiarium Rom. non est in vsu. Neque potest, per se loquendo, vbi breuiarium Rom. adhibetur, concedere vt officium vnus diei, alio die recitetur, quippe in ritu, & forma breuiarij Rom. nequit Episcopus dispensare. *ibid. n. 19.*

34. Breuiario Rom. non licet quidquam addere tanquam partem officij diuini. Nihil tamen vetat aliquid addere tanquam extrinsecum, & velut concomitanter ad maiorem solemnitatem, vt si inter vnum, & alterum Psalmum aliquid canatur ad organum, vel musicum instrumentum, modò cantus non sit profanus. *ibid. n. 21. & pag. 520.*

35. Vt officium studiosè recitetur, requiritur, vt verba non omitantur, vel mutilentur, nec syllabæ abscindantur, sed sine syncopa (vt ait glossa) recitentur: sit autem syncopa cum, aliquid è medio tollitur. Quare omit- tens verba diuini officij in notabili quantitate, mortaliter peccat, nisi ex-



cusetur ob vitium linguæ. *tom. 1. pag. 520. numero 1. & 2.*

36. Qui cum sociis ita festinanter officium recitant, vt nondum abfoluto priori versiculo, sequentem inchoent, non satisfaciunt obligationi: quia pars, quæ anticipatè dicitur, non communicatur cum socijs, qui eam audire nequeunt, idque est contra consuetum Ecclesiæ vsûm, alioquin liceret dimidiam officij partem canere, alio reliquam canente, sicque dimidio temporis spatio, integrum officij pensum persolui posset, par enim est ratio partis, & totius. *ibid. num. 3.*

37. Qui cum socio recitat, satisfacit obligationi officij recitandi: sic enim vsû receptum est, dum horæ canonicæ in choro recitantur, estque ille mos antiquus in Ecclesia, vt alternatim canatur. Tamen qui ex officio, vel mādato superioris occupantur in pulsandis organis; vel thure adolendo, &c. non tenentur per se ipsos illam partem recitare, quæ ab alijs recitatur: modò sint attenti, quia tunc temporis distinentur ministerijs ad diuinum officium spectantibus. *tom. 1. pag. 521. num. 5.*

38. Dùm totus chorus canit Psalmos alternatim cum organo, aut alio musico instrumento, opus est vt versus, qui per organum canuntur, alta voce ab aliquo in choro proferantur, vt officium integrè recitetur, quia organum verba non profert. Secus dicendum si cum organo musici canant; tunc enim sufficit illos audire modò verba clara voce pronuncient. *ibidem num. 13.*

39. Qui submissa voce recitat versiculos Psalmi, auditque socios canentes alternatim, satisfacit obligationi diuini officij recitandi: quia ipse recitat suam partem, & communicat in parte sociorum. Non tamen satisfacit debito seruitio chori: quia redditus Ecclesiastici dantur canonicis, vt cantet cum alijs. Quare recitans submissa voce, alijs canentibus, non potest distributiones integras percipere, sed earum partem duntaxat, quia sui muneris partem tantum implet. Qui verò interest quidem choro, sed horas neque recitat, neque canit, non videtur vllam distributionum partem posse percipere; fructus tamen, modò priuatim recitet, non amittit. *tom. 1. pag. 522. num. 17.*

40. Ea pars chori, quæ tacet, tenetur attendere ad aliam, quæ cantat: nam tenetur ad officium concurrere, & totam orationem, aliquo pacto, facere suam. Neque satisfacit praueniendo, & priuatim recitando partem alterius chori, & postea vagando, aut confabulando: sic enim non satisfacit publicæ orationi chori, licet satisfaciat priuatæ. *ibid. n. 1.*

41. Non est opus, vt qui horas canonicas priuatim recitat, seipsum audiat; sed sufficit vt omnia verba distinctè proferat: quia præceptum Ecclesiæ obligat ad dicendum, non verò ad audiendum. Qui tamen recitat cum socio, debet ita proferre, vt ab illo audiat; nam socius supplere debet audiendo, quod omittit recitando. *tom. 1. pag. 523. n. 24.*

42. Vt officium studiosè recitetur, persoluendum est sine interruptione: hic autem sermo est non de interruptione inter vnā, & alteram horam;



ram, hoc enim perspicuum est fieri posse; sed de interruptione quoad partes vnius, eiusdemque horæ, vt si quis inchoato Matutino vocetur ad ludum, vel ad negotia, &c. quia non decet inchoatam cum Deo orationem abrupere sine causa. Qui tamen diuinum officium interrumpit, nõ peccat mortaliter; sed satisficit præcepto quoad substantiam: quia verum est dicere hunc intra eundem diem, totum officium recitasse, neque continuatio est de essentia singularum precum. In quo differt recitatio officij à prolatione formæ sacramentalis: nam in forma sacramenti requiritur continuatio moralis propter practicam verborum significationem: at diuinum officium non habet eiusmodi significationem practicam, cum non sit institutum ad aliquid ex vi verborum, significandum. Hæc tamen interruptio culpa veniali non vacat, si absque iusta causa fiat; habet enim adiunctam indecentiam. *ibid. num. 26. & seq.*

43. Satisficit præcepto, qui inchoatum officium interrumpit animo repetendi iam recitata, sed postea non repetit; item qui recitat diuinum officium, nolens tunc præcepto satisfacere, sed intendens iterum repetere, satisficit, neque tenetur repetere iam recitata: hic enim facit opus ab Ecclesia præceptum; neque enim Ecclesia præcipit recitari officium, animo adimplendi præceptum; sed simpliciter præcipit diuinum officium quotidie recitari. Idem sentiendum de eo, qui Missam audit animo non satisfaciendi præcepto, sed intendens aliam audire. *tom. 1. pag. 524. n. 31.*

44. Vt Officium deuotè recitetur, requiritur intentio illius recitandi: quia diuini officij recitatio est actus humanus, qui humano modo exerceri debet. Præterea requiritur attentio non tantum externa, sed etiam interna: licet enim Ecclesia non possit actum internum seorsim sumptu directè præcipere, nihilominus potest illum comprecipere tanquam necessarium ad orationem: nam oratio sine attentione interna nõ subsistit. Quare qui absque attentione recitat orationes, ad quas tenetur ex præcepto, peccat mortaliter, nisi excusetur ob materiæ leuitatem, aut nisi intentionem habeat repetendi. *tom. 1. pag. 525. num. 4.*

45. Ille satisficit præcepto, qui dum recitat officium, occupatur aliqua re exteriori non impossibili cum attentione interna, vt si recitet dum se vestit, aut exuit, vel dum faciem abluit, &c. Secus dicendum si inter recitandum distineatur aliquo opere impossibili cum attentione interna, vt si scribat, vel pingat, &c. tunc enim non satisficit præcepto, sed iterum tenetur recitare sub peccato mort. Sufficit autem attentio virtualis; cum hac enim subsistit oratio. Porro illa dicitur attentio virtualis, cum qua quis incipit orare, & virtute illius prosequitur orationem; quamuis inter orandum, inuoluntariè distrahatur: illa enim prior attentio, in progressu orationis, virtualiter durat. *ibid. num. 12. & pag. 526. num. 15. & seq.*



*Hora Canonica quando recitanda.*

46. Tempus diuini officij recitandi incipit à media nocte antecedentis diei, & persequatur vsque ad mediam noctem sequentis inclusiue: quia officium singulis diebus recitandum est; dies autem, iuxta communem Ecclesiæ vsum, incipit à media nocte antecedentis diei, vsque ad mediam subsequentis. Excipe ab hac regula Matutinum, & Laudes quæ à vespers antecedentis diei recitari possunt. *tom. 1. pag. 527. num. 2. & pag. 528. num. 10.*

47. Recitantes officium in Choro extra horas præscriptas, præciso scandalo, aliæ circumstantiæ, satisfaciunt præcepto quoad substantiam; non tamen quoad circumstantiam temporis, quæ pluris facienda est in oratione publica, quàm in priuata. In priuata verò recitatione seruanda est consuetudo legitimè introducta. Excusari potest à peccato, qui Primam cum Tertia, Sexta, & Nona recitat duabus vel tribus horis post solis ortum: quia tempus à iure præscriptum non consistit in indiuisibili: qui verò Matutinum sine causa differt ad Vesperas, aut Completorium recitat ante prandium, venialiter peccat; quia hæc est extraordinaria peruersio. *tom. 1. pag. 527. num. 7. & 8. & pag. 528. num. 9.*

*Hora Canonica quo ordine recitanda.*

48. Qui ordinem horarum non seruat, recitando, v. g. Primam ante Matutinum, peccat quidem venialiter, dum hoc facit cum aduertentia, & sine iusta causa: non tamen peccat mort. nec tenetur repetere, quia implet substantiam præcepti: immò neque venialiter peccat, si id faciat ex iusta causa, vt si ab amico, vel à superiore inuitetur ad recitandam Primam, cum ipse nondum recitauerit Matutinum, potest cum eo Primam recitare, Matutinum verò postea; habent enim iustam ordinis variandi causam. Item qui dum Tertiam recitat; recordatur se nondum recitasse Primam, vel Matutinum, potest Tertiam proseguere, cum intentione recitandi postea Matutinum, vel Primam. Idem dic de eo, qui ad Chorum accedit dum canitur Tertia, sed ipse nondum recitauit Matutinum, vel Primam. Item qui recitatis nocturnis, non potest tunc recitare lectiones, potest dilatis in aliud tempus lectionibus, Laudes recitare, & officium proseguere. *tom. 1. pag. 529. num. 2. & seq.*

49. Qui per inaduertentiam dixit officium de Sancto, quod dicendum erat de feria, satisfacit repetendo omiſsa, quamuis ea non repetat, in quibus vtramque officium conuenit. Item qui aliquem Psalmum, vel aliquam Horam ex obliuione omisit, non tenetur iterum totum officium repetere, vt Psalmum, vel Horam suo loco, & ordine dicat, sed satisfacit supplendo, quod est prætermisſum. *ibid. num. 6. & 7.*

50. Qui in choro aliquid omisit, seu culpabiliter, seu inculpabiliter, non tenetur



tenetur omiffum repetere, durante officio in choro; fed debet illud referuare post expletum officium, aut non debet illius habere rationem, fi par fit exigua: iuftam enim habet caufam differendi. *ibid. n. 9.*

51. Non peccat mortaliter, qui Miffam celebrat, nondum recitato Matutino: quia Matutinum nullam habet connexionem, aut ordinem cum Miffa; fed maiorem habet connexionem Matutinum cum Prima. Immo ne veniale quidem peccatum committit, qui hoc facit ex iufta caufa. *ibidem, num. 11.*

*Horæ Canonica ubi recitanda.*

52. Canonici, cæteri que Choro deputati, diuinum officium in Ecclefia, iuxta confuetudinem perfoluere debent, nifi aliud poftulet neceffitas, confuetudo, vel fundatio. Qui autem in choro non recitat, non poteft percipere distributiones, quæ canentibus in choro conferuntur: quia qui non facit quod debet, non recipit quod oportet. *tom. I. pag. 530. numero 1. & 2.*

53. Qui ad chorum deputati non funt, poffunt horas canonicas vbilibet recitare; non tamen in loco ubi impediatur attentio, ficut impedi folet in frequenti hominum conuentu, & ftrepitu profano; aut in loco indecenti; effet enim peccatum veniale. *ibid. num. 5.*

54. Epifcopus, per fe loquendo, non tenetur choro intereffe, etiam diebus Dominicis, aliisque feftis: quia ex nullo textu colligitur hæc obligatio, & Epifcopi grauioribus negotiis diftinentur, quæ illos choro intereffe non fiunt. Aliquando tamen, præfertim folemnibus diebus, tenentur choro affiftere ad exemplum. *ibid. n. 9. & pag. 531. n. 13.*

55. De rigore iuris antiqui, non folum in Cathedralibus, & Collegiatis, fed etiam in Parochialibus Ecclefiis publicè perfoluenda funt fingulis diebus officia diuina. At vi confuetudinis Parochi, non folum per fe ipfos non tenentur, verum neque per fubftitutos, fingulis diebus feftis omnia diuina officia publicè in choro perfoluere. Immo confuetudine immemorabili, vel faltem fufficienter præfcripta induci poteft, vt in Collegiatis, tennes redditus habentibus, canonici non teneantur fingulis diebus Horas publicè canere: ratio enim dicat, vt ubi tenuiffimum eft ftipendium, onus minuatur. *ibid. num. 12. & 14.*

*Horæ Canonica quo habitu, & fitu recitanda.*

56. Per fe loquendo non peccat, qui diuinum officium priuatim recitat fedendo, cum ftandum eft, aut ftando, vel fedendo dum genu flectendū eft. In publica verò recitatione facile fieri poteft, vt aliqua culpa interueniat, quia debitam Deo reuerentiam exhibere non videtur, qui aliis genu flectentibus, fine vllâ caufâ publicè ftat, vel fedet. *ibid. n. 1.*



57. Concil. Trid. *sess. 24. cap. 12.* decentem habitum canonicistam in Ecclesia, quàm extra præscribit. *ibid. num. 3.* Vide tit. *Distributiones.*

*Hora Canonica quo fructus recitentur.*

58. Ut Horarum Canonicarum recitatio ipsi recitanti, & aliis profit, requiritur ut in statu gratiæ fiat. Hinc sequitur officium in statu peccati mort. recitatum, non esse meritorium, nec satisfactorium, si spectetur quatenus persolvitur nomine proprio ab ipso recitante. At si spectetur quatenus Ecclesiæ nomine offertur, prodest: quia sanctitas Ecclesiæ, supplet defectum recitantis. *tom. 1. pag. 532. num. 2. & 3.*

59. Ut oratio infallibiliter impetratoria sit, hæc conditiones requiruntur. 1. ut orans sit vir iustus: peccatores enim infallibiliter Deus non excusdit. 2. est fides potentiæ, & clementiæ Dei, certaque fiducia impetrandi, quod petitur. 3. ut id, quod petitur, conducatur ad salutem petentis. 4. ut oratio fiat pro ipso orante, quanquam probabile videtur orationem etiam pro aliis factam, habere certam, & infallibilem impetrationem, modò sit subiectum capax. Christus enim uniuersaliter dixit Ioan. 14. *Quodcumque petieritis in nomine meo, hoc faciam.* 5. conditio est perseverantia. Luc. 18. *Oportet semper orare, & non deficere.* *ibid. num. 6. & pag. 533.*

60. Recitatio diuini officij, quoad fructum, infinita est extensiuè, potestque omnibus fidelibus, si fiat ab eo, qui ex Ecclesiæ præcepto, vel consuetudine, recitare debet: quia hæc oratio est publica, à qua non licet quemquam excludere. Oratio tamen videtur secundum se efficacior ad impetrandum si pro vno offeratur, quàm si pro pluribus: experientia enim constat, etiam apud Princeps, facilius, & efficacius obtineri, quod pro vno petitur, quàm quod pro multis, *tom. 1. pag. 533. num. 2. & pag. 534. num. 10.*

61. Recitatio diuini officij non prodest ex opere operato, sed operantis: quia non prodest ultra meritum Ecclesiæ, cuius nomine offertur. Tamen quatenus fit nomine Ecclesiæ, prodest aliis, etiam si recitans sit in statu peccati mort. ipseque fructum meritorium, vel satisfactorium ex illa recitatione non capiat: quia malitia ministri non officit merito Ecclesiæ offerentis. *tom. 1. pag. 534. num. 11.*

*Restitutio propter Horas Canonicas prætermittas.*

62. Qui tenetur diuini officij pensum persolvere, mortaliter peccat illud omitendo, aut partem illius notabilem: quia violat præceptum Ecclesiæ in re grati. Hinc sequitur illum mortaliter peccare, qui aliquam integram horam omitit: hæc enim videtur pars diuini officij notabilis. *tom. 1. pag. 535. num. 1.*

63. Qui ratione Ordinis sacri, & beneficij tenetur diuinum officium recitare,



recitare, plura specie peccata committit: hic enim non solum violat religionem, verum etiam iustitiam, quia beneficiarius tenetur ex officio ad pensum canonicarum precum, & beneficium hac lege ei confertur, ut horas persolvat. *ibid. num. 4.*

64. Diuinum officium omittens toties in die peccat peccato interno, quoties moraliter repetit voluntatem omittendi officium, vel notabilem eius partem: tot enim sunt peccata, quot sunt actus peccaminosi interni moraliter interrupti. Qui verò vno die diuinum officium omittit, vnum tantum committit peccatum externum omissionis consummatum: quia vnum tantum transgreditur præceptum habens pro obiecto totum officium, quod ex septem horis canonicis integratur. *rom. 1. pag. 536. n. 7. & 8.*

65. Beneficiarius tenetur, etiam ante sententiam iudicis, ad restitutionem fructuum pro rata omissionis officij, si elapsis sex mensibus post obtentam beneficii possessionem, officij culpabiliter non recitauerit, etiam si alio die pensum supplere conetur, nisi forte pars omissa sit levis, vt patet ex Concil. Lateran. sub Leone X. & ex Bulla Pij V. *rom. 1. pag. 537. n. 1.*

66. Qui diuinum officium absque attentione recitauit, tenetur ad restitutionem fructuum, & distributionum: quia perinde est, ac si non recitasset, cum enim attentio sit de substantia orationis, sequitur recitantem sine attentione non satisfacere præcepto quoad substantiam, consequenter neque fructus, neque distributiones posse retinere; quia presens non confetur, qui non attendit *rom. 1. pag. 539. num. 17.* Pensionarius item, qui tanquam clericus percipit fructus, paruum B Virginis officium omittens, tenetur ad restitutionem eodem modo, quo beneficiarius. *ibid. num. 21.*

67. Diuinum officium omittens, præter obligationem restitutionis, incurrit pœnam priuationis beneficii, si post sex menses admonitus, neglexerit officium recitare. *rom. 1. pag. 540. num. 23.*

68. Bulla Pij V. circa restitutionem faciendam propter omissionem diuini officij, paritur aliquam moderationem, ita vt beneficiarius diuinum officium omittens non teneatur ad restitutionem omnium omnino fructuum, sed solum respondentium oneri diuini officij, ideo, inquit nonnulli, Parochus, aut Episcopus omittens officium debet restituere tertiam, vel quartam partem fructuum, pro rata ceteras vero partes videtur sibi posse retinere ratione aliorum onerum: quia multi beneficiarij non solum percipiunt fructus pro officio recitando, sed etiam pro aliis oneribus subeundis. *ibid. num. 1. & 2.*

69. Restitutio propter omissionem diuini officij, facienda est fabricæ beneficii, vel pauperibus, modo aliud non ferat consuetudo, vel statutum, alicubi receptum. Si verò beneficiarius, qui tenetur facere restitutionem, sit pauper, potest sibi applicare, quod restituendum est, modo verè sit pauper, neque aliud rationabiliter præsumatur de mente Summi Pontif. quia non videtur deterioris conditionis, quam alij pauperes: quamvis enim peccet officium omittendo, tamen cum restitutio facienda sit pauperibus, &

ipse



ipſe paupertate labore, nihil eſt cauſæ, quominus gaudere poſſit fructu eleemoſynæ pauperibus erogandæ. *rom. 1. pag. 541. num. 1. & 8.*

70. Canonicus, qui diuinis officiis non interſuit, non poteſt ſibi retinere diſtributiones, quarum remiſſionem obtinuit à reliquis canonicis, quibus de iure obueniunt. At ſi donatione ſibi traditæ fuerint, & reſtitutæ abſque prauia colluſione, vel remiſſione, poterit eas iure communi retinere. In prouincia tamen Mediolanenſi cautum eſt, vt nō retineantur, quouis prætextu donatæ, aut remiſſæ fuerint. *rom. 1. pag. 542. num. 12.*

*Cauſæ excuſantes ab Horis Canonicis recitandis.*

71. Grauis infirmitas legitimè excuſat ab horis canonicis recitandis. At leuis infirmitas, cuiuſmodi eſt dolor ſtomachi, capitis, aut etiam febris tertiana, aut quartana, non excuſat, neque enim huiuſmodi infirmitas ægrum, ita affligit, quin aliquid temporis concedat horis recitandis. Fieri tamen poteſt, vt infirmitas excuſet à recitandis horis canonicis in choro, quamuis à recitandis priuati non excuſet, vt quando quis pedibus ita laborat, vt Eccleſiam adire non poſſit, quamuis alioquin commoda utatur, valetudine. *ibid. num. 1. & ſeq.*

72. Cui per morbum non licet horas recitare, non tenetur loco officij, alias orationes ſubſtituere, aut alium recitantem audire: hoc enim ab Eccleſia non præcipitur. Porro qui peregrinationem ſuſcipit ad loca pia, non eximitur à priuata diuini officij recitatione, etiamſi alium in ſuum locum ſubſtituerit, nam onus diuini officij eſt perſonale. Idem dicendum de adolescente, qui in ſtudia litterarum incumbit. *ibid. num. 8. & 9.*

73. Grauis occupatio honeſta, & neceſſaria, quæ in aliud tempus commodè differri non poteſt abſque ſcandalo, vel peccato, vel ſuo, aut alieno graui detrimento, excuſat ab officio recitando. Sic concionatores, confeſſarij, vel etiam alij excuſari poſſunt. Ratio petitur ex benigna Eccleſiæ intentione, quæ non præſumitur cum tanto onere obligare. Obſeruandum tamen eum, qui graui occupatione deſtinetur, ſi commodè fieri poſſit, teneri officium anticipatè recitare: quia tunc viget obligatio præcepti. Neque poſſe quemquam, munus, & officium voluntariè ſuſcipere, cuius executio cum recitatione Horarum ſit impoſſibilis: nam ſponte ſuſcipiens huiuſmodi munus, implicite cenſetur velle canonicarum precum omiſſionem, modò non vrgeat grauis neceſſitas illius ſuſcipiendi, aut actio, quæ ſuſcipitur, non putetur maius bonum hic, & nunc, quàm ſit recitatio diuini officij. *rom. 1. pag. 543. num. 1. & ſeq.*

74. Impotentia, qualis eſt carentia breuiarij, excuſat ab obligatione diuini officij recitandi. Qui tamen non poteſt totum, tenetur illam partem, recitare quam poteſt, modò illa pars ſit notabilis. Immo beneficiarius, qui non poteſt ſolus recitare, tenetur ſocium adhibere, immò (ſi prouentus habeat ſufficientes) conducere, qui cum diuinum officium perſoluat: fructus



ctus enim beneficij percipit, vt onus officij subeat. *ibid. num. 8. & pag. 544.*

75. Qui domo discessit nihil de breuiario cogitans, aut rationabiliter iudicans se breuiarium alibi reperturum, non peccat, neque tenetur ad restitutionem, si postea diuinum officium prætermittat: quia non peccauit in causâ, excusante ipsum inaduertentia, vel bona fide; neque in actuali omissione ob impotentiam. *ibid. num. 10.*

76. Qui tenetur choro interesse, etiam si officium recitare non possit; debet tamen assistere, & attendere ad ea, quæ canuntur: quia qui non potest totum præceptum, debet saltem partem adimplere quam potest; nisi aliter constet de voluntate superioris. *ibid. num. 12.*

77. Quando beneficiarius non percipit, neque percepturus est beneficij fructus, non peccat Horas canonicas prætermittens, nisi ratione Ordinis sacri ad illud pensum persoluendum obligetur: quia æquum non est, vt is onus sentiat, qui commodum, & fructum non percipit. Qui tamen percipit distributiones, etiam si alijs beneficijs fructibus careat, tenentur ad preces canonicas recitandas. *tom. 1. pag. 545. num. 3. & seq.*

78. Ignorantia probabilis legis, nec non inaduertentia, seu obliuio naturalis excusant ab obligatione diuini officij recitandi. Qui verò dubitat, an officium, vel aliquam Horam recitauerit, tenetur iterum recitare: quia possessio stat pro præcepto. At qui officium recitauit, sed dubitat an Psalmum aliquem, seu antiphonam omiserit, non tenetur illum Psalmum iterum recitare: sic enim via infinitis scrupulis aperiretur. *ibidem, num. 8. 11. & 12.*

# I.

## I D O L O L A T R I A.

1. **I**DOLOLATRIA propriè sumpta est cultus, quo quis alicui creaturæ tribuit honorem Dei. Ad idololatriam duo concurrunt. 1. vt idololatria eam habeat de creatura, quæ colit opinionem, quæ soli Deo conueniat, siue eam habeat expresse, siue tacite. 2. vt actu externo illam opinionem significet, ac prodat. *tom. 1. pag. 278. num. 1. & 2.*

2. Idololatria peccatum est ex suo genere grauissimum: quia, quantum in se est, tollit honorem Deo, illumque tribuit creaturæ, ac si illa esset Deus. Neque metus mortis excusat a peccato mortali, quia Dei cultum transferre ad rem creatam, & vanam, est per se, & intrinsecè malum: immò neque ignorantia excusat, quia lumine naturæ notum est, creaturam non esse pro Deo colendam. *ibid. num. 4.*

3. Qui



3. Qui ficto animo colit idolum, ut morti se eripiat, mortaliter peccat; quia committit idololatriam externam, quæ intrensecè mala est, & opere externo diuinum honorem impendit rei creatæ. Non tamen incurrit excommunicationem in Bulla Cœnæ latam contra hæreticos: quia illa fertur contra hæreticos credentes, non verò contra idololatrias solum externos: quanquam in foro externo præsumitur excommunicatus; quia præsumitur ex animo coluisse. *ibid. num. 5.*

## I E I V N I V M.

Quid sit Ieiunium.

1. Ieiunium aliud est *naturale*, quod consistit in abstinentia à qualibet re sumpta per modum cibi, aut potus; aliud *Ecclesiasticum*, quo præcipitur vnica comestio in die, id est à media nocte, ad mediam vique noctem futuram. Igitur ieiunium Ecclesiasticum, de quo hic est sermo, est voluntaria abstinentia à cibo iuxta præscriptum Ecclesiæ, vel receptam consuetudinem. Quare qui vnica refectio in die contentus est, dicitur ieiunare, quia voluntariè abstinet à cibo iuxta præscriptum Ecclesiæ, vel communem usum. *tom. 2. pag. 336. n. 1. & pag. 337. n. 6.*

2. Ieiunium Ecclesiasticum non consistit in abstinentia à potu, sed in abstinentia à cibo, qui principaliter institutus est contra famem, siue cibus sit densus, ut panis; siue liquidus, ut iusculum, lac. Et quamvis olim fideles à vino, tempore ieiunij abstinerent, ut constat ex Chrysostom. *hom. 6. ad pop. Antioch.* tamen hoc tempore nulla extat apud nos huiusmodi obligatio. Quare qui extra refectioem bibit vinum, etiam immodicum, peccat ille quidem contra temperantiam; non tamen violat præceptum ieiunij, etiam si sæpius bibat, non ad sedandam sitim, sed potius ad pellen- dam famem: quia ex communi Ecclesiæ usu non prohibetur potus. *tom. 2. pag. 337. num. 7. & 8.*

A quibus cibis abstinentum.

3. Abstinentum à carnibus tempore ieiunij inter omnes Catholicos constat. Nomine autem *carnium* intelliguntur, quæ à piscibus contradi- stinguntur iuxta commune Christianorum, aut medicorum iudicium. Esus cochlearum, & testudinum licitus est diebus ieiunij. In usu autem lacticiniorum, ouorum, butyri, & casei attendenda est locorum consuetudo, quæ est optima legis interpret. Rom. e comedens lacticia tempore ieiunij, grauius peccat, quia sic usus obtinuit. *tom. 2. pag. 338. n. 1. & 2.*

4. Qui obtinuit priuilegium vescendi carnibus in die ieiunij, debet nihilominus abstinere à multiplici refectioe, modo possit: quia priuilegi- cum sit odiosum, & contra ius commune, stricte interpretandum est.

Quippe



Quippe in ieiunio duo præcepta distincta includuntur, vnum *negatiuum*, quod consistit in abstinencia à cibis vetitis; aliud *affirmatiuum*, quo præcipitur vnica refectio; & priuilegium, quod conceditur in vno, non extenditur ad alterum. *ibid. num. 3.*

5. Adueniente necessitate vescendi cibis vetitis, per se loquendo, non est necesse petere facultatem, modò necessitas sit euidentis, & certa: quia necessitas tollit obligationem legis. Tamen ratione scandali, vel alterius circumstantiæ, fieri potest, vt licentia petenda sit. Porro in dubito an necessitas sit sufficiens, petenda est licentia ab Episcopo, vel Parocho, si Episcopus, commodè adiri non possit. *tom. 2. pag. 339. n. 5.*

6. Qui vovit certius diebus ieiunium, vel cui est à Confessario, vel Iubileo indictum, extra Quadragesimam vesci potest lacticiis, & aliis concessis. At tempore Quadragesimæ abstinendum à lacticiis etiam diebus Dominicis ob peculiare Ecclesiæ præceptum. *ibid. num. 6.*

7. Qui seruata ciborum qualitate ventrem ita replet, vt ieiunij difficultatem non modò non sentiat, nec carnem domet, sed potius libidinem excitet, ieiunij tamen præcepto satisfacit, modò vnica refectio sit contentus: quia facit id, quod præceptum est: facit tamen contra temperantiam, & finem ieiunij. *ibid.*

*An vnica refectio sumenda.*

8. Vnica refectio in die ieiunij præcipitur, teste ipsa consuetudine, nullo tamen textu id constat. Nihilominus licet sub vesperam sumere secundam refectiunculam, modò non excedatur in quantitate, alioquin non iam esset cœnula, sed cœna. In ea tamen non ita strictè prohibetur cibi qualitas; sumi enim potest in cœnula iusculum modò non sit coctum cum cibis vetitis; potest etiam comedi pisciculus, aut exigua pars piscis maioris, immò varia degustari possunt, modò in quantitate non excedatur. Denique in secunda refectiuncula, seruanda est potius quantitas, quàm qualitas, modò iis cibis non vtamur, qui tempore ieiunij in prima refectioe prohibentur. *ibid. num. 1. & 2. & pag. 340. num. 3.*

9. Excusatur etiam à veniali, qui ob vrbaneitatem, vel preces amici, vel ne potius noceat, exiguum quid sumit in die ieiunij extra refectioem, v.g. duas nuces, aut ficus, vt fieri solet, dum amicus amicum inuisit. Cauendum tamen, ne sæpius eadem die id fiat: multa enim modica continuata, possunt constituere notabilem quantitatem, quæ sufficiat ad peccatum mortale. *tom. 2. pag. 340. num. 4.*

10. Qui absque causa manè sumit refectiunculam, quæ vesperi sumi solet, dilato in noctem prandio, peccat venialiter: quia facit contra consuetudinem legitime introductam. At si ex necessitate v.g. ob iter, aut studium, aut debilitatem id fiat, culpâ vacat: sic enim apud viros doctos, & probos vsu receptum est. *ibid. num. 6.*



11. Obserua discrimen inter præceptum *negatiuum* de non sumendis cibis vetitis in die ieiunij, & præceptum *affirmatiuum* de vnica refectione sumenda, quod comedens cibos vetitos in die ieiunij, toties peccat, quoties illis vescitur, modò inter vnā, & alteram comestionem moralis distantia intercedat: at qui plures refectiones sumit, semel tantum peccat. Quia sumptis semel cibis vetitis, adhuc viget obligatio non sumendi huiusmodi cibos; præceptum quippe negatiuum obligat semper, & ad semper: sumpta verò secunda refectione, iam non potest seruari præceptum affirmatiuum de vnica refectione sumenda. *ibid. num. 7.*

12. Qui in die ieiunij, sumpsit ientaculum intentione seruiliter laborandi, aut iter laboriosum eo die suscipiendi, non tenetur eo die ieiunare, etiam si postea seruiliter non labore, aut iter non suscipiat. Idem dicendum de eo, qui ex inaduertentia, aut ignorantia præcepti, bis comedit die ieiunij, in notabili quantitate. *ibid. num. 8.*

13. Qui prætextu vrbanitatis, vel hospitalitatis eum inuitat ad cœnandum secum, quem probabiliter credit obligari lege ieiunij, & inde arripiturum occasionem nō ieiunandi, grauitur peccat: quia petit rem iniquam, & malam, quam amicus sine peccato præstare non potest. Secus, si id fiat solum causâ vrbanitatis, absque periculo violandi ieiunij. *tom. 2. pag. 341. num. 9.*

14. Caupo non potest in locis Catholicorum apponere cibos vetitos, præsertim carnes, suis hospitibus ne coöperetur ad peccatum: in locis verò hereticorum, vbi est consuetudo apponendi carnes, potest caupo carnes apponere, si petantur, & nequeat sine suo graui incommodo recusare: quia appositio carniū in die ieiunij, non est adeo mala, quin ex iusta causa cohonestari possit, modò religionis contemptus absit. *ibid.*

15. Qui ob negotium interueniens, prandium interruptit, nondum absoluta refectione, si interruptit animo continuandi, potest perfectò negotio repetere prandium: nam continuatio refectionis non constituit duplicem refectionem, sed vnā integrat, etiam si longa mora interfluxerit. Si verò interruptit animo non continuandi, non potest licitè prandium repetere: quia refectio non diceretur physice, aut moraliter continuari, consequenter duplex prædium reputaretur, nisi exigua intercessisset mora. *ibid. n. 10.*

16. Qui ieiunij legem violauit, debet in confessione aperire, an violaue-rit anticipatione horæ, an multiplici refectione, an esu ciborum vetitorum. Nam violans anticipatione horæ, iuxta probabiliorem sententiam, venialiter tantum peccat: violans multiplici refectione, mortaliter peccat, non tamen toties quoties refectionem sumit: violans verò legem ieiunij, esu ciborum prohibitorum, explicite debet in confessione, se toties cibos vetitos comedis, quia, vt supra dictum est, toties mortaliter peccauit. At qui non ieiunauit ea die, in quam duplex ieiunium incidebat, non tenetur hanc circumstantiam in confessione aperire, quia non est duplex peccatum. *ibid. num. 11.*



*De hora refectionis.*

17. Refectio in die ieiunij, sumenda est circa meridiem: dilatio tamen cum augeat difficultatem ieiunij, augeat etiam meritum. Verum hora sumenda refectionis non est de substantia ieiunij, sed est circumstantia duntaxat: quare qui prandium vna, vel duabus horis anticipat, iuxta probabilem sententiam, mortaliter non peccat, sed venialiter tantum, si anticipat absque iusta causa: qui vero anticipat ex iusta causa, ne venialiter quidem peccat. *rom. 2. pag. 342. n. 2. & seq.*

18. Qui privilegium obtinuit prandendi ante consuetam ieiunij horam, tenetur reliqua diei parte à cibis abstinere, nec censetur propterea ieiunij lege solutus: quia privilegium hoc, cum sit odiosum, non est ultra verbum proprietatem extendendum. *ibid. num. 5.*

*Quo iure ieiunandum sit.*

19. Ieiunium nullo iure diuino est inductum: nam ieiunium Quadragesimæ fuit ab Ecclesia, seu ab Apostolis institutum. Neque obstat quòd S. Ambrosius *serm. 23. 25. & 27* Quadragesimam ait à Domino indictam, & ieiunia à Christo consecrata: sic enim loquitur; quia Ecclesia occasionem præcipiendi Quadragesimam sumpsit ex Christi exemplo. *ibid. n. 1.*

20. Ieiunium est de iure Ecclesiastico, & canonico: vnde sequitur aliquem posse à ieiunio eximi etiam per totam vitam, auctoritate Papæ, quamvis illud privilegium sine causa concedatur. Quia Summus Pontifex in iure canonico dispensare potest. *ibid.*

21. Obligatio ieiunij per consuetudinem induci, & tolli potest: quia legitima consuetudo vim habet legis, & re ipsa quadam ieiunia fuerunt per consuetudinem abrogata, vt ieiunium Rogationum, Aduentus, quartæ, & sextæ feriæ. Hinc sequitur vescentes butyro, & lacte in Quadrages. excusari à peccato, vbi illa consuetudo inoleuit. *ibid. num. 2.*

*Quinam teneantur ieiunare.*

22. Quilibet Christianus compositionis completo 21. anno tenetur serquare ieiunia ab Ecclesia præscripta: neque potest quis per alium ieiunare; quia obligatio ieiunij est personalis. Potest tamen ieiunium alteri prodesse quoad satisfactionem. *rom. 2. pag. 343. num. 1. & 2.*

23. Qui aliquo die ieiunare non potest, non tenetur aliquid aliud loco ieiunij persolvere, vel alio die ieiunare, nisi fortè virtute alicuius privilegij transfulerit ieiunium in alium diem; quia obligatio ieiunij est affixa diei, & transit cum ipso die. *ibid. num. 3.*

24. Religiosi non tenentur ad ieiunia, quæ seruantur in oppido, vbi habent



bent monasterium, si ea sint tantummodò per consuetudinem particularem introducta. Ieiunia verò generali consuetudine recepta, seruanda sunt à religiosis; quia consuetudo generalis omnes obligat. Porro ieiunia ab Episcopo præscripta, religiosos non obligant in ea diocesi commorantes; quia religiosi exempti sunt ab Episcoporum iurisdictione. *ibid. n. 5.*

*Causæ à ieiunio excusantes.*

25. Prima causa à ieiunio excusans est impotentia. Excusantur autem: ob impotentiam. 1. infirmi, & conualescentes, quibus vnica refectio in die non sufficit. 2. excusantur feminae prægnantes, aut lactantes: tenentur tamen à carnibus abstinere, nisi forte prægnans, vehementer appetat carnem, cum periculo abortiendi, & eiciendi foetum, nisi eius desiderio satisfiat. 3. senes saltem septuagenarii, imò etiam sexagenarii, vt multorum fert opinio; verum sexagenarii non videntur à ieiunio eximendi, nisi sint debiles, vel infirmi. 4. pauperes, qui ob inopiam carent alimento sufficienti ad vnica in refectionem; imò vesci possunt carnibus, si nihil aliud habent quod edant. 5. adolecentes qui 21. annum nondum impleuerunt; quia ob teneram ætatem, & caloris abundantiam frequenti indigent refectioe; non tamen possunt vetitis cibis vesci; *tom. 2. pag. 444. num. 1. & seq.*

26. Secunda causa excusans à ieiunio est labor, cum quo non sufficit laboranti vnica refectio. Vnde sequitur eos, qui opera laboriosa exercent, necita sunt robusti, vt ea exercentes ieiunare possint, à ieiunio excusari, non tantum eo die, quo laborant, verum etiam eo die, quo laborem intermittunt; vt si superveniat dies festus, vel alia occupatio, quæ ex se non afferat impedimentum ieiunio: excusandi enim sunt à ieiunio, si ieiunando graue sentiant incommodum ob laborem præcedentis diei, aut si redderentur minus apti ad laborem sequenti die suscipiendum. Excusantur item, qui longum iter pedestre suscipiunt. Attonsores, sartoires, pictores, scholares, & alij, quorum est exiguus labor, à ieiunio non excusantur. *tom. 2. pag. 345. num. 8.*

27. Tertia causa excusans à ieiunio sunt opera pietatis, & misericordie, quæ cum ieiunio exerceri non possunt. Ideò qui concionantur, vel administrant sacramenta, vel visitant infirmos, vel ornant templa, &c. à ieiunio excusantur, etiam si hæc opera ob mercedem suscipiantur. Excusatur item à ieiunio mulier, quæ metu incommodæ valetudinis, aut deformitatis, vel metu viri, non finitur ieiunare. Item maritus à ieiunio excusatur, si nequeat reddere debitum ieiunando. *ibid. num. 13. & 14.*

28. Facultas non ieiunandi, per se loquendo, petenda est ab Episcopo: quia ad ipsum pertinet dispensatio iuris communis, in iis casibus qui frequenter accidunt. Parochus autem, seu alius, præcisa consuetudine, non potest dispensare; quia potestatem non habet supra ius commune. *ibidem num. 8.*

*Imago*



## Imago.

1. S<sup>AN</sup>CTUS D.N. Vrbani VIII. in Generali Congregatione sanctæ Inquisitionis præcepit sub pœna suspensionis, ne imagines eorum, de quibus fama, vel opinio sanctitatis, vel martyrij inualuit, publicè proponantur cum laureolis, aut radiis antequam canonizentur, vel beati declarentur à Sede Apostolica: nè libri continentes eorum gesta, miracula, reuelationes, &c. imprimantur sine recognitione, & approbatione Ordinarij, nè tabellæ, aut imagines ex cera, aut alia materia ad eorum sepulcra appendantur, aut lampades, vel lumina accendantur, nondum facta, ab Ordinario recognitione, eaque à Sede Apostolica approbata. Excipiendi tamen sunt ab hac Bulla viri sanctimonia conspicui, qui communi Ecclesiæ consensu, vel tempore immemorabili coluntur tolerantia Sedis Apostolicæ, vel Ordinarij. *disp. 3. quæst. 6. punct. 7. tom. 3.*

2. Vfus sacrarum imaginum licitus est, & honestus, vt constat ex Concilio Tridentino *sess. 25. ex vfu Ecclesiæ*, & ex innumeris miraculis, quæ Deus per sacras imagines efficere consuevit. Imagines Dei, & Angelorum, qui sunt incorporei, permittendæ sunt, non vt Deum, & Angelos representent secundum propriam similitudinem, sed per quandam metaphoram, vel vt aliquando apparuerunt. *tom. 2. pag. 144. n. 1. & 2.*

3. In adoratione imaginis, ipsa imago propriè adoratur: est enim terminus adorationis, quippe coram ipsa caput aperimus, genua flectimus, &c. Hæc tamen adoratio non est absoluta, sed respectiua; colitur enim propter excellentiam illius, quem nobis refert. Imago autem cum suo prototypo, seu exemplari, & exemplar in imagine adoratur: volens enim Christum adorare, osculando ipsius crucem, apprehendit Christum, vt pendentem in Cruce, consequenter apprehendit Christum, & Crucem per modum vnius, & vno adorationis motu per se primò tendit in Christum, in imaginem verò, seu Crucem concomitanter, & propter Christum. *ibid. num. 3. & 4.*

4. Signum Crucis adorandum est adoratione latriæ, sicut adorantur spinæ, lancea, clauis, &c. quæ Christum tetigerunt; & hæc adoratio dicitur respectiua. Item adorandi essent capilli capitis Christi, aut aliqua Sanguinis portio, si fortè extaret aliqua, quæ non fuisset reassumpta à Christo rediuiuo. *ibid. num. 6.*

## Incendiarius.

1. I<sup>N</sup> cap. *tua nos, de sentent. excomm.* habetur excommunicatio contra incendiarios, idcirco conferuntur cum percussoribus clericorū. Hæc autem excommunicatio incurritur *ipso facto*, estque reservata Summo Pontifici, postquam incendiarius denunciatus est excommunicatus, T etiam si



etiam si non fuerit nominatim expressus; sufficit enim generalis publicatio excommunicationis contra incendiarios. Non est tamen improbabilis eorum sententia, qui asserunt istam excommunicationem non esse latae sententiae, sed ferendae. *disp. 2. quest. 3. punct. 43. pag. 256. 257. tom. 3.*

2. Dicuntur incendiarii qui scienter, & pravo animo contra iustitiam incendunt; qui enim præter intentionem est causa incendiij, non solet incendiarius appellari, etiam si forte ex negligentia mortali sequutum sit incendium. *ibid. pag. 257. tom. 3. num. 3.*

3. Episcopi vi huius constitutionis præcisè non tenentur sententiam excommunicationis ferre, seu excommunicationem publicare contra incendiarios; quia nullum ibi legitur verbum præceptum; propterea id relinquitur arbitrio, & prudentia Episcoporum. *ibid. num. 7.*

### Incestus.

1. Incestus est congressus cum persona cognata intra gradus, in quibus non potest matrimonium celebrari. Non potest autem matrimonium contrahi cum cognatis cognatione legali, vel spirituali, vel cognatione consanguinitatis, vel affinitatis, usque ad quartum gradum. Quare si quis copulam habeat cum filia, quam adoptavit, vel quam suscepit in Baptismo, committit incestum. *tom. 1. pag. 326. num. 1. & 2.*

2. Hoc peccatum est gravissimum, ut constat ex 1. *Corinth. 5.* eoque gravius, quod persona, cum qua copula habetur, est coniunctio. Omnes tamen incestus sunt eiusdem speciei, & differunt tantum secundum magis, & minus: nihilominus gradus incestus est in confessione aperiendus; quia licet circumstantia aggravans non sit necessario exprimenda in confessione; tamen qualitas personæ, cum qua copula est habita, non est circumstantia actus, seu peccati; sed potius illius obiectum, & quid pertinet ad substantiam actus spectati in individuo; illum enim constituit in suo esse individuali. *tom. 1. pag. 327. num. 4. & seq.*

3. Copula inter Confessarium, & poenitentem, non est incestus, ac proinde non est circumstantia necessario in confessione exprimenda: quia sacramentum Confessionis non inducit propriè cognationem spiritualement cum nupiam in iure expressa inueniatur. Si tamen Confessarius sollicitet poenitentem in confessione, committit sacrilegium, necessario in confessione aperiendum, ob gravissimam irreuerentiam irrogatam Sacramento. *ibid. num. 8.*

4. Incestus commissus cum consanguinea vxoris, duos saltem parit effectus. 1. est, ut ille, qui commisit incestum, non possit petere debitum à coniuge propter affinitatem: nam qui habet copulam cum consanguinea vxoris in primo, vel secundo gradu, sit ei affinis in eodem gradu. 2. effectus est, ut post mortem vxoris, non possit aliam ducere, aut si ducat, multi censent non posse debitum ab ea petere absque dispensatione, quam potest Episcopus concedere. *tom. 2. pag. 328. num. 1. 1.*



## I N D V L G E N T I A .

*Indulgentia quid, & quoruplex.*

1. **I**ndulgētia est relaxatio pœnæ temporalis debite pro peccatis actua-  
libus iam dimissis, quæ homini existenti in gratia conceditur à Præ-  
lato per applicationem thesauris Ecclesiæ, qui constat non solum ex infi-  
nitis Christi meritis; sed etiam ex Sanctorum satisfactionibus ipsis super-  
fluis: Cum enim multi Sancti plus satisfecerint, quàm ipsi indigerent, ip-  
sorum satisfactiones superabundantes in thesauro Ecclesiæ conferuantur  
per legitimum Prælatum dispensandæ. Vnde patet esse in Ecclesia the-  
saurum, id est, abundantiam meritorum Christi, & Sanctorum exube-  
rantes in satisfactione, simulque esse in Ecclesia potestatem concedendi  
indulgentias, & remittendi pœnas, quæ peccatis debentur. Porro hic Ec-  
clesiæ thesauris ante Christi aduentum inchoatus fuit; nullus tamen illius  
vltus fuit in veteri lege. *rom. 1. pag. 199. n. 1. & seq.*

2. Indulgentia duplex est, *plenaria, & temporalis*. Per plenariam re-  
mittitur tota pœna simpliciter, vel in aliquo genere certo. Per tempora-  
lem non remittitur tota pœna, sed tanta, quanta in Bullis exprimitur. Hinc  
collige, quando in Bulla conceditur indulgentia septem annorum, aut 40.  
dierum, significari, hominem, qui consequitur talem indulgentiam, obti-  
nere tantam pœnæ remissionem, quantam obtinuisset, si tanto tempore  
pœnitentias iuxta canones egisset: non autem esse hunc sensum, per con-  
secutionem talis indulgentiæ hominem liberari à pœnis in Purgatorio per  
septem annos, aut 40. dies luendis. *rom. 1. pag. 200. n. 1. & 2.*

3. Iubilæus ab Indulgentia plenaria, & plenissima non differt, nisi quòd  
in Iubilæo concedi solet facultas commutandi vota, & absolvendi à casti-  
bus reservatis. Inchoatur autem Iubilæus Romæ à primis Vesperis Nati-  
vitatibus Domini, post apertas portas, & durat vsque ad annum subsequen-  
tem post clausas portas, nisi prorogatio à Summo Pontifice concedatur.  
In anno Iubilæi suspenduntur reliquæ indulgentiæ, immò & facultates ab-  
solvendi à casibus Summo Pontifici reservatis. Denique Iubilæus obti-  
neri potest in anno sancto toties, quoties eo anno fiunt opera præscripta;  
ita enim declaravit S. D. N. Urbanus VIII. *ibid. num. 5.*

*Indulgentias quis concedere possit.*

4. Solus Summus Pontifex potest primario concedere Indulgentias;  
alijs verò quatenus ipsis à Summo Pontifice conceditur Episcopis cum li-  
mitatione, vt patet in dedicatione Ecclesiæ, in qua Episcopi concedunt in-  
dulgentiam vnius tantum anni, & in anniuersario dedicationis, indulgen-  
tiam 40. dierum. Item Episcopi non habent ius concedendi indulgentiam



pro mortuis; ipforum enim facultas videtur à Sede Apostolica restricta ad illorum subditos in hac vita degentes. *tom. 1. pag. 201. n. 1. & seq.*

5. Episcopus in peccato mortali existens, immò excommunicatus, (mòdò non sit denunciatus, seu vitandus) potest validè concedere Indulgentias; quia non amisit iurisdictionem. Potest etiam hanc facultatem concedendi Indulgentias non tantùm suo Vicario, sed etiam clerico demandare; quia hæc facultas competit Episcopis iure ordinario, ergo possunt eam delegare: Solus tamen Pontifex, de plenitudine suæ potestatis, potest eam facultatem laicis delegare; quia solus potest in iure communi dispensare. *ibid. num. 8. & seq. & pag. 202. num. 13.*

6. Episcopus frui potest indulgentiis, quas aliis concedit; neque enim est deterioris conditionis, quàm alij; non tenetur tamen opus generaliter iniunctum præstare, sed secum potest hac in parte dispensare, faciendo aliud opus pium, loco illius. *pag. 202. num. 16. & 17.*

7. Clerici, etiam Cardinales, qui non sunt Episcopi, non possunt indulgentias concedere; quia non sunt Ecclesiastici thesauri dispensatores, nisi ad id facultatem obtineant. Neque Capitulum Sede vacante; quia non succedit Episcopo in potestate extraordinariæ iurisdictionis, saltem in iis, quæ sunt reservata Episcopali dignitati. *ibid. n. 22. 23.*

8. Licet Abbas possit efficere alios participes satisfactionum, & orationum, quæ sunt in religione; nulli tamen potest indulgentias concedere, tametsi in suis locis iurisdictionem obtineat Episcopalem; quia non est thesauri Ecclesiastici dispensator. *ibid. n. 19. & 26.*

9. Indulgentia concedendæ non sunt absque iusta causa, cuiusmodi est honor Dei, utilitas Ecclesiæ, bonum commune, &c. Pro quolibet autem actu pio etiam leuissimo, validè possunt indulgentiæ à Summo Pontifice concedi: experientia enim constat plenarias indulgentias aliquando pro leuissimo opere concedi, vt pro oratione Dominica, & Angelica; & frustra concederentur indulgentiæ si ad ipsarum consecutionem, necessarium esset opus æquiualens. Immò Summus Pontif. aliquando concedere potest indulgentias absolutè, nullum opus requirendo, vt si defuncto de Ecclesia optunè merito indulgentias applicet. *ibid. num. 1. & pag. 203. num. 2. & seq.*

#### Indulgentiarum susceptor.

10. In suscepturo indulgentiam requiritur Baptismus, & fides; vnde patet hæreticos, & apostatas à fide non esse indulgentiarum capaces. Excommunicato autem licet contrito, indulgentiæ prodesse nõ possunt; quia vna ex penis excommunicationis est priuatio communium Ecclesiæ suffragiorum, & bonorum, quo in genere sunt indulgentiæ. *tom. 1. pag. 203. 204. num. 1. & seq.*

11. Suscepturus indulgentias debet esse in gratia; quia non potest remitti pena,



ti poena, nisi prius remissa culpa. Si verò in Bulla exprimaturs confessio, nona sufficit suscepiendum esse in gratia per contritionem, sed necessaria est confessio, saltem si sibi sit conscius peccati mortalis. At si post ultimam confessionem, poenitens nullum commisit peccatum mortale, nec recordatur alicuius nondum per confessionem expiati, non est necesse ad consequendam indulgentiam confiteri; quando enim in Bulla exprimitur confessio, sermo est de confessione respectu illius, qui conscientia habet peccati mortalis, nisi aliud exprimaturs, si quidem confessio simpliciter dicta, ex communi Ecclesiae usu intelligitur confessio mortalium. pag. 204. numero 4. & seq.

12. Qui tempore Iubilaei confessus est peccata, sed incidit postea in peccatum mortale, vel recordatur alicuius peccati mortalis, antequam cetera opera in Iubilaeo praescripta adimpleat, non obligatur ad novam confessionem; nam videtur adimpleuisse conditionem in Iubilaeo praescriptam, cum semel rite confessus sit, consequenter potest indulgentiam consequi, si de peccato mortali post ultimam confessionem commissio eliciat actum contritionis. *ibidem num. 9.*

13. Non est necesse, ut consequatur indulgentiam sit in gratia toto eo tempore, quo praestat singula opera praescripta; sed sufficit, ut si in gratia dum facit ultimum opus, quo posito obtinetur indulgentia, quia opus praescriptum non debet necessario esse satisfactorium, sed tantum est conditio, qua posita Summus Pontifex applicat indulgentias. *ibidem numero 10.*

14. Qui in statu peccati mortalis praestitit ultimum opus praescriptum ad consequendam indulgentiam, expiato deinde peccato per poenitentiam, non consequitur indulgentiam: quia sicut Sacramenta non reuiuiscunt, quando in ipsorum susceptione appositum fuit impedimentum repugnans substantiae Sacramenti; ita neque indulgentia reuiuiscit, cuius essentiae, & naturae repugnat status peccati mortalis. *rom. 1. pag. 205. num. 13.*

15. Qui facit honestum opus praescriptum in Bulla, v. g. qui largitur elemosynam tantum ob vanam gloriam, non consequitur indulgentiam, quia iam non est opus honestum: secus si ob vanam gloriam, & ob finem aliquem honestum. *ibid. num. 15.*

16. Licet ovis, & lactiniis uti, iuxta locorum consuetudinem, quando pro obtinendo Iubilaeo inducitur ieiunium extra Quadragesimam; quia abstinentia ab ovis, & lactiniis non est de essentia ieiunij. *ibid. num. 16.*

17. Qui cupit indulgentiam consequi, debet opus praescriptum per se ipsum adimplere; superior enim eam concedit sub hac conditione: Quamobrem qui curat coronam per alium recitari, aut Ecclesiam visitari, non consequitur indulgentiam concessam recitantibus coronam B. Virginis, aut visitantibus Ecclesiam; istae enim sunt actiones personales. Secus dicendum de elemosyna, quae licet per alium fiat, fieri censetur ab eo, cuius nomine fit. *rom. 1. pag. 206. num. 24.*



18. Qui vult obtinere Indulgentiam concessam visitantibus quinque altaria, non tenetur ad singula accedere, sed potest ex eodem loco indulgentiam consequi orando versus quinque altaria. *ibid. num. 25.* Item qui orat ante fores Ecclesiæ, cum præ turba ingredi non possit, consequitur indulgentiam concessam visitantibus Ecclesiam. *num. 26.*

19. Potest indulgentia obtineri per opus aliquod internum, vt per examen conscientia, per inuocationem nominis IESV in articulo mortis, quæ fit mente, cum ore fieri nequit, &c. experientia enim constat eiusmodi opera interna à Summo Pontifice præscribi ad consequendam indulgentiam. *ibid. num. 28.*

20. Probabile est vno, & eodem actu, seu eadem oratione nos consequi non posse indulgentias diuersis viis concessas, vt si quis habeat plura grana benedicta diuersis benedictionibus, seu à diuersis Summis Pontif. & in singulis granis concessus sit annus indulgentiæ recitanti Orationem Dominicam, videtur enim per orationem illam semel recitatam, non posse plures annos indulgentiæ obtineri, sed toties esse recitandam, quot sunt grana. *ibid. num. 29.*

21. Potest quis vno, & eodem tempore diuersis actibus consequi plures indulgentias, quando vnus actus non impedit alium, sed vterque simul subsistere potest; v. g. si concedatur vna indulgentia audienti missam, & alia diuinum officium recitanti, potest vtramque consequi, qui dum Missam audit, simul recitat officium; duobus enim illis operibus duplex indulgentia respondet, neque obstat circumstantia eiusdem temporis; est enim, quid extrinsecum. *tom. 1. pag. 107. n. 31.*

22. Non opus est, vt volens Iubileum obtinere, omnia pia opera præscripta faciat vnâ, & eâdem hebdomadâ: nam, iuxta communem sententiam, potest quis in prima hebdomada ieiunare, eleemosynam erogare, Ecclesias visitare, dilata confessione, & communione in Duminicam proximè sequentem, quamvis hæc præcipuè in Bulla præscribantur. *ibidem. num. 34.*

#### Indulgentia pro defunctis.

23. Animæ fidelium in Purgatorio duplicem pœnam patiuntur; Altera dicitur *pœna damni*, estque præcipua, quæ consistit in priuatione visionis Dei, qui est summum hominis bonum. Altera dicitur *pœna sensus*, quam animæ ab igne patiuntur. Quomodo autem verus ignis agere possit in animas corporibus exutas, nulli mortalium est reuelatum. *tom. 1. pag. 208. num. 2. & 3.*

24. Indulgentiæ quamvis plenariæ non prosunt defunctis per modum iudicij; quia Ecclesia non habet iurisdictionem, aut iudiciariam potestatem in animas in Purgatorio detentas, cum sint extra forum Ecclesiæ: sed prosunt per modum suffragij, id est, per modum auxilij, & adiutorij Ecclesiastici illis applicati. *ibid. num. 4.*



52. Qui facit opus ad consequendam indulgentiam pro defuncto, non est necesse, ut sit in gratia; quamvis enim existens in peccato mortali, non possit suis operibus satisfacere pro se, aut pro alio; nihilominus potest indulgentiam pro defuncto lucrari, si faciat opus præscriptum; tunc enim ipse non dicitur satisfacere, sed facere opus, quo posito Summus Pontifex applicat defuncto indulgentiam, id est, satisfactiones Christi, & Sanctorum. *ibidem num. 11.*

26. Homo in hac vita degens, potest indulgentiam alteri homini item viventi lucrari, si hoc in Bulla exprimat: etiam si non adsit consensus, & scientia illius, cui applicatur, cum passivè se habeat, ut patet à simili de animabus Purgatorii. *tom. 1. pag. 209. num. 12.*

27. Indulgentia pro defuncto accepta tantum illi prodest, quantum profuisset accipienti, si eam sibi applicasset. Quare si indulgentia est plenaria, prodest defuncto ad remissionem omnis poenæ, modo Deus eam acceptet. Hic autem quæri potest, cur accepta una indulgentia plenaria pro defuncto, alia de novo, atque alia eidem applicetur. *Respond. 1.* quia fieri potest, ut aliquis defectus interuenerit in concessione indulgentiæ, ut si concessa sit absque vlla causa. *2.* quia potest contingere defectus ex parte accipientis indulgentiam, propter quem fiat irrita. *3.* quia fieri potest, ut Deus indulgentiam non acceptarit; nam indulgentia non habet infallibilem effectum respectu animæ defuncti. Hinc fit ut indulgentiæ iisdem defunctis sæpius applicentur, ut repetitis suffragiis, à poenis eruantur. *ibidem num. 14. & 15.*

Indulgentiarum valor.

28. Qui moritur statim post obtentam indulgentiam plenariam, nullâ interiectâ morâ, ad cælum euolat: quia indulgentiæ tantum valent, quantum sonant, indulgentia autem plenaria sonat remissionem omnis poenæ. *ibid. num. 1. & 2.*

29. Qui alienam habet coronam, seu granum benedictum inuentû, vel sibi commodatum, potest eandem consequi indulgentiam, quam dominus illius coronæ, seu grani consequeretur; modo coronam, seu granum apud se habeat, non verò domi tantum. *ibid. num. 2.*

30. Probabile est concessionem indulgentiæ, quando constat de potestate concedentis, latè explicandam esse, quantum verba patiuntur; quia hæc concessio est fauor; at fauor, & beneficium Principis latè explicandum est, quantum fieri potest sine præiudicio tertij. *ibid. num. 4.*

31. Indulgentiæ durant iuxta intentionem concedentis, & non ultra. Quare indulgentia absolutè concessa, per se loquendo, perpetuò durat, neque expirat morte concedentis. Indulgentia concessa communitati, durat quamdiu manet communitas, neque desinit cum personis singularibus. Quando Ecclesiâ destructâ, alia in eodem loco reedificatur, adhuc durat



indulgentia illi loco concessa. Quando templum, debita auctoritate, aliò transferatur, indulgentia illi templo concessa, vnà cum templo transferatur: fecus si indulgentia cōcessa sit situi, & solo. *tom. 1. pag. 210. 211. n. 1. & seq.*

32. Solent indulgentiæ plenariæ anno Iubilæi suspendi, vt fideles Romanenses conferant ad consequendas Indulgentias. Tamen S. D. N. Vrbanus VIII. viua voce declarauit anno Iubilæi 1625. non suspendi vllas vrbis indulgentias. Item non suspendi vsquam terrarum indulgentias in articulo mortis concessas. Item nusquam suspendi indulgentias pro defunctis. Item non tolli à priuilegiatis facultates & priuilegia absoluendi, exceptis iis, quæ concedi aliàs solent ratione indulgentiarum. *pag. 210. n. 2.*

33. Successor potest indulgentias ab antecessore concessas reuocare; nam vt succedit dignitati, ita & potestati. Inferior verò non potest reuocare à superiore concessas. Quamobrem Episcopus indulgentias à Sede Apostolica concessas reuocare nequit. Reuocata indulgentiâ non statim extinguitur, antequàm reuocatio perueniat ad aures eorum, quibus concessa fuerat. Vnde sequitur eum, qui inuincibiliter ignorans reuocationem indulti sibi concessi, bona fide confessus est peccata referuata, vel censuras, remanere absolutum virtute indulti. *tom. 1. pag. 211. num. 7. & 8.*

34. Indulgentia perpetua concedi potest ob causam temporalem; quare cessante causa, ipsa non cessat. Indulgentia autem pro mortis articulo concessa, semel accepta non expirat, nisi id exprimatur in Bulla; sed adhuc licet eâ frui, nouo mortis articulo superueniente: quia propositio indefinita æquiualeat vniuersali. *ibid. num. 11.*

35. Qui facultatem habet eligendi Confessarium, à quo virtute indulgentiæ, absoluitur in articulo mortis, capax est absolutionis, & indulgentiæ, etiam si postquam petiit confessionem, sensibus destituatur; cum enim, vt suo loco diximus, sit capax sacramenti Pœnitentiæ, quidni erit capax indulgentiæ, cum sit viator? *ibid. num. 13.*

## INFIDELIS.

### *Infidelium fautores.*

1. **D**eferentes, vel transmittentes equos, arma, ferrum, filum ferri, stannum, chalybem, omniaque alia metallorum genera, item lignamina, canapem, funes, ipsamque materiam funium, & alia id genus, quibus infideles, & Catholicæ religionis hostes, Christianos, & Catholicos impugnant, excommunicationem 7. Bullæ Cœnæ incurrunt. Item deferentes, vel transmittentes pecunias, quæ sunt nerui belli, & victualia eo tempore, quo vsui esse possunt ad bellum Christianis inferendum, eadem excommunicationis pœna percelluntur. *disp. 1. quest. 2. punct. 2. pag. 30. tom. 3.*

2. Eadem censura comprehenduntur Christiani militantes in castris, vel nauibus infidelium contra Christianos: Qui Christianæ fidei hostibus, & hære-



& hæreticis auxilium, consilium, vel fauorem in damnum Christianorum quomodolibet præstant. Qui vendunt arma Iudæis, quando est probabilis suspicio arma ab ipsis emi in damnum Christianorum, vt scilicet ea transmittant ad alios infideles. Qui tradunt, vel tradi consulunt arcem, vel oppidum infidelibus: hi enim omnes adiuuant infideles contra Christianos. *ibid. pag. 31. 32. tom. 3.*

3. Qui per se, vel per alios certiores faciunt Christiani nominis hostes, & hæreticos de rebus pertinentibus ad statum alicuius Reip. Christianæ in damnum Christianorum, & religionis Catholicæ, in eandem censuræ pœnam incurrunt; v. g. qui admonet infideles talem arcem non esse bene munitam, & facile capi posse: qui hæreticis significat in tali vrbe magnam esse annonæ charitatem, quo cognito hæretici illam vrbem sunt occupaturi, &c. hæc enim omnia cedunt in damnum rei Christianæ. *ibid. pag. 32. tom. 3.*

4. Ab hac censura incurrenda excusare potest paruitas materiæ, quia non incurritur excommunicatio, nisi ob grauem culpam: illa autem censenda est leuis materia, ex qua leue damnum timetur: v. g. qui titulo gratitudinis donaret infideli pugionem, galeam, arcum, &c. non ligaretur hac censura ob materiæ paruitatem. *ibid. punct. 4. pag. 34. num. 1. tom. 3.*

5. Qui arma ad infideles detulit, vel deferri mandauit non ligatur hac censura, nisi arma ad ipsos perueniât: quia translatio non dicitur perfecta, donec res perueniât ad eum, ad quem destinatur. *ibid. num. 2.*

6. Qui Turcas aliôsve infideles, aut hæreticos certiores facit de rebus ad Reip. Christianæ statum pertinentibus quæ iam ipsis notæ erant modò nihil addat nouit, non incurrit excommunicationem. Quia non facit actum completum sub censura prohibitum, neque enim propriè dicitur certiores facere infideles de rebus Christianorum, cum ipsi iam essent certi. Sic à peccato detractionis excusatur, qui de occulto alterius delicto loquitur cum eo, cui iam erat notum. *ibid. num. 5.*

7. Metus grauis damni ab hac censura excusat, nisi forte grauius Reipublicæ Christianæ damnum præponderet: quia Ecclesia nunquam obligat sub excommunicatione cum graui damno, vel incommodo. Hinc sequitur Christianum in nauibus Turcarum metu mortis remigantem excusari ab hac censura, quia metu graui compulsus exercet actionem ex se indifferentem. Idem dicendum de iis, qui naues armis onustas, aut arcem armis instructam metu mortis aufugientes dimittunt, itavt ab infidelibus in damnum Christianorum capiatur. *ibid. num. 6. & 7.*

8. Qui vi tormentorum adactus detegit infidelibus ea, quæ ad statum Reipublicæ Christianæ pertinent, si potest verbis amphibologicis eludere interrogantes, & sic tormenta euadere, incurrit censuram Bullæ, detegendo: quia is non dicitur grauem metum pati, qui facile potest se ab eo liberare. Si non potest eludere, & rationabiliter credit se acriter torquendum si detegat, probabile est non ligari censurâ detegendo; quia grauis metus



metus excusat. *ibid. pag. 34. 35. num. 9. tom. 3.*

9. Grauis est controuersia, vtrum excommunicationem incurrat, qui fauorem, vel auxilium præstat infidelibus, & hæreticis contra Principem Christianum ad eius vires imminuendas, ne ita potens fiat, vt ei resisti nequeat. Suppetunt in vtramque partem probabiles rationes; affirmatiua, tamen sententia probabilior videtur: quia Summus Pontifex in sua Bulla, excommunicat eos, qui infidelibus vel hereticis à Sede Apostolica denunciati auxilium vel fauorem quomodolibet præstant, quæ loquendi forma excludere voluit omnem tergiversandi rationem. *ibid. num. 10.*

10. Qui deferunt ad infideles arma, pecunias, vel alia pro redemptione captiuorum, non subiacent huic censuræ, modò redimere nequeant captiuos aliis rebus non prohibitis: quia hic casus per epikèiam exceptus est, cum Christiani maximum commodum percipiant ex redemptione captiuorum. *ibid. num. 11.*

11. Qui ex priuilegio Summi Pontificis arma, vel alia prohibita deferunt ad infideles, non ligatur hac censura, modò in ipso priuilegio huius prohibitionis quæ est in Bulla Cænæ, expressa mentio fiat: quia legislator potest in sua lege dispensare. *ibid. pag. 36. num. 15. tom. 3.*

12. Præter excommunicationem sunt aliæ pœnæ in iure latæ contra eos, qui res prohibitas deferunt ad Saracenos: nam bonis priuandi sunt, & in seruitutem redigendi, si capiuntur, laborant perpetua infamia, sunt incapaces testamenti, & inhabiles ad successiones, & publica officia, tanquam excommunicati, & fidei Catholicæ hostes sunt publicè denunciandi. *ibid. num. 17.*

13. Pius V. in Bulla 149. quæ incipit, *Licet omnibus notissimum*, excommunicationem tulit contra capiètes Christianos in terris Turcarum, aut cogentes eos ad remigandum, aut taleam ipsis imponentes, aut ipsorum bona diripientes, quicumque illi sint. *disp. 2. quæst. 3. punct. 46. pag. 258. tom. 3.*

### Inquisitio. Inquisitores.

1. Pius V. in Extrauag. quæ incipit, *Si de protegendis*: estque 83. excommunicationem tulit contra eos, qui occiderint, aut vexauerint quemlibet ex inquisitoribus, officialibus ac ministris officij S. Inquisitionis, vel Episcoporum hoc munus exercentium, seu qui accusatorem, aut testem in causa fidei occiderint, verberauerint, aut perterrefecerint, quive Ecclesias, ædes, aliasve res ad officium aut ministros pertinentes inuaserint, incenderint, expilauerint, aut libros combusserint, &c. *disp. 2. quæst. 2. punct. 13. pag. 165. tom. 3.*

2. Qui auxilium, consilium, aut fauorem in quolibet prædictorum, scienter præstiterit, licet nemo occisus, nemo verberatus, nihil extractum, nihil expugnatum, nullum denique damnum sequutum fuerit, eodem ex-

commu-



communicationis vinculo innodatur; sic enim habetur in Bulla. *ibid. n. 4.*

3. Præter excommunicationem, aliis etiam pœnis afficiuntur delinquentes; damnantur enim crimine læsæ maiestatis, priuantur dominio bonorum, ipsorum filij efficiuntur infames, &c. *ibid. num. 5.*

4. Hæc excommunicatio non est reservata.

5. In cap. *Vi Inquisitionis* 18. de hæreticis in 6. habetur excommunicatio contra dominos temporales resistentes Episcopis, & Inquisitoribus quando ab eis requiritur vt curent inuestigari, capi, ac diligenter custodiri hæreticos, eorum credentes, fautores, receptores, & defensores. *dispur. 2. quest. 10. punct. 8. pag. 215. num. 1. & 2. tom. 3.*

6. Quoties inter Inquisitorem, & Episcopum dissensio suboritur, vno volente condemnatum de hæresi puniri, altero renuente, domini temporales debent superfedere, donec Summus Pontif. consulatur; quia non est maior ratio, cur vni potius quàm alteri obediat, nisi ex Summi Pontif. declaratione constaret præcipuum ius procedendi pertinere ad Inquisitorem, Episcopum verò habere tantum ius suffragij. *ibid. num. 5.*

7. Eandem excommunicationem incurrunt Iudices sæculares cognoscentes de crimine hæresis, cum sit merè Ecclesiasticum, & liberantes à carcere captos pro crimine hæresis absque licentia, seu mandato Inquisitoris, vel Episcopi; aut renuentes executionem ab iis iniunctam quamprimum adimplere. *ibid. nu. 5. & seq.* Excommunicantur item impediētes directè vel indirectè iudicium seu processum Inquisitoris, aut Episcopi, contra crimen hæreseos; aut prædictis auxilium, consilium, vel fauorem scienter dantes. *ibid. num. 9. & seq.*

8. Pius V. in Bulla, quæ incipit, *Sanctissimus D. N.* sub excommunicatione latæ sententiæ, & aliis pœnis arbitrariis iniungit omnibus Magistratibus, vt Cardinalibus Congregationis S. Inquisitionis pareant illis, quæ ad officium S. Inquisitionis spectant. *ibidem punct. 6. pag. 316. tom. 3.*

9. In Clement. 2. de hæreticis, fertur excommunicatio contra Inquisitores & commissarios ipsorum, & Episcoporum seu Capitulorum extorquentes pecuniam prætextu officij Inquisitionis; aut applicantes fisco bona Ecclesiæ. *ibid. punct. 10.* Hæc autem excommunicatio respectu illius, qui pecuniam extorsit, reservata manet donec satisfecerit; post satisfactionem verò tollitur reservatio. *ibid. pag. 317. num. 9. tom. 3.*

10. In Clement. 1. §. *Verum, de hæreticis.* fertur excommunicatio contra Inquisitores, & alios S. Inquisitionis officiales, inferiores Episcopis, qui propter odium, gratiam, amorem, vel lucrum, seu commodum temporale non procedunt contra suspectos, vel diffamatos de hæresi, vel qui temerè vexant aliquem imponendo illi notam, vel suspicionem hæresis. Episcopi verò aut superiores Episcopis facientes contra huius Clementinæ dispositionem, incurrunt penam suspensionis ab officio per triennium. Hæc excommunicatio reservata est Summo Pontifici: Idem probabili-



ter dicendum de suspensione. *disp. 2. quæst. 7. punct. 5. pag. 286. tom. 3.*

11. Fratres Prædicatores præsumentes perturbare officium Inquisitionis, quod fratres Minores contra hæreticos exercent, ligantur suspensione ab exercitio sacrorum ordinum, donec absolutionem à Sede Apostol. aut ab illo, cuius officium perturbarunt, obtineant. Eadem suspensio afficit fratres Minores respectu Fratrum Prædicatorum. *disp. 3. quæst. 8. punct. 16. tom. 3.*

## INTERDICTVM.

### *Quid & quoruplex sit interdictum.*

1. **I**nterdictum est Ecclesiastica censura, qua interdictus separatur à perceptione quorundam Sacramentorum, à diuinis officiis, & ab Ecclesiastica sepultura. Est autem aliud *locale*, quo directè interdictiur locus, ne in eo diuina officia ab incolis, vel extraneis audiantur, quamuis personæ loci interdicti possint alibi diuina officia audire; aliud *personale*, quo prohibetur populus, vel persona particularis, diuina officia audire, vbi cumque sit; aliud *mixtum*, quod locale, & personale complectitur. Rursum interdictum locale, & personale, aliud est *generale*, aliud *speciale*. *tom. v. pag. 439. num. 1. 2. & 4.*

2. Interdicto Clero, non censentur religiosi interdicti: quia religiosi in odiosis non veniunt nomine cleri, sed in fauorabilibus tantum. Interdicta autem familiæ, censentur clerici, & alij eiusdem familiæ interdicti; etiam si autem post latum interdictum, aliquis ab ea familia recedat, adhuc manet interdictus. Secus dicendum de illo, qui post latum interdictum, fit de familia interdicta: hic enim non comprehenditur interdicto: quia censura solum afficit eos, in quos fertur. Interdicto populo ciuitatis, non censentur interdicti, qui habitant in suburbis, nisi sint de populo ciuitatis. *tom. 1. pag. 440. num. 14. 16. & 18.*

3. Ciues communitatis interdictæ, qui absunt, dum fertur interdictum, nihilominus subiacent interdicto; quia sunt pars illius communitatis. Si verò alio transferant domicilium, desinunt esse interdicti, quia desinunt esse pars communitatis interdictæ, modò ipsi non dederint causam culpabilem interdicto. Vice versa homines nō interdicti, si fiant conciuies communitatis interdictæ, fiunt interdicti. Item amentes, aut infantes, acquisito rationis vsu, subiiciuntur interdicto. *tom. 1. pag. 441. num. 19.*

4. Interdicta ciuitate censentur etiam suburbia interdicta, etiam si non sint temporaliter subdita illi domino, cuius causā ciuitas est interdicta, immò etiam si suburbia sint alterius diocesis, nec sint subdita iudici Ecclesiastico, à quo latum est interdictum: alioquin parui pōderetur interdictum; nam interdicta ciuitate possent ciues accedere ad loca vicina ad diuina audienda.



audienda. Notandum tamen illa suburbia, quę non sunt subdita Episcopo interdicenti, non censi interdicti ab Episcopo, sed à iure communi. *ibid. num. 23.*

5. Religiosi, quibus ante Concilium Tridentinum concessa fuerant privilegia celebrandi diuina officia, & admittendi laicos tempore interdicti localis, non possunt hoc tempore, his privilegiis uti: quia Concilium huiusmodi privilegiis derogauit. *ibid. num. 25.*

6. Interdictum quo generaliter interdicatur terra alicuius Principis, cadit in omnes terras quarum Princeps habet dominium, aut vsum fructuum: non tamen cadit in terram acquisitam post latum interdictum, nisi hoc exprimitur in sententia interdicti: illius tamen terrę venditę post interdictum, subiacent interdicto: quia transeunt ad alium dominium cum onere, quod illis adheret. *tom. 1. pag. 442. num. 27.*

7. Superior, seu iudex, qui tulit interdictum, non includitur in interdicto personali: quia seipsum non potest interdiceret; locali tamen comprehenditur interdicto: licet enim integrum sit iudici non ferre interdictum; nihilominus lato semel interdicto, etiam ipse tenetur illud seruare, quia, est de iure communi. Quocirca iudex, qui aliquem locum interdixit, tenetur abstinere ab officiis in eo loco persoluendis. *ibid. num. 28.*

8. Religionum Prelati non possunt interdictum locale ferre, licet possint personale: quia ipsorum iurisdicctio potius cadit in personas, quam in loca; neque huiusmodi Prelati solent interdictum locale ferre, quod argumento est ipsos non posse. *ibid. n. 2.*

### Interdicti effectus.

9. Interdicti siue localis, siue personalis tres sunt effectus. 1. est priuatio aliquorum Sacramentorum; 2. priuatio diuinorum officium; 3. priuatio Ecclesiasticę sepulture. Hi tamen effectus non sunt ita inter se connexi, quin possint etiam ab Episcopo, qui interdictum tulit, separari, ad differentiam effectuum excommunicationis, qui non possunt ab Episcopo separari. Quare fieri potest, vt quis interdicatur ab officio sacerdotali; non tamen à sepultura, &c. quapropter obseruandum est diligenter quibus verbis feratur interdictum. *ibid. n. 1.*

10. Tempore interdicti localis, sacramenta Baptismi, & Confirmationis cum solita solemnitate administrari possunt. Interdictus item interdicto personali generali, potest suscipere sacramentum Confirmationis: quia est quoddam veluti complementum Baptismi. Ille tamen qui dedit causam interdicto, aut qui est speciali, & personali interdicto obstrictus, non potest ad hoc Sacramentum admitti, nisi prius præstiterit condignam satisfactionem ab Ecclesia præscriptam, propter contumaciam. *tom. 1. pag. 443. num. 1. & seq.*

11. Tempore interdicti localis licet, cum solita solemnitate, solis moribus



tribundis Eucharistiam ministrare. In regressu autem ab infirmo possunt indulgentiæ concedi; nam illa concessio est actus externæ iurisdictionis. Tempore interdicti localis, secluso mortis periculo, vel privilegio, non licet suscipere Eucharistiam in loco interdicto. *tom. 2. pag. 443. num. 1. pag. 444. num. 7.*

12. Clerici non existentes in probabili vitæ periculo, non possunt tempore interdicti, Eucharistiam more laicorum suscipere; quia ius novum hac in parte non derogavit iuri antiquo. Possunt tamen Missam celebrare, sicque Eucharistiam sumere, quia sacrificium Missæ sine Eucharistiæ sumptione perfici nequit. *ibid. num. 8.*

13. Quilibet Sacerdos, qui sublato interdicto ius habet Eucharistiam ministrandi, potest illam tempore interdicti ministrare in articulo mortis, modò ipse non dederit causam interdicto, nec sit specialiter interdictus: tunc enim, extra casum necessitatis non posset Eucharistiam ministrare. *ibid. num. 10.*

14. Interdictus personaliter interdicto generali, potest suscipere Eucharistiam per modum viatici, absque alia satisfactione, modò non dederit causam interdicto. Nam qui dedit causam culpabilem interdicto, vel qui est specialiter interdictus, non est ad Eucharistiam admittendus, nisi exhibita debitâ satisfactione, si potest exhiberi, sin minus, exigenda est cautio, tum absolutio impendenda, antequam Eucharistia illi ministraretur.

15. Nullus, vest neque tenetur, ad implendum præceptum annuæ communionis in Paschate, suscipere Sacramentum Eucharistiæ, tempore interdicti localis generalis: quia interdictum priuat Eucharistiâ præterquam in articulo mortis. *ibidem. num. 12.*

16. Iure nouo licet Sacramentum Pœnitentiæ ministrare tempore interdicti, aut cuiusque interdicto, modò non sit excommunicatus, & nò dederit culpabiliter causam interdicto, aut non sit specialiter interdictus. Quilibet autem Confessarius, qui non dedit causam culpabilem interdicto locali, potest tempore interdicti, in loco interdicto ministrare sacramentum Pœnitentiæ. Idem dic de Confessario legato interdicto personali generali. At specialiter interdictus non potest, extra necessitatem, hoc Sacramentum ministrare; valida tamen esset absolutio ab eo collata. *tom. 1. pag. 445. num. 1. & 2.*

17. Tempore interdicti, aut personaliter interdicto non potest sacramentum Ordinis ministrari: quia interdictum priuat perceptione Sacramentorum, nisi sit aliqua specialis exceptio, sãt nò excipitur sacramentum Ordinis. Excipe casum necessitatis; vt si deessent sacerdotes, qui tempore necessitatis conferrent Sacramenta. *ibid. num. 3.*

18. Nulli personaliter interdicto, aut tempore interdicti localis ministrandum est sacramentum Extremæ Vnctionis, nisi ex privilegio speciali. *ibid. num. 4.*

19. Non licet personis interdictis, aut tempore interdicti localis contrahere



trahere matrimonium, nisi aliud ferat consuetudo. Probabilis tamen, etiam est opposita sententia. Sponsalia verò licite & valide celebrari possunt; ipsa enim non sunt Sacramentum, sed contractus humanus, qui tempore interdicti non prohibetur à iure. Porro benedictiones super coniugatos fieri solite, iure non sunt licite, modò fiant ianuis clausis, exclusis excommunicatis, & interdictis, sine solemnitate; immò etiam cum solemnitate iis diebus, quibus licet diuina officia solemniter persolvere: nam hæ benedictiones pertinent ad diuina officia: fieri tamen non possunt super coniugatos personaliter interdictos. *ibid. num. 8. & 9.*

20. Ea officia diuina, quæ non requirunt personam Ecclesiasticam, ad ea deputatam, non censentur prohibita tempore interdicti: quia non censentur officia Ecclesiastica, & communia, sed priuata. Huiusmodi sunt benedictio mensæ, oratio angelica, litanie, &c. *tom. 1. pag. 446. n. 4.*

21. Bonifacius VIII. in cap. *Alma mater*, concessit facultatem celebrandi singulis diebus Missam, & diuina officia, tempore interdicti localis generalis, secreto, in Ecclesiis, & Monasteriis, ianuis clausis, summissa voce, exclusis excommunicatis, & interdictis, sine pulsu campanarum. Tempore autem interdicti localis specialis, licet tantum semel in hebdomada Missam celebrare ad Eucharistiam renouandam, vbi Eucharistie sacramentum asseruat. *ibid. num. 6. & pag. 447.*

22. Tempore interdicti generalis licet pulsare campanas ad conuocandum populum ad concionem, ad comitandam Eucharistiam, dum ad infirmos deferitur, ad salutationem Angelicam, &c. Ad diuina verò officia, ad Missam non licet. Possunt tamen pulsari campanæ ad indicandas diei horas. *ibid. num. 8.*

23. In festiuitatibus Natalis Domini, Paschæ, Pentecostes, Assumptionis B. Mariæ, Corporis Christi cum octaua, & Conceptionis B. M. V. item cum octaua, licet tempore interdicti localis generalis, non autem specialis, celebrare Missam, & diuina officia publice, & solemniter, pulsatis campanis, ianuis apertis, alta voce, admissis interdictis, etiam illis, qui causam dederunt interdicto, modò non admittantur ad oblationes, & communionem; at excommunicati sunt excludendi. Illis tamen diebus non conceditur laicis communicare. *tom. 1. pag. 447. n. 14. & seq.*

24. Amentes, & infantes, necnon clerici non coniugati, etiam extranei tempore interdicti localis generalis, ad diuina officia admitti possunt, modò ipsi non sint excommunicati, vel interdicti, nec dederint causam culpabilem interdicto. Laici verò sine priuilegio, ad diuina officia non sunt admittendi. Porro quibus id ex priuilegio conceditur, possunt cum sua familia diuinis interesse: immò diebus festis tenentur sacrum audire. *tom. 1. pag. 448. num. 21. & 23.*

25. Interdictum simpliciter latum absque vlla restrictione, priuat Ecclesiastica sepultura personas, & locum interdictum. At qui non sunt personaliter interdicti, nec dederunt causam culpabilem interdicto, possunt



sunt tempore interdicti, sepeliri in loco sacro non interdicto. In ijs autem festiuitatibus, in quibus supra dictum est posse diuina officia publicè celebrari, possunt laici adulti in loco interdicto sepeliri. Caterum sepultus tempore interdicti in loco profano, sublato interdicto, exhumandus est; & in loco sacro sepeliendus: sepultus autem illicitè in loco sacro interdicto, exhumandus est durante interdicto, vt careat Ecclesiastica sepultura. *rom. 1. pag. 448. n. 1. & seq. pag. 449. n. 7. & 8.*

26. Infantes, & amentes tempore interdicti localis, vel generalis personalis, in loco sacro sepeliri non possunt. At tempore interdicti personalis specialis, in loco sacro non interdicto sepeliri possunt. Sepeliens interdictum toleratum in loco sacro, non incurrit excommunicationem latam in Clement. 1. *de sepulturis*. Ille autem censetur nominatim denunciatus, qui est membrum communitatis nominatim, & specialiter interdictæ. *rom. 1. pag. 449. num. 8. & 10.*

27. Interdictus ab ingressu Ecclesiæ, non potest in Ecclesiâ, vel cœmeterio sepeliri, nisi dederit signa contritionis tunc enim potest absolui, & in loco sacro sepeliri. Potest tamen interdictus ab ingressu Ecclesiæ, in cœmeterio diuinis operari, vel interesse; quia cœmeterium, in rigore, sub nomine Ecclesiæ non continetur. Potest item suscipere Sacramenta in Ecclesiâ, quando diuina non celebrantur. *ibid. num. 11. & 12.*

28. Clerici non interdicti, qui seruauerunt interdictum, nec illius causa fuerunt, possunt tempore interdicti localis, sepeliri in loco etiam specialiter interdicto, modo id fiat sine solemnitate, & campanarum pulsu. Immo sepeliri possunt cum diuino officio, & Missa, summissa voce, ianujs clausis. Quod si cœmeterium extra Ecclesiâ existat, poterunt officia in Ecclesiâ celebrari, deinde cadauer in cœmeterium, cum silentio erit transferendum. *tom. 1. pag. 449. n. 13. & pag. 450.*

29. Interdictus non priuatur exercitio iurisdictionis exterioris: quare interdictus, etiam nominatim denunciatus potest excommunicare, absolvere, &c. indulgentias concedere, immo & lucrari modo sit in gratia, & præstet opera, quæ præscribuntur in Bulla. *tom. 1. pag. 450. n. 1. & seq.*

#### *Interdictum violentium poena.*

30. Laici interdictum locale, vel personale violentes, ex suo genere mortaliter peccant; quia faciunt contra prohibitionem Ecclesiæ in materia graui. Nullâ tamen poenam præcisè ob violationem interdicti incurrunt; nulla enim habetur in iure expressa, præterquam in Clementina *grauis, de sent. excom. de qua infra. ibid. num. 1. & 2.*

31. Clerici tam sæculares, quàm regulares violentes interdictum, ex suo genere mortaliter peccant nisi ratione paruitatis materiæ, aut grauis metus, à potente incussi, excusentur à mortali. Interdictum autem violentes per exercitium alicuius Ordinis sacri, irregularitatem incurrunt, & suspen-



suspensionem ab officio, & consequenter à iurisdictione, possuntque per sententiam priuari beneficiis, aliisque pœnis affici. *ibid. num. 3. & pag. 451. num. 4.*

32. Interdictum à clericis tripliciter violari potest. 1. dum clericus vinculo interdicti irretitus, functionem ordinum exercet. 2. dum ipse non est quidem interdictus, sed in loco interdicto sacramenta confert. 3. dum nec ipse, nec locus est interdictus, sed sacramenta confert interdicto. In duobus primis casibus incurritur irregularitas: in tertio verò, valde probabile est non incurri; quia hic casus non est in iure expressus. *tom. 1. pag. 451. num. 4.*

33. Clericus communicans cum nominatim interdicto, in iis rebus, à quibus est interdictus, mort. peccat, & interdicatur ab Ecclesiæ ingressu, donec satisfaciatur arbitrio illius, qui tulit interdictum. Communicans autem cum interdicto in rebus humanis non peccat: quia non teneor vitare interdictum in iis rebus, à quibus non est interdictus. *tom. 1. pag. 452. num. 19.*

34. In Clementina *gravis, de sentent. excom.* fertur excommunicatio contra eos, qui tempore interdicti cogunt aliquem ad diuina officia celebranda in locis interdictis, vel qui aliquos vocant, præsertim excommunicatos, sed interdictos ad diuina audienda in locis interdicto suppositis, vel qui prohibent, ne excommunicati publicè, vel interdicti exeant de Ecclesia tempore Missæ, postquam à celebrante moniti sunt vt exeant; hæc autem excommunicatio tantum afficit dominos temporales, qui hæc audient in terris suis interdicto suppositis. Quamobrem personæ priuatæ, quæ hoc facere præsumunt in terris alienis, huic censuræ non subiiciuntur. *disp. 2. quæst. 3. punct. 20. pag. 225. & seq.* Hæc excommunicatio cadit etiã in publicè excommunicatos, & interdictos, qui in Ecclesia nominatim à celebrante moniti vt exeant, nihilominus remanere præsumunt. *ibidem, pag. 226. num. 13. tom. 3.*

35. Qui dat causam interdicto locali, personale interdictum incurrit, iuxta probabiliorem sententiam. Quocirca si Princeps, aut alius delictum commisit, propter quod oppidum fuit interdictum, ipse etiam manet interdictus; ac proinde non solum in eo oppido diuina audire non potest, verum etiam neque alibi. *disp. 4. quæst. 1. punct. 1. pag. 287. tom. 3.*

### Interdicta personalia.

36. Recipiens Episcopatum, Abbatiam, vel aliam dignitatem de manu laici interdicatur ab ingressu Ecclesiæ quousque resipuerit. *cap. si quis, quæst. 7.* Ad incurrendum tamen hanc censuram, opus est vt quis illius dignitatis possessionem iam adierit. Extenditur etiam ad laicos, qui eam dignitate conferre præsumant. *disp. 4. quæst. 2. punct. 2. pag. 288. tom. 3.*



37. Episcopi, & Abbates, qui in alienatione bonorum Ecclesiasticorum non seruant formam præscriptam in Extrauag. *Ambitiosa, de rebus Eccles. non alienand.* interdicuntur ab ingressu Ecclesiæ, & nisi intra sex menses resipuerint, suspenduntur ipso facto à regimine, & administratione in temporalibus, & spiritualibus. *ibid. punct. 3.*

38. Qui interdictum locale generale violant celebrando, aut faciendo celebrari diuina in locis interdictis, aut qui admittunt excommunicatos publicè, vel interdictos ad diuina officia, seu Ecclesiastica sacramenta, vel Ecclesiasticam sepulturam, interdicuntur ab ingressu Ecclesiæ donec satisfecerint ad arbitrium illius, cuius sententiam neglexerunt cap. *Episcoporum. de priuilegiis. in 6. ibid. punct. 6.*

39. Confessarius excipiens in Ecclesia confessionem alicuius nominatim interdicti ab ingressu Ecclesiæ, hanc censuram non incurrit; quia sic interdictus potest sacramenta suscipere in Ecclesia, saltem eo tempore, quo diuina celebrantur. *ibid. pag. 380. n. 8. tom. 3.*

40. Metropolitanus, ex decreto Trid. *sess. 6. cap. 1.* qui per nuncium aut litteras non desert intra tres menses Episcopos suffraganeos absque iusta, & rationabili causa non residentes vltra annū: & contra Episcopus suffraganeus antiquior residens, qui non desert Metropolitanum vltra annum, non residentem absque legitimo impedimento, interdicuntur ingressu Ecclesiæ. *ibid. punct. 7. tom. 3.*

41. Presbyteri, Diaconi, vel Subdiaconi, qui in crimine fornicationis iacent, interdicuntur ingressu Ecclesiæ, donec resipiscant. Hoc tamen interdictum non est hodie vñ receptum. *ibid. punct. 10. tom. 3.*

42. Sacra Cardinalium Concilij Trident. Congregatio præcipit sub pœna interdicti ab ingressu Ecclesiæ ipso facto incurrenda. 1. vt pecuniæ, ac bona mobilia accepta pro perpetuo onere celebrandarum Missarum, deponantur apud eadem sacra, vel personam fide dignam, & idoneam, vt quamprimum in bonis immobilibus frugiferis collocentur. 2. prohibet secularibus sub pœna interdicti ab ingressu Ecclesiæ, regularibus verò sub pœna priuationis vocis actiue, & passiuæ, officiorum quæ tunc obtinent, ac inhabilitatis ad alia, ne onera Missarum perpetua suscipiant sine licentia in scriptis ab Episcopo vel eius Vicario generali, vel à Generali aut Prouinciali Ordinis gratis concedenda. 3. præcipit præfatis Capitulis, superioribus, aut personis, vt dum onere celebrandarum Missarum detineant, auferant capsulas ab Ecclesiis cum inscriptione illa *Elemosyna pro Missis*: sub pœna interdicti ab ingressu Ecclesiæ, secularibus; regularibus verò sub pœna priuationis vocis actiue, & passiuæ, officiorum, & inhabilitatis ad illa. *ibid. pag. 390. punct. 11. tom. 3.*

43. Sixtus V. in Bulla, quæ incipit *Sanctum, & salutare*. inter ceteras pœnas, si non iacè ordinantibus impositas adiunxit pœnam interdicti ab ingressu Ecclesiæ, Papæ reservatam. *ibid. punct. 12. p. 391. tom. 3.*

44. Pius IV. in Bulla, quæ incipit *Rom. Pontif.* interdicti pœnam Sedi Apostol.



Apostol. reservatam imposuit Cardinalibus, & Prælati recipientibus beneficia, vel pensiones in confidentiam. *ibid. punct. 13.*

## Interdicta Localia.

45. Collegium, seu Vniuersitas exigens, aut extorquens, aut soluere compellens vectigalia, seu exactiones ab Ecclesiis vel Ecclesiasticis personis, exceptis rebus, quas negotiationis causa deferunt, subiiciuntur interdicto; singulares verò personæ excommunicationem incurrunt. *disp. 4. quæst. 3. pag. 391. punct. 2. tom. 3.*

46. Ciuitas quælibet (excepta Vrbe Roma) quæ insequentibus hostiliter Cardinales, auxilium, consilium, vel fauorem præbet, aut quæ illos punire negligit, dum potest, subiicitur interdicto, cuius absolutio non est Papæ reservata. *ibid. punct. 3. pag. 392. tom. 3.*

47. Territorium, seu ditio illius, qui iniuriosè, aut temerè Episcopum percutit, capit, proscribit, vel hæc fieri mandat, consulit, vel rata habet, subiicitur interdicto, donec delinquens, condignam dederit satisfactionem, & Episcopus dimissus sit. At si delinquentis territorium porrigatur ultra vnam diocesium, tunc terra, seu ciuitas principalis manet interdicta, & præterea terra, seu ciuitas, in qua commissum fuit delictum cum duobus aliis vicinioribus. *ibid. punct. 4. pag. 392. 393.* Eidem interdicto subiicitur ciuitas, quæ tale quid audet contra suum Episcopum in Clement. 1. de pœnis. Durat hoc interdictum quoad dominus territorij, seu ciuitas satisfecerit. *ibid. num. 9. tom. 3.*

48. Regna, terræ, & loca eorum, qui impedire præsumunt Legatum, seu Nuncium Summi Pontificis, ne terras sibi subiectas ingrediatur, tamdiu subiiciuntur interdicto, quamdiu durat impedimentum; immò impediētes ligantur excommunicatione. *ibid. punct. 5.*

49. Locus, in quo scienter sepultus fuit hæreticus, aut eius receptator, fautor, ac defensor, Ecclesiastica priuatur sepultura. *cap. quicumque, de hæreticis, in 6.* In hac pœna non potest Episcopus dispensare. *ib. punct. 7. pag. 394. tom. 3.*

## Relaxatio ab interdicto.

50. Interdictum latum ad tempus, vel sub conditione, elapso tempore, vel adimpleta conditione cessat. Absolutè autem latum non tollitur, nisi per absolutionem datam ab eo, qui illud tulit, vel ab alio habente facultatem. Interdictum verò locale non cessat destructione ædificij: quia ipsum solum, quod est basis ædificij, censetur interdictum. *tom. 1. pagin. 454. num. 1. & 2. tom. 3.*

51. Interdictum generale latum in communitatem, cessat respectu innocentium, si communitas dissoluatur: quia innocentes desinunt ligari in-



re dicto, cum primum desinunt esse pars communis interdictæ. Respectu vero eorum, qui causam culpabilem interdicto dederunt, non cessat, quia hoc interdictum est affixum personæ. Immo interdictum latum in Collegium, si omnes collegæ, vno excepto, moriantur, ligat illum vnū superstitem: quia in eo collegium virtualiter perseverat; superstes enim iura collegij retinet. *ibid. num. 3.*

52. Episcopus potest absolueri ab interdicto locali lato à iure: quia non est reseruatum: ab interdicto personali non potest, nisi sit occultum; tunc enim potest, virtute priuilegij cōcessi à Concilio Tridentino *sess. 24. cap. 6.* Parochus autem potest iure communi absolueri ab interdicto personali particulari non reseruato. *ibid. num. 5. & pag. 455. num. 6. tom. 3.*

## Inuidia.

1. **I**nuidia est tristitia inordinata, qua quis dolet de bono alterius, non quatenus est bonum illius, sed quatenus videtur diminueri propriam excellentiam. Quare is dicitur peccare peccato inuidiæ, qui dolet de gradu ab altero adepto, aut de illius doctrina, vel de alio bono, quatenus putat inde suam dignitatem, vel aliud bonum minui. *tom. 2. pag. 173. num. 1. tom. 3.*

2. Ille nō peccat peccato inuidiæ, qui occasione boni alicuius, cuius videt alterum compotem, tristitiam capit, non quatenus alter possidet illud bonum, sed quia videt se eo destitutum. Quapropter pauperes excusantur à peccato, si dum alios cernunt opibus affluentes tristantur eo quod careant facultatibus, ad commodam suam, & familiæ sustentationem necessariis: hæc enim non est tristitia inordinata, sed ordinata, cum non percipiatur dolor de bono alterius, ut est in altero, aut quatenus est diminutivum proprii boni, sed quatenus ipsi sunt eo bono destituti. Item qui videt alium, virtute aliqua præditum, & tristatur, non quia alius est bonus, sed quia ipse ea virtute, ac probitate caret, excusatur à peccato; quia non est hæc inuidia, sed sancta æmulatio. *ibid.*

3. Inuidia est peccatum, ex suo genere, mortale, contrarium charitatis: quia charitas gaudet de bono proximi; inuidia verò tristatur, & ut plurimum reperitur tantum inter æquales, aut ferè æquales, quia inuidus nōlet sibi æqualem, fieri maiorem. Tamen imperfectus consensus, & inadvertentia, necnon materiæ paruitas excusata peccato mortali. Porro hoc peccatum est inter capitalia numerandum; quia ex ipso tanquam capite, multa alia originem ducunt, ut odium proximi, suffragatio, detractio, gaudium in rebus proximi aduersis, & tristitia in secundis. *tom. 2. pag. 174. num. 3. & 4. & 5. tom. 3.*



## IRREGVLARITAS.

*Quid & quoduplex sit irregularitas.*

1. Irregularitas est canonicum impedimētum ex facto, vel defectu pro-  
ueniens, quod directē impedit susceptionem Ordinum Ecclesiasti-  
corum, aut eorum vsum, ob reuerentiam diuinorum. Quamuis autem ton-  
sura, propriē non sit ordo, sed dispositio ad ordines, quia tamen in iure  
canonico intelligitur in nomine Ordinis, irregularitas etiam impedit illius  
susceptionem. Hinc collige discrimen inter suspensionem, & irregulari-  
tatem; quod suspensio supponit primam tonsuram, cum feratur solum in  
clericos; irregularitas verò nō supponit primam tonsuram; sed reddit homi-  
nem ineptum ad illam suscipiendam. *tom. 1. pag. 458. num. 1. & pag. 459.  
num. 4.*

2. Duplex est irregularitas; altera dicitur *ex defectu*, vel *indecentia*, quę  
prouenit absque culpa; altera dicitur *ex facto*, seu *delicto*. Irregularitatis *ex  
defectu* multę sunt species, 1. dicitur ex defectu animi. 2. ex defectu corpo-  
ris, 3. ex defectu natalium. 4. ex defectu ætatis & libertatis. 5. ex defectu sa-  
cramenti, id est, bigamia. 6. ex defectu lenitatis. Irregularitatis *ex delicto*  
hę sunt species. 1. ex iteratione Baptismi. 2. ex indebita susceptione, vel vfu  
Ordinis. 3. ex actu infidelitatis, seu hæresis. 4. ex infamia. 5. ex homicidio il-  
licite patrato. *tom. 1. pag. 459. num. 6.*

*Causę irregularitatis.*

3. Ad irregularitatem ex delicto incurrendam requiritur culpa mor-  
talis: cum enim sit pœna grauissima; non debet incurri ob leue peccatum, s  
alioquin non esset proportionata delicto. Potest autem Summus Pontif.  
de potestate absoluta, imponere irregularitatem pro delicto merē præte-  
rito: quia ad incurrendam irregularitatem non requiritur contumacia, sicut  
requiritur ad incurrendam excommunicationem. Ad incurrendam au-  
tem irregularitatem ex defectu non est necessaria vlla culpa. *tom. 1. pag.  
460. num. 1. & seq.*

4. Ad incurrendam irregularitatem requiritur actus externus con-  
summatus: lex quippe requirit factum. Neque obstat quod in quibusdam  
Bullis concedi solet facultas absoluendi ab irregularitatibus mentalibus:  
nam per irregularitates mentales intelliguntur occultę, quę per actum ex-  
ternum occultē contrahuntur, itavt in iudicio probari nequeant: certum  
autem est irregularitatem contrahi posse ob huiusmodi delictum, quod  
appellatur occultum per accidens, eo modo, quo contrahitur excommu-  
nicatio ob delictum hæresis occultę. *ibid. num. 5. & seq.*

5. Irregularitas impedit susceptionem Ordinum, & primę tonsurę,

V 3 sicut



sicut impedit ordinum usum, & officium: validi tamen sunt Ordines in irregularitate suscepti. Impedit autem irregularitas exercitium omnium ordinum, quando est totalis: at quando est partialis, impedit tantum exercitium illius actus, cui ponit impedimentum, ut accidit in irregularitate ex defectu corporis, contra quam post susceptionem ordinum, cum qua irregularis potest exercere functiones ordinum, ad quos non est inhabilis, v. g. cui amputatur digitus post susceptum ordinem sacerdotalem, non propterea manet inhabilis ad omnes sacerdotij functiones, sed tantum ad celebrationem Missæ. *tom. 1. pag. 461. num. 1. & 2.*

6. Irregularis suscipiendo, vel exercendo ordines peccat mortaliter; non tamen novam irregularitatem, vel aliam pœnam incurrit; quia nulla expressa est in iure. *ibid. num. 4.*

7. Irregularitas licet occulta, facit hominem incapacem beneficii; quare neque potest valide suscipere beneficium, neque retinere, nisi obtemperante dispensatione irregularitatis, curet beneficium sibi de nouo conferri: quia beneficium datur propter officium. Non tamen irregularitas priuat beneficiarium beneficio, ante irregularitatem obtemperante, sed potest illud resignare in fauorem alterius; adhuc enim habet titulum, & ius. *ibid. num. 6. & seq.*

8. Irregularis propter homicidium, priuandus est beneficio, non tamen pensione; quia pensio, strictè loquendo, non est beneficium, sicque per sacram Congregationem declaratum fuit. *tom. 1. pag. 462. num. 11.*

9. Irregularis videtur incapax iurisdictionis ordinariæ; non autem delegatæ: quia iurdictio ordinaria fundatur in beneficio, & confertur ratione beneficii, non verò delegatæ. Non tamen priuatur iurisdictione ob irregularitatem superuenientem. Quare confessio facta sacerdoti irregulari, qui non est nominatim denunciatus, est valida. Immo valida est absolutio collata à confessario nominatim denunciato, quem pœnitens ignorabat esse denunciatum: quia irregularitas non tollit iurisdictionem. *ibid. num. 12. & seq.*

10. In dubio iuris nullus iudicandus est irregularis: quia lex non obligat subditos, quando non est sufficienter proposita. In dubio autem facti circa homicidium, iudicandus est irregularis: sic enim ius præscribit in aliis dubiis facti, nullus iudicandus est irregularis, post adhibitam sufficientem diligentiam ad explorandam veritatem. *ibid. num. 3. & pag. 463.*

11. Qui consuluit homicidium, tenetur se tanquam irregularem gerere, quando dubitat an suo consilio operatus sit aliquid circa homicidium, patratum ab eo, cui dedit consilium: nam præsumptio iuris stat contra consulentem. Item qui prægnanti præbuit pharmacum ad abigendum, foetum, sed dubitat an foetus esset animatus, censetur esse irregularis, hic enim versatur in dubio facti circa homicidium iniustum. *tom. 1. pag. 463. num. 6. & 7.*



## Irregularitas ex defectu.

12. Carentes omnino usu rationis, vt amentes, non solum sunt iure humano irregulares, sed etiam diuino, & naturali sunt inepti ad ordines suscipiendos; si tamen promoueantur, verè suscipiunt characterem. Item defectus scientiæ facit irregularem; neque potest Summus Pontifex dispensare cum omnino illiterato, vt eos ordines suscipiat, qui sine scientia exerceri non possunt: quia hoc est contra ius naturale. *ibid. n. 1. & 2.*

13. Ad primam tonsuram requiritur vt initiandus sit confirmatus, & calleat rudimenta fidei, sciatque legere, & scribere. Ad minores Ordines, vt teneat linguam Latinam. Ad Diaconatum, & Subdiaconatum, vt teneat ea, quæ pertinent ad eos ordines exercendos. Ad presbyteratum, vt habeat eam scientiam, qua possit populum docere, & administrare Sacramenta. Ad Episcopatum, vt sit doctor, aut licentius in Theologia, vel in iure canonico, vel vt publico testimonio constet ipsum esse idoneum ad alios docendos. Ita Concil. Trid. variis in locis. *tom. 1. pag. 464. num. 3.*

14. Neophyti, id est, qui à lege Iudaica, Mahumetica, vel Ethnica recesserunt conuersi sunt ad fidem christianam in adulta ætate, sunt irregulares, & arcantur ab ordinibus, ne in superbiam extollantur. Potest tamen Episcopus eum ad Ordines promouere, quem post aliquod tempus à suscepro Baptismo, iudicat idoneum ad ordines suscipiendos. *ibid. n. 4. & 5.*

15. Ille defectus, seu vitium corporis inducit irregularitatem, quod vel impedit exercitium ordinis, vel notabilem gignit deformitatem, aut horrorem, cuiusmodi est nasi amputatio, priuatio vnius oculi, &c. Carens tamen lumine, & usu oculi dextri, non est irregularis, modo vtrumque habeat oculum integrum: secus dicendum de eo, qui caret usu oculi sinistri, qui dicitur oculus canonis; quia non potest commodè legere canonem, oculo dextro, sine indecora vultus conuersione ad populum. *ibid. n. 1. & 2.*

16. Hi censentur irregulares: qui linguam habet ita impeditam, vt verbum integrum vix possit exprimere: surdus vtraque aure: at si defectus surditatis contingat post susceptum sacerdotium, potest Missam summisa voce celebrare, non tamen publicè, & solemniter, ne risum moueat: carès auriculis, est enim hæc notabilis deformitas, nisi occultari possit gibbosus non est irregularis, nisi gibbus coniunctus sit cum nimia deformitate. Idem dicendum de eo, qui ventre est prominètiore: hermaphroditus, qui vtrumque sexum aequaliter participat, est incapax ordinis, & characteris. Item, qui caret indice, vel pollice, qui febri continua laborat, aut lepra; aut morbo comitiali, aut amentia; qui obsidetur à dæmone, &c. hi inquam omnes censentur irregulares. *ibid. num. 6. & pag. 465. & 466. n. 7. & seq.*

17. Licet defectus, qui reddit hominem inhabilem ad vsum ordinum, reddat etiam inhabilem ad ordines suscipiendos: tamen si huiusmodi defectus superueniat ordinibus iam susceptis, non semper reddit inhabilem



ad illorum usum: sic amputatio pollicis, vel indicis, reddit quidem inhabilem ad sacerdotium suscipiendum; at si superueniat sacerdotio iam suscepto, non reddit inhabilem ad reliqua sacerdotij officia, sed solum ad Missæ celebrationem. Sic Sacerdos cæcus potest confessiones audire. Qui suscepto sacerdotio sit abstemius, ita ut non possit vinum degustare, potest sacerdotium exercere, excepta celebratione. *tom. I. pag. 466. n. 25. & 26.*

18. Qui patitur corporis defectum impediētem susceptionem ordinis sacerdotalis, iuxta communio rem sententiam, non potest ad reliquos ordines admitti, quia est irregularis; irregularitas autem directè impedit omnium ordinum susceptionem. *ibid. num. 28.*

19. Carentia alicuius membri, vel partis membri etiam occulti, si propria culpa contingat, inducit irregularitatem, quamvis ea priuatio, usum ordinis non impediāt, neque notabilem afferat deformitatem. Secus dicendum, si ea membri priuatio absque propria culpa contingat, nec ordinis executionem impediāt, neque notabilem habeat deformitatem adiūctam. *ibid. num. 29.*

20. Qui sibi virilia, vel testes amputauit, vel amputari permisit causā cantus, vel etiam castitatis, est irregularis; est enim illicitum ob castitatem se hoc modo secare; quippe hæc sectio non est medium ad castitatem. Secus dicendum si id passus est ob sanitatem, vel iustam aliam, ob causam. *ibid. num. 32. & 34.*

21. Ad Summum Pontificem pertinet dispensare in irregularitate, proueniente ex defectu, vel deformitate, vel infirmitate, nisi forte coniuncta sit cum impedimento iuris naturalis. Est autem Episcopi iudicare, utrum defectus, vel deformitas inducat irregularitatem. *r. I. pag. 467. n. 36.*

22. Illegitimus quamvis occultus, est irregularis: expedit enim illegitimum arceri ab ordinibus in detestationem delicti à parentibus commissi. Non censendi sunt autem filij illegitimi, quando matrimonium inter duos inualidè contractum fuit ob occultum aliquod impedimentum, sed uterque contrahens, vel alter eorum bona fide, ex probabili errore iuris, vel facti contraxit in facie Ecclesiæ, id est coram Parocho, & testibus: quia par non est, ut vnus damnū patiatur ex culpa alterius. At si matrimonium non fuit celebratum in facie Ecclesiæ, filij ex eo matrimonio suscepti, non sunt legitimi; quia deest solemnitas, quæ est de substantia contractus matrimonij. *ibid. num. 2. & 3.*

23. Illegitimus fit legitimus per subsequens matrimonium, & consequenter habilis, & idoneus ad ordines, & Ecclesiasticas dignitates, excepto Cardinalatu, ut patet ex motu proprio Sixti V. Porro fieri potest, ut natus ex legitimo matrimonio, sit irregularis, seu canonicè illegitimus, quamvis civiliter sit legitimus, ut quando maritus factus est Sacerdos de consensu, vel absque consensu vxoris, sed postea vxorem carnaliter cognouit, ex eaque filium susceperit; hic enim est canonicè illegitimus. *ibid. num. 6. & pag. 468. num. 11.*



24. Illegitimus suscipiens ordines absque dispensatione, vel susceptos ordines exercens, peccat mortaliter: nouam tamen pœnam non incurrit; cum nulla extet in iure. *tom. 1. pag. 468. num. 12. & 13.*

25. Irregularitas proueniens ex defectu natalium, tribus modis tolli potest. 1. per legitimacionem factam à Papa: nam Princeps; secularis potest quidem legitimare sibi subditos, quoad honores, & officia secularia, non verò quoad Ecclesiastica, vel quoad ordines, vel beneficia. 2. per professionem: nam illegitimus fit per professionem habilis ad ordines; non tamen ad praelaturas. 3. per dispensationem, quæ strictè interpretanda est: quare dispensatus ad ordines, non censetur dispensatus ad ordines sacros; & dispensatus ad certum ordinem, non censetur dispensatus ad ordinem superiorem, &c. *ibid. num. 14.*

26. Neque Episcopus, neque alius iurisdictionem habens Episcopalem, potest cum illegitimo dispensare ad maiores ordines, ad dignitatem, & beneficium curatum: ad ordines verò minores, & ad beneficium simplex non requirens ordinem sacrum, potest. *tom. 1. pag. 468. 469. num. 15.*

27. Defectus legitimæ ætatis requisitæ ad ordines, inducit irregularitatem quamdiu defectus durat. Exercens autem functiones ordinis sacri ante adeptam legitimam ætatem, fit nouo titulo irregularis, ob violatam suspensionem. *tom. 1. pag. 469. num. 1.*

28. Defectus libertatis inducit irregularitatem. 1. in coniugatis. 2. in emancipatis. 3. in obligatis ad ratiocinia, id est, ad rationem reddendam administrationis publicæ, vel priuati; qui verò finita administratione, & reditis ratiociniis, adhuc remanet debitor, modò præstet securitatem soluendi debitum, non manet irregularis. 4. in curialibus, qui scilicet ex obligatione, curiis Principum secularium inseruiunt; vt iudices, aduocati, milites, &c. Ex debito autem pecuniario, per se, non inducitur irregularitas, nisi debitum sit litigiosum, quanquam potest se ab eo eximere, facta bonorum cessione, & referuata sibi congrua sustentatione. *ibid. num. 2. & seq. & pag. 470. num. 5. & 6.*

### Irregularitas ex bigamia.

29. Triplex est bigamia. 1. est vera, quando quis duas vxores legitime duxit, & cognouit carnaliter. 2. interpretatiua, quando quis reuera, non contraxit cum duabus, sed secundum interpretationem iuris censetur contraxisse cum duabus, vt cum quis iam coniugatus, de nouo contrahit cum alia, & cum ea copulam habet; vel cum quis contrahit cum vidua, quæ cum priore viro matrimonium consummauerat; vel cum quis contraxit cum virgine, eamque cognouit postquam adulterata est cum alio. 3. est bigamia similitudinaria, quando quis post votum solennæ castitatis emissum in professione religionis, vel susceptione sacrorum ordinum, matrimonium contrahit cum aliqua, eamque carnaliter cognoscit: nam obstrictus vo-

to so-



to solemnī castitatis, censetur spiritali quodam matrimonio coniunctus cum Christo, & Ecclesia; ergo si velit carnaliter per matrimonium cum alia coniungi, censetur bigamus per quandam similitudinem. *tom. 1. pag. 470. num. 2. & pag. 471. num. eod.*

30. Bigamus ex quacumque bigamia, est irregularis, & consequenter inhabilis ad ordines, & ad beneficia. Ad bigamiam autem requiritur copula actualis: neque enim est bigamus, qui contraxit cum vna, eaque mortuā ante matrimonij consummationem, nouum matrimonium contraxit cum virgine, cum eaque copula consummauit, ac proinde non est irregularis. *ibid. num. 3. & seq.*

31. Ille est bigamus, & irregularis, qui carnaliter cognouit suam uxorem, postquam ipsa credens virum mortuum esse, contraxit bona fide, & consummauit matrimonium cum alio: quia titulo matrimonij, & affectu maritali accedit ad scēinam ab alio cognitam, in quo casu attenditur defectus significationis: nam sacramentum matrimonij, significat coniunctionem Christi cum Ecclesia *Ephes. 5.* vnica autem est illa sponsa; consequenter ista spiritalis coniunctio non ritē representatur per matrimonium vnus viri cum pluribus. *ibid. num. 11.*

32. In quacumque bigamia potest Summus Pontif. dispensare: quia est de iure humano. Episcopus autem non potest, nisi quatenus illi conceditur à Pontifice; excepta bigamia similitudinaria, in qua potest dispensare cum eo, qui contraxit cum virgine, iure hoc sibi concedente. *tom. 1. pag. 472. num. 14. & 15.*

33. Bigamus sacris ordinibus initiatus, absque dispensatione, gaudet priuilegiis clericorum: quia non potest viuere vt laicus, ergo debet viuere vt clericus, ac proinde gaudere priuilegiis clericorum. Secus dicendū, si minoribus tantum ordinibus est initiatus; hic enim nullo gaudet priuilegio clericali. *ibid. num. 16.*

#### *Irregularitas ex delicto.*

34. Infamia iuris, vel facti, facit hominem irregularem, & inhabilem ad ordines suscipiendos, & exercendos. Dicitur autem infamia iuris, cui imposita est à iure canonico, vel ciuili, pœna infamiae, cuiusmodi est apostasia à fide, raptus mulieris, simonia, sodomia, periurium in iudicio, crimen læsæ maiestatis, vfura, duellum, matrimonium cum duabus, lenocinium, prostitutio filiae, vel neptis, matrimonium cum meretrice, vel repudiata. Infamia facti contingit, quando committitur delictum, quod infame censetur apud graues, & honestos viros, estque publicum. *ibidem. num. 4. & 5.*

35. Infamia quatuor modis auferri potest. 1. per emendationem, si est infamia facti. 2. à Summo Pontif. si est infamia iuris. 3. dispensatione Episcopi, in iis scilicet criminibus, in quibus potest dispensare. 4. per Baptismum. *tom. 1. pag. 473. num. 6.*



36. Inducitur etiam irregularitas per ignominiosam professionem aliquis artis, quæ reddit hominem vilem, & indignum, qui ad ordines, & beneficia promouetur, cuiusmodi est ars histrionica, mimica, gladiatoria, macellarij, tabernarij, aleatoris, &c. verum hæc irregularitas est personalis, neque transit ad filios. *ibid. n. 12.*

37. Olim poenitentia publica, & solemnitas inducebat irregularitatem, & impendebat susceptionem ordinum, & usum susceptorum. Hoc tamen tempore nulla poenitentia publica, vel solemnitas inducit irregularitatem, nisi adiunctam habeat infamiam. *ibid. num. 3. & 4.*

38. Ex culpabili iteratione Baptismi, contrahitur irregularitas, consequenter rebaptizans, & rebaptizatus sunt irregulares. Hæc autem irregularitas non est totalis, sed impedit solum promotionem ad ordines superiores. *tom. 1. pag. 474. num. 1. & seq.*

39. Qui differt Baptismum usque ad ægritudinem, vel senectutem, incurrit irregularitatem: quia non videtur spontè fidem suscipere, sed coactè. Item adultus baptizatus ad hæretico, fit irregularis; non autem infans: sic enim ius præscribit. *ibid. n. 11. & pag. 475. n. 13.*

40. Hæretici, apostata à fide, eorumque fautores, & defensores, sunt irregulares, etiam si sint occulti, modo suam hæresim signo aliquo externo sufficienter manifestent. Qui verò exterius hæresim profert, sed interiorius bene sentit, non est irregularis. Porro, qui lapsus est in hæresim, non potest ordines suscipere, aut exercere, ante obtentam legitimam dispensationem. *tom. 1. pag. 478. num. 1. & seq.*

41. Religiosus professus apostata à religione, est irregularis. Apostata verò à clericali habitu, & tonsura, non item. *tom. 1. pag. 479. num. 8.*

42. Filij hæreticorum sunt irregulares usque ad secundam generationem per lineam virilem paternam; per lineam verò femineam, seu maternam, sunt irregulares usque ad primam, si eorum parentes mortui sint in hæresi. Filij autem, & nepotes hæreticorum non censentur irregulares, quando parentes ipsorum ante mortem reconciliati fuerunt Ecclesiæ. *ibid. num. 9.*

43. In irregularitate ob hæresim contracta solus Summus Pontif. dispensat: probabiliter tamè sustineri potest, Episcopum ius habere dispensandi circa susceptionem, & usum ordinum, quando hæresis est occulta. *ibid. num. 12. & 14.*

#### Irregularitas ex homicidio.

44. Clericus, aut alius, seu iustè, seu iniustè mutilans, vel occidens, vel cooperans ad mutilationem, vel homicidium, sequuto effectu, fit irregularis defectu lenitatis. Quia omnes ordines referuntur ad conficiendam Eucharistiam: cum autem in Eucharistia contineatur Christus, qui est auctor pacis, par est, ut Eucharistiæ ministri hanc pacem, & Christi man-



fectudinem præ se ferant. Hinc patet eum etiam, qui mortem accelerauit, aut dicto, vel facto, causam propinquam morti dedit, esse irregularem. *tom. 1. pag. 481. num. 3. & 4.*

45. Iudices Summo Pontifice inferiores ferentes sententiam mortis, vel mutilationis, eorumque assessores, cooperatores, satellites, tortores, notarius scribens, vel legens sententiam, incurrunt irregularitatem si mors, aut mutilatio sequatur. Doctor consultus quam poenam mereatur reus, si respondeat mereri mutilationem, vel mortem, fit irregularis; sequuta morte, seu mutilatione. Item qui dicit reo, *ascende scalam*, &c. est irregularis, si est causa, cur mors acceleretur. Item qui tradit, ligna quibus hæreticus viuis comburatur. Clerici tamen assistentes executioni sententiae, non sunt irregulares, neque peccant, nisi forte veni aliter: nam cap. *Si Clerici, vel monachi*, videtur contraria consuetudine abrogatum. *ibid. num. 5. & seq. & pag. 482. num. 18.*

46. Inquisitores S. officii non fiunt irregulares cum tradunt aliquos iudici sæculari comburendos, etiamsi nullam præmittant protestationem. Immo probabile est iudicem sæcularem differentem executionem sententiae, posse absque periculo irregularitatis, ab Inquisitoribus admoneri, ut delinquentem puniat, seu comburat: nam Inquisitores, ob speciale priuilegium, prohibentur solummodo per se ipsos exequi sententiam sanguinis. *ibid. num. 27.*

47. Confessarius, qui penitenti nolenti punire reum dignum morte, denegat absolutionem, non incurrit irregularitatem, si generatim loquatur, neque determinatè hortetur ad condemnandum hunc in particulari: potest enim ex officio dicere penitenti, se non posse illum absolvere, nisi faciat quod tenetur. Excusandus item confessarius ab irregularitate, qui penitentem iuridicè interrogatum hortatur ad fatendam in iudicio veritatem; etiamsi reus ob confessionem sit morte mulctandus: illum enim hortatur ad id, ad quod tenetur. *tom. 1. pag. 483. num. 32. & 33.*

48. Accusans alium in causa capitis, incurrit irregularitatem, secuta morte, vel mutilatione; nisi hoc faciat petendo satisfactionem pro iniuria, modò protestetur se non intendere penam mortis, aut sanguinis: alioquin laici scientes clericos non posse absque nota irregularitatis, querelam coram iudice deponere, audaciores fierent ad iniurias illis inferendas. Hanc autem protestationem in causa sanguinis omittens, etiam ex obliuione, irregularitatem incurrit, defectu lenitatis. *t. 1. p. 483. n. 1. & seq. & p. 484. n. 8.*

49. Ferenstestimonium in causa sanguinis, incurrit irregularitatem, secuta morte, vel mutilatione: quia testis maxime cooperatur morti, vel mutilationi: vnde patet clericum cogi non posse ad ferendum testimoniū in causa sanguinis, contra reum: nam pro reo, de licentia Episcopi, seu Vicarij potest testari. Item aduocatus, cuius imperitiā, vel negligentia reus fuit morti adiudicatus, fit irregularis: quia mors ipsi imputatur. *tom. 1. pag. 484. num. 1. & seq.*



50. Consilens Principi bellum iustum, non est irregularis. Immo neque pugnans in bello iusto, modo ipse non mutilet, vel occidat. Excusatur item ab irregularitate, qui suadet alteri rem aliquam piam cum vitæ periculo coniunctam, v.g. ingressum fluminis ad liberandum hominem in proximo vitæ periculo versantem: quia non intendit mortem ingredientis, sed salutem periclitantis. *tom. 1. pag. 485. num. 4. & seq.*

51. Clerici possunt interesse bello iusto absque irregularitate, etiam si hortentur milites ad pugnam. Bello autem iniusto assistentes non excusantur ab irregularitate, sequuto homicidio, etiam si ipsi non occiderint: propterea qui custodiunt sarcinas, sunt irregulares, alique bello iniusto cooperantes. *ibid. num. 7. & 11.*

52. Clerici pugnantes de licentia Summi Pontificis non censentur irregulares, sequuta morte: neque enim verisimile est Pontificem velle, clericum propriis manibus pugnare, & pugnando subiacere irregularitati. Porro solius est Summi Pontificis, de iure communi, dispensare in irregularitate causâ belli contracta. *ibid. num. 12. & 13.*

53. Laicus exercens chirurgiam, vel medicinam, iuxta regulas artis, non fit irregularis, etiam si membrum aliquod abscindat causa sanitatis: in hac enim abscissione non deest lenitas, cum pars abscindatur, vt totum conseruetur. At medicus, aut chirurgus, cuius culpa ægrotus interit, incurrit irregularitatem ex delicto: est enim causa mortis iniusta. *ibidem, num. 1.*

54. Medicus, qui cum habeat remedium certum, adhibet incertum, & dubium, sequuta morte, fit irregularis ex delicto. Sin nullum habeat certum, debet adhibere melius, & opportunius, iuxta probabiliorem sententiam medicorum. At si habeat tantummodo remedium dubium, peccat, & fit irregularis, adhibens huiusmodi remedium, quando salus infirmi nondum est conclamata. Secus dicendum, si nulla subsit spes salutis. *tom. 1. pag. 487. num. 5.*

55. Clericus, etiam beneficiarius, non fit irregularis exercendo officium medici, seu chirurgi, iuxta regulas artis, citra abscissionem, vel adustionem: hoc enim est opus pietatis, & misericordiæ. Immo potest ex regulis artis præscribere incisionem, vel adustionem, absque irregularitate, etiam si inde mors sequatur. At clericus sacris initiatus incidens venam ad missionem sanguinis, fit irregularis, sequuta morte. *ibid. num. 4. & 5.*

56. Occidens alium ad vitæ suæ defensionem, cum moderamine inculpatae tutelæ, non incurrit irregularitatem: quia hæc actio non censetur iniusta, etiam si ex odio, & studio vindictæ fiat, si non possit alia ratione se defendere. Exensatur item ab irregularitate occidens alium ad defensionem sui honoris, & rerum suarum, servato moderamine inculpatae tutelæ: hæc enim irregularitas non est in iure expressa. Item occidens iniustorem proximi, cum moderamine, non incurrit irregularitatem. Obseruandum tamen eum, qui alterum occidit ad sui, aut proximi defensionem,

in foro



in foro externo nō præsūmi hoc fecisse ad defensionem, nisi probet: quocirca non est ad ordines promouendus, neque susceptos ordines debet exercere, antequam à iudice, vel potius ab Episcopo declaratur occidisse hominem causā defensionis. *tom. 1. pag. 488. num. 3. & seq. & pag. 489. num. 10. & 11.*

57. Homicidium casuale, quod neque in se, neque in causa est voluntarium, non inducit irregularitatem, etiam si dans operam rei illicitæ periculosa, casu alium occidat, post adhibitam debitam diligentiam, ne mors sequeretur: nisi detur opera rei illicitæ periculosa, ex qua solet mors, ut plurimum sequi; tunc enim non videtur sufficiens diligentia adhiberi: quapropter qui ignem admonet bombarbæ in magna hominum frequentia, si quem occidat non est ab irregularitate excusandus. *tom. 1. pag. 490. num. 2. & seq.*

58. Occidens, vel mutilans voluntariè; Item mādans, aut consulens homicidium, seu mutilationem, necnon præbens auxilium, aut cooperans ad homicidium, vel mutilationem, ut sunt rei homicidij, ita & irregularitatis, si sequatur effectus. *tom. 1. pag. 493. num. 4. & seq. & pag. 494. num. 19. & seq.*

59. Qui voluntariè non impedit homicidium, quod tenetur ex iustitia impedire, incurrit irregularitatem. Hinc collige Principem, qui non impedit cades; iudicem, qui patitur iniustam sententiam ferri contra vitam innocentis; medicum, qui non curat agros, à quibus pretio conductus est, &c. obstringi irregularitate, si mors sequatur. Non videtur tamen pater incurrere irregularitatem, si non impediat homicidium à filio patrādum, modò filius non sit commissurus homicidium intuitu patris: quia nō tenetur ex iustitia illum custodire ne damnum extraneis inferat. Idem esto iudicium de domino respectu famuli. *tom. 1. pag. 495. num. 37. & 40.*

60. Qui ratum habet homicidium suo nomine factum, ipso inscio, non est reus homicidij, neque irregularitatis: grauitèr tamen peccat propter affectum ad homicidium. Secus, si approbet homicidium, dum ipse præsens est, & spectat, sciens illud suo nomine, seu sua causa committi: tunc enim censetur mortaliter cooperari. *tom. 1. pag. 496. num. 42.*

61. Episcopus non potest dispensare in irregularitate orta ex homicidio voluntario etiam iusto: Concilium enim Tridentinum *sess. 14. cap. 7. & sess. 24. cap. 6.* concedit Episcopis facultatem dispensandi in irregularitate proueniente ex delicto occulto, excepto homicidio voluntario: Potest tamen Episcopus dispensare in irregularitate proueniente ex homicidio casuali, modò sit occultum: quia Trident. excipit solum homicidium voluntarium. *ibid. num. 2. & seq.*

### Dispensatio irregularitatis.

62. Potest Summus Pontifex dispensare in omni irregularitate iure humano.



humano inducta: quia potest in iure communi dispensare. Probabile autem est abrogata lege irregularitatem inducente, censeri etiam ablatam, irregularitatem antea contractam, modo illa abrogatio fiat simpliciter, & absoluta; nam si apponatur verba respicientia solum tempus abrogationis, perspicuum est irregularitatem antea contractam non auferri. *tom. 1. pag. 497. num. 1. & 2.*

63. Episcopus existens in sua diocesi, dispensare potest cum suis subditis in irregularitatibus provenientibus ex delictis occultis, excepto homicidio voluntario, aut delicto deducto ad forum contentiosum; ex privilegio Concilij Tridentini *sess. 24. cap. 6.* quod ad alios Prælatos iurisdictionem, quasi Episcopalem habentes non videtur extendendum. *tom. 1. pag. 498. num. 3. & 7.*

64. Episcopus potest dare alteri facultatem secum dispensandi in iis casibus, in quibus ipse potest dispensare cum suis subditis in irregularitate, & censuris: quia Episcopus non debet esse deterioris conditionis, quam alij inferiores. Item potest Episcopus dispensandi facultatem aliis committere in iis casibus, in quibus per se ipsum potest dispensare: hoc enim usu & consuetudine, quæ est optima legis interpretis, receptum est. *tom. 1. pag. 499.*

65. Nulla est certa, & determinata verborum forma in concedenda dispensatione irregularitatis. Immo non videntur necessaria vlla verba. *tom. 1. pag. 500. n. 7. & 8.*

## INDEX. IUDICIUM.

### Indicis iurisdictionis.

**I**N iudice necessaria est iurisdictionis ad validè iudicandum. Ille tamen, qui non est verus iudex, sed titulo colorato, & communi errore putatur iudex, sufficientem habet potestatem, & iurisdictionem, ut validè iudicet, modo non adsit impedimentum iuris nature, vel divini, quod ab Ecclesia, vel humana potestate suppleri nequit. Vnde sequitur illam sententiam esse validam, quæ fertur a iudice excommunicato, vel suspenso, sed errore communi, & titulo colorato, pro legitimo habetur. Item validam esse sententiam latam a delegato, mortuo delegante, seu à Vicario Generali, mortuo Episcopo, cuius mors vulgò ignorabatur. *tom. 2. pag. 298. num. 1. & 2.*

1. Quadruplex est iurisdictionis. *Ordinaria*, quæ alicui competit ex officio, vel ex dignitate. *Delegata*, quæ competit alicui ex concessione, sive commissione illius, qui habet ordinariam iurisdictionem. *Arbitraria*, quæ communi partium consensu obtinetur. *Accessoria*, quæ alicui aliunde accedit, v. g. ratione delicti; quando enim quis in alieno territorio delinquit, superiori in ipsum iurisdictionem acquirit, & delinquens, ratione delicti est subditus illius. *ibid. num. 3.*

3. Qui



3. Qui facit alteri iniuriam, nisi puniatur à suo superiore, potest iudicari ab eo iudice, cui subest ille, qui passus est iniuriam: hic enim iudex acquirit accessoriā iurisdictionem in eum, qui sibi subdito iniuriam intulit. *ibid. num. 4.*

*Iudicio veritas.*

4. In iudice præter iurisdictionem requiritur veritas: dicitur autem iudex adherere veritati, qui iudicat secundum allegata, & probata, quamvis aliquando fieri possit, ut res aliter se habeat quam probatum fuerit in iudicio. Si tamen iudex priuata scientia norit aliquem innocentem, qui in iudicio probatur nocens, non tenetur neque debet publicam scientiam sequi, illūque secundum allegata, & probata, ad mortem condemnare: id enim repugnat iuri naturali, & diuino: *Exod. 22. Infontem, & iustum non occides.* At in aliis causis criminalibus mitioribus, ut in causa exilij, &c. & in causis civilibus, seruandus est ordo iuris, iudicando secundum allegata, & probata, quando iudex ita cogitur iudicare, ne graue damnum patiatur. Ratio huius disparitatis est, quia iudex maius habet ius supra facultates, & bona externa, quam supra vitam innocentis: est autem iusta causa priuandi innocentem suis bonis, ne ordo, & forma publicorum iudiciorum perueratur; præsertim cum adhuc ius competat innocenti vtendi occulta compensatione contra illum, cui facultates per sententiā iudicis applicatæ sunt. *tom. 2. pag. 311. num. 1. & seq.*

5. Iudex inferior non potest condemnare eum, quem priuata scientia nouit innocentem, sed in iudicio publico probatur nocens: quia inferior iudex non potest derogare legibus superioris, sed tenetur iuris ordinem seruare. Idem dicendum videtur de iudice supremo, quando crimen est ita occultum, ut probari non possit: quia ius defensionis, & probatio testium, competit reo ex iure naturæ: quare supremus iudex, aut etiam Princeps, non potest occidere nocentem, qui in iudicio per testes probatur innocens, sed illum occidens peccat mortaliter, & tenetur ad restitutionem. Idque locum habet non tantum in iudicio capiti, sed etiam vbi agitur de priuatione bonorum. *ibid. n. 5. & pag. 312. num. eod.*

6. Quando crimen est publicum, potest aliquando iudex sine citatione, defensione, & processu reum morti adiudicare: quia reus in eo casu non potest iure se defendere in iudicio, vel alia via licita se tueri; scientia enim rei, quæ publicè est notoria, non dicitur priuata, sed publica; ob id latrones in flagranti delicto deprehensi iure statim suspenduntur, quia factum notorium, & publicum, est loco accusatorum, & testium, neque reo locum relinquit defensionis. *ibid.*

7. In iudice necessaria est scientia, & cognitio earum rerum, quæ ad iudicis officium spectant: ideo iudex ex imperitia malè iudicans tenetur ad in-



ad interesse partis laesa, & ad expensas litis. Præterea requiritur puritas; quæ consistit in abstinentia à verbis contumeliosis, & in recta intentione. Denique requiritur celeritas in iudicando: peccat enim mortaliter index, qui sine iusta causa; causarum expeditionem nimium differt, teneturque ad restitutionem damni, & expensarum. *tom. 2. pag. 312. n. 1. & seq.*

*Forma iuris à iudice seruanda.*

8. Forma iuris in hoc posita est, vt sententia feratur iuxta dispositionem legis: est enim sententia declaratio legis, & iuris. Est autem iudicandum iuxta verba legis, quando nulla inde sequitur iniustitia habita ratione loci, temporis, vel personæ. At si iudicis intentio contraria sit verbis legis, tunc licet à verborum proprietate discedere; is enim in legem peccat, qui verba legis amplexus, contra legislatoris nititur voluntatem. Inferior tamen iudex non debet inconsulto legislatore à verbis legis recedere, nisi periculum sit in mora. *tom. 2. pag. 313. num. 1. & 2.*

9. Sententia lata non seruato ordine iuris, est inualida, & nulla; quia non est conformis iuri. Item sententia lata contra veritatem facti, & quæ fundatur in falsa præsumptione, non obligat in conscientia, etiam si seruatus sit ordo iuris, & lata sit secundum allegata, & probata: obligat tamen in foro externo, in quo non tam attenditur veritas facti, quam probatio iuridica, & ordo iuris. *ibid. num. 4. & 6.*

10. Triplex est modus procedendi. 1. per denunciationem. 2. per accusationem. 3. per inquisitionem. Antequam autem ad inquisitionem specialem procedatur, debet præcedere infamia, vel insinuatio clamorosa, id est, publicus rumor, vel indicia, vel semiplena probatio quæ est depositio vnius testis oculati, vel aliàs fide dignissimi, legitime deponētis cum iuramento, atque hic testis dicitur omni exceptione maior. *tom. 2. pag. 314. num. 1. & seq.*

11. Modus procedendi per inquisitionem generalem, non requirit præuiam infamiam, neque accusationem, neque denunciationem: alioquin vix puniri possent delinquentes. At modus procedendi per inquisitionem specialem, qua intenditur poena delinquentis, requirit præuiam infamiam, vel clamorosam insinuationem, quæ sit loco accusatoris; neque sufficiunt sola indicia manifesta, præcisâ consuetudine in contrarium: nam multis in locis vsus obtinuit vt inuento cadauere, habitisque indiis de aliquo, formetur contra illum inquisitio. *ibid. n. 7. & pag. 315. n. 10. & 12.*

12. Modus procedendi per inquisitionem mixtam, qua inquiritur specialiter de persona, & generatim de crimine, requirit præuiam infamiam, vel semiplenam probationem, & accusationem, aut saltem indicia manifesta, iuxta receptam consuetudinem loci: alioquin infamari posset aliquis, & puniri absque accusatore, vel supplente ipsius vices. Modus verò procedendi per inquisitionem mixtam, qua inquiritur auctor criminis noti,



non requirit infamiam delinquentis, nec semiplenam probationem, & accusationem. Sic, quando commissum fuit homicidium, de quo publicè constat, potest in genere inquiri quis illud commiserit; at non potest inquiri in specie, nisi præcesserit infamia, vel semiplena probatio, & accusatio. *tom. 2. pag. 315. num. 13. & 14.*

13. In his tamen casibus potest absque præcedenti infamia procedi ad inquisitionem, tam generalem, quàm specialem. 1. quando inquisitio, vel manifestatio necessaria est ad impediendum malum seu publicum, seu priuatum, vt in crimine læsæ maiestatis, aut hæreseos, aut apostasiæ. 2. quando proceditur ad conferendum beneficium, ad dispensandum in voto, ad celebrandum matrimonium, &c. cum enim hæc inquisitio non fiat ad penam, non requirit præuiam accusationem, vel infamiam. 3. quando quis occultum crimen confessus fuit in iudicio licet coram paucis, vt coram iudice, & notario: illa enim confessio facit notorium iuris. 4. quando delictum committitur coram ipsis iudicibus, aliisque circumstantibus. 5. quando iudex in generali inquisitione comperit aliquem deliquisse. 6. quando suspicio communis supplet vicem infamiæ. *ibid. num. 15. & pag. 316. num. eod.*

14. Iudex via accusationis iuridicè procedit, quando delata accusatione interrogat testes, & postea, habita saltem semiplena probatione, procedit ad interrogandum reum: pauciores enim requiruntur testes ad interrogandum, quàm ad condemnandum reum. Via autem denunciationis iuridicè procedit iudex, quando crimine ad ipsum delato, procedit ad capiendas informationes, & examinandos testes nominatos à denunciatore, vel alios, tum legitime accedit ad examinandum reum. *tom. 2. p. 316. n. 4.*

15. Excusari potest praxis, & consuetudo iudicum secularium, qui ex denunciatione publici officialis ad id numeris deputati, aut alicuius priuati, vel ex querela partis offensæ, quæ tamen in se non vult onus probandi suscipere, procedunt ad capiendas informationes, & iudicia, quibus habitis formant specialem inquisitionem; modò id fiat in grauibz causis, dum ita expedit ob bonum commune: alioquin multa crimina manerent inul-  
ta in damnum Reip. *ibid. num. 5.*

16. Inferior iudex, regulariter loquendo, non potest pœnam à lege taxatam remittere, quia non potest in lege superioris dispensare. Arbitrariam verò minuire potest, vel augere, intra terminos æquitatis, habita ratione temporum, locorum, & personarum. Superior verò iudex potest pœnam à iure taxatam relaxare: etiam recusante parte, communi bono id exigente: refarciendum est tamen damnum parti læsæ. *tom. 2. pag. 317. num. 1. & seq.*

17. Iudex peccat mort. liberando reum, quem commune bonum postulat occidi, immò sit reus omnium malorum, quæ inde sequuntur. Neque iudex debet se facilem præbere in commutandis pœnis corporalibus in pecuniarias; hinc enim diuites occasionem arriperent liberius peccandi: illas autem pœnas pecuniarias debet in pios vsus potius, quàm in prop-  
rium



prium commodum conuerrere. *ibid. num. 5. & 6.*

18. Periculosum est aliquando pro reis apud iudicem intercedere, in iis, quæ ex iudicis arbitrio non pendent: fieri enim potest, vt petatur res illicita; quare tutius erit agere prius cum parte, ab eaque remissionem obtinere, tum demum apud iudicem intercedere. *ibid. num. 7.*

19. Potest iudex, immò debet poenam condonare reo, à quo veritatem criminis admissi extorsit, promissa impunitate: quia illa confessio fuit extorta per dolum, fierique potest, vt reus non commiserit crimen, quod confessus est, vt facilius dimitteretur. Limitandum tamen, nisi adsint alia indicia sufficientia, coniecturæ, & præsumptiones, aut nisi alioquin magnum imminet Reip. damnum. *ibid. num. 8.*

20. Iudex tam secularis, quam Ecclesiasticus aliquid loco stipendij à litigantibus pro exercendo iustitiæ officio accipere potest: obligatio enim iuris dicendi est res pretio æstimabilis, dignusque est operarius mercede sua, modò tamen iudicibus stipendium assignatum non sit. Ecclesiasticus autem iudex, cuius beneficio adnexum est onus iudicandi, non potest quidquam accipere, etiamsi beneficium sit tenue: beneficium enim datur propter officium, & onera beneficio adnexa. Immo neque potest à litigantibus, munera, vel sportulas accipere: hoc enim vetitum est iure canonico. Ea tamen munera, quæ *xenia* nuncupantur, & consistunt in esculentis, & poculentis, à quocumque iudice, seu Ecclesiastico, seu seculari accipi possunt, id enim nullo iure prohibetur. *tom. 2. pag. 3. 18. num. 2. & seq.*

21. Quis iudex secularis petere potest expensas, quas facit dum aliò proficiscitur extra locum domicilij, Ecclesiasticus verò iudex ordinarius non potest, quia datur illi beneficium pro officio exercendo, fructusque beneficij percipit pro stipendio, & expensis. Excipe duos casus. 1. quando Episcopus proficiscitur extra diocesim ad visitandam prouinciam. 2. quando accedit ad consecrandam Ecclesiam, cum enim hic sit extraordinarius labor, iure optimo indulgetur facultas accipiendi expensas moderatas. *ibid. num. 6.*

De iudice clericorum, deque eorum exemptione à foro seculari, seu laica iurisdictione, vide tit. *Ecclesiastica immunitas.*

### *Iudicium Ecclesiasticorum suspensio.*

22. Iudex Ecclesiasticus, qui per gratiam vel sordes aliquid facit in iudicio contra conscientiam, & iustitiam in damnum partis, incurrit suspensionem ab officio per annum quoad ordinem, & iurisdictionem. *disp. 3. quest. 5. punct. 3. pag. 368. tom. 3.*

23. Ad hanc suspensionem incurrendam non sufficit, vt Ecclesiasticus iudex faciat contra conscientiam, non verò contra iustitiam, vel contrà; sed opus est vt faciat contra conscientiam, & iustitiam simul; nam illa duo copulatiue exprimuntur in iure. Hinc sequitur iudicem, qui ex odio, vel



gratia, partem alteram in iudicio grauat, non excedendo terminos iustitiæ, non affici hac suspensione, quia non facit contra iustitiam, licet faciat contra conscientiam. *ibid. n. 2.*

24. Iudex, qui per gratiam, vel sordes aliquid facere omittit in iudicio contra conscientiam, & iustitiam, ex quo sequitur damnum parti, in hanc censuram non incidit; quia suspensio non fertur contra omissionem, sed contra actionem iudicis iniustam; in materia autem pœnali non est faciendâ extensio. *ibid. num. 3.*

25. Sententia per gratiam, vel per sordes, seu avaritiam in præiudicium partis lata, si sit contra iustitiam, est inualida; quia non est actus iustitiæ, sed iniustitiæ. *ibidem num. 6.*

26. Ab hac censura excipitur Episcopus; quamuis enim grauiter peccet iudicando per sordes, vel per gratiam, in detrimentum partis, & teneatur ad reparationem damni inde sequuti; non tamen incurrit suspensionem; quia Episcopus non comprehenditur in censura suspensionis, aut interdicti, nisi exprimatur. *ibid. num. 7.*

27. Hæc suspensio seruata est Papæ; nam ligat per annum; elapso autem anno statim cessat. *ibid. pag. 369. num. 10. tom. 3.*

#### *Iudicium temerarium.*

28. Inter iudicium temerarium, & suspicionem hoc interest, quod suspicio est opinio mali orta ex leuibus indiciis, & cum formidine oppositi. Iudicium verò temerarium est quando quis ex leuibus indiciis assentitur firmiter, & credit aliquid mali de proximo. *tom. 2. pag. 444. n. 1.*

29. Qui malè iudicat de aliquo ex indiciis, & coniecturis probabilibus, ac sufficientibus iudicium temerarium non committit; illud enim iudicium non est temerarium, quod est consentaneum prudentiæ, & rectæ rationi. Coniecturæ autem sufficientes, vt iudicium non sit temerarium, peti possunt. 1. ex circumstantia temporis, vt si quis noctu videat aliquem, scalas admouere, ad ingrediendum domum alterius per fenestram. 2. ex circumstantia loci, vt si videam iuuenem ingredientem domum, quam solæ meretrices inhabitant. 3. ex circumstantia personæ. 4. ex circumstantia famæ. *ibid. num. 2. & pag. 445. num. 3.*

30. Qui in materia graui malè iudicat de alio, firmiter, & deliberatè, absque sufficienti fundamento, & probabilibus coniecturis, iudicium temerarium, atque adeò peccatum mort. committit: ius enim proximi grauiter violatur, dum sine fundamento improbus habetur. *tom. 2. pag. 445. num. 4.*

31. Probabilius est esse peccatum mort. iudicare temerè de aliquo defectu naturali, ex leuibus indiciis, v. g. aliquem esse spurium, vel natum ex adulterio &c. vel esse oriundum ex Iudæis, vel esse filium sacerdotis: licet enim huiusmodi defectus sint naturales, habent tamen dedecus, & ignominiam adiunctam. *ibid. num. 6.*



32. In dubio, an quis commiserit peccatum mort. iudicando, necne, videndum est an is, qui dubitat, sit conscientiae timorata: tum interrogandus est, an si tunc aduertisset illud esse peccatum, deliberata voluntate consensisset; si respondeat negativè, censendus est non peccasse mort. Atque hoc diligenter obseruandum est in timorata conscientiae viris, praesertim scriptu- pulosis. *rom. 2. pag. 446. num. 10.*

33. Licet iudicium temerarium sit peccatum contra iustitiam; non tamen ex eo praecise oritur obligatio restituendi: quia obligatio restituendi non oritur ex actu merè interno. Ex alia tamen circumstantia fieri potest, ut quis obligetur ad restitutionem; si v. g. suum iudicium alteri manifestet, non manifestatis leuibus indicis: tunc enim, si sit materia grauis, committitur peccatum mort. detractionis, obligans ad restitutionem. *ibid. n. 1. & 2.*

34. Qui habet indicia mouentia dubium an crimen fuerit ab aliquo commissum, non tenetur credere positivè, non fuisse ab eo commissum, sed tenetur saltem suum suspendere assensum, seu iudicium, neque bene, neque malè iudicando: quia proximus non habet ius, ut de ipso bene positivè iudicemus: sed ne malè iudicemus: si tamen absque sufficientibus indicis velimus de proximo iudicium ferre, tenemur bene iudicare, v. g. cum audio quempiam proferentem propositionem haereticam, possum quidem ex regulis fidei iudicare illam propositionem esse haereticam; non tamen possum iudicare proferentem esse haereticum, cum nesciam, an ex animo, an ex inaduertentia illam protulerit. *ibid. num. 2. & pag. 447. n. cod.*

35. Quando agitur de damno vitando, aut malo praecauendo, licet aliquo modo dubia in peiorem partem interpretari, non definitivè, & positivè, sed per quamdam suppositionem, v. g. si ego adueniam in aedes meas admittam, non possum quidem positivè, & definitivè iudicare illum esse furem; possum tamen ita mihi cauere, ac si esset fur. *rom. 2. pag. 447. num. 3.*

## IURAMENTVM.

### Quid & quotuplex sit iuramentum.

1. Iuramentum est inuocatio diuini nominis in testimonium, vel est actus, quo diuinum nomen adhibemus fidei faciendae causa. Hæc autem verba, *Deus scit, Coram Deo loquor*, &c. si inuocatiue accipiuntur, continent iuramentum: Secus si enunciatiue, absque intentione inuocandi Deum. Cum tamen hæc verba proferuntur à viris, qui iurare solent, praesumuntur iuramenta; actus enim praesumitur factus iuxta consuetudinem. *rom. 2. pag. 214. n. 1. & 2.*

2. Iurare per falsos Deos non est verum iuramentum; est tamen mort. peccatum blasphemiae, si serio & ex animo fiat. Item iurare per demonem, seu iuramentum sit execratorium, seu contestatorium, est peccatum mort. quia honor Dei videtur tribui demoni, & videtur demon magni



feri etiam per iuramentum execratorium: iuramentum tamen per demonem, nullam inducit obligationem: cum enim dæmon sit mendax, & pater mendacij, eius testimonium non potest confirmare humanam promissionem. *ibid. num. 2.*

3. Ad iuramentum sufficit tacita Dei inuocatio, quæ fit. 1. cum quis rogatus ut iuret, manu tangit crucem, vel librum Euangeliorum, vel aliud signum edit, quo se iurare ostendit. 2. quando iuramentum fit per creaturas, in quibus specialiter elucet bonitas Dei, ut per Sanctos, per animam rationalem, &c. aut quando adducitur creatura in testem, expresso simul Dei nomine in obliquo, ut si dicatur, *per ignem Dei*; tunc enim adducitur creatura in testem, per ordinem ad Deum. Qui autem dicit, *Iuro me facturum hoc*, nihilque aliud addit, non præsumitur habere animum perficiendi iuramentum. *ibid. num. 3. & 4. & pag. 215. num. 7.*

4. Multiplex est iuramentum, 1. cum verbis enunciatur, aut nutu, signo, manu sublata, tactu Euangeliorum, vel reliquiarum, &c. 2. per simplicem, contestationem, qua Deus in testem adducitur, aut per execrationem, seu imprecationem. 3. per Deum, aut creaturas in ordine ad Deum. 4. aliud est *solemne*, quod fit cum certa iuris formula; aliud simplex sine formula. 5. aliud est *assertorium*, aliud *promissorium*. 6. aliud est *absolutum*, aliud *conditionale*. Quousque autem modo fiant iuramenta, sunt eiusdem speciei; omnia enim Deum adhibent testem. *tom. 2. pag. 215. num. 1. & 2.*

#### Conditiones iuramenti.

5. Ut licitum sit iuramentum, tria requiruntur, *veritas, iustitia, & iudicium*. Ierem. 4. *Iurabis vivit Dominus, in iustitia, in iudicio, in veritate*. Veritas in eo consistit, ut iurans, non leui, sed probabili coniectura ductus, prudenter putet verum esse quod iurat, alioquin committitur peccatum mortale periurij, cum Deus adducatur in testem falsi, nisi inadvertentia, aut ignorantia excuset. Quare iuramentum falsum, etiam in materia leui, aut ioci causa, est peccatum mortale. Item qui rem dubiam confirmat iuramento tanquam certam, aut qui iurat se aliquid facturum, siue licitum, siue illicitum, absque intentione faciendi, peccat mortaliter. *tom. 2. pag. 216. num. 4. & seg.*

6. Iudicium, quod requiritur ad iuramentum, in eo consistit, ut fiat cum necessitate, & reuerentia; propterea si absit necessitas, ut in re leui, quam non sit necesse iuramento confirmare, peccatur defectu iudicij, sed venialiter tantum, quia non fit gravis irreuerentia in Deum, sed est quadam vanitas, & leuitas. *ibid. num. 8.*

7. Iustitia iuramenti in eo sita est, ut iuramentum non fiat de re illicita, & turpi: committitur enim irreuerentia in Deum, cum adducitur in testem rei illicita, estque peccatum graue, aut leue, pro grauitate, aut leuitate materie. Porro qui de alio grauitate detrahit, & suam detractionem confir-

mat



mat iuramento, præter mortale peccatum detractionis, grauem culpam, committit defectu iustitiæ iuramenti in re graui: nonnulli tamen existimant, regulariter solum peccatum veniale committi quando iuramentum assertorium cadit super rem veram, etiamsi mortaliter illicitam. *ibid. num. 9.*

### Materia iuramenti.

8. Materia iuramenti debet esse res licita, non autem indifferens, nec impossibilis, nec quæ impediatur maius bonum, aut diuinis consiliis aduersetur. Immo iuramentum de re indifferente, vel quam melius est non fieri, non obligat, quia Deus non vult obligare ad aliquid vanum, & otiosum, vel suis consiliis contrarium. Quare si iurasti, v. g. te non lusurum in tali loco, vel cum tali persona, aut te non transiturum per talem viam, si hæc sunt indifferentia, non teneris seruare iuramentum. At si ratione alicuius circumstantiæ desinunt esse indifferentia, v. g. si non transeundo per talem viam, vitabis aliquod periculum peccandi, &c. seruandum est iuramentum, *tom. 2. pag. 217. num. 1. & 2.*

9. Seruandum est iuramentum de re licita, factum in fauorem, aut commodum alterius: iuramentum enim, in hoc casu, est actus veracitatis, & fidelitatis, & quilibet tenetur dare operam ne Deus in testem rei falsæ adductus esse videatur. Seruandum est igitur iuramentum homini præstitum, quod absque salutis æternæ dispendio seruari potest. Quare inualida est secunda promissio, iuramento firmata, contra aliam prius factam de re licita: secunda quippe est de re illicita, & contra ius alterius. Hinc patet inualida esse secunda sponsalia iurata, contra alia sponsalia prius facta etiam sine iuramento. Immo si prima sponsalia legitime dissoluantur, secunda, adhuc manent inualida, iuxta illam regulam iuris in 6. *Non firmatur tractu temporis, quod ab initio non subsistit. ibid. num. 2. & 3.*

10. Iuramentum factum de re prohibita per legem civilem, quæ primario dirigitur ad bonum publicum, non obligat: quia iuramentum non est vinculum iniquitatis. Factum verò contra legem, quæ primario & immediate lata est in fauorem & commodum personæ priuata, obligat, modo non vergat in damnum tertij: quia persona priuata potest cedere iuri suo, absque præiudicio tertij. Sic mulier, quæ iurauit se non habituram, regressum ad paterna bona, tenetur stare iuramento, quamuis lex civilis irritet eiusmodi promissionem: hæc enim lex immediate respicit commodum priuatum. *ibid. num. 1. & pag. 218. n. 2. & 3.*

11. Promissio, seu iuramentum factum contra prius iuramentum, aut contra votum, aut priorem promissionem validam, non obligat: quia secundum iuramentum est de re, quæ licite seruari nequit. Sic sponsalia facta post votum castitatis, sunt inualida. *tom. 2. pag. 218. num. 1.*

12. Gesta contra obligationem iuramenti, valida sunt, nisi aliunde sint



irrita: sic matrimonium contra votum simplex castitatis, aut contra sponsalia iurata cum alia, validum est. Fieri tamen potest vt eiusmodi acta irritentur à iure; nam si mulier iuret se non alienaturam fundum dotalem, & postea alienet absque iudicis auctoritate, alienatio non est valida, non quia est contra iuramentum, sed quia irritatur à iure. *ibid. n. 2.*

*Iuramentum fictum.*

13. Iuramentum factum absque animo iurandi nō obligat coram Deo ex vi iuramenti: in foro tamen externo cogetur seruare iuramentum, quia præsumitur ex animo iurasse. Tenebitur item stare iuramento ratione scandali quod oriretur ex transgressione iuramenti, aut ratione damni, quod teneretur impedire. *rom. 2. pag. 219. num. 2.*

14. Ex iuramento facto, animo quidem iurandi, sed non animo se obligandi non oritur obligatio ex vi iuramenti: quia Deus non acceptat iuramentum, nisi secundum hominis intentionem. Ad hoc tamen, vt iuramentum obliget, sufficit vt iurans velit iurare, sciens naturam iuramenti: hoc enim ipso censetur velle facere actum iuxta suam naturam, natura autem iuramenti est obligare. *ibid. num. 3.*

15. Ex iuramento facto cum animo non adimplendi, nascitur obligatio ex vi iuramenti: quia intentio adimplendi non est de substantia iuramenti. Peccat autem mortaliter quisquis iurat animo non iurandi, vel non se obligandi, vel non adimplendi, quando iuramentum rationabiliter exigitur: quia interuenit gravis exceptio, quæ repugnat fini iuramenti valde necessario rebus humanis. *ibid. n. 6.*

*Iuramentum dolo, aut metu extortum.*

16. Iuramentum non obligat, quando error, & dolus sunt circa substantiam rei promissæ: quia deest cōsensu, cui nihil magis repugnat, quam error. Item non obligat, quando error, aut dolus versatur circa causam finalem, itavt error det causam iuramento: iurans enim non iurasset, si dolum cognouisset. *ibid. num. 3. & 4.*

17. Iuramentum metu graui extortum etiam iniuste, modò sit de re licita, obligat coram Deo, ne Deus adducatur in testem falsi: licet erga hominem, nullam inducat obligationem: homo enim per iniuriam, nullum ius acquirit. Hinc sequitur eum, qui iuramento promissit vsuras, teneri eas soluere, non vi promissionis, quæ est inualida, sed vi iuramenti: facta tamen solutione, potest repetere solutum, quia non iurauit se non repetiturum. *rom. 2. pag. 220. num. 1. & 2.*

*Quis possit iurare.*

18. Masculis ante 14. annum, & puellis ante 12. interdicitur iuramentum



tum solemnè in iudicio, in causis civilibus; quia non habent maturitatem iudicij requisitam ad iurandum cum debita reuerentia; propterea non possunt à iudice cogi ad iurandum. In causis vero criminalibus non admittitur ad iurandum minor 20. annis. Item periurij conuicti repelluntur à iuramento iudicialiter præstando. *ibid. n. 1.*

19. Interdicitur etiam Sacerdotibus, & Prælati iurare in iudicio sine graui causa, & necessitate: quia iuramentum exigitur à laicis ob dubiam illorum fidem; hoc autem dubium in personam Ecclesiasticam cadere non debet; quare non est ab ea exigendum iuramentum pro leui causa. Exigente autem necessitate, vel magna vilitate licet sacerdotibus iurare: non tenentur tamen sacra tangere, sed satisfaciunt tangendo proprium pectus, sicque vsu receptum est. *rom. 2. pag. 22. l. num. 1.*

20. Iuramentum præstari potest per nuncium, vel procuratorem, cum hac triplici limitatione. 1. modò actus sit talis, qui per procuratorem præstari possit. 2. modò procurator speciale habeat mandatum ad iurandum. 3. modò dominus non reuocauerit mandatum. *ibid. num. 2. & seq.*

21. Iuramentum licitè exigi potest ab eo, qui creditur peieraturus, modò iusta subsit causa exigendi iuramentum: quia non intenditur periurium, sed iuramentum, quod alter licitè potest emitte re absque mendacio. Absque iusta autem causa exigere iuramentum ab eo, qui creditur peieraturus, non licet: esset enim cooperari peccato alterius. *ibid. num. 1. & seq.*

### Iuramentum amphibologicum.

22. Qui alio sensu iurat, quàm alter intelligat, non peccat, si iustam habeat ita iurandi causam: sic enim iurans non est periurus, cum ipse iuramentum sit de re vera iuxta sensum, quem ipse intendit. Sic qui iurans latroni promisit centum, cum hac restrictione mentali, *si debeo*, non peccauit iurando, neque tenetur soluere centum; quia non debet. *rom. 2. pag. 22. l. num. 4. & 5.*

23. Qui ab alio, quàm à suo iudice interrogatur, vel qui interrogatur quidem à suo iudice, sed non iuridicè, potest iurare amphibologicè, & cum restrictione: Idem dicendum de teste, cum iustam habet causam, non ferendi testimonium in iudicio. *ibid. num. 5.*

24. Ille non censetur periurus, qui absolute negat cum iuramento se debere centum, cum re ipsa debeat tantum quinquaginta, aut qui interrogatus de fundo, an suus sit, absolute negat suum esse, si tantum pars fundi sua est. Immo si iniuste interrogetur, omni culpa vacat ita respondens, quamuis interrogans scire velit num fundus suus sit in totum, an in partem: cum enim iniuste interrogetur, iustam habet causam vtendi tergiversatione. *rom. 2. pag. 22. l. num. 5.*

25. Reus, qui iuridicè interrogatus, crimen suum verbis amphibologicis occultat absque iusta causa, peccat mortaliter: facit enim iniuriam iudici



iudici iuridicè interroganti. Idem dic de eo, qui vitur amphibologia in contractibus: tum quia facit iniuriam parti; tum quia sic nihil esset certi in contractibus. *ibid. num. 7.*

26. Venditores; qui cum non possint alia ratione pretium iustum ab emptore obtinere, iurant rem tanti sibi steterisse, alio sensu, quam emptor percipiat, non videntur mortaliter peccare, neque teneri ad restitutionem, modò non inferant notabile damnum emptori. *ibid. num. 8.*

#### *Iurandi consuetudo.*

27. Qui habet consuetudinem iurandi, sed non mentiendi, non peccat mort. etiamsi non conetur talem consuetudinem euellere: quia non censetur esse in proxima occasione mortaliter peccandi; cum illa occasio non pertrahat ad periuriam, sed solum ad iuramenta sine necessitate, quæ sunt tantum venialia. Qui verò consuetudinem habet iurandi, & mentiendi simul, peccat mortaliter, si eiusmodi consuetudinem euellere non conetur: censetur enim esse in proxima occasione peccandi mortaliter, cum illa consuetudo inducat ad iurandum falsum. Porro qui habet consuetudinem iurandi, & mentiendi, sed non coniungendi mendacium cum iuramento, peccat mortal. nisi hanc consuetudinem conetur extirpare: quia, versatur in morali periculo peierandi. *ibid. num. 3. & pag. 224. n. 4. & 5.*

28. Qui habet consuetudinem iurandi, & mentiendi, in rigore, & per se loquendo, absolui potest, si firmum habeat propositum abstinendi in posterum ab huiusmodi iuramentis. Tamen ad vitandum scandalum, quod peierans, aliis præbere solet, deneganda est illi absolutio, iuxta prudentis confessarii iudicium, vel differenda, provt saluti poenitentis iudicaverit expedire. *tom. 2. pag. 224. num. 7.*

#### *Obligatio iuramenti.*

29. Probabilius videtur violentem iuramentum etiam in re parva, se-riò promissa, peccare mortaliter: quia facit, quantum in se est. vt Deus sit adductus in testem falsi; nisi is, cui facta est promissio, non admodum curet rem illam parvam; tunc enim censetur obligationem condonare, consequenter cessat obligatio iuramenti. *ibid. num. 2.*

30. Qui emisit iuramentum comminatorium de infligenda alicui poena iusta, tenetur iuramentum adimplere, modò id non obstat maiori bono, aut non sublatum fuerit causa adimplendi: quia iuramentum obligat, ne Deus in testem falsi adductus videatur; propterea parentes, vel domini comminantes filiis, aut servis poenas ad correctionem, tenentur servare iuramentum, nisi cessaverit causa puniendi. Sin iuramentum factum fuerit ex ira, seu animo vindictæ, non obligat. *ibid. num. 3.*

31. Obligatio iuramenti præcisè, non transmittitur ad successores iurantis:



rantis: iuramentum enim est vinculum personale; obligatio tamen contractus, in quem cadit iuramentum, transmittitur ad hæredes, modò còtractus sit validus. Hinc patet hæredes non seruantes contractum iuramentum, vel promissionem iuratum defuncti, non esse periuros; quia ipsi non tenentur vinculo iuramenti; peccare tamen contra iustitiam, quia obligatio realis in ipsos deriuatur. *tom. 2. pag. 225. n. 2. & 3.*

32. Iuramentum cadens supra promissionem factam cum aliqua conditione tacita, eo modo explicandum est, quo explicatur ipsa promissio: quia iuramentum fortitur conditiones actus, super quem cadit. Hinc sequitur eum, qui cum iuramento promissit nuptias Bertæ diti, sanæ virginis, &c. quæ post promissionem incidit in morbum incurabilem, vel in paupertatem, vel in fornicationem, &c. non teneri stare iuramento, aut eâ ducere vi iuramenti; quia huiusmodi iuramentum habet eandem tacitam conditionem, quam habent sponsalia. *ibid. num. 1. & 2.*

33. Qui cogitur à socio prior ingredi domum, quam vrbauit causa iurauerat se non ingressurum priorem, non peccat contra iuramentum; vt si quis vrbauit gratia dicat alteri, *per Deum nō præcedam, non ingrediar, nisi tu prior ingressus fueris, &c.* hoc enim iuramentum censetur factum cum hac tacita conditione, *non præcedam nisi me coegeris.* *tom. 2. pag. 226. num. 2.*

34. Iuramentum in dubio ita explicandum est quàm minimè obliget, seruata verborum proprietate. Hinc collige quomodò explicandum sit iuramentum, aut votum non ludendi: intelligendum enim est de ludo illicito, non verò de licito, qui recreationis gratia suscipitur, nisi aliter coniciatur de iurantis intentione: in dubio enim benigne interpretanda est intentio iurantis, vbi agitur de obligatione contrahenda.

35. Obligatio iuramenti impediri potest ne inducatur. 1. per legem destruentem omnino còtractum humanum, in quem cadit; destructo enim fundamento corruiat id, quod ipsi innitebatur. 2. prohibendo executionem, ita vt sine peccato nequeat adimpleri. *tom. 2. pag. 228. n. 1.*

36. Obligatio iuramenti iam inducta, quatuor modis tolli potest. 1. mutatione materie, vt si materia iuramenti fiat illicita, vel impossibilis. 2. remissione, seu relaxatione, illius, in cuius fauorem factum est iuramentum; is enim cedere potest iuri suo. 3. irritatione facta per superiores. 4. per còmutationem, aut etiam per dispensationem. *ibid. n. 2. & seq.*

37. Iuramentum factum in fauorem hominis, qui illud acceptauit, non potest commutari, vel dispensari, eo inuito, in cuius fauorem factum est, nisi aliqua iniuria præcesserit, vel nisi hoc fiat in iustam ipsius poenam, vel nisi ita postulet commune bonum: quia superior non potest sine legitima causa quemquam priuare suo iure. *tom. 2. pag. 229. num. 8.*

38. Præter Summum Pontif. Episcopi, alique Prælati iurisdictionem quasi Episcopalem habentes, facultatem habent dispensandi in iuramentis. Excipe. 1. iuramenta Summo Pontif. reseruata, cuiusmodi sunt iuramenta,



menta, quibus confirmantur statuta Collegiorum, Academiarum, & iura bonorum Ecclesiasticorum. 2. excipe iuramenta, quæ annexum habent votum, Papæ reservatum. Laica autem potestas in iuramentis dispensare non potest; quia vinculum iuramenti est spirituale, consequenter ipsius relaxatio ad spirituales pertinet potestatem. Secus dicendum de condonatione; hæc enim à Principe seculari fieri potest; quia non est relaxatio vinculi spiritualis, sed remissio materia; seu crediti, quæ fieri potest à creditore, qua facta cessat obligatio iuramenti. *ibid. n. 9. & 10.*

39. Iuramenta facta in honorem Dei, possunt ab ipso iurante, in melius, aut æquè bonum commutari: si enim possunt vota sic commutari, quidni iuramenta? At iuramentum homini factum non item; quia non semper gratius est homini, quod est melius. *ibid. num. 11.*

40. Probabilius est eos, qui facultatem habent delegatam commutandi vota, non posse commutare iuramenta, præsertim promissoria, talibus votis adnexa: quia hoc privilegium est odiosum, cum agatur de facultate dispensandi in iure naturali, & diuino; ergo strictè est explicandù. *ib. n. 12.*

#### *Excommunicatio contra exigentes iuramenta.*

41. Gregorius XIII. in Bulla quæ incipit. *Inter Apostolicos*, decernit nulla iuramenta illicita, impossibilia, damnosa, vel libertati Eccles. aut decretis Concilij Trid. contraria, præstanda esse, reddenda, vel exigenda; deinde censuram addit contra transgressores; cum hoc tamen discrimine, quod Episcopos, aliosque Antistites suspendit à diuinis; Capitula, & conuentus, Ecclesiastico subiicit interdicto; regulares verò personas, excommunicationis gladio ferit, addita etiam inhabilitate ad officia, vel beneficia obtenta, & obtinenda. *disp. 2. quest. 3. punct. 17. pag. 224. t. 3.*

42. Hæc censura tantum afficit exigentes huiusmodi iuramenta; non autem præstantes; quanquam hi grauius peccant, nisi ob ignorantiam excusentur; quia Deum adhibent testem rei illicitæ; & præterea priuantur vsu, & commodo rei, cuius causâ scienter iurauerunt. *ibid. num. 6.*

### L.

#### L A I C V S.

#### *Ad Laicam potestatem recurrentes.*

1. **Q**VI prætextu appellationis à violentia, seu grauiamine, aut à futura executione litterarum Apostolicarum, ad laicam potestatem, seu Curiam facularem recurrunt, in excommunicationem.



nem. 13. Bullæ Cœnæ incurrunt, etiam si id faciant ad necessariam sui defensionem, vel ad manifestam iniuriam Ecclesiastici iudicis propulsandâ: Quia hoc fit in præiudicium iurisdictionis Ecclesiasticæ; neque hæc appellatio est legitima, quæ fit à superiore ad inferiorem: sic enim datur occasio Curia: seculari v'surpandi iurisdictionem Ecclesiasticam. Ideo dum iudex Ecclesiasticus iniuriam infert, adeundus est superior Ecclesiasticus, immò ipse Summus Pontifex per viam appellationis, aut per supplices libellos. *disp. 1. quæst. 14. pag. 66. 67. tom. 3.*

2. Obiicies Summum Pontif. excommunicare eos, qui ad Curias sæculares confugiunt prætexentes friuolam appellationem; ergo qui ad sæculares Curias confugiunt ad iniuriam propulsandam non subiiciuntur excommunicationi, quia non prætexunt friuolam appellationem, sed veram. *Resp.* omnem appellationem, quæ fit ab Ecclesiastico tribuiali ad laicum esse friuolam, etiam si fiat ad iniuriam Ecclesiastici iudicis propulsandam; adhuc enim sacrilega est, iniuriosa, & irrita, cum ab Ecclesiastico iudice ad laicum non detur appellatio. *ibid. punct. 1. pag. 67. 68. num. 5. tom. 3.*

3. Consuetudo immemorabilis confugiendi ad laicam potestatem ad propulsandam iniuriam ab Ecclesiasticis illatam, non dat vllum ius laicis cognoscendi de causis Ecclesiasticis. Quia consuetudo præscribi non potest cum mala fide, & incapacitate subiecti, id est dum subiectum est incapax illius, quod per consuetudinem inducitur: sed laicus non est capax Ecclesiasticæ potestatis; ergo non potest illam acquirere, per vllam consuetudinem etiam immemorabilem. Ad hæc illa consuetudo singulis annis in Bulla Cœnæ reprobat, & renocatur. *ibid. pag. 68. n. 6. tom. 3.*

4. Qui ad repellendam iniuriam, seu ad necessariam sui defensionem, auxilium laicorum implorat tãquam personarum priuatarum, in excommunicationem huius canonis non incurrit. Quia Summus Pontif. excommunicat eos, qui ad Curias sæculares recurrunt: Curia autem secularis, seu laica potestas, formaliter loquendo ea dicitur, quæ publicam exercet iurisdictionem. *ibid. num. 7.*

5. Litteræ Apostolicæ, à quibus ad laicam potestatem non licet appellare, sunt Bullæ, Breuia, Citationes, Inhibitiones, Sequestra, Monitoria, Processus, Executoriales litteræ, & quæuis alia Decreta, quibus aliquid decernitur à Summo Pontif. vel ab aliis iudicibus, & officialibus Apostolicis. *ibid. num. 9. & seq.*

6. Qui per appellationem ad Curiam sæcularem impedit executionem litterarum Apostolicarum, vel alia quacumque ratione, in hanc censuram incurrit. Qui autem appellat à decreto Episcopi, vel eius Vicarij, vel alterius Prælati, eximitur ab hac censura: quia non impedit executionem litterarum Sedis Apostolicæ; aut eius officialium, de quibus in hoc canone est sermo. *ibid. pag. 69. num. 20. tom. 3.*

7. Non solum is, qui appellationem interponit, verùm etiam qui alia  
ratione



ratione confugit ad laicam potestatem vt impediatur litterarum Apostolicarum executionem, ligat excommunicationem: sine recurat ad laicam potestatem in causis spiritualibus, siue in temporalibus, & profanis, licet iudices, laici ad quos confugit, sint subditi Ecclesiae, & à Summo Pontif. constituti; licet sint personae Ecclesiasticae, habentes tamen laicam, & temporalem ditionem; denique licet laici iudices interpositam appellationem, admittant. *ibid. num. 25.*

8. Qui impediunt ne tabelliones, & notarij conficiant acta, vel instrumenta super executione litterarum Apostolicarum, aut ne acta vel instrumenta confecta tradantur parti, cuius interest. Item qui vexant impetrantes litteras Apostolicas, aut ipsorum consanguineos, affines, vel familiares, vt hoc pacto litterarum executionem impediunt, censuræ huius canonis subiiciuntur. *ibid. punct. 2. pag. 70. n. 4. & seq. tom. 3.*

9. Magistratus, qui prohibet litteras Apost. executioni tradi, antequam adueniat sui principis consensus, vel examen, eandem excommunicationem incurrit: quia consensus Magistratus, & Principis pro eadem re accipitur, & quasi vnum, & idem vtriusque videtur esse tribunal. *ibid. pag. 71. num. 17. tom. 3.*

10. Prælati, seu Clerici, ad quos litteræ Apostolicæ diriguntur, non, incident in hanc excommunicationem, si præfatis litteris non vtantur, aut eas executioni non tradant, antequam Principis, vel magistratus beneplacitum accedat. Quia Summus Pontif. excommunicat eos, qui impediunt, vel prohibent executionem litterarum Apost. non autem eos, qui non exequentur. Idem dicendum de inferioribus iudicibus, capitaneis, lictoribus, &c. qui rogati opem ferre renuunt ad harum litterarum executionem. Item de notarijs, qui acta vel instrumenta super illarum executione conficere recusant sine Principis, vel Magistratus beneplacito; hi enim non dicuntur impedire executionem, sed non exequi. Secus autem si impediunt ne instrumenta, vel acta ab alijs conficiantur. *ibid. num. 18.*

11. In dubio an litteræ Apost. subreptitiæ sint, & inualidæ, non potest, Magistratus secularis, seu laica potestas illarum executionem impedire, aut de illarum validitate iudicare: Quia litteræ Apost. iuxta sacros canones discutiendæ sunt, & examinandæ; ergo illarum discussio ad Ecclesiasticum iudicem pertinet; neque iudex laicus est competens. *ibid. num. 19.* Immo etiam si constet ipsas subreptitiæ esse, & inualidas, non est iudicis laici de illis cognoscere, aut illarum executionem impedire; sed fieri potest oppositio coram Ecclesiastico Iudice, vel etiam Summo Pontif. supplicatio exhiberi. Sin aditus ad Ecclesiasticum Iudicem non pateat, & graue damnum timeatur, si eiusmodi litteræ subreptitiæ executioni tradantur, potest executio impediri, donec Summus Pontif. informetur. *ibid. num. 20. & 21.*

12. Princeps laicus non potest litteras Apostolicas à Legato, vel Nuncio Summi Pontif. exigere, non solum vt illarum executionem impediatur, sed



sed etiam vt illas auctoritatiuè recognoscat. Quia auctoritatu a eiusmodi recognitio ad iudicem Ecclesiasticum spectat. Potest tamen à Legato litteras petere, vt sciat an verè sit Legatus. Immo tenetur ipse Nuncius, seu Legatus litteras suæ legationis testes exhibere, non vt à Principe laico auctoritatiuè iudicentur, sed vt ipse Princeps, & populus cognoscat eum esse Summi Pontif. Nuncium. Si tamen Princeps, seu Magistratus secularis litteras Apostolicas sibi postulet exhiberi, non vt illarum executionem impediatur, sed vt illas examinet, & recognoscat, non incurrit excommunicationem. Quia Summus Pontif. excommunicat impediētes litterarum Apost. executionem, non autem examinantes. *ibid. pag. 72. nu. 22. & seq. tom. 3.*

13. Licet Principis, & Magistratus consensum petere, vt maior auctoritas, & fides litteris Apostolicis accedat, si Princeps subscribat, aut sub temporalibus pœnis illis obtemperari præcipiat, & executoriales litteras ad hunc finem concedat. *ibid. num. 26.*

14. Ad excommunicationem huius canonis incurrendam non requiritur vt quis actum impediatur litterarum Apostolicarum executionem, sed sufficit sola prohibitio, etiam si non obstante prohibitione suum effectum sortiantur, & executioni mandentur. Quia Summus Pontif. excommunicat impediētes, vel prohibētes sub disiunctione. *ibid. num. 27.*

15. Qui auctoritate publica vel priuata iniuste audent directè, vel indirectè, in genere vel in specie prohibere, vel mandare ne quis ad Rom. Curiam accedat, vel recursum habeat ad sua negotia prosequenda, aut gratias ac litteras impetrandas, aut qui impediunt, ne quis gratias, aut litteras à Sede Apost. impetret, seu ne impetratis vtatur, aut qui audent præfatas litteras retinere apud se, vel apud notarios, seu tabelliones, huius canonis excommunicationi subiiciuntur. *ibid. punct. 3. pag. 72. num. 3.* Hinc sequitur Episcopum nolentem admittere ad sacros Ordines spurium, qui dispensationem circa defectum natalium impetrauit, aut impediētem, ne capiatur possessio beneficii à Rom. Pontifice collati, in excommunicationem huius canonis incidere, nisi iusta de causa id faciat. *ibid. pag. 73. num. 12. tom. 3.*

16. Vt incurratur excommunicatio ob præfatas actiones in hoc canone prohibitas, requiritur præsumptio, temeritas audacia, & scientia; quomobrem ignorantia, nisi sit cum ingenti temeritate coniuncta, excusat. *ibidem punct. 3. pag. 72. num. 2. tom. 3.*

*Laicus Index ad se causas auocans ab Ecclesiastico Iudice.*

17. Auocare causam nihil est aliud, quàm cognitionem seu definitionem causæ apud alium iudicem pendentis ad se trahere, & reuocare. Hoc autem tribus modis fieri potest. 1. expressè citando partes litigantes ad prosequendam causam coram suo tribunali. 2. prohibendo iudici, coram quo



quo agitur, ne ampliùs in ea causa procedat. 3. inhibendo partibus ne causam coram primo iudice prosequantur. *disput. 1. quest. 15. pag. 74. punct. 1.* Vnde sequitur ad incurrendam excommunicationem 14. Bulla Coenae latae contra auocantes causas ab Ecclesiasticis iudicibus opus esse, ut auocentur ad seculare tribunal causas, quae iam coram Ecclesiastico tribunali fuerant introductae. *ibid. num. 3. tom. 3.*

18. Auocatio causarum à iudicibus Ecclesiasticis per eum facta, qui fungitur auctoritate Ecclesiastica, non est sufficiens ad incurrendam huius canonis excommunicationem, modò fiat ab eo, quatenus Ecclesiasticam iurisdictionem exercet; quia Summus Pontif. excommunicat eos, qui cum laicam iurisdictionem exercent, auocant causas à iudicibus Ecclesiasticis. Si verò auocatio fit per eum, qui fungitur auctoritate laica, etiamsi aliàs habeat iurisdictionem Ecclesiasticam, ut si auocatio fiat ab Episcopo, vel Cardinali qui iure patrimonij laicalem obtinet principatum, vel qui in Curia Principis secularis temporalem administrat iurisdictionem, hae auocatio sufficit ad incurrendam censuram, quia derogat Ecclesiastica iurisdictioni. *ibid. num. 5.*

19. Probabiliter sustineri potest ad incurrendam censuram latam contra auocantes causas à iudicibus Ecclesiasticis, opus esse, ut illa causa auocentur non solum auctoritate iudiciaria, verum etiam prae-textu exemptionum, & privilegiorum Apostolicorum: Quia Summus Pontif. vtriusque meminit absque disunctione, ergo vtrumque est necessarium; verba enim legis poenalis strictè sumenda sunt. *ibid. pag. 75. num. 6. tom. 3.*

20. Causarum spiritualium, vel eis adnexarum auocatio ad laicum tribunal vetita est sub excommunicatione, etiamsi iudices Ecclesiastici negligentes sint in huiusmodi causis cognoscendis: quia iudex laicus incapax est iurisdictionis spiritualis, nec eam per consuetudinem etiam immemorabilem acquirere potest. Sed in hoc casu monendus est iudex Ecclesiasticus de neglecta, vel iniquè administrata iustitia, vel recurrendum est ad Summum Pontif. *ibidem num. 8.*

21. Eandem excommunicationem incurrunt, qui impediunt causarum spiritualium, vel spiritualibus annexarum cursum, prosecutionem, audientiam, & personas, Capitula Conuentus, vel Collegia, quae predictas causas prosequi volunt; & qui de se illarum cognitione tanquam iudices interponunt. *ibid. pag. 76. num. 13. tom. 3.*

22. Eadem censura ligantur, qui compellunt partes actrices ad reuocandum, vel reuocari faciendum citationes, vel inhibitiones, &c. vel ad consentiendum, ut i, contra quos tales prohibitiones emanarunt, à censuris, & poenis in illis contentis absoluantur. *ibid. n. 19.* Qui verò via iudiciaria, aut precibus, aut promissionibus, aut pecunia inducunt partes actrices ad consentiendum, non incidunt in excommunicationem; quia non compellunt vj aut metu. *ibid. n. 20.* Neque incurrit excommunicationem, qui compellit iudicem, à quo excommunicatio, & aliae poenae inflictæ sunt, ut absol-



absolutionem impendat. Quia in Bulla non est sermo de compellente iudicem, sed de compellente partes: hic tamen aliam excommunicationem incurrit, de qua suo loco. *ibid. num. 21. tom. 3.*

23. Mandans, consulens, fauens, vt causæ spirituales à Iudicibus Ecclesiasticis auocentur, vel vt ipsarum cursus impediatur, &c. incurrit excommunicationem modò sequatur effectus. At verò ratam habens illam auocationem, hoc vinculo non innodatur; quia illa approbatio est posterior effectui, ac proinde in illum non insuit. *ibid. pag. 77. num. 25. & seq. tom. 3.*

24. Ecclesiastici, qui sponte patiuntur se trahi in causis spiritualibus ad iudices seculares, non videntur in hanc censuram incurrrere; quia non fauent auocationi auctoritatiuè, sed permissiuè tantum. *ibid. num. 26.*

25. Priuilegium Summi Pontificis legitime concessum, ab istius excommunicationis vinculo excusat auocantes causas spirituales, & Ecclesiasticas à iudicibus Ecclesiasticis, vel illarum cursum impediens: Tum quia canon hic loquitur de auocantibus auctoritate propria; qui autem ex priuilegio aliquid facit, non dicitur auctoritate propria facere, sed auctoritate concedentis priuilegium: tum quia legislator in sua lege potest dispensare. *ibid. punct. 4. §. 1. pag. 77.* Simplex autem tolerantia Summi Pontificis si quæ est, priuilegium non inducit. *ibid. pag. 78. num. 3.* Porro priuilegia ante Bullam Cœnæ concessa, per hanc Bullam reuocantur; nisi aliquod priuilegium confirmatum fuerit, aut peculiari aliqua, & inusitata forma concessum, vt per verba huius Bullæ reuocatum non censetur. *ibid. num. 6. tom. 3.*

26. Priuilegium cognoscendi causas Ecclesiasticas Principibus concessum reuocari potest, non obstante immemorabili consuetudine, quia priuilegium inferiori concessum, potest à superiore reuocari; tum quia huiusmodi priuilegium est odiosum, vt pote libertati Ecclesiasticæ contrarium, *ibid. num. 6.*

27. Impedientes litterarum Apostolicarum executionem, excusari possunt ab excommunicatione, si impediunt prætextu informandi, aut supplicationem exhibendi Summo Pontifici, modò tamen supplicationem coram Sede Apostol. legitime prosequantur. Qui autem malitiosè, & absque legitima causa impedit, non excusatur, etiamsi id faciat prætextu supplicationis Summo Pontifici exhibenda; tum quia dolus, & propria culpa nemini patrocinator; tum quia is non potest supplicationem legitime prosequi, quam ipse scit esse iniustam. *ibid. §. 2.*

28. Non licet Clerico ad laicum iudicem recurrere, & appellationem à iudice Ecclesiastico interponere eo prætextu, vt vim vi repellat; quia hoc fieri non potest cum moderamine inculpatæ tutelæ: quia moderamen inculpatæ tutelæ non seruatur, quoties maior vis inferitur, quàm opus sit ad tuendum oppressum; in nostro autem casu maior vis inferitur; tum quia innocens defenditur publica auctoritate cum usurpatione iurisdictionis Ecclesiasticæ, cum priuatim defendi posset absque læsione Ecclesiasticæ libertatis; tum quia defendi potest admonendo superiores Ecclesiasticos,



iuxta sacros canones, aut supplicationem porrigendo Summo Pontif. eamque legitimè prosequendo, non adito laico tribunali. *ibidem* §. 3. pag. 79. *num. 2. tom. 3.*

29. Prætextus prohibendæ violentiæ, seu iniuriæ, non est titulus sufficiens ad excusandos eos, qui causas spirituales, & Ecclesiasticas a iudicibus Ecclesiasticis auocant, aut literarum Apostolicarum executionem impediunt, aliæ in Bulla prohibita, faciunt; tum quia iure canonico prohibetur, ne causæ Ecclesiasticæ ad profanos, & civiles iudices deuoluantur; etiam si Ecclesiastici iudices in administranda iustitia errauerint, aut negligenter se gesserint; tum quia in hac auocatione non seruatur moderamen inculpatæ tutelæ, vt supra probatum est. Tum quia propulsare auctoritatine iniuriam, est actus iurisdictionis; sed actus iurisdictionis non potest à laicis exerceri in Ecclesiasticos, qui laicæ potestati non subsunt, ergo. *ibid.* §. 4. pag. 80. *tom. 3.*

30. Obicitur primò. Qui facit id, ad quod tenetur ex officio, non peccat, neque censuram incurrit. Sed Principes, qui superiorem in sua diuione temporali non agnoscunt, faciunt id, ad quod tenentur ex officio, dum ab oppressis violentiam & iniuriam propulsant, & innocentes ad se confugientes tuentur, eorundemque appellationes admittunt, præsertim cum Reges & Principes ante Christi aduentum vtriusque iurisdictionis temporalis, & spiritualis vsum habuerint, vt patet in Mose. Deinde potestatem spiritualem Christus ademittit Principibus sæculi, eamque D. Petro, eiusque successoribus contulit. Quò fit, vt si iudices Ecclesiastici facultate sibi à Christo collata abutantur, inferendo aliis violentiam, iurisdictioni spiritualis, quæ fluxit à regia, & politica, redeat ad suum principium, id est ad Principes sæculares, vt possint per viam protectionis clericos, & laicos ab iniuriis per iudices Ecclesiasticos illatis vindicare. *Resp.* negando minorem; falsum enim est Principes cognoscentes causas Eccles. per viam violentiæ facere id, ad quod tenentur ex officio; quippe ex officio tenentur causas cognoscere sibi subditorum; Ecclesiastici autem non sunt subditi laicis. Falsum item est iurisdictionem spiritualement fluxisse à laica potestate; quia potestas & Ecclesiastica est superioris ordinis. Si qui autem olim temporalem, & spiritualement iurisdictionem simul exercuerunt, hi fuerunt Reges simul, & Sacerdotes. *ibid.* pag. 81. *num. 4. & seq. tom. 3.*

31. Obicitur secundò. Ecclesiastici sunt ciues, & membra Reip. temporalis; sed ciues, & membra Reip. subsunt Principi temporali; ergo Ecclesiastici subsunt Principi seculari, ergo tenentur legibus Principum politicis ad violentiam arcendam. *Resp.* Ecclesiasticos esse quidem ciues, & membra Reip. sed immunes, & exemptos à iurisdictione Principis secularis in causis spiritualibus; fatendum tamen ex vi directiua Ecclesiasticos teneri legibus Principum politicis, quæ ad commune bonum spectant. Neque dixeris D. Paulum cum ciuem Rom. se esse dixit ad Cæsarem appellasse, proindeque se eius potestati subiecisse, saltem quoad protectionem:



nem: Nam *Resp.* ipsum non appellasse à iudice Eccles. ad laicum, sed à laico, ad laicum, ut ab eo protegeretur, cum aditum ad alium non haberet. *ibid. pag. 82. num. 11. tom. 3.*

32. Quæres quid igitur faciendum, si Iudices Ecclesiastici, ipseque Summus Pontif. delicta impunita relinquat, innocentēs iniuste vexent, & alia, contra ius naturale, & diuinum faciant: nonne poterit Princeps, & magistratus secularis innocentium iura tueri, & ab illis violentiam propulsare? *Resp.* neque in hoc casu fas esse Iudicibus secularibus Summo Pontifici auctoritatē resistere, aut iurisdictionem in ipsum exercere; quia Summus Pontif. nullum habet in terris superiorem, à quo iudicari aut in sua iurisdictione impediri possit. *ibid. pag. 83. num. 14. tom. 3.*

33. Prætextus Bullæ non acceptatæ in iis locis, in quibus non obseruatur, non est titulus sufficiens ad excusandos transgressores ab excommunicatione. Quia etiam si nonnulli concedant legem non modò secularem, verum etiam Ecclesiasticam non obligare, ubi acceptata non est; id tamen non habet locum, ubi constat Superiorem velle se independentem ab acceptatione obligare. Atqui Summus Pontif. vult hanc Bullam independentem ab acceptatione obligare, excludit enim omnem prætextum; ergo obligat etiam in iis locis, ubi non est acceptata. *ibid. §. 5. pag. 84. num. 2. tom. 3.*

## L E X.

*Quid, & quotuplex sit lex.*

1. **L**ex à S. Thomæ discipulis definitur Ordinatio rationis promulgata ad bonum commune, ab eo qui curam habet communis, seu qui potestatem habet obligandi. Ad condendam legem hæ requiruntur conditiones. 1. ut sit iusta. 2. ut promulgetur. 3. ut feratur à legitimo superiore. 4. ut feratur ob commune bonum immediatè, vel mediatè: lex enim omnino inutilis communitati non obligat. *tom. 2. pag. 2. num. 1. & seq.*

2. Prima legis diuisio est in æternam, diuinam, humanam, & naturalem. *Lex æterna* est mens, & ratio Dei, bona præcipiens, & mala prohibens. *Lex diuina* est ea quæ vim habet quatenus à Deo proficiscitur, estque duplex, *vetus* seu *Mosaica*, & *nova* seu *Euangelica*. Rursus *lex diuina* subdividitur in diuinam naturalem qua idem præcipitur quod lege naturali, ut sunt præcepta decalogi; & in diuinam positivam, qua præcipitur aliquid quod lege naturali non est sancitum, ut est præceptum præmittendæ confessionis ante summptionem Eucharistia, ab eo qui sibi conscius est peccati mortalis. *Lex humana* est illa quæ fertur auctoritate humana, dependenter tamen à Deo; estque duplex, Ecclesiastica, & secularis. *Lex naturalis* est dictamen, seu lumen naturale nostræ rationis, quo cognoscimus quæ faciendæ sint, quæ vitandæ. *tom. 2. pag. 3. num. 1. & seq.*

3. Secunda legis diuisio est in naturalem, gentium, & civilem. Lex na-



turalis paulò ante definita est. *Lex gentium* est illa quam omnes homines, naturali ratione ducti constituunt, cuiusmodi est illa: *Possessiones sunt dividenda*. *Lex civilis* est illa, quæ simpliciter auctoritate hominum decernitur. Quando verò lex civilis, canonica videtur aduersari, parendum est potius canonicae, seu Ecclesiasticae: nam Ecclesia leges ciuiles potest abrogare. *tom. 2. pag. 4. num. 13. & seq.*

*Quis possit legem ferre.*

5. Lex condi potest ab eo, qui habet publicam potestatem, iurisdictionem, & vim cogendi. Quare Summus Pontif. ferre potest leges Ecclesiasticas in toto orbe. Leges autem ciuiles non tantum in suo territorio potest ferre, sed etiam in alieno, saltem indirectè, per ordinem ad finem spiritualem, quoties id necessarium esse duxerit ad salutem animarum. Hanc autem potestatem ferendi leges in Ecclesia, Summus Pontif. accepit immediate à Christo: est enim proximus, & immediatus Christi Vicarius. Episcopi verò à Summo Pontif. hanc potestatem mutuuntur. *tom. 2. pag. 5. num. 1. & 5.*

6. Imperator legitime electus potest in regna, & prouincias sibi subditas leges ciuiles ferre; non verò in orbem vniuersum: multi enim Christiani non sunt subditi Imperatori. Quare prouincia, quæ neque iure dominij, neque iure feudi, neque alio titulo, Imperatori subsunt, non tenentur legibus Imperatoris. *ibid. num. 5 & pag. 206. num. eod.*

7. Reges in suis regnis possunt leges ciuiles ferre, cum in iis potestatem publicam, supremamque habeant iurisdictionem. Idem proportionè dicendum de alijs Principibus, supremis, qui superiorem in temporalibus non agnoscunt. Qui verò superiorem agnoscunt, possunt leges, iuxta limites à Principe sibi præscriptos, sancire. Ipsa etiam Regina, quæ regni domina est, nullumque in temporalibus superiorem agnoscit, idem ius habet legum ferendarum. Contracto autem matrimonio, si ius & dominium regni, iure hæreditario, vel alio titulo competit feminae, ad Reginam pertinet leges ferre, nisi suas vices marito committat. Quia ad ipsam pertinet ius, & dominium regni, neque matrimonium transfert hoc dominium, seu administrationem regni in maritum, cum regnum alienari non possit, nec in dotem dari. *tom. 2. pag. 6. num. 7. 8. & 9.*

8. Res publ. seu Communitates perfectæ, quæ per se ipsas gubernantur, possunt in suis territoriis leges condere. Item Ciuitates, quæ supremæ Reip. formam aliquam retinent. Quæ verò potestatem in Principem transfulerunt, leges propria auctoritate condere non possunt. *ibid. num. 10. & 11.*

9. Concilia generalia Summi Pontif. auctoritate conuocata, possunt leges, & statuta generalia condere, iuxta facultatem sibi à Summo Pontif. concessam. Vnde licet inferre à Summo Pontif. ad Concilium generale, non



non dari appellationem: quia Summus Pontif. non habet superiorem. Concilia verò non vniuersalia, sed prouincialia, nationalia, & synodalia, vim habent condendi leges obligantes territoria ipsorum iurisdictioni subiectas; æque faciunt ius commune, nisi à Summo Pontif. generaliter approbentur. *tom. 2. pag. 7. num. 13. & 14.*

10. Generales religionum approbatarum in Capitulo generali, & Prouinciales in prouinciali, concurrente maiori suffragiorum parte, possunt leges ferre. Reliqui verò Prælati possunt ea præcipere, quæ ad obseruantiam regulæ sunt accommodata. Non tamen possunt subditos compellere ad obseruantiam regulæ, quæ, dum ipsi professionem emiserunt, auctoritate Summi Pontif. aut consuetudine legitimè præscripta, iam erat abrogata. Secus dicendum si regula paucorum culpâ non seruabatur, nondum tamen erat legitima consuetudine abrogata: tunc enim subditi, nouis constitutionibus compelli possunt ad eam seruandam; vouerunt enim regulam illius religionis, consequenter ad eius obseruantiam compelli possunt. *ibid. num. 15. & pag. 8. num. 18.*

11. Collegium Cardinalium non potest, seu viuente Summo Pontif. seu sede Apostolica vacante, legem vniuersalem condere, immò nec particularem nisi in propriis titulis, in quibus iurisdictionem habent Episcopalem: cum enim Collegium Cardinalium, vt probabilior fert sententia, non sit de iure diuino, nullamque habeat iurisdictionem, quæ à Summo Pontif. non pendeat (si quidem Cardinales à Syluestro Papa instituti sunt) nusquam legitur hæc facultas condendarum legum Cardinalibus à Pontifice concessa: sed illis tantum permittuntur ea, quæ ad electionem Summi Pontificis, & ad Ecclesiæ defensionem spectant. *tom. 2. pag. 8. num. 26. & pag. 9. num. eod.*

12. Capitulum Ecclesiæ Cathedralis, sede Episcopali vacante, potest leges & statuta facere in diocesi duratura, donec reuocentur ab Episcopo successore. Immo potest statuta ab antecessoribus Episcopis facta reuocare, & contraria statuere, si ita expedire iudicauerit: Capitulum enim, exceptis casibus in iure expressis, sede vacante, succedit in iurisdictione Episcopi. Viuente autem Episcopo, non potest leges, vel statuta condere nisi circa ea, quæ ad bonum regimen, & ordinem Capituli pertinent. *tom. 2. pag. 9. num. 29. & 30.*

### *Conditiones legis ferende.*

13. Ad ferendam legem sex potissimum conditiones requiruntur. 1. vt feratur à legitimo superiore. 2. vt feratur ob bonum commune. 3. vt sit iusta. 4. vt promulgetur. 5. est lapsus temporis, seu termini à legislatore præscripti: nam lex ultra voluntatem legislatoris non obligat. 6. vt lex vsu recepta sit, seu acceptata. *tom. 2. pag. 11. n. 1. & seq.*

14. Promulgatio legum, quæ ab Imperatore, Rege, aut Principe su-



premo feruntur, in singulis provinciis facienda est, neque obligat subditos illius provinciae in qua facta non est: distinctae enim provinciae censentur distinctae vniuersitates, proindeque distinctam postulant promulgationem. Promulgatio verò legum Pontificiarum facienda est in Curia Romana: & hæc promulgatio sufficit ad inducendam vbiq; obligationem seruandae legis: vsus enim obtinuit vt leges Pontif. in sola Romana Curia promulgentur. *tom. 2. pag. 12. num. 16.*

15. Qui legem rescissoriam contractus, sufficienter promulgatam ignorat, licet non peccet, si contractum ineat contra legem: inualidè tamen celebrat contractum. Quia leges rescissoriae hoc habent, vt post promulgationem obligent etiam ignorantes: leges verò reuocatoriae priuilegiorum, non obligent antequam reuocatio perueniat ad illius aures cui concessa fuerant priuilegia: quia priuilegium est fauorabile, fauores autem sunt ampliandi. *tom. 2. pag. 13. n. 20.*

16. Lex statim post promulgationem obligat, quando nullus terminus ad obligandum fuit appositus, nisi aliter constet de mente legislatoris: sollet autem legislator, quando non intendit ante certum tempus obligare, hoc exprimere: quare si nullum tempus exprimat, censetur velle legem statim post sufficientem promulgationem obligare, prout sonant verba legis. Hoc tamen est speciale legibus ab Imperatore conditis, vt non obligent ante duos menses à promulgatione. *ibid. num. 25.*

17. Leges sub hac tacita conditione feruntur, vt vim habeant, si fuerint acceptatae, & vsu receptae. Tunc autem lex dicitur non esse vsu recepta, quando populus, vel maior pars populi pergit facere, quod consueuerat ante legis promulgationem, siue sciat legem esse promulgatam, siue ignoret. Tunc verò dicitur lex vsu recepta, & acceptata, quando maior pars communitatis facit, quod lex præcipit, aut eam approbat verbo, vel scripto, aut eam non improbat. Potest tamen legitimus superior legem ferre, quæ obliget subditos independentè ab ipsius acceptatione, & consensu: alioquin maior esset potestas populi, quàm Principis, quia doquidem populus posset legislatoris potestatem, ac iurisdictionem impedire. *ib. n. 27. & pag. 14. num. 29.*

18. Lex acceptata quoad vnā partem, obligat quoad eam tantum partem, quæ acceptatur. Quia quæ ratio est totius ad totum, eadem est partis ad partem. Potest etiam aliquando per consuetudinem abrogari quoad vnā partem, aut quoad penam, reliquis partibus in suo robore permanentibus. *tom. 1. pag. 14. num. 30.*

19. Possunt subditi ex iusta causa non solum supplicationes, & preces ad legislatorem transnittere, vt legem reuocet, verum etiam legis obligationem interim suspendere, donec iterum confiterit de voluntate legislatoris. Quia posita iusta, & rationabili causa legis reuocandæ, consonum videtur rationi, vt subditis pateat aditus ad legislatorem pro legis reuocatione, & interim legis onere non premantur, donec legislator mentem suam



suam aperiat. *tom. 1. pag. 15. num. 41.*

20. Princeps potest subditos intra decennium, pœnis compellere ad seruandam legem promulgatam: transacto verò decennio, si lex acceptata non fuit, non potest Princeps, per se loquendo, subditos compellere ad seruandam legem: lex enim per desuetudinem, seu non usum decennalem abrogatur, & tollitur. *ibid. num. 46.*

21. Vt lex obliget, non requiritur scriptura tanquam conditio necessaria: potest enim lex promulgari, & acceptari etiam si non sit scripta; modò contrarium non sit usu receptum, aut sancitum. Hinc licet inferre priuilegiū absque scriptura concessum, non expirare morte concedētis, etiam si litteræ nondum essent expeditæ: quia priuilegium absque scriptura concessum, est validum. Vt plurimum tamen, & regulariter loquendo, lex per scripturam ferri consuevit. *ibid. num. 49. & pag. 16. num. 50. & 51.*

*Circa quam materiam lex versetur.*

22. Actiones humanæ sunt materia legum: versantur enim leges circa humanas actiones, præcipiendo bonas, & malas prohibendo. Ipsi etiam actus interni possunt aliqua ratione præcipi, vel prohiberi, non quidem ex se præcisè (quia merè interna soli Deo reseruantur): sed quatenus pertinet ad complementum actus externi. Sic Ecclesia præcipiens recitationē diuini officij, simul etiam præcipit attentionem, quæ est actus internus: nam attentio est planè necessaria ad orationem. Item præcipiens annuam confessionem, simul etiam præcipit dolorem peccatorum, qui est actus internus ad substantiam confessionis omnino necessarius: Eodem modo prohibens actum aliquem externum, simul etiam prohibet internum illi respondentem, sic cum prohibet furtum, prohibet etiam voluntatem furandi. *tom. 2. pag. 16. num. 2. & seq. & pag. 17. num. 9. & seq.*

*Quisnam legibus obligetur.*

23. Subiectum legis est homo subditus, capax rationis, iuxta tenorem legis. Hinc sequitur infideles, aut catechumenos, legibus Ecclesiasticis non adstringi, quia non sunt subditi Ecclesiæ. Pueros autem ratione videntes, Ecclesiæ legibus obligari, consequenter teneri ad confessionem annuam, ad Missam die festo audiendam, ab abstinentia à cibis vetitis in die ieiunij, &c. Item Augustam, id est Reginam, coniugem Principis condentis legem, ex natura rei obligari legibus à Principe constitutis, nisi eximatur, vt re ipsa eximitur. *tom. 2. pag. 18. num. 1. & seq. & pag. 19. num. 8. & seq.*

24. Princeps non tenetur, præcisò scandalo, suorum prædecessorum, leges obseruare: quia non sunt latæ à superiore, cum Princeps eadem gaudeat facultate, qua gaudebant prædecessores. Idem dicendum de Generalibus,



neralibus, respectu constitutionum sui ordinis, nisi ob specialem aliquam rationem illas seruare teneantur. *tom. 2. pag. 19. num. 12.*

25. Princeps non obligatur, proprie loquendo, ex vi coactiua, ad seruandam propriam legem: quia lex obligat subditos, nullus autem est sibi subditus; neque ullus habet potestatem, & iurisdictionem coactiuam in seipsum. Propterea si Papa percutiat clericum, non ligatur excommunicatione. Item qui cum Summo Pontifice contractum celebrat aliàs simoniacum, non committit simoniam iure humano prohibitam, quia Summus Pontifex cum eo dispensare praesumitur. At si loquamur de vi directiua, & aequitate fundata in iure naturae, dicendum est Principem teneri ad seruandas suas leges: debet enim alios suo exemplo mouere, vt sit conformitas inter caput, & membra; modò leges sint vniuersales, & ad statum Principis accommodatae; nam Princeps, qui lege cauit, v.g. ne magni sumptus fiant in vestes, non tenetur huic legi obtemperare. Si verò ferat legem praescribentem ieiunium, vel celebrationem dierum festorum, vel legem taxantem pretium rerum, tenetur eam seruare. *ibid. num. 14. & seq. & pag. 20. num. 19. & 20.*

26. Clerici, alique Ecclesiastici non tenentur legibus ciuilibus ex vi coactiua: quia Princeps laicus non habet in clericos iurisdictionem. Ex vi autem directiua, tenentur legibus ciuilibus spectantibus ad bonum commune, Ecclesiasticae libertati non repugnantibus; quia decet clericos esse alius exemplo. *tom. 2. pag. 21. num. 29.*

27. Cardinales ligantur legibus generalibus etiam odiosis à iure communi latis, consequenter afficiuntur censuris per verba generalia impositis à iure communi: sunt enim subditi iuri communi, seu Summo Pontifici: modò in quibusdam casibus aliter non constet de mente Summi Pontificis. *ibid. num. 34.*

28. Peregrinus, seu viator, qui ad aliquem locum peruenit absque intentione ibi constituendi domicilium, vel ibi manendi maiori anni parte, non ligatur legibus particularibus, ac propriis illius loci: quia per breuem moram non acquiritur in illum iurdictio, nisi fortè obligetur ratione scandali vitandi, aut alterius circumstantiae. Qui verò accedit ad aliquem locum, animo ibi manendi maiore anni parte, ligatur legibus in eo loco receptis, sique parochianus illius loci, quo ad Sacramenta, excepto ordine, & tonsura. *tom. 2. pag. 22. n. 36. & 44.*

29. Vagi, qui nusquam certam habent sedem, obligantur legibus, & consuetudinibus locorum, in quibus seperiuntur; alioquin exempti essent ab omnibus legibus, & statutis municipalibus, aut etiam decretis Episcoporum, quod non videtur consentaneum rectae gubernationi. *tom. 2. pag. 23. num. 54.*

30. Cuius Mediolanensis, qui primis quatuor diebus proximè antecedentibus primam Domenicam Quadragesimae (quibus diebus Mediolani non ieiunatur, nec abstinetur à carnibus, aut lacteiniis) si aliò se transfe-

rat,



rat, ubi ieiunatur, tenetur ieiunare, & à carnibus abstinere: quia illa consuetudo Mediolani recepta est, & localis; præceptum verò ieiunandi illis quatuor diebus, est præceptum generale, latini à iure communi, quod ubique gentium obligat, exceptis iis locis, in quibus non est receptum; aut in quibus contraria consuetudine fuit abrogatum. *tom. 2. pag. 24. num. 55.*

31. Qui præceptum obligans non solum in loco proprii domicilij, sed etiam alieni, iam adimplevit in proprio domicilio, non tenetur idem præceptum iterum adimplere in loco, in quo postea reperitur, etiam si ibi fiat domicilium, aut ibi manere maiori anni parte statuat. Quia iam illud præceptum adimplevit, neque idem præceptum bis obligat. Id contingere potest in celebratione alicuius diei festi, qui non eodem tempore ubique celebratur. *ibid. n. 57.*

32. Qui in alieno territorio versatur, non tenetur servare leges proprii territorij ibi non obligantes. Quia sicut agentia naturalia non agunt ultra spheram suæ actiuitatis, ita Principes ultra proprium territorium, suam iurisdictionem non extendunt; & subditus in alieno territorio existens, non est actu subditus legislatori. Idque extenditur non solum ad leges municipales, verum etiam ad teges iuris communis, quarum observatio viget in proprio territorio, non verò in eo loco, ubi ad tempus versatur. *ibid. num. 59.*

#### Obligatio legis humanæ.

33. Non omnes leges humanæ obligant in conscientia, præsertim sub peccato mortali: leges enim vetantes venationem, aut piscationem sine damno proximi, aut prohibentes delationem armorum nocturno tempore, per se loquendo, & præcisè aliis circumstantiis, non videtur obligare sub mortali. Ad hæc legislatur præsertim civilis, ut plurimum non intendit obligare sub peccato mortali, sed tantum sub aliqua pœna. *tom. 2. pag. 25. num. 2.*

34. Lex pœnalis, qua scilicet, aliquid præcipitur, aut vetatur, additæ transgressoribus pœnâ, obligat sub peccato mort. aut veniali, iuxta materiæ gravitatem, aut leuitatem, nisi aliunde constet legislatorē nolle ad culpam obligare: quia pœna supponit culpam. Hinc sequitur præceptum recitandi horas canonicas sub pœna amissionis fructuum, aut legem solvendi vectigalia sub pœna amissionis mercium, obligare in conscientia, & sic de cæteris. *tom. 2. pag. 26. n. 3.*

35. Leges, quæ neque obligant ad culpam, neque ad pœnam, non sunt propriæ leges, sed potius regulæ, seu ordinationes dirigentes ad bonum. Idem dicendum de regulis nonnullarum religionum, quæ ad culpam quidem venialem obligant. *tom. 2. pag. 27. num. 5.*

46. Lex inferens, ipso facto, pœnam transgressoribus, non obligat in conscientia, ante sententiam declaratoriam, ad subeundam pœnam, quæ non



non potest executioni mandari absque actione hominis, nisi manifeste appareat eam esse legislatoris mentem. Potest enim legislator obligare ad soluendam poenam ante sententiam, regulariter tamen non obligat. Immo etiam si delictum ita notum sit, ut non possit vlla tergiversatione celari, non tenetur delinquens, ante sententiam declaratoriam, soluere poenam, quæ ad sui executionem requirit hominis actionem, nisi aliter constet de mente legislatoris: hic enim est usus, & praxis. Poena verò ipso facto lata, quæ ad sui executionem non postulat hominis actionem, statim incurruntur post legem violatam. Quare si lex ita feratur. *Qui hoc fecerit, sit excommunicatus ipso facto*; delinquens statim patrato delicto incurrat excommunicationem, cum ad hanc poenam subeundam nulla actio requiratur, neque expectanda est sententia criminis declaratoria. Tamen circa poenam priuationis officij, beneficij, vocis actiue, & passiuæ, &c. nota delinquentem non teneri, cum periculo grauis infamiæ, hanc poenam subire, ante iudicis sententiam. *ibid. num. 6. & seq. & pag. 28. n. 9. & 10.*

37. Lex conditionalis, seu poena sub conditione apposita, obligat ante sententiam iudicis, v.g. femina, qui relictum est legatum sub hac conditione, *si à secundis nuptiis abstineat*, non potest accipere legatum, aut acceptum retinere, si ad secundas nuptias adularit. Quia hæc non est lex propriè penalis, priuans alterum rem iam acquisita, sed priuans iure acquirendo; non acquiritur autem nisi adimpleta conditione. *tom. 2. pag. 29. num. 24. & 25.*

38. Post iudicis sententiam reus tenetur eas sibi penas infligere, easque actiones exercere, quas licitè potest exercere, & quæ commodius ab alio, quam à reo exerceri non possunt, & quæ non sunt nimis acerbæ, modò iudicium sit completum, ita ut reo nullam suppetat remedium ad infirmandam, & inualidandam sententiam, cuiusmodi remedium est appellatio ad superiorem. Quia reus tenetur parere sententiæ iudicis. Sic tenetur reus post sententiam, soluere pecuniam, ad quam fuit condemnatus; modò tamen petatur: nam si dominus sciat, & non petat, reus soluere non tenetur, cum sibi per suadere possit, dominum cedere iuri suo, consequenter potest huiusmodi penam 30. annorum spatio præscribere. *l. 2. p. 30. n. 29. & 30.*

39. Hæres tenetur soluere poenam realem, quam soluere debebat defunctus ob delictum prohibitum sub poena ipso iure lata. Quia hæres succedit in onera defuncti realia, & vicem vnus personæ gerit cum defuncto in obligationibus realibus. Obligationes autem personales non transeunt ad hæredes. *ibidem. num. 35.*

40. Illa lex non obligat in conscientia, quæ aduersatur iuri diuino, aut bono communi, aut quæ excedit potestatem legislatoris, aut qua onus improporcionatum imponitur, aut quæ in falso præsumptione fundatur; modò absit periculum scandali, & perturbationis Reip. Quare hæres, qui non confecit inuentarium, non tenetur in foro conscientiæ, soluere creditoribus testatoris, ultra vires hereditatis: quia lex illa de soluendo ultra vires hære-



hereditatis, fundatur in presumptione, heredem bona defuncti surripuisse. *tom. 2. pag. 31. num. 2. & seq.*

41. Tenemur parere legibus, & sententiis huiusmodi, qui tyrannus est solo regi nunc, & administratione, id est, qui iuste quidem possidet regnum, sed iniuste grauat, & vexat subditos; hic enim est legitimus superior, & pastor. Tyranno vero qui per vim regnum usurpauit, tenemur obedire, quamdiu pacifice possidet regnum, & Resp. non resistit. Alioquin sequeretur Christianos in terris Turcarum, nullis Turcæ legibus teneri, cum Turca sit tyrannus usurpatione regni. Neque peccat tyrannus ferendo leges, & sententias: hoc enim facit auctoritate Reip. quæ, ex suppositione tyrannidis, vult ab ipso iudicia exerceri, ne multiplicentur incommoda in Republ. Peccat tamen tyrannus usurpando regnum, illudque iniuste retinendo. *tom. 2. pag. 32. num. 12.*

42. Ex his regulis intelligi potest an lex obliget sub peccato mort. necne. Prima fundatur in intentione legislatoris, quæ colligitur tum ex grauitate materiæ, tum ex aliis coniecturis, & signis infra tradendis. Quocirca, quando legislator legem absolute condit, neque addit sub qua culpa velit obligare, illud iudicandum est iuxta materiæ grauitatem, aut leuitatem. *tom. 2. pag. 33. num. 1. & 2.*

43. Secunda regula sumitur ex verbis, quibus lex fertur, modo lenitas materiæ non excuset. Hinc sequitur legem illam obligare sub mortali, quæ in materia graui fertur in hæc verba. *Iubemus, præcipimus, prohibemus, &c. præcipimus in virtute sanctæ obedientiæ, sub indignatione Dei*, aut *SS. Petri, & Pauli, &c.* legislator enim hac loquendi forma censetur velle obligare quantum potest. Item verbum, *oportet*, regulariter loquendo, in materia graui, inducit obligationem sub peccato mort. Item lex verbo imperatiuo condita, regulariter loquendo, obligat sub mortali, posita materiæ grauitate. Item hæc verba, *Sancimus, volumus, statuimus, &c.* inducunt obligationem sub mort. *ibid. num. 3. & seq. & pag. 34. n. 9. & seq.*

44. Tertia regula est grauitas materiæ, quæ præcipitur; ex ea enim colligitur grauis obligatio legis. In materia autem leui non potest legislator obligare sub peccato mort. alioquin lex non esset iusta. Vt cognoscatur autem an materia sit grauis, an leuis, non potest certa regula præscribi, sed prudentis arbitrio relinquendum. Spectandus est potissimum finis, quem legislator intendit: res enim, quæ ex se leuis est, fit aliquando grauis, habita ratione finis. Potest tamen legislator, in materia graui, obligare solum sub veniali: quia actus moralis non excedit intentionem agentis. *tom. 2. pag. 34. num. 13. & seq. & pag. 35. num. 23.*

45. Quarta regula petitur ex vna lege aliam explicante, aut ex communi hominum estimatione arbitantium legem obligare sub peccato mortali: non enim presumendum est in eo errorem committi, quod communi hominum sensum admittitur. Consuetudo etiam, vim habet legis, & inducit obligationem ad culpam. *tom. 2. pag. 35. n. 24.*



46. Quinta regula sumitur ex acceptatione legis: lex enim obligat quatenus acceptatur; si ergo non acceptetur tanquam obligans ad grauem culpam, non obligat sub culpa lethali, etiamsi legislator intentionem habeat grauius punire, nisi legislator intendat obligare independentem ab acceptatione. *ibid. n. 25.*

47. Sexta regula fundatur in grauitate pœne: nam pœna debet habere proportionem cum delicto. Lex tamen, quæ grauem penam continet, non obligat sub mortali, quando pena in re leui imponitur tantummodò ad terrorem, ut si sub pœna capitis prohibeatur venatio leporum, vel ceruorum: lex enim videtur iniusta ob leuitatem materie. Quapropter subditus non tenetur illi legi, utpote inualide, in conscientia, obedire, nisi ex aliqua circumstantia, iusta presumatur. *ibid. num. 26.*

48. Septima regula petitur ex graui aliqua censura, vel pœna Ecclesiastica imposita transgressoribus legis: nam grauis censura, cuiusmodi est excommunicatio maior, aut grauis suspensio, non fertur nisi ob peccatum mort. *ibid. num. 30.*

#### Lex irritans.

49. Acta, quæ sunt contra legem irritantem ipso facto, sunt inualida in vitroque foro. Quare qui contractui irritato rem accepit, non potest illam tanquam propriam retinere vi talis actus præcisè: quia per contractum irritum non acquiritur dominium. Incurritur autem irritatio ipso facto, ante declarationem, quando irritatio non fundatur in falsa presumptione, seu quando non seruatur forma substantialis ad valorem requisita. *tom. 2. pag. 36. num. 2. & pag. 37. num. 5.*

50. Ad incurrendam irritationem actus, illius præsertim, qui defectu forme substantialis irritatur, non requiritur scientia legis irritantis. Quare matrimonium clandestinum, est inualidum, etiam respectu illius qui ignorat decretum Concilij Trid. irritans matrimonium clandestinè initū. Item qui beneficium obtinet bona fide, per pactum simoniacum, quod ipse ignorat; inualide obtinet. *tom. 2. pag. 37. n. 6.*

51. Actus humana lege irritus non obligat in conscientia: Ecclesia enim, & Princeps possunt actus in vitroque foro irritare. *ibid. num. 7.*

52. Actus contra legem prohibentem, non sunt inualidi per se, ex eo solum capite; quia prohibentur à lege: multa enim illicitè fiunt, quæ tamen facta tenent. Neque verò omnes actus, qui iure naturæ prohibentur, sunt irriti: validus est enim contractus, quo quis rem vni promissam, alteri vendit: validum item matrimonium, de præsentì celebratum cum vna, post sponsalia prius cum alia celebrata; quamuis peccet, qui tale matrimonium celebrat. *ibid. num. 8.*

53. Actus contra ius commune, videtur ipso facto irritus; non quidem secundum se, & in foro conscientie ante sententiam iudicis; sed quia per



per sententiam iudicis ita declarari potest irritus, ac si fuisset irritus à principio; hoc autem procedit in iis tantum locis, in quibus lex Theodosii Imperatoris, quæ incipit, *Non dubium*, recepta est. *ibid. num. 10.*

54. Actus celebrati sine forma substantiali, seu sine solemnitate requisita à iure, inuálidi sunt in vtroque foro. Censetur autem solemnitas esse substantialis, quando apponitur clausula irritans factum sine tali forma celebratum: sicut enim in physicis illa dicitur forma substantialis, qua destructa corrumpitur compositum, ita in moralibus illa dicitur forma substantialis, qua non seruata, actus non subsistit. *ibid. num. 14.* Excipe actus, qui fiunt ad causas pias: sunt enim validi, etiam absque solemnitate præscripta à iure civili. *tom. 2. pag. 38. num. 16.*

55. Licet leges interpretari, non solum exponendo, verum etiam ampliando, aut coarctando: hic enim est usus, & praxis. Concilij autem Tridentini decreta fas est obiter, & humiliter, in rebus dubiis interpretari. Porro declarationes sacræ Congregationis Cardinalium circa Tridentinum, maximi quidem sunt ponderis, ab iisque non est facile recedendum: vim tamen legis non habent, antequam sufficienter proponantur, & publicentur. *tom. 2. pag. 39. num. 2. & seq. & pag. 40. num. 4.*

56. Lex humana odiosa, explicanda, & extendenda est iuxta naturalem verborum proprietatem, non verò strictius, aut laxius. At in materia, favorabili, lex explicanda, & extendenda est quantum verba patiuntur, non solum iuxta naturalem, sed etiam iuxta civilem proprietatem, v. g. lex fauorabilis loquens de filiis, extendenda est ad adoptiuos; loquens de legitimis, extendenda est ad legitimatos. In dubiis autem in materia legis penalis, mitior pars amplectenda est, seruata verborum proprietate. *ibid. 8. & 9.*

57. Lex pœnalis, ob paritatem rationis, non est extendenda ab vno casu ad alium, vel ab vno crimine ad aliud, vel ab vna persona ad aliam. Iuxta tritum illud axioma, *In lege pœnali non valet argumentum à simili*, seu *ab identitate rationis*, seu *à fortiori*, seu *à maiori ad minus*, seu *à contrario sensu*. Si tamen lex sit generalis, generaliter intelligenda est de omnibus casibus, ad quos verba legis extendi possunt; & licet vnus tantum personæ fiat mentio, non tamen propterea ceteræ censentur exclusæ. *tom. 2. pag. 42. num. 23.*

58. Non solum in lege penali, sed etiam in fauorabili non est facienda extensio ad similes casus, nisi ad ipsos extendantur verba legis iuxta proprietatem verborum naturalem, vel civilem, nisi aliter cogat necessitas. Quia dispositio legis pendet à voluntate legislatoris, qui posita paritate rationis potest pro suo arbitrio vnum velle, & non aliud. *tom. 2. p. 42. n. 16.*

*Quando satisfiat præcepto, seu legi.*

59. Præceptum potest adimpleri per actum ex aliqua circumstantia, malum, vt quando quis ieiunat ob vanam gloriam, aut in die ieiunij, vnica  
refe-



refectione contentus, intemperanter comedit. Modus quippe non cadit sub præceptum; modò non sit de intrinseca ratione actus præcepti; alioquin præceptum non potest adimpleri, nisi adimpleatur modus. Sic qui dormiens assistit sacro Missæ sacrificio, non satisfacit præcepto Missæ audiendæ; quia assistentia humana requiritur tanquam modus pertinens ad substantiam præcepti. *tom. 2. pag. 43. num. 1. & 2.*

60. Potest vnico actu pluribus præceptis satisfieri, quando superior id concedit: nam obligatio legis pendet à mente legislatoris. Quare qui vult ieiunium in vigilia omnium Sanctorum, eodem ieiunio satisfacit præcepto Ecclesiæ, & obligationi voti. *ibid. num. 4.*

61. Potest eodem tempore, per diuersos actus, satisfieri pluribus præceptis, quando vnus actus non impedit alium. Sic qui tempore Missæ recitat Horas Canonicas, satisfacit vtrique obligationi; quia vnus actus non impedit alium. *tom. 2. pag. 44. num. 8.*

62. Vt præceptum adimpleatur, requiritur intentio faciendi opus, quod præcipitur, v. g. vt quis satisfaciat præcepto audiendi Missam, requiritur intentio audiendi Missam: nam opus præceptum adimplendum est humano modo, id est, cum intentione illud præstandi. Non tamen est necesse, vt opus præceptum fiat intentione satisfaciendi præcepto: licet enim lex præcipiat opus fieri, non tamen præcipit illud fieri cum intentione implendi præcepti. Sic qui Missam audit nesciens esse diem festum, satisfacit præcepto. *ibid. num. 2. & 9.* Immo qui facit opus præceptum, cum intentione non adimplendi præcepti per illud opus, nihilominus satisfacit præcepto, v. g. Titius audit Missam intendens non satisfacere præcepto, illa auditione; sed alia: si tamen postea aliam Missam non audiat, præceptum implet: quia fecit opus iniunctum. *tom. 2. pag. 46. num. 16.*

### Legis abrogatio.

63. Lex antea recepta, vim obligandi amittit per legem posteriorem, contrariam, seu per reuocationem, seu per correctionem, seu per restrictionem, iuxta correctionis, aut restrictionis qualitatem. Quia posterior voluntas Principis derogat priori, etiam si in posteriori lege, nulla prioris mentio fiat. *tom. 2. pag. 46. num. 1.*

64. Cessante causa motiua, seu finali legis, respectu totius communitatis, cessat obligatio legis, etiam absque alio decreto, vel declaratione Principis: quia non præsumitur velle obligare, cessante fine legis. Item legis obligatio cessat in iis casibus, qui per epikeiam non censentur comprehendi in lege, etiam si verba legis illos casus comprehendere videatur: quia legislator non præsumitur velle illos casus comprehendere, qui ob superuenientem aliquam circumstantiam sunt illiciti, aut perniciosi Reipublice, aut nimis difficiles, seu moraliter impossibiles, &c. *tom. 2. pag. 47. num. 1. & seq.*



65. Per contrariam consuetudinem legitime introductam, leges vim obligandi amittunt: legitima enim consuetudo vim habet legis. Tres autem sunt præcipuæ consuetudinis proprietates. 1. est interpretari legem; quando enim oritur dubium circa legis intelligentiam, recurrendum est ad consuetudinem, quæ dici solet optima legum interpretes. Item ad validitatem contractuum non leue ducitur argumentum ex consuetudine. 2. proprietas consuetudinis est legem inducere. 3. legem inductam mutare, & abrogare, vel in totum, vel in partem. *tom. 2. pag. 48. num. 1. & pag. 49. num. 4.*

66. Vt consuetudo veterem legem abrogare, & nouam introducere possit, hæ conditiones requiruntur. 1. vt id quod per consuetudinem introducit, possit esse materia legis: hinc fit vt contra ius diuinum, aut naturale, consuetudo legitime induci non possit; quia materia huius consuetudinis est res mala, & vetita. 2. vt consuetudo per actus voluntarios inducatur: lex enim est actus voluntarius, & liber. 3. vt consuetudo abrogans legem, inducatur ab iis, qui tenentur legem seruare. 4. vt ad sit intentio eximendi se per consuetudinem, à lege abroganda, vtque id, quod inducitur per consuetudinem, obseruetur tanquam præceptum, seu per modum obligationis, alioquin consuetudo non pariet obligationem, nec vim habebit legis: quod enim frequenter fit ex sola deuotione, vel gratitudine, aut liberalitate; nullam inducit obligationem, seu legem. 5. vt consuetudo sit vniuersalis: minor quippe populi pars, consuetudinem inducere non potest, maior potest. 6. vt consuetudo inducatur per eos, qui legem condere possunt, vel habent capacitatem actiuam condendi leges, vel saltem passiuam eas recipiendi, interueniente aliquo superioris consensu. 7. vt consuetudo sit longæua, id est, vt seruata fuerit per spatium decem annorum: decem, quippe anni sufficiunt ad consuetudinem præscribendam, modò non sit contra ius Ecclesiæ: ad præscribendam enim consuetudinem contra Ecclesiæ iura, requiruntur 40. anni, cum aliquo titulo, aut etiam tempus immemorabile, si ius resistat. 8. conditio est vt ad sit Principis consensus, saltem tacitus. *tom. 2. pag. 49. num. 6. & seq. & pag. 50. 51.*

67. Consuetudo potest legem abrogare, etiam si in lege damnetur, vel reprobetur consuetudo, vt si dicatur: *Volo hanc meam legem seruari, non obstante quacunque consuetudine contraria*: quia consuetudo vim habet abrogandi legem, modò accedat aliquis Principis consensus: secus si Princeps non consentiat, sed reprobet consuetudinem contrariam, & in sua sententia persistat. *tom. 2. pag. 52. n. 36.*

68. Lex potest vi sua, & absque alia clausula, præcedentem consuetudinem abrogare, modò habeat omnimodam contrarietatem, & repugnantiam cum consuetudine, & legislator conscius sit consuetudinis: quia consuetudo non adimit superiori facultatem, & auctoritatem condendi leges. *ibid. num. 38.*

69. Per legem vniuersalem non abrogantur consuetudines speciales loco-



locorum, aut statuta particularia, nisi eorum fiat mentio in lege, aut nisi faltem, per clausulam generalem reuocetur expressè qualiscumque contraria consuetudo, statutum, aut priuilegium. Quia Princeps censetur ignorare consuetudines speciales locorum, consequenter non censetur eas vel le abrogare, nisi earum mentionem faciat. *ibid. num. 40.*

70. Per hæc verba, *Non obstante contraria consuetudine*, non reuocatur consuetudo immemorabilis, nisi in reuocatione addatur: *Non obstante consuetudine, etiam immemorabili*, aut nisi aliquid æquiualens apponatur; quia consuetudo immemorabilis peculiaribus priuilegiis in iure gaudet. *ibid. num. 43.*

71. Introducentes consuetudinem contra legem, seu contra antiquam consuetudinem legitimè receptam, peccant toto eo tempore, quo faciunt contra legem, vel consuetudinem, donec elapsum sit tempus requisitum ad legitimam consuetudinem introducendam, nisi forte Princeps hoc sciat, & toleret, aut nisi bona fides excuset. Quia lex, eiusque obligatio viget, donec elapsum sit tempus requisitum ad consuetudinem inducendam. *tom. 2. pag. 53. n. 45.*

### Libellus famosus.

**I.** Libellus famosus dicitur signum vel scriptura, quæ alicuius infamiam continet nondum antea publicam, vt publica fiat. Litteræ priuatae ad priuatum missæ exprimentes occultum alicuius delictum infamatoriu, non habent rationem libelli famosi, sed detractionis. *tom. 2. pag. 436. num. 1. & seq.*

2. Qui tacito suo nomine schedulam deferat ad superiorem de delicto alicuius occulto, eam v. g. reponendo super mensam, censetur libellum famosum conficere, si hoc faciat, vt superior de crimine inquiret, illudque notum, ac publicum efficiat notorietate iuris: cum enim superior per huiusmodi scripturam non possit procedere ad inquisitionem, quia illi scripturæ non est fides adhibenda, sequitur illam scripturam libelli nomine nuncupari. Item qui apponit aliquod signum quo alter infametur, vt si cornua ad ianuam affigat, ad indicandum aliquem habere vxorem adulteram, censetur auctor libelli famosi. *ibid. num. 5. & 6.*

3. Conficiens libellum famosum, vel ad illum concurrens, grauiter peccat, & tenetur ad restitutionem famæ, prout fuit causa infamiae, propterea tenetur publicè famam restituere, si publicè infamauit, vt fiat restitutio ad æqualitatem. *ibid. num. 7. & 8.*

4. Auctor libelli famosi, iure communi excommunicandus est. Inmò Alexander IV. tulit excommunicationem Papæ reservatam in eos qui libellos famosos faciunt contra statum Ordinis Prædicatorum, vel Minorum; quod priuilegium extendi potest etiam ad alios religiosos, quibus communicata sunt illorum priuilegia. *ibid. num. 9.*



## L I B R I.

## Librorum editio.

1. IN Concil. Lateran. sub Leone X. *sess. 10.* & in Indice librorum prohibitorum regula 10. habetur excommunicatio contra imprimētes, aut imprimi facientes libros sine superiorum licentia, & approbatione, & in Concil. Trid. *sess. 4.* renouatur decretum Concil. Lateran. & extenditur ad vendentes, & retinentes prædictos libros, agentes de rebus sacris. *disp. 2. quest. 2. punct. 16. pag. 167. n. 1. tom. 3.*

2. Hinc collige legentem præfatos libros non ligari excommunicatione, modo illos apud se non retineat, sed apud alium existentes legat: si tamen liber sit hæreticus, vel aliqua contineat contra bonos mores, incurritur in excommunicationem Bullæ Censæ. *ibid. pag. 168. n. 4. tom. 3.*

3. Vt excommunicationis pena in imprimendis libris euitetur, hæc sūt seruanda. 1. vt si liber Romæ imprimendus sit, ad sit approbatio Vicegerentis, & Magistri sacri Palatii. 2. in aliis diœcesibus requiritur approbatio Ordinarij, vel alterius ab eo deputati, qui peritus sit illius materiæ, de qua in eo libro agitur. 3. requiritur approbatio inquisitoris, quæ approbatio faciendâ est in fronte libri propria manu, & gratis, vt expressè habetur in præfatis constitutionibus, ad censuram autem vitandam non requiritur approbatio laicorum. 4. si liber est alicuius regularis, requiritur licentia Superiorum religionis. 5. adhibendum est nomen auctoris, si liber tractat de rebus sacris: non tamen necesse est apponere nomen determinatæ personæ, sed sufficiat nomen Academiæ, Collegij, aut Vniuersitatis. *ibid. num. 6. & seq.*

4. Qui communicat alteri conciones, scripta theologica, orationes, prælectiones, annotationes, obseruationes de rebus sacris, non examinatas, neque approbatas, non incidit in excommunicationem, quia hæc manuscripta non fuerunt scripta vt diuulgarentur, sed tantum ad priuatum vsum. *ibid. pag. 169. num. 12. tom. 3.*

5. Transcribentes libros hæreticorum, eosque aliis communicantes, puniendi sunt tanquam hæreticorum fautores, vt habetur in Bullæ Censæ. Qui verò libros Catholicorum corrumpunt, aut sanam doctrinam, dogmatibus hæreticorum deprauant, incurruunt penam excommunicationis in VI. Synodo Constantinop. *ibid. num. 13. & 14.*

6. Qui librum examinatum, & approbatum a superioribus non admittit, in nullam incurrit censuram; exceptis libris canonicis, & traditionibus Apostolicis, quas qui contempserit sciens, & prudens, excommunicationem ipso facto incurrit, quia censetur hæreticus. Dicuntur autem libri canonici, qui à Spiritu sancto dictati sunt, & ab Ecclesia inter scripturas canonicas annumerati. *ibid. num. 15. & seq.*



7. Inquisitores, vel Ordinarij locorum Clementis VIII. decreto, antequam licentiam concedant imprimendi Breuiarium, iubentur ipsum ante, & post impressionem conferre cum Breuiario auctoritate ipsius Clementis recognito, & ne quid addi, vel detrahi sinant, alioquin Inquisitores ipso facto priuantur suis officiis tanquam inhabiles: Ordinarij suspenduntur à diuinis, & interdicuntur ingressu Ecclesiæ, ipsorum verò Vicarij excommunicationi statim subiiciuntur, officiorum, & beneficiorum priuationem, & inhabilitatem ad quæuis alia hoc ipso incurrunt. *ibidem*, num. 17.

8. Hæc excommunicatio non est referuata.

*Commentarij in Concil. Trident.*

9. Pius IV. in Bulla, quæ incipit, *Benedictus Deus*, æstque 73. edicit Prælatis quidem sub pœna interdicti ab ingressu Ecclesiæ, aliis verò quicumque fuerint, sub excommunicatione latæ sententiæ, ne quis sine licentia Summi Pontificis vllos commentarios, glossas, annotationes, scholia, vllumve omnino interpretationis genus super Concilij Tridentini decretis edere audeat. *disp. 2. quæst. 2. punct. 17. pag. 170. tom. 3.*

10. Doctores, qui Concilij Tridentini decreta nonnunquam interpretantur occasione doctrinæ, de qua disserunt, non delinquant contra hanc prohibitionem; quia non dicuntur edere glossas, commentarios, &c. cum id incideret, & quasi per accidens faciant, occasione aliunde sumpta. *ibid. num. 2.*

11. Qui decisiones sacræ Congregationis, quæ interpretationi Concilij præest, scribunt, & aliis vendunt, huius Bullæ censuram non incurrunt. *ibid. num. 4.* Neque qui solas remissiones Doctorum circa Concilij Tridentini decreta edunt; quia nihil ipsi asserunt, sed solum innuunt Doctores, qui ea de re inciderent agunt; huiusmodi tamen libri Romæ sunt interdicti. *ibid. num. 5.* Neque item, qui librum edit in laudem Concilij Tridentini, aut historicam narrationem eorum, quæ tempore Concilij contigerunt; quia non edit scholia, aut glossas super decretis Concilij. *ibid. num. 6.*

12. Ignorantia ab hac censura excusat, modò non sit cum ingenti temeritate coniuncta. *ibid. num. 8.*

13. Hæc excommunicatio non est referuata.

*Libri Thalmud.*

14. In constitutione 20. Clementis VIII. quæ incipit, *Cum Habreorum malitia*, habetur excommunicatio contra eos, qui libros impij Thalmud, & alia huiusmodi scripta prohibita, & damnata, blasphemias, & impietates contra Deum, SS. Trinitatem, & Saluatorem nostrum I E S V M Christum



Christum, &c. continentia legunt, & retinent. *disput. 2. quæst. 3. punct. 40. pag. 252. tom. 3.*

15. Hæc censura extenditur ad eos, qui opem, consilium, auxilium vel fauorem Hebreis præstant pro habendis, scribendis, imprimendis, vel vnde-  
decumque aduehendis, aut transuehendis huiusmodi libris. *ibid. n. 2.*

16. Huic excommunicationi affinis est alia, quæ refertur in Bullario *tom. 1. contra Principes, & rectores locorum quorumcumque, qui non faciunt diligenter inquiri per domos, & Synagogas Iudæorū libros Thalmud, & inuentos comburi. ibid. pag. 253. n. 5. tom. 3.*

## LITTERÆ PONTIFICIÆ.

*Litteras Pontificias impugnantes.*

1. IN Extrauaganti vltima inter communes, de sententia excommuni-  
cationis excommunicantur illi, qui putantes Summum Pontif. ante coronationem non habere Pontificiam auctoritatem, inde arripiunt occasionem temerè impugnandi ipsius rescripta, concessionem, seu litteras super quibuscumque negotiis confectis ante coronationem. *disp. 2. quæst. 2. punct. 11. pag. 164. tom. 3.*

2. Hinc sequitur illum, qui litteras Summi Pontif. impugnat eò, quòd putet ipsum non esse legitime electum, non incidere in hanc censuram: quia in hac Extrauaganti excommunicantur impugnantes litteras ex opinionem quòd Summus Pontif. careat auctoritate Pontificia ante coronationem. *ibid. pag. 165. n. 3. tom. 3.*

3. Hæc Extrauagans quamuis edita fuerit occasione Clementis V. & litterarum illius, quæ impugnata fuerant; tamen etiam nunc vires, & robur habet: quia ratio istius constitutionis semper durat. *ibid. n. 5.*

4. Hæc excommunicatio non est reseruata.

*In litteris Apostolicis nomen mentientes.*

5. Innocentius VIII. in Bulla 9. quæ incipit, *Cum scut*, & Leo X. in Bulla 28. quæ incipit, *Inherendo vestigiis*, excommunicationem tulerunt contra eos, qui in litteris Apostolicis, vtillarum expeditionem gratis obtineant, fingunt se nepotes, fratres, aut familiares, continuos commensales Cardinalium, aut aliorum, quorum litteræ ex priuilegio, vel consuetudine gratis expediri solent: & Leo X. excommunicationem extendit ad officiales permittentes huiusmodi fictionem, adiecta suspensione per annum à perceptione, emolumentorum sui officij. *disput. 2. quæst. 3. punct. 5. pagin. 189. tom. 3.*



## Litteræ Pœnitentiariæ.

6. Iulius III. in Bulla 1. quæ incipit, *Rationi congruit*, excommunicationem infligit iis, qui executionem litterarum sacræ Pœnitentiariæ impediunt, vel ad id consilium, auxilium, vel fauorem quomodolibet præstant. *disp. 2. quæst. 3. punct. 19. pag. 225. tom. 3.*

7. Si is, ad quem præfatæ litteræ diriguntur, ut eas exequatur, exequi nolit, non subicitur huic excommunicationi; quia aliud est impedire, aliud non exequi: nam impedire dicit actionem positivam contra executionem litterarum: non exequi autem (significat tantum omissionem actionis. *ibid. num. 4.*

8. Hæc excommunicatio reservata est Summo Pontif. quia Iulius III. imponit delinquentibus omnes censuras, & pœnas in Bulla Cœnæ latas contra eos, qui litterarum Apostolicarum executionem impediunt; reservatio autem est pœna in ea Bulla contenta. *ibid. num. 6.*

## LOCATIO, ET CONDUCTIO.

*Quid sit locatio, & quæ eius materia.*

1. **L**ocatio est contractus, quo persona, seu res mercede conceditur ad usum, vel fructum. Conductio verò est contractus, quo accipitur. Quidquid potest vendi, potest & locari, nisi obstat specialis aliqua prohibitio. Quædam enim prohibentur locari, quæ tamen vendi possunt, ut servitutes prædiales; & vice versa quædam locari possunt, quæ vendi prohibentur, ut res pupilli, & minoris, bona dotalia. *tom. 2. pag. 561. n. 1. & 2.*

2. Res Ecclesiæ, ad breve tempus locari possunt, non tamen ultra triennium: nam in Clement. quæ incipit, *Ambitiose*, cautum est sub gravissimis pœnis, ne de rebus Ecclesiæ, ut fundis, prædiis, domibus, locatio fiat ultra triennium, alioquin sit inualida. *ibid. n. 3.*

3. Conductor potest rem, quam ipse conduxit, alteri locare, eque idoneo, & ad eundem finem, modo primus locator inde non patiatur damnum. Quare conductor non potest locare domum meretrici; hoc enim cederet in damnum, & dedecus primi locatoris. Secundus autem conductor debet pensionem solvere secundo locatori, cum quo iniiit cōtractum: ipsius tamen bona, quæ reperiuntur in illa domo, manent tacite hypothecata pro pensione soluenda domino domus. *ibid. num. 4. & 5.*

4. Quando fundus, aut domus est communis pluribus, unus autem vult vni locare, alter alteri, hic ad unum usum, alter ad alium, hic personæ honestæ, ille inhonestæ, prævalebit contractus illius, qui habet maius in re, seu maiorem parte. n. vel qui vult locare personæ honestæ: illius enim, ceteris paribus, potior est conditio. Sin equalis sit omnium conditio, res erit fortibus



tibus permittenda, vel recurrendum ad iudicem, qui controuersiam dirimat. *ibid. num. 6.*

5. Quisquis facultatem habet vendendi, & emendi, potest contractum locationis, & conductionis inire, nisi specialiter prohibeatur. Sic militibus, & curialibus, id est, iis, qui obstricti sunt Curie, vetitum est prædia conducere ad colendum. Item clericis, & monachis non licet, præcisa necessitate, conducere prædia laicorum, quamuis possint succedere conductori. *tom. 2. pag. 652. n. 9.*

*Locator, & conductor ad quid obligentur.*

6. Locator tenetur rei locatæ vitium conductori aperire. Quò fit, ut is, qui mala fide domum alienam locauit alteri, à quo verus dominus eam euicit, teneatur ad restitutionem damni emergentis, & lucri cessantis; est enim causa iniusta damni. Secus dicendum si bona fide locauit domum, quam nesciebat esse alienam: nam bona fides ipsum excusat à culpa, & pœna: verum euicta domo, non potest exigere pensionem, tempore futuro respondentem: cum non sit dominus domus. *ibid. num. 1. & seq.*

7. Locator tenetur non solum rescircire expensas necessarias, factas à conductore in re conductâ reparanda; sed etiam viles, quæ ultra conductionis tempus sunt duraturæ: nam hæ expensæ cedunt in commodum ipsius locatoris. Tenetur item ad onera, & vectigalia imposita pro re locata, nisi pactum, aut consuetudo loci aliud ferat. *ibid. num. 6. & 7.*

8. In quatuor casibus licet locatori rem locatam repetere ante lapsum termini, & conductorem expellere. 1. quando conductor, cui res ad quinquennium, vel plures annos, fuit locata, per continuum biennium distulit solutionem annuæ pensionis: verum tunc non tenetur conductor soluere pensionem respondentem tempore futuro, à die expulsiõis. 2. quando conductor abutitur re conductâ, immò conductor in hoc casu tenetur soluere damna, quæ locator iniuste patitur ob rei suæ abusum. 3. quando locatori superuenit casus inopinatus, ita ut ipse cogatur domum suam habitare, ut si prior domus corruat, aut incendio absumatur, nec locator commode possit aliam inuenire. 4. quando domus indiget reparatione, qua non indigebat tempore locationis; in his tamen casibus locator tenetur pensionem remittere pro rata temporis. *tom. 2. pag. 563. num. 9. & seq.*

9. Conductori quatuor incumbunt obligationes. 1. ut non possit absque iusta causa rem conductam dimittere ante expletum tempus locationis. 2. ut non utatur re conductâ nisi ad eum usum, ad quem conduxit. 3. ut transacto locationis tempore, rem eandem numero, & integram restituat, nisi aliter sit conuentum, aut nisi casu perierit absque vlla sua culpa. 4. ut soluat pensionem tempore præfinito. *ibid. num. 1. & seq.*

10. Conductor, qui non potuit vti re conductâ, aut fructus ex ea percipere, propter aliquod impedimentum superueniens absque sua culpa, ut



propter bellum, pestem, &c. non tenetur soluere pensionem pro rata temporis, quo re conducta uti non licuit; sic enim decernitur in iure. Secus dicendum si impedimentum contigit ex parte ipsius conductoris. *tom. 2. pag. 564. num. 6.*

11. Conductor prædij non tenetur ad integram pensionem, superueniente magna sterilitate ob casum fortuitum, citra ipsius culpam, v. g. ob grandines, niues, inundationes, hostilem exercitum, &c. nisi aliter conuentum sit inter contrahentes. Ut autem par sit vtriusque conditio, potest locator maiorem exigere pensionem propter vbertatem, & abundantiam, frugum insolitam, prouenientem ex clementia cœli, modò inde redeat longè minus lucrum ad conductorem; nam si copia fructuum facit vilitatem, conductor ad maiorem pensionem non est obligandus. *ibid. num. 13. & 14.*

12. Si frumentum in area positum, casu aliquo periit citra culpam conductoris, locator tenetur facere remissionem. Secus si frumentum iam erat conditum in horreo, ibique periit; tunc enim perit conductori, cum verè dicatur collectum. *tom. 2. pag. 565. num. 15.*

#### Conductio famulorum.

13. Famulo, qui operam suam locauit, & fideliter non laborauit, non debetur integrum stipendium. Immodò tenetur ad restitutionem damni, & lucri cessantis, ob iustum, ac debitum laborem prætermisum. *ibid. n. 2.*

14. Famulus, qui conqueritur se iusto stipendio fraudari, non potest in rebus domini uti compensatione, si re vera stipendium, quod ei datur, sit iustum, nec ei ex iustitia, maius debeatur. Qui verò præstitit, spe mercedis, aliqua obsequia; ad quæ alioquin non tenebatur, potest sibi facere compensationem: præstitit enim aliquid pretio æstimabile. *ibid. num. 3. & 4.*

15. Dominus absque graui causa famulum domo expellens, tenetur ad integram pactæ mercedis solutionem: tenetur enim conductor soluere pensionem, quando per ipsum stetit, quo minus re conducta vteretur: sic aduocatus, qui operam suam locauit ad litem prosequendam, si deinde lis, domini culpa intermittatur, non tenetur stipendium restituere, &c. *tom. 2. pag. 566. num. 11.*

16. Famulo ante finitum tempus discedenti, totum stipendium non est denegandum, nisi fortè in compensationem damni, quod dominus patitur iniuste; alioquin denegandum est quidem ad ratam temporis futuri; soluendum verò pro rata temporis præteriti, & obsequij exhibiti. *ibid. n. 12.*

17. Qui suam operam locauit ad aedes construendas certo pretio, potest augmentum petere, vel compensationem facere, si in eo fabricando maiores fecit expensas, quàm sit pretium sibi assignatum; fuit enim deceptus ob rationes malè subductas. Ob casum verò fortuitum superuenientem, non potest petere compensationem; conductor enim non tenetur locatori



catori casum fortuitum præstare: nam si locator citius absoluisse, non teneretur ad restitutionem. *tom. 2. pag. 567. num. 18.*

18. Mercator, qui nauæ dedit pretium pro vectura nauis Indiam versus, si reflantibus ventis, aut alia de causa, nauis non peruenit in Indiam, puta quia capta fuit à piratis; aut quia in medio cursu perii; tenetur tamen soluere pretium pro rata itineris: quia vsus est nauis, ille autem vsus est pretio æstinabilis; alioquin tolleretur vsus navigationis, si nauæ cogèrentur omnibus infortuniis subiaccere. *ibid. num. 20.*

*Locatio quomodo finitur.*

19. Duobus modis finitur locatio. 1. lapsu termini constituti. 2. mutuo contrahentium consensu. Locatio autem facta sub hac conditione, *Ut duret, donec locator voluerit*, censetur finiri morte locatoris; nam voluntas finitur morte. *tom. 2. pag. 567. num. 1. & pag. 568. num. eod.*

20. Locatio transit ad successorem vniuersalem, qui scilicet succedit non solum in re locata, verum etiam in aliis: quia vices gerit prædecessoris, illiusque personam repræsentat, & in ipsius iura, atque onera realia succedit. Successor verò singularis, qualis est emptor, legatarius, &c. non tenetur stare contra factum locationis, celebrato ab eo, cui succedit in re particulari; quia in ipsius onera non succedit. *tom. 2. pag. 568. n. 2. & seq.*

21. Colonis postquam agrum seminauit, non potest expelli ab emptore agri: quia expelleretur intempestiue cum damno fructuum. Immo si venditor accepisset omnes fructus, colonus posset agere contra venditorem. *ibid. num. 6.*

22. Vxor, mortuo marito, vel soluto matrimonio, tenetur stare locationi factæ à marito, quoad bona paraphernalia; hæc enim locatio censetur facta à marito, nomine vxoris. Non verò tenetur stare locationi fundi dotalis; maritus enim censetur illum locasse nomine proprio: tenetur tamen vxor seruare maritum indemnem. *ibid. num. 8.*

23. Prælatus, qui alteri succedit, tenetur stare locationi antea factæ, nomine ipsius Ecclesiæ, de rebus ad ipsum Prælatum non pertinentibus, sed ad Ecclesiam; Ecclesiæ tamen, ius competit restitutionis in integrum. Non tenetur autem stare locationi factæ ab antecessore, nomine proprio, de rebus sui beneficii, vel de redditibus pertinentibus ad suam sustentationem; quia antecessor non poterat pacisci, nisi pro tempore, quo ipse beneficium retinebat. *ibid. n. 10.*

**L V D V S.**

*Quid sit ludus, & an licitus.*

1. **L**udus est contractus, quo ludentes res suas periculo exponunt, propter spem acquirendi rem alterius. Non est autem illicitus ex na-

Z 4tura



tura sua potest esse actus virtutis, si cum debitis circumstantiis, ob honestam recreationem fiat. Ex sequentibus tamen circumstantiis fit illicitus. 1. ex effectu ad malum, ut si ludens velit omittere factum in die festo, ob amorem ludi. 2. quando admiscuntur facta, & dicta praua, ut blasphemia, conuicia, &c. 3. quando fiunt fraudes contra leges ludi. 4. quando alter vi dolo, aut metu pertrahitur ad ludum. 5. quando committitur irreuerentia in Deum. 6. quando timetur notabile aliquod damnum. 7. quando quis ludit cum eo, qui non potest pecuniam ludo exponere, ut cum religioso. In his casibus ludus est mortaliter illicitus, supposita materiæ gravitate. *tom. 2. pag. 425. num. 1. & seq.*

2. Ludus ex sequentibus circumstantiis non fit peccatum mortale. 1. ratione intentionis lucrandi; hæc enim intentio non est ex se mala, nisi aliunde vitietur. 2. ex circumstantia personæ: clerici enim, & religiosi saliquando licite ludunt, recreationis gratia, modo scandalum absit. 3. ex circumstantia loci sacri, hoc enim nullo iure prohibetur, nisi forte fiat cum scandalo, vel irreuerentia Dei, aut Ecclesiæ. 4. ex circumstantia temporis præcisæ; nam ludere in die festo, per se loquendo, non est peccatum mortale. Hæc inquam circumstantiæ non addunt ludo malitiam mortalem. *tom. 2. pag. 426. num. 11. & seq.*

3. Clericis non licet ludos facere lauales: dedecet enim Ecclesiasticos personatos in scenam prodire, vixque possunt à mortali excusari; nisi id faciant raro, breui tempore, & absque scandalo. *ibidem num. 17.*

4. Sponsio, per se loquendo, & ex natura rei, est licita; est enim contractus, quo uterque exponit se periculo perdendi, & acquirendi: modo tamen absit dolus, vel dissimulatio; nam qui certo scit rem, pro qua spondet, certo euenisse, vel euenturam esse, peccat si sponsione certet, teneturque ad restitutionem rei per sponsonem acquisitæ, nisi suam scientiam alteri manifestauerit; æqualis enim esse debet spondentium conditio: at si alter nihilominus velit sponsonem certare, scienti, & volenti nulla fit iniuria. *ibid. num. 18.*

5. Illicita est sponsio, qua quis in mensa spondet, se alterum edendo, vel bibendo superaturum; sic enim datur occasio intemperantiæ. Illicita item est sponsio circa mortem, vitam, vel creationem Summi Pontificis, aut circa promotionem Cardinalium: quamvis enim huiusmodi sponsones, ex natura rei sint licitæ, cum sint de re dubia, & inter spondentes seruetur æqualitas; sunt tamen illicitæ, quia prohibentur à Gregorio XIV. sub pœna excommunicationis, de qua vide tit. *Pape ibid.*

6. Qui votum fecit non ludendi ludo aliquo illicito, potest ex iusta causa, voti dispensationem obtinere: quamvis enim is, qui facultatem habet dispensandi, non possit illiciti ludi malitiam auferre; potest tamen subtrahere occasionem peccati, quod propter obligationem voti committitur ab eo, qui affectum, & propensionem habet ad ludum. Magna tamen cautio, hac in parte est adhibenda. *ibid. num. 21.*



## Conditiones ludi.

7. Prima conditio est, vt ludens non vtatur fraudibus: quare non excusatur à peccato, & restitutione qui vt socium allicitat ad ludum, se ludi minus peritum fingit. Excusantur tamen qui vtuntur iis fraudibus, quæ iuxta consuetudinem adhiberi solent. Qui verò ob maiorem ludendi peritiam, alteri ignotam, aliquid lucratus est, non potest lucrum retinere; quia error, seu dolus dedit causam ludo: quare tenetur ad integram restitutionem. *tom. 2. pag. 427. num. 1. & seq.*

8. Secunda conditio est, ne alter alterum cogat ad ludum per vim, aut minas, seu conuitia: sic enim alteri fieret iniuria. Qui tamen alterum sic pertraxit ad ludum, non tenetur ad restitutionem lucri: contractus enim ludi fuit validus, & iustus, modò æqualis fuerit ludentium conditio. *ibid. num. 9. & pag. 428. num. eod.*

9. Tertia conditio est, vt ludens possit disponere de re, quam ludo exponit. Religiosus, mulier coniugata, filiusfamilias non possunt, nisi exiguum quid ludo exponere ob honestam recreationem. Potest tamen filiusfamilias ludo acquisita, ludo exponere: quare qui heri perdidit 50. ludens cum filiofamilias qui non potest quidquam alienare, si hodie ab eodem lucretur 50. non tenetur ea restituere: nam filiusfamilias acquisiuerat dominium illorum 50. consequenter potuit ea ludo exponere. Porro filiusfamilias, seu alius, qui non habet facultatem disponendi de re, quam ludo exponit, non potest sibi retinere lucrum, quod ludo acquirit, nisi colusor sciat se ludere cum filiofamilias, debet enim esse æqualis ludentium conditio: hæc quippe est quarta conditio ludi, vt ludentes æqualem subeant aleam lucri, & damni. *tom. 2. pag. 428. num. 10. & seq.*

10. Qui ludo lege humana vetito, nempe alea perdidit, non tenetur in conscientia soluere quod perdidit credita pecunia, nisi iurauerit se soluturum. Immo perdenti conceditur actio repetendi in iudicio id, quod soluit, non tamen licet vt compensatione; id enim iura non concedunt. *tom. 2. pag. 429. num. 2. & seq.*

11. Qui aliquid ludo vetito lucratus est, non tenetur ante iudicis sententiam illud restituere, modò seruata fuerint conditiones ludi suprà recensitæ; ius enim positium non reddit ludentes inhabiles ad acquirendum dominium illius lucri ludo vetito acquisiti. *ibid. num. 8.*

12. Qui ludens ludo vetito intendit non soluere, aut intendit solum repetere, non potest retinere lucrum eo ludo acquisitum: dolus enim dat causam ludo; alter quippe si sciret ipsum nolle soluere, aut velle repetere solum, non luderet. *tom. 2. pag. 432. n. 9.*



## Luxuria.

1. **C**oncupiscentia, seu sensualitas, ex se non est peccatum. Appellatur autem à D. Paulo *Rom. 7.* peccatum, causaliter, quia ad peccatum inclinat. Motus concupiscentiæ, seu sensualitatis primò primi, qui repentè confurgunt, & rationem antevertunt, non sunt peccata, quia non sunt in nostra potestate. Motus autem sensualitatis secundò primi, qui prauide-ri, & caueri potuerunt, non sunt peccata, quando proueniunt ex causa habente honestatem, vel utilitatem, vt quando proueniunt ex peccatis carnalibus in confessione auditis: isti enim motus facillè oriuntur, & infirmitate naturæ, consequenter non ita facillè imputantur ad culpam, & maius voluntarium requirunt, quàm aliæ actiones prauæ. *tom. 1. pag. 313. n. 1. & seq.*

2. Vt motus concupiscentiæ sint peccata, requiritur actualis aduertentia circa malitiam ipsorum, vel saltem dubitatio, seu scrupulus: quia sine aduertentia nihil est voluntarium, cum voluntas non feratur in incognitam. *ibid. num. 6.*

3. Motus concupiscentiæ, sunt peccata mortalia, quando interuenit consensus directus, & expressus. Item quando voluntas negatiuè se habet, non impediendo, neque reprimèdo huiusmodi motus, quos potest reprimere, censetur indirectè voluit, atque adeo sunt peccata mortalia: quippe interuenit consensus interpretatiuus. Non est tamen improbabilis eorum sententia, qui asserunt necessariam esse positiuam complacentiam in moribus sensualitatis, vt imputentur ad peccatum mort. neque sufficere consensum interpretatiuum, modò absit periculum expressi consensus. *ibidem num. 7.*

4. Delectatio morosa de sola cogitatione rei illicitæ, & turpis, non est ex se peccatum, vt si quis concionaturus contra peccatum carnis, delectetur de argumentis inuentis contra res turpes, dicitur delectari de cogitatione rei turpis absque peccato. Delectatio verò de re turpi, & mala, est mala iuxta motuum ipsius delectationis: quia delectatio cum sit inefficax, totam suam malitiam sumit à motiuo. Hinc sequitur delectationem de actu carnali, esse peccatum mort. si delectatio ex affectu carnali capiatur ab eo, qui non est coniugatus. *tom. 1. pag. 314. num. 4. & seq.*

5. Probabilior est, & tutior in praxi sententia negans in rebus venereis dari paruitatem materiæ excusantem à peccato mort. quia quilibet tactus, seu delectatio venerea, ex sua natura tendit ad seminis emissionem, quæ extra coniugium est peccatum mortale, & quamuis reipsa semen non effundatur, nec intendatur, adest tamen ipsius periculum. Præterea est impossibile, in praxi loquendo, in re tam lubrica, distinguere materiam leuem à graui, & mortalem delectationem à veniali, dum adest aduertentia, & consensus. *tom. 1. pag. 316. num. 17.*

6. Venereæ delectationes sunt eiusdem speciei cum opere externo, habentque



bentque eandem specie malitiam quam habet opus externum. Hinc fit ut in confessione explicanda sit circumstantia personæ, circa quam fuit delectatio; nam delectatio de aliena vxore habet malitiam adulterij; delectatio de consanguinea, malitiam incestus; delectatio de moniali, malitiam sacrilegij. Contraria tamen sententia non est probabilis affirmans delectationem de re venerea esse illius tantum speciei, cuius est motiuum, ac proinde de vxore aliena, de moniali, &c. ex solo affectu libidinis, habere tantum malitiam simplicis fornicationis; quia delectatio sumit speciem à motiuo: Excipiuntur duo casus 1. est coniugatorum qui non solum corpus, sed etiam internum affectum coniugi obligarunt: quare coniugatus habens delectationem veneream, peccat contra castitatem, & fidem matrimonij. 2. est habentium votum absolutum castitatis, qui si delectentur de re turpi, peccant contra castitatem, & religionem; quia votum obligat Deo omnes internos affectus. *tom. 1. pag. 319. num. 19. 20.*

7. Non est peccatum habere actum desiderij, & velleitatis de re aliqua illicita, vel turpi, ex motiuo honesto, vel sub conditione, qua posita, actus ille non esset peccatum: quia hoc desiderium est actus inefficax qui totam suam militiam habet à motiuo: si ergo motiuum non est malum, neque malus erit actus. Est autem longe maximum discrimen inter hos duos modos *vellem, & volo*: nam *vellem* denotat actum desiderij inefficacem; at *volo*, est actus voluntatis efficax. Sic excusatur à peccato qui dicit: *vellem rem habere cum Berta, si esset mea vxor*. Non excusatur autem qui dicit: *Nisi essem Sacerdos, vellem committere fornicationem*: quia non adest motiuum sufficienter honestum ad cohonestandam fornicationem: nam fornicatio esset adhuc peccatum, etiam si ipse non esset Sacerdos. *ibid. num. 21. & seq.*

8. Oscula, & amplexus, amicitiae causa, & iuxta morem patriæ licite fiunt, immò delectatio inde sequens non est illicita: sicut enim licet delectari de amicitia; & pace, sic etiam de eius signo nempe osculo delectari, modo absit periculum consensus in motus sensualitatis inde confurgentis. *tom. 2. pag. 317. n. 1. & 2.*

9. Fœmina aduertens se ab alio libidinosè tangi, licet ille tangat iuxta morem patriæ, ut fit in aduentu amici, vel consanguinei, peccat mortaliter se non retrahendo, quando tactus sunt impudici. Secus dicendum si oscula, & tactus sint extrinsecè honesti, ut fieri solent ad significandam beneuolentiam, præsertim si fiant in publico. *ibid. n. 10. & pag. 318.*

10. Leuis tactus manuum, vel pedum fœminæ; aut vellicatio, aut digitorum intorsio, regulariter loquendo, non est peccatum mort. huiusmodi enim tactus potius fiunt ex leuitate, & ioco, quàm ex venerea delectatione. In hac tamen materia non sunt laxanda habenda; nam in via lubrica, procliuus est lapsus. *tom. 1. pag. 318. num. 11.*

11. Aspectus fœminæ ob curiositatem pulchritudinis, nō est peccatum mort. etiam si fiat propter delectationem, quæ inde capitur, modo absit periculum



riculum turpis, & venereæ delectationis; minus enim est periculi in aspectu, quàm in tactu. Sunt tamen quidem aspectus ex se impudici, & mortaliter mali, etiam si non fiant ob malum finem, vt quando vir aspicit partes pudendas foeminae, nisi fortè hic aspectus fiat obiter ob curiositatem, itavt non sit periculum magnæ commotionis in corpore. *ibid. num. 13.*

12. Non est facile exculandus à mortali, confricans in honestas brutorum partes, ad eliciendum semen: est enim actus nimis inhonestus, & repugnans rectæ rationi; non videtur tamen esse peccatum mortale, aspiciere coitum brutorum, vel eorum partes turpiter commotas, modò aspiciens non inde capiat nimiam delectationem sensualem. *ibid. num. 14. & 15.*

13. Puella, quæ dedit à operâ præbet se conspiciendam adolescenti, absque villa necessitate, sed potius ex quadam vanitate, non ignorans turpem illius amorem, peccat mortaliter peccato scandali. Sin hoc faciat ex aliqua necessitate, aut ne se priuet sua libertate, vel iure exeundi domo, vel standi ad ostium, vel ad fenestras, non videtur peccare mort. hoc enim, est potius scandalum acceptum, quàm datum, vt contingere solet quando foemina se superflue ornantes prævident fore vt turpidè amentur ab aliis modò id non faciant animo eos incitandi ad libidinem. *ibid. num. 17.*

14. Turpiloquium, si fiat animo oblectandi se rebus ipsis turpibus narratis, & obseruantibus imaginationi, est peccatum mort. si vero fiat absque affectu venereo, est tantum veniale, modò absit scandalum adstantium. *ibid. num. 18.*

15. Componentes, & exhibentes comœdiâs valde turpes, & ad libidinem prouocantes, peccant mortaliter; quia dant causam ruinæ, quamuis illam non intendant. Idem sentiendum de scribentibus, aut pingentibus turpia. Foemina verò pectus nudantes excusari possunt à mortali si hoc faciant iuxta consuetudinem patriæ, & absque praua intentione. Est tamen peccatum mort. inducere huiusmodi morem, quia insolita, & iniustata magis afficiunt. *ibid. n. 23.*

16. Clerici, qui intersunt comœdiis, secluso scandalo, vel alio periculo peccati, non peccant mortal. Ecclesiasticos tamen non decet huiusmodi spectaculis, & nugis interesse, cum hoc sit illis prohibitum; non tamen sub peccato mort. *ibid. num. 22.*

16. Mulier fucò illinens faciem, non peccat si hoc faciat ob rationabilem causam. Sin absque causâ, videtur peccare venialiter, peccato vanitatis, & leuitatis. At si hoc faciat ex fine mortaliter malo, peccat mortaliter. Denique mulieres superfluo ornatu vtentes, non excusantur à veniali. *com. 1. pag. 319. num. 25. & 26.*

### Luxuria sacrilega.

18. Sacrilegium, de quo hic sermo, est peccatum luxuriæ, quo res sacra violatur, siue res illa sit persona Deo dicata per votum, siue locus sacer,



cer, siue aliud quippiam. Quare qui copulam habet, aut habere desiderat cum moniali professâ; sacrilegium committit. Item Sacerdos, aut clericus sacris initiatus, aut religiosus professus committit sacrilegium, peccando carnaliter cum femina, vel committendo aliquod luxuriæ peccatum externum, aut etiam internum. Peccatum tamen est grauius quando persona sacra peccat circa personam aliam sacram, videturque duplex sacrilegium; ideoque hæc circumstantia est in confessione explicanda. *tom. I. pag. 23 2. num. 1. & seq.*

19. Copula, etiam coniugalis, habita in loco sacro absque necessitate, est sacrilegium: polluitur enim Ecclesia, fitque iniuria loco sacro. At coniugalis copula, in loco sacro occultè habita ex necessitate, ob periculum incontinentiæ, non est sacrilega. Idem dic de nocturna pollutione inuoluntaria, & de sanguinis effusione facta in loco sacro ad sui defensionem: vbi enim nulla est culpa, ibi nullum est sacrilegium. *ibid. num. 6.*

20. Qui concupiscit feminam in Ecclesia, non committit speciale sacrilegium: quia non violatur directè locus sacer. Secus si habet desiderium, seu intentionem coeundi in Ecclesia: hæc enim intentio est eiusdem rationis cum ipso acti externo. Item verba turpia, aspectus inhonesti, & tactus etiam impudici facti in Ecclesia, non habent specialem malitiam, sacrilegij mortalis, necessario in confessione exprimendam, modò absit periculum pollutionis: nam per huiusmodi actus, non violatur specialiter locus sacer, sicut violatur per pollutionem, nisi fortè dicatur illos actus proximè disponere ad pollutionem, & consequenter ordinari ad loci sacri violationem, sicque specialem malitiam continere. *ibid. num. 7.*

21. Monasteria, dormitoria, cubicula sacerdotum, vel religiosorum, & oratoria priuata, non constituta auctoritate Episcopi, quamuis gaudeant immunitate Ecclesiæ; non tamen ita sunt sacra vt copula, vel pollutio in illis habita, specialem habeat sacrilegij malitiam; nisi ibi sit altare ad rem diuinam faciendam. *ibid. num. 9.*

22. Illa Ecclesiæ pars, seu spatium, dicitur locus sacer, quod pertinet ad interius Ecclesiæ corpus, à tecto scilicet interiori vsque ad pavimentum. Quare locus Ecclesiæ subterraneus, modò non sit sepultura, nec campanile, nec sacristia, dicitur locus sacer. At cæmeterium, & oratorium Episcopi auctoritate constitutum, est locus sacer. Ecclesia diruta, non est locus sacer, nisi fortè sit destructa vt reedificetur. *ibid. n. 10. & 11.*

23. Ecclesia polluitur per voluntariam feminis, & per iniuriosam sanguinis humani effusionem. Neque est necesse vt semen, aut sanguis in terram, aut pavimentum decadat: on sufficit tamen vna, aut altera stilla. Polluitur etiam Ecclesia per vulnus in Ecclesia inflictum, etiam si vulneratus statim exeat, antequam sanguinem mittat: nam in Ecclesia, data est causa naturalis effusionis. Polluta autem Ecclesia, censetur etiam pollutum cæmeterium attiguum; est enim accessorium Ecclesiæ: polluto verò cæmeterio, non censetur Ecclesia polluta, quia minus nobile non trahit ad



ad se nobilius. *tom. 1. pag. 333. numero 19. & 20.*

24. Valdè probabile est, vnum tantummodò sacrilegij peccatum committi ab eo, qui cum sit Sacerdos, & religiosus, aliquod luxuriæ scelus admittit: idem dic de femina copulam habente cum Sacerdote religioso professo. Quia votum solemne castitatis, sacris Ordinibus adnexum, est eiusdem rationis cum voto emisso in professione: neque diuersitas peccatorum sumitur ex diuersitate præceptorum, sed ex virtutibus, aut motiuis specie distinctis; at religiosus tenetur seruare castitatem, ob idem motiuum, & eandem virtutem, propter quam Sacerdos tenetur eam seruare, ergo, &c. *tom. 1. pag. 334. num. 28.*

25. Qui obstrictus est voto simplici, & solemni castitatis, duplex sacrilegij peccatum committit per peccatum luxuriæ: quia votum solemne, à simplici, differt specie; & peccatum luxuriæ habet priuationem perfectionis alio modo debitæ in eo, qui adstrictus est voto solemni, quam habeat in eo, qui adstrictus est voto simplici: peccata autem distinguuntur penes priuationes perfectionum diuersarum. *ibid. num. 30.*

## M.

## MAGISTER. DOCTOR.

1. **I**N cap. vi periculosa, ne Cler. vel Monach. in 6. duplex habetur excommunication. est contra ipsos religiosos, qui habitum suæ religionis temerè dimittunt, vel ad studia litterarum sine licentia accedunt. 2. contra Magistros, seu Doctores, qui religiosos habitu dimisso medicinam, aut leges docere, aut in suis scholis retinere præsumpserint. De priori excommunicatione suus erit agendi locus, titulo Religiosus. *disp. 2. quest. 2. punct. 3. 2. pag. 189. tom. 3.*

2. Ad incurrendam huius canonis excommunicationem sufficit alterutra actio docendi, vel retinendi in scholis: quare qui retinet huiusmodi religiosum in suis scholis, tametsi non doceat; vel qui docet illum medicinam, aut leges, etiamsi non retineat, hanc excommunicationem incurrit. *ibid. pag. 180. num. 7. tom. 3.*

3. Quæres quid facere debeat magister, dum aduertit aliquem religiosum in sua schola adesse, qui dimisso habitu vult ipsum audire. *Resp.* magistrum posse huiusmodi religiosum aliqua vi expellere, sed sine scandalo; ius enim prohibet illum admitti. Sin exire nolit, lectionem esse dimittendam; quia sub excommunicatione vetitum est huiusmodi religiosum docere leges, aut medicinam. *ibid. num. 10.*

4. Hæc excommunicatio non est referuata.

Ma.



## Magistri Bononienses.

5. In cap. *ex rescripto*, fertur excommunicatio contra Magistros, & studiosos Academiae Bononiensis, qui aliorum hospitium conducunt intra tempus conductionis, sine licentia inquilinorum. *disp. 2. quest. 2. punct. 37. pag. 185. tom. 3.*

6. Hæc excommunicatio tantummodo fertur in magistros, & scholares. Mercatores autem, & alij non afficiuntur excommunicatione, si domos ante finitum locationis tempus conducant: Idem dicendum videtur de iis, qui scholaribus deferuiunt, & eorum privilegiis gaudent; isti enim non sunt scholares, neque magistri. *ibid. num. 2.*

7. Qui ante finitum locationis tempus domum, quam scholaris inhabitat, conducit, absque villo inhabitantium incommodo, hanc censuram non incurrit: quia hæc censura afficit tantum conducentes aliorum hospitium in præjudicium inhabitantium. *ibid. num. 4.*

8. Hæc excommunicatio non cadit in magistros, & scholares aliarum Academiarum; quia in materia penali non valet argumentum à pari. *ibidem, num. 5.*

9. Hæc excommunicatio non est reservata.

## Magistri ad gradum promouentes.

10. Pius IV. in quodam motu proprio, qui incipit. *In sacrosancta*, excommunicationem tulit contra Magistros, & alios, qui promotioni seu doctoratui præsumunt, si quemquam promouerint ad gradum in Medicina, Theologia, &c. non facta prius fidei professione; Antistitibus autem non est imposita excommunicatio, sed interdictum ab ingressu Ecclesiæ. *disp. 2. quest. 10. punct. 14. pag. 319. tom. 3.*

11. In Clementina. *Cum sit, de magistris*, fertur suspensio à collatione doctoratus per 6. menses contra promouentes ad gradum Doctoratus, nisi iuramentum prius extorqueant à promouendis, ut in solemnitate recipiendi doctoratum, non expendant ultra summam trium millium Turonensium argenteorum; verum hæc constitutio hodie exoleuit. *disp. 3. quest. 5. punct. 5. pag. 371. tom. 3.*

## MAGISTRATVS.

## Contra Rectores status Ecclesiastici Excommunicatio.

1. Paulus II. in Bulla 3. que incipit, *Munera*, excommunicationi subiicit non solum rectores ciuitatum, & terrarum status Ecclesiastici, accipientes munera præter esculenta, & poculenta, verum etiam ipsos.



iplos dantes. Hæc Bulla confirmata fuit à Sixto IV. in Bulla 15. quæ incipit *Exst. disp. 2. quæst. 7. punct. 8.* Ab hac censura soli Cardinales eximuntur. pag. 287. 288.

2. Accipientes munera præter excommunicationem, contrahunt etiam obligationem restituendi id quod acceperunt etiam ante iudicis sententiam; hanc enim esse mentem legislatoris patet ex verbis legis. Hæc autem restitutio fieri debet puerperibus, non ei, qui dedit; cum enim eadem excommunicationis pœna puniatur, indignus est effectus, cui vlla restitutio fiat. *ibid. num. 9.*

3. Hæc excommunicatio est Summo Pontifici reservata.

*Contra Magistratus & Dominos temporales Excommunicationes non reservatae.*

4. In cap. *noverit de sent. excommunic.* habetur excommunicatio lata contra facientes servari statuta, & consuetudines libertati Ecclesiasticæ contrarias, vel non facientes deleri dicta statuta de capitularibus suis infra duos menses. Item contra statutarios, statutorum scriptores, contra consules, rectores, & consiliarios locorum, ubi hæc statuta edita sunt, vel observata, si fuerint delicti participes, & contra præsumentes iudicare iuxta præfata statuta. *disp. 2. quæst. 10. punct. 3. pag. 312. tom. 3.*

5. In cap. *eos qui de immunit. Eccles. in 6.* extat excommunicatio lata sententiæ contra obtinentes dominium temporale, dum suis subditis interdiciunt, ne Prælati, aut clericis, seu personis Ecclesiasticis, quidquam vendant, aut ab illis emant, neve ipsis molant, coquant, &c. *ibid. punct. 4. n. 1.* Unde patet herum, qui suo famulo præcipit ne contractum cum Ecclesiasticis ineat, aut alia obsequia ipsis præstet, non affici hac censura; quia non dicitur habere temporale dominium. Idem dicendum de iudice, qui temporali dominio caret. *ibid. pag. 313. n. 5. tom. 3.*

6. In cap. *Fælicis, de pœnis in 6.* fertur excommunicatio contra Magistratus, Senatores, Consules, Dominos, Rectores, eorumque officiales, qui intra mensem post habitam criminis cognitionem observari non faciunt constitutionem in eo capite contentam contra insequentes hostiliter Cardinales, aut iis cooperantes. *ibid. punct. 5. num. 1.*

7. In præfato cap. hæc præscribuntur contra hostiliter insequentes S. R. E. Cardinales, iisque cooperantes: ut huiusmodi delinquentes sint infames, intestabiles, non habeant ius succedendi, eorum domus destruantur, bona fisco applicentur, priuentur ipso facto feudis, locationibus, officiis, vel beneficiis, ipsorum filij, & descendentes per rectam lineam priuentur beneficiis, & dignitatibus, & inhabiles fiant ad ea in futurum obtinenda, in iudiciis non audiantur, &c. *ibid. num. 2. vide tit. Cardinalis.*

8. In cap. *administratore s.* extat pœna priuationis ab omni communione contra Principes, seu Magistratus sæculares, si requisiti ab Episcopis, & aliis



aliis viris Ecclesiasticis negligent Ecclesiam, pupillos, & viduas defendere, latrocinia, & id genus alia crimina extirpare, &c. post trinam admonitionem. Remanent autem excommunicati donec cōdignam satisfactionem præstiterint, id est, Ecclesiastico præcepto paruerint, & Ecclesiis, pupillis, ac viduis satisfecerint ob damnum, quod ex eorum negligentia subierunt. Hæc excommunicatio hodie vix est in usu. *ibid. punct. 6. pag. 313. 314. tom. 3.*

9. In Bulla, quæ incipit, *Superna providentia*, Pius IV. excommunicationem tulit contra Legatos, Vicelegatos, Gubernatores, Iudices, Magistratus, qui se intromittunt in officiis, & scripturis notariorum per Camera venditis, in præiudicium ementium, aut qui vexant notarios illa officia ementes. *ibid. punct. 12. pag. 318. tom. 3.*

10. Pius item IV. in Bulla, quæ incipit, *Decet Rom. Pontificem*, tulit censuram excommunicationis, aut suspensionis sub disunctione, contra Rectores, Gubernatores, Magistratus, & ministros, qui pœnas, & multas pecuniarias, & confiscationes alteri applicant quam Camera Apostolicæ, si hæc confiscationes seu multæ soluendæ sint in ciuitatibus, & locis Summo Pontifici immediatè subiectis. Relinquitur autem arbitrio delinquentium eligere vtram maluerint ex his duabus censuris, quæ feruntur disunctiue. *ibid. punct. 13.*

11. In Clement. vnica, de *vsuris*, habetur excommunicatio contra Magistratus facientes statuta de soluendis vsuri, vel non restituendis cum repetuntur, vel non delentes intra tres menses huiusmodi statuta de libris communitatum, vel præsumentes ea seruare, aut consuetudines vim statuti habentes. Quælibet autem prædictarum actionum sufficit ad excommunicationem incurrandam; textus enim loquitur disunctiue. *ibid. punct. 15. pag. 320. tom. 3.*

12. Pius IV. in Bulla 49. quæ incipit, *Cum ciues*, & Pius V. in Bulla 145. quæ item incipit, *Cum ciues*, tulerunt pœnam suspensionis à diuinis, & excommunicationis latæ sententiæ contra Magistratus, & officiales ciuitatum, seu locorum status Ecclesiastici, qui concedunt facultatem deferendi cuiusvis generis arma breuioris mensuræ trium palmorum in dictis ciuitatibus, aut locis. *ibid. punct. 16. pag. 321. tom. 3.*

## Maleficium.

1. **M**aleficium est ars docendi aliis ope Dæmonis. Potest quippe Dæmon, Deo permittente, pluuias, ventos, grandines, &c. inducere, & multa facere applicando actiua passiuis, sicque hominibus nocere. *tom. 2. pag. 185. num. 1. & 2.*

2. Magia naturalis, quæ viribus rerum naturalium occultis, miramur efficit, non est superstitiosa, nec malefica. Diabolica verò superstitiosa est, & illicita; quæ licet faciat planè stupenda, oculis illudendo, cor-



pora celeriter asportando, vel alterando, &c. non tamen potest vera edere miracula; quæ enim fiunt à dæmone, virtutem causarum naturalium, non exuperant, fiuntque applicando actiua passiuus. *ibid. num. 4.*

3. Nefas est maleficos, licet alioquin paratos, adhibere ad maleficium faciendum pro re graui, aut bono publico: quia maleficium est intrinsecè malum. Nefas item petere vt maleficus vno maleficio aliud dissoluat: rogari tamen potest, vt maleficus dissoluat modo licito, faciendo ea, quæ fieri possunt circa opem dæmonis; hoc enim non est intrinsecè malum, vt tollere ligaturas, nodos, &c. eo fine vt dæmon nocere desinat. *tom. 2. pag. 186. num. 5. 7. & 8.*

4. Contra maleficia, hæc remedia possunt adhiberi. 1. magna fides. 2. susceptio Baptismi. 3. confessio peccatorum. 4. sumptio Eucharistiæ. 5. exorcismus Ecclesiæ. 6. aqua benedicta. 7. Sanctorum reliquiæ. 8. signum Crucis. 9. inuocatio nominis I E S V. B. Virginis, S. Angeli custodis, & aliorum Sanctorum. 10. oratio cum ieiunio. 11. dissolutio eorum, quæ pertinent ad pactum cum dæmone. *ibidem. num. 10.*

5. Confessarius hæc inquirere debet à malefico. 1. an pactum inierit cum dæmone; potest autem pactum dissolui agendo pœnitentiam, neque est necesse, vt maleficus curet sibi chirographum à dæmone restitui; si tamen maleficus illud habet penes se, debet lacerare, ad detestandum crimen, & scandalum vitandum, si chirographum ab aliis inueniretur. 2. an exhibuerit honorem Sathanæ, aut sacrilegia commiserit contra augustissimum Eucharistiæ Sacramentum. 3. an in pacto cum dæmone inito interuenerit hæresis. 4. quomodo confecerit maleficium, an scilicet ad illud abusus fuerit rebus sacris. 5. an damnum alicui intulerit; tenetur enim damnum illarum rescircire. *ibid. num. 11.*

#### *Marchia Anconitana.*

1. Iohannes XXII. in Extreuag. *durum. de pœnis*, excommunicatione, & alias grauissimas pœnas imposuit occidentibus, capientibus, detinentibus, percutientibus, expellentibus, spoliantibus, vel quouis alio modo violentibus Rectores, seu Officiales Marchiæ Anconitanæ; Nec non directè, vel indirectè dantibus auxilium, consilium, vel fauorem ad aliquam ex prefatis actionibus. *disp. 2. quæst. 3. p. uet. 47. num. 259. tom. 3.*

2. Hæc excommunicatio restringitur ad eos, qui in illa Marchiæ provincia commorantur; quamobrem viator, vel aduena huic censuræ non subiacer. Restringitur item ad personas singulares, Vniuersitas enim, seu Communitas, quæ hac in parte deliquerit, Ecclesiastico subiicitur interdicto, cameius territorio, & districtu. *ibid. num. 4.*

3. Hæc excommunicatio est Papæ reseruata; de interdicti autem reseruazione nulla fit mentio. *num. 5.*



MARIA VIRGO.

B. V. Mariae Conceptio immaculata.

1. SIXTUS IX. in Extravag. graue nimis, de relig. & veneratione Sanctorum, contra impugnantes immaculatam B. Virginis conceptionem, sub pœna excommunicationis prohibuit. 1. asserre hæresim, vel mortale peccatum committi ab eo, qui credit, aut tenet Beatissimam Virginem Mariam præseruatam fuisse à peccato originali. 2. asserere peccatum committi celebrando officium Conceptionis, aut audiendo cœciones eorum, qui prædicant B. Virginem sine macula conceptam fuisse. 3. legere, tenere, vel habere pro veris libros, qui præfatam doctrinam continent. *disp. 2. quæst. 3. punct. 3. 4. pag. 248. tom. 3.*

2. PIUS V. in Bulla, quæ incipit, *Super specula*, sub pœna suspensionis vetuit. 1. de alterutra sententiarum circa B. Virginis Conceptionem affirmatiua, aut negatiua in concione disputare, affirmando vnâ, & alteram refellendo. 2. in hoc argumentum vulgari sermone scribere impugnando, & refellendo contrarium. 3. de eadem quæstione vulgari sermone dictata tradere; non tamen vetitum est de ea re in Academiis, & scholis disputare. *ibid. num. 8. & 9.*

3. PAULUS V. interdixit sub pœnis suspensionis, & aliis contentis in Bulla Pij V. ne quis audeat in lectionibus, concionibus, conclusionibus, aliisque actibus publicis asserere B. Virginem in peccato orig. conceptam fuisse. Præterea sub iisdem pœnis mandauit ne sustinentes negatiuam sententiam, affirmatiuam impugnent, nec de ea agant publicè. *ibid. pag. 249. num. 10. tom. 3.*

4. GREGORIUS XV. edidit constitutionem, in qua sub pœnis contentis in Bulla Pij V. & Pauli V. prohibuit. 1. in sermonibus vel scripturis etiam priuatis asserere B. Virginem in peccato orig. conceptam fuisse. 2. de hac opinione affirmatiua aliquo modo tractare, nisi ex priuilegio Apostolico concessio Patribus Ordinis Prædicatorum. 3. vti alio nomine quàm conceptionis in sacrificio, vel officio publicè vel priuatim celebrando. *ibidem.*

5. Hæc excommunicatio, & suspensio est Summi Pontificis reservata. *ibid. num. 13.*

Martyrium.

1. MARTYRIUM est passio seu cruciatus lethalis susceptus pro Christi fide, aut pro vera virtute. Ille non appellatur martyr, qui vulnus non lethale accepit; qui verò accepit vulnus seu cruciatum de se illatum mortis, dicitur martyr, hinc D. Marcellus adscribitur in numerum



martyrium, eo quod in stabulam coniectus, tabe confectus est. *tom. 1. pag. 28. num. 1.*

2. Ille, cui ob actum virtutis iam præstitum mors inferitur, est martyr, qui occiditur in contemptum boni operis, & virtutis; ita S. Ioannes Baptista habetur martyr, quia ob reprehensionem adulteri occisus fuit. *ibid. num. 2.*

3. Martyrium est actus elicitus à virtute fortitudinis, & patientiæ, imperatus autem ab aliis virtutibus, pro quibus conseruandis martyrium subitur; præcipue verò imperatur à charitate; est enim actus magnæ dilectionis in Deum. *ibid. num. 3.*

4. Ad martyrium quinque conditiones requiruntur. 1. est voluntas suscipiendi martyrium in adultis; in infantibus verò nondum ratione ventibus non requiritur, ut patet ex Innocentibus, qui ab Ecclesia semper habiti sunt martyres. Qui verò dormiens occiditur in odium Christi, aut virtutis Christianæ, si nihil antea de martyrio cogitauerit, non dicitur martyr, quia non habuit voluntatem formalem, aut virtutalem suscipiendi martyrium; nisi forte sit vir iustus, qui Deum omnium actionum suarum finem sibi proponat. *ibid. num. 5.*

5. Infans in utero matris licet baptizari nequeat, quia non potest abluí: potest tamen pro Christo occidi, & fieri martyr, cum enim reputetur vnus quid cum matre, æquum est, ut si cum ea pro Christi fide occidatur, eiusdem martyrii particeps fiat. *ibid. num. 7.*

6. Secunda martyrii conditio est, ut suscepturus martyrium, si peccati mort. sibi sit conscius, eliciat actum attritionis supernaturalis; non tamen necessaria est contritio, seu dilectio Dei super omnia; quia martyrium, cum virtutem habeat Baptismi, contritionis defectum supplet; quare non requiritur, ut martyr ante susceptionem martyrii sit in gratia. Porro qui per obliuionem, aut inaduertentiam non elicit actum attritionis, quia tunc temporis, in expellendo metu mortis totus occupatur; nihilominus fructum martyrii recipit; quia tunc sufficit attritio virtualis. *tom. 1. pag. 29. n. 8. & seq.*

7. Tertia conditio requisita ad martyrium est pœna, seu passio, & cruciatus. 4. conditio est, ut subeatur ille cruciatus ob honestam causam, qualis est conseruatio fidei, & religionis Christianæ, vel castitatis, vel Ecclesiasticæ immunitatis, vel alterius veræ virtutis. 5. conditio est, ut tyrannus cruciatum, seu mortem inferat in odium Christi, aut Christianæ virtutis. *ibid. num. 11.*

8. Martyrii effectus est duplex. 1. est gratia, & remissio omnis culpæ, & pœnæ. 2. est laureola, id est, præmium accidentale. Martyrium autem, confert gratiam ex opere operato ultra meritum, & dispositionem suscipientis, non quidem physice, sed moraliter. *ibid. num. 1. & seq.*

9. Tunc martyrium præstat suum effectum quando martyr subiit cruciatum lethalem, seu vulnus de se mortiferum, etiam si à morte naturaliter inui-



ineuitabili, per miraculum liberetur. Virgente grati necessitate, martyrium est in præcepto; absque necessitate verò, vel iusta causa non licet exponere se martyrio; sic enim Deus tentatur. *tom. 1. pag. 30. num. 1. & seq.*

## M A T R I M O N I U M.

*Quid sit Matrimonium.*

1. **M**atrimonium est legitimus, & indissolubilis contractus inter virum, & feminam, quo traditur, & acceptatur mutua corporum potestas, & confertur gratia sanctificans. Hęc definitio conuenit matrimonio vt est contractus, & vt est Sacramentum, de quo ita loquitur Paulus Ephes. 5. *Sacramentum hoc magnum est, ego autem dico in Christo & Ecclesia, id est, coniugium, magnum est Sacramentum, ac mysterium, cum sit signum vnionis Christi cum Ecclesia. tom. 1. pag. 251. n. 2.*

2. Inter Beatissimam Virginem, & S. Ioseph verum intercessit matrimonium ratum (quippe in Scriptura Ioseph appellatur vir Mariæ, & Maria vxor Ioseph:) non tamen consummatum, cum Beatissima Virgo semper manserit Virgo. Neque B. V. peccauit contra votum castitatis, contrahendo matrimonium; sciebat enim per reuelationem, matrimonium non esse consummandum. Neque dixeris ad matrimonium requiri consensum in copulam. Respondeo enim sufficere mutuatam traditionem corporum, quæ potest subsistere absque copula, & vsu corporum: potest quippe dominium ab vsu separari. *tom. 1. pag. 252. num. 9. & 10.*

3. Matrimonium infidelium est quidam contractus, quem infideles celebrando non peccant: est enim in officium, seu in propagationem, & conseruationem naturæ humanæ, necnon in remedium concupiscentiæ: non tamen est Sacramentum, quia infideles carent Baptismo qui est ianua omnium Sacramentorum. At matrimonium contractum à fidele cum catechumena, ex dispensatione Pontificis, est Sacramentum ex parte fidelis volentis illud suscipere. *ibid. num. 2. & 3.*

4. Matrimonium infidelium, post Baptismi susceptionem, fit Sacramentum, quando post Baptismum interuenit nouus consensus, vel præcedens ratus habetur per aliqua signa externa, vt per verba, nutus, aut copulam maritalem: neque opus est vt hæc ratificatio consensus fiat coram Parrocho, & testibus; iam enim supponitur matrimonij contractus validè celebratus. *tom. 1. pag. 253. num. 5. & 6.*

5. Ipso mundi exordio extitit præceptum naturale contrahendi matrimonium ad propagationem generis humani. Hoc verò tempore cessat illius præcepti obligatio. Si tamen daretur casus, quo ceteri homines essent bello, vel peste extincti, neque inuenirentur alij præter religiosos, ipsi tunc possent; in inò tenerentur matrimonium contrahere: quia votum posthabendum est præcepto naturali. Potest etiam contingere alius casus, vt



quando est vnicus hæres regni, aut status, quo non nubente exorirentur bella: tunc enim ille hæres teneretur vxorem ducere ad impedienda damna, & incommoda Reipub. impendunt. *ibid. num. 1. & seq.*

*Materia, forma, & minister huius Sacramenti.*

6. Materia huius Sacramenti est traditio corporum ipsorum contrahentium: forma est acceptatio eorundem expressa per verba, vel signa: nam per acceptationem perficitur matrimonium. *ibid. num. 1. & seq.*

7. Minister essentialis huius Sacramenti non est Sacerdos, sed ipsi contrahentes: alioquin matrimonium clandestinum, quod ante Concilium Tridentinum celebrabatur sine Sacerdote, non fuisset verum matrimonium, & Sacramentum: Sacerdos igitur non est minister essentialis, sed accidentarius, quatenus ex officio iungit, & benedicit contrahentibus, quod pertinet ad accidentariam matrimonij perfectionem. Quare Sacerdos assistens matrimonio cum conscientia peccati mortalis, non peccat mortaliter: quia ipse non ministrat, nec conficit hoc Sacramentum. Ipsi verò contrahentes grauius peccant, quatenus suscipiunt hoc Sacramentum in peccato mortali; non verò peccant mortaliter, quatenus illud sibi mutuo administrant, quia ipsi non sunt ministri ad hoc consecrati. *tom. 2. pag. 254. num. 5. & 6.*

*Matrimonium inter absentes.*

8. Matrimonium inter absentes, per procuratorem, vel per litteras contractum, est validum: quia iura non irritant huiusmodi contractum. Nec minus est Sacramentum quàm inter præsentes celebratum: Ecclesia quippe (ait Sanchez) nullum agnoscit matrimonium inter fideles, quod non sit Sacramentum. Quare si quis intendat inire matrimonium tanquam contractum, neque velit suscipere Sacramentum, nihil facit; quia ex Christi institutione, ratio contractus matrimonij est inseparabilis à ratione Sacramenti. Sed hæc ratio non mihi satis probatur: nam ratio contractus videtur separabilis à ratione Sacramenti etiam inter fideles: qui enim habet intentionem contrahendi, sed non suscipiendi Sacramentum, verè contrahit; ad sunt enim omnia requisita ad contractum: non tamen suscipit Sacramentum, defectu intentionis. *ibid. num. 1. & seq.*

9. Vt matrimonium per litteras, vel procuratorem contractum, sit validum, tria saltem requiruntur. 1. præsentia parochi, & testium. 2. vt litteræ non sint fictæ, & procurator non sit fictè constitutus. 3. vt procurator habeat speciale mandatum ad contrahendum cum certa persona, & vt agat per se ipsum, non enim potest ipse alium substituere; denique vt procurator non excedat limites mandati. Porro qui mittit ad contrahendum suo nomine matrimonium, tenetur sub peccato mortali esse in gratia eo tem-



pore, quo probabiliter credit procuratorem contracturum matrimo-  
nium; tunc enim ipse suscipit Sacramentum, siue vigilet, siue dormiat. *tom.*  
*1. pag. 255. num. 5. & seq.*

*Matrimonium clandestinum.*

10. Matrimonium duobus modis esse potest clandestinum. 1. si fiat sine  
Parocho, & testibus. 2. si omittis denunciationibus celebretur. Matrimo-  
nium sine Parocho, & duobus, vel tribus testibus initum, post Concilium  
Trid. est inualidum; sic enim decernit *sess. 24. cap. 1.* Vnde sequitur copu-  
lam animo maritali habitam, absente Parocho, & testibus non sufficere ad  
contrahendum matrimonium. Quare peccat mortaliter qui sic contra-  
hit, quia facit contra prohibitionem Ecclesiæ in re grāui. *tom. 1. pag. 256.*  
*num. 1. & seq.*

11. Matrimonium nullis præmissis denunciationibus celebratum, est  
validum iure enim antiquo erat validum, nec ullum nouum ius extat in-  
oppositum. Mortaliter tamen peccat qui sine facultate, aut legitima cau-  
sa denunciations omittit: hinc enim grauissima incommoda sequi pos-  
sunt. Concilium autem Trid. concedit facultatem dispensandi in denun-  
ciationibus, Episcopo, aut alteri Prælato, qui iurisdictionem quasi Episco-  
palem habeat, aut etiam Vicario generali, aut alteri ab Episcopo delegato.  
Porro hæc sunt causæ dispensandi in denunciationibus. 1. quando timetur  
maleficiū, aut aliud iniustum matrimonij impedimentum. 2. quando  
denunciations absque dispendio famæ, aut alio graui incommodo fieri  
nequeunt. 3. quando instat tempus, quo nuptiæ prohibentur. 4. notabile  
contrahentium commodum. 5. quando magnates sunt contracturi: quia,  
huiusmodi matrimonia, etiam absque denunciationibus sunt satis pu-  
blica, & si quod est impedimentum, latere non potest. *ibid. num. 6. & pag.*  
*257. num. 7.*

12. Denunciations faciendæ sunt in propria parocchia, immo quando  
contrahentes sunt diuersarum parocciarum, faciendæ sunt in vtraque pa-  
rocchia: sic enim sacra Cardin. Congregatio declarauit. Sin contrahentes  
plura habeant domicilia in diuersis parocciis, faciendæ sunt in ea parocchia,  
in qua diutius habitant, & principalem habent larem. *tom. 2. pag. 257. nu-*  
*mero 20. & 11.*

13. Denunciations à Parocho, vel alio de ipsius licentia, faciendæ  
sunt. Parochus autem, qui propria auctoritate denunciations omittit, abs-  
que causa legitima, suspenditur ab officio per triennium. *ibid. num. 12.*

14. Denunciations tribus diebus festis continuis faciendæ sunt: quan-  
quam etiam fieri possunt alio die, quam festo, quando scilicet ingens ho-  
minum turba ad Ecclesiam confluit, vt contingit, quando insignis concio-  
nator est concionem habiturus. *ibid. num. 14. & seq.*

15. Conscij impedimentorum tenentur ea detegere, quando commo-  
dè possunt, absque scandalo, etiam si impedimenta sint occulta, nec proba-



ri possint, aut etiam si accepta sint sub secreto: agitur enim de vitâo damno spirituali contrahentium, & periculo ne proles illegitima nascatur. *tom. 1. pag. 258. num. 20.*

16. Vbi Concilium Trid. non est promulgatum, vel acceptatum, saltem quoad hoc particulariter decretum, validum est matrimonium, sine Parocho, & testibus celebratum. Quia lex non obligat nisi sit promulgata, & acceptata. Quare incola loci, in quo Concilium fuit promulgatum, & acceptatum, si se aliò conferat, ubi non est promulgatum, potest ibi matrimonium absque Parocho, & testibus celebrare: quia contractus hoc habet speciale, vt celebrandus sit iuxta solemnitates receptas in eo loco ubi celebratur. *ibid. num. 1. & seq.*

17. Ad matrimonium validè contrahendum requiritur præsentia proprii Parochi, vel alterius de licentia Parochi, vel Ordinarij. Quò fit vt, qui ad aliquem locum se confert, animo ibi manendi maiori anni parte, possit matrimonium contrahere coram Parocho illius loci: quia ibi acquirit domicilium parochiale ad suscipienda sacramenta, excepto Ordine, & Tonfura. At inualidum est matrimonium celebratum ab incolâ civitatis coram Parocho ruris, ad quod solet aliquoties in anno accedere recreationis causa. Idem dicendum de eo, qui causa pestis, vel belli, fugit à sua parècia, ad eam quamprimum reuersurus. Porro matrimonio vagorum potest quilibet Parochus validè interesse, adhibita priùs diligentia in indagandis impedimentis, & obtenta ab Ordinario facultate. *tom. 1. pag. 259. num. 1. & seq.*

18. Quando sponsus est vnus parèciæ, & sponsa alterius, matrimonium in alterutrius parècia, & coram alterutrius Parocho celebratum, est validum, licet enim sacra Cardinal. Congregatio declaravit: neque Conc. Trid. nigris expressit Parochum viri, quam femina. *ibid. num. 7.*

19. Matrimonium in articulo mortis, sine proprio Parocho celebratum, est inualidum, quacumque urgente necessitate: quia deest illi forma substantialis, à Concil. Trid. determinata. *ibid. num. 8.*

20. Sacerdos assistens matrimonio sine licentia Parochi, vel Ordinarij, aut benedicens iis, qui sibi non sunt subditi, incurrit ipso iure suspensionem, donec ab Ordinario illius Parochi absolvatur. Iure autem antiquo incurrebat excommunicationem. *tom. 1. pag. 160. n. 12.*

21. Parochus, vel Ordinarius, potest concedere facultatem alteri sacerdoti coniungendi sponso in matrimonio, extra propriam parèciam. Immo ipse Parochus potest non modò extra propriam parèciam, sed etiâ extra propriam diocesim, suos subditos matrimonio iungere: quia potest administrare sacramenta suis ouibus, ubicumque existant, etiam si nõ obtinuerit facultatem à Parocho illius loci. *ibid. num. 13.*

22. Validum est matrimonium contractum coram Parocho, qui nondum est sacerdos: tum quia Concil. Trid. requirit solam præsentiam Parochi: tum quia præsentia Parochi non requiritur hic ad exercendam functionem



nem sacerdotalem. Tamen qui de Parochi licentia assistit, debet esse Sacerdos; ita enim præscribitur à Tridentino. *tom. 1. pag. 261. num. 16.*

23. Inualidum est matrimonium contractum cum eo Sacerdote, qui licentiam assistendi extorsit per dolum, & mendacia versantia circa causam finalem, id est, quando concedens licentiam, impulsus est ad eam concedendam ob causam fictam, aut sibi dolose narratam, itaque erat affectus ut si nosset causam illam non subsistere, licentiam non concessisset. Quia dispositio facta per dolum versantem circa causam finalem, est inualida. Secus dicendum, quando licentia fuit extorta per dolum, & mendacia versantia tantum circa causam impulsivam. *ibid. num. 17.*

24. Validum est matrimonium, cui assistit Parochus interdictus, seu prohibitus ab Episcopo, assistere matrimonio: quia Parochus adhuc retinet iurisdictionem, seu potestatem, itaque declaravit sacra Cardin. Congregatio. Item Parochus prohibitus à superiore, administrare sacramenta propter inficitiam, potest valide assistere matrimonio; quia hæc assistentia, non est administratio sacramenti, sed auctorizatio, ut ita loquar, & convalidatio consensus contrahentium. *ibid. num. 19.*

25. Parochus excommunicatus, etiam non toleratus, seu vitandus, potest validè matrimonio assistere: quia non desinit esse Parochus. Immo potest concedere alteri Sacerdoti licentiam assistendi, etiam si ille Sacerdos sit excommunicatus, vel irregularis, vel etiam degradatus: quia hæc assistentia auctoritativa, non est propriè actus iurisdictionis. *ib. num. 21.*

26. Parochus habens iniustum titulum beneficii, validè assistit matrimonio, etiam si ob aliquod delictum, ipso iure, priuatus sit beneficio, modo in iudicio nondum fuerit illo spoliatus. Quia est adhuc Parochus cum titulo colorato, & errore communi vulgi, ut suppono. *t. 1. p. 262. n. 24.*

27. Ad validè contrahendum matrimonium præter Parochum, duo vel tres testes sunt adhibendi, cuiuscunque ætatis, conditionis, & status, neque excluduntur impuberes, vfu rationis præditi, neque femina, neque consanguinei, neque pater, vel mater, neque infideles, neque excommunicati: quia Conc. Trident. nullos testes excipit. *t. 1. p. 263. n. 41. & 43.*

28. Matrimonium clandestinum, sine Parocho, & testibus celebratum nullam inducit obligationem, neque vim habet sponsaliorum: quia Tridentinum irritat matrimonium clandestinum. Ratione tamen damni illati, ut si sponsus defloravit feminam, cum qua clandestinè contraxit, tenetur saltem damnum illatum restituere arbitrio prudentis viri. At matrimonium clandestinum impuberum hoc habet peculiare, ut habeat vim sponsaliorum: quia ius præsumit impuberes se voluisse obligare eo modo, quo possunt. *ibid. num. 48.*

29. Contrahentes matrimonium clandestinum, puniendi sunt arbitrio Episcopi. Idem dic de testibus assistentibus matrimonio clandestino. Sacerdos autem huic matrimonio assistens incurrit suspensionem donec absolvatur ad ordinario illius Parochi, cuius erat assistere. Deniq; Parochus,

qui



quisciens, matrimonium clandestinum non prohibuit; suspendendus est ab officio per triennium. *tom. 1. pag. 264. num. 50.*

30. Concilium Trident. *sess. 24. cap. 1.* anathemate damnat negantes matrimonia clandestina ante Trident. celebrata valida fuisse, aut matrimonia sine consensu parentum à filiis familias contracta vera esse, ac rata. *disp. 2. quest. 2. punct. 8. pag. 162. tom. 3.*

31. Eandem censuram incurrunt affirmantes matrimonium fin Parocho, & testibus liberè contractum in iis locis, in quibus Concilium Tridentinum acceptatum non fuit, irritum esse & inualidum: huiusmodi enim matrimoniana non censentur irrita ante acceptionem Concilij, neque Concilium intendit obligare priusquam acceptetur. *ibid. num. 3.*

32. Validitas matrimonij à voluntate parentum non pendet, ita ut ratum sit, aut irritum pro ipsorum arbitrio: quia contractus à sola contrahentium voluntate pendet, nec filij in iis, quæ ad proprium vitæ statum pertinent, tenentur parentibus obedire. *ibid. num. 4.*

33. Hæc excommunicatio nemini est reseruata.

*Matrimonium inualidum quomodo validetur.*

34. Ad validandum matrimonium, quod reuera est inualidum defectu consensu interni, vel ob grauem metum, sufficit si consensus de nouo præstetur ab eo, qui consenserat fictè, aut coactè, modò alter sponsus, qui verè consenserat, non reuocauerit suum consensum: Sufficit autem consensus internus, nullo externo signo expressus: quia signum externum iam fuit exhibitum in contractu solemnij, cui tantum deerat consensus internus. *ibid. num. 1. & 3.*

35. Ad validandum matrimonium, quod fuit inualidum propter impedimentum dirimens, necessarius est, post impetratam impedimenti dispensationem, aut post illius cessationem, nouus vtriusque consensus, signo aliquo externo expressus. Quia consensus antea præstitus, fuit omnino irritus ex parte vtriusque contrahentis. Impedimentum autem manifestandum est coniugi illud ignoranti, quando absque graui periculo manifestari potest, ut habita cognitione inualiditatis matrimonij, vterque de nouo consentiat. Validari tamen potest, etiam si impedimentum non manifestetur, modò alter ignarus impedimenti ita consentiat, ut velit matrimonium esse validum, quamuis antea fuerit inualidum. *ib. num. 6. & pag. 275. num. 7.*

36. Ut validum fiat matrimonium, ante inualidè celebratum propter oculum aliquod impedimentum, quod in iudicio probari non potest, non requiritur ut de nouo contrahatur coram Parocho, & testibus, etià si prius matrimonium mala fide fuerit celebratum: iam enim adhibita fuit illa solemnitas, neque opus est illam repetere, modò consensus vtrinque renouetur. *tom. 1. pag. 265. num. 10.*



*Matrimonium sub conditione celebratum .*

37. Matrimonium sub conditione necessaria celebratum validum est ante euentum conditionis, in foro externo, & interno, modò contrahentes non habuerint i. tentionem suspendendi consensum vsque ad conditionis euentum: quia conditio, quæ apponitur, cùm sit necessaria, habetur pro impleta. *tom. 1. pag. 266. num. 5.*

38. Matrimonium celebratum sub conditione turpi, quæ sit contra substantiam matrimonij, irritum est si conditio apponatur vt de futuro præstanda: quia conditio quæ apponitur contra substantiam contractus, destruit contractum. Validum tamen est matrimonium sub hac conditione contractum: *Duco te si ad seruandâ perpetuam castitatem te obliges, vel ad professionem in religione faciendam*: quia mutuum dominium corporum, ab vñu separari potest. At inualidum est contractum cum pacto nunquam cohabitandi: nam hæc conditio simpliciter repugnat proli, quæ illicitè impeditur. *ibid. n. 9. & pag. 267. n. 13. & 15.*

39. Validum est matrimonium celebratum sub conditione turpi, quæ substantiæ matrimonij non repugnet, aut sub conditione impossibili: quia huiusmodi conditiones in matrimonio habentur pro non adiectis, modò ad sit absolutus contrahentium consensus, signo externo sufficienter expressus. *tom. 1. pag. 267. num. 16.*

40. Matrimonium contractum sub conditione honesta de præsentì, vel præterito, validum est, si res ita se habet, vt *contraho tecum si diues es, vel si patri placeat*. At celebratum sub conditione de futuro, non est validum ante conditionis euentum: fit tamen validum adueniente conditione, absque alio consensu. Hinc sequitur illum, qui per verba de præsentì contraxit cum duabus, sub conditione de futuro, fieri maritum illius, cuius conditio priùs adimpletur. Sin vtriusque conditio simul impleatur, neutrum matrimonium valet, quia incertitudo vitiat matrimonium. *ibidem, num. 20. & 21.*

41. Validum est matrimonium inter consanguineos, vel affines contractum sub hac dispensatione, *si Papa dispensauerit*, adueniente dispensatione: contrahentes enim sub illa conditione, non contrahunt pro tunc, sed pro tempore futuro, videlicet pro tempore conditionis adimpletæ. *tom. 1. pag. 268. num. 23.*

42. Matrimonium contractum sub conditione impertinente de futuro, non est validum, antequam conditio verificetur; verificata verò, & adimpleta conditione est validum. Quod dictum est de matrimonio, idè proportionè dicendum de sponsalibus sub conditione celebratis. *ib. n. 24.*

*Matrimonij indissolubilitas.*

43. Matrimonium iure naturali, & diuino est indissolubile. Habreis autem



autem permiffa fuerunt repudia, & diuortia ex difpenfatione diuina. Hinc collige matrimonium propter adulterium diffolui non poffe: hoc enim eft de fide definitum in Concilio Florentino. Poteft tamen Summus Pontifex difpenfare in matrimonio rato, vt diffoluatur, ob graues caufas: at in matrimonio consummato non poteft: hoc enim matrimonium repræfentat vnionem hypoftaticam Verbi cum natura humana, quæ eft indiffolubilis. *tom. 1. pag. 266. num. 2. & feq.*

*Matrimonij impedimenta.*

45. Impedimenta non folùm impediencia, fed etiam dirimentia matrimonium, iure antiquo funt 12. iure nouo 14. quippe Concil. Trident. duo addidit, raptum fcilicet, & abfentiam Parochi, & teftium. Hæc autem omnia his verſibus continentur.

*Error, conditio, votum, cognatio, crimen,  
Cultus, difparitas, vis, ordo, ligamen, honeſtas,  
Si ſis affinis, ſi fortè coire nequibis,  
Si Parochi, & duplicis deſit præſentia teſtis,  
Raptæue ſit mulier, nec parri reddita turæ;  
Hæc faciendæ vetant connubia, facta retractant.*

Dicuntur autem hæc impedimenta dirimere matrimonium, quia faciunt vt inualidè contrahatur, & contrahentes ſeparari poſſint, eo quòd inualidè contraxerint. *tom. 1. pag. 270. num. 9.*

46. Sunt & alia impediencia duntaxat, ſed non dirimentia matrimonium, nempe interdictum, votum, ſponſalia, catechiſmus, & crimen, quæ his verſibus includuntur.

*Eccleſiæ vetitum, nec non tempus feriatum,  
Atque catechiſmus, ſponſalia, iungito votum.  
Impediunt fieri, permittunt facta teneri.  
Quibus adde alia ſeptem ex crimine manantia.  
Inceſtus, raptus, ſponſata, mors mulieris.  
Susceptus propriæ ſobolis, mors præſbyteralis,  
Vel ſi poeniteas ſolemniter, aut monialem,  
Accipiat; prohibent hæc coniugium ſociandum.  
De ſingulis agendum, ac primum quidem de dirimentibus.*

*Error.*

47. Triplex eſt error in matrimonium cadens. 1. circa ſubſtantiam, ſeu perſonam, vt ſi quis ducat Bertam; credens eſſe Catharinam. 2. circa conditionem, vt ſi quis ducat ſeruam, quam putabat eſſe liberam. 3. circa qualitatem, vt ſi quis ducat pauperem, vel deſloratam, ratus eſſe diuitem, aut virginem. *ibid. num. 1.*



48. Inualidum est matrimonium contractum cum errore circa substantiam, iure positio, & naturali: quia cum illo errore non subsistit consensus, nihil quippe est magis contrarium consensui, quam error, quia nihil appeti potest à voluntate nisi cognoscatur. *ibid. num. 2.*

49. Matrimonium contractum cum errore circa qualitatem, non est inualidum: hic enim error non impedit voluntarium quoad naturam, & substantiam rei. Modò qualitas, circa quam erratur non fuerit appposita, in contractu per modum conditionis, ut si quis dicat: *Duco te in uxorem si es dives, vel nobilis*: tunc enim error circa qualitatem irritaret matrimonium. Modò etiam error qualitatis non transeat in errorem personæ, ut si qualitas in qua erratur, respiciat certam, & determinatam personam distinctam ab ea, quæ presens est, v.g. si Berta contrahat cum Titio qui se fingeat filium Regis Hispaniarum. Secus si fingeat tantum filium Regis, non explicans cuius regis esset filius; tunc enim est error solius qualitatis. *ibid. num. 5. & pag. 271. n. 6. & 7.*

50. Matrimonium contractum cum errore circa conditionem non est inualidum, quando persona, cum qua contrahitur est æqualis, aut melioris conditionis. Hinc fit ut servus contrahens cum serva, quam putabat esse liberam, aut contrahens cum libera, quam putabat servam, validè contrahat: quia nulla est hic inæqualitas, vel iniuria. At si conditio errantis fiat deterior, vel si liber contrahat cum serva, quam putabat esse liberam, inualidum est matrimonium; nisi post cognitam servitutem interueniat novus consensus, & copula affectu maritali. *tom. 1. pag. 271. numero. 1. & seq.*

### Conditio.

51. Filij sequuntur conditionem matris, id est, nascuntur servi si mater est serva, nascuntur liberi si mater est libera, iuxta illud vulgatum: *Parrus sequitur uterum*. Non tamen illam sequuntur quoad honores, & nobilitatem; sed potius sequuntur patrem. Porro quando mulier prægnans se vendit, filius conceptus ante venditionem, est liber: quia mater tempore conceptionis erat libera. Secus si iure belli fiat serva; tunc enim fetus fit servus cum matre, quamvis tempore conceptionis esset libera. *tom. 1. pag. 272. num. 10 & 12.*

### Votum.

52. Votum castitatis, emisum per professionem validam in religione approbata, dirimit matrimonium etiam consummatum, contractum post ipsam professionem. Hoc est de fide definitum in Concil. Viennensi. Itè professio facta in religione approbata, dirimit matrimonium celebratum ante ipsam professionem, modò non sit consummatum. Ita definitum fuit in



in Conc. Trid. *sess. 24. cap. 4.* Atque ita licebit Bertæ. v. g. quæ nupserat Titio, post cõiugis professionem factam ante matrimonium consummatum, alteri nubere; non tamen ante professionem. Quod vt intelligas, nota, vtrique coniugi post contractum matrimonium, sed nondum consummatum, concessum fuisse spatium duorum mensium ad deliberandum de ingressu religionis, quo tempore potest alter alteri petenti negare debitum, & religionem ingredi, etiam altero inuito elapso verò bimestri peccat non reddendo debitum petenti. Si tamen post bimestre religionem ingrediatur, & profiteatur ante consummatum matrimonium, validè proficitur, & professio dissolvit matrimonium. *tom. 2. pag. 273. num. 3. & 4.*

53. Matrimonium consummatum non dissolvitur per sequentem professionem, etiam si consummatum fuerit intra bimestre, & per vim: coniuges enim per matrimonij consummationem facti sunt vna caro, quæ non est diuidenda, nisi per mortem alterius. Sponsa tamen per vim cognita intra bimestre, quod datur ad deliberandum, vt probabilior fert sententia, potest adhuc ingredi religionem: par enim non est vt ob iniuriam sibi illatam, damnum patiatur. *ibid. num. 7. & 8.*

54. Invalida est professio, quam alter coniugum emisit bona fide, credens alterum periisse; propterea professus postquam cognovit alterum esse superstitem, debet ad illum reuerti, illique reddere debitum petenti; ipse tamen petere non poterit: quia hæc professio licet inualida, habet vim simplicis voti. At in casu perpetui diuortij, potest coniux innocens ingredi religionem, & validè profiteri, aut sacros Ordines suscipere, altero inuito. *ibid. num. 10.*

55. Potest vterque coniux post consummatum matrimonium, de communi consensu ingredi religionem, & profiteri, aut continentiam vouere. Neque opus est vt vterque ingrediatur, & profiteatur simul; tamen post alterius professionem, tenetur alter ingredi, & profiteri, cum non possit in sæculo manere, nisi sit prouectæ ætatis, & continentie votum emittat, de consensu Episcopi. *ibid. num. 11. & pag. 274. num. 12.*

#### Cognatio.

56. Inualidum est, saltem iure Ecclesiastico, matrimonium celebratum inter consanguineos intra quartum gradum inclusiue, tam in linea recta, quam in transuersali. At iure naturæ, matrimonium in linea recta est irritum in primo tantum gradu. Iure autem diuino prohibitum olim fuit, *Leuitic. 18.* matrimonium in primo, & secundo gradu; sed modò non est inualidum in secundo gradu, iure diuino: quia lex vetus fuit abrogata. Quare matrimonium contractum ab infidelibus in secundo gradu etiam lineæ rectæ, validum est; quia infideles non subsunt impedimentis iure Ecclesiastico inductis. *tom. 1. pag. 275. n. 7. & seq.*

57. Initio mundi matrimonium fratris cum sorore, fuit validum propter



pter necessitatem naturæ humanæ conseruandæ: Immo in casu extremæ necessitatis, pater contrahere posset cum filia, vel mater cum filio: hoc enim matrimonium potest honestari ob bonum commune, & humani generis necessitatem. Eam ob rem Patres à culpa excusant filias Loth carnaliter cognitas à patre, quia nullum alium superstitem esse arbitrabantur. *ibid. num. 12.*

58. Ex dictis patet Summum Pontif. dispensare posse in 2.3. & 4. gradu consanguinitatis; cum in his gradibus matrimonium, iure naturæ, irritum non sit ac proinde validum esse matrimonium inter patruum, seu avunculum, & filiam fratris seu sororis, ex dispensatione Summi Pontif. *tom. 1. pag. 276. num. 13. & 14.*

59. Cognatio spiritualis in Baptismo contrahitur inter baptizantem, & baptizatum; inter baptizantem, & patrem, ac matrem naturalem baptizandi, & inter susceptores, & patrem, ac matrem baptizati. Inter ipsos autem susceptores nulla cognatio contrahitur: quare patrinus potest matrimonium contrahere cum ea, cum qua simul alienum filium suscepit. *ibid. num. 2. & seq.*

60. Ad contrahendam cognationem in Baptismo, aut Confirmatione, hæc requiruntur. 1. ut teneatur infans in Baptismo: propterea quando puer est domi baptizatus, & in Ecclesia suppleantur solemnitates, non contrahitur cognatio ab eo; qui puerum suscepit in Ecclesia: quia non dicitur susceptor in Baptismo. 2. ut Baptismus solemniter administretur: propterea suscipiens puerum in Baptismo priuatim administrato, non contrahit cognationem spirituales. Priuatim tamen baptizans, contrahit cognationem, etiam si sit laicus; quia ex vero Baptismo confurgit cognatio spiritualis, quæ matrimonium impedit, ac dirimit. 3. ut susceptores suscipiant puerum de manibus baptizantis statim ac baptizatus est; quare commater suscipiens infantem de manibus compatris, non contrahit cognationem; quia non dicitur suscipere de sacro fonte. 4. requiritur contactus, ita ut suscipiens, seu tenens, verè dicatur tenere; quare qui tantum assistit baptizato, eumque non tangit, cognationem non contrahit. 5. ut susceptor intentionem habeat præstandi munus patrini. 6. ut non ad sit error personæ. 7. ut baptizans, seu suscipiens sit baptizatus. *ibid. num. 8. & seq. & pag. 277. num. 11. & seq.*

61. Quando multi tangunt simul puerum in Baptismo, omnes contrahunt cognationem: si verò tangunt successiue, solus primus tangens contrahit cognationem: quia primus functus est munere patrini, & Concil. Trid. vnum tantum susceptorem, vel ad summum vnum, & vnam requirit. *tom. 1. pag. 278. num. 24. & seq.*

62. Qui mittit procuratorem ad suscipiendum infantem, contrahit cognationem, non autem ipse procurator: quia procurator non agit proprio nomine, sed mittentis, illique imputantur acta per procuratorem; nam qui per alium facit, per se ipsum facere censetur. *tom. 1. pag. 278. num. 34.*

63. Cognatio



63. Cognatio legalis est propinquitās orta ex adoptione. Est autem adoptio, legitima assumptio extraneæ personæ in filium, vel nepotem, &c. vel in filiam, aut neptem, &c. Debētque adoptans esse prouectæ ætatis, itavt possit esse pater carnalis adoptati. Porro fœmina absque prauilegio non potest adoptare. *rom. 1. pag. 279. num. 1. & seq.*

64. Cognatio legalis impedit, & dirimit matrimonium. 1. inter adoptantem, & adoptatum, & adoptati descendentes vsque ad quartum gradum. 2. inter vxorem adoptantis, & adoptatum: & vice versa inter vxorem adoptati, & adoptantem. 3. inter filios adoptantis, & adoptatum. hoc tamen impedimentum non perpetuò durat: nam si filij adoptanti et emancipentur, vel si pater eorum moriatur, cessat cognatio, atque adeo impedimentum. *ibid. num. 5.*

65. Quando plures ab vno eodémque adoptantur, possunt inter se matrimonium inire. Item adoptatus potest contrahere cum filia illegitima adoptantis: quia soli filij legitimi cognationem contrahunt. Porro per cognationem legalem superuenientem, sponsalia dissoluntur. *ibid. num. 7.*

## Crimen.

66. Crimen seu adulterij, seu homicidij impedit, ac dirimit matrimonium iure Ecclesiastico. Vt autem crimen homicidij inducat impedimentum dirimens, hæc conditiones requiruntur. 1. vt maritus occidat vxorem, vel vxor maritum. 2. vt vir & fœmina qui matrimonium contrahunt, conspirauerint in necem coniugis occisi. 3. vt hæc conspiratio facta fuerit in hunc finem, vt mortuo coniuge, cōspirantes possent inter se matrimonium inire. 4. vt mors sequatur. *tom. 1. pag. 280. num. 2. & seq.*

67. Vt adulterij crimen inducat impedimentum dirimens, requiritur vel adulterium cum homicidio, vel adulterium cum matrimonio, vel adulterium cum promissione matrimonij. Quare qui adulterium committit, & promittit illi, cum qua adulteratur, se post mortem coniugis cum ea contrahiturum, non poterit mortua coniuge, validè cum ea matrimonium contrahere, siue promissio facta fuerit ante adulterium, siue post, siue cum iuramento, siue sine iuramento. Secus dicendum si promissio facta fuit animo decipiendi; tunc enim in foro conscientie non inducit impedimentum. *ibid. num. 8. & pag. 281. num. eod.*

68. Promittens & acceptans matrimonium post dissolutionem presentis matrimonij, seu post mortem coniugis, mortaliter peccant: quia datur ansa captandæ mortis coniugis, sicque habetur in iure. Estque huiusmodi promissio non tantum illicita, sed etiam inualida. *tom. 1. pag. 281. num. 10. & 11.*

## Cuius disparitas.

69. Matrimonium fidelis cum infideli, iure Ecclesiastico est inualidum. Inter



inter fidelem verò, & hæreticum, vel apostatam, vel excommunicatum. validum est; nullo enim iure irritatur. Contrahens tamen cum hæretico, graviter peccat, tum propter Ecclesiæ prohibitionem, tum propter periculum perversionis; nisi in quibusdam locis hoc sit cōsuetudine receptum, ut in Germania, & Gallia. *tom. 1. pag. 282. num. 2.*

70. Quando alter coniugum infidelium convertitur ad fidem, altero persistente in infidelitate, potest matrimonium dissolvi si infidelis nolit habitare cum fidei, ut patet ex 1. *Cor. 7.* aut quando infidelis vult quidem habitare cum fidei, sed non sine iniuria Creatoris, quando scilicet infidelis compellit fidelem ad peccatum, vel non vult nomen Christi audire nisi cum despectu; vel quando nomen Dei blasphemat, vel impedit cultum, & honorem Dei, & familiam à Christi fide nititur revocare. Immo si infidelis nolit ad fidem converti, probabilius est fidelem posse matrimonium dissolvere, propter periculum perversionis: tuncque, licere utrique aliud matrimonium celebrare. *ibid. num. 4. & seq.*

*Vis, seu metus.*

71. Matrimonium celebratum per metum gravem, seu cadentem in constantem virum, est invalidum iure Ecclesiastico, modò metus sit iniuste incussus: nam metus iuste incussus à iudice non irritat matrimonium; quare validum est matrimonium contractum ab eo qui sub gravi pœna cogitur à iudice contrahere, & stare sponsalibus antea celebratis, quæ ille nolebat adimplere: nam iuste cogitur ob culpam, cum teneatur matrimonium inire, & perficere sponsalia. *tom. 1. pag. 284. num. 8. & 13.*

72. Sponsus qui metum incussit, potest à matrimonio resilire antequam alter qui metum passus est, ratificet priorem consensum qui non erat sufficiens ad validitatem matrimonij: quia non tenetur stare matrimonio ante sententiam iudicis. *tom. 1. pag. 286. num. 33.*

73. In Concilio Trident. *sess. 24. cap. 9.* lata est excommunicatio contra dominos temporales, magistratus, & alios, qui subditos, vel alios quoscunque directè, vel indirectè cogunt ne matrimonia liberè contrahant. *ibid. num. 34.*

*Ordo.*

74. Ordines maiores, validè, & sine gravi metu suscepti, dirimunt iure Ecclesiastico, matrimonium subsequens. Sic definitum est de fide in Conc. Trid. *sess. 24. can. 9. cap. unic. de voto.* Matrimonium verò antea contractum non dirimitur per susceptionem sacri Ordinis: sic enim definitur est in quadam Extravag. Ioan. XXII. *de voto. tom. 1. pag. 287. num. 8. & 12.*

75. Gracis sacerdotibus nunquam licuit matrimonium contrahere: permissum tamen est Gracis iam coniugatis suscipere sacros Ordines, & vti matrimonio ante susceptos Ordines celebrato. *ibid. num. 13.*



76. Vir coniugatus potest sacros Ordines suscipere. 1. quando potest facere diuortium quo ad torum, & habitationem, aut religionem intrare, etiam inuita coniuge. 2. quando accedit liber, & legitimus vxoris consensus. Qui verò absque legitimo vxoris consensu sacros Ordines suscepit, non potest quidem petere debitum, propter votum castitatis, sacris Ordinibus adnexum; potest tamen reddere vxori petenti; nam ipsa non fuit priuata suo iure. *rom. 1. pag. 288. num. 18. & 19.*

77. Vir coniugatus potest ad Episcopatum promoueri, si vxor consentiat, & religionem ingrediatur, in eaque professionem emittat. Vxor verò quæ voto castitatis emisso, licentiam coniugi dedit suscipiendi sacros Ordines seu Episcopatum, vel Cardinalatum, mortuo coniuge, nec licite, nec valide potest nouum matrimonium inire. *ibid. num. 21. & 22.*

### Ligamen.

78. Ligamen dicitur vinculum prioris matrimonij quo durante, posterius matrimonium est inualidum, non modò iure Ecclesiastico sed etiam naturali, & diuino: res enim vni tradita, non potest amplius alteri tradi; & *Matth. 19.* dicitur: *Quicumque dimiserit vxorem suam, & aliam duxerit, mœchatur:* vnde sic licet argumentari: si dimitteas vxorem mœchatur aliam ducendo, multò magis mœchatur qui ducit aliam, priore retenta, consequenter matrimonium cum secunda est inualidum. In veteri tamen lege ex dispensatione diuina licuit plures vxores ducere: quæ dispensatio fuit à Christo reuocata, quare Summus Pontif. non potest in pluralitate vxorum dispensare. *ibid. n. 2. & 3. pag. 289. n. 4.*

79. Inualidum est iure naturæ matrimonium vnius feminae cum pluribus viris: impeditur enim procreatio proles per feminum commistionem, & si proles inde nascatur, non bene educabitur propter illius incertitudinem, neque hac in re fuit vnquam dispensatum. *rom. 1. pag. 289. num. 9.*

80. Vt coniux superstes possit cum alio matrimonium inire, requiritur certitudo moralis, seu tanta quanta iudicio prudentis viri sufficit ad credendum certò priorem coniugem obiisse; alioquin contrahens exponit se periculo adulterij. Ob id præcipitur Prælati, ne permittant matrimonium contrahi, donec certis nūciis de morte alterius coniugis perferatur. *ibid. num. 12. & seq.*

81. Vxor, quæ contraxit matrimonium cum secundo, credens priorem virum mortuum esse, tenetur recedere à secundo, postquam cognouit priorem esse superstitem: nam posterius matrimonium est inualidum. In dubio autem an sit superstes, non potest petere debitum: tenetur tamen alteri petenti reddere quamdiu id non constat. *ibid. num. 17.*

### Publica honestas.

82. Impedimentum publicæ honestatis sic appellatur, eò quòd æquum sit pro-



fit propter publicam honestatem, & decentiam, vt matrimonium inter aliquas personas impediatur, quæ factæ sunt sibi propinquæ ob sponsalia vel matrimonium. *tom. 1. pag. 290. num. 1.*

83. Ex sponsalibus validis, & certis oritur iure Ecclesiastico impedimentum publicæ honestatis dirimens matrimonium cum consanguineis alterius sponsi in primo gradu. Quare si quis post sponsalia celebrata, cum Berta, matrimonium contraheret cum illius sorore, vel matre, vel filia, inualidè contraheret. *ibid. num. 2.*

84. Impedimentum publicæ honestatis, contractum ex sponsalibus validis, non cessat licet sponsalia mutuo contrahentium consensu dissoluantur: quia impedimenta matrimonij non pendent à voluntate contrahentium, sed ab Ecclesia, quæ statuit vt impedimentum publicæ honestatis confurgat ex sponsalibus validè celebratis. *ibid. num. 7.*

85. Qui celebrauit sponsalia cum Berta, & postea copulam habuit cum sorore Bertæ, neutram potest sibi matrimonio iungere; quia impedimentum publicæ honestatis, & impedimentum affinitatis concurrunt. *ibidem, num. 8.*

86. Impedimentum publicæ honestatis confurgit etiam ex matrimonio rato, vsque ad quartum gradum. Vnde vir, mortua vxore ante consummationem matrimonij, non potest ducere consanguineam vxoris vsque ad quartum gradum: sic enim Pius V. declarauit. Idque verum est etiam si matrimonium ratum, sit inualidum, modò non sit inualidum defectu consensus. Quare impedimentum publicæ honestatis videtur oriri ex matrimonio contracto sine Parocho, & testibus: quia hoc matrimonium non est inualidum defectu consensus, sed defectu solemnitis ab Ecclesia præscriptæ. Oritur item impedimentum publicæ honestatis ex matrimonio inualido propter impedimentum dirimens; quia non est inualidum defectu consensus. *ibid. num. 9. & 10. pag. 291. num. 11. 18. & 19.*

87. Hoc est discrimen inter impedimentum publicæ honestatis, & cætera impedimenta, quòd cætera superuenientia sponsalibus, dirimunt sponsalia; publica verò honestas superueniens sponsalibus, illa non dissoluit. *tom. 1. pag. 291. tom. 21.*

88. Ad Summum Pontif. pertinet dispensare in impedimento publicæ honestatis. At quando concurrat cum impedimento affinitatis, vtrumque explicandum est, saltem implicite, in petitione dispensationis: quia sunt duo impedimenta sibi inuicem non subordinata. *ibid. n. 22.*

### Affinitas.

89. Affinitas est vinculum, seu propinquitas orta ex carnali copula licita, vel illicita: quando enim vir, & mulier se carnaliter cognoscunt, fiunt affines cum consanguineis alterius, in eo gradu in quo sunt ipsi consanguinei inter se. Consanguinei autem vtriusque non fiunt inter se affines;



propterea duo fratres ducere possunt duas sorores. *tom. 1. pag. 292. num. 1. & 2.*

90. Affinitas dirimit matrimonium, saltem iure Ecclesiastico, siue con-  
surgat ex copula licita, siue illicita. Ex copula tamen licita oritur impedi-  
mentum dirimens vsque ad 4. gradum; ex illicita verò vsque ad secundum.  
*ibid. num. 6.*

91. Affinitas propriè non oritur ex matrimonio rato non consumma-  
to: nam ad inducendam affinitatem requiritur seminis emissio intra vas.  
*tom. 1. pag. 293. num. 18.*

92. Quando quis post matrimonium contractum, copulam habet cum  
sorore coniugis, non potest à coniuge petere debitum, propter affinitatem  
cum ea contractam. Præterea, mortua coniuge, non potest aliam ducere,  
& si ducat, non potest ab ea debitum petere absque dispensatione. *ibid.*  
*num. 20.*

### Impotentia.

93. Impotentia perpetua dicitur ea, quæ non potest arte humana, vel  
absque probabili vitæ periculo remoueri. Ex triplici autem capite oriri  
potest. 1. ex improportione naturali, vt quando scēmina ita est arcta vt  
non possit à viro carnaliter cognosci: fieri tamen potest vt sit impotentia  
respectu vnus, non autem respectu alterius. 2. ex frigiditate, quando sci-  
licet copula præ frigiditate consummari, & semen emitti non potest; at-  
que hoc impedimentum prouenire solet à viro. 3. ex maleficio perpetuo;  
dicitur autem perpetuum quando coniuges post experientiam trium an-  
norum, adhibitis convenientibus remediis, non potuerunt copulam habe-  
re. *tom. 2. pag. 294. num. 1. & seq.*

94. Scēmina arctior quæ incisione fieri potest apta proprio viro, te-  
netur pati incisionem, etiam cum graui dolore, non tamen cum grauissi-  
mo morbi incommodo: matrimonium tamen validum est; quia hæc non  
censetur impotentia perpetua, cum arte humana tolli possit, absque vitæ  
periculo, vt supponitur; quamuis ipsa nolit, aut non teneatur incisionem pa-  
ti. *ibid. num. 7.*

95. Scēmina dissoluto matrimonio causâ frigiditatis, potest alium vi-  
rum ducere: quia ipsa non censetur impotens, sed eius vir. Facta autem  
separatione, vir non potest cum alia matrimonium inire, quod si ineat, in-  
ualidè init: cum enim à prima separatus sit per sententiam Ecclesiæ, præ-  
sumitur adhuc ineptus propter frigiditatem. *ibid. n. 8.*

96. Impotentia perpetua antecedens matrimonium, dirimit matri-  
monium, iure Ecclesiastico, & naturali, ex quacumque causa proueniat: quia  
cum impotentia perpetua coniuges fieri non possunt vna caro, & matri-  
monium, ex sua natura ordinatur ad copulam, quæ redditur impossibilis  
per impotentiam perpetuam. *tom. 1. pag. 295. n. 12.*



97. Inualidum videtur matrimonium contractum cum sene decrepito, qui est omnino impotens ad copulam, & matrimonium consummandum: hic enim censendus est habere impotentiam perpetuam. Item, contractum cum eunuchis, vel spadone, qui scilicet caret semine, est irritum ex declaratione Sixti V. cum enim careat utroque teste, ut suppono, non potest emitte verum semen. Idem sentiendum de habentibus vtrumque testem ita contusum ut sint inepti ad veri seminis emissionem. Secus dicendum de eunuchis qui altero tantum caret teste; sunt enim apti ad generationem. *ibid. num. 18. & 19.*

98. Coniuges quibus constat aesse impotentiam perpetuam, non possunt debitum petere, vel reddere, nec delectari tactibus, osculis, &c. immo dissoluendum est matrimonium, non expectato triennio, si planè constet aesse impotentiam perpetuam: quia actus conjugales, matrimonio inualido, exerceri non possunt. In dubio autem an impotentia sit perpetua, permittendi sunt coniuges cohabitare per triennium, quo tempore si nequeant matrimonium consummare, separandi sunt propter periculum incontinentiæ, cum inualidum sit matrimonium. At secluso incontinentiæ periculo, iura permittunt, ut vir habeat tanquam sororem, quam non potest habere ut uxorem. *tom. I. pag. 296. n. 29.*

99. Vir qui ex præsumptione impotentiae perpetuae, factos Ordines suscepit, remanente uxore in saeculo, restituendus est uxori petenti, postquam cognoscitur impotentia non esse perpetua: quia vinculum matrimonij adhuc perseverat. Ipse tamen non poterit petere debitum propter votum castitatis, sacris Ordinibus adnexum. *ibid. n. 24.*

100. Hermaphroditus in quo alter sexus prævalet, potest matrimonium inire iuxta sexum qui in ipso prævalet. At si sexus sit æqualis, & neuter prævaleat, potest eligere virum sexum ipse voluerit, & secundum illum, contrahere matrimonium; facta autem semel electione sexus, & contracto iuxta illum sexum matrimonio, non potest absque graui peccato mutare sexum. *ibid. num. 26. & seq.*

### *Impedimenta non dirimentia.*

101. Quinque sunt impedimenta non dirimentia, sed tantum impedientia matrimonium contrahendum, videlicet. Interdictum, sponsalia, catechismus, votum, crimen. *tom. I. pag. 297. num. I.*

102. Interdictum est prohibitio qua certo anni tempore interdictur ab Ecclesia matrimonium: contrahens autem cum hac prohibitione peccat mortaliter. Porro Ecclesia vetat matrimonia celebrari à primo die Adventus, usque ad Epiphaniam, & à 4. feria Cinerum, usque ad octauam Paschæ inclusivè, quod tempus incipit à media nocte quæ præcedit primam Dominicam Adventus, & à media nocte ante feriam 4. Cinerum, iux-



ta ritum Romanum. His tamen temporibus, de licentia Ordinarij, pos-  
sunt sponsalia, & matrimonia sine solemnitate celebrari. Non potest item  
præfatis temporibus, benedictio solemniter fieri absque culpa lethali; & Sa-  
cerdos tunc temporis benedicens, gravem penam meretur. *ibid. num. 2.*  
& seq.

103. Secundum impedimentum impediens matrimonium, sunt spon-  
salia prius cum alio celebrata: qui enim contraxit sponsalia, gravem con-  
traxit obligationem servandi fidem; cum sponsalia sint promissio matri-  
monij, obligans sub peccato mort. Hinc sequitur eum, qui vni promisit  
matrimonium, non posse cum alia matrimonium contrahere, nisi priori-  
bus sponsalibus dissolutis. *ibid. n. 5.*

104. Tertium impedimentum est catechismus, idest instructio de re-  
bus fidei, quæ fit solemniter ante ianuam Ecclesiæ, super baptizando, vel  
iam baptizato, ex qua tenens puerum contrahit cognitionem spirituales,  
imperfectam quæ non dirimit, sed impedit matrimonium. Est autem pro-  
babile hoc impedimentum a Concil. Trid. *sess. 24. cap. 2.* fuisse sublatum,  
cum ibi nullam eius faciat mentionem. *ibid. num. 6.*

105. Quartum impedimentum est votum simplex castitatis, vel ingre-  
diendæ religionis, vel sacrorum Ordinum suscipiendorum, vel non nu-  
bendi. Quamvis autem graviter peccet violans huiusmodi votum, vali-  
dum tamen est matrimonium ab eo contractum: res enim vni promissa,  
potest alteri valide tradi. Porro interroganti an validum sit matrimonium  
cum huiusmodi votum celebratum, responderi potest verbis ambiguis,  
& cum æquivocatione, si sit periculum ne interrogans, audita veritate,  
contrahat matrimonium: quilibet enim tenetur proximi scandalum, &  
ruinam evitare. Si verò non possumus interrogantem eludere, possumus  
veritatem aperire, explicata gravitate delicti, & sacrilegij, quod commit-  
titur ab eo, qui huiusmodi voto obstrictus, audet ad matrimonium ani-  
mum adiacere. *tom 1. pag. 298. n. 7. & 8.*

106. Quintum impedimentum est crimen. Est autem multiplex. Pri-  
mum crimen est *incestus*, idest fornicatio cum affine in gradu prohibito:  
quare vir qui sciens commisit incestum cum consanguinea vxoris vsque,  
ad quartum gradum, non potest mortua vxore contrahere matrimonium,  
quævis incestus sit occultus; idem dic de vxore. Hoc autem impedi-  
mentum extenditur ad copulam habitam cum consanguinea sponsæ in primo  
gradu, ratione publicæ honestatis. Quare sponsus de futuro, copulam ha-  
bens cum consanguinea sponsæ in primo gradu, non potest transire ad ma-  
trimonium de præfenti, absque dispensatione, non modò cum sua sponsa,  
propter affinitatem, sed neque cum alia. Hoc tamen impedimentum non  
est perpetuum, sed durat tantum viuentem complice cum qua copulam ha-  
buit. *ibid. num. 9. & seq.*

107. Secundum crimen est *raptus alienæ sponsæ*: qui enim rapit alie-  
nam sponsam siue de futuro, siue de præfenti, contrahit impedimentum,

itavi



ita ut non possit non solum contrahere cum rapta; sed neque cum alia. Ipsa etiam sponsa quæ suum consensum præbuit raptori, impeditur ne possit cum alio matrimonium contrahere. *ibid. num. 13.*

108. Tertium crimen est *homicidium uxoris*, ita ut qui propriam uxorem occidit, non possit cum alia matrimonium inire; nisi illam occidat in flagranti delicto adulterij; tunc enim impune per leges occidit, quamvis peccet in conscientia. Hoc crimen non extenditur ad homicidium viri patrum ab uxore. *ibid. num. 14. & pag. 299. n. 16.*

109. Quartum est quando quis suscipit in Baptismo filium proprium, vel filium coniugis, aut illum baptizat malo animo, ut contrahat cognationem cum coniuge, ne debitum reddat; hic enim contrahit impedimentum ne mortuo coniuge possit cum alio matrimonio inire. *t. 1. p. 299. n. 27.*

110. Quintum est *homicidium Sacerdotis*, de quo fuit homicida in iudicio contractus. Sextum est *pœnitentia publica*. Septimum est *matrimonium scienter contractum cum moniali professæ*: qui enim huiusmodi matrimonium contrahit, non solum inualide contrahit, verum etiam impeditur ne cum alia contrahat. Ceterum, qui cum hisce impedimentis contrahit matrimonium, valide quidem contrahit, grauius tamen peccat quia facit contraprohibitionem Ecclesiæ in re graui. *ibid. n. 18. & seq.*

*Cuius sit in impedimentis dispensare.*

111. Nullus, ne ipse quidem Summus Pontif. potest dispensare in impedimentis iure naturali matrimonium dirimentibus. Quare probabile est Pontificem non posse in ullo gradu lineæ rectæ, aut in primo lineæ transuersæ, valide dispensare. In impedimentis autem solo iure humano dirimentibus, potest. *ibid. num. 1. & 2.*

112. In impedimentis non dirimentibus potest Episcopus dispensare, excepto voto castitatis, & religionis absoluto, & perfecto. Immo potest aliquando Episcopus in impedimentis dirimentibus dispensare, quando scilicet impedimentum est occultum, & matrimonium publicum, nec coniuges possunt absque magno scandalo separari, nec ad Summi Pontif. vel eius Nuncium, propter paupertatem, aut locorum distantiam patet recursus. Item potest Episcopus dispensare in impedimentis, quæ superueniunt matrimonio, & impediunt debiti petitionem. Denique ex urgentissima necessitate potest in impedimentis dirimentibus dispensare per se, vel per alium, etiam ante contractum matrimonium, ut cum iam prærata sunt omnia ad nuptias eo die celebrandas, & apprehenditur ex confessione impedimentum dirimens, nec sine graui infamia, aut suspitione grauius delicti, possunt nuptiæ differri. *ibid. num. 3. & seq.*

113. Quando à sacra Pœnitentaria conceditur Confessario facultas dispensandi cum aliquo in impedimentis matrimonij, delictum debet esse occultum, neque deductum ad forum contentiosum, valereque dispensatio tantum in foro conscientiæ. Porro si impedimentum est huiusmo-



di ut possit detegi, & in iudicio probari, celebrandum est iterum matrimonium coram Parocho, & testibus. Secus, si est planè occultum, nec vlli notum. *tom. 1. pag. 300. num. 7.*

114. Confessarius non tenetur admonere penitentem, qui inualidè contraxit matrimonium, ex ignorantia inuincibili iuris, vel facti, quando nulum sperat fructum ex admonitione, aut videt remedium esse difficilissimum, modò tamen non sit periculum damni communis, ut accidit, quando populus nouit huiusmodi impedimentum, & inde scandali occasionem sumit. *ibid. num. 4.*

115. Parochus, seu alius Sacerdos non potest matrimonio iungere eos, quos nouit extra confessionem, obstrictos esse aliquo impedimento etiam occulto, quamuis illi publicè petat matrimonium, aut negent impedimentum: sed Parochus debet Episcopum monere, ne matrimonium contrahatur. Si tamen facta hac denunciatione, compellatur ab Episcopo, non peccat assistendo illi matrimonio, quamuis sciat adesse impedimentum. At si Parochus nouit ex sacramento Confessionis aliquem habere impedimentum dirimens, non potest illi matrimonium denegare, postquam admonuit in confessione ne contrahat. *tom. 1. pag. 301. n. 13.*

### Matrimonij vsus.

116. Coniux regulariter peccat mortaliter, non reddendo debitum alteri coniugi petenti expressè, aut tacitè, nisi iustam habeat causam non reddendi: quia illud debetur ex iustitia. Hinc sequitur coniugem non posse in moderata vitæ asperitate, & longa inedia ita extenuare vires, ut debitum coniugale commodè reddere non possit; neque vxor debet se ieiunio & vigilia ita macerare, ut deformis, & exosa viro efficiatur, ne det illi occasionem querendi alias. Immo licet coniugi frangere ieiunium, si debitum aliter reddere non possit. Excusari tamen potest coniux à reddendo debito ex iusta causa, qualis est notabilis infirmitas, aut probabile vitæ periculum. *tom. 1. pag. 302. num. 1. & seq.*

117. Vir non peccat mortaliter, petendo debitum à coniuge lactante suam prolem. Vxor autem excusari potest si neget debitum viro, si aduertat lac futurum valde perniciosum proli, aut vbera exsiccari. Nunquam tamen coniux potest negare debitum, ne filij multiplicentur. Possunt quidem coniuges de communi consensu abstinere à copula, ne filiorum numerus augeatur (secluso incontinentiæ periculo:) at còiux non potest absque graui peccato, negare debitum alteri, ne soboles multiplicetur: tum quia facit iniuriam petenti, tum quia facit contra finem matrimonij, qui est procreatio proles. Excusare tamen potest paupertas à peccato mortali, quando coniugibus res familiaris est adeo arcta, ut filios alere non possint. *tom. 1. pag. 303. num. 11. & seq.*

118. Qui sciens contraxit affinitatem, aut cognitionem spiritualem,



cum propria vxore, post celebratum matrimonium, non potest petere debitum: caret enim iure petendi. Qui in necessitate baptizauit filium, com munem, aut filium coniugis, non propterea priuatur iure petendi debitum. Secus, si extra necessitatem baptizauit: non enim potest petere propter cognationem spirituales; tenetur tamen reddere petenti: aliter enim absque sua culpa non est priuandus suo iure. *ibidem, numero 1. & seq.*

119. Coniux, qui post contractum matrimonium, factus est affinis, vel cognatus spiritualis alterius coniugis ex ignorantia inuincibili iuris, vel facti, vel pœnæ, non priuatur iure petendi debitum: ignorantia enim inculpabilis illum excusat: quemadmodum diximus ignorantiam pœnæ excusare ab excommunicatione, & irregularitate. *tom. 1. pagina 304. num. 6.*

120. Coniux potest, & tenetur reddere debitum coniugi petenti illicitè ob solam circumstantiam personæ, quia scilicet est obstrictus voto castitatis, &c. non enim cooperatur peccato petentis, cum exerceat actum ex sua natura licitum coniugatis; tenetur tamen illum fraternè admonere ne petat. Petenti autem non solam illicitè, sed etiam iniustè, propter affinitatem contractam, aut adulterium commissum, non tenetur coniux reddere debitum: quia non violat ius illius, cum nullum habeat, nec illi facit iniuriam non reddendo. *ibid. num. 3.*

121. Non potest coniux reddere debitum alteri coniugi petenti illicitè propter circumstantiam, quæ tenet se ex parte actus, vt si petat debitum in Ecclesia, vel loco publico: illa enim circumstantia reddit actum vtrique coniugi illicitum. *tom. 1. pag. 305. num. 4.*

122. Coniux tenetur reddere debitum coniugi petenti, licet vterque sit obstrictus voto castitatis: quia per votum non amiserunt mutuum dominium, quod alter in alterius corpus acquisiuit; petens tamen peccat contra fidem Deo datam per votum. At si vouentes castitatem habuerint intentionem remittendi sibi obligationem mutuum reddendi debitum, iam non licet reddere debitum petenti, qui non habet ius petendi, postquam remisit obligationem reddendi. *ibid. num. 8.*

123. Coniux non tenetur reddere debitum coniugi petenti modo indebito, quoad situm, nisi ad sit iusta causa ob quam excusetur: petit enim, illicitè ob circumstantiam actus. Probabile tamen est, non esse negandum debitum coniugi petenti solùm cum peccato veniali: semper enim ad sit iusta causa reddendi, ne scilicet displiceat petenti, & ne dissolutiones, & iurgia oriantur. Quapropter viro petenti tempore menstrui, debitum non est denegandum. *ibid. num. 10. & 11.*

124. Quando post matrimonium bona fide ab vtroque coniuge contractum suboritur scrupulus, & dubium ex leuibus indicis, de validitate matrimonij, potest vterque petere, & reddere debitum: quia iudex in foro externo ita iudicauerit, ergo in foro conscientie, idem est iudicandum.

*ibid.*



*ibid. nu. 2.* Si tamen dubium nitatur probabilibus coniecturis, qui dubitat non potest petere debitum ante adhibitam debitam diligentiam ad explorandam veritatem: at coniugi petenti nec dubitanti tenetur reddere; quia is, qui non dubitat, habet ius petendi, estque in possessione. *tom. 1. pag. 306. num. 3. & seq.*

125. Quando constat matrimonium esse inualidum, propter impedimentum dirimens, quod non potest manifestari sine infamia, aut vita periculo, vel quando, eo manifestato, ad huc compelletur coniux per censuras, in eo matrimonio permanere, eo quod impedimentum in iudicio probare non possit, tunc potest coniux conscius impedimenti, petere dispensationem, si impedimentum est dispensabile, vel ingredi religionem, vel petere diuortium, si adest causa petendi, vel denique habitare cum coniuge, ut frater cum sorore, modo absit periculum incontinentiæ. *tom. 1. pag. 307. num. 18.*

### Causa diuortij.

126. Quamuis adulterium non sit causa sufficiens faciendi diuortium, quoad vinculum, nihilominus est causa sufficiens diuortij perpetui, quoad torum, & habitationem, tam respectu femine, quam viri: nam frangenti fidem, fides seruanda non est. *tom. 2. pag. 308. n. 2.*

127. Sodomia tam actiua, quam passiva, & bestialitas, est causa sufficiens diuortij tam in femina, quam in viro: quia per hæc nefanda crimina diuiditur caro coniugis cum carne bestię, aut alterius; modo hoc peccatum committatur cum alio quam cum proprio coniuge: caro enim coniugum non diuiditur, nisi per copulam cum alio. Vxor tamen si sollicitetur a viro ad peccatum sodomie, potest discedere ad tempus, propter periculum animę, donec vir resipiscat: non tamen sufficientem habet perpetui diuortij causam. *ibid. num. 4.*

128. Coniux innocens potest, secluso scandalo, priuata auctoritate facere diuortium ab adultero, siue delictum sit publicum, siue occultum, quia iure naturę frangenti fidem, nulla debetur fides. In foro tamen externo cogetur ad coniugem redire, donec de adulterio constet. Hinc colligi potest coniuges, qui contraxerunt inualidę propter impedimentum dirimens, posse in conscientia, facere diuortium priuata auctoritate, modo absit scandalum, quod potest vitari si alter coniugum in longinqua se recipiat. *ibid. num. 10. & 12.*

129. Coniux innocens tenetur aliquando sub peccato mortali cum vxore adultera facere diuortium, 1. si ex illo diuortio speret emendationem, & fructum: cum enim vir sit caput mulieris, tenetur corrigere delinquentem. 2. vt vitet scandalum, ne ipse existimetur conscius, & fautor delicti, si alia ratione, quam per diuortium, obuiam ire scandalo non possit. *ibidem num. 13.*



130. In quibusdam casibus non licet propter coniugis adulterium, facere diuortium. 1. quando vterque coniux commisit adulterium: paria enim delicta, mutua compensatione abolentur. 2. quando vir vxori dedit causam proximam adulterandi, aut quando conficius adulterij non vult prohibere cum possit. 3. quando vxor commisit adulterium tantum materialiter, rata se copulam habere cum proprio viro, aut credens priorem virum obiisse. 4. quando vxor per vim passa est stuprum. 5. quando coniux innocens, alteri condonauit adulterium. *ibid. num. 14. & pag. 309. num. eod.*

131. Coniux innocens, facto diuortio, potest cogere adulterum vt ad se redeat: quia sententia diuorij lata est in pœnam adulteri, & in fauorem innocentis; quare adulter tenetur ad illum redire; modò alterutrius status non sit mutatus per professionem in religionem, vel per sacrorum Ordinum susceptionem: est enim ille status immutabilis. *ibid. n. 16.*

132. Coniux adulter occultus potest petere debitum ab altero coniuge ignorante suum adulterium: quia ipse non tenetur suum delictum manifestare, nec pœnam subire ante sententiam iudicis. *ibid. num. 20.*

133. Cause sufficientes ad faciendum diuortium ad tempus, quoad torum, & habitationem sunt hæc. 1. est seuitia mariti, nisi ab ipso detur sufficiens cautio de non offendenda coniuge. Hæc autem seuitia præsumi potest quamdiu vir retinet concubinam domi, vel etiam extra domum; hæc enim est multarum rixarum seges. 2. est furor alterius coniugis. 3. quando alter coniugum tentauit alterum occidere. 4. quando alter alterum instigat ad peccandum, nec minus desistit. 5. quando delictum alterius coniugis potest esse alteri causa grauis damni, vt si vxor sit venefica. 6. causa est lapsus in infidelitatem, vel hæresim. 7. votum communi consensu emissum. Cæteram facto diuortio, iure ciuili, filij sequuntur partem innocentem.

*Peccata in vsu Matrimonij contingentia.*

134. Multis modis peccari potest in vsu matrimonij iam contracti, vt patet ex his duobus versibus, in quibus habes quid seruandum sit, vt actus coniugalis sit licitus, ac meritorius.

*Sit modus, & finis, sine damno, solue, cohere,*

*Sit locus, & tempus, tactus, nec spernito votum.*

Peccatur contra *modum*, quando non seruatur situs, & modus congregiendi, aut quando non seruatur debitum vas, aut quando semen voluntariè extra vos effunditur. *Finis* debet esse *honestus*, vt procreatio filiorum, fuga incontinentiæ, &c. qui autem in actu coniugali cogitat de aliena vxore, adulterium mentale committit, in cōfessione exprimendum. *Sine damno*: dictum est supra posse negari debitum si sit periculum grauis morbi vel damni. Est etiam quædam inhonestas, & turpitudine, accedere ad vxorem tempore menstrui, estque peccatum veniale. Accedere autem ad vxorem grauidam cum periculo abortus, est peccatum mort. at secluso hoc

peri-



periculo, non est illicitum. *Solue*, designat obligationem reddendi debitum, de quo supra. Pollutio autē inter coniuges extra vas debitū, habet speciem adulterij, estque circumstantia necessariō in confessione aperienda. *Cohere*, significat obligationem cohabitandi, secluso graui damno anime, vel corporis. De loco infra dicendum. Circa tempus nullum est Ecclesię pręceptum, nulla prohibitio. *Tactus* & oscula inter coniuges an sint licita, patebit ex infra dicendis. *Votum* castitatis arceat à petendo debito; non tamen à reddendo. *tom. 1. pag. 311. num. 5. & seq. pag. 312. num. 10. & seq.*

135. Coniux, qui absente coniuge delectatur de actu coniugali pręterito, vel etiam futuro, ac si præsens esset, non peccat mortaliter: quia delectatio sumit bonitatem, & malitiam à motiua, sed motiuum in hoc casu, est actus externus coniugij, seu venerea delectatio externa, quę in coniugatis licita est ratione matrimonij. Vidua tamen, quę de actu coniugij pręterito, & sponsa, quę de actu futuro delectatur, mortaliter peccant: quia sicut actus externus, sponsę, aut viduę non est licitus, ita neque licita est delectatio, quę ex illo actu percipitur. At desiderium copulę futurę tempore matrimonij, non est sponsę illicitum. *tom. 1. pag. 315. num. 12. & 13.*

136. Tactus, & oscula in coniugatis excusantur à mortali, etiam si fiant ob delectationem absque intentione copulę coniugalis, modò absit periculum pollutionis. Idem dicendum de verbis obscenis, & aspectibus inter coniuges. Inter sponfos autem de futuro, non excusantur à mortali; quia proximē disponunt ad copulam, quę est illicita. *tom. 1. pag. 317. n. 6.*

137. Coniunctio naturalis facta modo indebito, est peccatum mortale, quando interuenit tanta inordinatio, vt generatio sequi non possit: quod quia rarò vsu venit, rarò etiam contingit peccatum mortale; ordinarię tamen est grauissimum peccatum veniale, nisi necessitas excuset, vt quando vir est prępinqui, & obeso ventre, aut femina est grauida: seclusa verò necessitate, vel iusta causa grauter reprehendendi sunt coniuges inultrato modo congregientes. *tom. 1. pag. 322. n. 2. & pag. 323. num. eod.*

#### *Ad matrimonium cogentes.*

138. In Concil. Trid. *sess. 24. cap. 9.* indicta est excommunicationis pena ipso facto incurrenda cogentibus ad matrimonium celebrandum, seu directē, seu indirectē. *disp. 2. quęst. 2. punct. 6. pag. 159. tom. 3.*

139. Qui graue malum alicui minatur ni matrimonium contrahat, excommunicationem incurrit; quia dicitur cogere. Secus, si leue malū. *ib. n. 2.*

140. Qui renuit alicui debitum magni momenti soluere, eò quod nolit matrimonium contrahere, in hanc censuram incidit; quia saltem indirectē dicitur cogere. Qui verò gratuita beneficia alicui denegat eo, quod nolit matrimonium inire, non dicitur cogere. *ibid.*

141. Qui



141. Qui officium, pecuniam, vel hæreditatem alicui promittit, si matrimonium contrahat, hac censura non obstringitur, quia non cogit, sed allicit, quod non officit libertati. *ibid.*

142. Per vim aut metum à matrimonio retrahentes sub hac censura, non comprehenduntur: quia Concil. loquitur tantum de cogentibus ad matrimonium. *ibid. num. 3.*

143. Cogentes ad matrimonium celebrandum, iuxta probabiliorē sententiam, hanc excommunicationem non incurrunt, nisi iurisdictionem, sæcularem, seu temporale dominium habeant: quia Concilium de iis tantum loquitur, vnde sequitur dominum cogentem sua mancipia, & parentes cogentes liberos ad matrimonium contrahendum ab hac censura excusari; quia iurisdictione carent in foro sæculari. Episcopos item hac censura non comprehendi probabile est, nisi habeant temporale dominium. *ibid. num. 4. & seq. pag. 160. tom. 3.*

144. Principes, Senatores, Prætores, Iudices, alique seu viri, seu scæminæ temporali iurisdictione gaudentes, rei sunt huius excommunicationis, si ad matrimonium cogant, non tantum subditos suos, sed etiam quoscunque alios. Probabile tamen est ab hac censura eximi Reges, & Imperatores; cum enim sint personæ speciali nota dignæ, non ligantur censura, nisi exprimentur. *ibid. n. 6. & 7.*

Hæc excommunicatio nemini est reservata.

*Matrimonium illegitimè contrahentes.*

145. In Clementina vnica, de consanguinit. excommunicantur, qui scienter in gradibus consanguinitatis, aut affinitatis à iure interdictis, aut cum monialibus contrahere matrimonium non verentur; nec non religiosi, aut moniales, ac clerici in sacris ordinibus constituti, matrimonium contrahentes. *disp. 2. quæst. 2. punct. 7. pag. 160. tom. 3.*

146. Iure canonico interdictum est contrahere cum consanguineis vsque ad quartum gradum inclusivè; quare contrahentes in quinto à censura excusantur. *ibid. num. 1.*

147. Affinitas orta ex copula licita inducit impedimentum vsque ad quartum gradum. Orta ex illicita, vsque ad secundum tantum. *ibid. pag. 161. num. 2. tom. 3.*

148. Contrahens cum aliqua, quam putabat consanguineam, aut affinem, aut monialem, cum re ipsa non esset, non incidit in hanc excommunicationem, licet quoad effectum æquè peccaverit, ac si re ipsa cum affine, moniali, vel consanguinea contraxisset. Ratio cur censuram non incurrat, est, quia ad censuram incurrendam requiritur effectus consummatus sub censura prohibitus: tenetur tamen hic, quandiu in illo errore versatur, se gerere tanquam excommunicatum, ne scandalum aliis ingerat. *ibid. num. 4.*



149. Fœmina, cum qua religiosus contrahit matrimonium, in hanc censuram non incidit quia hæc excommunicatio directè fertur in ipsos religiosos, & clericos in sacris constitutos contrahentes matrimonium, nec vlla sit mentio de fœminis cum ipsi contrahentibus graue tamen sacrilegium committunt. *ibid. num. 6.*

150. Clericus in sacris constitutus, aut religiosus professus fictè matrimonium contrahens; hanc censuram non incurrit; quia hic verè non contrahit: quandoquidem contractus mutua contrahentium voluntate perficitur. Immo si vnus ex animo contrahat, alter verò fictè, non incurritur excommunicatio, quia non est contractus; nam claudicat ex parte fictè consentientis. *ibid. n. 9. & 10.*

151. Vis aut metus gratis cadens in constantem virum excusat ab hac censura: quia Ecclesia non præsumit obligare sub pœna excommunicationis cum graui periculo; deinde consensus per vim, aut metum extortus non sufficit ad contrahendum matrimonium. *ibid. n. 12.*

152. Contrahens cum affine, aut consanguinea impubere, hanc censuram non incurrit; quia consensus impuberum non sufficit ad matrimonium. Idem dicendum de contrahente cum furiosa, quæ caret lucidis intervallis. *ibid. n. 11.*

153. Contrahens matrimonium in casibus prohibitis suprà recensitis per verba de futuro, aut sub conditione nondum completa, aut per verba de presenti sed absente Parocho, & testibus, non contrahit excommunicationem. Idem dicendum de contrahente ex ignorantia iuris, vel facti, vel etiam pœnæ: quia in Decreto Concilij additur particula, *scilicet*, & excommunicatio non incurritur sine contumacia, & temeritate. *ibid. num. 13. & seq. pag. 162. rom. 3.*

154. Qui ignorans contraxit, sed cognita veritate perseuerat in cohabitatione & copula incestuosa, aut sacrilega, non propterea subiicitur excommunicationi; quia non punitur cohabitatio, sed contractus; hic autem iam præcessit. Addendum tamen modò copula non habeatur affectu maritali: cum enim iam præcesserit solemnitas, & modò adsit consensus per copulam affectu maritali habitam sufficienter declaratus, ad verum matrimonij contractum nihil desideratur. *ibid. num. 9.*

155. Hæc excommunicatio nulli est reseruata.

### Mendacium.

1. **M**endacium definitur à S. Augustino falsa significatio vocis, cum intentione fallendi, seu dicendi falsum. Quatuor autem modis committitur formaliter mendacium. 1. quando quis affirmat aliquid esse, quod ipse scit non esse. 2. quando quis negat aliquid esse, quod ipse cognoscit esse. 3. quando scilicet dubium pro certo affirmat. 4. quando certum pro dubio enunciat. *tom. 2. pag. 296. num. 1. & 2.*

2. Om-



2. Omnes mendacium, seu iocosum, seu officiosum, seu perniciosum, est intrinsecè malum, & peccatum, neque vnquam fieri potest licitum, quamuis bono fine proferatur: quare Summus Pontif. in mendacio dispensare non potest. Non tamen omne mendacium est peccatum mortale; nam iocosum, & officiosum sunt ex suo genere peccatum veniale, neque possunt fieri mortale, quamuis multiplicetur, secluso graui scandalo, & iuramento. At perniciosum mendacium, ex suo genere est peccatum mortale. opponitur enim dilectioni Dei, & proximi, cui damnum infert, quanquã ratione paruitatis materiæ, vel indeliberationis fieri possit veniale. *ibidem, num. 1. & pag. 297. num. 3. & seq.*

3. Qui sine graui damno proximi, mendacium profert, etiam in iudicio, vel sacramento Confessionis, non peccat mortaliter, modò non sit coniunctum cum iuramento, & modò in confessione non sit circa materiam necessariam, vel circa totam materiam confessionis, vt dictum est *tit. Penitentia. tom. 2. pag. 297. n. 7.*

4. Mulier, quæ verbis amphibologicis, aut aliis mediis licitis defectum virginitatis tegit, & tanquam virgo nititur, non est rea mendacij: nõ enim intendit alterum decipere, sed ius suum tueri; nemo etiam tenetur se ipsum prodere, aut infamare. Neque peccat contra iustitiam, nisi vir in contractu matrimonij, vel in sponsalibus expresse sit nolle cum ea contrahere nisi virgo sit: tunc enim virum decipit. *ibid. n. 8.*

5. Hypocrita, qui simulat vitæ sanctitatem, peccat mort. dum proximo notabile damnum sequitur ex illa fictione, vt quando quis mentitur sanctitatem vt facilius seminet errores, vel vt beneficium assequatur: qui verò simulat sanctitatem ad extorquendam eleemosynam, qua verè indiget, non videtur culpæ lethalis reus. Neque peccat mortaliter qui habitu, & corporis cultu mentitur sexum ex leuitate, modò scandalum absit. Secus si id fiat ob malum finem. Qui verò habitu osceno, & ad turpia inducente in Bacchanalibus incedunt, ratione scandali grauiter peccant. *ibid. num. 6. & pag. 298. num. 10.*

## MISSÆ SACRIFICIUM.

*Missæ nomen, & essentia.*

1. **M**issæ nomen intelligitur actio sacra, qua Christi corpus consecretur, quod Deo in Missa offertur, & à Sacerdote sumitur per communionem. Missa verò sacrificiū est ceremonia sacra, qua res aliqua sacra-  
tur aliquo modo, consumitur, & soli Deo offertur, in ipsius cultum, & recognitionem supremæ maiestatis, & excellentiæ. Porro Missa quoad substantiam fuit à Christo instituta in vltima Cœna, in qua sacrificium obtulit, & offerendum præcepit: quoad ceremonias verò fuit instituta ab Ecclesia. *tom. 1. pag. 84. num. 1. & seq.*

2. *Tres*



2. Tres sunt partes essentielles sacrificij Missæ, consecratio, oblatio, & consumptio. Vnde sequitur in feria sexta Paracenes non fieri propriè sacrificium, cum non fiat noua hostiæ consecratio. Ad essentiam sacrificij non videtur requiri sumptio & consecratio vtriusque speciei; nam sacrificium Christi cruentum per alteram tantum speciem representari potest. *ibid. num. 1. & seq.*

*Missa effectus.*

3. Tres sunt effectus sacrificij Missæ. 1. est *conferre gratiam, & remittere peccata*, vnde dicitur *sacrificium propitiatorium*; non tamen conuertit primam gratiam, & remissionem peccatorum per se, & immediatè; sed mediatè aliquo modo, quatenus Dei intuitu sacrificij tribuit auxilium ad contritionem, qua remittitur peccatum mort. *tom. 1. pag. 85. num. 1. & seq.*

4. Secundus effectus huius sacrificij est *impetrare nobis bona, quæ petimus*, vnde vocatur *sacrificium impetratorium*. Vnde sequitur hoc sacrificium prodesse, ex vi suæ institutionis, ad obtinendum id, ad quod obtinendum offertur; & quamuis effectus à nobis intentus, non obtineatur infallibiliter, nihilominus hoc sacrificium magnam vim tribuit orationi, eamque efficit digniorem, quæ exaudiatur, habetque suum effectum ex opere operato. *ibid. num. 6.*

5. Tertius huius sacrificij effectus est *satisfacere pro peccatis*, vnde dicitur *satisfactorium*. Hinc sequitur hoc sacrificium prodesse ad remittendam penam peccatorum, huncque esse primum eius effectum; quapropter offertur pro defunctis, ut à penis exoluantur. *ibid. n. 7. & 8.*

6. Triplex est Missæ fructus seu valor. 1. dicitur *generalis*, quam Ecclesia intendit applicari omnibus omnino fidelibus viuis, & defunctis, ipsi etiam Summo Pontifici, Imperatori, Regibus, &c. 2. est *specialis*, & *proprius* ipsius Sacerdotis. 3. est *medius*, qui competit iis pro quibus sacrificium specialiter offertur. *ibid. num. 1. & 2.*

7. Valor huius sacrificij quatenus offertur à Sacerdote non est infinitus intensiue: at si spectetur quatenus continet Christum, certum est esse infiniti valoris. *Generalis* autem *valor* huius sacrificij est infinitus extensiue, consequenter non tot prodest quin prodesse possit pluribus. *Medius valor* est finitus, & limitatus; vnde minus prodest singulis, si pro multis offeratur, quam si pro paucis. *tom. 1. pag. 86. n. 3. & seq.*

8. Valor Missæ, ut est sacrificium, est ex opere operato; alioquin non differret à sacrificiis veteris legis, quæ producebant effectum ex opere operato. Prodest igitur omnibus fidelibus ex opere operato; quippe prodest ultra meritum, & dispositionem fideliæ. Quanta autem portio fructus sacrificij contingat singulis, pro quibus generaliter offertur, nobis non constat. *tom. 1. pag. 87. n. 7. & seq.*

9. Prodest Missæ sacrificium, & applicari debet fidelibus quibuscumque



que viuis; etiam profligatissimis; modò nò sint excommunicati: immò potest offerri pro infidelibus. & paganis vt conuertantur; cùm Apostolus 1. *Timoth. 2.* præcipiat orationem fieri pro regibus, qui tunc erant infideles. Denique prodest defunctis in purgatorio existentibus. Beatis autem, & damnatis non prodest, vnde colligitur non esse offerendum pro eo, quem constat in notorio peccato mort. decessisse. *tom. 1. pag. 38. n. 1. & seq.*

10. Huius sacrificij fructus satisfactorius, quem quis applicauit defuncto illius incapaci, vtpote damnato, prodest ipsi sacrificanti, si sibi applicet, alioquin probabile est in Ecclesiæ thesauro reponi. *ibid. n. 12.*

*Missæ sacrificij minister.*

11. Huius sacrificij minister est solus Sacerdos habens intentionem celebrandi, qui licet sit in peccato mort. validè tamen celebrat, prodestque illius sacrificium quatenus nomine Christi, & Ecclesiæ offertur. Missa tamen mali Sacerdotis non prodest aliis secundum valorem respondente; in precibus quatenus sunt preces illius personæ particularis; at prodest secundum valorem ex opere operato, & secundum valorem, quem habent preces oblate nomine totius Ecclesiæ; sicque Missa Sacerdotis in peccato mort. celebrantis tam prodest aliis, quàm si à bono Sacerdote celebraretur, ipsi tamen celebranti non prodest, quia ponit obicem, sibi que iudicium manducat, & bibit. *tom. 1. pag. 89. n. 1. & seq.*

12. Missa celebrata ab excommunicato non vitando prodest aliis fidelibus non solum quatenus sacrificium sit nomine Christi; sed etiam quatenus sit in persona Ecclesiæ; ipsa enim tolerat excommunicatum occultum, nec irritat ipsius acta. Excusari tamen potest à peccato excommunicatis, vel suspensus celebrans ad vitandam grauem infamiam, vel mortis periculum, vel aliud graue detrimentum. *ibid. num. 7. & 8.*

13. Probabilius est Sacerdotem legitime non impeditum peccare mortaliter, si nunquam toto anno celebret; quia, quantum est ex se, inutilem reddit quam accepit consecrandi potestatem, daturque aliis occasionem scandali. In prouincia autem Mediolanensi simplex Sacerdos tenetur sub mortali, ratione solius ordinis, celebrare Missam singulis Dominicis, & festis solemnibus, nisi iure impediatur. *ibid. n. 1. & pag. 90. num. 3.*

14. Sacerdotes curam animarum habentes, tenentur per se, vel per alios celebrare singulis saltem diebus quibus opus est, vt muneri suo satisfaciant. Non tenentur tamen singulis diebus celebrare, cùm populus non teneatur singulis diebus Missam audire; sed sufficit vt celebrent Missas iuxta numerum in hebdomada præscriptum. *ibid. num. 4.*

15. Licet Parochi teneantur aliquando iure diuino, sacrificium pro suis ouibus offerre, vt præscribit Concil. Trident. *sess. 23. cap. 1.* non tamen

Cc. viden-



dentur obligandi ad applicationem sacrificij pro populo singulis diebus festis; quippe obligatio ad celebrandum longe differt ab obligatione ad applicandum. Sufficit igitur ut in præcipuis solemnitatibus, & Dominicis diebus, aut semel in hebdomada Parochi suis ouibus Missæ sacrificium applicent. *ibid. num. 5.*

16. Capellanus tenetur iuxta institutionem Capellaniæ, & intentionem fundatoris, Missas celebrare, sub peccato mortali, nisi legitimum impedimentum excuset. Denique hanc habet regulam generalem. Sacerdos toties peccat quoties per se ipsum, vel per alium non celebrat Missas quot, quales, & quo in loco vel tempore tenetur ex fundatione, vel ex pacto celebrare, nisi aliud constet ex voluntate interpretatiua fundatoris, vel nisi aliud suadeat honestas, & debita deuotio. *tom. 1. pag. 91. num. 6. & 7.*

17. Capellanus, qui cum nondum esset Sacerdos, aliquot annos possedit Capellaniam, & per alium satisfecit; cum in fundatione Capellaniæ expressè tantum sit, ut Missa celebretur à titulari, peccauit accipiendo beneficium, cuius oneri non poterat ipse satisfacere; quia fecit contra intentionem fundatoris; non tamen videtur obligandus ad restitutionem ad ratam temporis, quo per alium satisfecit; quia nulli damnum intulit. *ibid. num. 2.*

18. Probabilius est Sacerdotem, qui titulo Capellaniæ, aut elemosynæ, tenetur Missæ sacrificium vni applicare, non posse aliam stipem, seu elemosynam accipere pro eiusdem sacrificij applicatione. Neque illud tutum esse in conscientia, qui plures à pluribus colligit stipes, illisque vnicuique Missæ sacrificio satisfacere se posse arbitratur, facit enim contra voluntatem offerentium illas stipes quorum singuli intendunt sibi integrum sacrificij fructum applicari. *tom. 1. pag. 92. num. 1. & 2.* teneturque ad restitutionem sub mortali. *num. 6.*

19. Capellanus, qui onere Missæ quotidianæ detinetur, non satisfacit illi oneri iis diebus quibus causa anniuerfarij sui, vel aliarum Missarum, aliò se confert ad celebrandum, & Missam applicat iis pro quibus anniuerfaria, aut aliæ Missæ celebrantur: at si Missam applicet fundatoribus suæ Capellaniæ, non videtur grauiter peccare, modò id faciat raro, & non defraudet eos à quibus fuit accersitus. *ibid. num. 5.*

20. Canonicus, seu alius Sacerdos, qui ratione Capellaniæ, aut stipis acceptæ, tenetur onere Missæ quotidianæ, non potest regulariter loquendo, satisfacere oneri Capellaniæ, & Canonicatus dum cantat Missam conuentualem, seu capitularem; quia Missa conuentualis est intrinseca ipsi Capitulo, nec potest aliis applicari. *tom. 1. pag. 93. num. 7.*

21. Sacerdos, qui tenuem accepit elemosynam pro Missa celebranda, tenetur totum sacrificij valorem respondentem tradentibus elemosynas applicare, nec potest numerum Missarum minuere, aut elemosynam ab aliis extorquere, saltem quando voluntariè contentus fuit illo stipendio, & expressè promisit se Missam, vel tot Missas celebraturum. Missas

autem



autem ad minorem numerum reducere pertinet ad Episcopos in Synodo diocesana, & ad Generales ordinum in Capitulis generalibus, quando stipendium est exiguum, habita ratione oneris Missarum. *ib. num. 8. & 9.*

22. Obtinens Capellaniam, de cuius fundatione nullo modo constat, cum nulla reperiatur Scriptura, sed solum constat Capellanum teneri quotidie celebrare in tali Ecclesia, vel altari, tenetur Missam applicare fundatori Capellanæ; quia Capellanæ cum hoc onere fundari solent: ergo præsumendum est hanc fuisse intentionem fundatoris, nisi clarè, constet fundatorem respexisse solum Ecclesiæ, vel altaris cultum, & venerationem. *ibid. num. 13. & 14.*

23. Qui semel in hebdomada potest titulo honestatis à celebratione Missæ abstinere, non potest eodem die Missam alibi, aut pro alio celebrare, aut abstinere à celebratione, oblectationis, vel itineris gratia, nisi aliter constet de mente fundatoris, aut nisi aliquem in suum locum subrogaverit. Potest quidem, ratione decentiæ, & honestatis, semel in hebdomada, Missam intermittere; at posito quod velit celebrare, debet Missam iuxta Capellaniam instituti mem applicare. *tom. 1. pag. 94. num. 16.*

24. Sacerdos, qui duplici obligatione tenetur, nec potest vtrique per se, vel per alium satisfacere, debet satisfacere priori; quippe prior obligatio prævalet posteriori, & qui prior est tempore, potior est iure. *ibid. n. 18.*

25. Qui ex devotione celebrat Missam priuatam, potest quam voluerit celebrare; quia nulla est obligatio, sub mortali, dicendi Missam de feria, aut de sancto; præstat tamen celebrare Missam, quæ vnoquoque die præscribitur in Missali. At Missa sollemnis, & Conventualis iuxta præscriptum Missalis est omnino celebranda. *tom. 1. pag. 95. n. 2. & 3.*

26. Qui ex promissione, vel fundatione tenetur celebrare certas, & peculiarias Missas putà de Spiritu sancto, de Beata, &c. per se loquendo, infideliter agit si alias celebret; quia non stat promissis: si tamen in eundem diem incidat solemnitas alicuius Sancti, potest de illo Missam celebrare; neque tenetur collectam, seu orationem Missæ votivæ, quam promiserat, adiungere; & qui suscepit 30. Missas Sancti Gregorij pro defunctis celebrandas, non tenetur singulas de Requiem celebrare, iis præsertim diebus, quibus Officium solent iter celebratur, neque necesse est eas sine interruptione celebrare. *ibid. num. 4. & seq.*

27. In qualibet Ecclesia, seu Oratorio, per se loquendo, licet Sacerdoti Missam celebrare, nisi ratione fundationis Capellanæ, aut peculiaris prohibitionis, id non liceat. Tamen, qui ex titulo vel conventionione tenetur in aliqua Ecclesia, vel Altari celebrare, non potest absque peccato mort. nisi iusta de causa, alibi celebrare, etiam si id faciat de hæredum consensu; nam voluntati testatoris, nequeunt hæredes derogare: non videtur tamen teneri ad restitutionem, quia fundatorem fructu Sacrificij non priuavit. *ibid. num. 1. & seq. pag. 96.*

28. Sacerdotes, qui notabiliter differunt, sine iusta causa, celebrationem



nem Missarum pro iis à quibus, vel pro quibus stipem acceperunt, peccant mortaliter; quia illa mora potest esse detrimento; & fieri potest ut obli-  
gentur ad restitutionem stipendi; accepti, ut cum quis Missam pro im-  
petranda infirmi valetudine, distulit post illius mortem. *tom. 1. pag. 96.  
num. 1. & 2.*

29. Sacerdos qui nullam accepit stipem pro Missa celebranda, potest  
Missas anticipare celebrare hac intentione, ut eas applicet iis, à quibus po-  
stea stipem est accepturus, modo non intendat effectum Sacrificij sus-  
pendere ad illud tempus quo sibi dabitur elemosyna; quia Sacrificium,  
suum habet effectum ex opere operato, nec Minister potest sua intentio-  
ne, illum in futurum suspendere. Fructus igitur Sacrificij anticipatè cele-  
brati prodest illi personæ quæ datura est stipem; Deus enim illam nouit.  
In praxi tamen illa consuetudo non est toleranda, quia:redolet nimiam  
lucris cupiditatem. *ibid. num. 3.*

30. Capellanus qui tenetur singulis hebdomadis aliquas Missas cele-  
brare pro fundatore, vel pro aliquo defuncto, per se loquendo, satisfacit  
illas antecedente hebdomada celebrando; nisi in fundatione Capellaniæ  
contrarium exprimitur. Qui verò ex onere Capellaniæ tenetur Missam  
celebrare diebus Dominicis, & bis in hebdomada, festis præcipue diebus,  
tenetur celebrare illis diebus, qui ex Ecclesiæ præcepto, aut ex loci consue-  
tudine, aut voto, à fidelibus coluntur. *tom. 1. pag. 97. n. 4. & seq.*

31. Canonicus qui tempore diuinorum officiorum celebrat in aliqua  
Capella Ecclesiæ suæ Collegiata, seu ratione elemosynæ, vel fundatio-  
nis, seu ex deuotione, non censetur præfens diuinis officiis, & consequen-  
ter percipere non potest distributiones respondentes illi horæ quæ in  
choro persoluitur, dum ipse celebrat, etiam si id fiat de superioris consen-  
su; præfatis tamen priuilegijs, seu facultate Pontificis: neque possunt cate-  
ri Canonici hoc ei condonare ex præscripto Concil. Trid. *sess. 24. cap. 12.  
ibid. num. 7. & 8.*

32. Sacerdos, regulariter loquendo, non potest bis in die celebrare,  
nisi fortè ob extraordinariam necessitatem, ut si idem Sacerdos duabus  
Ecclesijs parochialibus ob illarum paupertatem præficiatur. Verùm hac  
in re standum est legitimæ locorum consuetudini. *ibid. num. 10.*

33. Excusari possunt Regulares, qui maniti quibusdam priuilegijs, vni-  
ca Missa satisfaciunt pluribus, à quibus stipes acceperunt; Summus enim  
Pontifex, iusta interueniente causa, potest mutare voluntatem offeren-  
tium stipem, neque ipsi videntur inde detrimentum pati, quatenus Missæ  
Sacrificium æquè prodest omnibus quoad impetrationem; quoad satisfac-  
tionem verò suppletur per indulgentias aut per communicationem bo-  
norum operum illius religionis. *tom. 1. pag. 98. num. 3.*

34. Sacerdos habens pingue patrimonium, aut beneficium, potest ni-  
hilominus elemosynas accipere pro Missarum celebratione; quia seruit  
altari, nec deterius est conditionis quàm cateri. Qui pro Missæ celebra-  
tione



tionē stipem exigit importunē supra taxam ab Episcopo præscriptam, aut legitimā consuetudine receptam, peccat mort. Secus si ex liberalitate offerentis illam accipiat. *rom. 1. pag. 99. num. 7. & 11.*

35. Potest Sacerdos in die festo duplo, maiorem eleemosynam accipere pro Missa celebranda, saltem in quibusdam Diocesisibus, vt in Mediolanensi. At titulo paupertatis non potest Sacerdos aliquid exigere supra taxam, ad vitæ sustentationem, quia Missæ Sacrificium non est institutum ad sustentandam vitam Sacerdotis, cum nequeat ad Sacros Ordines promoueri, nisi constet illum habere titulum sufficientem ad vitam sustentandam. *ibid. num. 13. & 14.*

36. Sacerdos qui aduersa valetudine impeditus non potuit per aliquot dies, v. g. quindecim, onus quotidianæ celebrationis, iuxta Capellaniam institutionem, adimplere non tenetur per alium supplere illum defectum. Secus si morbus fuit longior, puta duorum vel trium mensium. *rom. 1. pag. 100. num. 17.*

37. Qui plura colligit stipendia pro celebratione Missarum, potest per alios Sacerdotes satisfacere, retenta sibi parte eleemosynarum, in scio dante, & incitiis Sacerdotibus per quos pensum Missarum per soluitur, modò illis tantam tradat eleemosynam, quātam fert communistaxa; nulli enim facit iniuriam; hoc tamen non est consulendum, quia redolet sordes. *ibid. num. 18.*

38. Tempus, seu hora celebrandæ Missæ regulariter incipit ab aurora seu prima solis irradiatione, vel paulò ante, vsque ad meridiem. Ad communicandum tamen infirmum, vel iter honestam ob causam suscipiendum, licet auroram anteuertere; At nunquam media nocte, nisi in die Natiuitatis Domini, licet celebrare. Si quis per horam post meridiem non perficiat Missam, præcisa iusta causa, non videtur à mortali excusandus. *rom. 1. pag. 101. num. 1. & seq.*

39. Qui celebrat Missam, ante matutini officij recitationem, per se loquendo, non peccat mort. quia non videtur tanta connexio inter Missam, & horas canonicas, vt peruertens hunc ordinem, lethalis culpæ reus constituitur. *ibid. num. 8.*

40. Missa celebranda est in Ecclesia consecrata ab Episcopo, aut saltem benedicta, & in altari lapideo consecrato, integro, aut non enormiter fracto. Potest tamen Episcopus, iusta interueniente causa, dispensare vt Missa extra Ecclesiam in loco honesto celebretur: at non potest celebrari in mari, vel in flumine, propter periculum effundendi sanguinis. Item non potest celebrari sine altari, tam firmo, quàm portatili; portatile autem fieri non potest ex duobus lapidibus colligatis, sed ex vno tantum ad indicandam vnā in Christo personam: Si tamen altare firmum sit consecratum, non est opus portatili. *rom. 1. pag. 102. num. 9. & seq.*

41. Altare consecratum desinit esse sacrum, si notabiliter frangatur, ita vt pedem calicis, & hostiam cum patena, commodè capere non possit; aut



si frangatur, vel amoueaturo loco repositorium reliquarium. *ibidem, numero 15.*

42. Non potest Sacerdos in eo altari celebrare, in quo Episcopus eodem die celebravit, absque ipsius Episcopi consensu, aut nisi necessitas aliqua superueniat; id enim exigit reuerentia Episcopalis dignitatis. *ibid. num. 16.*

43. Præter altare consecratum requiritur patena, & calix consecratus, & chrisimate perunctus, ex auro, argento, vel stanno; non tamen ex ære, vel aurichalco, vel ligno; neque potest Episcopus in eo dispensare Calicis autem & vestium, & cæteræ sacræ supellectilis consecratio, per se loquendo, pertinet ad Episcopum, vel etiam ad Abbatem habentem ius insignium Pontificalium. *ibid. num. 7.*

44. Calix, & patena consecrationem amittunt, non solum si notabiliter frangantur, ita ut vsui esse non possint; verum etiam quando vsu aurum amiserunt, & iterum deaurantur quoad illam superficiem, quæ tægi corpus, & sanguinem Christi; quia post nouam deaurationem, contactus corporis, & sanguinis iam non fit in parte consecrata; opus est igitur noua consecratione. Si autem Calicis consecrati cupa separatur à pede absque fractione, non amittitur consecratio, ut in calice tornatili, cuius partes absque fractione separantur, & iterum coniunguntur. *ib. n. 19. & pag. 104. n. 20.*

45. Calix, patena, & alia ornamenta, quæ Christi corpus immediate tangunt, ut palla, & corporale, non possunt à laicis tangi absque peccato; hinc iure sancitum est ut corporalia lauentur à diacono, & lotio mittatur in piscinam sacram; quod intelligendum est de prima lotione; nam probabile est secundam fieri posse à sceminis, præsertim virginibus, sicut etiam ab illis refici possunt. *pag. 103. n. 21. 22.*

46. Non est opus, ut pyxis in qua Eucharistia asseruatur, sit consecrata; quia nullo id iure precipitur. Corporalia autem oportet esse consecrata, ex tela lineæ, aut cannabæ, quoad eam partem qua continetur calix, remanentque consecrata quamdiu non sunt notabiliter fracta. Porro adhibens corporalia valde immunda, grauius peccat contra reuerentiam tanti sacramenti. *ibid. num. 23. 24.*

47. Requiritur præterea duæ mappæ, vel saltem vna duplicata, quæ representant linteamina, quibus Christi corpus fuit inuolutum; non ideo necesse est ut sint benedictæ, immò possunt, ex necessitate, adhiberi mappæ laicorum non benedictæ, quæ postea restituantur ad pristinum vsum. Ad hæc requiruntur vestes sacræ benedictæ, quæ benedictionem amittunt, si ita frangantur ut iam non sint aptæ ad suum vsum: quare alba desinit esse benedicta, si manica abscindatur, etiam si postea eadem afluatur. Item, cingulum noua indiget benedictione si ita frangatur ut nulla ipsius pars sufficiat ad cingendum. Harum autem vestium omisso, præcisè inaduerentia, inducit peccatum mort. *ibid. num. 25. & seq.*

48. Præterea requiritur crux (quam tamen omittere non est lethale pecca-

pecca-  
fuit  
etiam  
quam  
ne m  
lingu

49.  
sentia  
Essen  
autia  
tum,  
ratur  
sub vi  
in hoc  
so.

ce, vel  
acced  
de poi  
re, ibi  
mere  
pleat,  
putan  
detur  
iam vi  
deprel  
indece  
mus sic  
tanta i

si  
aliud  
cratio  
ta, tum  
anima  
venen  
non po  
riculo  
burend  
post su  
potest  
52.



peccatum) & lumen, quod ex consuetudine, fit ex cera, quamvis in necessitate sufficiat candela sebacea, aut etiam lucerna ex oleo. Adhibendus est etiam masculus, qui ministret sacro; præstat enim sine ministro celebrare, quam feminam ad ministrandum adhibere; extra necessitatem tamen sine ministro celebrare est peccatum mort. Caterum Missa, vernacula lingua celebrari non potest. *tom. 1. pag. 104. n. 30. & seq.*

### Missæ defectus.

49. Defectus, seu error contingens in Missa circa substantialia, & essentialia, supplendus est, siue aduertatur ante consecrationem, siue post. Essentiales autem defectus contingere possunt circa materiam, aut formam, aut attentionem ministri. Quando Sacerdos, sumpta hostia, aduertit acetum, vel alium liquorem in calicem infusum, debet curare ut vinum afferatur, si fieri potest absque scandalo; sin minus, perficere potest sacrificium sub vna tantum specie; nam præceptum consecrandi sub vtraque specie, in hoc casu, non obligat. *tom. 1. pag. 105. n. 2. & 3.*

50. Sacerdos, qui post sumptionem hostiæ, aduertit nihil esse in calice, vel esse solam aquam, vel alium liquorem à vino distinctum, debet accedere ad cornu altaris, fingens se velle purificationem accipere; deinde postquam vinum in calicem infudit, debet accedere ad medium altaris, ibique consecrare, incipiendo ab illis verbis, *Simili modo*, si eque sumere species vini consecratas, & oblatas, neque opus est ut reliqua suppleat, si periculum sit scandali, sufficit enim supplere necessaria; nonnulli putant sufficere ut consecret, statimque sumat, quia in consecratione videtur oblatio contineri; neque necessariæ est noua hostiæ cōsecratio, cum iam vna fuerit consecrata. *ibid. num. 4. & 5.* Qui verò inter bibendum, apprehendit non esse vinum, non debet illud expuere in calicem, propter indecentiam, & fortè etiam scandalum, sed potius deglutire, & nihilominus sic fracto ieiunio poterit perficere sacrificium; quia non tenetur cum tanta indecentia ieiunus celebrare. *num. 6.*

51. Si aranea, aut aliud animal decadat in calicem ante consecrationem, aliud vinum sumendum est, & consecrandum: si verò decadat post consecrationem, extrahendum est animal, & sumendæ sunt species consecratæ, tum animalis combusti cineres sunt in locum sacrum mittendi. At si animal sit venenosum, aut si Sacerdos, post consecrationem, admoneatur veneno fuisse vinum infectum, non debet sumere species consecratas; quia non potest esse sui homicida, nec Sacramentum vitæ debet sumi cum periculo vitæ. Porro hæ species, linteis, aut stippa sunt exsiccandæ, comburendæ, moxque in sacram piscinam proijciendæ. Sin tantummodo post sumptionem Sacerdos admonitus fuit vinum fuisse veneno infectum, potest species euomere in vas mundum. *ibid. num. 8. 9. & 11.*

52. Eucharistia, quam quis euomit, asseruanda est donec corrumpatur,



deinde comburenda, & cineres in piscinam mittendi. Sin hostia decidat in terram, vel super tapetem, Sacerdos radat, ac lauet locum, & puluerem proiciat in piscinam; at si sanguis decidat, debet absorberi si commodè possit. deinde locus radi, & lauari: si verò sanguis ceciderit in barbam Sacerdotis, sufficit si repetita lotionem, barbam purget. *ibidem. numero 9. & 10.*

53. Sacerdos animaduertens se aliquid spectans ad integritatem formæ omisisse, debet illum defectum supplere, vt validum faciat Sacramentum, totamque formam repetere, si alia verba interiecta fuerint, aut longum tempus intercessit. Idem in dubio an habuerit intentionem consecrandi formalem, aut virtutalem, debet repetere verba consecrationis cum intentione consecrandi. Verum in hac materia non oportet scrupulosum esse ne via Dæmoni aperiatur. *rom. 1. pag. 106. num. 13. & 14.*

54. Quando est aliquid omissum, quod non pertinet ad substantiam, sacrificij, nihil est necesse illud postea suppleri, ne ordo ab Ecclesia præscriptus perturbetur, vt si quis omisit *Gloria in excelsis*. Item si hostia, dum frangitur, decidat in Calicem, potest Missa perfici absque alia iteratione, quia id non pertinet ad substantiam sacrificij. Item si species vini consecratæ congelentur, non est repetenda consecratio, sed species congelatæ, ad motus ad Calicem linteis calidis, dissoluendæ vt per modum potus sumi possint. Qui omittit aliquid in Missa, vel addit ad substantiam, non pertinens, in materia graui, peccatum mort. committit. *ibid. num. 16. & seq.*

55. Si moriatur Sacerdos, aut aliquo graui morbo corripiatur, aut alio casu impediatur post consecrationem, quominus possit Sacrificium perficere, perficiendum est ab alio Sacerdote etiam non ieiunio, si nullus alius adsit; si verò Sacerdos sit in peccato mort. nec habeat copiam confessarij, debet elicere actum contritionis, sicque perficere; maior quippe videtur obligatio perficiendi sacrificij, quam præmittendæ confessionis. At si moriatur Sacerdos post sumptionem hostiæ, non tenetur alter perficere; quia substantia sacrificij in vnius speciei consumptione videtur perfecta: propterea ille sanguis, qui super fuit, sumetur à Sacerdote aliud Sacrificiū faciente. Porro moriente Sacerdote ante consecrationem, nulla est obligatio perficiendi; quia substantia sacrificij nondum fuerat inchoata. *ibid. num. 20. & seq.*

56. In dubio an Sacerdos, qui inter celebrandum extinctus est, hostiam consecrari, Sacerdos supplens, debet aliam hostiam sumere, eamque consecrare, simul sub conditione consecrando eam de qua dubitatur; vel post nouam hostiam consecratam, sumere potest illam dubiam, post sumptionem vtriusque speciei, antequam sumat purificationem. *ibidem. numero 24.*

57. Non potest Sacerdos, per se loquendo, Missam inchoatam interrumpere, ita vt posita interruptione, non dicatur moraliter vnum sacrificium:



cium: potest tamen ex iusta causa paulisper interrumpere vt baptizet infantem moribundum, qui ab alio baptizari nequit. *ibid. num. 25.*

## Missæ auditio.

58. Per auditionem Missæ intelligitur ea actio per quam, quis interest Missæ, humano modo, corpore scilicet, & mente, in ea distantia vt saltem videre possit Sacerdotem, & ad illius ministerium attendere. Vnde sequitur amentes, aut ebrios non dici Missam audire, ac proinde qui illorum curam gerunt non teneri dare operam, vt ij Missæ sacro intersint. Item cum quo tempore Missæ vagatur animo voluntariè, non dici Missam audire, ideoque Ecclesiæ præcepto diebus festis non satisfacere; quia Ecclesiæ præcipit auditionem Missæ, vt est actus humanus, & religiosus. *tom. 1. pag. 107. num. 1. & seq.*

59. Ex Ecclesiæ præcepto tenentur fideles Missam audire diebus festis; quod præceptum, quamuis simpliciter sit humanum, nihilominus iuraturæ, & diuino est consentaneum. Hinc patet Summum Pontificem posse in hoc præcepto dispensare, cum sit simpliciter humanum. Hoc autem præceptum obligat omnes adultos baptizatos, etiam pueros, qui septimum ætatis annum attigerunt, peccantque grauiter qui Missam diebus festis non audiunt, nisi legitimo impedimento, aut ignorantia excusentur. *ibid. num. 6. & seq.* Non tenentur tamen tres Missas in die Natali Domini audire, quamuis fortè teneatur Parochus tres celebrare, ne fideles debitis suffragiis, & deuotione fraudentur; quippe multi volunt eo die tres Missas audire. *ibid. num. 10.*

60. Qui partem Missæ notabilem, diebus festis, non audit, mortaliter peccat, ex suo genere, nisi ignorantia excuset. Qui verò vnâ partem audit ab vno Sacerdote, aliam ab alio, satisfacit præcepto; quia duæ medietates constituunt vnâ integram. Immo in rigore ille satisfacit, qui eodem tempore duas medietates Missæ audit à duobus Sacerdotibus; & potest quis eodem tempore tres Missas, v.g. audire, sicque satisfacere poenitentia inunctæ de tribus Missis audiendis; quanquam opposita sententia est tutior, & magis consentanea pietati. *ibid. num. 11. & pag. 108. num. 13.*

61. Qui die festo sacrum omittit vsque ad Epistolam exclusiue, non censetur omittere partem notabilem, sufficientem ad peccatum mortale. Si verò omittat vsque ad Epistolam inclusiue, mortaliter peccat; est enim notabilis omissio. Qui Sacerdotem summâ voce celebrantem non audit, satisfacit præcepto, modo ad sit cum deuotione: nam audire Missam, in iure, est interesse cum deuotione. *ibid. num. 16. & 20.*

62. Qui Missam audiuit animo non satisfaciendi præcepto, auditione illius Missæ, sed habuit intentionem audiendi aliam, non tenetur tamen aliam audire; quia præcepto iam satisfecit. Qui autem tempore Missæ notabiliter confabulatur, vel dormitat, vel ridet cum aliis, ita vt omnino



omnino impediatur attentio; item qui pingit, aut alios docet, &c. præcepto non satisfacit; quia hi actus communiter attentionem excludunt. *ibid. num. 23. & 24.*

63. Qui inter Missarum solemnias recitat horas canonicas, quas tenetur recitare, aut qui recitat poenitentiam à confessariò iniunctam, aut etiam qui peccata Sacerdoti confitetur, satisfacit præcepto, modo habeat intentionem audiendi Missam; adest enim corpore, & animo. quatenus animum intendit ad res diuinas. Contraria tamen sententia est probabilior, & tutior. *tom. 2. pag. 109. num. 25. & 26.*

62. Licet audire Missam cuiusvis Sacerdotis modò non sit excommunicatus, suspensus, aut interdictus vitandus, aut degradatus: huiusmodi enim Sacerdotes prohibentur ab Ecclesia celebrare, nec intendi Ecclesia, per ipsos orare: Excommunicati verò non vitandi, aut concubinarij Sacerdotis minime notorij Missam audire nihil vetat. *ibid. num. 1.*

65. Satisfit præcepto quocumque in loco, Missa audiatur fieri tamen, potest ut quis peccet non audiendo Missam in propria parochia, ut si quis ex contemptu eam nolit audire, aut quando Parochus declarat ea quæ Parochiani scire tenentur. *ibid. n. 4.*

66. Qui peruenit ad aliquem locum, in quo celebratur dies festus, qui in proprio territorio non celebratur, non tenetur Missam audire, nisi habeat intentionem ibi manendi maiori anni parte; non enim est subditus legibus illius loci. Item is, in cuius Parochia celebratur dies festus, non peccat Missam non audiendo, si ante meridiem futurus sit extra limites parociae suæ; poterat enim Missam vsque ad meridiem differre, in meridie autem liber est ab obligatione. *ibid. num. 5.*

67. Obiic. Qui summo mane habet opportunitatem audiendi Missam, præuidens fore, ut reliquo diei tempore non possit audire, ob impedimenta, tenetur mane illam audire; ergo qui præuidet fore, ut circa meridiem non sit futurus intra limites loci ubi festum colitur, tenetur præuenire. *Resp.* esse disparem rationem, quia præceptum obligat ad Missam audiendam quacumque hora potest audiri, ubi viget præceptum; at ex suppositione, præceptum audiendi Missam, extra proprium territorium ubi non colitur festum non viget. *tom. 1. pag. 110. num. 5.*

68. Impotentia non modò physica, sed etiam moralis excusat à Missa audienda. Hinc excusatur qui non potest Missam audire absque graui detrimento proprio, vel alieno siue animæ, siue corporis, siue famæ, siue fortunarum & rei familiaris. Sic excusatur nutrix quæ infantem nec potest domi relinquere, neque ad Ecclesiam ferre ne celebrantem, aut aditantes perturbet. Sic etiam excusantur cursores, nautæ, muliones, &c. quibus faciendæ essent magnæ impensæ, si morarentur ad Missam audiendam. Excusantur item qui in oppidis ubi vnica Missa celebratur, remanent domi ad custodiam domus, vel ad cibos parandos. Item femina honesta quæ caret veste suo statui conueniente, aut focia, seu pedissequa. Item femina

quæ



quæ non audet ad Missam accedere vt obediât viro zelotypia laboranti. Item qui longius ab Ecclesia distant, puta sex, aut septem miliaribus, &c. *ibid. num. 1. & seq.*

69. Probabilius videtur eum qui per vim, vel morbum, vel titulo carceris detinetur domi, etiam si habeat domi Oratorium approbatum, non teneri querere Sacerdotem, vt Missam domi audiat; quia præceptum non obligat ad hanc diligentiam adhibendam. Puella verò quæ credit se ab adolescente lasciuo concupiscendam, si domo exeat, potest quidem Missam omittere, ad damnum proximi spirituale vitandum; non tamen tenetur eam omittere; vt enim potest iure suo. *tom. 1. pag. 111. num. 14. & 15.*

70. Censura fideles excusat ab audienda Missa; quia censura obstrictus prohibetur diuinis interesse. Hinc excusatur interdictus & excommunicatus; item is qui alium Sacerdotem non habet præter excommunicatum, suspensum, vel interdictum; item qui tempore interdicti localis generalis, non potest commodè se conferre ad locum non interdictum; neque fideles tempore interdicti, tenentur procurare priuilegium audiendi Missam. *ibid. num. 19. & seq.*

71. Excommunicatus, qui facillè potest absolutionem obtinere, non tenetur ob præceptum Missæ, tollere impedimentum censuræ; quemadmodum detentus in vinculis non tenetur ex vi huius præcepti, querere liberationem vt Missam audiat; alioquin præuidens se excommunicandum ob aliquod delictum, peccaret specialiter contra hoc præceptum audiendæ Missæ, non præcauendo delictum, quod nullus dixerit. *ibid. n. 23.*

72. Consuetudo regionis potest aliquando excusare ab audienda Missa in die festo. Vnde viduæ quæ mortuo viro, ad certum tempus domi se continent, modò non abstineant diutius ab audienda Missa quam postulet recepta consuetudo, excusari possunt. Item puellæ nobiles quæ non permittuntur Missam audire donec nubant, nisi domo exeant ad choreas, ludos, aut spectacula. At fœminæ ob menstrua temporalia, præcisâ debilitate, à Missa non excusantur: videntur tamen excusandæ quæ post partum, domi se continent non solum ob debilitatem, sed ob reuerentiam, vbi talis est consuetudo, modò id non faciant ad seruandam purificationem legis Mosaicæ. *tom. 1. pag. 112. num. 25. & seq.*

## M O N I A L I S.

### Monialium visitatio.

1. **I**N Clementina *Attendentes, de Statu Monachi.* Summus Pontifex statuit ne quis visitatores Monialium in munere visitationis impedire audeat sub pena excommunicationis ipso facto incurrenda. *dispur. 2. quest. 2. punct. 4. pagin. 158. tom. 3.*

2. Munus visitandi Moniales in monasteriis non exemptis spectat ad Ordina-



Ordinarium autoritate ordinaria; in exemptis verò, & immediatè subiectis summo Pontifici, pertinet ad eundem Ordinarium autoritate delegata. Denique in exemptis, quæ immediatè sub sunt religiosiis, ius visitandi competit Prælati ipsarum Monialium. *ibid. num. 1.*

3. Hæc excommunicatio non incurritur ob solum conatum impediendi visitationem Monialium, nisi re ipsa impediatur; quia non prohibetur conatus, sed ipsum impedimentum. *ibid. num. 3.*

4. Ut incurritur excommunicatio requiritur trina monitio ab ipso visitatore aut eius superiore facta impediendi postquam apposuit impedimentum, quæ præmissa nisi impediens respiciat statim contrahit excommunicationem. *ibid. num. 4. 6. & 7.*

5. Hinc sequitur si, dum visitator admonet Moniales ut parent se ad visitationem, nec vlla eam impedire audeat, facta huiusmodi monitione, aliqua visitatorem impedire præsumat, non incurrere excommunicationem; quia hæc monitio præcessit impedimentum, cum subsequi debeat; nam impediens est admonendus ut cesset ab impedimento. *ibid. num. 4.*

6. Ad hanc excommunicationem incurrendam requiritur præsumptio quæ non inuenitur ubi est ignorantia, nisi ea sit super affectata, & temeraria. *ibid. num. 8.*

7. Hæc excommunicatio nulli est reservata.

#### Monialium Electio.

8. In cap. de indemnitatib. de elect. & elect. potest. fertur excommunicatio contra eos, qui vocati ad dirigendas Moniales, non abstinere ab iis ex quibus discordiæ oriri, vel ortæ foueri possunt circa electiones faciendas. *disp. 2. quæst. 2. punct. 5. pag. 159. tom. 3.*

9. Hæc excommunicatio locum non habet in Congregationibus fœminarum, quæ verè religiosa non sunt, ut sunt quædam Congregationes S. Virgula, quæ professionem non emittunt, licet in cõmuni viuant. *ib. n. 3.*

10. Qui interest electioni, sed non fuit vocatus ad dirigendas Moniales in electione facienda, non ligatur excommunicatione, etiam si sit causa discordiarum. *ibid. num. 5.*

11. Hæc excommunicatio nulli est reservata.

#### Monialium Clausura.

12. In Concilio Trid. sess. 25. in cap. 5. de regul. cura clausuræ Monialium committitur Episcopis, cum facultate implorandi, si opus fuerit, brachium sæculare, & additur excommunicatio contra Magistratus nolentes auxilium præbere Episcopis circa eandem clausuram. *disp. 2. quæst. 10. punct. 7. pag. 314. tom. 3.*

13. Est autem clausura spatium, quod intra ianuam monasterij semper clau-



clausam continetur, seu est locus monasterij intra quem Moniales se continere debent, & à quo egredi nequeunt sine violatione præcepti, vel etiã voti, dum clausuram ex voto seruare tenentur. Terminum autem, & limites istius clausuræ complectuntur omnia monasterij loca, quæ ianua clausa continentur, & ad quæ faculares non admittuntur. *tom. 1. pag. 593. n. 1.*

14. Monialis ad domos monasterio contiguas accedens violat clausuram, etiam si ibi tantum habentur fœminæ elemosynis colligendis, vel seruitiis monasterij deputatæ: cum enim ad eas domos secularibus pateat aditus, non censetur esse intra septa monasterij. Item quæ ad vnum, vel duos pedes ianua exit, contra clausuram peccat etiam si statim regreditur. Secus si rotam ingrediat, eamque conuertat ad partem, quæ secularibus patet: quamdiu enim è rota non egreditur, nõ perfectè violat clausuram, neque dicitur esse intra, neque extra monasterium, licet fortè grauius peccet ratione alicuius periculi mortalis. *ibid. num. 2. & 3.*

15. Nouitiæ non tenentur ad clausuram, quia in iure sermo est de professis. Non tenentur item ille fœminæ quæ non sunt verè Moniales, etiam si aliquæ simplicia vota emittant: hortandæ tamen sunt vt solemniter profiteantur; facta autem professione ad clausuram tenentur: quod si renuant, non possunt vllam in posterum in suam Congregationem admittere. *tom. 1. pag. 594. num. 3. & 4.*

16. Possunt aliquibus in locis Moniales à clausura excusari, vbi videlicet lex clausuram indicens, non est vsu recepta, vel vbi contraria consuetudine est abrogata. Quia clausura est de iure humano, cuius obligatio non semper vbique viget, sed variis de causis impediri potest. *ibid. num. 2.*

17. Contra Moniales clausuram violantes indicta est pœna excommunicationis ipso facto incurrenda. Hęc excommunicatio extenditur ad concedentes licentiam exeundi, comitantes, & receptantes. Immo clausuram violantes, & exeundi facultatem concedentes incurrunt priuationem dignitatum, & officiorum, fiuntque inhabiles ad illa, & ad alia in posterum obtinenda, sic enim decernitur in motu Pij V. qui incipit, *Decori, & honestati. ibid. num. 1. & pag. 595.*

18. Solus Summus Pontif. vel habens ab ipso facultatem, iure communi potest ab hac excommunicatione absoluerè, si est publica: nam ab excommunicationibus occultis potest Episcopus, vel habens ab ipso facultatem absoluerè, virtute Concilij Trid. sess. 24. c. 6. *tom. 1. pag. 595. num. 1.*

19. Onus cogendi Moniales ad clausuram incumbit Episcopo auctoritate ordinaria, in suis monasteriis, auctoritate verò sedis Apost. delegata, in monasteriis sedi Apost. subditis. At in monasteriis exemptis hęc facultas Episcopo non competit, sed illorum ordinum superioribus. *tom. 1. pag. 596. num. 1.*

20. Ad Episcopum, vel eius Vicarium generalem pertinet facultatem exeundi è monasterio concedere Monialibus, in monasteriis Episcopo, vel sedi Apost. subiectis. In monast. verò exemptis, facultas exeundi concedenda



denda est à superiore ordinis. Hæc autem licentia danda est in scriptis.  
*tom. 1. pag. 597. num. 1. & 3.*

21. Monialis vrgente necessitate exiens è claustro, absque superioris facultate, qui ob distantiam commodè adiri nequit, excusatur à peccato, & à censura: hic enim casus per epikciam exceptus videtur, cum necessitas lege careat. Teneatur tamen Monialis post egressum admonere superiorem, si potest; fieri enim potest, vt causa quæ Moniali legitima videtur, à superiore non approbetur, & consequenter Monialis ad clausuram statim redire cogatur. *ibid. num. 3.*

22. Facultas egrediendi non nisi grauissima de causa, Monialibus à legitimo superiore concedi debet. In motu Pij V. tres tantummodò causæ exprimuntur; 1. est magnum incendium. 2. est infirmitas lepræ. 3. infirmitas epidemica, id est morbus contagiosus qui alios inficere potest. Sunt aliae causæ, propter quas facultas exeundi Monialibus concedi potest. Nam tempore belli possunt se in tutum recipere. Item dum totus conuentus de licentia Episcopi, aliò migrat. Item Abbatisa, vel Priorissa quæ propter feudum, tenetur præstare iuramentum fidelitatis alicui domino seculari, quod per Procuratorem præstare nequit, potest cum honesto comitatu exire, modò statim præstito iuramento reuertatur. Item Moniales licitè possunt, de licentia superioris exire ad reformandum vel fundandum aliquod eiusdem ordinis monasterium. Item possunt Moniales ad aliam religionem perfectiorem transire. Item Monialis quæ in proprio monasterio commode corrigi non potest, ad aliud monasterium, correctionis gratia, transferri potest: nulla tamen propter incorrigibilitatem, è religione ei ei potest: quia id visu nunquam receptum est; sed punienda est potius, & in monasterij carcere detinenda, ne aliis ruinæ ansam præbeat. *tom. 1. pag. 598. & 599. num. 1. & seq.*

23. Infirmitas non contagiosa, à qua Monialis curari nequit, dum in monasterio existit, non est iusta, & sufficiens è monasterio exeundi causa, etiamsi hæc infirmitas in vitæ discrimen adducat; magnum enim inde damnum clausuræ sequeretur. Si quidem cum morbi periculosi frequenter contingant, & ardens è claustro exeundi desiderium Moniales teneat, sæpius fingerentur causæ egrediendi, præsertim cum Medici faciles sint ad dandam attestationem de grauitate morbi. *tom. 1. pag. 599. num. 48.*

24. Monialis quæ ad claustrum reuertitur, vel ad monasterium, cui præficienda est, pergit, non peccat mortaliter, si à recto itinere aliquantulum deflectat, v. g. 20. aut 25. miliaribus vt confanguineos inuisit, aut piam aliquam ob causam. *tom. 1. pag. 600. n. 21.*

25. Omnibus tam laicis, quàm clericis, & regularibus interdictum est iure communi, accedere ad monasteria monialium, & illa frequentare. Litteras autem ad Moniales scribere, vel mittere, iure communi non est prohibitum, in quibusdam tamen diocesisbus id speciali iure vetitum est, Gregorius XIII. quibusdam religiosis sub pœna excommunicationis ipso facto



facto incurrenda interdicat ne litteras ad sui ordinis Moniales scribant. *tom. 1. pag. 643. num. 1. & pag. 644. num. 5.*

26. Accessus ad monasteria Monialium, sine licentia, & iusta causa, videtur sufficiens ad lethalem culpam, nisi ratione paruitatis materię, vel alterius circumstantię excusetur: quia lex, in materia graui, obligat sub mortali. *tom. 1. pag. 644. n. 1.*

27. Contra liccos sine manifesta, & notabili causa frequentantes monasteria Monialium fertur excommunicatio comminatoria, quam solo frequenti accessu non incurrunt, nisi ab Episcopo moniti vt desistant, nolint desistere. Excommunicatio autem ab Episcopo lata contra accedentes ad monasteria quolibet, etiam exempta, aut contra alloquentes Moniales, incurritur ab eo qui ad exempta monasteria accedit, vel Moniales in monasterio exempto alloquitur. Quia licet locus sit exemptus à iurisdictione Episcopi, & consequenter delinquentes in eo loco, non subiiciantur pœnis ab Episcopo latis; tamen excommunicatio lata contra accedentes ad monasteria, licet exempta, incurritur ab accedente ad monasteria exempta; quia materia istius excommunicationis est accessus ad monasteria; hic autem consumatur in loco non exempto, sed subdito potestati Episcopi. *ibid. n. 1.*

28. Contra clericum, monialium monasteria frequentantem, si ab Episcopo monitus, desistere noluerit, ferenda est pœna suspensionis, immò excommunicationis, & depositionis. *ibid. num. 22.*

29. Religiosis ad monasteria monialium sine licentia accedentibus imposita est pœna priuationis officiorum, vocis actiue, & passiuę, ipso facto incurrenda, vt patet ex decreto Sacre Congregationis, Sixti V. iussu edito, quod obligat sub pœna peccati mort. Porro religiosi exempti, non afficiuntur censuris ab Episcopo latis contra accedentes ad monasteria Monialium absque sua facultate. Notandum tamen religiosos hoc tempore alloquentes Monialem absque licentia, etiam in monasterio regularibus subiecto, puniri posse ab Episcopo ex constitutione Gregorij XV. in Bulla de priuilegijs exemptorum. Idem sacra Cardinal. Congregatio censuit, & S. D. N. Vrbanus VIII. approbavit. *tom. 1. pag. 644. num. 3. & pag. 645. num. 8.*

30. Laici, & clerici triplici saltem de causa, excusari possunt à culpa, & pœnis iure communi impositis contra Monialium monasteria frequentantes. 1. est paruitas materię, vt si quis semel, atque iterum accedat: hic enim non dicitur frequentare. 2. est legitima consuetudo in contrarium. 3. est licentia superioris, cum causa rationabili, & manifesta, quam licentiam probabile est primo actu non finiri, si absolute concedatur. *tom. 1. pagin. 645. n. 1. & seq.*

31. Omnibus cuiuscumque conditionis, vel sexus, postquam vsum rationis adepti fuerint, interdictus est in monasteria monialium ingressus, etiam ipsis Monialibus alterius ordinis, & habitus. Probabile tamen est

Impe-



Imperatori, & Imperatrici, Regibus, & Reginis, ipsorumque liberis ingressum in monasteria monialium non esse interdictum: quia in motu Gregorij XIII. dicitur ingressum in monasteria vetitum esse quibuscumque personis, etiam si sint Comitissæ; ergo non videtur alias longè superioris dignitatis excludere. *rom. 1. pag. 646. num. 2. & seq.*

32. Facultatem ingrediendi monasteria Monialium concedere potest superior qui monasterio præest, & cuius est clausuram Monialibus indicare (exceptis monasteriis S. Clara, Conceptionis, & fratribus Minoribus.) Hinc patet facultatem ingrediendi monasteria regularibus subiecta, concedendam esse à Generali, Prouinciali, aliòve immediato monasterij Prælato; non verò ab Episcopo. Abbatisa autem non potest hanc facultatem concedere, quia ad eam non spectat, clausuram Monialibus indicare, cum ipsa etiam onere clausuræ teneatur; nisi legitimus superior hanc potestatem ipsi Abbatisæ delegauerit. *rom. 1. pag. 647. n. 1. & seq.*

33. Ad ingressum in monasteria S. Clara, & Conceptionis, non sufficit licentia Episcopi, vel superioris, sed requiritur licentia Papæ, præterquam in casibus in regula harum Monialium exceptis: quia Concil. Trid. sess. 25. cap. 5. cum permittit ingressum in monasteria monialium de licentia Episcopi, vel superioris, non intendit derogare regulæ quarundam Monialium, quæ arctiorem clausuram indicit. *ibid. num. 6.*

34. Fratribus Minoribus interdictum est monasteria quarumcumque Monialium ingredi absque speciali Summi Pontif. facultate (vt patet ex regulis ipsorum, & ex constitutionibus Pontiff.) nisi rogentur à Prælati curam Monialium habentibus, vt sibi opem in eo ministerio ferant, vt patet ex priuilegio à Leone X. concessio. *rom. 1. pag. 648. n. 7.*

35. Vt licentia ingrediendi claustra Monialium validè concedatur, due conditiones requiruntur. 1. vt licentia sit specialis, id est, vt ad hoc specialiter concedatur. 2. vt licentia in scriptis detur, nisi periculum sit in mora: sic enim præscribitur in Trident. sess. 25. cap. 5. Quare in scriptis concedenda est licentia quæ aliquibus ad ingrediendum datur, relicta facultate, & libertate Abbatisæ, vt ipsa eligat quem voluerit, vt si Episcopus licentiam hoc pacto concedat: *facultatem ingrediendi facio tuis quos Abbatisæ, vel Confessarius elegerit.* Quia in re probanda est praxis quibusdam in locis recepta vt Episcopus, vel eius Vicarius facultatem quandam generalem quoad personas, sed specialem quo ad ingressum concedat quibusdam operariis, quorum operâ Moniales carere non possunt, vt camentariis, fabris lignariis, &c. item medicis, & chirurgis. *ibid. n. 1. & seq.*

36. Facultas ingrediendi claustra Monialium, non est concedenda, nisi ob causam necessitatis manifestæ, cui aliter commodè occurrì non possit: vt si excipienda sit confessio Monialis surdæ, aut ob infirmitatem, lecto decumbentis, idem dic in administratione aliorum sacramentorum, &c. in quibus casibus potest Sacerdos cū socio ingredi, præsertim si sit religiosus, aut si sit in sacello valetudinarij celebraturus. *t. 1. p. 649. n. 1. & seq.*



37. In monasterium intromitti possunt feminae in obsequium, & famulatum Monialium, quando in monasterio non sunt conuersae professae quae inseruiant, neque solum in obsequium totius monasterij admitti possint, sed etiam dum id exigit necessitas alicuius particularis Monialis incommoda valetudine videntis, aut etiam ob sui status decentiam, ut si ceteris nobilitate longè antecellat, nec ei per conuersas commodè ministrari possit: Non tamen licet habere ancillas quae ad libitum ingredi, & egredi possint. *tom. 1. pag. 650. num. 10.*

38. Iudex cum aliquot viris potest monasterium ingredi ad expellendum malefactorem qui non vult inde exire. Quamuis enim fortè hic malefactor non peccet ingrediendo ut se morti, aut instanti periculo eripiat; tamen cessante periculo non potest in monasterio morari, consequenter cum Moniales non possint illum expellere, necesse est illum à viris expelli, cum licentia Abbatis, & discretarum. Non tamen licet laico iudici illum examinare, & in carcerem trudere, cum sit in loco immuni, nisi crimen admiserit, quod illum priuet immunitate. *ibid. num. 13. & pag. 661. num. 14.*

39. Permittitur puellis ingressus in monasterium Monialium, educationis gratia: sic enim Sacra Cardinal. Congregatio declarauit: cum his tamen conditionibus, 1. ut monasterium consueuerit puellas admittere, 2. ut non excedant numerum praefixum, 3. ut adsit licentia superioris, & Abbatis, & consensus, 4. ut sint decenter indutae, 5. ut ancillas secum non habeant, 6. ut septem annos impleuerint, sintque minores viginti quinque annis, 7. ut seorsum habitent, & dormiant, 8. ut monasterio non egrediantur, & semel egressae nequeant iterum admitti, nisi egressae sint propter morbum, de licentia superioris. Item coniugatae à viris, ob nimiam seruitutem dissidentes, possunt in monasterium admitti, donec lis componatur. Viduae verò, nisi Moniales fieri velint, non sunt admittendae. *tom. 1. pag. 651. num. 15. & seq.*

40. Qui Monialium cœnobium cum licentia, & ex iusta causa ingressus est, grauiter peccat contra obligationem clausurae, si finito ministerio, cuius causa ingressus est, statim non egrediatur, nisi paruitas morae excuset; nullam tamen censuram incurrit. *tom. 1. pag. 652. num. 22.*

41. Ingressus claustrum Monialium sine licentia, & iusta causa, poenam excommunicationis incurrunt, ex Conc. Trid. sess. 25. c. 5. Hæc tamen excommunicatio iure communi non est reseruata, modò quis non ingrediatur ad malum finem: violatio enim clausurae Monialium ad malum finem est casus summo Pontifici reseruatus, à quo nemo potest virtute priuilegiorum absolueret. *ibid. num. 1. & 2.*

42. Prelati absque necessitate ingredienti monasteria Monialium sibi subditarum, si sint seculares Pontificia dignitate praediti, pro prima vice, incurrunt interdictum ab ingressu Ecclesiae; pro secunda contrahunt suspensionem à munere Pontificali, & à diuinis; pro tertia verò vice,



& deinceps, excommunicationem ipso facto incurrunt. Prælati verò regulares contrahunt excommunicationem, & priuationem omnis officij, & ministerij, vt constat ex motu Gregorij XIII. Hactamen excommunicatio non est Summo Pontifici reseruata; quapropter absolutio a quouis approbato confessario impendi potest. *tom. 1. pag. 653. num. 1. & pag. 654. num. 13.*

43. Abbatisa, & superiores facientes, vel permittentes aliquem ingredi sua monasteria prætextu facultatum à Summo Pontifice, Legato, vel alijs, incurrunt excommunicationem, priuationem dignitatum, & inhabilitatem ad illas. Eidem pœnæ subiiciuntur Abbates, alijque monasteriorum superiores facientes, vel permittentes scœminas ingredi in sua monasteria, vt constat ex eod. motu Gregorij XIII. qui incipit, *Vbi gratia. tom. 1. pag. 654. num. 1.*

44. Monialis, quæ virum, vel scœminam prætextu facultatis ingredientem admittere præsumit in monasterium, extra casum necessitatis, incurrit ipso facto excommunicationem, Papæ reseruatam, priuationem officiorum, & inhabilitatem ad illa, vt patet ex eod. motu Greg. XIII. *tom. 1. pag. 655. num. 8.*

## Mutuum.

1. **M**utuum propriè acceptum, est contractus, quo rei dominium, transfertur in accipientem, spe recipiendi similem in specie, & bonitate: si enim eadem res reddenda esset, non esset mutuum, sed commodatum; aut si reddenda esset res alterius speciei, non esset mutuum, sed permutatio. Hinc patet mutuum celebrari in iis rebus, quæ recipiunt functionem, id est quarum vna substitui potest in locum alterius, vt vinum, pro vino, pecunia pro pecunia; vna enim fungitur vice alterius: locatio autem, & commodatum celebrantur in iis rebus, quæ non recipiunt functionem, vt sunt domus, equus, &c. propterea equus non dicitur mutuari, sed commodari, domus locari. *tom. 2. pag. 515. num. 1. & pag. 516. n. 2.*

2. Mutuum aliud est *expressum*, cum quis actualiter dat alteri pecuniam mutuo; aliud *tacitum*, seu *implicitum*, quod mutuum *palliatum* vulgo appellatur, vt cum quis alteri vendit domum maiori pretio, concessa dilatione ad soluendum; censetur enim venditor virtualiter mutuare pretij emptori vsque ad terminum præstitutum ad soluendum. *tom. 2. pag. 516. num. 4.*

3. Licet ex contractu mutui confurgat obligatio: aliqui tamen ad mutui accepti restitutionem, saltem in foro externo non obligantur. 1. Ecclesia, vel locus pius, vel oppidum, nisi mutuans probet pecuniam mutuata, in vsum Ecclesiæ, loci pij, vel oppidi fuisse conuersam; eodem privilegio gaudet minor, cuius nomine tutor, vel curator mutuum accepit. 2. filius familiæ, qui non habet bona castrensia, vel quasi castrensia, neque



que erat sui iuris cum mutuum accepit, non tenetur ad solutionem mutui, ex dispositione iuris, vocaturque hoc privilegium *Macedonianum*. Hi tamen quatuor casus excipiuntur. 1. quando filiusfamilias accepit mutuum pecuniam ad ea, quæ erant à patre suppeditanda, v. g. ad emendos liberos. 2. quando accepit mutuum de consensu patris. 3. quando pecunia mutuo accepta, conuersa est in utilitatem patris. 4. quando filiusfamilias iuravit se soluturum; potest tamen obtinere iuramenti relaxationem, cum videatur factum in fraudem legis Macedonianæ. Ceterum non potest filiusfamilias huic privilegio Macedoniano renunciare, cum in parentum favorem maximè concessum esse videatur. *ibid. num. 5. & seq.*

## N.

## N A U F R A G V S.

1. **O** M N E S, & singuli, qui Christianorum naufragorum bona in mari, aut in litoribus existentia surripiunt, aut per vim rapiunt, contrahunt pœnam 4. excommunicationis in Bulla Cœne. *disp. 1. quæst. 5. punct. 1. num. 1. pag. 20. tom. 3.*

2. Hæc pœna non extenditur ad consulentes, iubentes, mandantes, receptantes, præstantes auxilium vel favorem, modo contractu physico non cooperentur ad naufragorum bona rapienda. Quia verba legis pœnalis ultra propriam significationem non sunt extendenda; surreptio autem dicit actionem physicam, qua res aliena actu surripitur; at mandantes, receptantes, præstantes auxilium, seu favorem, moraliter tantum ad surreptionem concurrunt; neque exprimuntur in Bulla. Item qui bona titulo depositi accepit à domino naufragium passio, & postea denegat depositum, quod per testes probari non potest, non incurrit excommunicationem: quia hic non dicitur surripere cum accipiat tradente domino, sed iniustitiam committit contra obligationem depositi. *ibid. num. 3. 4. & 6. pag. 20. tom. 3.*

3. Ad incurrendam excommunicationem sufficit sola surreptio, etiâ si bona surrepta sine mora restituantur: quia excommunicatio fertur præcisè in surripientes. Qui verò bona naufragorum surripit, & postea diutius differt restitutionem, duplicem incurrit censuram, alteram in Bulla Cœne latam ob surreptionem, alteram in c. *excommunicationi, de raptoribus*, latam ob morosam retentionem; hæc tamen postrema nulli est reservata. *ibid. punct. 2. num. 2. & 3. pag. 21. tom. 3.*

4. Qui accipit bona naufragorum animo restituendi vero domino, in hanc censuram non incurrit, etiâ si iis interim vratur absque notabili damno domini; quia hæc actio non est iniusta. Idem dicendum de eo,

Dd 2 qui



qui aliquid accipit sciens alienum, sed nesciens esse naufragatium; si tamen illud retinet postquam comperit esse naufragorum, non incidit quidem in excommunicationem Bullæ, sed in excommunicationem supradictam, cap. *excommunicationi, de raptoribus*, quæ nulli est reservata. *ibid. num. 4. & 5. pag. 21. tom. 3.*

5. Qui surripiunt ante naufragium, vel in ipsa naufragij trepidatione, non incurrunt excommunicationem; quia Bulla loquitur de passis naufragium; lex autem pœnalis non est extendenda. *ib. num. 6.*

6. Qui surripiunt naufragorum bona extra littus maris, vel in flumine inuenta, non sunt obnoxij huic excommunicationi: quia in Bulla sermo est de surripientibus naufragorum bona in mari, vel in littore inuenta. *ibid. num. 7.*

7. Qui bona surripiunt, quæ ad leuandam nauim in mare proiecta sunt, aut ipsam nauim iam laceram, & mercibus exoneratam, excommunicationem incurrunt; quia hæc sunt naufragorum bona. *ib. d. num. 9. & 10.*

8. Si bona, quæ surripiunt sunt infidelium, aut hæreticorum, aut piratarum naufragatium, ea rapientes ab excommunicatione excusantur. Quia hi omnes habentur pro hostibus Ecclesiæ, & in Bulla sermo est tantum de bonis Christianorum, modò tamen ea non deferantur ad infideles contra Ecclesiæ prohibitionem, vt sunt arma, &c. hæc enim surripientes excommunicationem non incurrunt. *ibid. punct. 3. pag. 22. tom. 3.*

9. Ad incurrendam excommunicationem ob surrepta naufragorum bona requiritur quantitas sufficiens ad peccatum mortale furti, nisi multi communi consensu, & velut ex conducto ad prædam accurrerent, & singuli modicum surriperent; hæc enim exigua furta simul sumpta materiam notabilem efficerent. *ibid. punct. 4. n. 1. 2. 3. pag. 22. tom. 3.*

10. Qui naufragorum bona surripuit inuincibiliter ignorans id esse vetitum sub censura, aut probabiliter credens esse licitum; aut qui accipit ea, quæ probabiliter credit haberi pro derelictis, excommunicationem non incurrunt. *ibid. num. 4.* Quenam autem bona pro derelictis habeantur, ex circumstantiis colligi potest. *ibid.*

11. Nulla consuetudo aut priuilegium ab hac censura incurrenda excusare potest: quia in Bulla reuocantur quælibet priuilegia, & abrogatur consuetudo, & vsu capio etiam temporis immemorabilis. Vnde sequitur inualidas esse Principum leges, quibus naufragorum bona fisco addicunt: nam dominis non comparentibus tenentur ea in pios vsus erogare. Qui tamen accurrunt ad opem ferendam nautis auxiliium implorantibus, possunt aliquid retinere ratione laboris, & periculi, cui se exponunt. *ibidem, num. 8. pag. 22. 23. tom. 3.*

12. Surripientis naufragorum bona non iuuatur titulo præscriptionis, seu potius vsu capionis, quæ est possessio rei mobilis tempore à lege definito: quia possessor malæ fidei nullo tempore præscribit. *ibid. num. 10. pag. 23.*



## Notarius.

1. **N**otarius, seu procurator tenetur ea scire, quæ ad proprium ipsius officium spectant, vt clausulas in contractibus apponi solitas, aliasque solemnitates, quæ adhiberi solent. Solemnitates autem, quæ ad validum, & authenticum instrumentum requiruntur, sunt inuocatio nominis Dei, annus, dies, mensis, locus, testes, nomen, & signum tabellionis. Sin ob Notarij negligentiam, vel ignorantiam omiſſa est aliqua solemnitas, cuius omiſſione pars damnum patiatur, Notarius tenetur ad restitutionem. *tom. 2. pag. 335. num. 1.*

2. Notarius debet fideliter in scriptum referre, quæ à partibus afferuntur, modò absit mendacium. Quare peccat si dicat pecuniam, se præsentem, traditam fuisse, cum reuera non fuerit, vt in contractu census, ad cuius validitatem actualis solutio præscribitur. *tom. 2. pag. 536. num. 2.*

3. Notarius grauitè peccat si sine causa renuat conficere instrumenta, aut si ea iam confecta occultet; est enim persona publica, ad obsequium omnium ex officio deputata, consequenter tenetur ad restitutionem damni, quod pars ex denegato sibi instrumento, seu transumpto, patitur. *ibid. num. 3.*

4. Notarius conficiens testamentum alicuius carentis iudicio, seu non vrentis ratione, peccat, & tenetur ad restitutionem legitimis hæredibus, qui ab intestato successissent: est enim causa iniusta damni, quod ipsi patiuntur. *ibid. num. 4.*

5. Notarius tenetur in conscientia, legata manifestare, præsertim facta ad causas pias. Quare in diocesi Mediolanensi Notarius, qui postquam nouit mortuum esse testatorem intra tres menses legata pia nõ denunciat, elapsis tribus mensibus, ipso facto excommunicationem incurrit. *ibidem, num. 5.*

6. Notarius non potest aliquid ultra taxam exigere, quando pretium est à lege taxatum: si autem aliquid in notabili quantitate accipiat, peccat mortaliter contra iustitiam, & tenetur ad restitutionem excessus, nisi sponte detur. *ibid. num. 6.*

7. Clericus minoribus ordinibus initiatus, potest officium Notarij etiã imperialis suscipere; nullo enim iure prohibetur. At maioribus initiatus, aut habens beneficium, non potest Cæsarei Notarij munus suscipere, vel exercere in foro publico seculari, vel Ecclesiastico: nemo enim militans Deo implicat se negotijs secularibus. *ibid. num. 8.*

## Nuncius Apostolicus.

1. **I**N Bulla 96. Pij IV. quæ incipit, *Etsi Romanum Pontificem*, contra Nuncios, & alios ad Reges, seu Principes missos, lata est excom-

Dd 3 mu-



municatio ipso iure, & priuatio omnium dignitatum, beneficiorum, & officiorum, & inhabilitas ad illa, & alia in posterum obtinenda, denique infamia si procurare præsumperint à Regibus, Reginis, vel Principibus ad quos mittuntur, commendationes, fauores vocales, aut litteras, ad obtinendas dignitates, vel officia sibi, aut consanguineis, seu necessariis. *disput. 2. quest. 6. punct. 3. num. 279. tom. 3.*

2. Probabile est Nuncium missum ad Rempublicam, quæ non habet Ducem, aut Principem, sed à magistratu regitur, non affici hac censura si ab ipso magistratu commendationes, & fauores impetret. *ibid. n. 9.*

3. Si Princeps propria sponte scribat ad Summum Pontificem, & roget pro gratia Nuncio vel eius affini conferenda, Nuncius ab hac censura excusatur, secus si Princeps ad hoc inducatur à consanguineis Nunciis, idque Nuncius aduertat, sic enim videtur indirectè ambire. *ibidem num. 10.* Expleto autem legationis tempore si fauores impetret, in censuram non incidit. *num. 14.*

4. Hæc excommunicatio non est reseruata.

## O.

## O B L A T I O.

1. **I**N cap. *Hanc consuetudinem* 10. *quest. 1.* excommunicatio fertur contra laicos, qui oblationes intra Ecclesiam factas, de Ecclesia auferunt, & sibi vsurpant. Hæc autem excommunicatio est ipso iure lata, & statim incurritur ipso facto, quia fertur per verba temporis presentis. *pag. 156. num. 2. tom. 3.*

2. Hæc excommunicatio est vniuersalis, & afficit omnes laicos sibi vsurpantes oblationes; Summus enim Pontifex vniuersaliter loquitur. *ibid. num. 3.*

3. Ad hanc excommunicationem incurrendam non sufficit conatus, sed requiritur effectus, id est actualis ablatio; quia censura non incurritur, effectu nondum sequuto. *ibid. num. 4.*

4. Hæc excommunicatio non ligat Ecclesiasticos surripientes oblationes, sed laicos tantum, si oblationes de Ecclesiis auferant: nam si illas extra Ecclesiam existentes sibi applicent, & vsurpent, in hanc excommunicationem non incidunt. *ibid. num. 5. & 6.*

5. Hæc excommunicatio non est reseruata, sed à quolibet Confessario approbato tolli potest. *ibid. num. 7.*

Obfer-



Obferuatio vana.

1. **V**Ana obferuatio eft ſuperſtitio, quâ media inutilia adhibentur ad faciendum, vel omittendum aliquid, ad quod illa media, nec à Deo, nec à natura vim ullam habent, vt fit quando quis medijs inutilibus nititur acquirere ſanitatē, vel ſcientiam, &c. aut quibſdam verbis alligare dæmonem, illūque includere in annulo, vaſe, &c. aut quando quis animalibus noxijs mittit chirographum, aut litē mouet, vt ea expellat; aut quando quis profert verba quibus moueatur annulus ad deſignandum diei horam, &c. *tom. 2. pag. 183. num. 3.*

2. Tres ſunt ſpecies vanae obſervationis, *Ars notoria obſeruatio ſanitatum*, & *obſeruatio euentuum*. *Ars notoria*, eſt ſuperſtitio, qua quis credit ſe conſequuturum ſcientiam abſque labore, per ieiunia, inſpectionem, figurarum, prolationem verborum, &c. quæ ſuperſtitio ex ſuo genere eſt peccatum mortale, continet enim tacitam cum dæmone ſocietatem, cui tribuitur id quod eſt proprium Dei. *Obſeruatio ſanitatum*, eſt ſuperſtitio, qua adhibentur aliqua inania ad curandos morbos hominum, vel brutorum; vt contingit quando adhibentur verba, ſigna, carmonia, vel etiam res naturales, quibus aliqua vana admixcentur, tanquam neceſſaria. *Obſeruatio euentuum*, eſt genus ſuperſtitionis, quo ex conſideratione alicuius euentus, conicitur quid futurum ſit, v. g. cum alicui domo exeunti occurrit cadauer, vulpes, lepus, &c. indeque occaſionem ſumit credendi negotium, aut diem ſibi futurum inſuſtum. *ibid. num. 4. & ſeq. pag. 185. n. 21.*

3. Superſtitioſi ſunt illi effectus, qui ſunt his conditionibus concurrentibus. 1. quando effectus ſuperat virtutem cauſæ applicatæ. 2. quando effectus fit ſine motu locali, vt cum flumen ſtatim apparet. 3. quando effectus ſtatim euaneſcit. *tom. 2. pag. 183. num. 9.*

4. Superſtitioſum eſt adhibere imagines, aut characteres inſcriptos ſacris verbis, aut ſigno crucis, certa cum fiducia euadendi è prælio, pellendi morbos, aut non moriendi ſine confeſſione. Vitari autem poteſt ſuperſtitio in imaginibus, vel ſcripturis ſacris adhibendis, aut ad collum appendendis. 1. ſi nihil falſi contineant contra ſacram Scripturam, aut Ecclēſiæ auctoritatem. 2. ſi nihil habeant pertinens ad dæmonis inuocationem. 3. ſi non ſcribantur nomina ignota, vel alij characteres præter ſignum crucis. 4. ſi non collocetur ſpes in modo ſcribendi, v. g. in membrana virginea, vel tali tempore, &c. 5. ſi hæc non adnotentur, *Qui ſecum detulerit, qui has preces recitauerit, non morietur in bello*, &c. hæc enim ſuperſtitionem redolent: Deus enim nullis verbis temporalem effectum inſallibilem pollicitus eſt; aliquando enim expedit illis temporalibus bonis priuari. *ibid. num. 10. & 11.*

5. Superſtitioſum item eſt in publicis ſupplicationibus imaginem alicuius Sancti prouocare in flumen, vt pluat, aut credere tot orationes pro-



desse, non autem pauciores, aut candelam debere esse tantæ longitudinis, & non minoris, aut Missam non prodesse, nisi tot candelæ, talis coloris adhibeantur, &c. *tom. 1. pag. 184. num. 13.*

6. Non est damnandus vsus 30. Missarum S. Gregorij in memoriam, facti S. Gregorij, qui 30. diebus iussit orari pro defunctis, modò circumstantiæ, vel cæremoniæ vanæ non admisceantur. *ibid. num. 16.*

7. Superstitiosus planè, & damnandus est modus curandi vulnera eorum, qui longè absunt, applicato quodam vnguenti genere, aut pulvere, gladio, vittis; seu fasciis, sanguine vulnerati infectis: quia hic effectus non est ab agente naturali, cum nulla virtus naturalis agat in distans: neque dici potest esse à Deo, cum id neque ex Scriptura, neque ex Ecclesiæ traditione constet. Reliquum est igitur vt sit à dæmone ex pacto tacito cum ipso. Huc facit quòd auctor, illius vnguenti (quod vocatur vnguentum armorum eò quòd applicetur ensi, seu gladio, quo fuit vulnus inflictum) fuit Paracelsus, qui fuit auctor damnatus. *ibid. num. 17. & 18.*

8. Familiæ, seu homines, qui, velut ex professo, medentur quibusdam morbis, vt morsui rabidi canis, non sunt simpliciter superstitionis damnandi. Tum quia nonnulli feruntur ab Ecclesiâ, tum quia fieri potest vt hanc gratiam gratis datam acceperint à Deo: huiusmodi tamen homines diligenter examinandi sunt, antequam hanc artem profiteri permittantur: & Confessarij magnam debent adhibere cautionem in absolueudis iis, qui ad sanandos morbos, remedijs vtuntur externis, virtutem naturalem non habentibus ad eos curandos, quamvis publicè tolerantur. *tom. 2. pag. 185. num. 20.*

## ORDO.

### Ordo quid & quotuplex.

1. **O**rdo est Sacramentum, quo specialis potestas traditur ad conficiendum corpus, & sanguinem Christi: nam per Ordinem Sacerdotalem confertur potestas immediata, quâ directè confici potest Eucharistia; per reliquos verò Ordines confertur potestas mediata, per quam exercetur aliquod ministerium quod dirigitur, & ordinatur ad Eucharistiam, tanquam ad finem. *tom. 1. pag. 219. num. 1.*

2. Ordines sunt septem, *Ostiarj, Lectoris, Exorcistæ, Acolyti, Subdiaconatus, Diaconatus, & Sacerdotij.* Episcopatus, propriè loquendo, nō est Ordo, per quem conferatur peculiaris potestas circa Corpus Christi; nam Sacerdos eandem habet potestatem circa sacrificium, quam habet Episcopus, neque character Episcopalis, & character Sacerdotalis sunt duo Ordines, sed vnus, qui dicitur extendi, & perfici in Episcopatu: vnde sequitur Episcopatum non posse validè conferri alicui non Sacerdoti, cum non sit ordo distinctus ab Ordine Sacerdotali, sed illum supponat. *ibidem num. 2. & seq.*



5. Archiepiscopatus, & Papatus non sunt propriè Ordines, neque prima tonsura, per illam quippe non datur potestas specialis circa Eucharistiam, quamvis per ipsam homo fiat capax iurisdictionis Ecclesiasticæ, & beneficiorum, sed est tantummodò præambulum, & dispositio ad Ordines, sicut nouitiatus ad religionem. *tom. 1. pag. 220. num. 5. & 6.*

4. Ordinis Sacramentum institutum fuit in vltima Cæna *Luc. 22.* vbi Christus dixit Apostolis: *Hoc facite in meam commemorationem.* quibus verbis contulit illis potestatem Sacerdotalem, eisque, ac eorum in Sacerdotio successoribus dedit præceptum consecrandi. Cum hoc autem Ordine Sacerdotij, reliqui inferiores sunt instituti, quia in eo continentur eminenter, & ad eum ordinantur. *ibid. num. 7.*

5. Ordo Sacerdotalis est verè, ac propriè Sacramentum, nec Sacerdotalis modò, verum etiam alij singuli sunt Sacramenta, & conferit gratiam; vt patet ex Concilio Trid. *sess. 23. cap. 3.* quod postquam recensuit singulorum Ordinum nomina, absolute asserit Ordinem esse Sacramentum. *ibid. num. 1. & 2.*

*Sacramenti Ordinis materia, & forma.*

6. Materia remota Sacramenti Ordinis est res illa, quæ traditur fuscipienti Ordines. Nempe *Sacerdotalis Ordinis*, calix cum vino, & patena, cum hostia; *Diaconatus*, liber Euangeliorum; *Subdiaconatus*, calix vacuus cum patena; *Acolytatus*, v. ceoli; *Exorcistatus*, liber exorcismorù; *Ostiararius*, cymbalum, & clauis; *Lectoratus*, liber lectionum. Materia autem proxima Sacramenti Ordinis, est traditio harum rerum, quas modò recensuimus. *ibid. num. 1. & seq. pag. 221.*

7. Impositio manuum est materia essentialis Episcopatus; per hanc enim confertur potestas Episcopalis; vt colligitur ex 1. Tim. 4. & Actor. 6. *tom. 1. pag. 221. n. 10.*

8. Contactus materiæ est ita de essentia huius Sacramenti vt non censetur ordinatus, qui hanc non contingit: Quod tamen non est scrupulosè intelligendum, ita vt in Sacerdotio necesse sit hostiam, & vinum immèdiate attingere, sufficit enim tangere calicem, & patenam, quando verba ordinationis, ab Episcopo proferuntur, ita vt contactus & verba, seu forma, saltem moraliter sint simul. *ibid. n. 11. & 12.*

9. Forma Sacramenti Ordinis sunt verba, quæ ab Episcopo proferuntur imperatiuo modo cum expressione potestatis, quæ confertur. Inuocatio SS. Trinitatis non est de essentia formæ. Est autem valida ordinatio, quando plures initiantur Ordine sacro, & Episcopus prolata semel vnica forma in plurali, præbet materiam singulis successiue tangendam, forma non repetita. *ibid. num. 13. & seq.*

10. Ex dictis colligi potest quoddam sit munus; & Officium singulorù Ordinum. Nam Sacerdotis officium est cõficere Sacramentù Eucharistiæ, administrare Sacramenta, exceptis Confirmatione, & Ordine; prædicare verbum



verbum Dei cum licentia Episcopi. *Diaconi officium* est publice legere Evangelium in Ecclesia, ministrare sacrificio, &c. *Subdiaconi* est canere Epistolam, proximè assistere Diacono, illique ministrare. *Acolyti* est porrigere vceolos Subdiacono, &c. *Exorcistæ*, imponere manus super energumenos, & legere exorcismos. *Lectores*, legere Prophetias, & scripturas in Ecclesia. *Ostiarii*, claudere, aperire, & custodire Ecclesiam, &c. *tom. 1. pag. 222. num. 18.*

### Ordinis minister.

11. Proprius Episcopus est ordinarius Sacramenti Ordinis minister; licet autem sit excommunicatus, interdictus, suspensus, aut etiam priuatus Episcopatu, validè tamen Ordines confert; quia adhuc retinet characterem, atque adeo potestatem Ordines conferendi, quamvis eam illicitè exerceat. *ibid. num. 1. & 2.*

12. Possunt Ordines, de licentia Summi Pontificis, conferri ab aliis, quàm ab Episcopis; vt Ordines minores à Cardinalibus Presbyteris, prima tonsura, & Ordines minores ab Abbatibus habentibus ius mitræ, conferri possunt subditis regularibus. Ordines verò maiores non possunt ab alio, quàm ab Episcopo conferri. *ibid. num. 3.*

13. Episcopus non potest subditis alterius Episcopi, nisi de licentia ipsius, Ordines, aut primam tonsuram conferre; dicitur autem proprius Episcopus, qui est Episcopus originis, vel domicilij, vel beneficij, cuius est concedere litteras dimissorias ad Ordines suscipiendos. Potest tamen Episcopus ex privilegio Concil. Trid. *sess. 23. cap. 9.* conferre Ordines suo familiari, qui triennium commoratus sit cum ipso, etiam si sit alterius diocesis, modo statim illi conferat beneficium. *tom. 1. pag. 223. num. 7. & seq.*

14. Capitulum, Sede vacante, concedere potest litteras dimissorias ad Ordines ab alieno Episcopo suscipiendos, in duobus casibus. 1. quando sedes Episcopalis vacauit per annum. 2. quando quis est arctatus, itavt perditurus sit beneficium, nisi statim promoueat ad Ordines. Extra hos duos casus non potest concedere litteras nisi testimoniales. *ibid. n. 23.*

15. Qui à Sede Apostolica obtinuit privilegium suscipiendi Ordines à quolibet Episcopo, non indiget litteris dimissoriis, sed tantum testimonialibus proprij Episcopi, de vita, & moribus, sine quibus si ordinetur, remanet suspensus ab executione susceptorum Ordinum, & ordinans incurrit suspensionem à collatione Ordinum per annum. *tom. 1. pag. 224. n. 28.*

16. Episcopus, qui in aliena diocesi confert Ordines de consensu Episcopi illius diocesis, non potest Ordines conferre clericis, qui non sunt subditi ipsimet Episcopo ordinanti, vel illi Episcopo, de cuius consensu Ordines confert, nisi habeant dimissorias à suis Ordinariis. *ibid. n. 29.*



*Sacramenti Ordinis subiectum capax.*

17. Omnis masculus baptizatus est subiectum capax ordinis, quamuis sit infans carens usu rationis, aut infans, aut hæreticus: nam in cap. *vnico, extra de iis, qui per saltum ordinantur*, habetur illos non esse reordinandos, qui ante discretionis annos acceperunt minores ordines; ergo supponuntur capaces sacramenti ordinis. Qui tamen ordine sacro initiatus est ante usum rationis, non tenetur vi voti ad seruandam castitatem postquam maturam ætatem attigerit, quia votum est deliberata promissio; at qui caret usu rationis, non potest deliberatè promittere *tom. 1. pag. 225. n. 1. & 2.*

18. Probabilius videtur Episcopatum posse conferri puero ante usum rationis; quia non potest sufficiens ratio in contrarium afferri: multi enī sunt Episcopi titulares, qui nullam gerunt animarum curam, & Ecclesiæ administrationem, ergo nihil vetat Episcopatum conferri ante usum rationis. *ibid. num. 4.*

19. Fœminæ sacramentum ordinis suscipere non possunt: quia *1. Tim. 2.* iubentur in Ecclesia tacere; ergo à fortiori, non possunt sacramenta administrare, consequenter non possunt ad ordines promoueri, qui pro fine habent administrationem sacramentorum. Idem dicendum de hermaphroditis, nisi præualeat sexus virilis: sed ne tunc quidem licitè ordinari possunt cum sint irregulares. *ibid. num. 5. & 6.*

20. Vt quis validè, ac licitè ordines suscipiat, hæ conditiones requiruntur. 1. vt sit baptizatus. 2. vt sit confirmatus; validè tamen, sed non licitè Sacramentum ordinis conferri potest. 3. vt habeat primam tonsurā; valida tamen est ordipatio ante primam tonsuram. 4. vt attigerit legitimam ætatem. 5. vt habeat scientiam sufficientem ad usum cuiusque ordinis. 6. vt habeat testimonia morum. 7. vt habeat titulum. 8. vt seruet temporum interstitia, non solum in maioribus, verum etiā in minoribus ordinibus suscipiendis, itavt qui suscepit vltimum minorum ordinum, debeat per annum expectare, antequam ad sacros ordines promoueat. *ibid. num. 7. & seq.*

21. Interstitia non sunt mathematicè computanda, itavt ordinandus nequeat ad ordines promoueri nisi inter vnum, & alterum ordinem traxerit moram 1. 2. mensium completorum; sed moraliter, & iuxta ritum Ecclesiæ, videlicet ab vna quadragesima ad aliam, à Pentecoste ad Pentecostem, &c. licet 12. menses nondum sint elapsi. Dispensatio interstitiorum pertinet ad Episcopum, etiam respectu religiosorum. Suscipiens tamen ordines, non seruatis interstitiis, nullam incurrit censuram, vel irregularitatem; quia non est expressa in iure. *tom. 1. pag. 230. num. 51. 52. 53.*

22. Nona conditio ad ordines suscipiendos, est, vt suscipiens non sit irregularis: nam irregularitas est inhabilitas ad ordines. Præterea carens debita membrorum integritate; aut carens digitis ad hostiam perfringendam adhibendis; aut habens manus tremulas, vt si periculum effunderet calicis;



calicis; aut qui ad mortem alterius cooperatus est; denique spurius, & illegitimus est irregularis, atque adeo inhabilis ad ordines suscipiendos. *ibidem*, num. 55.

23. Decima conditio requisita in suscepturo ordines, est, ut non sit aliqua censura irretitus. Undecima, ut habeat intentionem suscipiendi ordines, si sit adultus; nam in eo, qui caret usu rationis sufficit intentio Ecclesiæ. Metus autem non tollit voluntarium sufficiens ad ordines valide suscipiendos; at qui per vim absolutam ordinatur, censetur carere intentione. Duodecima, ut suscipiens ordines sit in gratia, per confessionem, aut contritionem. Decimatercia, ut cum debitis vestibus ad ordines accedat. *ibidem*, num. 56. & seq.

#### *Sacramenti Ordini s effectus.*

24. Effectus Sacramenti ordinis est duplex. 1. est gratia habitualis, qui effectus est illi communis cum reliquis Sacramentis. 2. est character, qui eodem tempore confertur, quo primus effectus. *tom. 1. pag. 23 1. num. 1.*

#### *Ordinum susceptio illegitima.*

25. Recipiens ordines ante legitimam ætatem poenam suspensionis ab exercitio ordinum incurrit; modo tamen suscipiat aliquem ordinem sacrum mala fide sciens se legitimam ætatem non habere, idque prohiberi sub pena suspensionis; nam qui bona fide, & ignorans legem, sacros ordines suscepit ante legitimam ætatem, non incurrit suspensionem; consequenter neque irregularitatem functiones susceptorum ordinum exercens; mortaliter tamen peccat illas functiones exercens cognito atatis defectu: facit enim contra publicationem Ecclesiæ. *disp. 3. quæst. 1. punct. 1. pag. 322. & 323. tom. 3. num. 1. & seq.*

26. Quæres quænam ætas requiratur ad sacros ordines suscipiendos? Resp. ad suscipiendam primam tonsuram requiri septennium, ita ut nullus ad eam sit admittendus, quem non constet septem annos complevisse. Ad minores ordines non certa ætas præscripta. Ad Subdiaconatum requiruntur 22. anni inchoati. Ad Diaconatum 23. inchoati. Ad Presbyteratum 25. etiamsi per medium tantum diem sint inchoati. Ad Episcopatum 30. anni completi. *ibidem*, pag. 323. num. 4. tom. 3.

27. Suspendio, quam quis contraxit per susceptionem ordinum ante legitimam ætatem arcet ab executione, seu exercitio ordinis suscepti; vnde sequitur eum, qui presbyteratum suscepit ante legitimam ætatem, non prohiberi ad executionem diaconatus, vel subdiaconatus legitimæ ætate suscepti. *ibidem*, num. 8.

28. Qui subdiaconatum vel diaconatum ante legitimam ætatem suscipit, non potest ad sacerdotium promoueri; nam qui ordines ante legitimam ætatem



etatem suscepit, non tantum suspensus est ab usu ordinis sic suscepti, verum etiam a susceptione ordinum superiorum, etiam si iam legitimam etatem attigerit; quia ordo superior virtualiter continet inferiorem; ergo suspensus a functione inferioris suspensus est etiam a susceptione maioris, quia ordo non suscipitur nisi ut exerceatur. *ibid.*

29. Qui sacrum ordinem suscepit ante legitimam etatem, incurrit irregularitatem si illum exerceat etiam in missa ordinationis, v. g. si Diaconus canat Euangelium; facit enim duplicem actionem prohibitam, vnam sub censura suspensionis suscipiendo sacrum ordinem, alteram sub pœna irregularitatis illum exercendo. *ibid. pag. 324. num. 9. tom. 3.*

30. Episcopus suscipiens consecrationem Episcopalem ante legitimam etatem, hanc suspensionem non incurrit; quia Episcopatus propriè non est ordo. *ibid. num. 10.*

31. Absolutio ab hac suspensione impendi potest ab Episcopo, vel alio ab ipso deputato; quia neque absolutio suspensionis, neque dispensatio irregularitatis est reseruata. Neque cessat illa suspensio statim adepta etate, quia est censura, quæ non tollitur nisi per absolutionem. Secus dicendum de irregularitate. *ibid. num. 11. & 12.*

32. Suscipiens ordines per saltum afficitur suspensione. Dicitur autem ordines per saltum suscipere, qui non gradatim promouetur; sed ad superiorem ascendit omisso inferiore; validè tamen suscipit; quia singuli ordines sunt Sacramenta characterem imprimentia, nec necessariam habent inter se connexionem. *ibid. punct. 2. pag. 324. num. 1. & seq. tom. 3.*

33. Promotus per saltum incidit in irregularitatem si functiones ordinis per saltum suscepti exerceat; quia violat censuram suspensionis contra. *Etæ. ibid. num. 2.*

34. Suscipiens ordinem non suscepto Baptismo grauiter quidem peccat; non tamen validè ordinatur; quia Baptismus est ianua omnium Sacramentorum; neque incurrit suspensionem: quia cum non sit baptizatus, non est subiectus Ecclesiæ. *ibid. pag. 325. num. 5. tom. 3.*

35. Suscipiens ordinem vel tonsuram ante confirmationis Sacramentum grauiter peccat; validè tamen suscipit, neque suspensionem incurrit, quia non est in iure expressa. *ibid.*

36. Episcopus suscipiens consecrationem Episcopalem ante alios ordines, non incurrit suspensionem latam contra promotos per saltum; tum quia Episcopatus non est propriè ordo, tum quia censura suspensionis, vel interdicti non ligat Episcopos nisi exprimantur. *ibid. num. 6.*

37. Consecratio Episcopi facta per saltum, est inualida si fiat omisso sacerdotio; tum quia character Episcopalis necessariò supponit sacerdotalem; tum quia Episcopus validè consecratus ordinare potest Sacerdotes; Episcopus autem, qui non est Sacerdos, aliis sacerdotium conferre nequit; igitur non potest Pontificalia exercere antequam nouam suscipiat consecrationem post sacerdotium. *ibid. num. 7.*



38. Promotus per saltum suspenditur. 1. à susceptione ordinum prætermisforum. 2. ab executione ordinis suscepti. 3. à susceptione ordinis superioris, v. g. qui ad diaconatum subdiaconatu omisso susceperit, non potest ad sacerdotium promoueri antequam dispensetur & ordinem prætermissum suscipiat. Non est tamen suspensus ab ordinibus antea rite susceptis. *ibid. num. 9. & 10.*

39. Episcopus in hac suspensione potest dispensare etiam respectu illius, qui maiores ordines per saltum susceperit, etiam si delictum sit publicum, modo tamen is, qui hoc modo ordines susceperit, non exercuerit functiones ordinis suscepti, aut prætermisii. *ibid. num. 12.*

40. Dispensatus ad suscipiendum ordinem prætermissum, censetur etiam dispensatus ad exercendum ordinem susceptum per saltum, immò etiam ad suscipiendum ordinem superiorem; ab eo enim repellebatur solum consequenter, quatenus erat suspensus ab ordinibus inferioribus, ergo sublata suspensione ab inferioribus, cessat etiam circa superiores. *ibid. pag. 326. num. 14. tom. 3.*

41. Ordines sacri, præciso priuilegio Pontificio, ministrandi, & suscipiendi sunt tantummodo in Sabbatis quatuor temporum, aut Sabbato sancto, aut Sabbato proxime præcedente Dominicam passionis. Ordines minores possunt vni, vel duobus conferri diebus Dominicis, & aliis festiuis, si iuris antiqui dispositionem præcisè spectemus. Prima tonsura conferri potest quolibet anni die; quia iura nullum tempus præscribunt. Consecratio verò Episcopi fieri potest qualibet Dominica die. *ib. punct. 3. pag. 326. num. 1. & seq. tom. 3.*

42. Suscipiens sine dispensatione sacros Ordines extra tempora constituta, censuram suspensionis iure nouo statim incurrit; hæc autem suspensio impedit executionem ordinum susceptorum. Porro Episcopus potest ab hac suspensione absolvere. *ibid. num. 4. & seq.*

43. Suscipiens plures ordines eodem die absque dispensatione, suspensionem incurrit. Suscipiens item minores ordines, vel primam tonsuram cum subdiaconatu, aut cum alio ordine sacro, iuxta communio rem sententiam, incurrit suspensionem ab executione ordinis illius facti, quem eo die suscipere non poterat; modo nulla obtinuerit consuetudo in contrarium. *ibid. punct. 4. §. 1. pag. 327. n. 1. & 2. tom. 3.*

44. Episcopus conferens eidem plures ordines eodem die suspenditur à collatione ordinum, donec à Papa dispensetur. *ibid. num. 4.*

45. Potest Episcopus facultatem dare suscipiendi omnes ordines minores eo die, quo Ecclesia ordines conferre permittit: Ordines vero sacri non possunt nisi de licentia Papæ eodem die conferri. *ibid. n. 6.*

46. Solus Summus Pontif. potest dispensare in suspensione contracta ab eo qui plures sacros Ordines, aut minores cum subdiaconatu suscepit. Excipitur tamen casus, in quo Abbas, & Episcopus dispensare possunt; quando scilicet ordinatus religionem ingressus est, & peracta poenitentia



tia laudabiliter in religione vixit. *ibid. num. 7.*

47. Conferens aut suscipiens Ordines non seruatis interstitiis, grauius quidem peccat violando leges Ecclesiasticas; non tamen incurrit pœnam suspensionis; nulla enim est expressa in iure. §. 2. pag. 327. num. 1. Interstitia autem sunt ita computanda vt inter vnum, & alterum ordinem annus integer intercedat; hic tamen annus est moraliter computandus iuxta ritum Ecclesiæ, v. g. à Pentecoste ad Pentecostem. pag. 328. num. 2. tom. 3.

48. Episcopus in interstitiis circa minores Ordines dispensare potest cum sibi subditis, & circa diaconatum, in interstitiis verò inter minores ordines, & subdiaconatum, & inter diaconatum, & Sacerdotium dispensare non potest, nisi adsit necessitas, vel utilitas Ecclesiæ, iudicio ipsius Episcopi. *ibid. num. 3.*

49. Eadem facultas dispensandi in interstitiis competere videtur capitulo, Sede vacante, seu ipsius Vicario. Probabile est etiam Abbates in his casibus, in quibus tonsuram, & minores ordines conferre possunt, cum iisdem posse dispensare in interstitiis circa minores ordines. *ibid. n. 5.*

50. Potest Episcopus dispensare in interstitiis etiam cum religiosis ex causa sibi à superioribus ipsorum per attestationem expressa; quia religiosi non sunt deterioris conditionis quam ceteri. *ibid. n. 8.*

51. Non solum excommunicatio, sed etiam suspensio contrahitur ob simoniam tam ab eo, qui ordines simoniacè confert, quam ab eo, qui per simoniam suscipit, nisi ignorantia excuset, vt si tertius quispiam det pecuniam Episcopo in seculo ordinando; enim hic careat culpa, excusatur à censura. *ibid. punct. 5. pag. 328. tom. 3.*

52. Suscipiens simoniacè ordines bona fide non contrahit suspensionem, etiam si post ordinationem ratificet simoniam ab altero commissam; hic enim nullam simoniam committit, sed ab alio commissam approbat. Secus dicendum si antequam ordines susciperet, animaduertit simoniam ab altero commissam fuisse occasione ordinis à se suscipiendi, tunc enim abstinere tenetur ab ordinis susceptione. *ibid. n. 3.*

53. Ista suspensio arcet ab exercitio ordinum susceptorum, & ab aliis suscipiendis; non tamen ab officio, & beneficio, nisi sic suspensi ministrauerint seu ordinum functiones exercuerint. *ibid. pag. 329. n. 8. tom. 3.*

54. Suspensio lata contra simoniacos in ordine perpetua est; quia iura absolute loquuntur. Pius autem V. in eiusmodi simoniacos sententiam tulit suspensionis ab ordinibus simoniacè susceptis per decennium, & incarcerationis per annum. *num. 10.*

55. Potest Episcopus absoluerè suum subditum à simonia occulta & à suspensione ob illam contracta, necnon rehabilitare ad ordines & beneficia antea obtenta, non tamen ad beneficia in posterum obtinenda ita declarauit sacra Cardinalium Congregatio. *ibid. num. 11.*

56. Excommunicatus ob clerici percussorem incurrit suspensionem, vel, vt alij volunt, irregularitatem suscipiendo ordines ante obtentam ab-

solu-



solutionem ab excommunicatione. Idem dicendum de eo, qui est obstrictus alia qualibet excommunicatione maiori, nisi ignorantia, aut inadvertentia excuset; quamquam in foro exteriori non presumitur ignorantia, quia factum graue est, & ius valde manifestum. *ibid. punct. 6. pag. 330.* Excusatur etiam excommunicatus qui per vim, aut metum grauem ordines suscipit. *ibid.*

57. Excommunicatus suscipiens consecrationem Episcopalem iuxta, probabilior sententiam, non incurrit hanc suspensionem, tum quia Episcopatus non est ordo, tum quia censura non afficit Episcopos nisi exprimitur. Idem dicendum de excommunicato suscipiente primam tonsuram; quia hæc etiam propriè non est ordo. *ibid. num. 3.*

58. Hæc suspensio excommunicati ordines susipientis suspendit clericum sacularem ab executione ordinis in excommunicatione suscepti, non autem ab exercitio aliorum extra excommunicationem susceptorum: Regularem verò suspendit ab executione ordinis, & officij; sic enim iura decernunt. *ibid. pag. 331. n. 5. tom. 3.*

59. Absolutio ab hac suspensione respectu clerici secularis reservata, est Papæ si delictum sit publicum; si autem sit occultum, Episcopus potest dispensare. Religiosus verò absolui potest à suo Abbate, modò ex inadvertentia facti, vel ignorantia iuris deliquerit, & factum non sit graue. *ibidem, num. 7.*

60. Coniugatus suscipiens illicitè aliquem sacrorum ordinum tam ante, quam post consummatum matrimonium, incurrit suspensionem, & irregularitatem. *ibid. punct. 7. num. 1.*

61. In his autem casibus licet viro coniugato, etiam durante matrimonio, sacros ordines suscipere. 1. quando matrimonium nondum fuit consummatum; potest enim religionem ingredi, & emissâ professione, sacros ordines suscipere. 2. quando vxor consummato matrimonio ingreditur religionem, & in ea de mutuo consensu proficitur. 3. quando vxor de consensu viri castritatis votum emitit, & concedit viro licentiam suscipiendi sacros Ordines. Idem dicendum videtur, quando vir coniugatus ad Cardinalatum promouendus est, cum Cardinalatui adnexus esse soleat ordo sacer. 4. quando per sententiam factum est diuortium, quoad torum, & habitationem; tunc enim licet viro innocenti, etiam inuita coniuge religionem ingredi, aut sacros Ordines suscipere; coniugi verò adultero non licet sine tacito vel expresse coniugis innocentis consensu. *ibid. n. 3.*

62. Suspensio lata contra coniugatos suscipientes Ordinem sacrum, suspendit ab executione ordinis suscepti, & à susceptione superiorum, necnon ab officio, & beneficio; sic enim iura decernunt. Estque hæc suspensio, & irregularitas perpetua, donec per dispensationem auferatur; neque enim tollitur per dissolutionem matrimonij. Eius autem absolutio reservata est Papæ, nisi crimen sit occultum. Episcopo tamen concessa est facultas absoluendi, quando coniugatus ingreditur religionem, & in ea, profite-



proficitur. Item dum crimen est occultum; dispensatus tamen non poterit durare matrimonio ordines exercere. *ibid. pag. 332. n. 8. & seq. tom. 3.*

63. Suscipiens culpabiliter ordines absque ullo titulo, suspenditur ab executione ordinum. Idem sentiendum de ordinatis dolose titulo ficto, seu fiduciario, cum scilicet fingunt se habere, quod non habent, aut mutantur titulum ab alio cum promissione restituendi post ordinationem. *ibid. punct. 8. pag. 333. num. 1. & 3. tom. 3.*

64. Qui ficto titulo obtinuit litteras dimissorias, suscipiendo sacros Ordines, duplicem suspensionem incurrit; vnam, quia suscipit ordines absque titulo; alteram, quia fuit ordinatus ab alieno Episcopo cum litteris dimissoriis subreptitiis, & per dolum obtentis, atque adeo nullis. *ibidem, pag. 334. num. 5. tom. 3.*

65. Suscipiens sacrum Ordinem absque titulo, illumque exercens antequam absolatur à suspensione, incidit in irregularitatem; quia violat suspensionem. *ibid. num. 6.*

66. Qui assignato sibi vero patrimonio, sacrum Ordinem suscipit, eoque suscepto retrodonat, & renunciat patrimonium donatori, non incurrit suspensionem, etiam si post hanc renunciationem ad superiores ordines ascendat; hic enim dici non potest ordinatus absque titulo, cum illa retrodonatio irrita sit, & inualida ex decreto Trid. *sess. 21. c. 2. ibid. n. 7. t. 3.*

67. Is cui assignatum fuit patrimonium cum pacto, & iuramento illud restituendi, seu non petendi quidquam, ex probabili sententia non contrahit suspensionem modo non restituat ante ordinationem, & pactum non inierit cum ordinante, vel presentante ad ordines; cum enim illa assignatio valida sit, non potest dici ordinatus sine titulo. Opposita tamen sententia est etiam probabilis, quia hic titulus videtur fiduciarius. *ibid. num. 8.*

68. Qui promouetur ad titulum beneficii, quod actu non possidet, sed solum in potentia, contrahit suspensionem; tum quia promouetur sine titulo; tum quia Concil. Trid. *sess. 21. cap. 2.* non vult quatenus ad ordines promoueri, nisi beneficium pacifice possideat. Secus dicendum videtur si beneficium fuit illi collatum, sed nondum adit possessionem, quia non dicitur absolute ordinatus absque titulo. *ibid. num. 11.*

69. Qui beneficium inualide obtinet, incurrit suspensionem, si ad illius titulum promouetur; quia non habet reuera titulum beneficii, sed est intrusus, etiam si alioquin beneficium pacifice possideat. *ibid. n. 12.*

70. Qui ordinatur ad titulum patrimonij, quod hypothecæ subiectum est pro debito, incurrit suspensionem; quia non habet legitimum titulum, bona quippe transeunt cum onere hypothecæ; posito autem hoc onere, non potest ordinatus aliter ex iis bonis si creditor velit sibi satisfieri; si bona non sunt hypothecæ subiecta, ordinatus ad illorum titulum non contrahit suspensionem, licet prematur graui ære alieno; ille enim titulus est legitimus; fieri tamen potest ut grauius peccet, si aliunde non possit creditoribus satisfacere. *ibid. pag. 335. num. 16. tom. 3.*



71. Triplex est titulus, ad quem aliquis ordinari potest ne suspensionem incurrat; 1. est beneficii Ecclesiastici. 2. est patrimonij, seu pensionis, nomine autem patrimonij intelliguntur bona tam acquisita propria arte, vel hereditate, quam donatione vera, & non ficta. 3. titulus est professionis; religiosus enim professus promoueri potest ad sacros ordines, quia religio ipsum altere tenetur. Porro non quodlibet beneficium, aut patrimonium, sufficit ad titulum, sed debet esse huiusmodi, ut ad vitam sustentationem, sufficiat, ne clericus cum Ecclesiastici status dedecore mendicare cogatur. *ibid. num. 13. & 17.*

72. Qui non habet titulum patrimonij per se sufficientem, potest nihilominus ordinari si habeat patrimonium, quod beneficii defectum supplere possit; modò sit certum, nec pendeat ab alterius voluntate. *ib. num. 21.*

73. Titulus ad quem clericus ordinatur, debet esse perpetuus respectu ipsius clerici; quare nec beneficium resignari, nec patrimonium ad cuius titulum ordinatus est, alienari potest absque licentia Episcopi, donec aliunde habeat unde viuat. Hinc sequitur vicariam temporalem, capellaniam, & alia beneficia non perpetua, pro titulo non sufficere. *ibid. num. 22. & seq. pag. 336. tom. 3.*

74. Ordinans religiosum nondum professum suspenditur per annum à collatione talis ordinis. Ordinans aliquem absque titulo, cum pacto ut ordinatus nihil ab eo petat, suspenditur per triennium à collatione ordinum. Praesentator praesentans cum eodem pacto suspenditur per triennium ab executione ordinum. Ordinans aliquem sine titulo tenetur eum alere donec ei aliunde prospiciatur; ipso autem mortuo, alendus est ab eius successore. *ibid. num. 25.*

75. Absolutio ab hac suspensione impendi potest ab Episcopo modò nullum interuenerit pactum cum ordinante vel praesentante non petendi quidquam; tunc enim absolutio conferenda est à Papa modò delictum sit publicum. Est etiam probabile confessarium, qui habet generalem facultatem absoluendi à censuris, posse etiam absolvere in foro conscientiae à suspensione, etiamsi contracta sit ob defectum tituli, vel ob malam ordinis suspensionem. *ibid. num. 30. & seq.*

76. Qui ordines sacros suscipit ab Episcopo, qui Episcopali dignitati renunciauit, contrahit suspensionem ordinum, quos ab illo Episcopo suscepit. Dicitur autem Episcopus renunciare dignitati, qui non tantum renunciat Episcopatu, quoad locum per resignationem; sed etiam qui potestatem ordinis, & iurisdictionis dimittit quantum in se est, & sequae eius vsu priuat. Nam qui Episcopatu renunciauit quoad locum tantum, potest de licentia Episcopi loci ordines conferre. *ibid. punct. 9. pag. 337. tom. 3.*

77. Hae suspensio est Papae reseruata, nisi interuenerit ignorantia inuincibilis, aut etiam vincibilis, modò non fuerit crassa, & supina; tunc enim ab Episcopo tolli potest. *pag. 338. num. 14. tom. 3.*

78. Sulcipiens ordines ab Episcopo excommunicato, suspensio, vel in-

terdi-



terdicto vitando, incurrit suspensionem ab executione ordinū, quos ab eo suscepit; quia hic Episcopus non potest licitè Pontificalia exercere. Idem dicendum de suscipiente ordines ab Episcopo simoniacò, deposito, degradato, hæretico, schismatico vitando; nam si est toleratus, vsu iurisdictionis non priuatur; consequenter ab eo suscipiens ordines suspensionem non incurrit. *ibid. punct. 10. num. 1. & 2.*

79. Ignorans Episcopum, à quo ordines suscipit, esse excommunicatum, suspensum, &c. non propterea eximitur à suspensione, etiamsi laboret ignorantia inuincibili; quia nemo dare potest, quod non habet; sed Episcopus excommunicatus, suspensus, &c. non habet vsum ordinum, ergo neque illum conferre potest. *ibid. pag. 338. 339. tom. 3. n. 4.*

80. Episcopus consecrationem suscipiens ab Episcopo excommunicato vitando, &c. eandem suspensionem contrahit, ob defectum potestatis in conferente; neque enim potest vsum illius ordinis conferre, quem ipse non habet. Valida tamen est consecratio, neque est repetenda, quia prouenit à charactere Episcopali indebiliter in anima inhaerente. *ibidem, pag. 339. num. 6. & 7. tom. 3.*

81. Hæc suspensio non potest ab alio tolli, quàm à Papa; quia contrahitur ob defectum potestatis in conferente; nullus autem inferior Papa supplere potest illum defectum. Atque hæc ratio valet tam in suscipiente ordines culpabiliter, quàm inculpabiliter, quia hæc suspensio non prouenit ex culpa suscipientis, sed ex impotentia conferentis. *ibid. num. 8.*

82. Suscipiens ordines ab alieno Episcopo absque licentia proprii, seu sine litteris dimissoriis, suspensionem ab executione ordinum ita susceptorum incurrit; unde sequitur eum affici irregularitate, si functiones huiusmodi ordinum exerceat, antequam à suspensione absoluat. *ibid. punct. 11. pag. 340. num. 1. tom. 3.*

83. Monachi, & religiosi exempti, qui sine sui Abbatis, suorumque superiorum licentia ordines suscipiunt ab Episcopo illius vel alterius diœcesis, ex probabiliori sententia, eandem suspensionem incurrunt: quia hi non sunt ordinati à proprio Episcopo; Episcopus enim etiam eiusdem diœcesis, censetur extraneus, nisi ordinet religiosum cum licentia superiorum. Ad hæc Concilium Tridentinum fert suspensionem generalem contra promotos ad ordines absque testimonio Ordinarij commendantis probitatem, & mores ordinandi. *ibid. num. 3.*

84. In his tamen casibus suscipiens ordines ab alieno Episcopo suspensionem non incurrit. 1. quando proprius Episcopus suspensus est, & suspensio est manifesta; tunc enim ipso iure conceditur ipsius subditis vt ab alio ordinari possint modò reliqua seruentur. 2. quando Episcopus ordinat suum familiarem, qui secum per triennium commoratus fuit, modò Episcopus ille habeat diœcesim; (Episcopus enim titularis id non potest;) & statim beneficium ei conferat. 3. quando quis bona fide ordinatur ab alieno Episc. sine licentia, nesciens id esse prohibitum. *ib. n. 6. & seq. p. 341. n. 3.*



85. Rati habitio non videtur excusare ab hac suspensione, quando scilicet Episcopus ordinat subditum alterius sub rati habitioe, credens fore ut illius Episcopus cognita ordinatione factum approbet: quia in iis quae sunt contra iurisdictionem alterius, non facile praesumitur rati habitio; nullus quippe facile praesumitur cedere iuri suo: & ex opposita sententia datur occasio perturbandi iurisdictionem. *ibid. num. 14.*

86. Episcopus conferens primam tonsuram subdito alterius dioecesis absque licentia proprii Episcopi incurrit suspensionem per annum à collatione tonsurae clericalis, & qui ab illo tonsuram accepit, caret privilegio clericali, neque potest beneficium, vel pensionem sine dispensatione Apostolica obtinere; perinde enim est ac si tonsuram non haberet, cum irrita sit tonsura. *ibid. num. 19.*

87. Qui à Summo Pontifice rescriptum, seu privilegium obtinuit ut possit ordines suscipere à quolibet Episcopo, potest ordinari absque litteris dimissoriis, non autem absque commendatiis, alioquin ordinans suspenditur à collatione ordinum per annum, & ordinatus incurrit suspensionem à susceptorum ordinum executione. *ib. pag. 342. num. 22. tom. 3.*

88. Litterae dimissoriae obtinendae sunt ab Episcopo, vel eius Vicario speciale mandatum habente. Capitulum tamen Ecclesiae Cathedralis potest eas concedere in duobus casibus. 1. quando Sedes Episcopalis ultra annum vacavit. 2. quando quis ratione beneficii obtenti, vel obtinendi arctatur ad sacros ordines suscipiendos; tunc enim Capitulum potest per Vicarium electum, Sede vacante, dimissorias concedere. *ibid. num. 23. & 24.*

89. In concedendis litteris dimissoriis haec sunt servanda. 1. legitimum, examen, & approbatio. 2. ut in dimissoriis addatur causa cur proprius Episcopus ordines conferre non possit. 3. exprimendi sunt ordines ad quos suscipiendos dimissoriae conceduntur. 4. exprimendum est an concedatur facultas generalis suscipiendi ordines à quocumque Episcopo; an vero specialis, ab hoc, aut illo. Porro litterae dimissoriae non expirant morte concedentis, & concessae à Capitulo, etiam finita Capituli potestate valent. *ibid. num. 25. & 26.*

90. Absolutio ab hac suspensione obtineri potest ab Episcopo. Exercens autem functiones ordinum absque licentia susceptorum dispensari etiam potest ab Episcopo ob irregularitatem per illud exercitium contractam, modo delictum sit occultum. *ibid. n. 28.*

91. Suscipiens ordines à proprio Episcopo in aliena dioecesi, absque licentia Episcopi illius dioecesis, incurrit suspensionem ab usu ordinum susceptorum; quia Episcopus in aliena dioecesi non potest Pontificalia exercere absque expressa licentia Ordinarii loci. *ibid. pmitt. 12. n. 1.*

92. Haec suspensio non est Summo Pontifici reservata, sed potest ab Episcopo tolli. *ibid. num. 5. pag. 343. tom. 3.*

93. Oblitricus maiori excommunicatione, suscipiens ordines sacros incurrit



incurrit irregularitatem. Suspendus autem vel interdictus, minime: quia iura loquuntur solum de excommunicato. Item qui vno, eodemque die suscipit duos ordines sacros, vel minores cum aliquo ordine sacro, contrahit irregularitatem, vel potius suspensionem, cuius dispensatio, si delictum est publicum, pertinet ad Summum Pontif. si occultum, etiam ad Episcopum. *tom. 1. pag. 475. num. 1. & seq.*

94. Excommunicatus, suspendus, vel interdictus, incurrit irregularitatem exercens solemniter, vel ex officio, actus maioris ordinis, nisi excusetur ratione necessitatis, vel scandali vitandi, vel ignorantiae, vel inadvertentiae, vel obliuionis. Item Episcopus excommunicatus, vel suspendus incurrit irregularitatem exercens ordinem Episcopalem. In hac autem irregularitate solus Papa dispensat, quando delictum est publicum. *tom. 1. pag. 476. num. 1. & pag. 477. n. 9. & 11.*

95. Clericus ministrans solemniter in ordine sacro, quem non habet, incurrit irregularitatem, si scienter, & serio, & ex officio ministret. Quare clericus, qui non est subdiaconus, canens Epistolam sine manipulo, non incurrit irregularitatem: quia non exercet solemniter subdiaconatum. Verum si cum manipulo, & dalmatica Epistolam canat, non intendens exercere ex officio, sed solum supplere defectum subdiaconi, non fit irregularis: quia non dicitur propriè exercere ex officio, neque actus sine intentione dicitur completus. In hac autem irregularitate solus Summus Pontifex dispensat, ut scilicet quis possit ad vteriores ordines promoueri. Episcopus verò potest dispensare ut exerceat ordines susceptos; immò etià ut alios suscipiat si delictum sit occultum. *ibid. num. 1. & seq. & pag. 478. num. 10.*

## P.

## P A P A . P A P A T V S .

*Papatum ambientes.*

1. **P**AVLVS IV. in Bulla 16. quæ incipit, *Cum secundum Apostolum*, confirmat primò censuras, & penas latas contra ambientes Papatum, & simoniam ea occasione committentes. Deinde tractantes de eligendo futuro Pontifice, viuentē adhuc Pontifice, eoque inconsulto excommunicat, & priuat omnibus dignitatibus, officiis, fructibus, voce actiua, & passiva, & infamiae notam inurit, Easdem verò penas, & censuras extendit ad eos, qui consilium, auxilium,



& fauorem præstant, nisi quamprimum reuelarint. Denique impugnantes hanc Bullam ipso facto excommunicat, & contra ipsos tanquam contra schismaticos, & hæreticos inquiri mandat. *disp. 2. quæst. 3. punct. 1. pag. 187. num. 1. tom. 3.*

2. Ambiens Papatum post mortem Pontificis, ligatur excommunicatione Iulij II. in Bulla quæ incipit, *Cum tam diuino*, quæ recepta fuit à Concilio Lateranensi *sess. 5.* sub Leone X. addita excommunicatione contra simoniacè procurantes post mortem vnius Pontificis, eligi in Pontificem. *ibid. num. 4.*

3. Hæc excommunicatio est Papæ reservata.

### De Papæ electione sponsonem facientes.

4. Gregorius XIV. in Bulla, *Cogit nos deprauata*, excommunicationem imponit ipso facto imponendam facientibus sponsones super vita, morte, & futura electione Pontificis, aut super promotionibus Cardinalium. Præterea Ecclesiasticas personas huius criminis reas priuat omnibus dignitatibus, beneficiis, & officiis, & ad illa inhabiles reddit. *disp. 2. quæst. 3. punct. 2. pag. 188. num. 1. tom. 3.*

5. Eandem censuram incurrunt omnes publica auctoritate fungentes qui prædictas sponsones tacitè, vel expressè in locis sibi subiectis fieri permittunt. *ibid. num. 4.*

6. Qui auxilium, consensum, fauorem, aut cõsiliu in huiusmodi sponsonibus præstant, vel sunt proxenetæ, & mediatores ad eas faciendas, eiusdem excommunicationis sunt rei. *ibid. num. 5.*

7. Is qui pecuniam occasione sponsonum accepit, in articulo mortis validè absolui potest, dummodò intentionem habeat restituendi cum prium commodè poterit. *ibid. num. 7.*

8. Præcisâ prohibitione, huiusmodi sponsones licitè fieri possunt, & pretium ea occasione acceptum potest retineri: quia sunt de re dubia. *ibid.*

9. Hæc excommunicatio est Pontifici reservata, excepto mortis articulo, cum præuia restitutione.

### Summo Pontifici feudum suadentes.

10. In Bulla 35. quæ incipit, *Admonet nos*, à Pio V. lata est excommunicatio contra eos qui tractant, consulunt, aut verba faciunt de alienandis, aut inuendandis bonis ad Ecclesiam Rom. immediatè pertinentibus. Hæc autem Bulla confirmata fuit à successoribus Pontificibus præsertim à S. D. N. Urbano VIII. in Bulla quæ incipit *Sacro sancti. Disp. 2. quæst. 3. punct. 41. pag. 253. tom. 3.*

11. Eidem excommunicationi subiiciuntur proponentes mittendos esse ea de causa ad Sedem Apostolicam oratores, ipsique suscipientes munus



nus Oratoris; necnon insinuantes, vel suadentes Summo Pontifici eiusmodi infeudationem, seu alienationem. *ibid. num. 3.*

12. Bona quæ fisco Pontificio addicuntur ob delicta, in hac Pij V. Bulla ampliùs non comprehenduntur ex constitutione Gregorij XIII. in Bulla 65. quæ incipit, *Tanta, tamque horrenda.* & ex constit. Sixti V. in Bulla 5. quæ incipit, *Hoc nostri Pontificatus iniurio.* Item sub hac Pij V. Bulla, non comprehenduntur per triennium loca quæ Camera Apostolica emit à Baronibus, ex constit. Clementis VIII. in Bulla 41. quæ incipit, *Iustitiae ratio.* Igitur qui horum bonorum alienationem, vel infeudationem procurant, ab hac censura eximuntur. *ibid. num. 6.*

*Papæ electio simoniaca.*

13. Iulius II. in Bulla quæ incipit, *Cum tam diuino,* electionem Papæ simoniacè factam, absolute, & omnino irritat, grauesque pœnas tam electo, quàm eligentibus imponit; denique statuentes, disponentes, vel facientes, seu attentantes aliquid Sede vacante contra illam constitutionem. *disp. 2. quest. 7. punct. 1. §. 1. pag. 281. tom. 3.*

14. Primum autem, & præcipuum quod cauetur in hac Bulla est, ne electio Papæ fiat cum hæresi simoniaca dando aliquid, promittendo, vel recipiendo per se, vel per alium; crimen autem simoniæ vocatur hæresis, quia qui hoc crimen committit, spiritualia pretio æstimat. Præterea in hac Bulla fit omnibus facultas recedendi ab obedientia Papæ simoniacè electi, & Cardinales possunt brachium seculare implorare, si per simoniam electus ingesserit se regimini vniuersalis Ecclesiæ. Ad hæc omnes mediatores huiusmodi electionis priuantur ipso facto honoribus, beneficiis, & sunt tam actiue, quàm passiue instabiles, ipsorumque bona fisco addicuntur. Vltimò Cardinales non complices possunt alium eligere, adhibitis etiam Cardinalibus complicitibus simoniæ, qui se adiungere voluerint. *ibid. num. 3.*

15. Hæc excommunicatio est Papæ reservata.

*Papæ electio contra formam.*

16. Gregorius XV. & Urbanus VIII. excommunicationem tulerunt contra Cardinales non seruantes formam in eligendo Summo Pontifice, præscriptam à Gregorio, aut præsumentes aliquid facere vel attentare contra ipsam Bullam, quæ incipit, *Aeterni Patris.* *ibid. §. 2. pag. 182. tom. 3.*

17. In hac Bulla sub excommunicatione præcipitur, vt electio non fiat, nisi clauso conclau, & per secreta suffragia, vel per viam compromissi, vel quasi per inspirationem, alioquin electio fit irrita, &c. *ibid. num. 5.*

18. Hæc excommunicatio est Papæ reservata.



*In electione Papa observanda.*

19. In cap. *Vbi periculum, de elect.* in 6. statuitur vt domini, & officiales illius ciuitatis in qua mortuus est Summus Pontif. & in qua electio noui Pontificis est facienda, praestent iuramentum personaliter coram clero, & populo, se obseruatueros, & obseruari facturos ea quae in practicato textu habentur, & si ea non obseruauerint, excommunicationem ipso facto incurrant, sint perpetuo infames, inhabiles ad dignitates, & officia, feudis, & Ecclesiasticis bonis priuentur, & ciuitas sit interdicta, & priuata Episcopo. *disp. 2. quest. 10. punct. 1. pag. 3 11. num. 1. tom. 3.*

20. Haec autem in practicato cap. praescribuntur circa Summi Pontif. creationem seruanda. 1. vt electio post 10. dies ab obitu Pontificis celebretur in ea ciuitate in qua Pontifex cum sua curia residebat: sin obiit extra ciuitatem, electio fiat in sua curia residebat; sin obiit extra ciuitatem, electio fiat in ciuitate in cuius territorio e vita migrant. 2. vt nullus ad Cardinales in conclaue accedat exceptis seruentibus, vel nuncium mittat. 3. vt nisi intra dies ab ingressu in conclaue electio fiat, vnum ferculum tantum detur Cardinalibus per quinque dies, quibus elapsis nihil prater panem, vinum, & aquam accipiant. 4. vt Cardinalis post aliorum ingressum superueniens nondum facta electione, admittatur in eodem negotio, in illo statu in quo ipsum inuenerit. *ibid.*

## P A R E N T E S.

*Honor parentibus exhibendus.*

1. **H**onor parentibus exhibendus haec quatuor complectitur. 1. reuerentiam. 2. amorem. 3. obedientiam. 4. sustentationem Parentum, autem nomine, quatuor personarum genera intelligantur. 1. Parentes à quibus per generationem, vitam hausimus, seu mediata vt auus, abauus, &c. seu immediata vt pater, & mater. 2. superiores qui salutis nostrae spiritualis curam habent, vt Episcopus, Parochus, &c. 3. Imperatores, Reges, & Principes qui temporalia curant. 4. tutores, curatores, & magistri. *tom. 2. pag. 281. num. 1. & 2.*

2. Parentibus debetur reuerentia exterior, & interior. Quamobrem grauius peccant qui parentes dictis, vel factis ad grauem prouocant iracundiam, aut verbis contumeliosis violant; qui vel leuiter percutiunt, aut manum ad percutiendum attollunt cum sufficiente deliberatione; qui parentes dedignantur, vel contemnunt, nisi iustam habeant causam auersionis, vt propter haeresim, aut prodicionem. *ibid. num. 2. & pag. 282. num. 4.*

3. Amor quo filij tenentur parentes prosequi, consistit 1. in fuga odij, vt scilicet parentes non oderint. 2. in exhibitione signorum amoris. Hisce requiritur illos grauius peccare qui graue aliquod malum animae, vel corporis



poris optant parentibus, v. g. qui cupiunt illis mortem, vt fruuantur hæreditate, aut qui toruis oculis illos ferè semper intuentur, & verbis asperis alloquuntur, quamvis fortè ex animo diligant; quia parentibus debetur etiam amor externus. *tom. 2. pag. 282. num. 2. & 3.*

4. Filij tenentur parentibus obedire in iis omnibus in quibus sunt illis subiecti, vt in iis quæ spectant ad mores, ad salutem animæ, ad domesticam gubernationem, &c. In iis autem quæ pertinent ad vitæ statum deligendum, non tenentur filij parentibus morem gerere: quare filius potest infcio, vel invito patre, statum religiosum assumere, si sciat patrem de hac re monitum, reclamaturum, & impediturum. *ibid. num. 1. & 2.*

5. Filij parentibus in necessitate seu spiritali, seu corporali constitutis tenentur subuenire, modò possint. Quare filius qui non curat parentes in mortis articulo muniri Sacramentis, aut impedit ne testamentum cõdant, vel ne aliquid pauperibus in animæ suæ utilitatem erogent grauitè peccat. Idem sentiendum de eo qui corporalem parentum necessitatem, aut infirmitatem, non subleuat. *tom. 2. pag. 283. num. 1. & 2.*

6. Parentibus in extrema, aut etiam graui necessitate constitutis, tenentur filij ab ingressu religionis abstinere, & egredi è religione etiam post professionem, vt parentes alant: quia præceptum consilio præferendum est; modò tamen constet tantam esse necessitatem cui subuenire teneantur. *ibid. num. 4. & seq.*

7. Filius in foro conscientie non tenetur soluere debita patris quæ vires hæreditatis excedunt, etiam si inuentarium non confecerit. At si bona filio relicta sufficiant ad satisfaciendum creditoribus, sed illa sint affecta, vinculo primogeniorum, filius debet ex fructibus annuis bonorum primogeniorum satisfacere creditoribus, quando debita fuerunt contracta, post institutionem primogenituræ; non verò tenetur satisfacere ex bonis ipsis, quia primogenitus non habet huiusmodi bonorum plenum dominium, sed administrationem, & vsum fructum dum viuit. Sin debita contracta fuerant ante institutionem primogenituræ, satisfaciendum est etiam ex bonis immobilibus; quia pater non potuit eximere bona ab obligatione reali in fraudem creditorum. *ibid. num. 10.*

*Parentes quid filiis debeant.*

8. Parentes tenentur curam gerere filiorum, non in iis modò quæ ad corpus; sed in iis maxime quæ ad animam spectant. Quare parentes qui non dant operam vt filij addiscant ea quæ pertinent ad salutem, vt præcepta Dei, & Ecclesiæ seruent, &c. grauitè peccat. Item qui peccati mort. occasiones à filiis non auertunt, vt si filiabus permittant amatores ad malum finem, &c. Item qui filios dum peccant non obiurgat, & cum opus est non castigant. Item qui filios malo exemplo, aut cõsilio deprauant, &c. Tenentur etiam parentes, filiis alimenta, & filiabus dotem præbere: nisi nullam



iustum habeant exheredandi causam; neque ab hac parentum cura spurij excluduntur. *tom. 2. pag. 284. num. 1. & seq.*

9. Pater, qui filio licet spurio, sine graui causa negligit alimenta praebe-  
re, grauius peccat; nisi sit adeo pauper vt non possit. Mortuo autem pa-  
tre, hoc onus spectat ad haeredes. Potest etiam clericus, si patrimonium  
non sufficit, ex beneficij fructibus alimenta, vel dotem filia spuria prae-  
beret. *ibid. num. 2. & pag. 285. num. eod.*

10. Mater non peccat mortaliter, quae filio alimenta non praebet exce-  
pto lacte, nisi pater prae inopia illum alere non possit: haec enim obligatio,  
ex iuris dispositione, incumbit patri. Tenetur quidem mater, sub pecc.  
mort. bonam nutricem filio quaerere; non tamen peccat mortal. per se lo-  
quendo, si per se ipsam non lactet, quamuis commodè possit: quia filius in-  
de non patitur graue damnum. *tom. 2. pag. 285. num. 3. & 4.*

11. Parentes, qui sine iusta causa filios hospitali exponunt, mortaliter  
peccant: videntur enim filios deferere, & contra naturalem pietatem à se  
abdicare, idque filiis est probrosum; Qui tamen filios rationabilem ob  
causam ita exponunt, tenentur satisfacere expensis ab hospitali factis in fi-  
lios alendos, si quidem sunt diuites: domus enim hospitalis non est insti-  
tuta ad alendos filios diuitum, sed pauperum. *ibid. n. 6.*

12. Pater, qui filio non prestitit alimenta, non tenetur ad restitutionē,  
in foro conscientiae; modò filius debita non contraxerit vt se ipsum aleret:  
tunc enim obligandus videtur pater ad persoluendum, vt alienum à filio  
contractum; videtur enim nomine patris contractum, ut pote sustentatio-  
nis gratia ad quam pater tenetur iure naturali, & diuino. *tom. 2. pag. 286.  
num. 12.*

13. Pater tenetur filiae nubenti dotem constituere, etiamsi filia diues  
sit, aut monasterium ingredi velit, aut nubat inuito patre, aut etiam indi-  
gno: Secus si filia indigno nubens, sit minor 25. annis, & diues sit, patri-  
que alimentis non indigeat; tunc enim aequum non videtur vt pater cogat-  
ur dotem ei tradere, quae cum tanto familiae dedecore nupsit. *ibid. n. 1.*

14. Pater tenetur filiae spuriae dotem tradere, non verò mater; quia dos  
succedit in locum alimentorum; sed pater iure naturae, tenetur ad alimen-  
ta, etiamsi sit clericus; ergo tenetur etiam ad dotem. *tom. 2. pag. 287. n. 8.*

15. In his casibus potest filius à patre exheredari. 1. si parentes percus-  
sit. 2. si grauem, & inhonestam illis iniuriam intulit. 3. si patrem in iudicio  
accusauit, excepto crimine haerese, & laesae maiestatis. 4. si attentauit mor-  
tem patris, etiamsi mors non sequuta fuerit. 5. si cum incantatoribus, & ma-  
leficis versetur. 6. si rem habuit cum nouerca, seu patris vxore. 7. si nō suc-  
currit patri furioso, aut si requisitus noluit pro parente in carcere detento  
fideiubere. 8. si filius sit haereticus. 9. si patrem impediuit ne conficeret tes-  
tamentum. 10. si parentum bona dilapidauit. 11. si versetur cum arenarijs,  
aut mimis, artēque mimicam profiteatur. 12. si filia minor 25. annis luxu-  
riosa vitam degat. Aduertendum tamen hos casus locum habere tan-  
tum,



tum, quando filius aliunde habet, quo vitam sustentet: pater enim non potest alimentis necessariis filium priuare, cum iure natura filium in necessitate positum alere teneatur, & leges civiles iura naturæ non tollant, *ibid. num. 1. & pag. 288. num. eod.*

16. Filia inuitis parentibus nubens iuxta formam à Conc. Trid. præscriptam, attento iure Canonico, & Cæsareo, exheredari nequit; nisi sit minor 25. annis, & parentibus volentibus ipsam nuptui tradere, renuerit, & luxuriose viuere maluerit. Etiam si autem semel, atque iterum furtim sui copiam fecerit, non est exheredanda: quia non censetur propterea vitam luxuriosam elegisse. *ibid. num. 3.*

17. Filius, aut filia quam pater viuens non exheredauit, non potest ab heredibus patris, obiecta, & probata exheredationis causa, exheredari post mortem patris; fieri enim potest ut pater ingratitudinem filio condonauerit, & cum ipso in gratiam redierit. *tom. 1. pag. 289. n. 8.*

18. Filius luxuriose viuens, aut matrimonium inuitis parentibus contrahens, etiam si indignam ducat, non potest exheredari; quia in odiosis non facienda extensio; iura autem loquuntur tantum de filiabus. *ibidem, num. 9.*

19. Non tollitur exheredatio per reconciliationem; neque per penitentiam admissi delicti. Per professionem vero in religione emissam irrita redditur. *ibid. n. 12.*

20. Debet maritus vxori amorem, honorem, & obedientiam in iis quibus est illi subiectus. Qua propter verba infamatoria proferens contra vxorem, aut illam impediens, quo minus præcepta Dei, & Ecclesiæ seruet, aut illam grauitur cadens, aut illi alimenta denegans, quæ præbere potest, grauitur peccat; modò vxor propria culpa à marito non discesserit, aut is qui dotem promissit, non sit in culpabili mora soluendi. *tom. 2. p. 289. num. 1. & pag. 290. n. 2. & 3.*

21. Quando vxor, parentes, & filij in extrema necessitate sunt constituti, & vir non potest omnibus opem ferre, tenetur potius subuenire parentibus, & filiis quam vxori: nam erga parentes maior est obligatio; cum filiis autem maior est coniunctio, cum sint aliquid decisum ex substantia patris. *tom. 2. pag. 290. num. 10.*

22. Vxor vicissim viro debet amorem, honorem, & obedientiam in iis quibus subiecta est viro; vir enim est caput mulieris. Hinc fit ut vxor grauitur peccet, quando inuito marito, ius gubernandæ domus sibi arrogat, aut maritum ad grauem iram, & ad blasphemiam prouocat, aut dum alio migrantem sequi recusat, aut dum inopem ipsa diues alere non vult, &c. *tom. 2. pag. 291. num. 11. & 12.*

23. Vxor aut filij non tenentur soluere debita quæ vir, seu pater contraxit ad vxorem, & filios alendos, nisi pater illa contraxerit nomine ipsorum, aut nisi vxor, seu filij acceperint alimenta in fraudem creditorum. *ibid. num. 13.*



24. Domini, alijque superiores tenentur sibi subditorum curam gerere, peccantque grauiter dum non curant vt serui à peccatis abstineant, confiteantur, communicent tempore ab Ecclesia præscripto, doctrinam Christianam addiscant, ieiunent dum commodè possunt, diebus festis Missam audiant, &c. vel dum sunt in causa cur iis diebus seruiliter laborent. *tom. 2. pag. 293. num. 1. & seq.*

25. Domini grauiter peccant, dum famulos grauibus afficiunt contumeliis, aut iis alimenta denegant. Non tamen peccant si agros ad hospitalem domum mittant, ad magnos sumptus vitandos, qui in ipsis curandis essent faciendi. *ibid. num. 6. & 7.*

26. Clerici subditi possunt à suo superiore moderatè percuti, & castigari. Immo pater non incurrit excommunicationem, quando filium clericum, ob peccatum commissum moderatè cædit. *tom. 2. pag. 294. num. 9. & 10.*

27. Parochi munus & officium est. 1. in sua parocchia residere. 2. Sacramenta administrare. 3. orare pro ouibus sibi commissis, & Missæ sacrificium illis applicare. 4. docere populum, & fidei Christianæ dogmata perse, vel per alium tradere. 5. infirmos frequenter inuifere. 6. pauperum curam gerere. Sin huic muneri desint, grauiter peccant. *tom. 2. pag. 293. n. 4.*

28. Episcopi partes sunt. 1. residere in sua diocesi. 2. administrare Sacramenta Confirmationis, & Ordinis. 3. conciones ad populum habere perse, & non per alium, nisi legitime impediatur. 4. synodum diocesanam singulis annis, & prouincialem, si est Archiepiscopus, quolibet triennio conuocare. 5. singulis annis suam diocesim obire. 6. curare vt testamenta executioni mandentur. 7. bonum exemplum præbere. *ibid. num. 5.*

29. Subditi suis superioribus, famuli dominis etiam improbis, amorem, reuerentiam, & obedientiam in iis, quæ sui sunt muneris, præstare debent. Peccant autem grauiter famuli dum in rebus magni momenti, dominis non obtemperant, aut graue illis damnum inferunt, aut non impediunt cum possint, ne Domini damnum patiantur. Non tenentur tamen vitam dominorum cum propriæ vitæ periculo defendere, nisi sint specialiter ad hoc conducti. *tom. 2. pag. 294. num. 13. & seq.*

## P E C C A T V M.

### Peccatum Originale.

1. **P**eccatum originale, quod in ipsa origine, seu conceptione contrahitur, est priuatio iustitiæ, & sanctitatis, quæ singulis hominibus debuit inesse ex pacto facto à Deo cum Adamo. Hinc fit vt peccatum originale sit mors anime, cuius vita est gratia, & sanctitas. Vnde patet peccatum originale non esse concupiscentiam, quia per Baptismum tollitur peccatum, orig. concupiscentia autem manet post Baptismum. Dicitur tamen à D. Paulo



Paulo concupiscentia peccatum, quia est radix, & causa peccati. *tom. 2. pag. 96. num. 4. & pag. 97. num. 7.*

2. Peccato originali inest vera ratio peccati: est enim voluntarium, non quidem voluntate propria, sed aliena, quatenus voluntas posterorum continebatur in voluntate Adami, cum quo Deus iniit pactum, vt si vetitum fructum comederet, iustitiam in posteros non transmitteret. Huic autem pacto censentur posteri consensisse cum Adamo, ac proinde in Adamo peccasse. *tom. 2. pag. 97. num. 10. & 11.*

3. Omnes mortales seu fidelium, seu infidelium filij peccatum originale contrahunt, nisi quis speciali priuilegio eximatur, vt B. Virgo, quę licet debitum habuerit contrahendi peccatum orig. quatenus etiam ipsa peccauit in Adamo, tamen ipsa peccatum orig. non contraxit, sed in ipso sue conceptionis instanti sancta fuit: vt de ea verè dici potuerit Cantic. 5. *Tota pulchra es, Amicamea, & macula non est in te:* sic enim illam decebat, quę futura erat mater Dei. *ibid. num. 1. & seq.*

4. Singuli suum contrahunt peccatum orig. ex peccato Adami per feminalem generationem: neque enim traducitur a proximis parentibus; sed ab Adamo transmittitur in nos quatenus ab ipso descendimus per lineam virilem. Quare si quis à Deo crearetur, aut ex humana carne decerperetur absque feminali generatione, non contraheret peccatum origin. Hinc Christus peccati orig. expers fuit; quia non traxit originem ab Adamo per lineam virilem, & feminalem generationem. *tom. 2. pag. 98. num. 4. & seq.*

5. Pueri cum solo peccato orig. decedentes subeunt pœnam damni, neque beatifica Dei visione frui possunt, cum sint filij ire, & Dei inimici. Hinc collige quàm grauitè peccent qui pueros sine Baptismo decedere patiuntur, aut qui abortum fœtus animati procurant. Pueri tamen cum solo peccato orig. decedentes, penâ sensus torquendi non sunt; hæc enim pœna debetur soli peccato actuali. *ibid. num. 2. & pag. 99. n. 3. 4. & 7.*

### *Peccatum actuale, & habituale.*

6. Peccatum actuale à posteriori definitur, *dictum, vel factum, vel concupitum contra legem Dei æternam.* Vel definitur peccatum præsertim mortale, *auersio à Deo, & conuersio ad creaturam.* A priori verò potest definiri, *pruatio debita rectitudinis.* Nam in omni peccato, duo sunt; materiale, & formale; materiale, est ipse actus, v. g. actus detractionis; formale, est priuatio bonitatis, seu rectitudinis, quę debetur illi actui: qui enim vult loqui de factis, & rebus alienis, loqui debet absque lésione famę; & sic de reliquis. *tom. 2. pag. 99. num. 1. & pag. 100. num. 5. 6. & 12.*

7. Peccatum habituale est quędam labe, seu macula relicta ex peccato actuali. Hęc autem macula in duobus consistit. 1. in malitia actus præteriti, moraliter perseverare, per modum habitus, seu, vt loquuntur Theologi,



logi, in extrinseca denominatione ab actu præterito nondum per poenitentiam retractato, unde homo denominatur peccator. 2. in priuatione gratiæ habitualis, quæ est pulchritudo, & nitor animæ. *tom. 2. pagin. 101. num. 1. & 2.*

8. Ad peccatum mortale requiritur plena, & expressa aduertentia malitiæ, vel periculi malitiæ, aut saltem scrupulus, seu dubium expressum. Nisi enim quis aduertat opus quod facit esse malum, vel habere adnexum periculum mali, aut nisi formaliter dubitet, censetur laborare inaduertentia, inuincibili, & inculpabili, quæ non minus excusat à peccato quàm ignorantia inuincibilis; quia ubi est huiusmodi inaduertentia, ibi non est voluntarium. Sic excusatur à peccato, qui in die ieiunij carnes comedit, nihil cogitans de ieiunio. Item motus sensualitatis, qui rationem antevertunt, etiam si diu durent, nullo modo sunt peccata, propter inaduertentiam inculpabilem. *tom. 2. pag. 102. n. 3. & seq.*

9. Ad peccatum requiritur consensus saltem virtualis: quia nullum est peccatum, nisi sit voluntarium. In dubio autem an habuerimus consensum sufficientem ad peccatum mortale, hæc tres regulæ præscribuntur. 1. si homo ita se cognoscat affectum, ut nollet peccatum committere, si maxime posset, ut plurimum iudicandum est non adfuisse consensum sufficientem ad peccatum mortale. 2. si dubitans sit conscientiæ adeo timorata, ut peccatis dissentire soleat, ut plurimum iudicandum est non habuisse plenam aduertentiam, & consensum, licet aliquam in repellendis tentationibus negligentiam admiserit. 3. cum quis dubitat an aliquid fecerit, seu voluerit in somno, an in vigilia, seu dum esset sui compos, non leue indicium est non adfuisse plenam aduertentiam, & consensum. *ibid. num. 15. & pag. 103. num. 19.*

10. Nullus datur actus in indiuiduo deliberatus, qui sit indifferens, sed quilibet bonus est, aut malus. Dantur tamen aliqui actus qui secundum speciem, nec boni sint, nec mali, ut actus fricandi barbam, comedendi, &c. eiusmodi enim actus neque sunt boni ex objecto, neque prohibiti, sed indifferentes. *tom. 2. pag. 103. num. 1. & 6.*

11. Malitia peccati, & iniuria, ac offensa Dei, quæ in peccato reperitur, non est intrinsece infinita: tanta est enim malitia peccati, & offensa Dei, quanta est bonitas debita actui; sed bonitas debita actui non est infinita, ergo neque malitia, seu Dei offensa. Iniuria quidem Deo irrogata, grauior est, quàm iniuria hominibus facta; non tamen est infinita, alioquin etiam iniuria, quæ Deo irrogatur per peccatum veniale, esset infinita. *ibid. n. 1. & pag. 104. num. eod.*

### Peccatum mortale, & veniale.

12. Peccatum actuale aliud est *mortale*, quod mortem animæ spiritua-lem infert; aliud *veniale*, quod faciliè veniam meretur, redditque homi-  
nem



nem dignum pena solum temporali. Est autem triplex veniale, 1. dicitur veniale *ex suo genere*, quod ex sua natura, & obiecto, circa quod versatur, est leue, vt verbum otiosum, mendacium iocosum, &c. 2. dicitur veniale *ex imperfectione deliberationis, & aduertentie*, vt percussio ex subita ira. 3. dicitur veniale *ex leuitate materiae*, vt furtum quinque assium, factum diuiti, non tamen in qualibet materia datur paruitas rei, seu materiae, ex cunctis à peccato mortali, vt in materia simoniae, odij Dei, iuramenti falsi, &c. *rom. 2. pag. 104. num. 1. & pag. 105. n. 1. & seq.*

13. Peccatum veniale, fieri potest mortale. 1. ratione finis mortaliter mali, vt si mulier suo comptu, seu ornatu intendat aliquem, ad libidinem, pertrahere. 2. ratione plenae aduertentie. 3. ratione contemptus, aut inobedientiae. 4. ratione proximi periculi incidendi in peccatum mortale. 5. ratione conscientiae erroneae. 6. ratione scandali. 7. per additionem materiae. *rom. 2. pag. 107. n. 2. & seq. & pag. 108. n. 17. & seq.*

14. Multa peccata venialia, per se, & formaliter loquendo, non efficiunt vnum peccatum mortale. Quia multa venialia non priuant hominem gratia Dei. Verum quidem est, cum; qui per leuia furti peruenit ad quantitatem notabilem, peccare mortaliter, non quod plura furti venialia efficiant vnum mortale; sed quia vltimus furandi actus versatur circa materiam, quae continuata cum praecedentibus sufficit ad peccatum mortale. *rom. 2. pag. 108. num. 22.*

15. Quotiescumque materia vltimi peccati venialis continuari potest cum materia praecedentium, vltimum, in quo notabilis materia completur, est mortale, quod alioquin esset veniale. Quando verò materia vltimi peccati venialis non potest moraliter continuari cum materia praecedentium, vltimum non est mortale, quia singulae materiae sunt paruae, & manent diuise absque coniunctione morali. *rom. 2. pag. 109. num. 23.*

*Quomodo peccata inter se distinguantur.*

16. Haec circumstantiae peccatum aggrauant. 1. maior affectus, vel conatus ad peccatum. 2. maior scientia, & cognitio peccati. 3. conditio personae peccantis, vel in quam peccatur. 4. maius damnum, quod infertur. 5. peior finis, qui intenditur à peccante. 6. scandalum adiunctum. 7. locus, tempus, modus, &c. *rom. 2. pag. 140. num. 6. & seq.*

17. Non sunt tot numero peccata, quot sunt obiecta, circa quae vnus, & idem actus eodem tempore versatur: plura enim obiecta eiusdem rationis, vicem vnus gerunt. Quare proferens vnam blasphemiam in duodecim Apostolos, non dicitur committere 12. peccata; detrahens de pluribus vno actu, vnus tantum peccati detractionis est reus: haec tamen circumstantia est in confessione aperienda; quia constituit actum in suo individuali. *rom. 1. pag. 111. num. 1. & 2.*

18. Tot sunt numero peccata, quot sunt actus voluntatis mortaliter interrupti.



terrupti. Censentur autem moraliter interrumpi, quando idem, nec formaliter, nec virtualiter persenerat; sic actus odij, quod Titius heri commisit, est distinctum odium ab eo, quod hodie committit. At qui proficitur ad furandum, vel occidendum, & in via voluntatem furandi, aut occidendi saepius repetit, non dicitur plura peccata committere: tales enim actus non censentur interrumpi. *ibid. num. 5. & pag. 112. num. 6.*

19. Peccata distinguuntur specie per ordinem ad diuersas specie perfectiones quibus priuant: quia priuatio specificatur à forma, cuius est priuatio. Non distinguuntur autem per ordinem ad diuersa praecepta, quibus aliquid praecipitur, vel prohibetur ex eodem motiuo: alioquin desiderium rei alienae & furtum rei alienae essent peccata specie diuersa cum, distinctis praeceptis praecipiantur, alterum quidem septimo, alterum verò decimo decalogi praecepto. Si verò peccata prohibita sunt pluribus praeceptis ex diuersis motiuis, specie distinguuntur, quia diuersis virtutibus, & perfectionibus opponuntur; sic Sacerdos in actum venereum consentiens duo saltem peccata committit: actus enim venereus prohibitus est Sacerdoti diuersis praeceptis, ex diuerso motiuo conditis, ex motiuo scilicet castitatis, & ex motiuo religionis, ad quam spectat votum, quod per actum venereum violatur. At qui v.g. non ieiunat eo die Quadragesimae, in quem incidunt quatuor tempora, duo peccata non committit, quia duo illa praecepta ex eodem motiuo temperantiae ieiunium indicunt. *tom. 2. pag. 117. num. 1. 5. & seq.*

20. Qui facit aliquid prohibitum duplici praecepto, vno simplici, altero habente adiunctam excommunicationem, non ideo duo peccata committit, modo illa duo praecepta lata sint ex eodem motiuo; quia excommunicatio, per se loquendo, nouam specie malitiam peccato non addit. Peccatum tamen, quod alioquin fuisset veniale, ratione excommunicationis adiunctae fit mortale, non vi excommunicationis, sed vi praecepti prohibentis sub excommunicatione. *tom. 1. pag. 118. num. 14.*

21. Peccatum omissionis, differt specie à peccato commissionis secundum rationem materiale, & formale: quia peccatum omissionis non tantum est priuatio debita rectitudinis, sed etiam substantiae actus, cui debetur rectitudo: peccatum verò commissionis est tantum priuatio rectitudinis, quae debetur actui; & praeterea priuat perfectionibus specie diuersis. Porro peccatum commissionis, ceteris paribus grauius est peccato omissionis. *ibid. num. 1. & 2.*

22. Peccatum omissionis committitur eo tempore, quo implendum est praeceptum; quia ommissio actus non est culpabilis, nisi eo tempore, quo vrget praeceptum. Si tamen ommissio contingat eo tempore, quo deest libertas, vel vsus rationis, illa ommissio imputatur ad culpam, quando voluntarie datur causa illi omissioni, non verò quando contingit ipsa ommissio. Quare qui se dat somno, prauidens fore ut propter somnum non audiat sacrum in die festo, tunc peccat quando voluntarie dat causam illi omissioni.



fioni . Item qui proicit breuiarium in mare ne possit diuinum officium persolvere tempore navigationis, non peccat quando non persolvit; quia iam non potest; sed tunc peccavit, quando sua culpa factus est impotens ad persolvendum; quia tunc dedit causam omissioni . Idem dicendum de peccato commissionis: si enim contingat eo tempore, quo non est in potestate seu libertate hominis, illud vitare, tunc imputatur ad culpam, quando data ei fuit voluntariè causa; vt homicidium in ebrietate. *tom. 2. pag. 119. num. 4. & seq.*

23. Actiones, quæ sunt causa omissionis, sunt malæ, & peccaminosæ: sunt enim causa peccati . Sic ludus, propter quem quis omittit sacrum, malus est, & imputatur ad culpam . Immo actiones etiam ex natura sua bonæ, fiunt malæ, si sint causa omissionis præcepti, nisi fiant ex necessitate . Sic qui sacrum omittit vt domi studeat, seu etiam rosarium recitet, peccat studendo, & rosarium recitando . Actiones tamen, quæ fuerunt causa omissionis, non sunt necessariò in confessione aperiendæ, nisi malitiam habeant distinctam à peccato omissionis . *tom. 2. pag. 120. num. 13. & 14. & pag. 121. num. 17. & 27.*

24. Peccata, quæ complentur in corde, ac voluntate, differunt specie à peccatis, quæ perficiuntur ac consummantur in ore, aut opere: sunt enim priuationes perfectionum specie diversarum; cum alia sit perfectio, quæ priuat odium, alia qua priuat coniucium, alia qua priuat homicidium . Tamen peccata cordis, & oris si spectentur vt sunt origo, & principium, seu dispositio ad peccatum operis, speciem non differunt; eidem enim virtuti opponuntur; sic voluntas, seu propositum furandi est eiusdem speciei cum furto. *tom. 2. pag. 122. num. 2. & seq.*

*Peccatum contra conscientiam .*

25. Conscientia licet erronea, obligat ad faciendum id quod ipsa dictat per modum præcepti, & non tantum consilii; quia qui non facit quod conscientia dictat, censetur facere contra rationem dictantem illud esse faciendum . Item qui facit aliquid, quod non est peccatum, putans ex conscientia erronea esse peccatum, peccat, nisi conscientiam erroneam deponat, & cedat illud quod facit, hic & nunc non esse peccatum . Quia alioquin videtur continere legem, ac voluntatem Dei. *tom. 2. p. 123. num. 8. & 13.*

26. Qui facit aliquid contra conscientiam erroneam, falsò credens esse peccatum, committit peccatum illius speciei quam conscientia apprehendit: quia habet affectum ad peccatum talis speciei . Sic qui expuit in terrâ, credens se committere peccatum sacrilegij, & irreuerentiæ, committit peccatum sacrilegij, si re ipsa expuat in terram, antequam conscientiam erroneam deponat. *tom. 2. pag. 124. n. 18. & 19.*

27. Faciens aliquid cum conscientia practice dubia ( id est, cum dubio an hic, & nunc opus sit illicitum necne) peccat; peccato scilicet eiusdem rationis, & speciei cuius est peccatum de quo dubitat: qui enim operatur cum dubio, exponit se periculo peccandi . Sic, qui dubitat



an is quem vult percutere sit Sacerdos, illumque percutit nondum deposito dubio, peccat, non solum contra iustitiam, sed etiam contra reuerentiam Ecclesiasticis debitam, consequenter tenetur hanc circumstantiam, in confessione aperire, etiamsi forte is qui percussus est, Ecclesiastico privilegio non gaudeat. Qui verò aliquid facit, non practicè, sed speculatiuè tantum dubitans an sit malum, non peccat; quia prudenter operatur, cum ex iusta causa dubium deponat. Sic qui dubitat an liceat capere rem alienam, si hic & nunc credat hoc sibi licere propter extremam necessitatem, excusatur à peccato furti, quia practicè non dubitat. *tom. 2. pag. 125. num. 3. & 4. & pag. 126. n. 9.*

28. Ut conscientia dubia practicè deponatur, & vincatur dubium speculatiuum, duo requiruntur. i. debita diligentia in rei veritate inquirenda. 2. iuxta aliqua causa mutandi iudicium, seu deponendi practicè dubium speculatiuum, cuiusmodi causa est consilium bonorum, & doctorum virorum. Iuxta autem causa faciendi contra iudicium speculatiuum, est confessio, quæ facit ut in dubio iudicandum sit in fauorem possidentis, iuxta illud vulgatum; *Melior est conditio possidentis. t. 2. pag. 126. n. 12. & 13.*

29. Licet sequi opinionem probabilem, relicta probabiliori, & tutiori, modò non imminet aliquod periculum, ad quod vitandum, prudentia, vel iustitia, vel charitas dicet oppositam sententiam esse eligendam. Immo licet sequi opinionem aliorum probabilem, omiſſa propria probabiliori; neque enim qui hoc facit, operatur contra conscientiam, modò putet alienam opinionem, quam sequitur, esse probabilem. Immo confessarius potest accommodare se opinioni penitentis probabilis, quamuis ipse contrarium sustineat, aut etiam putet sententiam penitentis esse falsam, modò tamen sciat illam tanquam probabilem à peritis Doctoribus admitti. Potest etiam iudex in ferenda sententia, ex duabus opinionibus probabilibus, sequi vtram maluerit; immò potest, secluso scandalo; modò iuxta vnam, modò iuxta aliam iudicare: satis enim prudenter agit, dum sequitur opinionem, quam ipse scit esse probabilem. Si tamen altera sit probabilior, tenetur illam sequi: alioquin videretur acceptor personarum, cum debeat ex officio, suum cuique ius tribuere, iuxta merita causæ; videtur autem esse maius meritum illius causæ, quæ nititur opinione probabiliori. *tom. 2. pag. 129. num. 4. & seq. & pag. 130. num. 13.*

30. In administrandis Sacramentis non licet opinioni probabilis adhaerere, relicta probabiliori, & tutiori, quando est in potestate ministri, tutiorem, & probabiliorem sequi: quia exponeret se periculo faciendi Sacramentum irritum, neque consuleret salutem, aut utilitatem suscipientis. *tom. 2. pag. 131. num. 18. & 19.*

31. Medicus, qui adhibet medicamentum infirmo, ad virtutem illius medicamenti experiendam, grauius peccat contra iustitiam, quando nulla suppetit opinio probabilis de illo medicamento, & ex alia parte medicus habet ad manum remedia probabiliter profutura. Quia vitam, & salutem

lutem in  
omittat

32.  
& in qu  
tema, l  
ralis inc  
habitu v  
nat. tom

33.  
pam, ne  
culpam  
test à D  
Si verò  
vel trit  
alterius

34.  
2. impo  
lum ge  
35.  
comm  
quam  
tenta à  
netur fa  
potest in  
commo  
saltem  
mero 2.

36.  
pedit a  
reus est  
ad me  
proici  
qui lab  
nis defa  
ciden  
dicend  
obligat  
ietuan



litem infirmi exponit periculo sine iusta causa, cum remedia probabilia omittat, vt adhibeat incerta. *tom. 2. pag. 132. num. 25.*

*Peccati effectus.*

32. Primus peccati effectus est macula, quam infert peccatum actuale, & in qua consistit peccatum habituale. Secundum est reatus poenae, seu aeternae, seu temporalis, seu damni, seu sensus. Tertius est diminutio naturalis inclinationis ad virtutem, quatenus voluntas, acquisito per peccatum habitu vitioso, facilius mouetur ad malum, ad quod habitus vitiosus inclinat. *tom. 2. pag. 134. num. 1.*

33. Peccatum per se, & formaliter consideratum, quatenus dicit culpam, non potest esse poena alterius peccati, itavt Deus velit hominem ob culpam precedentem prolabi in aliud peccatum; quia peccatum non potest à Deo intendi, cum Deus odio habeat impium, & impietatem eius. Si verò peccatum spectetur secundum ipsius accidētia, vt ratione infamiae, vel tristitiae, vel subtractionis gratiae, &c. vnum peccatum potest esse poena alterius. *ibid. n. 2.*

*Causae excusantes à peccato.*

34. Causae à peccato excusantes, sunt haec. 1. dispensatio validè obtenta. 2. impotentia physica, aut moralis. 3. vis aut metus, seu proximum periculum grauis damni. 4. ignorantia inuincibilis. *ibid.*

35. Impotentia praeceptum adimplendi excusat à peccato. Qui tamen commodè non potest praeceptum adimplere, tenetur adimplere partem, quam nouit se posse adimplere, modò sit pars notabilis, & censeatur intenta à superiore. Sic qui non potest totum diuinum officium recitare, tenetur saltem ad eam partem, quam commodè potest persolvere. Qui non potest integro Missae sacrificio interesse, tenetur eam partem audire, quam commodè potest. Qui non potest tota Quadragesima ieiunare, tenetur iis saltem diebus, quibus commoda virtus valetudine, &c. *tom. 2. pag. 135. numero 2. & seq.*

36. Qui aliquod impedimentum apponit quod per se, & proximè impedit adimpletionem praecepti, quòdque commodè praecaueri poterat, reus est peccati. Praeceptum enim, quod obligat ad finem, obligat etiam ad media, quae per se ordinata sunt ad talem finem. Sic qui nauigaturus proiicit Breuiarium in mare, peccat mortaliter. Ille verò excusari potest, qui laboriosa venationi dat operam, prauidens fore vt ob nimiam corporis defatigationem ieiunare non possit: nam venatio videtur causa per accidens frangendi ieiunii, cum non sit impossibilis cum ieiunio: idem dicendum de peregrinatione; quia Ecclesia dum praecipit ieiunium, non obligat ad abstinendum à peregrinatione, multique inter peregrinandum ieiunant. *tom. 2. pag. 136. num. 10. 11. 15. & 16.*



37. Vis absoluta, per quam homo omnino inuitus cogitur facere aliquid prohibitum, excusat à peccato, quia nullum est peccatum nisi voluntarium. Item metus, seu probabile periculum grauis damni, regulariter loquendo, excusat à transgressione legis humanæ, & consequenter à peccato: quia lex humana non obligat strictius, quàm lex naturalis, aut diuina: multæ autem leges naturales, & diuinæ, non obligant sub mortali in periculo grauis damni, vt patet in confessione, quæ licet iure diuino permittenda sit ante sumptionem Eucharistiæ; non tamen obligat simpliciter in omnibus casibus: ergo metus, aut periculum grauis domini excusat à transgressione legis humanæ, & consequenter à peccato. *tom. 2. pag. 137. num. 2. & 3.*

38. Carthusianus, aut etiam alius, voto, vel lege abstinentiæ à carnibus obstrictus, potest, immò tenetur (non obstante voto, vel lege) carnibus vesci, si non habeat alios cibos, & euidenter constet carnes illi necessarias esse ad tuendam vitam: quia neque lex, neque votum obligat cum tanto incommodo, & in voto abstinendi à carnibus subintelligitur hæc conditio, nisi carniū efus fuerit vitæ necessarius. Licet etiam in extrema necessitate, idolothyitis, seu cibis idolo immolatis vesci, modò adstantes intelligant, id fieri ad tuendam vitam, non autem ad profitendam falsam Deorum religionem. *tom. 2. pag. 138. num. 16. & 18.*

39. Ignorantia inuincibilis tam iuris, quàm facti, excusat à peccato, consequenter etiam à pœna: quia cum hac ignorantia non stat voluntarium; omne enim voluntarium supponit cognitionem. Ignorantia verò inuincibilis pœnæ, non excusat à peccato: quia non tollit voluntarium, neque aduertentiam sufficientem ad legem, & prohibitionem. *tom. 2. pag. 139. n. 12. & pag. 141. num. 13.*

40. Ignorantia comitans excusat actionem externam à peccato. Quare si quis proiciat telum in inimicum, inuincibiliter putans esse feram; ita tamen sit affectus, vt si sciret esse inimicum, sagittam seu telum adhuc emitteret, non est actualis homicidij reus: quia illa actio externa emissio- nis teli non fuit causata ab affectu, & voluntate occidendi inimicum, sed à voluntate occidendi feram; ergo licet prauus affectus erga inimicum sit malus; tamen actio illa externa non est mala malitia homicidij, cum nõ profecta fuerit à voluntate occidendi inimicum. At si quis iaciat telum, aut dislodat sclopus intentione occidendi quidquid occurrerit, si hominem occidat, etiam si putaret esse feram, homicidium committit; quia illa actio externa est sufficienter voluntaria, ideoque ad culpam merito imputatur. *tom. 2. pag. 141. n. 34. & 35.*

### Pignus. Hypotheca.

1. **P**ignus accipi potest vel pro re ipsa quæ datur pignori in securitatem, vel pro contractu, quo res creditori traditur ad securitatem crediti.



ditū. Proprie loquendo differt ab hypotheca, nam pignus est de re mobili; hypotheca de re immobili, quæ obligatur creditori, sed remanet apud debitorem. Vt si quis Caio creditori tradat torquem aureū pro securitate crediti, dicitur inire contractum pignoris. Sin pro securitate crediti securum faciat Caium super fundo, dicitur inire contractum hypothecæ, quia obligat Caio rem immobilem, quæ celebrato contractu, adhuc remanet apud debitorem. *tom. 2. pag. 591. num. 1. & seq.*

2. Quidquid datur pignori, debet subesse liberæ dantis dispositioni. Hinc pupillus non potest absque decreto iudicis, rem suam oppignerare: Item Prælati non potest res Ecclesiæ, pignori, seu speciali hypothecæ subicere; in contractibus tamen à iure permixtis, potest generaliter bona Ecclesiæ obligare, absque illorum traditione, quia hæc obligatio apponitur ad roborandum priorem contractum, de cuius evictione tenetur Ecclesiæ, ut supponimus. *tom. 2. pag. 592. n. 3. & 4.*

3. Ea tradi non possunt pignori, quæ nequeunt vendi. Vnde res sacræ, seclusa necessitate, dari non possunt in pignus. Item rei publicæ, ut viæ, plateæ, & alia publicis vñibus inferuentia, non possunt subici hypothecæ. *ibid. num. 5.*

4. Quando res aliqua datur pignori, vel hypothecæ, fructus illius iam facti, & concepti tempore contractus censentur etiam dati in pignus. Idem dicendum de fructibus pendentibus illius rei, quam quis alteri oppigneravit: huiusmodi enim fructus, à re ipsa non distinguuntur. *ibidem, numero 6.*

5. Quando res subiecta hypothecæ melior redditur, & augmentum accipit, ut quando ager incultus conuertitur in vineam, aut quando in eo palatium ædificatur, solum ipsum, cum augmento manet, subiectum hypothecæ; quia accessorium sequitur principale. Verum si augmentum factum sit industria, & expensistertij, non tenetur tertius possessor rem illam tradere, ut inde solvatur debitum, nisi prius solvitur sibi id quod expendit. *ibid. num. 7.*

6. Non potest eadem res pluribus tradi in hypothecam, nisi res illa sufficiens sit ad satisfaciendum omnibus, aut nisi posteriores admoneantur de priori hypothecæ: res enim ideo subicitur hypothecæ, ut si debitor non solvat, creditoribus satisfiat ex re hypothecata. *tom. 2. pag. 593. n. 8.*

7. Creditor non potest uti pignore accepto, cum damno debitoris sine ipsius consensu, saltem tacito. At sine damno, non videtur illicitum uti pignore. Sic creditor uti potest equo sibi tradito in pignus ne torpeat otio. Debet tamen creditor in sortem computare valorem illius vñus, alioquin vsuram committeret: quia ob concessam dilationem, acciperet aliquid supra sortem. Quare qui accipit agrum incultum in pignus, si eum colat, debet computare fructus in sortem, detractis expensis, & laboribus, nisi dominus agri illos condonet. *ibid. num. 10.*

8. Si inter creditorem, & debitorem nihil actum est de vendendo pi-



gnore, creditor non potest illud vendere, nisi præmissa vna denunciatio-  
ne, seu monitione, & elapsis duobus annis. At si elapso biennio creditor  
non inueniat qui emat pignus, debet iudicem adire, & denunciare debito-  
ri, quo non comparente, habebit ius petendi à iudice, vt possit sibi pignus  
retinere. Sin conuentum est inter creditorem, & debitorem, vt pignus non  
vendatur; potest nihilominus vendi post trinam admonitionem; hæc enim  
est natura pignoris vt vendi possit, & conuentio non vendendi pignus, sic  
explicanda est, ne liceat illud vendere absque trina admonitione, quam ius  
exigit. Porro si pignus vendatur maiori pretio, quàm sit creditum, ressi-  
duum reddendum est debitori. *tom. 2. pag. 594. n. 12.*

## Pirata.

1. **P**irata, cursarij, ac latrunculi maritimi incurrunt 3. excommunicatio-  
nem Bullæ Cœnæ Summo Pontifici reseruata. Dicuntur autem  
piratæ ij, qui quasi ex officio, bello non indicto, nauticum latrocinium e-  
xercent, & prædas agunt præcipuè in mari: nam qui in lacu aut fluminibus  
solum prædantur, non censentur piratæ, neque ligantur excommunicatio-  
ne Bullæ; quanquam huiusmodi prædones fluuiales puniuntur etiam pœna  
excommunicationis comminatoria in *cap. 3. de raptoribus. disp. 1. quæst. 4.*  
*punct. 1. num. 1. 9. pag. 17. 18. tom. 3.*

2. Qui mare discursunt eo solum fine vt infideles spolient, & depræ-  
dentur, non sunt obnoxij huic pœnæ iuxta probabiliorẽ sententiam: quia  
voluit Summus Pontifex consulere indemnitati Christianorum mare Se-  
dis Apostolicæ nauigantium. Si tamen infideles aduehant merces ad por-  
tum, & terras Christianorum habentes saluum conductum, Christiani  
eos spoliante videntur subiacere excommunicationi; quia hæc depræda-  
tio vergit in damnum, & injuriam Principum, qui securitatis fidem dede-  
runt. *ibid. n. 10. 11. pag. 18. tom. 3.*

3. Christiani, qui spoliante naues infidelium aduehentium merces fide-  
lium in ipsorum vtilitatem, & commodum, subiacent excommunicationi,  
quia piraticam exercent potius contra fideles, quàm contra infideles. Si  
verò infideles abducant merces, quas Christiani eripuerunt, Bullæ censu-  
ram non incurrunt Christiani illos spoliante; tum quia deprædatur infide-  
les, tum quia nihil faciunt contra voluntatem dominorum qui malunt sua  
bona à fidelibus, quàm ab infidelibus possideri. *ibid. nu. 12. pag. 18. tom. 3.*

4. Qui nauim Christianorum, mercibus infidelium onustam inuadunt,  
& diripiunt, si nullum fidelibus damnum inferant, vt si merces tantum mo-  
dò infidelium abducant, relicta fidelibus nauis, aliisque ipsorum mercibus,  
censuram ob eiusmodi spoliationem non incurrunt, quia maritimum la-  
trocinium contra fideles non exercent, modò nauis assecurata non sit à fi-  
delibus, tunc enim damnum fidelibus inferretur. *ibid. nu. 13. pag. 18. tom. 3.*

5. Pirata fidelis spoliante alterum piratam item fidelem, si mare discur-  
rit



re animo spoliandi tantum piratas, non incurrit excommunicationem; quia licet piratas occidere. Si verò discurrit mare Pontificium animo spoliandi obuios quoscunque nullo discrimine, incidit in excommunicationem, quia exercet actionem in Bulla vetitam sub pœna excommunicationis ipso facto incurrendæ. *ibid. num. 14. pag. 18. tom. 3.*

*Piratarum fautores.*

6. Receptatores, fautores, & defensores piratarum, aliorumque maritimorum latrunculorum eadem excommunicationis pœna mulctantur, non tamen antequam illi, quibus auxilium præstiterunt, ingressi sint mare; & cœperint piraticam exercere: Quia causa accessoria non ligatur censura nondum adimpleto actu principali, propter quem censura imposita est: imposita est autem censura ob maritimas discursiones animo depredandi, ergo antequam piratæ cœperint mare discurrere, illorum fautores nullam incurrunt excommunicationem. *ibid. n. 15. pag. 19. tom. 3.*

7. Qui graui metu compulsi opem præstant piratis, excusantur ab excommunicationis pœna: Ecclesia enim non censetur velle cum graui damno sub censura obligare. Vnde patet captiuos remigantes in nauibus, seu triremibus Turcarum aggredientium naues Christianorum, non incurrere excommunicationem, tum quia actionem ex se indifferentem exercet, tum quia metu graui coguntur remigare; fieri tamen potest vt peccet contra ius naturæ, si ad prædandum cooperentur; illa enim actio est intrinsecè mala. *ibid. num. 17. pag. 17. tom. 3.*

8. Qui bona à piratis ablata domi occultant, vel retinent, præcisè non ligantur censura Bullæ in foro conscientie, nisi id faciant animo fauendi piratis formaliter; licet in foro externo puniantur tanquam participes latrocinij, & cooperatores piratarum: quò fit, vt si quis titulo consanguinitatis, vel amicitie piratam domo excipiat cum præda, non incurrat hanc pœnam. *ibid. num. 20. pag. 16. tom. 3.*

*Piratis quid prohibeat ur.*

9. Ingressus in mare etiam si nondum sequuta sit spoliatio, seu occisio, sufficit ad incurrendam excommunicationem; quia discursiones maritimæ animo depredandi præcipuè in hac Bulla prohibentur: non tamen per quodlibet mare, sed solum per mare, quod Sedi Apostolicæ immediatè, vel mediatè subest. Reliqua enim maria habent proprios dominos, à quibus custodiuntur. Quare discurrentes mare Venetum, aut Indicum non incurrunt excommunicationem. *ibid. punct. 2. nu. 2. & 4. pag. 19. 20. tom. 3.*

10. Quoties piratæ suscipiunt excursiones per mare Pontificium actionibus moraliter interruptis, toties excommunicationem incurrunt: quia quælibet actio vetita sub excommunicatione sufficit ad incurrendam ex-



communicationem, sicut pluries Clericum percutiens, plures contrahit excommunicationes. *ibid. num. 3. pag. 19. tom. 3.*

## Pœnitentiæ Virtus.

1. Pœnitentiæ specialis est virtus supernaturalis inclinans hominem ad satisfaciendum Deo pro iniuria, & offensa illi facta, & ad conservandum ius divinum illæsum. Vnde patet pœnitentiæ quatenus est virtus specialis, obiectum formale esse detestationem iniuriæ Deo factæ, & satisfactionem pro ea; materiale verò esse peccatum; ac proinde esse virtutem distinctam à cæteris. *tom. 2. pag. 112. num. 1. & 2.*

2. Actus virtutis pœnitentiæ est simpliciter necessarius ad iustificationem, non quidem explicitè, sed implicitè, & æquivalenter; quia ad iustificationem necesse est ut homo velit satisfacere Deo, aut saltem eam præstet satisfactionem, quam potest. Actus autem dilectionis Dei super omnia, & contritionis, continet virtualiter actum pœnitentiæ. Neque recipiens Sacramentum pœnitentiæ iustificatur absque aliquo actu virtutis pœnitentiæ. Eliciens tamen actum huius virtutis, non recipit gratiam, extra Sacramentum pœnitentiæ, nisi actum eliciat contritionis, vel dilectionis Dei super omnia. *tom. 1. pag. 113. n. 2. & 3.*

## Pœnitentiæ Sacramentum, quid sit &amp; quàm necessarium.

3. Dari Sacramentum pœnitentiæ in lege gratiæ nullus iuerit incipias, nisi hæreticus. In veteri autem lege, vel scripta, vel etiam natura non existit hoc Sacramentum, cuius ipse Christus est auctor. Quamobrem dum in sacris paginis fit mentio pœnitentiæ, cui Deus promissit remissionem peccatorum, sermo est de pœnitentia interna, id est contritione. *ibid. num. 1. 2. & 3.*

4. Sacramentum pœnitentiæ consistit in actibus pœnitentis, & absolventis, estque institutum à Deo per modum iudicii emendatiui, ad remissionem peccatorum. *ibid. num. 1.*

5. Necessarium est hoc Sacramentum necessitate mediij in re, vel in voto, illis qui post Baptismum mortaliter peccarunt. ita ut saluari non possint nisi aut re ipsa hoc Sacramentum suscipiant, aut eliciant actum contritionis, in quo huius Sacramenti votum continetur. Est etiam necessarium necessitate præcepti; quia quod est necessarium necessitate mediij, est etiam necessarium necessitate præcepti, modo medium sit in nostra potestate; at hoc Sacramentum est in nostra potestate; ergo, &c. *tom. 1. pag. 114. n. 1. & 2.*

6. Peccata remitti per Sacramentum pœnitentiæ in voto, nihil est aliud quàm remitti per contritionem in ordine ad confessionem; nam qui contritionis actum elicit, tenetur adhuc eadem peccata, quorum remissionem per actum contritionis obtinuit, subijcere, suo tempore, pœnitentiæ Sacramento; contritio enim non ita iustificat ut peccatorem liberum relinquat

ab ob.



ab obligatione confitendi data opportunitate. *ibid. num. 3. & seq.*

7. Qui habet copiam confessarii non saluatur cum sola attritione, quia non habet Sacramentum pœnitentiæ in re, nec in voto. Qui autem iustificatur per contritionem, non tenetur habere propositum explicitum confitendi, sed sufficit implicitum *ibid. num. 7. & 8.*

8. Sacramentum pœnitentiæ institutum fuit à Christo præcipuè Ioann. 20. quando insufflauit in discipulos suos dicens: *Accipite Spiritum Sanctum quorum remiseritis peccata, remittuntur eis, &c.* Hæc autem institutio fuit inchoata in nocte Cœnæ, quando Christus ordinauit Apostolos, eisque per ordinationem contulit characterem, qui est facultas fundamentalis absoluedi. Vnde sequitur si quis Apostolorum sibi conscius fuit peccati mort. vt Iudas, sufficienter potuisset ad Eucharistiam disponere absque confessione, per actum contritionis; quia Sacramentum pœnitentiæ nondum erat institutum. *rom. 1. pag. 115. num. 1. & seq.*

#### *Sacramenti Pœnitentiæ materia.*

9. Omnia peccata actualia, seu mortalia, seu venialia post Baptismum commissa, sunt materia remota Sacramenti pœnitentiæ: non autem peccatum originale, aut etiam actuale ante Baptismum commissum. Hæc enim peccata non pertinent ad iurisdictionem Ecclesiæ, quippe homo illorum reus, non est subditus Ecclesiæ ante Baptismum: Sacramentum autem pœnitentiæ institutum est ad reconciliandos fideles post Baptismum lapsos. *ibid. num. 3. & 4.*

10. Sunt quidem peccata venialia, sufficiens materia Sacramenti pœnitentiæ, si sint post Baptismum commissa; non tamen necessaria; ex Concilio enim Trident. omitti possunt in confessione, nisi fortè pœnitens dubitet an sint mortalia. Quanquam Ecclesia præcipere potest, confessionem venialium; quia est opus religiosum, præcepti materiam nõ excedens. *rom. 1. pag. 116. n. 5. & seq.*

11. Peccatum dubium non est materia sufficiens huius Sacramenti; quia materia Sacramentorum debet esse certa: Quare à peccato mortali dubio non potest confessarius absolvere simpliciter, & absolute, sed tantum sub conditione, habens tamen huiusmodi peccatum, debet sub dubio confiteri. *ibid. num. 9.*

12. Peccata semel in confessione dimissa, possunt esse materia nouæ confessionis: absolutio enim iterari potest super iisdem peccatis, modo ad sit nouus dolor, & nuda confessio à priori distincta. Liberum tamen est pœnitenti ea iterum confiteri, vel omittere, aut partem vnam manifestare, & aliam reticere: quia licet sint materia sufficiens confessionis, non tamen necessaria. *ibid. num. 10. & 11.*

13. Materia proxima Sacramenti pœnitentiæ sunt actus pœnitentis, videlicet contritio, confessio, & satisfactio; nam ad iudicium emendatum, cuiusmodi est Sacramentum pœnitentiæ, illa tria requiruntur. Contritio &



tio & confessio sunt partes essentielles huius Sacramenti; satisfactio verò est pars integralis. *tom. 1. pag. 117. num. 1. & seq.*

14. Ad valorem Sacramenti Pœnitentiæ requiritur dolor formalis de peccatis etiam venialibus commissis: quamvis enim non teneatur quis ad venialium confessionem; si tamen velit ea confiteri, tenetur de illis dolorem excitare. Sufficit autem dolor naturalis: Christus enim pro materia Sacramentorum instituit rem naturalem, ut aquam, panem, oleum, &c. unde colligitur validum esse Sacramentum pœnitentiæ, quando pœnitens bona fide accedit cum sola attritione naturali: Sacramentum tamen est informe, quia est sine fructu, nisi adsit dolor supernaturalis, neque confert gratiam, & charitatem, quæ est forma omnium virtutum. Porro hic dolor debet esse efficax qui excludat affectum peccati, & propositum peccandi. *ibid. num. 7. & 8. & pag. 118. num. 9. & seq.*

15. Dolor de peccatis confessionem antecedens sufficit ad hoc Sacramentum; sufficit tamen dolor elicitus in ipsa confessione, vel etiam post confessionem, antequam pœnitens absoluat. At dolor post absolutionem elicitus non sufficit ad valorem Sacramenti; quia absolutio ferri debet super debitam materiam; non est autem materia debita sine dolore, cum dolor sit materia proxima Sacramenti pœnitentiæ. Igitur dolor præcedere debet absolutionem. Est autem integrum confessario iniungere satisfactionem, seu pœnitentiam, ante, vel post absolutionem. Caueat tamen confessarius ne pœnitentiam iniungat, statim implendam post confessionem, si secretò fieri non possit; ne qui adsunt, & vident, ex pœnitentiâ, peccatorum gravitatem suspiciantur. *ibid. num. 17. & 18. & pag. 119. num. 19. & seq.*

#### Sacramenti Pœnitentiæ forma.

16. Forma Sacramenti pœnitentiæ est hæc: *Ego te absolvo à peccatis tuis*, in quò sufficiunt hæc duo verba, *Absolvo te*. Preces autem, quæ ex laudabili Ecclesiæ more adiunguntur, ad Sacramenti essentiam haud quamvis spectant: unde colligitur nihil esse necesse adiungere inuocationem SS. Trinitatis, addendo, *In nomine Patris*, &c. quæ tamen non est omitenda. Si quis autem dicat: *Absoluat te Deus*, non valide absoluit, quia non ostendit se absolvere tanquam iudicem. Porro hæc verba, *Absolvo te*, sufficere possunt ad absolutionem à peccatis; & simul à censuris, modo per hæc verba Sacerdos intendat absolvi ab utrisque. In quo casu absolutio à censuris erit naturâ prior absolutione à peccatis. *tom. 1. pagin. 119. & 120. num. 1. & seq.*

17. Quoties in verbis formæ contingit mutatio substantialis, non est validum Pœnitentiæ Sacramentum; secus si solum sit accidentalis; remanet enim idem sensus, eadèque significatio. Non est autem valida forma deprecativa qualis est hæc, *Absoluat te Deus*; quia hoc Sacramentum exercetur



Cetur per modum iudicij, sententia autem profertur à iudice imperatiuè. Qui formam adhibet dubiam, peccat mortaliter: fieri enim potest, vt illa forma non sit sufficiens, ideòque irritum sit Sacramentum. Neque licet quidquam mutare in forma communi Ecclesiæ vsu recepta. *tom. 1. pagin. 121. num. 2. 3. & seq.*

18. Quando aliqua conditio de præterito, vel de præsentī apponitur in forma, validum est nihilominus Sacramentum, vt si dicatur: *Si habes peccatum, te absoluo: Si ego possum te absoluerē, te absoluo:* quia hæc conditio non suspendit actum, aut effectum. At conditio de futuro irritum reddit Sacramentum, quia neque est validum statim prolata forma, cum nondum posita sit conditio; neque est validum adueniente conditione, quia iam non adest forma, neque materia. Vnde patet hanc formam esse inualem, *Ego te absoluo si satisfeceris. ibid. num. 1. 2. & 3.*

19. Forma absolutionis non potest, absque sacrilegio, bis in eadem confessione super iisdem peccatis proferri; sicut non licet super hostia iam consecrata, repetere formam consecrationis. At in diuersis confessionibus possunt eadem peccata repeti cum nouo dolore, & circa eadem peccata, cum nouo dolore confessi, potest absolutio iterari. Immo huiusmodi confessiones sunt salubres; maiorem enim quietem, & securitatem conscientie pariunt. *tom. 1. pag. 122. num. 1. & seq.*

#### Sacramenti Pœnitentiæ partes.

20. Contritio est actus charitatis, quo quis detestatur omnia sua peccata super omnia detestabilia, quatenus Deum offendit, cum proposito non peccandi in posterum. Quare contritio pertinet ad charitatem, cuius est gaudere, & delectari de bonis Dei, & illius malum, seu offensam odisse. Hæc contritio elicitur ab habitu charitatis, quando elicitur ab homine iusto habente habitum supernaturalem charitatis; spectat verò ad charitatem, quando elicitur à peccatore cum auxilio supernaturali, supplente vicem habitus charitatis. *tom. 1. pag. 123. & 124. num. 1. & seq.*

21. Contritio propriè accepta in lege noua, non est necessaria simpliciter necessitate mediij, ad iustificationem, & salutem; potest enim ea omiſsa aliquando salus obtineri, vt patet in homine iusto, qui si repente moriatur, salutem obtinet; etiam si contritionis actum non eliquerit: tum quia Sacramentum Pœnitentiæ cum sola attritione iustificat, & saluat. In veteri autem lege contritio necessaria fuit necessitate mediij ad tollendum peccatum actuale; quia Sacramenta veteris legis non conferebant, ipso facto, gratiam, præter Sacramentum Circumcisionis. *tom. 1. pag. 124. num. 1. & seq.*

22. Contritio propriè sumpta, necessaria est necessitate præcepti; illa enim culpabiliter prætermiſsa, salus non obtinetur. Obligat autem præceptum contritionis, per se, & vi propria, in periculo mortis, aut perpetuæ amen-



amentia, saltem quando non est copia Confessarij; tunc enim est maxima necessitas contritionis, ne adeatur periculum perpetuæ damnationis. Obligat etiam extra mortis articulum ratione alterius circumstantiæ. 1. quando quis susceptrus est, vel administraturus aliquod Sacramentum, advertens se esse in peccato mortali, quando non potest confiteri. 2. quando quis est in probabili periculo incidendi in aliquod peccatum mortale, si contritionis actum non eliciat. *pagina 124. 125. numero 4. & 5.*

23. Attritio supernaturalis, & efficax necessaria est ad suscipiendum Pœnitentiæ Sacramentum cum fructu; hæc autem attritio esse non potest, nisi excludat affectum ad peccatum, & includat propositum non peccandi. Porro licet attritio sit dolor imperfectus, quippe quæ peccatum detestatur ob metum gehennæ, aut amissionis gloriæ, sufficit tamen cum Pœnitentiæ sacramento, neque requiritur contritio; alioquin Sacramentum Pœnitentiæ numquam produceret primam gratiam, nec remitteret peccatum mortale, sed illud supponeret remissum per contritionem. *tom. 1. pag. 126. num. 3. & seq. pag. 127.*

24. Obiectum materiale contritionis est peccatum commissum, & nondum dimissum, quod facit inimicum Dei: formale est peccatum, quatenus est offensa Dei, vel malum Dei. Ad delenda autem omnia peccata sufficit vnus contritionis actus respiciens omnia peccata; neque requiruntur tot contritiones, quot sunt peccata. Caterum non tenemur eodem actu detestari mortalia, & venialia, sed potest remissio mortaliū obtineri, non obtenta venialium remissione. *tom. 1. pag. 128. & 129. num. 2. & seq.*

25. Probabile est ad contritionem sufficere propositum implicitum vitandi peccata in futurum, neque requiri explicitum; potest enim quis detestari peccata super omnia, nihil cogitans actu de vitæ emendatione. In praxi tamen tutius est habere propositum explicitum, & actuale vitandi peccatum. *tom. 1. pag. 131. num. 2.*

26. De potentia Dei ordinaria non potest homo iustificari absque aliquo pœnitentiæ actu. De potentia verò absoluta potest, modò cesset actus peccati: quia non implicat Deum infundere gratiam, & per illam delere peccatum, absque alia dispositione; cessante tamen actu peccati: nam per seuerante peccato non potest homo iustificari, alioquin esset iustus, & iniustus, quod implicat contradictionem. Non potest autem peccator iustificari absque aliqua reali mutatione facta per infusionem alicuius doni, quod peccatum expellat: nam priuatio gratiæ tolli non potest, nisi per oppositam formam. *tom. 1. pag. 132. num. 2. & 3.*

27. Confessio est legitima, & sacramentalis accusatio de propriis peccatis, facta Sacerdoti ad obtinendam remissionem peccatorum per absolutiōem. Sexdecim confessionis condiciones his versibus re- censentur:



*Sit simplex, humilis confessio, pura, fidelis  
Atque frequens, nuda, & discreta, libens, verecunda,  
Integra, secreta, & lacrymabilis, accelerata,  
Fortis, & accusans, & sit parere parata.*

ex quibus tres potissimum necessariae sunt ad confessionem. 1. vt sit integra; 2. vt sit dolens; 3. vt sit vera, seu pura; reliquæ tamen sunt valdè utiles ad fructum sacramentalis confessionis percipiendum. *tom. I. pag. 133. num. 1. & 2.*

28. Ad confessionem, iure diuino, prærequiritur examen conscientie. Tenetur itaque pœnitens circa peccata mortalia tantam inquisitionem præmittere, quantam adhiberet in negotio arduo, seu quantâ sufficit ad omnia mortalia in memoriam reuocanda; est enim hoc negotium maximi momenti. Mediocri tamen adhibita diligentia, non tenetur maiorem adhibere, etiamsi probabiliter suspicetur fore, vt accuratissima inquisitione facta occurrerent aliqua peccata, quorum non meminit; alioquin semper angeretur scrupulis, semperque dubitaret an sufficiens adhibuerit diligentiam. Nihilominus qui rariùs confitetur, quique periculosa negotia tractat, tenetur maiorem diligentiam adhibere. *ibid. num. 1. & seq.*

29. Fideles non tenentur iure diuino antequere tempus confessionis, aut sua peccata scribere vt eorum melius recordentur; sed solum adueniente tempore obligationis, aut voluntate confitendi, tenentur moralem diligentiam adhibere, vt redeant in memoriam peccatorum, & integrè confiteantur. At qui confessus est non præmissò conscientie examine, tenetur ad nouam confessionem peccatorum, modò Confessarius non suppleuerit illum defectum per diligentem interrogationem, vt sepe accidit in rudibus, & rusticis qui conscientiam discutere nesciunt. Verùm si confessarius aduertat pœnitentem notabiliter defecisse circa examen conscientie, & videat se non posse defectum examinis per interrogationes supplere, remittat pœnitentem, eique imperet, vt adhibita maiori diligentia redeat, modò non immineat periculum mortis. *ibidem numero quarto & sequenti.*

30. Confessio debet esse *simplex*, itavt superflua, & inutilia amputentur; neque enim necesse est circumstantias impertinentes aperire. Det tamen operam pœnitens vt sua peccata clarè, & distinctè fateatur, quoad numerum, & species. Debet esse *humilis*, itavt pœnitens flexis genibus, & aperto capite se accuset, nisi aliud fuadeat necessitas. Debet esse *pura*, quoad intentionem, itavt non fiat ob prauum aliquem finem; quanquam facta ob finem venialiter malum, verbi gratia ob inanem gloriam, suo fructu non caret. Hinc patet illum non peccare mortaliter, qui vt bonam tueatur opinionem de se apud Confessarium, fatetur illi solum leuia peccata, & si inci-

dat in



dat in mortale, accedit ad alium priore relicto, modò id non faciat per hypocrisim. *tom. 1. pag. 134. num. 1. & seq.*

31. Præterea debet esse *fidelis*, id est, vera, & sine fraude. Nam mendacium in confessione circa materiam necessariam confessionis est peccatum mortale, & consequenter irritat confessionem; quia Sacerdos, qui est iudex in hoc Sacramento, decipitur in re gravi. Quamquam pœnitens, per se loquendo, non peccat mortaliter, si à Confessario interrogatus nuntiale peccatū aliquando commiserit, falsò negat se commississe, nolens idem peccatum, quod antea confessus est iterum confessioni subicere. Ad veritatem etiam confessionis pertinet, peccata dubia, tanquam dubia, & certa, quam certa explicare. Mendacium autem circa peccata venialia non reddit invalidam confessionem; quia venialia non sunt materia necessaria confessionis: nisi fortè pœnitens vnum tantum peccatum veniale fateatur se commississe, quod non commisit, nullumque aliud peccatum exprimat in confessione; tunc enim peccat mortaliter, & reddit Sacramentum invalidum. *tom. 1. pag. 134. 135. num. 6. & seq.*

32. Confessio debet esse *frequens*, non quòd sit necesse sæpius in anno confiteri, extra mortis articulum, aut Ecclesiæ præceptum; sed quia utile est sæpius confiteri ob fructus vberes, qui inde percipiuntur. Quamobrem perfectionis studiosi, si nulla alia habent præter peccata ritè aliàs confessa, de iis ipsi solent novas confessiones instituere; ne fructibus tanti Sacramenti careant. *pag. 135. num. 14.*

33. Debet esse *nuda*, id est nullis verborum ambagibus inuoluta: sicut enim peccata nuda sunt oculis Dei, ita debent esse aperta Sacerdoti Dei vicces gerenti: neque enim potest naturam, & qualitatem peccatorum rectè perspicere, & diiudicare an sint mortalia, an venialia, nisi pœnitens nudè, & detractò omni verborum fūco, illa fateatur. *ibid. num. 15.*

34. Debet esse *discrera*, ita ut pœniteus eligat confessarium eruditum, & probum, qui scientiam habeat, & conscientiam, quippe possit lepram à lepra internoscere, & debita remedia applicare; hinc collige pœnitentem, qui confessarium eligit, quem novit indoctum, ratur propter ipsius inscientiam, se non obligandum ad restitutionem, teneri iterum confiteri, neque excusari à restitutione. Hanc etiam pœnitens debet adhibere cautionem, ut peccata impudica, & obscena, quantum fieri poterit, honestis verbis explicet, nec descendat ad singula; sufficit enim speciem, & circumstantias necessarias explicare. *ibid. num. 17.*

35. Debet esse *libens*, ita ut voluntariè fiat, & cum intentione confitendi. Si quis tamen inducatur ad confitenda peccata timore excommunicationis, infamiae, aut etiam verberum, &c. validè confitetur modò cum dolore debito, ac sufficienti; illud enim inuoluntarium admixtum, non irritat confessionem. *ibid. num. 18.*

36. Debet esse *verecunda*; congruum enim est, & fructuosum interius apud seipsum erubescere de turpitudine, ac foeditate animæ propriæ, &

exte-



exteriùs apud confessarium; quippe illa verecundia prodest ad pœnæ remissionem. Caueat tamen confessarius ne pœnitentem deterreat durioribus verbis, sed illum potiùs alliciat ad peccata confidenter explicanda, dilata reprehensione ad finem confessionis. *tom. 1. pag. 135. 136. n. 19.*

37. Debet fieri *secretò*: nam euulgare peccata sine iusta causa, videtur iuri naturali aduersari. Hinc collige neminem teneri, per se loquendo, confitetti per interpretem; neque debere peccata Sacerdoti aperire aliò audiente, in quo peccant Sacerdotes, qui multos pueros obli capaces in vnum congregatos, simul audiunt se accusantes. Poteſt tamen confessio fieri aliquando publicè, vt fit ab existentibus in periculo naufragij. At confessarius non potest præcipere pœnitenti vt confiteatur coram teste; hoc enim est nimis graue. Porro non est de necessitate Sacramenti propriis verbis confiteri; possunt enim peccata per nutus, signa, & scripturam sufficienter manifestari. Quare si detur casus, vt quis nequeat loqui, aut nimia suffundatur verecundia, potest per signa Sacerdoti confiteri. *tom. 1. pag. 136. num. 21.*

38. Confessio est *acceleranda*, itavt pœnitens quamprimùm confiteatur, tùm ne maneat in statu damnationis; tùm vt bona ipsius opera sint meritoria: non est tamen necesse statim post peccatum confiteri, cum possit gratia per contritionem recuperari. *ibid. num. 27.*

39. Confessio debet esse *accusans*, non *excusans*; itavt pœnitens sibi peccata imputet, non in alium reiciat, aut excuset; nisi hoc necessarium videatur ad sanam apud confessarium tuendam. Denique confessio ea, esse debet, vt pœnitens sit *paratus morem gerere* confessario in iis, quæ ad conscientiam spectant; cum enim Sacramentum pœnitentiæ exerceatur per modum iudicij emendatiui, pœnitens debet satagere vt Deum propitiet suis criminibus violatum. *ibid. num. 29. 30.*

### Confessionis integritas.

40. In confessione explicanda sunt necessariò peccata, quòd species morales, non autem quoad physicas; aliquando enim plures actus physice diuersi vnam habent malitiam, & vice versa vnus actus physicus plures habet malitias. Proinde qui ad occidendum inimicum emit gladium, concitendit equum, suscepit iter, non tenetur has omnes actiones physicas explicare, quia vnicam habent malitiam, ideoque sunt eiusdem speciei mortalis, quare satisfacere dicendò se hominem occidisse: modò illi actus non fuerint notabiliter interrupti, nec habuerint aliam circumstantiam moraliter diuersam; propterea qui occisurus inimicum conculcauit segetes, furtum commisit, &c. tenetur has circumstantias in confessione explicare. *tom. 1. pag. 137. num. 2. & 3.*

41. In confessione aperienda est circumstantia, propter quam peccatum mort. fit veniale, & contrà: quia mortale, & veniale, in ratione offendit Deum.



fa Dei maxime differunt; quapropter in confessione explicandum est an furtum fuerit in magna, an in parua quantitate. *ibid. num. 6.*

42. Qui se exposuit periculo peccandi, tenetur fateri circumstantiam, illius peccati, cuius periculo se exposuit: quia in moralibus idem est exponere se periculo peccati, & illud committere; præceptum enim, quod obligat ad vitandum peccatum, obligat etiam ad vitandum illius periculum. *ibid. num. 7.*

43. Qui oblitus est in confessione, alicuius circumstantiæ mortalis, tenetur illam in alia confessione explicare; quia est peccatum mort. distinctum; sufficit tamen eam solam circumstantiam omisitam explicare: v. g. quis furatus est calicem, sed in confessione meminit solius furti; in secunda confessione satisfaciat dicendo se mortale sacrilegium commississe, non exprimendo furtum. *ibid. num. 9.*

44. Omnia peccata mort. post Baptismum commissa, necessario sunt in confessione explicanda, quoad numerum, quantum fieri potest. Quare qui decem aureos nummos decies furatus est, non satisfacit dicendo se decem aureos furatum esse; sed tenetur numerum furtorum exprimere. Item qui cum peccati mort. conscientia plurium confessiones excepit, tenetur numerum personarum, quoad potest, explicare. Notand. tamen, confessarium peccati mort. sibi conscius, non peccare mort. si a principio dum audit confessionem, propositum habeat penitendi, antequam absolutionem impendat. *tom. 1. pag. 138. num. 1. & seq.*

45. Poenitens tenetur confiteri ea peccata, quæ confessario nota sunt extra confessionem; quia cum hoc Sacramentum sit quoddam iudicium, non potest reus absolui à peccatis, quæ non sunt in iudicium adducta per confessionem: sufficit tamen si penitens confessario, cui nota sunt ipsius peccata, dicat, *Pater accuso me de illius peccatis, quæ nosti me commississe;* sic enim sufficienter illi aperit suum statum. *ibid. num. 10.*

46. Non opus est in confessione explicare actum minus principalem, & circumstantias communiter comitantes, vel præcedentes actum, modò actus principalis subsequutus fuerit, nec intercesserit mora inter actum principalem, & minus principalem, & modò actus minus principalis, connexionem habeat cum principali. Quia licet huiusmodi circumstantiæ sint male, nihilominus cum effectui principali consuevit vnum numero peccatum; sufficit igitur actum principalem. *tom. 1. pag. 139. n. 12.*

47. Explicandi sunt in confessione actus, seu circumstantiæ, quæ subsecute sint actum principalem, cuiusmodi sunt tactus, & oscula, post finitam copulam; nam hi actus subsequentes sunt principia alterius peccati, consequenter efficiunt nouum peccatum. *ibid. num. 13.*

48. In confessione generali, omnia peccata mortalia ritè antea expiata non sunt necessario exprimenda: quia huiusmodi peccata cum iam fuerint clauibus subiecta, non sunt materia necessaria confessionis: Quapropter nonnulli consueuerunt confessiones generales paulatim facere, antea acta



vita peccata iam per confessionem dimissa quotidie aliqua aperiendo.  
*ibid. num. 14.*

49. Qui habet tantum peccata venialia, non satisfacit dicendo in genere se venialiter peccasse; sed omnino explicandum est aliquod peccatum: quia licet nemo teneatur venialia confiteri; tamen ex suppositione quod quis velit confiteri; tenetur materiam certam confessioni subiicere. Quare ille est absolvendus, qui scit se peccatum aliquod admisisse, sed dubitat an illud mortale sit, an veniale; subiicit enim confessioni materiam certam & determinatam, quamvis dubiam quoad gravitatem peccati. *ibidem, num. 15. 16.*

50. Qui propter consuetudinem peccandi non potest certum, ac determinatum numerum peccatorum exprimere, ut meretrix, quae fuit omnibus exposita, aut blasphemus, qui consuetudinem habuit blasphemandi, satisfacit dicens se talem peccandi consuetudinem tamdiu habuisse, v. g. toties in hebdomada vel mense, plus minus; sic enim potest confessarius sufficiens iudicium ferre de statu poenitentis. Qui vero rem alienam detinuit, quam potuit domino restituere, satisfacit explicando tempus, quo fuit in mora restituendi; neque confessarius in huiusmodi casibus debet scrupulose agere. *ibid. num. 18. & pag. 140. num. 21.*

51. Circumstantiae peccati sunt quaedam conditiones non pertinentes ad substantiam actus peccati, sed illum aliquo modo attingentes, quarum aliae augent; aliae minuunt peccatum, aliae speciem mutant, aut novam addunt. Possunt autem omnes ad has septem reuocari:

*Quis, quid, ubi, quibus auxilijs, cur, quomodo, quando.*

Circumstantiae notabiliter minuentes non sunt necessario in confessione exprimendae, nisi speciem mutant, ut si efficiant peccatum veniale, quod alioquin esset mortale. Immo nec notabiliter aggravantes sunt necessario explicandae, modo speciem non mutant: nimis enim angerentur fideles ex tali obligatione. *tom. I. pag. 140. 141. num. 1. & seq.*

52. Circumstantiae mutantes speciem sunt in confessione necessario explicandae; sic enim expresse decernitur in Trid. sess. 14. cap. 5. hinc multae difficultates solvuntur. Nam qui virginem defloravit, debet illam circumstantiam aperire, siue illa consenserit, siue non; quia stuprum habet specialem malitiam. Qui carnaliter cognovit poenitentem, non tenetur illam circumstantiam in confessione exprimere; quia non est incestus, neque sacrilegium, modo Confessarius eam non sollicitauerit in confessione, aut non sit Parochus; tunc enim specialis interuenit malitia. Qui consanguineam, aut affinem carnaliter cognovit, debet explicare gradum incestus. Qui in actu mollitiei concupiuit virginem, aut coniugatam, aut monialem, tenetur exprimere conditionem personarum; est enim circumstantia speciem mutans. Qui vno actu plures percussit, aut infamavit, tenetur numerum personarum exprimere; quia non potest alioquin ipse actus individualis sufficienter exprimi. Qui fuit causa scan-



dali, vt qui publicè peccauit, aut alium induxit ad peccatum, præsertim qui non erat paratus, tenetur illas circumstantias aperire; quia cooperatus peccato alterius, alienum autem peccatum imputatur cooperanti. Qui coram pluribus detrahit, aut turpia loquitur, debet exprimere numerum personarum, tum ratione scandalij, tum ratione cooperationis; in quo etiam exprimenda videtur conditio personarum adstantium, & qualitas sermonis. *tom. 1. pag. 142. 143. num. 6. & seq.*

53. Consuetudo peccandi, per se loquendo, non est necessariò in confessione explicanda. Quare non tenetur penitens dicere se peccatum, quod tunc fatetur, aliàs commississe, nisi fortè iusta de causa interrogetur à Confessario, vt illi constet de dispositione penitentis; consuetudo enim peccandi arguit infirmum propositum emendationis. *pag. 143. num. 22.*

54. Circumstantia finis tunc est in confessione explicanda, quando non iam superaddit malitiam. Ita qui furatus est ad inuechandum, debet exprimere illam circumstantiam; quia medium participat malitiam finis. Qui verò in die festo sacrum omittit propter studium, non tenetur illam circumstantiam aperire; quia studium, ex se, non est malum. *ibid. num. 25. & pag. 144. num. 26.*

55. Circumstantia temporis, loci, aut modi, per se loquendo, non est necessariò in confessione explicanda; quia non superaddit peccato distinctam speciem malitiam. Quare qui in die festo aliquod peccatum committit, non tenetur hanc circumstantiam aperire, modò in die festo non exerceatur opus seruale, aut Missa non omittatur; hæc enim sunt specialiter prohibita. *tom. 1. pag. 144. num. 28. & 29.*

56. Qui dubitans commiserit peccatum mortale, tenetur illud sub dubio confiteri: quia alioquin exponit se periculo violandi integritatem confessionis. Item qui scit se commississe aliquod peccatum, quod dubitat an sit mortale, tenetur illud in confessione manifestare; quia Conc. Trident. excipit ab obligatione confitendi sola peccata venialia; ergo supponit dubia mortalia esse aperienda. Idem dicendum à fortiori de eo, qui scit se peccatum mortale commississe, sed dubitat an illud confessus fuerit, vel an validè; quoties enim constat de obligatione, & dubitatur de excusatione, possessio stat pro obligatione. *ibid. num. 1. 2. & 3.* Hæc autem intelligenda sunt de dubio propriè dicto: nam si quis probabiliter opinetur aliquod peccatum non esse mortale, aut se non peccasse mortaliter, non tenetur illud confiteri; quippe integrum est cuilibet probabilem opinionem sequi. *ibid. num. 4.*

57. Fieri potest vt sacramentum Pœnitentiæ validè suscipiatur sine integritate materiali confessionis, id est, aliquibus peccatis mortalibus omis- sis; vt quando penitens obliuiscitur alicuius peccati mortalis, aut quando in externo vite periculo non potest singula percellere, &c. *tom. 1. pagina 145.*

58. Propter ignorantiam excusatur ab integritate confessionis, qui pec-  
catum



catum solim commissum, dum adhuc esset rudis, aut puer, conticuit ignorans se teneri ad illius confessionem; nunc autem postquam maturior ætas, aut sanius iudicium accessit, cognoscit esse peccatum necessario confessioni subiiciendum. Excusatur item, qui ex obliuione non culpabili, prætermisit in confessione peccatum mortale; quia præceptum integritatis in confessione, non obligat ad impossibile. *ibid. num. 2. & 3.*

59. Sacerdos, qui defectum commisit in confessione audienda, quem non potest explicare, nisi suo Confessario manifestet peccatum complicitis in confessione auditum, excusatur à confessione illius defectus, si non habeat copiam alterius Confessarij, cui complex sit ignotus: quia præceptum sigilli confessionis non violandi, strictius obligat, quam præceptum integritate confitendi. *ibid. num. 5.*

60. Pœnitens potest complicem peccati in confessione manifestare, quando non habet copiam alterius confessarij, cui sit ignotus complex. *ibid. num. 5.*

61. Murus, qui sua peccata nutibus confitetur, & extraneus, cuius idioma à confessario non satis percipitur, si desit alius qui percipiat, saltem urgente præcepto, non sunt à confessione, & absolutione arcendi: quia hi faciunt, quod in se est. Idem dicendum de eo, qui petit confessionem, sed postea adueniente Confessario, non potest amplius loqui, sed signa pœnitentiæ tantum ostendit; quia impotentia excusat ab integritate materialis confessionis. Immo confessarius tenetur, saltem ex charitate, illum absolueri, qui in periculo mortis dat signa contritionis. Qui autem, absente confessario, exhibuit signa contritionis; sed eo postea superueniente ita sensibus est destitutus, ut iam nullum signum exhibere possit, sub conditione est absolendus; quia adstantium attestatio supplet vicem confessionis; & præstat infirmum decedere cum dubio Sacramento, quam sine ullo. *ibid. num. 6. & 7. & pag. 146. num. 8.*

62. Quando periculum est ne pœnitens inchoata confessione decedat, aut sermonis usum amittat antequam perficere possit, confessarius curet proferri sibi materiam certam, quamuis illa sit tantum peccatum veniale; quia, quoad fieri potest, subiicienda est confessioni materia certa, ne forma Sacramenti certa cadat super incertam, vel indebitam materiam. At si æger postea obtenta absolutione non moriatur statim, dummodò per tempus, & infirmitatem liceat, prosequi debet confessionem, & nouam absolutionem accipere. *pag. 146. num. 9.*

63. Si adueniente confessario, nulli sint præsentés, qui fidem faciant ægrotum petiisse confessionem, vel dedisse signa contritionis, iuxta communio-rem Doctorum sententiam, non potest sacramentaliter absolui, etiam si forte absente confessario dederit signa contritionis: nam in hoc casu nulla fit confessio præsentis Sacerdoti, neque per verba, neque per signa ipsius pœnitentis, neque per aliorum attestationem coram pœnitente, & Sacerdote. *ibid. num. 10.*



64. Probabile est Sacerdotem impendere posse absolutionem moribūdo, quem nouit se absente dedisse signa contritionis in ordine ad confessionem. Ita censuit sacra Cardinalium Congregatio declarans posse pœnitentem absolui, qui confessionis indicia dedit coram eo, qui statim ad confessarium accurrit, sed pœnitens, adueniente confessario, iam nullum doloris signum exhibere potest: *ibid.*

65. Pœnitens potest aliquod peccatum mort. reticere in confessione ad virandum graue incommodum proprium, vel alienum. Immo si pœnitens habeat necessitatem confitendi, & non habeat copiam confessarij cui possit absque periculo confiteri, debet reticere peccata, de quibus est periculum; quia præceptum integræ confessionis non obligat cum graui incommodo, & quisque debet sibi aliisque consulere. Quapropter si femina confitendo peccatum timeat ne confessarius scandalizetur, aut ne ab eo sollicitetur, tenetur ab illius peccati confessione abstinere. *rom. 2. pag. 146. 147. num. 11.*

66. Vrgente præcepto annuæ confessionis, aut necessitate suscipiendi Eucharistiam, aut celebrandi, potest & debet confiteri sua peccata, tacito eo, de quo probabiliter timetur; cum enim vrgeat præceptum confitendi, debet confiteri suppresso eo peccato, cuius supprimendi iustam habet causam, neque potest, omissa confessione, contritus communicare. *pag. 147. num. 14.*

67. Versantes in periculo naufragij, aut in domo conflagrante, etiam si non omnia peccata mort. confessi fuerint, absolui possunt; immò confessarius audito à singulis vno peccato potest simul omnes absolvere dicens: *Ego vos absoluo;* Item confessarius, qui timet ne infirmus moriatur sine absolutione, potest illum, audito vno peccato, antequam perficiat confessionem, absolvere, & deinde reliqua audire, vt confessio fiat integra, quantum fieri potest. *ibid. num. 17.*

#### *Confessionis iteratio.*

68. Ex defectu pœnitentis iteranda est confessio, quando pœnitens, culpabiliter aliquod peccatum mort. omittit, aut quando confitetur sine dolore requisito, aut quoties mortaliter peccat in actuali susceptione huius Sacramenti; aut quando non habet propositum deferendi occasionem proximam peccandi mort. in his enim casibus confessio est sacrilega. Est etiam iteranda, quando pœnitens voluntariè fuit prius absolutus à peccatis, quam ab excommunicatione: nam excommunicatus arcetur à Sacramentis, consequenter inualidè confitetur. Qui verò absque culpa prius absoluitur à peccatis, quam ab excommunicatione, non tenetur confessionem iterare; quamuis enim excommunicatus prohibeatur suscipere Sacramenta; non tamen est illorum incapax. *rom. 2. pag. 148. num. 1. & seq.*

69. Qui aliquod peccatum mort. in confessione prætermisit, putans nō non esse mort. excusatur ab iteranda confessione, & satisfacit repetendo omis-



omissum. Hic pueri, & puellæ excusari possunt à repetenda confessione, quæ aliquod peccatum mort. tacuerunt, ignorantes esse mortale; sed deinde grandiores factæ agnoscunt esse mortale. *ibid. num. 6.*

70. Qui maiorem numerum peccatorum venialium, bona, aut etiam, mala fide expressit, non tenetur iterum verum numerum aperire; quia, non decepit confessarium in materia necessaria. Qui verò expressit maiorem numerum mortalium mala fide, tenetur non solum verum numerum aperire, sed etiam repetere confessionem, vt pote inualidam ob deceptionem in materia graui. At si bona fide maiorem numerum mortalium expressit, neque tenetur repetere confessionem, neque errorem numeri confiteri; secunda enim confessio esset potius excusatio quam accusatio. *ib. n. 7.*

71. Ob defectum confessarii absoluentis, confessio est iteranda, quando defectus contingit in essentialibus, vt si confessarius careat iurisdictione, si non habeat debitam intentionem, si non vtatur forma à Christo tradita. Obseruandum tamen Sacerdotem, qui communi errore, & titulo colorato putatur habere iurisdictionem, validè absolvere, Ecclesia iurisdictione supplente, etiam si sit excommunicatus vitandus; habitus tamen confessarius legitimus. *ibid. num. 8.*

72. Pœnitens, qui bona fide confessus est Sacerdoti indocto, & minù idoneo, quem post confessionem comperit nesciuisse distinguere inter peccata mortalia, & venialia, vel inter referuata, & non est referuata, non tenetur confessionem repetere, modò confessarius habuerit iurisdictionem, & pœnitens ritè confessus fuerit, nec obicem posuerit valori sacramenti. *tom. I. p. ag. 149. num. 14.*

73. Qui repetit confessionem inualidè factam apud eundem confessarium non tenetur singula peccata repetere, sed ea tantum recensere, quæ omiserat, & quæ post inualidam illam confessionem commisit, modò confessarius, saltem in genere, recordetur status pœnitentis. Sin apud diuersum, tenetur singula repetere; quia sententia non est ferenda sine cognitione causæ. *ibid. n. 15.*

74. Valida est confessio, quam non potuit pœnitens vnica vice perficere, sed eam multorum dierum spatio absoluit, & in fine obtinuit absolutionem à Sacerdote, cui notus erat status pœnitentis, quamuis Sacerdos impertiens absolutionem, non recordaretur omnium peccatorum singulatum. Item, qui confessus est peccata Sacerdoti non habenti facultatem, absoluenti, satisfacit, si eidem habenti postea facultatem, eadem peccata in genere aperiat, modò confessarius recordetur aliquo modo status pœnitentis. *ibid. 16. & 17.*

*Obligatio ad confessionem.*

75. Omnes fideles baptizati, qui commiserunt peccata mort. post baptismum, aut in ipsa susceptione baptismi, tenentur confiteri, non tantum adulti, sed etiam pueri vtetes ratione, idque ex præcepto diuino, & Ecclesiast.



quo fideles ad annuam confessionem obligantur. Tamen negant Doctores excommunicationem, quæ continetur in cap. *omnis vtriusque sexus*, ferendam esse contra pueros, præceptum annuæ confessionis ante duodecimum annum non adimplentes. *tom. 1. pag. 150. num. 1. & seq.*

76. Papa non solum iure diuino tenetur confiteri, cum diuinis legibus sit subiectus, verum etiam præcepto Ecclesiastico; quod fideles obligat ad confessionem mortalium semel in anno; quia ex vi directiua, & ex honestate tenetur ad obseruantiam legum, quas propria auctoritate condidit. *ibid. num. 4.*

77. Peccata interna, etiam si sola sint, in confessione sunt aperienda, cum aliter expiari non possint; neque esset integra confessio, si hæc omitterentur, si sint mortalia. Nam ad venialium confessionem nemo tenetur. Debent tamen omnes fideles coram proprio Sacerdote tempore Paschatis comparere, etiam si nulla habeant peccata, præter venialia, ut vitent scandalum, & non excommunicentur, vel interdican- tur. *ibidem. num. 6. & 8.*

78. Præceptum annuæ confessionis est Ecclesiasticum, non simpliciter, sed quoad determinationem temporis; quia Ecclesia solum præcepit confessionem semel in anno fieri, non verò absolute; vnde infertur Ecclesiam posse hanc determinationem temporis auferre; quia potest leges à se conditas abrogare: non tamen potest cum aliquo dispensare ut nunquam confiteatur, vel ut non confiteatur in articulo mortis; quia Ecclesia in iure diuino non dispensat. *tom. 1. pag. 151. num. 10. & 11.*

79. Omnes fideles, qui annos discretionis attigerunt, tenentur confiteri. 1. semel in anno si sibi sint conscij peccati mort. 2. cum sumpturi sunt Eucharistiæ sacramentum si habeant peccatum mort. 3. in articulo mortis, etiam si eodem anno confessi fuerint; tunc enim, aut nunquam obligat præceptum diuinum confessionis: vnde sequitur suscipientes periculosas nauigatines, & milites instante prælio, & mulieres primum parituras, aut quæ partus habent difficiles, obligari ad confessionem. Idem dicendum de damnatis ad mortem. *ibid. num. 22. & seq.*

80. Præceptum diuinum confessionis, ex vi sua, non solum obligat in articulo mortis, sed etiam aliquoties extra mortis periculum; quia obligat ex vi sua, ut non nimium confessio differatur. Qui autem eodem anno abstinet à confessione, & communione, duo peccata committit; quia duo præcepta violat de re diuersa. *ibid. num. 17. & 18.*

81. Qui semel in anno, quocumque tandem tempore confitetur, satisfacit præcepto annuæ confessionis, neque postea tenetur, ex vi huius præcepti, iterum in quadragesima confiteri; fieri tamen potest ut alio teneatur, si nimirum sumpturus Eucharistiam, lethalis culpæ sibi sit conscius, aut si mortis articulus superueniat. *ibid. num. 20.*

82. Qui præuidet se in articulo mortis, confessarij copiam non habiturum; aut sequenti tempore præsentis anni, tenetur præuenire, confiten-  
do



do antequam adueniat mortis articulus, vel antequam elabatur annus, in quo tenetur confiteri. *ibid. num. 21.*

83. Qui facit confessionem informem, satisfacit præcepto confessionis; quia verè suscipit Sacramentum pœnitentiæ; Sacramentum enim informe est validum. Qui autem facit confessionem imperfectam, omissione voluntaria quorundam mortalium, aut ex ignorantia crassa, aut sine debito dolore, ac proposito, aut qui sua culpa non absoluitur, vt publicus vsurarius, aut meretrix, præcepto non satisfacit. *tom. 1. pag. 152. n. 22. & 23.* & censuras incurrit infligendas iis, qui non sunt confessi. *num. 25.*

84. Qui superiore anno non est confessus, tenetur hoc anno quamprimum confiteri; quia confessio præcipitur absolute, & simpliciter, non tam habita ratione temporis, quam ne diutius differatur; ergo elapso tempore determinato, non cessat obligatio; quemadmodum debitor, qui termino constituto non soluit, non propterea, elapso termino, excusatur ab obligatione soluendi. Qui tamen in articulo mortis non est confessus, cum haberet conscientiam peccati mort. non videtur teneri postea quamprimum confiteri, nisi periculum mortis perseveret; quia in eo articulo tenebatur tantum ratione necessitatis; ergo transacta necessitate non videtur ad præceptum implendum obligandus. *ibid. num. 26. & seq.*

85. Obiic. fideles, qui tempore Paschatis non communicarunt, non tenentur, ex vi præcepti Ecclesiastici, postea communicare; ergo neque tenetur quis elapso anno confiteri. *Resp.* esse disparitatem, quia præceptum annuæ communionis non est latum absolute, sed respicit circumstantiam determinati temporis; habuit enim Ecclesia rationem illius temporis, quo celebratur Christi passio, cuius memoria per Eucharistiæ sumptionem potissimum recolitur. At præceptum confessionis latum est absolute, & independentem à tempore. Ita nonnulli. Sed omninò negandum videtur præceptum annuæ communionis, transacto Paschate, non obligare. *ibid. num. 29.*

86. Qui distulit confessionem anni præteriti vsque in præsentem annum, non satisfacit vnica confessione vtrique obligationi; ad vnā quippe confessionem tenetur ratione anni elapsi, & ad alteram ratione præsentis; consequenter, si semel tantum confessus est, & iterum nolit pro præteritis anni obligatione confiteri, potest per censuras ab Episcopo compelli ad confessionem. *tom. 1. pag. 153. n. 31.*

87. Qui post communionem recordatur alicuius peccati mort. in confessione per obliuionem omisi, non tenetur ex vi præcepti annuæ confessionis, illud peccatum quamprimum confiteri; iam enim præcepto satisfecit. Si verò recordetur ante communionem, tenetur illud confiteri si velit accedere ad sacram Synaxim, ne accedat indigne. At qui post confessionem, & communionem commisit peccatum mort. nondum elapso anno, non tenetur illo ipso anno confiteri. Si quis tamen confessus esset hoc anno peccata solum venialia, & post confessionem incidisset in mortale,



nondum elapſo anno, teneretur eodem anno iterum confiteri; quia præceptum confessionis obligat ad mortalia ſemel in anno confitenda. *ibid. n. 32.*

88. Qui confeffario non approbato ſua peccata confitetur, non ſatisfacit præcepto confessionis; ſatisfacit verò ſi cuicumque approbato confiteatur, neque poteſt Parochus impedire ſibi ſubditos, quò minùs religioſo, ſeu Sacerdoti approbato confiteantur. Neque *obuias* peccata confitenda eſſe proprio Sacerdoti, aut alteri de eius licentia. *Reſpondeo* enim, non tantum Parochum ſed etiam Episcopum eſſe proprium Sacerdotem, ac proinde qui confitetur Sacerdoti approbato ab Episcopo, cenſeri id facere de licentia proprij Sacerdotis. Quare Parochus in Paſchate non debet denegare Euchariftiam affirmanti ſe confeffum fuiſſe approbato Sacerdoti, præſertim ſi ſchedulam, ſeu atteſtationem proferat. *ibid. pag. 34.*

89. Qui ſine graui incommodo, aut detrimento nequit ſua peccata confiteri, excuſatur ab obligatione confessionis. Hinc patet excuſari 1. eum, qui non habet copiam Confefſarij, niſi longum iter ſuſcipiat, quod abſque graui incommodo ſuſcipere non poteſt. 2. eum, qui ſibi aut alteri timet reuelationem peccati, aut aliud graue damnum. 3. eum, qui non poteſt ſub ſecreto ſigilli confiteri, vt ſi Confefſarius ſit ſurdus aut pœnitens, in nauim cum alijs exiſtens nequeat ſe accuſare, quin ab alijs audiat. 4. eum, qui non niſi per interpretem poteſt confiteri, ſecluſo mortis articulo, in quo peccator, ſi non eſt alia opportunitas confitendi, tenetur publicè, vel per interpretem confiteri, ſi non poſſit actum contritionis elicere, aut ſi de ea dubitet; cauere enim debet ne ſe periculo damnationis exponat. *ibid. num. 1. & ſeq. pag. 154.*

90. Qui commodè, & ſine periculo nequit per ſcripturam confiteri ad hoc non tenetur; ſi commodè poteſt, tenetur, quando vrget præceptum, confitendi, neque timetur periculum infamiæ, aut grauis damni: quia qui tenetur ad finem, tenetur etiam ad media conducentia ad illum finem; igitur qui tenetur confiteri, tenetur etiam adhibere media commoda ad confessionem, præſertim quando alia non ſuppetunt. *pag. 154. num. 6.*

### *Satisfactio quid, & quàm neceſſarium.*

91. Satisfactio eſt compenſatio pœnæ temporalis debitæ ob iniuriam Deo illatam, conſiſtens in operibus pœnalibus, & laborioſis à confefſario taxatis. Non tamen ſemper remittitur omnis pœna peccatis debita, per ſatisfactionem; cum enim confefſarius non ſemper cognoſcat quanta pœna peccatis debeatur, non ſemper imponit pœnam ad æqualitatem, conſequenter non tollitur ſemper omnis pœna, ita vt perfecta ſatisfactione, nihil in purgatorio luendum remaneat. *ibid. numero 1. & 2.*

92. Validum eſt Pœnitentiæ Sacramentum, in quo confefſarius nullam ſatisfactionem iniungit (modò pœnitens ad id malitioſè non concurrat)



rat) etiam si forte Sacerdos peccet non iniungendo pœnitentiam absque rationabili causa: quia satisfactio non est pars essentialis Sacramenti Pœnitentiae, sed tantum integralis. *tom. 1. pag. 155. num. 3.*

93. Confessarius, per se loquendo, tenetur satisfactionem, seu pœnitentiam iniungere, ut patet ex Trident. *sess. 14. cap. 3.* In his tamen casibus excusatur à pœnitentia iniungenda. 1. quando pœnitens est morti proximus, tunc enim impendenda est absolutio absque satisfactione. 2. quando pœnitens est scrupulosus, & identidem redit ad confessarium, semper asserens aliquid noui. 3. quando confessarius ex signis aduertit penitentem, cum maximo dolore accedere. At quando pœnitens creditur nullam acceptaturus penitentiam, non videtur dispositus ad beneficium absolutionis suscipiendum. *tom. 1. pag. 155. 156. num. 1. & seq.*

94. Confessarius non solum potest, verum etiam, regulariter loquendo, debet satisfactionem præcipere penitenti: nonnunquam tamen potest eam consulere, vel imponere sub conditione, hoc modo, Si reincideris in tale peccatum, ieiunabis; vel etiam sub disiunctione, hoc modo, Dabis eleemosynam pauperi, vel, si mauis, recitabis coram: quia satisfactio cum iniungatur ut medicina, potest à confessario præscribi, ut visum fuerit expedire. *tom. 1. pag. 156. num. 6. & 7.*

95. Opus, quod in satisfactionem iniungitur, debet esse opus bonum, penale, ut oratio, ieiunium, eleemosyna, meditatio, Missa auditio, immò opus bonum aliàs præceptum ut ieiunium in quadragesima: si tamen confessarius nihil aliud exprimat, non censetur iniungere opus aliàs debitum ex præcepto, consequenter penitens cui iniunctum est, v. g. ieiunium, non satisfacit penitentiae, ieiunando eo die quo Ecclesia ieiunium indicit, nisi aliter constet de confessarii voluntate. Cauendum tamen ne pro peccatis occultis, penitentia publica iniungatur, ne periculo exponatur fama penitentis: at pro peccatis publicis, penitentia publica est iniungenda iuxta, Conc. Trident. *sess. 14. c. 8. ibid. num. 8. & seq. pag. 157.*

96. Confessarius potest, & debet, iuxta suum prudens arbitrium, iniungere penitentiam pro gravitate peccatorum, & qualitate penitentis. Quare potest magis contrito leuiorem penitentiam iniungere, tempore, Iubilaei mitiorem penam præscribere, &c. in primis autem studebit imponere penitentiam aptam ad curationem, & præseruationem à peccatis. In praxi receptum est, ut mitior pena iniungatur, ne penitens gravitate penarum ab usu sacramentorum deterreatur. *tom. 1. pag. 157. num. 5. & seq.*

97. Confessarius, per se loquendo, potest satisfactionem iniungere seu ante, seu post confessionem sacramentalem. Immo potest obligare penitentem ad penitentiam ante absolutionem adimplendam, quatenus iudicauerit expedire ad curationem, & medicinam penitentis: ea tamen penitentia, quæ persoluitur, ante absolutionem non habet statim suum effectum, nisi in ultimo



ultimo instanti, in quo est perfectum quoad materiam, & formam. *ibid.* num. 19. & seq.

*Pœnitentia commutatio.*

98. Confessarius ex iusta, & rationabili causa potest in confessione diminueri, & commutare pœnitentiam, à se, vel ab alio etiam superiori iniunctam; non tamen absque rationabili causa. Excipe pœnitentiam præferuatiam, quam non potest confessarius commutare, nisi in aliam item præferuatiam, cum id exigit iusta, & rationabilis causa. *ibid.* num. 1. & pagin. 158. num. 5.

99. Confessarius inferior potest pœnitentiam pro referuat, à superiore iniunctam commutare, iusta interueniente causa; quia sublata est referuatio per absolutionem superioris; quare pœnitens non tenetur adire superiorem, ut sibi commutetur pœnitentia pro referuatis imposita. Hec tamen pœnitentiæ commutatio non est facienda extra confessionem; quia pœnitentia est satisfactio sacramentalis, & eius commutatio est actus iurisdictionis clauium in foro sacramentali. *ibid.* num. 6. & 7.

100. Pœnitens, qui omnino oblitus est pœnitentiæ sibi à Confessario iniunctæ, tenetur eadem peccata iterum confiteri, quatenus opus est ad commutationem pœnitentiæ; nisi fortè pœnitens aduertat se aliis piis operibus, aut indulgentiis, pro pœnis debitis satisfecisse: quia pœnitens curare debet, quantum in se est, ne quid desit ad perfectionem, atque integritatem Sacramenti. Neque potest pœnitens propria auctoritate pœnitentiam in æquale, aut in melius commutare; quia hæc commutatio est actus iurisdictionis sacramentalis, quam non potest pœnitens in se ipsum exercere. Porro facta commutatione pœnitentiæ à Confessario, pœnitens potest eligere utram maluerit, primam, aut secundam; quia hæc commutatio facta est in fauorem pœnitentis. *tom.* 1. pag. 159. num. 8. 9. & seq.

*Obligatio ad pœnitentiam.*

101. Pœnitens tenetur pœnitentiam tolerabilem, & humanæ fragilitati accommodatam acceptare, acceptatamque adimplere; ita Concil. Trident. sess. 14. cap. 9. ratio est; quia pœnitens tenetur parere iudici rectè iudicanti. Si tamen pœnitentia nimium grauis videatur, potest rogare Confessarium ut eam mitiget, debetque Confessarius ei annuere quantum poterit; sin nolit, pœnitens potest dicere se malle alteri Sacerdoti confiteri. At si pœnitentiam acceptet, quantumuis grauem, peccat mortaliter, si eam non adimpleat: pœnitentiam verò leuem non adimplens, non peccat mortaliter, etiam si iniuncta fuerit pro peccato mortali, nunquam antea expiato. *tom.* 1. pag. 159. & 160. num. 1. & seq.

102. Probabilius est Confessarium non posse grauem pœnitentiam iniungere



iungere pœnitenti tantum sub veniali; quia natura huius Sacramenti postulat, ut pœnitentia præcipiatur, præceptum autem in re graui obligat sub mortali. *ibid. num. 4.*

103. Pœnitens, cui tempus pœnitentiæ adimplendæ præfixum est, debet intra illud tempus eam adimplere, alioquin grauius peccat valde diu differendo; quia facit contra obligationem in re graui: elapso autem tempore non cessat obligatio. Nullo verò termino præfixo, tenetur pœnitens, cum primum commodè poterit, pœnitentiam adimplere, alioquin, si diu differat, grauius peccat, nisi pœnitentia sit leuis. *ibid. num. 5. & 6.*

104. Potest excusari pœnitens à pœnitentia sibi iniuncta per suspensionem indulgentiæ respondentis satisfactioni, quæ debetur pro penis; quia, per indulgentiam satisfacit penæ sibi debitæ pro peccatis; ergo non est opus alia satisfactione. Obseruandum tamen pœnitentiæ iniuncta in remedium, & præseruationem à peccatis non satisfieri per indulgentiam. Quare melius est, & tutius pœnitentiam sacramentalem nunquam omittere ut augeatur meritum, & Sacramentum sit integrum. *ibid. num. 7. & seq.*

105. Satisfactio à Confessario iniuncta non potest per alium adimpleri, nisi Confessarius aliud expresserit; quia est obligatio personalis, modò pœnitentia consistit in actione personali; alioquin per alium tanquam instrumentum fieri potest, ut traditio eleemosynæ. Quare pœnitens potest eleemosynam per alium erogare; at ieiunare, orare, se flagellis cedere per alium non potest. Porro satisfactio, de consensu Confessarii, per alium facta, ut ieiunium, oratio, &c. sufficit quidem ad implendum præceptum Confessarii, non tamen sufficit ad satisfaciendum ex opere operato pro penitente, quia huiusmodi satisfactio debet esse actus ipsius pœnitentis. *tom. 1. pag. 160. n. 1. & seq.*

106. Qui in statu peccati mortalis pœnitentiam adimplet à Confessario sibi iniunctam, satisfacit quidem obligationi; facit enim quod sibi præceptum est; peccat tamen, quia ponit obicem effectui satisfactionis, quæ est pars sacramenti Pœnitentiæ; verum non videtur mortaliter peccare; nullus enim ferè se de hoc peccato in confessione accusat. Facta autem pœnitentia in peccato mortali, durante illo statu non prodest ad remittendam penam, propter obicem peccati, quo sublato, statim suum sortitur effectum. *pag. 161. num. 15. & seq.*

#### *Sacramenti Pœnitentiæ effectus.*

107. Sacramentum Pœnitentiæ confert gratiam habitualement; & Sacerdos non tantum declarat penitentem absolutum, verum etiam ipse absoluit à peccatis, ut Dei minister, & Christi vicarius, ut patet ex illis verbis Ioan. 2. *Quorum remisistis peccata*, &c. Neque obicias illud Luc. 5. *Quis potest dimittere peccata, nisi solus Deus?* Respondeo enim solum Deum remittere peccata principaliter, Sacerdotem verò ministerialiter, & instrumentaliter. *tom. 2. pag. 161. num. 1.*



108. Pœnitentia, seu quatenus est Sacramentum, seu quatenus est virtus, quæ vocatur contritio, sufficit ad delenda omnia peccata etiam gravissima; quia confert gratiam habituales impossibiles cum omni peccato mortali. Quod verò Marc. 3. blasphemia in Spiritum sanctum dicitur irremissibilis, vel intelligenda est impœnitentia finalis, quam conitat esse irremissibilem; vel intelligitur peccatum ex certa malitia, quod dicitur irremissibile, quia difficile remittitur, cum nullam habeat excusationem. Item quod Io. in. 1. cap. 5. dicitur esse peccatum ad mortem, pro quo non est orandum, intelligitur peccatum cum quo ex hac vita homo decedit, & damnatur. tom. 1. pag. 162. 163. num. 1.

109. Ne de absoluta quidem Dei potentia potest per sacramentum Pœnitentiæ vnum peccatum mortale remitti sine alio: quia peccator iustificatur per infusionem gratiæ habitualis, quæ omni peccato mortali formaliter opponitur, estque cum eo impossibilis, alioquin idem esset amicus Dei per gratiam, & inimicus per peccatum mortale, quod est contradictorium. pag. 163. num. 1.

110. Peccato mortali, quoad culpam remisso, necesse est de potentia Dei ordinaria, remitti etiam reatum penæ æternæ; quia per gratiam homo fit amicus Dei ex inimico, iustus ex iniusto, & hæres vitæ æternæ. Non tamen semper remittitur totus reatus penæ temporalis, ut definit Concil. Trident. sess. 6. cap. 14. propterea inungitur satisfactio; æquum enim est ut delinquenti aliqua imponatur pena. In quo pœnitentia differt à Baptismo, qui penam etiam temporalem remittit. *ibid.* num. 1. & 2. pag. 164.

111. Defectu attritionis dari potest Sacramentum pœnitentiæ informe, id est vacuum gratiæ, & charitate; cum enim gratia & charitas sint effectus Sacramenti, non pertinent ad eius essentiam; igitur potest Sacramentum esse validum, & tamen non producere suum effectum, si bona fide suscipiatur sine attritione supernaturali: nam si suscipiatur mala fide, nullum est Sacramentum cum actuali peccato mort. Posita autem attritione, Sacramentum pœnitentiæ desinit esse informe, statim enim confert suum effectum; quia iam sublati sunt obex. At si post susceptum pœnitentiæ Sacramentum informe, commissum est aliquod peccatum mortale, non sufficit attritio, sed requiritur contritio, vel novum pœnitentiæ Sacramentum, ut tollatur obex; & Sacramentum præcedens informe conferat suum effectum. tom. 1. pag. 164. 165. num. 3. & seq.

112. Per Sacramentum pœnitentiæ peccata venialia remittuntur omnia nisi ponatur obex: quia peccata venialia possunt esse materia Sacramenti pœnitentiæ, suntque facilius remissibilia, quam mortalia; neque maior est ratio cur hæc venialia potius remittantur, quam illa, modò non ponatur obex, id est modò penitens non retineat affectum aut complacētiam alicuius peccati venialis. pag. 165. num. 1. & 2.

113. Sacramentalia non remittunt peccata venialia ex opere operato. Dicitur autem *Sacramentalia* res, seu actiones sacræ quibus obtinetur



netur remissio peccatorum, cuiusmodi sunt oratio, aqua benedicta, panis benedictus, confessio quæ publicè fit ante Missam, elemosyna, aliaque misericordiæ opera, benedictio ab Episcopo, vel Abbate, hæc, inquam, sacramentalia remittunt peccata venialia ex opere operantis, excitando ad actum contritionis, seu amoris, per quem peccata venialia immediate delentur. *tom. 1. pag. 165. num. 1. & seq.*

114. Contritio formalis, quæ quis dolet de omnibus peccatis venialibus, ut sunt aliqua Dei offensæ; & perfecta Dei dilectio sufficiunt ad delenda omnia peccata venialia; per nullos autem alios actus remittuntur extra Sacramentum, quàm per actus contritionis, & dilectionis, quia hi soli actus debitam habent oppositionem cum peccatis venialibus. *pagin. 166. 167. num. 1. & seq.*

115. Quando actus contritionis, vel amoris Dei non est ita perfectus, ut oppositionem habeat cum omnibus venialibus, potest vnum deleri sine alio; nam ea solum delentur quibuscum talis actus oppositionem habet. Secus si ita sit perfectus, ut debitam cum omnibus habeat oppositionem. *pag. 167. 168. num. 1. & 2.*

116. Peccata mortalia remitti possunt absque remissione venialium; quia venialia non sunt impossibilia cum gratia. Venialia autem, de lege ordinaria remitti non possunt sine remissione mortalium; quia de potentia ordinaria non remittuntur venialia sine infusione, vel augmento gratiæ, gratia autem est impossibilis cum peccatis mortalibus. *tom. 1. pag. 168. num. 3. & 4.*

117. Remissio peccatorum venialium nunquam fit in hac vita sine infusione, vel augmento gratiæ habitualis; quia per actum contritionis, & dilectionis Dei, quo delentur venialia, semper infunditur, vel augetur gratia. Tamen ad remissionem venialium non requiritur, per se, gratia habitualis, quæ illa formaliter expellat; quia gratia habitualis non pugnat formaliter cum peccato veniali, sed tantum actus charitatis. *ibid. n. 5. & 6.*

118. Decedens cum solis peccatis venialibus potest frui gloria, illis delictis per actum contritionis, & dilectionis quem anima in primo instanti separationis à corpore elicit: unde infertur peccata venialia post hanc vitam remitti posse per actum contritionis quoad culpam; non tamen quoad penam: quia post hanc vitam non est tempus merendi, neque satisfaciendi, sed tantum satis patiendi. *ibid. num. 7.*

119. Peccata ita delentur per penitentiam, ut nunquam redeant, nec redire possint, etiam si noua peccata multiplicentur. Dici tamen possunt aliquo modo redire, non in se, & formaliter, sed ratione maioris deformitatis, quæ inest peccato post remissionem aliorum commissio: videtur enim Deus contemni quando de nouo offenditur post tantum beneficium, estque peccatum grauius quod committitur post obtentam aliorum remissionem. *tom. 1. pag. 169. n. 1. & seq.*



*Reuiviscentia meritorum.*

120. Bona opera alia sunt mortua priuatiuè, quæ sunt ab homine existente in peccato mortali, & hæc nunquam reuiuiscunt, per subsequentem penitentiam, nec quicquam profunt ad vitam æternam promerendam. Alia mortificata, quæ præstita sunt ab homine priusquam in peccatum mort. prolaberetur, deinde per subsequens peccatum mortificantur, & hæc reuiuiscunt per subsequentem penitentiam, & profunt ad vitam æternam consequendam. *tom. 1. pag. 170. num. 1. & seq.*

121. Per penitentiam non solum confertur noua gratia, sed etiam refutitur tota gratia præcedens, quæ præcedentibus meritis respondebat: qui reuiuiscunt meritis, ipsa etiam gratia illis meritis respondens reuiuiscit. Recuperantur etiam virtutes infusæ, quæ ita connexæ sunt cum gratia, ut cum ea amittantur; quia accessorium sequitur principale. *ibidem num. 4. & 5. & pag. 172. num. 6.*

*Sigillum Confessionis.*

122. Confessarius iure naturæ, diuino, & Ecclesiastico tenetur ad sigillum confessionis. Peccatum autem violationis sigilli est sacrilegium mortale, etiam si solum peccatum veniale cum sufficienti deliberatione manifestetur; sit enim grauis iniuria Sacramento, neque hac in re datur paruitas materiæ excusans à mortali. *tom. 1. pag. 172. num. 1. & seq.*

123. Ea omnia cadunt sub sigillum confessionis, quæ manifestata sunt Sacerdoti per ordinem ad confessionem Sacramentalem, factam animo se accusandi. Quare non oritur obligatio sigilli, quando quis manifestat sua peccata ei quem mouit non esse Sacerdotem. Verum qui se finxit Sacerdotem, & ob hanc fictionem causa fuit cur penitens manifestauerit sua peccata, tenetur ad obligationem sigilli; quia fraus non debet patrocinari suo auctori. Idem ille cui aliquid manifestatum est sub sigillo confessionis ab eo qui non habebat intentionem confitendi, non tenetur ad sigillum: tenetur tamen ad secretum naturale. *tom. 1. pag. 173. n. 1. & seq.*

124. Confessarius in dubio an aliquid sibi reuelatum fuerit in ordine ad confessionem, tenetur ad sigillum; quia rationabiliter presumendum est in suorem confessionis, & penitentis, ne confessio fiat odiosa. Idem dicendum de confessario, qui audita confessione penitentis, non impertuit absolutionem ob aliquem defectum; nam audiuit peccata in ordine ad confessionem. *ibid. num. 4. & 6.*

125. Parochus qui ex confessione nouit aliquod impedimentum, tenetur illud sub sigillo reticere, neque potest denegare matrimonium penitenti qui obstrictus est hoc impedimento dirimente, nisi illud impedimentum nouerit aliunde. Item Parochus potest à communione repellere pu-



re publicum concubinarium, quem talem nouit extra cōfessionem, etiam si hoc ipsum acceperit ex cōfessione; caueat tamen ne credat penitens se repelli ex scientia habita in cōfessione. *ibid. num. 8. & 9.*

126. Non solum peccata, verum etiam circumstantiæ, eaque omnia, quæ dicta sunt in cōfessione ad declaranda peccata, cadunt sub sigillum cōfessionis; vt si penitens dixit se esse spurium, aut pauperem, aut aliquem defectum naturalem manifestauit. Virtutes autem penitentis non tenetur confessarius occultare ex vi sigilli, sed solum ex vi secreti naturalis iuxta intentionem penitentis; quia virtutes non manifestantur in cōfessione animo se accusandi. *tom. 1. pag. 174. num. 10. & 11.*

127. Ad sigillum cōfessionis obligantur superiores quibus confessarius aliquid aperuit auditum in cōfessione, vt facultatem absoluedi à reſeruatīs obtineret; quia superior in hac parte, confessarij vices gerit, tūc quia res ad quemcumque perueniat, cum suo onere transit. Idem dicendum de alijs, quibus aliquid reuelatum est auditum in cōfessione, de cōsensu penitentis, cōsilijs capiendi gratia. Item obligantur interpretes quibus penitens vtitur in cōfessione. Item qui ex malitia, vel casu, peccata confitentis audierunt. Qui inuenit chartam in qua scripta erant alicuius peccata in ordine ad cōfessionem, tenetur saltem ad secretum naturale, neque potest index de huiusmodi peccatis inquirere, sed ea debet perpetuo silentio tegere. Nec desunt qui asserant illum reum esse absoluedum, & dimittendum qui fuit accusatus, & conuictus de crimine cuius notitia habita est tantum ex fractione sigilli; hæc enim cognitio non debet humano iudicio deferuire. *ibid. num. 1. & seq.*

128. Confessarius loquens de auditis in cōfessione, non manifestando personam, & sine periculo vt audientes veniant in cognitionem, vel suspicionem personæ, non violat sigillum, quia nulli facit iniuriam. Neque frangitur sigillum cōfessionis, si confessarius dicat in tali ciuitate multos esse improbos, vel talia crimina perpetrari; si tamen id dicatur de exiguo oppido, aut de aliquo monasterio, fieri potest vt non leuis suspicio de aliquo concipiatur, cum famæ iactura. Quare de auditis in cōfessione parca admodum, & caute loquendum. *tom. 1. pag. 175. n. 1. & seq.*

129. Videtur confessarius frangere sigillum cōfessionis, qui dicit se non absoluisse talem penitentem, quoties ex circumstantiis, & coniecturis ingeri potest audientibus suspicio grauis alicuius defectus. Non tenetur tamen confessarius schedulam, seu attestationem cōfessionis dare penitenti, quem audita cōfessione non absoluit, vt si audiuit famulos alicuius Principis, qui facta cōfessionis testimonium exigere solet; quia confessarius non videtur propterea prodere peccatum, & indispositionem penitentis, seu directe, seu indirecte. *ibid. num. 6. & 7.*

130. Confessarius non potest extra cōfessionem, sine licentia penitentis, vt scientia cōfessionis ad aliquid faciendum, vel omittendum, sed perinde se gerere debet ac si nihil sciret, in ijs rebus ex quibus pudor, seu confusio,

NB in  
prax.



fusio, aut damnum pœnitenti sequeretur. Immo non potest extra Sacramentum confessionis, loqui cum pœnitente, de auditis in confessione absque licentia ipsius. Potest tamen pœnitens cedere iuri suo, & concedere facultatem confessorio de his loquendi secum, aut cum aliis; quia sigillum est inductum in fauorem pœnitētis: verum id fieri non debet absque graui causa. *tom. 1. pag. 176. num. 8.*

131. Ex scientia confessionis non potest Confessorius priuare pœnitentem officio, aut illum dimittere, si est ipsius famulus, aut ei denegare suffragium, aut electionem ad beneficium, si alioquin probus vulgo existimetur. Neque Episcopus potest clericum ob crimen in confessione auditum arcere ab ordinibus suscipiendis. Denique non potest Confessorius vi scientia confessionis ad reuelandum aliquid vnde pendet bonum commune, immo salus orbis vniuersi; nullum enim est tam graue incommodum, quod preponderet fractioni sigilli confessionis, per quam recõciliatur homo cum Deo. Potest tamen in genere admoneri is, cuius interest, vt sibi caueat; possunt enim multa humanitus accidere: at si possit pœnitens à proposito reuocari, non est necesse vllam fieri admonitionem. *ibid. num. 14. & seq. & pag. 177. n. 18. & 19.*

132. Confessorius non potest suum defectum in audiendi pœnitentis confessione commissum manifestare, si timeat ne is, qui confitetur, veniat in cognitionem peccati pœnitētis: maior quippe est obligatio sigilli, quam integritatis confessionis. Item qui ex confessione nouit pollutam esse Ecclesiam, non potest hoc detegere vt reconcilietur. Item non potest Confessorius ex scientia confessionis corrigere complicem pœnitentis, aut eius peccatum extra confessionem impedire, aut cum eo loqui de peccato, nisi de consensu pœnitentis, aut vultum asperiozem præbere pœnitenti. *tom. 1. pag. 117. num. 21. & seq.*

133. Confessorius, qui nouit ex confessione sibi insidias ab aliquo parari, potest se do ni continere ne occidatur, aut se subducere periculo, occasione aliunde arrepta. Item qui ex confessione nouit aliquem non esse Sacerdotem, potest abstinere à confessione illi facienda, etiam si antea soleret illi confiteri. Item qui nouit per confessionem, vinum sibi ad Missam paratum esse veneno infectum, potest Missam pratermittere, vt mortem euadat. Item potest Confessorius ex auditis in confessione reddi cautior ad custodiendas res proprias, aut vigilantior fieri circa suum gregem. *ibid. num. 27.*

134. Confessorius, qui de auditis in confessione interrogatur, non potest respondere iuxta mentem interrogantis, sed negare debet se quicquam scire, addito etiam iuramento, cum hac scilicet restrictione mentali, quod interroganti teneatur manifestare. *tom. 1. pag. 178. num. 31.*

135. Confessorius, qui certo nouit extra confessionem, delictum pœnitentis, debet ei absolutionem denegare, si interrogatus in confessione nolit illud delictum fateri; quia indigne petit absolutionem. Sin Confessorius



farius non est certus de delicto, aut illud accepit in confessione à complice, debet pœnitentem in genere interrogare, aut etiam in particulari, modo nulla ei moueat suspicionem, ipso autem negante, tenetur absolutio- nem impendere. *ibid. num. 33.*

*Sacramenti Pœnitentia minister.*

136. Solus Sacerdos est minister huius Sacramenti; quia potestas clauum, & remittendi peccata, est penes solos Sacerdotes. Potestas autem, clauum, est potestas collata Sacerdoti qua tollit impedimentum intrandi gloriam cœlestem; sicut enim clauis aperitur ianua, ita per hanc potestatem patet in cœlum ingressus. Porro duplex est potestas clauum, *Ordi- nis*, scilicet, & *iurisdictionis*. Clauis *ordinis* consistit in caractere, quæ clauis non sufficit ad auferendum peccatum, nisi accedat clauis iurisdictionis. *ibid. num. 1. & seq. pag. 179.*

137. Non quiuus Sacerdos, per se loquendo, est sufficiens minister huius Sacramenti, præterquam in probabili periculo, seu articulo mortis; modo non adfit Parochus, aut alius Sacerdos approbatus. Hic autem aduertendum facultatem absoluiendi in articulo mortis, quilibet Sacerdoti concessam, esse absolutam, & directam, per se loquendo, ita ut pœnitens sic absolutus, non teneatur ei ipso illo periculo, eade in peccata, licet reser- uata, iterum confiteri, modo non habeant adnexam censuram; in hoc enim casu tenetur pœnitens, prima data opportunitate se sistere superiori. *tom. 1. pag. 179. num. 7. & seq.*

138. Habentes vnu tantum domicilium in aliquo loco possunt confiteri Parocho loci, vel alteri in ea diœcesi approbato. Habentes autem, duo domicilia in quibus æquè habitant, possunt vtriusque loci Parocho confiteri; vterque enim est proprius Sacerdos. Idem dicendum de iis, qui in vno loco domicilium habent, in alio verò quasi domicilium, ut scholares, milites, litigantes, mercatores, &c. *tom. 1. pag. 180. num. 1. & seq.*

139. Vagorum proprius Sacerdos est Parochus loci in quo vagi repe- riuntur; cum enim vagi careant domicilio, actualis habitatio loci, quam, habent pro tempore, succedit in locum domicilij; possunt etiam alteri approbato confiteri. Iter agentes confiteri possunt Parocho loci, ad quem, perueniunt, aut alteri approbato; modo iter non faciant in fraudem legis, ea solum causa ut possint aliis confiteri; sic enim confessio esset inualida. *ibid. num. 4. 5. & 6.*

140. Per priuilegium à Sixto IV. concessum licet religiosis confessiones extraneorum excipere, si ad ipsos accedant causa confessionis, modo religiosi sint approbati ab Episcopo loci. Non possunt autem ipsi religiosi ad aliam diœcesim proficisci ut ibi confessiones audiant, nisi ex speciali priuilegio. *ibid. num. 8.*

141. Parochus non potest tempore Paschæ, Euchariæ sacramentum

Hh admi-



administrare pœnitentibus, qui dedita opera contulerunt sese ad Confessarios extra diocesim non approbatos ab Episcopo ipsius Confessarij, & pœnitentis; quia illa confessio non est valida. Secus si confessi sint religiosi habentibus priuilegium absoluedi quoscunque cuiuscunque diocesis, etiam si ad ipsos dedita opera accedant. *ibid. num. 9.*

142. Episcopus, aut Parochus potest absolvere suos subditos inuentos, vel secum ductos extra diocesim; quia iurisdictio quæ absque strepitu fori exercetur, potest extra proprium territorium exerceri. Idem dicendum de cōfessario facultatem delegatam habente in personas alicuius diocesis, potest enim illas ubicumque terrarum inuentas absolvere. *tom. 1. pag. 181. num. 10.*

143. Hi facultatem habent sibi confessarium eligendi, Summus Pontifex, Cardinales, & Episcopi iam confirmati, & Patriarchæ, Prælati exempti, & habentes solum peccata venialia, vel mortalia ritè aliàs per confessionem expiata. Alij verò qui à Pontifice, vel Episcopo habent facultatem sibi confessarium eligendi, mortuo Pontifice, vel Episcopo possunt ea facultate uti; quia gratia facta non expirat morte concedentis: gesta autem per Vicarium Episcopi mortuo Episcopo sunt inualida, nisi fortè facta fuerint cum ignorantia mortis Episcopi. *ibid. num. 1. & seq.*

144. Facultas eligendi confessarium non finitur per primam electionem, nisi hæc videatur esse intentio concedentis; quia hæc facultas est fauorabilis, fauores autem sunt ampliandi. Habens autem hanc facultatem debet confessarium, ab Episcopo approbatur eligere; sic enim definit Concil. Trid. Caterum Parochi, & curatores animarum, speciali approbatione non indigent; quia susceptione officij censentur approbati: propterea habens facultatem confessarium eligendi, potest eligere quemlibet Parochum, modo parochiale beneficium non dimiserit. *ibid. n. 4. & 5.*

145. Iurisdictio est potestas, quam quis habet in alios, ad eos regendos, & gubernandos, seu dirigendos ad regnum cœlorum. Est autem triplex. *Ordinaria*, quæ competit alicui ex officio. *Delegata*, quæ conceditur ab habente ordinariam; & *ex commissione iuris*, per quam absoluitur is, qui habet facultatem confessarium eligendi. Impeditur iurisdictio per superuenientem excommunicationem, vel suspensionem, vel interdictum ab officio, modo is qui tali censura præpeditur, sit vitandus: acta enim excommunicati, suspensi, vel interdicti vitandi, sunt irrita, extra mortis articulum, nisi adsit error communis, & titulus coloratus. *tom. 1. pag. 182. num. 6. & seq.*

146. Non potest Sacerdos validè administrare Sacramentum Pœnitentiæ, nisi sit per examen, aut alia ratione approbatus ab Episcopo, aut ab eius Vicario, aut à Capitulo, Sede vacante; per hanc enim approbationem confertur iurisdictio, sine qua non potest hoc Sacramentum validè ministrari. Tamen ad confessiones regularium audiendas, non requiritur approbatio Episcopi, sed sufficit licentia superioris. *t. 1. pag. 183. n. 9. & 10.*



147. Parochus, neque communi, neque particulari iure potest Sacerdoti alius non approbato dare facultatem audiendi confessiones sibi subditorum; Immo ne Parocho quidem alterius parœcia, aut Sacerdoti approbato ad audiendas confessiones in aliena parœcia potest hanc facultatem concedere, nisi consuetudo aliud ferat, potest enim consuetudo iurisdictionem conferre. *ibid. num. 12.*

148. Rati habitio de futuro non sufficit, ut quis validè absolvatur ab eo, qui non est approbatus; quia absolutio non potest fieri valida per subsequentem Episcopi consensum, iam enim præcessit forma absolutionis, que fuit invalida defectu iurisdictionis. At rati habitio de presenti, signo aliquo externo expressa, tribuit iurisdictionem. Quare si Episcopus videns Sacerdotem sibi familiarem audientem confessiones, eum non prohibeat, cum sicilicet possit, censetur eo silentio approbare, non simpliciter, sed pro eotempore. *ibid. num. 13. & 14.*

149. Sacerdos approbandus est à suo Episcopo; neque potest Episcopus sibi non subditum approbare; actus enim iurisdictionis non potest exerceri nisi à superiore in subditum. Immo nec Episcopus potest subditum alterius Episcopi sibi eligere in confessarium. *tom. 1. pag. 184. num. 15. & 16.*

150. Semel generaliter approbatus in aliqua diœcesi, si ab ea recedat, & iterum redeat, non indiget nova approbatione, etiam si interim mutatus fuerit Episcopus; quia facultas absque temporis limitatione concessa durat etiam in mortuo concedente. Potest tamen Episcopus, aut eius successor revocare approbationem iustam causa, modo approbatus non habeat beneficium Parochiale, hic enim habet facultatem beneficio annexam; quam hic etiam potest ob infirmitatem, aut iustam ob causam suspendi. *ibid.*

151. Sacerdos ab Episcopo approbatus, quique ab eo facultatem obtinuit audiendi confessiones, non tenetur petere licentiam à Parochis, in quorum parœcia vult confessiones audire, nisi constet hanc esse mentem Episcopi; quia Episcopus habet iurisdictionem in tota sua diœcesi independenter à Parochis. *ibid. num. 18.*

152. Virtute Iubilæi, aut alterius privilegij concedentis facultatem eligendi confessarium approbatum ab Ordinario, non potest eligi alius, quam approbatus ab Ordinario loci, in quo vult aliquis sua peccata cōfiteri; quia Sacerdos in vna diœcesi approbatus, non censetur approbatus in alia. *ibidem, num. 21.*

153. Probabile est feminam, quæ virtute Iubilæi, vel alterius privilegij, facultatem habet eligendi confessarium ab Ordinario approbatum, posse eligere eum, qui ob iuvenilem ætatem, approbatus est ad confessiones virorum tantum; quia verum est dicere hunc esse ab Ordinario approbatum. Opposita tamen sententia est tutior in praxi. *tom. 1. p. 185. n. 22.*

154. Religiosus habens à suo superiore facultatem eligendi confessarium, potest religiosum alterius ordinis, aut etiam Sacerdotem secularem



nondum ab Episcopo approbatum eligere; Concilium enim Trid. *sess. 13. cap. 15.* requirit approbationem ad absolvendos seculares, non verò religiosos. Quod videtur etiam admittendum tempore subilæi. *ibid. n. 25.*

155. Religiosi, qui gaudent generali privilegio absolvendi quoscumque ad se accedentes, non possunt absolvere religiosum alterius ordinis non habentem à suo superiore facultatem eligendi sibi quemlibet in confessarium: quia non præsumitur superior concedere privilegium in præiudicium alterius; inde enim sequeretur perturbatio religiosæ disciplinæ. *ibid. num. 27.*

156. In confessario requiritur scientia, & conscientia. Qui confessionem excipit civium, peritior esse debet eo, qui excipit rusticorum; qui clericorum, quam qui laicorum. Si difficilis casus accidat in confessione, qui indigeat maturiore iudicio, & sapientum consilio, potest confessarius absolutionem impendere pœnitenti si promittat se facturum, quod iudicatum fuerit. *tom. 1. pag. 186. 187. num. 1. & seq.*

157. Licet teneatur confessarius attendere ad peccata ut de illis iudicium ferat: non tenetur tamen auditis singuli, iudicare sint ne mortalia, aut venialia; sed potest in peccatis difficilioribus suspendere iudicium, dato pœnitenti remedio opportuno, ne reincidat. Est autem valida confessio, bona fide facta Sacerdoti nescienti distinguere peccatum mort. à veniali, reservatum à non reservato, quia nihil deest ad essentiam Sacramenti. *pag. 187. num. 1. & seq.*

158. Potest confessarius absolutionem impendere habenti obligationem restituendi, antequam restitutio fiat, modò penitens firmum habeat propositum quamprimum restituendi; alioquin illi deneganda est absolutio, utpote non satis disposito. Potest autem Parochus, & debet, non tanquam iudex, sed ut minister sacramentorum, arcere a Sacramentis non soluentes decimas, oblationes, &c. si cognoscat illos non habere intentionem solvendi data opportunitate. Parochus tamen, cui competit ius decimarum, ut vitet scandalum, debet coram aliis protestari pœnitenti repelli a Sacramentis, non quia denegat quod Parocho debetur; sed quia non vult suæ conscientiæ consulere, seque disponere ad Sacramenta dignè suscipienda. Non tamen potest quemquam priuare Ecclesiastica sepultura ob decimas non solutas; hoc enim ius competit iudici in foro externo. *tom. 1. pag. 187. 188. n. 19. & seq.*

159. Episcopus tenetur confessiones subditorum audire, saltem in grati necessitate si petatur, præcisà verò necessitate potest remittere petentem ad Parochum: nam obligatio audiendi confessiones regulariter pertinet ad Parochos, qui à fidelibus accipiunt alimenta, ut administrent Sacramenta; Episcopi autem, præcisà graui necessitate, à confessionibus audiendis excusantur. *pag. 188. num. 25.*

160. Confessarius tenetur absolvere pœnitentem habentem opinionem probabilem, etiam si ipse contrariam sequatur, alioquin illi faceret



iniuriam, denegaret enim absolutionem ritè disposito, & esset causa cui penitens cogeretur iterum eadem peccata alteri Sacerdoti aperire. *ibid. num. 26.*

*Absolutio à casibus reservatis.*

161. Legitimus superior potest reservare sibi aliquorum graviorum criminum absolutionem. Posita autem reservatione etiam illicita, & iniusta, adimitur inferiori facultas validè absolventi. Non reservantur peccata interna, neque venialia, sed mortalia externa tantum, quia hæc cadunt sub iudicium Ecclesiæ, & eorum reservatio salutis animarum conducere potest. Vnde sequitur eum, qui facit opus externum, quod non sufficiat ad peccatum mort. non incurrere casum reservatum. *tom. 1. p. 589. num. 1. & seq.*

162. Inter reservationem summi Pontif. & reservationem Episcopi hoc interest, quòd Summus Pontif. nullum peccatum reservare consuevit, nisi ratione excommunicationis, seu censuræ adiunctæ, cuius absolutione obtenta, penitens potest à quolibet confessario absolvi: nam per absolutionem censuræ tollitur reservatio. *tom. 1. pag. 190. num. 4.*

163. Archiepiscopus non potest subditos suorum suffraganeorum à casibus reservatis absolvere, nisi quando visitat provinciam, aut ad ipsum appellatur: in his enim casibus est superior, ac proinde potest per se ipsum, vel per alium absolvere. *ibid. num. 5.*

164. Episcopus incidens in casum reservatum Summo Pontifici absolvi potest à confessario, quem ipse elegerit, si facultatem habeat Episcopus absolventi alios in eundem casum incidentes; quia non est deterius conditionis, quàm alij, sicque censuit sacra Cardinalium Congregatio. *ibid. num. 7.*

165. Confessarius in diœcesi, v.g. Lugdunensi approbatus, etiam si non habeat facultatem absolventi à reservatis, potest absolutionem impendere iter agentibus, aut peregrinis habentibus casus reservatos proprio ipsorum peregrinorum Episcopo, modò non sint reservati hæc Lugduniquia confessarius non tenetur scire casus alijs Episcopis reservatos; ad hæc, reus iudicari solet iuxta leges, & consuetudines loci in quo versatur. *ibidem, num. 9.*

166. Committens peccatum reservatum in aliena diœcesi, non potest, per se loquendo, absolvi à reservatione, per Sacerdotes illius loci, in quo deliquit, nisi ibi sit causa negotiorum, seu itineris, habita ratione consuetudinis, iuxta quam vsu receptum sit, ut quis in alieno territorio absolvi possit. Ratio autem cur, per se loquendo, absolvi non possit à reservatione, vel à culpa peccati in alieno territorio commissi, est, quia peccata confitenda sunt proprio Sacerdoti, vel alteri de ipsius licentia. *ibidem, num. 12.*



167. Qui contraxit excommunicationem in alieno territorio, potest absolui à superiore illius loci, in quo contraxit excommunicationem, immò si excommunicatio sit publica, & reservata superiori loci, in quo fuit contracta, non potest delinquens absolui à proprio Episcopo absque licentia Episcopi, in cuius diocesi deliquit. Sin excommunicatio non sit reservata, aut si sit occulta, licet reservata, Episcopus, vel alius ab ipso delegatus potest absolvere ex decreto Concil. Trident. sess. 24. capit. 6. *ibidem*, num. 13.

168. Qui habet privilegium à Sede Apostolica absolvendi ab omnibus censuris, & casibus reservatis, nec validè, nec licitè potest absolvere à censuris Bullæ Cœnæ, nec à casibus Episcopo loci reservatis, quia id non patitur voluntas concedentis privilegium. *ibid.* num. 14. & seq. pag. 191.

169. Probabilius est eum, qui Iubilæum consequutus est prima hebdomada ex duabus, quæ ad id conceduntur, non posse adhuc absolui in secunda hebdomada si obtento Iubilæo incidat in casus reservatos: quia facultas absolvendi à reservatis conceditur in ordine ad obtinendum Iubilæum; sed Iubilæum iam fuit obtentus, & reservatio contracta est post obtentum Iubilæum; ergo illa reservatio iam non potest auferri virtute Iubilæi. *tom.* 1. pag. 191. num. 17.

170. Pœnitenti petenti per se, vel per alium, facultatem qua possit alteri confiteri casus reservatos, & ab eo absolui, debet superior, per se loquendo, concedere. At si iniuste illam denegat, non potest pœnitens ab alio absolui, quia patet illi aditus ad superiorem, à quo absolvatur; excipiendus tamen est mortis articulus. *ibid.* num. 9. & 20.

171. Pœnitens habens peccata reservata, & non reservata, non potest absque necessitate, seu rationabili causa, confiteri sola reservata superiori, ut ab illis solvatur; neque superior potest audiris solis reservatis, absolutionem impendere, & transmittere pœnitentiam ad inferiorem pro non reservatis; quia integritas confessionis est de iure diuino; ergo non licet absque iusta causa dimidiare confessionem. Quando autem superior absoluit à reservatis, non auditis aliis non reservatis, sacramentaliter absoluit; potest tamen absque sacramentali absolutione reservationem auferre. *tom.* 1. pag. 192. num. 1. & seq.

172. Peccata reservata à quibus pœnitens directè fuit sacramentaliter absolutus à superiore, non sunt inferiori Sacerdoti cum aliis non reservatis necessariò manifestanda; nulla quippe est obligatio eadem peccata bis subiiciendi confessioni. Vnde patet à fortiori eum, qui ab inferiori fuit directè absolutus à non reservatis, & pro reservatis mittitur ad superiorem, non teneri etiam non reservata manifestare superiori. Idem dicendum de eo, qui iusta de causa peccatum aliquod subiecit in confessione. *tom.* 1. pag. 193. num. 4.

173. Sacerdos, qui non habet facultatem absolvendi à reservatis, non potest absque necessitate, aut iusta causa absolvere pœnitentem à non reservatis,



feruatis, ipsūque mittere ad superiorem pro referuatis: quia non potest ab vno peccato mortali absolvere, quin absoluat ab omnibus. At vrgente necessitate, potest directè à non referuatis absolvere, indirectè vero, & consecutivè, à referuatis cum onere adeundi superiorem pro absolutione directà referuatorum *ibid. num. 5. & 6.*

174. Obstrictus necessitate communicandi, vel celebrandi, ad vitandum scandalum, vel grauis infamiae periculum, potest ante communionem, vel celebrationem confiteri peccata etiam referuata, vel habentia, annexam excommunicationem Confessario non habenti facultatem absoluedi à referuatis, cum onere presentandi se superiori, à quo absoluetur à referuatis: quia ad Eucharistiam iure diuino, pramittenda est confessio ab eo, qui sibi conscius est peccati mortalis. *tom. 1. pag. 194. numero 8.*

175. Vna referuatio auferri potest alia remanere, siue seruo sit de reservatione quæ adiunctam habet censuram siue de reservatione sine censura. Tamen inferior, qui habet facultatem delegatam absoluedi à casibus referuatis, non potest, per se loquendo, absolvere sacramentaliter ab vno casu referuato, & non ab alio; quia vt confessio, sic absolutio, integra esse debet, cum vnum mortale peccatum sine alio remitti non possit. *ibidem, num. 10.*

176. Quilibet Sacerdos approbatus ad confessiones audiendas potest, in dubio an peccatum sit referuatum, absolvere, nisi aliter decernatur, aut nisi sit sufficiens præsumptio in contrarium: Confessarius enim approbatus, est in possessione suæ iurisdictionis; melior autem est conditio possidentis. Hinc constat eum, qui dubitat an compleuerit peccatum, seu opus externum referuatum, posse à quolibet Confessario approbato absolui, etiam si non habeat facultatem absoluedi à referuatis. *ibid. num. 1. & 2.*

177. Sacerdos, qui verè dubitat an habeat iurisdictionem circa peccata referuata, non potest absolvere, absque mortali culpa, extra mortis periculum; exponeret enim se periculo, absoluedi inualidè, & possessio ita pro peccatis, quæ constat esse referuata. Interveniente tamen necessitate, aut rationabili causa potest indirectè, & sub conditione absolvere. *tom. 1. pag. 195. num. 4.*

178. Absolutus tempore Iubilæi à Confessario approbato, vel etiam ab alio, extra Iubilæi tempus facultatem habente circa casus referuatos, remanet absolutus à referuatis, quæ per obliuionem omisit in confessione; Confessarius enim habet iurisdictionem, & facultatem absoluedi, nec non intentionem, vt suppono, & pœnitens facit quod in se est. At si Confessarius non habuit intentionem absoluedi à referuatis per obliuionem, omisis, pœnitens non manet absolutus; quia forma non operatur ultra intentionem proferentis. *ibidem, num. 1. & seq.* Probabile tamen est pœnitentem manere absolutum à referuatis, etiam si non operatur explicitè absolutionem à referuatis, modo confiteatur Sacerdoti iurisdictionem habenti



circâ referuata: petit enim interpretatiuè absolutionem a referuatis, quatenus accedit ad Confessarium à quo absoluitur ab omnibus, & Confessarius censetur velle prospicere pœnitenti quantum potest. *2. l. p. 199. n. 5.*

179. Qui virtute Iubilæi absolutionem obtinuit à Confessario approbato, sed oblitus est alicuius peccati referuati, potest deinde cuilibet simplici Confessario peccatum omissum confiteri; nam per confessionem virtute Iubilæi factam sublata est referuatio; modò tamen obliuio non fuerit ita culpabilis, vt irritum reddiderit Sacramentum. *ibid. num. 8.*

180. Confessarius non potest virtute Iubilæi, vel alterius facultatis, socium culpæ, seu complicem in confessione audire, vel absolvere: Confessio enim fieri debet cum pudore, & verecundia; confessio autem facta Confessario complici fit sine pudore, immò ex ea accipi potest occasio liberioris peccandi. *tom. 1. pag. 197. num. 10.*

181. Absolutus à referuatis, vel à censuris tempore Iubilæi, non reincident in casus referuatos, vel in censuras, etiam si postea voluntariè prætermittat ea, quæ ad lucrandum Iubilæum præscribuntur; neque grauius peccat ea prætermittens, quia sibi tantum nocet. *ibid. num. 17. & 18.*

182. Confessarius, qui à censuris malè absoluit pœnitentem, quem absolvere non poterat defectu iurisdictionis, debet absentem absolvere, obtemperata facultate: quia absolutio à censuris ferri potest in absentem, & inscium, & existentem in peccato mortali. A peccatis autem etiam non referuatis non potest absentem absolvere. At si pœnitens non sit absens, aut non ita remotus vt censeri possit moraliter præsens, potest Confessarius illum à peccatis malè absolutum, etiam inscium iterum absolvere: cœsetur enim pœnitens adhuc retinere voluntatem accipiendi absolutionem, donec ritè & validè absoluitur. *tom. 1. pag. 198. num. 1. & 2.*

183. Confessarius, qui ex malitia, vel ignorantia, vel inaduertentia, invalidè absoluit pœnitentem à referuatis, vel aliis, debet, obtemperata debita facultate, reuocare pœnitentem ad confessionem, modò id fieri possit sine scandalo, vel graui illius detrimento. Sin id fieri non possit absque graui offensione, vel scandalo, non tenetur illum admonere, vel reuocare, nisi pœnitens probabiliter credatur nunquam facturum aliam confessionem; tunc enim Confessarius tenetur illum admonere, etiam si timeat sibi graue damnum; quia salutem proximi tenemur nostris commodis temporalibus anteferre. *ibid. num. 4.*

#### Pœnitentiaria. Pœnitentiarius.

1. **P**ius IV. in Bulla 53. quæ incipit *In sublimi B. Petri solio*, excommunicationem late sententiæ inuinxit maiori Pœnitentiario, & officialibus Pœnitentiariæ præsumptibus intrinsece in concessionibus, & expeditionibus in hac Bulla interdictis. *disp. 2. quæst. 6. punct. 2. pag. 278. tom. 3.*

2. Hac



2. Hæc excommunicatio non est reservata.

3. Pius V. in Bulla 83. quæ incipit, *In omnibus rebus*, excommunicatio nem tulit contra officiales Penitentiariæ accipientes aliquid etiam sponte oblatum, aut alia ratione, occasione concessionum, seu expeditionum. *ibid. quæst. 7. punct. 6. pag. 286. num. 1. tom. 3.*

4. Probabile est eosdem officiales vinculo excommunicationis ligari exercentes suum officium per alium, aut non diligenter, aut non fideliter, aut accipientes fructus, & emolumenta officij, dum illud non exercent: quia excommunicatio posita in fine Bullæ refertur ad omnes actiones præcedentes. *ibid. pag. 287. num. 3. tom. 3.*

*Pollutio, seu mollieties.*

1. Pollutio voluntaria, est peccatum mortale: quia est contra ordinem naturæ, & contra naturam generationis, & 1. *Corinth. 6.* dicitur: *neque molles Regnum Dei possidebunt.* Tunc autem censetur pollutio voluntaria, quando provenit ex causa, quæ neque est necessaria, neque utilis, neque honesta; modò proveniat ex causa proxima notabiliter influente in ipsam pollutionem. *tom. 1. pag. 319. num. 3. & seq.*

2. Pollutio non est peccatum mortale, quando sequitur vi naturæ; vel ex aliqua causa, quæ habet alium effectum, vt ex ebriitate, vel esu ciborum calidiorum, vel ex aspectu, aut colloctione cum scemina, modò non intendatur pollutio, neque sit periculum consensus. Multò minus est peccatum, quando sequitur ex causa, quæ alium habet effectum, quæque assumitur propter utilitatem, vel bonum finem, vt ex confessionibus audientis. Item excusatur à mortali pollutio, quæ sequitur ex agitatione iueneris, vel equi, modò equitans non se componat ad eum finem, vel non sit periculum consensus. Item excusatur à mortali pollutio proveniens ex frictione pudendorum, ad sedandum magnum pruritum, vel ex lotionem ad purgandum fetorem, modò absit periculum consensus. Item pollutio non est peccatum mortale, quando provenit ex causa venialiter luxuriosa, & leuiter influente in pollutionem, vt ex aspectu curioso, vel lectione curiosa: quia hæc causa leuiter influit, & concurrat ad pollutionem. *ibid. num. 6. & 7. & pag. 320. num. 8. & 9.*

3. Non licet procurare pollutionem propter sanitatem, neque medicus potest præbere medicamentum quod nullum alium habeat effectum, quam vt prouocet naturam ad pollutionem: quia hoc repugnat naturæ generationis, ad quam semen est à natura institutum. *tom. 1. pagina. 320. numero 11.*

4. Non licet desiderare pollutionem, vel de illa iam sequuta gaudere ex affectu libidinis, vel propter delectationem. Ob finem vero honestum licet gaudere de pollutione, vt ob sanitatem, vel ad sedandam tentationem. *ibid. num. 14.*



5. Pollutiones in se spectatæ, sunt eiusdem speciei: per accidens tamen possunt esse diuersæ, ratione circumstantiæ adiunctæ: nam si quis dum se polluit, cogitet de coniugata, vel Moniali, præter malitiam pollutionis, contrahit culpam ob qualitatem personæ, circa quam delectatur, atque hæc circumstantia est in confessione aperienda: quia actus specificatur ab objecto. *ibid. num. 15.*

6. Maritus, qui inchoauit copulam cum vxore, non potest, absque peccato mortali, desistere contra voluntatem vxoris. At de consensu vxoris se retrahens à seminando, non peccat mort. quamuis ipsa non seminauerit, modò non sit periculum pollutionis extra vas. Quando verò vxor iam seminauit, uon potest maritus, qui nondum seminauit, desistere à copula, nisi ad sit causa vrgentissima desistendi: quia desistente marito, prodigitur semen feminae, quod est contra finem generationis. Non est tamen peccatum mort. si femina se retrahat, vel conetur non seminare, postquam maritus seminauit; cum iuxta communioem sententiam, semen feminae non sit necessarium ad generationem. Fornicantes autem possunt ante seminationem desistere à copula, etiam cum periculo offendendi feminis: quia eiusmodi copula est illicita. *ibid. num. 16. & pag. 321. num. 17.*

*Prædicatorum & Franciscanorum Ordo.*

1. **B**onifacius IX. Eugenius IV. & Alexander IV. multa priuilegia Religiosis Ordinis Prædicatorum, & Franciscanorum concesserunt, addita pœna excommunicationis contra eos 1. qui dicunt, & defendunt præfatos Ordines non esse in statu perfectionis, aut eis non licere eleemosynas vitam sustentare, aut concionari, aut confessiones audire de licentia Papæ. 2. qui præfatos religiosos eiciunt ab Vniuersitate Parisiensi. 3. qui violentiam exercent contra loca prædictorum religiosorum, aut impediunt ne possint in suis Ecclesiis celebrare, aut prædicare, aut eleemosynas recipere. 4. qui apostatas Ordinis Prædicatorum retinent. 5. qui libellos famosos, cantilenas, vel rhythmos edunt, retinent, vel publicant contra præfatos Ordines. *disput. 2. quæst. 3. pag. 250. 251. n. 1. & seq. tom. 3.*

2. Scribens libellos famosos contra alias religiones, quibus communiata sunt priuilegia Ordinis Prædicatorum, aut Minorum in eandem censuram incurrunt, alioquin iisdem priuilegiis non gauderent aliae religiones si eas liceret impunè infamare. *ibid. num. 6.*

3. Scribens libellum famosum contra aliquem religiosum prædictorum Ordinum, non subicitur huic excommunicationi, quia hic non dicitur Ordinem infamare nisi secundario, & indirectè. Conficientes autem libellos famosos contra alias personas nupiam excommunicati inueniuntur ipso facto. *ibid. num. 6. & 8.*



## P R Æ L A T V S.

*Cardinalium, Episcoporum, Legatorum violatores.*

1. **Q**ui interficiunt, mutilant, vulnerant, percutiunt, capiunt, carcerant, detinent, vel hostiliter insequuntur S.R.E. Cardinales, ac Patriarchas, Archiepiscopos, Episcopos, Sedis Apostolicæ Legatos, vel Nuncios, aut eos à suis diocesibus, territoriis, terris, seu dominiis eiciunt: necnon qui ea mandant, vel rata habent, seu præstant in eis auxilium, consilium vel fauorem, in Bullæ Cœnæ i. 1. excommunicationem incurrunt. Sunt ipsa verba Canonis. *disp. 1. quest. 12. pag. 55. tom. 3.*

2. Episcopus nondum consecratus, sed tantum electus, etiamsi possessionem adeptus sit, non gaudet privilegio huius canonis; consequenter qui huiusmodi Episcopum offendit; huius excommunicationis vinculo non obstringitur: Quia hic non est verè & propriè Episcopus cum careat characterem Episcopali qui per consecrationem confertur; quemadmodum is qui Archiepiscopatum adeptus est ante pallij susceptionem, non potest Archiepiscopus appellari. *ibid. punct. 2. pag. 58. num. 7. tom. 3.*

3. Qui violat Episcopum suspensum, excommunicatum, irregularem, vel eum qui Episcopatus, & dignitati renuntiavit, incidit in excommunicationem Bullæ: quia hic verè est Episcopus, cum characterem Episcopalem retineat, in anima indelebiter impressum. Secus si Episcopus sit realiter degradatus, tunc enim omnibus clericorum privilegiis excidit. *ibid. num. 8.*

4. In hanc excommunicationem non incidit qui clericum de familia alicuius Cardinalis, Episcopi, vel Nuncij vulnerat, aut occidit etiam coram ipso Cardinali, Episcopo, vel Nuncio, etiam in contemptum ipsorum: quia huiusmodi familiares in hoc canone non exprimuntur. Neque est alia excommunicatio in iure lata contra eos qui percutiunt familiares Papæ, aut Cardinalium, nisi sint clerici; sed tantummodò decernitur ut illis imponatur poena pro qualitate culpæ. *ibid. num. 11. & 12.*

5. Probabiliter sustineri potest Cardinalem, seu Episcopum qui seipsum ferro vulnerat, aut veneno occidit, subiici huic excommunicationi; quia facit actionem in hoc canone interdictam, neque ipse cedere potest privilegio huius Bullæ quæ in fauorem dignitatis edita est. Tamen opposita sententia non est improbabilis; quia Summus Pontifex loqui videtur de exercitibus istas actiones in personas distinctas. *ibid. punct. 3. pag. 59. num. 3. tom. 3.*

6. Si quis Cardinalem, aut Episcopum obsideat, non ut illum capiat, sed ut castrò iuste potiarur, non ligatur hac censura; quia vitur iure suo: Sin- velut castrum iniuste obtinere, probabile est illum ligari excommunicatione, quia hæc videtur hostilis insequutio. Item si quis habeat iustam percutiendi causam, ad sui suorumque defensionem, si Cardinalem, vel Episco-



Episcopum percutiat, eximitur ab excommunicatione. *ibid. num. 4.*

7. Ignorantia huius canonis, personæ, vel qualitatis ab hac censura excusat. Ut si quis percutiat Cardinalem noctu incedentem, vel mutato habitu, nesciens illum esse Cardinalem, etiam si graviter peccat; non tamen hanc excommunicationem incurrit: quia ignorat qualitatem personæ; idcircoque non videtur contumax contra hunc canonem. Neque subiaceret huic excommunicationi qui intendens percutere Episcopum, percutit alium. *ibid. pag. 60. num. 7. tom. 3.*

8. Qui mandat percuti unum Episcopum, aut Cardinalem, non incurrit excommunicationem si is, qui mandatum accepit, percutiat alium Episcopum: quia quod mandatarius facit ultra terminos mandati, non imputatur mandanti. Item si mandatum vel consilium reuocavit, & reuocationem, mandatario significavit, si postea mandatum executioni mandetur, hanc censuram non incurrit; quia iam non censetur causa percussioneis *ibid. numero 11.*

9. Mandans, consulens, auxilians, fauens percussioni Episcopi, non censetur excommunicatus nisi sequatur percussio: quia Summus Pontif. primo & per se excommunicat percutientes; secundario autem, & accessorie, mandantes; ergo non incurritur excommunicatio propter mandatum, antequam sequatur effectus. *ibid. num. 10.*

10. Defensor vel receptor percipientis Cardinalem, Episcopum, vel Nuncium, si recipit illum vel defendit ante patratum crimen, ligatur excommunicatione quoties ex illa defensione delictum committitur: quia præstat fauorem, & auxilium ad patrandum delictum contra prohibitionem Bullæ. Sin illum recipit & defendit post admissum crimen, huius excommunicationis vinculo non innodatur: quia crimine iam admissio, non censetur præstare auxilium ad illud admittendum. *ibid. num. 12.*

11. Qui percussione vel aliam iniuriam in Cardinalem, Episcopum, vel Nuncium non prohibet cum alioqui commodè prohibere, atque impedire possit, non afficitur excommunicatione huius canonis; nisi fortè consentiat cooperando, & auctoritatem præstando: quia qui non impedit, non præstat auxilium, aut fauorem, sed habet se negativè: at si sua taciturnitate in causa sit, ut delinquentes amentur, & promptiores fiant ad parandum delictum, reus erit excommunicationis. Addendum tamen eum, qui cognita conspiratione in personam Cardinalis aut Episcopi, tacet, dum potest illam patefacere, incidere in excommunicationem, & penas à Pio V. inflictas occasione ficinoris attentati contra S. Carolum Boromeum, Ecclesiæ Mediolanensis Archiepiscopum, & S. R. E. Cardinalem. *ibid. pag. 60. 61. num. 14. & 15. tom. 3.*

12. Cardinalis, Episcopus vel alius Prelatus percussus, vel aliter violatus, si delictum est notorium, potest in loco suæ iurisdictionis declarare delinquentem poenam excommunicationis incurrisse: quia tunc non est iudex in sua causa; sed tantum executor iuris; In dubio verò an excommuni-

catio



ratio contracta fuerit, expedit declarationem fieri à superiore vt omnis suspicio iniquæ declarationis tollatur. *ibid. punct. 4. pag. 61. 62. num. 3. tom. 3.*

Præter hanc excommunicationem Bullæ Cenz, sunt aliæ multæ à Pontificibus latæ contra Cardinalium, & Episcoporum violatores.

## Præscriptio.

1. **P**ræscriptio est acquisitio dominiij utilis, vel directi rei alienæ, per continuationem possessionis bonæ fidei, spatio temporis à lege definiti. Ad præscriptionem quinque conditiones requiruntur. 1. est continuata possessio. 2. capacitas actiua respectu possidentis, & passiuæ respectu rei, quæ possidetur, vt scilicet possidens possit possidere, & res possideri. 3. bona fides, seu credulitas, qua quis prudenter iudicat rem suam esse, vel saltem nescit esse alienam; modò ignorantia non sit crassa, vel affectata. 4. titulus probabiliter præsumptus: nam si dono, vel emptione aliquid furtiuum accepi ab aliquo, ratus ipsum esse legitimum illius rei dominum, cum verè non sit, possum rem acceptam præscribere tempore à iure definito. 5. conditio est tempus à lege definitum. Ad præscriptionem autem rerum mobilium, quæ propriè vocatur vfucapio, requiritur spatium trium annorum cum titulo, & bona fide inter præsentés; inter absentes verò, spatium quatuor annorum, cum titulo, & bona fide; quod tempus sufficit ad præscriptionem bonorum mobilium Ecclesiasticorum, immò etiam Ecclesiæ Rom. Ad præscriptionem verò rerum immobilium, requiritur contra priuatos spatium decem annorum inter præsentés, cum titulo; inter absentes viginti annorum. At contra res Ecclesiæ immobiles requiritur spatium 40. annorum; contra immobilia Ecclesiæ Rom. requiritur spatium 100. annorum. Ad præscribendam contra ordinem S. Benedicti, requiritur spatium 60. annorum; ex priuilegio Eugenij, *tom. 2. pag. 418. num. 1. & seq.*

2. Res mobiles etiam Ecclesiæ Rom. præscribuntur spatio 30. annorum, sine titulo, idem spatium requiritur ad præscribendas res immobiles contra priuatos, quando titulus deest. Seruitus personalis præscribitur spatium 10. annor. cum titulo, inter præsentés, inter absentes 20. sine titulo verò, spatium 30. annor. Seruitus realis continua præscribitur spatium 10. annor. inter præsentés; 20. inter absentes, *tom. 2. pag. 421. num. 31.*

3. Illi tantum possunt præscribere, qui suo nomine possunt possidere; vnde sequitur religiosum professum non posse quidquam præscribere cum nihil possit suo nomine possidere, sitque incapax dominiij. *tom. 2. pag. 418. num. 7. & 8.*

4. Res Ecclesiasticæ, & iura spiritualia non possunt à laicis præscribi vt ius cognoscendi, & iudicandi causas clericorum, ius decimarum, primitiarum, & oblationum, aliæque iura Ecclesiastica; quia deest laicis capacitas actiua illius præscriptionis. *ibid. num. 5. & 6.*



5. Ius patronatus non potest à laico præscribi, si constat Ecclesiam illam in qua ius patronatus existit, olim fuisse liberam; & non subditam iuri patronatus: ius enim patronatus est Ecclesiasticum, & spirituale. Sin Ecclesia olim fuit subdita iuri patronatus, potest ius patronatus à laico contra alium laicum præscribi spatio 10. annorum inter presentes cum titulo; 20. verò inter absentes, sine titulo, spatio 30. annorum. *ibid. num. 11.*

6. Beneficium aduersus priuatum, alias habentem legitimum titulum, præscribitur spatio 10. annor. inter presentes si adsit possessio bonæ fidei, & titulus; inter absentes spatio 20. annor. cum bona fide, & titulo: sine titulo verò, possessio beneficij non censetur inchoata cum bona fide, quia, beneficium sine institutione, canonicè obtineri non potest. His addendum, cum qui beneficium per triennium pacificè possedit, absque simulatione ingressu, præscribere aduersus actionem cuiuslibet competitoris, non modò fructus, sed ipsum etiam beneficium. *tom. 2. pag. 419. n. 11.*

7. Non modò res corporales, sed etiam incorporales, vt seruitutes, actiones, & iura, præscribi possunt, modò aliquid expressè non prohibeatur, sicut prohibetur res furtiua, quæ præscribi non potest nisi spatio 30. annor. cum bona fide. Prohibentur etiam præscribi viæ publicæ, census, & tributa quæ supremo Principi debentur, exemptio ab obedientia superioris, res publicæ, vt forum, limites parœciarum, quando de illis constat, alioquin præscribi possunt. Denique præscribi non possunt quæ prohibentur alienari. *ibid. num. 12.*

8. Qui 30. annis, bona fide possedit ius non soluendi, ratus se nihil debere, eò quod crediderit debitum solutum esse, aut condonatum; aut eò quod de eo nihil omnino cogitauerit, potest debitum illud præscribere; debita enim rerum mobilium, & immobilium, spatio 30. annor. cum bona fide præscribuntur. *ibid. num. 16.*

9. Hæres immediatus defuncti qui mala fide, bona possidebat, vt filius, nullo tempore præscribit quamuis bona fide succedat, & ignoret malam fidem defuncti; hic enim hæres censetur eadem persona cum defuncto. Sin successor non est hæres immediatus, sed successor in re particulari, valde præscribit, modò bonam habeat fidem, & non computetur tempus, quo defunctus mala fide possedit. *tom. 2. pag. 420. n. 21.*

10. Quando possessio rei alicuius transit ab vno possessore bonæ fidei, ad alterum item bonæ fidei possessorem, præscriptio currit, absque interruptione, ita vt res censeatur præscripta, quando computato tempore vtriusque possidentis, elapsum est tempus requisitum ad præscriptionem. *ibid.*

11. Minoribus, locis pijs, ac Ecclesijs, aduersus præscriptionem conceditur restitutio in integrum, auctoritate iudicis: minoribus enim conceditur spatium 4. annorum ad rem suam repetendam. *tom. 2. pag. 422. n. 34.*



## Precarium.

1. **P**recarium est contractus quo quis concedit aliquid alteri, cum potestate illud repetendi quoties voluerit, ut si tibi petenti concedam, ut transeas per meum agrum, cum pacto ut possim hanc facultatem revocare cum libuerit. Dicitur autem *precarium*, eo quod fiat precibus illius, in cuius etiam modum conceditur. *tom. 2. pag. 636. n. 1.*

2. Ad contractum precarii tres condiciones requiruntur. 1. est mutus consensus dantis, & accipientis. 2. traditio rei. 3. ut qui tradit precarium, possit illud repetere, quoties voluerit, nisi charitas aliud postulet. Quare in precario non potest pactum ini, ut tradens precarium non possit illud repetere, nisi post certum tempus; hoc enim est contra naturam precarii. *ibid. num. 3. & 4.*

3. Res quæ precario concedi possunt non solum sunt res mobiles, sed etiam immobiles, non modò iura corporalia, verum etiam incorporalia: rem tamen suam non potest quis precario obtinere, quoad proprietatem, quoad possessionem potest. *ibid. num. 3.*

4. Precarium tribus modis finire potest, 1. voluntate concedentis; 2. venditione facta à domino; 3. morte illius, qui precarium accepit, neque precarium transit ad heredes, sed est personale: at morte tradentis non finitur precarium, quapropter accipiens, mortuo tradente, potest uti precario, donec ab heredibus reuocetur. *ibid. num. 5.*

## Primitiæ. Oblationes.

1. **P**rimitiarum nomine intellige primos fructus, qui ex agris, aut arboribus percipiuntur, Deoque immediatè offeruntur, in recognitionem beneficiorum, quæ à Deo accipiuntur. Nullum ius in noua lege obligat ad primitias soluendas, aut si quod olim fuit, contraria consuetudine abrogatum est. *tom. 2. pag. 354. num. 1.*

2. No mine *oblationis* intelligitur quicquid offertur Deo in recognitionem domini, & excellentiæ ipsius, siue sint primi fructus, siue aliqua res mobilis, aut in mobilis. Hinc collige discrimen inter primitias, oblationes, & decimas: nam primitiæ, & oblationes offeruntur immediatè in cultum, & honorem Dei, decimæ verò ad sustentationem ministrorum Ecclesiæ, *ibid. num. 3.*

3. Oblationes iure communi, pertinent ad Rectorem siue Parochum illius Ecclesiæ in qua sunt; nisi offerantur ea intentione ut in honorem, vel ornatum imaginis, vel sacelli infumantur. Oblationes verò, quæ ad manum Sacerdotis in Missa fiunt, ex consuetudine serè communiter recepta, pertinet ad Parochum, vel ad eum Sacerdotem, cuius est altare, in quo fiunt; modò non tradantur Sacerdoti celebranti tanquam stipendium sui laboris. *ibid. num. 15.*



## P R I V I L E G I U M.

*Quid, & quoruplex sit privilegium.*

1. **P**rivilegium est specialis gratia alicui concessa, seu est lex, qua conceditur aliquid speciale. Est autem multiplex. 1. aliud dicitur *scriptum*, aliud *non scriptum*, siue à superiore concedatur, siue consuetudine acquiratur. 2. aliud est *reale*, quod directè conceditur alicui rei, ut loco, dignitati, vel prædio, vel mercibus; aliud *personale*, quo conceditur immediate personæ: quando res, cui concessum est privilegium, transit ad alium dominum, ad eundem etiam transit privilegium: privilegium verò personale extinguatur cum persona. 3. aliud est *gratis*, quod gratis conceditur, aliud *remuneratorium*, quod conceditur ratione meritorum. 4. aliud est *conventionale*, quod conceditur ex pacto; aliud *periculum*, quod absolute conceditur. 5. aliud est *privatum*, concessum in fauorem personæ priuæ, aliud *commune*, quod immediate respicit bonum communis. 6. aliud est *favorabile*, quo à privilegiato confert fauorem, & conmodum, nulli autem in eo modum; aliud *odiosum*, quod cedit in fauorem vnius, & in præiudicium alterius. 7. aliud est *perpetuum*, aliud *temporale*, seu *ad tempus*. 8. aliud est privilegium *in foro conscientie*, quod in foro externo non valet; aliud *in foro externo*, quod etiam valet in conscientie foro. *tom. 2. pag. 75. num. 1. & seq. & pag. 76. num. 8. & seq.*

*A quo & cui privilegium concedendum.*

2. Eius est privilegium concedere, cuius est legem ferre: privilegium enim est quædam lex. Non conceditur autem privilegium nisi subditis: per privilegium quippe homo eximitur à lege; non eximitur autem nisi aliquo modo subditus. Religiosi, & clerici, licet non sint directè subditi Principibus secularibus; nihilominus si Princeps condant legem civilem, purè favorabilem, possunt illius beneficio frui; sunt enim aliquo modo subditi, quatenus Principem agnoscunt in iis, quæ Ecclesiasticæ immunitati non officiunt. *tom. 2. pag. 76. num. 1. & pag. 77. num. 5.*

3. Privilegium valide conceditur ignoranti: sufficit enim voluntas concedentis. Hinc collige validam esse dispensationem voti castitatis, quam sponsus obtinuit pro sponsa inscia dispensationis: modò tamen ab ipsa acceptetur, alioquin non posset ea dispensatione licite uti. *tom. 2. pagin. 77. num. 1. & 2.*

4. Dispensatio, seu privilegium potest valide obtineri pro inuito, & superior potest cum subdito renitente, in lege dispensare. Immodò dari potest casus, ut superior possit cogere subditum ad utendum dispensatione, v. g. ad non ieiunandum in Quadragesima. *ibid. num. 4.*



5. Vt privilegium vim habeat, debet acceptari ab eo, cui conceditur, aut ab eo, qui vices ipsius gerit: nam concessio privilegij est veluti quadam donatio facta in fauorem privilegiati; donatio autem non valet antequam acceptetur. Hoc autem intelligendum est de privilegiis gratiose concessis: nam quæ in remunerationem conceduntur, & non ex mera liberalitate, valent quamvis expresse non acceptentur: privilegiatus enim scit se dignum remuneratione, ac proinde privilegium non omnino ignorat. *ibid. num. 5. & pag. 78. n. 1.*

Privilegij usus.

6. Privilegio absolute, & absque determinatione loci concessio, privilegiarius vti potest in quolibet loco intra ditionem concedentis: huiusmodi enim privilegium censetur generale, iuxta facultatem concedentis. Privilegium autem, quod restringitur ad aliquem locum, non valet extra illum locum. Quare qui privilegium obtinuit à Sede Apost. retinendi duo beneficia in vna Ecclesia, non potest in alia Ecclesia, eodem privilegio vti. *tom. 2. pag. 79. num. 1.*

7. Privilegiarius potest, per se loquendo, vbique, etiam extra territorium concedentis, vti dispensatione, seu privilegio personali sibi concessio absque determinatione loci, modo in alieno territorio non extet aliqua prohibitio specialis: quia privilegium personale sequitur personam, quocumque peregrat. Per accidenstamen, ratione scandali, vel alterius circumstantiæ, fieri potest, vt non sit vtendum vbique privilegio personali. *tom. 2. pag. 80. num. 4.*

Privilegij explicatio.

8. Quando verba privilegij sunt obscura, aut ambigua, & dubitatur de mente concedentis, recurrendum est ad coniecturas, ad inuestigandam intentionem concedentis, aut ad eundem est Princeps, si ad ipsum pateat aditus, nisi sit periculum in mora. *tom. 2. pag. 81. n. 3.*

8. Privilegium pure fauorabile, late explicandum est, quantum verborum proprietates patiatur; cum nulli præiudicium fiat. Privilegium verò odiosum, regulariter loquendo, strictè explicandum est, seruata verborum proprietate: odia enim sunt restringenda, fauores ampliandi. Privilegia, quæ continentur in iure communi, non sunt strictè explicanda; idem dicendum de privilegiis contentis in corpore iuris, aut quæ versantur circa materiam iuris: habent enim vim legis. Quæ verò non continentur in iure, strictè explicanda sunt: quia censentur ius quoddam priuatum, contra ius commune: dispensationes autem, quæ derogant iuri communi, strictè sunt explicandæ. Item privilegium, quod præbet occasionem liberi peccandi, strictè explicandum est. *ibid. n. 4. & 5. & pag. 82. num. 6. & seq.*



10. Facultas absoluedi à referuatis, confessorio concessa, item facultates vi Iubilæi concessæ, latè explicandæ; sunt enim fauorabiles, modò non vergant in damnum tertij, neque extendantur ad ea, quæ sunt Summo Pontifici specialissimè referuata, vt est dispensatio in matrimonio rato, in voto castitatis, aut religionis: nam in generali concessione non continentur ea, quæ superior non esset concessurus, si specialiter rogaretur. *tom. 2. pag. 83. num. 17. & seq.*

21. Quando conceditur facultas dispensandi, ad instantiam illorum, quibuscum est dispensandum; illa facultas strictè explicanda est, quia censetur quasi dispensatio cum iis, cum quibus est dispensandum. Si verò personæ non exprimantur, sed facultas concedatur simpliciter ad dispensandum, facultas illa latè explicanda est, quia censetur priuilegium concessum dispensaturo. *ibid. num. 19.*

12. Priuilegium censetur solummodo concessum iis personis, vel rebus, quæ in priuilegio exprimuntur, vel quæ in eo comprehenduntur propter significationem vocis, aut propter materiæ, aut actionis connexionem, aut propter iuris dispositionem: sic vxor potest aliqua ratione gaudere priuilegio nobilitatis, quod eius vir obtinuit, & filio communicatur priuilegium nobilitatis patri concessum, iure ita disponente. *ibid. num. 1. pag. 84. num. 2. & seq.*

13. Priuilegium extendi non potest ad alios casus, vel personas, ob similitudinem rationis: quia concedens priuilegium, non censetur velle priuilegium ad aliquos extendere, nisi in eo comprehendat ob vocis significationem, vel materiæ, aut actionis connexionem, vel iuris dispositionem: alioquin priuilegia vni religioni concessa, transirent ad aliam archidionem, vel æqualem, ob similitudinem, seu paritatem rationis. Hinc patet in dispensationibus non esse argumentandum à pari, vel à maiori ad minus, nisi minus includatur in maiori; tunc enim dispensatio extenditur ad minus; sic concedens facultatem vescendi carnibus censetur etiam concedere facultatem vescendi ouis, & laticiniis. *tom. 2. pag. 84. num. 11. & 16.*

#### *Priuilegij amissio.*

14. Priuilegium personale vim suam amittit per mortem illius, cui concessum fuerat: est enim personæ affixum. Priuilegium autem reale successiuè transmittitur ad illos, qui rem ipsam acquirunt. Porrò priuilegium censetur personale, quando conceditur alicui, expresso solùm nomine illius, nisi aliter ex circumstantiis appareat; quando verò exprimitur solum nomen dignitatis, priuilegium censetur reale, nisi ex circumstantiis aliud colligatur: at quando exprimitur nomen personæ, & dignitatis simul, priuilegium censetur personale: quia nomen dignitatis contrahitur per nomen personæ, tanquam genus per speciem. *tom. 2. pag. 85. num. 1. & seq.*



15. Privilegium ritè obtentum, non cessat morte concedentis, modò concessum fuerit simpliciter, sine vlla conditione, seu particula restrigente usque ad mortem concedentis. At privilegium nondum obtentum, sed obtinendum, expirat morte concedentis: quare si Pontifex postquam facultatem commisit Caio vt beneficium conferat Titio, moriatur ante collationem, illa facultas cessat morte Pontificis; quia beneficium nondum erat obtentum. *tom. 2. pag. 87. num. 19.*

16. Privilegium amittitur, & finitur lapsu temporis præscripti, seu cessatione conditionis, sub qua concessum fuerat. Privilegium verò simpliciter, & indeterminatè concessum, est perpetuum. Concessum ad beneficium concedentis, expirat morte illius *tom. 2. pag. 89. num. 1.*

17. Privilegium amittitur, & finitur, tota ipsius causa cessante, modò nondum sit mandatum executioni: neque enim est credibile Principem, velle conservare privilegium, cessante eius causa; alioquin eius concessio iniqua videretur. *ibid. num. 4.*

18. Privilegium gratuitum, quo alicui subdito facultas datur faciendi contra, vel potius, præter ius, potest ex iusta causa reuocari à concedente, vel à successore, vel ab eius superiore, consequenter privilegium amittitur per reuocationem. At privilegium, quod datur per contractum onerosum, vel in remunerationem, vel præcia pecunia, per se loquendo non potest reuocari; pacta enim, & conuenta seruanda sunt. *ibid. n. 1.*

19. Privilegium reuocari potest, vel expressè per verba sufficienter indicantia reuocationem in specie, vel in genere; vel tacitè, si v. g. concedens faciat aliquem actum, qui non possit subsistere absque privilegij derogatione; vt si Princeps iubeat exigere tributum ab eo, quem exemerat. *tom. 2. pag. 90. num. 11. & pag. 91. num. 14.*

20. Privilegium, quod non est insertum in corpore iuris, neque reuocatur per legem subsequenter, neque per particulare mandatum, seu rescriptum Principis, neque per subsequens privilegium repugnans præcedenti, nisi ipsius mentio fiat. Quia privilegium est ius quoddam priuatum, quod Princeps præsumitur ignorare, nisi ipsius faciat mentionem. Privilegium autem insertum in corpore iuris, per posterius privilegium potest abrogari: quia privilegium in corpore iuris contentum, non præsumitur ignorari. *tom. 2. pag. 91. num. 15. & seq.*

21. Vt reuocatio privilegij facta per legem, habeat suum effectum, requiritur publicatio reuocationis: quia lex non obligat ante publicationem: facta autem publicatione, privilegium manet reuocatum, ita vt actus non valeant etiam si ignoranter, & absque culpa fiant. Excipe actus publicos factos cum errore communi, & titulo colorato. Privilegium verò priuatum reuocatum vim suam retinet, donec perueniat reuocatio ad notitiam illius, cui concessum fuerat privilegium: vt enim concessio privilegij non operatur antequam innotescat ei, cui conceditur, sic illius reuocatio



Non sortitur suum effectum donec cognoscatur ab eo, cui privilegium fuerat concessum. Quare confessarius, cui concessa fuerat facultas absol-  
uendi à reſervatis, validè absoluit post facultatem priuatim reuocatam.  
ipſo inſcio. *ibid. num. 20. & pag. 92. num. 22.*

22. Privilegium amittitur per voluntariam renunciationem accepta-  
tam à concedente. At si superior eam non acceptet, privilegium adhuc  
viget, & potest privilegiarius illo uti, mutata voluntate: quia privilegium  
vim habet à voluntate concedentis. Notandum tamen hic esse sermo-  
nem de privilegio, quod tractum habet successuum, & consistit in potē-  
tia faciendi, vel omittendi aliquid in futurum: nam privilegium momen-  
taneum, quod scilicet operatur statim ac obtentum est, ut est dispensatio  
in impedimento matrimonij, non potest renuntiari: quare qui obtinuit  
dispensationem in impedimento, v.g. consanguinitatis non potest per re-  
nunciationem fieri inhabilis ad contrahendum, non enim potest se inha-  
bilem efficere, postquam semel factus est habilis per dispensationem.

*tom. 2. pag. 92. num. 1. & 4.*

23. Privilegium affirmativum, quo conceditur facultas aliquid facien-  
di in gravamen aliorum, amittitur per non usum, quatenus illi qui gravā-  
tur, præſcribunt exemptionem à tali onere per tempus legitimum. Pri-  
vilegium verò, quod neminem gravat, regulariter loquendo, non amitti-  
tur per non usum, etiam si longissimum tempus intercedat, modò conces-  
sum fuerit absque temporis limitatione; exceptis casibus in iure expressis.  
*ibidem, num. 3. & 4.*

24. Privilegium amittitur per usum materialiter, & formaliter contra-  
rium: quia privilegiarius præſumitur renunciare privilegio, si faciat ali-  
quem actum contrarium; tanquam ex obligatione, seu animo subiciendi  
se obligationi: quare qui privilegium habet non soluendi tributum, si tri-  
butum soluat, tanquam ex obligatione, privilegium amittit per usum con-  
trarium. *tom. 2. pag. 93. num. 2.*

25. Si privilegium præcipue cedat in commodum priuatum, is potest  
renunciare, in cuius favorem concessum est: quia nullus cogitur inuitus  
beneficium acceptare. Sin privilegium concessum sit intuitu boni com-  
munis, non potest persona priuata illi renunciare, etiam si in bonum ipsius  
priuatum redundet; sic nullus clericus potest privilegio canonis, aut fori,  
clericis concessio renunciare. Idem proportionem dicendum quando privi-  
legium concessum est in favorem plurium, ita ut commodum vnus ab al-  
iorum commodo ſeungi non possit. *tom. 2. pag. 94. n. 7. & seq.*

26. Per usum contrarium privilegio nunquam amittitur totum privi-  
legium, præſcisa legitima præſcriptione, modò privilegium non consistat  
in vnico actu, sed tractum habeat successuum. Quare qui habet privile-  
gium non soluendi tributum, non amittit privilegium non soluendi in fu-  
turum, si semel, atque iterum soluat. *ibid. num. 12.*

27. Privilegium concessum communitati, non amittitur per vnum  
actum,



actum, aut plures, si fiant à personis priuatis, absque consensu, & auctoritate communitatis. Secus dicendum si fiant à tota communitate, seu de consensu, atque auctoritate totius communitatis. Videtur enim communitas cedere iuri suo. *ibid. num. 15.*

28. Priuilegium, regulariter loquendo, non amittitur ipso facto per abusum: quia nullus tenetur abdicare à se priuilegium ante sententiam saltem declaratoriam criminis, nisi in iure habeantur verba inducentia, ipso facto, priuationem ob delictum, vel abusum, sic clericus sodomiae vitium exercens, excidit, ipso facto, priuilegio clericali. *tom. 2. pag. 95. n. 1.*

29. Priuilegium præcisè ob aliquam actionem exercendam concessum, cessante tali actione, cessat: quia cessante causa, cessat effectus. Sic beneficiarius, qui priuilegium obtinuit percipiendi fructus beneficii pro eo tempore, quo abest studiorum causa, non potest fructus percipere quamdiu studiis non vacat. *ibid. num. 6.*

P R O M I S S I O.

*Quid sit promissio.*

1. **P**romissio nihil aliud est, quàm datio fidei deliberata, vera, & spontanea, de re licita, & possibili. Quare promissio facta absque animo se obligandi, non est vera promissio, sed ficta, quæ, per se loquendo, non obligat, quia deest intentio promittentis; fieri tamen potest vt aliunde obliget, si nimirum alter credebat sibi ex animo promitti; tunc enim, si periculum est damni, promittens tenetur promissionem adimplere, alioquin esset causa damni. *tom. 2. pag. 613. n. 1. & 6.*

2. Qui promittit animo promittendi, seque obligandi, sed absque intentione implendi, tenetur stare promissioni; nam ex vera promissione nascitur naturalis obligatio illam adimplendi. Qui verò promittit ignorans naturam promissionis, non tenetur illam adimplere, nisi intendat facere, quod ceteri faciunt promittendo: tunc enim censetur habere tacitam intentionem promittendi. *ibid. num. 8. & 9.*

3. Promissio per vim, dolum, aut metum etiam leuem extorta, est inualida: fit enim iniuria promittentis; per iniuriam autem nullum ius acquiritur. Idem sentiendum videtur de promissione facta ex metu reuerentialis, quo quis repugnante voluntate consentit, neque audeat præ timore, & reuerentia contradicere; hæc enim promissio inuictè extorquetur. Hinc patet uxorem, quæ per metum reuerentialem mariti, ad vitandas rixas, pro marito fideiussit, etiam seruatis solemnitatibus iuris, non teneri in conscientia, soluere pro illo. Idem esto iudicium de precibus importunis, quæ vim quodammodo inferunt. *tom. 2. pag. 614. num. 14.*

4. Promittens tenetur adimplere promissionem homini factam, etiam si res promissa, sit impeditiua maioris boni; nam in hac promissione at-



tenditur id, quod est homini gratius, res autem minus bona plerumque homini magis placet. Secus dicendum de promissione facta Deo, cui magis placet id, quod est melius, neque illi placet promissio maioris boni impeditura. *tom. 2. pag. 615. num. 17.*

*Promissio interna, & externa.*

5. Promissio interna non obligat nisi fiat per modum voti, de maiori bono: quia promissio non obligat nisi acceptetur, non potest autem ab homine acceptari nisi exprimat; ergo, &c. Promissio, autem gratuita externa, & acceptata, obligationem inducit: quia qui promissionem non adimplet, dicitur fallere, & decipere, constat autem lumine naturæ, fraudem & deceptionem esse illicitam. Vnde patet non adimplentem promissionem gratuitam, externam, & acceptatam, ex suo genere peccare mortal. nisi leuitas materiæ excuset. *tom. 1. pag. 616. num. 1. & seq.*

6. Promissio nondum acceptata non obligat, & regulariter loquendo, reuocari potest ante acceptationem, nisi fiat per modum voti, id est, nisi promittens dirigat suam intentionem ad Deum, quibuscumque tandem verbis utatur, siue dicat, *voueo Deo*, siue dicat, *promitto tibi Ecclesiæ, hospitali, &c. ibid. num. 5. & pag. 617. num. 6.*

7. Non adimplens promissionem gratuitam peccat, si hæ conditiones concurrunt. 1. si promittat animo se obligandi. 2. si promittat rem licitam, & possibilem. 3. si promittat rem notabilem. 4. si res in eodem statu permanferit, nullaque interuenerit mutatio ita notabilis, vt si menti occurrisset, non esset facta promissio, nisi cum exceptione. Si promissio fuerit acceptata; censetur autem acceptari promissio facta præsentis, & tacenti cum intelligat sibi fieri promissionem: nam in fauorabilibus valet illa regula: Qui tacet, consentire videtur. *tom. 2. pag. 617. num. 8. & 9.*

*Promissio absenti facta.*

8. Is, qui alterius curam gerit, potest acceptare promissionem nomine illius, vt Prælati, vel Parochi, nomine suæ Ecclesiæ; tutor nomine pupilli; curator nomine minoris; pater, & mater pro liberis. Item persona publica, pro sibi subditis potest promissionem acceptare. Item qui alterius iuri sunt subditi, validè possunt pro eo stipulari, vt filius pro patre, religiosus pro suo Prælato, vel monasterio, vxor pro marito, iudex nomine patris absentis. Denique is potest stipulari, & promissionem acceptare, qui ad hoc habet speciale mandatum. Semel autem acceptata promissio nomine absentis, non potest à stipulante condonari: est enim ius acquisitum absenti. *tom. 2. pag. 519. num. 4. & pag. 520. n. 5.*

9. Ad validitatem promissionis factæ absenti, per nuncium, vel per litteras, tres hæ conditiones requiruntur. 1. vt is, cui fit promissio, accipiat ea  
de



de re litteras, vel nuncium ad hoc destinatum à promittente. 2. vt promissio, quæ per nuncium deferitur, coram ipso nuncio acceptetur. 3. vt promittens non reuocauerit promissionem, antequàm fuerit acceptata. Si tamen acceptata fuerit promissio, antequàm reuocatio innotuerit nuncio, aut ei, qui eam acceptauit, valida est promissio etiamsi reuocata fuerit ante acceptationem. *tom. 2. pag. 620. num. 1. & seq.*

*Promissio inualida.*

10. Promissio de re illicita nullam inducit obligationem sequuto tamen effectu illicito, is qui promisit, tenetur promissionem adimplere; nam inperfoluendo promisso, non approbatur factum illicitum, sed fides data, seruatur. *tom. 2. pag. 621. num. 1.*

11. Inualida est promissio, quæ præbet occasionem peccâdi. Vt si vxor viuente viro promittat matrimonium ei, cum quo adulteratur. Item promissio, quæ adimit facultatem disponendi de re sua, irritatur à iure; vt si quis promittat alteri se non reuocaturum testamentum, aut se non electurum alium præter ipsum in heredem. *ibid. num. 2. & 3.*

*Promissio quando, & vbi implenda.*

12. Promissio facta ad certum diem, non obligat ante illum diem. At si nullus terminus est præfixus, videtur promissio statim adimplenda. Quando autem promissioni præfixus est terminus in fauorem debitoris, potest cedere iuri suo, & cogere creditorem ad recipiendam solutionem, ante præstitutam diem. Secus si præfixus est dies in fauorem creditoris; potest enim creditor vti iure suo. *ibid. n. 1. & 6.*

13. Qui promisit certum quid singulis annis, tenetur soluere in fine anni, nisi malit antea soluere. Qui verò promisit annuam quantitatem, vt annuam centum aureorum eleemosynam, tenetur soluere initio cuiuslibet anni, iuxta nonnullos. Probabilius tamen est non teneri soluere ante finem anni; licet enim iura concedant creditoribus facultatem exigendi initio anni, non tamen cogunt debitorem ad soluendum. *ibid. num. 7.*

14. Promissio adimplenda est in loco conuento; si verò nullus locus est assignatus, & promissio est mutua, standum est iudicio prudentis viri, quoad locum deligendum; quando verò promissio est simplex, & gratuita, assignandus est locus arbitrio promittentis. Idem dicendum de promissione iurata. *ibid. num. 8. & pag. 622. num. eod.*

*Quando promissio desinat obligare.*

15. Promissio alioquin valida, & acceptata; desinit obligare, superueniente aliqua notabili mutatione, quæ si tempore promissionis adfuerit,



vel prauisa fuisset, promissionem impedisset: promittens enim non censetur in hoc casu se voluisse obligare. Quare si res promissa, facta est inutilis, vel damnoſa, vel illicita, vel impossibilis, promissionis obligatio cessat. *tom. 2. pag. 622. n. 1.*

16. Qui promisit, vel donauit rem magni pretij, quam non promississet si rei valorem cognouisset, non tenetur stare promissioni; deest enim voluntas, cum error dederit causam promissioni. *ibid. num. 3.*

17. Qui promisit aliquid quod sine superioris licentia facere non poterat, tenetur petere licentiam, si efficaciter promisit sciens necessariam esse licentiam superioris; hic enim videtur se obligasse sub hac conditione, si superior licentiam conceſſerit. *ibid. num. 5.*

Q.

*QVARTA PAROCHIALIS,  
& Episcopalis.*

1. **Q**VARTA est quadrans, seu quarta pars rei, de qua agitur: consuetudine tamen induci potest vt sit etiam tertia pars, aut medietas. Multiplex autem genus quartæ inuenitur in iure. 1. est quod debetur filiis in bonis parentum, aut parentibus in bonis filiorum. 2. est quod debetur arrogato, in bonis arrogatis. 3. quod iure communi debetur vxori pauperi in bonis mariti diuitis, qui eam duxerat sine dote, & è contra. 4. quod debetur hæredi ex fideicommissis, & legatis, vocaturque Falcidia, & Trebellianica. 5. quod debetur Parocho, & Episcopo, de quo hic nobis sermo. *tom. 2. pag. 683. num. 1. & seq.*

2. Quarta parochialis (quæ soluenda est ex legatis, seu relictis causa mortis, & funeris) debetur illi Ecclesie parochiali, in qua quis de iure sepeliendus esset, etiam si alibi sepeliatur: est enim parochialis Ecclesia veluti mater, cui debetur legitima in bonis filiorum. *tom. 2. pag. 684. num. 1.*

3. Quarta Episcopalis debetur Episcopo de legatis piis, & funeralibus oblationibus factis Ecclesie, seu locis piis sibi subiectis: Episcopus. n. est pater spiritualis, & onus sustinet Episcopale, ratione cuius æquū est, vt illi quarta portio soluantur; modò legata facta nō fuerint ad vsus priuilegiatos, vt pro Missis celebrandis, Ecclesia ornanda, &c. Hæc autem quarta soluenda est ab ipsis qui, legati acceperunt, vel ab hæredibus, seu testamenti executoribus, si nondum legata mortuo testatore soluta fuerunt. *tom. 2. pag. 685. num. 1. & pag. 686. num. 4.*

4. Hæc obligatio soluendi quartam, tolli potest per consuetudinem legitime præscriptam spatio 40. annorum; nam ad præscribendum contra Eccle-



Ecclesiam in iis, quæ sunt contra ius commune, 40. anni requiruntur. *rom. 2. pag. 686. num. 1. & 2.*

R.

R A P T V S.

1. **R**APTUS propriè dicitur quando persona aliqua inuita, vel resistentibus eius parentibus, seu tutoribus, aut curatoribus, abducitur per vim, ad libidinem explendam, vel ad matrimonium contrahendum. Quando autem nulla vis inferitur, sed fœmina, sua sponte, aut etiam precibus inducta, discedit cum amatore, in scis parentibus, non est propriè raptus, sed fuga potius voluntaria. Secus dicendum, si parentes sciant, & renuant, etiamsi puella consentiat; vis enim inferitur parentibus. *rom. 1. pag. 330. num. 1. & pag. 331. num. 5.*

2. Omisiss variis pœnis à iure ciuili constitutis in raptores, vt pœna capitis, & amissionis bonorum; tria pœnarum genera constituta sunt à Tridentino contra raptores, *sess. 24. cap. 6.* 1. est, vt raptor, & omnes, consiliũ, auxilium, & fauorem præbentes, sint ipso iure excommunicati, perpetuò infames, & omnium dignitatum incapaces: hæc tamen excommunicatio non est reseruata. 2. vt raptor siue matrimonium contrahat, siue non, teneatur raptam decenter dotare. 3. vt matrimonium inter raptorem, & raptam, sit inualidum, dum rapta est in potestate raptoris, etiamsi ipsa libere consentiat; idem dicendum de sponsalibus. *rom. 1. pag. 331. numero 9. & 10.*

3. Qui fœminam precibus aut blanditiis consentientem sponte abduxit in scis parentibus aut moderatoribus, non subiicitur huic excommunicationi; hic enim propriè non dicitur raptor, cum nulla vis inferatur. Secus si parentes sciant, & contradicant; ipsis enim vis inferitur. *disp. 2. quæst. 2. pag. 163. tom. 3.*

4. Fœmina rapiens virum, in hæc excommunicationem non incidit; quia Concilium loquitur tantum de rapto; lex autem pœnalis non est extendenda. *ibid. num. 7.*

5. Hæc excommunicatio non est reseruata.

6. Clericus mulieris raptor, non est ipso facto suspensus, licet sit ipso facto excommunicatus, & suspendendus; nam Concil. Trident. *sess. 24. cap. 6.* sic loquitur, *si clerici fuerint, de proprio gradu decedant, quæ loquendi forma est futuri temporis.* *disp. 3. quæst. 7. punct. 3. tom. 3.*



## Regalia.

1. **R**egalium nomine intelligitur tributum, quod imponitur nomine Regis, seu collecta quæ debetur Regi, vt si Rex, vel Imperator concedat Ecclesiæ, monasterio, vel alteri pio loco portus, & vectigalia, quæ exigebat, hæc vocantur regalia. *disp. 2. quæst. 2. punct. 23. pag. 174. num. 4. tom. 3.*

2. In cap. generali constitutione, de elect. in 6. fertur excommunicatio contra eos, qui in Ecclesiis, monasteriis, aut piis locis regalia, custodiam, aut titulum defensionis de nouo vsurpare conantes, iura, aliæque bona earundem Ecclesiarum, & aliorum piorum locorum vacantium vsurpare præsumunt, & contra clericos earundem Ecclesiarum, aliasque personas locorum eorundem, quæ id fieri procurant. *ibid.*

3. Qui aliquabona Ecclesiarum vacantium occupat, non vsurpando, vel non conando vsurpare regalia, ritulum, aut aliud ius earundem Ecclesiarum huic excommunicationi non subiicitur: quia textus vtrumque coniungit, itavt simul vtrumque requirat ad incurrendam excommunicationem. Idem dicendum de occupante iura, non occupatis bonis Ecclesiæ vacantis. *ibid. num. 3.*

4. Hæc excommunicatio non est reservata.

## R E L I G I O S V S.

## Contra Religiosos excommunicationes non reservate.

1. **G**regorius X. in Concilio generali Lugdunensi fanciuit vt religiosi, quibus ex vi regulæ, seu professionis interdictum est habere possessiones, seu redditus ad congruam sustentationem, in posterum non possent quemquam ad professionem admittere, vel domum, aut locum de nouo acquirere, vel antea acquisita alienare absque speciali Sedis Apostolicæ facultate; illos autem qui secus faxint, excommunicationi subiicit, & ipsorum acta irritat. *disp. 2. quæst. 8. punct. 1. pag. 288. num. 1. tom. 3.*

2. Ab hac censura excipiuntur. 1. ordines Prædicatorum, & Minorum ob evidentem Ecclesiæ utilitatem, vt habetur in textu. 2. ordines Eremitarum S. Augustini, & Carmelitarum. 3. ordines, qui post hanc constitutionem de licentia Summi Pontificis instituti, & approbati sunt, vt patet ex illorum privilegiis; vnde patet hanc excommunicationem hodie vix esse in usu. *ibid. num. 4.*

3. Qui nouum religionis ordinem instituunt, aut illius habitum assumunt, in huius canonis censuram non incidunt, immò nullibi extat eiusmodi excommunicatio; nam in Extravagant. Ioannis XXII. fermo est de secta Beguinorum, de quibus suo loco actum est. *ib. pag. 289. num. 5. & 3.*

4. Boni-



4. Bonifacius VIII. in cap. *unico, de excessibus Pralat.* in 6. interdixit religiosis mendicantibus domos, vel loca acquirere, vel acquisita alienare; sed quia illa prohibitio non seruabatur, Clemens V. in confirmationem constitutionis Bonifacij VIII. excommunicationem contra transgressores adiecit. *ibid. punct. 2. num. 1.*

5. Nonnullæ extant constitutiones, quibus cauetur ne aliqui religiosi ad alios ordines transeant. 1. est Leonis X. in Bulla vnionis, in qua sub excommunicatione latæ sententiæ interdixit ne fratres reformati transeant ad fratres conuentuales, vel recedant ab obedientia suorum Ministrorum, nisi capitulo prouinciali aliter vsus fuerit; eandemque excommunicationem extendit ad recipientes. 2. est Pauli III. quæ incipit, *Romani*, Iulij III. quæ incipit, *Officii*, & Sixti V. quibus excommunicantur Cappuccini recipientes fratres de obseruantia sine facultate, & fratres de Obseruantia se ad Capuccinos conferentes. 3. est Iulij II. in Bulla, quæ incipit, *Exponi*, in qua excommunicantur fratres S. Francisci de Paula recipientes, vel retinentes sine licentia Papæ, fratres Minores de Obseruantia. *ibid. punct. 3. pag. 289. 290. tom. 3.*

6. In Clementina vnica, *de consanguinit. & affinit.* extat excommunicatio contra religiosos professos matrimonium contrahentes. *ibid. punct. 5. num. 290.*

#### *Contra Religiosos habitum dimittentes.*

7. In cap. 2. *vt periculosa, de religiosi domibus*, decernitur sub excommunicatione ipso facto incurrenda, ne religiosus tacite, vel expressè professus temerè habitum dimittat in scholis, aut alibi. Is autem dicitur hic habitum dimittere, qui illum deponit ad sic incedendum, vel se occultandum, vt nequeat agnosci religiosus, indeque vagandi occasionem arripiat. *ibid. punct. 6. pag. 290. num. 1. tom. 3.*

8. Religiosus, qui suis vestibus indutus è monasterio fugit, hanc excommunicationem non incurrit; quia non est lata in fugitivos, & apostatas, sed in eos, qui habitum dimittunt; potest autem quis esse apostata, etiam si habitum non dimittat, & vice versa. Immo apostata fugiens cum habitu, iure communi nullam incurrit excommunicationem, quia nuspiam expressa reperitur; ex iure tamen particulari, seu ex priuilegio nonnullarum religionum apostatæ excommunicationem incurrunt. *ibid. pag. 291. num. 5. tom. 3.*

9. Professus induens habitum nouitiorum, in hanc censuram incidit, si nouitij non eodem vestium genere vtantur, quo professi; hinc enim dicitur sufficiens vagandi occasio; si verò nouitij eodem vestium genere vtantur, superaddito solum aliquo signo vt à professis distinguantur, professus assumens illud signum non subicitur huic excommunicationi; quia non dimittit habitum suæ religionis. *ibid. num. 10.*

10. Qui habitum suæ religionis non exiit, sed illum vestibus secularibus



laribus superinectis occultat vt religiosus agnosci nequeat, iuxta probabilem sententiam non afficitur excommunicatione; quia textus loquitur de dimissione habitus; non autem de occultatione. Alij verò secus sentiunt, quia hic videtur formaliter habitum dimittere, cum iam agnosci non possit tanquam religiosus. *ibid. num. 11.*

11. Religiosus, qui intra priuatos monasterij parietes habitum non deferret, videtur vinculo huius excommunicationis obstringi; licet enim dimisso habitu non valetur, nihilominus ea dimissio vagandi præbet occasionem. *ibid. num. 13.*

12. Non quælibet habitus dimissio sufficit ad incurrendam excommunicationem; sed debet esse temeraria, itavt non fiat ex vlla causa rationabili, & fiat in contemptum legis. Vnde sequitur illum excusari ab excommunicatione, qui ad vitam seruandam, per loca infidelium, & hæreticorum transiturus, habitum dimittit. *ibid. pag. 292. m. 14. tom. 3.*

13. Religiosus, qui habitum alterius religionis strictioris assumit animo ad illam transeundi, non afficitur excommunicatione; quia hoc licet. Qui verò habitum alterius religionis assumit contra iura, excommunicationem incurrit; quia temerè, & cum grauissimo peccato habitum suæ religionis dimittit; adhuc enim manet obstrictus priori religioni. *ibid. num. 17. & 18.*

14. Dimissio habitus ad breue tempus, non sufficit ad excommunicationem, etiam si dimittens, intentionem habuerit diutius dimittendi; quia materia excommunicationis non est animus dimittendi, sed ipsa externa dimissio, quæ cum fuerit ad breue tempus, non censetur materia sufficiens excommunicationis. *ibid. num. 21.* Porro vna hora in hac materia non est tempus notabile. *num. 22.*

15. Religiosus factus Episcopus, vel Cardinalis dimittens habitum suæ religionis, in hanc censuram non incidit; quia eximitur ab omnibus regulis, & statutis religionis, quare ex vi regularis obseruantie non tenetur ad habitum religionis deferendum; non tamen desinit esse religiosus, neque eximitur à tribus votis religionis, sed obedientiam debet, nõ quidem Prælati religionis, cum à regulari obseruantia eximatur; sed Summo Pontifici, non tantum ex generali obligatione; sed ex peculiari voto obedientie. Tenetur etiam voto paupertatis, neque efficitur dominus reddituum Ecclesiasticorum, sed administrator vt eos in vsu decentes infumat. *ibid. pag. 293. m. 27. & seq. tom. 3.*

16. Potestas dispensandi ab habitu religionis deferendo per se pertinet ad Summum Pontificem; quia illa obligatio confurgit ex iure canonico; per accidens autem dimitti potest ex licentia Prælati concessa ad aliquod opus, quod exerceri commodè nequit cum habitu. *ibid. pag. 94. num. 32. tom. 3.*



## Contra Religiosos Studentes.

17. Alexander III. in cap. non magnopere, ne clerici, vel monachi, excommunicationem tulit contra religiosos exeuntes ad physicam, seu medicinam, vel leges audiendas, & non redeuntes intra duos menses. *ibidem*, punct. 7. pag. 294. tom. 3.

18. Religiosus è claustro exiens ad audiendas leges vel medicinam in eodem oppido, & finita lectione ad claustrum rediens hanc excommunicationem non incurrit: quia lata est excommunicatio contra religiosos exeuntes ad præfatas disciplinas audiendas, nisi intra duos menses ad claustrum redeant; quod argumento est ad excommunicationem incurrendam opus esse vt exeant ad habitandum extra claustrum. *ibid.* num. 2.

19. Religiosus, qui exiit, absque intentione præfatas scientias audiendi, si postea mutata voluntate manet extra claustrum animo eas audiendi, neque redit post duos menses, non videtur subici huic excommunicationi; quia textus non loquitur simpliciter de exeuntibus; sed de exeuntibus eo animo vt audiant leges, & physicam. Opposita tamen sententia tior est in praxi. *ibid.* pag. 295. num. 5. tom. 3.

20. Religiosus claustro egressus animo audiendi leges, & medicinam, sed re ipsa non audit, ab hac censura non excusatur, nisi intra duos menses ad claustrum redeat; quia excommunicatio non est lata contra religiosos audientes, sed contra egredientes animo audiendi leges, &c. & non redeuntes intra duos menses. *ibid.* num. 6.

21. Religiosus exiens ad docendum leges, vel physicam, ex probabili sententia, hanc excommunicationem non contrahit; quia excommunicatio tantum lata est in audientes, vel egressos ad audiendum. *ibid.* n. 8.

22. Superior religionis non potest in hac re cum suis religiosis dispensare. quia inferior non habet ius dispensandi in lege superioris. Ipsi tamen superiores permittentes religiosos exire, in excommunicationem non incidunt. *ibid.* pag. 269. num. 15. tom. 3.

23. In cap. 2. vt periculosa, ne clerici, vel monachi in 6. excommunicantur religiosi professi accedentes ad quævis studia litterarum, nisi concessa à superiore facultate, cum consilio sui conuentus, vel maioris partis eiusdem. *ibid.* punct. 8. pag. 296. num. 1. tom. 3.

24. Religiosus transferens se ad alium suæ religionis conuentum animo dandi operam studiis quæ extra monasterium existunt, non videtur incurrere hanc excommunicationem, si intentionem habeat manendi in monasterio, & iuxta ordinarium modum ad scholas accedendi; hæc enim dicitur potius mutatio cœnobij, quàm profectio ad studia; textus autem loquitur de religiosis aliò proficiscentibus studiorum causa. *ibid.* num. 6.

25. Ad vitandam hanc excommunicationem requiritur licentia Prælati immediati, cum consensu conuentus, vel maioris partis, modò Prælati



latus per constitutiones religionis non prohibeatur hanc facultatem concedere etiam cum consensu capituli. Religiosus tamen qui sic obtinuit à Prælato facultatem quam non poterat dare, excusatur ab excommunicatione. Generalis autem, aut Prouincialis potest hanc facultatem concedere absque consilio, aut consensu conuentus, quia Summus Pontifex voluit solum Prælati immediati potestatem coarctare. *ibid. num. 7. & 8.*

26. Licentia inualidè obtenta per dolum, aut metum, vel à superiore, quem constat non habere hanc potestatem, ab hac censura non excusat. *ibid. pag. 279. num. 9* Non requiritur autem consensus, sed sufficit consilium conuentus, aut maioris partis; sic enim exprimitur in textu. *num. 10. tom. 3.*

27. Prælatus monasterij proficiscens ad studia sine licentia, hanc censuram non incurrit; quia hic non est subditus alteri Prælato habenti conuentum, cuius consilium sit expectandum. *ibid. num. 14.*

*Contra Religiosos ad Curiam Principum accedentes.*

28. In Clementina 1. *in agro, de statu monach.* fertur excommunicatione contra monachos, & canonicos regulares ad curias Principum absque speciali Prælatorum suorum licentia se conferre præsumentes, vt suis Prælatis, aut monasteriis noceant. *ibid. punct. 9. pag. 297.*

29. Qui boro animo se ad Principis curiam cõtulit; sed dum in ea commoratur, induxit in animum nocere Prælato, vel monasterio suo, non videtur huius excommunicationis reus; quia in materia penali verba sunt strictè interpretanda. Qui autem ad curiam accessit animo nocendi, excommunicationem incurrit etiam si re ipsa non noceat; quia sub censura prohibitum est accedere animo nocendi. *ibid. pag. 298. num. 4. & 5. tom. 3.*

30. Religiosus accedens ad curiam Principis animo nocendi alicui religioso sui monasterij qui Prælatus non sit vel alteri religioni, aut alteri monasterio etiam eiusdem ordinis, non afficitur excommunicatione; quia, textus loquitur de volentibus nocere suis Prælatis aut monasteriis, quod strictè accipiendum est prout habet relationem ad ipsos religiosos delinquentes. *ibid. num. 9. & 10.*

31. Leo X. in Bulla quæ incipit *Dudum per nos*, quæ tamen in Bullario non inuenitur, excommunicationem tulit contra religiosos, & alios qui prædicant, vel priuatim pronunciant indulgentias S. Mariæ ad populum, in vrbe, extendi ad seculares visitantes Ecclesias privilegiatorum. *ibidem punct. 10. pag. 298. tom. 3.*

32. Ab eodem Leone X. in *privileg. ord. minor.* lata est excommunicatione contra fratres, & moniales S. Claræ, seu tertiæ regulæ, vtentes gratiis, & immunitatibus Bullarum Cruciatæ, vel aliarum similium contra obedientiam ordinis, & sine speciali suorum superiorum licentia. Hæc tamen Bulla in Bullario non extat. *ibid. pag. 299. punct. 11. tom. 3.*



33. In Clementina 1. *de decimis*, excommunicantur religiosi qui decimas Ecclesiis debitas sibi usurpare presumunt, nisi restitutionem fecerint intra duos menses; aut qui decimarum solutionem impediunt, nisi post monitionem impedire destiterint intra mensem. Cum hac tamen differentia quod religiosi habentes officia, & beneficia suspensionem incurrunt ab illis; qui verò beneficia, vel administrationem non habent, excommunicationi subijciuntur. *ibid. punct. 1. 2. num. 1.*

34. Religiosi non soluentes decimas, hac censura non ligantur modò alios non impedian, ne soluant; quia textus non loquitur de non soluentibus, sed de usurpantibus, vel prohibentibus decimas solui. *ibid. n. 9.*

35. Hec excommunicatio, seu suspensio ante prestatam à delinquirente satisfactionem est Summo Pontifici reservata, ut patet ex ipso textu. *pag. 300. n. 10. & tom. 3.*

36. In Clementina, *Cupientes, de pœnis*, referuntur duæ excommunicationes. 1. contra religiosos retrahentes auditores à solutione decimarum quæ Ecclesiis debentur. 2. contra presumentes prædicare, nondum admonitis consentientibus quos de hac obligatione soluendi decimas monere tenebantur. *ibid. punct. 13. pag. 300. n. 1. & pag. 301. n. 11.* Nam præcipitur religiosi sub pena suspensionis ipso facto ab officio prædicationis, ut consentientibus conscientiam faciant de soluendis decimis; quoties à rectoribus Ecclesiarum ad hoc requiruntur; si autem scienter negligent id facere, dum requiruntur, suspensionem incurrunt, quæ durat donec consentientibus conscientiam fecerint; quòd si interim antequam negligentiam oblata opportunitate purgent, prædicare presumpserint, vinculo excommunicationis obstringuntur. *ibid.*

37. Hec excommunicatio non incurritur à Sacerdotibus secularibus, aut aliis; solos enim afficit religiosos. *pag. 300. num. 10. tom. 3.*

38. In Clementina 1. *ex frequentibus, de sentent. excommun.* sancitum est sub pœna excommunicationis ipso facto, ut religiosi seruent interdictum, vel cessationem à diuinis, quam seruari vident à cathedrali, vel à matrice, seu parochiali Ecclesia: debet autem illud interdictum esse generale, & latum auctoritate Sedis Apostolicæ, vel ab ordinariis locorum, vel auctoritate Concilii provincialis. *ibid. punct. 4. pag. 301. tom. 3.*

39. Religiosi non seruantes interdictum latum in totam prouinciam, seu regnum quod vident non seruari à cathedrali, licet seruetur à metropolitana, non subiacent excommunicationi. Secus autem si videant illud seruari à cathedrali, non verò à parochiali loci intra cuius ambitum ipsorum monasterium continetur. *ibid. pag. 304. n. 6. & 7. tom. 3.*

40. Item non incurrunt hanc excommunicationem non seruantes interdictum locale, latum contra aliquod oppidum in quo monasterium existit; si in eo non reperitur Ecclesia cathedralis, vel parochialis, sed in alio oppido proximo non interdicto. Idem dicendum quando interdictum est oppidum, in quo nō est Ecclesia cathedralis, sed multe parochiales.



les quarum nulla principalior est; sed in singulis sacramēta suis parochi-  
nis administrantur; nisi omnes illa parochiales seruent interdictum; tunc  
enim religiosi tenentur sub excommunicatione illud etiam seruare. *ibid.*  
*num. 7.*

41. Religiosis non prosunt priuilegia celebrandi, & laicos ad diuina  
admittendi, si hæc concessa fuerunt ante Clementinam ex frequentibus  
citata, quia per illam reuocantur omnia priuilegia. Quæ verò post illam  
Clementinam concessa sunt, non videntur à Concil. Trident. reuocata.  
*ibid. num. 10. & 11.*

42. Ad sedandas discordias inter religiosos mendicantes, & Ecclesia-  
rum parochialium rectores præsertim in Germania, Sixtus IV. in Extra-  
uag. 2. *de tregu. & pace*, excommunicationem tulit contra religiosos mē-  
dicantes, & Parochos non seruantes pacem inter se initam. *ibid. pag. 303.*  
*punct. 15. num. 1. tom. 3.*

43. Hæc excom. nunciatio est Papæ reseruata nisi post debitam satis-  
factionem præstitam parti lasæ, & expressum illius consensum. *ib. n. 4.*

44. In Clementina *ne in agro*, fertur excommunicatio contra mona-  
chos tenentur arma intra septa monasterij, sine Abbatum suorum licen-  
tia: Ligna autem, & lapides non sunt arma, cum non sint instituta ad vi-  
sum bellicum; quare monachus ea in cubiculo suo tenens etiam animo a-  
liquem offendendi, non subiicitur huic excommunicationi; quia in ma-  
teria pœnali non est facienda extensio *ibid. punct. 16. pag. 303. tom. 3.*

45. Religiosus, qui arma in monasterio tenet ad necessariam sui de-  
fensionem, non subiicitur huic censura; quia retinet ex iusta causa, nec di-  
citur præsumere. *pag. 304.*

46. Sub hac censura non comprehenduntur canonici regulares, aut a-  
lij religiosi qui monachi non sunt; quia ibi sermo est de monachis tantum.  
*ibid. num. 6.*

#### *Contra Religiosos excommunicationes Papæ reseruata.*

47. Martinus V. in Extrauag. *viā ambitiosa, de regular. & transcūt.*  
*ad relig.* excommunicationem tulit contra religiosos mendicantes tran-  
seuntes ad religionem non mendicantium absque speciali Summi Pontif.  
licentia, excepto Carthusianorum ordine. *disp. 2. quæst. 9. punct. 1. pag. 304.*  
*num. 1. tom. 3.*

48. Non sufficit licentia Prælati religionis quam religiosus mendicans  
deferere intendit vt transeat ad non mendicantes, sed requiritur licentia  
expressa, & specialis Summi Pontif. Excepto Prapposito Generali Socie-  
tatis IESV, cui specialiter concessum fuit vt facultatem concedere pos-  
sit suis religiosis, etiam solemniter professis, transeundi ad alias quælibet  
religiones, quod priuilegium hoc fuit Societati incommunicabiliter con-  
cessum. *ibid. num. 5. & 6.*



49. Religiosus ordinis mendicantium à religione in perpetuum eiectus potest absque speciali Summi Pontif. licentia ad quemlibet ordinem monasticum transire; quia hæc constitutio edita fuit ad conseruationem ordinum mendicantium, in hoc autem casu ordo nullum patitur detrimentum; neque enim vult repetere religiosum quem in perpetuum eiecit. Secus dicendum si tantum ad tempus eiectus fuit. *ibid. pag. 305. nu. 9. tom. 3.*

50. Pius V. occasione nefandi sceleris attentati à Farina religioso Ordinis Humiliatorum contra S. Carolum Boromæum quem sclopo voluit occidere; excommunicationem tulit contra professos Ordinis Humiliatorum admittentes aliquem ad habitum, vel professionem sui Ordinis, unde factum est vt ille ordo paulatim extinctus fuerit. *ibid. punct. 1. n. 1.*

51. Ab eodem Pio V. in Bulla quæ incipit, *Aequum reputauimus*, lata est excommunicatio contra religiosos cuiuscumque ordinis admittentes religiosos Societatis IESV sine licentia sui Superioris, exceptis Carthusianis, & contra ipsos eiusdem Societatis religiosos sine sui superioris facultate ingredientiæ aliam religionem quam Carthusianam, & contra dantes auxilium, &c. *ibid. num. 2.*

52. Iulius II. in Bulla quæ incipit, *virtute conspicuos*, excommunicationi subiicit claustrales recipientes Minimos sine licentia Summi Pontificis. *ibid. num. 3.*

53. Clemens teste S. Antonino excommunicationem tulit contra Minores recipientes fratres ordinis Prædicatorum volentes ad ipsos transire sine expressa licentia Summi Pontif. vel suorum superiorum. Ipsi tamen transientes hac excommunicatione non ligantur. *ibid. num. 4.*

54. Paulus III. in Bulla, *Cum sicut*, anathemate obstringit Minimos qui se ab obedientia Correctorum subtrahunt. *ibid. n. 5.*

55. Leo X. in Bulla, *Licer alias*, excommunicat Tertiaros Eremitas deferentes habitum Minimorum. *ibid. num. 6.*

56. Refert S. Antoninus 3. part. tit. 24. cap. 7. excommunicationem latam contra detinentes in suis monasteriis Apostatas ordinis Prædicatorum. *ibid. punct. 3. pag. 305. tom. 3.*

57. Apostata à religione, ex vi iuris communis ob apostasiam præcisè non est excommunicatus; quia ista excommunicatio nusquam reperitur, tamen ex peculiari priuilegio in nonnullis religionibus apostata sunt excommunicati, vt patet ex priuilegio Societati IESV concessio à Gregorio XIII. in Bulla 89. quæ incipit, *Ascendente Domino*. vbi religiosi à Societate deficientes excommunicantur ipso facto, & apostatarum penis subiiciuntur; absolutio autem ab hac excommunicatione reseruata est Summo Pontifici aut Præposito Generali eiusdem Societatis. *ibid. num. 3.*

58. Pius V. in Bulla 128. quæ incipit, *Pastoralis officij*, excommunicationem tulit contra Fratres Minores de Obseruantia subornantes pro se, vel pro alio in electionibus, aut procurantes fauorem extra religionem ad officium in religione obtinendum. *ibid. pag. 306. punct. 4. num. 1. tom. 3.*



59. Hæc excommunicatio ex vi constitutionis Pij V. est Summo Pontifici reservata, tamen Gregor. XIII. indulget, ut tam Minister, quàm Commissarius Generalis possint absolvere quando de ipsis non agitur. *ibidem num. 4.*

60. In Clementina, *Religiosi, de privileg. & excess. privileg.* extat generalis prohibitio, & excommunicatio contra religiosos absolventes ab excommunicationibus reservatis, aut à pœna, & culpa, aut Extremam Vnctionem, vel Eucharistiam administrantes, aut matrimonia solemnizantes sine Parochi licentia. *ibid. punct. 5. pag. 306. num. 1. tom. 3.*

61. Ad hanc excommunicationem vitandam sufficit licentia generalis data Parochiano ut possit Sacramenta suscipere à quolibet religioso; vel data ipsi religioso ut possit cuilibet Sacramenta ministrare; hæc autem licentia à Parocho est obtinenda, aut eius Vicario. *ibid. pag. 307. num. 5. tom. 3.*

62. Religiosus conferens extremam Vnctionem, vel Eucharistiam aliis religiosis etiam alterius religionis, in hanc censuram non incidit: quia religiosi prohibentur tantùm hæc sacramenta ministrare clericis, vel laicis. *ibid. n. 12. De sacramentis autem Baptismi, & Pœnitentiæ nulla est prohibitio. num. 11.*

63. Religiosus sine licentia Parochi absolvens ab excommunicatione lata ab homine in hanc censuram non incurrit; quia prohibita est tantùm absolutio ab excommunicatione lata à iure communi, vel ab excommunicationibus latis, & reservatis per statuta provincialia, aut synodalia. *ibidem pag. 308. num. 17. tom. 3.*

64. Religiosus absolvens ab aliis censuris quàm ab excommunicatione, non subiacer huic excommunicationi; quia in textu nulla fit mentio de suspensione, & interdicto, sed de excommunicatione tantùm. *ibid. n. 18.*

65. Absolvens ab excommunicationibus non reservatis, aut absolvens à peccatis, non autem ab excommunicatione, in hanc censuram non incidit. *ibid. num. 21. 12.*

66. Religiosus concedens indulgentiam plenariam, seu ab omni pœna, subicitur huic excommunicationi, et amissi non absolvat sacramentaliter à culpa; absolvere enim à culpa, & à pœna, non est absolvere sacramentaliter à culpa, sed conferre indulgentiam plenariam, quæ supponit culpam remissam per sacramentum pœnitentiæ in re, vel in voto. *ibid. n. 24.*

67. Novitius sine licentia faciens præfatas actiones sub excommunicatione prohibitas non incurrit hanc excommunicationem: quia non est religiosus; in pœnalibus enim, & odiosis non est facienda extensio. *ibid. pag. 309. num. 28.*

68. Clemens V. ad tollendas nonnullorum querimonias qui agrè ferebant Tertiarios S. Francisci tempore interdicti admitti à fratribus Minoribus in suas Ecclesias ad divina officia audienda aliis exclusis, iniunxit sub excommunicatione fratribus Minoribus ne in posterum præfatos fratres



fratres Tertiarios vel sorores tempore interdicti ad diuina admittant. *ib. punct. 6. num. 1.*

69. Paulus V. in Bulla 26. quæ incipit *Romanus Pontifex*, statuit vt religiosi hæretici, vel de hæresi suspecti denunciarentur Inquisitoribus, simulque excommunicationem infligit superioribus ordinum religionum si huiusmodi denunciationem impediunt, aut nisi ipsi denunciât. *ibid. punct. 7. pag. 3 10. num. 1.* Hinc sequitur religiosum inferiorem non affici hac censura non denunciando; quia lata est solum contra superiores. *num. 6.*

70. Ioannes XXII. cum intellexisset nonnullos religiosos se transferre ad partes transmarinas, in quibus pauci fideles reperiebantur, vt eos deciperent, & in errorem inducerent, sub excommunicatione interdixit in Extrauag. *Ad nostrum* ne vlli religiosi accedant ad hæc loca sine licentia sui superioris, & ne superiores hanc facultatem concedere audeant quibusvis fratribus sui ordinis, sed tantum fratribus scientia, prudentia, & experientia vsu præditis. *ibid. punct. 8. n. 1.*

71. Religiosus transferens se ad partes transmarinas sine licentia, absque animo inducendi aliquem in errorem, & sine scandali periculo, hanc censuram non euadit; quia licet Summus Pontif. ob huiusmodi periculum inductus fuerit ad faciendam hanc constitutionem; nihilominus in sua constitutione generaliter loquitur. *ibid. pag. 3 11. num. 9. tom. 3.*

#### *Religiosorum mendicantium exemptio ab oneribus.*

72. Pius V. in Bulla *Dum ad vberes*. eximit ordines mendicantes vtriusque sexus à quibuscumque gabellis, oneribus, & contributionibus quauis ex causa impositis, vel imponendis, additque excommunicationem latæ sententiæ contra violantes hanc exemptionem. *disp. 2. quæst. 10. punct. 2. pag. 3 12. num. 1. tom. 2.*

73. Hæc autem exemptio in hoc consistit vt ipsi monachi, moniales, & aliæ personæ regulares, nec non ipsorum bona mobilia vel immobilia, item ipsorum laborantes, coloni, locatarij, affectuarij, negotiorum gestores, immunes sint a qualibet collecta, contributione, tributo, gabellis, aliisque oneribus seu ordinariis, seu extraordinariis. *ibid. num. 3.*

74. Gubernatores, & rectores locorum non prohibentes fieri contra istam constitutionem, in hanc censuram non incidunt; quia excommunicatione lata infacientes, non afficit omittentes, seu impediennes. *ibid. n. 5.*

#### *Religiosorum suspensiones.*

75. Religiosi non ligantur suspensionibus vel interdictis contra clericos latis; quia religiosi, iuxta communem loquendi modum, non vocantur clerici, distinguuntur enim tres ordines, clericorum, religiosorum, & laicorum: Ad hæc clericis non sunt obnoxij pœnis contra religiosos latis, et



neque religiosi subiiciuntur pœnis clericorum. Secus dicendum de suspensionibus generaliter latis; tunc enim omnes comprehenduntur, nisi peculiari privilegio eximantur. *disp. 3. quæst. 3. pag. 379. n. 1. & 2. 1. 2.*

76. Religiosus ante professionem sacros ordines suscipiens, suspenditur ab illorum executione; Idem dicendum de religioso inualidè professo. *ibid. punct. 1.*

77. Abbates & alij quicumque superiores religionum concedentes dimissorias aliis quàm religiosis sibi subditis, suspensionem per annum ipso facto incurrunt ab officio, & beneficio. Abbas verò conferens ordines, vel tonsuram clerico sæculari, seu religioso sibi non subdito, incurrit suspensionem à collatione ordinum per annum. *ibid. punct. 3.*

78. Religiosi mendicantes admittentes aliquem ad professionem nondum expleto probationis anno, incurrunt suspensionem, & excommunicationem comminatoriam latam ab Alexandro I V. in cap. *non solum*, de regular. in 6. *disp. 3. quæst. 8. punct. 5. pag. 380. tom. 3.*

79. In Clementina 1. *de rebus Eccles. non alienand.* lata est suspensio ab officio ordinis, & iurisdictionis contra Prælatos religiosos prædites monasteriis, Prioratibus, Ecclesiis, vel administrationibus, si iura, redditus, aut possessiones alicui concedant, nisi aliud exigat necessitas, vel utilitas monasterij, seu Ecclesiæ, cum consensu conventus. *ibid. punct. 7. pagin. 281. tom. 3.*

80. Sub hac censura non comprehenduntur locationes prædiorum, & fructuum ad breve tempus; vt si locetur prædium ad triennium pro consueta pensione, aut colo 10 partiaro vt dimidiam, vel certam fructuum, partem tradat; sic enim habetur in eadem Clement. *ibid. pag. 382. num. 4.* Absolutio ab hac suspensione conferri potest ab Episcopo, quia non est reservata. *ibid. num. 9.*

81. Religiosi qui solutionem decimarum Ecclesiis debitarum impediunt, ve eas sine rationabili causa, aut privilegio sibi usurpare presumunt, si requisiti ab illis quorum interest, non desistant intra mensem, vel v usurpata intra duos menses non restituant, incurrunt suspensionem ab officiis, administrationibus, & beneficiis suis donec destiterint, & satisfecerint. Simili religiosi nec officia, nec administrationes, nec beneficia habeant, incurrunt excommunicationem à qua absolui non possunt quin satisfecerint. *Clement. 1. de decimis. ibid. punct. 8.*

82. In Clementina *cupientes, de pœnis*, lata est suspensio ab officio prædicandi contra religiosos non admonentes pœnitentes de onere soluendi decimas postquam à rectoribus Ecclesiarum requisiti fuerunt vt admonent. Exciipiuntur tamen rectores Ecclesiarum, & religiosi monasteriorum percipientium decimas. Porro religiosi qui hac censura obstricti, nihilominus concionantur, excommunicatione incurrunt. Absolutio ab hac suspensionem utpote ad tempus lata, reservata est Papæ. *ibid. punct. 9. pagin. 383. tom. 3.*



83. In Clement. 1. §. *quibus*, lata est suspensio contra Prælatos religiosorum non satisficientes intra mensem partibus læsis occasione excessuum à suis religiosis commissorum, postquam super hoc fuerint requisiti; si tamen ex illis excessibus aliquid commodi perceperunt. Ista suspensio lum mouet ab officio, & beneficio, estque Papæ reservata ante satisfactionem; præstita verò satisfactione cessat. *ibid. punct. 10.*

84. In cap. *hi qui, distinct.* 50. apostatæ à religione prohibentur ad clericatus officium admitti, & in cap. *consultationi de apostatis*, decernitur ut monachus qui aliquem sacrum ordinem in apostasia suscepit, quantumlibet suo fuerit reconciliatus Abbati, non possit absque dispensatione Romani Pontificis ordinem sic susceptum exercere. *ibidem punct. 11.*

*pag. 384. tom. 3.*

85. Apostata à religione qui tempore apostasiæ sacrum ordinem suscepit, non potest post apostasiam ad superiorem ordinem ascendere absque dispensatione; quia suspensus ab executione inferioris ordinis, suspensus etiam est ab executione superioris, atque adeo à susceptione; nam ordines non suscipiuntur, nisi ut exerceantur. *ibid. num. 9.*

86. Religiosus à religione eiectus suspensus est ab exercitio ordinum; nam ita sancitum est à Sacra Cardinalium Congregatione; sin iterum admittatur, vel ad aliam religionem transeat, eximitur ab hac censura; quia hæc suspensio lata est contra religiosos degentes extra religionem. Hinc sequitur huiusmodi religiosum incidere in irregularitatem functiones sacrorum ordinum exercendo, quia violat suspensionem. Absolutio ab hac suspensione est Summo Pontifici reservata. *ibid. punct. 15. pag. 385. tom. 3.*

87. In Clementina 1. §. *si quis, de statu monach.* lata est suspensio contra monachos nigros non videntes habitum, & vestitu præscripto. Monachi autem *nigri*, vocantur *Benedictini*, qui utrumque habitum superiorem, & inferiorem nigrum gestant. Hæc suspensio non omnes eodem modo afficit; nam si delinquens sit Abbas, aut Prior non habens Abbatem, suspenditur per annum à collatione beneficiorum; si verò sit inferior habens aliquam administrationem, ea ipsa priuatur per annum; si nullam, habet, redditur inhabilis ad administrationem, & Ecclesiasticum beneficium obtinendum. *ibid. punct. 14.*

88. In Clementina 1. §. *si quis, de statu monach.* lata est suspensio contra monachos nigros, qui venationi, aut aucupationi clamorosa, aut cum canibus, vel auibus ex proposito intersunt; unde sequitur cum non obstringi hac suspensione, qui ex occasione interest venationi, aut qui exercet venationem sine auibus, aut canibus, sed cum retibus, & laqueis, cum decentia, & honestate. Porro hæc suspensio eisdem habet effectus, quos superior nisi quod durat per biennium. *ibidem, pagina 386. punct. 15. tom. 3.*



*Religiosorum clausura.*

89. Religiosi ad clausuram perpetuam non obligantur, nullo enim iure illis fuit indicta. Ad aliquam tamen clausuram tenentur quatenus sine superioris licentia, e claustro exire non possunt. Sin exeant, venialiter tantum peccant, regulariter loquendo; quia regulæ non obligant sub mortali. Fieri tamen potest vt mortaliter peccent ratione alicuius circumstantiæ; vt si quis claustro egrediatur, vt extra illud diu, & quasi stabili modo uiuat, aut si noctu furtiuè egrediatur; egressus enim nocturnus & furtiuus est casus referuatus. *tom. 1. pag. 600. num. 1. & 2.*

90. Non potest religiosus, absque licentia Papæ, habitum dimittere, vt commodius parentum necessitati consulat: quia solus Pontifex in sacris canonibus, & in iure communi dispensat; iure autem communi sancitum est, vt religiosus habitum sui ordinis non dimittat. *ibid. num. 5.*

*An liceat ab vna religione ad aliam transire.*

91. Licet à laxiori ad arctiorem religionem transire, nisi aliud obstat: cuiuslibet enim, iure naturæ, competit ius perfectioris vitæ capeſſendæ. Si tamen ex illo transitu graue sequatur scandalum, seu notabilem famæ iacturam religio patiatur, non licebit religioso aliam religionem capeſſere. *tom. 1. pag. 612. num. 1.*

92. Episcopus regularis non potest absque licentia Summi Pontificis, ad strictiorem religionem transire. Episcopus autem qui renunciato de licentia Papæ Episcopatu, non vult ad priorem religionem redire, videtur posse ad laxiorem transire: hæc enim secunda religio, licet non sit arctior respectu prioris, est tamen arctior respectu status Episcopalis; consequenter transitus ad laxiorem ei licitus videtur, obtemperanti prius à Summo Pontif. facultate. *tom. 1. pag. 613. n. 7. & 8.*

93. Transiens ab vna religione ad aliam, tenetur nouum peragere nouitium; qui enim professionem in aliqua religione facturus est, debet illius onera experiri, tum vt ipse cognoscat, an religio sibi placeat, tum vt ipsa religio illum probet, num sit idoneus. *ibid. num. 10.*

94. Volens ad arctiorem religionem transire, debet petere facultatem, sub peccato mort. omittens enim petere licentiam præsumitur contemnere bonum obedientiæ, & vtramque religionem magnis litibus, & scandalis exponit. Debet autem causam transeundi patefacere superiori: quia superior tenetur licentiam concedere; non potest autem eam concedere, nisi cognita causâ. Neque debet superior, alterius religionis subditum, in suam admittere, nisi constet ipsum facultatem petiisse; at si constet licentiam fuisse inique denegatam, potest sine licentia admitti. *tom. 1. pag. 614. num. 1. 2. & 3.*



95. Dum quis ad aliam religionem transit non petita licentiâ, aut petita, sed non obtentâ, nihilominus valida est in professo, si in arctiori religione fiat; consequenter non potest religiosus, post dictam professionem, à prima religione repeti, vel ad eam sponte redire: quia professio sic facta, non irritatur à iure. Secus dicendum si religio à qua hic transit, priuilegium habeat irritans professionem ita factam. *tom. 1. pag. 615. n. 7.*

96. Sufficit vt qui ad arctiorem religionem transiturus est, licentiam petat ab immediato superiore monasterij: nam in cap. *licet, de regularibus*, habetur, licentiam à Prælato petendam esse; superior autem immediatus, est verè Prælatus, igitur non requiritur licentia conuentus. *ibidem num. 9. & 10.*

97. Religiosus iusta de causa transiturus ad religionem æqualem, debet licentiam obtinere à Generali, de consensu Capituli generalis, seu præcipuorum Patrum; immò probabile est Prouincialem posse hanc facultatem concedere, nisi religionis constitutiones aliud ferant. Videtur etiam, probabile Episcopum iusta de causa posse hanc facultatem concedere religioso non exempto, sibi subdito. *ibid. num. 12.*

98. Quando religiosus ad ordinem laxiorem transire intendit, non potest hanc facultatem obtinere à Prouinciali, aut Generali, si Papa commode adiri possit: quia Concil. Trident. *sess. 25. cap. 19.* generaliter prohibet quemquam transire ad laxiorem religionem, vigore cuiuscumque facultatis. Generali tamen Societatis IESV peculiare priuilegium à Paulo III. & Gregorio XIII. concessum fuit, vt suis religiosis etiam solemniter professis possit facere potestatem transeundi ad aliam quamlibet religionem. Hæc tamen licentia non extenditur ad religionem Equitum militarium. *tom. 1. pag. 616. num. 13. & 15.*

99. Transitus ab vna religione ad aliam, debet in Capitulo sedere, iuxta tempus professionis emissæ in secunda religione: quia ex tunc cæpit esse religiosus illius religionis. Si tamen transiit ad eam religionem vt esset superior illius, finito, vel abdicato officio, sedebit post Prælatum in memoriam gradus, & honoris quem gessit, nisi adsint alij, ratione maioris honoris præferendi. *tom. 1. pag. 618. num. 1. & 2.*

100. Qui ad aliam religionem transiuerat, nec dum in ea professus fuerat, si redeat ad priorem, est admittendus, quia adhuc est subditus illi religioni. Si verò redeat ad priorem religionem, postquam in secunda valide professus fuit, prima religio nõ tenetur illum admittere, quia iam factus est membrum alterius religionis. *ibid. num. 3.*

101. Quando religiosus transit ab vna religione ad aliâ, bona quæ prius monasterium acquisiuerat ratione illius religiosi, non transferuntur ad posterius, sed remanent apud prius: quia bona illa fuerunt absolute acquisita, priori monasterio. Quare hic religiosus nihil potest secù deferre, nisi facta sibi à priori Prælato, vel à Summo Pontifice potestate. *tom. 1. pagin. 619. num. 2. & 5.*



102. Hereditas quæ competit religioso ad aliam religionem transeunti, pertinet ad prius monasterium, si hereditas delata fuit antequam religiosus professionem emitteret in secunda religione, etiam si hereditas tunc temporis adita non fuerit: quia delata fuit cum adhuc hic esset subditus prioris religionis. *tom. 1. pag. 620. num. 7.*

103. Si religiosus transeat à religione bonorum incapaci, seu etiam capaci ad aliam capacem, bona quæ in secunda religione acquirit, ad ipsam pertinent: iuxta illud vulgatum: *Quidquid monachus acquirit, monasterio acquirit.* Neque obstat incapacitas quam contraxerat in prima religione, illa enim sublata fuit. *tom. 2. pag. 621. num. 20.*

104. Omnes religiosi transeuntes ad aliam religionem sunt incapaces quorumcumque beneficiorum secularium, etiam curatorum: sic enim expresse decernitur à Concil. Trident. sess. 14. c. 13. *tom. 1. pag. 622. num. 1.*

105. Mendicantes transeuntes ad non mendicantes etiam cum facultate Pontificis. 1. priuantur voce actiua, & passiva in Capitulo. 2. priuantur loco quoad honores in electionibus & tractatibus, non verò quoad onera, in Capitulo, non autem in choro, & aliis congregationibus. 3. inhabiles fiunt ad praelaturas, administrationes, & qualibet officia, etiam tanquam Vicarij, vel locum aliorum tenentes, nec animarum curam suscipere possunt. Sic habetur in Clement. 1. *vi professores*, de regul. *ibid. numero 2. § 3.*

### De inualida professione.

106. Religiosus inualidè professus non tenetur ex vi professionis regulam, aut vota seruare. Vnde sequitur illum non esse apostatam, fugiendo, neque teneri voto obedientiæ, paupertatis, & castitatis, consequenter posse matrimonium validè, & licitè, præciso scandalo contrahere. Tenetur autem reclamare, si quinquennium nondum elapsum est, aut certè professionem ratificare: quia non reclamando, & professionem non ratificando, facit iniuriam religioni, cum percipiat alimenta, & alia commoda in vtilitatem professorum instituta. At quinquennio elapso cum iam reclamare non liceat, tenetur inualidè professus ratificare suam professionem, saltem quando professio irrita fuit ob ipsius culpam. Quia fugiendo, notam infamiae incurrit, & scandali ansam præbet; manendo vero in religione, non ratificata professione, se ipsum grauib. periculis exponit, nec leuia religioni damna infert; nam bonis religionis aletur, vota professorum feret, ad sacros ordines sine titulo promouebitur, &c. *tom. 1. pag. 625. num. 1. § 2.*

107. Ad validam professionis ratificationem requiritur nouus consensus, seu verbis, seu factis expressus, siue etiam solo actu interno, ex parte religiosi; non verò ex parte religionis, quia iam suum præstitit consentium. Quare in huiusmodi ratificatione nihil opus est iteratione caeremoniarum

quæ



quæ adhiberi solent; quia non pertinent ad substantiam professionis. *ibid.*  
num. 3. & 4.

108. Probabile est religiosum, qui professionem ratificauit, frui posse  
priuilegiis religionis, ac si ab initio valide professionem emisisset, aliis re-  
ligiosis ignorantibus nullitatem professionis; quia ratificatio est veluti que-  
dam rati habitio, quæ retrotrahitur ad diem actionis quæ ratificatur. *rom.*  
1. pag. 626. num. 6.

*Cause reclamandi contra professionem.*

109. Prima causa reclamandi est defectus legitimi consensus, sine quo  
professio est irrita: professio quippe est contractus mutuus, quo religiosus  
religioni; & vicissim religio religioso se obligat, omnis autem contractus  
mutuo consensu perficitur. Quanquam fortè religiosus in foro externo  
non audietur, quia defectum consensus, qui est merè internus, probare  
non poterit. Hinc sequitur religiosum, qui professionem, post vim, vel  
metum emisit, posse, defectu legitimi consensus, intra quinquennium re-  
clamare: vis enim, & metus efficiunt inuoluntariam mixtum. *ibidem*, nu-  
mero 1. & 13.

110. Secunda causa est defectus integri nouitiatus. Conc. enim Trid.  
sess. 25. c. 15. ad validam professionem, vnum integrum probationis annū  
requirit, inchoatum post pubertatem, id est post 14. annum: debet autem  
hic annus esse continuus; non tamen interrumpitur per egressum ad breue  
tempus, animo statim redeundi; vt si nouitius causa coniuij, aut fornicationis,  
vna nocte è monasterio discessit statim reuerurus, etiam si habitum  
exuerit ne dignosceretur, vel vt commodius peccare posset. Secus dicen-  
dum, si duorum, vel trium dierum mora intercessit: tunc enim annus cen-  
setur interruptus. *rom. 1. pag. 627. num. 1. & 3.*

111. Tertia reclamandi causa est defectus legitimæ ætatis; ætas autem  
legitima tam in viris, quàm in fœminis ad emittendam professionem, est  
annus 16. completus de momento ad momentum computandum. *rom. 1.*  
*pag. 628. num. 1. & 2.*

112. Quarta causa est defectus sui iuris, ita vt proficiens alteri se tradere  
non possit; sic coniugatus inuita coniuge non potest valide emittere pro-  
fessionem, nisi perpetui diuortij causam habeat, vt in casu adulterij. *ibi-*  
*dem*, num. 1. & 2.

113. Quinta causa est defectus legitimi sexus, vt si fœmina in religione  
virorum, aut vir in religione monialium professionem emitat: est enim  
irrita hæc professio, defectu intentionis in superiore acceptante, qui errat  
circa substantiam personæ. Hinc sequitur hermaphroditum in quo  
virilis sexus præualet, in monasterio monialium valide profiteri non pos-  
se. Sin vterque sexus sit æqualis, neque inter viros, neque inter moniales  
valide profiteri. *ibid. num. 1. & 2.*



114. Sexta causa reclamandi contra professionem, est defectus legitimi superioris illam acceptantis: huiusmodi enim professio est irrita. Potestas autem acceptandi, seu admittendi, iure communi pertinet ad immediatum monasterii superiorem, vel ad alium ipso superiorem in officio, ut est Provincialis, aut generalis. At Episcopus non potest quemquam in monasteriis exemptis, propria auctoritate, ad professionem admittere. *rom. 1. pag. 629. n. 1. 2. & 4.*

115. Non licet reclamare contra professionem factam absque prævia informatione, & solemnitate à Sixto V. præscripta: quia Clemens VIII. Sixti Constitutionem reuocavit, quod irrationem professionis; non autem quoad penas contra superiores admittentes aliquem absque prævia informatione. *rom. 1. pag. 630. num. 11.*

116. Tres condiciones seruandæ sunt ab eo, qui reclamaturus est contra professionem. 1. est ut ante reclamationem, habitum non deponat, alioquin non est audiendus, sed tanquam apostata puniendus, ut decernitur in Concil. Trident. *sess. 25. cap. 19.* nisi iustam habeat habitus dimittendi causam. 2. ut causas nullitatis suæ professionis deducat coram suo superiore, vel ordinario. 3. ut reclamatio intra debitum tempus fiat. *ib. num. 1. & seq.*

*Quando sit reclamandum.*

117. A die professionis vsque ad quinquennium elapsum licet reclamare contra professionem: ultra quinquennium autem non prorogatur tempus reclamandi; quare computandum est de momento ad momentum: Concilium enim Trid. *sess. 25. cap. 9.* ut tranquillitati, & paci religionis consulatur, non vult quemquam, ex quauis causa, post quinquennium audiri; quia præsumit religiosum consensisse, & professionem ratificasse. Si tamen constet aliquem laborare perpetuo impedimento, irritante professionem, is elapso quinquennio, quouis tempore audiri potest; alioquin religio detrimentum pareretur, quia cogeretur retinere perpetuo inhabile, & mulier quæ mentita sexum, professionem in monasterio virorum emisisset, cogeretur in eodem monasterio remanere; quod est absurdum. *ibid. num. 1. & pag. 631. n. 3. & 7.*

118. Religiosus reclamans contra professionem validam, sciens validam, seu falsis testibus probans inuvalidam esse, & ob id deferens religionem, grauitur peccat, & poenas apostatarum incurrit: quia verè est apostata cum exeat à religione absque licentia, animo ad illam non redeundi: quippe licentia per dolum, & mendacium obtenta, nulla est. *rom. 1. pag. 632. num. 1.*

119. Religiosus, qui inuvalidè professus, postea professionem expressè, vel tacite non ratificauit, regulariter loquendo, non peccat mort. reclamando contra professionem: vitur enim iure suo, etiam si sacros Ordines suscepit: nam ob illorum suspensionem non censetur professionem ratam habuisse. *ibid. num. 2.*



120. Religiosus inualidè professus, sacros Ordines suscipiens, incurrit suspensionem; tum quia sine titulo; tum quia sine dimissionis legitimi Prælati suscipit. *ibid. num. 4.*

*Fœminas virorum monasteria ingredi nefas.*

121. Omnes fœminæ, postquam eam attigerunt ætatem quæ sufficit ad vsum rationis, religiosorum monasteria ingredi prohibentur, nisi fortè ingrediantur ex priuilegio, vel causa diuini officij, vel grauis necessitatis, cui aliter commodè occurrì nequeat; vt patet ex motu Pij V. qui incipit, *Regularium personarum.* & ex motu Gregorij XIII. qui incipit *Vbi graue.* Fundatrices tamen ingredi possunt monasteria religiosorum habentium regulam, qua fundatrices decenter comitatæ ingredi permittuntur: quia superior non censetur velle statutis inferiorum derogare, nisi id exprimat, & Gregor. XIII. interrogatus an intenderet huic regulæ suo motu derogare, negatiuè respondit. Item Imperatrices, Reginae, ac ipsarum filia eodem priuilegio frui possunt. *tom. 1. pag. 657. n. 1. 3. & 4.*

122. Fœminæ ingredientiæ monasteria virorum, incurrunt excommunicationem, Papæ reservatam. Item Religiosi, qui faciunt, aut permittunt fœminas ingredi prætextu facultatum à Summo Pontifice, vel ab alijs concessarum, incurrunt excommunicationem Papæ reservatam, necnon priuationem dignitatum, & beneficiorum, & inhabilitatem ad illa, & alia in posterum obtinenda. Alij verò religiosi, qui fœminas in monasteria intrmittere, vel admittere præsumunt, etiam si fœminæ absque prætextu facultatum ingrediantur, incurrunt ipso facto suspensionem à diuinis, & præterea priuationem officiorum, & inhabilitatem ad illa, & alia in posterum obtinenda, vt patet ex iisdem motibus Gregor. XIII. & Pij V. supra citatis. Hæc autem excommunicatio est Summo Pontif. reservata. *form. 1. pag. 658. n. 1. 2. & 3.*

123. Tribus de causis excusari possunt fœminæ, religiosorum monasteria ingredientiæ. 1. ob priuilegium. 2. ob necessitatem. 3. ob diuinum officium intra septa monasterij celebrandum. De singulis obiter dicendum. *ibid.*

124. Priuilegio Summi Pontificis, post constitutiones Pij V. & Gregor. XIII. obtento, excusari possunt fœminæ, virorum monasteria ingredientiæ: modò tamen ipsorum religiosorum statutis cautum non sit ne fœminæ ingrediantur, neve admittantur. Quibus autem ex priuilegio ingredi licet, posuit ingredi comitatæ honestis fœminis, iuxta decentiam sui status. *ibid. & pag. 659. num. 2. & 3.*

125. Fœminæ monasteria virorum ob instantem necessitatem ingredientiæ, à peccato, & censura excusantur; vt si religiosus infirmus, iudicio medicorum, fœminæ lacte alendus sit, nec religiosus commodè possit ex tra monasterium transferri. Idem dicendum si monasterium eo in loco positum



positum sit, vbi alius non inueniatur, præter fœminam, qui certo morbo-  
rum generi mederi possit. *tom. 1. pag. 659. num. 4.*

126. Fœminæ ingredientes monasteria virorum, causa processionis, Missæ, funeris, vel alterius diuini officij, vel etiam ad audiendam concio-  
nem, vel quando tantus est populi concursus, vt mulieres Ecclesiam com-  
modè ingredi, aut egredi non possint, quàm per claustra, vel alia religio-  
forum loca, à culpa, & censura excusantur: sic enim Pius V. declarauit.  
Probabile tamen est fœminam, quæ monasterium ingreditur, non vt diui-  
nis intersit, sed curiositatis causa, vel ob malum finem, non excusari à pec-  
cato, & excommunicatione: mens enim Summi Pontif. est vt fœminæ, di-  
uinorum causa ingredi possint. Porro religiosus, qui processionem fieri iu-  
bet vt ea occasione mulieres monasterium ingrediantur, peccat quidem  
abusu potestatis, & dignus est pœna; non tamen videtur reus pœnarum,  
quas incurrunt religiosi, fœminas in sua monasteria admittentes: quia tunc  
fœminæ ius habent ingrediendi. *ibid. num. 6. & seq. & pag. 660. numero 13.*

¶ 14.

127. Probabile est fœminas, quæ licet, & bono fine ingressæ sunt mo-  
nasterium virorum, excusari posse ab excommunicatione, etiam si postquàm  
ingressæ sunt, ad vltiora monasterij loca progrediantur, aut diutius im-  
morentur: licet enim peccent contra obligationem clausuræ, nihilominus  
non videntur incurrere excommunicationem, quia lata est contra fœminas  
illicite ingredientes, fœmina autem iam ingressa, non dicitur ingredi, sed  
immorari, vel loca monasterij perlustrare. Opposita tamen sententia est  
valde probabilis. *ibid. num. 15. & 16.*

128. Clemens VIII. in Bulla 28. quæ incipit, *Religiosè*, vt votum pau-  
per-tatis integrè seruetur, & religionum bonis consuleretur, interdixit  
largitiones, seu donationes, omnibus, & singulis religiosi vtriusque sexus,  
inimò & Capitulis tam generalibus, quàm provincialibus, nec non Con-  
gregationibus, & Conuentibus cuiuscumque Ordinis Societatis, aut insti-  
tuti, sub pœna. 1. priuationis dignitatum, graduum, munerum, & officiorũ.  
2. incapacitatis, & inhabilitatis ad illa, & alia in futurum obtinenda. 3. in-  
famiae, & ignominie perpetuæ. 4. priuationis vocis actiuæ, & passiuæ. 5. vt  
contra ipsum regularem tanquam furti, & simoniae reum, agi, & procedi  
possit. *tom. 1. p. 749.*

129. Non peccat contra hanc constitutionem religiosus, qui volentem  
rem aliquam sibi, vel monasterio tradere, vel legare, rogat vt eam tradat  
suo consanguineo, vel alteri: quia sic religiosus non alienat rem vllam  
acquisitam, cum eam ipse non acceptauerit. Secus dicendum, si rem quam  
rogat alteri tradi, ipse iam acceptauerat, tacitè, vel expressè. *ibid. num. 4.*

130. Hi casus in Bulla Clementis VIII. excipiuntur in quibus licet re-  
gularibus aliquid largiri. 1. est si id fiat de licentia Capituli generalis re-  
maturè discussa, omnibus approbantibus. 2. de leuioribus poculentis, &  
esculentis, & de munusculis ad pietatem spectantibus; hæc enim de con-  
sensu



sensu superioris, & Conuentus tradi possunt. Idem dici potest de rebus medicinalibus, vt de terra sigillata, lapide Bezoar, &c. 3. de pecuniis, quæ in diuinum cultum expenduntur, vt pro apparatu diei festi, pro ornando altari, &c. 4. de eleemosynis ad subleuandas veras pauperum necessitates. 5. de hospitalitate, præsertim erga pauperes, & peregrinos, seruata frugalitate, & paupertate religiosa, præsertim in diuoribus hospitio excipientis. *tom. 1. pag. 741. n. 7. & seq.*

131. Societatis I E S V religiosi in hac Bulla comprehenduntur: sunt enim verè religiosi, etiam si solum tria vota simplicia emiserint: retinent enim dominium bonorum, dependenter à voluntate Superioris, ex peculiari Summi Pontif. facultate, vt, si à religione dimittantur, non careant bonis quibus se sustentent. Hac de causa pensiones, vel beneficia non vacant per emissionem trium votorum simplicium in Societate I E S V: vacant enim tantum per professionem. *tom. 1. pag. 742. num. 7.*

132. Episcopi religiosi non subiiciuntur huic constitutioni; quia largitiones non faciunt ex redditibus, aut bonis monasterij, sed ex fructibus sui beneficij quorum liberam habent administrationem. Non tamen testari possunt, vel disponere causâ mortis, ne de bonis quidem patrimonialibus, vel propriâ industria acquisitis, quia quidquid acquirit Episcopus religiosus, suæ Ecclesiæ acquirit, & solum liberam habet administrationem inter viuos. *ibid. num. 9. & 10.*

133. Accipiens aliquid à religioso, vel moniali, extra casus supra recensitos, tenetur ad restitutionem rei acceptæ, nec absolui potest ante factam restitutionem, modo satisfacere possit absque graui incommodo. Est autem restitutio facienda monasterio in quo degit religiosus, qui rem illam dedit, aut alteri loco de cuius bonis res data fuit. *tom. 1. pag. 743. num. 1. & seq.*

134. Ad contrahendam lethalem culpam contra votum paupertatis ex quantitas requiritur, & sufficit quæ ex se, præcisè aliis circumstantiis, sufficit ad peccatum mortale furti. Ea autem quantitas non est spectanda, penes ipsum religiosum, præcisè; sed potius penes monasterium cuius bona usurpantur. Quantitas porro necessaria ad pœnas Bullæ incurrendas, attendenda videtur iuxta praxim iudiciorum, & tribunalium, in quibus graues pœnæ imponi non consueuerunt ob quantitatem quæ duos, tresve aureos non excedat, nisi aliter sancitum sit à legitimo superiore. *tom. 1. pag. 744. n. 4. & seq.*

135. Prælatus religionis non solum potest eleemosynas facere de bonis conuentus, verum etiam alias donationes, pro ratione administrationis, ex causa, quam vir prudens, sufficientem iudicauerit: est enim bonorum religionis administrator, & dispensator seruanda tamen est forma, & taxa quæ præscripta fuit à legitimo superiore cui Prælatus tenetur obedire. At in ludum illicitum, aut in res ludicras, & superfluas non potest Prælatus religionis quidquam expendere: quia bonorum monasterij non est dominus.



minus, sed administrator. *tom. 1. pag. 746. num. 1. & seq.*

136. Religiosus subditus non potest villas eleemosynas, vel donationes facere absque licentia superioris: quia non habent bonorum administrationem, & paupertatis voto obstringuntur. Hæc autem licentia præcisa Clementis VII. constitutione, concedi potest, non solum à Generali, aut Prouinciali, sed etiam ab immediato monasterij superiore. Idem dicendum de Abbatissi, respectu suarum monialium, modò ipsarum facultas restricta, & limitata non fuerit constitutionibus religionis, aut præcepto Prælati superioris. *ibid. num. 5. & seq.*

137. Religiosus in clauistro, vel extra claustrum viuens cui certa quantitas datur ad suam sustentationem, hoc pacto vt monasterium non teneatur amplius quidquam ei tribuere, sed eam suo commodo, aut damno impendat, absque obligatione reddendi rationem, potest in eleemosynas, & alios honestos vsus expendere id, quod de ea quantitate subtrahit, parçè viuendo, aut quod occasione illius periculi acquirit: in hoc enim casu adest tacita licentia superioris. Idem esto iudicium de religiosis extra monasterium, cum licentia degentibus, seque proprio labore, & industria sustentantibus. *tom. 1. pag. 747. num. 17.*

138. Religiosus, qui à monasterio sustentatur in studiis, vel alibi negotiorum causa, aut peregrinationis, non solum potest moderatas eleemosynas facere; sed etiam moderatam quantitatem, causa honestæ recreationis, seu ludii expendere. Prælati enim censetur tacite consentire, modò ludus sit licitus, & honestus. *ibid. num. 18.*

139. Excusatur à mortali religiosus accipiens, vel expendens aliquid ex tacita voluntate superioris, qui licentiam concederet, si peteretur, quamuis ei displiceat modus accipiendi, vel expendendi: superior enim non est inuitus, quoad substantiam, sed quoad modum tantum; modò id accipitur ad eum vsum ad quem superior licentiam concederet: nam si ad aliud accipiat, religiosus à mortali non excusatur. *tom. 1. pag. 748. n. 22.*

140. Qui aliquid accepit à religioso non habente tacitam, vel expressam dandi facultatem, tenetur ad restitutionem, si res extet; sin minus nõ tenetur ad restitutionem, nisi quatenus factus est locupletior; nisi monasterium, vel eius superior, iusta de causa condonet restitutionem. *tom. 1. pag. 749. num. 29.*

141. Religiosus, qui monasterio aliquid debebat ante religionis ingressum, non eximitur à debito per professionem factam in religione: quia oblatio personæ per professionem, non est satisfactio realis, & pecuniaria: non tamen potest pro eo debito conueniri. Quando verò religiosus à religioso grauatus admittitur per professionem, professio non tollit iura creditorum; consequenter quidquid arte, industria, hereditate, vel donatione acquirit, non monasterio, sed creditoribus acquirit: consequenter monasterium tenetur creditoribus satisfacere. Item si religiosus, ante professionem, aliquid ex suis bonis ad pias curas disposuit, monasterium non potest



potest hanc dispositionem mutare, cum illa dispositio facta fuerit tempore habili, sitque valida. *ibid. num. 35.*

## Religiosus Apostata.]

142. Dicitur is Religiosus apostata, qui à vero ordine religioso discedit, animo deferendi statum religiosum, seu non redeundi ad religionem siue sine habitu, siue cum habitu discesserit. Nouitius autem deferens religionem, non censetur apostata, quia non deserit statum religiosum, quem nondum professus fuerat per trium votorum emissionem. *rom. 1. pagina 632. n. 1. & seq.*

143. Qui transit ad alium ordinem religiosum etiam laxiorem, non est propriè dicendus apostata; quia statum religiosum planè non deserit. *ibidem, num. 4.*

144. Fugitiuus differt ab apostata: is enim dicitur *fugitiuus*, qui à monasterio discedit ad tempus, cum intèntione reuendendi, vt si fugiat ob rigorem Prælati, vel studio vagandi, & discurrendi, vel alia simili de causa, siue cum habitu, siue illo abiecto, siue se proriapiat è carcere, cui erat in perpetuum mancipatus; is enim censetur fugitiuus, qui sine licentia Prælati deserit monasterium. At si fugiat è trirèmbus, aut si confugiat ad superiorem absque immediati Prælati facultate; vt se iniquæ vexationi subducatur, non est censendus fugitiuus. *ibid. num. 5. & seq.*

145. Superiores religionum, per se loquendo, tenentur fugitiuus, & apostatas, aut etiam ciectos, si spes sit melioris frugis, idata opportunitate reuocare: debent enim ex officio curâ gerere salus subditorum; alioquin incidunt in pœnas decreto sacre Congregationis expressas, suntque officio priuandi. *ibid. pag. 633. num. 1. & 2.*

146. Apostata, & fugitiuus à religione à suo Prælati vbique capi potest, etiam extra suum monasterium, & territorium: & si habitu dimisso apostata prætendat irritam fuisse professionem suam; non gaudet priuilegiis religionis; secus autem si cum habitu discessit; tunc enim adhuc gaudet priuilegiis toti ordini religioso concessis, cum nullum ius exeret in contrarium. *ibid. pag. 634. num. 1. & seq.*

147. Apostata, seu fugitiuus nulla debentur alimenta, quæ alioquin religio ei præbuisset; nam quemadmodum pater non tenetur alere filium, sua culpa discedentem; ita neque religio tenetur alere religiosum à religione fugientem. *ibid. num. 4.*

148. Apostata, peracta penitentia, eligi potest in superiorem, nisi aliud obstat, aut nisi constitutiones, & priuilegia religionum aliud fèrant. *ibidem, num. 6.*

149. Qui detinet apostatam, non videtur reus excommunicationis, in genere loquendo, nisi admonitus ab Ordinario loci eum dimittere nolit; quia Paulus V. I. in Bulla 14. quæ incipit *Postquam diuina bonitas*, excommunicat



nunciat omnes cuiuscunque gradus, & conditionis homines qui recipiunt apostatas, si admoniti ab Ordinario non desistunt. *tom. 1. pag. 636. n. 2.*

*Religiosorum eiectio.*

150. Religiosus absque iusta causa expelli non potest à religione: quia sicut religio ius in ipsum per professionem acquisiuit, ita ipse ius acquisiuit ut à religione alatur, & sustentetur. Quapropter superior religiosum absque legitima causa expellens, grauiter peccat, & tenetur ad restitutionem damni quod religiosus eiectus patitur; potestque hic religiosus religionem cogere ut iterum se admittat, aut alat. *ibid. pag. 637. num. 1.*

151. Potest religiosus, iusta concurrente causa, ob religionis utilitatē, à monasterio expelli. Quia vulnera, quæ remedium non admittunt, abscindi possunt, & bonum priuatum publico posthabendum est. *ibidem, num. 4.*

152. Iusta causa expellendi religiosum à monasterio est incorrigibilitas. Ut autem quis incorrigibilis censetur, non satis est ut in iisdem, aut etiam grauioribus delictis perseueret; sed præterea opus est ut vno anno in carcere probetur ieiunio, & penitentia; si post cuiusmodi probationem non resipuerit, incorrigibilis habeatur. *ibid. pag. 637. 638. n. 6.*

153. Religiosus, qui professionem emisit celato morbo, aut alio notabili vitio, quo cognito non fuisset ad professionem admissus, non propterea iustam expulsionis causam præbet; quia hæc deceptio non est circa substantialia religionis, neque tanti est momenti ut postulet exclusionem. *ibid. num. 7.*

154. Religiosus semel eiectus, vel fugitiuus; sed postmodum ad eandem religionem admissus, non quidem in eodem monasterio, in quo professus fuerat, sed in alio, alendus est à monasterio ad quod mittitur, si prius monasterium est bonorum incapax; sin est capax, & religiosus dotem seu hereditatem illi attulit, ab eo alendus est; æquum enim est, ut qui sentit commodum, sentiat & onus. *ibid. pag. 638. n. 10.*

155. Laudabiliter, & sine vllius iniuria institui potuit Religio Societatis IESV, in qua R. Patri Generali libera competit facultas expellendi iustam ob causam religiosos post biennij nouitatus vota; quia scienti, & volenti non fit iniuria; Religiosi autem Societatis IESV scientes hoc gratiam, & volentes admittuntur ad professionem: præterea ita fieri expectat propter bonum religionis; sic enim religiosi facilius in officio coniunguntur, metu dimissionis. Porro religiosus à Societate IESV dimissus post biennij vota, liber remanet ab obligatione votorum, ac si numquam voluisset; modò dimissus non fuerit ob fraudem, vel ob peccata ad hunc finem commissa; quia vota biennij sunt sub conditione si volens retineatur, & non dimittatur. *tom. 1. pag. 639. num. 13.*

156. Religiosus Societatis IESV, qui mediocrem non adhibet diligentiam



tiam vt vitet defectus, propter quos prauidet se à religione dimittendum, mortaliter peccat, etiam si huiusmodi defectus ex sua natura, mortaliter, peccaminosi non sint: quia qui votum emisit, grauiter peccat, reddendo se impotentem ad illius voti adimpletionem. *ibid. num. 12.*

157. Religiosus à religione eiectus, tenetur suos deprauatos mores corrigere, vt iterum ad religionem admittatur, ne per ipsum stet quominus votum perseuerantia in religione adimpleat: si autem ad religionem redeat, puniri potest priuatione gradus, & dignitatis. *ibid. pag. 639. n. 1. & 2.*

158. Religiosus professus à religione eiectus, tenetur vota religionis substantialia seruare: quia adhuc est religiosus professus; ob id si ad religionem redeat, nouam professionem facere non tenetur. Ad paupertatem tamen, & obedientiam non tenetur eo modo, quo in religione tenebatur: cum enim superior illos eiiciat, nec velit necessaria illius ministrare, censetur illis facultatem dare vt sibi prospiciant; quare possunt habere patrimonium ne mendicare cogantur. *tom. 1. pag. 640. n. 1.*

159. Si Religiosus eiectus aliquid inutiliter expendat, aut ad actus turpes insumat, non peccat contra votum paupertatis. Quia eiectus in perpetuum, permittitur administratio bonorum, ac si illorum dominium haberent, non tamen possunt testari, quia re ipsa non sunt bonorum domini. *ibid. num. 2.*

160. Religiosus, qui aliquod votum vltra tria substantialia in religione emisit, tenetur ad illius obseruantiam etiam, postquam eiectus fuit, vt sunt religiosi Minimi, qui quartum votum abstinentiae quadagesimalis emittunt. Contraria tamen opinio est etiam probabilis. *ibid. n. 4.*

161. Religiosus in perpetuum eiectus, non tenetur ad regulares obseruantias quae sunt onera consequentia statum religiosum; quia illa tantum promiserat accessorie posito statu regulari, à quo cum fuerit depositus, ea obligatio cessat. *ibid. num. 5.*

162. Religiosus eiectus, qui iam emendatus est, sed desperat fore, vt ad priorem religionem admittatur, potest absque vlla licentia aliam ingredi aequè perfectam, vel etiam laxiorem, & facta in ea professione, non potest amplius à prima reuocari, quia secunda ius acquisiuit per professionem. *ibid. pag. 641. num. 11.*

163. Religiosus in perpetuum eiectus, non tenetur aliam religionem, ingredi, nisi eiectus fuerit sub hac conditione, vt ad aliam transfret, quia, non tenetur ad id, quod non promisit; at promissi, seu professus est hanc, non verò aliam religionem. *ibid. num. 2.*

164. Religiosus eiectus cogi non potest ab efficiente, vel à Pontifice, vt ad aliam religionem transeat: quia nullus cogi potest ad id quod non promisit. *ibid. num. 3.*

165. Religiosus eiectus non tenetur ex vi voti obedire Episcopo; quia in professione id non promisit. Tenetur tamen illi obedire tanquam subditus iurisdictioni illius in cuius diocesi commoratur. At Summo Ponti-



fici probabile est teneri obedire ex vi voti, quia est Prælatus religionis. *ibid. num. 1.*

166. Religiosus eiectus, si priuatus fuit habitu, non potest illum deferre; quia sententiæ iustæ obedire tenetur: si verò cum habitu expulsus fuit, tenetur illum deferre, quia adhuc est religiosus. *ibid. num. 2.*

167. Eiectus à religione non potest beneficium suscipere, cui adnexus sit aliquis Ordo, seu functio Ordinis; cum enim suspensus sit ab exercitio ordinum, suspenditur etiam à beneficio, cui Ordo est adnexus. *tom. 1. pag. 642. num. 4.*

168. Eiectus à religione non potest à superioribus religionis ad mortem condemnari; quia Ecclesiasticis veritum est causam sanguinis exercere. Neque à foro sæculari, nisi fuerit degradatus, & curiæ sæculari traditus; quippe ipsius iudicium ad forum Ecclesiasticum spectat. *ibidem, numero 7.*

169. Bona acquisita à religioso expulso, iure nouo pertinent post eius obitum ad Cameram Apostolicam; sic enim statuit Gregor. XII. modò religiosus extra religionem obierit; alioquin pertinent ad eam religionem in qua obiit, si est capax; sin minus, pertinent ad Summum Pontificem. *ibid. num. 3.*

#### Reliquiæ Sanctorum.

1. **P**aulus V. in quadam Bulla edita 24. Augusti 1613. excommunicationem tulit contra extrahentes reliquias ex cœmeteriis, cryptis, vel catacumbis intra, vel extra vrbem existentibus; nec non contra cooperantes illi extractioni per mandatum, consensum, auxilium, vel fauorem. *disp. 2. quest. 3. punct. 13. pag. 203. tom. 3.*

2. Hoc edictum ligat non solum Romæ commorantes, verum etiam extraneos Romam venientes; estque perpetuò duraturum, quia editum est per modum legis, & statuti. *ibid.*

3. Hæc excommunicatio est Summo Pontifici reſeruata.

4. Eadem adoratio tribui potest reliquiis, quæ tribuitur personæ cuius sunt, reliquæ: apprehendi enim possunt, vt coniunctæ illi personæ, consequenter vno, & eodem actu adorari possunt. Immodè etiam si non apprehendantur vt coniunctæ, possunt adorari adoratione respectiua propter excellentiam, & sanctitatem illius, cuius sunt reliquæ. *tom. 2. pag. 146. numero 4.*

5. Reliquiæ, quæ publicè proponuntur adorandæ, postquam Summus Pontifex, aut Episcopus debitam adhibuit diligentiam ad inquirendum, num veræ sint reliquæ viri canonizati, illasque approbavit, possunt absolūtè, & absque conditione adorari: nullum enim est periculum erroris, saltem formalis in huiusmodi adoratione. *ibid. num. 5.*

6. Episcopus potest non solum in sua diocesi, verum etiam extra, reliquias



liquias approbare: quia hæc non est iurisdicção contentiosa, sed voluntaria, quæ exerceri potest in aliena diocesi, etiam sine facultate proprii Episcopi. Illæ autem reliquæ, quæ Roma afferuntur cum Bulla Apost. aut etiam cum testimonio Episcopi diocesis, à qua translatae sunt, non sunt necessario approbandæ ab Episcopo diocesis, ad quam transferuntur, sed tantum examinandum est an sint illæ ipsæ, quæ legitimè fuerunt approbatæ. *ibidem*.

7. Non est speciale peccatum, in confessione necessario aperiendum, ab eo, qui fornicatur, vel furatur, &c. dum reliquia s habet ad collum appensas. Qui surripiunt, vel extrahunt aliquid de reliquiis alterius, peccat mortaliter peccato sacrilegij, & furti, nisi hoc faciant de licentia domini, aut nisi eas eripiant de manibus infidelium: nam furtum rei sacræ, inuito domino, est sacrilegium. *tom 2. pag. 147. num. 8. & 9.*

Repressalia.

1. **R**epressaliæ, seu pignorationes nihil aliud sunt, quàm concessio, seu facultas alicui facta ut pro re ab alio sibi erepta, vel pro damno sibi illato, possit rem æquivalentem, propria auctoritate impunè accipere, ab alia tertia persona, etiam vim inferendo, si opus fuerit. *disp. 2. quæst. 2. punct. 22. pag. 173.*

2. In cap. unico, de iniurijs, in 6. cautum est sub pœna excommunicationis ipso facto incurrenda, ne huiusmodi repressaliæ contra Ecclesiasticos, aut ipsorum bona concedantur, vel concessæ, ad illos extendantur. Hæc autem censura incurritur, nisi concedentes reuocauerint concessionem intra mensem, & exequentes intra mensem restituerint, si fuerint personæ singulares; si verò fuerit vniuersitas, Ecclesiastico subiicitur interdicto. *ibid.*

3. Qui alicui potestatem facit accipiendi à clerico sibi debitore tantumdem quantum sibi debetur, in hanc censuram non incidit; quia hic non concedit repressalias, in quibus vnus pro alio grauatur; hic autem clericus grauatur pro suo debito, non pro alieno, quod non est illicitum, si debito modo fiat. *ibid. pag. 174. num. 5.*

4. Hæc excommunicatio est reseruata.

R E S T I T U T I O.

1. **R**estitutio est actus iustitiæ commutatiuæ, quo res accepta restituitur, vel damnum illatum compensatur ad æqualitatem. Ex violatione autem iustitiæ distributiue præcisè non oritur obligatio restituendi, nisi quatenus simul violatur aliquod ius pertineas ad iustitiam commutatiuam; quia restitutio dicitur actus iustitiæ commutatiuæ. Hinc patet Principem, qui confert officium digno, relicto digniore, non teneri ad



restitutionem, quia non violat iustitiam commutatiuam, seu distributiua; secus dicendum si conferat indigno, & male administraturo; tenetur enim ad restitutionem damnorum inde prouenientium, cum teneatur ex officio idoneos ministros constituere. *tom. 2. pagin. 357. num. 1. & pag. 358. num. 10. & 13.*

1. Iustitia alia est *commutativa*, cuius munus est restituere rem ipsam, quae debetur ad aequalitatem, habita ratione aequalitatis rei, quae debetur, non autem meritorum personae; alia *distributiva*, quae consistit in conferendis praemiis, dignitatibus, & officiis, iuxta merita cuiusque. *tom. 2. pag. 358. num. 8.*

3. Restitutio necessaria est ad salutem non necessitate medij: quia iustitiam ob causam omitti potest restitutio; sed necessitate praeccepti: quia res aliena non potest inuito domino retineri, quin peccetur contra iustitiam. Quare praecceptum restitutionis obligat sub peccato mort. nisi paruitas materiae excuset. *tom. 2. pag. 359. n. 2. & 3.*

*Obligatio ad restitutionem.*

4. Ex sola violatione iustitiae, non verò aliarum virtutum oritur obligatio restituendi: quia per violationem iustitiae aufertur alienum quod cuique debetur ad aequalitatem: hoc autem in aliis virtutibus non accidit, ut pietate, religione, &c. quare qui proximo non succurrit in necessitate, cui tenetur subuenire ex sola charitate, non obligatur ad restitutionem. *tom. 2. pag. 260. num. 2. & 3.*

5. Non ex solo peccato mort. contra iustitiam, sed etiam ex veniali oritur obligatio restituendi. At si absque vlla culpa illatum est damnum, etiam graue, puta per ignorantiam, aut inaduertentiam, nulla est in foro conscientiae obligatio ad restitutionem; quia poena supponit culpam. *ibid. num. 5. & 6.*

6. Qui rem alienam bona fide possedit, credens esse suam, tenetur ex iustitia restituere statim ac cognoscit esse alienam: alioquin sciens retineret rem alienam inuito damno. Qui verò rem alienam emit à fure, nesciens esse furtiuam, non potest pretium, quod ipse soluit, exigere à domino cui res tradenda est, sed tenetur eam reddere absque pretio; alioquin fit possessor malae fidei, quia aequum non est, ut dominus rem suam emat: potest tamen pretium exigere ab eo, qui sibi vendidit. *t. 1. p. 361. n. 3. & 4.*

7. Qui rem alienam bona fide consumpsit, vel alienauit, credens esse suam, non tenetur ad restitutionem nisi quatenus inde factus est ditior. Ille autem censetur factus locupletior, qui vel pepercit rei suae dum vteretur aliena, vel habet aliquid, quod alioquin non habuisset. Quare non tenetur ad restitutionem, cui res aliena perijt casu, aut etiam sua culpa, dum adhuc illam possidet bona fide: nam cum re desijt obligatio quae inde oriebatur. Item qui rem alienam bona fide empram vendidit aequali, vel minori



minori pretio; quia non est inde factus ditior. At qui vestem alienam bona fide consumpsit, tenetur comparente domino restituere valorem illius, si alius vestem æqualis valoris consumpsisset. At qui vestem sericam alienam bona fide consumpsit, non tenetur restituere quantum illa valebat, sed quantum valet vestis vilior quam ipse consumpsisset si sericam non habuisset. *ibid. num. 5. & seq. & pag. 362. num. 15.*

8. Qui postquam rem alienam accepit, dubitare cepit an esset aliena, potest eam sibi retinere, aut consumere, aut vendere, si post sufficientem inquisitionem non comperit esse alienam: quia in dubio melior est conditio possidentis. At possessor malæ fidei dubitans an res accepta, sit aliena, tenetur adhibere debitam diligentiam ad rei veritatem explorandam, quæ si assequi non possit, tenetur rem iis restituere, de quibus dubitat, vnicuique pro rata: comperto autem vero domino, non solum rem integram tenetur ipsi restituere, sed etiam fructus à se perceptos. *tom. 2. pagin. 363. num. 4. & 11.*

9. Possessor bonæ fidei postquam dubitare cepit an res sit aliena, non potest ea uti, si vsu consumitur, aut sit deterior, donec comperiat non esse alienam. Si verò non consumitur, nec deterior sit ipso vsu, potest ea uti cum intentione soluendi pretium, detractis expensis, si rei dominum inueniat. *ibid. num. 9.*

10. Qui possessori bonæ fidei rem abstulit, dubitans an esset sua, tenetur ad integram restitutionem, tanquam possessor malæ fidei; quia non potest alium de possessione deicere, nisi certum sciat rem suam esse, quam alter iuste possidet. *tom. 2. pag. 364. num. 15.*

11. Illud axioma iuris, *Melior est conditio possidentis*, non tantum locum habet in materia iustitiæ, sed etiam aliarum virtutum, post adhibitam sufficientem diligentiam ad veritatem explorandam. Possessio enim est titulus communis omnibus virtutibus. Sic dubitans an expleuerit 21. annum, non tenetur ieiunare ex præcepto Ecclesiæ: quando enim dubia est obligatio, melior est conditio possidentis suam libertatem. Item qui dubitat an sit legitimus, adhibita prius debita diligentia, potest cum aliis fratribus diuidere hereditatem; quia possessio illi fauet. *ibid. num. 1. & pag. 365. num. 11. & 12.*

12. Qui positivè concurret ad actionem iniustam, seu ad damnum alterius, tenetur ad restitutionem, etiam si non fuerit particeps rei acceptæ; quia est causa iniusta damni. Sex autem modis potest quis concurrere positivè, ad damnum alteri inferendum: iussione; consilio, consensu, approbatione, data securitate, auxilio. *tom. 2. pag. 365. num. 1. & 2.*

13. Qui negativè cooperatur ad actionem iniustam, seu ad damnum alterius tacendo, non obstando, vel non manifestando quādo tenetur ex iniustitia, obligatur ad restitutionem: quia non tantum actione positiva, sed etiam negativa potest alteri damnum efficaciter inferri, omissione scilicet iniusta. Hoc autem disticho habes novem modos quibus potest quis



cooperari ad damnum alterius: sex priores posituius; tres posteriores negatiuos:

*Iussio, consilium, consensus, palpo, recursus;*

*Participans, mutui, non obstands, non manifestans.*

14. Qui dubitat an sua actione, seu omissione cooperatus sit efficaciter ad damnum alterius, non tenetur ad restitutionem: in dubio enim praesertim in materia iustitiae, melior est conditio possidentis. Hinc fit ut qui dedit alteri consilium occidendi inimicum, sed postea dubitat an suo consilio fuerit occisus, non teneatur ad restitutionem: quia possessio stat pro ipsius libertate, nisi constet re ipsa commissum fuisse homicidium ab eo cui dedit consilium: tunc enim praesumptio est contra consulentem. *tom. 2. pag. 366. num. 1. & 3.*

15. Qui absolute, & simpliciter consentienti damnum infert, absque ullo inuoluntario admixto, non tenetur ad restitutionem: quia volenti, & consentienti non fit iniuria. Secus quando est aliquid admixtum inuoluntarij; sic usurarius facit iniuriam accipienti mutuum sub usuris, teneturque ad restitutionem; sic latro facit iniuriam viatori, à quo accipit nummos; quia ibi non est absolutus consensus dantis. *tom. 2. pag. 367. num. 1.*

#### *Restitutio ob iussionem.*

16. Qui tacite vel expresse iussit; seu mandauit aliquod damnum fieri, tenetur ad restitutionem damni sequuti, nisi tacite, vel expresse mandatum reuocauerit, ita ut reuocatio innotuerit ei, qui mandatum acceperat: tunc enim non censetur influere in damnum. Hinc collige discrimen inter mandantem, & consulentem; nam consulens, etiam si conetur consilium reuocare, tamen tenetur ad restitutionem si alter cui consilium dedit, damnum inferat. Mandans verò, si post reuocatum mandatum, damnum inferatur à mandatario cui reuocatio innotuerit, non tenetur ad restitutionem: facilius enim reuocatur mandatum, quam consilium quod etiam inuito consulente, potest influere in damnum. *tom. 2. pag. 368. num. 2. & 3.*

17. Qui rem sibi traditam ad vendendum, pluri vendidit, quam sibi esset constitutum, non potest sibi incrementum pretij retinere, nisi dominus tacite donet; aut nisi illud acquisierit ex mera industria; aut nisi ipsius labori debeatur. Si tamen ipse pretio à domino constituto, rem sibi emit, & postea suo nomine vendidit maiori pretio, potest excessum pretij sibi retinere: quia ipse erat illius rei dominus. *tom. 2. pag. 369. num. 16. & 17.*

18. Geita per mandatarium sunt inuolida, post reuocationem mandati quae ipsi innotuit. Valida verò, si reuocatio non innotuit; nisi in casu matrimonij, quod constat post reuocationem mandati, inualide celebrari, etiam si procurator ignoret reuocationem: quia ad contractum matrimonij requiritur verus, & expressus consensus. *Ibid. n. 2.*



*Restitutio ob consilium.*

19. Consulens tenetur ad restitutionem damni suo consilio illati, quamvis ante factum conatus sit consilium reuocare; nisi forte consilium fuerit falsum: nam qui reuocat consilium falsum, non tenetur ad restitutionem damni, v.g. qui Titio querenti a contractus sit licitus, respondit esse licitum, cum tamen sit illicitus, satisfacit reuocando consilium, & dicendo se fuisse deceptum, hoc enim pacto videtur sufficienter influxum reuocare, indicando consilij falsitatem, & damnum, quod sequitur non est imputandum consentienti, sed malitiæ delinquentis, qui cognita veritate noluit à delicto abstinere. Si vero consilium fuit verum, ita vt consulens ostenderit vtilitatem, & commodum inde sequuturum, etiam si postea conatus fuerit consilium reuocare, tenetur adhuc ad restitutionem damni, quod delinquens illius suu intulit; quia non censetur sufficienter consilium reuocasse: sicut tradens instrumentum ad damnum inferendum, tenetur ad restitutionem, nisi instrumentum re ipsa auferat; nam vsu illius adhuc imputatur tradenti. *tom. 2. pag. 370. n. 2. & 6.*

20. Qui suo consilio, vel alia ratione fuit causa minoris damni, quam alioquin fuisset illatum, non tenetur ad restitutionem, v.g. qui parato furari 20. suasit vt furaretur 10. & parato occidere suasit vt tantum percuteret, cum alia ratione non posset delinquentem à peccato reuocare: hoc enim consilium videtur tantum conditionale, vt videlicet delinquens si à maiori malo nolit abstinere, saltem eligat minus malum; neque hoc consilium est intrinsecè malum. *tom. 2. pag. 371. num. 8. & 9.*

21. Qui exercet aliquod officium medici, aduocati, confessorij, &c. tenetur de damno sua lata culpa sequuto: tenetur enim ex officio eascere, & prestare quæ sciunt & prestant homines eius conditionis. Sic confessorius, seu Theologus, qui consultus respondit Titium non teneri ad restitutionem, cum teneretur, aut teneri cum non teneretur; reus est damni, inde sequuti. *tom. 2. pag. 372. num. 20. & seq.*

*Restitutio ob consensum.*

22. Qui suo consensu non est causa efficax damni, non tenetur ad restitutionem; quia non influit efficaciter in damnum. Hinc collige procures, quos Princeps conuocauit, non ad dandum consilium an bellum esset in eundum; sed solum ad præstandum suum consensum, non teneri ad restitutionem damnorum ex bello iniuncto sequutorum; quia ille consensus non influit efficaciter in damnum. Qui vero suo consensu concurrat efficaciter ad damnum, tenetur ad restitutionem, vt qui per suffragia, vel subscriptionem consentiunt, & influunt in mortem innocentis. Obseruandum autem, quando omnium suffragia necessaria sunt, omnes teneri ad restitu-



tionem; quando verò suffragia maioris partis sufficiunt: posteriores peccare quidem mortaliter consentientes in mortem innocentis; sed non teneri ad restitutionem ferētes suffragia postquam præstita sunt ab aliis sufficientia ad mortem: posteriores enim non sunt causa efficax damni, nisi spes esset fore, ut priores reuocarent sua suffragia, posterioribus nolentibus consentire. *tom. 2. pag. 372. num. 3. & 4.*

23. Qui priore loco suffragium tulit, antequam ceteri tulissent suum, quos tamen sciebat in eandem sententiam iniquam ituros, tenetur ad restitutionem; quia in damnum efficaciter influxit: quamvis enim sine ipsius suffragio damnum fuisset sequuturum, re ipsa tamen sine ipsius suffragio non est sequutum. *tom. 2. pag. 373. num. 6.*

#### *Restitutio ob fauorem.*

24. Qui laudat malefactorem, eumque ad inferendum alteri damnum inducit. Item eius receptator, & fautor, qui refugium, & securitatem ei præbet ad patrandum delictum, tenetur ad restitutionem; est enim causa efficax damni. Idem dicendum videtur de eo, qui deridet, aut vituperat eum, qui non furatur, vel non vlciscitur: constat enim teneri ad restitutionem, si sua derisione delinquentem impulit ad furandum. *ibid. num. 1. & 2.*

25. Cauponarii accipientes pecunias à filiis familias, vel à servis surreptas parentibus, vel dominis, non excusantur à restitutione, quia non solum dicuntur receptatores malefactorum, sed etiam rem alienam accipiunt invito domino. Immo si nihil accipiant à filiis familias, sed solum concedant sedilia, vel mensam, vel lumen, vel chartas ad ludendum, videntur adhuc teneri ad restitutionem, in defectum ipsorum ludentium; quia co-operantur damno alterius. *ibid. num. 3.*

#### *Restitutio ob participationem.*

26. Participans in opere intrinsecè malo contra iustitiam, peccat, & tenetur ad restitutionem damni secuti; nam culpabiliter, & efficaciter influit in damnum. Qui verò metu coactus, aut alia rationabili causa impulsus participat in opere non intrinsecè malo, excusatur à peccato, & restitutione. Sic Christiani capti à Turcis, remigantes metu mortis, in triremibus Turcarum contra Christianos, excusantur. Si tamen ex illa remigatione magnam Respubl. Christiana capiat incommodum, tenentur potius mortem oppetere, quàm remigare. *tom. 2. pag. 374. num. 3. & 4.*

27. Qui metu coactus præbet furi claves, vel instrumenta, quibus arcas infringat, aut qui scalam tenet dum fur per murum, vel fenestram ascendit, excusatur à restitutione; videtur enim actiones ex se indifferentes, ex iusta causa exercere. Secus dicendum de eo, qui metu compulsus, per seipsum arcas effringit; præstat enim opus intrinsecè malum contra iustitiam. *ib. n. 8.*

28. Qui



28. Qui ratum habet damnum suo nomine illatum, non tenetur ad restitutionem: quia non influxit in damnum, cum rati habitio sit posterior: peccat tamen graviter contra charitatem, dum alterius damnum suo nomine illatum approbat, & ratum habet. *ibid. num. 9.*

29. Quisquis physice, vel moraliter est causa damni, tenetur ad restitutionem in solidum. Qui verò non est causa totius damni, sed partis, tantum, non tenetur in solidum, sed solum pro sua parte. Hinc sequitur duccem generalem exercitus teneri in solidum ad restitutionem damnorum, iniuste illatorum; est enim causa efficax totius damni: militem verò gregarium teneri tantum pro sua parte. *ibid. num. 10.*

*Restitutio ob taciturnitatem, vel omissionem.*

30. Qui sine iusta causa non clamat, non impedit, vel non manifestat cum teneatur ex iustitia, ratione officij, vel contractus; obligatur in solidum ad restitutionem damni sequuti: tam enim est causa efficax damni, quam qui positiue influxit in damnum. Si verò teneatur tantum ex charitate clamare, aut non impedire, non tenetur ad restitutionem si omittat clamare, &c. quia ex sola violatione iustitiæ oritur obligatio restituendi. Neque obstat odium, & mala intentio, hæc enim sunt contra charitatem, non autem contra iustitiam. *rom. 2. pag. 375. num. 2.*

31. Famuli tenentur ad restitutionem, si non impédiant ne damna dominis inferantur in iis rebus, quarum est ipsius cura commissæ: peccant enim contra iustitiam. Secus dicendum de famulis, quibus non est cura domus concredita, si non impédiant ne ab extraneis damna dominis inferantur. *rom. 2. pag. 376. num. 7.*

32. Custodes saltuum, lacuum, vectigalium, &c. tenentur ad restitutionem damni, quod domini patiuntur à venatoribus, piscatoribus, vel defraudatoribus, nisi eos accusent, vel impédiant: tenentur enim ex vi pacti, vel officij, dominorum damnum impedire. Non videntur tamen teneri ad solutionem pœnæ, quam delinquentes soluisent, si ab ipsis custodibus accusati fuissent: hoc enim non est usu receptum. *ibid. num. 9. & 10.*

33. Qui suo pravo exemplo alium inducit ad furtum, vel homicidium, non tenetur ad restitutionem, neque incurrit irregularitatem, sequuto homicidio, quamvis intendat suo exemplo alium inducere: quia obligatio restituendi oritur ex actione externa iniusta. Licet autem hic peccet contra iustitiam, respectu illius, quem suo pravo exemplo pertrahit ad peccandum; non tamen facit contra iustitiam respectu illius, qui damnum patitur. *rom. 2. pag. 377. n. 16.*

34. Qui sine vi, & fraude impedit alium ne consequatur aliquod bonum, quod ei ex iustitia non debetur, non tenetur ad restitutionem, etiam si impediat animo nocendi: hic enim non violat iustitiam, cum illud bonum alteri non debeat. Qui verò etiam absque vi, & fraude alterum impe-



impedita consecutione boni, quod ei debetur ex iustitia, tenetur ad restitutionem: violat enim ius, quod alter habet vt illud bonum sibi conferatur, *ibid. num. 2. & 3.*

*Quid sit restituendum.*

35. Restituenda est res aliena si extat, præsertim si dominus habet affectum singularem ad rem suam: nondum enim amisit dominium rei suæ. At si res ipsa non extat, restituendus est illius valor, & pretium, vt seruetur æqualitas. Quando verò quis rem alienam cum propriis rebus ita permiscuit, vt eam nequeat dignoscere, censetur acquisiuisse dominium illius rei: repetitur tamen restituere domino rem æqualem, vel pretium illius: nullus enim potest locupletari ex re aliena, iniuncto domino. *tom. 2. pag. 378. num. 1. & seq.*

36. Qui detinet iniuste rem alienam, non tantum tenetur restituere rem ipsam, sed etiam damna, quæ dominus rei, iniuste passus est ipsius culpa. Propterea tenetur ad restitutionem fructuum, quos dominus percepisset, immò etiam expensarum, quas dominus fecit in re sua quaerenda. *ibid. num. 2.*

37. Tantum restituendum est, quantum sufficit ad æqualitatem, consideratis circumstantiis loci, temporis, personarum, &c. habitaque ratione lucri cessantis, & damni emergentis. Sic qui conculcauit segetes nondum maturitatem adeptas, aut arbores adhuc teneras incidit, tenetur arbitrio prudentis restituere, quæti res valere potuisset habita ratione expensarum, & casuum fortuitorum. Qui occidit pullum equinum, qui sequenti anno plus duplo valuisset, non tantum debet restituere, quantum nunc valet, sed quantum suo tempore valuisset, vt dominum seruet indemnem. *tom. 2. pag. 379. num. 8. & seq.*

38. Nobiles, qui diu differunt solutionem mercatoribus, tenentur in conscientia restituere lucrum cessans, si constet ipsis lucrum cessasse ob dilatum solutionem: quia fuerunt causa iniusta damni. *ibid. num. 13.*

39. Quod accipitur ad faciendum opus alioquin debitum ex iustitia, restituendum est, vt si iudex accipiat pro ferenda iusta sententia, quando habet iustum stipendium sibi constitutum, nisi forte gratis, & liberaliter detur: accipit enim supra id, quod sibi debetur *tom. 2. pag. 380. num. 1.* Accipiens verò aliquid pro faciundo opere debito ex charitate, non tenetur ad restitutionem; quia ex solius iustitiæ violatione oritur obligatio restituendi. *ibid. num. 9.*

40. Pro turpi, seu illicita actione exercenda nihil dari, vel accipi potest antequam fiat: quia pretium est medium ad illam actionem exercendam, tanquam ad finem, ad quem inducit: patrato autem opere illicito, tenetur promittens solvere pretium ex pacto, & accipiens non tenetur ad restitutionem: res enim illicita, est pretio æstimabilis, ratione periculi, laboris, vel dam-



damini, cui se exposuit exequens illud opus, aut ratione voluptatis, aut vilitatis perceptæ ab eo qui opus illicitum fieri curauit. *ibid. num. 2. & pagin. 381. num. eod.*

41. Acquisita ob turpem causam, restituenda sunt, non solum ante, sed etiam post factum, quando lex reddit acquirentem inhabilem ad rem accipiendam: sic per simoniam acquisita, retineri non possunt, etiam si sponte tradita fuerint: tamen simoniacus iniuste acquirit. *rom. 2. pag. 381. num. 11. & pag. 382. num. 12.*

42. Bona inuenta, quorum dominus ignoratur, restituenda sunt pauperibus, seu capse incertorum, iuxta consuetudinem locorum, adhibita prius diligentia sufficienti in inquirendo domino: communi enim consuetudine, quæ vim habet legis, receptum est, vt huiusmodi bona cedant in commodum pauperum, atque hæc censetur esse rationabilis voluntas dominorum. Nomine autem pauperum intellige quoduis opus pium. Porro inuentor rei alienæ non potest quidquam exigere è domino rei, nisi fortè ratione laboris, vel impensarum, vel pacti, &c. *rom. 2. pag. 383. num. 3.*

43. Bona incerta acquisita ex delicto, puta ex iniusta venditione, furto, &c. restituenda sunt pauperibus, ex iure positio: quia æquum non est, vt quis ex iniquitate reportet lucrum, nisi ipse sit pauper; tunc enim de licentia Episcopi, vel confessorij potest ea sibi applicare. *ibid. num. 9. & 13.*

44. Bona incerta, quæ per compositionem Summus Pontif. retineri concedit, possunt tuta conscientia retineri: nulli enim damnum inferitur cum bona sint incerta, & illorum dominus ignoretur. Si tamen facta compositione inueniatur dominus, facienda est illi restitutio. *rom. 2. pag. 384. num. 21.*

45. Bona laicorum morientium ab intestato, & non habentium hæredes intra decimum gradum, iure communi civili deuoluuntur ad fiscum. Bona verò peregrinorum morientium ab intestato, non pertinent ad hospitem, apud quem mortuus est, sed per Episcopum loci tradenda sunt heredibus, si fieri potest, vel distribuenda in pias causas. *rom. 2. pag. 385. num. 4. & 5.*

46. Bona derelicta fiunt occupantis; ea autem vocantur derelicta, quæ abiiciuntur intentione non amplius ea recuperandi: quapropter in iis non numerantur bona, quæ eiiciuntur è naui ad eam leuandam; immò, in Bulla Cœnæ lata est excommunicatio contra occupantes bona Christianorum naufragorum: vnde patet iniquam esse legem, qua sancitur, vt naufragorum bona sint illius, ad cuius locum peruenerint. Habentur tamen pro derelictis, quæ naufragio amissa diu iacuerunt in fundo maris; & inde extrahuntur, vel in litore reperiuntur. *ibid. num. 1. & seq.*

47. Thesaurus inuentus in proprio fundo totus est inuentoris. Si verò fortuito inuentus est in alieno, dimidium illius cedit domino fundi, alterum dimidium inuentori. At si data opera inuentus est, totus pertinet ad dominum fundi ante sententiam iudicis. *ibid. n. 3.*

48. The-



48. Thesaurus inuentus in loco religioso, & sacro, vt in Ecclesia, cimiterio, &c. diuidendus est inter inuentorem, & Prælatum, aliumve cuius fuerit ille locus: Ecclesiæ enim hac in parte pertinent ad Prælatos. *ib. n. 5.*

49. Qui emit fundum, in quo sciebat latere thesaurum, acquirit dominium illius; neque emptor tenetur indicare venditori, thesaurum in ipso fundo latere; dominus enim agri non est dominus thesauri, cum thesaurus non sit fructus terræ; potest igitur emptor illius dominium acquirere, si illum effodiat; idem dicendum de mineralibus, seu venis auri, argenti, lapidum pretiosorum: quia in venditione agri attenditur valor & pretium, in ordine ad communem vsum, non verò ad peculiarem circumstantiam, quam emptor non tenetur manifestare: estque probabilis sententia asserentium venas pretiosas fieri primi occupantis. *tom. 2. pag. 386. n. 7.*

50. Lapilli, gemmæ, ambarum, succinum, corallium, &c. quæ inueniuntur in littore maris, sunt primi occupantis; quia nullum habent dominum. *ibid. num. 11.*

51. Animalia fera ex sua natura, sed mansueta, non sunt capientium, quando habent consuetudinem redeundi in potestatem prioris domini. Quare peccant qui ad sua columbaria traducunt alias columbas, quæ non amiserunt consuetudinem redeundi ad columbarium prioris domini: est enim furtum eas attrahere arte, fraude, & dolo. Licet tamen absque fraude apponere bonos cibos ad suas columbas nutriendas: etiam si ea occasione alienæ alliciantur. *tom. 2. pag. 387. num. 4. & 5.*

52. Fera meo capta instrumento, seu laqueo vnde se non poterat expedire, mea est licet ab alio eximatur: quia in meo laqueo amisit libertatem: si verò fera inde se poterat extricare, sit eximentis; quia nondum in meo laqueo amisit libertatem. *tom. 2. pag. 387. n. 11.*

53. Venatio, piscatio, & aucupium, à Principe prohiberi possunt, ob solam Principis oblectationem: hoc enim decet ipsius dignitatem, præsertim cum pro Republ. laboret. Quæ tamen capiuntur venatione, aut piscatione illicita, non sunt obnoxia restitutioni, si animalia capta, suam retinebant libertatem: sunt enim primi occupantis. Peccat tamen mortaliter qui piscatione illicita notabile damnum infert Reipubl. vt qui escas medicatas proicit in flumen, quibus aquæ inficiuntur, & pisces moriuntur. *tom. 2. pag. 388. num. 13.*

54. Insulæ, quæ aliquando in mari nascuntur, sunt primi occupantis, vt patet ex Institut. *de rerum diuisione*, vbi etiam deciditur insulas, quæ aliquando in mediis fluminibus nascuntur, diuidendas esse ex æquo inter eos, qui in vtraque ripa possident prædia; insulam verò, quæ propior est ripæ, fieri illius, cuius prædia sunt ad ripam: Item illud, quod flumen per alluionem agro meo paulatim adiecit, iure gentium, meum esse; si verò magnam partem alieni agri detraxit totum simul, meoque adiecit, mihi non acquiri, sed manere penes priorem dominum. *tom. 2. pagin. 389. n. 28. & 19.*



55. Dominus non tenetur ante sententiam iudicis refarcire damnum abique sua culpa illatum per suos seruos, aut animalia: quia lex id præci-  
piens est pœnalis quæ non obligat ante iudicis sententiam, Ad damnum  
verò refarciendum à suis seruis, seu animalibus sua culpa illatum, tenetur  
dominus ante iudicis sententiam: quia ipsi imputatur damnum. *ibid. num.*  
*2. & pag. 390. num. 3.*

56. Si res mutuo accepta pereat, vel deterior fiat antequàm perueniat  
ad creditorem, perit, vel deterior fit debitori: res enim domino perit:  
propterea si ego pecuniam mutuam accepi à Caio, & postea illam trans-  
mitto per nuncium à me electum, si pereat, aut interceptetur in itinere,  
mihi perit: ego enim sum dominus illius, donec perueniat ad credito-  
rem; vnde fit vt teneat ad nouam solutionem. At quando res eadem  
numero debetur, vt in commodato, si pereat absque culpa debitoris,  
perit creditori, etiamsi mitteretur per nuncium ab ipso debitore ele-  
ctum, consequenter debitor ad nullam tenetur restitutionem: quia res  
domino perit. Aduerte discrimen inter mutuum & commodatum, pi-  
gnus, & depositum; quod in mutuo transfertur dominium, nec mutuata-  
rius tenetur eandem rem numero restituere. In commodato verò, depo-  
sito, locato, ac pignore non transfertur dominium; consequenter eadem  
res numero restituenda est. Quo fit, vt si vestis mihi commodata pereat  
absque mea culpa, pereat commodanti; res enim domino perit. *tom. 2. pag.*  
*390. n. 4. & pag. 391. num. 6. & 7.*

57. Possessor bonæ fidei, qui rem bonæ fide accepit, neque fuit in mora  
restituendi, non tenetur ad restitutionem rei, quæ apud ipsum perit; nisi  
fortè in aliqua re factus sit locupletior. Possessor verò malæ fidei, qui rem  
iniuste accepit, vel detinuit, tenetur ad restitutionem, quacumque tandem  
ratione res apud ipsum pereat: nam rem alienam iniuste detinenti impu-  
tatur etiam casus fortuitus, nisi apud dominum res esset certò peritura.  
*tom. 2. pag. 391. num. 1. & pag. 392. num. 2.*

58. Possessor malæ fidei non tenetur ad restitutionem iuxta summum  
valorem, quem res habuit tempore acceptionis, vel detentionis; nisi domi-  
nus passus sit damnum iuxta summum valorem: v. g. si fur triticum surri-  
puit eo tempore, quo valebat 30. libras in singulos modios; sed post men-  
sem decreuit ad viginti libras, & dominus seruaturus erat triticum ad  
illud vsque tempus, fur tenetur restituere tantum viginti libras in sin-  
gulos modios; sic enim fit restitutio ad æqualitatem. Secus dicen-  
dum si dominus passus sit damnum iuxta summum valorem; restituti-  
o enim faciendà est ad æqualitatem damni illati. *tom. 2. pag. 393. num.*  
*2. & 4.*

Restitutio fructuum.

59. Possessor bonæ fidei non tenetur restituere fructus industriæ per-  
ceptos



ceptos ex re aliena; v.g. qui triticum alienum in proprio fundo seminavit, non tenetur restituere fructus inde perceptos, sed satisfacit restituendo triticum; fructus autem naturales tam pendentes, quam perceptos, tenetur restituere si extant: si verò non extant, restituendum est id, quo factus est dior: v.g. qui ex fundo alieno percepit fructus, credens fundum esse suum, tenetur restituere id, quo factus est locupletior; nisi illos bona fide possederit per triennium; res enim mobiles triennali possessione v'sucipiuntur. At fructus, quos sua negligentia non percepit, non tenetur restituere: neque enim peccauit contra iustitiam, non colligendo fructus ex fundo quem credebatur suum esse. *tom. 2. pag. 394. nu. 3. & 7. & pag. 395. num. 8. & 18. & seq.*

60. Possessor malæ fidei tenetur ad restitutionem fructuum quos ipse non percepit, quos tamen dominus rei percepisset; nam per iniustam detentionem est causa efficax damni: detrahendæ tamen sunt expensæ, quas dominus fecisset in iis fructibus percipiendis. Tenetur item restituere fructus quos percepit ex re aliena, quam ipse fecit meliorem; res enim domino fructificat. *tom. 2. pag. 395. n. 1. & pag. 399. n. 2.* Ex illis tamen fructibus detrahenda est proprii laboris, & industriæ merces: dominus enim non debet fieri dior ex labore alieno. *ibid. num. 9.*

#### Cui restituendum.

61. Qui rem alienam accepit à fure, vel ab alio iniusto detentore, tenetur eam verò domino restituere; si constat illum, à quo res fuit accepta, fuisse iniustum illius detentorem, nec eam v'lo iure possedisse. *pag. 397. n. 5.*

62. Qui rem alienam bona fide accepit titulo emptionis, aut alio titulo oneroso, postquam comperit rem esse alienam, non tenetur eam domino restituere, sed potest contractum rescindere, eique restituere rem, à quo bona fide accepit, ut pretium suum recuperet; nullus enim tenetur ex charitate, commodum proprium posthabere alieno. Qui verò rem malæ fide accepit sciens, vel dubitans esse alienam, tenetur eam domino restituere; etiam si pretium solutum sit amissurus; sibi enim imputet illam iacturam. Hinc collige vectorem, v.g. qui rem furtivam accepit transportandam, sciens esse furtivam, teneri eam verò domino restituere, quamvis pretium vectoris sic perditurus. *tom. 2. pag. 389. n. 1. & 3.*

63. Qui bona fide rem furtivam emit, & denuò eodem pretio, bona fide vendidit, postquam cognouit rem esse alienam, tenetur rescindere contractum; emptor enim non emisset, si cognouisset rem esse alienam: tenetur autem venditor de evictione servare emptorem indemnem, quod fit rescindendo contractum, & restituendo pretium acceptum. *ibid. n. 5.*

64. Qui rem alienam bona fide emit, eamque maiori pretio, sed iusto vendidit, tenetur solum augmentum pretij restituere domino rei; quia in eo censetur factus locupletior. Si autem rem vendidit, quam gratis acceperat,



peccat, tenetur integrum pretium restituere; in illo enim factus est locuple-  
tior. *ibid. num. 11.*

65. Qui creditori sui creditoris restituit quod debet suo creditori, vi-  
detur satisfacere, neque teneri ad nouam restitutionem in foro conscientie;  
quia nullum infert damnum suo creditori immediato, cum ipsum libe-  
ret a debito, quo tenebatur obstrictus erga suum creditorem. *tom. 2. pag.*  
*399. num. 1.*

*Vbi restitutio facienda.*

66. Quando obligatio restitutionis nascitur solum ex re bona fide ac-  
cepta, facienda est restitutio in loco vbi res habetur tunc temporis, quo co-  
gnoscitur esse aliena, neque tenetur possessor bonæ fidei, illam mittere do-  
mino suis expensis: quia par non est vt damnum patiatur ex restitutione  
rei alienæ, bona fide acceptæ. Quando verò restitutionis obligatio nasci-  
tur ex iniusta acceptione, facienda est restitutio expensis debitoris, in loco  
vbi dominus rem suam possessurus erat, si illi ablata non fuisset: æquum  
enim est vt qui rem alienam abstulit, expensarum onus ferat. *ibid. n. 1. &*  
*pag. 400. num. 4.*

67. Quando obligatio restitutionis nascitur ex contractu, vel quasi con-  
tractu celebrato in certo aliquo loco, facienda est restitutio in eodem lo-  
co, in quo res accepta fuit, nisi aliud fuerit expressum in contractu: ille enim  
censetur locus designatus ad restitutionem. Est autem facienda restitutio  
eius expensis, in cuius vtilitatem res fuit accepta. *tom. 2. pag. 400. num. 9.*

*Quando restitutio facienda.*

68. Cui onus incumbit restituendi ratione iniustæ acceptionis, aut de-  
tentionis, tenetur restituere statim ac commodè potest, nisi dilationem ob-  
tineat à creditore. Debitor verò ex contractu, tenetur restituere statim ac  
elapsus est terminus, etiamsi non admoneatur: nam dies definita interpel-  
lat pro domino. *tom. 2. pag. 401. n. 1. & 3.*

69. Qui non restituit prima data opportunitate, sed longo tempore  
differit restitutionem, tot peccata committit, quot sunt actus intentionis, &  
voluntatis non restituendi, moraliter interrupti. Quamdiu verò inten-  
tio non restituendi virtualiter durat, vnum numero peccatum committitur.  
Confessarius tamen non debet esse nimium anxius in inuestigando nume-  
ro peccatorum interruptorum in detentione rei alienæ; sed sufficit ipsum  
scire, quamdiu res fuerit detenta; sic enim faciliè cognoscet numerum pec-  
catorum; & statim penitentis. *tom. 2. pag. 402. num. 9. & seq.*

70. Confessarius non potest absolvere penitentem, qui cum possit com-  
modè restituere, intendit restitutionem differre vsque ad mortem, aut il-  
lam testamento relinquere suis hæredibus. Quia penitens quamdiu po-  
test



restitui, & non restituit, est in statu peccato mortalis. Neque videtur absoluedus, regulariter loquendo, is qui sapius promisit restituere, nec dum restituit, cum commodè poterit, nec obtinuerit dilationem à creditore: ex prateritis enim, omissionibus præsumitur poenitens non habere debitum dolorem, ac propositum vitandi peccatum.

71. Debitor potest anticipatè soluere, & creditor tenetur solutionem acceptare, quando terminus fuit appositus in fauorem debitoris: potest enim debitor cedere iuri suo; consequenter mutuum v. g. vel commodatum acceptum ad sex menses, potest ante elapsos sex menses restituere, & creditor tenetur acceptare, licet non possit ante præfixum tempus, debitum repetere. At quando terminus fuit appositus in fauorem creditoris, debitor non potest anticipare solutionem inuito creditore. *tom. 2. pag. 403. n. 21.*

*Quo ordine restitutio facienda.*

72. Inter cooperantes ad damnum, ille principaliter obligatur ad restitutionem cuius iussu, seu mandato illatum est damnum: præcipiens enim, se habet vt causa principalis, exequens verò se habet vt instrumentum. Post mandantem, principaliter tenetur exequens, deinde consulens, tum receptor vltimo non impediens, & non manifestans. Restituente autem causa principali, ceteræ liberæ sunt ab onere restitutionis. At si causa minus principalis restituat, causa principalis tenetur eam seruare indemnem, eique restituere quod parti læsæ fuit persolutum. *tom. 2. pag. 404. num. 4. & seq. pag. 405. numero 11.*

73. Quando plures aequaliter tenentur ad restitutionem, & pars læsa remittit vni obligationem, ceteri tenentur in solidum restituere, detracta parte, quæ restituenda fuisset ab eo, cui facta fuit remissio. Creditore autem remittente obligationem vni, qui minus principaliter tenetur, ille habet ius contra principalem debitorem, ad repetendum id, cuius sibi facta fuit remissio: quia succedit in locum creditoris. *tom. 2. pag. 405. n. 17. & 18.*

74. Quando res obnoxia restitutioni, eadem numero extat, illa primo loco restituenda est, etiamsi non constet cuiusnam sit: res enim quamdiu extat, semper pro suo domino clamat. Quando autem rei dominus ignoratur, restituenda est capse incertorum, seu pauperibus. *tom. 2. pagin. 406. num. 5. & 6.*

75. Debitor, qui non potest omnibus creditoribus satisfacere, debet præferre creditorem, qui sibi credito vendidit rem adhuc extantem apud ipsum debitorem. v. g. ego vendidi Titio equum, qui adhuc extat apud ipsum; si non potest omnibus creditoribus satisfacere, debet me ceteris præferre, mihi quæ equum reddere: neque enim videtur rationi consentaneum, vt res adhuc extans apud emptorem, pretio nondum persoluto, tradatur potius extraneo, quam illi, qui eam vendidit. *ibid. num. 8.*

76. Multis debitis obstrictus, aliis certis, aliis incertis, debet prius persolvere



soluere certa, quàm incerta, si non est omnibus soluendus: ius enim hoc dicitur. Qui verò multa debita contraxit alia ex delicto, v.g. furto, alia ex contractu, non tenetur prius soluere contracta ex delicto, quàm ex contractu, aut contrà, nisi res ipsa restituenda adhuc extet: quia bona debitoris non sunt magis hypothecata vni creditori, quàm alteri; debet igitur illis satisfacere pro rata. *tom. 2. pag. 407. num. 9. & 11.*

77. Prius satisfaciendum est debitis ex contractu oneroso, quàm ex contractu gratuito; vt si quis debeat Titio centum nummos ex contractu emptionis, & Caio centum ex promissione gratuita, tenetur præferre Titium Caio. Hinc collige, quando bona testatoris non sufficiunt ad satisfaciendum legatis, & debitis, prius satisfaciendum esse debitis, quàm legatis, aliisque liberalibus dispositionibus. *ibid. num. 12. & 13.*

78. Prius soluenda sunt legata defuncti testatoris, quàm debita contracta ab hærede, modò non fuerint contracta intuitu hæreditatis, vt in sumptus funeris defuncti testatoris: quia bona defuncti sunt tacite hypothecata pro legatis, & fideicommissis, modò satisfieri possit omnibus creditoribus defuncti. *ibid. num. 14.*

79. In persoluendis debitis prius satisfaciendum est creditoribus realsibus habentibus hypothecam, vel pignus, quàm creditoribus personalibus hypothecam, vel pignus non habentibus, qui creditores chirographarij vulgò nuncupantur: quando verò eadem res fuit pluribus creditoribus hypothecata, sed non sufficit ad satisfaciendum omnibus, prius satisfaciendum est illi, cui prius fuit hypothecata; his casibus exceptis. 1. quando quis mutuauit pecuniam ad reparandam domum, seu rem hypothecatam. 2. quando quis mutuauit pecuniam ad rem emendam. 3. quando quis mutuauit pro vestura mercium subiectarum hypothecæ. 4. in hypotheca dotali. 5. quando quis rem duobus obligatam emit à debitore, si ex pretio satisfactum est primo creditori, emptor ei succedit in iure. 6. quando eadem res obligata fuit duobus, priori quidem scripturâ priuatâ, posteriori publicâ. In his, inquam, casibus, posterior tempore, præfertur priori habenti hypothecam. *ibidem, numero 15. & 16. pag. 408. num. 16.*

80. Quando res aliqua diuersis temporibus vendita fuit multis in solidum, præferendus est primus emptor, si res nulli tradita fuit: si verò fuit vni tradita, soluto pretio, vel habito pro soluto, hic præferendus est reliquis, etiamsi contractus venditionis prius celebratus fuerit cum aliis, adiuncto iuramento: quia per nudum contractum venditionis, absque traditione rei venditæ, regulariter loquendo, non transfertur dominium: transfertur autem sequuta traditione, & accepto pretio, seu fide de pretio. Tres casus excipiendi. 1. quando absque traditione transfertur dominium, vt accidit quando aliquid donatur, aut venditur Ecclesiæ, monasterio, ciuitati, hospitali, &c. cū enim hæc loca sine traditione, rei dominiū acquirant, ex priuilegio, sunt aliis præferenda. 2. quādo priori

M m emptori



emptori res fuit vendita, eique fuit in securitatem contractus hypothecata 3. quando res fuit tradita alicui, qui sciebat rem illam in fraudem creditorum alienari; tunc enim priores creditores habent ius euictionis. *tom. 2. pag. 408. num. 7.*

81. Illa regula: *Qui prior est tempore, potior est iure*, locum habet solum in creditoribus realibus habentibus hypothecam in eandem rem, aut habentibus aliquod ius praelationis; non verò in creditoribus personalibus. Propterea in debitis personalibus non est habenda ratio temporis, nisi adfit alius titulus praelationis. Porro hi gaudent privilegio praelationis. 1. is qui moderatas fecit impensas in funus debitoris; is enim praefertur ceteris creditoribus habentibus hypothecas in bonis defuncti. 2. is, qui pecuniam deposuit apud numularium publicum, non accipiens inde usuras; is enim praefertur creditoribus chirographariis. 3. sponsa de futuro, quae tradidit dotem sponso, sed postea matrimonium non fuit celebratum; tunc enim sponsa gaudet privilegio personali, ut praeferatur aliis creditoribus personalibus; sponsa verò de praesenti praefertur etiam aliis creditoribus realibus; hoc tamen privilegium non transit ad haeredes ipsius. 4. pupillus, cui aliquid debetur à tutore; is enim gaudet privilegio praelationis; non tamen eius successores. 5. is, qui soluit creditori habenti privilegium personale praelationis. *ibid. num. 19.*

82. Quando ex pluribus creditoribus personalibus, non habentibus ius praelationis, vnus petit solutionem debiti, prius illi satisfaciendum est integrum; nam eius diligentia facit ipsum melioris conditionis. Quare creditor, qui curat sibi satisfieri ante alios, non peccat, nec tenetur ad restitutionem, cum vtatur suo iure, modò alij non habeant ius praelationis. *tom. 2. pagina 409. n. 20. & 21.*

83. Debitor non potest prius satisfacere creditoribus pauperibus, nisi sint in extrema, vel graui necessitate, quam debitor teneatur ex charitate subleuare: omnes enim debitores ius habent aequales. *ibid. num. 24.*

84. Quando haereditas non sufficit ad satisfaciendum omnibus creditoribus, deduci possunt moderatae expensae in funus debitoris iuxta qualitatem ipsius; antequàm creditoribus satisfiat, etiam si ipsi habeant hypothecam in bona defuncti: quia sumptus funeris cuiusvis debito praeferruntur. *ibid. num. 25.*

85. Qui bona fide, contractu oneroso, aliquid accipit à debitore, nesciens alienationem esse in fraudem creditorum, non tenetur ad restitutionem postquam id competit rei enim acceptae do minium iuste acquisiuit. Secus si accepit sciens, vel dubitans contractum esse in fraudem creditorum: cooperatur enim aetioni iniustae, cum damno creditorum. *ibid. num. 27.*

86. Donatio facta à debitore, antequàm fieret impotens ad soluendum creditoribus, valida est, neque donatarius ad vilam tenetur restitutionem; nam haec donatio non censetur facta in fraudem creditorum. Secus dicendum



dum de donatione facta postquam donator factus est impotens ad soluen-  
dum. *tom. 2. pag. 410. num. 34.*

87. Debitor, qui non est creditoribus soluendo, peccat contra iustitiā,  
& tenetur ad restitutionem damni, quod passi sunt creditores, eo quod ip-  
se repudiaverit hereditatem, qua creditoribus satisfacere potuisset: cum  
enim teneatur ex iustitia satisfacere creditoribus, tenetur etiam assumere  
media ad satisfaciendum, quale medium est acceptatio hereditatis. *ibidem*  
*num. 36.*

*Cur restitutio differri, vel omitti possit.*

88. Quando restitutio creditur ipsi creditori, vel alteri graviter obfu-  
tura, differri potest in tempus opportunius. Immo si debitor nouerit cre-  
ditorem re sibi debita abuturum in graue alterius detrimētum, peccat con-  
tra iustitiam, si eam restituat, teneturque ad restitutionem damni à credi-  
tore illati. *tom. 2. pag. 411. n. 1. & pag. 412. n. 8. & 9.*

89. Quando debitor longè maius passurus est damnum statim resti-  
tuendo, quam creditor ex dilata restitutione, potest restitutio differri: tunc  
enim creditor censetur irrationabiliter inuitus, si nolit concedere dilatio-  
nem. Secus dicendum, si damnum, quod debitor patitur restituendo, est  
æquale damno, quod patitur creditor ex dilatione restitutionis, tunc enim  
potior est conditio creditoris. *tom. 2. pag. 412. num. 11. & 19.*

90. Potest debitor licitè differre restitutionem, quando eam præstare  
non potest, nisi excidat à proprio statu iuste acquisito, etiamsi debita con-  
traxerit ex delicto, vt ex comestationibus, ludis, scortis, &c. Si verò status  
fuit iniuste acquisitus per vsuras, rapinas, &c. debitor tenetur statim resti-  
tuere, etiam cum iactura status: nam restituendo non excidit à proprio sta-  
tu, sed ad priorem redit, potest tamen ea retinere, quæ sibi sunt necessaria,  
ad tenuem victum, & corporis cultum. Quare filius vsurarij tenetur ad  
restitutionem etiam cum iactura status per vsuras acquisiti; nisi ad sit peri-  
culum infamiae, aut nisi ignoret facultates, quas possidet esse iniuste acqui-  
sitæ. *tom. 2. pag. 413. num. 24. & seq.*

91. Qui cogitur cedere bonis, potest abscondere, sibi que retinere quod  
sufficiat ad tenuem sui, & familiæ suæ sustentationem, iuxta suum statum;  
neque enim tenetur ad restitutionem cum tanto suo incommodo. Tamen  
cessio bonorum non ita eximit à restitutionis obligatione, quin debitor te-  
neatur ad restitutionem postquam peruenerit ad pinguiorem fortunam:  
quia debita per cessionem bonorum non fuerunt extincta, sed consopita.  
*tom. 2. pag. 414. n. 36. & 37.*

92. Condonatio, seu remissio facta debitori à creditore, est causa suffi-  
cienter excusans à restitutione, modò facta sit omnino liberè, nec sit à iure  
impedita: nam remissio, quæ impeditur à iure, non est valida, cuiusmodi  
est remissio facta à pupillo, aut furioso. *ibid. n. 1. & pag. 415. n. 5.*



93. Debitor, qui composuit cum creditoribus minori summa contentis, planè eximitur ab onere soluendi, etiam si redierit ad pinguiorem fortunam: huiusmodi enim compositio censetur quædam remissio, quæ vim habet donationis, modo absit fraus, vel metus; alioquin remissio esset potius coacta quàm libera, ut contingit quando debitor, qui facultates habet sufficientes ad satisfaciendum omnibus, confugit ad Ecclesiam ut debiti remissionem obtineat in totum, vel in partem. *tom. 2. pag. 415. n. 6.*

94. Compensatio facta à creditore, est causa sufficienter excusans debitorem à restitutione: sic enim ponitur æqualitas. Est autem licita compensatio, his conditionibus concurrentibus. 1. ut debitum sit liquidum, & certum. 2. ut compensatio fiat in re debita ex iustitia. 3. ut in compensatione nihil accipiat ultra debitum. 4. ut creditor non possit debitum alia ratione commodè recuperare. 5. ut compensatio fiat in re ipsius debitoris, modo non fuerit deposita apud creditorem, vel ipsi commodata; huiusmodi enim compensatio videtur fieri contra fidelitatem depositi, vel commodati: non videtur tamen improbabile, in foro conscientiæ dari posse compensationem in deposito, vel commodato, quando alia ratione nequit debitum obtineri. 6. ut absit periculum scandalum, vel punitionis corporalis: nam iudices solent hæc compensationes punire tanquam furta. Facta autem compensatione tenetur creditor, si commodè potest, admonere debitorem, vel eius hæredes, debitum esse persolutum, ne bis fiat restitutio. *ibid. num. 10. & seq. & pag. 416. n. 19. & 20.*

95. Compositio obtenta à Summo Pontifice est causa sufficienter excusans à restitutione, quando nescitur cui sit facienda. Quando verò constat cui facienda sit restitutio, non valet compositio obtenta à Sede Apostolica sine graui causa; quia Summus Pontif. non est dominus bonorum, suorum subditorum, neque potest de illis disponere suo arbitratu. *tom. 2. pag. 416. num. 27.*

96. Debitor non potest ingredi religionem, quando præuidet fore ut ingrediendo nequeat creditoribus satisfacere, quibus satisfaceret manendo in sæculo, quia obligatio iustitiæ præferenda est concilio. Immo obstrictus voto religionis emissio ante debita contracta, non potest votum implere si sperat manendo in sæculo se creditoribus satisfacturum, votum enim includit hanc tacitam conditionem, nisi superueniat notabilis mutatio; superuenientibus autem debitis censetur notabilis mutatio superuenire. *tom. 2. pag. 417. num. 1. & 2.*

97. Obligatio restituendi non extinguitur per ingressum in religionem, aut per professionem: quamobrem qui religionem ingressus est ante prestitam satisfactionem, tenetur dare operam ut suo labore, vel arte acquirat bona, quibus satisfaciat, quantum decet statum religiosum, interueniente licentia superioris. Professio tamen ante factam restitutionem est valida: nam Clemens VIII. moderatus est motum Pij V. quo grauati a realieno supra vires suarum facultatum, reddebantur inhabiles ad professionem.



feffionem; moderatus, inquam, est quoad inualiditatē professionis, quamuis illum reliquerit in suo robore, quo ad pœnas admittentium obaratos ad professionem. *ibid. num. 7. & 8.*

## Reus.

1. **R** Ei accusatio fit semper scripto; at denunciatio solis verbis fieri potest. Reum accusans suscipit in se onus probandi; non autem denunciāns, ac proinde non se subiicit pœnæ talionis. *rom. 2. pag. 325. num. 1. & seq.*

2. Non est necessariò præmittenda secreta admonitio ante accusatiōnem, cuius finis est punitio. *ibid. num. 4.*

3. Quando crimen vergit in damnum commune, vel tertiæ cuiuspiam personæ, & potest impediri, reus est accusandus; & qui non accusat peccat, teneturque ad restitutionem si ex officio accusare tenebatur: non obligatur tamen ad luendam pœnam, quæ fuisset reo subeunda si in iudicium venisset. *ibid. pag. 326. num. 6. & seq.*

4. Quicumque in iure habentur infames, vt excommunicati nominati denuncianti, concubinarij publici, vsurarij, proditores, & inimici ad accusandum non admittuntur, præterquàm in casu hæresis, & in crimine læsæ maiestatis; quiuis enim potest, immò tenetur huiusmodi criminum reos statim denunciare, ne quid respublica capiat detrimenti. *ibid. numero 10.*

5. Quando crimen est occultum, reus non tenetur se prodere; quia iuridicè non interrogatur: At si infamiae nota fuit reo iniusta, aut si est semiplena probatio ex grauibus indiciis sufficienter probatis, potest iudex reum cogere ad fatendam veritatem; tunc enim legitime procedit, & iuris ordinem seruat. Immo si coniecturæ sint adeò certæ, vt is, qui accusatur, meritò præsumatur criminis reus, potest iudex contra illum sententiam ferre. *romo 2. pagina 327. numero 1.*

6. Reus iuridicè interrogatus, tenetur dicere veritatem, licet ex ea confessione sit condemnandus ad mortem; probabiliter tamen defendi potest, absque peccato mortali reum posse negare veritatem, vbi agitur de capite, de iactura bonorum, aut famæ, si spes sit euadendi. Quapropter non tenetur Confessarius illum cogere ad manifestandam iudici veritatem, quamdiu spem habet euadendi, aut ad dictum retractandum si ex illa retractatione sequutura sit condemnatio; debet tamen illum monere, non esse negandam veritatem si rursus interrogetur. *ibidem pag. 328. num. 7. & 8.*

7. Potest reus, aut eius aduocatus tuta conscientia, testium crimina occulta aperire ad eorum fidem labefactandam, cuiusmodi sunt periurium, crimen falsi, excommunicatio, & infamia iuris, vel facti, modo nihil falsi



affingat: quia utitur iure suo utendo mediis ad sui defensionem ordinis. *ibidem num. 10.*

8. Potest reus fugere è carcere, etiamsi ibi detineatur ob debita, aut etiamsi ex eius fuga custos carceris sit aliquid damni passurus. Idem sentiendum de eo, qui damnatus est ad perpetuum carcerem, vel ad triremes. Potest item vincula, & carcerem effringere, nec tenebitur ad restitutionem, tamen si reliqui vincti inde ansam arripiant fugiendi, quia illius fugæ est tantum causa per accidens; tenebitur tamen carcerem effectum restituere. *ibid. pag. 93. num. 13. & seq.*

9. Qui fugam reo consulit, aut instrumenta ad effringendum carcerem præbet, non peccat, modo ad ipsam effractionem non cooperetur. *ibid. num. 19.*

10. Reus, per se loquendo, non tenetur morem gerere sententiæ iudicis, quæ nititur falsa præsumptione; non tamen potest se per vim tueri contra iudicem ne huiusmodi sententiam exequatur. *rom. 2. pag. 330. n. 22.*

11. Reus negans veritatem non tenetur penam soluere quæ fuisset luenda, si veritatem aperuisset, dummodò ad eam penam non teneretur ante sententiam iudicis, aut iure naturæ ob contractum, vel dammum iniuste illatum: tunc enim non eximeretur ab obligatione soluendi, quia illa obligatio erat anterior. *ibid. num. 23.*

## ROMANA CURIA.

### *Ad Romanam Curiam accedentes.*

1. **Q**ui per se, vel per alios interficiunt, vel mutilant, vel spoliant, vel capiunt, vel detinent accedentes ad Sedem Apostolicam, seu Curiam Rom. vel ab ea recedentes; aut qui usurpata temerè auctoritate præfatas actiones per se, vel per alios contra morantes in Rom. Curia audent perpetrare, incurrunt excommunicationem 9. latam in Bulla Cænæ. Illi autem dicuntur accedere ad Sedem Apostolicam, qui negotiorum causa Summum Pontif. adeunt, qui verò causa indulgentiarum, aut Urbis visenda Romam petunt, non dicuntur accedere ad Sedem Apost. seu Curiam Rom. Item illi dicuntur à Sede Apost. recedere, qui ad eam accesserunt causa negotiorum in Curia expediendorum. *disp. 1. quæst. 10. punct. 1. & 2. pag. 42. & 46. tom. 3.*

2. Hanc censuram non incurrit, qui interficit, spoliat vel detinet eum, qui solum decreuerat iter suscipere ad Curiam Rom. aut qui ad eam ibat negotiorum causa, sed postea voluntatem mutauerat, aut longo tempore iter intermi. erat: quia is non dicebatur amplius ad Rom. Curiam accedere. *ibid. punct. 1. pag. 42. num. 4. tom. 3.*

3. Qui accedentem ad Rom. Curiam leuiter percussit, ex quo tamen vulnere casu accidit ut percussus interierit, non censetur ligatus censura huius



huius Bullæ, modò id à percutiente præiustum non fuerit. Item si multi percusserunt, vnus autem lethale vulnus inflixit, vnde mors sequuta est, ille vnus excommunicationem incurrit. *ibid. pagin. 43. num. 11. & 12. tom. 3.*

4. Qui accedentem ad Sedem Apost. verberat, aut illi digitum amputat, aut membrum debilitat, non tamen abscindit, aut qui claudum illum efficit, nullo membro abscisso, non incidit in censuram Bullæ: quia hæc censura lata est in mutilâtes; mutilare autem est membrum aliquod à corpore præscindere; porrò membrum appellatur ea pars corporis quæ proprium habet officium distinctum à reliquis, vt oculus, pes, manus, &c. *ibid. num. 14. & 15.*

5. Qui accedenti ad Sedem Apostolicam eripit vestem, pecuniam, equum, &c. ligatur censura huius Bullæ (nisi materiæ paruitas, vel ignorantia excuset). Qui tamē clam, & per dolum crumenam, aut aliquid aliud furripit, non videtur hanc censuram incurrere; quia hic non dicitur spoliare, cum nullam vim inferat. *ibid. pag. 44. num. 18. & 19. tom. 3.*

6. Qui rapit vxorem, filios, vel familiares seu famulos quos accedens ad Rom. Curiam secum ducit intuitu negotiorum ibi tractandorum, contrahit hanc excommunicationem. Quia Pontifex sub censura prohibuit spoliationem accedentium ad Sedem Apost. committitur autem spoliatio non solum dum pecunia aut vestes, vel similia per vim auferuntur, verum etiam dum vxor, filius, famuli rapiuntur; quippe rapina, & plagium sub spoliatione tanquam species sub genere continentur. *ibid. num. 21. & 22.*

7. Qui personaliter comprehendit accedentes ad Sedem Apost. vel recedentes, subiacet huic censuræ, nisi paruitas materiæ excuset, aut nisi iuste id egerit: Qui enim accedentem ad Sedem Apost. personaliter capit ob delictum in sua ditione commissum, vel ob debitum, vtitur iure suo, neque censuram incurrit. Idem dicendum de capiente clericum de fuga suspectum, vt eum suo Episcopo quamprimum cõsignet, & de Abbate capiente monachum fugitiuum asserentem se velle Sedem Apostolicam adire. *ibid. pag. 45. num. 23. & 27. tom. 3.*

8. Qui præcepto, aut verbis comminatoriis absque vlla violentia detinet aliquem, illumque impedit ne ad Sedem Apostolic. accedat, probabiter videtur non incidere in hanc excommunicationem, licet grauius peccet. Quia excommunicatio lata est contra detinentes; detinere autem videtur importare actionem physicam violentam contra personam, quæ detetur; at verba legis pœnalis non sunt vltra propriam significationem extendenda. *ibid. num. 32.*

9. Qui nullam in Rom. Curia iurisdictionem habet, obstringitur vinculo huius excommunicationis si spoliaret, capiat, aut detineat vsurpata temerè auctoritate eos qui in Rom. Curia commorantur. Vnde sequitur Episcopum, vel Prælatum qui capit, aut detinet aliquem ex sibi subditis in



Curia Rom. commorantem contrahere excommunicationem: quia sibi usurpat iurisdictionem, quam in subditum quamdiu in Curia moratur, non habet: excusat tamen ignorantia etiam vincibilis, & affectata si putet se iurisdictionem habere. At contra si quis ex officialibus Papæ actiones aliquas prohibitas exerceat contra commorantes in Curia, hanc excommunicationem non incurrit: quia licet grauiter peccet, & iurisdictionis sue terminos excedat; nihilominus iurisdictionem habet in Curia. *ibid. pag. 45. & 46. num. 35. 36. & seq. tom. 3.*

10. Qui interficit, capit, aut detinet de mandato superioris iurisdictionem non habentis in Rom. Curia, ligatur vinculo huius censuræ: quia licet sit tantum executor, agit tamen auctoritatiuè, potestate scilicet accepta ab eo, qui sibi iurisdictionem usurpauit: excusat tamen ignorantia. *ibid. num. 43. pag. 46.*

11. Qui mandat vel iubet interfici, aut capi accedentes ad Rom. Curiam aut in ea commorantes, subiicitur huic censuræ: modo secuta sit actio mandata, & mandatum non fuerit reuocatum: effectus enim reuocato mandato, non imputatur mandanti, modo reuocatio innotuerit ei qui acceperat mandatum. *ibid. punct. 2. pag. 46. n. 1. & seq.*

12. Qui infidelem, vel hæreticum ad Sedem Apost. accedentem negotiorum causa interficit, mutilat, &c. videtur incurere in hanc censuram: Quia Ecclesia non solum fideles benignè excipit, sed etiam infideles ad se confugientes admittit, nullique gremium claudit: quare debent etiam infideles gaudere priuilegio securitatis, in hac Bulla concessio. *ibid. pag. 47. 48. num. 12. tom. 3.*

### Victualia impediētes.

13. Omnes iniuste impediētes ne victualia, vel alia ad usum Rom. Curiae necessaria deferantur, vel inuadentes eos qui hæc ad Rom. Curiam deferunt, excommunicationem 8. Bullæ incurrunt. Nomine autem Rom. Curiae intelligitur Summum Ecclesiæ Tribunal, seu Audientia Papæ ipsi præsentē, vel etiam absente; neque enim Rom. Curia constat solo Summo Pontifice tanquam capite, sed etiam Cardinalibus, Auditoribus, Iudicibus, aliisque ministris, & officialibus audientia, nec non litigantibus, aliisque Romam venientibus ob negotia coram officialibus Summi Pontificis expedienda. Quare qui impedit ne Romam victualia deuehantur; si aliter translata sit Curia, non incidit in hanc excommunicationem. *disp. 1. quæst. 9. punct. 1. & 2. pag. 37. 38. tom. 3.*

14. Gubernator Prouinciæ, vel ciuitatis alicuius qui triticum ex prouincia, vel ditione sua extrahi prohibet, nec deferri permittit ad Rom. Curiam, ut suæ prouinciæ, vel ciuitati consulat, non ligatur hac censura; quia non impedit iniuste, sed iure, cum teneatur damnum suæ prouinciæ vel ciuitatis præcauere: per accidens autem, & præter ipsius intentionem fit ut

triti-



triticum ad Rom. Curiam non deferatur. Idem dicendum si Rom. Curia laboret peste, & prohibeatur quis eò victualia deferre, ne rediens urbem inficiat. *ibid. pag. 39. num. 8. tom. 3.*

15. Qui deferentem victualia, spoliat pecuniis, non ablati victualibus, huius Bullæ censuram non incurrit: quia in hoc casu Rom. Curia non offenditur in victualibus, aut aliis ad ipsius usum pertinentibus, cum hæc non auferantur, ut suppono; Modò tamen non spoliatus animo impediendi delationem victualium; tunc enim ligatur censura si pecuniis spoliatus victualia ad Rom. Curiam non deferat; quia actione iniusta impedit ne deferantur. Item si pecunia deferatur ad usum alicuius Curialis, spoliatus afficitur hac censura; secus si ad usum ipsius deferentis. *ibid. num. 10.*

16. Non ligatur hac censura qui res suas vendere non vult ad Rom. Curiam transferendas, etiam si forte aliæ desint: hic enim propriè non impedit, cum nullam actionem positivam exerceat, sed negativè se habeat. *ibid. num. 11.*

17. Non incurrit hanc censuram qui deferentem victualia compellit ad solutionem vectigalis; etiam si pro solutione magna victualium pars danda sit. Idem dic de exactore vectigalium, qui omnia Romanam deferenda auferit in pœnam non soluti vectigalis, modò vectigal sit iustum: hic enim non impedit iniuste. *ibid. num. 13.*

18. Qui ob priuatas inimicitias inuadit deferentem victualia ad Romanam Curiam, vel etiam occidit, non animo impediendi, sed ut vindictam ex eo sumat, non ligatur hac censura: quia primò & per se intendit vindictam, per accidens autem impeditur delatio victualium Romanam. *ibid. n. 4.*

19. Excusatur ab hac censura qui emittit victualia ab eo, qui ad Rom. Curiam ea defererebat, seu emittit in suum, & familiæ usum; seu emittit ut vendat cum lucro: hic enim vitur iure suo, & per accidens tantum impedit ne ad Rom. Curiam deferantur. Item qui deferentem victualia in carcerem trudit ob crimen, vel debitum: quia vitur iure suo. *ibidem, numero 16. & 17.*

20. Victualia quæ ex alieno territorio ad Rom. Curiam deportantur, potest Princeps per cuius ditionem transeunt impedire, & detinere in usum suorum subditorum conuertenda, vrgente graui annonæ charitate: Principis enim est bono communi prospicere. Nisi Curia Rom. pari, vel maiori rerum penuria laboret; in hoc enim casu Princeps non habet ius ea victualia detinendi. *ibid. pag. 40. n. 20. tom. 3.*

21. Qui mandat, vel consulit impediri, aut perturbari delationem victualium ad Rom. Curiam, in hac censuram non incurrit: quia censura lata contra facientes non afficit mandantes, vel consulentes, nisi hoc exprimitur. *ibid. num. 21.*

22. Impedientes victualium translationem ad Romanam Curiam ex vi huius Bullæ præter excommunicationem, aliam pœnam non incur-  
runt.



runt: Ex aliis verò iuribus qui terras, vel oppida in feudum, vel alio titulo retinent à Sede Apostolica, priuantur dominio dictorum feudorum, terræ autem, & oppida subiiciuntur Ecclesiastico interdicto; Immo persistentes vltra sex menses in sua contumacia, ipso iure priuantur omnibus feudis, & iuribus, quæ ab sede Apostolica vel ab aliis obtinebant. *ibidem*, num. 22.

23. Qui per se, vel per alios defendunt impediētes vel inuadentes eos qui victualia ad Rom. Curiam deferunt; eandem censuram incurrunt; id enim disertè exprimitur in Bulla: modò tamen sequatur effectus. Qui autem defendunt, seu proregunt impediētes, vel inuadentes post sequutum effectum impediēti vel inuasionis, vt si eos defendant ne capiantur à satellitibus & puniantur, non ligantur hac censura: quia actio principalis, propter quam lata est censura, iam præcessit, suumque effectum sortita est. *ibid.* num. 23. & 24.

24. In dubio an sit legitima impediēdi causa, si impediēs publicam personam gerit, præsumitur iustè impediuisse; quia in facto Principis, seu personæ publicæ non præsumitur delictum. Sin impediēns est persona priuata, cum ius non habeat impediēdi, præsumitur iniustè impediuisse, nisi ostendat se id iure fecisse. *ibid.* punct. 3. pag. 41. num. 2. tom. 2.

25. Paruitas materiæ excusare potest ab hac censura incurrēda; hæc autem paruitas non solum ex quantitate rei, verum etiam ex diuturnitate temporis pensanda est. Vnde sequitur illum excusari qui tantum per aliquot horas victualium delationem retardauit, vel qui impediuit, quo minus victualia, quæ vnius iumenti onus non excedeabant, ad Rom. Curiam deportarentur. *ibid.* num. 3. & 4.

#### *Recurrentes ad Romanam Curiam.*

26. Omnes, & singuli iniustè occidentes, percutientes, aut bonis spoliāntes eos, qui recurrunt ad Rom. Curiam negotiorum causa, vel Iudices, Aduocatos, & Procuratores, qui hæc negotia prosequuntur in eadem Curia; seu qui per se vel alios directè, vel indirectè delicta huiusmodi committere, exequi, vel procurare, aut iis auxilium, consilium, vel fauorem, præstare non verentur, Bullæ Cœnæ 12. excommunicationem incurrunt. *disp. 1. quæst. 13. pag. 62. tom. 3.*

27. Ille dicitur ad Rom. Curiam recurrere non solum qui seipsum, personaliter confert ad Rom. Curiam, vt ibi negotia sua tractet; verum etiam ille, qui alium mittit, vel qui per litteras negotium tractat. Incola, verò ciuitatis, vel loci in quo est Rom. Curia, non dicitur ad Curiam recurrere; consequenter huius canonis priuilegio non gaudet nisi fortè sit agens, aut procurator recurrentis. *ibid.* punct. 2. pag. 63. n. 2. tom. 3.

28. Qui recurrentem ad Rom. Curiam verbis contumeliosis afficit, famam illius, & existimationem voce, vel scriptis lædit, huius canonis ex-

com-



communicationem non subit: quia hic non dicitur propriè spoliare qui alteri famam, & honorem aufert. *ibid. punct. 1. pag. 62. n. 5. tom. 3.*

29. Qui recurrenti ad Rom. Curiam aliquid aufert ad compensationem sibi faciendam, non est huic censuræ obnoxius: quia hæc actio non est spoliatio, sed compensatio, seu accepto rei sibi debitæ, ac proinde non est iniusta. *ibid. pag. 63. num. 6. tom. 3.*

30. Non quælibet spoliatio, seu usurpatio iniusta sufficit ad hanc censuram incurrendam, sed ea, quæ fit occasione causarum (vt habetur in Bulla) id est, quia recurritur ad Rom. Curiam unde sequitur latronem, qui occidit recurrentem ad Rom. Curiam, aut eum spoliat, non incurrere censuram huius canonis; quia id facit animo prædandi, non autem occasione causarum vel negotiorum. Idem dicendum de eo, qui ob priuatas simulas occidit recurrentem ad sedem Apost. *ibid. num. 7.*

31. Qui recurrentem ad Sedem Apost. vim vi repellendo, ad necessariam sui defensionem occidit, non contrahit excommunicationem: quia, nec occidit iniuste, nec intuitu causarum, & negotiorum. Rursus qui recurrentem ad Sedem Apost. criminaliter accusat, & ob accusationem causa est mortis, vel spoliationis bonorum, non subiicitur huic excommunicationi; quia vititur iure suo. Item qui proscriptum ad Rom. Curiam recurrentem, ad quam venire non potest nisi obtenta à Principe facultate, occidit, hanc censuram non incurrit: quia illa actio, iure permittente, est iusta. *ibid. punct. 3. pag. 65. num. 2. tom. 3.*

32. Qui iniuste percutit vel spoliat eum, qui iniuste recurrit ad Sedem Apost. nihilo secius hanc censuram incurrit: tam quia excommunicatio lata est contra iniuste percutientes; tum quia aliquin aperiretur via delictis, cum pars aduersa ferè semper existimet, alteram partem iniquè litem prosequi. *ibid. num. 3.*

33. Qui ex ignorantia etiam culpabili nescit aliquem ad Curiam Rom. recurrere, non ligatur excommunicatione, si illum occidat; quia Summus Pontifex censuram tulit in contumaces; ubi autem est ignorantia, non est contumacia. *ibid. num. 6.*

34. Qui recurrentem ad Rom. Curiam iniuste accusat, aut falsis testibus conuincit, incidit in excommunicationem si ex illa accusatione mors, vel bonorum spoliatio sequatur illi, qui iniquè accusatus est intuitu negotiorum in Curia tractandorum: quia hic saltem indirectè est causa occisionis, vel spoliationis. *ibid.*

35. Qui ad Rom. Curiam confugere volenti suadet vt tali via (quam ipse suadens nouit à latronibus obsideri) Romam contendat, ligatur censura huius canonis, si confugiens ad Rom. Curiam à latronibus occidatur vel spoliatur: quia est causa saltem indirecta huius occisionis vel spoliationis. *ibid.*

36. Qui ratas habet huiusmodi actiones sub censura prohibitas, ex probabiliori sententia, non subiacet excommunicationi; tum quia id non expri-



exprimitur in canone; tum quia rati habitio est posterior actione, proindeque non potest positivè in eam influere. *ibid. num. 7.*

37. Qui non impedit præfatas actiones prohibitas cum possit, vinculo huius censuræ non irretitur: quia se habet negativè, neque influit in actum; nisi auctoritatiuè assistat, & suo silentio delinquentibus favere videatur. *ibidem, num. 8. pag. 66. tom. 3.*

38. Qui Clericum ad Rom. Curiam recurrentem negotiorum causa, percutit, duplicem incurrit censuram; quia violat duas leges censuram excommunicationis continentes, & ex variis motibus latas: altera quippe condita est in gratiam Rom. Curia, altera in honorem Ordinis, seu status Ecclesiastici. *ibid. num. 10.*

Censura huius canonis non solum in hac Bulla, verum etiam alibi promulgata inveniuntur.

### Romana Ecclesia Iura, & Bona.

39. Qui per se, seu per alios, directè, vel indirectè sub quocumque titulo, vel colore invadunt, destruunt, occupant, & detinent terras, vel iura temporalia ad Rom. Ecclesiam pertinentia, aut qui usurpant, vel perturbant supremam iurisdictionem, quam Rom. Ecclesia in illis terris habet, in excommunicationem 20. Bullæ Cœnæ incurrunt. *disp. 1. quæst. 21. pag. 137. tom. 3.*

40. Qui habet à Summo Pontifice civitatem in feudum, quæ ab alio iniuste occupatur, aut quæ per rebellionem deficit à fide illius cui in feudum data fuerat, non incurrit excommunicationem illam invadendo, capiendò, & detinendo; quia non agit iniuste, neque præsumitur Summus Pontif. velle iniustitiam alterius iniuste occupantis fovere. *ibid. punct. 2. pag. 140. num. 2. tom. 3.*

41. Qui aliqua Rom. Ecclesiæ bona, seu iura, bona fide, & proprio nomine possedit spatio centum annorum; ab excommunicatione huius canonis excusatur; quia hic non dicitur bona Rom. Ecclesiæ iniuste detinere, cum spatio centum annorum res Ecclesiæ Rom. præscribantur; modo tamen bona, quæ occupantur, capacia sint præscriptionis: sola autem Bullæ promulgatio singulis annis fieri solita non sufficit ad interrompendam præscriptionem, nisi malam fidem, aut dubium possidenti inducat; præscriptio enim bona fide inchoata non interruptitur, nisi mala fides, aut dubium superueniat. Superveniente autem dubio possidens Ecclesiæ bona tenetur adhibere diligentiam, ut cognoscat an illa bona sint Ecclesiæ, an sua; qua adhibita potest illud dubium deponere, nec tenetur bona Ecclesiæ restituere, quia in dubio melior est conditio possidentis. *ibid. numero 2. & 3.*

42. Qui ex privilegio, aut legitima concessione supremam iurisdictionem in terris ad Rom. Ecclesiam pertinentibus exercent, ut Rex Hispaniæ



nix in Sicilia, & Sardinia, Respublica Genuensis in Corsica, non subiiciuntur huic excommunicationi quia legitimè illam iurisdictionem exercent, non autem vsurpant. *ibid. punct. 1. pag. 136. num. 23. & 24. tom. 3.*

43. Qui fauent, adhærent, auxiliantur, consulunt, aut defendunt prædicta facientes eandem censuram incurrunt. Hinc sequitur eum qui equos, arma, milites, comiteum, pecuniam, aut alia præbet huiusmodi inuasoribus, & vsurpatoribus iurium Rom. Ecclesiæ, aut qui illis transitum per suam ditionem concedit, eiusdem excommunicationis vinculo obstringi, si sequatur effectus; cum enim actiones accessoriæ prohibeantur intuitu principalium, excommunicatio non incurritur non sequuta aliqua principali actione. *ibid. pag. 240. num. 26. & 27. tom. 3.*

44. Ciuitates, & loca, quæ in hoc canone inuadi, deuastari, detineri, vel vsurpari prohibentur sunt illa omnia, quæ Rom. Ecclesiæ mediâtè, vel immédiâtè subiiciuntur vt Roma, Sicilia, Sardinia, Corsica, Ducatus Spoletanus, Comitatus Venusinus, Comitatus Sabinensis, Marchia Anconitana, Campania, Bononia, Ferraria, &c. Dicuntur autem loca Rom. Ecclesiæ immédiâtè subiecta, in quibus Summus Pontif. ius dicit per se ipsum, vel per Gubernatores à se missos, vel etiam delegatos ab ipsis Gubernatoribus; Illa verò dicuntur mediâtè subiecta, in quibus Summus Pontif. facultatem ius dicendi in alios transtulit, retento sibi dominio directo, vt sunt loca, quæ in feudum alicui tradita sunt. Igitur qui huiusmodi loca inuadit, aut occupat iniuste, excommunicationi huius canonis est obnoxius. Secus autem qui inuadit, destruit vel occupat iura, aut bona ad Summum Pontif. pertinentia, non quatenus Pontifex est, sed quatenus priuatus; quia hæc bona seu iura non sunt Ecclesiæ Rom. *ibid. punct. 3. pag. 141. num. 2. & seq. tom. 3.*

## ROMIPETA. PEREGRINVS.

### *Romipetarum violatores.*

1. Omnes, & singuli iniuste interficientes, mutilantes, vulnerantes, detinentes, capientes, deprædantes Romipetas, seu peregrinos Romanam petentes deuotionis, vel peregrinationis causa vel in ea morantes, vel ab ea recedentes, vel in his dantes auxilium, consilium vel fauorem, excommunicationem 10. Bullæ Cœnæ incurrunt. *disp. 1. quæst. 11. punct. 2. pag. 50. num. 1. tom. 3.*

2. Hinc sequitur eum, qui offendit ciuem Romanum, sacra Urbis loca visitantem, aut peregrinum ad S. Iacobum Compostellanum, vel ad S. Christi Domini sepulchrum, vel ad ædem Laurentanam proficiscentem, non subiacere huic excommunicationi: quia isti non sunt Romipetæ, seu peregrini ad urbem. *ibid. punct. 3. pag. 51. n. 4. & 6. tom. 3.*

3. Qui Romipetam seu peregrinum ad urbem proficiscentem verberat, seu percutit sine vulnere, & sanguinis effusione, etiâsi ex percussione aliqua



qua confusio, tumor, liuor vel macula in cute appareat, non ligatur hac censura: immò nec qui os brachij, vel femoris perfringit absque scissione carnis, & sanguinis effusione: quia hic propriè non dicitur vulnerare. Porro non quælibet sanguinis effusio sufficit ad excommunicationem incurrendam, sed requiritur ea, quæ constituat peccatum mortale. *ibidem*, punct. 1. pag. 49. num. 3. & 4. tom. 3.

4. Sub censura huius canonis comprehenduntur, qui vias obsident, adiunguntur Romipetas, illisque per vim pecunias, vestes, vel alia eripiunt: Secus autem qui furim pecunias vel alia surripiunt: quia hi furari potiùs quàm deprædari dicuntur. Neque in hanc censuram incidit, qui Romipetam iam ab alio occisum vestibus, vel pecunijs spoliat: Quia mortuo nullam vim infert; vis enim seu violentia, ex Aristotele, est à principio extrinseco, resistente passo. *ibid. pagin. 50. num. 8. & seq. tom. 3.*

5. Qui Clericum Romipetam deuotionis causa ad urbem proficiscentem vulnerat, mutilat, occidit, &c. duplicem censuram incurrit: quia percussio clerici specialiratione verita est sub pœna excommunicationis, in honorem Ordinis, & status Ecclesiastici: vnde fit vt ad obtinendâ absolutionem vtraque circumstantia sit aperienda. *ibid. pag. 52. num. 16. r. 3.*

6. Qui vexat Iudæum, hæreticum, vel excommunicatum accedentem ad Urbem conuersionis, vel deuotionis causa, incidit in hanc censuram: licet enim illi à fidelium communione excludantur, Romam tamen se conferunt vt in Ecclesiæ gremium admittantur, proindeque priuilegio huius canonis gaudet. *ibid. pag. 53. num. 20. tom. 3.*

7. Quamdiu peregrini Romæ morantur deuotionis causa, non possunt sine excommunicatione violari. Qui verò absoluta deuotione decreuit Romæ manere, ibique domicilium figere, vt frequentius loca sacra inuisere, & alia pietatis opera obire possit, non gaudet amplius priuilegio huius canonis: quia definit esse peregrinus, & fit vrbs incola, consequenter qui eum offendit, censuram non incurrit. *ibid. num. 22.*

8. Qui suscepta peregrinatione Romam versus, iamque inchoato itinere domum reuertitur, vt aliquid faciat, vel accipiat quod domi oblitus fuerat, non gaudet priuilegio huius canonis, quamdiu domum reuertitur; consequenter qui eum in reditu vulneraret, in excommunicatione huius canonis non incideret: quia canon loquitur de vexantibus accedentes ad urbem, vel recedentes; hic autem neque accedit ad urbem cum domum redeat, neque recedit ab vrbe, cum ad illam nondum peruenerit. *ibidem*, pag. 54. num. 26. tom. 3.

9. Dantes auxilium, consilium, vel fauorem ad violandos Romipetas, non censentur ligari excommunicatione, nisi sequuta sit mutilatio, vulneratio, &c. quia auxilium fauor, & consilium non per se primò prohibentur; sed in detestationem mutilationis, vulnerationis, & aliarum actionum, quibus vis infertur Romipetis; censura autem non incurritur ob actiones accessione tantum prohibitas, nondum sequuto effectu. *ib. punct. 1. p. 50. m. 15. r. 3.*



10. Ignorantia probabilis iuris, & facti, vel etiam pœnæ, excusat ab hac censura. Quia censuræ feruntur contra contumaces; contumax autem non est qui probabili laborat ignorantia. Hinc sequitur prædones excusari posse ab excommunicatione, dum aliquem adoriuntur, qui nullum peregrinationis signum præse fert. Secus si peregrinus consuetum peregrinorum habitum gestet. Qui verò Romipetam non in odium peregrinationis, sed ob priuatis similitudines offendit, non propterea huius censuræ pœnam euadit. *ibid. punct. 4. pag. 54. num. 1. & seq. tom. 3.*

11. Qui iusta de causa Romipetam vulnerat, mutilat, occidit, &c. non est huic censuræ obnoxius. Ideo si iudex seruato Ordine iuris peregrinum in delicto comprehensum capi, vel suspendi iubeat, aut si quis ad sui defensionem peregrinum cum moderamine inculpatae tutelæ vulneret, vel occidat, non incurrit excommunicationem. *ibid. n. 4.*

## S.

## S A C R A M E N T V M.

*Sacramentum quid.*

1. **S**ACRAMENTVM est signum sacrum, infallibiliter efficiens rem sacram, quam significat, per quam homines sanctificantur. Vnde patet Sacramentum non esse ens rationis; habet enim vim significandi, & efficiendi id quod significat, etiam nemine cogitante. *tom. 1. pag. 1. 2. num. 1. & 2.*

2. Sacramentalia non sunt Sacramenta propriè dicta; neque enim ex opere operato gratiam conferunt. Neque sacrificium, vt sic, est Sacramentum, quia non est institutum ad sanctificandum sacrificantem: fieri tamen potest vt sacrificium materialiter sumptum, sit Sacramentum, vt est nostrum sacrificium incruentum. *pag. 2. n. 3. & 4.*

3. Sacramentum dicitur signum, quia præter externam illam speciem, quam oculis exhibet, deducit nos in alterius rei cognitionem. Est autem signum rememoratiuum Christi patientis: demonstratiuum gratiæ; & prognosticum gloriæ. *ibid. n. 6. & 7.*

4. Sacramenta Deus ineffabili providentia instituit in iis rebus, quæ similitudinem habent cum eo, quod significant, & cum effectu, quem producant. Iam rebus autem sensibilibus Sacramenta sunt instituta, vt homo à sensibilibus, & materialibus ad spiritualia contemplanda traducatur. *ibid. num. 8. & 9.*



## Sacramenta quot sint.

5. Certum est de fide sacramenta nouæ legis septem esse, nec plura, nec pauciora, Baptismum scilicet, Confirmationem, Eucharistiam, Pœnitentiam, Extremam Vñctionem, Ordinem, & Matrimonium. Huius numeri ratio peti potest ex analogia vitæ spiritualis, ad corporalem. Inter Sacramenta, si spectemus ordinem essentialem, & necessitatis, Baptismus primum sibi locum vendicat, proximum Pœnitentia, At si perfectionis Ordinem attendamus, primas occupat Eucharistia. *tom. 1. pag. 2. & 3. num. 1. & seq.*

## Sacramenta veteris Legis.

6. Status innocentiae caruit Sacramentis; quia illis non indigebat. Nam matrimonium tunc institutum, non fuit Sacramentum; sed datum fuit ad humani generis propagationem; dicitur autem ab Apostolo sacramētum, quia fuit mysterium, & figura futuræ Incarnationis. Porro in statu naturæ lapsæ, ante & post Christi aduentum necessaria fuerunt Sacramenta. *pag. 3. num. 2. & seq.*

7. In statu naturæ fuerunt saltem duo Sacramenta. 1. fuit remedium pro paruulis, externa scilicet protestatio fidei facta à parentibus, qua protestabantur omnes saluandos per Christi aduentum. 2. fuit sacrificium pro adultis, quatenus per ipsum remittebantur peccata in virtute Christi venturi. *ibid. num. 7. & 8.*

8. Lex scripta plura habuit Sacramenta, nempe Circumcisionem, Sacrificium, Agnum Paschalem, &c. quæ fuerunt propriè Sacramenta, non tamen conferebant gratiam ex opere operato, neque introducebant ad gloriam. *ibid. num. 9. & seq.*

9. Circumcisio instituta fuit à Deo, & tradita Abrahamo quadringentis annis ante legem scriptam Moyse traditam, & obligabat omnes ab Abrahamo descendentes; reliqui autem, licet non tenerentur, poterant circumcidi. Minister Circumcisionis nullus erat determinatus, immò poterat quis seipsum circumcidere. *tom. 1. pag. 4. n. 1. & seq.*

10. Circumcisio instituta fuit ad delendum peccatum originale, nec videtur improbable contulisse gratiam per modum operis operati; quippe conferebat gratiam vltra meritum, & dispositionem suscipientis, non tantum paruulis, sed etiam adultis, illam cum attritione suscipientibus. Vnde colligitur per circumcisionem non tantum deletum fuisse peccatum originale, sed etiam actuale in adultis. *ibid. num. 4. 5. & seq.*

11. Circumcisio adultis necessaria fuit necessitate præcepti. Paruulis verò nec necessitate præcepti, nec medijs; nam ante octauum diē morientes, cum solo remedio legis naturæ saluabantur. Fiebat cultro ferreo, vel etiam



etiam lapideo. Porro pro sceminis nullum aliud fuit remedium, quam naturæ. *ibid. num. 8. & pag. 5. num. 12.*

*Sacramentorum necessitas.*

12. Sacramenta non sunt absolute, & ex natura rei necessaria ad salutem; virtus enim Dei infinita, non est alligata Sacramentis. At supposita Christi institutione sunt necessaria necessitate medij; illis enim prætermis-  
 siss salus obtineri nequit, & multò magis necessitate præcepti. *1. tom. 1. pag. 5. num. 2. & seq.*

*Sacramentorum materia, & forma.*

13. Omnia nouæ legis Sacramenta constant materia, & forma, seu rebus, & verbis, rebus ut materia, verbis ut forma. Materia autem est duplex, proxima, & remota, v. g. Eucharistiæ materia remota est panis, & vinum, proxima sunt species panis, & vini. *tom. 2. pag. 6. n. 3. & seq.*

14. Ex diuina institutione, materia, & forma Sacramento rum est determinata, quam Ecclesia non potest mutare; aut variare; quia Ecclesia non est supra Christum, qui est caput Ecclesiæ. Mutatio substantialis verborum irritat Sacramentum; non autem accidentalis, ita ut maneat eadem significatio. *pag. 6. & 7. num. 7. & seq.*

15. Quando verba ita interrumpuntur ut vnâ orationem non componant, aut quando ita diuiduntur ut vnum integrum sensum nonificent, inualidum est Sacramentum: quare danda est opera ut verba successiue, & absque interruptione proferantur, nec non ut forma, & materia coniungantur, ut certior sit validitas Sacramenti. *tom. 1. pag. 8. n. 23.*

16. Validum est Sacramentum administratum per verba synonyma, aut etiam æquiuoca, modò minister rectam habeat intentionem significandi, quod per verba formæ significatur, & non inducendi nouum ritum. Non tamen licet noua verba, priuata autoritate confingere. *ibidem, numero 24. & seq.*

17. Qui omittit, vel addit aliquod verbum quod credit esse de essentia, cum tamen non sit, nihilominus validè conficit Sacramentum, modò debitam habeat intentionem; quia illa omis-  
 sio, vel addito est tantum accidentalis. At si debita intentio desit, nihil fit, quamuis adsit debita materia, & forma. Quippe Sacramentum tribus perficitur, materia, forma, & intentione ministri. *ibid. num. 28.*

18. Qui absque necessitate in conficiendis Sacramentis vitur materia, vel forma dubia, grauitèr peccat; quia se exponit periculo faciendi Sacramentum inualidum. At in necessitate, quando non suppetit certa materia, potest dubia adhiberi, præsertim in Sacramento Baptismi. Ille etiam peccat qui vitur forma certa, sed ei aliquid addit, aut detrahit; fa-



cit enim contra ritum Ecclesiæ. *ibid. num. 3. 2. & pag. 9. num. 34.*

19. Quando rationabiliter dubitatur de validitate Sacramenti, potest iterum administrari sub conditione. Secus si ad sit leue dubium, seu levis scrupulus; quia iteratio Sacramenti facta sine legitima causa, videtur quædam irritio Sacramenti. Vnde patet non esse rebaptizandos eos, qui nati, & educati fuerunt inter Christianos, nisi aperte constet non fuisse baptizatos. At infantes abrepti à barbaris, si dubitetur an abducti fuerint ante Baptismum, vel post, sunt sub conditione rebaptizandi. Idem dicendum de infantibus expositis sine vilo signo indice Baptismi. *ibidem, num. 36. & seq.*

20. Materia, & forma, seu res, & verba sunt partes intrinsecæ, & essentielles, Sacramentorum nouæ legis, vt patet ex Christi institutione. At si loquamur de Sacramentis in communi, res, & verba non sunt de essentia sacramentorum; nam olim circumcisio sine verbis ministrabatur. *ibid. num. 1. & 3.*

21. Vbiq; terrarum sufficit eadem forma, & materia in singulis Sacramentis; propterea Baptismus Græcorum vbiq; gentium valet, qui mutatio accidentalís non destruit substantiam Sacramenti: Integra autem forma ab vno eodémq; ministro proferenda est ne sit falsa; præterquam in Sacramento Extremæ Vnctionis, cuius vnctiones sicut possunt à pluribus Sacerdotibus fieri, ita singulæ partiales formæ possunt à multis proferri simul, vel successiue; quia Extrema vnctio confertur per modum orationis. *tom. 1. pag. 10. num. 1. & 2.*

### *Sacramentorum causa efficiens.*

22. Sacramentorum causa principalis auctoritatiue est solus Deus; per potestatem autem excellentiæ Christus; illi enim competit hæc potestas propter excellentiam, quam habet ob vnionem cum diuinitate. Caterum quamuis hanc potestatem instituendi Sacramenta potuerit Christus communicare Ecclesiæ, seu Apostolis, non tamen communicauit, vt homines in solo Deo spem suam collocarent. *ibid. num. 2. & seq. pag. 11.*

23. Minister concurrens tanquam instrumentum ad conficienda Sacramenta in virtute Christi, est solus homo; non tamen quilibet. At ex diuina dispensatione potest Angelus esse minister Sacramenti. Immo ipse Dæmon de potentia Dei absoluta potest in assumpto corpore validè ministrare Sacramentum: si tamen de potentia ordinaria administret, habendum est pro nullo, quia non est credibile Deum velle vti opera demonis ad conficienda, & conferenda Sacramenta. *tom. 1. pag. 11. num. 8. & seq.*

### *Sacramentorum minister qualis esse debeat.*

24. Probitas ministri, regulariter loquendo, non est necessaria ad validam



lidam Sacramentorum administrationem; quia Sacramenta operantur in virtute Dei, non autem ministri. Est tamen necessaria ad licitam Sacramentorum administrationem; grauius enim peccat administrans Sacramenta in peccato mort. quippe ministri Sacramentorum debent conformari illi cuius sunt ministri, nempe Deo, & Christo per sanctitatem. *ib. num. 1. & pag. 12. num. 2.*

25. Exercens functiones Ordinum cum conscientia peccati mort. per se loquendo, non peccat mortaliter, præcisa administratione Sacramentorum facta à ministro, tanquam ad illam deputato, & consecrato; quia, functiones ordinum non sunt immediatè sanctificatrices, cōsequenter qui eas exercet, non tenetur sub mortali esse in gratia. Vnde sequitur nec Episcopum conferentem primam tonsuram, aut conscientem Christum, nec Diaconum canentem Euangelium in choro, nec Parochum assistentem, matrimonio cum conscientia peccati mort. peccare mortaliter. *pag. 12. n. 4. & seq. & pag. 13. num. 10.*

26. Sacerdos in necessitate ministrans Baptismum in peccato mortal. absque solemnitate, non peccat mortaliter; quia non administrat ex officio, & vt minister consecratus. Idem dicendum de laico. Excusatur item à mortali Sacerdos, qui mortali culpæ sibi conscius transfert Eucharistiam ab vno altari ad aliud; hæc enim non est administratio Sacramenti; quanquam opposita sententia videtur probabilior. *ibid. num. 11. & seq.*

27. Non est necessaria fides ad validam Sacramentorum administrationem; quia materia, forma, & intentio ministri adesse possunt etiam si minister non habeat fidem. Infidelis tamen nondum baptizatus non potest Sacramenta validè conficere, & administrare, excepto Baptismo; reliquorum enim Sacramentorum, præter matrimonium, minister est Sacerdos, at character Sacerdotalis baptismum supponit. *pag. 13. num. 1.*

28. Ad licitam Sacramentorum administrationem necessaria est fides, consequenter administrans Sacramenta sine fide, grauius peccat, licet validè administret. *ibid. num. 2.*

29. Ad validè conficiendum Sacramentum requiritur intentio faciendi quod intendit Ecclesia, vel quod Christus instituit; neque sufficit intentio proferendi verba, vel exercendi actionem externam Sacramentorum. Hanc autem intentionem faciendi quod Ecclesia intendit, non necesse est esse actuale, sufficit virtualis; habitualis verò nec sufficit, nec necessaria est. Idem sentiendum de attentione. Hinc collige Sacerdotem illum vere consecrare, qui secum tulit hostiam ad altare cum intentione consecrandi, licet tempore consecrationis non recordetur, nec aduertat. *tom. 1. pag. 14. num. 4. 5. & seq. pag. 15.*

30. Intentio, qua quis suscepit ordines hoc animo vt fieret Sacerdos, & minister Ecclesie, non sufficit ad conficienda validè Sacramenta; quia videtur habitualis. Non tamen requiritur necessariò intentio formalis faciendi quod Christus instituit; sed sufficit intentio confusa faciendi saltem



in genere quod Sacerdos facere consuevit. *tom. 1. pag. 15. n. 12.*

31. Ille non conficit validè Sacramentum, qui praevidens se inebriandum, intendit tempore ebrietatis, aliquos v. g. baptizare; quia durante ebrietate neque adest intentio actualis, neque virtualis, ac proinde hæc actio non est libera, & humana. *ibid. num. 17.*

32. Sacramentum administratum sub conditione de præfenti, vel de præterito validum est, si res ita sit, sicut exprimitur in conditione; quia verificata conditione, Sacramentum operatur. At sub conditione de futuro administratum, nullum est; nam eo tempore, quo implebitur conditio, iam non existet materia, neque forma Sacramenti. *tom. 1. pag. 16. numero 18. & 19.*

33. Minister Sacramenti apponens conditionem non tantum de futuro, sed etiam de præterito, vel de præfenti, absque rationabili causa, peccat: quia exponit se periculo administrandi invalidè Sacramentum, cum non intendat conficere Sacramentum nisi dependenter ab illa conditione quæ fortè non subsistit. At iusta de causa potest Sacramentum ministrari sub conditione de præterito, vel de præfenti: de futuro verò nunquam. *ibid. num. 20.*

#### *Sacramentum effectus.*

34. Omnia nouæ legis Sacramenta conferunt gratiam ex opere operato, idest non propter solam dispositionem suscipientis, sed propter id, quod à Christo institutum est ad conferendam gratiam ultra meritum, & dispositionem suscipientis. Hæc autem gratia semper confertur, nisi ponatur obex, defectu debitæ dispositionis, aut cum peccato mortali, actualiter in ipsa Sacramenti susceptione commissio. *ibid. num. 2. & 5.*

35. Sacramenta nouæ legis non tantum conferunt gratiam iustificantem, verum etiam gratiam virtutum, seu donorum, vt fidei, spei, charitatis, poenitentiae, iustitiae, &c. & præterea gratiam sacramentalem, ordinatam ad consequendum finem, propter quem singula Sacramenta fuerunt instituta. *tom. 1. pag. 17. num. 6.*

36. Sacramentis veteris legis non conferebant propriè gratiam, sed eam conferendam per Christi passionem præfigurabant. Excipienda videtur circumcisio quæ, ex multorum sententia, conferebat gratiam per modum operis operati. *ibid. num. 7.*

37. Aliqua Sacramenta, ex sua institutione, conferunt primam gratiã, vt Baptismus, & Poenitentia. Reliqua verò ex sua institutione non conferunt primam gratiam primariò, & per se; sed tantum per accidens; instituta enim sunt ad augendam gratiam, & supponunt suscipientem constitutum in gratia, & qui ea suscipit cum conscientia peccati mort. crimen, sacrilegij committit. *ibid. num. 2.*

38. Ad recipiendam primam gratiam per Sacramenta, requiritur intel-



intellectu fides; in voluntate attritio; non tamen necessaria est contritio; alioquin suscipiens Sacramentum, iam esset in gratia, consequenter Sacramenta nunquam primam gratiam conferrent. *tom. 1. pag. 18. num. 4.*

39. Suscipientes Sacramenta eiusdem speciei cum æquali dispositione, recipiunt æqualem gratiam, quia à causis naturalibus ad supernaturales debemus, cum proportionem, argumentari. Suscipientes autem Sacramenta eiusdem rationis, cum inæquali dispositione, inæqualem gratiam recipiunt. Hinc sequitur quando duo accedunt ad sacramentum Pœnitentiæ quorum alter est attritus, alter contritus, cōtritum recipere maiorem gratiam, non solum ex vi Sacramenti, verum etiam ex vi dispositionis, id est, contritionis, quæ sufficit ad consequendam gratiam extra Sacramentum, nec debet esse deterioris conditionis ob coniunctionem cum Sacramento. *pag. 18. num. 1. & seq.*

40. Non recipit quis eò maiorem gratiam quò melior est minister conferens Sacramentum; quia gratia non confertur ob meritum ministri, sed ob merita Christi: recipit tamen aliquod auxilium, seu motum, quo se præparet, & disponat ad maiorem gratiam. *ibid. num. 4.*

41. Gratia quæ confertur in Sacramentis non est essentialiter, & specificè diuersa; sed accidentaliter tantum; hæc autem diuersitas accidentalis consistit in diuersis auxiliis, quæ comitantur gratiam habitualement, ut obtineatur finis, ad quem Sacramentum est ordinatum. *t. 1. p. 19. n. 1. & 2.*

42. Sacramenta sunt causæ moralis instrumentalis gratiæ; quia Deus intuitu Sacramentorum representantium merita Christi, producit gratiam: Neque tantum sunt causæ moralis; verum etiam sunt causæ physica verè producens ipsam gratiam immediate, tum quia Sacramentum est signum, non solum representatiuum, sed etiam verè effectiuum; tum quia non implicat Deum vi creaturæ ad effectum supernaturalem producendum, ut patet tum in Christi humanitate, quæ fuit instrumentum physicum efficiendi gratiam, & miracula; tum in voluntate, & intellectu hominis, quæ tametsi sint potentiæ naturales, eleuantur ad eliciendos actus supernaturales fidei, & charitatis. *ibid. num. 2. & 3.*

43. Sacramenta produciunt gratiam per potentiam obedientialem, quæ nihil est aliud, quàm aptitudo quædam in creatura, per quam Deus ea vi potest ad faciendum quidquid non implicat contradictionem. Hæc autem gratia educitur de potentia animæ, à qua pendet in esse, & fieri tanquam, à causâ materiali, quia gratia est accidens, ac proinde esse non potest sine subiecto. *tom. 1. pag. 20. num. 5. & seq.*

44. Sacramenta causant gratiam eo instanti intrinseco, quo materia, & forma habent perfectam significationem, ad quam sunt instituta; nam eo instanti gratiam produciunt; quo eam significant. Idque dicendum est de omnibus Sacramentis, quæ consistunt in usu. At sacramentum Eucharistiæ cum sit permanens, non producit gratiam, nisi in ipsa susceptione. *ibidem, num. 1. & 2.*



45. Qui morti proximus baptizatur, aut sacramentaliter absoluitur, & moritur eo instanti, quo perficitur Sacramentum, non videtur suscepisse Baptismum, aut absolutionem; quia in eo instanti, quo moritur, iam non est homo, sed immediate ante fuit; Sacramentum autem non agit in eum, qui non est homo; alioquin sequeretur hominem, qui toto vitæ suæ tempore fuit in peccato mort. posse iustificari, & constitui in gratia, quando iam non est. *ibid. num. 4.*

46. Certum est de fide tria Sacramenta, videlicet Baptismum, Confirmationem, & Ordinem imprimere characterem in anima. Est autem, character qualitas quædam spiritualis, animæ diuinitus infusa, per quam, homo redditur aptus ad Sacramenta suscipienda, vel administranda, & ad alia diuini cultus opera. Per characterem Baptismi homo disponitur ad suscipienda cætera Sacramenta. Per characterem Confirmationis disponitur ad eliciendos actus fidei. Per characterem Ordinis disponitur ad exercenda, seu obeunda munera cuiusque ordinis propria. Porro in Christo non fuit character, quia per vnionem hypostaticam reddebatur aptus ad opera diuini cultus obeunda. *rom. 1. pag. 21. n. 2. & seq.*

47. Hi tres characteres supra recensiti, inter se specie differunt; quia, ordinantur ad diuerfos actus. Eam autem habent inter se connexionem, vt characteres Confirmationis, Ordinis, characterem Baptismi necessario supponant; quippe Confirmatio, & Ordo non baptizato inualidè conferuntur. Character semel susceptus est indelebilis, nec amittitur per peccatum, degradationem, aut mortem; vnde sequitur Baptismum, Confirmationem, & Ordinem iterari non posse. *ibid. num. 1. & pag. 22. num. 2. & seq.*

*Sacramentorum subiectum capax.*

48. Solus homo in hac mortali vita degens, est subiectum capax Sacramentorum, quia instituta sunt in remedium peccati: posset tamen beatus de potentia Dei absoluta, suscipere Sacramenta. Angelus verò, vt potest spiritualis, non est capax Sacramenti, quod in rebus corporeis, & materialibus consistit. Non tamen omnes homines sunt omnium sacramentorum capaces. *pag. 22. num. 1. & seq.*

49. In adulto suscipiente Sacramenta requiritur debita intentio, saltem habitualis, & dispositio qua suscipiens Sacramentum ita se disponat vt sit capax saltem principalis effectus sacramentorum, nempe gratiæ, sanctæ, enim sanctè tractanda sunt. Addo eum grauius peccare, qui Sacramentum suscipit in peccato, quàm qui administrat; nam ministrans in peccato non tollit efficaciam Sacramenti; qui verò suscipit indignè, quantum est ex se, reddit inanem Sacramenti significationem, nec recipit gratiam, quam Sacramentum significat. *rom. 1. pag. 22. 23. num. 1. & seq.*

50. Qui accedit ad Baptismum, vel Pœnitentiam, non tenetur esse in gratia;



gratia; quia hæc Sacramenta, ex sua institutione, conferunt primam gratiam. Tenetur tamen habere fidem, & elicere actum attritionis, seu detestationis peccatorum. Qui verò accedit ad ea Sacramenta quæ per se instituta sunt ad augendam gratiam, debet esse in gratia. Si quis tamen ea suscipiens, inculpabiliter non aduertat se esse in peccato mort. recipit gratiam, si actum attritionis eliciat; hic enim non ponit obicem gratiæ. pag. 23. num. 11. & seq.

51. Qui accessit ad aliquod Sacramentum sine intentione, sublata illa fictione, & mutata voluntate, non recipit effectum Sacramenti; quia defectu voluntatis, seu intentionis, Sacramentum fuit inualidum, nec per subsequentem validari potest. Excipe matrimonium, de quo suo loco. Qui verò suscipit Sacramentum sine attritione, inculpabiliter omitta, sublata fictione, id est, posita attritione, consequitur effectum Sacramenti, modo post eius susceptionem non fuerit commissum nouum peccatum mort. tunc enim requiritur contritio, aut confessio. tom. 1. pag. 23. 24. numero 2. & 3.

52. Obic. quod non est, non potest producere effectum; sed quando suppletur dispositio, quæ fuerat prætermissa in susceptione sacramenti, & recedit fictio, iam non est sacramentum, sed præcessit, ergo tunc non potest producere suum effectum. Resp. non esse absurdum dicere effectum produci à causa non existente; nam de ratione effectus non est ut coexistat suæ causæ, sed tantum ut ab ea dependeat; potest autem dependere, etiam si simul non existat. tom. 1. pag. 24. num. 3.

53. Ex dictis colligitur illum, qui bona fide suscepit Baptismum, aut Pœnitentiæ Sacramentum, sine dolore requisito, aut Eucharistiam in peccato mort. putans se esse in gratia, posita attritione recipere fructum illorum Sacramentorum, illis respondentem. *ibid.*

54. Peccatori publico indigne petenti, siue petat publicè, siue occultè, non sunt administranda sacramenta: Idem dicendum de eo, qui grauitè suspectus est de graui crimine, ita ut suspicio moralem certitudinem inducat; quia sacramenta sunt fideliter administranda. Peccatori autem occulto occultè petenti sunt deneganda sacramenta, publicè petenti minimè; sic Christus Iudæ sui Corporis Sacramentum porrexit; alioquin graue onus imponeretur ministro, si occultam suscipientis indignitatem probare cogeretur. Quare peccator occultus publicè petens, non est à sacramentis arcendus, quando id fieri nequit sine scandalo, & infamia. tom. 1. pag. 25. num. 2. & seq.

55. Potest sacerdos ob metum mortis, vel grauis infamiæ, administrare Sacramentum publico peccatori; in hoc enim casu non tam cooperatur peccato, quam illud permittit ex iusta causa, exercendo actionem ex se bonam. Non tamen potest peccatori occulto publicè petenti, præbere hostiam non consecratam ut vitet sacrilegium; dat enim, quantum est ex se, occasionem idolatriæ. tom. 1. pag. 26. num. 14. & 15.



56. Vrgente necessitate, vel ob rationabilem vtilitatem, licet petere, & suscipere Sacramenta à quolibet sacerdote iurisdictionem habente, quem scimus ministraturum in peccato, siue paratus sit ad illa ministranda, siue non. Vtitur enim iure suo qui petit rem quæ sanctè, & religiosè præstari potest. At extra necessitatem, aut rationabilem vtilitatem, non licet: quia quisque tenetur, ex charitate, impedire ruinam, & peccatum proximi nisi necessitas, vel rationabilis causa, aliud suadeat, *ibidem*, num. 1. & 2.

57. Susceptor Sacramenta ab aliquo Sacerdote, non tenetur inquirere, an sacerdos sit probus; quia non est temerè iudicandum de proximo; modò tamen moraliter non constet illum indignè ministraturum, vt si certus sit de eius concubinato; tunc enim præcisa necessitate, non potest ab eo petere Sacramenta; nam cuique mandatum est de proximo suo. *tom. 1. pag. 27. num. 5. & 6.*

## Sacrilégium.

1. **S**acrilégium est violatio rei sacræ vt sacerdotis, templi, calicis, &c. Tria autem sunt rerum genera quarum violatione committitur sacrilégium, nempe persona; locus, & alia Deo dicata. *Persona sacræ* sunt Clerici, Religiosi, Moniales, quæ violantur percussione, fornicatione, vectigalium exactione, ad secularia tribunalia pertrahitione, &c. *Res autem sacræ* sunt vasa, vestes, & alia ad sacram suppellectilem pertinentia, item verba sacræ, imagines sacræ, Sacramenta, &c. Denique *loca sacræ* dicuntur templa auctoritate Episcopi consecrata, monasteria, hospitalia, &c. *tom. 2. pag. 187. num. 1. & seq.*

2. Committitur sacrilégium, dum Ecclesiæ seu loca sacræ in profanos vsus conuertuntur, vt si arx seu munitio in Ecclesia constituitur absque necessitate, & facultate; si in ea negotiatio, seu mercatus exerceatur; si causæ ciuiles in ea, aut in cœmeterio agantur; si reus in loco sacro capiatur, aut examinetur à iudice seculari, aut inde extrahatur, exceptis casibus in iure permissis; aut si furtum in Ecclesia committatur, siue res sit sacræ, siue non. *tom. 2. pag. 188. num. 14. & seq.*

3. Probabile est profana colloquia habere peculiarem sacrilégij malitiam, grauem, aut leuem pro rei grauitate, si in Ecclesia habeantur: hæc enim prohibentur in cap. *decer. de immunit.* intuitu religionis; consequenter si quis otiosè loquatur in templo, venialiter peccat non solum ratione verbi, sed etiam ratione loci, cui aliqua irrogatur irreuerentia: qui verò grauius detrahit de fama aliena, aut contumelias graues in alium profert, grauius peccat, non modò peccato detractionis & contumelias, sed etiam sacrilégij. Contraria tamen sententia est etiam probabilis. *tom. 2. pag. 190. num. 24.*



4. Sacrilegium est peccatum mortale ex suo genere: quia Deo & rebus sacris grauem irrogat iniuriam. Ratione tamen inaduerentia, vel paruitatis materia fieri potest veniale, vt si quis clericum leuiter percutiat, vel rem leuis momenti in Ecclesia furetur; &c. *ibid. num. 25.*

## Scandalum.

1. **S**candalum aliud est *actiuum*, aliud *passiuum*. *Actiuum* est dictum, vel factum inordinatum dans proximo sufficientem occasionem, ruinam: alio etiam nomine dicitur *scandalum datum*. *Passiuum*, est peccatum quod committitur ex sola malitia peccantis, arrepta occasione peccandi ab aliquo nostro facto, quod ex se non potest dare occasionem peccandi. & dicitur *scandalum acceptum*. *tom. 2. pag. 113. num. 1. & seq.*

2. Qui alium inducit ad peccatum, intendens ipsius damnum spirituale, duplici peccato peccat 1. peccato speciali scandali. 2. eo ipso peccato, quod ab altero committitur; quare qui alium inducit ad furtum, ipse reus est furti, atque hæc duo peccata sunt in confessione explicanda. Qui verò alium ad peccatum inducit, seu illius peccato cooperatur, non intendens ipsius ruinam, nec cum ipso peccatum consummans, reus est illius peccati, quod alter committit: quia est causa illius. *ibid. num. 8. & pag. 114. num. 12.*

3. Qui alium ad peccandum inducit, simulque cum ipso peccatum consummat, videtur duorum peccatorum reus, etiam si proximi ruinam spirituales non intendat: est enim proprii, & alieni peccati reus; peccatum, quippe alienum imputatur inducenti. *tom. 2. pag. 114. num. 15.*

4. In his casibus censetur quis cooperari peccato alterius, seu alterum inducere ad peccatum. 1. quando facit aliquid quod de se allicit, & inducit ad peccatum. 2. quando facit aliquid ex se indifferens ea intentione vt alter peccet, vt si quis arma vendat ea intentione vt emptor alium occidat. 3. quando absque iusta, & sufficienti causa facit opus indifferens, quo alios credit ad peccatum abusu. *ibid. num. 17.*

5. Qui petit aliquid illicitum ab eo, qui paratus erat ad illud faciendum, peccat: quia non licet alteri quamuis parato dare occasionem exequendi prauam voluntatem; vnicuique enim mandatum est de proximo. *tom. 2. pag. 115. num. 21.*

6. Maritus non potest cum vxore pacisci vt amasio ipsam ad adulterium sollicitanti, fictæ consensum præbeat, vt amasio deprehendatur, & percutiatur: hæc enim actio est intrinsecè mala, & censetur inductio, seu cooperatio ad peccatum amasio. *tom. 2. pag. 116. num. 34.*

7. Non peccat mortaliter qui facit opus indifferens quo alter iam paratus ad peccatum abuteretur; sed opus illud indifferens alter faceret, si ipse non faceret, vt si Titius parat cibos Caio iam parato ad frangendum, ieiunium, quos alter porrigeret si Titius denegaret: quia hæc videtur leuis

coope-



cooperatio, neque sufficiens ad peccatum mort. *ibid. num. 35.*

8. Qui suo exemplo, seu facto alios induxit ad peccatum, neque habuit sufficientem causam, & rationem faciendi illud opus, ex quo alij peccandi animum arripuerunt, tenetur in confessione dicere se aliis ruinam causam dedisse. Quare publicè peccantes videntur obligandi ad circumstantiam scandalum in confessione aperiendam, ob periculum ruinæ proximi. Immo exprimendus est, quantum fieri potest, numerus personarum, quibus data est occasio ruinæ. Qui tamen facit opus aliquod malum coram aliis, quos probabiliter credit, ob morum probitatem, non peccaturos occasione prauisui operis, non peccat mort. peccato specialis, aut generali scandalum, consequenter non tenetur hanc circumstantiam in confessione aperire. Idem dicendum de eo, qui peccatum committit coram iis, qui iam incitati, & parati sunt ad peccandum. *ibid. num. 41.*

9. Qui suo consilio, vel exemplo alium induxit ad peccandum, tenetur in confessione speciem peccati exprimere: peccatum quippe inductionis est eiusdem speciei cum peccato quod inductus committit. *ibid. num. 44.*

### Scrupulus.

1. **S**crupulus est quædam suspicio orta ex leuibus indicis, consequenter ille dicitur *scrupulosus* qui solet dubitare ex leuibus indicis, seu motiuius. Nascentur autem scrupuli ex variis causis, ex melancholia, ignorantia, demonis suggestionem, nimia maceratione, vigilia, ieiunio, &c. quæ cerebrum exsiccant, ex frequenti conuersatione cum scrupulosis, &c. *tom. 2. pag. 127. num. 1. & 2.*

2. Non desunt remedia quibus scrupuli curari possint. 1. vt quando oriuntur ex causa naturali, tollatur causa. 2. vt ad Deum cum humilitate, & fiducia recurratur. 3. vt dubia scrupulosi explicantur in mitiorem partem. 4. vt confessarius consulat pœnitenti ne confiteatur peccata quæ dubitat an sint mortalia, neve permittat ipsum in confessione repetere quæ dubitat an in aliis confessionibus fuerint omissa. 5. vt confessarius præcipiat scrupuloso ne credat se mortaliter peccasse, aut consensisse, nisi hoc ipsi certò constet. 6. vt scrupulosus stet iudicio confessarii. 7. vt sæpe faciat contra scrupulos. 8. vt ad scrupulos non attendat. *ibid. num. 3. & pag. 128. num. 3. & 4.*

3. Non peccat qui aliquid facit deposito scrupulo, aut etiam ipso permanente: quia non facit contra conscientiam; nam conscientia non dicit illud esse illicitum, sed scit esse licitum cum aliqua apparentia oppositi, vt patet ex natura scrupuli qui consistit in apparentia contra prius iudicium, id est, contra id quod scitur, vel firmiter creditur. Quare qui sibi probabiliter persuadet aliquid esse licitum, potest tuta conscientia illud facere, etiam si occurrant apparentiæ, seu argumenta, quæ nequeat ipse dissoluere, nisi fortè sint eiusmodi vt tollant prius iudicium, seu assensum tunc enim

non



non dicitur scrupulus, sed dubium, quod est practicè deponendum. *ibid.* num. 5. & 6.

## Schisma. Schismaticus.

1. Schisma est voluntaria, & pertinax subtractio, & separatio ab obedientia vniuersalis Ecclesiæ, vel Summi Pontif. qui principem in Ecclesia locum tenet, quando constat illum fuisse canonicè electum: nam, qui se subtrahit ab obedientia illius, quem probabiliter putat non esse legitimum Papam, non est censendus Schismaticus; quia non recedit ab obedientia Summi Pontif. sed huius personæ quam putat ad Sedem Pontificiam non fuisse legitime electam. *disp. 1. quæst. 2. punct. 5. pag. 13. tom. 3.*

1. Schisma est peccatum mortale grauissimum ex suo genere, tum quia aduersatur charitati, cuius proximum est vnire & conciliare, tum quia grauissimis poenis punitur, vt patebit infra; neque vnquam fieri potest peccatum veniale ex paruitate materiæ. Quamuis autem hæresis esse nequeat sine schismate, fieri tamen potest, vt quis detrectet obedientiam Summi Pontif. etiamsi credat illum esse verum Christi Vicarium. *ibidem* num. 4. pag. 14.

## Schismaticorum Pœna.

3. Schismaticus priuatur Ecclesiastica potestate, non quidem ordinis, quia fundatur in charactere qui est indelebilis, sed iurisdictionis: cum enim voluntariè se retrahat ab Ecclesia, & ipsius capite, non est æquum vt fruatur potestate iurisdictionis, quæ confertur ab Ecclesia; vnde sequitur inuolidam esse absolutionem collatam à Schismatico, saltem nominatim denunciato. *ibid.* num. 8. pag. 14. tom. 3.

4. Schismaticus incurrit excommunicationem 1. Bullæ Cœnæ ipso facto si se ipsa se subtrahat ab obedientia Papæ; non autem si solo animo intendat se subtrahere; nam ad incurrendam excommunicationem non sufficit actus internus; sufficit autem actus externus, etiamsi non adsit intentio se subtrahendi. Vnde patet discrimen inter excommunicationem ob hæresim, & excommunicationem ob schisma; nam illa non contrahitur nisi adsit error in mente; hæc verò contrahitur ob solum opus externum. *ibid.* num. 10. pag. 14. tom. 3.

5. Hanc censuram non incurrunt fautores, receptatores, aut defensores schismaticorum: nam verba legis pœnalis non sunt ultra propriam verborum significationem extendenda; in Bulla autem Cœnæ excommunicantur tantum fautores hereticorum: ligantur tamen excommunicatione contenta in constitutione Pauli IV. sed ea non est reseruata. *ibid.* pag. 15. t. 3.

6. Schismaticus est inhabilis ad beneficia in futurum consequenda, quæ inhabilitas tolli potest ab Episcopo, quamdiu delictum est occultum. Non tamen



tamen priuatur ipso facto beneficiis, quæ ante schisma possidebat, nisi schisma habeat hæresim annexam. *ibid. num. 11. 12. pag. 15. tom. 3.*

7. Qui ordines suscipit à Schismatico, incurrit suspensionem ab usu illorum ordinum: qui autem accipit beneficium à Schismatico, vel dignitatem Ecclesiasticam, priuandus est illo beneficio seu dignitate, si Schismaticus est denunciatus. *ibid. pag. 15. num. 14. tom. 3.*

Vi. J. T. b.

Secretum.

*De peccato sigilli confessionis.*  
1. Qui reuelat secretum in graue damnum alterius, peccat mort. præsertim si commissum ei fuit secretum sub sigillo: fidem enim violat, quæ iure naturæ seruanda est. Aperienstamen secretum vni vel duobus, qui illud celabunt, non videtur peccare mort. vt si vir secretum detegat vxori, amicus amico; modò id, quod detegitur, non sit aliquod peccatum vergens in infamiam, aut modò non detegatur illi, cui is qui secretum commisit non vult manifestari. *tom. 2. pag. 424. n. 1. & 2.*

2. Reuelans secretum, cum leui alterius iniuria, & detrimento, non peccat mortaliter, etiam si promiserit se celaturum secretum, sub sigillo sibi commissum. Excipe secretum confessionis quod, etiam in re leui, absque grauißimo peccato mort. violari non potest. *ibid.*

3. Qui reuelat secretum in materia graui, cum alterius detrimento, absque iusta causa, tenetur ad restitutionem; est enim causa iniusta damni prouenientis ex sigillo secreti violato. *ibid. num. 4.*

4. Aperiens & legens litteras sigillo munitas, aut quæ in secreto loco seruabantur, peccat mortaliter, si prouideat inde graue aliquod damnum, oriturum, aut si is cuius sunt litteræ, valdè cupiat eæ regi silentio, quæ litteris continentur. Qui verò legit sine periculo grauis iniuriæ, aut damni, sed ob curiositatem, non peccat mort. nulli enim grauem irrogat iniuriam. *ibidem num. 5.*

5. Qui vi tormentorum, & metu mortis compulsus, secretum alterius reuelat, non peccat, modò inde non oriatur graue damnum publicum: qui libet enim tenetur potius mortem subire. Quare milites, etiam cum vitæ periculo, tenentur silentio premere secretum, cuius reuelatio vergeret in graue detrimentum exercitus, vel ducis. Præterea publico fungentes officio tenentur ea reticere, quæ in confistorio geruntur, grauis momenti, spectantia ad bonum commune. *ibid. num. 8.*

6. Secretum nobis commissum sub sigillo, & iuramento, detegendum est, quando vergit in damnum communitatis, vel innocentis, etiam si committens secretum, dicat se illud manifestare in confessione, aut sub sigillo confessionis; cum tamen non haberet animum confitendi, & suscipiendi sacramentum pœnitentiæ. Si verò secretum non vergat in damnum alicuius, nulli est reuelandum, ne superiori quidem; quia iure naturæ secretum celandum est. *tom. 2. pag. 425. n. 9.*



7. Is cui commissum est secretum, potest iudici interroganti respondere, etiam cum iuramento, se nihil scire, addita restrictione mentali, ut illi aperiat, vel utendo equiuocatione; habet enim iustam causam tergiuerfandi, cum iudex eum cogere non possit ad ius naturę violandum. *ib. n. 10.*

8. Sacerdos potest absque periculo irregularitatis, denunciare homicidia, prodiciones, & alia delicta extra confessionem sibi nota, premiffa protestatione, qua ostendat se vindictam sanguinis non intendere: nam ratio naturalis dicitur innocentem preferendum esse nocenti. *ibidem, num. 11.*

Sepultura.

1. **O**Mnes catholici in loco sacro sepeliendi sunt, nisi iusta de causa prohibeantur. Immo ipsi etiam cathecumeni, licet baptismum, actu non susceperint; mortui enim sunt cum voto Baptismi. *tom. 2. pag. 677. num. 1.*

2. Priuandi sunt Ecclesiastica sepultura i. heretici, apostatę excommunicati, interdicti, vsurarij manifesti, in duello mortui. 2. qui sibi ipsis mortem intulerunt laqueo, ferro, veneno, &c. in dubio tamen an quis se ipsum occiderit, sepeliendus est in loco sacro, ultimo supplicio affecti in penam scelerum, nisi pœnitentię signa dederint. 4. publicę meretrices, quę se ad meliorem frugem non receperunt. *ibid. num. 2.*

3. Quisque, regulariter loquendo, in sua Parochiali Ecclesia sepeliendus est, nisi sepulturam alibi elegerit, aut nisi locorum consuetudo aliud ferat. Peregrinus extra patriam moriens, in sepulchrum maiorum est transferendus, si commodè potest, alioquin in Ecclesia cathedrali, vel parochiali, in qua decessit, est sepeliendus; presertim si in ea parocchia, Sacramenta suscepit. *tom. 2. pag. 678. num. 6.*

4. Ad probandam sepulture electionem in foro externo duo requiruntur testes, cum agatur de præiudicio Ecclesię parochialis; neque sufficit propositum eligendi, nisi probetur ipsa electio actualis. *tom. 2. pag. 679. n. 10.*

5. Corpora defunctorum, sine licentia superioris, & iusta causa, non possunt ex vna Ecclesia in aliam transferri, nisi ibi posita fuerint titulo depositi, aut nisi prior Ecclesia diruta fuerit, & noua alibi extructa. *ibidem, num. 14.*

6. Episcopus, seu iudex ordinarius, potest absque metu irregularitatis dare iudici seculari facultatem exhumandi cadaver defuncti, ut inde capiuntur informationes; quia iste actus est causa mortis delinquentis; non incurritur autem irregularitas defectu lenitatis nisi ob actum proximum, & influentem in mortem. *tom. 2. pag. 680. n. 15.*

7. Locus iam deputatus ad sepulturam, vendi nequit præcisa consuetudine in contrarium; quia, ut sic, censetur locus sacer. An verò committatur simonia in venditione sepulture, vide *tu. Simonia. ibid. n. 1. & 2.*

8. Pro



8. Pro ipso actu, seu functione sepeliendi, nihil accipi potest nisi liberaliter detur, aut honesta consuetudo sic ferat: hæc enim actio cum sit spiritalis, est materia simoniæ: legitima tamen consuetudine induci potuit ut aliquid detur, & exigatur, non tanquam pretium rei spiritualis, sed pro labore extrinseco, vel titulo sustentationis. *ibid. num. 4.*

9. Laicus, qui vult cum habitu alicuius religionis sepeliri, potest defunctus illo indui, & sic efferri, etiamsi sepulturam in Ecclesia illius Ordinis non elegerit; ille tamen habitus obtinendus est à superiore illius Ordinis, cuius habitu indui cupit; sic enim Leo X. & Sixtus IV. decreuerunt. *ibid. num. 1.*

10. Nonnullis in locis in quibus catholici Lutheranis, aut Calvinistis permixti viuunt, vsu receptum est, ut Catholici, funus sui cognati, aut amici prosequantur; hoc enim est opus misericordiæ, quod necessitudinis, & amicitie causa impenditur, ad communicationem politicam inter ciues fouendam. *ibid.*

### Sumptus funeris.

11. Impensæ funeris faciendæ sunt ab hæredibus ex bonis defuncti, ante solutionem legatorum, & cuiuscumque alterius debiti, etiam restitutionis dotis; nam funus præfertur quibusvis creditoribus, etiam habentibus hypothecam. *tom. 2. pag. 682. num. 2. & 3.*

12. Impensæ quæ sunt causa sepulturæ, ad solatium, & salutem defuncti, cedunt Ecclesiæ parochiali, seu parochio loci, iuxta consuetudinem. Impensæ verò factæ ad pompam, & solatium viuorum, pertinent ad hæredes defuncti, nisi explicitè tradantur Ecclesiæ. *ibid. num. 6.*

### Contra sepelientes Hæreticos excommunicatio.

13. In cap. *quicumque hæreticos, de hæret. in 6.* extat excommunicatio contra sepelientes hæreticos, vel eorum receptatores, ac fautores, à qua non sint absoluedi, donec propriis manibus illos publicè extumulent, & proiciant illorum corpora, & locus ille perpetuò careat sepultura. *disp. 2. quæst. 2. tom. 3. punct. 30. pag. 177.* Hoc intelligendum est de hæreticis denunciatis. *num. 4.*

14. Sepultura Ecclesiastica, quæ hic prohibetur, est sepultura in loco sacro, in quo reliqui fideles sepeliri solent. Nam qui in loco profano hæreticum sepelit, hanc excommunicationem non incurrit, etiamsi fortè inter sepeliendum aliquas orationes recitet, vel adhibeat caeremonias Ecclesiasticas; hæc enim non dicitur Ecclesiastica sepultura. *ibid. num. 3.*

15. Ille dicitur sepelire, qui propriis manibus tumulat, quia Summus Pontif. prohibet sepelientem absolui, donec propriis manibus extumulet; igitur signum est ipsum velle eos, solum huic censuræ subicere, qui propriis



prius anibus hereticum, vel eius fauorem Ecclesiasticę tradiderint sepul-  
tura. *ibid. pag. 178. tom. 3. num. 6.*

16. Absolutio ab hac excommunicatione iure communi potest à quo-  
libet confessorio approbato impendi, postquam is qui sepeliunt publicę,  
propriis manibus publicę extumulauit, & proiecit cadauera. At si hære-  
ticus secretò & remotis arbitris fuit sepultus, sufficit secreta extumulatio.  
*ibid. num. 7.*

17. Non tota Ecclesia, seu totus locus, in quo sepultus fuit hereticus, ca-  
rere debet sepultura, sed ea tantum pars, quę fuit hac sepultura contami-  
nata, ita ut amplius expiari aut reconciliari non possit. *ibid. num. 8.*

*Contra sepelientes tempore interdicti.*

17. In Clementina 1. de sepultura, excommunicantur ij, qui tempore  
interdicti sepeliunt mortuos in loco sacro in casibus à iure non concessis,  
aut qui etiam extra interdictum sepeliunt publicę excommunicatos, aut  
nominatim interdictos, vel vsurarios manifestos. *disp. 2. quęst. 2. punct. 31.*  
*pag. 178.* Habentes autem priuilegium audiendi diuina, aut celebrandi tem-  
pore interdicti, possunt in loco sacro sepeliri. *ibid. n. 3.*

19. Si quis interdictus, seu suspensus sit solum à iurisdictione, vel ab  
aliquo spirituali exercitio, non autem à diuinis, non videtur illicitum cum  
eo in diuinis participare, consequenter in loco sacro sepeliri potest. *ibid.*  
*num. 5.*

20. Hęc excommunicatio non incurritur à sepeliente vsurarium pu-  
blicum, qui nondum denunciatus est vsurarius; quia quandiu non est de-  
nunciatus, sententia contra ipsum non est specialiter lata. *ibid. num. 7.*

21. Probabiliter valde sustineri potest comitantes funus excommuni-  
cati &c. aut terram fodientes, aut mandantes sepeliri, sub hac censura non  
comprehendi, sed eos tantum, qui propriis manibus sepeliunt. *ibidem pag.*  
*176. n. 10. tom. 3.*

21. Absolutio ab hac censura obtineri non potest donec arbitrio Epi-  
scopi satisfactum fuerit iis, quibus per illam sepulturam facta fuit iniuria.  
Post satisfactionem autem quilibet approbatus potest absolvere; quia ab-  
solutio in hoc casu non reservatur. *ibid. num. 11.*

*Sepultura exenterati.*

23. Apud nonnullos olim consuetudo obtinuerat vt cadauera exente-  
rentur, membratim conciderentur, coquerentur, & ossa carnibus nuda,  
aliò sepelienda transferrentur. Ad hanc immanitatem tollendam Boni-  
facius VIII. excommunicationem tulit in Extrauag. de sepultura, con-  
tra exercentes hanc lanienam. *disp. 2. quęst. 3. punct. 45. tom. 3. pag. 257.*

24. Pręterea ipsum cadauer sic exenteratum punitur poena priuationis  
Eccle-



Ecclesiastica sepultura; tum in detestationem huius carnificinæ, tum quia præsumitur defunctus fuisse huius criminis confcius; cum enim huius consuetudinis gnarus elegerit sepulturam in remotis locis, censetur occasionem, vel consensum delicto præbuisse. *ibid.* 258. num. 7. tom. 3. fideles tamen non peccant tradentes hoc cadaver sepulturæ ante condemnationem à iudice latam. *num.* 8.

25. Ad incurrendam hanc excommunicationem opus est vt fidelis cuius cadaver exenteratur, diem extremum clauferit in terris Catholicorum; nam si in terris infidelium, seu hæreticorum moriatur, non videtur sub excommunicatione prohibitum illius cadaver exenterare vt aliò transferatur, & inter fideles Ecclesiasticam habeat sepulturam; satius enim est id fieri, quàm corpus hominis Christiani iacere inter infideles, & carere Ecclesiastica sepultura. *ibid.* num. 3.

### *S. Sepulchrum Domini.*

1. **I**N libro pœnitentiali Summi Pœnitentiarij refertur excommunicatio contra accedentes ad sepulchrum Domini, quod est Hierosolymis, deuotionis causa absque licentia Papæ. *disp.* 2. *quest.* 3. *pag.* 252. num. 1. tom. 3.

2. Qui accedit ad sepulchrum Domini alia de causa, quàm deuotionis, v. g. causa mercaturæ, aut alterius negotij, huic censura non subicitur, etiam si accedat absque Summi Pontificis facultate; quia verba legis penalis vltra propriam significationem non sunt extendenda. Neque excommunicationem incurrerit; etiam si, postquam eò peruenierit, visitet ex occasione S. Sepulchrum; quia non venit Hierosolymas deuotionis causa. *ibid.* num. 4.

3. Qui vouit peregrinationem ad S. Domini Sepulchrum, tenetur votum adimplere, petita prius à Summo Pontifice licentia; quia qui tenetur ad finem, tenetur etiam ad media conducentia ad finem. Sin vouens intendebat, dum vouit, eò accedere absque licentia Papæ, non tenetur votum adimplere, quia hoc votum est de re illicita: Si verò non cogitabat de licentia, censetur voluisse sub tacita conditione, si Papæ placuerit. *ibidem.* num. 5.

4. Hæc excommunicatio est Papæ reseruata, vel Summo Pœnitentiariorum. *ibid.*

### *Sequestratio.*

1. **I**N Clementina vnica, de sequestratione possessionum, & fructuum, decernitur vt lata apud Sedem Apostol. vna sententia definitiva in petitorio, vel possessorio contra possessorem beneficij, qui illud triennio pacificè non possedit, fructus beneficij apud idoneam personam sequestrantur.



strentur ut finita lite tradantur ei, qui causam vicerit. Qui verò presumpserit huiusmodi sequestrationem impedire, aut fructus sequestratos occupare, anathemate feriatur. *disp. 2. quæst. 2. punct. 2. pag. 17. tom. 3.*

2. Absolutio huius excommunicationis ante sublatum impedimentum sequestrationis, & præstitam satisfactionem est Summo Pontifici reservata: quia Summus Pontif. prohibet absolutionem conferri nisi impedimento amoto, & occupatis fructibus restitutis. *ibid. num. 4.*

3. Quæres cui facienda sit restitutio fructuum ab eo, qui eos sequestrationis tempore usurpavit. *Resp.* ante finitam litem facienda est illi, apud quem sequestratio facta est; finita verò lite facienda est beneficiario, cuius fructuum sequestratorum competit. *ibid. num. 5.*

# S I M O N I A.

*Quid, & quoruplex sit Simonia.*

1. **S**imonia nomen ductum est à Simone illo Mago qui *Actor. 8.* Deidonium, seu Spiritum sanctum emere volebat, ut illum venderet. Est autem *Simonia* sacrilegium consistens in studiosa voluntate emendi, aut vendendi, seu commutandi rem sacram, seu spiritualem, vel spirituali adnexam, pro temporali. *tom. 1. pag. 663. num. 1. & 2.*

2. Simonia committitur ab Episcopo qui suo debitori beneficium confert cum pacto, ut debitum sibi solvat. Quia in beneficiis omnis pactio est simoniaca, saltem ex iure canonico. Item simoniam committit qui beneficium confert filio iudicis, vel eum præsentat ad beneficium cum pacto ut absolvat reum, vel rigorem iustæ sententiæ, seu pœnæ mitiget. imponit enim onus iudici pretio estimabile. Secus, si beneficium conferat sine pacto, animo conciliandi sibi benevolentiam iudicis. *t. 1. pag. 665. n. 10. & 11.*

3. Pretium quod pro re spirituali tradi solet, & cuius traditione committitur simonia, triplex est; *a manu, a lingua, & ab obsequio.* Ad hæc autem tria reuocantur alia omnia, quæ in pretium pro re spirituali tradi possunt. *ibid. num. 1.*

4. Per *munus a manu* intelliguntur quælibet bona externa, pretio estimabilia, siue mobilia, siue immobilia, siue corporalia, siue incorporalia. Hinc patet ab eo simoniam committi qui beneficium, vel rem spiritualem alicui confert ob rem pretio estimabilem, ut ob pecuniam, remissionem debiti, promissionem pensionis, mutationem pecuniæ, dilationem solutionis, &c. hæc enim omnia, pretio estimari possunt. *ibid. n. 3. & 4. & pagin. 666. num. 5. & seq.*

5. Per *munus ab obsequio*, intelligitur opus hominis conducens ad utilitatem, seu commodum hominis. Est autem illud obsequium duplex, temporale, & spirituale; *obsequium spirituale*, in se spectatum, non est pretio estimabile. Quare simonia committitur tradendo beneficium, vel aliud



spirituale, cum pacto, seu onere præstandi aliquod obsequium temporale: hoc enim est pretio æstimabile, nisi obsequium temporale quod exigitur, sit annexum beneficio, seu rei spirituali, quæ cum tali onere traditur. Item committitur simonia, cum beneficium confertur, vel impetratur alicui propter obsequia antea præstita, in compensationem ipsorum. Secus si tradatur titulo gratitudinis, absque prævio pacto, tacito, vel expresso. Sic excusantur aulici, & famuli Cardinalium, vel Episcoporum, a quibus obtinent postea beneficia vel pensiones; modo tamen aliquid accipiant nomine stipendij: nam si nihil acciperent, non possent absque labe simoniæ, beneficium vel pensionem, sibi à Cardinali, seu Episcopo procuratum, accipere; quia non videretur hoc gratis conferri; sed potius in compensationem debitæ mercedis, seu stipendij. *rom. 1. pag. 66. num. 8. & seq.*

6. Per munus à lingua, intelliguntur preces, seu intercessionem, quæ lingua exerceri solent in fauorem illius, qui rem spiritualem confert, ex pacto expressæ, vel tacite inito. Ut si quis det beneficium Titio ut oret Principem pro fe, vel ut ipsum laudet apud Principem, committitur simonia. Secus si nullum pactum præcessit. Item simonia committitur ab eo, qui pecuniâ inducit familiarem, vel amicum Episcopi ad petendum pro se, vel pro alio beneficium: hic enim pecunia sibi viam munit ad beneficium, licet Prælati non conferat beneficium pro pecuniâ; quare Prælati ratione bonæ fidei, excusatur à simonia; at mediator qui pecuniam accipit, & orator qui eam tradit, simoniam committunt; nisi orator det pecuniam familiari Episcopi, ut eum certiore faciat de meritis postulantis: hoc enim est obsequium temporale, pretio æstimabile. *rom. 1. pagin. 667. num. 13. & seq.*

7. Si res temporalis detur ante collationem beneficii, vel alterius rei spiritualis, non vacat suspicione simoniæ, etiam si dicatur dari merè gratis: videtur enim dari ut res spiritualis conferatur, & ut collator inducatur ad conferendum beneficium. Sin detur post collatum beneficium; facilius præsumitur donatio gratuita, præsertim si aliqua mora intercessit: solet quippe post factum tradi temporale titulo gratitudinis. *rom. 1. pag. 669. num. 2.*

8. Simonia est triplex, *mentalis, conuentionalis, & realis. Mentalis* hic non est intelligenda quæ sola mente concipitur, absque villo actu externo: (cum enim hic actus sit merè internus, sub pœnas Ecclesiasticas non cadit) sed intelligitur illa actio, quæ sit mente simoniaca, etiam si ex se, & ex circumstantiis, simoniæ labem non præferat; ut si Capellanus pecuniam, titulo sustentationis, seu elemosynæ relictam pro Missâ quotidie celebranda, accipiat tanquam pretium Missæ: hic committit simoniam mentalem, quia intentione simoniaca facit actum externum, in quo simoniæ labes non apparet. Simonia *conuentionalis*, consistit in pacto expresso, vel tacito dandi, vel recipiendi temporale pro spirituali. *Realis* est illa, qua



res temporalis traditur pro spirituali. *ibid. num. 1. & seq.*

9. Simonia *ficta*, qua quis non intendit emere, aut vendere rem spiritua-  
lem, sed tantum decipere, non est vera simonia. Quapropter ille non  
est vere simoniacus, neque subicitur penis contra simoniacos latis, qui  
promittit beneficium pro pecunia, intentione solum accipiendi pecuniam,  
non vero tradendi beneficium. Quamvis enim alter vere simoniacus sit,  
intentione, & affectu, cum intendat tradere pecuniam pro beneficio: re ta-  
men, & effectu, non committit simoniam: quia pactum, siue conuentio in-  
ter duos inita non subsistit sine mutuo consensu. Verum tamen est com-  
mittentes simoniam fictam, in foro externo presumi simoniacos; conse-  
quenter tanquam simoniacos puniri posse. *tom. 1. pag. 670. num. 8.*

10. Simonia prohibita est iure diuino, naturali, & humano. Potest ta-  
men dari simonia, iure tantum humano prohibita: quia Ecclesia potest fa-  
cere rem immunem a laica potestate; v. g. potest facere ne iudex quera-  
quam ab Ecclesia extrahat, ita ut sacrilegium committat si id fecerit: igitur  
potest prohibere ne res adnexa rei sacrae vendatur in reuerentiam talis  
rei. *tom. 1. pag. 671. num. 1. & 2.*

11. Hæc autem sunt, propter quæ committitur simonia iure tantum  
humano prohibita. 1. permutatio beneficii cum alio, absque auctoritate  
legitimi superioris. 2. resignatio beneficii propria auctoritate facta, cum re-  
seruatione pensionis. 3. venditio beneficii, habita ratione fructuum, & emo-  
lumentorum temporalium. 4. acceptio alicuius rei, ratione examinis. 5.  
venditio officiorum Ecclesiasticorum, seu spiritualium. 6. venditio officii  
dispensatoris, seu procuratoris æconomi. 7. venditio officii defensoris, seu  
syndici. 8. venditio officii iudicis. 9. venditio officii mansionarii, qui curam  
habet distribuendi clericis, seu canonicis, domos, seu mansiones ex domi-  
bus Ecclesiæ. 10. venditio officii primicerii, cuius munus est clericos in-  
struere, & chorum dirigere, ob idque dicitur magister echori. Porro ven-  
ditione bonorum Ecclesiæ seu mobilium, seu immobilium, non commit-  
titur simonia. *ibid. num. 3. & seq. & pag. 672. n. 9.*

12. Simonia est peccatum mort. ex suo genere, contra religionem; ne-  
que ratione paruitatis materiæ, fieri potest veniale: quia etiam in re parua  
res spiritualis contemnitur, eique gravis iniuria irrogatur, dum pretio esti-  
matur: fieri tamen potest veniale ob ignorantiam, aut inaduertentiam.  
*tom. 1. pag. 672. num. 11. & 13.*

*Materia Simonia.*

13. Materia simoniæ est res aliqua sacra, spiritualis, & supernaturalis:  
quia simonia opponitur religioni, & cultui debito rebus sacris. Hinc se-  
quitur committi simoniam vendendo gratiam sanctificantem. Venditur  
autem gratia, seu Spiritus sanctus multis modis. 1. in concreto, vt si venda-  
tur Sacerdos intuitu Sacerdotii, aut Prophetæ, ob donum Prophetiæ. 2. in  
abstracto, vt si quis pretio conferat alteri sacrum Ordinem, & characterem,



aut gratiā Sacramentalem: 3. quo ad actum, vt si vendatur absolutio Sacramentalis. Potuit etiam simonia committi vendendo Christum, propter vnionem hypostaticam, vel supernaturalia dona in Christo existentia. *tom. 1. pag. 672. n. 1. & pag. 673. num. 3.*

14. Potest simonia committi vendendo Eucharistiam: hæc enim sunt res sacra, etiam ratione specierum consecratarum. Si autem vendatur Eucharistia ad magicas artes, & maleficia, aliud peccatum committitur longè grauius, per cooperationem ad maleficium. *tom. 1. pagina 673. num. 4.*

15. Vendens opera misericordiæ, vt visitationem infirmorum, actionem sepeliendi mortuos, &c. labem simoniæ non contrahit: quia hæc opera ex se non sunt res sacra, & supernaturales. *ibid. num. 7.*

16. Vendens reliquias, aut eas ostendens pro pretio, simoniam committit: sunt enim, ex se, res sacrae, neque expetuntur nisi ob sanctitatem illius hominis, cuius sunt reliquiae. Si tamen reliquiae thecis argenteis includantur, vel aureis, pretium tradi potest, iuxta æstimationem auri vel argenti, vel gemmarum, modò ne propter ipsas reliquias pretium augeatur. Item vendens pluris rosarium eo quod reliquias attigerit, simoniam committit. *ibidem num. 8.*

17. Calix, aliæve res sacrae, non sunt pretio locandæ: hoc enim redollet auaritiæ sordes, & scandali materiam præbet; locari tamen possunt sine simoniæ labe: harum enim rerum vsus est pretio estimabilis, non quatenus sacer est; sed quia res illæ vsu atteruntur. *ibid. num. 12.*

18. Præsimonia sine labe simoniæ vendi non possunt: Instituta enim, fuerunt ad alendos in studiis pauperes clericos, vt postea Ecclesiæ inferuire possint: Pius autem V. adiunxit obligationem diuini officij, consequenter huiusmodi beneficia titulum habent spirituales, cum iure ad fructus capiendos. *tom. 1. pag. 674. num. 13.*

19. Commendæ clericales, siue perpetuæ sint, siue temporales, sunt materia simoniæ: quia continent spirituales administrationem, cui temporales fructus adnectuntur, tenenturque commendatarij ad pensum canonicarum precum, ac si essent beneficiarij. Commendæ autem militares non sunt materia simoniæ: quia non sunt quid spirituale; conferuntur enim titulo laico, danturque in stipendium pro temporalibus seruitijs, licet non dentur nisi religiosis professis. Quare simoniam non committit, qui pecuniâ procurat commendam militarem, aut illam vendit, aut alteri confert, reseruata pensione in suum, vel alterius fauorem: peccat tamen contra iustitiam, illam vendendo, cum non sit dominus illius, sed vsufructuarius ad vitam. *tom. 1. pag. 674. num. 14. & 15.*

20. Re Rorix, seu officia regendi, & gubernandi hospitalia, Episcopi auctoritate erecta, & illius curæ commissa, sunt materia simoniæ: quia, vel conferuntur in titulum perpetuum, & sic censentur beneficia Ecclesiastica, habentque spirituales administrationem; vel non conferuntur qui-

dem



dem in titulum; sed tamen administrationem spiritualem habent adnexam: si verò temporalem tantum habent administrationem, cum cura infirmorum, & peregrinorum, probabile est non esse materiam simoniæ. *ibid. num. 17.*

21. Committitur simonia, accipiendo aliquid temporale pro Sacramentis ut sunt Sacramenta. Licet tamen absque labe simoniæ, tradere, vel accipere aliquid pro materia remota Sacramentorum, ut pro pane, vino, oleo, chrismate, &c. Verum si Sacramenta gratis obtineri non possint, in graui, aut saltem extrema necessitate salutis, pecunia tradi potest; non pro ipsis Sacramentis, vel eorum administratione, sed ad remouendum impedimentum, vel ad iniustam vexationem redimendam: in hoc enim casu nulla irrogatur iniuria Sacramentis: Hinc sequitur licere pecuniam dare sacerdoti nolenti Baptismum gratis conferre. Item violenter impediendi dignum à consecutione beneficij, aut iniuste contradicenti electioni, tradi posse pecuniam ne impediat, vel contradicat: hoc enim fit ad redimendam iniustam vexationem. At qui pecuniam promittit alteri, aut pensionem, ne concurret in petitione beneficij, simoniam committit, quia pretio sibi viam parat ad beneficium. *ibid. num. 1. & pag. 675. num. 2. & 3. & pagin. 676. num. 5.*

22. Non licet aliquid dare, aut accipere pro sacramentalibus, id est, pro cæremoniis, & benedictionibus sacris, quæ publica auctoritate, & ex Ecclesiæ instituto fiunt; quia non licet vendere ministeria sacra. *tom. 1. pag. 676. num. 2. & 3.*

23. Omnes res consecratæ, si earum naturam præcisè spectemus, vendi possunt ratione materiæ: aliquæ tamen, ob iuris canonici prohibitionem, vendi non possunt, ut sepultura, etiam ratione terræ, chrismum, & balsamum, item effigies cæræ agni Dei benedictæ; nam Romæ extat specialis prohibitio vendendi huiusmodi agnos benedictos, ad vitandum simoniæ periculum, etiam si non vendantur pluris ob consecrationem. *ibid. num. 4. & pag. 677. num. 6.*

24. Suscipiens Ordines, præ quia pecunia, seu pretio, simoniacus est: quia Ordo est quid spirituale, & sacrum. Quare simoniacus est qui patrono ipsum præsentanti, vel ad Ordines admittenti promittit se nullam ab eo prouisionem petiturum. Item Episcopi, & alij Ordinum collatores, accipientes aliquid in collatione Ordinum, sunt simoniaci, etiam si sponte offeratur: excipiuntur tamen candela, & facula, ex declaratione sacræ Congregationis. At notarius cui salarium alia ratione constitutum non est, potest aliquid accipere, nomine stipendij, pro litteris dimissoriis, vel testimonialibus: quia non tenetur gratis operam suam præstare, & Concil. Trident. dat ei facultatem accipiendi decimam vnius aurei partem. Si notarius aliunde habeat salarium, peccat aliquid accipiendo; quamuis enim illa actio scribendi sit temporalis, tamen Concil. Trident. vetat,



intuitu Ordinum, quicquam à notario accipi. *ibid. num. 1. & seq.*

25. Simonia committitur accipiendo, vel tradendo temporale quidpiam pro functionibus Ordinum: quia huiusmodi functiones, sunt ministeria Ecclesiastica, pro quibus nihil licet accipere, quia sunt res sacrae. Quare simonia committitur ab accipientibus, seu dantibus aliquid tanquam pretium pro diuinis officiis persoluendis: sunt enim ministeria Ecclesiastica, & actus religionis, diuinum cultum continentes. Neque solum in diuinis officiis publicis, sed etiam in priuatis orationibus committitur simonia, si emantur, aut vendantur, sunt enim res sacrae, & religiosae. *ibid. num. 2. & pag. 678. num. 2. & 3.*

26. Locus sacer communis pro sepultura fidelium, vendi non potest absque simonia iure humano prohibita: sic enim expresse decernitur in iure canonico, ne dum locus sacer venditur ad sepulturam, non vendatur ratione terrae praecise, sed ratione sepulturae in loco sacro, consequenter ratione rei sacrae. Consuetudo tamen pluribus in locis obtinuit vendendi certum locum Ecclesiae, vel coemeterij, quae consuetudo, si fuit legitime praescripta, non videtur damnanda; locus enim ratione materiae, est pretio aestimabilis. *tom. 1. pag. 679. num. 1. & 2.*

27. Qui dat pecuniam pro honoratiore loco sepulturae, simoniam non committit, si locus est honoratior ob respectum aliquem temporalem: quia non emitur res sacra, sed honor quidam humanus, qui per deturbationem apprehensione. Secus dicendum si locus est honoratior ob respectum, seu rationem aliquam spirituales, ut quia propior est altari, aut quia est intra Ecclesiam: quia hic honor fundatur in maiori sanctitate loci, quae est res merè spiritualis. *ibid. num. 4.*

28. Qui promittit, vel tradit quidpiam temporale alteri ut praestet opus spirituale, simoniam committit, quia emit spirituale pro temporali, & iure canonico improbantur omnia pacta, & conuentiones in materia spirituali. Qui tamen aliquid alteri tradit, ut peccatum vitet, vel ut opus spirituale exercent in solius operantis utilitatem, v. g. ut consecratur, ut Eucharistiam sumat, &c. relicta illi libertate faciendi, aut non faciendi tale opus, non committit simoniam, siue opus sit consilij, siue precepti: hic enim nulla interuenit emptio, aut venditio rei sacrae; sed tantum proponitur premium, tanquam illecebra ad bonum opus. *tom. 2. pag. 679. num. 1. & pag. 680. num. 2.*

29. Nihil tradi, vel accipi potest tanquam pretium, pro ingressu in religionem, seu pro ipsa professione, seu statu religioso: est enim res merè spiritualis. Potest tamen aliquid tradi pro congrua sustentatione: datur enim temporale, pro temporali: quippe onus alendi aliquem est quid pretio aestimabile. Sic in matrimonio, quod est Sacramentum, licite traditur temporale ad matrimonij onera sustinenda. *tom. 1. pag. 680. n. 1. & 2.*

30. Qui pecuniam accipit ut absteineat à bono opere, seu ab actione spirituali, verbi gratia ut non absoluat aliquem à censura, vel ut non approbet



probet dignum ad Ordine; vel ad beneficium, in rigore loquendo, simoniam non committit, modò cum huiusmodi omissione coniunctus non sit actus iurisdictionis, qui pretio vendatur, hic enim non datur, nec accipitur pretium pro re spirituali, & sacra; sed potius pro omissione illius. *tom. 1. pag. 681. num. 2.*

31. Vendens scientiam, & doctrinam, seu dona spiritualia intellectus, non committit simoniam. Quamvis enim huiusmodi dona in se vendibilia non sint, cum inhæreant animæ, ne in alium transferri possint: tamen, actus, & exercitium ipsorum vendi potest, neque in hac venditione vlla interuenit simonia: quia actus huiusmodi donorum, non est res sacra, sed naturalis, ad religionem non pertinens. Quare licet pretio docere facultates naturales, immò & supernaturales, vt Theologiam: quia actiones magistris docentis Theologiam sunt naturales, & labor, hoc opus ipsius est pretio æstimabile. *tom. 1. pag. 682. num. 1. & 5.*

32. Præciso labore, & sustentatione quæ in pactum deduci potest, nihil accipi potest pro ipsa concione sacra: est enim actus sacer: concionator enim est veluti Dei legatus, ad hoc missus. Pro actu tamen docendi doctrinam Christianam, ad instruendum intellectum, vel excolendam memoriam, vt vulgo fieri solet in scholis, aliquid absque simoniæ labe accipi potest: hic enim est actus naturalis. At si tradatur doctrina Christiana, concionando, & persuadendo, committitur simonia si aliquid accipiat: tunc enim est actus sacer, & consequenter materia simoniæ. *tom. 1. pagin. 683. num. 8. & 9.*

33. Vendens magisterium, seu doctoratum Theologiæ, non est simoniæ reus: quia huiusmodi doctoratus nihil est aliud quàm quædam approbatio ad docendam Theologiam, cum quibusdam honoribus, & privilegiis, ipse autem actus docendi, non est quid spirituale. *ibid. num. 12.*

34. Iuspatronatus vendi non potest, cum sit aliquid spirituale quod habet pro obiecto beneficium: bona tamen ipsa quibus iuspatronatus est adnexum, vendi possunt quibus in aliū translatis, transfertur etiam iuspatronatus; videndum tamen ne bona carius vendantur ob iuspatronatus adnexum; alioquin ipsum ius vendi censeretur. *tom. 2. pag. 684. n. 3.*

35. Beneficium resignans non potest aliquid exigere ratione fructuū, & emolumentorum: quia persona priuata non potest separare præbendam, seu fructus beneficii, à beneficio; consequenter si vnum vendat, censetur etiam alteram vendere. Præterea ius ad fructus est quid spirituale: beneficiarius enim non habet ius ad fructus nisi ratione tituli, seu ministerij sacri; ergo vendens ius ad fructus, vendit aliquid spirituale, ac proinde est simoniacus. *tom. 1. pag. 685. n. 9.*

36. Si beneficium spectetur ratione tituli, seu iuris spiritualis, ne ipse, quidem Pontifex potest in collatione beneficii, quicquam exigere in suū, aut alterius fauorem: quia titulus beneficii est quid spirituale: sin beneficium spectetur ratione præbendæ, seu emolumentorum, Papa potest ali-



quid exigere ratione præbendæ, immò illam vendere: est enim Papa Ecclesiasticorum bonorum administrator, cum iure amplissimo; ergo potest vni beneficium conferre cum iure ad officium spirituale, & ad partem fructuum tantum, reseruata sibi, vel alteri reliqua parte; quia Papa potest beneficium à fructibus, & fructus à beneficio separare; consequenter potest præbendam, facta separatione, vendere, absque labe simoniæ. *ibid. num. 13.* Immo potest Pontifex, dum beneficium alicui confert cum onere pensionis, æstimare simul temporalem totius pensionis valorem, illumque simul anticipatè recipere, vel facultatem concedere alteri, ad recipiendum illum valorem pensionum, seu pensiones anticipatas. Idque valet, etiam si Papa nolit beneficium conferre nisi volenti statim redimere pensionem. Hinc patet resignantem Episcopatum alteri, cum pensione, qua posita non remaneret mille resignatario, iuxta Concilij dispositionem, posse de licentia Papæ, cum resignatario conuenire, & cautionem exigere, vt resignatarius statim capta Episcopatus possessione, redimat pensionem, conuentis annatis: sic enim remanent mille ipsi resignatario, sicque consulitur successoribus, ad quos Episcopatus sine tanto onere transferetur. *tom. 1. pag. 686. num. 15. & 16.*

#### Permutatio Beneficiorum.

37. Permutatio rei spiritualis cum alia re item spirituali non est simonia, iure diuino: quia simonia consistit in commutatione rei spiritualis pro pecunia, seu re pretio æstimabili; at res spiritualis non est pretio æstimabilis. Videndum tamen ne res illa spiritualis sit adnexa temporali; tunc enim permutatio esset simoniaca vt si detur calix pro Ecclesiastico beneficio, quippe datur temporale pro spirituali. *ibid. num. 1. & 2.*

37. Beneficiorum permutatio, seu prouisio priuata auctoritate facta, continet simoniam contra ius canonicum, quia Ecclesia vetuit omnes pactiones in beneficiis, ob periculum simoniæ. Hinc sequitur simoniam committi, saltem contra ius humanum in permutationibus actionum pertinentium ad prouisiones beneficiorum: vt si quis dicat, *Tu elige hunc & ego eligam illum*; vel, *Resigna mihi tuum beneficium, & ego hunc præsento ad beneficium meum iuris patronatus*, &c. nam eiusmodi actiones licet sint spirituales, sunt tamen media ad lucrum temporale. *tom. 1. pag. 687. num. 3. & 4.*

39. Volentes beneficia permutare, possunt prius inter se agere de permutatione faciendâ, & inter se transigere, non quidem absolute; sed in ordine ad consensum Prælati. Immo obligare se possunt ad persistendum in conuentione, donec superior abnuerit: nam eiusmodi conuentio nisi iam inuenitur prohibita, cum non sit permutatio. Hæc autem permutatio coram Episcopo loci, in quo est beneficium, aut coram alio iurisdictione Episcopali gaudente, fieri debet, modò permutatio pure fiat; non verò

cum



cum pensione, aut alio onere: quia ius solum permittit Episcopo ut approbet permutationes beneficiorum, & iuxta stylum Curie Rom. pensio non imponitur nisi auctoritate Papæ. Quare beneficia quamuis inæqualia in temporalibus, permolari non possunt cum pensione, aut alia re pretio æstimabili, coram Episcopo, aut alio inferiore Papæ. Si verò accedat Papæ auctoritas, potest inæqualitas prouentuum, annua pensione, aut etiam numerata pecunia compensari. At beneficiorum inæqualitas in dignitate, aut re spirituali, compensari non potest pecunia aut alia re pretio æstimabili, etiam auctoritate Papæ, si dignitas præcisè spectetur: quia non est quid pretio æstimabile. *ibid. num. 5. & seq. & pag. 688. num. 8. & seq.*

*Simonia in pensionibus.*

40. Pensio temporalis, seu laicalis, id est, quæ ob causam merè temporalem, & humanam confertur, non est materia simoniæ: quia est res temporalis, pretio æstimabilis. At pensio clericalis, quæ scilicet confertur titulo spirituali, est materia simoniæ: est enim, ut sic, aliquid spirituale; quippe ex constitutione Pij V. annexum habet onus recitandi paruum officium B. V. consequenter absque simonia vendi non potest. *l. 1. p. 689. n. 3. & 4.*

41. Pensionarius non potest priuata auctoritate, pensionem, anticipatis solutionibus extinguere: tum quia stylus Curie obitat: tum quia venderet rem spiritualem. Potest tamen, propria auctoritate, cedere pensioni, & gratis ius suum remittere. Potest item vendere, vel donare fructus suæ pensionis absque labe simoniæ, etiam ad totam vitam, modo retineat titulum pensionis: traditur enim temporale pro temporali, estque hæc veluti locatio fructuum, seu potius anticipata venditio. Non sunt tamen in hac materia laxandæ habere: quia in foro externo, venditio fructuum pensionis, presumi poterit potius translatio pensionis, præsertim quando pensionarius vendit fructus alteri, ipsumque, & eius heredes constituit procuratores perpetuos, & irrenocabiles; quanquam in foro conscientie excusari potest, si sibi retineat titulum pensionis, cum onere recitandi officij. Contraria tamen sententia est tutor. *ibidem, num. 7. & pag. 690. num. 12. & 13. & pag. 691. num. 16.*

*Simonia in resignatione beneficiorum.*

42. Resignatio beneficij quæ non est pura, & absoluta, labem simoniæ continet, nisi coram Summo Pontifice fiat: quia quelibet pactio in beneficiis, iure communi vetita est. Hinc fit ut qui beneficium resignat alteri, ea conditione ut sibi pensionem soluat, simoniam committat. Item beneficiarius qui beneficium litigiosum, cum multis expensis assequutus, illud alteri resignat, cum pacto ut resignatarius expensas soluat, nisi accedat Papæ consensus, simoniæ labe non vacat. Item reciproca resignatio, coram Episcopo facta, est simoniaca, ut si quis dicat: *Ego resigno meum beneficium tuo nepoti; tu verò resigna tuum mihi*: hæc enim non est resignatio pura. *tem. 1. pag. 691. num. 2. & seq.*



43. Resignatio beneficij, non absolutè facta, sed cum designatione, successoris, illicita est, & inualida: vt patet ex Bulla Pij V. quæ incipit. *Quanta Ecclesia*. At si resignatio fiat absque vlllo pacto, aut obligatione conferendi beneficium personæ designatæ; probabile est simoniam non committi; quia hic nullus interuenit contractus onerosus, seu commutatio spiritualis pro temporali. *tom. 1. pag. 692. num. 5. & 6.*

*Simonia in transactione.*

44. Transactio simoniaca est dùm remittitur, vel retinetur ius temporale pro spirituali, vel contra. Transactio verò circa rem spiritualement non est simoniaca, cum res spiritualis compensatur alia re spirituali proportionata, modo non fiat in materia beneficiali. Ad valorem tamen transactionis requiritur auctoritas legiūmi Prælati, si transigentes intendant facere perpetuam transactionem, quæ successores etiam afficiat: Immo si transactio fiat cum laicis, super decimas, necessarius est Summi Pontificis consensus. *ibid. num. 3. & 4. & pag. 693. num. 5.*

45. Transactio in materia beneficiali, fieri potest auctoritate Episcopi, vel etiam arbitratorum, etiam si sint Episcopi, vel Iudices, causæ. Episcopus autem, ad dirimendam litem, potest absque simonice labe, applicare vni beneficium litigiosum, cum onere soluendi alteri colliganti, pensionem, quandiu vixerit ipse beneficiarius, modo ipsa persona beneficiarij onerata maneat, non autem beneficium, neque onus pensionis transeat ad successorem in beneficio. *ibid. num. 8. & 9.*

46. Litigantes circa beneficium, possunt arbitrum eligere, etiam si non sit Prælatus, nec iudex causæ: hoc enim nusquam in iure prohibitum inuenitur. Vnde patet fieri posse compromissum in quolibet, qui poterunt vt arbitri, litem dirimere, adiudicantes beneficium illi, qui verosimilius præsumitur titulum habere, & imponentes onus temporale beneficiario in fauorem alterius partis colligantis, si ita expedire iudicauerint. *tom. 1. pag. 394. num. 12.*

*Simonia in actibus iurisdictionis.*

47. Committitur simonia dando, vel accipiendo aliquid pro actibus iurisdictionis fori interni: quia datur temporale pro spirituali. Quare simoniacum est dare, vel accipere pecuniam pro absolutione à censuris. Potest tamen dari pecunia, iniuste impediendi, aut deneganti absolutionem, ad redimendam iniustam vexationem. Item pro dispensatione, vel commutatione votorum, pro concessionem, vel applicationem indulgentiarum, non potest, absque simonia, aliquid accipi, aut dari. Item Parochus videtur simoniæ reus, si nolit matrimonio assistere, nisi accepto pretio: est enim actus muneris Parochialis, & officij spiritualis. *ibid. num. 1. & seq. & pag. 995. num. 6. & 7.*



48. Simoniacum non est dare, vel accipere temporale pro actibus iurisdictionis laicæ, & temporalis. Quare Prælati Ecclesiastici, pretio concedens licentiam docendi, vel legitimandi ad honores temporales, vel ad successionem in bonis, non est simoniæ reus; quia non exercet iurisdictionem spirituales, ut sic, sed quatenus continet temporalem. *tom. 1. pag. 695. num. 1. & 2.*

49. Simonia committitur dando, vel accipiendo aliquid temporale, pro actibus Ecclesiasticæ iurisdictionis: nam iurdictio Ecclesiastica, est aliquid spirituale, & supernaturale. Quare Prælati exigentes aliquid pro dispensatione votorum, irregularitatis, impedimentorum matrimonij, sunt simoniæ rei; Concil. enim Trid. *sess. 25. cap. 18.* generaliter decernit ut dispensatio Ecclesiastica gratis concedatur, alioquin subreptitia censeatur. *ibid. num. 3.* Stylo tamen Curie Rom. receptum est ut in dispensationibus concedendis aliquid detur. 1. pro sustentatione Summi Pontif. 2. pro labore officialium. 3. pro commutatione vnius operis in aliud. 4. in penam delicti. *ibid. num. 3. & pag. 696. n. 6.*

*Causæ à simonia excusantes.*

50. Non committitur simonia cum occasione rei spiritualis accipitur pecunia, seu res pretio æstimabilis, non tanquam pretium rei, sed gratis, & titulo gratitudinis, & vice versâ, cum occasione rei temporalis accipitur, vel traditur aliquid spirituale, gratis, seu titulo gratitudinis: quia hic nulla est emptio, aut venditio. Sic Prælati beneficium conferens de se bene merito, simoniam non committit. Non tamen licet hoc deducere in pactum: esset enim simoniacum tradere aliquid spirituale, cum pacto, ut accipiens sit gratus, vel ut obsequium sibi præstet titulo gratitudinis; hoc enim est pretio æstimabile. *tom. 1. pag. 697. n. 1. & pag. 698. n. 2. & 7.*

51. Non committitur simonia dum pro actione spirituali accipitur aliquid titulo sustentationis; sustentatio enim iura naturæ debetur operanti, & dignus est operarius mercede sua, & *Rom. 15.* qui altari seruit, de altari vivere debet. Sic excusantur Ecclesiastici ministri, accipientes pias oblationes, vel alia stipendia, ex consuetudine, vel legibus Ecclesiæ; hæc enim non dantur tanquam pretium rei spiritualis, sed in stipendium, & sustentationem. Caveat tamen sacerdos ne plus accipiat pro sustentatione quam ferat ratio laboris, & operis; sic enim simoniæ suspicionem incurreret. *tom. 1. pag. 699. num. 1. & 3.*

52. Simoniacum est accipere aliquid temporale pro labore intrinseco actioni spirituali: hic enim labor non distinguitur ab ipsa actione sacra, & spirituali; consequenter est aliquid sacrum, neque pretio æstimari potest. At si accipitur aliquid pro labore extrinseco, qui per accidens coniunctus est cum opere sacro, non committitur simonia: hic enim labor est quid temporale, & pretio æstimabile: sic cantor aliquid exigens pro cantu



in Missa, vel diuinis officiis, à simoniæ labæ excusari solet. Item aliquid accipiens pro itinere suscepto causa celebrandæ Missæ, vel pro obligatione celebrandi in tali loco, tali hora, &c. excusatur: hæc enim sunt extrinseca celebrationi Missæ, & pretio æstimanda. *ibid. num. 1. & 2. & pagin. 700. num. 3. & seq.*

53. Non committitur simonia accipiendo aliquid titulo priuationis libertatis ad alia opera vililia, quæ quis eo tempore exercere potuisset. Sic nonnulli excusant à simoniæ eum qui pecuniam accipit, non simpliciter vt procuret alteri beneficium; sed habita ratione laboris in scribendo, iteragendo, expensis faciendis, in priuatione lucris, & commodi temporalis, quo se ea de causa priuat, &c. hæc enim sunt pretio æstimabilia. *tom. 1. pag. 700. num. 1. & 2.*

54. Licet absque simoniæ labæ, aliquid dare ad redimendam iniustam vexationem quam quis patitur circa rem spiritualement, modò id quod datur non sit quid temporale: cum enim iniusta vexatio, sit impedimentum temporale, non potest redimi re spirituali: quare si quis vexetur iniuste in pingui beneficio, & tenue beneficium vexatori conferat, vel procuret, simoniam committit, quia tradit spirituale pro temporali. At si dem pecuniam ei, qui per vim, vel fraudem me impedit ne concurram cum ipsius amico, in petitione beneficii, aut ei qui iniuste apud Episcopum me infamat ne mihi beneficium conferatur, simoniam non committo: quia de pecuniam pro cessatione damni, & pro redimenda vexatione, quam alter mihi infert iniuste contra meam libertatem, & famam. Idem dicendum quando quis precibus vel muneribus peruertit electores in me propensos: neque enim trado pecuniam pro electione, sed pro cessatione nocuenti quod iniuste mihi infertur. *tom. 1. pag. 701. num. & seq. & pag. & pag. 702. num. 7. & seq.*

55. Consuetudo non excusat acceptionem, vel traditionem rei temporalis pro spirituali per modum pretij: hoc enim est intrinsecè malum, & simoniacum, contra ius naturale diuinum. Secùs dicendum de simoniæ solo iure humano inducta; lex enim humana potest consuetudine abrogari. *tom. 1. pag. 703. num. 1.*

56. Qui tenentur ex officio ministrare, & habent redditus ad sustentationem assignatos, possunt per consuetudinem acquirere ius ad maiores prouentus, saltem titulo sustentationis. Quia consuetudo induci potest circa illud, quod potest esse materia legis: legitimus autem superior præcipere potest, vt prouentus ad sustentationem augeantur. Videndum tamen ne huiusmodi consuetudo, speciem aut suspicionem aliquam simoniæ præ se ferat. *ibid. num. 2.*

*An acta simoniacè sint valida.*

57. Actiones, seu functiones ordinis, vel iurisdictionis, simoniacè factæ, validæ



validæ sunt, per se loquendo: non enim est maior ratio, cur simonia potius irritet huiusmodi actiones, quam reliqua peccata; nisi extet aliquod ius peculiare. Dicuntur tamen ordines per simoniam collati esse irriti, non quod verè sint irriti quoad substantiam; sed quia vetitus est illorum usus: ordinatus enim per simoniam, suspensus est ab ordinum exercitio, *tom. 1. pag. 714. num. 1. & 2. & pag. 715. n. 3.*

58. Quilibet acquisitio rei Ecclesiasticæ, & spiritualis, irrita videtur, si fiat datâ vel promissâ pecuniâ: nam iure canonico generaliter irritantur simoniacè acquisita, ut patet ex cap. *ea quæ. tom. 1. pag. 715. n. 9.*

59. Omnis actio iurisdictionis, vel administrationis, quæ ordinatur ad obtinendam beneficii provisionem, si fiat per simoniam, irrita est; non, quidem iure naturali, vel diuino: sed Ecclesiastico. Quare prouisus per simoniam, tenetur beneficium dimittere, & fructus restituere, quos medio tempore percepit: neque enim potest fructus percipere rei non suæ, nisi sciens committi simoniam in suum fauorem, contradixerit, & declarauerit se illi non consentire: qui enim beneficium obtinuit reclamans, & resistens simoniæ in suum fauorem commissæ, validè beneficium obtinet. *tom. 1. pag. 716. num. 10. 11. & 17.*

60. Collatio, seu prouisio beneficii, facta per simoniam ignoranti, inualida est ipso iure: nam iure canonico irritatur ipso facto, & qui sic beneficium obtinuit, etiam ignoranter, inhabilis est non modò ad illud beneficium, sed etiam ad alia in futurum obtinenda, nisi habilis efficiatur, dispensatione Pontificis in dignitatibus, & beneficiis curatis, vel dispensatione Episcopi in beneficiis simplicibus. *ibid. num. 19. & pag. 717.* Qui tamen bona fide beneficium obtinuit, ignorans simoniam ab alio commissam, gaudere potest regula de triennali possessore, itavt ante triennium elapsū turbari nequeat circa illius beneficii possessionem. *ibid. num. 20.*

61. Collatio pensionis simoniacè facta, iuxta probabiliorē sententiā, valida est: quia tametsi sit res spiritualis, tamen non est propriè beneficium Ecclesiasticum; consequenter illius prouisio non est irrita, cū sermo sit in iure de beneficiis per simoniam obtentis. *tom. 1. pag. 717. n. 22.*

62. Qui beneficium obtinuit promissâ pecuniâ, nec tenetur, nec potest in conscientia, promissionem implere, & pretium soluere. hæc enim promissio, & pactio cū sit de re turpi, & illicita, irrita est. *tom. 1. pag. 718. numero 17.*

63. Qui beneficium per simoniam adeptus est, non tenetur in conscientia dimittere beneficium, aut fructus medio tempore perceptos restituere, donec per iudicis sententiam condemnetur. *ibid. num. 29.*

64. Simonia in beneficiis, per se loquendo, non inducit ipso facto, priuationem beneficiorum antea ritè obtentorum; immò neque inducit irritationem aliorum actuum præcedentium, qui ordinantur ad beneficium perfectè obtinendum, cuiusmodi sunt electio, confirmatio, collatio: quamuis enim quælibet harum actionum simoniacè facta, irrita sit:

tamen



tamen si prior, v. g. electio rite fiat, confirmatio verò fiat simoniacè, confirmatio est irrita, electio verò subsistit. Actus tamen præcedens, per sententiam iudicis irritari potest, in pœnam delicti. *ibid. num. 1. & 2.*

65. In tribus hisce casibus inducitur priuatio beneficiorum antea rite obtentorum. 1. in simonia confidentiali, de qua infra. 2. in simonia commissa in electione Papæ. 3. in simonia commissa ab examinаторibus beneficiorum, in synodo constitutis, seu electis: non enim possunt quidquam occasione examinis accipere: alioquin ipso facto priuantur beneficiis antea rite obtentis, tenenturque illa dimittere, etiam ante sententiam iudicis, declaratoriam criminis. *tom. 1. pag. 719. num. 4. & 5.*

66. Simoniacus in beneficio, efficitur inhabilis ad illud, & ad alia in futurum obtinenda: hæc autem inhabilitas incurritur ipso facto, ante vllam sententiam: est enim pœna ipso iure imposita, quæ ad sui executionem, nullam requirit hominis actionem. Porro dispensatio huius inhabilitatis, ad solum Summum Pontif. pertinet, neque potest Episcopus in ea dispensare. *ibid. num. 1. & seq. & pag. 720. n. 4.*

*Restitutio ob simoniam.*

67. Qui pretium accepit, sed rem spiritualem nondum tradidit, tenetur iure naturali, & diuino, pretium restituere: quia traditum fuit pro re spirituali, quæ nondum tradita fuit, nec licite tradi potest. Qui verò pretium simoniacè accepit, absque tamen iniuria, & iniustitia contra ipsum tradentem, non est obnoxius restitutioni. Quia obligatio restituendi oritur ex iniustitia; ergo ubi nulla iniustitia, ibi nulla est obligatio, iure naturali, ad restitutionem. At pretium simoniacè, & simul iniuste acceptum, restituendum est, propter violatam iustitiam commutatiuam. Quare obligatus ex iustitia ad functiones spirituales gratis exercendas, vt Episcopus, & Parochus, tenetur ad restitutionem pretij accepti pro hisce functionibus exercendis. *tom. 1. pag. 720. num. 1. & seq. & pag. 721. n. 4. & seq.*

68. In tribus casibus Ecclesia obligat ad restitutionem pretij simoniacè accepti. 1. quando pretium est acceptum pro collatione beneficii, vel alia actione ordinata ad prouisionem beneficii. 2. quando pretium est acceptum pro collatione Ordinum. Caterum Pontifex potest dispensare, vel compositionem concedere, quando solo iure Ecclesiastico facienda est restitutio in pœnam delicti. *tom. 1. pag. 722. num. 18. & pag. 723. num. 19. & seq. & pag. 724. num. 24.*

69. Res spiritualis simoniacè accepta, nec iure naturali, nec iure canonico est obnoxia restitutioni ante sententiam iudicis; exceptis beneficiis, quæ simoniacè obtenta, vnà cum fructibus perceptis, restituenda sunt ante vllam iudicis sententiam: sic enim iura præscribunt. *tom. 1. pag. 724. n. 1. & pag. 725. num. 3. & seq.* Porro mediantes simoniæ commissa in beneficio, tenentur in defectum beneficiarij, ad restitutionem fructuum à beneficiario simoniaco perceptorum. *pag. 725. num. 6.*



*Contra simoniam confidentialem excommunicatio.*

70. Pius IV. in Bulla 85. quæ incipit, *Rom. Pontificens*, & Pius V. in Bulla item 85. quæ incipit: *Intolerabilis multorum perversitas*, tulerunt excommunicationem Summo Pontifici reservatam contra committentes simoniam confidentialem in beneficiis, & pensionibus. Simonia autem, confidentialis contingere solet in resignatione, collatione, electione, vel præsentatione, hoc animo ut beneficium, vel fructus in totum, vel in partem restituantur, vel resignentur ipsimet resignanti, conferenti, eligenti, vel præsentanti, aut alteri ad ipsius electionem. *ibidem, purct. 25. pagin. 232. num. 1. tom. 3.*

71. Qui accipit beneficium ab altero, qui hoc ipsi resignat cum spe, & confidentia quod accipiens beneficium, illud postea dimittet, vel soluet fructus in fauorem resignantis, vel amici, vel alterius, quem resignans non minauerit, incurrit excommunicationem; non autem resignans, ut patet ex citatis constitutionibus vtriusque Pontificis, etiamsi ista confidentia non deducatur in pactum; ad incurrendam tamen excommunicationem, opus est ut accipiens beneficium animaduertat spem, & confidentiam resignantis. Qui autem accipit beneficium animo illud postea restituendi danti, aut eius amico, vel alteri, præter spem ipsius resignantis, non est obnoxius excommunicationi; nulla enim hic interuenit simonia confidentialis, quæ originem trahit à spe, & confidentia ipsius resignantis. *ibid. numero 2. & seq. pag. 233. tom. 3.*

72. Ille non ligatur vinculo excommunicationis, qui beneficium accepit putans illud sibi resignari cum spe, & fiducia restituendi illud eidem, resignanti vel alteri in ipsius fauorem; cum tamen resignans hanc spem, & fiduciam non haberet: quia conscientia erronea non inducit excommunicationem; sed solum delictum sub excommunicatione prohibitum. Tamen qui hoc modo beneficium accepit, tenetur se tanquam excommunicatum gerere, donec conscientiam erroneam deposuerit cognita rei veritate. *ibid. num. 4.*

73. Accipiens beneficium ab eo, qui cum spe, & confidentia illud sibi resignat; licet non intendat illud accipere in confidentiam, incurrit excommunicationem: quia Summus Pontif. intendit excommunicare accipientem beneficium quoties animaduertit illud sibi in confidentiam resignari, etiamsi solus resignans intentionem habeat confidentialem; facto enim, consentit, licet interius dissentiat. *ibid. num. 5.*

74. Nonnulli censent Cardinales, & Prælatos beneficium in confidentiam accipientes non affici excommunicatione, sed interdicto ab ingressu Ecclesiæ Papæ reservato; probabilius tamen videtur illos ab hac excommunicatione non eximi ob declarationem Pij V. in Bulla, quæ incipit. *Hodie in consistorio. ibid. pag. 234. num. 12. tom. 3.*

*Contra*



*Contra simoniam in prouisione beneficiorum.*

75. Pius V. in Bulla 104. quæ incipit, *Durum nimis*, vt tolleret consuetudinem quandam simoniacam, quæ quibusdam in Ecclesiis obtinuerēt, vt fructus primi anni inter Canonicos diuiderentur, &c. graues imposuit censuris retinentibus, petentibus, vel exigentibus aliquid ex huiusmodi fructibus, vel distributionibus, nec non inducentibus aliquem ordinaria, vel Apostolica auctoritate prouisum ad præstandum iuramentum de obseruandis eiusmodi consuetudinibus, & statutis. Censuræ autem, quæ imponuntur, sunt diuersæ: nam Episcopi, alique Antistites suspenduntur à Pontificalibus donec præstita satisfactione, à Summo Pontifice absoluantur; capitula verò, & collegia subiiciuntur interdicto; aliæ verò personæ singulares vinculo excommunicationis obstringuntur. *ibid. punct. 26. pag. 234. 235. tom. 3.*

76. Hæc censura non incurritur dum iuxta consuetudinem, vel statuta quarundam Ecclesiarum, in prouisione beneficiorum aliquid exigitur in pios vsus conuertendum: hic enim casus excipitur in Concil. Trident. sess. 24. cap. 14. *ibid. num. 5.*

77. Refertur quedam excommunicatio, quæ tamen in Bullario non extat contra dantes, vel promittentes aliquid nunciantibus prouisiones à Sedē Apostolica factas; hæc tamen excommunicatio non extenditur ad ipsos nunciantes. *ibid. punct. 27. pag. 235. tom. 3.*

*Contra simoniacam procuracionem beneficiorum.*

78. Paulus IV. in Bulla 12. quæ incipit, *Inter ceteras curas*, ad tollendas simoniacas labe, quæ in beneficiis procurandis committuntur, excommunicationem tulit contra supponentes se pro aliis in examine, aut impetrantes beneficia pro aliis id ignorantibus cum oblatione pensionis, aut cum spe alicuius commodi temporalis, aut impetrantes beneficia pro seipsis animo illa resignandi in fauorem aliorum: præterea inualidas reddidit prouisiones, & dispositiones hoc pacto obtentas. *ibid. punct. 28.*

79. Hæc censura solum afficit eos, qui beneficia in Curia Rom. obtinent apud Datarium Papæ; quia Summus Pontif. vult occurrere incommotis, quæ audierat committi in consecutione beneficiorum apud Curiam. *ibid. pag. 326. num. 9. tom. 3.*

*Contra simoniacum Religionis ingressum.*

80. Vrbanus IV. in cap. *Sanè, extra de simonia*, excommunicationem infligit singularibus personis dantibus, vel recipientibus aliquid ex pacto pro ingressu in religionem; capitulis verò, & conuentibus, pœnam suspensionis.



tionis *ibid. punct. 29. pag. 236.* Vnde sequitur si aliquid detur sine prauio pacto, non incurri excommunicationem *ibid. pag. 257. num. 3. tom. 3.*

81. Non incurritur hæc excommunicatio cum aliquid datur, vel accipitur pro sustentatione ingredientis religionem, etiam si monasterium, diues sit, & locuples: quia datur, & accipitur temporale pro temporali, pecunia scilicet, vel res alia pretio æstimabilis, pro sustentatione religiosi, quæ pretio æstimabilis est; neque enim tenetur monasterium licet locuples hunc admittere, & in ipsius sustentationem bona sua infumere. *ibid. num. 4.* Modò tamen absit excessus, id est non accipiat ultra onus sustentationis. Vitandum est etiam scandalum; nam si monasterium locuples renuat admittere pauperem, alioquin idoneum, facile scandali ansam præbebit, non tamen propterea incurritur excommunicatio; quia hæc est labes auaritiæ potius, quam simoniæ *ibid.*

82. Licet monialibus indultum sit à Clemente VII. ut reæ non sint labis simoniæ, dum conuentiones faciunt circa dotem recipiendarum pro congruenti, & sufficienti sustentatione: tamen si aliquid exigant ultra congruam sustentationem, ab hac censura non excusantur, nisi liberaliter detur, & non ex pacto. *ibid. pag. 236. n. 6. tom. 3.*

83. Abbatissa quæ certam pecuniæ quantitatem paciscitur, vel accipit donec dos monasterio promissa pro nouitia ingrediente soluatur, excusari potest si hanc pecuniam accipiat ratione damni emergentis, quod interim monasterium patitur ob dotem non solutam. Idem dicendum si aliquid exigitur ratione lucri cessantis; sed hac in parte magna cautione opus est ad vitandum scandalum, & periculum vsuræ. *ibid. num. 8.*

84. Quando in susceptione habitus religiosi aliquid datur, & accipitur, committitur quidem simonia; probabile tamen est censuram non incurri donec professio emittatur: quia censura non incurritur nisi ad sit effectus completus sub censura prohibitus; completur autem effectus per emissionem professionis. Vnde sequitur excommunicationem non incurri si suscepio habitus fuit simoniaca, modò postea religiosus gratis ad professionem admittatur. *ibid. num. 11.*

*Contra simoniam in Indulgentiis.*

85. Pius V. in Bulla 99. quæ incipit, *Quàm plenum*, vetuit concedi indulgentias vel facultatem eligendi confessarium, qui à casibus referuatis absoluat, soluentibus certam pecuniæ summam; & Episcopis quidem aliisque antistitibus huic decreto contraueniens infligit penam suspensionis ab ingressu Ecclesiæ, & à perceptione fructuum, à qua absolui nequeant nisi à Summo Pontif. post præstitam satisfactionem; alios verò Episcopis inferiores subiicit excommunicationi Pontifici referuata. *ibidem punct. 30. pag. 239. tom. 3.*



86. Licet Ordinarij locorum nequeant prohibere quominus religiosi inconsultis ipsis ordinariis publicent indulgentias olim sibi à Sum. no. Pontifice concessas; nihilominus nullus licet exemptus potest indulgentias de nouo concessas publicare in sua Ecclesia absque licentia Ordinarij; sic enim per sacram Cardinalium Congregationem declaratum fuit. *ibid. num. 9.*

*Contra simoniam in gratiis à Curia Rom. obtinendis.*

87. Bonifacius VIII. in rubrica, de *sententia excommunic.* quæ incipit, *Excommunicamus*, tulit excommunicationem contra omnes facientes promissionem, vel pactum temporalium pro aliqua gratia, vel iustitia obtinenda in Curia Rom. & contra dantes vel recipientes aliquid paruum, vel magnum, ex pacto aut promissione. Item contra præbentes consilium, auxilium, vel fauorem, & contra scientes, & non reuelantes eos, qui ex pacto dant, vel recipiunt aliquid pro gratia, seu iustitia in Curia Rom. obtinenda. *ibid. punct. 31. pag. 240. tom. 3.*

88. Qui fictè promittit se aliquid daturum pro gratia, aut iustitia in Curia Rom. obtinenda; vel qui promittit altero cui sit promissio non acceptante promissionem, non subiacet huic excommunicationi; quia ficta promissio non est promissio, & deratione promissionis est acceptatio. *ibidem pag. 242. num. 8. & 9.*

89. Promissio facta ex gratitudine, & solum vrbauitatis gratia sub hanc censuram non cadit. Secus autem si promissio fiat animo se obligandi vt facilius inflectatur iudex ad gratiam vel iustitiam concedendam; nam huiusmodi promissiones nihil aliud sunt, quàm muera in spe oblata; iustitiæ autem administratoribus nihil simpliciter debetur ex gratitudine cum aliunde habeant stipendium. *ibid. num. 10.*

90. Ad hanc excommunicationem incurrendam non sufficit quælibet res data, aut accepta, sed requiritur vt ea sufficiat ad peccatum mortale furto; paruitas enim materiæ excusat à mortali, atque adeo ab excommunicatione. *ibid. num. 12. & 13. pag. 243. tom. 3.*

91. Ab hac censura excusantur 1. qui dant ob meram liberalitatem, vel beneuolentiam, siue dent ante gratiam obtentam, siue ea iam obtenta. 2. qui dant ad redimendam iniustam vexationem; quamuis enim sit turpitudine ex parte iudicis recipientis, ac proinde iudex excommunicationem incurrat; nulla tamen est ex parte dantis; neque enim dat pro iustitia obtinenda, sed pro vexatione redimenda. 3. qui dant, vel accipiunt xenia, vel sportulas dari consuetas, modò non sit notabilis excessus. 4. qui dant, vel accipiunt tanquam stipendium laboris, vt si quid detur Aduocato, vel Notario, vel Procuratori, seu sollicitatori. 5. qui dant, vel accipiunt ob maiorem industriam, vel operam præstitam quam alioquin præstare teneatur. *ibid. pag. 224. num. 14. tom. 3.*

92. Qui dat, vel accipit aliquid solum titulo gratitudinis post gratiam,

aut



aut iustitiam in Curia Rom. obtentam absque prævia promissione, aut pacto hanc censuram non incurrit: quia hic non dicitur dare, aut accipere pro gratia vel iustitia obtinenda, sed tantum titulo gratitudinis ob gratiam, vel iustitiam impetratam. *ibid. num. 15.*

63. Qui nouit aliquod delictum committi contra hanc constitutionem, incurrit excommunicationem nisi intra triduum deferat Summo Pontifici, aut alteri, qui Summo Pontifici fideliter denunciaret; sic enim in Bulla præscribitur; id tamen intelligendum est de iis tantum, qui in Romana Curia degunt. *ibid. num. 18. pag. 245. tom. 3.*

94. Præter excommunicationem aliæ pœnæ imponuntur transgressoribus huius constitutionis: nam 1. gratia, aut iustitia sic obtenta est irrita, & qui ea scienter utitur, easdem pœnas incurrit, quas alij transgressores. 2. qui aliquid accepit hoc nomine, absolui nequit antequam restituat pauperibus id, quod accepit. 3. imponitur pro facto priuatio omnis beneficij Ecclesiastici, & omnis officij etiam secularis; non tamen ante sententiam criminis declaratoriam. 4. additur perpetua infamiæ nota. 5. inhabilitas ad omnia beneficia, & officia. *ibid. numero 21. & seq. pag. 246. tom. 3.*

95. Clemens VIII. in Bulla quæ incipit, *pro commissis nobis*, has pœnas extendit ad eos, qui dant, promittunt, vel accipiunt aliquid pro gratia, vel iustitia obtinenda etiam extra Curiam Rom. apud quæcumque tribumalia, & quoscumque iudices etiam laicos in terris, vel locis temporali ditioni Summi Pontificis mediâtè, vel immediâtè subiectis. *ibid. punct. 32. pag. 246. tom. 3.*

96. Episcopus qui necessariam correctionem non adhibet contra simoniam committentes in Sacramentis, vel ordinibus subiacet excommunicationi. In cap. *quicquid*, 1. quæst. 1.

*Contra simoniam in Ordine, vel beneficio.*

97. Paulus II. in Extrauag. *Cum de reſtabile, de ſimonia*, pœnam suspensionis ab executione Ordinum imposuit ordinato per simoniam; aliis verò committentibus simoniam, aut ad illam cooperantibus in beneficiorum, vel Ordinum collatione, seu consequutione, excommunicationem iniunxit. *pag. 230. tom. 3. vide tit. Ordo.*

98. Qui dat pecuniam pro consequutione beneficij, vel Ordinis, hanc censuram non incurrit antequam beneficium, vel Ordo actu conferatur. Idem dicendum quoties Ordo, vel beneficium confertur ex præuio pacto simoniaco, sed pretium nondum solutum fuit. *ibid. num. 7.*

99. Qui bona fide ignorans, per simoniam ab altero commissam, beneficium obtinuit, postea cognita simonia, tenetur quidem beneficium resignare, utpote per simoniam acquisitum; non tamen excommunicationem incurrit si nolit resignare; licet enim peccet retinendo beneficium, non



tamen simoniam committit. pag. 213. num. 12. & 13. tom. 3.

100. Qui scit simoniam ab alio commissam in Ordine, vel beneficio, non incurrit excommunicationem, nisi denunciaret; non tamen potest absolui donec denunciauerit. Quia Summus Pontif. in præfata Extrauag. præcipit in virtute sanctæ obedientiæ, huiusmodi delinquentes denunciari, & statuit eos, qui non denunciant, absolui non posse, donec denuncient; nulla tamen extat excommunicatio contra non reuelantes. *ibid.* num. 16.

101. Pœnæ comminatoriæ, iure antiquo contra simoniacos sancitæ, iure non incurruntur ipso facto, ex vi istius Extrauagantis: quia in hac Extrauag. iura antiqua innouantur, id est, in priori statu, ac robore restituntur; manent igitur comminatoria, vti erant antea. pag. 232. num. 19. tom. 3.

102. Hæc excommunicatio est Summo Pontifici reservata.

### Societas IESV.

1. **G**regorius XIII. in Bulla 89. quæ incipit. *Ascendente Domino*, approbavit institutum, & constitutiones Clericorum regularium Societatis IESV, addita pœna excommunicationis, & inhabilitatis ad quælibet officia, & beneficia secularia, seu regularia contra impugnantes præfatæ Societatis institutum, constitutiones, aut hanc suam Bullam, aut aliquem illorum articulum quouis prætextu. pag. 249. tom. 3.

2. Hæc eadem Bulla prohibetur de instituto Societatis IESV disputatio, non quælibet, sed ea tantùm quæ instituitur ad impugnandum illud institutum, seu constitutionem Apostolicam, vel ad contradicendum, idque factum est ad tollendas discordias, & compefcendas maleuolorum linguas. pagin. 250. num. 3. tom. 4.

3. Huic subiicitur excommunicationi qui facit libellos famosos contra Societatem IESV. Secus si scribat librum famosum contra nonnullos Patres eiusdem Societatis; quia hic non impugnat institutum; grauissimè tamen peccat. *ibid.* num. 4.

4. In eadem Bulla prohibentur nonnullæ aliæ actiones, quæ videntur etiam cadere sub excommunicationem, vt facere notationes, declarationes, glossas, vel scholia super præfato instituto, constitutionibus, vel Bulla, nisi de licentia Generalis, aut inferiorum præpositorum eiusdem Societatis; eas interpretari, nisi quantum verba ipsa sonant, de eis discrepare, seu scrupulum iniicere, reuocare in dubium, vel controuersiam, legere glossas, vel interpretationes ad id pertinentes, docere, aliisque tradere, vendere, vel apud se retinere; hæc, inquam, videntur prohiberi in virtute sanctæ obedientiæ, & sub pœna excommunicationis latæ sententiæ. *ibid.* num. 5. tom. 3.



## SOCIETATIS CONTRACTVS.

*Quid sit Societas.*

1. **S**ocietas est conuentio duorum, vel plurium conferentium suam pecuniam, vel industriam, vel laborem, vel aliam rem pretio astimabilem, ad commune lucrum. Ad coeundam Societatem quinque conditiones requiruntur. 1. vt fundetur in negotiatione licita, & honesta; nam quæ fundatur in negotiatione illicita, non est obligatoria. 2. vt singuli aliquid conferant in commune. 3. vt seruetur æqualitas inter socios, ita vt lucrum, expense, & damna sint omnibus communia, vnicuique pro rata. 4. vt fors, seu pecunia, quam socius in commune contulit, subiaceat periculo conferentis, ita vt si pereat absque culpa sociorum, illi pereat, qui eam contulit; res quippe domino perit. Est enim Societas leonina, & vsuraria, cum quis tradit pecuniam mercatori ea lege, vt periculum sit solius mercatoris, lucrum verò diuidatur. 5. vt seruentur pacta. *rom. 2. pag. 548. num. 1. & 3.*

2. Qui vnā Societatem iniit, non peccat, neque tenetur ad restitutionem si aliās ineat, absque præiudicio prioris, etiamsi promiserit se non daturum operam alteri negotiationi; quia socij nullam inde iniuriam patiuntur. Si verò Societas aliquid patitur damni, peccat, teneturque ad restitutionem. Hinc collige famulos, qui ab vno conducti, aliorum se negotiis implicant, cum præiudicio illius, à quo fuerunt conducti teneri ad restitutionem. *ibid. num. 4. & pag. 549 num. 5.*

*Quis inire possit societatem.*

3. Potest contractus societatis ab iis celebrari qui possunt ad libitum disponere de iis rebus quas conferunt in societatem. Sic filius cum patre potest coire societatem de bonis castrensis; de profectitiis, aut aduentitiis non potest, illis aduentitiis exceptis quorum vsusfructus non pertinet ad patrem. Potest item filius societatem coire cum patre, ita vt pater conferat pecuniam, filius operam, & industriam; tamen vsusfructus lucri spectantis ad filium, pertinet ad patrem quoad vixerit. *rom. 2. pagina 549. num. 1. & seq.*

4. Religiosus non potest contractum societatis celebrare, cum non sit sui iuris. Fratres inter se possunt, saluo tamen iure patris. Ex iuris dispositione medicus cum infirmo, durante infirmitate; aduocatus cum cliente, tutor cum pupillo, curator cum minore contrahere societatem non possunt. Item carcere detenti, in suam perniciem contrahere prohibentur. *ibid. num. 6. & seq.*



*Diuisio in societate.*

5. Lucrum, quod finita societate diuidendum est, illud dicitur, quod superest deductis expensis, & damnis. Est autem diuisio facienda ad æqualitatem, habita ratione illius quod quisque contulit in societatem. Hinc fit, vt si vterque socius contulit 100. aureos, cum æquali industria, & lucrum perueniat ad 200. detracto capitali, possit quisque accipere 100. pro lucro, & 100. pro capitali. Si verò vnus contulit 100. alter verò solam industriam valentem 100. & lucrum sit 200. sic facienda est diuisio, vt is qui contulit pecuniam, primo loco recipiat 100. quos contulit, deinde 200. æqualiter diuidantur, æquum enim non videtur, vt qui solam operam contulit. *ibid. num. 1. & 2.*

6. Etiam si pecunia ex se sit infecunda, & sterilis; tamen is qui pecuniam contulit in societatem, meritò percipit lucrum, non quidem ex pecunia, provt est pecunia, & pretium rerum venalium; sed quatenus exponitur negotiationi, periculo conferentis; vt sic enim censetur frugifera, cum sit instrumentum negotiationis. *tom. 2. pag. 50. num. 4.*

7. In diuidendo lucro non tantum est habenda ratio periculi, cui exponitur capitale, sed etiam quantitas pecuniæ, quæ confertur in societatem: quia qui plura præbet instrumenta ad negotiandum, dignus videtur maiori lucro. *ibid. num. 5.*

8. Lucrum, quod socius facit ex administratione rei communis, nomine communis, debet esse commune: acquisita enim nomine societatis, sunt societatis. Quando verò socius rem communem administrat proprio nomine, totum lucrum pertinet ad ipsum; quia fructus industriae pertinent ad lucrantem, tenetur tamen compensare damnum, quod societas inde passa est; nullus enim vti potest re aliena in damnum domini non consentientis. *ibid. num. 5.*

9. Caius, qui contulit 100. in societatem, potest conuenire cum socio solam industriam conferente, vt sibi detur certa aliqua pars, v. g. quinque vel sex in centum, reliquum verò lucri, siue maius sit, siue minus, ab altero socio retineatur: quia hic præter contractum societatis, initur alius contractus sortis, quo vterque subit aleam lucri, aut damni. At si pereat capitale, petit Cæo conferenti. *ibid.*

10. Bulla Sixti V. quæ incipit, *Detestabilis auaritia*. quæ damnat societatem initam cum assecuratione principalis, videtur intelligenda de societate cui non admiscetur alius iustus contractus: nihil enim obstat quominus periculum capitalis reiici possit in alterum socium, si onus illud iusto pretio compensetur. Quare socius conferens capitale, potest cum altero, solam operam conferente, conuenire, vt si capitale pereat, etiam casu fortuito, pereat in damnum æquale vtriusque, modò hoc grauamen iusto pretio compensetur: hic enim est contractus assecurationis. *ibid. num. 10.*

11. Capi-



11. Capitale, finita societate, redit ad eum, qui illud contulit, nisi aliter conuentum fuerit: nam si pereat, ipsi perit, nisi eam fecerit cum socio communem. Qui verò contulit pecuniam, eamque fecit communem cum socio, potest cum illo pacisci, ut eius periculum, & damnum, sit commune; cum enim vterque sentiat æquale commodum, par est ut sentiat onus æquale. *tom. 2. pag. 551. n. 13.*

12. Quando onus contulit pecuniam, alter solam operam, neque vllum lucrum fuit perceptum ex societate, conferens industriam, amisit fructum suæ industriæ, & conferens pecuniam, amisit fructum pecuniæ. Ac si capitale integrum perseveret, restituendum est ei, qui contulit, nisi ex conuentione factum fuerit commune. *ibid.*

13. Titius contulit in societatem centum ducatos, singulos valentes quinque libras, finita verò societate peruenerunt ad valorem sex librarum auctoritate Principis, augentis pretium monetæ. Potest ne Titius incrementum pecuniæ retinere? Non potest seclusa conuentione; quæ vterque socius exposuerit periculo damni, & lucri: si enim valor monetæ decreuisset, alter qui solam contulit industriam, obligatus fuisset ad restituendam pecuniam iuxta valorem, quem habebat tempore traditionis; ergo satisfacit restituendo pecuniam iuxta valorem, quem habebat tempore celebrati contractus, quamuis pecunia medio tempore acceperit incrementum. *ibid. num. 10.*

14. Expensæ non superflue quæ sunt à socio, suam conferente industriam, faciendæ sunt ex communi pecunia societatis, nisi aliter conuentum sit inter socios, aut nisi aliter lege cautum sit, aut consuetudine receptum. Item expensæ quas socius fecit in itinere, causa societatis, pertinent ad societatem, neque inde detrahendum est id, quod domi insumpsisset, sic enim iura definiunt. *tom. 3. pag. 552. num. 3.*

15. Societas non tenetur ad damna quæ patitur vnus sociorum, qui dum iter faceret, ob priuatas similitates, vulnus accepit. Item qui causa societatis Principem adiuit, ei que placuit, ob idque donum à Principe obtinuit, potest sibi donum retinere; nam censetur illud obtinuisse, non ex causa, sed occasione societatis. *num. 2. pag. 551. n. 1.*

16. Rebus societatis furto sublati absque vlla culpa sociorum, damnum debet esse commune. Secus dicendum si surreptæ fuerunt ob negligentiam, vel incuriam alicuius socii, illis enim damnum est adscribendum. *tom. 2. pag. 552. num. 2.*

### Societas animalium.

17. Ad societatem animalium tres saltem conditiones requiruntur. 1. ut singuli aliquid conferant in societatem, nempe animalia, vel custodiam, vel industriam. 2. ut seruetur æqualitas, ita ut expensæ, damna, & lucra sint communia vnicuique pro rata. 3. ut animalia stent periculo conferentis.



ita ut si pereant, ipsi pereant, nisi hoc periculum in alterum reiectum sit, facta grauius compensatione. *tom. 2. pag. 553. num. 2.*

18. Iniquus est ille societatis contractus quo traduntur pastoriana animalia cum hac conditione. 1. ut illa pascant, & custodiat. 2. ut se nper feruetur idem numerus, ita ut, si aliqua pereant, suppleantur ex foetibus, & pastor in fine singulorum annorum accipiat dimidiam partem reliquorum foetuum huic enim contractui deesse videtur æqualitas, si pastoris industria pluris æstimerur. quàm valeat numerus animalium ipsi assignatus. *ibid. num. 3.*

19. Licitus est contractus societatis quo quis alteri tradit animalia ad societatem, hoc pacto, ut lucrum sit commune, sed qui recipit animalia, nihil lucri capiat, donec animalia domino fuerint restituta: hinc enim nulla est inæqualitas, modo animalia ante recuperatam sortem, stent periculo ipsius apponentis. *ibid. num. 4.*

20. Illicita videtur societas, qua quis tradit alteri animalia hoc pacto, ut si pereant, æqualiter pereant; si verò non pereant, capitale reddatur apponenti; fructus verò equaliter diuidantur; quia non seruatur æqualitas. *ibid. num. 5.*

21. Qui tradit in societatem oues simpliciter æstimatas, non censetur inire contractum venditionis, sed societatis; nam illa æstimatio fit, ut, si animalia, culpa, vel dolo socij pereant, socius teneatur ad restitutionem: non verò si pereant absque ipsius culpa; res enim domino perit. Qui verò tradit oues, æstimatas hoc pacto, ut socius, si pereant absque ipsius culpa, teneatur restituere pretium, vel alias oues, præsumitur inire contractum venditionis; nam æstimatio in hoc casu, venditionem facit. Vnde sequitur usurarium esse contractum, quo quis tradit oues alteri, æstimatas hoc pacto ut sibi partem foetuum reddat, & adhuc tradat illarum pretium, etiam si perierint casu: hic enim est contractus venditionis, cui admiscetur contractus mutui, quo tradens oues, virtualiter mutuat pretium, cum pacto recipiendi emolumentum. *ibid. num. 6.*

22. Socius cuius culpa animalia simpliciter æstimata perierunt, tenetur ad restitutionem, iuxta valorem, quem habebant tempore amissionis, seu læSIONIS, nam ad dominum pertinet incrementum, & decrementum rei, nisi aliud deducatur in pactum. *ibid. num. 7.*

23. Illicita videtur societas qua Titius tradit Caio duas vaccas, hoc pacto, ut in fine temporis præscripti, lucrum diuidatur, pretium verò illarum tradatur Titio iuxta æstimatorem factam tempore traditionis; nisi hoc grauiamen iuxta mercede compensetur. *ibid. num. 9.*

#### *Societas officiorum.*

24. Societas officiorum Romæ, & non alibi, vsu recepta est. Sunt enim in Rom. Curia, multa officia fructifera, quæ vendi solent, & durant ad vi-



ad vitam emporum, nisi extinguantur, aut in alios transferantur. Porro is, qui emit officium, potest societatem cum alio circa illud ipsum officium ini-  
re, idque duobus modis. 1. faciendo ut alij conferant pecuniam ad illud  
officium emendum, eò quod ipsius pecuniæ non sufficiant. 2. ut alius, seu  
alij post emptionem officij, tradant pecuniam super eodem officio; non  
tamen ob id sunt plures officiales, sed vnus, quo viuente durat officium;  
illo autem mortuo cessat, nisi alteri fuit resignatum. Extincto autem offi-  
cio per mortem officialis, Papæ acquiritur pecunia tradita pro emptione  
officij; mortuo verò socio, pecunia, quam ipse tradidit officiali, acquiritur  
ipsi officiali, modò socius moriatur morte naturali, non autem violenta.  
Sin officium extinguatur viuente officiali, pecunia tradita pro emptione  
officij, reddenda est ipsi officiali; sicut etiam si officialis moriatur, aut alia  
ratione dimittat officium, pecunia, quam socius tradidit, ipsi reddenda est;  
ob id officialis præstat socio fideiussorem pro pecunia ab ipso accepta.  
Hæc autem societas celebratur ad semestre, & non vltra, nisi ratificetur.  
*tom. 2. pag. 553. & pag. 554.*

25. Hæc societas officiorum est conuentio inter socium, & officialem,  
qua socius exponit se periculo perdendi sortem, & acquirendi lucrum, &  
vicissim officialis exponit se periculo perdendi certam pecuniam, & ac-  
quirendi sortem à socio collatam. *tom. 2. pag. 554. num. 1.*

26. Ad huius societatis contractum multæ conditiones requiruntur,  
partim in Bulla Pij IV. expressæ, quæ incipit. *Mortu proprio*; partim ex  
conventionem, partim in ipso contra-ctu contenta. 1. est ut Romæ sit officium,  
super quo societas fundatur. 2. ut officialis, qui societatem celebrat, non  
assumat socios supra valorem officij, seu non plus pecuniæ accipiat quàm  
postulet officij æstimatio. 3. ut si officialis moriatur, aut alia ratione offi-  
cium amittat, ante finitam societatem, socio superstiti restituatur, non so-  
lum lucrum sex mensium, verum etiam restituatur pecunia quam ipse  
tradidit in officij societatem. 4. ut si socius moriatur intra semestre, offi-  
cialis acquirat pecuniam acceptam à socio, nisi socius intra 15. dies nomi-  
nauerit alium, cuius vitæ periculo stare velit pecuniam apud officialem. 5.  
ut officiales soluat sex pro centum, vnoquoque semestri, quamdiu socie-  
tas durat. *tom. 2. pag. 554. num. 4. & seq. pag. 555.*

27. Finitur hæc societas. 1. lapsu termini. 2. morte naturali socij, non  
autem morte violenta. 3. morte illius, in quem socius transtulit periculum  
amittendæ sortis. 4. morte ipsius officialis; tunc enim officium redit ad  
Principem. 5. venditione, seu translatione officij in alterum. *tom. 2. p. 556.  
num. 12. & seq.*

### Societas inter fratres.

28. Fratrum inter se societas extenditur tantum ad bona hæreditaria,  
quæ defunctis parentibus possident indiuisa, & ad lucra inde prouenien-  
tia;



gia; non verò ad bona aliunde parta, purâ donatione, hæreditate, officio, industria, &c. nisi aliter fratres inter se conuenerint. Quare frater habens patrimonium indiuisum cum aliis fratribus, non propterea tenetur cum illis communicare lucrum acquisitum ex officio, industria, &c. *tom. 2. pag. 556. num. 1. & pag. 557. num. 2.*

29. Diuisio inter fratres facienda est ad ratam hæreditatis, itavt si fratres habeant bona inæqualia, ratione hæreditatis, finita societate, bona diuidantur iuxta vniuscuiusque portionem, nisi fuerit aliter conuentum. *tom. 2. pag. 557. numero 3.*

30. Fratres patrimonium indiuisum possidentes, possunt de communibus bonis, sumptus facere ordinarios, & competentes; extraordinarios non possunt, cuiusmodi sunt sumptus faciendi ab aliquo ex fratribus propter delictum aut priuatas similtates. Debita tamen honesta, quæ vnus fratrum contraxit in studiis, viuente patre, soluenda sunt ex bonis communibus hæreditatis; quia censentur debita patris. At si mortuo patre velit sua studia persequi, ceteri fratres non tenentur contribuere in sumptus faciendos. *ibid. num. 4. & 5.*

31. Statutum est iure nouo, vt filij volentes suo parenti succedere cum aliis in hæreditate, conferant, & adducant ad partitionem, ea quæ de bonis illius parentis, cui volunt succedere, acquisierunt, nisi parens obligationem conferendi condonarit. Adducenda sunt autem ad partitionem, bona profectitia, quæ filius successurus cum aliis in hæreditate, accepit à patre, vel auo, cui vult succedere. Bona verò castrensia non sunt conferenda, quia dominium eorum, pleno iure, pertinet ad filium, neque bona aduentitia, quoad proprietatem, immò neque quoad vsum fructum, quando vsum fructus pertinet ad filium. *tom. 2. pag. 557. num. 1. & pag. 558. num. 3.*

32. Filius, qui vult succedere patri, vel auo, non tenetur ea conferre, quæ valide accepit donatione simplici facta ex mera liberalitate; hæc enim donatio non censetur facta in compensationem legitimæ. Excipitur donatio facta filio emancipato; hic enim tenetur conferre quidquid à parentibus in emancipatione, vel post emancipationem accepit. Qui verò vult alteri succedere, tenetur ea conferre, quæ accepit donatione ob causam, v.g. ad Ordines, ad nuptias, &c. hæc enim præsumuntur tradita in compensationem legitimæ, nisi aliter constet de mente dantis. *tom. 2. pagin. 558. num. 5.*

33. Quæ pater filio tradidit præ reliquis, ad cibum, vestitum, equitatum, &c. præsumuntur liberaliter data; ideòque non sunt in partitionem adducenda. Neque est improbable libros filio traditos à patre, non esse conferendos, si pater illos emit nomine filij; quia pater præsumitur illam collationem condonasse, modò ex hac condonatione non sequatur magna inter fratres inæqualitas; tunc enim pater non censetur emisisse nomine filij, nec collationem condonasse. *tom. 2. pag. 559. num. 8. & 9.*



34. Vestes pretiosæ, quæ solent dari sponsæ, conferendæ sunt, nisi constet parentem eas nurum donasse; tunc enim filius non diceretur eas acquisivisse, sed nurus. Item muneta, arthæ, & aliæ largitiones sponsalitæ, factæ causa nuptiarum à patre, sunt à filio conferendæ: censetur enim factæ ob causam matrimonij. Quæ verò pater filio tradidit ad onera matrimonij sustinenda, v.g. pro alenda vxore, & familia, non sunt ad partitionem adducenda; cum enim pater teneatur filium sustentare, & nurum alere, censetur huiusmodi fructus condonasse. Secus dicendum de bonis immobilibus, quæ pater tradidit filio, ut ex eorū proventibus, matrimonij onera sustineret: hæc enim est donatio ob causam matrimonij. *ibidem*, num. 12. 13. & 14.

*Societas quomodo finitur.*

35. Finitur societas 1. lapsu temporis constituti, aut finita negotiatione. 2. per renunciationem, id est, per mutuum consensum sociorum, tacitum, vel expressum. 3. morte alterius socij, naturali, aut civili; quare societas, regulariter non transit ad hæredes defuncti, nisi sint idonei ad societatem. 4. egestate alterius socij, ut quando non potest contribuere promissam pecuniam, aut quando are alieno oppressus cessit bonis, aut eius bona publicantur. *tom. 2. pag. 560. num. 1. & seq.*

36. In his casibus potest societas dissolui ante præfixum tempus, sociis etiam inuitis 1. si ita postulet Reipubl. necessitas, ut si socium abesse oporteat causa Reipubl. neque alium in suum locum ad societatem administrandam subrogare possit. 2. quando spes subest obtinendi id, cuius causâ iniuncta fuit societas. 3. si socij non stent pactis, & conuentis. 4. dum socij, arbitrio prudentis, iniuriam, & damnum inferunt. Non tamen faciliè dissoluenda est societas, inuitis sociis; cum pro ipsis stet possessio. *ibid. num. 2.*

*Sodomia.*

1. Sodomia propriè dicta, est coitus inter personam eiusdem sexus. Licet enim masculus cognoscens feminam extra vas naturale, dicatur committere sodomiam; hæc tamen non est propriè sodomia, sed est peccatum alterius speciei; nam in sodomia propriè accepta, peccatur contra sexum: masculus autem congregiendi præposterè cum femina, licet non seruet vas debitum; seruat tamen sexum. *tom. 1. pag. 321. num. 1.*

2. Peccatum sodomie turpissimum, & gravissimum est, ut patet ex epist. ad Roman. cap. 1. & gravissimis pœnis tum à iure civili inductis ut mortis per flammas inferendæ, tum à iure canonico impositis, præsertim contra clericos: nam clericus nefandum hoc crimen exercens, meretur pœnam depositionis, & priuandus est omni privilegio clericali omni beneficio, & Ecclesiastica dignitate: non tamen incurrit irregularitatem, aut suspensionem,



nem, quamdiu delictum est occultum. *ibid. n. 2. & 3. vid. tit. Clericus.*

3. Vir coniugatus, qui præpostero actu cepit cognoscere suam vxorē, sed actum perficit, & seminat in vase naturali, peccat mortal. quia vitur vase indebito, & illegitimo, à quo natura ipsa abhorret, & Canones expresse sentiunt, propter nefandum hoc crimen attentatum, posse vxorem petere diuortium à marito. Quare confessarij debent penitentes ab hoc flagitio detertere. *tom. 1. pag. 322. num. 12.*

4. Committentes nefandum sodomiae crimen siue publicum, siue occultum, non est ipso iure suspensus; quia hæc suspensio nupiam in iure inuenitur: tamen arcetur ab Ordinis executione, sitque irregularis, si crimen sit notorium, non ratione suspensionis, sed ratione infamiae, quæ huic crimini, ex dispositione iuris est adnexa. *tom. 3. pag. 376. 377.*

5. In Bulla Pij V. graues insiguntur pœnæ committentibus tam nefarium scelus, quæ tamen ante iudicis sententiam, in conscientia non obligant. *tom. 3. pag. 377.*

### Spes.

1. **S**pes est virtus Theologica, & supernaturalis, qua speramus beatitudinem diuino auxilio obtinendam. Ideò sperans beatitudinem, aut remissionem peccatorum, vt naturæ viribus, absque Dei ope obtinendam committit peccatum præsumptionis, quod est vitium contrarium, & destructiuum habitus spei. Immo est destructiuum fidei, si cum iudicio cōtra fidei articulos coniungatur: peccatum enim præsumptionis committitur ab eo, qui sperat aliquid eo modo, quo nō fit, aut fieri nequit, vt si quis speret beatitudinem absque Dei misericordia, ex suis solis meritis naturalibus, quæ sunt hæresis Pelegiana; aut si quis velit beatitudinem adipisci ex sola Dei misericordia, absque vlla cooperatione, aut bonis operibus, qui fuit error Lutheri. *tom. 2. pag. 160. num. 1. & seq.*

2. Præsumptio, ex suo genere, est peccatum mort. neque ob paruitatem materiæ fieri potest veniale: quia grauem continet inordinationem, & iniuriam. Qui spe veniæ obtinendæ differt pœnitentiam vsque ad senectutem, non tam peccat contra spem, quàm contra præceptum penitentiæ: quia hic non sperat veniam ex sola Dei misericordia, aut ex solis viribus propriis, sed spe veniæ, conuersionem differt. *ibid. num. 5. & 6.*

3. Extat præceptum spei affirmatiuum, quo obligamur aliquando spei actum elicere, Psal. 4. *Sperare in Domino*. Extat etiam præceptum spei negatiuum, quo prohibetur desperatio: quia non est beatus qui non sperat, ergo multò minus beatus erit qui desperat. Præceptum autem negatiuum spei obligat semper, & ad semper: hæc enim est natura præcepti negatiui. Præceptum verò spei affirmatiuum, per se obligat quando quis grauius vexatur temptationibus contra spem, versaturque in periculo desperationis, nisi actibus spei se muniat. *ibid. num. 1. & 2.*



4. Si cui fieret reuelatio suæ damnationis, is nec deberet, nec posset sperare, immò, sine peccato mort. desperare posset: quia impossibile est sperare id, quod certò constat obtineri non posse: at supposita reuelatione, consequitio beatitudinis certò cognoscitur impossibilis; ergo cui facta est hæc reuelatio, beatitudinem sperare non potest. *ibid. num. 4. & p. 161.*

5. Desperatio potest esse sine heresi: potest enim quis actum desperationis elicere, etiamsi non sentiat quidquam contra fidem, vt si dicat, *Deus nunquam mihi parceret.* At si dicat. *Deus non potest mihi parcere*, aut ego non possum saluari, &c. committit peccatum heresis, & desperationis; sentit enim contra fidem. *tom. 2. pag. 161. num. 5.*

## Spolium.

1. Spolium dicitur omne id, quod reperitur in bonis personæ Ecclesiasticæ, post ipsius mortem, ad ipsius heredes non pertinens. Neque vllus Ecclesiasticus, nisi speciali priuilegio, ab onere spolij eximitur. Eximuntur autem 1. Cardinales nisi Episcopatum habeant, ibique non resideant. 2. sectantes Curiam, seu commorantes in vrbe, in eaque, aut in eius districtu morientes. 3. habentes facultatem testandi. 4. Equites S. Ioannis, quatenus ipsorum morientium bona non acquiruntur Cameræ Apostolicæ, sed religioni Hierosolymitanæ. *tom. 2. pag. 687. n. 1. & seq.*

2. Spolium non fit ex iis, quæ clericus proprio labore, & industria, acquisiuit, vt concionando, cantando, ducendo funus, assistendo choro, sculpendo, pingendo, &c. hæc enim inter bona quasi patrimonialia numerantur. Si tamen clericus decedens, non relictis consanguineis, seu cognatis ex testamento, vel ab intestato venientibus, non solum eius bona quasi patrimonialia, sed etiam patrimonialia cedunt Cameræ Apostolicæ. *ibid. num. 3. & pag. 688. num. eod.*

3. Qui habet beneficium tenue, non excedens valorem congruæ sustentationis, non videtur obnoxius spolio; quia fructus congruæ sustentationi respondentes, numerantur inter bona quasi patrimonialia, quorum beneficiarius liberam habet dispositionem. Quamobrem Pius V. decreuit, vt habentes beneficia, vel pensiones non excedentes valorem 30. ducator. aureor. spolio Ecclesiastico non subiaceant. *tom. 2. pag. 688. n. 5.*

4. Vtensilia domestica non fiunt spolium, sed sunt illius cui relictæ fuerunt, vel qui succedit ab intestato: hæc enim Pius V. à spolio Cameræ Apostolicæ exemit. *tom. 2. pag. 689. num. 8.*

5. Clericus, qui moritur in eo loco, in quo spolium non est vsu receptum, ibique beneficium habet, vel pensionem, exemptus est à spolio, modò beneficium, vel pensionem non habeat in alio loco, in quo spolium vsus viget. *ibid. num. 9.*

6. Acquisita negotiatione illicita, aut alio modo per sacros canones prohibito, subiiciuntur spolio; etiamsi clericus haberet facultatem, testan-



testandi; sic enim Pius IV. & Pius V. expressè decreuerunt. Idem dicendum de acquisitis per sordidum officium, ludum vetitum, conductionem aliorum prædiorum, &c. hæc enim omnia per sacros canones prohibentur. *ibid. n. 1. & 2. & pag. 690. num. 1. 2.*

7. Instrumenta, & vasa sacra cuiuscumque beneficiarij, item ornamenta ad cultum diuinum destinata non acquiruntur legatariis, vel hæredibus, sed spolio Ecclesiæ subiiciuntur, etiam si empta sint ex pecunia patrimoniali, & relicta sint ab eo qui facultatem habebat testandi, & disponendi de quibuscumque bonis: Suum enim Pontifex non vult facultatem testandi, & disponendi de bonis, extendi ad huiusmodi ornamenta: vendi tamen possunt, si alia bona non extent, ad perfoluendum as alienum. *tom. 2. pag. 690. num. 1. & pag. 691. num. 4. & 7.*

8. Præfata instrumenta, & vasa sacra, exceptis instrumentis Cardinalium, relicta post mortem beneficiarij, debentur illi Ecclesiæ, vel monasterio, in quo habet, vel habuit beneficium, licet illud postea resignauerit: sic enim expressè decernitur in Bulla Pij V. *tom. 2. pag. 691. num. 9.*

9. Bona à religiosis extra religionem degentibus relicta post mortem, non acquiruntur religioni, sed Cameræ Apostolicæ: sic enim à Gregorio XIII. est constitutum in Bulla quæ incipit, *Officii nostri*. Nisi religiosus speciale habeat priuilegium testandi. Exciipiuntur instrumenta sacra diuino cultui addicta: hæc enim ad monasterium, seu religionem videntur pertinere. *ibid. num. 1. & 4. & pag. 692. n. 6.*

10. Cum spolia, regulariter loquendo, ad Cameram Apostolicam, pertineant, ipsa tenetur soluere debita, quæ beneficiarius ob necessitatem, vel vtilitatem Ecclesiæ contraxit, tenetur item facere funeris sumptus, habita ratione qualitatis, & dignitatis defuncti, necnon facultatum ipsius. *tom. 2. pag. 692. num. 1. & 4. & pag. 693. n. 8.*

11. Spolium debetur ante iudicis sententiam; lex enim spoliolum non est pœnalis, sed dispositiua, quæ obligat ante sententiam. Porro moriente beneficiario, spolium fieri potest de omnibus ab eo relictis, nisi hæredes probent exemptionem. Quod si hæredes afferant illa bona esse patrimonialia, aut quasi patrimonialia, & consequenter non esse spolio obnoxia, ipsis incumbit onus probandi; pro Camera enim Apostolica stat possessio. *tom. 1. pag. 693. n. 1. & 5.*

## S P O N S A L I A.

*Quid sint sponsalia, & quas condiciones requirant.*

1. Sponsalia sunt mutua promissio futuri matrimonij. Vt autem sint valida, tres condiciones requiruntur. 1. est, vt promissio sit voluntaria. 2. vt promissio sit mutua. 3. vt signo aliquo externo sufficienter manifestetur. *tom. 1. pag. 235. num. 1. & 2.*



2. Si pater, & mater, aut alius curam filiorum habens contrahat sponsalia, vel matrimonium pro filiis tacentibus, & non contradicentibus, valide contrahit, modo filij interius consentiant; ius enim, in hoc casu, accipit aciturnitatem pro consensu. Sin alius qui non est pater, vel mater, vel qui non habet curam, promittat pro filio tacente, non contrahit sponsalia, etiam si filius tacens, interius consentiat: in hoc enim casu valet regula iuris in sexto, *Qui tacet, neque consentire, neque dissentire videtur.* tom. 1. pag. 236. num. 11.

3. Hæc verba, *Non ducam aliam præter te*, non sufficienter exprimunt consensum requisitum ad sponsalia, cōsequenter ex vi illorum verborum non contrahuntur sponsalia: quia hæc verba in contractibus faciunt sensum conditionatum, neque sufficienter exprimunt consensum de presenti, vel de futuro, nisi ad sint alia circumstantiæ, & coniecturæ. Hæc autem verba, *habebo te in uxorem*, in foro externo explicanda sunt pro sponsalibus: in foro verò interno standum est intentioni contrahentium: nam si per illa verba intendebant contrahere matrimonium de presenti, explicanda sunt pro matrimonio, modo ad sint cætera requisita: sin tantum intendebant celebrare sponsalia, explicanda sunt pro sponsalibus. Porro hæc verba: *Ex hoc tempore, vel semper, vel omnibus diebus vita mea habebo te in uxorem*, explicanda sunt pro matrimonio de presenti, modo ad sint cætera requisita: *ibidem.* num. 13. & pag. 237. n. 18.

*Sponsalia ad quid obligent.*

4. Ex veris sponsalibus oritur obligatio sub mortali ad ipsa adimplenda: sunt enim sponsalia contractus quidam inter sponsum, & sponsam, in materia graui. Verum promissio ficta, etiam cum iuramento, absque animo se obligandi, non obligat præcisè ex vi iuramenti: fieri tamen potest vt ob aliam rationem seruanda sit hæc promissio. Immo fictè promittens cogetur in foro externo stare promissioni, aut iuramento; quia præsumetur iurasse cum intentione se obligandi. tom. 1. pag. 237. num. 1. & pag. 238. num. 4.

5. Qui ficta promissione matrimonij, virginem, aut viduam bonæ fame decepit, & carnaliter cognouit, & inde sequatur infamia, tenetur illam ducere non ex vi promissionis, sed ratione damni illati; neque satisfaciet illam virginem, seu viduam dotando, si ipsa non est contenta dote: nisi forte vir sit longè disparis conditionis. At si copula est adeo occulta, vt nulum sit periculum infamiæ, non tenebitur illam ducere; sed tantum iniuriam compensare. tom. 1. pag. 237. n. 4. & 5.

6. Vir, qui copulam extorsit à femina longè inferioris conditionis, non tenetur illam ducere aut dotare, aut aliquid ei restituere, si femina sciebat inæqualitatem viri; neque tenetur illam ducere, quamuis femina inæqualitatem ignoraret: sed potest illius damno occurrere illam dotando, vel dote



dotem augendo; neque tenetur cum tanto suo damno damnum foeminae adeo disparis compensare. *ibid. num. 7. & 8. & pag. 239. num. 13.*

7. Sponsalia incerta (id est quae fiunt cum persona indeterminata, seu cum pluribus disjunctivè) non sunt propriè sponsalia. Redduntur autem certa per determinationem, & electionem promissoris. Ex sponsalibus tamen incertis oritur obligatio ea adimplendi; nisi facta sint animo ficto: consequenter promissor cogi potest ad ducendam unam ex illis quibus sub conditione promissit. At si una illarum renuat, promissor non tenetur aliam ducere; quia per ipsum non stat quo minus unam illarum ducat. *rom. 1. pag. 239. num. 1. & seq.*

8. Qui promissit alteri cum iuramento, se traditurum in matrimonium unam ex tribus filiabus quas habet, si is, cui promissit, interim habeat copulam cum una illarum, non tenetur aliquam tradere: quia non tenetur eam tradere, quae fuit vitata: neque enim pater priusdum est sua libertate ob alterius delictum. Neque tenetur aliam tradere propter impedimentum affinitatis. At si nulla carnaliter cognita est, electio pertinet ad patrem. *ibid. num. 5.*

9. Aetas septem annorum requiritur ad sponsalia celebranda: quia ad promissionem requiritur usus rationis. In foro tamen conscientiae valida sunt sponsalia, quando malitia supplet aetatem, etiamsi ante septennium celebrentur. Verum contrahentes ante legitimam aetatem, graviter peccant, nisi excusentur ob ignorantiam legis, vel ob virginitatissimam causam. *ibid. num. 1. & 2. & pag. 240. n. 6.*

10. Parentes, seu tutores, curatores, & consanguinei curam gerentes infantum, possunt, virgente gravi necessitate, pro filiis contrahere sponsalia, ante septennium. Ut tamen sint valida, requiritur postea consensus expressus, vel tacitus filiorum, postquam peruenerint ad usum rationis, qui consensus, in foro externo, sufficiens praesumitur adesse, si filij taceant, & non contradicant, postquam septennium attigerint, scientes contracta fuisse à parentibus sponsalia suo nomine. *rom. 1. pag. 240. n. 8.* Non tenetur tamen filij consentire in sponsalia à parentibus, vel curatoribus contracta, quia in iis, quae ad statum matrimonij spectant, filij, per se loquendo, non tenentur parentibus obedire. *ibid. num. 9.*

11. Ad validitatem autem matrimonij, iure Ecclesiastico, requiritur in masculo aetas 14. annorum, & in foemina, 12. nisi malitia suppleat aetatem, id est, nisi ad sit potentia generandi, & sufficiens discretio ad se obligandum. Sufficit autem illam aetatem esse moraliter completam. *ibidem, num. 10. & pag. 241. num. 11.*

### Causae sponsalia dirimentes.

12. Causae sponsalia dirimentes sunt haec. 1. ingressus in religionem. 2. votum simplex castitatis, aut religionis. 3. votum simplex sacrorum Ordinum.



num. 4. ætas. 5. lapsus termini. 6. discessus in longinquum. 7. dolus. 8. metus. 9. matrimonium subsequens cum alia celebratum, aut impedimentum dirimens matrimonium. 10. fornicatio superueniens. 11. mutus consensus. 12. conditio non adimpleta. *tom. 1. pag. 241. num. 1.*

13. Sponsus ingrediens religionem, non tenetur postea, si egrediatur, contrahere matrimonium cum ea, cum qua ante religionis ingressum contraxerat sponsalia: quia obligatio semel extincta non reuiuiscit; modò bona fide ingressus fuerit religionem; nam si ingressus est ut sponsam deciperet, non cessat obligatio ex parte ingredientis religionem; cessat tamen ex parte sponsæ. *ibid. num. 3.*

14. Qui contraxit sponsalia cum iuramento, potest nihilominus ingredi religionem nisi aliud obstat: hoc enim iuramentum censetur factum sub hac tacita conditione, *nisi melior status eligatur*. At si virtute sponsaliorum, copulam habuit cum sponsa, tunc non potest ingredi religionem; sed debet matrimonium contrahere cum sponsa: quia obligatio naturalis reparandi famam sponsæ, præferenda est consilio ingrediendi religionem. Immo si post sponsalia copulam extorsit à sponsa, deinde vouit religionem, non potest eam ingredi; quia votum non est vinculum iniquitatis, neque obligat ad aliquod illicitum. Neque sufficit in hoc casu, ut sponsus matrimonium celebret cum sponsa, mox ante consummationem matrimonij ingrediatur religionem: sic enim non impedit infamiam, neque refarcit iniuriam; sed debet matrimonium consummare, & cum vxore permanere. Obseruandum tamen hoc votum, non esse irritum, & inualidum, sed obligare post dissolutionem matrimonij: quia obligatio voti non extinguitur per matrimonium, sed suspenditur. *ibid. num. 4. & pag. 242. num. 5. & 6.*

15. Qui post votum religionis, vel castitatis, virginem desorauit, cum promissione matrimonij, tenetur adhuc matrimonium contrahere cum illa, si votum ipsius ignorabat. Quia vinculum iustitiæ, fortius est vinculo charitatis; sed propter vinculum charitatis tenetur quis votum suspendere ut parentum inopia consulat; ergo multò magis sponsus propter vinculum iustitiæ, ut famæ damnum impediatur. *tom. 1. pag. 242. n. 7.*

16. Priora sponsalia non dissoluantur per posteriora, etiamsi copula subsequuta sit cum secunda sponsa, aut etiamsi posteriora facta sint cum iuramento. Quia secunda sponsalia non possunt sine peccato adimpleri, suntque in præiudicium alterius. *ibid. n. 9. & 10.*

17. Sponsalia dirimuntur per votum simplex castitatis factum post ipsa sponsalia: quia in sponsalibus subintelligitur illa conditio, *nisi perfectior vita status eligatur*; status autem celibatus perfectior est statu matrimonij. Vnde sequitur sponsalia facta post votum simplex castitatis, esse inualida, etiamsi facta sint cum iuramento: quia iuramentum non est vinculum iniquitatis, seu promissionis iniquæ. *ibid. n. 13. & 15.*

18. Sponsalia dirimuntur per votum suscipiendi sacros Ordines: eligitur enim perfectior status. Qui tamen vouit sacros Ordines, non tene-



tur, ex vi voti, seruare castitatem ante illorum susceptionem. *tom. 1. pag. 243. num. 29.*

19. Sponsalia dissolui possunt propter defectum ætatis impuberis: ius enim concedit vt filij possint statim adepti pubertatem, resilire à sponsalibus celebratis, dum essent impuberes. Pubertatem autem adeptus, nisi statim resiliat à sponsalibus, non poterit postea resilire: cum enim sponsalia ab initio essent valida, manent valida, & irreuocabilia, nisi statim post pubertatem reuocentur. Porro qui prior attingit pubertatem, non tenetur alterius pubertatem expectare, sed potest statim resilire. *ibid. n. 1.*

20. Reclamatio ad sponsalia dirimenda, fieri debet apud Episcopum, uel eius Vicarium, vel ipsi deficientibus, apud personas honestas: hoc tamen videtur tantummodo necessarium in foro externo, vt iudex ferat sententiam pro sponsalibus dirimendis: in foro verò conscientie sufficit, vt qui attingit pubertatem, statim dissentiat interius: quippe reclamatio requiritur in foro exteriori, ne videantur sponsalia prius facta ratificari; at qui interius dissentit, verè non ratificatur; ergo, &c. *tom. 1. pag. 244. n. 5.*

21. Sponsalia dirimuntur per lapsum termini constituti ad matrimonium contrahendum, ex parte eius, per quem non stetit, quò minus matrimonium præstituto tempore celebraretur, modò terminus appositus fuerit ad limitandam obligationem; elapso enim termino expirat obligatio. Ille verò per quem stat, quò minus tempore præfinito matrimonium contrahatur, non liberatur ab obligatione, si alter velit stare sponsalibus: neque enim æquum est vt dilator ex mora commodum reportet, si fuit in culpa. *tom. 1. pag. 244. num. 6.*

22. Nullo præfixo termino, sponsalia dissolui possunt per moram, & dilationem alterius, quando scilicet ab altero requisitus ad perficienda sponsalia, & matrimonium contrahendum, ita differt, & prorogat, vt arbitrio prudentis viri censeatur esse in mora culpabili. *ibid. n. 7.*

23. Sponsalia etiam facta cum iuramento, dissolui possunt per discessum alterius sponsi in longinquum, absque licentia alterius. At si profectus est ad locum propinquum vnde speratur breui rediturus, expectandus est, vel requirendus vt intra certum tempus matrimonium contrahat: sin nolit intra illud tempus dissolui poterunt sponsalia, quia sponsus requisitus censeatur cedere sponsalibus, si recuset contrahere matrimonium intra tempus assignatum, absque legitima causa. *ibid. num. 8.*

24. Sponsalia irritantur per subsequens matrimonium validè celebratum cum alia persona: quia res tradita vni per contractum indissolubilem, non potest amplius alteri tradi, cui tantum promissa fuerat. Si tamen sponsalia facta fuerant cum iuramento, sponsus dissoluto matrimonio permortem coniugis, tenetur vi iuramenti, stare sponsalibus; quia obligatio iuramenti non fuerat extincta, sed tantum suspensa per subsequens matrimonium. *tom. 1. pag. 245. num. 1. & seq.*

25. Sponsalia etiam iurata dissoluantur per impedimentum dirimens  
ma-



matrimonium, cuiusmodi est error personæ, affinitas superueniens, &c. quia non est obligatio ad id quod fieri non potest. Hinc sequitur sponsalia dissolui per copulam habitam cum consanguinea sponsa in primo, vel secundo gradu, nam per huiusmodi copulam fit affinis sponsæ; affinitas autem dirimit matrimonium vsque ad secundum gradum, quando procedit ex copula illicita. *ibid. num. 5. & 6.*

26. Sponsus qui post sponsalia contraxit impedimentum dirimens, tenetur impetrare dispensationem impediendi, si commodè possit, aut si alioquin sequatur graue damnum sponsæ, ob deflorationem, & famæ iacturam: æquum enim non est ut sponsus ex suo delicto commodum reportet. *ibid. num. 9.*

27. Sponsalia clandestina, id est, sine Parocho, & testibus celebrata, sunt valida: quia Concil. Trident. irritat tantum matrimonium clandestinum, non autem sponsalia. Neque peccant mortaliter ita contrahentes; nullo enim iure huiusmodi sponsalia sunt prohibita, quamuis sint dissuadenda, cum sæpius fiant sine debita circumspectione, & prudentia. *rom. 1. pag. 246. num. 12. & 13.*

28. Sponsalia, quamuis iuramento confirmata, dissoluantur per fornicationem alterius sponsi: quia qui fornicatur facit contra leges coniugij, & desponsationis, sitque suspectus de fide in futurum seruanda. Item fornicatio sponsæ commissæ etiam ante sponsalia, est sufficiens causa ob quam sponsus possit illa dissoluere, si ante contracta sponsalia, illam ignorabat: at fornicatio sponsi commissæ ante sponsalia non est sufficiens causa cur sponsa resiliat à sponsalibus; quia illa fornicatio non infert graue dedecus sponsæ. *ibid. num. 1.*

29. Dissoluantur sponsalia, etiam si femina per vim fuerit constuprata: nam hæc cõsetur notabilis mutatio ex parte sponsæ, cum vir possit hinc graue dedecus pati, quia non ita faciliè constare potest, an sponsa per vim fuerit compressa. *ibid. num. 3.*

30. Sponsalia dissolui possunt ob fornicationem spiritualem, videlicet ob heresim, vel apostasiam: huiusmodi enim fornicatio notabilem inducit mutationem. Immo tenetur sponsus in eo casu resiliere à sponsalibus: nam contrahere matrimonium cum heretico est peccatum mort. *rom. 1. pagin. 247. num. 7.*

31. Quoties notabilis aliqua mutatio, seu causa de notio superuenit sponsalibus, quæ cognita contrahentes præsumuntur non habuisse voluntatem saltem impliciter se obligandi, sufficit ad illa dissoluenda, etiam si celebrata fuerit cum iuramento: quia promittens non censetur habuisse intentionem promittendi, superueniente notabili mutatione. Sic sponsus non tenetur contrahere matrimonium cum sponsa, quæ post sponsalia incidit in lepram, vel paralyfim, &c. vel quæ amisit oculos, nares, &c. vel quæ facta est notabiliter deformis; maior tamen requiritur deformitas in viro ad sponsalia dirimenda, quam in femina. Itæ paupertas superueniens sufficit



ad dissoluenda sponsalia. Tamen si altero sponso in eodem statu permanente, alter sit valde diues, tenetur hic stare sponsalibus: quia non est deceptus in conditione sponsæ. Item dissolui possunt sponsalia ob grauem simultatem inter sponso interuenientem, vel per morum asperitatem, & seuitiam alterius sponsi, de nouo cognitam. *ibid. num. 8.*

32. Dolus adhibitus ab altero contrahentium, dans causam contractui, facit sponsalia ipso iure irrita, & inualida: quia sponsalia sunt contractus bonæ fidei. Si tamen deceptus velit stare sponsalibus, potest cogere decipientem ad contrahendum matrimonium: quia par non est vt decipiens ex sua fraude commodum reportet. Quamquam probabile est vtrumque liberum esse à sponsalibus; quia sponsalia non claudicant. *tom. I. pag. 248. num. 1. & 2.*

33. Sponsalia celebrata per metum leuem, in foro conscientie dissolui possunt. In foro tamen externo non datur actio ad dissoluenda sponsalia per metum leue celebrata, vt litium occasio computetur. *ibid. n. 6.*

34. Sponsalia etiam cum iuramento facta, mutuo consensu dissolui possunt: quia sponsalia sunt contractus dissolubilis: hæc autem mutua remissio debet esse libera; nam si alter sponsus remittat obligationem ob metum sibi incussum ab altero, sponsalia non censentur dissoluta. Secus dicendum de remissione facta ob metum parentum, vel ob viri asperitatem; hic enim metus non tollit libertatem. *ibid. n. 1. & pag. 249. num. 2. & 3.*

35. Sponsalia dissolui possunt, quando non adimplentur conditiones; sub quibus fuerunt celebrata. Immo sponsalia non obligant, donec impleatur conditio expressa in contractu sponsaliorum. *tom. I. pag. 249. n. 4.*

36. Ad dirimenda sponsalia, si natura rei spectetur, non requiritur iudicis auctoritas, quando certò constat de causa sufficiente ad dissoluenda sponsalia; sed priuata auctoritate dissolui possunt, quamuis facta fuerint cū iuramento. Per accidens tamen, ad vitandum scandalum, fieri potest vt necessaria sit iudicis auctoritas. Hic autem iudex esse debet Ecclesiasticus, Episcopus scilicet, aut ab ipso delegatus; quia causa est spiritualis. *ibid. num. 5. & 8.*

37. Sponsus ius amitit dirimendi sponsalia quando cognoscit carnaliter sponsam, sciens præcessisse causam sufficientem ad dissoluenda sponsalia; modò tamen illa sponsalia fuerint valida: nam sponsalia inualida non inducunt obligationem, nec fiunt valida per copulam habitam, nisi sponsus tunc habuerit animum permanendi in prioribus sponsalibus. *ibid. n. 10.*

38. Sponsus habens defectum occultum, propter quem alter iustam haberet causam dissoluendi sponsalia, potest alterum cogere per iudicem vt stet sponsalibus: quia nemo tenetur propria sponte penam subire. Sic adulter occultus non priuatur iure petendi debitum. *ibidem, numero 12.*

39. Qui habuit copulam cum sponsa alterius, debet hanc circumstantiam in confessione aperire; quia facit grauem iniuriam sponso, qui cogitur



aut aut resiliere à sponsalibus, aut ducere fornicarium in uxorem. At fornicans cum sponso, non facit grauem iniuriam illius sponsæ. *tom. 1. pagina 250. num. 13.*

40. Sponsalibus apponi non potest pœna soluenda ab eo, qui non steterit sponsalibus: quia hoc repugnat libertati matrimonij. Possunt tamen tradi arrhæ quas tradens amittat si fregerit fidem sponsaliorum. Verùm, arrhæ non sunt soluendæ, quando sponsalia dissoluantur auctoritate iudicis, aut per ingressum in religionem: nam ubi abest culpa, debet etiam abesse pœna. *tom. 1. pag. 250. num. 1. & seq.*

41. Interesse damni emergentis exigi potest ab eo, qui iniuste resilit à sponsalibus, non virtute conuentionis pœnalis, quam diximus esse inualidâ, sed ob iniustitiam commissam ab eo, qui iniuste violat fidem sponsaliorum. Non potest autem iniri pactum soluendi interesse lucri cessantis: quia sponsus ante initum matrimonium non habet ius ad illud lucrum. *tom. 1. pag. 251. num. 6.*

Stuprum.

1. Stuprum strictè acceptum est concubitus viri cum virgine femina, quo vaginalis integritas violatur: habetque malitiam specie distinctam à fornicatione, necessariò in confessione explicandam, siue puella consentiat, siue sit inuita; quia puella non habet dominium suæ integritatis corporalis; fitque iniuria patri, cuius est specialem curam gerere corporis filiæ. *tom. 1. pag. 328. num. 2.*

2. Qui per vim, aut fraudem, metum, aut mendacium, copulam à puella extorsit absque promissione matrimonij, tenetur illam ducere in matrimonium, vel commodè dotare, vel curare, ut aequè bene nubat, ac si esset virgo: quia tenetur ex iustitia, damnum illi iniuste illatum reparare. At si virgo liberè consensit, non tenetur ad restitutionem: quia illi non intulit iniuriam, modò stuprator non manifestauerit copulam occultam; tunc enim tenetur ad restitutionem famæ, & damnorum incrementi dotis, &c. *tom. 1. pag. 329. num. 7.*

3. Qui precibus, vel muneribus, vel suasionibus, ac blanditijs extorsit copulam à puella, non tenetur ad restitutionem: quia huiusmodi preces, munera, &c. non adimunt voluntarium. Neque facienda est restitutio patri, sub cuius cura est ipsa puella deflorata: quia nullum illatum est damnum patri. Quod enim pater cogitur augere dotem ut puella aequè commodè nubat, hoc damnum est per accidens, & puella potest manere in nupta. *ibid. num. 13. & 14.*

4. Potest filius inconsulto, vel inuito patre, validè contrahere matrimonium cum ea, à quo copulam extorsit: quia, per se loquendo, non tenetur obedire patri in iis, quæ pertinent ad vitæ statum. Per accidens tamen fieri potest ut in his etiam grauitè peccet, ut quando inuito patre contrahit cum indigna, ex cuius matrimonio magnum familiæ dedecus inferatur, vel quando multum reserret patris, filium aliam ducere ad compo-



nendas familiae lites; aut quid simile. Igitur valde consentaneum est rationi, & honestati, vt filij absque parentum consilio, & consensu, non ineant matrimonium, idque Ecclesia prohibuit: quare qui inconsulto patre matrimonium contrahit, peccat mort. nisi iustam habeat causam sic contrahendi. *tom. 1. pag. 330. num. 18. & seq.*

5. Potest Ecclesiasticus iudex suam interponere auctoritatem ne matrimonium contrahatur à filiofamiliæ, quando confiterit adesse graue scandali periculum. Neque propterea matrimonij libertas impeditur; quia non dicitur libertas alicuius impediri, nisi impediatur ad id, ad quos ius habet; filius autem non habet ius ad nuptias iniurias patri, & toti familiae. *ibid. num. 26.*

## Substitutio.

1. **S**ubstitutio est vocatio vnius, aut plurium ad hæreditatem, in locum alterius, vel aliorum. Sex autem modis potest aliquis alteri substitui. 1. substitutione vulgari. 2. pupillari. 3. exemplari. 4. fideicommissoria. 5. reciproca. 6. compendiosa seu breuiloqua. *tom. 2. pag. 648. n. 1. & 2.*

2. Substitutio *vulgaris*, est substitutio directa, & simplex, quia quilibet, non prohibitus, substitui potest à quolibet, hac conditione, vt si ille, qui fuit institutus hæres, vel qui succedere debet ab intestato, nolit, aut nō possit succedere, succedat substitutus. *ibid. num. 3.*

3. Substitutio *pupillaris* est illa, qua quis proli impuberi in sua potestate constituta, substituit aliquem, vt si pater dicat: *Si filius meus intra pupillari ætatem decedat, substituo Titium*. Ætas autem pupillaris in masculo intelligitur vsque ad 14. annum, in femina vsque ad 12. Hæc autem substitutio pupillaris fuit instituta, quia, cum impubes non possit testari, par fuit vt ius concederet facultatem patri substituendi heredem filio impuberi. Porro ad validitatem huius substitutionis requiritur. 1. vt ille, cui fit substitutio, sit impubes. 2. vt sit filius, nepos, vel descendens. 3. vt sit in potestate testatoris. 4. vt post mortem testatoris fiat sui iuris, & non recidat in potestatem alterius. *ibid. num. 4.*

4. Substitutio *exemplaris* ea est, qua quis filio amenti; vel prodigo, vel alia ratione prohibito testari, substituitur. Atque hæc substitutio fieri potest non solum à patre, verum etiam à matre, auo, auia, proauo, proauia. *ibid. num. 5.*

5. Substitutio *fideicommissoria* illa est, per quam hæres ab intestato, vel testamento constitutus, accipit hæreditatem cum hoc onere, vt eam, vel eius partem aliquotam, v.g. dimidiam, tertiam, vel quartam restituat alteri post mortem, sub hac tacita conditione, *si decedat sine liberis, vel descendentibus*. Porro si hic hæres professionem faciat in religione, bonorum, capaci, monasterium percipit vsumfructum illorum bonorum, donec sequatur mors naturalis ipsius religiosi. *ibid. num. 6. & pag. 649. n. 9.*



6. Substitutio reciproca, seu breuiloqua dicitur illa, qua haredes substituti, sibi inuicem substituuntur, vt si testator dicat: *Instituo tales haredes, quos inuicem substituo. tom. 2. pag. 651. n. 18.*

7. Substitutio compendiosa illa est, quae plures complectitur substitutiones diuersas, quoad tempora, vt si quis dicat: *Instituo Carum filium meum haredem, & cum è vita decesserit, substituo ei Titium. ibid. num. 19.*

Sucessio ab intestato.

1. Successio alia est, qua *ascendentes succedunt in bonis descendantium*, quando scilicet defunctus non reliquit descendentes, aut collaterales in primo gradu. Alia, qua *descendentes succedunt in bonis ascendentium*. Alia denique *collateralium*, seu *transuersalium*. *tom. 2. pag. 675. n. 4.*

2. In successione *descendentium* seruanda est illa regula; vt si quis decedat, relictis filiis legitimis, aliisque descendantibus, iure communi succedant filij, alique descendentes, aliis omnibus exclusis. Porro filij legitimi per subsequens matrimonium, succedunt, ac si essent verè filij legitimi naturales: matrimonium enim subsequens, omnia antecedentia purgat, efficitque filium habilem, & idoneum ad omnia. *ibid. num. 1. & 5.*

3. In successione *ascendentium*, dum quis decedit nullis relictis descendantibus, sed solis ascendentibus, parentes succedunt liberis, modò liberi non essent spurij, sed vel legitimi, vel naturales. Quando autem quis decedit relictis ascendentibus, & collateralibus, si collaterales sunt fratres, vel sorores defuncti vtrunque coniuncti, id est, eodem patre, & matre orti, tunc collaterales succedunt in capita, siue cum patre, & matre, siue cum superioribus ascendentibus, modò parentes non transierint ad secundas nuptias absque consensu filiorum, tunc enim succedunt solum in usum fructuum: si verò supersint fratres, aut sorores ex vno solum latere coniuncti, parentes succedunt illis exclusis. *tom. 2. pag. 676. num. 5. & 6.*

4. Dum quis decedit solis collateralibus relictis, succedunt primò fratres, & sorores vtrunque coniuncti, eorumque filij; his deficientibus succedunt fratres ex altero tantum parente, eorumque filij, ita vt coniuncti ex patre succedant in bonis paternis, coniuncti verò ex matre succedant in bonis maternis, in bonis verò acquisitis à patre, & matre, succedant equaliter. Obseruandum autem ascendentes, & descendentes succedere in infinitum, collaterales verò vsque ad decimum gradum, iuxta computationem iuris ciuili. His deficientibus succedit vxor viro, & vir vxori. *ibidem, num. 6. & 7.*

Suffragium.

1. Suffragij nomen hic sumitur pro auxilio, quod vnus fidelis præbet alteri ad consequendam remissionem pœnæ temporalis. Postur



autem fideles, dùm in hac vita degunt, non solùm se inuicem ianuare suffragij, verùm etiam subleuare defunctos, satisfaciendo pro pœna ipsis debita. Hoc fatemur, dùm in symbolo credimus. *Communione Sanctorum*. Cuius articuli sensus est, in Ecclesia esse communicationem bonorum operum inter iustos, itavt tanquam vnius corporis membra, sub vero capite Christo, se inuicem iuuent, & alter alteri per suffragia, & opera satisfactoria opem ferat. *tom. 1. pag. 212. num. 1.*

2. Bonum opus, vt est satisfactorium, non prodest facienti, quando illud alteri applicat, habet enim satisfactionem limitatam; sed prodest ei, cui applicatur: nam satisfactio communicabilis est. At si opus bonum, spectetur vt est meritorium, prodest soli applicati, ad meritum vitæ æternæ. *ibid. num. 2.*

3. Vt suffragium alteri profit, 1. debet ad illum dirigi intentio offerentis. 2. requiritur, vt opus fiat ab homine viatore, id est, viuente. 3. vt fiat seu sustineatur voluntariè; in quò differt satisfactio à satisfatione. 4. vt opus sit bonum, saltem ratione intentionis. 5. vt operans sit in gratia, alioquin non proderit alteri ex opere operantis; prodesse tamen poterit ex opere operato: propterea dictum est, titul. *Indulgentia*, prodesse indulgentias defunctis, etiam si qui facit opus præscriptum in Bulla, sit in statu peccati mort. Sic Missæ sacrificium oblatum ab improbo Sacerdote, non caret suo fructu, non solùm quatenus est sacrificium; verùm etiam si consideretur secundum preces, quatenus offeruntur à Sacerdote in persona Ecclesiæ. *ibid. num. 2. & seq. pag. 213.*

4. Opus, quod ab vno præcipitur, & ab altero adimpletur, prodest ad satisfactionem, si præcipiens sit in gratia, etiam si exequens sit in peccato, modò non sit causa proxima illius operis: quia præcipiens est agens principale, ergo sufficit vt sit in gratia, saltem tunc quando præcepit; nam si postquam præcepit incidat in peccatum mort. nihilominus opus est satisfactorium. *pag. 213. num. 9.*

5. Opera, quæ per alium fiunt, tanquam per instrumentum, sunt satisfactoria, quamuis qui ea facit, sit in peccato mort. vt si dominus in gratia existens præcipiat per famulum, seu amicum fieri elemosynam suo nomine; sufficit enim principale agens esse in gratia. *ibid. num. 10.*

6. Qui ex iniuncta pœnitentia tenetur pro defuncto suffragium offerre, debet iterùm opus iniunctum præstare, si illud præstitit in peccato mort. nisi habeat valorem ex opere operato, aut nomine Ecclesiæ offeratur. *ibidem, num. 11.*

7. Tres conditiones requiruntur in eo, cui suffragium applicatur, vt illi profit. 1. vt indigeat suffragio. Vnde suffragia Beatis non profunt, nisi ad gaudium quoddam accidentale, quatenus per ea coluntur, & honorantur. 2. vt sit in gratia; & quare opus applicatum alicui existenti in peccato mort. conuertitur in vtilitatem offerentis. 3. vt peccata, pro quibus exhibetur satisfactio, iam sint remissa quoad culpam; idcirco non prodest satisfi-



tisfactio etiam pro venialibus nondum remissis; quia remissio penæ supponit remissionem culpæ, quippe manente culpa, manet obligatio ad penam. *tom. 1. pag. 213. 214. num. 1. & seq.*

## Superstitio.

1. Superstitio est cultus vitiosus, quo vel colitur creatura cultu divino; vel Deus modò indebito. Duplex est superstitio. 1. *ratione rei cultæ*, quatenus creatura colitur cultu divino. 2. *ratione modi indebiti*; quæ rursum est duplex. 1. dicitur *cultus falsus*, ut si quis Deum colat ceremoniis Iudæorum, quibus significatur Christus venturus, aut fidem nostram falsis miraculis confirmare contendat, aut divino officio turpi admisceat tanquam illius partem. 2. dicitur *cultus superfluus*, quando scilicet præter Ecclesiæ usum ponitur religio iis in rebus, aut circumstantiis, in quibus nõ est ponenda, ut in numero, colore, situ, &c. aut quando variantur ceremoniæ ab Ecclesiâ præscriptæ, quæ variatio, ut plurimum, est tantum peccatum veniale; nisi fiat magna perversio in ceremoniis, ex præcepto vel consuetudine adhiberi solitis. At cultus falsus est peccatum mortale ex suo genere; quia grauem infert irreuerentiam Deo. *tom. 2. pag. 177. n. 1. & seq.*

2. Qui in diuino officio turpia, aut vana canit voce, organo aut alio musico instrumento, etiam si non intendat illa admiscere tanquam diuini officij partem, grauitè peccat ratione scandali; promouet enim impuram delectationem. At si tantum utatur sono, aut voce profana, & seculari, absque impura delectatione, non videtur grauitè peccare; quia sonus organi, aut vocis est ex se indifferens; ergo non fit mortalis, nisi ratione prauis finis, aut circumstantiæ mortalis. *ibid. num. 3.*

## S V S P E N S I O.

*Quid, & quoruplex sit suspensio.*

1. Suspensio propriè dicta est censure Ecclesiastica, quæ persona Ecclesiastica impeditur ne functiones exercet sui beneficii, vel officij, vel ordinis, in totum, vel in partem, in perpetuum, vel ad tempus. Est autem multiplex suspensio: alia enim est *à beneficio tantum*, siue beneficium sit canonicatus, siue dignitas, siue Episcopatus, siue aliud; alia est *ab officio tantum*, siue officium sit Ordinis, siue iurisdictionis: alia *ab officio, & beneficio simul*. Rursum suspensio ab officio, alia est *ab officio in totum*, alia *ab officio in partem*. Item alia est *suspensio penalis*; quæ fertur in penam delicti; alia *medicinalis*, quæ intenditur emendatio, & bonum delinquentis. Item alia est *temporalis*, quæ fertur cum limitatione temporis; alia *perpetua*, quæ fertur absque limitatione. Denique alia est *à iure*, alia *ab homine*. *tom. 1. pag. 423. num. 1. & 2.*

2. Epi-



2. Episcopus, vel iudex, qui tulit censuram suspensionis, vel interdicti, potest ex iusta causa illa non suspendere ad tempus, & concedere celebranti ut tunc temporis non incurrat irregularitatem: quia censura non ligat ultra intentionem iudicis. *ibid. num. 4.*

3. Quando Episcopus fert sententiam suspensionis, postea iusta aliqua de causa illam suspendit, vel aufert ad reincidentiam: suspensus autem durante illo termino appellat, appellatio vim habet suspendendi ipsam sententiam, ita ut elapso termino concesso à superiore, censura non liget, sed eius executio impediatur per appellationem. *ibid.*

### *Suspensionis effectus.*

4. Suspendio lata absolute absque ulla limitatione, suspendit absolute ab officio, & beneficio: cum enim verba sint generalia, generaliter sunt accipienda. Quæ verò lata est cum expressione alicuius effectus particularis, extenditur ad illum effectum, & ad ea, quæ sunt illi adnexa: censura enim efficit id quod significat. Quare Episcopus suspensus à Pontificalibus, vel ab Ordine Pontificali, intelligitur solum suspensus ab iis quæ pertinent ad vsum Ordinis Episcopatus, cuiusmodi sunt confirmare, Ordines conferre, consecrare Ecclesias, &c. Non verò intelligitur suspensus ab iis, quæ pertinent ad iurisdictionem, qualia sunt excommunicare, conferre beneficia: neque intelligitur suspensus à celebratione Missæ, confessionibus audientis, &c. *tom. I. pag. 424. num. 1. 2. & 3.*

5. Suspendus ab Ordine, non censetur eo ipso suspensus à iurisdictione, quia Ordo non est necessarius adnexus iurisdictioni, ut patet in eo, qui electus est, & confirmatus in Episcopum, quem constat posse ante consecrationem, ea quæ sunt iurisdictionis exercere, ut excommunicare, &c. *ibidem num. 4.*

6. Suspendus ab Ordine, non videtur suspensus à beneficio, vel eius fructibus nisi indirectè, quatenus per suspensionem impeditur ne munus suum obeat. Suspendus autem ob Ordine inferiori, censetur suspensus à superiori: quia cui non licet quod minus, nec ei licere debet quod maius. At qui suspensus est à superiori, non censetur suspensus ab inferiori: quia inferior non fundatur in superiori. *ibid. num. 5. & 7.*

7. Suspendus ab officio, nulla addita limitatione, intelligitur suspensus ab officio Ordinis, & iurisdictionis. Suspendus simpliciter ab officio, non censetur suspensus à beneficio, seu fructibus illius: debet tamen per alium supplere onera sui beneficii, quæ per se non potest exercere, alioquin non potest fructus percipere, quia beneficium datur propter officium. *ibidem num. 9. & 10.*

8. Suspendus à beneficio non intelligitur suspensus ab officio, etiam si officium ei comperat ratione beneficii: propterea suspensus à beneficio non priuatur usu, & exercitio rerum spiritualium, vel temporalium; consequen-



sequenter potest beneficia conferre. Fructus autem beneficij eo tempore, quo quis manet suspensus à beneficio, conuertendi sunt in utilitatem Ecclesiæ, detractis iis, quæ dantur substituto vt inferuiat. *tom. 1. pag. 425. numero 12. & 14.*

9. Suspenso ob contumaciam, nulla tradenda est portio fructuum beneficij: sibi enim imputet, cum in ipsius manu positum sit liberari à suspensione, & acquirere ius ad fructus. Suspenso vero in penam delicti tradenda est portio fructuum sufficiens ad congruam sustentationem ne mendicare cogatur. *ibid. num. 14.*

10. Suspensus ab officio in aliquo loco, est vbique suspensus, modò suspensio lata sit absque loci determinatione; quia suspensio sequitur suspensum vbicumque sit. *tom. 1. pag. 426. num. 7.*

11. Inualida est collatio beneficij facta suspenso à beneficiis: quia suspensus à beneficio priuatur iure percipiendi fructus beneficij, modò suspensio lata sit absolute. *ibid. num. 8.*

*Violatio suspensionis.*

12. Suspensus peccat mortaliter, ex suo genere, exercendo actum à quo est suspensus: quia violat præceptum Ecclesiasticum in re graui: ratione tamen paruitatis materiæ, excusari potest à mortali. *ibid. num. 1.*

13. Communicans cum suspenso nondum denunciato in iis à quibus est suspensus, non peccat mort. Neque ipse suspensus peccat mort. nec fit irregularis exercendo functiones Ordinum, à quibus est suspensus, modò non se sponte ingerat, nec maiorem ordinem, à quo est suspensus, solemniter exerceat. *ibid. num. 3. & pag. 427. num. 5.*

14. Acta per suspensum toleratum, valida sunt: cum enim hic ab Ecclesia toleretur, non illi adimitur iurisdicctio. Acta verò iurisdictionis propriæ per suspensum nominatim denunciatum, inualida sunt, nisi ad sit titulus coloratus, & error communis vulgi: actus autem ordinis, qui non requirunt iurisdictionem, validi sunt vt consecrare, confirmare, &c. Porro absolutio sacramentalis collata à suspenso denunciato, est inualida, quia est actus ordinis, & iurisdictionis. *ibid. num. 7.*

*Absolutio à suspensione.*

15. Suspensio ad tempus lata, cessat eo tempore elapso, absque alia absolutione; item suspensio lata cum particula, *donec satisfeceris*, cessat exhibita satisfactione: sic enim vsu, & praxi receptum est in suspensione, & interdicto; non verò in excommunicatione. *tom. 1. pagina 436. num. 1.*

16. Potest Episcopus absoluerè suos subditos à suspensione perpetua, etiam Papæ reseruata, modò proueniat ex delicto occulto, & non deducto ad forum contentiosum. At suspensio lata in puram penam pro delicto præterito, non potest auferrè ab eo, qui est inferior eo, à quo lata est suspensio; quia



fio; quia hæc non aufertur per absolutionem, sed per dispensationem. Dispensatio autem, ex sua natura, censetur reservata. *ibid. num. 6.*

De suspensione Episcoporum, clericorum, & religiosorum, vide tit. *Episcopus, Clericus, Religiosus.*

### Sufurratio.

1. **S**ufurratio est peccatum linguæ, quo quis alterius defectum aperit ad discordias inter amicos seminandas. Differt à detractione cuius finis est denigratio famæ; sæpe tamen vsuuenit, ut sufurratio includat detractionem; quia ad seminandas discordias detegitur aliquando crimen alterius occultum. *tom. 2. pag. 443. num. 1. & pag. 444. num. 2.*

2. Sufurratio videtur peccatum gravius detractione, & contumelia: quia finis illius est dirimere, & dissolvere amicitiam, quæ præstantior est fama, & honore. *tom. 2. pag. 444. num. 3.*

3. Sufurratio est peccatum mort. ex suo genere, contra iustitiam; ratione tamen in deliberationis, & in aduertentia, aliquando excusatur à mortali. Immo est aliquando licita, ut quando quis manifestat alterius defectum, absque mendacio, ad periculo fam. & perniciosam amicitiam dissolvendam. Sic secluso mendacio, licet dicere concubinario, quam domialit concubina esse turpem, & publicam meretricem. *ibid. n. 1. & seq.*

4. Possum aliquorum amicitiam modis licitis dirimere ut eam mihi conciliem: amicitia enim est bonum gratuitum pendens à libera voluntate conferentis. *ibid. num. 6.*

## T.

### TEMPERANTIA.

1. **T**EMPERANTIA in eo posita est, ut non plus cibi, & potus sumatur, quam ratio naturalis dicat. Peccatur autem contra temperantiam 1. quando finis ultimus in cibis, & in gluvie constituitur, uti faciunt ij quorum Deus venter est. 2. quando qui cibo, & potui ita indulget, ut inde sibi graue nocumentum prævideat euenturum. 3. quando quis per intemperantiam dat causam ebrietati: ebrietas quippe est intrinsece mala, estque peccatum ex suo genere mortale: quia mortaliter aduersatur rectæ rationi, cum violenter adimat vsum rationis, quod est præcipuum hominis bonum, per quod à brutis distinguitur: neque tantum, adimit vsum rationis, ut somnus, sed etiam facultatem vtendi ratione, qua facultate homo se priuare nequit, cum non sit dominus illius. *tom. 2. pag. 336. num. 2.*

2. Ebrie-



2. Ebrietas tamen non ita est intrinsecè mala, quin ob iustam circumstantiam possit aliquando permitti. Potest enim quis ex præscripto medici magnam potus quantitatem sumere causa sanitatis, quamvis inde prævideat sequuturam ebrietatem: quia hic non intendit ebrietatem, sed sanitatem, cuius recuperandæ causa ebrietatem permittit, sicut aliquando licet pollutionem iusta de causa permittere, quamvis eam intendere, & procurare non liceat. *tom. 2. pag. 337. num. 3.*

3. Germani, aliique qui se prouocant maioribus poculis, seque vino ingurgitant, non sunt excusatione digni; quia intendunt ebrietatem. Secus si graui ex causa vinum largiùs hauriant, non intendentes ebrietatem, vt si sumant ad vitandam mortem quam propinans minatur, nisi respondeant: tunc enim dicuntur solum permittere ebrietatem. Porro qui prouocat, seu inducit alium ad ebrietatem, mortaliter peccat *ibid.*

4. Nonnulli haud obsecuri nominis auctores censent licitum esse alium inebriare ad impediendum graue malum, quod alia ratione impediri nequeat: vt si quis captus ab hostibus ducatur ad tabernam, ibique cum illis strenuè potet, vt illos inebriet, seque fugà propriat: licet enim inducere ad minus malum, vt impediatur maius. Probabilius tamen est, nunquam licere intendere ebrietatem, & ad illam directè cooperari; cum sit intrinsecè mala, nec sint facienda mala, vt inde eueniant bona. *ibid.*

Tentatio Dei.

1. Tentatio Dei est actus contra religionem, quo quis absque iusta causa, aliquid dicit vel facit ad capiendum experimentum de aliqua Dei perfectione, v. g. de potentia, de sapientia, iustitia, misericordia, &c. vt si quis imperitus velit concionari absque iusta causa, & præuia meditatione, seu preparatione, sperans sibi à Deo suggerendos conceptus *tom. 2. pagina 212. num. 1.*

2. Tentatio Dei est peccatum contra religionem; est enim quædam irreuerentia in Deum. Est autem alia *expressa*, cum aliquid fit ea intentione, vt experimentum capiatur de aliqua Dei perfectione, vt si quis petat miraculum, vel se præcipitem det in puteum, vt experiatur an Deus se laedi permittat. Alia *interpretatina*, quando aliquid fit quod per se, & suapte natura, ad nihil aliud referri posse videtur quàm ad experiendam aliquam Dei perfectionem, etiamsi expressè hoc non intèdatur, vt si quis ad Christi imitationem velit per totam Quadragesimam à cibo abstinere; hic enim dicitur interpretatiuè Deum tentare, cum omittat modos à diuina providentia constitutos. *ibid. num. 2. & pag. 213. num. 3.*

3. Tentatio Dei, regulariter loquendo, est peccatum mort. est enim quidam Dei contemptus. In his autem casibus peccatur mortaliter Deum tentando. 1. quando experimentum coniunctum est cum aperto grauis damni periculo, vt cum grauius egrotans respuit medicamenta, sperans à Deo sanari; aut quando quis duellum acceptat, ad probandam sua

inno.



innocentiam, sperans se à Deo seruatum iri. Huc spectant purgationes per ferrum candens, aquam frigidam, vel feruentem, aut per sanguinem, ex corpore occisi manantem: peccat autem grauiter iudex, qui ex huiusmodi indiciiis procedit ad aliquem torquendum, condemnandum, seu absoluentem: hæc enim indicia non sunt humana, neque naturalia. 2. casus est, quando subest periculum scandali, vt cum quis absque necessitate petit miraculum in fidei confirmationem. 3. quando ex curiositate petitur opus aliquod supernaturale; neque enim Deus est fautor curiositatis. *tom. 2. pag. 213. n. 4. & 5.*

4. Fieri tamen potest, vt tentatio Dei sit tantum peccatum veniale, vel ratione ignorantie: inuincibilis, aut indeliberationis, vel ratione paruitatis materie, vt dum quis leui morbo affectus, vanè sperat à Deo sanitatem, medijs ordinarijs prætermisiss, &c. *ibid. num. 6.*

5. Ille non dicitur Deum tentare, qui iusta causa interueniente, miraculum à Deo expectat, vt dum speratur infidelium conuersio. *ibid. n. 7.*

## TESTAMENTVM. LEGATVM.

### *Quid & quoruplex sit testamentum.*

1. **T**estamentum est iusta nostre voluntatis sententia, qua testatum relinquimus quid fieri velimus de nostris bonis, cum directa institutione hæredis. Codicillus non est propriè testamentum, definitur enim, vltima voluntas minus solemnis, de eo, quod quis post mortem suam fieri velit, coram quinque testibus declarata. *tom. 2. pag. 637. n. 1. & p. 638. n. 2.*

2. Duplex est testamentum; alterum dicitur *clausum*, eo quod testator latere velit, quod in eo continetur; alterum dicitur *nuncupatum*, eo quod testatur sine scriptura, coram testibus declarat, quid post mortem suam fieri velit, ob eam causam vocatur testamentum *apertum*; interdum tamen additur scriptura, vt facilius probetur intentio testatoris. *ibid. n. 9.*

3. Ad testamentum in scriptis, seu clausum, hæc requiruntur. 1. vt post confectam, & clausam scripturam adhibeantur septem testes, masculi, liberi, puberes, & rogati, seu vocati ad hoc, coram quibus testator, vno, eodemque tempore indicet, illud esse suum testamentum, illud que propria manu subscribat, si potest; sin minus, adhibeat octauum testem, qui pro ipso subscribat, vidente notario, & facta mentione se id fecisse de ordine testatoris. 2. opus est vt singuli testes eodem tempore subscribant, modò ibi reperiantur septem testes, qui scribere sciant, alioquin vnus pro alijs subscribit. 3. vt singuli sigilla apponant; iure autem communi idem annulus omnibus sufficit. 4. vt quando testamentum fit coram tabellione, scripturâ publicâ, apponatur dies, mensis, & annus. Secus si fiat scriptura priuata; sufficit enim vt publicetur, quod non requiritur in testamento factò scripturâ publicâ. *tom. 2. pag. 639. n. 10. & 11.*



4. Ad testamentum nuncupatiuum requiruntur septem testes masculi, liberi, puberes, id est, qui 14. annum compleuerint, & rogati, seu vocati. Hi autem testes debent simul audire, & intelligere vocem, & voluntatem testatoris, seu scripto, seu viva voce expressam, non tamen necessaria est subscriptio, aut sigillum, aut notarij presentia. Quare validum est testamentum; quando testator coram septem testibus suam declarauit voluntatem, quam notarius in scriptis redegit, sed antequam scriptura, seu lectio absolueretur, testator interiret; testamentum enim perfectum videtur; cum scriptura non sit de eius solemnitate substantiali. Item validum est testamentum quo quis coram septem testibus nominat, & instituit aliquem heredem, expresso eius nomine proprio, aut etiam dum tacito ipsius nomine dicit se illum instituere heredem, quem expressit in scheda relicta apud Parochum, vel Ordinarium loci. *ibid. num. 12.*

5. Ad testamentum militare factum in castris, sufficiunt duo testes rogati; subsistitque hoc testamentum per annum post iustam missionem, seu discessum ab exercitu; elapso vero anno non subsistit, quia tempus habuit faciendi nouum testamentum, iuxta formam iuris communis. Ad testamentum vero factum in ipso conflictu, satis est, ut miles, proprio sanguine, suam scribat voluntatem in clypeo, vagina, vel re alia, cuiusque manus probetur duobus testibus, etiam non rogatis. *ibid.*

6. Testamentum patris inter liberos valet, etiam si tantummodo ab eo scriptum fuerit, vel subscriptum, absque testibus. Aut si pater suam exprimat voluntatem coram duobus testibus, etiam foeminis, & non rogatis. *ibid. num. 12.*

*Quis testari possit.*

7. Quilibet sufficienter vtens ratione, & liberam habens bonorum administrationem, testari potest, nisi prohibeatur. Prohibentur autem testari 1. furiosi lucidis destituti interuallis; quare si quis postquam cepit testari, incidat in phrenesim, vel amentiam, antequam perficeret testamentum, inualidè testatur. 2. surdi, & muti à natiuitate testari non possunt ad causas profanas; ad pias possunt, quia in dispositione ad pias causas, necessaria non est solemnitas iuris ciuilis. 3. qui non possunt articulatè loqui ad exprimendum heredem. 4. impuberes, qui nondum impleuerunt 14. annum si sint masculi, aut 12. si sint foeminae. 5. prodigi, quibus adempta est bonorum administratio. 6. filij familias, qui sunt sub patris potestate, nisi habeant bona castrensia, vel quasi castrensia, possunt tamen ad causas pias de aduentitiis, consentiente patre testari. 7. illi, qui ob delicta testari prohibentur, ut v. furarij notorij, haeretici, Cardinalium percussores, damnati ob libellum famosum, & capite damnati. 8. religiosi qui votum paupertatis solemnè emisissent in approbata religione. 9. serui sunt actiue intestabiles; passiuè tamen sunt testamenti capaces. *t. 2. pag. 640. n. 1. & seq. & pag. 641. & 642.*

8. Testa-



8. Testamentum factum à beneficiario si iura spectemus, non est validum. Sin attendamus consuetudinem in multis locis receptam, validum est non modò ad pias causas, sed etiam ad profanas; ius enim positivum, potest contraria consuetudine abrogari. Quare qui accipiunt fructus beneficii, sibi testamento relictos, non peccant, neque tenentur ad restitutionem; peccat tamè beneficiarius, qui de fructibus beneficii testatur ad profanas causas. De bonis autem patrimonialibus clericus, mortuo patre, licet, & validè testatur. *tom. 2. pag. 641. num. 4. §. pag. 642. num. 5.*

*Quis possit haeres, aut legatarius institui.*

9. Omnes, non solum priuati, sed etiam communitates, possunt institui haeredes, & legatarii, modò sint capaces, neque impediuntur à iure. Prohibentur autem qui sunt intestabiles ob delictum; non verò qui sunt intestabiles ob aliquem defectum non culpabilem; propterea pupillus, & mutus, qui ob defectum intestabiles sunt, possunt capere quod sibi testamento relictum fuit. *tom. 2. pag. 642. num. 1. & 2.*

10. Religiosi, quibus permissum est possidere bona immobilia in communi, possunt institui haeredes, & legatarii; sunt enim capaces hereditatis, non quidem sibi, sed monasterio acquirendæ. Fratres verò minores sunt incapaces hereditatis, & legatorum, nisi relinquuntur ad fabricam, oleum, vinum, ceram, ornamenta altaris, & Ecclesiam. Potest tamen in eorum favorem, hereditas, seu legatum relinqui vendendum, ut pretium illis tradatur; sic enim fratres nullum ius acquirunt, nec violant votum paupertatis. *tom. 2. pag. 649. num. 3.*

11. Monasterium capax successionis, succedit in omnia religiosi bona, seu acquisita ante professionem, seu post, quocumque tandem titulo fuerint acquisita, modò ante professionem non disposuerit de suis bonis. Cæterùm omnes religiosi, etiam mendicantes, sunt capaces successionis, possuntque bona immobilia possidere, exceptis fratribus minoribus de Observantia, & Capucinis S. Francisci *ibid. num. 5.*

12. Hereditas religioso delata, immediatè acquiritur monasterio, seu religioni, consequenter monasterium potest illam adire, in scio, immò etiam renitente religioso; religiosus enim omnia sua iura in monasterium transmittit. *tom. 2. pag. 644. num. 7.*

13. Filij spurij non possunt institui haeredes; naturales autem possunt, si parentes non habebant legitimam prolem; relictæ tamen ascendentibus legitima. At si filius naturalis non fuit institutus haeres à patre non ei succedit ab intestato, præterquam in 6. parte bonorum; si pater nullam legitimam prolem reliquit. Matri verò filios legitimos non habenti, filius naturalis succedit ex assè, quamvis ipsa non fecerit testamentum; habenti autem filios legitimos, filius naturalis succedit ex æquo cum legitimis. *tom. 2. pag. 645. num. 12.*

14. Filius spurius non legitimatus, non potest haeres institui à patre, neque



que illi potest quidquam relinqui præter alimenta. Respectu autem matris filius spurius præse, & strictè sumptus, ideo genitus ex iis, inter quos erat impedimentum dirimens matrimonium, non potest, iure communi, succedere matri, neque ex testamento, neque ab intestato, quando fuit conceptus ex coitu damnato, & punibili lege humana, vt ex adulterio, incestu, sacrilegio. *ibid. & pagina 646. num. 12.*

15. Pater non potest aliquem instituere heredem, rogando illum vt postea ipse restituat filio spurio hæreditatem; qui autem hoc pacto fuit institutus hæres, cum promissione tradendi hæreditatem spurio, potest illam sibi retinere; hæc enim promissio, vipote contra legem, non obligat. *ibidem, numero decimoquinto.* Porro sicut spurij non possunt succedere parentibus, sic parentes, aliique ascendentes, filiis spuris succedere non possunt. *tomo primo, pagina 647. numero, decimo septimo.*

16. Qui omnia bona relinquit Ecclesiæ, aut alijs, nihilque consanguineis relinquit, ob inimicitias, quas nondum deposuit, non potest à Confessario absolui. Si verò deposuit inimicitias, & consanguineos habet in linea recta, debet mutare testamentum antequam absoluator, nisi iustam habeat illos exhædandi causam. At si defunt consanguinei in linea recta, potest absolui, non mutato testamento, nisi statuta locorum aliud ferant. *ibid. num. 22.*

17. Filij, parentes, fratres, & sorores succedunt ab intestato. Itavt deficientibus descendantibus succedant parentes; deficientibus parentibus immediatis, succedant aui; deficientibus auis, aut aliis ascendentibus, succedant fratres, & eorum filij. Denique deficientibus ascendentibus, descendantibus, fratribus, & eorum filiis, succedant propinquiore per capita, vsque ad decimum gradum inclusivè, vnde fit vt si defunctus relinquat fratrem, & patrum, succedat frater; quia frater est propior defuncto, quam patruus. *ibid. num. 23.*

### Testamenti conditiones.

18. Prima conditio est, vt instituatur certus hæres, capax testamenti, qui in omnia defuncti iura realia succedat, deducto ære alieno. *tomo 2. pag. 651. num. 1.*

19. Secunda, vt ille instituatur hæres, qui de iure instituendus est: quare

R r inua-



invalidum est testamētum patris, in quo filius est pratermissus; filius enim instituendus est hāres, aut nominatim exhāredandus addita exhāredationis causa, quā probanda est per hāredem, alioquin testamentum est irritum. Item irritum est testamentum patris, superueniente filio posthumo, cuius pater non fecerat mentionem. Non tamen irritatur testamentum quoad omnia in eo contenta; sed tantum quoad institutionem hāredis; consequenter testamentum saluatur per clausulam codicillarem; ac proinde legata, substitutiones, & fideicommissa seruanda sunt ab eo, qui successurus est. Porro querela inofficiosi testamenti, quā competit liberis contra parentes, & vicissim, intentanda est intra quinquennium à die aditæ hāreditatis. Si autem causa exhāredationis probetur intra illud tempus, corrui querela, & testamentum manet validum: at si causa exhāredationis non probetur, irritatur testamentum, tanquam inofficiosum. *rom. 2. pag. 652. num. 1. 2. & 3.*

20. Tertia conditio est, vt testator liberam habeat bonorum administrationem, nec à iure prohibeatur testari. *ibid. num. 3.*

21. Quarta vt ad sit certus numerus testium, nempe septem, qui sint testes legitimi, id est, his qualitatibus instructi:

*Aetas, conditio, sexus, discretio, fama,*

*Et fortuna, fides, in testibus ista requirant.*

*Aetas* in teste requisita, est 14. annorum, excipe 1. testamentum multis. 2. inter liberos. 3. ad causas pias; in his enim sufficit vt testis sit pubertati proximus. *Conditio* excludit seruos à ferendo testimonio in testamentis. *Sexus* innuit fœminas ad testimonium in testamentis non admitti. *Discretio* designat rationis vsum, & sanitatem mentis in teste. *Fama* indicat infames arceri à testimonio in testamentis. *Fortuna* excludit pauperes ob periculum subornationis. *Fides* ponitur 1. ad repellendum infidelem à testimonio contra fidelem. 2. ad excludendos illos, de quorum interesse agitur. *ibid. num. 3. & pag. 653. num. eod.*

22. Religiosi, iuxta probabiliorē, & v su receptam sententiam, possunt testes adhiberi etiam in testamento, in quo aliquid ipsorum monasterio relinquitur; id enim nullo iure vetitum videtur, neque professio, licet vocetur mors civilis, efficit illos inhabiles ad ferendum testimonium, sed tantum ad succedendum nomine proprio. *rom. 2. pagina 653. numero 3.*

23. Testamentum, & legatum semper potest à testatore reuocari vsque ad mortem, nisi factum sit à religioso ante professionem: voluntas enim testatoris dicitur ambulatoria vsque ad mortem: etiamsi testamentum factum sit cum iuramento non reuocandi; potest enim adhuc valide, non tamen licite reuocari, propter religionem iuramenti. *rom. 2. pagina 654. num. 1. & 4.*

24. Religiosus professus non potest reuocare testamentum factum ante professionem, nisi priuilegium obtineat à Summo Pontifici vel transfera-



tur ad statum, in quo habeat disponendi facultatem, ut si fiat Episcopus, vel transferatur ad statum clericalem, cum facultate disponendi de suis bonis; tunc enim potest reuocare testamentum, & bona aliis relicta testamento, repetere. *ibid. num. 7.*

25. Reuocatio testamenti non est valida, nisi testator in ea reuocatione dixerit se velle decedere ab intestato, aut nisi nonum heredem expressè instituerit: prius enim testamentum reuocatur per institutionem secundi hæredis: sin dicat velle se decedere ab intestato, virtualiter instituit heredem illum, qui ab intestato succedit. Opposita tamen sententia est etiam probabilis. Caterùm apud omnes constat testamentum censi reuocatum, per reuocationem posteriorem, in qua testator non expressit se velle ab intestato decedere, si reuocatio facta fuit saltem coram tribus testibus, & iam elapsi sunt decem anni à die reuocationis, vel à die conditi testamenti; sic enim iura disponunt. *tom. 2. pag. 655. num. 9.*

Obligatio hæredum.

26. Hæres post aditam hæreditatem, tenetur persolvere testatoris debita realia & legata ab ipso relicta. Conceduntur autem hæredi tres menses à die qua cognouit se institutum heredem, intra quod tempus si hæreditatem non adierit, ad nihil tenetur, etiam si inuentarium non confecerit; nec ei potest intra dictum tempus molestia inferri à creditoribus, vel legatariis. Debet tamen facere inuentarium cum notario, citatis creditoribus, & legatariis. *ibid. num. 1. & 2.*

27. Hæres non conficiens inuentarium, non tenetur in foro conscientiarum, etiam post sententiam iudicis, soluere legata, vel debita defuncti, exco-dentia vires hæreditatis. Quia sententia iudicis nititur præsumptione fraudis; igitur si fraus absit, non obligat in conscientia. *ibid. num. 3.*

Legatum.

28. Legatum est donatio, quam defunctus præstandam reliquit ab hærede, de eo, quod foret hæredis. Fit autem multis modis. 1. *purè & absque conditione, vel determinatione diei*; & huiusmodi legatum debetur legatario post mortem testatoris. 2. *sub conditione*, in quo casu legatum non debetur, nisi adueniente conditione; quæ conditio aut est expressa, aut tacita; de præterito, aut præsentis, aut futuro; necessaria, aut contingens; possibilis, vel impossibilis; turpis vel honesta. *tom. 2. pag. 656. num. 1. & pag. 657. num. 3.*

29. Legatum est conditionale, si dicatur; *relinquo Berta centum scularibus*; consequenter hoc legatum non debetur Bertæ antequam nupserit,

Rr 2 neque



neque mortua Berta ante nuptias, transmittitur ad hæredes; quia legatum conditionale non acquiritur ante conditionis euentum. Si verò dicatur: *relinquo Berta centum vt nubat*; legatum est *modale*, debeturque ante conditionis euentum; consequenter transmittitur ad hæredes. Idem dicendum videtur, si legatum relictum fuit Bertæ, vt nubat Titio, mortuo autem ante nuptias Titio, alteri, vult nubere; per ipsam enim non stetit ne Titio nuberet. Sic multi censent legatum factum Ecclesiæ sub conditione sepulturæ, esse validum, & Ecclesiæ deberi, si per ipsum testatorem, stetit quo minus in Ecclesia sepeliretur, puta quia sibi ipse mortem conscivit, aut quia excommunicatus fuit; nam per Ecclesiam non stetit quo minus conditio impleretur. *tom. 1. pag. 657. num. 4.*

30. Testamentum: vel legatum *pium*, seu *ad pias causas* dicitur illud quod fit intuitu pietatis, vt in honorem Dei, aut Sanctorum, vel pro animæ salutē, &c. Idem sentiendum de legatis relictis pro alimentis pauperum, vel pro puellis maritandis, aut religionem ingressuris, vel pro captiuis redimendis, mortuis sepeliendis, &c. *ibid. num. 1.*

31. Testator det operam vt conficiat testamentum, seu legatum ad causas pias, aut saltem illud ratificet dum est in gratia, vt illi prosit ad vitam æternam: quia bonum opus in mortali peccato factum, cēsetur opus mortuum. *tom. 2. pag. 658. num. 3.*

32. Anima defuncti testatoris non nocet negligentia hæredum in persoluen-  
dis legatis, nisi quatenus non exhibentur debita suffragia, & remedia expiationis, quibus anima defuncti posset eripi, & subleuari à penis purgatorii; grauitè tamen peccant executores legatorum, quando non præstant debitam operam, & diligentiam in voluntate testatoris exequenda. *tom. 2. pag. 663. num. 4.*

33. Hæredes necessarij quibus hæreditas debetur ab intestato, possunt suam partem legitimam ex bonis testatoris detrahere, quamuis illa non sufficiant ad persoluenda legata; nam hæredes necessarij, suâ legitimâ priuari non possunt. Portio autem legitima est tertia pars bonorum defuncti, quando hæredes non sunt plures quatuor; quando verò sunt plures, est dimidium bonorum, quod inter hæredes est æqualiter diuidendum. *tom. 2. pag. 664. num. 1.*

34. Hæredes non necessarij quibus legitima portio non debetur, possunt ad ratam à singulis detrahere quartam partem bonorum defuncti, quæ *Falcidia* nuncupatur, etiam si bona defuncti non sufficiant ad satisfaciendum legatis ab ipso relictis. *ibid. num. 4.*

35. Multis de causis liberatur hæres à solutione legati. 1. quando legatum est inualidum, vel defectu voluntatis, aut potestatis in legante, vel defectu solemnitatis à iure præscriptæ, vel ratione materiæ, vel ratione personæ cui fit legatum, vel defectu conditionis, &c. 2. quando legatum fuit expressè, vel tacitè à testatore reuocatum. 3. quando res legata perempta est absque culpa hæredis. 4. quando legatum fit caducum, vt cum legata-  
rius



rius moritur ante ipsum testatorem, tunc enim legatum acquiritur hæredi, modò non sit pium. 5. quando legatarius repudiat legatum. tom. 2. pag. 664. num. 1. & pag. pag. 665. & 666.

36. Legatum relictum ad vnum vsum, non potest in alium vsum conueri absque iusta, & rationabili causa, accedente legitimi superioris consensu: voluntas enim testatoris seruanda est tanquam lex. Legitimus autem superior in legatis profanis est Princeps supremus; in legatis verò piis, Summus Pontif. hæc enim commutatio est actus supremæ iurisdictionis. Potest tamen Episcopus ob causam quæ sibi iusta videatur, consentiente hærede, si ob id grauatur, & loco pio, cui res fuerat relictæ, potest, inquam, legatum pium relictum ad cerium vsum, conuertere in alium pium vsum: sic enim nulli fiat iniuria. tom. 2. pag. 666. num. 1. & 2. & pag. 667. num. 4.

37. In legatis piis legitimus iudex est Episcopus loci; immò ipse est legitimus vltimarum voluntatum, & piorum legatorum executor, iure ciuili, & canonico. Hinc fit, vt testator in suo testamento cauere non possit ne Episcopus curet sua pia legata adimpleri. tom. 2. pagina 668. numero 1.

Testamenti executio.

38. Executores vltimarum voluntatum alij constituuntur à iure, & legitimi vocantur; alij ab homine, & dicuntur *testamentarij*; alij quidem *vnuerſales*, quibus mandatur executio totius testamenti, suntque instar hæredum; alij verò *particulares*, quibus testator, fortè dubitans de fide hæredis, curam demandauit exequendi disposita ab ipso testatore, seu distribuendi certas res in varias causas ab ipso relictas. tom. 2. pag. 668. numero 1.

39. Possunt autem omnes, qui non prohibentur à iure, constitui executores vltimarum voluntatum. Nullus tamen religiosus claustralis potest esse executor testamenti, etiam ad pias causas, absque superioris facultate. In Societate autem IESV hæc facultas reservata est Præposito Generali. Nihilominus executio testamenti facta à religioso absque licentia superioris, est valida, nisi ante factam executionem, religiosus, auctoritate iudicis ab exequendo repellatur; ius enim non irritat huiusmodi executionem. tom. 2. pag. 669. num. 1. 2. & 4.

40. Testamenti executores possunt pecuniam acceptam ad distribuendum in pauperes, applicare sibi, suisque confar guineis, vel amicis egestate laborantibus, vel suo monasterio pauperi si est religiosus executor testamenti: executor enim non sit deterioris conditionis ob inpositum sibi onus distribuendi alijs. tom. 2. pag. 670. num. 9.



## Testis.

1. **I**ndici legitime procedenti, & seruato iuris ordine interroganti, tenetur testis interrogatus respondere, & veritatem aperire, nisi iustam habeat retinendi causam, cuiusmodi est iusta compensatio, secretum confessionis, &c. *tom. 2. pag. 331. num. 4.*

2. Nemo per se loquendo tenetur testari quod sub secreto, vel gratia consilij, aut auxilij accepit. Nullus item tenetur testimonium ferre cum metu grauis damni, aut cum videri suo testimonio capitis periculum alicui creandum, nisi iuridice interrogetur. Denique nullus tenetur ex iustitia offerre se ad testandum incommodum alterius, nisi ex pacto, aut officio teneatur. *ibid. pag. 331. 332. num. 6. & seq.*

3. Probabile est, eum, qui post citationem fugit ne cogatur testimoniū ferre, non peccare contra iustitiam, sed contra obedientiam. *tom. 2. pagin. 332. num. 13.*

4. Testis non tenetur ex iustitia, iurare se dicturum veritatem dum interrogetur à iudice; quia iudex nullam ei, iustitiæ obligationem imponit. *ibidem.*

5. Testis, qui post adhibitam moralem diligentiam quæ ad debitè testandum requiritur, falsum testatus est in damnum tertij, seu ex inaduerentia, seu ex obliuione, seu ex alia causa à peccato legitime excusante, non tenetur ad reparationem damni, quod alter inde passus est: Secus dicendum si qua ipse interuenit culpa. *ibid. num. 15.*

6. Is, qui scienter falso testimonio alium in discrimen capitis adduxit, tenetur se retractare, etiam cum periculo similis pænæ subeundæ; si sperat hanc retractionem profuturam: testis autem, qui veritatem negauit, non tenetur se iterum offerre ad testimonium dicendum nisi damnum pendeat in futurum. *ibid. num. 16. & 17.*

7. Qui accepta pecuniâ verum testimonium tulit, non tenetur ad restitutionem: qui verò pecuniam accepit vt falsum testaretur, ante testimonij tenetur ad restitutionem pecuniæ; post testimonium verò tenetur ad reparationem damni, quod inde sequutum est. *pag. 333. num. 18.*

8. Testis habet ius petendi compensationem damni emergentis, & luctri cessantis pro tempore, quo in ferendo testimonio fuit occupatus. *ibid. num. 19.*

9. In controuersia orta inter testes actoris, & rei, circa substantia, pronuncandum est in fauorem rei, quia melior est conditio possidentis, nec vllus præsumitur nocens nisi probetur. *ibid. num. 20.*

## Tutor. Curator.

1. **V**t oris dicitur qui datur pupillo, seu impuberi extra patris potestatem existenti. Dicitur autem à tuendo, quia datur precipuè ad tuen-



tuendam personam, quæ propter ætatem tueri se nequit; secundariò autem ad tuendas res illius. Ex opposito curator datur primariò ad defendendas res, secundariò ad ipsam personam defendendam. Datur autem. curator minori, id est, ei qui expleuit 14. annos, sed nondum factus est maior, id est, nondum peruenit ad 25. ætatis annum, iuxta iuris communis dispositionem. *tom. 2. pag. 672. num. 1. & 2.*

2. Fœmina non potest constitui tutrix, excepta matre, & auia; istæ enim præferuntur aliis tutoribus legitimis, qui dantur à lege, & dativis qui dantur à iudice; non verò testamentariis. At si mater, aut auia transeant ad secundas nuptias, tutelam ipso iure amittunt, & bona secundi mariti manent obligata pro reddenda ratione administrationis. *ibid. num. 1.*

3. Tutor, vel curator, qui pecuniam pupilli in suos usus conuertit, tenetur ad restitutionem totius lucri cessantis, vel damni emergentis quod inde passus est pupillus, vel minor, etiam si lucrum illud cessans sortem, principalem excedat. Tenetur item ad restituendos, deductis expensis, omnes fructus quos ex bonis pupilli, seu minoris, sua culpa non percepit. Item tenetur conseruare omnia iura, bona, & actiones pupilli, seu minoris, & vendere bona alioquin peritura, & pecuniam pupilli conuertere, in emptionem bonorum stabiliū, aut in Societatem, vel censum. *tom. 2. pag. 673. num. 2.*

4. Tutor, seu curator, finito officio, tenetur reddere rationem, nisi forte agatur de restitutione certæ rei, aut bonorum in inuentario dispositorum. *tom. 2. pag. 674. num. 4.*

5. Tutela finitur. 1. ob fidem tutoris suspectam. 2. quando pupillus ob crimen pellitur in exilium. 3. ob mortem pupilli. 4. ob adimpletū conditionem. 5. ob mutationem status pupilli, vel tutoris. 6. ob pubertatem pupilli. 7. ob tempus elapsū, ut si pupillo assignetur tutor ob minorem ætatem matris, tutela ipsius desinit postquam mater effecta est maior; tunc enim ipsa mater tutelam suscipit. 8. si iustam ob causam tutor onus tutelæ renuat. *ibid. num. 1.*

## V.

## VISITATIO.

1. **I**N Concilio Trident. *sess. 24. cap. 3. de reform.* cautum est ne Episcopi alique visitatores, aliquid etiam titulo muneris occasione visitationis accipiant, præter victualia, alioquin duplum intra mensem reddere teneantur imposita Episcopis censura interdicti ab ingressu



Ecclesiæ; inferioribus verò Prælatiſ pœna ſuſpenſionis. *diſp. 3. quæſt. 5. punct. 4. pag. 369. num. 1. tom. 3.*

2. Hinc ſequitur viſitatoreſ non poſſe ſalarium pro vectura equorum accipere, quia hoc non pertinent ad victualia. Neque ipſum, vel eiſ ſecretarium, auditorem, cancellarium aut alioſ ipſi adiunctoſ, poſſe quicquã ab iis qui viſitantur accipere pro decretis, & ordinationib깯 ſpectantib깯 ad viſitationem, ſeu pro labore, vel ſcriptura circa decreta conficienda; vt probabiliter nonnulli cenſent; probabilioſ tamen videtur competentem mercedem accipi poſſe pro copia actuum, ſeu decretorum viſitationis. *ibid. num. 2.*

3. Epiſcopuſ obiens villas, & oppida vt Sacramentum Confirmationis conferat, non poteſt accipere victualia, aut quicquam aliud: quia ſacra Cardinalium Congregatio declarauit laicoſ, aut rectoreſ Eccleſiarum, non teneri ad expenſas Epiſcopo accedenti, cauſa tantum Confirmationis, ad loca ſuæ diœceſis. *ibid. pag. 370. num. 9. tom. 3.*

4. Epiſcopuſ tempore viſitationis non poteſt accipere victualia, ſeu procuracionem ab hoſpitalib깯, vel aliis piis locis pauperib깯; ſunt enim, potiuſ ſubleuandi, quàm onerandi; neque à locis ſpecialiter exemptis ab onere præſtandi victualia; quia non poteſt eorum priuilegiuſ derogare. *ibid. num. 10. & 11.*

5. Hæc ſuſpenſio, ſeu interdictum, durat donec delinquens, reſtitutionem dupli faciat; facta autem reſtitutione faciat. *ibidem, pag. 372. num. 19. tom. 3.*

## V O T V M.

*Quid, & quotuplex ſit votum.*

1. **V**otum eſt voluntaria, & deliberata promiſſio facta Deo de bono aliquo meliori, ideſt de bono aliquo, quod ſit meliuſ, quàm ei깯 oppoſitum, v. g. de ieiunio; eſt enim meliuſ quàm ei깯, ei깯 oppoſitum, ideſt quàm non ieiunare. Votum autem non obligat ſi fiat de eo, cui깯 oppoſitum eſt meliuſ: Deus enim non acceptat promiſſionem, cui깯 omiſſio magis illi placet, quàm executio. *tom. 2. pag. 232. num. 1. & pag. 234. num. 18. & 19.*

2. Valide poſſumus vouere opera, ad quæ tenemur ex alio præcepto, vt caſtitateſ, correptionem fraternam, &c. ſunt enim bona melioſa, quàm eorum oppoſita. Notandum tamen votum, ſeu promiſſionem, horum operum, ex alio præcepto debitorum, nouam obligationem inducere, conſequenter violantem hui깯modi votum, nouam culpam committere contra religionem, hancque circumſtantiam eſſe in confeſſione exprimendam. *tom. 2. pag. 234. num. 23.*

3. Validum eſt votum obediendi Prælato in omnib깯: quamvis enim fieri



fieri possit, vt Prælati præcipiat aliquid iniustum, nihilominus hoc votum, iuxta communem vouentium intentionem, & modum vouendi, censetur factum cum tacita conditione obediendi in rebus licitis. *ibidem*, num. 24.

4. Inualidum est votum castitatis, vel religionis, vel non nubendi, factum ab eo, cui salubrius est matrimonium ob incontinentiam, & lapsum in res venereas: hoc enim votum non est de bono meliori, cum oppositum sit melius. Vouens tamen tenetur petere dispensationem, antequam matrimonium ineat: tum quia in Ecclesia sic usus obtinuit; tum quia sequerentur alioquin multa incommoda; multi enim ob effranem cupiditatem sibi facile persuaderent, ob periculum incontinentiæ sibi licitum esse matrimonium, post votum castitatis emissum. *ibid.* num. 26.

5. Validum est votum non petendi dispensationem voti, aut ea non vtendi. Superiortamen potest, non obstante huiusmodi voto, dispensare, & valida erit dispensatio; nam votum subditi non adimit superiori iurisdictionem, & facultatem dispensandi. *ibid.* num. 28.

6. Multiplex est votum. 1. aliud est *reale*, aliud *personale*, aliud *mixtum*. 2. aliud *temporale*, aliud *perpetuum*. 3. aliud *expressum*, aliud *tacitum*. 4. aliud *simplex*, quod in nuda promissione consistit; aliud *solemnē*, cuiusmodi est votum in professione emissum. 5. aliud *reservatum*, aliud *non reservatum*. 6. aliud *conditionale*, aliud *absolutum*. 7. aliud *pœnale*, quo quis se obligat ad pœnam, si aliquod delictum non vitauerit; aliud *non pœnale*. tom. 2. pag. 235. n. 1.

7. Qui vult aliquid sub conditione futura, non potest facere aliquid, quo se reddat ineptum ad executionem voti, secuta conditione, v. g. qui vult religionem, aut sacros Ordines, si beneficium aliquod à Deo obtinuerit, non potest aut ante obtentum à Deo beneficium, matrimonium inire, vel quid aliud facere, quo se reddat ineptum ad religionem, vel sacros Ordines, post conditionis euentum: sicut enim non potest ante conditionis euentum, reslire à voto, ita nec potest reddere se ineptum ad voti executionem; modò conditio sit possibilis, & vouens non sit certus moraliter, conditionem non esse euenturam. *ibid.* num. 5.

### Votum quando sit irritum.

8. Votum factum ex metu graui iniuste incusso à causa extrinseca, seu libera, ad extorquendum votum, inualidum est, modò vouens cognouerit sibi incuti illum metum ad extorquendum votum: nam huiusmodi votum non est voluntarium. Quare votum professionis à scemina emissum ob metum patris graui mirantia, est nullum; & minor metus excusat sceminam quam masculum, obdebiliorem sexum. tom. 2. pag. 236. num. 5. & pag. 237. num. 8.



9. Ille non tenetur voto caſtitatis, qui metu cadente in conſtantem virum compulſus eſt ad ſacros Ordines ſuſcipiendos. Quare ſtylus Cancellariæ liberam concedit facultatem, vt is, qui per vim, aut grauem metum, aut antequam eſſet capax doli, ad ſacros Ordines promotus eſt, poſſit matrimonium contrahere: Eccleſia tamen ipſum coget, vel ad emittendum nouum continentiae votum, vel ad abſtinendum ab vſu, & exercitio ſacrorum Ordinum, vel eum priuabit priuilegio clericali; immo ſi ceſſante metu, clericus vſus eſt Ordine ſuſcepto, obligatur ad caſtitem; quia per vſum Ordinis ſacri cenſetur votum ratificaffe. *tom. 2. pag. 237. num. 9.*

10. Votum metu graui emiſſum, & iuramento confirmatum, non obligat ratione iuramenti: quia iuramentum voto additum, hanc tacitam habet conditionem, ſi liber conſenſus interueniat; quippe iuramentum ſequitur naturam actus, in quem cadit. *ibid. num. 12.*

11. Votum factum per errorem, aut dolum verſantem circa ſubſtantiam, & rem promiſſam, non obligat: quia de eſt conſenſus, cui nihil magis repugnat quam error. Non eſt item validum factum per errorem, & dolum circa cauſam finalem, & motiuam, ſi ſit votum ſimplex. Solemne autem votum profeſſionis non irritatur per huiusmodi errorem, aut dolum; ſicut nec matrimonium: qui enim ſtatim aliquem perpetuum aſſumit, cenſetur velle illum aſſumere, modo non contingat error, aut dolum circa ſubſtantialia. *tom. 2. pag. 238. n. 2. & ſeq.*

12. Ceſſante cauſa finali voti, vel iuramenti, ceſſat etiam ipſius obligatio: quia vouens non cenſetur habuiſſe intentionem obligandi ſe, ceſſante cauſa propter quam votum fuit emiſſum. Secus dicendum ſi cauſa tantum impulſiua ceſſet; ea enim ceſſante votum adhuc fuiſſet emiſſum, licet forte non ita libenter. *ibid. num. 10.*

13. Votum factum per errorem, vel dolum circa cauſam tantum impulſiuam, validum eſt: quia a deſt ſufficiens voluntarium, modo cauſa finalis ſubſiſtit. Sic qui vouit dare eleemoſynam alicui ex motiuo paupertatis; ſed libentiùs vouit, quia exiſtinabat illum eſſe vnum doctum, aut probum: poſtea autem competit illum eſſe indoctum, aut nequam; tenetur tamen votum adimplere; quia cauſa finalis voti ſubſiſtit. *tom. 1. pag. 239. numero 13. & 14.*

#### Materia voti.

14. Inualidum eſt votum de immoderatis macerationibus corporis, quæ iuri naturæ aduerſantur, vt quando coniunctæ ſunt cum periculo vite, aut graui morbi. Hoc tamen votum eſt inualidum ſolum quoad exceſſum; quoad hanc enim partem, eſt de re mala. Quoad reliquam verò macerationum partem moderatam, validum eſt votum; vt ſic enim eſt de re licita, & bona, & vtile per inut le non vitia. *tom. 2. pag. 240. num. 5.*

15. Inualidum eſt votum, quando permittitur aliquid ad conſequendum



dum malum finem, vel ad agendas gratias pro fine malo obtento, vt si quis voueat elemosynam, vt obineat, vel quia obtinuit vindictam de inimico: huiusmodi enim votum videtur blasphemiam continere, cum videatur Deum facere auctorem peccati. Quando verò vouetur opus bonum ad consequendum bonum confurgens ex aliquo malo, seu supponens actionem malam, tunc votum tenet; vt si quis voueat religionem, si ex duello incolumis discefferit, vel si ex fornicatione filium susceperit; quia incolumitas; filius, &c. non sunt quid malum, sed bonum, quamuis oriantur ex malo. *ibid. num. 7. & 8.*

16. Votum de re indifferenti non est validum, nisi res illa indifferens ad bonum aliquem finem à vouente referatur, v. g. ad vitandam peccati occasionem, vel ad honorem Dei, aut Sanctorum; modò tamen res illa sit eiusmodi, quæ conducat ad talem finem, alioquin res illa manet indifferens, neque cohonestatur ex fine, consequenter votum est irritum, verbi gratia votum non nendi die Sabbati in honorem B. Virginis, est inualidum, quia abstinencia ab hoc opere non potest ex sua natura computari inter obsequia B. Virginis; cum vouenti sit adhuc liberum aliis operibus feruilibus occupari, quæ animum ad terrena magis inclinant. Validum verò esset votum de non nendo, vt vouens possit recitare rosarium; hic enim finis est bonus, & actionem ex se indifferentem cohonestat. *rom. 2. pag. 241. num. 2. & 4.*

17. Votum rei bonæ, factum ob finem indifferentem, validum est: quia est de bono meliori, quàm sit eius oppositum, neque vllam contrahit malitiam à fine, cum finis sit indifferens. Sic votum ad obtinendum bonum aliquod temporale est validum, modò ex aliqua circumstantia non vitietur. *ibid. num. 6. & pag. 242. num. 7.*

18. Materia, quæ vouetur, debet esse in potestate vouentis: quia nullus rationabiliter alteri promittit, quod non est in sua potestate. Sic validum est votum vitandi omnia peccata, seu nunquam peccandi: quia lex naturalis diuina obligat ad omnia peccata vitanda; immò omnia peccata, sub prohibitionem Ecclesiæ cadere possunt; quidni igitur cadere possint sub legem priuatam voti. *ibid. n. 1. & 4.*

19. Inualida sunt duo vota impossibilia, simul emissa, si vouens velit ad vtrumque eodem tempore se obligare; est enim votum rei impossibile: At si diuersis temporibus emitantur, votum prius emissum est adimplendum, nisi posterior sit de re meliori; tunc enim anteponendum est primo: quia primum votum non potest maius bonum impedire. *ibid. num. 8. & pag. 243. num. eod.*

20. Votum de re partim bona, partim indifferente; partim possibili, partim impossibili; partim honesta, partim turpi validum est quoad partem bonam, possibilem, aut honestam, modò à parte indifferenti, impossibili, & turpi separari possit: hoc enim votum censetur factum per modum plurium votorum, & vtile per inutile non vitatur; nisi vouens promiserit



miserit rem possibilem, & impossibilem per modum vnius, vel vnā dependentem ab alia; tunc enim ad neutram obligatur, si alteram nequeat adimplere. *tom. 2. pag. 243. num. 1.*

21. Inualidum est votum disiunctiuum, cuius altera pars est apta materia voti, altera minimè. Quia in voto disiunctiuo obligatio cadit supra utramque partem, ita tamen vt integrum sit vouenti eligere vtram partem maluerit: cum igitur obligatio voti non cadat in materiam ineptam, in neutram cadit. *tom. 2. pag. 244. num. 1.*

22. Promissio de re aliqua contra prius votum validum, est inualida: quia est promissio de re illicita. Sic qui vouit castitatem, & postea promittit alteri matrimonium, inualidè promittit. Tamen acta ex se licita, contra prius votum, regulariter loquendo, valida sunt: quia votum non reddit vouentem inhabilem ad agendum; sic validum est matrimonium post simplex votum castitatis contractum, grauiter tamen peccatur contra votum. *ibid. num. 12. & 3.*

#### Voti obligatio.

23. Quando vouens, nullum sibi præfixit tempus adimplendi voti, tenetur illud adimplere cum primū commodè poterit, nisi iustam habeat causam differendi. Quando verò tempus præfixit, debet votum eo tempore adimplere. At qui tempore præstituto votum non soluit, si tempus non fuit assignatum ex deuotione, aut intuitu ipsius temporis, sed vt votum ultra illum terminum non differretur, tenetur adhuc elapso illo tempore, votum implere. Secus dicendum si factum est votum intuitu illius temporis, vt si quis ex deuotione in B. Virginem, promissit ieiunium die Sabbati; neque enim elapso eo die tenetur ieiunare: quia vouit dependenter à tempore: propterea circumstantia temporis, in hoc casu, non censetur extrinseca rei promissæ. *ibid. num. 1. & pag. 245. num. 4. & 6.*

24. Postquam hæres adiit hæreditatem, tenetur, salua legitima portione, soluere vota realia, quæ defunctus non persoluit: licet enim obligatio voti sit personalis; nihilominus quia votum reale cadit supra rem defuncti, quæ transit ad hæredem, ad eum etiam transit obligatio voti. Quamobrem hæres, sub pœna excommunicationis, aut priuationis hæreditatis, cogi potest ad hæc vota persoluenda; non tamen ultra vires hæreditatis. *tom. 2. pag. 247. num. 4.*

25. Hæres illius, qui professionem fecit in religione approbata, non tenetur soluere illius vota realia, nisi prius acceptata fuerint ab eo in cuius fauorem facta sunt. Quia omnia vota extinguuntur per professionem; hæres autem in onera extincta non succedit. *ibid. num. 7.*

26. Hæres tenetur votum mixtum quoad partem realem persolvere, quando votum est æqualiter reale, & personale; at si votum sit reale tantum



tum accessorie, hæres non tenetur illud soluere: quia accessorium sequitur principale. Quare si defunctus vouit se suamque tradere religioni, non tenetur hæres tradere bona religioni, quæ religio acquisiuit, si defunctus votum ingrediendi religionem impleset. *ibid. num. 10.*

27. Hæres debet ea, quæ debentur ex iustitia, præferre votis: quia, vota soluenda sunt ex bonis hæreditatis; bona autem hæreditatis dicuntur ea, quæ supersunt deducto are alieno; ergo debita ex iustitia, præferenda sunt votis, non verò vota debitis; ideo Doctores tradunt legitimam minui ob debita, non verò ob vota. Legatis autem piis præferenda sunt vota, detractis sumptibus funeris; quia magis obligant. *tom. 2. pag. 248. num. 16.*

28. Votum parentum offerentium filios religioni, est irritum, nisi filij postquam ad discretionis annos peruenerunt, illud votum ratum habuerint: quippe filij hac in parte non sunt in potestate parentum, sed sunt iuris sui in iis, quæ ad vitæ statum pertinent. Non tenentur item filij parentum vota suo nomine emissa implere, nisi emissa fuerint coram ipsis filiis, interius consentientibus, vel nisi filij ea postea ratificauerint. *ibidem, num. 18. & 19.*

29. Successores communitatis non tenentur obligatione voti facti à communitate: nam votum est actus omnino personalis. Verum tamen, est communitatem eo ipso, quod facit votum, interueniente consensu Episcopi, obligare successores ad acceptandum votum. Ideo licet successores non faciant contra votum, aut non acceptent, & consequenter non peccent contra votum, peccat tamen contra præceptum superioris, præcipientis votum obseruari. Requiritur autem Episcopi consensus, quia populus, ex se, non potest obligare successores, ad acceptandum, vel seruandum votum, cum materia voti sit res spiritualis. *ibid. num. 20.*

30. Votum personale simpliciter factum, non potest per alium adimpleri: quia materia voti personalis, est actio propria ipsius vouentis. Non negandum tamen aliquem posse vouere ieiunium, vel peregrinationem, per alium suscipiendam; sed hoc non est implere votum per alium, cum ipse vouens non promiserit ieiunare, aut peregrinari; sed curare vt alter ieiunet, aut peregrinetur. Hinc sequitur vouentem non teneri implere per alium, votum personale, si ipse factus fuerit importus ad illud implendum. *tom. 2. pag. 249. n. 1. & 2.*

31. Qui non potest per se ipsum implere votum reale quod emisit, tenetur per alium implere: quia materia huius voti non est actio vouentis, sed res, quæ potest per alium exhiberi. Hinc sequitur vouentem satisfacere voto, si curet pecuniam ab alio, suo nomine erogari. *ibid. n. 3. & 4.*

32. Violatio voti, ex suo genere, est peccatum mort. nisi inaduertentia, vel paruitas materiæ excuset, neque enim est peccatum mort. violare votum in re leui, vt si quis parum vini semel bibat, contra votum non bibendi vinum. *tom. 2. pag. 250. n. 3.*



33. Qui dubitat an votum emiserit, non peccat, illud non implendo: quia hoc est dubium iuris, in dubio autem iuris, melior est conditio possidentis suam libertatem. Quapropter qui dubitat, an vouerit castitatem, absolutam, an verò abstinentiam tantum à coniugio, tenetur ex vi voti solum abstinere à coniugio. Item qui dubitat an vouerit mille, an tantum, 50. tenetur tantum ad 50. *tom. 3. pag. 251. num. 9. & 10.*

34. Quando materia voti non solum est debita ex obligatione voti, sed ex alio etiam præcepto, violans votum, duo saltem peccata committit; vnum contra religionem voti, alterum contra virtutem, ad quam pertinet materia, quæ præcipitur. *ibid. num. 11.*

35. Votum sufficienter impletur, quando absque intentione implendi votum, sit res promissa. Sic qui vouit inuolare limina Apostolorum, satisfacit voto, etiam si illa visitet, Romam profectus negotiorum causa: implet enim rem promissam; modò vouens non vouerit etiam peregrinationem piam, seu laborem itineris. *ibid. num. 12. & 13.*

36. Ille, quem pœnitet voti, non peccat mortaliter, modò non habeat intentionem omittendi rem promissam, vel non implendi non votum: sicut enim non est peccatum mort. nolle vouere in posterum, ita neque est pecc. mort. nolle vouisse. *ibid. n. 14.*

37. Qui vouit determinatam aliquam religionem, potest aliam ingredi arctiorem, aut æquæ arctam: quia vouens potest propria auctoritate, votum commutare in aliud quod certò constet esse æquale: seclusa verò dispensatione, non potest aliam minus arctam ingredi, aut in ea viuere ante professionem; facta tamen professione, potest in ea permanere: quia per professionem religio ius acquirit in professum. *tom. 2. pagina 253. numero 3. & 4.*

38. Coniux etiam post matrimonium contractum, sed nondum consummatum, potest vouere religionem, aut castitatem, altero coniuge inuito, & votum obseruare ingrediendo religionem: iura enim concedunt duos menses post matrimonium contractum, vt coniuges deliberare possint de statu religionis capeffendo; immò transacto bimestri, possunt adhuc ingredi religionem: & in ea validè profiteri, si matrimonium nondum fuit consummatum. At consummato matrimonio non potest coniux vouere religionem, nisi iustam habeat perpetui diuortij causam: quia non potest vouere in præiudicium alterius coniugis. *tom. 2. pagina 254. num. 8.*

39. Qui vouit certam aliquam, & determinatam religionem, & ad illam non fuit admissus, liber est ab obligatione voti, modò per ipsum non stet quò minus admittatur, & modò passus sit repulsam simpliciter, & non ad tempus. Qui verò vouit religionem in genere, si ab vna excludatur, tenetur aliam adire; non tenetur tamen ad monasteria, quæ sunt extra propriam prouinciam se conferre, vt admittatur. Immo non tenetur adire singula monasteria prouinciæ; sed solum diuersa ordinum diuersorum, ex qui-



ex quibus possit sufficienter cognoscere se ad nullum admissum iri. Quo cognito potest tutâ conscientiâ in seculo manere, & matrimonium inire; cum non possit votum implere; nisi etiam vouerit castitatem, tunc enim in seculo manens, debet calibem vitam degere. *ibid. numero 10. & 13. & pag. 255. num. 18.*

40. Qui vouit simpliciter religionem, liber est ab obligatione voti, si exeat è religione ante factam professionem: hoc enim votum censetur factum iuxta dispositionem iuris concedentis annum nouitiatus, seu probationis, quo ingrediens religionem, experiri possit an status religiosus, & illud vitæ genus sibi placeat; si ergo non placeat, potest tutâ conscientiâ exire: votum enim religionis habet hanc tacitam conditionem, si facta per nouitium experientia, religio mihi placuerit. *tom. 2. pag. 255. num. 22.*

41. Qui vouit religionem, non verò professionem, liber est ab obligatione voti, si postquam ingressus est bona fide, sua culpa expellatur, consequenter vi voti non tenetur se corrigere, vt iterum admittatur; quia iam votum impleuit. Qui verò vouit professionem, tenetur se ipsum corrigere, vt iterum possit admitti; tenetur enim adhibere media necessaria ad votum implendum; & culpa propria nulli debet patrocinari. *ibid. num. 25.*

*Votum quomodo explicandum.*

42. Votum explicandum est iuxta intentionem vouentis: est enim votum lex quædam priuata. Ad hoc autem non parum conducent hæ tres regulæ. 1. vt expendantur verba, quibus emissum est votum, & iuxta communem illorum intelligentiam, votum explicetur. 2. vt votum strictè explicetur, quantum verborum proprietates patietur, sic votum non bibendi vinum v. g. non est ita strictè explicandum vt excludat ablutionem in Missâ, hoc enim esset contra communem vsum, & Ecclesiæ præceptum. 3. vt quando dubitatur de intentione vouentis, seruetur materia voti, ac si esset materia legis alicuius diuinæ, vel humanæ. *tom. 2. pag. 256. num. 1. & pag. 257. num. 10. & 21.*

*Quomodo tollatur obligatio voti.*

43. Sublatâ causâ finali, propter quam factum fuit votum, tollitur obligatio voti. Item quando superuenit notabilis mutatio, & difficultas, quæ si præuisa fuisset, vouens non vouisset, vt si materia voti facta sit illicita, aut indifferens, aut impediua maioris boni, aut impossibilis, votum desinit obligare, quamdiu illa mutatio circa materiam durat. Item si pars voti facta sit impossibilis, vel illicita, obligatio voti cessat solum, quoad illam partem, non autem quoad partem quam vouens potest adimplere. *tom. 2. pag. 258. n. 1. & pag. 259. num. 2. & 6.*

44. Sum-



44. Summus Pontif. non habet ius irritandi omnia vota laicorum, aut clericorum, sed ea tantum, quæ ipsius administrationi obesse possunt: quia licet Summus Pontif. plenissimam habeat in fideles potestatem circa spiritualia, non habet tamen potestatem dominatiuam in iis, quæ priuata sunt auctoritate. Hinc Summus Pontif. non potest irritare votum, quo quis vnit carnis suæ afflictionem, & macerationem; neque vota clericorum, iis exceptis, in quibus Clerici à Summi Pontif. arbitrio pendent, vel ratione personæ, vel materiæ. Porro Summus Pontif. potest ea religionum vota irritare, quæ ab ipsorum Prælati irritari possunt: ipse enim habet dominatiuam in omnes religiosos potestatem. *tom. 2. pagina 260. num. 2. & seq.*

45. Vota vxoris, quæ impediunt doctus, & familiæ gubernationem, aut quæ marito obesse possunt, indirectè potest ipse maritus irritare, seu suspendere, siue facta sint ante matrimonium contractum, siue post. Reliqua verò vota, vt orationis, non mentiendi, exiguæ alicuius elemosinæ, & id genus alia, non possunt à viro irritari, neque item vota, quæ vxor emisit, post mariti obitum implenda; vxor enim quo ad hoc, marito non subest. Non videtur tamen improbabilis opinio afferentium omnia vxoris vota posse à marito irritari: expedit enim hanc facultatem penes viros residere, vt leuitati mulierum temere vouentium occurratur. Excipitur ab omnibus votum continentia, communi consensu emissum, quod non potest ab vilo coniugum irritari, cum vterque cediuri suo quoad omnem actum coniugalem. *ibid. num. 10. & seq.*

46. Ea mariti vota irritari possunt ab vxore, quæ incommodum illi afferunt, & quæ eius iuri præiudicant, vt votum longæ peregrinationis, magnæ abstinentiæ, & cætera pertinentia ad mutuam cohabitationem, & ad debitum coniugale, in iis enim coniuges sunt pares, & æquali iure gaudent. Reliqua autem mariti vota irritare non potest, cum in eum non habeat dominatiuam potestatem. *tom. 2. pag. 261. n. 17.*

47. Omnia filiorum impuberum vota tam realia, quam personalia, vel iuxta possunt saltem intra ætatem impubertatis irritari à patre, vel à tutore, vel etiam à matre, quæ mortuo patre, est loco tutoris: ius enim propter æm naturam impuberum iudicium, voluit eorum votis tacitam hanc conditionem inesse, nisi pater, tutor, &c. contraxerint. Neque solum intra annos pubertatis, sed etiam post acquisitam pubertatem, vota filiorum, quæ dum essent impuberes, emisissent, à parentibus irritari possunt, modò filij facti puberes ea non ratificauerint. *ibid. n. 18. & 19.*

48. Filiorum puberum vota personalia pater irritare non potest, nisi vergant in graue præiudicium paternæ potestatis: vota autem realia puberum possunt à patre irritari; quia filius viuente patre, non potest de paternis bonis disponere, etiam si sit coniugatus. *ibid. n. 21.*

49. Filiis minoribus non competit restitutio in integrum, quando sibi videtur in votis notabiliter læsi: quia in voto non inuenitur læsio, cum in  
vili-



utilitatem animæ fiat, consequenter minoribus, non conceditur restitutio in integrum aduersus votum, quod emissum est in honorem Dei. *tom. 2. pag. 262. num. 24.*

50. Omnia religiosorum vota, si votum excipias arctioris religionis, à Prælato, seu superiore irritari possunt ipsi etiam inuitis: quia religiosus desinit esse sui iuris. Idem ius conceditur Abbatissis respectu monialium; quamuis enim careant iurisdictione spirituali; habent tamen ius præcipiendi, & moniales pendent ab ipsarum nutu. Nouitiorum tamen vota non possunt à Prælatis irritari, cum adhuc sint sui iuris; verum suspendi possunt vota ipsorum personalia, si sint impedimento probationi. *ibidem, num. 26. & 32.*

51. Potest religiosus votum emittere, aut commutare, in iis, que non repugnant regulæ, vel præcepto superioris: votum enim, per se, est opus bonum. *tom. 2. pag. 263. n. 34.*

*Voti commutatio.*

52. Quilibet potest sua vota commutare in euidenter melius, id est in id, quod, omnibus spectatis, est Deo gratius, immò in id, quod perspicuum est omnium iudicio, esse æquale: nulla quippe fit Deo iniuria. *ibid. num. 3. & pag. 264. num. 8.*

53. Non solum Summus Pontif. aut Episcopus, aut alius gaudens Episcopali iurisdictione, verum etiam ab ipsis delegati, possunt vota commutare: hic enim est vsus, & praxis Ecclesiæ. Neque solum ea possunt commutare in æquale (cum id quisque possit priuata auctoritate) sed etiam in minus, iusta causa ita exigente, cuiusmodi est difficultas in voto persoluen-do, utilitas vouentis, repugnantia parentum, vel mariti, &c. absque legitima autem causa, commutatio, vel dispensatio voti obtenta, est inualida. Porro hæc facultas commutandi vota, ad ea non extenditur: quæ Summo Pontifici reseruantur. *tom. 2. pagina 264 num. 9. & 11. & pag. 265. num. 13.*

54. Qui voluntariè, vel ex obliuione non curauit tempore iubilæi sibi commutari vota, quibus erat obstrictus, non potest elapso iubilæi tempore, illorum commutationem, vel dispensationem à simplici confessario obtinere: quia ille confessarius caret iurisdictione, cum facultas dispensandi, & commutandi alligata sit tempori quindecim dierum. Probabile tamen est prudentem confessarium, si noluit tempore iubilæi commutationem, vel dispensationem petenti concedere, vt accuratius omnia perpendat, posse, transactio iubilæi tempore eam concedere, quia tempore habili, & idoneo inchoauit causam, quod sufficit ad firmandam iurisdictionem, vt postea data opportunitate possit id, quod inchoauit absolueret; modò vouens consequutus sit iubilæum, cuius intuitu hæc facultas conceditur. *tom. 2. pag. 265. num. 14.*



55. Tempore iubilæi possunt extra Sacramentum Confessionis vota commutari; nullo enim iure præscribitur commutationem in confessione esse faciendam; neque est materia Sacramenti Pœnitentiæ. *ibidem, numero 16.*

56. Facta commutatione voti, integrum est vouenti (etiamsi commutatio sæpius facta fuerit) ad prius votum redire: quia commutatio voti fit in fauorem vouentis, qui potest cadere fauori suo. *tom. 2. pag. 166. numero 20.*

### Voti dispensatio.

57. Episcopi iure ordinario possunt dispensare in votis suorum subditorum, Summo Pontifici nõ reservatis, modò ad sit iusta dispensandi causa, & vota non sint facta in fauorem tertij, ab eoque acceptata: Idem dicendum de Prælati iurisdictionem Episcopalem habentibus. Potest autem hic actus iurisdictionis voluntariæ, extra propriam diœcesim exerceri. Item Archiepiscopi in votis Episcoporum suorum suffraganeorum dispensare possunt: cum subditis verò suffraganeorum, extra visitationem prouinciæ dispensare non possunt; quia in ipsos non habent ordinariam iurisdictionem. *tom. 2. pag. 267. num. 4. & seq.*

58. Religiosus exemptus, quando non pater aditus ad maiorem superiorem religionis, potest de licentia immediati superioris, obtinere dispensationem voti ab Episcopo loci, in iis casibus, in quibus potest cum existentibus in sua diœcesi dispensare: in hoc enim potest religiosus cedere, priuilegio exemptionis, in suum commodum, ne sit deterius conditionis quàm ceteri religiosi non exempti. *ibid. num. 10.*

59. Quinque sunt vota Summo Pontifici reservata, in quibus non potest Episcopus dispensare, nempe votum castitatis perpetuæ, religionis approbatæ, peregrinationis ad limina Apostolorum, ad S. Iacobum Compostellarum, & in Terram Sanctam. *tom. 2. pag. 268. num. 11.*

60. Potest Episcopus aliquando in voto castitatis aut religionis dispensare. 1. quando imminet graue periculum si expectetur dispensatio à Papa, aut eius Legato. 2. quando votum per metum quamuis leuem, est emissum. 3. quando votum est conditionale sub conditione de futuro, quæ nondum sit adimpleta. 4. quando votum castitatis est ad tempus, v.g. ad 4. aut 5. annos. 5. quando Episcopus potest dispensare in voto principali, cui tanquam accessorium adnexum est votum religionis, aut castitatis; nam accessorium sequitur principale, vt si quis, v.g. voueat se non lusurum, sin ludat, se ingressurum religionem, Episcopus dispensans in voto non ludendi, dispensabit etiam in voto religionis. *tom. 2. pag. 268. 269. 270. num. 15. & seq.*

61. Parochus, aut alius Sacerdos non potest absque speciali priuilegio dispensare in votis, defectu iurisdictionis fori externi. Prælati verò regula-



gularium in suorum religiosorum votis dispensare possunt; cum habeant in sibi subditos, quasi Episcopalem iurisdictionem; immò etiam in votis nouitiorum; cum ipsi gaudeant priuilegiis religionis, & Prælatorum iurisdictioni subsint. Caterùm qui facultatem habet generalem dispensandi in votis, potest etiam secum dispensare, & cum sit actus delegabilis, nihil obstat quo minus possit hanc facultatem committere alteri, qui secum dispenset. *tom. 2. pag. 271. num. 26. & seq.*

62. Superior censetur cum eo dispensare quem ad aliquem actum admittit, sciens ipsum habere impedimentum ad talem actum. Quia licet taciturnitas, per se non sit sufficiens indicium concessionis; si tamen cum aliis signis coniungatur, accipitur pro ipsa expressione consensus; admissio autem ad actum, est signum sufficiens consensus. *tom. 2. pagina 272. numero 35.*

## V S V R A.

*Quid, & quotuplex sit vsura.*

1. **V**Surā est lucrum ex mutuo immediatè proveniens, quod accipitur supra sortem. Est autem vsura alia *realis*, & *externa*, quando interuenit pactum reddendi aliquid supra sortem; alia *mentalis*, & *interna*, quando mutuans intendit lucrum ex mutuo, quamuis nullum pactum exterius intercedat. Rursus alia est *expressa*, alia *implicita*, & *virtualis*. *tom. 2. pag. 516. num. 2. & pag. 517. n. 3.*

2. Qui sperat vel intendit lucrum immediatè ex mutuo, tanquam sibi debitum ex iustitia, committit vsuram mentalem. Secus dicendum si speret aliquid supra sortem ex amicitia, vel gratitudine, seu liberalitate mutuatarij. Neque est vsurarium sperare amicitiam ex mutuo, cum amicitia non sit pretio æstimabilis; non tamen est deducenda in pactum; neque enim fas est in mutuo imponere alteri obligationem, ad quam alias non tenetur. *tom. 2. pag. 517. n. 5. & 6.*

3. Vsura prohibita est iure diuino, naturali, & Ecclesiastico. Estque definitum in Concilio Viennensi, sub Clemente V. illum censendum esse hereticum, qui vsuram licitam esse, pertinaciter asseruerit. Hinc collige Summum Pontif. non posse in vsurā dispensare, cum sit contra ius naturale, & diuinum; posse tamen ad vitanda maiora damna, vel scandala, vsuras permittere, quemadmodum fuerunt olim Hebreis permittæ, respectu alienigenarum iuxta illud Deuteron. 22. *non feneraberis fratri tuo ad vsuras, sed alieno. ibid. num. 12. & pag. 518. num. eod.*

4. Omnis pactio, seu contentio, per quam imponitur mutuuario aliquod onus, vel obligatio vi mutui, est vsuraria: hæc enim obligatio cum tollat libertatem, est pretio æstimabilis. Quare qui mutuat alteri cum pacto ut præstet munus, seu officiū à lingua, vel ab obsequio, vel à manu, vsu-



ram committit; hæc enim sunt pretio æstimabilia. Idem dicendum de eo, qui mutuat alteri cum pacto ut mutuarius sibi, quamvis digno, vel alteri conferat privilegium, officium, uel beneficium. *tom. 2. pag. § 18. numero 1. & seq.*

5. Non committis usuram si colono petenti, & uolenti tuum agrum colere, mutuò des pecuniam ad emendos boves, & alia necessaria ad agriculturam: nullam enim ei imponis obligatio nem ex contractu mutui, cum iam uellet tuum agrum conducere, & colere. Secus dicendum, si colonus non esset paratus ad tuum agrum colendum. *tom. 2. pagina § 19. numero 8.*

6. Licitum est uicissim mutuum dare, aut uicissim se obligare ad mutuandum: tunc enim contrahentes sunt pares in obligatione; mutuanti tamen non licet imponere mutuario obligationem mutuandi, siue in posterum, siue statim; hæc enim obligatio remutuandi est pretio æstimabilis. *tom. 2. pag. § 19. num. 9.*

7. Ille committit usuram qui debet, v.g. Caius centum nummos soluendos post annum, sed anticipatè soluit 50. hoc enim nihil aliud uidetur esse quam implicite mutuum cum onere ut Caius remutuet in fine anni. Quare ut licitus fiat hic contractus, dissoluendus est prior, quo debitor se obligauit ad soluendum 100. & alius de nouo ineundus, quo debitor traditis 50. obliget ad soluendos alios 50. post biennium. *ibid.*

8. Qui mutuat alteri cum pacto ut ueniat ad suum molendinum, uel apothecam, uel scholam, usuram committit; imponit enim obligationem pretio æstimabilem. *ibid. num. 10.*

9. Non committit usuram qui mutuat cum pacto ut mutuarius ineat contractum pigoris, uel hypothecæ pro asscuratione mutui; hæc enim asscuratione debita est, neque imponitur mutuario obligatio, quam mutuans exigere non possit; neque enim tenetur mutuum cum periculo amittendi mutuum. *ibid. num. 12.*

10. Usura committitur ab eo qui mutuat medico hoc pacto ut teneatur curare, & mederi, aut qui mutuat aduocato ut teneatur mutantem defendere, &c. etiam si pro huiusmodi operibus iustum constituat pretium; imponit enim mutuario obligationem, quam antea non habebat. *ibidem, num. 13.*

11. Qui mutuat cum pacto solutionis sibi faciendæ eo tempore quo res pluris ualebit, uel quo probabilius est rem pluris ualituram, usuram committit: in hoc enim casu mutuator paciscitur ut sibi aliquid tradatur supra æqualitatem rei mutuatæ; nisi forte rem suam decreuisset seruare in illud tempus, quo plus ualebit, tunc enim potest accipere augmentum ratione lucri cessantis, detractis sumptibus faciendis. *tom. 2. pag. § 20. num. 19. & 20.*

12. Contractus mutui considerandus est iuxta ualorem rerum, non uero iuxta substantiam, aut quantitatem, uel mensuram, v.g. si ego mutuos



tuos accepi decem modios tritici, quod tempore acceptionis ualebat 24. libras in singulos modios; sed tempore, quo statui restituere, decreuit ad 20. teneor restituere triticum iuxta ualorem, quem habebat tempore acceptionis, neque satisfaciam decem modios restituendo: quia non seruatur aequalitas inter datum, & acceptum. Si tamen contrahentes conuenient de eadem quantitate restituenda, facienda est restitutio secundum eandem quantitatem, habita ratione, periculi, augmenti, uel decrementi, ne contractus labem iniustitiae contineat. Quando igitur pro tritico, quod mutuo acceptum est, non restituitur triticum, sed pecunia, restituenda est iuxta aestimationem, quam triticum habebat tempore mutationis; sic seruatur aequalitas inter datum & acceptum. Secus dicendum, si in contractu mutui, initum fuit pactum restituendi tantumdem tritici, quo ad pondus, aut mensuram; tunc enim pecunia restituenda est iuxta aestimationem, quam habet triticum tempore solutionis. *ibidem, numero 21. & 23.*

13. Quando quis mutuatur alteri pecuniam, hoc pacto ut in eadem materia & forma sibi restituatur, considerandus est contractus iuxta ualorem; non uero iuxta quantitatem, aut numerum: modus enim ille, quo fuit celebratus contractus, hoc operatur, ut solutio fiat in eadem specie pecuniae, & ne mutetur metallum; non uero ne mutetur numerus, nisi initum fuerit pactum de eodem numero restituendo, ualore excluso. *ibid. num. 24.*

14. Qui mutuatur, sciens pecuniam, seu aliam rem mutuata plus ualituram tempore solutionis, quam ualeat tempore contractus, non potest obligare mutuatarium ad eundem numerum, seu mensuram; sed solum ad eum numerum, uel mensuram quae adaequet pretium rei tradita: fit enim fiet restitutio ad aequalitatem. *tom. 2. pag. 521. num. 29.*

*Quando possit aliquid accipi supra sortem.*

15. Potest mutuatur initio contractus pacisci de aliqua pecunia sibi soluenda supra sortem, ratione damni emergentis, ut se seruet inde in rem. At si in principio contractus, nullum initum fuit pactum de praestando damno emergente, mutuatarius non tenetur illud praestare, modo non fuerit in mora soluendi; nullo enim titulo tenetur. *tom. 2. pag. 521. num. 2.*

16. Ut mutuatur licite possit aliquid exigere ratione damni emergentis, haec tres conditiones requiruntur; 1. ut tempore contractus, hoc deducatur in pactum. 2. ut non deducatur in pactum aliquid supra damnum. 3. ut damnum reuera sequatur praecise causa mutui. *ibid. num. 3.*

17. Debitor, qui fuit in mora soluendi, tenetur ad restitutionem damnorum quae passus est creditor ob dilationem solutionis ultra terminum; ut si creditor compellus fuit accipere pecuniam ad usura propter usum necessarios;



farios; censetur enim debitor causa iniusta damni per dilationem. Secus dicendum videtur si creditor pecuniam accepit ad vsus otiosos, & superfluos, v. g. ad ludum. *tom. 2. pag. 522. num. 10.*

18. Mutuator potest ab initio pacisci vt mutuatarius soluat sibi lucrum cessans causa mutui: hoc enim lucrum tam est pretio æstimabile, quam damnum emergens. Vt autem hoc licite fiat tres conditiones requiruntur. 1. vt lucrum cesset ob mutuum, vt quando mutuator subtrahit pecuniam negotiationi. 2. vt lucrum non statim exigatur. 3. vt non tantum exigatur ratione lucri cessantis, quantum re ipsa futurum esset lucrum; sed quantum valet spes lucri, detractis expensis faciendis. *ibidem, numero 12. & 13.*

19. Iuste aliquid exigitur vltra sortem ratione periculi amittendi capitale, vel illud recuperandi cum expensis; hoc enim periculum est pretio æstimabile, neque tenetur mutuator illud gratis subire, etiam si forte re ipsa nullum postea damnum patiatur. Vt autem possit aliquid exigi ratione periculi capitalis, hæc tria requiruntur. 1. vt mutuator non plus exigit, quam vulgò huiusmodi periculum æstimetur. 2. vt illud periculum sit verum. 3. vt mutuator non compellat mutuatarium ad se ipsum eligendum pro aßecuratore, seu fideiussore, sed mutuatario libertatem relinquat eligendi quem velit. *tom. 2. pag. 523. num. 1. & 2.*

20. Non licet in mutuo aliquid vltra sortem exigere, ratione carentiæ pecuniæ, vel obligationis expectandi vsque ad certum tempus: sic enim omnis contractus vsurarius defendi posset; cum omne mutuum includat extrinsecè obligationem non repetendi ante certum tempus; quare sicut nihil potest accipi pro mutuo, ita neque pro obligatione non repetendi intra tale tempus. *ibid. num. 1.*

21. Mutuator potest pacisci cum mutuatario, vt nisi soluerit tempore præfixo, soluat aliquid supra sortem in pœnam moræ: quilibet enim est rei suæ moderator, & arbiter. Vt autem hæc pœna iuste apponatur, tria requiruntur. 1. vt non apponatur contra voluntatem mutuatarij ad paliandam vsuram. 2. vt mutuatarius verè sit in mora culpabili soluendi. Secus si ob impotentiam nequeat solvere, modò non factus fuerit impotens suâ culpâ; nam pœna imponitur ob culpam. 3. vt pœna sit moderata, & respondeat culpæ. Porro hæc pœna, cum sit conuentionalis, videtur soluenda ante iudicis sententiam: hæc enim est contrahentium intentio, vt violans fidem, soluat penam. *tom. 2. pag. 524. num. 1. & 4.*

22. Pactum legis commissoria in pignoribus, per se loquendo, est illicitum, & vsurarium, nisi apponatur in pœnam. Hoc autem pactum initur, quando quis accipitur pignus pro mutuo, vel pro alio debito, ea conditione vt si debitor non soluat intra certum tempus, pignus fiat creditoris, aut venditum habeatur. Tamen non committitur vsura quando apponitur pactum in mutuo, vt nisi mutuum soluat intra talem terminum, pignus vendatur iusto pretio, aut venditum habeatur, si non plus valet



valet quàm debitum : hoc enim licet mutuanti vt ſeipſum ſeruet indem-  
nem. *tom. 2. pag. 525. num. 1. & ſeq.*

23. Creditor non poteſt ſibi retinere fructus pignoris accepti ad ſe-  
curitatem crediti ; ſed deductis expenſis , tenetur eos reddere debitori ,  
aut computare in ſortem ; niſi iuſtam habeat cauſam illos retinendi : cum  
enim pignus ſit debitoris , æquum eſt vt domino fructificet. *ibidem num. 1.*  
Niſi creditor ius habeat illos retinendi ratione lucri ceſſantis , aut damni  
emergentis. *ibid.*

24. Gener non tenetur ad reſtitutionem fructuum , quos percepit ex  
fundo ſibi tradito in pignus dotis : huiusmodi enim pignus non tam datur  
ad ſecuritatem dotis , quàm ad onera matrimonij ſuſtinenda : quare ſicut  
vſus fructus dotis licite traditur marito ad onera matrimonij ſubeunda ,  
ita eidem tradi poſſunt fructus pignoris quibus fruatur , donec dos ei tradi-  
ta fuerit. *tom. 2. pag. 526. num. 1.*

25. Iuſtum eſt ſtatutum Mediolanenſe quo decernitur viduam poſſe  
dotem accipere , vel alimenta , itayt ipſi integrum ſit alterutrum accipe-  
re , abſque vlla vſuræ nota : in hoc enim caſu vidua non accipit alimenta  
ob conceſſam dilationem ſoluendæ dotis ; ſed qui decet viduam ali ab  
hæredibus mariti , ſi dotem non acceperit , ſtatuto ita permittente. *ibidem  
num. 5.*

26. Vſurarium eſt ( ſecluſo lucro ceſſante , aut damno emergente , ) an-  
ticipata ſolutione emere mortis chirographa , ſeu credita in poſterum  
exigenda , id eſt , ius , quod alter habet , vt ei aliquid in futurum ſoluatur :  
qui enim minoris emit creditum immaturum , accipit aliquid ſupra ſortem  
ex mutuo ; quippe mutuat implicite minorem pecuniæ ſummam pro ma-  
iore , vt ſi creditum exigendum , ſit mille , & quinquaginta , ipſe autem pro  
hoc credito poſt annum exigendo tradat tantum mille , ſanè emens huius-  
modi creditum accipit 50. ſupra ſortem , ex mutuo ; cum implicite mutuet  
mille , vt accipiat mille , & quinquaginta . Hinc patet regios miniſtros com-  
mittere vſuram cum aliquid accipiunt à creditoribus vt anticipatam fa-  
ciant ſolutionem. *tom. 2. pag. 527. num. 2.*

27. Creditum litigioſum , & cum difficultate exigendum , poteſt abſ-  
que labe vſuræ , ab eo qui non eſt cauſa difficultatis , minoris emi quàm  
valeat , pro ratione incertitudinis , & difficultatis : nam propter periculum ,  
minus valet . Hinc ſequitur , minoris emi poſſe ſtipendia , ſeu ſalaria debi-  
ta militibus , aut famulis nobilibus ; cum habeant adiuncta pericula , & in-  
commoda in ipſis exigendis . Ille tamen qui eſt cauſa difficultatis , non po-  
teſt debitum minoris emere , ſed peccat ſi minoris emat , teneturque ad re-  
ſtitutionem . Sic Principum quaſtores , chirographa creditorum minoris  
ementes , grauiter peccant , quando ipſi ſunt cauſa difficultatis , & malignæ  
ſolutionis. *ibid. n. 4. & ſeq.*

28. In mutuo , per ſe loquendo , non licet quinque pro centum accipere ,  
niſi , ratione lucri ceſſantis , vel damni emergentis , vel periculi , cui exponi-



tur capitale. In contractu autem trium, id est, in contractu complectente tres contractus, nempe societatis, assicurationis capitalis, & assicurationis lucris certi pro maiori incerto, licet absque usurae labe, accipere quinque pro centum: cum enim isti tres contractus sint liciti, si seorsim sumantur, quidni erunt liciti si fiant simul cum eadem personâ? Neque opus est, ut isti tres contractus explicite ineanantur sed sufficit si tacite celebrentur, ut dum quis tradit pecuniam mercatori, credens se posse quinque pro centum iuste exigere, intendensque contrahere eo modo, quo potest, ut si dicat, confero centum in societatem, ut soluas quinque, salvo capitali, eo modo, quo tuta conscientia possum. Sic excusari possunt viduæ, & pupilli, qui suas pecunias tradunt mercatoribus, cum pacto accipiendi quinque pro centum, modò habeant intentionem, tres supra memoratos contractus, saltem implicite celebrandi. At si tradant suas pecunias ei, quem sciunt non esse negotiatum, usuram palliatam committunt; cum non sit contractus Societatis, sed mutui. *tom. 2. pag. 528. num. 1. & 2.*

29. Potest quis certam pecuniæ summam testamento relinquere, cum onere ut tradatur mercatori ad societatem, cum pacto recipiendi quatuor vel quinque, quæ dentur sacerdoti in stipem, pro Missis celebrandis, modò habeat intentionem saltem implicitam celebrandi contractum trium. *ibid. num. 7.*

30. Non potest mutuatarius se obligare ad dandum aliquid supra sortem, titulo gratitudinis: quia in mutuo, gratuita remuneratio non potest deduci in pactum, alioquin mutuatario imponeretur obligatio ad quam non tenetur, *ibid. num. 8.*

*Mons pietatis usura vacat.*

31. Mons pietatis est summa pecuniæ, aut frumenti, aut alterius rei, publica autoritate deputata ad pauperum inopiam subleuandam. Ex ea autem summa datur pauperibus mutuum, accepto ab ipsis pignore ad certum tempus, ea conditione ut pauperes, qui mutuum accipiunt, aliquid solvant pro sustentatione ministrorum, qui ad id muneris sunt deputati, necnon pro aliis laboribus, & expensis necessariis ad hoc munus obeundum. Si autem contingat mutuatarios non soluere termino præfixo, pignus venditur sub hasta, ut inde satisfiat Monti, eiusque ministris, quod verò superest pignoris domino restituatur. *tom. 2. pag. 529 num. 1.*

32. In hoc Monte pietatis non est usura, sed potius pietas, & iustitia, si rite administretur: quod enim exigitur, non exigitur ob mutuum, vel ob dilatam solutionem, sed ob expensas necessarias ad montis administrationem. Nihil tamen accipi potest ad augendum montem, vel ad dominum montis locupletandum. *ibid. num. 2. & seq.*

33. Licitus est mons, quem Princeps, vel Respubl. pecuniis indigens, instituit, & cogit subditos ad dandas sibi pecunias hac lege, ut solvant quin-

que,



que, vel sex pro centum, donec illas restituat, reſeruata ſibi facultate reſtituendi ſingulis creditoribus ſortem principalem, & reſecta iſtis creditoribus libertate vendendi in, quod habent id illam annuam penſionem à Principe, vel Republ. exigendam: nihil enim eſt aliud, quam cenſus fundatus in bonis, vel redditibus annuis ipſius communitatſ, vel Principis. *ibi d: m. num. 10.*

## Vſurarius.

34. Non licet ab vſurario petere mutuum ſub vſuris, etiam ſi vſurarius paratus ſit dare ſub vſuris: quia illud eſt intrinſecè malum cum petatur aliquid quod ab alio licet fieri nequit. Excipe cā ſum extremā neceſſitatſ. Peteretamen ab vſurario mutuum abſolutè, ad ſubleuandam neceſſitatem propriam, vel alienam, ſeu ex iuſta cauſa, non videtur illicitum, quia licet petere quod alter poteſt facere ſine peccato; ſed vſurarius poteſt licetè, ſi vult, dare mutuum; ergo, &c. Quanquam ad vana, & inutilia petere mutuum non licet ab vſurario, etiam ſi alioquin eſſet paratus dare ad vſuram: hoc enim eſſet peccato illius ſaltem externo cooperari. *tom. 2. pag. 530. num. 1. & 2. & pag. 531. num. 3.*

35. Creditor vſurarij non poteſt ſoluitiōnem recipere ab eò qui vſurario aliquid debet titulo vſuræ: quia ſicut vſurarius non habet ius exigendi illud debitum, ita nec creditor vſurarij, cū illius vices gerat. *tom. 2. pag. 531. num. 4.*

36. Vſurarius non acquirit earum rerum dominium quas ſupra ſortem, ob mutuum, & vſurarium contractum accipit, ſi ea, quæ accipit, à propriis rebus diſcerni poſſint; quia nuda rei traditiō abſque iuſto titulo non ſufficit ad dominium transferendum. Hinc ſit, vt promittens vſuras, non teneatur eas ſoluere; cū vſurarius per promiſſionem ſibi factam non acquiſierit ius ad id, quod nullo titulo ſibi debetur. *ibid. n. 1.*

37. Vſurarius teneatur ad reſtitutionem fructuum quos percepit ex re aliena per vſuram accepta, niſi ſint fructus meræ indiſtriæ, quales ſunt, qui percipiuntur ex pecunia vſuraria, aut alia re vſu conſumptibili quæ recipit functionem. Ex fundo autem, aut domo per vſuram acceptis, non poteſt fructus percipere, quia res domino fructificat; vſurarius autem non eſt dominus rerum, quæ per vſuram obuenerunt. *ibid. num. 2.*

38. Qui aliquid accepit mala fide, ſeu mente vſuraria, credens illud ſibi dari tanquam preium mutui, tenetur ad reſtitutionem donec cognoscat rem ſibi gratis, & liberaliter datam fuiſſe: conſcientia enim erronea ligat quamdiu durat. Qui autem aliquid bona fide accepit, credens illud ſibi liberaliter donari, ſi comperiat ſibi datum fuiſſe tanquam pretium mutui, tenetur ad reſtitutionem: nullo enim titulo poteſt illud retinere. *tom. 2. pagina 532. num. 3. & 4.*

39. Non eſt vſurarius qui vendit alteri merces pretio rigoroſo, & illas poſtea



postea redimit pretio infimo, uel medio: sunt enim duo contractus distincti, & iusti, neque is qui uendidit, est deterioris conditionis quam alius qui illas ipsas merces eodem pretio emere potuisset. Cauendum est tamen, ne inferueniat pactum retrouendendi minori pretio: tunc enim contractus esset usurarius, & censeretur celebratus ad usuram palliandam. *ibid. num. 6.*

40. Qui bona fide celebrauit contractum usurarium, quem si cognouisset esse usurarium, alium celebrasset iustum, uerbi gratia contractum societatis quo iuste ponisset tantumdem lucrarij, nihilominus non potest retinere lucrum, quod contractu illo usurario acquisiuit, nisi contrahentes expresserint uelle se contrahere omni meliori modo, quo possunt. Quamquam uerba illa solemnia, *voluntariè, & omni meliori modo*, in omni instrumento à notariis adhiberi solita, non sufficiunt ad ualidandum contractum alias inualidum, & usurarium: hæc enim uerba uidentur apponi potius ex consuetudine, & proprio Marte notarij, quam ex mente, & intentione contrahentium. *rom. 2. pag. 533. n. 9. & 10.*

41. Qui ad contractum usurarium, uel ad exactionem usurarum effectiue concurrunt, tenentur in solidum ad restitutionem: quia ad damnum alterius efficaciter cooperantur. Qui uero concurrunt ad usuram, aguntque partes mutuatarij, non obligantur ad restitutionem: quia nihil agunt nisi uolente, & consentiente mutuuario. *ibid. numero 11. & 12.*

42. Famuli usurariorum, qui ipsis inseruiunt in celebrando contractu quem sciunt esse usurarium, item notarius conficiens instrumentum usurarium, & pallians usuram contractu mutui, aut uenditionis, tenentur ad restitutionem; quia efficaciter cooperantur ad damnum, quod mutuarius patitur ex usurario contractu. *rom. 2. pag. 534. numero 12.* Item proxenetæ querentes mutuarios, qui pecuniis indigeant, eosque adducentes ad usurarios, tenentur ad restitutionem, non minus quam consulentes. *ibid.*

43. Hæredes usurarij tenentur ad restitutionem in defectum illius: est enim obligatio realis quæ transmittitur ad hæredes. In facienda autem restitutione, præferendus est mutuarius, cuius res apud usurarium, uel eius hæredes extat. Porro hæredibus restituere nolentibus, legatarij, aut donatarij non tenentur ad restitutionem; quia ipsi non succedunt in onera testatoris; sed hæredes, modò illis relicta sint bona sufficiencia ad satisfaciendum. *ibid. num. 13. & seq.*

#### *Usurariorum poena.*

44. Usurarius notorius multis est obnoxius poenis. 1. est ut non admitatur ad Eucharistiam, donec publicè satisfecerit. 2. ut priuetur Ecclesiastica sepultura, immò contra præsumentes sepelire Ecclesiasticos manifestos lata est excommunicatio, à qua absolui non possunt, donec ad arbitrium sui Episcopi satisfecerint. 3. ut testamento usurarij manifesti nullus interfit, nisi




nisi prius præstita ab ipso satisfactione. His adde testamentum, uel codicillum, seu aliam ultimam illius uoluntatem irritam esse, nisi ante mortem restituerit, uel debitam dederit cautionem. 4. ut non admittatur ad confessionem sacramentalem, quin prius satisfecerit, uel cautionem dederit idoneam creditoribus, uel Ordinario loci, uel eius uicario, uel parrocho, uel confessario coram testibus, uel publico notario. At si usurarius instante morte id non possit, absoluendus est postquam promiserit se satisfacturum si conualescat, 5. ut sit infamis, quæ tamen infamia tollitur peracta penitentia, & facta restitutione. 6. ut non admittatur ad oblationes; possunt tamen eleemosynæ accipi ab usurario, modò inde non fiat impotens ad restituendum. *ibid. num. 1.*


45. Officiales locorum, seu communitatum, statutis compellentes ad solutionem usurarum, ligantur excommunicatione, *Clement. unica de usur.* ubi excommunicantur 1. facientes, dictantes, uel scribentes statuta de usuris soluendis, uel non restituendis cum repetuntur. 2. iudicantes, seu sententiam ferentes, ut soluantur usuræ, uel ut non restituantur. 3. iudices, seu officiales præsumentes seruare huiusmodi statuta, uel consuetudines, quæ statuti uim obtinent. *tom. 2. pag. 553. num. 12.*

F I N I S.
















*obligatus sui p[er]m[ission]e*

Biblioteka Jagiellońska



stdr0030591



